

VARDHAMĀNASŪRI'S
MAṆORAMĀKAHĀ

L. D. SERIES 93
GENERAL EDITORS
DALSUKH MALVANIA
NAGIN J. SHAH

Edited By
RUPENDRAKUMAR PAGARIYA



L. D. INSTITUTE OF INDOLOGY AHMEDABAD-9

VARDHAMĀNASŪRI'S

MAᅇORAMĀKAHĀ

L. D. SERIES 93

GENERAL EDITORS
DALSUKH MALVANJA
NAGIN J. SHAH

Edited By

RUPENDRAKUMAR PAGARIYA



L. D. INSTITUTE OF INDOLOGY AHMEDABAD-9

Printed by
Shri Ramanand Printing Press
Kankaria Road,
Ahmedabad-22,
and Published by
Nagin J. Shah
Acting Director
L. D. Institute of Indology
Ahmedabad-9

FIRST EDITION

July 1983

PRICE RUPEES 66/-

वदमाणसुरिवरइया
मणोरमाकहा

संपादक
पं. रूपेन्द्रकुमार पगारिया



प्रकाशक :
लालभाई दलपतभाई भारतीय संस्कृति विद्यामंदिर अहमदाबाद-९

P R E F A C E

The L. D. Institute of Indology has great pleasure in publishing the hitherto unpublished Prakrit story entitled *Maṅoramākahā* composed in prose and verse by Vardhamānasūri (12th Century V. S.), a disciple of Abhayadevasūri, the well known commentator of nine Jaina Āgamas. The work is very interesting as it contains nearly 80 tales, some of them being floating folk-tales. It consists of about 3000 gāthās. It is voluminous; its extent is 16000 ślokapramāṇa. The story is full of interesting situations, characters are robust and realistic, descriptions are poetic and lively, and delineation of different sentiments (*rasas*) is appealing. Moreover, the work contains rich material for linguistic and cultural studies.

Pt. Rupendrakumar Pagariya has critically edited the text of this important work on the basis of two manuscripts, one belonging to the L. D. Institute of Indology, Ahmedabad, and another to the Terapanthi Bhandāra, Sardarpur (Rajasthan). He has prepared a verse-index and tried to find out the sources of some of the verses. He has written an informative introduction in Hindi. Therein he describes the manuscripts used, summarises the story, points out the sources of the principal story and the secondary tales, and finally gives an account of the author based on the author's colophons occurring at the end of his three works, viz. *Maṅoramākahā*, *Yugādidevacarita* (Prakrit) and *Dharmaratnakaraṇḍaṭīkā* (Sanskrit). *Dharmaratnakaraṇḍaṭīkā* has already been published by Pt. Hiralal Hansraj in V. S. 1995, while *Yugādidevacarita* is not yet published. Pt. Rupendrakumar has undertaken the work of critically editing this *Yugādidevacarita* which will be published in the L. D. Series as early as possible.

Our thanks are due to Pt. Rupendrakumar for editing the present work. And we express our gratefulness to Dr. H. C. Bhayani who examined the press-copy and made valuable suggestions.

It is hoped that students and scholars of Prakrit literature will find this *Maṅoramākahā* valuable in various ways.

L. D. Institute of Indology
Ahmedabad-380 009
15th June 1983

Nagin J. Shah.
Acting Director

INTRODUCTION

The Maṅoramā-kathā (MK.) of Vardhamāna-sūri, completed in 1140 V. S. (1083-84 A. D.) at Dhandhuka in North Gujarat is an extensive didactic-narrative work in Prakrit. Its extent in traditional units is 16000 Ślokas. It is a Jain Dharmakathā, preaching various popular tenets of Jainism by means of numerous illustrative tales. The fruits of acquiring right religious faith, of practising religious vows of charity, chastity, austerity and renunciation, of observing the five major and seven minor Vratas etc.—such topics of sermon are illustrated through more than eightyseven tales, some of which are fairly extensive and contain emboxed tales. A majority of the tales are such as we frequently come across in the Jain narrative literature in general. Some of these, moreover, seem to have been devised by Vardhamāna-sūri himself following the general pattern of Jain didactic tales we find in hundreds in this type of religious-didactic works. But besides these, there is a number of tales which are highly interesting typologically as well as narratively, and having no direct religious import. They have clear signs of having been derived from folk literature, and in the case of several of them we can point out parallels and variants from old literary traditions and from currently prevalent folk-tales. We may cite some instances to illustrate the point. The emboxed tale of Śīlasundarī illustrating the merits of observing chastity (MK, pp 89-92) is known, partly or wholly, from various Indian works like the *Jātakatthakathā* (*Paramāta Jātaka*, no 416) in Pali, the *Ākhyānaka-maṅgala-kośa-vṛtti* (the *Rohiṇī-ākhyāna*) in Prakrit, the *Nandopākhyāna* in Sanskrit, various works called *Nandabatrīśī* in Old Gujarati (by Narapati, Siṅghakula, Śāmala Bhaṭṭa etc.) and *Vārtā Vairocana Moharā-rī* in Early Rajasthani. The tale is also found outside India in the Lao version of the *Pancatantra*, and in the different versions of the *Book of Sindbad* in Arabic, Hebrew, Old Spanish etc.²

The highly interesting tale of the rogue Vacanasāra (*Vacanasāra-dhūrta-kathā*, MK, pp. 258-262) is possibly the earliest known version so far of the tale-type The Rich and Poor Peasant (Aarne-Thompson Type Index no. 1535).³

The tale of the royal monk Yava (MK.p.273) is known in the Jain tradition from several works like the commentaries on the *Bṛhat-kalpa-sūtra* and the *Ākhyānaka-*

1. See Bhayani H.C. 'Śīlasundarī, Nanda-batrīśinū Ek Prācīn Prākṛt Rūpāntar' (in Gujarati), *Phāras Gujarātī Sabhā Traimāsik*, Vol. 46, July-Sept. 1981, 163-166. The texts of the various versions of the *Nandopākhyāna* have been edited and will be published at an early date.
2. See Artola G.T., *The Banner of Kāmadeva*, Bombay, 1977, 30-34.
3. For some of its versions current in India and outside see (i) Bhayani H.C., 'Śrīmaṅṅa Kheḍūtane Garīb Kheḍūt E Lo' kathā-nā Agyārmī S' atābdīmā maṅṅ Bhāratīya Rūpāntar (in Gujarātī) *Phāras Gujarātī Sabhā Traimāsik*, Vol. 45, Oct-Dec. 1980, 225-230; (2) Bhāratīya Kathā-Sāhitya (in Gujarātī), Patan, 1981, pp.7,(3) Acharya Shantibhai, 'Veyo Kathā' (in Gujarātī), *Bhāṅṅ-vimarsā* III, 1980, 143-147.

mañi kośa, from the *Byhtakathakośa* and the *Upadeśataramgiñi*. In some form it was also known to the author of *Jāt.katṭhakathā* (see *Musikajōtaka*, no 373). We find a tale with a similar motif in the *Kaḥūsaritsāgara* (The tale of Hariśarman, VI,92-128), and among the folk-tales of several regions including Gujarat. This is Aarne-Thompson Tale Type no. 1641 called Doctor Know-All.⁴

In the sub-tale The Thoughtless King and the Foolish Minister (MK, pp 62-63) we find the earliest version of a popular tale known as *Andherī Nagari no Gañḍu Rāja* in the western and northern India.⁵

Below we point out some more similar tales from MK, bearing clear marks of popular origin, and known also from other collections of narratives or from folk traditions:

The Potter Always Bothered About Others' Affairs (*Anakḥhabahulo Kumbhāro*), pp. 39-40.

The Sweet-Tongued Old Woman (*Amaya-muḥa-therī*), pp 35-41.

The Tempted Ascetic and the Imprisoned Monkey (*Punnasāra-kaḥā*), pp. 33-35.

The Fable of the Fox and the Oil-Drenched Rope (*Jambua-siñeha-sitta-nāḍaya-diṭṭhamto*), p. 43.

The Merchant's Four sons and the Riddle of the Division of the Inheritance (*Seṭṭhi-putta-vavahāra-diṭṭhamto*), pp.42-43.

Buried Money Stolen by Sham-Dead Thief (*Sāraṇa-jūayāra-kaḥā*), pp 100-101.

The Fool in Search of a Blame-bearer for his Business Loss (*Garagara-bhaṭṭa-diṭṭhamta*), pp.108-109.

The Joke of the Literal Fool and the Illustrative Tale of the Myrobalan-physician (*Haraḍaya-vejjo*) pp.-286.

The Riddle of Three Skulls, pp. 73-74.

The Tale of King Tejasār.(MK, pp 204-219) deserves a special mention. It is a full-fledged romance, full of adventures and conquest of girls. Its contents and style are quite obviously inspired by the *Vasudevahimḍī*, and the description of the lake Jalahikallola immediately reminds the reader of the lake Acchoda in Bāṇa's *Kādambarī*.

Many a tale of the MK. is notable for depicting incidents and situations in a life-like manner. This realistic trait is of course characteristic of a majority of Prakrit tales in general. In these stories of the MK., we get authentic glimpses of the middle and lower social strata of Gujarat, Rajasthan and the adjoining regions during the eleventh century, and this establishes the great value of the MK. as a socio-cultural document of that period.

4. See Bhayani H.C., 'The tale of the Royal Monk Yava' to appear shortly in the Prof. P. V. Bapat Felicitation Volume.

5. See Bhayani H.C., Sādhu Caḍāvo Śūñe' (Gaj.), *Buddhiprakāśa* 124, Jan. 1977, 31-32.

The racy, conversational style of numerous passages, marked with short sentences and vivid dialogues speak for the commendable powers of the author as a storyteller. He has handled the ornate and the simple style, the prose and the verse medium with equal felicity.

Linguistically too the MK. is quite interesting. The verb-subject-object sequence is a very obvious syntactic feature of many of its narrative passages. Of course, it is a trait shared by many earlier and later narrative prose works in Sanskrit, Prakrit and Old Gujarati. It requires to be studied periodwise, extensively and in depth. Besides this, we find a number of Deśya words in the MK., which are attested for the first time and which are valuable for New Indo-Aryan lexicology. The numerous Apabhramśa passages in the MK. offer us specimens of the Apabhramśa of Hemacandra's period. They are important metrically also, in view of the metres like Dohā, Rāsāvalaya, Śatpada, Vadanaka etc employed in them.

Pandit Rupendrakumar Pagaria deserves the thanks of all lovers of Prakrit language and literature for editing such an important narrative work. We look forward to his edition of another religious-narrative work of Vardhmāna-sūri in Prakrit, viz., the *Jugādevacariya* (SK. *Yugādidēvacarita*), which is also fairly extensive (11000 Granthāgros).

H. C. Bhayani

अनुक्रमणिका

	पृष्ठ नं.		पृष्ठ नं.
प्रस्तावना		१८. सोमश्रेष्ठी का क्षेमंकर भव	७३
१. प्रतिपरिचय	१	१९. शील पर शीलवतीकथा	८१
२. संशोधन	१	२०. चन्द्रश्रीकथा	८५
३. संक्षिप्त कथासार	४	२१. शील पर शीलमुन्दरीकथा	८९
४. प्रथम अवसर का कथासार	५	२२. तपधर्म पर साहसमल्लचोर दृष्टान्त	१००
५. द्वितीय " "	८	२३. सारणचूतकारकथा	१००
६. तृतीय " "	१०	२४. भावना धर्म पर चन्दनश्रेष्ठीकथा	१०७
७. चतुर्थ " "	११	२५. गरगरभट्ट दृष्टान्त	१०८
८. श्रीवर्द्धमानसूरि की प्राकृत साहित्य को देन	१४	२६. दुगुल्लक चुण्णुल्लक दृष्टान्त	१११
९. मनोरमाकथा का उद्गमस्थल	"	२७. महासती-सतीकथा	११६
१०. ग्रन्थकार	१६	२८. दुग्गिला कहा	११६
११. ऋण स्वीकार व आभारदर्शन	"	२९. नरसीहकुमार पूर्वभव वृत्तान्त	१२२
मनोरमा-कहा मूल	१	३०. सुगुप्तमञ्जीकथा (लोहनमोहन धूर्तकथा)	१२५
१. सम्यक्त्वबीज नामक प्रथम अवसर	१	३१. सुदर्शनाचार्य का वैराग्य कारण	१३०
१. मुद्गवाणिज्य दृष्टान्त	७	३२. विद्युत्वेगकथा	१३१
२. नरकेसरी द्वारा कापालिक की सहायता	११	३३. मलयवतीकथा	१३३
३. धनदेव कथानक	१७	३४. सुदर्शनाचार्य का सद्देवभव	१३७
४. सोमवसुकथा	२१	द्वितीय अवसर	
५. धनदेव-गुणवती पूर्वजन्म वृत्तान्त	२७	१. समुद्रदत्तकथा	१३९
६. पुण्यसार नृपकथा	३३	२. राहुमुप्तकथा	१४५
७. अमृतमुखा स्थविरा का दृष्टान्त	३५	३. शंका पर धनदेवकथा	१४७
८. कुलवती वृत्तान्त	३६	४. निष्कांक्षा पर सूरदेव दृष्टान्त	१४९
९. अनखबहुल कुम्भकारकथा	३९	५. विचिकित्सा पर सोम-सोमश्री पूर्वभव	१५२
१०. भतिसागर दृष्टान्त	४२	६. दुगंठा (जुमुप्सा) पर शुभकान्ता का उदाहरण	१५७
११. चन्दनबाला दृष्टान्त	४७	७. अमूढदृष्टि पर अहंचन्द्र श्रावककथा	१६१
१२. औषधदान पर श्रीदत्तकथा	५२	८. श्रीधर-शामला पूर्वभव	१६५
१३. वस्त्रपात्रदान पर देवदत्तश्रेष्ठीकथा	५६	९. उपबृंहण पर जिनशेखर श्रेष्ठीकथा	१६६
१४. मनोरथदत्तकथा	५९	१०. वसुसार श्रेष्ठीकथा	१६८
१५. अविचारीनृप-निर्बुद्धिअमात्यकथा	६२	११. स्थीरकरण पर आर्यआषाढ़कथा	१७०
१६. वसतीदान पर सोमश्रेष्ठीकथा	६४	१२. वात्सल्य पर पंचनन्दिकथा	१७७
१७. सरस्वती का पूर्वभव तथा हंसप्रभकथा	७०	१३. प्रवचनप्रभावना पर आर्यखपुटकथा	१८०
		१४. पुष्पपूजाफल पर श्रीदत्तकथा	१८३

१५. कुसुमशेखर नृपकथा	१८५
१६. गंधपूजा फल पर सोमब्राह्मणकथा	१८९
१७. अमरसुन्दरकथा	१९२
१८. धूपपूजा पर सोमिलब्राह्मणकथा	१९४
१९. विद्युत्शेखरकथा	१९८
२०. दीपकपूजा पर तेजसारनृपकथा	२०४
२१. कनसारश्रेष्ठी-उमापतिब्राह्मणकथा	२१६
२२. फलपूजा पर फलसारनृपकथा	२२२
२३. घृतपूजा पर धनञ्जयकथा	२३२
२४. जलपूजा पर अमरगुप्त कथा	२३६

तृतीय अवसर

१. भूरिवसू-रत्नप्रभा-चरित्र	२४४
२. प्रथमाणुव्रत पर धन-धनदेवकथा	२४९
३. माहिलकथा	२५१
४. द्वितीय अणुव्रत पर धनावह-धनचन्द्रकथा	२५२
५. स्थूल अदत्तादान पर सुचन्द्र-चन्दनकथा	२५७
६. वचनसार धूर्तकथा	२५८

७. रंडापुत्रकथा	२६२
८. स्वदारसंतोषव्रत पर कुंदमयरंदकथा	२६३
९. परिग्रहपरिमाण व्रत पर नरचंद-जिनगुप्तकथा	२६९
१०. दिशिपरिमाण व्रत पर रत्नशेखर-गंगदत्तकथा	२७७
११. उपभोगपरिभोग व्रत पर भानु-सुभानु कथा	२८३
१२. मुद्गडब्राह्मणकथा	२८५
१३. अनर्थदण्ड पर धनगुप्त-धनंजयकथा	२८९
१४. शंख श्रावककथा	२९१
१५. सामायिक व्रत पर नरदेव-दुर्गदेवकथा	२९५
१६. दिशावकाशिक व्रत पर कुरुदत्त-कुरुदेवकथा	२९८
१७. पौषधोपवास व्रत पर पुरुषदत्त-करेणुदत्तकथा	३०१
१८. अतिथिसंविभाग पर विश्वसेन-नभसेनकथा	३०५

मनोरमा-शूरसेन चरित्र

१. अठारह पापस्थान वर्णन	३२६
२. मनोरमा का पूर्वभव वर्णन	३३५
३. ग्रन्थकार प्रशस्ति	३०९

प्रस्तावना

प्रतिपरिचय :

‘मणोरमाकहा’ की कुल दो ही प्रतियां उपलब्ध हुई हैं। एक हस्तलिखित प्रति और दूसरी फोटो कोपी।

१. हस्तलिखित प्रति—ला. द. संग्रह की है और जिसका नम्बर २७ है। इस प्रति के कुल पत्र २६५ है। जिसमें २३७ वां और २६३ वां पत्र जीर्ण होने से दुबारा लिखा गया है। प्रति की लम्बाई ३१ सेंटीमीटर एवं चौड़ाई १२ सेंटीमीटर है। प्रत्येक पत्र में १७ लाइने हैं। ग्रन्थ प्रमाण १५००० श्लोक है। प्रति के अन्त में ग्रन्थकार ने अपनी प्रशस्ति दी है। ग्रन्थ लिखाने वाले की प्रशस्ति नहीं है अतः ग्रन्थ लेखन का संवत् प्रति में नहीं दिया गया है किन्तु लिपिकार की लेखनशली एवं अक्षरों के आकार प्रकार से यह ज्ञात होता है कि सोलहवीं सदी के पूर्वार्द्ध में किसी समय लिखी गई हो। अक्षर सुन्दर है ३, ४ और ८५ वें पत्र अत्यन्त जीर्ण एवं त्रुटित हैं। त्रुटित पत्र के पाठों की पूर्ति फोटो कोपी से की गई है। प्रति के बीच की डिझाइन अष्टकोण है और कहीं कहीं चतुष्कोण भी है। सम्पादन के लिए मुख्यरूप से इसी प्रति का उपयोग किया है।

२. फोटो कोपी—फोटो प्लेट २२८, यह फोटो कोपी सरदारपुर (राज.) तेरापन्धी भण्डार की हस्तलिखित प्रति की है। इसके मूल पत्र ३४१ है। साइज ३९ × २८, ५ है। लेखन काल १६ वीं सदी का उत्तरार्द्ध होना चाहिए। यह प्रति अत्यन्त अशुद्ध है। इसकी लेखन पद्धति से ज्ञात होता है कि लिपिकार ने प्रति नं. १-पर से ही इसकी प्रतिलिपि की है। मूल प्रति के अक्षर न समझने के कारण लेखक ने संकेतों भूले की हैं। मूल प्रतिकार ने जहां भूल से दुबारा पाठ लिखा है तो इसने भी दुबारा लिख दिया है। अक्षर निकालने के संकेत को न समझने के कारण लिपिकार ने रद्द पाठ को भी लिख दिया है। मूलप्रति के अशुद्ध पाठ को यथावत रखकर कहीं कहीं अपनी ओर से भी अक्षर छोड़ दिये हैं। जो अक्षर समझने में नहीं आये उन्हें लिपिकार ने अपनी समझ में जो आया उसे लिख दिया है। इस प्रति के अन्त में लिखाने वाले की या लेखक की प्रशस्ति नहीं है और न लेखन संवत् ही दिया है। सम्पादन कार्य में इसका नहींवत् ही उपयोग किया है।

संशोधन :

संशोधन के लिए ला० द० सं० की प्रति का ही प्रयोग किया है। इस प्रति में जहां जहां शब्द या अक्षर योग्य नहीं लगे वहां उस शब्द को अथवा अक्षर को मूल में रखकर () ऐसे कोष्ठक में शुद्ध प्रतीत होने वाला पाठ रखा है। जहां जहां लिपिकार की गलती से शब्द के बीच के अक्षर छूट गये हैं उनकी पूर्ति योग्य कल्पना करके [] ऐसे कोष्ठक में उन्हें रख दिया है। नष्ट पाठों के स्थान पर [. . .] इस प्रकार का रिक्त स्थान रखा गया है। रिक्त स्थानों के पाठ के लिए जहां अनुमान हो सकता है वहां [] ऐसे कोष्ठक में संभावित पाठ का निर्देश किया है। जब कि शक्ति पाठ (?) प्रश्न चिह्न युक्त कोष्ठक में रखा है। जो पाठ लिपिकार के दोष से अशुद्ध ही प्रतीत हुए हैं उन अशुद्ध पाठ के स्थान पर शुद्ध पाठ ही दिये गये हैं।

इसके अतिरिक्त व-व, च-च, स्थ-च्छ, च्छ-स्थ, प-ए, ए-प, इ-इ, इ-इ, इ-इ, इ-इ, उ-ओ, ओ-उ, य-इ, इ-य अक्षरों के बीच के भेद को न समझने के कारण लिपिक ने एक अक्षर के स्थान पर दूसरा अक्षर लिख दिया है।

क, ण, म्, ट्, च्छ, त्य जैसे संयुक्त अक्षरों के स्थान पर ख, ण, म, ठ, छ, थ भी कई स्थान पर लिखे हुए उपलब्ध होते हैं। निरर्थक अनुस्वार भी कई जगह मिलते हैं और कई जगह अनुस्वार लिखना ही भूल गया है। धम्म, कम्म, तम्म आदि की जगह धंम, कंम, तंमि आदि कई जगह लिखा हुआ मिलता है। य श्रुति एवं न ण के विषय में प्रति में एकवाक्यता नहीं मिलती। कहीं कहीं य के स्थान पर इ और इ के स्थान पर य भी मिलता है। जैसे राइणा के स्थान पर रायणा, कइवय के स्थान पर कयवय। इस प्रकार व के स्थान पर व का प्रयोग भी सर्वत्र मिलता है। कहीं कहीं एक ही अक्षर या शब्द दुबारा भी लिपिकार ने लिख दिया और कहीं कहीं सरीखे अक्षर दो-बार आते हैं तो लिपिकार उन्हें लिखना ही भूल गया है। पडिमात्रा को समझने में भी लिपिक ने भूल की है। पाठकों की जानकारी के लिए कुछ नमूने ये हैं—

अशुद्ध	शुद्ध	अशुद्ध	शुद्ध
अणया	अणया	जोगिगएण	जोगिएण
पिसिओ	पेसिओ	जण्णो	जणइणो
पडिबवज्जिऊण	पडिबज्जिऊण	वयविसिरिसं	वयविसेसं
मम	ममं	पर्यम्मि	पइम्मि
वेणुया	धेणुया	पयत्था	पवट्टा
निप्फणं	निप्फण्ण	नबिडिउ	निबडिओ
देसो	दोसो	भयणि	भइणि
विहप्फई	विहप्फई	जावत्त	जा[ण]वत्त
पुरिस्सा	पुरिसा	ना एस	न एस
अण्णाए	अणाए	होइव्वं	होयव्वं
पुरिस	पुरिसा	पोरास पुराओ	पोयणपुराओ
धम्मामंय	धम्मामय	सुलोणेप	सुलोयणेण
जंण	जण्ण	अहे	अह
संचिउ	संचिओ	निट्टइ	निट्टाइ
अमरी वि वरवत्तो	अरी वि वरमिसो	जोगया	जोगया
अव्वब्भुय	अव्वब्भुय	विवसाय	ववसाय
फलीइं	फलाई	परि	पसि
धम्मत्थिणा	धम्मत्थिणा	मिहवासो	गिहवासो
सोगइ	सोगमइ	परकव्व	परकज्ज
सोऊणं	सोऊण	भणि	भणि[यं]
सव्वणुणो	सव्वणुणो	सुहाणुभावो	महाणुभावो
परपुप्फेहिं	वरपुप्फेहिं	विसावडिउ	विसमावडिओ
सक्खाणयं	अक्खाणयं	कइवि	कइवय
वट्टमाणण्णं	वट्टमाणार्णं	पडएण	पडहेण
दिसिं सो दिसिं	दिसोदिसिं	वट्ठाणय	वट्ठावणय
माया वि वग्धी	माया वि वग्धी	स सुंदरो	तोससुंदर
सज्जाणो	सज्जाणो	सिज्जामाणेण	सिज्जामाणेण
लच्छ वि	लच्छी वि	सामाग्गी	सामग्गी

(दो)

अशुद्धं

सामण्णुं
पुच्छिम
वयाणेण
लोहाविरियस्स
संजामिय
करिसो
विजा
तरुण्यस्स
संपरिवुड्ड
रोयणा
निक्वारण
मरणज्झवसाणामाओ
गण्हेसु
कउवय
कहम्म
पवत्तिणी
सुणमो
रिहिरा
जुयइकरेहितो
बाहल्ला
अंपरितायहगमद्मद्दओ
कइविइ
जइ ज्ज न इ तो
भवभीओ
वराडाइहि
ववेहेरिउं
चोयालीसं
कयाविया दससामग्गी
वंद्धा
आसीदाण पुरस्सरं
निव्वणंजओ
निट्टो
विवग्ग संपायण
अअसयनाणी
धणंजाण
कयं

शुद्धं

सामण्णं
पच्छिम
वयणेण
लेहायरियस्स
संजणिय
केरिसो
विज्जा
तारुण्यस्स
संपरिवुड्डेण
राइणा
निक्का रण
मरणज्झवसाणाओ
गिण्हेसु
कइवय
कहेमो
पवत्तिणी
सुणामो
रेहिरा
जूयकरेहितो
बाहल्ल
अंगपरिचारांगमद्दओ
कइवय
जइ अज्ज न देइ तो
भयभीओ
वराडियाहि
ववहरिउं
बायालिसं
कराविया देसगमणसामग्गी
बद्धा
आसीसादाण-पुरस्सरं
धणंजओ
दिट्टो
तिवग्गसंपायण
अइसयनाणी
धणंजाएण
कयं

अशुद्धे

सत्थाह
पुत्ता
भर
सओ
पडिनिउत्तो
विजसेणो
बंधोइ
यण्ण
सिद्धिवरु
दवण
पिरियं
हेऊण
इयराणि पुण
अणज्ज
अविस्सइ
वोच्छय
हियक्काइसका
उत्तमप्पिर
समागहय
विसत्त
सुमूह
पहोल्लिर
सुट्ट
तमुं
झयहण्णत्तणं
वियाणिजयण
वइरं
सुपुण्णो
मासाणे
वविहरइ
महमल्लग
उवविऊण
मुज्झयं
कारुणे
निज्जुण

शुद्धे

सत्थवाह
पत्ता
भार
सुओ
पडिनियत्तो
विजयसेणो
बंधाइ
पुण्ण
सिद्धिवहू
दविण
परियय
होऊण
इयराणं पुणो
अणज्ज
सेअं भविस्सइ
विच्छेय
हियय सक्काइ सक्कार
उत्तप्पमप्पिअ
समाहय
विसयासत्त
सुरसमूह
पहरिल्लर
सुट्ट
तुमं
अहण्णत्तणं
विय, णिऊण
वइयरं
सुजाणो
मासावसाणे
ववहरइ
महल्लगड्डा
उवचिऊण
मट्ठियं
कारुण्ण
निरगुण

(तीन)

साथ ही मणोरमा कहा की अनेक गाथाएँ पूर्ववर्ती तथा उत्तरवर्ती निम्न ग्रन्थों में भी मिली है। वे ग्रन्थ ये हैं—

१. बृहदकल्पभाष्य	१०. प्रवचनसारोद्धार
२. चउप्यण्णमहापुरिसचरियं	११. आचारांग निर्युक्ति
३. वज्जालम्भ	१२. समराइच्चकहा
४. गाहाख्यणकोस	१३. संवेगरंगशाला
५. गाथासप्तशती	१४. संबोधसप्ततिका
६. उत्तराध्ययन	१५. श्राद्धदिनकृत्य
७. उत्तराध्ययन निर्युक्ति	१६. धर्मरत्नकरंडटीका
८. आख्यानकर्मणिक्कोश	१७. आदिनाथ चरित्र
९. उपदेशमाला	

मणोरमा कहा की जो जो गाथाएँ उपरोक्त ग्रन्थों में मिली है। इन्हीं ग्रन्थों की सहायता से उन गाथाओं के अशुद्ध पाठों की शुद्धि एवं त्रुटित पाठों की पूर्ति की है। धर्मरत्नकरंड टीका आचार्य वर्द्धमानसूरि की ही रचना है। इस टीका में अमृतमुखा स्थविरा का वृत्तान्त आता है। मणोरमा कहा में जो अमयमुहा (पृ. १६२-) स्थविरा का दृष्टान्त आता है उसी की अक्षरशः संस्कृत छाया है। इस दृष्टान्त में आने वाली प्राप्त एवं अपभ्रंश गाथाओं को आचार्य ने ज्यों की त्यों रख दिया है। हमने इस दृष्टान्त के अशुद्ध पाठों की शुद्धि एवं त्रुटित पाठों की पूर्ति इसी टीका के आधार से की है। साथ ही मणोरमा कहा के कतिपय वर्णन वर्द्धमानसूरिकृत आदिनाथ चरित्र में भी मिले हैं। इन पाठों से मणोरमा चरित्र के पाठों को शुद्ध करने में बड़ी सहायता मिली है। मणोरमा के त्रुटित पाठों की पूर्ति को [] ऐसे कोष्ठक में रख दिया है। उत्तरवर्ती संबोधसप्ततिका की टीका में पुरुष-दत्त-करेणुदत्त की कथा आती है। यह कथा मणोरमा कहा में अक्षरशः मिलती है। मणोरमा कहा की इस कथा के अशुद्ध पाठों की शुद्धि संबोधसप्ततिका टीका से की है।

इस प्रकार मणोरमा कहा की एक प्रति होने से अन्यान्य ग्रन्थों की सहायता से जहाँ तक हो सके पाठ को शुद्ध करने का प्रयास किया है। अन्यान्य ग्रन्थों के उद्धरणों का मिलान करते समय जहाँ मणोरमाकहा के पाठ से अलग पाठ पड़ता हो उन पाठों को पाद टिप्पण में दिया है।

ग्रन्थसम्पादन में हमने निम्न बातों को ध्यान में रखा है—

- परसवर्ण के स्थान पर अनुस्वार का प्रयोग किया है।
- सामासिक शब्दों को—चिह्न से अलग कर दिया है।
- गाथाओं के नम्बर अवसर के अनुसार दिये हैं।

संक्षिप्त कथासार :

कथा के प्रारंभ में कवि मंगल में चौबीस तीर्थंकर, पंचपरमेष्ठी तथा गौतमादि गणधर एवं जिनवाणी रूप सरस्वती की स्तुति करते हैं। उसके बाद सज्जन दुर्जन का विश्लेषण करते हुए ग्रन्थकार सज्जन की प्रशंसा और दुर्जन की निंदा करते हैं। अन्त में दुर्जन की उपेक्षा कर ग्रन्थ का प्रारम्भ करते हैं।

मणोरमा कहा में मनोरमा के चार भवों का वर्णन करते हैं। ये चार भव चार अवसर के रूप में विभक्त है। प्रथम अवसर में नरसीह और रंभावली के भव का वर्णन करते हैं जिसमें दोनों को सम्यक्त्व बीज की प्राप्ति हुई। द्वितीय अवसर में समुद्रदत्त और तारावली के भव का वर्णन है। इस भव में दोनों सम्यक्त्व को धारण करते

(चार)

हैं। तृतीय अवसर में भूरिवसू एवं रत्नप्रभा के भव का वर्णन है। इस भव में दोनों श्रावक के व्रतों को धारण करते हैं। चौथा अवसर शूरसेन और मणोरमा का है जिसमें दोनों प्रव्रजित हो निर्वाण प्राप्त करते हैं।

प्रथम अवसर नरसीह और रंभावली की कथा :

जम्बूद्वीप के भरत क्षेत्र में रत्नपुर नाम का नगर था। वहाँ नरकेसरी नाम का राजा राज्य करता था। उसकी रानी का नाम प्रियंगुमंजरी था। सन्तान के अभाव में प्रियंगुमंजरी सदा चिन्तित रहती थी। उसने सन्तान प्राप्ति के लिए अनेक देवदेवियों की मनौती की, किन्तु दुर्भाग्यवश सन्तान प्राप्ति के सब प्रयत्न विफल हुए। राजा रानी के इस दुःख में समभागी बन उसे आश्वासन देता है।

एक दिन राजा ने अघोरघंट नामक तांत्रिक की उत्तरसाधक के रूप में सहायता की। तांत्रिक राजा की सहायता से अपने मंत्र की साधना में सफल हुआ। राजा के पराक्रम से प्रसन्न होकर श्रीशेखर नामक वेताल ने राजा को एक कीमती रत्नावली नामक हार दिया और बोला कि यह हार जो धारण करेगा उसकी इच्छा अवश्य पूरी होगी। राजा हार को लेकर रानी के पास गया और बड़े प्रेम से उसके गले में उसे पहनाया। हार के प्रताप से रानी ने उसी रात्रि में सिंह को मुख में प्रवेश करते हुए स्वप्न में देखा। प्रातः स्वप्न का हाल पति को सुनाया। स्वप्न सुनकर राजा रानी से बोला—'प्रिये! तुम सिंह जैसे महान् पराक्रमी पुत्र को थोड़े समय में ही जन्म दोगी।' रानी गर्भवती हुई। नौ महिने पूर्णकर रानी ने सुन्दर एवं तेजस्वी पुत्र को जन्म दिया। पुत्र का जन्मोत्सव बड़े उत्साह के साथ मनाया गया। स्वप्न के अनुसार बालक का नाम नरसीह कुमार रखा। बालक जब आठ वर्ष का हुआ तो उसे कला सीखने के लिए कलाचार्य के पास भेज दिया। अल्प समय में ही नरसीह कुमार ने समस्त कलाओं में कुशलता प्राप्त कर ली। नरसीह कुमार ने युवावस्था में प्रवेश किया।

एक दिन नरसीह कुमार वसन्तमास में अपने समवयस्क मित्रों के साथ उद्यान की शोभा को देखने के लिए प्रकृतिरम्य उद्यान में गया। वहाँ मित्रों के साथ विविध क्रीड़ाओं को करता हुआ एक लतामंडप में गया। वहाँ कमलशय्या पर सोए हुए एवं प्रियतमा के विरह में अद्विगत आंसू बहाते हुए धनदेव नामक वणिक पुत्र को देखा। नरसीह कुमार ने बड़ी सहानुभूति के साथ उसे रुदन का कारण पूछा। राजकुमार के सौहार्दपूर्ण व्यवहार से प्रभावित वणिक पुत्र ने अपनी प्रियतमा के वियोग की कहानी सुनाई। उसकी आपबीती सुनकर कटुमुख नामक मित्र उसकी हंसी उड़ाने लगा। राजकुमार को मित्र की यह उद्वेगिता अच्छी नहीं लगी। उसने उसे उपालम्भ देते हुए कहा—दुःखी व्यक्ति को मधुर शब्दों से आश्वासन करने की बजाय उसकी हंसी उड़ाकर उसके दुःख में वृद्धि करना सज्जन व्यक्ति का कार्य नहीं है। उसने इस बात पर अमृतमुखा और कटुभाषिणी वृद्धा का उदाहरण सुनाया। इसी प्रसंग को लेकर एक मधुरभाषी मित्र ने पुण्यसार नृप एवं मतिसार मंत्री की कहानी सुनाई। यह बार्तालाप चल ही रहा था कि इतने में अमरतेज नाम के आचार्य अपने शिष्य परिवार के साथ उसी उद्यान में ठहरे। नरसीह कुमार धनदेव वणिक और अपने मित्रों के साथ आचार्य के दर्शन के लिए गया। आचार्य ने महती सभा के बीच नरसीह कुमार को धर्मोपदेश दिया। धर्मोपदेश में मनुष्य जन्म की दुर्लभता बताते हुए दान-शील-तप और भावना रूप धर्म की व्याख्या कर प्रत्येक धर्म पर अलग-अलग कथा कह कर आचार्य ने धर्म का हार्दिक समझाया।

प्रवचन समाप्ति के बाद नरसीह कुमार ने धनदेव की पत्नी गुणवती के वियोग का कारण पूछा। आचार्य ने ज्ञान बल से गुणवती का सारा वृत्तान्त सुनाया। गुणवती का वृत्तान्त सुनकर धनदेव को वैराग्य उत्पन्न हुआ। गृहवास छोड़कर धनदेव आचार्य के पास दीक्षित हो गया। नरसीह कुमार ने सम्यक्त्व को धारण किया। आचार्य ने अन्यत्र विहार कर दिया।

(पाँच)

एक दिन नरकेसरी राजा सिंहासन पर राजसभा में बैठा हुआ था। इतने में विद्रोही सामन्त चण्डसेन के यहां से एक दूत आया और विनयपूर्वक राजा से निवेदन किया। महाराज! चंडसेन नामक सामन्त ने अपने पराक्रम के गर्व से आपके अनुशासन को मानने से इनकार कर दिया है। यह सुनते ही राजा चण्डसेन पर अत्यन्त क्रुद्ध हुआ और उसने उस पर आक्रमण करने के लिये सेना को तैयार रहने की आज्ञा दी। उसी अवसर पर नरसीह कुमार पिता के चरणवन्दन के लिए राजसभा में पहुँचा। उसने पिता के मुख से चण्डसेन के विद्रोही होने की बात सुनी। बड़ी कठिनाई से पिता की आज्ञा प्राप्त कर नरसीह कुमार कुछ चुनिंदे सिपाहियों के साथ चण्डसेन का दमन करने के लिए चल पड़ा। वहाँ पहुँचकर नरसीह कुमार ने चण्डसेन के साथ भयंकर युद्ध किया। अन्त में चण्डसेन युद्ध में हार गया और कुमार ने उसे बन्दी बना लिया। शरणागति के स्वीकार करने पर कुमार ने चण्डसेन को सम्मान पूर्वक मुक्त कर दिया।

एक दिन नरसीह कुमार चण्डसेन के साथ उद्यान में बैठा हुआ गपशप लगा रहा था उस समय भ्रांडारिक आकर चण्डसेन से बोला—“स्वामी! आपने जिस बहुमूल्य मुद्रारत्न को कुमार के लिए मंगवाया था उसे मैं ले आया हूँ। चण्डसेन ने मुद्रारत्न कुमार को दिया। कुमार ने उस प्रकाशमय मुद्रारत्न को अपनी अंगुली में पहना। मुद्रारत्न को जब ध्यान से देखा तो उस पर तारापीड यह नाम अंकित था। यह नाम उसे परिचित सा लगा। अधिक विचार करने पर उसे जातिस्मरण हो आया। पूर्वजन्म की स्मृति से उसने यह जाना कि तारापीड तो मैं ही था।

नरसीह कुमार ने भ्रांडारिक से पूछा—यह मुद्रारत्न तुम्हें कहां से मिला? उसने कहा—तारापुर के राजा ताराहार से मिला है। अब उसे पूरा निश्चय हो गया कि ताराहार तो मेरे पूर्वजन्म के पुत्र का नाम है। नरसीह कुमार ने चण्डसेन को अपने पूर्वजन्म का वृत्तान्त सुनाते हुए कहा कि यह मुद्रारत्न मेरा ही है। मुद्रारत्न नरसीह कुमार का ही है यह जानकर चण्डसेन बड़ा प्रसन्न हुआ।

एक दिन नरसीह कुमार ने अपने पास का रत्नावली हार चण्डसेन को दिया। चण्डसेन ने उस हार को अपनी प्रियपुत्री रंभावली को दिया। हार को देखते ही रंभावली को पूर्वजन्म का स्मरण हो आया और वह मूर्च्छित हो कर जमीन पर गिर पड़ी। शीतल जल के उपचार से उसकी मूर्छा दूर हुई। सचेत होने के बाद चण्डसेन ने रंभावली से पूछा—पुत्री! रत्नावली हार को देखते ही तुम मूर्च्छित क्यों हुई? उत्तर में रंभावली ने अपने पूर्वजन्म का वृत्तान्त सुनाते हुए कहा—“पिताजी! मैं पूर्वजन्म में तारापुर नगर के स्वामी तारापीड की ताराप्रभा नाम की रानी थी। राज की दूसरी रानी का नाम तारावली था। हम दोनों पर राजा का समान प्रेम था। एक दिन मैं राजा के शयनकक्ष में जाती और दूसरे दिन तारावली। इस प्रकार हम दोनों का सुखपूर्वक समय बीतने लगा।

एक दिन उद्यान में घूमते हुए राजा को एक व्यंतरी ने देखा। व्यंतरी राजा पर मुग्ध हो गई। अब वह हम दोनों का बारी-बारी से रूप बनाकर रात्रि में राजा के पास जाने लगी। एक दिन मैं राजा के शयनकक्ष में गई तो वहाँ तारावली को राजा के साथ शयन करते हुए देखा। दूसरे दिन जब तारावली राजा के पास पहुँची तो उसने मुझे राजा के साथ देखा। इस घटना से हम दोनों एक दूसरी को शंका की दृष्टि से देखने लगी। इस बात को लेकर हम दोनों के बीच झगड़ा होने लगा।

एक दिन मैंने अवसर देखकर राजा से कहा—आप आजकल मेरी ओर बिलकुल उपेक्षित हो गये हैं। तारावली को ही सब कुछ मान रहे हो। दूसरे दिन तारावली ने भी यही कहा। हम दोनों की बात सुनकर राजा विचार में पड़ गया। और मन में सोचने लगा—मैं तो दोनों की प्रति समान व्यवहार रखता हूँ फिर भी ये दोनों ऐसी बातें क्यों करती हैं?

एक दिन व्यंतरी किसी कार्यवश बाहर चली गई और रात में देरी से लौट आई तो उसने तारावली को राजा के पास सोई हुई देखा। व्यंतरी बड़ी क्रुद्ध हुई। दूसरे दिन सर्प के रूप में आकर उसने तारावली को डंस

(छह)

लिया। तारावली की तत्काल मृत्यु हो गई। इस घटना से राजा को लगा कि मैंने ही तारावली को जहर देकर मार डाला है। राजा ने मेरा बहिष्कार कर दिया। मैं अपने पिता के घर श्रीपुर चली गई।

इधर एक दिन व्यंतरी मेरा रूप बनाकर राजा के पास पहुँची। राजा ने व्यंतरी को मेरे रूप में देखकर कहा—दुष्टे! तू फिर चली आई! मैं तो तेरा मुख भी नहीं देखना चाहता यह कह कर राजा ने व्यंतरी को निकाल दिया। व्यंतरी ने कुछ क्षण बाद सुन्दर स्त्री का रूप बनाया और वह राजा के पास पहुँची। राजा यह देखकर आश्चर्य चकित हो गया उसने पूछा—देवी! तुम कौन हो? आधी रात के समय यहाँ कैसे चली आई? व्यंतरी ने कहा—राजन्! मैं उद्यान देवता हूँ और तुम पर मुग्ध हूँ। मैं ही कभी तारावली के रूप में तो कभी ताराप्रभा के रूप में आपके पास आती थी। यह सुनते ही राजा व्यंतरी पर बड़ा क्रोध हुआ और म्यान से तलवार निकाल कर उसे मारने के लिए दौड़ा। व्यंतरी तत्काल वहाँ से भाग गई। राजा को मेरी निर्दोषता का पता लगा। राजा ने बड़े सम्मानपूर्वक मुझे पुनः राजमहल में बुलाया। मैं राजा के साथ सुखपूर्वक रहने लगी। कुछ दिन के बाद मुझे तारहार नामक पुत्र हुआ। इसी खुशाली में राजा ने मुझे यह रत्नावली हार दिया था। पुत्र को राज्य देकर हम दोनों ने तापसी दीक्षा ग्रहण की। राजा की कुछ समय के बाद मृत्यु हो गई। आगामी भव में पुनः मुझे यही पति मिले ऐसा निदान कर मैंने अग्नि में प्रवेष्ट किया। वहाँ से मरकर मैंने आपके घर पुत्री के रूप में जन्म लिया। नरसीह कुमार मेरा पूर्वजन्म का पति है। पुत्री के मुख से पूर्वजन्म का वृत्तान्त सुनकर राजा चण्डसेन नरसीह कुमार के पास पहुँचा। उसने रंभावली के पूर्वजन्म की बात सुनाई। रंभावली मेरे पूर्वभव की पत्नी है यह जानकर नरसीह कुमार बड़ा प्रसन्न हुआ। दोनों एक दूसरे से मिले। दोनों के बीच खूब स्नेहभाव बढ़ा। दोनों को एक दूसरे में अनुरक्त देखकर चण्डसेन ने रंभावली के विवाह का प्रस्ताव कुमार के सामने रखा। कुमार ने प्रत्युत्तर में कहा—पिता की आज्ञा मिलने पर ही मैं रंभावली के साथ विवाह कर सकता हूँ।

कुछ दिन के बाद नरसीह कुमार ने रंभावली और चण्डसेन के साथ स्वनगर के लिए प्रस्थान कर दिया। चलते-चलते मार्ग में करियारकोस नाम का नगर आया। कुमार ने नगर के बाहर अपना पड़ाव डाला। वहाँ वध के लिए ले जाते हुए योगसार नामक परिव्राजक को उसने देखा। कुमार को परिव्राजक पर बड़ी दया आई। राज के पास पहुँचकर कुमार ने परिव्राजक को मुक्त कर दिया। परिव्राजक ने प्रत्युपकार में सिद्धगारुड़ी मंत्र और अदृश्य अंजन दिया।

उसी नगर में एक बड़ा ठग रहता था उसने लोहे का सोना बनाने की नकली रसतुंबिका चण्डसेन को देकर लाख स्वर्ण मुद्रा उससे ठग ली। यह बात चण्डसेन ने कुमार से कही। कुमार ने चण्डसेन को ऐसी लोभवृत्ति के लिए उपालम्भ दिया और लोभ के दुष्परिणाम पर सुगुप्त मंत्री का दृष्टान्त कहा। फिर अदृश्य अंजन की सहायता से असली धूर्त का पता लगाकर चण्डसेन को लाख स्वर्ण मुद्रा दिलवाई। वहाँ से नरसीह कुमार पुरिमताल नामक नगर में पहुँचा। वहाँ नीलकण्ठ नाम का राजा राज्य करता था। उसकी नीलसुन्दरी नाम की राजकुमारी सर्पदंश से मूर्च्छित पड़ी थी। राजा ने राजकुमारी को बचाने के सैकड़ों प्रयत्न किए। सब प्रयत्न निष्फल गये। नरसीह कुमार को जब इस बात का पता लगा तो वह राजमहल पहुँचा और सिद्धगारुड़ी मंत्र की सहायता से राजकुमारी को जहर से मुक्त कर दिया। नीलकण्ठ राजा कुमार के इस परोपकारी कृत्य से बड़ा प्रसन्न हुआ। उसने नीलसुन्दरी से विवाह करने का कुमार से आग्रह किया। कुमार ने पिता की अनुज्ञा मिलने पर विवाह की स्वीकृति दी। कुमार ने नीलसुन्दरी को साथ ले वहाँ से प्रस्थान कर दिया। कुमार अपने नगर पहुँचा। नरकेसरी राजा ने बड़े उत्सवपूर्वक नरसीह कुमार का नगर प्रवेश करवाया। राजा और नगरजनों ने कुमार की भूरि-भूरि प्रशंसा की।

नरकेसरी राजा ने रंभावली और नीलसुन्दरी के साथ नरसीह कुमार का विवाह कर दिया। रंभावली ने नरवीर नामक पुत्र को जन्म दिया। पौत्र प्राप्ति के बाद नरकेसरी राजा नरसीह कुमार को राजगद्दी पर

(सप्त)

अभिषिक्त कर वनवासी हो गया। नरसीह कुमार ने अपनी वीरता से अनेक राजाओं को वश कर लिया और राज्य की वृद्धि की। नरसीह राजा सुख पूर्वक राज्य का संचालन करने लगा।

एक बार सुदर्शन नाम के आचार्य अपने विशाल शिष्य परिवार के साथ नगर के बाहर उद्यान में पधारे। नरसीह राजा रम्भावली के साथ आचार्य के दर्शन के लिए गया। आचार्य ने सम्यक्त्व का स्वरूप समझाया। प्रवचन के बाद राजा ने आचार्य को वैराग्य का कारण पूछा। आचार्य ने अपने वैराग्य का कारण बताया। आचार्य से वैराग्य का कारण सुनकर राजा को धर्म के प्रति विशेष श्रद्धा उत्पन्न हुई। उसने रम्भावली के साथ सम्यक्त्व धारण किया। सम्यक्त्व का परिपालन करता हुआ राजा मरा और सौधर्मदेवलोक में तीन पत्योपम आयुष्यवाला चंद्रावतंसक नामक विमान में सुरप्रभ नामक देव बना।

पति की मृत्यु से रम्भावली बड़ी दुःखी हुई। वह पति के साथ सती हुई और मरकर सुरप्रभ देव की अग्रमहिषी बनी।

द्वितीय अवसर—समुद्रदत्त और तारावली की कथा :

भारतवर्ष में काशी जनपद में जयमंडना नामकी रमणीय नगरी थी। वहाँ जयपाल नामका राजा राज्य करता था। उसी नगरी में सागरदत्त नाम का धनाढ्य श्रेष्ठी रहता था। उसकी अशोकश्री नामकी पत्नी थी। पुत्र के अभाव में वह सदा व्याकुल रहती थी।

एक दिन उसने समुद्रदेवता से पुत्र के लिए प्रार्थना की कि यदि मुझे पुत्र होगा तो उसका नाम समुद्रदत्त रखूंगी। ऐसी प्रार्थना कर वह रात में सोई। उसी रात्रि में उसे समुद्र का स्वप्न आया। प्रातः अपने पति से उसने समुद्र का स्वप्न कहा। प्रत्युत्तर में पति ने कहा—तुम्हें समुद्र जैसा गम्भीर पुत्र होगा।

इधर नरसीह राजा का जीव देवलोक से च्युत होकर अशोकश्री के उदर में अवतरित हुआ। अशोकश्री गर्भवती हुई।

एक दिन सागरदत्त श्रेष्ठी को समुद्रयात्रा का विचार आया। सागरदत्त श्रेष्ठी के दूसल-दुर्मुख नाम के दो दासीपुत्र थे। सेठ उन्हें अपने सगे पुत्र जैसा मानता था। उन दासी पुत्रों को एक दिन सेठ राजा के पास ले गया और बोला—ये दोनों मेरे पुत्र जैसे हैं इन्हें मैं अपने सगे पुत्र जितना हक्क देता हूँ। राजा ने सेठ की बात स्वीकार कर ली। घर आकर दूसल-दुर्मुख से बोला—यदि अशोकश्री को पुत्र होगा तो उसे मेरे धन का तीसरा हिस्सा देना। दोनों ने यह बात स्वीकार कर ली। सागरदत्त पत्नी के बार-बार मना करने पर भी नहीं रुका और समुद्र यात्रा के लिए नौका पर आरूढ़ हो कुछ यात्रियों के साथ चल पड़ा। मार्ग में समुद्र में बड़ा तूफान आया। नौका समुद्र में डूब गई और सेठ की मृत्यु हो गई।

इधर अशोकश्री ने एक सुन्दर पुत्र को जन्म दिया। जन्म उत्सव के बाद बालक का नाम समुद्रदत्त रखा गया। पति के मृत्यु के समाचार सुनकर अशोकश्री बड़ी दुःखी हुई। समुद्रदत्त बड़ा होने लगा। दूसल-दुर्मुख ने सेठ की समस्त संपत्ति पर अधिकार कर लिया। सेठानी ने संपत्ति का तीसरा हिस्सा मांगा तो उन्होंने देने से इत्कार कर दिया। अशोकश्री बड़ी कठिनाई से जीवन निर्वाह करने लगी।

इधर रम्भावली भी देवलोक से च्युत होकर जयमंडना नगरी के धनाढ्य सेठ नरदत्त की पत्नी नरकांता की कुक्षि से पुत्री रूप से जन्मी। जन्म के पश्चात् उसका नाम तारावली रखा गया। तारावली युवा हुई।

एक दिन तारावली अपनी सखियों के साथ जलक्रीड़ा के लिए सरोवर पहुँची। उस समय समुद्रदत्त भी अपने मित्रों के साथ सरोवर में जलक्रीड़ा कर रहा था। दोनों की दृष्टि चार हुई और दोनों एक दूसरों पर आसक्त हो गए।

(आठ)

उसी नगर में श्रीपुर से नरसुन्दर नाम का एक सार्थ व्यापार के लिए आया। उसने तारावली की मंगनी की। नरदत्त श्रेष्ठी ने उसकी मंगनी स्वीकार कर ली। नरदत्त तारावली के विवाह की तैयारी में लग गया। तारावली को जब इस बात का पता लगा तो उसने नरसुन्दर से विवाह करने से स्पष्ट इनकार कर दिया। नरदत्त इस बात पर तारावली पर बड़ा क्रुद्ध हुआ और उसने कठोर शब्दों में तारावली की खूब भर्त्सना की। तारावली को पिता के इस व्यवहार से बड़ी चोट लगी। वह रात्री के समय सरोवर पर पहुँची और एक वृक्ष के नीचे बैठकर रुदन करने लगी समुद्रदत्त भी तारावली के याद में वहीं पहुँचा। वहाँ रुदन करती हुई तारावली को देखकर उसने आश्वासन दिया। तारावली की माता भी पुत्री की खोज करती हुई वहाँ पहुँची और उसे आश्वासन दे कर घर ले आई। नरदत्त को तारावली की माता ने खूब समझाया और उसकी इच्छानुसार तारावली का विवाह समुद्रदत्त से करवा दिया। समुद्रदत्त ने बड़ी मुश्किल से दूसल-दुर्मुख से संपत्ति का तीसरा हिस्सा प्राप्त किया। समुद्रदत्त ने प्राप्त संपत्ति से अपने व्यवसाय में वृद्धि की। दूसल-दुर्मुख समुद्रदत्त को अपने मार्ग का कांटा समझकर उसे मार डालने का उपाय सोचने लगे।

एक दिन दूसल-दुर्मुख ने समुद्रदत्त से समुद्रयात्रा का आग्रह किया। बहुत आग्रह से समुद्रदत्त तारावली एवं दूसल-दुर्मुख के साथ व्यापार के लिए नौका पर आरूढ़ हो सिंहलद्वीप के लिए चला। सिंहलद्वीप पहुँचकर उसने व्यापार किया जिससे उसे आठ गुणा लाभ हुआ। वहाँ से नौका में सामग्री भरकर स्वदेश के लिए रवाना हुआ। मार्ग में एक द्वीप आया। दूसल-दुर्मुख ने श्रेष्ठी पुत्र से कहा—मीठा पानी का संग्रह समाप्त हो गया है। इस द्वीप में एक मीठे पानी का कुआँ है। आपके पिता ने भी इसी कुएँ से पानी भरा था। वहाँ से पानी लाया जाय। समुद्रदत्त पानी लाने के लिए कूप के पास पहुँचा। दूसल-दुर्मुख भी दबे पाव उसके पीछे चल पड़े और अवसर देखकर समुद्रदत्त को कुएँ में ढकेल दिया। यह दृश्य तारावली दूर से ही खड़ी-खड़ी देख रही थी। उसने समुद्रदत्त को कुएँ में गिरते हुए देख होहल्ला मचाया। समुद्रयात्री भाग कर वहाँ पहुँचे। मंच की सहायता से समुद्रदत्त को कुएँ से निकाला। उस कुएँ में बहुत रत्न थे। समुद्रदत्त ने कुएँ से निकलते समय बहुत से रत्न इकट्ठे किये। अन्य यात्रियों ने भी वहाँ से रत्न लिए। यात्रियों को ले जहाज आगे बढ़ा।

एक रात्रि में दूसल-दुर्मुख ने अवसर देखकर सागरदत्त को समुद्र में गिरा दिया। नौका के आगे बढ़ते पर दूसल-दुर्मुख ने होहल्ला मचाया। यात्रियों ने समुद्रदत्त की खूब तलाश की किन्तु समुद्रदत्त कहीं भी नहीं मिला। पति के वियोग में तारावली ने बहुत विलाप किया। नौका जयमंडण पहुँची। घर आकर तारावली ने अपने पिता से सारी बात कही। नरदत्त राजा के पास पहुँचा। उसने दूसल-दुर्मुख की शिकायत की। प्रमाण के अभाव में राजा दूसल-दुर्मुख के विरुद्ध कुछ भी नहीं कर सका। तारावली अपनी सास के साथ पिता के घर आई और वही सुखपूर्वक रहने लगी।

इधर समुद्रदत्त समुद्रदेव के वरदान से पचासन लगाकर समुद्र पर तैरने लगा। वेलाविलास नामका एक विद्याधर उसी मार्ग से जा रहा था। समुद्र पर पचासन के साथ तैरते हुए समुद्रदत्त को देख उसे बड़ा आश्चर्य हुआ। उसे केवली की भविष्यवाणी याद आई कि—जो पचासन में समुद्र पर तैरता हुआ व्यक्ति देखेगा वही तेरा जमाई बनेगा। वेलाविलास ने उसे उठाया और अपने घर ले आया। खूब सम्मान पूर्वक उसे अपने घर रखकर अपनी पुत्री रतिसुन्दरी के साथ उसका विवाह कर दिया। समुद्रदत्त रतिसुन्दरी के साथ सुखपूर्वक समय बीताने लगा।

एक दिन समुद्रदत्त को अपनी पूर्व पत्नी तारावली की याद आई। उसने वेलाविलास से घर जाने की इच्छा प्रकट की। वेलाविलास ने समुद्रदत्त को घर जाने की अनुमति दे दी। विमान तैयार किया गया। उसमें बहुत से कीमती रत्न भरे। वेलाविलास रतिसुन्दरी एवं समुद्रदत्त तीनों विमान में बैठकर जयमंडन पहुँचे। समुद्रदत्त

(नौ)

को देखते ही दूसल-दुर्मुख भाग गये। समुद्रदत्त ने अपनी सारी सम्पत्ति पर अधिकार कर लिया। समुद्रदत्त रतिसुन्दरी के साथ अपने ससुराल पहुँचा। समुद्रदत्त को देख सारा परिवार प्रसन्न हुआ। विलासिता समुद्रदत्त की आज्ञा लेकर घर चला गया। नरदत्त श्रेष्ठी समुद्रदत्त को ले राजा के पास पहुँचा। राजा को जब असलियत का पता चला तो उसने दूसल-दुर्मुख की तलाश करवाई किन्तु इन दोनों का कहीं पता नहीं चला। अब समुद्रदत्त अपनी दोनों पत्नियों के साथ सुख पूर्वक रहने लगा।

एक बार पियंकर नाम के आचार्य नगर में पधारे। तारावली के साथ समुद्रदत्त आचार्यश्री के वन्दन के लिए गया। आचार्य ने महती सभा में सम्यक्त्व का स्वरूप समझाया। शंका, कांक्षा, विचिकित्सा आदि सम्यक्त्व के दूषणों को एक-एक उदाहरण से समझाया। तारावली और समुद्रदत्त ने आचार्य से सम्यक्त्व ग्रहण किया। उसके बाद आचार्य ने धूप, दीप, गंध आदि अष्ट प्रकार की जिनपूजा की महिमा को एक-एक दृष्टान्त से समझाया। आचार्य विहार कर अन्यत्र चले गये।

कालान्तर में नवकारमंत्र का स्मरण करता हुआ समुद्रदत्त समाधिपूर्वक मरा और ईशान देवलोक में महद्भिक देव बना। पति के विधोग में संतप्त तारावली ने पति के शव के साथ निदानपूर्वक अग्निस्नान किया और मरकर उसीकी देवी बनी।

तृतीय अवसर—भूरिवसू तथा रत्नप्रभा की कथा :

जम्बूद्वीप के भरतक्षेत्र में वैताढ्य पर्वत की उत्तरश्रेणी में नभसुन्दर नाम का नगर था। वहाँ आखण्डल नामक विद्याधरों का राजा राज्य करता था। वसुसार नामक उसका मंत्री था और मंत्री की पत्नी का नाम था कनकश्री।

समुद्रदत्त का जीव देवलोक से चवकर कनकश्री के गर्भ में आया। उसी रात्रि में स्वप्न में कनकश्री ने श्वेतहाथी को उदर में प्रवेश करते हुए देखा। प्रातः स्वप्न का फल पति से पूछा। पति ने उत्तम पुत्र होने की बात कही।

यथा समय कनकश्री ने पुत्र को जन्म दिया। बालक का नाम भूरिवसू रखा। आठ वर्ष का होने पर भूरिवसू को कलाचार्य के पास कला सीखने के लिए रखा गया। उसने अल्प समय में ही कलाओं में निपुणता प्राप्त कर ली।

इधर तारावली के जीव ने भी देवलोक से चवकर उसी नगर में पुण्यसार खेचरकी पत्नी कनकमाला के उदर में पुत्री के रूप में जन्म लिया। जन्म के पश्चात् बालिका का नाम रत्नप्रभा रखा गया। रत्नप्रभा युवा हुई।

एक बार भूरिवसू अपने मित्रों के साथ उद्यान में घूमने के लिए गया। उस समय रत्नप्रभा भी अपनी सखियों के साथ उद्यान में घूम रही थी। दोनों की आँखें चार हुईं और दोनों एक दूसरे में आसक्त हो गए।

एक बार रत्नप्रभा प्रासाद की अट्टालिका पर स्वर्णकन्दुक के साथ क्रीड़ा कर रही थी। उस समय दक्षिण श्रेणी का विद्याधर कामांकुर आकाश मार्ग से जा रहा था। उसकी दृष्टि रत्नप्रभा पर पड़ी। रत्नप्रभा के रूप पर वह मुग्ध हो गया। उसने प्रेम की याचना की। रत्नप्रभा ने उसका अपमान कर उसे वहाँ से निकाल दिया। अब वह रत्नप्रभा को पाने का उपाय सोचने लगा।

इधर पुण्यसार खेचर ने रत्नप्रभा की भूरिवसू के साथ सगाई कर दी। कामांकुर को जब इस बात का पता चला तो उसने रत्नप्रभा का अपहरण कर दिया और उसे एक पर्वत के शिखर पर ले गया।

अकस्मात् गायब हुई रत्नप्रभा की खोज पुण्यसार ने बहुत की किन्तु उसका कहीं भी पता नहीं लगा। भूरिवसू रत्नप्रभा की खोज के लिए निकला। घूमते-घूमते वह एक समुद्र के किनारे पहुँचा। कामांकुर की उस पर दृष्टि पड़ी। उसने सोचा-जब तक यह जीवित रहेगा तब तक रत्नप्रभा मेरी नहीं हो सकेगी। ऐसा सोचकर उसने उसे ऊपर उठाया और सुवज्र पर्वत के शिखर पर लाकर हाथ पैर बांधकर छोड़ दिया। कामांकुर रत्नप्रभा के

पास आकर बोला—मैंने तेरे पति को रस्सी से बान्धकर पर्वत के ऊँचे शिखर पर छोड़ दिया है अब वह किसी भी हालत में नहीं बचेगा। यदि तू मुझे पति के रूप में नहीं स्वीकार करेगी तो तेरी भी यही स्थिति होगी। पति की पुर्वशा सुनकर रत्नप्रभा बड़ी दुखी हुई। कामांकुर ने उसे अपनी पत्नी बनाने के अनेक उपाय किये किन्तु वे सब असफल हुए। निराश कामांकुर ने रत्नप्रभा को पर्वत-शिखर से फेंक दिया।

उसी समय विद्युत्वेग नामक विद्याधर उसी मार्ग से जा रहा था उसने पर्वत से गिरती हुई रत्नप्रभा को उठा लिया और औषधोपचार से उसे स्वस्थ किया। सचेत होने पर विद्युत्प्रभ ने रत्नप्रभा से परिचय पूछा। रत्नप्रभा ने आपबीती सुनाई। रत्नप्रभा की आपबीती सुनकर विद्युत्वेग ने रत्नप्रभा से कहा—बहन! धीरज रखो तुम्हारे दुःख जल्दी ही दूर होंगे। इतने में गीतरति नाम के विद्याधर ने भूरिवसू को विद्युत्वेग के सामने उपस्थित किया। रत्नप्रभा ने अपने भावी पति भूरिवसू को पहचान लिया। दोनों का मिलन हुआ। विद्युत्वेग ने दोनों का गांधर्व विधि से विवाह करा कर और कुछ दिन तक अपने यहाँ रख प्रचुर धनराशि दे उन्हें घर पहुँचा दिया। भूरिवसू एवं रत्नप्रभा के पुनर्मिलन से दोनों के माता-पिता बड़े प्रसन्न हुए। दोनों सुखपूर्वक रहने लगे। बसूसार भूरिवसू को मंत्री पद देकर वनवासी हो गया।

एक बार नगर में श्रीनन्दन सूरि नाम के ज्ञान सम्पन्न आचार्य पधारे। भूरिवसू एवं रत्नप्रभा दोनों आचार्यश्री के वन्दन के लिए गए। आचार्य ने भूरिवसू को श्रावक के बारह व्रत एवं उनके अतिचार समझाये। प्रत्येक व्रत पर एक-एक कथा सुनाकर व्रतों का हार्द समझाया। आचार्य के उपदेश से प्रभावित भूरिवसू ने व्रत ग्रहण किये। रत्नप्रभा ने भी व्रत लिये। अन्त में दोनों समाधि पूर्वक मर कर ईशानकल्प में मर्हदिक देव देवी बने।

चतुर्थ अवसर-मनोरमा शूरसेन की कथा :

भारतवर्ष में घनकोष नाम का नगर था। वहाँ सूरतेज नाम का राजा राज्य करता था उसकी रानी का नाम कमलालता था।

ईशानकल्प निवासी भूरिवसू का जीव देवलोक से च्युत होकर कमलालता के गर्भ में उत्पन्न हुआ। उसी रात्रि में कमलालता ने शतपत्र कमल से ढंका हुआ श्वेतपुष्पों की माला से युक्त शुद्धजल से परिष्ण चान्दी के कलश को उदर में प्रवेश करते हुए देखा। रानी ने राजा से स्वप्न का फल पूछा। राजा ने कहा—तुम श्रेष्ठ राजपुत्र को जन्म दोगी। गर्भकाल के पूरा होने पर रानी ने एक सुन्दर पुत्र को जन्म दिया। जन्मोत्सव बड़ी धूमधाम से मनाया गया। बालक का नाम शूरसेन रखा गया।

इधर रत्नप्रभा के जीव ने ईशानकल्प से चवकर वत्सदेश के चन्द्रकान्त नगर में विजयसेन राजा की रानी विजयावली के गर्भ से पुत्री के रूप में जन्म लिया। इसका नाम मनोरमा रखा गया। क्रमशः बढ़ती हुई मनोरमा युवा हुई। मनोरमा के अपूर्व रूप यौवन को देखकर राजा ने रानी विजयावली की सलाह से स्वयंवरमण्डप की रचना की। स्वयंवरमण्डप में दूर दूर के राजा एवं राजकुमार आये। इधर जब सूरतेज को आमंत्रण मिला तो वह अपने पुत्र शूरसेन को लेकर चन्द्रकान्त नगर में पहुँचा। शुभ मुहूर्त में स्वयंवर मण्डप रचा गया। सभी राजकुमार अपने अपने स्थान पर बैठे। शूरसेन कुमार ने भी अपना स्थान लिया।

मनोरमा हाथ में चरमाला लेकर अपनी दायमाता के साथ मण्डप में उपस्थित हुई। दायमाता से अनेक राजकुमारों के रूप बल एवं वैभव की बातें सुनी राजकुमारों को देखा किन्तु मनोरमा ने एक भी पसन्द नहीं किया। बढ़ती हुई मनोरमा की दृष्टि एक राजकुमार पर पड़ी वह था शूरसेन। उसे देखते ही वह मुग्ध हो गई और उसने उसके गले में हार पहना दिया। सर्वत्र जयविजय की घोषणा हुई। मनोरमा का विवाह बड़ी धूमधाम से राजकुमार शूरसेन के साथ संपन्न हुआ।

(प्यारह)

माता-पिता से विदाई ले मनोरमा पति के साथ श्वसुर कुल पहुँची। वहाँ कुछ समय के बाद उसने एक सुन्दर पुत्र रत्न को जन्म दिया। बालक का नाम मनोरमसेन रखा गया। सूरसेन राजा शूरसेन को राजगद्दी पर बैठाकर अमरसेन आचार्य के पास दीक्षित हो गया। शूरसेन न्यायपूर्वक प्रजा का परिपालन करने लगा।

एक दिन रात्रि के समय मनोरमा का, पुत्र के साथ शूरसेन के देखते-देखते ही अश्वनी वेग नामक विद्याधर ने अपहरण किया और उन्हें एक पर्वत के शिखर पर ला के छोड़ दिया। सहसा पर्वत के शिखर पर अपने आपको निस्सहाय पाकर मनोरमा आक्रन्दन करने लगी। उसी समय हेममाला नाम की खेचरी उसी मार्ग से निकली। उसकी दृष्टि मनोरमसेन बालक पर पड़ी। उसने उसका अपहरण किया। पुत्र और पति दोनों के वियोग में मनोरमा खूब व्यथित हुई और पुत्र की चारों ओर खोज करने लगी। पुत्र की तलाश में इधर उधर घूमती हुई मनोरमा पर हेमसुन्दरी नामक खेचरी की दृष्टि पड़ी। वह उसके पास गई और मनोरमा का परिचय पूछा। मनोरमा ने आपबीती सुनाई। मनोरमा की दुखभरी कथनी सुनकर उसे आश्वासन देते हुए कहा—“मनोरमा ! तुम दुखी मत बनो। थोड़े समय में ही पति और पुत्र का मिलाप हो जायगा।” यह बात चल ही रही थी कि इतने में पूजा की सामग्री लिये श्यामला नामक दासी वहाँ आ पहुँची। उसने हेमसुन्दरी से कहा—देवी ! जिनपूजा का समय हो गया है। तत्काल हेमसुन्दरी उठी और मनोरमा के साथ जिनमन्दिर पहुँची। हेमसुन्दरी एवं मनोरमा ने अत्यन्त भक्तिपूर्वक जिन-प्रतिमा का पूजन किया। पूजन के बाद मनोरमा ने अत्यन्त भक्तिपूर्वक पार्श्वजिन की स्तुति की। स्तुति से प्रसन्न हुए मन्दिर के रक्षक किसी देव ने अदृश्य रहकर कहा—मनोरमे ! तुम्हारी असाधारण भक्ति से तुम यहीं पर अपने पति तथा पुत्र को प्राप्त करोगी। यह सुनकर मनोरमा अत्यन्त संतुष्ट हुई। हेमसुन्दरी मनोरमा को अपने महल में ले गई और बड़ी मुश्किल से उसे भोजन करवाया। इसके बाद मनोरमा ने पूछा—हेमसुन्दरी ! तुम यहाँ अकेली ही क्यों रहती हो। यह भव्य जिनमन्दिर उद्यान और प्रासाद किसने बनाया ? उत्तर में हेमसुन्दरी ने अपनी आप बीती सुनाई और कहा—मेरे पिता ने ही मेरी शान्ति के लिए जिनमन्दिर एवं प्रासाद बनवाया है। अब दोनों ही जिनभक्ति करती हुई आनन्द से वहाँ रहने लगी।

एक दिन हेमसुन्दरी ने कहा—मनोरमे ! तुम मेरी मौसी की पुत्री बहन हो। मनोरमा ने कहा कैसे ? उत्तर में हेमसुन्दरी बोली—एक बार मेरी मां ने तुम्हारा जिक्र करते हुए कहा—विजयावली नाम की मेरी छोटी बहन थी। उसका स्नेहवश चन्द्रकान्त पुर के स्वामी विजयसेन राजा के साथ विवाह किया गया। तुम उसी की पुत्री हो। आज अकस्मात् ही तुम्हारा मिलन हुआ। इस तरह दोनों ही सुख दुख की बातें करती हुई वहीं रहने लगी।

एक दिन सहसा विमान की पंक्तियाँ आकाश में नजर आईं। विमान से कीर्तिसुन्दर मनोरमसेन गंधर्वसेन आदि विद्याधर भूमि पर उतरे और मन्दिर में प्रवेश कर पारिजात आदि पुष्पों से भावपूर्ण पार्श्वजिन का पूजन किया। और जिन भवन के मण्डप में जा कर बैठे। उन सब को देखकर हेमसुन्दरी ने मनोरमा से कहा—मनोरमे ! गंधर्वसेन के पास मेरा पुत्र कीर्तिसुन्दर सा लगता है। मनोरमा ने भी ध्यान से देखकर कहा—मेरा पुत्र मनोरमसेन भी उसके पास दिखाई दे रहा है। इतने में विजयसेन और शूरसेन भी भगवान का पूजन कर वहाँ आये। उन दोनों को देख हेमसुन्दरी से मनोरमा बोली—विजयसेन मेरा पिता है और शूरसेन मेरा पति है। मन्दिर में एकत्र हुए सभी विद्याधरों ने महामहोत्सव पूर्वक जिनपूजन एवं नाटक किया। यहाँ सभी एकत्र हुए और एक दूसरे का परिचय हुआ। मनोरमा को भी अपना पति और पुत्र मिल गया। सब ने अपनी अपनी आपबीती सुनाई। वहाँ से सभी नभसुन्दर नगर गये और आनन्द से रहने लगे।

कुछ दिन के बाद शूरसेन एवं गंधर्वसेन का तरवर्भ और अशनिवेग के साथ युद्ध हुआ। राजा शूरसेन ने दोनों को युद्ध में मार डाला। मामा और जामाता का युद्ध में मरण सुनकर विद्युत्वेग चक्रवर्ती विद्युत्वेग अपनी विशाल सेना के साथ नभसुन्दर नगर पहुँचा। शूरसेन का विद्याधर चक्रवर्ती के साथ भयंकर युद्ध हुआ और उसमें चक्रवर्ती मर गया और शूरसेन जीत गया। शूरसेन को राज्याभिषिक्त किया गया।

(बारह)

एक बार जयसुन्दर नाम के आचार्य अपने शिष्य परिवार के साथ जयभूषण नामक उद्यान में पधारे। उद्यान-पाल ने आचार्य के आगमन की सूचना राजा शूरसेन को दी। शूरसेन सपरिवार आचार्य के पास पहुँचा। आचार्य ने विशाल परिषद् में शूरसेन को अठारह पापस्थान का उपदेश दिया। उपदेश से प्रभावित हो उसे वैराग्य हुआ। अवसर देखकर मनोरमा ने आचार्य से पूछा-भगवन्! किस कारण से मेरे पति और पुत्र का वियोग हुआ?" उत्तर में आचार्य ने अपने ज्ञान से मनोरमा के पूर्वजन्म को जानकर कहा-धर्मशैले! तुम्हारे पति और पुत्र के वियोग का कारण पूर्वजन्म का पाप है। वह घटना यह है—

जम्बूद्वीप के ऐरावत क्षेत्र में धन-धान्य से समृद्ध धनपुर नाम का गाँव था। वहाँ धन नाम का मेहर रहता था। आज से नौवें भव में तुम श्री और श्रीमती नाम की उसकी दो पुत्रियाँ थी। तुम बड़ी थी और श्रीमती छोटी। दोनों युवा हुईं। वहीं के निवासी कुरुदेव और कुरुदत्त से तुम दोनों का विवाह हुआ।

एक दिन तुमने अपने पति कुरुदेव से पर्वतनदी में जलक्रीड़ा करने की इच्छा व्यक्त की। कुरुदेव ने बात मान ली। श्रीमती और कुरुदत्त के साथ तुम पर्वतनदी की ओर गईं। वहाँ अपने पति के साथ घूमती हुई तुम किसी गिरिनिकुंज में पहुँची। वहाँ एक सघन वृक्ष पर अपने बच्चों के साथ मोर और मयूरी को देखा। मयूरी के बच्चों को लेने के लिए तुम उसके पास पहुँची। डर के मारे मयूरी भाग गई। तुमने बच्चे को उठाया। बच्चे के वियोग में मयूरी तड़प उठी। एक प्रहर तक बच्चे को अपने पास रखा। बाद में उसे छोड़ दिया। मयूरी अपने बच्चे से मिली।

इधर कुरुदत्त श्रीमती के साथ पास ही के गिरिनिकुंज में क्रीड़ा करने लगा। वहाँ सूरदेव नाम का कोई कुल-पुत्र अपनी पत्नी चन्दना को गोद में सुलाकर उसके बालों को संवार रहा था। उसकी वृष्टि सहसा श्रीमती की ओर गई। श्रीमती की ओर वह बार-बार देखने लगा। श्रीमती ने अपने पति से शिकायत की। क्रोध में आकर कुरुदत्त ने सूरदेव को मार डाला और चन्दना को धमकी देता हुआ बोला—“यदि तुमने यह बात किसी से की तो तुम्हारी भी यही हालत होगी। चन्दना धबराकर चली गई। तुम घर आये और सुख पूर्वक रहने लगे। कुरुदत्त मर कर सेठ बना। तुम उसकी पत्नी बनी। उसके बाद कुरुदत्त मरकर नरसीह राजा बना। तुम उसकी रंभावली नामक पत्नी बनी। नरसीह मरकर समुद्रदत्त बना और तुम तारावली। इसके बाद के भव में तुम रत्नप्रभा बनी और समुद्रदत्त भूरिवसू नामक अमात्य बना। वहाँ से चवकर भूरिवसू शूरसेन बना और तुम उसकी रानी मनोरमा बनी। कुरुदत्त मरकर अपने कुशल अनुष्ठान से कीर्तिवर्म विद्याधर बना और श्रीमती हेमसुन्दरी। मोर का जीव मरकर अशनिवेग बना और मयूरी हेममाला जो अशनिवेग विद्याधर की पत्नी है। चन्दना रत्नमाला के नाम से नरवर्मराजा की पत्नी बनी। शूरसेन ने कुरुदत्त के भव में मोर से उसके बच्चे को अलग किया। उस मोर के जीव अशनिवेग ने पुत्र सहित तुम्हारा अपहरण कर तुझे प्रियमेलक पर्वत पर छोड़ दिया। तथा तुमने मयूरी से उसके पुत्र को अलग किया। उसी के कारण मयूरी के जीव हेममाला ने तुम्हारे पुत्र का अपहरण कर उसे समुद्र में फेंक दिया। इधर कुरुदत्त की पर्याय में रहते हुए कुरुदत्त ने सूरदेव को मार डाला था उसी के फलस्वरूप नरवर्म द्वारा कीर्तिवर्म मारा गया। तथा हेमसुन्दरी जो पूर्वजन्म में श्रीमती की पर्याय में थी उसने चन्दना का उसके पुत्र से वियोग करवाया उसी के पाप के फल स्वरूप चन्दना ने रत्नमाला की पर्याय में प्रियमेलक पर्वत से हेमसुन्दरी के पुत्र का अपहरण कर दुःख से इसकी मृत्यु हो यह सोचकर उसे वृक्ष से बान्धकर छोड़ दिया। अतः हे भद्रे! तुम ने पूर्वजन्म में राग और द्वेष से जो कर्म उपार्जित किये उसी का यह फल है। मनोरमा ने कहा—भगवन्! इस पाप का फल कितने समय तक रहेगा?” उत्तर में आचार्य ने कहा। तुम्हारे पाप का फल इतना ही था किन्तु हेमसुन्दरी तथा कीर्तिवर्म अपने पाप का फल भोगते रहेंगे। अपने पूर्वजन्म का वृत्तान्त सुनकर मनोरमा बोली—भगवन्! मैं जन्ममरण के दुःख से मुक्त होने के लिए आपके पास प्रव्रज्या लेना चाहती हूँ। शूरसेन को भी वैराग्य उत्पन्न हुआ और उसने भी दीक्षा लेने की इच्छा प्रगट की। दोनों घर आये। शूरसेन ने मनोरमसेन को राज्याभिषिक्त किया और मनोरमा के साथ राजा शूरसेन प्रव्रजित हुए। मनोरमा शुभंकरा प्रवर्तनी की शिष्या बनी और ग्यारह अंग का अध्ययन

(तेरह)

किया। बाद में मनोरमा प्रवर्तिनी बनी। शरसेन ने चौदह-पूर्व का अध्ययन किया। दोनों ने दीर्घकाल तक पृथ्वी पर विचार कर अनेक भव्यों को प्रतिबोध दे सम्पूर्ण कर्मों का क्षय कर केवलज्ञान प्राप्त किया और वे मोक्ष में जाकर अनन्तसुख में निमग्न बने।

श्री वर्द्धमानसूरि की प्राकृत साहित्य को देन :

प्राकृत भाषा-साहित्य के विकास में जिन विद्वानों ने अपनी महत्त्वपूर्ण कृतियों द्वारा असाधारण योगदान किया है उनमें आचार्यश्री वर्द्धमानसूरि का नाम सविशेष है। इन्होंने मणोरमा कथा एवं आदिजिन चरित्र जैसे दो महान् प्राकृत ग्रन्थों की रचना कर प्राकृत साहित्य की अनुपम सेवा की है। इनमें से मणोरमा कहा प्रस्तुत है और आदिजिन चरित्र अभी प्रकाशित नहीं हुआ है। इनकी विरल ही प्रतियाँ उपलब्ध हैं। मनोरमा चरित्र जैसी कथा के माध्यम से आचार्यश्री ने तत्त्व की प्रतिष्ठा में बड़ी कुशलता का परिचय दिया है। यह सब करने का उनका ध्येय एकमात्र लोकजीवन में सत्य की स्थापना और तदनुरूप संयम और सदाचार गभित जीवन-चर्या को प्रतिष्ठित करना था। यही कारण है कि उनकी लेखनी से जो कुछ निकला एक ससीम क्षेत्र से संबद्ध होता हुआ भी समग्र मानवता के हित से जुड़ा है। मानवता ही क्यों उसमें प्राणी मात्र का हित सम्बिहित है। यही कारण है कि उच्चकोटि के गम्भीर तथा अन्तःस्पर्शी वाङ्मय के रूप में जो अमरदेन उनकी प्राकृत साहित्य को मिली है उसे करालकाल उनके अमरत्व को कभी नष्ट नहीं कर सकता।

मनोरमा कथा का उद्गम स्थल :

मनोरमा कथा का मूल कथानक श्री वर्द्धमानसूरि को परम्परा से प्राप्त था। परम्परागत कथानक में अपनी ओर से नई कल्पनाओं का पुट देकर उसे जनोपयोगी बनाया। उन्हीं के शब्दों में कहा जाय तो---

एसो कहा-प्रबंधो कओ मए मंद-बुद्धिणा वि ददं ।

कत्थइ चरिय-समेओ, कत्थइ पुण कप्पियाणुगओ ॥

अहवा सव्वं चरियं न कप्पियं किं पि अत्थि भुवणम्मि ।

जमणते संसारे तं नत्थिह जं न संभवइ ॥

मनोरमा-कथा में वर्णित महत्त्वपूर्ण घटनाओं पर हम दृष्टिपात करें तो ऐसा अनुमान होता है कि उनके सर्जन में पूर्ववर्ती कथा परम्पराओं से उन्हें विशेष प्रेरणा मिली है और वे इस बात को स्वीकार भी करते हैं। वैसे वर्द्धमानसूरि से पूर्व इस कथा को आगम या आगमेतर साहित्य में कहीं भी नहीं पाते किन्तु मनोरमा चरित्र में वर्णित घटनाएँ पूर्ववर्ती कथा-साहित्य में यत्र तत्र पाते हैं। जैसे पुत्र-प्राप्ति के लिए देवी-देवताओं की मनौती करना, उत्तर साधक के रूप में स्मशान में जाकर तांत्रिक की सहायता करना, उत्तर साधक की वीरता से प्रसन्न होकर देव द्वारा वरदान देना, सीमावर्ती विद्रोही सामन्त से युद्ध कर उस पर विजय प्राप्त करना, पूर्वजन्म की पत्नी को जातिस्मरण से पुनः प्राप्त करना, विद्याधर द्वारा पत्नी का अपहरण और उसे वीरता से युद्ध कर पुनः प्राप्त करना, सती प्रथा द्वारा पत्नी का पति के शव के साथ देहविलय करना और निदान द्वारा उसे पुनः प्राप्त करना, पुत्र को राज्याधिकारी बनाकर वानप्रस्थ या दीक्षा ग्रहण करना, पूर्वजन्म का वृत्तान्त सुनकर व्रत ग्रहण करना, धनप्राप्ति के लिए समुद्रयात्रा करना, जहाज के डूब जाने से काष्ठ की सहायता से समुद्र के किनारे पहुँचना, व्यंतरी का राजा के रूप से मुग्ध होकर मनुष्यनी के रूप में राजा के साथ विषयभोग करना, सर्प के विष से राजकुमारी को मुक्त कर उसके साथ विवाह करना, स्वयंवर मण्डप में वीणावादन द्वारा राजकुमारी को वश कर उसके साथ विवाह करना, स्वयंवर के लिए आये हुए राजाओं के द्वारा युद्ध करना, अपने पराक्रम से या वरदान की सहायता से उन्हें पराजित करना, विद्या की साधना के लिए बलि चढ़ाने के लिए लाई गई सुन्दर कन्याओं को बचाकर उनके साथ विवाह

(चौदह)

करना, मार्ग में आने वाली कन्याओं को तांत्रिक अपहरणकारों से बचाकर माता पिता की सम्मति से उनके साथ विवाह करना, वनप्रदेश में शबरो के आक्रमण का वीरतापूर्वक मुकाबला करना, अन्त में धर्माचार्य से पूर्वजन्म का वृत्तान्त श्रवण कर प्रव्रजित होना और कर्मक्षय कर मोक्ष प्राप्त करना आदि घटनाएँ प्रायः सभी प्राचीन चरित ग्रन्थों में मिलती हैं। आचार्यश्री इन्हीं कथा-घटकों की सहायता से मनोरमा जैसे नये पात्र की कल्पना कर उसे एक स्वतंत्र कथा के रूप में पाठकों के समक्ष उपस्थित करते हैं।

यह तो हुई मूलकथा की बात। अवान्तर कथाओं व प्रसंगों में भी ऐसे अनेक स्थल हैं जिनके मूल उत्स आगम एवं आगमेतर कथा ग्रन्थों में मिलते हैं। जैसे चन्दनबाला का उदाहरण आवश्यक चूर्ण में, आषाढाचार्य का उदाहरण उत्तराध्ययन (शान्त्याचार्य टीका) में एवं प्रवचन प्रभावना पर दिया गया आर्य खपुट का उदाहरण आवश्यक-चूर्ण एवं निशीथचूर्ण में मिलता है।

मनोरमा कथा की कुछ कथाओं का संक्षिप्त रूप धर्मरत्नकरंड टीका में मिलता है यह ग्रन्थ श्री वर्द्धमानसूरि ने सं. ११७२ में संस्कृत में रचा। वसुसारश्रेष्ठी की कथा का संक्षिप्त रूप 'धर्मरत्न प्रकरण' में मिलता है। ये कथाएँ उपरोक्त ग्रन्थों में साधारण रूप से वर्णित हैं। श्री वर्द्धमानसूरि ने मनोरमा कथा में इन्हें साहित्यिक पुट देकर विशेष आकर्षक एवं प्रभावशाली बनाया है। साथ ही मनोरमा चरित में जिन लोककथाओं का प्रणयन किया वे आज भी लोककथाओं के रूप में भारत के सभी प्रदेशों में सुनी और सुनाई जाती है। शुभाशुभ शकुन पर मुग्ध-वाणिज्य का दृष्टान्त, वाणी की कटुता एवं मधुरता पर अमृतमुखा और कटुभाषिणी स्थविरा का उदाहरण, अपशब्द से परहेज रखने वाला अनखबहुल कुम्भकार का उदाहरण, सब बिमारी की एक दवा करने वाले मूर्खवैद्य का उदाहरण, पाखण्ड के बल पर श्रेष्ठी पुत्री के साथ विवाह करने वाले शिवानन्द अध्यापक एवं बन्दर का उदाहरण, अविचारी राजा और निर्बुद्धि मंत्री का उदाहरण, लाखमूल्य, अमूल्य एवं कोडीमूल्य मानव अस्थिपंजर का उदाहरण एवं विविध प्रकार की धूर्तविद्या से लोगों को ठगने वाले कतिपय धूर्तों के उदाहरण इस बात के साक्षी हैं।

समस्त चरितग्रन्थ में मूल कथानक अत्यल्प है। उनमें कोई नवीनता दृष्टिगोचर नहीं होती। समस्त ग्रन्थ उपकथाओं एवं वर्णनों से भर दिया गया है। हा, कुछ उपकथाएँ ऐसी हैं जो हम पूर्ववर्ती साहित्य में नहीं पाते जैसे आठ प्रकार की जिनपूजा पर दिये गये उदाहरण। इसे हम आचार्य की नई सूझ कह सकते हैं। इतना होते हुए भी आचार्यश्री ने नगर वर्णन, समुद्र यात्रा वर्णन, उद्यान वर्णन, शकुन, स्वप्न, स्त्री-पुरुषों के लक्षणों का वर्णन, सरोवर वर्णन, मलय-गिरि वर्णन, विमान यात्रा वर्णन, चैत्य वर्णन राजप्रसाद वर्णन युद्धयात्रा एवं युद्ध वर्णन, प्रकृति एवं ऋतु वर्णन, राजकुमार एवं राजकुमारियों के रूपवर्णन वियोग वर्णन आदि वर्णनों को बड़े-बड़े समासबद्ध शब्दों से सजीव चित्रित कर मनोरमा चरित्र को एक उच्चकोटि के साहित्य की कक्षा में आसीन कर दिया है। साथ ही कथोपकथाओं के प्रसंग में आचार्यश्री ने तत्कालीन भारतीय लोक जीवन का यथार्थ स्वरूप उपस्थित किया है। धनिक और गरीबों का पारिवारिक जीवन, स्त्री और पुरुषों के अन्धविश्वास, दैवी आराधना से पुत्रोत्पत्ति, सास बहू का कलह, राजसभाओं में वाद-विवाद, मंत्र तंत्र जादू टोने भूत पिशाचों विषयक मान्यताएँ, रसायन के द्वारा स्वर्ण बनाने के प्रयत्न, चर्चरी प्रगीत आदि के साथ पर्वत यात्रा, जमीन में गड़े हुए धन का पता लगाना, परिवार की दारिद्र्यपूर्ण स्थिति, चोरों के उपद्रव, सामान्य अपराध के लिए भी राजाओं द्वारा शूली चढ़ाना, ठग विद्या, धूर्तों द्वारा प्रयुक्त विविध ठगने के उपाय, स्त्रियों का अपहरण, दूत, युद्ध, खेती वणिज-व्यापार सतीप्रथा, इन्द्रजाल द्वारा लोगों को चमत्कृत करना, तरबलि पशुबलि द्वारा देवकृत महामारी को दूर करने विषयक लोगों के अन्धविश्वास आदि लौकिक विषयों से सम्बन्ध रखने वाले अनेक रोचक आख्यानों का सजीव चित्रण कर आचार्यश्री ने इस ग्रन्थ की उपादेयता में वृद्धि की है। आख्यानों को रोचक बनाने के लिए बीच-बीच में सुभाषित, उक्ति, कहावते एवं छोटे-छोटे लौकिक दृष्टान्तों का प्रयोग भी किया है। धूर्तों में शिवानन्द जैसे साधुवेश धारी पाखण्डियों, चमत्कार बताकर लोगों को प्रभावित करने वाले श्रीशेखर जैसे समाज विरोधी तत्त्वों का भंडाफोड़ कर आचार्यश्री ने उनसे बचने की बार-बार प्रेरणा दी है।

मनोरमा के चार भवों में मुख्यकथा एवं उपकथाओं में हिंसा, असत्य, चोरी अब्रह्मचर्य परिग्रह क्रोध मान माया लोभ आदि अठारह पाप-स्थानों का वर्णन किया है तथा व्रत लेकर जो भंग करता है उसे इस जन्म में और

पर जन्म में कितना दुःख उठाना पड़ता है तथा इन पापस्थानों के सेवन से जीव किस प्रकार नरक तिर्यचादि गति में परिभ्रमण करता है उसे अलग-अलग दृष्टान्त देकर समझाया है। साथ ही सम्यक्त्व पूर्वक श्रावक के बारह व्रतों के पालन से तथा धर्म के चार अंग दान, शील, तप और भावना से जीव किस प्रकार दुःखों का अन्त करता है और जन्म-मरण के बन्धन से मुक्त होकर अव्याबाध सुख को प्राप्त करता है उसे भी अलग-अलग उदाहरणों से समझाया है। यह निर्विवाद है कि यह विशाल ग्रन्थ करीब ७६ लौकिक और लोकोत्तर कथा उपकथा एवं पुनर्भव कथा से युक्त एक कथाकोष सा बन गया है।

अन्ततः आचार्यश्री पाठकों के मन में यह भाव प्रतिष्ठित करना चाहते हैं कि भव संसार आवागमन या जन्म-मरण से छूटने का एक मात्र साधन मोक्ष है। जिसे निष्काम भावना से मनोरमा साध्वी ने प्राप्त किया। हमें भी उसी के पथ पर चलकर यही प्राप्त करना होगा तभी हम सुखी बन सकते हैं।

ग्रंथकार :

मनोरमा कथा के कर्ता श्री वर्द्धमानसूरि के जीवन पर प्रकाश डालने वाली कोई सामग्री हमें नहीं मिली। केवल मनोरमा कथा की एवं आदिनाथ चरित्र की प्रशस्ति में ग्रन्थ रचना संवत्, रचना स्थल तथा उनकी गुरु परम्परा ही मिलती है। वह इस प्रकार है—

भगवान् वर्द्धमानस्वामी के पंचम गणधर चौदहपूर्व के ज्ञाता सुधर्मास्वामी थे। उनके शिष्य जम्बू स्वामी और उनके शिष्य प्रभवस्वामी जो अत्यन्त प्रभावशाली थे मनक पिता परमर्षि शय्यम्भवाचार्य थे। इसी परम्परा में आर्य वज्रस्वामी हुए। उन्हीं की शाखा में चन्द्रकुलीन अप्रतिबद्धविहारी, सौम्य लोगों के मन को आनन्द देने वाले श्री वर्द्धमानसूरि हुए। उनके दो अद्वितीय शिष्य थे एक का नाम था जिनेश्वरसूरि और दूसरे का नाम बुद्धिसागर सूरि। दोनों सहोदर भ्राता थे। और साक्षात् बृहस्पति के अवतार थे। इनके द्वारा रचित व्याकरण, छंद, निघण्टु, तर्क नाट्य कथा आदि प्रबन्ध ग्रन्थों को बुद्धिमान लोग बड़ी प्रसन्नता से पढ़ते पढ़ाते हैं। उनके शिष्य थे अभयदेव-सूरि। इन्होंने नौ अंग पर टीका की रचना की। इन्हीं के पट्टधर शिष्य प्रस्तुत ग्रन्थ के कर्ता वर्द्धमानसूरि हैं। धंधुका में महल श्रेष्ठी के पुत्र वेल्लक श्रेष्ठी रहते थे। उसकी पत्नी का नाम वेली था। यह मोठवंशीय कर्पाद्धि श्रेष्ठी की पुत्री और साक्षात् धर्म की मूर्ति थी। इन्हीं की वसती में रहकर इन्होंने संवत् ११४० में आश्विन कृष्ण प्रतिपदा के दिन सोमवार को धनिष्ठा नक्षत्र के योग में प्रातः इस ग्रन्थ की रचना पूर्ण की।

श्री वर्द्धमानसूरि के गुरुभ्राता विमलगणी जो ग्रन्थ लेखन में एवं लिखाने में बड़े कुशल थे इन्होंने इस ग्रन्थ की रचना में सहायता की। इस ग्रन्थ का श्लोक प्रमाण १५००० है।

इसके अतिरिक्त इन्हीं आचार्यश्री ने वि. सं. ११६० में खंभात में ११००० श्लोक प्रमाण प्राकृत में आदि जिन चरित्र की रचना की और उसका प्रथम आदर्श गार्ध्वचन्द्र मुनि ने लिखा। अपने संस्कृत में वि. सं. ११७२ में धर्मरत्न करंड टीका नामक ९५०० श्लोक प्रमाण ग्रन्थ की रचना की। इसका संशोधन मुनि अशोकचन्द्र, मुनि धनेश्वर, मुनि पार्श्वचन्द्र एवं नेमिचन्द्र ने किया। इस ग्रन्थ को पं. हीराजाल हंसराज ने सं. १९९५ में पत्राकार में प्रकाशित किया है।

ऋण स्वीकार व आभार दर्शन :

भाषाविद् एवं प्राकृत भाषा साहित्य के उद्भट विद्वान् परम आदरणीय पू. एच. सी. भायाणी साहब ने मनोरमा कथा को आद्योपान्त देखा और उसे परिभाजित किया। साहित्य निर्माण में सदैव दत्तचित्त रहते हुए भी आपने अपना बहुमूल्य समय इस ग्रन्थ के संशोधन में दिया। यदि उनकी सहायता नहीं मिलती तो मुझ जैसा अज्ञ इतना बड़ा साहस नहीं कर सकता। मैं उनकी इस महती कृपादृष्टि के लिए चिर ऋणी हूँ।

साथ ही इस ग्रन्थ का अन्तिम प्रूफ लालभाई दलपतभाई विद्या मन्दिर के भू. पू. अध्यक्ष एवं महान् दार्शनिक पू. दलसुखभाई ने देखा और अनेक भूलों का परिभाजन किया। अध्यक्ष डॉ. श्री नगीन भाई की इस ग्रन्थ के प्रकाशन में प्रेरणा मिली। यदि इनकी प्रेरणा नहीं मिलती तो यह ग्रन्थ अप्रकाशित ही रहता अतः मैं उनका भी हार्दिक आभारी हूँ।

रूपेन्द्रकुमार पगारिया

अहमदाबाद

(सोलह)

सिरि-वद्धमाणसूरि-विरइया

मणोरमा-कहा

(१. सम्मत-बोय-लंभो णाम पढमो अवसरो)

भोम-भव-भमण-संभंत-भव्वसत्ताणताण दुल्ललियो । सरय-समुग्गय-ससहर-जस-धवलियतिहुयणाभोगो ॥१॥
नमिरामर-मोलि-किरीड-कोडि-संघट्ट-लट्ट-पय-कमलो । परमप्पा पढमजिणो, परमपय-पइट्टिओ जयइ ॥२॥
अज्ज वि जस्स विरायइ, सुपसिद्धं पवयणं गुणसमिद्धं । संसारजलहि-पडियाण जाणवत्तं व भविद्याणं ॥३॥
सो संगमथ-महासुर-मुसुमूरिय-गरुय-दप्प-माहप्पो । वीरो मयण-महाभड-मय-महणो, दलउ दुरियाइ ॥४॥
अजियाइणो जिणिदे, जयपयडे पासनाह-पज्जंते । सयल-सुरासुरनमिए, नमामि परमाए भत्तीए ॥५॥
निट्टविय-अट्टकम्मे, जाइ-जरा-मरण-बंधण-विमुक्को । तेलोक्क-मत्थयत्थे, पणमह सिद्धे सुह-समिद्धे ॥६॥
सुथ-रयण-सायराणं, खीरासव-पमुह-लद्धिजुत्ताणं । पंचविहायारघराणं, पणमिमो गोयमाईणं ॥७॥
उज्झय संसार-पहे, सुत्त-पयाणेण तोसिय-विणेए । आयरिय-ठाण-जोग्गे, वंदेऽहं पवर-उज्जाए ॥८॥
विविह-तव-सोसियंणे, निस्संगे निम्ममे निरारंभे । सिद्धि-सुह-साहणरण, साहू सिरसा नमंसामि ॥९॥
जे मह-महग्घ-नाणाइ-रयण-सियगस्स कारणं गुरवो । ताण सि-संझं पि सया, पाए पयओ पणिवयामि ॥१०॥
देवासुर-नर-किण्णरपरितुट्टुक्किट्टि-सद्द-संबलिया । सब्वसभा-साणुगया, जिणवाणी वो सुहं दिसउ ॥११॥
कर-धरिय-धवल-कमला, सारय-ससि-संख-कुंद-समवण्णा । सिथ-वसण-भूसणघरा, सरस्सई जयइ जयपयडा ॥
नंदंतु महाकइणो, सुललिय-पय-वण्ण-नास-सोहिल्ला । जाण पबंघा पवरा हरंति हिययं छइल्लाण ॥१३॥
सरिमो सुयणाण सया, गुणगहणपराण दोस-विमुहाण । जाण मुह-महोथहिणो, वयणं अमयं व पज्जरइ ॥१४॥
छंदालंकार-विवज्जियं पि, जइ विरहियं वि विरसं पि । जे नियमइ विह्वेणं, कुणंति कव्वं गुणग्घवियं ॥१५॥
अह भणसि अत्थि अण्णो वि, दुज्जणो दोस-गहण-तल्लिच्छो । सोऽणुणिज्जउ जेणेह, न कव्व-दोसे पयासेइ ॥१६॥
गय-नेहो मुह-कडुओ, कसिण-गुणो भेय-कारओ धणियं । अमिएण वि सिंचंतो, खलो खलो चेव किं तेण ? ॥१७॥
पिसुण-सुणयाण दोण्हं वि, दीसइ लोयम्मि अंतरं गरुयं । चिरपरिचिएसु न भसइ, सुणओ पिसुणो पुणो भसइ ॥१८॥
दोजीहो कुडिलगई, वहि-लण्हो अंतरम्मि विस-भरिओ । परच्छिदाणुप्पेही, पिसुणजणो सप्प-सारिच्छो ॥१९॥
तिक्खमुहो लोहिल्लो, पर-मम्म-विघट्टणो गुण-विमुक्को । नाराओ विव पिसुणो, सम्मुहमित्तो वि भयकारी ॥२०॥
उल्लावंतेण न कस्स होइ पासत्थिएण थद्धेण । संकामसाण-पायव-लंबियचोरेण व खलेण ॥२१॥
पच्छन्न-पडंतर-संठिएण, खणदिट्टुनट्टुविलएण । पिसुणेण मंकुणेण व, को आढत्तो सुहं सुयइ ? ॥२२॥
कह कह वि कुणइ कव्वं, कई किलेसेण गहनरोहेण । उस्सिखल-खल-लोओ, दूसइ तं वयणमेत्तेण ॥२३॥

को तस्स अहव दोसो, नियपयइं चव अणुसरंतस्स । दुद्ध-महुसित्त-मूलो वि, होइ किं महुरओ लिबो ? ॥२४॥
 ता चिट्ठउ तस्स कहा, न तेण मह एत्थ किपि कज्जं तु । अब्भत्थिओ वि वंको, बीआ-चंदो व्व सो जम्हा ॥२५॥
 पुब्बायरिय-विणिम्मिय-कहा-पबंधाऽमयम्मि विज्जंते । कलुस-जलम्मि व विबुहाण, माणसं कह रमेज्जेत्थ ॥२६॥
 तह वि ममाओ वि जडा, जयम्मि दीसंति पाणिणो केइ । तेसिं विणोयणट्ठा, नियचित्त-निरोहणट्ठा य ॥२७॥
 एसो कहा-पबंधो, कओ मए मंद-बुद्धिणा वि ददं । कत्थइ चरिय-समेओ, कत्थइ पुण कप्पियाणुगओ ॥२८॥
 अहवा सव्वं चरियं न कप्पियं किपि अत्थि भुवणम्मि । जमणंते संसारे, तं नत्थिह जं न संभवइ ॥२९॥
 नरसीह-नरिदेणं, रंभावलि ए य गुण-पसंसाए । जह संपत्तं बीयं, तह भणिमो अवसरे पढमे ॥३०॥
 बीयावसरम्मि पुणो तारावलि तह समुद्दत्तेहि । जह पत्तं सम्मत्तं, सवित्थरं तं तहा भणिमो ॥३१॥
 तइयावसरे रयणप्पहाए, सह भूरिवसुअमच्चेण । विरयाविरई लद्धा, जह तह सव्वं भणीहामो ॥३२॥
 जह सूरसेण राया, मणोरमा तस्स चव जह देवी । पडिवज्जियं पवज्जं, उप्पाडिय-केवलं नाणं ॥३३॥
 निब्बाणमुवगयाइं, तह भणिमो अवसरे चउत्थम्मि । एयं कहासारीरं, मनोरमाए वि णिदिट्ठं ॥३४॥
 इह चउगइपह-पहिया, कम्म-भर-पणोल्लिया ढुलुढुलिता । सिवपुरि-पह-पाहेयं, अलहंता धम्मवर-रयणं ॥३५॥
 चुलसीइजोणि-लक्खेसु, तिक्व-दुक्खेहिं दृक्खिया दीणा । रीणा तह वुण्णमणा ताथारमविदमाणा य ॥३६॥
 अकय-परलोय-मग्गा, परव्वसा हिंडिऊण संसारं । आरिय-देसे कह वि हु लहंति मणुयत्तणं जीवा ॥३७॥
 पत्तं पि अपत्तसमं, पुरिसत्थ-विवज्जियाण मणुयत्तं । छालिय-गल-थणयाण व अहलिय-जम्माण पुरिसाण ॥३८॥
 वंमंडोदरसंठिय-मसग-सरिच्छेहिं दिट्ठुनट्ठेहिं । संखा-पूरणपुरिसेहिं, अहह किं तेहिं जाएहिं ? ॥३९॥
 जे पुण धम्मत्थरई, विहलुद्धरणेण पत्त-माहण्पा । देव-गुरु-भत्तिमंता, सहलो जम्मो जए ताणं ॥४०॥

जओ—

जम्मो ताण गणिज्जइ, सकयत्थं जीवियं जए ताण । जे जणणि-जणय-गुरु-बंधवाण, हिय-इच्छियकरा उ ॥४१॥
 एवंविहा उ पुरिसा, पुरिसत्थ-पसाहणा निओगेण । पुरिसत्थेसु य पवरो, धम्मो घणियं दयासारो ॥४२॥
 सो पुण कहिओ नज्जइ, धम्मत्थीहिं पि पायय-नरेहिं । ता तस्स कहा-कहणे, समुज्जमो एस मह जाओ ॥४३॥
 अह भणसि दुक्करो खलु, धम्मो कह तीरए करेउं जे । सव्वं कुपुरिस-किविणाण दुक्करो न उण वीराण ॥४४॥

जओ—

गिरिमुद्धरंति पसरंति य सायरं महियलं पि लंघंति । तं नत्थि जए विरिथण-साहसा जं न साहिति ॥४५॥
 ता परिसाए धम्मो, अगिलाए चव परिकहेयव्वो । जम्हा परोवधारो, परमो भणिओ जिणिदेहिं ॥४६॥
 परिसा वि सिविह-भेया, जहणिया मज्झिमा य उक्कोसा । दुवियड्ढ-अजाणिय-जाणिया य कमसो मुणेयव्वा ॥४७॥
 दुण्हं परिकहियव्वा, परिसाणमुवट्ठियाण धम्म-कहा । कुग्गह-गह-संगहिया, दुवियड्ढा वज्जणिज्जा य ॥४८॥
 सोयव्वं पुण पासे गुरुणो सिद्धंतसार-कुसलस्स । उस्सगववाय-वियाणगस्स समसत्तु-मित्तस्स ॥४९॥
 गुणसुट्ठियस्स अविहजिण-गमावण्णककरसियस्स । परहिय-निरयस्स सया, संसाहव्विग्गा-चित्तस्स ॥५०॥
 धम्मम्मि होइ थिरया, तत्ताण विणिच्छओ विसेसेणं । नव-नव-संवेगो वि य, सुगुरु-समीवे सुणंतस्स ॥५१॥
 एवं च होइ सहलं, पत्तं मणुयत्तणं इहरहा उ । जलनिहि-निवडिय-रयणं व दुल्लहं मंद-पुण्णाण ॥५२॥

जओ—

माणुस्सखित्त-जाईकुल-रुवारोग्ग-आउयं बुद्धी । सवणोग्गह-सद्धा, संजमो य लोयम्मि दुलहाई ॥५३॥
लद्धूण वि सामग्गी, एयं कह-कह वि पुण्णजोएणं । धण्णा कुण्णति सहलं, जिणसासण-मग्गमल्लीणा ॥५४॥
ता सुरवइ-चाव-चले अत्थे, पेम्मे य रूव-तारुण्णे । मा मुज्जह भव्वा, उज्जमेह धम्मे जिणुद्धिट्ठे ॥५५॥
अलमेत्थ वित्थरेणं, पत्थय-विग्घाय-कारिणा धणियं । पारद्धं चिय भण्णइ, सुणेह सुयणा पयत्तेणं ॥५६॥

अत्थि इहेव जंबुद्दीवे दीवे भारहेवासे, सुविभत्त-तिय-चउक्क-चच्चरं, देवमंदिर-विहाराराममंडियं, देसतरायग-भूरिभमंत-वणिय-जणिय-कोलाहलं, मंदरायमाणामर-मंदिर-सिहर-निबद्ध-वाउद्धय-धवल-धयवड-करेहि धम्मियजणं व हक्कारयंतं, हारनीहार-हरहास-धवल-धवलहर-सिहर-समारूढ-फलह-मणि-विमल-कुट्टिमतल-संकंताकलंक-पडिपुण्णरमणीय-रमणी-मूह-चंद-संदोहतया एग-सकलंकचंदसोहा-समुद्धरं, नहयलं असारमिव गणयंतं, विलसताणेगमहेसरं एग-महेसराहिट्ठियं केलासमवि उवहसंतं, महासइ-हिययं व पर-पुरिसागम्म-धवल-समुत्तुंग-पायार-परिवेद्धियं, अकलिय-मज्जाए समुच्छलंत-मच्छ-कच्छभ-मगर-सुसुमार-सय-समाउलाए जंबुद्दीवो व्व लवणसमुद्धेलाए यं वर-परिहाए समंतओ कय-परिक्खेवं, पयंड-पवण-पणोल्लिय-महल्ल-कल्लोल-कर-कलिय-रयण-रासिणा दिण्णोवयारमिव जल-निहिणा, रयणायरतड-संठियं रयणपुरं नाम नयरं ।

जम्मि य जिण-मज्जण-जणिय-जयजयारवुम्मीस-वीणा-वेणु-मुद्धम-कलकठ-गायण-गीय-रव-संरुद्ध-सवणंतरो न सुणेइ दुज्जण-वयगाणि सज्जणो । जम्मि य तरुणी-यण-गुरु-नियंब-बिब-निबद्ध-मेहला-कलाव-पेरंत-रइय-कल-कणिर-कणय-किंकिणि-सद्ध-सवण-पडिबुद्ध-मयरद्धय-विमुक्क-सर-विसर-सल्लिय-सरीर-विहलंघलो, रामायणेक्कसरणो तरुणवग्गो, जत्थ य गिरि-सिहर-समुत्तुंग-मत्त-मायंग-गल-गज्जियारव-सवण-समुप्यण-घण-थणियसंकेहि, पइ भवण-माहण-हुणिज्जमाण-हुयासण-समुच्छिन्न-बहल-धूममालावरुद्ध-नहंगणाभोगदंसणसंजायनवपाउसव्वभभमेहि, उद्धंड-तडुवियसेहंड-भारेहि, माणि-णी-माण-गठिनिट्टवणपच्चसकलकेयारवं मुयतेहि, नच्चिज्जइ धवलहरो वरिमवसइयासुं बरहिणेहि, जम्मि य इव्वभजण-बालियाओ इव महग्घाभरणधारिणीओ, रायंतेउरिआओ इव पसरंतबहल-परिमल-घण-घुसिण-भिगनाहि-कप्पू-रागरु-सालिणीओ रोहणगिरि-धरिणी इव पंचवण्ण-रयण-रेहिराओ, सप्पुरिस-चित्तवित्तीओ इव परगुज्ज-रक्खणसमत्थ-वत्थोवसोहियाओ, कुलडा नारीओ इव पर-पुरिसदंसणहेउं पसारिय-नेत्त-जुयलाओ, सद्ध-वियक्खण-पंडिय-मंडलीओ इव वियारिज्जंत-सुत्त-दोसग्गुणाओ, खलयण-वयण-पवितीओ इव पर-मम्म-विघट्टण-पवण-नाराय-सय-सेवियाओ, दुग्गय-पामर-वहुओ इव पयडीवीसंतकायाहरणाओ, सुमित्त-चित्तवित्तीओ इव निरंतर-सिनेह-कलियाओ हट्ट-पंतीओ विरायंति । किं च—

जत्थ गुणवं विथड्ढो धम्मियजण-वच्छलो कला-कुसलो । कय-करणो दाणरुई दयावरो दुत्थियजणेसु ॥५७॥
सरलो पियंवाओ सज्जणो य परकज्जकरणतल्लिच्छो । परदव्वहरण-विरओ जच्चंधो पर-कलत्तेसु ॥५८॥
ठिइ-ठावण-पडुपण्णो भंगम्मि यतीए भीरुओ धणियं । सत्थो कमलदलच्छो वसइ सया पुरिसवग्गो त्ति ॥५९॥
रइ-रूवधारिणीओ, विसाल-सीलेण सालियंगीओ । गयगामिणीओ सिगारसार-रस-कूवियाओ व्व ॥६०॥
मयरद्धय-द्धय-वडिआओ, विहि-सिप्पि-निम्मिया निउणं । कामियण-हरिण-निवडणहेउं वरवागुराओ व्व ॥६१॥
सालीण-सरल-पिय-भासणीओ, ललिय व्व लु लियचरियाओ । देव-गुरु-भत्तिमंताओ, जत्थ महिलाओ निवसति ॥

तत्थ णं नयरे महंत-सामंत-पणाम-समय-निवडंत-मउलिमाला-मयरद्ध-संदोह-ण्हविय-कुसुम-पूइय-पायवीढो, दप्पु-दुरारिकुंभिकुंभ-निवभेयणकेसरी, समर-संचट्ट-समावज्जिय-सूरपुरिस-निहय-खरगप्पहार-पहय-दंत-दंत-समुच्छलिय-जलण-पुंसिग-भासुरे, निरंतर-निवडिअ-उत्तिमंग-कर-कलियकराल-करवाल-नच्चंत-कबंध-भीसणे, तुरयखरखुर-समुक्खय-खोणीरेणु-

निरुद्ध-रविकर-पसरे समरंगणे, जयसिरीए सहस्रसं समालिगिओ, पडिपुण्ण-सुंदर-सयल-सरीरावयवतया अहरिय-मयरद्धय-रुवविहवो नरकेसरी नाम राया ।

बंधुयण-कुमुधचंदो, सूरुो रिउत्तिभिर-नियर-निद्लणो । लंकाहिवो व्व अइसाहसेण, कण्णो व्व दाणेण ॥६३॥
पणईयण-कप्परुखो, दसदिसि-पसरंत-निम्मल-पयावो । तरुणी-यण-मण-माणस-सरम्मि हंसो व्व जो वसइ ॥६४॥
सण्णाय-पथापालण-पसरिय-जस-भरिय-सयल-भुवणयलो । नारायणो व्व लच्छीए जो समालिगिओ निच्चं ॥६५॥

तस्स थ राइणो सयल्लेउरप्पहाणा, निज्जिय सयल-रमणी-यण-रुव-सोहग्गाइ-गुण-गण-साहीण-नरवइ-सयल-सरीर-त्तणेण परितुट्ट-पसुवइ-विदिण्ण-सरीरुद्ध-भागं ललियमवि उवहसंती, सुसरीर-सरुव-निय-पइ-गव्व-गव्विया अणंगगेहिणी रइमवि तिणमिव गणयंती सकलंक-सहय-र-समागम-दोस-दूसिअं कोमुइमवि न किपि मणयंती, कारणं रइए, मदिंरं परम-पीइए, सरीरमेत्तेणं चैव भिण्ण-बीयमिव हिययं नरवइणो पियंगुमंजरी महादेवी ।

भुवणच्छेरयभूयं रुवमिमीए मतोरमं दट्ठुं । विहिणो वि विम्हओ, माणसम्मि नियए समुप्पन्तो ॥६६॥
अहह पडिबिंब-रहिआ, भयतट्टकुरंगलोयणा एसा । कह् निम्मिया मए वि हु, न जाणिमो वत्थु-परमत्थं ॥६७॥
उत्त-कणय-वन्ता, संसार-सुहाण कारणं परमं । सुविणीया सुकुलीणा, पइ-अणुकूला सुसीला य ॥६८॥
कल-कोइल-महुरसरा, निय-बंधव-कुमुयसंड-ससिजोण्हा । रज्जं पि तीए वज्जं, मण्णइ राया किमण्णेण ॥६९॥

सो य राया तीए सह सिणेह-सरिस-सयल्लिदियाणंद-दायगं, बहुजण-नयण-मणहरं, नीसेसविउस-जण-पसंसणिज्जं, जहा समीहिय-संपज्जंत-सयल-विसय-विसरं, विसयसुहमणुभवंतो, कयाइ महुरवीणा-विणीएण, कयाइ बत्तीस-वद्ध-नाडय-रस-पेच्छणेण, कयाइ सिगार-रसिय-सुकवि-कहा-पहेलियावियारेण, कयाइ देव-गुरु-चलणाराहणेण, कयाइ वीणानाह-किविण-दुत्थिय-विहल-जणुद्धरणेण, कयाइ रज्जकज्ज-चित्तणेण कालं गमेइ ।

एवं च जंति दिथहा, परोप्परं ताण नेहजुत्ताण । बहुपुण्ण-पावणिज्जं विसय-सुहं अणुहवंताण ॥७०॥

अण्णया वासभुवणमुवगएण राइणा चइऊण परमपल्लकं, मोत्तूण भद्दासणाईणि पवरासणाणि, सुद्ध-धरणीयलोव-विट्ठा, विसाय-विस-वेग-विसंठुल-सयल-करण-वावारा, वारिय-वीणा-वेणु-बंधव्व-नट्ट-पयट्ट-निय-परियणा, अणवरय-पयट्ट-थोरंसु-विरइय-हारावली, परिचत्त-वरवत्थाहरण-विलेवणा कुसुम-दाम-सुण्ण-केसपासा, तंबोल-परिहार-विरंग-सुककाहरा, निरंतर-विमुक्क-दीहुण्ह-नीसासा, रवि-कर-तविय-विजल-धरणीयल-गयवाल-सफरी व दुक्खभरतावतावियंगी, हिमदइद्ध-कमलिणी व विच्छाय-सयल-सरीरावयवा, चिरपरिचियमवि सहीअणं अपरिचियमिव मण्णमाणी, वाम-करयल-पल्लत्थियमुहा, विमण-दुम्मणा, अट्टज्जाणोवगया, अणायकखणीयं किपि दसंतरमणुह्वती विट्ठा देवी पियंगुमंजरी, संभासिया य सायरेण राइणा—“देवि ! किं ते सरीरे बाहाकारणं ? किं तक्खणुप्पण्णेण केणावि बाहिणा वियारो दरिसिओ ? किं केणावि मए वि अक्खंडियपुव्वा आणा तुह खंडिया ? किं ण विणीओ परियणो ? कस्स वा तुह विप्पियं कुणंतस्स सुमरियं कयतेण ? कहेहि, जइ अकहणीयं न होइ ।” एवं पुच्छंतस्स वि नरवइणो न किपि जंपियं पियंगुमंजरीए । केवलं वाम-चलणं-गुट्टएण धरणीयलं विलिहमाण अहोमुही ठिया । तओ वयणमेत्तेण अकयपडिवती विलक्खो ससंभयो य पासट्टिय-परियण-मुहाणि अवलोइउं पवत्तो राया ।

एत्थंतरे परियणमज्जाओ समागतूण चंदलेहाभिहाणाए पहाण-दास-चेडीए वामकरेण गहिऊण वामचरणं दाहिण-करेण उन्नाभिऊण मुह-कमलं ससिनेहं सोवालंभं च भणिया पियंगुमंजरी—“देविपियंगुमंजरी, जुत्तं णु एवं, सरिसं णु एवं सरय-निसायर-निम्मल-रायवंस-पसूयाणं, उभयकुल-विसुद्धाणं, विणयाइ-गुणगणाहरण-विभूसिय-सरीराणं, पइ-पय-कमल-समाराहण-महुयरीणं, महुसास-लच्छीणं व सयलजण-मणाणंदकारिणीणं, तुम्हारिसाणं, जणं देवय-गुरुभूए संसार-सह-सुहारास-रयणायरे, रमणी-यण-पाणप्पिए पिययमे वि घरमागए अणालवणाइणा परिभवकरणं ?” तीए भणियं—“हला !

चंदलेहे, न मए सुण्णचित्ततणओ किपि वियाणियं । किमेस हेला-विणिज्जिय-सयल-साभंत-पणाम-परंपरापडिच्छण-समय-निवडंत-मणि-मउड-कोडि-संघट्ट-मसणीकय-पायवीढो अज्जउत्तो ।” चंदलेहाए भणियं—“सोहणं जायं, जइ संपयं पि परिजाणिओ । कि दिट्ठपुब्बो कयाइ साभिणीए पढमं वा वंसणं ?” देवीए भणियं—“हला ! असंबद्ध-पलाविणि ! न एस कालो केलीए । संपयं कालोचियं करेसु ।” “जं देवी आणवेइ”—ति भणिऊण उट्टिया चंदलेहा । तओ संभमवस-खलंत-मुत्तरियं दाहिण-करेण ल्हसियं कडिल्लं वामकरेण संठवंती झडत्ति, उट्टिया पियंगुमंजरी वि । “देवि ! अलमलं, चिरप-रिचियज्जे वि अइसं [भमे]णं ति, भण-भण” घेत्तूण करे नियकरेणं निवेसिया भट्टासणे राइणा । समयवि चंदलेहा-विदिन्ने पंचवन्न-रथण-किरण-नियर-निवद्ध-इंदाउहे विचित्त-रमणीए कणगासणे निसण्णो । दिण्णं च चंदलेहाए पियंगु-संजरीए कणय-मय-भिगार-मुह-विणिग्गय-सच्छ-सलील-धाराए मु[ह]पक्खालणं । भणियं च अइगोर[वेण] नरिदेण—“पिए ! पियंगुमंजरि ! साहेहि, नियदुक्ख-कारणं । अणेण-कुवियप्प-सय-संकुलं संतप्पइ मे हिययं । कि च समदुक्ख-जण-संविभत्तं पि विस[ल्ली]होइ दुक्खं ।” तओ कह-कह वि निरुद्ध-सोगावेगाए परम-विणय-विहिय-करयलंजलीए समहिय-घग्घरं जंपियं देवीए—“अज्जउत्त ! तुह पसायलालियाए, आणापडिच्छयासेस-परिअणाए, चित्ताणंतर-संपज्जंत-सयल-मणोहराए बहुजण-सलाहणिज्जं विसयमुहमणुहवंतीए नत्थि मह किपि दुक्खकारणं केवलं पुत्तजम्मविरहिया । विस[मि] व विसयगणं अरण्णमिव वसिमं भारमिवाभरणं तिणमिव समुदुपज्जंतरज्जं विलवियमिव गीयं विडंबणं व हाव-भाव-विलास-नब्भिनं नट्टं सुद्ध[ब्भ]भयल-मिव परमपल्लं [कं] कारागारमिव धवलहर-निवसणं पंक्रमिव कुंकुम-कप्पूर-मिगनाहि-सारसिरिखंडमंडणं जलियजलणजालावली व हारावली मुम्मुरंगारनियर-मिव चंदकिरणावली पडिहाइ । जओ—

घण्णाओ ताओ महिमंडलम्मि महिलाओ माणणिज्जाओ । जा नियकुच्छिसमुब्भवसुयाण वयणं पलोयंति ॥७१॥
उच्छंगाओ कक्खंतरेण पविसित्तु प्हसिरमुहाइं । थणदुद्धं बालयाइं धावंति ते [हु] घण्णाओ ॥७२॥
घण्णाण वि घण्णाओ जाओ दट्ठूण पुत्त-भंडाणि । पण्हअपओहराओ पयं मुंचंति नारीओ ॥७३॥
थणपाणकयत्थाइं मोत्तूण पओहरे प्हट्टाइं । जाणुवर-सठियाइं नच्चाविज्जंति घण्णाहि ॥७४॥
घण्णाउ कुट्टिमत्तले, उट्ठंतपडंतअक्खुडंताइं । ईसीसिमम्मणुल्लावविराइं, जायाणि पेच्छंति ॥७५॥
मज्ज पुण अहण्णाए, नाह न जायं इमाण एकं पि । शिज्जामि तेण अहिअं, कसिणे पक्खे ससि-कल व्व ॥७६॥
रुवेण वि संपण्णा, जोयण-सोहग्ग-संजुया वि दढं । महिला अवच्चरहिथा वंगलगोणि व्व पडिहाइ ॥७७॥

कि बहुणा ? अज्जउत्त ! घरिणीसट्ठेण वि निफलणेण लज्जिया न सककुणोमि नियपरियणस्स वि मुहमुवदंसित्तं किमंग पुण सेस लोयस्स, परमत्थेण अज्जउत्तो ! चेव महदुक्खकारणं, जो न चित्तेइ पुत्तट्ठा किपि उवायंतरं” ति, भणिऊण मोणमासिया । राइणा भणियं—“देवि ! जइ एवं तो जं मए पुब्बि भणियमासि—“कस्स वा सुमिरियं तुह विप्पियं कुणतस्स कयंतेण तमम्हाण निवडियं” । एत्थंतरे “पडिहयमंगलं हवउ देवो पब्बयाऊ पूरेउ पणइज्जमणोरहे । पालेउ तिसमुदमेहलं मेइणी ति ।” जंपियं चंदलेहाए ।

राइणा भणियं—“अहो ! मंगलकरणकुसलया देवी परियणस्स, अवसर-भणिई-निउणत्तणं च । देवि ! साहारणे वि सुय-सोणानले किमेगाणिणो संतप्पसि ?” तीए भणियं—“धणो तुमं, संति तुह आणाओ वि विमुद्धरायवंस-संभवाओ पणइणीओ, ताण पुत्तेहि वि कयत्थो तुमं ।” चंदलेहाए भणियं—“असाहारणो पई देवो देवीए अम्हाणं संकप्पो आसि । जाव सयं चेव देवीए सयल-पणइणी-साहारणो कओ ।” राइणा भणियं—“चंदलेहे ! अलमिभिणा वियारेण ।

जंपउ जं वा तं वा करेउ जं नियमणस्स पडिहाइ । तह वि मह माणणिज्जा देवी को वल्लहे रोसो ? ॥७८॥”

तओ कोवानलवसरत्तच्छ-दुप्पेच्छाए इसिकंपंत-सिरोहराए आवेसवस-फुरुफुरंताहराए जंपियं देवीए—“हला चंदलेहे ! जइ अज्जउत्तचित्त-लहणत्थं मए एयं पर्यपियं तो कीस तुमं विस-तुंबयं व नाहि लण्हा अंतो विसभरिया,

मुइ व्व तिक्ख-तुंडा, बसणंतरं लहिऊण पइट्ठा । अरे ! अत्थि कोइ जो एयं असिक्खअ-पंडियं दुट्ठ-दासि मसिवि[लि]-त्तगतं करिय अद्धचंदं दाऊण रायभवणाओ नीहारेइ ?”

एत्थंतरे परिहासं वड्ढयंतेण चंदलेहमुद्दिसिऊण जंपियं राइणा—“सच्चो एस अहाणओ—‘जन्न सुसिक्खओ वि नाविओ नियसिरं मुंडेइ ।’ जओ चंदलेहाए मंगुलं काऊण अम्हाण पडिहयममंगलं अप्पणो पुण मज्झे समागयं ।” सोऊण सयल-परियण-दिण्ण-समकाल-करताल-सद्-भरिय-भुवणोदरो अट्टट्टहासेण प्हसिओ राया ।

तओ “अहमेगा एत्थ दुहिया, न जुत्तं दुहिय-जगस्स सुहियजग मज्झे अवत्थाणं” ति, भणमाणी भोत्तूण भद्दासणं चलिया देवी ।

‘देवि मरिसियव्वं’ ति, भणमाणेण राइणा वामहत्थे गहेऊण तम्मि चेव भद्दासणे निवेसिया । भणिओ य परियणो—‘न तेण मह कज्जं जो देवीए न संगओ । ता लहुं पसाएह ।’ तओ मुणिय-नरवड-हिययाभिप्पाओ विणय-विहियंजली—“सामिणि ! खमेसु जं किचि अवरद्धं” ति जंपिरो चलणेसु निवडिओ सव्वो वि परियणो । चंदलेहाए भणियं—“सामिणि ! मह विसेसेण खमियव्वं, न मए अहिय-बुद्धीए एयं पर्यापिअं, किंतु सामिणी-दुक्ख-दुक्खिय-महाराय-विणोयण-त्थं ।” पियंगुमंजरीए भणियं—“जइ एवं तो खमियं चेव । गच्छह, नियवावारवावडा होइ” ति । भणिऊण विसज्जिओ परियणो ।

तओ राइणा भणियं—“पिए ! पियंगुमंजरि ! ‘विसाय-वहुलो य इत्थियायणो’ सच्चवियं तए एयं । मुंच संपयं विसायं, करेहि ताव अबलाजण-सज्जमुवायं । जइ तेण ते पुत्तो न भविस्सइ ताहमन्नं उवायंतरं चित्तिस्सामि” ति, भणिऊण विसज्जिया देवी ।

सयमवि रज्जकज्जाणि चित्तिउमाढत्तो । पियंगुमंजरी । वि पसत्थ-वासरे संनिहिय-सयल-पूओवगरणा परिमिय-चेडिया-चक्कवाल-परिक्खित्ता, ण्हाया, परमसूइभूया, गहिय-सविसेस-उज्जल-नेवत्था, गया धरणीतिलयभूयं मयरंदसुंदरं नाम उज्जाणं । दिट्ठोय तत्थ बहुजणजणिय-पउर-पच्चओ अमरसुंदरो नाम जक्खो । ण्हाविओ मुगंध-गंधोदएणं । पिजरिओ पवर-घणसार-जल-संमिस्स-कुंकुम-कैसर-रसेणं । कया कबोलेसु मियगताहिणा पत्तावली । पूइओ सरस-सयवत्त-पमुह-कुसुमेहिं । आहरिओ पवराहरणेहिं । परिहाविओ पवर-वत्थाणि । समुद्धओ कालामरु-कप्पर-पूर-परिमल-भरिय-भवणोदरो धूओ ।

तओ काऊण पंचंगपणिवायं विण्णत्तो देवीए—“देव ! मयरसुंदरुज्जाणभूसण ! जइ तुह पसाएण पुत्तो भविस्सइ, तो ते सुवण्ण-सयसहस्सं दससहस्साणि घेतुंगं सयल-विसयसारं गाम-दुगं च वियरिस्सामि । अट्ट दिणाणि महामहसवं, दिण-मेगं सपरियणा रयणि-जागरणं च करिस्सामि” ति विण्णविद्या सभवणमागया ठिया ।

तमेव जक्खं समाराहयंती मासमेगं न तेण सुय-संपत्ति-सूयणो सुमिणगो वि दिण्णो ।

तओ सविसेसमधिइं कुणमाणी दट्ठूण जंपियं-जराजज्जरिय-सरीराहि, वयण-कंदंतर-पविरल-दीसंत-दसणाहिं, दुड्ढत्तण-महाराय-निवास-सूयणपयडिअ-सयल-धवल-सिरोरुह-धयवडाहिं, रायावरोहत्त-निउत्ताहिं, महत्तल-महल्लीहिं—“देवि ! अत्थि-रयणपुरस्स उत्तर-पुरत्थिमे दिसाभाए सच्चोवायं य बुड्ढजण-मुणिय-माहम्मं, सडिय-पडियं चंडियाययणं । तहि वच्च तुम्हे । मा तत्थ गयाए सामिणीए समीहिय संपत्ती न होज्जा ।” ‘एवं भ [व]उ’ ति भणिऊण पहाण-परि-[यणपरि] बुडा कइवय-थेरी-पुरस्सरा परियण-मुणियमग्गा गया चंडियाययणं । तत्थ वि तहेव ण्हाणाइ-पहवणाइ-सयलपडिवात्ति काऊण विण्णविउमाढत्ता पियंगुमंजरी—“देवि ! महिसासुर-दप्पदारिणि, कर-कय-तिक्ख-तिसूल-धारिणी, पणयजण-मणवच्छिय-कारिणि, पलय-काल-कंकाल-रुव-धारिणि कच्चायणि ! काऊण पसायं, देहि मे कुलनंदणं, जेणाहं करेमि पइदिणमेव तुह पायवंदणं । समुद्धरेमि सडिय-पडियं तुह मंदिरं । कारवेमि भयवईए जच्चकंचण-पडिमं । दसेसु पुत्त-संपत्ति-सूयणं सुमिणगं, जेणाहं निव्वुया चिट्ठामि” ति, भणिऊण विहियपणामा जहाजयं गया देवी ।

वोलीणा कइवि दियहा । न जायं सुमिण-दंसणमवि एवमणणाणि वि बहुजणजणिय-पच्चयाणि भुवणविणिग्गय-जसाणि, पोरण-जणिय-माहप्पाणि, देवयारूवाणि समाराहयंतीए समइक्कंता छम्मासा न उण पुण्णा आसा ।

तओ पारद्धा बहुसुयजण-सेवा । पउत्ता तेहि नाणाविहा मंत-जोग-चुण्णा । पाइया बहुप्पयाराणि खार-नुवर-कडुय-ओसहाणि । अप्पा चेव तेहि कयत्थिओ ।

जओ भणियं—

सो को वि नत्थि देवो, न दाणवो न वि य जाणु-यजणो वा । जो पत्थिओ न तइया, देवीए पुत्तकज्जेण ॥७९॥
तह वि न हु कज्जसिद्धी, संजाया पुव्व-पुण्ण-विरहेण । एगं वि सुत्थिय-जणं, न सहइ अहवा विहि एसो ॥८०॥

तओ देवी गरुय-सोग-संभार-भरियमाणसा परियणाणुरोह-विहिय-पाण-भोयणा, परिसुत्थिय-सयल-सरीरावयवा, हिम-दड्ढ-कमलिणीव विच्छाया, दिट्ठा अण्णया राइणा । सुमरियपुव्व-वुत्ततेण पुच्छिया चंदलेहा—“किं न कओ देवीए पुत्त-निमित्तं देवयाराहणाईओ उवाओ ?” चंदलेहाह—“उवाय-सहस्सा कया, केवलं उच्छु-पुप्फं व निप्फला जाया, अओ तेण दुक्खिया सामिणी ।”

राइणा भणियं—“देवि ! अलं विसाएण, करेहि सव्वं पि ण्हाण-विलेवणाइ करणिज्जं । अंतो छहं मासाणं जइ ते मणोरहे न पुरेमि तो जलणं पविसामि ।”

चंदलेहाए भणियं—“अलममंगलेण” राइणा भणियं—“जइ वयणेण मंगलं होइ तो किं न देवीए पुत्तो हवइ ।”

चंदलेहाए भणियं—“देव ! लोघववहारेण मंगलाणि कीरत्ति । परमत्थेण पुण पाणिणं निय-कम्माणि चेव सुहा-सुहकारणाणि ।”

राइणा भणियं—“जइ एवं तो न नज्जइ कम्माणि वि बंधगाणि तो तहा जइस्सं जहा अचिरादेव देवी पुत्त-सुहमवलोएइ ।”

एत्थंतरे नियपओयणवसेण ‘एवमेयं’ नत्थित्थ संदेहो, जंपियं केण वि परियणमज्झाओ, फुरियं रण्णो दाहिण-लोयणेण, निसुओ संब-सहो, गुलुगुलियं गंध-हत्थिणा, हिसियं पहाण-तुरंगमेण । तओ राया सुह-सउण-परंपराजणिय-पहरिसो, वियसिय-वयण-कमलो दिट्ठो देवी चंदलेहाहि । भणियं च चंदलेहाए—“सामिणि ! हरिस-परिव्वसो च्चिय देवो दीसइ । किं कारणं ?” तीए भणियं—“सुट्ठु नायं, परं तुमं चेव पुच्छेमु कारणं जेण ममा वि मण-निव्वुइ होइ ।” तओ काऊण पणामं जंपियं चंदलेहाए—“करेउ पसायं देवो, कहेउ जइ अकहणीयं न होइ ? किं वो हरिसस्स कारणं ?” राइणा भणियं—“सुह-सउण-परंपरा ।” इसिं विहसिऊण जंपियं चंदलेहाए—“देवि ! संपुण्णा ते मणोरहा, जओ देवो दुव्वल-वणिओ इव सउणायत्तं कज्जसिद्धिं मण्णेइ ।” राइणा भणियं—“चंदलेहे ! सउण-सज्झा कज्ज-सिद्धी सयलजण-सम्मयमेयं । किं न सुओ तए मुग्ग-वाणियग्गदिट्ठंतो ?” तीए भणियं—“न सुओ सामी । जेण सामिणी वि खणमेत्तममुणा विणोएण सुहिया हवइ ।” राइणा भणियं—‘सुणसु’ ।

अत्थि इहेव भारहे वासे पमुइय-पामर-सयसमाउलो, आरामुज्जाण-वावि-पोक्खरिणि-समाउलो, दुप्पय-चउप्पय-धण-धण-हिरण-सुवण-सोहिओ, मज्झिमबडमंडणो, धरिणी-तिलयनगर-समासण्णो, ‘सालिग्गामो’ नाम गामो । तत्थ णं विहल-ववसाओ, सुविणे वि असपण-मणुण-पाण-भोयणो, जर-दंडी-खंड-निवसणो, आजम्म-दारिदिओ ‘दुग्गिलो’ नाम वाणियगो परिवसइ ।

सो तत्थ पुव्वकवकम्मदोसेण उदर-भरणमेत्तमवि लाहमलहितो मुग्गवडियं गहाय धरणीतिलयं पत्थिओ । पत्तो कमेण नयर-वाहिरियं दिट्ठो सिद्धपुत्तेण । पुच्छिओ—“कत्तो भवं ?” तेण भणियं—“सालिग्गामाओ । दाणिज्जेण किमत्थि

लाहो न वा ?” सिद्धपुत्तेण भणियं—“केरिसा भे सउणा जाया ?” तेण भणियं—“घर संठियस्स चेव गमणसंकप्पकाले छीयं पच्छिम-दिसाए । घराओ नीहरंतस्स पिट्ठो छीयं । गामाओ नीहरंतस्स वामा सामा जाया । नगर-पवेसे वि दाहिणं”ति । सिद्धपुत्तेण भणियं—“अहो ! सोहणा सउणा, सयल-समीहिय-संपायगा । जओ भणियं—

ठाणट्टियस्स पढमं, चिय कज्जं किपि काउकामस्स । होइ सुहा-असुहा, चिय छीया दिसिभागभेएण ॥८१॥ पुव्वदिसा धुयलाभं, जलणे हाणी जमालए मरणं । नेरइए उव्वेयं, पच्छिमए परमलच्छी य ॥८२॥ वायव्वे सुहवत्ता, घणलाहो होइ उत्तरे पासे । ईसाणे सिरिविजयं, रज्जं पुण बंभठाणे य ॥८३॥ पह-पत्थियस्स संम्हा, छीया मरणं नरस्स साहेइ । वज्जेह दाहिणं पुण वामा पुट्ठीए सिद्धिकरा ॥८४॥ हवइ पवेसे वामा, असुहयरा दाहिणा सुहा चेव । पुट्ठीए हाणिकरा, लाहकरा सम्मुही छीया ॥८५॥ निग्गमे सोहणा वामा, पवेसे दाहिणा सुहा । सूलि-सूलिसरा सामा, नरो पुण्णोहि पावई ॥८६॥

ता भइ ! तुमं सुह-सउणनिरिक्खओ, परमफलं पाविहसि ।” एवं भणिकुण गओ सिद्धपुत्तो । दुग्गिलो वि इमं सोऊण पमुइय-माणसो मोत्तूण घरणीए मुग्गवडियं उब्भिय-भुओ, मोक्कलसिरोरुहो, निदय-पायप्पहार-पहय-धरणी-तलो, नच्चिउं पवत्तो । दिट्ठो य नयरओ नीहरंतेण हत्थिखंधगएण विक्कमसार-राइणा । पुच्छिओ समासन्नपुरिसो । “अरे ! किमेस जक्खाइट्ठो वाउलो वा जेणेवमसमंजसं नट्टुविहि पयट्टेइ ?” पुच्छिओ गंतूण पुरिसेण—“अरे ! कि करेसि ?” तेण भणियं—“ककारो ते मत्थए निवडउ मह पुण सुह-सउणफलं संपज्जउ ।” पुरिसेण भणियं—“कुविय-कयंतालोइय-महाराओ पुच्छावेइ लहं साहेहि ?” तओ तेण भयभीएण “तमो पुव्वकय-कम्मण, रण्णे वि राउलमम्हाणं,” ति भणमाणेण साहिओ सुह-सउण-वइयरो । तेण वि गंतूण राइणो । तं सोऊण कोवमुवगओ राया समाणत्तो दंडवासिओ—“अरे ! अणुहवउ पमुमुह ! सउणफलं । तुमं पि नगरे गंतूण पडहएण घोसाविज्जा । पंचदिण भज्जे वहिरामयं मुग्ग-वडियमवि गहिस्सइ तस्स राया महादंडं करिस्सइ ।”

तेण वि तहेव संपाडियं रायसासणं पविट्ठो दुग्गिलो नयरमज्जे । गओ आवणवीहीए । दिट्ठो नियहट्ट-निविट्टेण धनसारसेट्टिणा । हक्कारिओ हत्थसण्णाए । समागओ दुग्गिलो । निसण्णो । दिण्णासणे, मुक्का मुत्तली, पुच्छिओ सेट्टिणा—“किमेत्थ कियणयं ?” तेण भणियं—“मुग्गवडियामयं ।” तओ वामहत्थ-पंचगुलीहि मुहमच्छायंतेण तरलतारयं दिसोदिसि निभालयंतेण, दाहिणकरं भुज्जो-भुज्जो विसज्जणकए फेरयंतेण निहुयं जपियं धनसारसेट्टिणा—“अरे ! संबनिहि-सरिस ! अवंसर, ममावणाओ । अलं तुह संगेण ।” एवं खर-फरुस-वयण-निभच्छिओ वि कज्ज मकज्जमबुज्जंतो अणुट्टिकामो वि बलाओ करे घेतूण निद्धाडिओ सेट्टिणा । विलक्ख-वयणो नयर-मज्जेण हिंडंती पत्तो दुम्मह-वाणियगस्स आवणं । दिट्ठो तेण । सहिऊण पुच्छिओ—“किमेत्थ ?” तेण भणियं—“मुग्गवडियं ।” तओ कयं दुम्महेण कयंत-भउडो-भीसणं वयणं । जाओ रत्तच्छो । जपियं—“निय नाम सरिसं नत्थेत्थ कोइ आरक्खिय-पुरिसो रायसेवगो वा ? जो एयंसं रायसासणाइक्कमकारिणो बुट्ट-वाणियगस्स निग्गहं कारेइ ?” एयं सोऊण भयभीओ उट्टंती चेव गहिओ दंडवासिय-पुरिसेण दुग्गिलो । सो गाढं कयत्थिऊण नीओ पंचउल-समीवे । “एस रायसासणमइक्कमंतो मए पावियो । जं जुत्तं तं करेह ति ।” भणिकुण गओ पुरिसो । पुच्छिओ तेहि दुग्गिलो । “कि तुममित्थेव वत्थगो उयाहु आगंतुगो ?” तेण भणियं—“सालिगामाओ समागओ ।” तेहि भणियं—“कि न सुयं तए पंच दिणाणि जाव मुग्गवाणिज्ज-निवारणागबं महाराय-सासणं ?” तेण भणियं—“न सुयं ।” तओ संजायाणुक्पेहि ‘मा भुज्जो वि एयं करेज्जसु’ ति, भणतेहि विसज्जि-ओ सो तेहि । गओ नयरगोअरपच्चासन्न-संठियं सुण्णावणमेगं पविट्ठो तत्थ तमंघयाररयणीए तण्हा-छुहाकिलंतो, विसन्न-माणसो चित्तिउं पवत्तो—

जणणीए खथकारय, बहुजणपरिभूयविहलववसाय । सयलपुरिसत्थवज्जिय, घणहीणधिरत्थु ते जीयं ॥८७॥ दारिह-गरुय-मोगगर-पहरण-पहओ पणट्टचेट्ठो । जं दुग्गओ वि जीवइ, तं मण्णे गरुय-पाव-फलं ॥८८॥

काऊण गरुयखेयं, दीहं उण्हं च नीससिऊण । गहिऊण मुट्ठिमोगं मुग्गाण अह खाइउं लग्गो ॥८९॥
घूली घूसरियंगो, खरं-फरुस-सिरोरुहो मलिणवत्थो । निप्पडिकम्म-सरीरो, मुणि व्व नियमेण परिहिणो ॥९०॥
इंदिय-पसर-निरोहं काउं दाऊण मत्थए भोट्टं । भूमोए चव सुत्तो, संझा समयम्मि सो तत्थ ॥९१॥

इओ य तम्मि चव नयरे राइणो सव्वाहिगारी मइविहवो नाम मंती परिवसइ । जयावली से भारिया ।
चउण्हं पुत्ताणमुचरि बहूहि उवाइय सएहिं सोहग्गसिरिनामिया एगा चव तीए दारिया । अईव वल्लहा तेसि । सम्मया
सयलपरिअणस्स । कमेण बड्ढमाणा पत्ता मयरद्धय-महाणिहाणभूयं जोव्वणं । कारवेइ पिया उच्चियवर-गवेसणं ।

अण्णया धवलहरगयाए पियंकराभिहाणसहीसहियाए सोहग्गसिरीए दिट्ठो रायमग्गेण गच्छंती पढम
जोव्वणे वट्ठमाणो नलकूबरो व्व परमरुव-रमणीओ धणवत्तसिट्ठिसुओ धणचंदो । दसणाणंतरमेव गया सोहग्गसिरी मयण-
बाणगोयरं । हियसव्वासा? विम्मण-डुम्मणा दिट्ठा पियंकराए । भणिया य “सहि, सोहग्गसिरि ! कि कारणं निरुद्ध-
सयलिदियवावारा परमजोगिणि व्व किपि ज्ञायंती तुमं दीससि ?” तीए भणियं—“न किपि तहाविहं ।” पियंकराए
भणियं—“अकहिज्जमाणं पि जाणियं मए, परं तुह मुहाओ सुयं निस्संसयं हवइ” त्ति कलिय पुच्छिज्जसि ।” तीए भणियं—
“कहेहि, ताव पेक्खामि तुह मइकुसलत्तणं ?” पियंकराए भणियं—“धणचंददंसणं तुह पयइविज्जास-कारणं ।” सोहग्ग-
सिरीए भणियं—“सोहणं नायं पियसहीए, परं पडियारं चित्तेसु ।” पडिवण्णमेईए । कया भिण्ण-रहस्सा सोहग्गसिरिधाई
मयणिया । भणिया—“पिय सहि ! सोहग्गसिरीए जं कज्जं तं तुह चव कज्जं, परं अविदियं तुह कहिज्जइ ।” तीए
भणियं—“कहेसु ।” साहिओ तीए सोहग्गसिरिसंतिओ धणचंददसणाणुराय-वइयरो । जायाओ दोवि एगचित्ताओ ।

अण्णया गया मयणिया धनचंदमदिरं । निसण्णा आसणे । पुच्छिया धणचंदेण—“किमागमण-पओयणं ?”
सणियं सबणंते होऊण साहियमिमीए । “वच्छ ! तुह पाणिग्गहणकए गाढं परितप्पइ मति-तगया सोहग्गसिरी । भणइ
य जइ न मे धनचंदो पई तो पाणे परिच्चइस्सं, एवं नाऊण जं उच्चियं तं करेहि ।” तेण भणियं—“गच्छसु तुमं,
नियहियएण मंतिय जहाजुत्तं तहा साहिस्सामि ।” गया मयणिया ।

चित्तिउमाढत्तो धनचंदो—‘अहो ! संकडमावडियं । जइ ताव सब्भाव-सिणेहाणुरत्ता पिययमा परिहरिज्जइ
तो सा जलण-पवेसेण वा कूव-निवडणेण वा विस-भक्खणेण वा उब्बंधिऊण वा अत्ताणयं मरिज्जा, तं न संगयं ।
अह पच्छन्नमेव तीए पाणिग्गहणं कीरइ तो नियकुलमइलणं, विरोहो य अमच्चेण सह जायइ, तो अलं मे पच्छण्ण-
पाणिग्गहणेणं त्ति’ निच्छयं काऊण टिओ धनचंदो ।

बीयदिवसे सभायया मयणिया । पुच्छिओ तीए सेट्ठि-सुओ-कि मंतिओ ? पडिसिद्धा तेण, तहवि न ट्ठिया ।
पइदिणमेव गमणं कुणमाणीए समइक्कंता एग-दिवसेण ऊणा छमासा । तहवि न जाया कज्जसिद्धि । छमासपूरयो
य सो चव वासरो जत्थ दुग्गलो मुग्गवडियं गहाय समागओ । कयनिच्छया गया तम्मि दिणे मयणियाए भणिओ
धनचंदो—“अज्ज सोहग्गसिरिसमीहियं करेसु इत्थीवहं वा पडिवज्जासु ?” उवरोह-सीलयए पडिवण्णं धणचंदेण तव्वयणं ।
तीए भणियं—“जइ एवं तो नयरपुव्वगोउरसमासन्न-मुन्न-हट्ठे पविरल-जणसंचारुव-रयणीए गन्तूण चिट्ठियव्वं ।” एवं ति,
तेण पडिवण्णं । गया मयणिया । साहिओ सोहग्गसिरीए सब्बो वि वइयरो । कया तक्कालोचिया विवाह-सामग्गी ।
गहियो सराव-संपुडे काऊण अग्गी । गयाओ तत्थावणे । विरस-परिणाममेयं ति कलिऊण न समागओ सेट्ठि-सुओ । ‘धण-
चंद धणचंद’ त्ति, मंदमंदमुल्लवंतीओ पविट्ठाओ ताओ सुण्णंधयारहट्ठमज्जे । इओ तओ करपरामरिसं कुणंतीण लग्गो
हत्थो दुग्गिलय-सरीरे । करे घेतूण उड्ढियारिओ मयणियाए । भणिओ य सपरिहासं । “अहो ! सुहिओ जणो, जो
एवं वज्जभारमंगीकाऊण निच्चितो सुयइ ।” दुग्गिलेण चितियं—“हंत !! किमेवं कयत्थिऊण अज्जवि न कयत्थो विही ।
करेउ जं से रोयइ ।” ट्ठिओ तुसिणीओ, विलित्तो कप्पूर-पूरकालागुरु-सम्मिस्ससारसिखंडेणं सव्वंगेसु मयणियाए ।
नियंसाविओ सेय-सुकुमालवरवत्थ-जुयलं । पिणद्धो सिरोहराए नित्तुलामल-मुत्ता[ह]ल-हारो । लंबावियं कंधराए कणय-

संकलं । विरइओ सरस-सुगंधसार-सुमेहिं सिरम्मि सेहरो । बद्धं दाह्णिकरे कंकणं । मेलिओ मयणियाए करो करेण । भमियाणि सराव-कय-कइव-अंगार-परिपेरतेसु चत्तारि मंडलाणि । भुत्तो वह-वरेण एगथाले चेव सुह-संभारो कंसारो । काऊण जलसोयं गहियं पंच सोगंधिय-तंबोलं । हरिस-वस-निम्भराए पुरओ होऊण जपियं मयणियाए—“धनत्रंद ! अज्ज तुमं धणचंदो सोहग्गसिरी, तुमं पि इच्छिय-वर-कर-गहणेण अज्ज सोहग्गसिरी । कओ मए कहकहवि पुण्णमंताण समागमो । अओ परं विही पमाणं” ति, भणिऊण विरमिया मयणिया । मंदमंदं जपियं दुग्गिलेण ‘विही पमाणं’ ति, नत्थित्थ संदेहो ।

तओ सुहेण ‘न एस धनचंदो’ ति, नाऊण मयणियाए साहियं । सोहग्गसिरीए भणियं—“जइ एवं तो लहुं नियघरं वच्चह । तहेव कयं, नुवन्ना नियपल्लके सोहग्गसिरी । रविकरतविद्य-थल-गय-सफरीव तल्लोवेल्ल कुणमाणी विलविउमारद्धा—

अबला जणम्मि पहरसि, तत्थ वि कण्णायणम्मि निक्करुण । मोत्तूण सूर पुरिसे, सच्चमिणं जं अणंगोसि ॥९२॥
न कुलं न यावि सीलं, न गुरुयणो नेव बंधव-जणो वा । वयणिज्जं पि न गणियं न तो वि सो पिययमो जाओ ॥९३॥
सो वि न दिट्ठो जो किल परिणीओ कहवि अंधयारम्मि । विनडियम्मि विहिणा न कण्णया नेव परिणीया ॥९४॥
अह ह्यहियय ! बहुदुक्ख-जलण-जालोलितावियं पि दढं । फुट्टिहसि कहण निग्घण लोहं व घणपहयं ॥९५॥

एवं विलवमाणी भणिया मयणियाए सोहग्गसिरी—

आरंभे च्चिय विरसाइं तहय विरसाइं करणकालम्मि । मंदालोच्चिय कज्जाइं एत्थि [मूढा] दूमिंति ॥९६॥
जइ तुह सुहेण कज्जं निरंतराएण मयसिलिबच्छि । तो अइकिलेसवहुलो पियो जणो नेव कायव्वो ॥९७॥
एवंविह कज्जकरो वसणे वि हु धीरओ जणो होइ । काऊण जो विसायं, करेइ सो तिणसमो सुयणुं ॥९८॥
ता मोत्तूण पलावे, साहसमवलंविऊण खणमेणं । चिट्ठसु सयणिज्जगथा [ए]त्थ कि बहुवियारेण ? ॥९९॥
अहमवि कहेमि गंतूण, तुज्ज जणणीए वइयरं एअं । मा सच्चं हवउ इमं न य जारो नेय भत्तारो ॥१००॥

एवं भणिऊण गया मयणिया । साहिओ सब्बो वि सोहग्गसिरिमाऊया[ए] वइयरो । तीय वि संभमखलंत-पयसंचाराए गंतूण साहियं अमच्चस्स । सो वि किकायव्वमूढो च्चिट्ठे ।

एस चेव वइयरो विक्कमसारराइणो धारिणिदेविअंगसमुन्भवाए अणंगसिरिनामियाए कण्णाए सब्बो समाणो वट्टइ । नवरं तीए समरसेणसामंत-पुत्तो अमरकेऊ दिट्ठो । भणिया नियघाई वियक्खणा—“अं ! अमरकेऊणा सह केण वि पयारेणं जहा मंह पाणिग्गहणं संपज्जइ तहा करेसु अण्णहा नत्थि मे जीवियं ।” पडिवण्णं वियक्खणाए । गया अमरकेऊसमीवं । कहिओ अणंगसिरि वइयरो । तेण भणियं—“मह पिया पुव्वपुरिस-परंपराए चेव विक्कमसार-राइणो सेवगो । तं न जुत्तं मह एरिसं काउं” ति, पडिसिद्धा वि अ दिणे-दिणे समायच्छइ जाव एग दिणूणा छम्मासा । तह वि न पडिवज्जइ अमरकेऊ ।

तओ दुग्गिलागमण-वासरे काऊण निच्छयं गया अमरकेऊ समीवे वियक्खणा । सोबालभ-वयणगन्धिणं भणिओ-अमरकेऊ ! “किं तुमं रायबीएण न जाओ ? सिणेहाणपुरत्त-पियजण-परिभवो वा न तुमं पीडेइ ? जेण पइदिणं सिणेह-सल्लिलेण सिच्चमाणो वि सणसिदुरगंठि व्व निव्वरयरो होसि, छम्मासे जाव किलेसिओ अप्पा, अज्ज विहिं वा रडिसेहं वा करे” ति, उवरोहसीलयाओ पडिवण्णं तेण । तीए भणियं—“जइ एवं तो समइक्कंते रयणिए पढमजामे एगामिणो राय-पहपच्चासण्ण-पासाय-गवक्खग-हिट्ठे ठाइयव्वं । पिच्छिहसि तत्थ तुमं लवमाणी मुट्टिरोज्जमज्जं वरत्तं, पा तए ईसिवालणीया दढयरं गहियक्का य । अओ परं जहा जुत्तं अम्हे चेव करिस्सामो” ति सिक्खविय गया वियक्खणा । गमणसमए ‘न सुंदरमेयं’ ति, चित्तिऊण न गओ अमरकेऊ

इओ य सो दुग्गिलो वरवत्थाहरण-विभूसिओ, गंधुद्धुर-विलेवण-विलित्त-सव्वंगो, तक्खणवियसंतमालइमाला-विरइयसिर-सेहरो, समुप्पण्णपेक्खणय-दंसणाहिलासो, उट्टिऊण तओ ठाणाओ गंतु पयट्ठो । पत्तो अणंगसिरिधवलहर-हेट्ठओ, दिट्ठा लंबमाणा रज्जू, गहिया करेण, चालिया मणांगं, “सुलम्भो हवेज्जसु” त्ति, जंपियं वियक्खणाए । दुग्गिलेण चित्तिं—“अहो ! एयं बीयमिव नाडयं लक्खियइ हवउ सउणा विलसंति” लग्गो दढयरं । खंचिया ताहि रज्जू । आरोविओ सो धवलहर-गवक्खे । तं अंधयारत्तणओ सव्वरीए निरुद्ध-वयण-वावारत्तणओ य न पच्चभिण्णाओ । तक्खणा चेव कयाणि वियक्खणाए तहेव विलेवण-कुसुम-वत्याहरण-कंकण-बंधणाईणि सव्व-कज्जाणि । निव्वत्तिं पुव्वपओगेण पाणिग्गहणं, । तहेव भुत्तो कासारो, कयं जलसोयं, दिण्णं तंबोलं, उवविट्ठं वहु-वरं, पुरओ होऊण आणंदभर-निम्भराए जंपियं वियक्खणाए—

“अज्जं चिय मह सहलो परिस्समो अज्ज सुत्थिया जाया । अज्जं चिय कज्जभरो, उत्तिण्णो मह सरीराओ । १०१ । अणुरुव-रुव-सोहग्गसिरि समद्धासियाण तुम्हाण । अणुकूल-विहिवसेणं समागमो जं मए दिट्ठो ॥१०२॥

संपयं तह कह वि विही विहेउ जहा एसो आजम्मं चेव पवइडमाणो होउ । दुग्गिलेण भणियं—“एवं होउ ।” सइं सोऊण संकिया वियक्खणा । साहियं अनंगसिरीए, “हद्धी ! मुट्ठुम्ह, अण्णो वि य एस कोइ लक्खीयइ ?” अणंगसिरीए भणियं—“जइ एवं तो लहुं विसज्जेहि ।” तहेव विसज्जिओ । गओ सट्ठाणं । दुग्गिलो मुग्गवडियं ऊसीसए काऊण सुत्तो । साहियो एस वइयरो वियक्खणाए अणंगसिरि-जणणीए । तीए वि राइणो ।

इओ य मइविहवमंती अण्णमुवायंतरमलभमाणो दुहिया-वइयर-साहणत्थं रण्णो समीवमागओ । विण्णत्तो राया—“देव ! मह दुहियाए निय-कुल-कलंकमगणंतीए अबलायण-सुलहं महासाहसमवलकिऊण पच्छण्णमेव केगावि अप्पा परिणाविओ । जमेत्थ कायव्वं तं महाराओ जाणइ ।” राइणा भणियं—“मह दुहियाए वि तुह दुहिया सरिसमेव चेद्धियं । अहो ! विहिणा समदुक्खाण समागमो विहिओ । अलमेत्थ वियारेण । लहु गवेसावेहि वरदुयं पि ।” निग्गओ मंती । पेसिया दिसोदिसं वर-गवेसणत्थं पच्चइय-पुरिसा । हिडिया तिय-चउक्क-चच्चर-चउमुह-महापह-सुन्न-घर-देउल-आरामु-ज्जाण-काणणाइ-ठाणेसु । न लद्धा कत्थ वि वरपउत्ती । पडिनियत्ता पुरिसा । समागया सुण्ण-वणसमीवे । समागओ सुण्ण-वणाओ वर-कुसुम-विलेवणाण सुरहि-परिमलो । संजायसंका पविट्ठा तत्थ पुरिसा । दिट्ठो य विवाह-वेस-परिगओ कंकण-जुयल-परिमडियदाहिणकरो दुग्गिलो । करे घेतूण नीओ तेहि अमच्च-समीवं । तेण वि दंसिओ राइणो । पच्च-भिण्णाओ । रणा भणियो य सो—“मुग्गवाणियगो तुमं ?” तेण भणियं—“जं देवो जाणइ ।” कओ नरिदेण आधार-संवरो । समाणत्तो मंती एयमित्थ पत्तयालं जमेसो घर-जामाउओ चेव कीरइ, ता समप्पेहि धवलहरमेगं, वियरिज्जउ पंचसय-गामणि-सामी ! “जं देवो आणवेइ” त्ति, भणिऊण तहेव सव्वं संपाडियं मंतिणा । राय-अमच्चाण सम्मओ मणुय-भव-दुल्लहं वि-सय-सुहमणहवंतो सुहं सुहेण कालं गमेइ दुग्गिलो । एवमेसो सुहसउण-सामत्थेण सुहिओ जाओ ।

“अउ चंदलेहे ! सुहिया चिट्ठउ देवी, अणुकूलसउण-सूइयं सिज्जइ चेव देवीसमीहियं ।” एवं अणुकूल-वयण वित्थरेण समासासिऊण देवि गओ सट्ठाणं राया । निसण्णो सहा-मंडव-सीहासणे ।

इत्थंतरे कालायस-कडय-कट्ठिण-दंड-हत्थो समागओ पडिहारो । पणामपुव्वयं विण्णत्तो तेण राया—“देव ! दंसणुसुओ अधोरघंटो नाम कावालियो दुवारे चिट्ठइ ।” रणा भणियं—“सिग्घं पवेसय, का तवस्सिजणे वि पुच्छा ?” गओ पडिहारो । पवेसिओ महावइगो, समागओ पत्थिव-समीवं, पणमिऊण दिण्णासणो, निसण्णो, पुच्छिओ राइणा—“कि केवला-पुग्गह बुद्धीए उयाहु पओयण-वसेण केण वि नियपय-कमलेण समलंकियं मह भवणं भगवंतेहि ?” तेण भणियं—“पओयणं विणा दट्ठवा चेव तुम्हारिस पुरिसा किमंग पुण पओयणवसेण ? अत्थि मह किपि पओयणं पि ।” राइणा भणियं—“केरिसं ?” तेण भणियं—“सिरिसेहरवेयालं साहेमाणस्स बोलीणा मे छम्मासा । कया पुव्व-सेवा । एगरयणिसज्जा संपयं उत्तर-सेवा । तत्थ पुण महासाहसेण उत्तर-साहमेण पओयणं । अण्णहा निरत्थया चेव पुव्व-सेवा । सत्तवंतो य तुमं, ता जइ अतिहि-जण-वच्छलो, अब्भत्थणा-भंग-भीरुओ, ‘परोवयारकरणफलं महापुरिस-जीवियं’ त्ति, ते अवगयं, ता करेहि रयणमेगं उत्तर-साहयत्तणेण मह सन्निज्जं ।” राइणा भणियं—“जीवियं पि मे तवस्सि-जण-साहीणं पि किमंग पुण एगरयणिसन्निज्ज-

करणं, समाइसउ भयवं जं मए कायव्वं ?” महावइगेण भणियं—“को अण्णो तुमं मोत्तूण तवस्सि-जण-वच्छलो, निय-पुव्व-पुरिसेहिंतो वि समहिंया ते गुरुयणे भत्ती । असाहारणा दुहंस-दमणे सत्ती । अप्पडिहया वियरइ तिहुयणे वि कुवेदु-निम्मला कित्ती । तत्त-तवणिज्ज-सन्निहा सरीरस्स दित्ती । अहरियमयरद्धय-रूक्-संपया सरीरावयवसंपत्ती । ठाणं तुमं धम्मंत-रायपयट्ट-खुद्दजण-रत्तिव्वय-धम्मियणो चउरासमगुरु-रज्ज-महाभर-धुरा-धरण-धोरेय-कंधरो पंचमलोगपालो भण्णसि ।” नियमुण-वण्णणा-सवण-संजायलज्जो अहोमहो संतो भण्णो अघोरघंटेण नराहिवो—“महाराय ! कल्ले काल चउद्दसीए गंतव्वं मए अग्गेयदिसाभाए रयणायरोव[कंठ]संठियं महाभेरवं नाम मसाणं । कायव्वा तत्थ खाय-रंगार-कुंड-रत्त-चंदण-रत्त-कुसुम-बलि-धूयाइया सामग्गी । भवया वि खग्ग-रयण-सहाएण रयणि-पढमपहराइकमे तत्थेव समागतव्वं ।” पडिवण्णं राइणा कयपणामो निग्गओ कावालिओ गओ सट्टाणं । कया पुव्व-वण्णिया सामग्गी । गहिओ भेरवारवो नाम डमरुओ । कसिण-चोद्दसीए महाभेरवमसाणे, आलिहियं रत्त-चंदणेण मंडल, पूइयं रत्त-कणवीर-कुसुमेहिं, पक्खित्तो डमरुडमारारवपुरस्सरं मसाणपरिपेरंतेसु बलीडमरुय-सद्द-सवणेण संबुद्धा समंतओ भूय-पिसाय-जक्ख-रक्खसगणा । निसण्णो समागतूण मंडल-समीवे कावालिओ । नराहिवो वि अइवाहिऊण वासरं गमिऊण पढमजामं जामिणीए कयवीरवेसो कुविय-जम-जीहासंकासं करे काऊण करवालं अलक्खिओ नियपरियणेण निग्गओ पच्छिम-दुवारेण नियमंदिराओ । पत्तो मसाणं, दिट्ठो य मंडलासण्णनिसण्णो किंचि अव्वत्तं मुणुमुणायंतो महावइगो । पणमिऊण भण्णो राइणा—“समाइसउ भयवं जमम्हेहिं कायव्वं ?” महावइगेण भणियं—“नरताह ! कसवट्टओ एस कज्जसिद्धिए । अज्ज मरियव्वं वा तरियव्वं वा ? भवंति एत्थ नानाविहाओ विहीसियाओ, ताओ पढमं उत्तर-साहगं भेसयति, पच्छा मंत-साहगं । अओ तुहायत्ता इमा कज्जसिद्धी ।” ईसि हसिऊण भण्णो से नराहिवेण—“भगवं ! जावेस दाहिणकरे इयं किवाणो न ताव तए कस्सवि भाइयव्वं ।” महावइगेण भणियं—“जइ एवं तो दाहिणदिसाभाए मसाण-सयसंकड-जलनिहितडे भवाहि ।” तहेव कयं राइणा ।

इओ य अघोरघंटेण सिहाबंधपुरस्सरं पारद्धो मंत-जाव-विही । एत्थंतरे सहस्रं चैव थरहरिया मेइणी । संजाया महानिग्घाया । कुलालचक्कं व भमियं दिसाअक्केण निवडियं नहंगणाओ छिण्ण-जलण-जालाणुकारिणीहि उक्काहिं । फेक्कारियं समंतओ भीसगाराव-भरिय-दस-दिसाहिं सिवाहिं । किलिकिलियं डाइणीहिं । धुक्कारियं घोरसद्वेण घूयडेहिं । कुहुकुहाइयं भूएहिं, अट्टट्टहासाइयं पिसाएहिं, उब्भिय-भुयदंड-भीसणेहिं नच्चियं कवधेहिं, निद्दय-पुच्छप्पहार-पह्यधरणी-तलेहिं बुक्कारियं मयंदेहिं, अंजणगिरि-सिद्धर-सन्निहेहिं वरियं(?) मत्तमातंगेहिं ।

तओ तं तहाविहं विग्घसंघायमवलोइऊण दिण्णा दिट्ठी अघोरघंटं, तेण नरवइणा दिट्ठाणि य तदंतरा काइं वि करह-कंधराणि, काइं वि लंबाहराणि, काइं वि जलंत-जलण-जाला-कराल-कविल-जोयणाणि, काइं वि गय-मुहाइं, अयगरय-सरडा-परडा-गोणस-गोहा-सप्प-विच्छुय-कयाहरणाणि । तं तारिसं विभीसियावइयरमवलोइऊण थेवमवि अचलिय-सत्तेण समवलोइयं खग्गरयणं महिवइणा, उवसता विभीसिया खणंतरेण । पुनरवि गज्जियं गरुयसद्वेण नहंगणं, वुट्टं रहिरधाराहिं, पयंडपवणोल्लिया पडंति महीए महीरुहा ।

तओ तम्मि कायरजण-हियय-दारणवियंभिए भयकारणे, पुणो वि दिण्णा दिट्ठी अघोरघंटाभिमुहा नरवइणा, दिट्ठो अघोरघंटस्स अप्पणो य अंतरा महातालो व्व पवड्डमाणो वेयालो—

कर-कयकरवाल-नरं दाहिणकक्खागयं वहेमाणो । वामाए महवइगं धारितो भूरि विलवंतं ॥१०३॥
कक्खागय-पुरिसाणं, देहं उक्कत्तिऊण कत्तीए । पिसियाइं सोणियाइं, खायंतो तह पियंतो य ॥१०४॥
सजल-घण-तिमिर-कज्जल-भमरावलि-महिसं-गवलसमवण्णो । चंडो उत्तासणओ, चंदकला-कुडिल-दाढालो ॥
विसमयर-मडह-वच्छो, चुडिअ कवोलो अईव दुप्पेच्छो । पलय-पणच्चिरचंडियउयरोदर-करओ धणियं ॥

टप्पर-कण्णो अइच्चिविड-नासियागरुथच्चिन्वरदुप्पेच्छो । विच्छुयकयसेहरओ, जलंतसिहिकुंतल-कलावो ॥
 तक्का[लु]क्कत्तियरुहिरालनरचम्मनिवसणो खुट्ठो । अयगरुअकडियबधो, विसहरकयकंकणकरालो ॥
 रत्तच्छो खर-दसणो, मुप्पमुहो करह-कंधरो रुट्ठो । कंठ-विलंबिर-नर-मुंड-मालिया-मंडिय-सरीरो ॥१०९॥
 नर-रुहिर-वसापूरिय-कवाल-कयलोल-लोयणनिवाओ । जम-जीहासमरुहिराल-कत्तियालिहणचलरसणो ॥
 संबड्ढिऊण दूर, गुरुपण्ह-पहार-पह्य-मही-वीढो । हसिऊण हहा ! सहेण नरवइं पेच्छिउं लग्गो ॥१११॥

तओ तं तारिसं मंत-साहण-विहि-विग्घमवल्लोइऊण तयभिमुहं पत्थिओ पत्तो तयंतीए । अट्टट्टहास-भरिय-
 भुवणयलो सविसेसं पहसिओ वेयालो । अचलिय-सत्तेण भणिओ राइणा—“भो ! किमेवमसमंजसं हसिज्जइ ?” तेण
 भणियं—“तुह चेव चरियं ?” रण्णा भणियं—“केरिसं ?” वेयालेण भणियं—“जं तओ बहुपुण्ण-पावणिज्जं रज्ज-
 मुहुमुज्झिऊण इमस्स भिक्खायर-सरिसेहरस्स दुस्सिक्खियमंत-साहगस्स वयणेण इहागंतूण अप्पा खणमेत्तजीविओ कओ ।”
 राइणा भणियं—“महाभाग ! नत्थैत्थ हसियव्वस्स कारणं जओ—

खणमेत्तदिट्ठ नट्ठे हि पाणविहवेहि अत्थिय-जणस्स । जइ करेइ उवयारो, कहि पि ता किं न पज्जत्तं ? ॥११२॥
 अज्जं वा कल्ले वा, मरियव्वं एत्थ संसओ नत्थि । ता जइ गरुणकज्जे, मरिज्जए ता धुवं लाहो ॥११३॥
 घण्णाण घणं तह जीवियं च काओ विनस्सरो चेव । देव-गुरुणं कज्जे विणिओगं जाइ अणवरयं ॥११४॥
 खण-मेह-जीवियं पि हु जायइ जीवाण आउयखए वि । ता पययम्मि वइयरे तुह हासं को पसंसेइ ? ॥११५॥”

एवंविह नरवइवयणसवणांतरमेव कोवानलापूरिज्जमाणहियएण, गुंजा-फलद्ध-सरिसं लोयण-जुयलं वहतेण,
 तिवलीतरंग-भासुरं भालयलं पयासतेण, रोसवस-निह्य-दसणदट्टाहरेण, कक्खागयपुरिसजुयलं ददयरं संपुण्णयंतेण,
 ‘अरे ! सुदिट्ठं करेसु जीवलोगं’, इच्चाइ रायाणं भणंतेण उल्लालिया दाहिनकरेण कत्तिया [विआ]लेण । रण्णा वि इसि
 विहसिऊण दिण्णा दिट्ठी दाहिनकरपइट्ठिए खग्ग-रयणे, संखुद्धा भूय-पिसाय-जक्ख-रक्खसा, संछुण्णं नहयलं कोऊहलागय-
 सुर-सिद्ध-विज्जाहरेहि । तओ कत्थ-वर्गता, कत्थ हक्कता, मत्तमयगला इव परोप्परं मच्छरमुव्वहंता, जुज्झियं पवत्ता
 नरवइ-वेयाला । भणिओ नरवइ वेयालेण—“भो ! अट्टाणकयपोरुसाभिमाणो पहरसु ताव तुमं, पच्छा कराल-
 दुव्वार-कत्तियापरिगओ मह दाहिन-करो पहरिस्सइ ।” राइणा भणियं—“किमहं भवओ वि हीणो जेण पढमं पहरि-
 स्सामि ? तुमं चेव पढमं पहराहि ।” एवंविहनरवइ-वयण-सवण-कुविएण मुक्को कत्तिया-पहारो नरवइं पइ
 वेआलेण । दक्खत्तणओ घंचिओ नरिदेण । तओ कुंभदलण-दंतुरो कंपाविओ दाहिनकरेण करवालो नरवइणा, सज्जिओ
 पहारो, पहओ दाहिनकर-मणिबंधे पेयाहिवो । पडिया कक्खंत-कराओ कत्तिया । जाओ विलक्ख-वयणो वेयालो । पुणो
 वि खणंतरेण उक्खत्त-दढ-कड्डिण-मट्ठिप्पहारो घाविओ रायाभिमुहो । नराहिवो वि यथाउहमभिमुहम्मि तं दट्ठूण
 पेयाहिवं विमुक्क-खग्ग-रयणो सम्मुहुमावडिओ । गहिऊण चलणेसु पक्खित्तो नहयले वेयालो । जयजयारवं करंतेहि वंतरेहि
 मुक्का गयणगणाओ कुसुम-वुट्ठी सुर-सिद्ध-विज्जाहरेहि, दूरिभूय-भय-संभंत-लोयणेहि भूय-पिसाय-जक्ख-रक्खसेहि ।
 पुणरवि भणिओ सो राइणा—“भइ ! अणुसंधेहि पुणो वि पोरुसं । करेहि करपणइणी कत्तियं, पहरसु जहिच्छाए ।”
 सो वि अदिण्ण-पडिवयणो चित्तलिहो चेव ठिओ । राइणा चित्तियं—‘पराजय-पराभवं सरमाणो वोत्तुपि न समत्थो
 एस, ता अवणयामि एयं केण वि कहंतरेण’ ति, चित्तिऊण भणिओ राइणा—“महाभाग ! चिट्ठउ ताव संगाम-संकहा,
 महंतं मे कोऊहलं, कहेहि जइ कहणीयं, किं ते वाम-दाहिनकक्खागयं दीसइ ? किं वा ते अहिनवपसूया वग्घी विव
 वयणकंदराओ लालाविला जीहा अनवरयं निग्गम-पवेसे करेइ ?” वेयालेण भणियं—‘सुणसु ।’ ‘एस ताव उज्जेणी
 वत्थव्वगो कवाल-कुंडलो नाम वामकक्खंतरे महावइगो । इमो य दाहिन-कक्खंतरे इमस्स चेव उत्तर-साहगो काल-
 जमुणो नाम खत्तिय कुमारो । दो वि इमे महाकालुज्जाणे अज्जेव अविहाणेण भंतं साहयंता एयावत्थं मए पायिवा ।

जं पुण जीहा गयं पुच्छसि? तं पि निसामेहि । एसा वराई सव्वत्थं अखंडियप्पसरा नव-नव पिसियांस[ण]उसिणोसिण-
सोणिय-पाण-लालसा भवतं पुरओ उवट्टियं दट्ठूण एवं निग्गमपवेसे करेइ ।" रण्णा भणियं—“जइ एवं तो साहीणमिमीए ।
मह मंस-सोणियं “अम्हारिसनिग्गुण-जणे वि एवमवधरंतेण कओ भयवया पडिपुण्णापरो” त्ति, भणमाणेण समप्पिया
निय कत्तिया वेआलेण । इसि हसिऊण भणियं राइणा—“महाभाग ! दिव्व-भाउंहमिणं तुहकरावट्टियं चेव चिट्ठउ ।
भवओ पओयणं पुण इमा चेव सया सन्निय्या मह किवाणी करिस्सइ” त्ति, जंपमाणेण कडिडया अंस-धेणुया-ः छिण्णं
वामोरुणो पिसिय-सगलमेगं दिन्नं वेआलस्स । परितुट्ठो सो वन्नणापुरस्सरं सिरं धूणयंतो खाइउं पयत्तो । एवमनवरयं
खंडप्पयाणेण छिण्णो सव्वो वि वामोरु । वेआलेण भणियं—“संपयं पिवासिओ कत्थ वच्चामि ?” रण्णा भणियं—
“किमेवं चित्ताउरो ? जेण भोयणं दिण्णं स पाणियं पि विअरिस्सइ ।” एवं भणिऊण वाहिया दाहिण-उरस्मि छुरिया ।
निग्गया भिगारमुहेणेव सोणियधारा ओट्टियं हेट्ठओ कवालं वेआलेण, भरियं सोणियस्स, पीयं घुट्टुघुडएण । एवं
बीयं तइयं पि पाऊण परामुट्टुमुदरं दाहिणकरेण । आभोइओ सत्तगुणो नरवइस्स दिट्ठो पवइडमाणो । तओ उवसंहरि-
ऊण विगारालख्वं काऊण जहावट्टियख्वं विअरिऊण करयंजलि पुरओ होऊण भणिउमाढत्तो—
निरुवमसाहससोडीरथाए परकज्जकरणयाए थ । तुट्ठोहं तुह नरवरु(र) ता वरसु वरं जहिच्छाए ॥११६॥

राइणा भणियं—“जइ तुट्ठो तुमं वरप्पयाणाभिमुहो य ता इमस्स मंस-साहणसमुज्जगस्स महावइगस्स
समीहियं साहेहि । एयम्मि कए कयं चेव मह समीहियं ।”

तओ वेआलेण गंतूण भणिओ कावालिगो—“तुट्ठोहं ते नरवइवयणेण भणसु जं करेमि ।” तेण भणियं—
‘सुमरिएण समागतव्वं ।’ तहेव पडिबणं वेआलेण । तओ समाहओ राया अधोरघटेण समागओ य भणियं राइणा—
“भयवं ! कि सिद्धं ते समीहियं ?” तेण भणियं—“तुह सन्निय्येण कि न सिज्जइ ?”

एत्थंतरे करयलंजलिणा जंपियं सिरिसेहरेण—“कयं मे तुह वयणं संपयं महत्थणं करेउ महाराओ ।” रण्णा
भणियं—“केरिसं ?” तेण भणियं—“करेमि भे कि पि पियं तं पडिच्छियव्वं महाराएण । अण्णहा नत्थि मे मणनिव्वई ।”
नाऊण निव्वंधं भणियं राइणा—“जइ एवं तो तहा करेउ मज्झभागो जहा अचिरा[देव] देवी पियंगुमंजरी पुत्तमुह-
मवसोएइ ।”

तओ समप्पिया वेआलेण ति-समुहसारा रयणावली । भणिओ राया—“देवी कंधराभंडणं कायव्वा जेण
सिज्जइ समीहियं” ति, भणिऊण मोणमासिओ । कयपूयासक्कारो नरवइ-महावइगोहि । गओ सट्ठाणं सिरिसेहरेण
[भणियं—] “भयवं ! ममं पि विसज्जेसु, पुणोवि कहि पि कज्जविसेसे सुमरियव्वो अम्हारिस जणो” त्ति, जंपिऊण पडिओ
चलणेसु राया । अधोरघटेण भणियं—

“भणमंदिरमज्जगओ, बुज्जसि अनवरयमेव जइ भणिओ । तो चाडुकरणमेयं, तुमं पि नरनाह मन्नेसि ॥११७॥
तुह सरिसो न हु अण्णो, दिट्ठो महिमंडलं भमंतेण ।” एयं पि भन्नमाणं, ‘समक्खगुण-कित्तणा पडइ ॥११८॥
ता कि भणामि संपइ, न याणिमो मोणभवमह जुत्तं । “तुह गुणतंतुनिवद्धं, मज्झमणो संसथारुढं ॥११९॥
गच्छामि अहं पढमं, इमं पि वोत्तुं न चेव सक्कोमि । जं जुत्तं तं सथमेव कुणसु नरनाह ! कि बहुणा ॥१२०॥”

‘अइसिणेहलंधिओ भगवं’ ति, नाऊण कयणामो सथमेव पत्थिओ पत्थिवो । पत्तो नियमंदिरं । पढममेव
पविट्ठो पियंगुमंजरी वास-भवणं । अब्भुट्ठिओ सपरियणाए देवीए । निसण्णो पवरपल्लंके कयं चलण-सोहणं । तओ
असमय-समागय-निहा[धुम्मंत]लोक्यणं दाहिण-कर-कय-करवालं दट्ठूण रायाणं विस्सिय-माणसाए जंपियं देवीए—“अज्ज-
उत्त ! को एस वइयरो ?” राइणा वि साहिओ सव्वो वि सिरिसेह-परिओसावसाणो रयणि-वइयरो । पिणद्धा पियंगु-
मंजरी कंधराए सहत्थेण राइणा रयणावली । भणिया य सप्पणयं—“देवि ! सिद्धं तुह समीहियं, न तए संतप्पियव्वं ।
अचिरादेव भविस्सइ ते पुत्त-संपत्ती ।” पियंगुमंजरीए भणियं—“देव-गुरु-पसाएण अज्जउत्ताणभावेण थ एवं भवउ ।”
ठिओ परिहासापेसालावाणेण किंचि कालं । पच्छा विसज्जिओ सेसवदलेहापमुहपरियणो तत्थेव नुवण्णो । रयणि-

चरिम-जामढे ससंभमा समागया राइणो समीवं देवी पियंगुमंजरी । पणामपुरस्सरं विण्णत्तो राया—“अज्जउत्त ! अज्ज मए ईसि सावसेसाए रयणीए कडार-केसर-सडा-भासुरो, लंबलंगूला-हय-भूमि-मंडलो, इसि-विय[सिय]मुहो, मंद-मंदं जिभमममाणो दिट्ठो सुमिणम्मि वयणेणमुदरं पविसमाणो पंचाणणो । रण्णा भणियं—“देवि ! सीहपरक्कमो ते पुत्तो भविस्सइ ।” तं सोउं हरिसियमणा गया नियसयणिज्जे पियंगुमंजरी । ‘मा मे एस पहाणसुमिणओ अण्णेहि पावसुमिणोहि अंतरिज्जउ’ त्ति, ठिया देव-गुरु पडिबद्धाहि धम्मियकहाहि जावुग्गओ दिणयरो । इओ य पडियं कालनिवेयग-मागहेण गाहा जुयलं—

रविसंगम-सुहियाए विवसियविमलदलकमल-नेत्ताए । भमरारवेण भीयं व, हरिस-पडिहत्थनलिणीए । १२१ ।
अहियजणं थ दुहओ, पवड्डमाणो कमेण नरनाह ! तुज्जं पयावो व्वं जए, वित्थरिओ रवि-करपयासो । १२२ ।

एवं सुणिअ पहाउयतूर-रवेण पडिबुद्धो राया । कयं गोस-करणिज्जं । निसण्णो अत्थाण-मंडव-सीहासणे । धरिया जवणियंतरिया पियंगुमंजरी । सहाविया सुमिण-सत्थ-पाढगा पुप्फ-तंबोलीईहि कयसम्माणा, निसण्णा दिण्णासणेसु । पुच्छिया राइणा सक्कियं सुविणय-फलं । तेहि वि परोप्परं सुविणय-सत्थं संवाइऊण जपियं—“देव ! सयल-पत्थिव-पहाणो सीह-साहवो अचिरादेव देवीए पुत्तो भविस्सइ ।”

तओ षीइदाण-पुरस्सरं वत्थाहरणाईहि सम्माणिऊण विसज्जिया सुमिण-सत्थ-पाढगा । सुहं-सुहेण गब्भमुव्व-हंतीए देवीए समइक्कंता तिण्णि मासा ।

अण्णया समुप्पणो दोहलो—“देमि दीणाणाहाइयाण महादाणं । करेमि उक्करं सत्त-दिणाणि जणवयं । समुद्धरेमि सडिय-पडियाणि देवयाययाणि । करेमि सुहियाणि कारागारगय-सत्ताणि । पू[ए]मि देव-गुरु-चलणाणि ।” संपाडिओ तहेव राइणा । “संपण-सयल-दोहलाए जहा समीहिय-संपज्जंतासेस-मणोरहाए वीलीणा नवमासा अद्धु राईदिया, तओ पसूया देवी सुकुमाल-याणि-पायं, अहीण-पडिपुण्ण-पंचिदियसरीरं, लक्खण-वज्जण-गुणोववेयं, निय-तेयसा दस-दिसाओ उज्जोवित्तं, निय-कुल-तुट्टिकारयं दारय । हरिसिओ चंदलेहापमुह-पहाणपरियणो । जपियभिवरोप्परमणेण—संपण्णा महाराय-मणोरहा[स्सेस परियणस्स थ । ता लहुं गंतूण वद्धावेह महारायं ।

तओ तुरियं गंतूण हरिसियाभिहाणाए दास-चेडीए पुत्त-जम्मेण वद्धाविओ नरवई । परित्तुट्टो राया । दिण्णं तीए अंगलगं वत्थाहरणाइयं । परमाणंद-भरनिब्भरो गंतूण अत्थाण-मंडवे निसण्णो राया । सहाविओ सुगुत्ताभिहाणो नगरारक्खिओ । भणिओ मतिणा—“अरे ! गंतूण अकालहीणं तिय-चउक्क-चच्चरमहापहेसु धोसणं कारवेह । जहा—‘ओ नायरया ! समुप्पणो सयल-भुवणे वि अप्पडिहय-सासणस्स महाराय-नरकेसरीणो पहाणदेवीपियंगुमंजरीए पुत्तो, ता निव्वत्तेह महामहसवो, करेह हट्ट-सोहाओ, उब्भेह धय-पडागाओ, बंधेह तोरणाणि, ऊसियाणि करेह घर-दुवारसु जुग्ग-मुसलाणि, पयडेह घर-दुवारोभयपासेसु जल-पडिपुण्णे पुण्ण-कलसे । एवमाइ सव्वंपि कालोचियं काऊण लहुं निवेएहि ।” तहेव कयं सुगुत्तेण ।

तओ पयट्टो रायभवणे नयरे थ महामहसवो । पविसंति रत्तंसुय-नियसियाओ पुण्ण-अक्खयवत्तधारिणीओ अविहवनारीओ । इओ तओ परियडंति कज्जवावडाओ महल्ल-महल्लीओ, सच्चवियसरविसेसा य गाइया कलकंठ-गायणा, आनंद-भरनिब्भराई पणचिचयाइं पायमूलाणि, वित्थरियाणि थेरी-वयण-विणिग्गयाणि आसीस-वयण-सहस्साणि, पसरिया समंतओ मागहाण जय-जय-रवा, परमाणंद-सूयणं समतालं गुहिर-निग्घोसं वज्जए वद्धावणयतूरं । ठाण-ठाणेसु बद्ध-मंड-लाणि नच्चंति चंदलेहापमुह-दासीण विदाणि, कुकुम-रस-पिजरिय-सुक्किल-कुच्चकेसाहुयवह व्व मुंचंति मुहेण महल्लिया, किज्जंति पडिच्छिज्जंति थ सइया साहस्सिया सयसाहस्सिया य लोयाण उवयारा, ठाण-ठाणेसु पयडिज्जंति महादाणाणि, सम्माणिज्जंति मंति-सामंतवग्गा, पूरिज्जंति पणइयणमणोरहा, मोक्कलिज्जंति चारगय-जणा, कीरइ बंदियणमोक्खो, दिज्जइ सयल-जियाण अभय-पयाणं एवं समइक्कते वद्धावणय-महसवे कमेण वीलीणो मासे सुविण-दंसणाणुसारेण पडिड्डा-वियं ‘नरसीहो’ त्ति, नामं दारयस्स ।

तओ अंकाअंकं संचारिज्जमाणस्स, सिणेहभरनिअभरं बहुजणेण अणवरयमवयासिज्जमाणस्स, अम्म-धाइप्पमुह-परियणाण वारंवारं परिचुंबिज्जमाण-मुहकमलस्स, पंचवण-मणि-कुट्टिमतलम्मि परिगिज्जमाणस्स; निवाय-निप्पकंप-गिरिकंदर-समल्लीणासोगवर-पायवस्सेव सुहं-सुहेण पवड्ढमाणस्स वीलीणाणि अट्टवरिसाणि । पसत्थ-तिहिकरण-मुहुत्त-नक्खत्त-वासरे समप्पिओ लेहायरियस्स । कमेण वड्ढंतो जाओ बावत्तरिकला-वियक्खणो । पसत्थवासरे समं लेहायरि-एण आणिओ रायमंदिरं कुमारो । दाऊण परिओसदाणं विसज्जिओ राइणा उवज्जाओ । कुमारो वि पवड्ढमाणो पत्तो तरुणीयण-मोहणं जोव्वणं ।

तथो चिसाणंतर-संपज्जंत-सयल-सपीहियस्स, तरभव-सलाह्णिज्ज-सुह-संदोह-लालियस्स, निहवम-रुव-सोहणाइ-गुणगण-सालियस्स, पंचविह-विसय-सोक्खमणुहवंतस्स कुमारस्स ।

वासारत्तनरेसररज्जं, घणमलिणउण्णइपहाणं । अवणितो सुयणमणं व, निम्मलो आगओ सरओ ॥१२३॥
वियसिय-सिय-कम-आयर-निम्मल-वियसंत-कास-कुसुमेहिं । दट्ठुं सरय-समिद्धिं, हसियं हरिसेण व वणेहिं ॥१२४॥
कालुस्सवज्जियाइं, परिणाम-सुहाइं सुप्पसण्णाइं । सज्जण-ह्थिय-सरिच्छाइं, जम्मि सोहंति सलिलाइं ॥१२५॥
वायवसागय-वर-गंध-सालिगंधेण मोहिया धणीयं । सणियं गच्छंति पहेसु, जत्थ पथा समत्था वि ॥१२६॥
सरथम्मि सालि-गोवाण महुरमीएण मोहिया हरिणी । न चरंति तिणं न पियंति पाणियं चित्त-लिहियं व्व ॥१२७॥
सुविसुद्ध-उभय-पक्खेहिं, महुर-भणिएहिं पवरचरिएहिं । सुयणेहिं व हंसेहिं, विभूसिया सरवस्सच्छंता ॥१२८॥
घण-कसिण-मेह-मुक्को, सिय-जोण्हाए य भरियभुवणयलो । आणंदिंतो सयलं पि महियलं उगग[ओ]
चंदो ॥१२९॥

जत्थ य पामरतरुणीहिं, सरस-समताल-पहय-हत्थाहिं । गामरत्थासु गिज्जइ, रासो अइ-महुर-सदाहिं ॥१३०॥
इय एरिसम्मि सरए संपत्ते सयल-जंतुसुह-करणे । कुमरो उज्जाणसिरिं, दट्ठुं चलिओ सपरिवारो ॥१३१॥
धवल-गाइंदाखुडो, धवल-जसो धवल-ऊसिय-छत्तो । धवलाहिं चामराहिं पवाइओ धवल-वरवेसो ॥१३२॥
जय-जयसदाऽपूरियदियंतरो मागहेहिं थुव्वंतो । पत्तो परमाणंदं मयरंदं नाम उज्जाणं ॥१३३॥

उत्तिण्णो मत्तवारणाओ, पवत्तो विचित्त-केलीहिं कीलिउं कमेण उज्जाणसिरिं समणुहवतो पत्तो सच्छ-सीयल-जल-तरंग-रंगंत-हंस-कारंड-चक्कवाय-मिहुणोव[सो]हियं, सयवत्त-सहस्सवत्त-नीलुप्पल-कल्हार-केरव-कुमुय-नलिणि-सोमं-धिय-गंध-लुद्ध-सुदंत-भमर-नियर-संगीध-माणगुणगणं, पवग-पकंपिर-पउम-संड-पडंत-मयरंद-संदोह-पिजरिज्जमाण-सलिलं । एवं सरसियं अवइण्णो कुमारो सवयंसो मज्जिओ जहिच्छाए ।

तओ उत्तरिऊण जाव नेवत्थं गिण्हइ ताव निसुयं सरसी-समासण-तथा-मंडव-संठिएण केणावि दुक्ख-सूयं गाहा-जुयलं पढिज्जमाणं—

सारस ! घण्णोसि तुमं, जोऽणुगओ पिययमपयंतं । ण पत्तो विओगजणियं, अहमिव तो दुक्खदंदोली ॥१३४॥
हा ! कत्थगथा गुणवई, न याणिमो केण वा तुमं हरिया ? किं सुहिया ? अह दुहिया ? कह चिट्ठसि ? कहसु पसिऊण ॥१३५॥

एयं सोऊण गओ कुमारो तमुद्देसं । दिट्ठोय लया-मंडव-मज्ज-विरइय-नलिणीदल-सत्थर-निसण्णो अणवरय-मुक्क-धोरंसु-संसित्त-धरणी-तलो एक्को वणिय-जुयाणओ । पुच्छिओ कुमारेण—“भइ ! किं निमित्तं सदुक्खमिमं गाहा-जुयलं पढियं ? केण वा कारणेण निरुद्ध-सइं असु-जल-भरिय-जोयणं रोइज्जइ ? कहेसु जइ अकहणीयं न होइ !” तेण भणियं—

जो दुहिएसु न दुहियो, जो न वि दुक्खस्स निगगहसमत्थो । कह तम्मि पसाहिज्जइ, दुक्खं अइ दुक्खिएहिं पि ॥१३६॥
ते विरला सप्पुरिसा, जे परदुक्खेण दुक्खिया हुंति । परवसणं दट्ठूणं, विरला मोणं पि कुव्वंति ॥१३७॥

परवसण-हरिसियमणा मुहमहुरा पिट्ठो भसणसीला । बहवे उवहासपरा, कलिकाले दुज्जणपहाणा ॥१३८॥
ता कहं कहेमि अइदुक्खओ वि निय-दुक्ख कारणं कुमरं ! जीवेण कयं वेद्यओ जीवो च्चिच्च संपयं पययं ॥१३९॥'

कुमारेण भणियं—“महाभाग ! अम्हाण मज्जे ता कोइ सज्जणो वि हविज्ज ता कहेसु नियदुक्खकारणं ।
वणियजुवाणएण भणियं—जइ एवं ता सुणउ कुमरो ।

अत्थि इहेव नयरे धणाहिवो व्व अपरिमिय-धणाहिवई धणसारो नाम सेट्ठी । धणवई से भारिया । ताणं
च मज्झिमवए वट्टमाणणं बहहि उवाइय-सएहि अहमेगो पुत्तो जाओ । उच्चिय-समए पइट्ठावियं ‘धणवेवो’ त्ति, नामं ।
जाओ अट्टवारिसिओ । समप्पिओ लेहायरियस्स । जाओ सयल-कला-वियक्खणो । अण्णया सिण्णेहसारं भणिओहं ताएण—
‘वच्छ ! पुव्वकय-सुकयाणुभावेण तुममेत्थ समुप्पण्णो । संति मह घरे सत्तदविणकोडीओ । विलसेहि जहिच्छाय, नत्थि ते
निवारणा ।’

तओहं पहाणवत्थ-निवसणो, वराहरण-विभूसणो, पहाण-पण्ण-बीडयाऽसुण्णवाम-हत्थो, सार-सिय-कुसुम-विसर-
विरइय-सिर-सेहरो, कप्पूर-पूर-परिमलुम्भड-सारसि[रि]खंडविहिय-विलेवणो, मित्तसंचसंपरिवुडो, आरामु[ज्जा]णकाणण-
पहाण-ठाणेषु तायसिंरि विलसिउमारद्धो । अण्णया समागए वसंतमासे मयरंद-सुंदरुज्जाण-पइट्ठिय-मयरद्धय-मदिरे पयट्टे
महामा[ह]ासवे पहाणपूओवगरण-भरिय-पडलय-छज्जियाहत्थे नीहरंते समंतओ नगर-नारीजणे कोऊहल-हय-हियओ
नियवयस-परिवारिओ अहं पि उज्जाणाभिमुहो पत्थिओ । दिट्ठा य मए कइवयसहियण-संपरिवुडा कसिण-सिणिद्ध-केस-
पास-निबद्ध-सरस-सुगंध-कुसुम-संचया, अट्टमीनिसायर-सरिस-भालयल-विणिम्मिय-मिगनाहि-तिलया, नीलुप्पल-दल-
लोयणा, पिक्क-विवाहरोट्ठी, मुह-विणिस्सरंत-सुरहि-सास-गंध-सुद्ध-समावडंत-भमर-निवारण-वावड-दाहिणकरा, पंच-
वण्ण-रेहा-रेहिर-ति[सरिय]-समालंक्रिय-सिरसेहरा, वाम-हत्थेगय-सरस-सहयार-मंजरि वहमाणी, सार-सीयल-नितुला-मल-
हारावलीविराइय-वच्छत्थला, कुंभि-कुंभ-विब्भमथण-जुयलमुव्वहंती, मुट्ठिगेज्ज-मज्जं रंभा-थंभ-समाणमूरु-जुयलं धर-
माणी, करिसम-जंघा-जुयल-जणिय-जण-विम्हया, कुम्भुन्नय-चारु-चलणा, आधंद्ध-नह-मणि-किरण-संवलिय-रवि-कर-
कराल-पयास-पयडिय-चरणंगुलि-विभागा, सच्छ-सिरिखंड-कय-सरीर-विलेवणा, पहाणपट्टणुगय-चारु-चीणंसुयनियंसणा,
पढमजोव्वणे वट्टमाणा कामदेव-पडिंमं पूइऊण पडिनियत्ता एगं कण्णगा । अहमवि तीए ।

तओ तं उत्तट्ट-मिग-साव-लोयणं अणिमिसाए दिट्ठीए निज्जायंतो ताव ठिओ जाव समइककंता भहई वेला ।
मुणियमणोगएहि एत्थंतरे भणिओ हं नियवयंसएहि—“वयंस धणदेव ! एसा अज्ज वि कण्णया एत्थेव निवासिणी साणु-
रागा य तुमम्मि लक्खीयइ । अओ संपज्जिस्सइ भवओ समीहियं । संपयं गम्मउ । न सोहणमेत्थ चिरकालावत्थाणं”
त्ति, सोऊण ताण वयणं दुब्बल-गोणि व्व कइमखुत्ता उद्धरिया कह वि मए दिट्ठी मुह-पंकयाओ तीसे ।

सत्तो खलंतचलणो वि तं पइ वलंत[दि]ट्ठीओ । मयणसरसल्लियंगो, उज्जाणाभिमुहमुच्चलिओ ॥१४०॥
दोसु पहेसु न गम्मइ समयं एयंपि अण्णहा जायं । तं [जं] पुरओ मह काओ पच्छाहुत्तं मणो वलियं ॥१४१॥
सा विहु मं पेच्छंती, पुणो पुणो तरलत्तार-नयणाहि । सुण्णम[णा] संपत्ता, नियभवणं सहियण-समेया ॥१४२॥
रण्णे सा वसिमे सा पंथे सा जत्थ तत्थ सा सत्ति । अहयं पि मण्णमाणो तम्मयमिव तिहियणं सयलं ॥१४३॥
उज्जाणे संपत्तो मि[त्ता]णुरोहेण कायमत्तेण । दीहं नीससिऊणं, सहकारत्तलम्मि उवविट्ठो ॥१४४॥

सुहंकराभिहाणदासवेडेण समाणीयं नलिणीदल-पुडएण पाणीयं, कयं चलणासोयणं, सीयलसल्लिण सित्तं
मह सरीरयं, पवीइओ वत्थंचलेण, संवाहियाणि अंगेवंगाणि, दीहुण्हेनीसास-पिसुणियपउरदुक्खेण मित्ताणुरोहेण समवल्लोइया
उज्जाणसिरो । तओ पविट्ठो कामदेवमदिरं । दिट्ठो नयर-नारीहि पवर-पुप्फ-मालाहि पूइओ वामपास-पइट्ठिय-रइ-सिरोहरा-
विणिवेशियकरो, अणवरय-इज्जंत-कालागरु-कप्पूर-पूर-समुच्छलिय-बहल-धूमंधयारियगम्भरो, हरेणा वि अप्पडिहय-
सासणो भगवं मयरकेयणो । पूइऊण कयपणामेण विण्णत्तो मए—“भयवं ! पंचवाणो वि तुमं, अम्हारिसजणस्स सहस्स-

बाणो संवृत्तो; सह वि तुमं चैव मह सरणं; अबो जं जुत्तं करेज्जसु त्ति" भणतो गहिऊण मत्थयाओ सहयार-मंजरि सवयंसो निग्गओ । समागओ नयर-दुवारं । विसज्जिया वयंसया गया निय-निय-भवणेसु । अहमवि सुहंकर-सहिओ गंतूण नियमंदिरे नुवण्णो वियणदेसावट्टियमंचए । पत्ता भोयणवेला । कया ताएण मह गवेसणा । न दिट्ठो । तओ पुच्छओ सुभंकरो—“अरे ! तुमं सयासन्निहिओ, वच्छ-धणदेवस्स ता कहिं सो संपयं चिट्ठइ ?” तेण वि साहिओ सव्वो वि कण्णा-दंसणाणुरायपमुहो वड्यरो । तं सोउं सुभंकरेण समं समागओ ताओ । दिट्ठो परिमिलाण-सयल-सरीरावयवो दीहुण्हाणि-नीससंतो अहियं । करे घेतूण भणिओ—“पुत्त ! तहा करिस्सं जहा सिज्जइ वच्छस्स समीहियं । उट्ठेसु कुणसु ष्हाण-भोयणाइयं ।” उट्ठिओहं संपाडियं ताय-वयणं । वीयदिणे सुभंकराओ जाणियं मए जहा कओ ताएण मह समीहिय-साहणत्थं पयत्तो. परं निष्फलो जाओ ।

तओ विगलियो मे आसा-बंधो । समुप्पन्नो सरीर-संतावो, विर्यभिया अरई, विगलिया भोयण-रई । एयावत्थं ममं दट्ठूण जंपियसंवाए—“वच्छ ! मा तुममधिई करेसु । पहाणयरमणं कण्णयं तुह निमित्तं वरिस्सामो ।” एयं सोऊण संतत्त-घय-पडिय-जल-विदु-संदोहेण बहुगुणयरं समुदीविओ मह सरीरे संतावानलो ।

तओ वारिया ताएण अंबा, अलमिमाए संकहाए । पुणो वि तहा जइस्सामि जहा सुही होइ वच्छो । एव-मलियसंधारणाए ममं धीरविऊण गओ ताओ । अहंपि कत्थवि रइं अलहमाणो बोलीणाए पढमपहराए रयणीए, निदा-भरनिअभरं पसुत्ते परियणे, पविरल-संचारासु नयर-रत्थासु, “अरे ! को एस गच्छइ-को एस गच्छइ” त्ति, पए-मए पयंपमाणेसु थाणंतरेसु निहुय-पयसंचारो करे काऊण असिधेणुयं तमेव उज्जाणं पत्थिओ । पत्तो य पूडऊण कामदेव-पडिमं तत्थेव एगकोणे नुवण्णो जाव चिट्ठामि ताव निसुओ मए मंद-मंदो पय-संचारो । चित्तं पवत्तो—“किमेस त्तिरिओ ? कि वा तक्करो ? उयाहु मह समाण-दुक्खो चैव को वि वराओ ?” एवं चिंताउरो जाव चिट्ठामि ताव दुवार-देसे होऊण बहुदुक्ख-पवभार-संरुद्ध-कठेण खलंत-वयणं जंपियं केणावि—‘भयवं रइवल्लह ! पुणो दुल्लह-दंसण-अम्हारिसज्जणस्स ! जइ वि इह भवे अवहीरिया हं तए तंहवि जम्मंतरे तहा करेज्जसु जहा नेवंविहदुक्खाण भायणं भवामि’ त्ति, भणिऊण मुक्का कुसुमंजली, निवडिया विसमसर-चरणेसु !

तओ मए चित्तियं—‘हंत ! इत्थिया सद्दो वि य लक्खीयइ ? कोमल-वयण-यूयगो खलंत-वयणत्तणओ सदुक्खो य अहवा किमिह परचित्ताए अप्पा वि पाणसंसयमारुद्धो वट्ठइ ।’ एवं चित्तयंतो जाव चिट्ठामि ताव निसुओ मए हाहारवसद्दगन्धिणो पलावसद्दो ।

तओ संजाय-करुणा-परिणामो गहिया असिधेणूओ निग्गओ रइवल्लह-मंदिराओ । तुरिय-तुरियं सद्दाणु-सारेण गओ थेवं भूमिभागं ।

तओ “भयवंतो लोगपाला परित्तायह । परित्तायह । भयवईओ वणदेवयाओ ! पसायं काऊण करेह रक्खं, इमाए असमिक्खियकारिगाए कन्नाए कुलसंतिकारिणि कुलदेवए सया सायरेण पूइया तुमं सेट्ठिणा सया संनिज्जा होज्ज संपयं । हा ! हयग्धि मंदभाइणी” एवं बहुप्पचारं विलवमाणा दिट्ठा एगा इत्थिया । समास[ण्णो] होऊण भणिया मए—“सुंदरि ! कस्तो ते भयं ? कि निमित्तं वा सदुक्खं रोइज्जइ ?” तीए भणियं—“महाभास ! एहि ताव वियरसु पाण-भिव्खं कुविथ-कयंत-समवल्लोइयाए पाण-संसयमारुद्धाए कण्णयाए । पच्छा सव्वं साहिस्सामि ।” मए भणियं—“सुंदरि ! कत्थ सा कण्णगा ?” “इओ समागच्छउ भवं” ति भणमाणी पुरओ पत्थिया सा, अहं पि तीए पिट्ठओ । तावं गवाणि जाव एगा सरसी । दिट्ठा तत्थ असोयपायव-साहाए लंबमाणी उत्तरियवास-पास-निवद्ध-कंधरा मनुयलोमासंभावणिज्ज-लायण्ण-रूव-सोहमाइगुणगणाहरण-विहसिया सुरसुंदरि व्व उड्डं वेहायसमुण्णइउ-कामा ईसिसासमागमाणुमिणिज्जमाण-जीविया का वि कण्णया । गओहं तीए समीवं विज्जुविचित्तकरणेण गहिया असोयसाहा, अवणाभिऊण अहोमुही छिण्णो छूरियाए पासओ । साहारिऊण चित्तनुयाए मुक्का धरणीयले । निरुद्ध-सयलदिय-वावारा, चित्तलिहिय व्व ठिया खणंतरं । संखुद्धा सविसेसं चित्तणुमा, समासण्णसरसीओ आणियं मए नलिणीपत्त-पूडएण पाणियं, सित्ता सव्वंगे सुसल्लेण,

संवाहिया सिरोरहराए, वीजिया वत्थंचलेण, दिणयर[क]रकरंविंयं व कमलं उम्मीलियं तीए लोयण-जुयलं । संजाया पयडचेयणा । पुच्छिया मए चित्तणुया,—“सुंदरि ! का एसा सरय-ससि-जोण्ह व्व दिट्ठा वि जणमणाणंदकारिणी कि निमित्तं वा मरणमज्झवसिया ? सहेउ मे सुंदरी महत्तं मे कोऊहलं ।” चित्तणुयाए भणियं—“महाभाग ! सुणसु,”

“अत्थि एत्थेव नयरे नियकुल-नहयल-चंदो धणचंदो नाम सेट्ठी । धणावहा से भारिया । ताणं व्हूण पुत्त-भंडाणमुवरि एसा एसा दुहिया जाया । पइट्ठावियं मासावसाणे ‘गुणवइ’ त्ति, ‘गुणनिष्फणं’ नामं । कमेण पवइढमाण्णा पत्ता तरुण-जण-मोहणं जोव्वणं । अण्णया य मयणतेरसीए पूइऊण कामदेवं नयराभिमुहं पडिनियत्ताए अंतरा चेव दिट्ठो धणसारसेट्ठिसुओ धनदेवो । सो पुण पयड-तक्करो व्व सहियण-मज्झाओ वि गओ हरिऊण हिययमिमीए । तम्मि दढं वढाणुरागा एसा, अमुणिय-परमत्थाए जणणीए दिण्णा नियसहोयर-वंदसेहरमित्तस्स अमरकेऊणो पुत्तस्स चंदजसस्स । कओ अज्ज वरणय-महूसवो । पुच्छियाहमिमीए—“चित्तणुए ! कि निमित्तं तायधरे महूसवो दीसइ ?” मए भणियं—“दिण्णा तुमं अमरकेउपुत्तस्स चंदजसस्स ।”

तओ एसा परसु-छिण्ण व्व चंपयलया सव्वंगोहि निस्सहा पडिया धरणीयले । कहकह वि लद्ध-चेयगाए जंपियमणाए “चित्तन्नूए ! सज्जं करेहि सयणिज्जयं, दहइ दाहो मे सरीरयं, संपाडियं मए इमीए सासणं । नुव्वणाए साहिओ एस वइयरो जणणीए । सभागया सा सिग्घमेव, निरुवियं इमाए सरीरयं, दिट्ठं सत्थावत्थं । पुच्छिया—“पुत्ति ! कि ते वाहइ ?” तीए भणियं — अवजलिय-जलणजालावलीठियं व संतप्पइ मे सरीरयं । एयं सुणिय पुच्छिया हं धणावहाए—“चित्तणुए ! नियछाय व्व सया सहवत्तिणी तुमं वच्छाए, ता न कत्थइ पुरिस-विसेसे बढाणुरागा एसा ?” मए भणियं—“धणसरसिट्ठिसुए धणदेवे ।” एयं सोऊण सकोवमिव समीवमागतूण जंपियसंबाए—“हला, गुणवइ ! कि कारणं तुमं अज्जेव वरिया अज्जवुव्वरिया ?” पडिभणियमिमीए—“देवमेत्थ पुच्छियव्वं ?” । चित्तन्नूए सविसेसं सन्नहिया हवेज्जसुं त्ति, ममं तज्जिऊण मया जगणी । अत्थमिओ दिणयरओ, बोलीणो पढमपहरो रयणीए, पमुत्ताहं अलिय-निहाए, उट्ठिया एसा विज्जाविओ पइवो, समुप्पण्णा महमणे संका । मोत्तूण सयणिज्जं निरुद्धपय-संचारा चलिया एसा उज्जाणाभिमुहं । अहं पि पिट्ठओ उज्जाणं जाव पेच्छमाणी भया ।

तओ उज्जाण-पायवेहिं मोहिया इओ तओ गवेसमाणी इमाए सरसीए समीव[मा]मया । तओ “जमन्नाण-वसगाए अवरद्धं मए तं खमियव्वं ताएण, जणणि ! जाय-वच्छले मरिसेज्जसु ममावरहं । जइ पत्थियं पि पावेज्जइ ता भवे तुमं चेव मह जणणी हवेज्ज । सम सुह-दुक्खे चित्तन्नूए ! तुमं पि संपयं दूरवत्तिणी जाया । सुहय धनदेव ! मुंच मे माणसं पा[साव]रुद्ध-कंधराए दुन्निससरं भवओ भविस्सइ” त्ति, सुया मए एरिसा सहा । सहाणुसारेण य तुरिय-तुरियमह-मेत्थमागया । दिट्ठा थ एवंविहमवत्थंतरमणुहवंती एसा ।

तओ अप्पणा पासय-विमोक्खणं काउमसमत्था एवं विलविउमारद्धा । एवं साहियं मए जं तए “एसा कं निमित्तं मरणमज्झवसिया ?” “संपयं तुमं पुच्छिज्जसि, को तुमं ? कि निमित्तं वा अकाले इह समागओ ? कहेउ भवं जइ अकहणीयं न होइ ।” अहं पि अदिण्ण-पडिवयणो अहोमुहो ठिओ । तओ सवणंते होऊण भणियं गुणवईए—“हला, चित्तन्नूए ! सो चेव एसो, जो रायहंसो व्व मह माणसे सया निवसइ । न एस पुच्छिज्जंतो वि नियचरियं साहिस्सइ ? अओ विरमसु तुमं ।” चित्तन्नूयाए भणियं—“सम्मिणि ! जइ एवं तो परमोवथारी जीवियपयाणेण एस ते, कीरउ पच्चुवयार-करणं, पक्खालिज्जउ चलण-जुयलं, दिज्जउ सहत्थेण तंबोलाइयं ।” गुणवईए भणियं—“तुमं चेव जाणासि ।”

तओ कया चित्तन्नूयाए तंबोलाई सामग्गी । पारदो उवयारो गुणवईए । करे घेतूण वारिया मए—“सुंदरि ! अलमुवयारकरणेण ? जओ—

उवयारकए जो होइ सज्जणो मामि को गुणो तस्स । उवयारवाहिरा जे, जयम्मि ते सुंदरा सुयणा ॥१४५॥

उवयारेहि परो च्चिय घेप्पइ अग्घंति ते त्तिहि चेव । इयरम्मि कीरमाणा नेहाभावं पयासंति ॥१४६॥”

चित्तन्नयाए भणियं—“महाभाग ! जइवि एवं तहावि पडिच्छसु एयं, न अण्णहा इमीए वि चित्तनिव्वुइ होइ ।” कओ तीए सभमाणुरूढो उवयारो । पारद्धा परोप्परं सिनेहसारा संकहा । अवसरं लहिऊण भणिओ चित्तन्नयाए अहं—“असाहारणो तुज्जोवरि सिणेहाणुबंधो, ठाणंतरे य दिण्णा जणणीए एसा । न तज्जइ कज्जपरिणामो ता लहुं गंधव्व-वीवाहेण एत्थेव परिणिज्जउ एसा, गम्मउ देसंतरं ।” मए भणियं—“चित्तन्नए ! महंतं कुलकलंककारणमेयं । अओ गम्मउ नियभवणं । साहिज्जउ इमीए जणणि-जणयाण वइयरमेयं । जइ विसिट्ठसमायारेण संपज्जइ पाणिग्गहणं तो सुंदरं । पयारंतरेण पुण पच्छावि सुलहं चेव सोहणभिणं” ति गहिऊण गुणवई पभायसमये गया चित्तन्नया सभवणे । साहिओ जणणि-जणयाण सवित्थरो गुणवइवइयरो । तेहि वि ‘नण्णो जीवगोवाओ’ ति, कल्लिऊण मज्जेव दिण्णा । साहियं तेहि तायस्स । पडिवण्णं ताएण । कयं सोहण-दिणे वरणयं । कमेण पत्तो विवाहवासरो । परिणीया महाविभूईए गुणवई ।

तओ अदिट्ठविद्योगं, पणट्टसोणं, संपज्जंतसयलभोगोवभोगं, सयलदियाणंदकारयं सिणेहसारं, विसय-गुहमणु-भवंताण वच्चंति वासरा ।

अण्णया कयाइ नगराओ निग्गच्छंतो भागहजणाण अणुकूलवयणाहिं थुव्वंतो जहारिहं मित्त-वग्गस्स दविणजायं विभजंतो दिट्ठोहं नागदेवसेट्टिसुयाए नागसिरीए पसंसिओ तीए— “अहो ! सुलद्धमणुय-जम्मो, घण्णो एसो जो एवं विलसइ ।” एयं सोऊण जंपियं नागसिरि-सहिए गुणसिरिए—

“कि एसो सलहिज्जइ पियत्तहि ! को एत्थ विम्हओ तुज्ज। जणयविढत्तो अत्थो विलसिज्जइ दुक्करं किमिह । १४७। सो पुरिसो सलहिज्जइ, तस्स जसो भरइ सयलभुवणयलं । जो नियभुयदंडेण विढविउं विलसए लच्छि । १४८। सोइइ विलसिज्जंती, दिज्जंती वि हु विरायए घणियं नियभुयवलेण पियत्तहि ! समज्जिथा जा भवे लच्छी । १४९। ता लज्जापयमेयं परमं माणुण्णयाण पुरिसाण । जं जणय-सिरी जणणि व्व [भुज्जए] सयलजणपयडं । १५०।”

तओ एवंविहवयण-जणिय-माणभंगो विमण-दुम्मणो तक्खणा नियत्तोहं नियभवणाभिमुहं । पणमिओ ताओ । विलसतो सविणयं—“किपि पत्थेसो न ताएण पत्थणा-भंगो कायव्वो” । ‘एवं’ ति, पडिवण्णो ताएण । भणियं मए— “ताय ! अत्थोवज्जणानिमित्तं विसज्जेसु मं देसंतरं । जाव मए वीसं सुवण्ण-कोडीओ न विढत्ताओ न ताव घरं पविसियव्वं ।” एयं सोऊण मुक्कं नयणेहि सलिलं ताएण । अंबा वि निसेहं कुणमाणी समागया मह समीवं । तहवि मए न पडिवण्णं । तओ नाऊण मह निच्छयं जंपियं ताएण—“दीहाणि देसंतराणि, बालो य तुमं, अदिट्ठ-लोय-संववहारो य ।” मए भणियं—“लोयववहारकुसलत्तणं पि एवं चेव भवइ, पुरिसयारो वि एव निमित्तं देसंतरे । [गुणवइ !] तए पुण जणणि-जणयाण सासु-सुसराणं च सुस्सूसाणं कुणमाणीए ठाइयव्वं ।” एवं सुणिय बाहजल-भरिय-लोयणाए जंपियं गुणवईए—

“ताएण मह न कज्जं न थ जणणीए न था वि सयणेहि । सासुय-ससुरेहि पि हु पओयणं नत्थि मह कि पि । १५१। जत्थ तुमं तत्थाहं, कि बहुणा एत्थ संसओ नत्थि । तुह विरहे पुण पिययम ! नियमा पाणे परिहरामि ॥ १५२॥ अह भणसि तुमं सुहिद्धा विदेस-गमणाणि विस[म]तरगाणि । तत्थावि न मज्ज दुक्खं, तए समं संचरंतीए । १५३॥ रणं पि हु वसिमसमं गिरि वि नगरं परो वि बंधुयणो । परदेसो वि स[देसो]पिययम ! तं जत्थ दीसिहसि । १५४॥”

मुणिय तयभिप्पाएण मया वि भणियं—“पिए ! जहाजुत्तं करिस्सामि न तए संतप्पियव्वं” ति, समासासिथा एसा । समागओ गमणवासरो ।

तओ कयण्हाणविलेवणो, विविहमंगलोवयारो, निवडिओहं जणणि-जणयाण-वलणेसु, भणिओ अंबाए— “वच्छ ! गुणवई वि तए सह समागमिस्सइ ।” “ज अंबा आणवेइ” ति भणिऊण पढंतेस्स माहणेस्स, गायतेस्स, गायणेस्स,

नच्चंतेसु पाउलेसु, आऊरिज्जमाणेसु संब-जुयलेसु, अविहव-नारिसिर-संठिएसु पुरओ पदंसिज्जमाणेसु जलपुण्ण-कलसेसु, जयजयारवभरियभूवणंतरालेसु सुहमंगलाणि पढतेसु मागहेसु, उवएस-सयाणि दितेसु ताय-परियण-बंधुवगोसु, आसीस-सहस्साणि पयच्छंतेसु अंबा-पमुह-नारी-निअरेसु, दितो दाणं तक्कुयाण महाविभूईए निग्गओ नयरओ। थेवंतरं गंतूण पणमिया जणणि-जगया। अण्णेसिं पि पणओ जहाजेट्टं। ठिया ते तत्थ। अहं पि गंतूण मिलिओ सत्थस्स। समारूढो वेगवई-नामियाए वेसरीए, गुणवई वि सुहासणे। गम्मइ अणवरय-पयाणएहिं पुव्वाभिमुहं। एवं च कइवयदिणेहिं पत्ता ताराउरं नाम नयरं। आवासिओ नयर-बाहिरियाए सत्थो। एत्थंतरे नयरारक्खिय-पुरिस-परिवेदिओ, गलावलंबिय-सरावमालो, तिण-मसि-विल्लित्त-गत्तो, भयसंभंत-लोयणो, तरल-तारयं सच्चओ निरिक्खंतो, [भू]डरासहारोविओ वज्जंतेण विरस-डिडिमे[ण], तिय-वउक्क-चच्चरेसु हिंडाविऊण वज्ज-ठाणं निज्जमाणो दिट्ठो मए एमो तक्करो। सो वि दट्ठूण महासत्थ-सन्नियेसं मरण-भय-भीओ लहिऊण अंतरं सत्थाभिमुहं पहाविओ। “हण-हण-हण” ति भणभाणा समुग्गण-खग्गा मग्गाओ समागया दंडवासिय-पुरिसा। ‘सरणं सरणं’ ति, जपमाणो पत्तो सो [मे] समीवं। भणिओ मए—“भइ ! धिरो भवाहि, नत्थि ते भयं”। रुद्धा मह पुरिसेहिं आरक्खिय-पुरिसा। पेसिओ मए नारायणो नाम बंभणो। पुच्छिया तेण गंतूण “कहेह—किमवरद्धमणेण ?” साहिओ तेहिं “जहेस चोरियं कुणंतो पाविओ।”

तओ ते पुरिसे धिरिकाऊण गओहं रण्णो दंसण-निमित्तं। पडिहा[रो] निवेइओ। पविट्ठो। ढोइयं पाहुडं। कय-पणामो निसण्णो उच्चियासणे। पुच्छियं राइणा—“कओ भवं ? कत्थ वा [गं]त्तव्वं ? कि कारणं पउर-पाहुडेण, दंसणं कयं ?” मए भणियं—“देव ! रयणपुराओ सुवण्णपुरं पइ वाणिज्जेण पत्थिओ। पउर-पाहुडेण देवस्स दंसणं कारणेण कयं ?” रण्णा भणियं—“केरिसं ?” मए भणियं—“महाराय ! को वि पुरिसो चोरियं कुणंतो नयरारक्खिय-पुरिसेहिं पाविओ। वज्ज-ट्ठाणं निज्जंतो पलोइऊण मह सरणं पवण्णो। तस्साभय-पयाणेण पसायं कुणउ देवो।” रण्णा भणियं—“अभयं तस्स।” मए भणियं—“कयत्थोहमिमिणा।” राइणा कयसम्माणो समागओ निय-सत्थं। निवारिया रायपुरिसेहिं आरक्खिय-पुरिसा। प्हावाविओ अप्पणा सद्धि तक्करो। नियंसाविओ वरवत्थ-जुयलं। पुच्छिओ मए—“अज्ज ! कि कुलं परिगहियं भदेण ? कि नामधेयं वा भयंतमवगच्छामि ? कहं वा कयत्थणमिमं पाविओ ?” सविसायं जंपियं तेण—

“को किल कुलस्स दोसो, को दोसो जणणि-जणय-बंधूण। जाईए नत्थि दोसो, दोसो नणु नियय-कम्माण।। १५५।। निय-परिमल-भरिय-दिगंतरेसु वहूलोय-पत्थणिज्जेसु। सिर-धारणिज्ज-धवल्लेसु, हुंति कुसुमेसु किल किमो।। १५६।। तो महाभाग ! निम्मल-कुल-मयक-लंछणस्स का कुलपुच्छा अम्हारिस-जणस्स ? तह वि तुह पुच्छतस्स कहिज्जइ।”

आसि इहेव नयरे सयल-नेगमण्णहाणो नियगुणगणभरिय-भुवणोदरो सोमो व्व सोम-दंसणो सोमदेवो नाम सेट्ठी। सोमा से भारिया। ताण पुत्तो सोमवसू नाम अहं। उवरएसु जणणि-जणएसु अहिट्ठियं मए घरसारं। वच्चति वासारा, समारूढो सयलवियारागारं नव-जोव्वणं। मयविस-विहलंघलो गओ व्व निरंकुसो सच्चओ हिडिउमारद्धो।

अण्णया उज्जाणगएण दिट्ठा मए मगहसेणा नाम गणिया। अह पीइए पेसिया तीए पढमं दिट्ठि-दूई पच्छा निय दासी। गओ अहं तयत्थियं। कओ तीए उवयारो। रंजियं मह माणसं। नीओ निय-मंदिरं। ठिओ तत्थ जहेगदिणं तहा दस वासाणि। पइदिणं दिज्जंतो खीणो घर-सारो। तिद्धणो संवृतो मगहसेणा वि पुव्वपओणेण चैव पत्थेइ दविण-जायं। अहं पि अज्जं देमि पभाए देमि, ति दिण्ण-वयण-घणो ठिओ कइवि दिणाणि। अज्ज पुण रयणीए अवगण्णीऊण नियकुलं, अवलंबिऊण नीय-जण चेट्ठियं खत्त-खणण निमित्तं पत्तो धणसार-सेट्ठि-मंदिरं। सच्च-वियदिसा मंडलो खत्तं खणंतो दिट्ठो नयरारक्खिएहिं, कयत्थिऊण दढं निवेइओ राइणो। तेण वि वज्जो आणत्तो, वज्ज-ट्ठाणं निज्जंतो कहवि पलाइऊण तुह सरणं पवण्णो।” मए भणियं—“घण्णो तुमं जो एवं निय-चरिय दूमिओ पच्छायावमुव्वहसिं। अलमुव्वेएण ? तुह साहारणा एसा मह-लच्छी।” तेण भणियं—“अलं लच्छीए, परलोग-हियं किपि

करेमि, जेण भवओ वि निक्कारण-बंधुस्स परमत्यओ उदयरियं ।” “सोहणमज्जेण मंतिरियं” ति सम्माणिकुण वत्याइणा विसज्जिओ । गओ सट्ठणं सोमवसू ।

अम्हे वि पइदिण-पयाणएहिं वहमाणा दुम्मासमेत्तेण कात्तेण पत्ता सुवण्णपुरं । दिट्ठो राया । कयसम्माणा तेण तत्थेव [व]वहरिउमाढत्ता । [विढत्ताओ] वरिसेण दो सुवण्णकोडीओ । भणिओ हं सहायपुरिसेहिं—“सत्थवाहपुत्त ! चिरकालो समागयाणं, गम्मउ संपयं सनगरं ।” मए भणियं—“गच्छसु भवतो सुवण्णयं गहाय, नाहमप्यडिपुण्णपइण्णो नियत्तिस्सामि ।” तओ ते मोणमासिया । अहंपि विमण-दुम्माणो ढओ तओ परिभ[मं]तो गओ सुवण्णपुरसमासण्णं गंध- [वट्ठि?]नाम उज्जाणं । दिट्ठो तत्थ मज्जे स[ह]धार-तल-निविट्ठो महावइग-वेसधारी-सोमवसू । सो वि मं दट्ठण संभमवस- लुलंत-जडाकलाओ सम्मुहमुट्ठिओ अंसुजलाविल-लोयणेण भणियं सोमवसुणा—“सहलो मे जीवलोओ जं तए सह दंसणं जायं ।” परं परघर-भिकखाभोई अकय-संचओ सुयणे वि घ[र]मागए कि उदयारं करेउ अम्हारिस जणो ? तहवि मए सह अज्ज भवया भोत्तव्वं, न अण्णहा मे मण-निव्वुई ।” पडिवण्णं मए । नीओऽहमणेण उज्जाणमज्जसंठियं चंडियाययण- समासण्णे तियमढे । कओ तवस्सिजणाणुरूवो उदयारो । समागया भोयण-वेला । निमंतिओ सोमवसू एगेण सेट्ठिणा । तेण भणियं—“अज्ज मह अतिही समागओ, ता एत्थेव कारेहि भोयण-सामगियं जेण सहिया चेव भुंजामो ।” तहेव- कयं सेट्ठिणा । भुत्तो सह-जोगेण । पारद्धा परोप्परं संकहा । वीलीणो वासरो । समागया रयणी । सोमवसुणा भणियं—“अज्ज तए एत्थेव वसियव्वं ।’ तत्थेव वुत्थोहं, पुच्छिओ सोमवसुणा—“केवइयं कालमिह भवया विट्ठियव्वं ?” मए भणियं—“विही वियाणइ ।’ सविसाय-वयण-संकिय-हियएण पुच्छिओ हं सोमवसुणा “तुह समागमामयरस-पाण-सुहियं वि ट्ठियं मे मणो जायं ‘विहिवियाणइ’ ति को एयस्स वयणस्स परमत्थो ? साहिओ निय-पइण्णा-विसेसो । सोम-वसुणा भणियं—“केवइएणं दव्वेणं पडिपुण्णो होइ ?” मए भणियं—“अट्ठारसहिं सुवण्णकोडीहि, इह पुण सव्वभंड-विवकाएण वि दो चेव कोडीओ विढत्ताओ । अओ ‘विही वियाणइ’ति जंपियं ।” सोमवसुणा भणियं—“महई ते पइण्णा कया, न ववसायमेत्तेण संपुण्णा होई ।

अत्थि य इओ नवाहिं जोयणेहिं पुव्वदिसावहू-मंडणो, अणेगसिद्ध-गंधव्व-विज्जाहर-सयसेविओ, गयणग- सिहर-सं [च]ओ, निसिसमयसमुज्जलंतोसहिवलयसमुज्जोविय-धरणिमंडलो पंचसिहरो नाम गिरिवरो । गओ हं तत्थ कयाइ कयंत-कवालेण गुरुणा सद्धि । दिट्ठो समंतओ हिडिऊण सो पव्वओ । समागया भोयणवेला, समाहरियाणि मए कंद-मूल-फलाणि । गओ एयं सच्छ-सीयल-सलिलोवसोहियं गिरिनई । कया तत्थ पाणवित्ती । वीसमियं खणमेगं सहयार- छायाए, संवाहिया मए गुरु-चलणा, विस्सामियं सरीरयं सुप्पसण्णेण भणिओ हं गुरुणा—“वच्छ सोमवसु ! घुण- खइय-कट्ठं व जराए अज्जरियं मह सरीरं । पत्तभू[ओ] तुमं, अओ दंसेमि किपि कोऊहलं ।” मए भणियं—“अणुगहो ।” तओ दंसिया गुरुणा कमलोयर-जक्खेण कयाहिट्ठणा अणेगवण-संडमंडिय-सिहर-सिहरंतराल-संठिया एया रस-कूविया । साहिओ मे गुरुणा साहणकप्पो । जहा—“डुण्णि जणा एत्थ रसगाहया एगो बलि-विहाणं काऊण अंतो पविसइ, बीओ बाहिं ट्ठिओ चेव रज्जूए बंधिऊण तुंबयं अंतो पक्खिवइ, पुव्व-पइट्ठो तं रसस्स भरेइ, पच्छा सो तत्थेव विवज्जइ । इयरो रसं गहाय गच्छइ ।’ मए पुण मंत-सेवापुरस्सरं समाराहिओ कमलोदरो । छम्मासेण तुट्ठो भणिओ अहमणेण— “वरं वरेहि ।” मए भणियं—“एस चेव महवरो—जइ कहवि पओयणवसेण इमं रस-कूवियं अहं पविसेज्जा महसीसो पसीसो वा जाव सत्तमपुरिसो तए न वावाएयव्वो ।’ पडिवण्णमेयं जक्खेण नय मज्ज कि पि तहाविहं पओयणं संजायं, तुह उण जइ हवेज्जा तो एत्थ पविसिऊण साहेज्जसु’ । मए भणियं—“महापसाओ ।’ निरुविया समंतओ रस-कूविया, कयाणि साहणाणि । दिण्णाओ तत्थेव मह गुरुणा थंभणिमाइयाओ पहाण-विज्जाओ । समागया सट्ठणं । कइवयदिणावसाणे पयंडपवण-पह्य-पईवो व्व अत्थमिओ मे गुरु । काऊण मय-किच्चवाणि एत्थेवाहं ठिओ । अज्ज पुणं अपुकूल-विहिवसेण तुमं दिट्ठो । विस्सरियं गुरुवियोग-दुक्खं । परं करेसु एयं तवस्सिजन-पत्थणं गम्मउ मए सह पंचसिहर- पव्वयं, जेण संपज्जइ ते समीहियं । जइ न एयं करेसि तो गुरुवयण-खंडण-कारीणं गइ पावेसि ।” सुणिय निव्वंधेण पडिवण्णं मए तव्वयणं ।

बीय-दिणे असाहिऊण निय परिणस्स भिण्णरहस्स काऊण सुन्दराभिहाणं निय-पुरिसं गया दो वि पंचसिहरं पव्वयं । तइयदिणे कयं वलिविहाणं संपूइओ जक्खो, पविट्ठो सोमवसू, रस-कूवियं लंब्रावियं मए तीरट्टिएण तुंबयं भरिऊण रसस्स, खेमेण उत्तिण्णो । समागया सट्ठाणं ।

तओ पणमिऊण सोमवसु-पय-कमलं, समप्पिऊण तस्सेव रस-तुंबयं, गओ हं नियसत्थं । कयपाण-भोयणो, निमदंसण-सभासासिय-सयल-परियणो, पुणोवि सोमवसुसमीवसागओ । आणियं तव्वयणेण सयमेगं लोह-कुसीयाणं, कया सुवण्णसिद्धी । खंडाखंडी कुसीए काऊण भरिया एग अवल्ला । एवं पइदिणं कुणतेहि पूरियाओ पण्णासं सुवण्ण-कोडीओ ।

तओ भणिओहं सोमवसुणा—“सत्थवाहपुत्त ! जइवि तुह वियोगकायरं मह हिययं, तहवि सिद्ध-समीहियस्स न संगयं इह ते चिरावत्थाणं । गंतूण निव्ववेहि नियदंसणामएण जणणि-जणयाण माणसं, धण्णो चेव संभावना समहिय-साहियपओयणो लज्जोणयउत्तिमंगो हरिसंसु-भरिय-लोयणेहि जणणि-जणएहि परिरंभिज्जइ ।” ‘जं भयवं आणवेइ’ त्ति भणिऊण कया सामग्गी । दिण्णाओ समणसमए मह सोमवसुणा संभणिमाइयाओ विज्जाओ । तओ पणमिऊण सोमवसु-चलण-जुयलयं, कयमंगलोवयारो, पयट्ठो निय-देशाभिमुहं, कमेण बच्चंतो स[त्थो]पविट्ठो सुव्वंत-भूरि-सद्दूल-सहाए, वानर-विमुक्क-वोक्कार-भीसणाए, करि-कुविय-मइद-दिण्ण-पुच्छपहार-कंपंतधरणीतलाए, घूयड-[घो]क्कार-पडिसइ-भरिय-गिरि-कंदरोदराए, संचरंत-गंडय-गवय-महिस-रिछ-सरह-सभ-संकुला[ए] पविरल-दीसंत-जलासयाए, महाभेरवाभिहाणाए महाडवीए ।

एत्थंतरे विगलिओ वासरो । पवाइओ पडिकूलमारुओ । अत्थमणसमए रवि-बिम्बस्साहे ठिओ वासिओ तित्तिरो, छिण्णो पंधो सत्थस्स किण्हाहिणा । संकिय-हियएण चितियं मए—‘महई अवसउणपरंपरा, न नज्जइ कज्ज परि[ण]ई, कालण्णया भवियव्वं पुरिसेण’ एवं संपहारिऊण कइवयपुरिस-सहिएण एगते निक्खियं रस-तुंबयं । समागओ सत्थे, कारावियं उप्पायाणयं भुत्तं संखेवेण सत्थसुहडेहि, पइवइया-वयमिव अणुपालयंती दिणवइमणुमया संज्ञा, कयावराह-कुलवह-मुहाणीव भूयाणि दिसामुहाणि, एयावसरे सहसागया मह समीवे गुणवई, पुच्छिया मए समागमणकारणं । तीए भणियं—“अज्जउत्त ! फुरियं मे दाहिणलोयणेण न नज्जइ कहमेस महाडई नित्थरियव्वा अप्पमत्तेण होयव्वं नियसरीरे अज्जउत्तेण ।” मए भणियं—“भीरु मा भयाहि, सव्वं सोहणं भविस्सइ” त्ति, जाव संठवेमि गुणवई तावुग्गओ निसायरो । निसायर व्व वणंतरे दिट्ठा दोण्णि पुरिसा । ‘हेरय’ त्ति काऊण सविसेसं संकिया सत्थ-सुहडा, खुहिओ सत्थलोयो, ‘पंचपरमेट्ठि’सरण-मुवगया सावया, ‘धम्म-संधु-वुद्ध-सरणं’ पडिवण्णा भिक्खुवासया, ‘सिवं-सिवं’ आयति महेसरा, निय-नियदेवोवाइय वावड-मुहा जाया सत्थनारीगणा, सत्थसंभमं दट्ठूण समाहूया मए नियपुरिसा । सम्माणिया वत्थाहरणाइहि भणिया य “ओ ! एस कसवट्ठो पुरिसत्तणस्स ।” जओ—

निय-निधधरेसु वहवे, सूरा सोहरगवंतया चेव । वहवे भमति वंका सुकवित्तण-उत्तुणा पुरिसा ॥१५६॥

जो वसइ मणे वहुवणिगयाण तरुणीण सो जए सुहओ । सुहडाण मणे सुहडो कई वि जो कइ-नरिंदाण ॥१५७॥

“तो अवलंविऊण साहसं आवज्जेह जयसिरिं जमेह पडिवक्ख-भइ-चित्त-चमक्कारं ।” वयणाणंतरमेव रणरस-रोमविय-सरीरा सण्णढा सत्थ-सुहडा । जल-निहिजलं व सम्महमागच्छंतं रद्धं सत्थ-सुहडेहि कालसेणपल्लीवइवलं । तओ—

मिलंत-पउर-नाहलं, वज्जंत-सत्थ-काहलं । सुव्वंत-सिग-सट्ठयं हिसंत-तुरय-थट्ठयं ॥

छिज्जंत-आसंतुंडयं निवडंत-सुहड-मुंडयं । नासंतसंत-कायरं जुज्जंतं सुहड-सायरं ॥

जयकालदिण्णतालयं रोयति सत्थवालयं । सत्थ-सुहड-नाहलाणं पथट्ठपरोप्परमाउहणं ॥१५८॥

तओ जुज्जंतेसु अभंगुरेसु दोसु वि बलेसु, परिगलंतेसु रयणिनक्खंतेसु, संसयतुलमारुडाए [ध]णपाणलच्छीए रोसाएण-लोयणेण कुवियकयंत-भिउडी-भासुरं वयणमुव्वहतेण गहियं[सहत्थे]कोदंडं कालसेण-पल्लीवइया, पीडिया

बोसु वि पासेसु सर-भरिय-भत्थया । पढम-जलहरो व्व निरंतर-सर-सलिल-धाराहि वरिसिउमाढतो भिल्लाहिवो । ह्यमहिय-छत्त-चिधसरासणा पलाइउमारद्धा सत्थसुहडा । उट्टिओ भिल्लाहिव-बले जयजधारवो । वानरोहि बुक्कारियं । नाहलेहि पडिसट्ट-भरियगिरि-कंदराइं वाइयाइं सिगयाइं । संपत्त[विजयं विगयभयं[भ]रं काऊण सत्थं पइ पसरियं सबर-बलं । इओ तओ य [नट्ठो] सत्थजणो ।

तओ गहियासिखेडएण कइवयपुरिस-सहिण जलनिहिजलं व मज्जायाए रुद्धं मए नाहल-बलं । सन्भावसारं जुज्झिया मह पुरिसा खणमेत्तेण चैव सुमरणसेसा जाथा 'न अण्णो उवाओ' त्ति, सोमवसुदिण्णभंभिणिविज्जाणुसरणेण यंभियं मए नाहल-बलं, जीव-गहिओ कालसेणो, उत्थंभिऊण नीओ सत्थमज्जे, सम्माणिओ पवर-वत्थाईंहि, पणट्टु-सत्थजण-मेलणत्थं वाइया काहला । सोऊण तीए सहं गिरिकंदराइवणाहितो समागओ सत्थजणो । संभालिज्जंति निय-नियमाणु-साणि । निरुविज्जंति भंडाणि । सट्टाणमाणिज्जंति संतट्टु-गोणया । खणेण जाओ सत्थावत्थो सत्थो । आवासिओ पुव्व-पओगेण ।

एत्थंतरे संभममागतूण भणिओहं सुंदराभिहाणपुरिसेण—“सत्थवाहपुत्त ! पयट्टे सत्थसंभमे न नज्जइ कुओ वि गथा गुणवई ।” एयं सोऊं उट्टिओ अहं । कइवयपुरिस-परिवारिओ चलिओ गुणवइ-गवेसणत्थं । पुच्छिओ कालसेणे-ण “सुंदर ! का एसा गुणवई ?” तेण भणियं—“सत्थवाहघरिणी ।” कालसेणेण भणियं—“जइ एवं तो थिरावेहि सत्थवाह-पुत्तं । विण्णवेमि किच्चि ।” तहेव कयं सुंदरेण । समागओ कालसेणो, चलणेसु निवडिऊण विण्णत्तोहमणेण—“अवाय-बहुला अडवी, अदिट्टुपुव्वा य तुब्भेहि, अहं चैव नियपुरिसेहि गवेसाविऊण तुह समप्पिस्सामि ।” पडिवण्णं मए तस्स वयणं । उत्थंभियं सेसनाहल-बलं । समागयं कालसेणसमीवे । पडिवण्णो कालसेणो मह भिच्चभावं । भणिया तेण निय-पुरिसा—“अरे ! सत्त-रत्त-मज्जे तहा करेह जहा सत्थवाह-घरिणि लहेह ।” ‘जं सामी समाणवेद’ त्ति, भणिऊण गथा दिसि नाहला । हिडिया तेहि सयलाडवी न दिट्ठा कत्थइ गुणवई ।

तओ असाहिय-सामिपओयणा अहोमह-वयणा सत्तमदिणावसाणे कालसेणमुवट्टिया विण्णत्तो नाहलाहिवई—“सामी ! नत्थि गिरिसिहरं वा, जलं वा, समं वा, विसमं वा, दरीं वा, गिरि-कंदरा वा, जाली वा, पाली वा, जं ण इमाए [अडवीए] अम्हेहिं गविट्टं, न उण वाहिं पि गुणवइ-पयं पि दिट्टं ।” एवं सुणिय विहाण-मुह-कमलोहं चित्तं पयत्तो—अहो ! मे वाणिज्ज-कोसल्लं ! अहिय-लाभ-निमित्तमागयस्स मूलं पि नट्ठं ! जावेवं चिताउरा चिट्ठामि ताव भणियं सुंदरेण—“सत्थवाहपुत्त ! तुह नामकिय-लेह-हत्थो रयणपुराओ समागओ सुमंगलो नाम पुरिसो दुवारे चिट्ठइ ।” मए भणियं—“लहुं पवेसेहि ।” पवेसिओ ! पणामं काऊण समप्पिओ तेण मह लेहो । अवहारिओ मए तयत्थो । पुच्छिओ सुमंगलो—“कुसलं सुमहियनामघेयस्स तायस्स, निराबाह-सरीरा पुत्तवच्छला अंबा ?” सुमंगलेण भणियं—“कुसली ताओ । अंबा वि तुह वियोग-दुक्ख-दुक्खिया अणवरयमणिद्वलीयणा कुसलिणी चैव ।” मए भणियं—“अहो ! अगत्थ-परंपरा, सुमंगल ! किमाइट्ठं ताएण ?” तेण भणियं—“मासमज्जे समागतव्वं” त्ति, एस संदेसओ । तओ मए चित्तियं—

एत्तो गुरुयण-आणा, एत्तो पुण पिययमा य नट्ठा मे । तो कि करेमि ? संपइ, संरुडमेयं समावडियं ॥१५९॥
हा ! विहिहयास ! निक्कव ! अव-रावर-वसण-दाण-कुलललिय ! । निह्विखण ! सच्चमिणं दुक्खिय-
दुक्खावओ तं सि ॥१६०॥

एत्थंतरे विसायमावणं पेच्छिऊण ममं भणियं कालसेणेण—“सत्थवाहपुत्त ! मुंच विसा[यं] न विसाएण समं संपथा परिवसइ । कालोचियकारी चैव पुरिसो सत्तहिज्जइ ता वच्चउ सत्थ[व]सिमं । तुमं पुण परि[मि]य पुरिससहिओ मह पल्लि समागच्छ । तहिं ठियस्स तं कियि उवायं करिस्सामो जेण तुह पिययमाए सहं संजोगो भवइ । इमं पुण लज्जापयं जं पणट्टु-घरणीए गवेसणमकाऊणं सट्टाणं गम्मइ ।” ‘उचियमेयं’ त्ति काऊण कओ मए सत्थसामिओ सुंदरो, भणिओ य, ‘पंचउर-पट्टणे तुब्भेहिं पडिक्खियव्वं जाव अम्हे मिलामो ।’ पडिवण्णमणेण अहं पि कालसेणेण नीओ नियपल्लि । काऊण उवथारं भणिओहं तुह घर[णि] वा लहामि, जलणं वा पविसामि ? एसा मे पइण्णा । “एवं

भणिऊण नाहल-परिवारिओ निम्मओ मए [सु]द्धि गुणवद्द-सत्तेसम्मत्तं । पविट्ठो महडडवि । पेसिया दिसोदिसि नाहला । अप्पणोवि मए सह चलिओ पुव्वाञ्चिमुहो । पत्तो म्मां वणसंडं, तिसुओ तत्थ वणे सीहगुंजारवो । अक्खुहियचित्तेम समासोवियं कोदंडं कालसेणेण । मया वि कोसाओ कड्ढिऊण दाहिण-करेण महियं खण-स्यणं । पविट्ठा वण-संडमज्जे, दिट्ठं तत्थ विगयमंस-सोणियं करकमेयं । जाव तं-निच्चयंतता चिट्ठामो ताव सम्मुहमावडंतो-दिट्ठो पंचाणणो । आयण्णा-मड्ढिय[णि]सियसरेण पड्ढो कालसेणेण, पाविओ पंचत्तं । जाय-सक्रेण भणिअं—“इसण-दंसणेण वा केस-दंसणेण वा पच्चभिजाणसि निय-धरिणी ?” मए भणियं—“आमं”, तओ दंसिआ भिल्लाहिवेण केस-दंसण-समन्निया करोडी । मए वि सुदूरं निरुविऊण भणियं “न हवइ एसा ठीए ?” तेण भणियं—“जइ एवं ता अग्गओ गम्मउ । अत्थि इओ समासणं पुवं पि दिट्ठ-पुवं अम्हेहि विहसजण-निवासट्ठाणं तावसासमं, मा कयाइ तत्थ गया हवेज्ज ।” गया थेव-भूमि-भागं, पत्ता एमं सच्छसलिला[न]इ ओइण्णा तत्थ, कयं मज्जणं, पाऊण पाणियं निसण्णा तीर-संठिय-सहपारतले । एत्थंतरे फुरियं मे दाहिण-लोयणेण, समुल्ल[सि]यं चित्तेण, वियसियं वयण-कमलेण, पुलइयं सरीरेण । कालसेणेण भणियं—“सत्थवाहुपुत्त ! पमुइय-माणसो वि य लक्खीवसि ?” कहिओ मए दाहिण-लोयण-फुरणाइ-वइयरो ; तेण भणियं—“समासणे वि य ते पिययमा-समागमो लक्खीवइ ।” एवं भणिऊण जाव विरमइ कालसेणो ताव तिसुओ वण-मज्जे क्लुण-वयण-गन्धिणो थी-विलाव-सद्धो । गया अम्हे सहाणूसारेण थेव-भूमि-भागं दिट्ठा य तत्थ तावसीए पुणो-पुणो कम्मंडलु-जलेण सिच्चमाणी विसावेगविहलंघल-सरीरा, वेयणा-समुत्थाय-धुम्मंतलोयणा, कंठाय-जीविया गुणवई । पुच्छिया काल-सेणेण—“तावसी भयवइ ! कि-निबंधणो एस वाही इमाए सरीरेयं मीडेइ ?” तावसीए भणियं—“एगफलाऽऽतायणसमुब्भवो । करेहि ताव किपि पडिया[रं], पच्छा सवित्थरं साहिस्सामि ।” तओ कालसेणेण बिस-वियार-हरण-पच्चलं मणि गिरिनइ-सलिलेण ओहलिकण पाइया गुणवई । जाइया सत्थ-सरीरा ; उम्मिल्लियं लोयण-पुपलं । दिट्ठो धणदेवो तीए ठिया अहोमही लज्जाए । कालसेणेण भणियं—“सत्थवाहुपुत्त ! कि एसा म्मा चेव सुमवई ?” मए भणियं—“आमं । एणओ काल-सेणो गुणवईए । पुच्छिया तेण—“तावसी भयवइ ! अगव्वापय-वुट्ठि व्व कह सुमअिमाए संघडिया ?” तीए भणियं—“सुणसु ।”

अत्थि इओ नाइदूरे माणाविह-वण-संडमडियं संडणमिव ओइणीए-वीण-दुहिय-दोहग्ग-भूमिमाणं बहूणं तरनारि-गणाणं सेवणिज्जं अतिहि-जण-अणियतोसं ‘भुतोसं’ नाम तत्थसत्तमं । तत्थयणं बहूणं तावसाग महिबई मुत्तिमंतो-विय भयवं धम्मो धम्मरई नाम कुलवई परिवसइ ।

अणम्मि दिणे पेसिया तेण अडवीए कुलवइमिधेयनिमित्तं श्रोणि लक्खस-कुमारया । इओ तओ परिउडतेहि दिट्ठा तेहि हा ! अज्जउत्त, हा ! अज्जउत्त !” इति, विलवमाणी एसा । तत्तससिया सीवल-वयणेहि । पुच्छिया य “धम्मसीले ! का तुमं ? किमभिहण्णा ? कि निमित्तं वा इदु-सावयसमाउलं कंतारमेयमणुविट्ठा ?” भणियं—“कुलसंभवा गुणवई नाम, सरपपरिहट्ठा एवं परियडामि ।” तत्तस-कुमारयहि भणियं—“अइ ! संसार-सामर-सत्तावणमाणं पुवंभवो-वज्जिय-दुकय-कम्म-कल्लोल-पणोल्लियाणं पाणिणं मुलहाणि वसणाणि । कुलहा तत्तस्म[ज]णक्ख[स]संपती, बहुपुण-पावणिज्जा गुरुयण-पय-कमलमत्ती । ता विरमसु रोयव्वा । [आ]गम्मउ इममासगं तत्रोवगं । पेच्छसु वडु-पुग-पेच्छ-णिज्जं, सरणाणय-वच्छलस्स वरणाण-निहिओ कुलवइणो प[य]कमलं । समागया एसा तत्रोवणं । वदिओ कुलवई । दिट्ठो तेण, पुट्ठा य मुणिकुमारया । कहिओ तेहि सब्बो वि वइयरो । कुलवइणा भणियं—“वच्छे ! अविहव-लक्खणा तुमं । अचिरादेव भविस्सइ ते पिययमेण समागमो अओ न संतप्पियवं ।” अणिणदियमिमाए कुलवइ-वयणं । भणियाहं कुलवईणा—“सुवक्कले ! एसा तए परिपालियव्वा कइ वि दिणाणि ।” पडिवणं मए कुलवइ-वयणं । कहेमि विनोय-निमित्तमिमीए पइ-विउत्तजणाणं संजोग-कहाणयाणि । एवमइकंता कइवि वासरा । अज्ज पुण एसा मए समं चेव पुप्फ-फल-संगह-निमित्तं अडवि पविट्ठा । दिट्ठो य कंतारमडंतीहि सयलवण-संडमंडणो सरस-मनोरम-फलभर-नमंत-साहासमूहो एगो महीरुहो । पुच्छियहमिमीए—“अयवइ ! किमभिहण्णो एस-कड्ढो ?” मए भणियमविहवे ! कियग-कसो, एवंविहालावेण जाव खणंतरं चिट्ठामि तावसासमेग-कीर-मिहुसयं । सत्तस-किपाय-पायवे । भविखयाणि तत्फ-लसिण खणंतरेण धुमंत-लोयणं चियडियं, परिणि-वट्ठे । सत्तं-अए कम्मंडलु-संघणिया । न-त्ताओ कीवि गुणो । विमुक्कं

जीविण । पुच्छिया हं गुणवईए—“किं कारणं ? कीर-मिहुणयमेयमुवरयं ?” साहिओ मए किपाग-फलविवाणो, तओ सा खणं[तरेण वं]चिऊण मह दिट्ठि मरणट्ठा समागया एत्थ पायवे । गहियाणी भूमिनिवडियाणि किपाग-फलाणि, भक्खियाणि थ । विसविहलंघला निवडिया धरणिवट्ठे । निरुवियं मए पच्छाहुत्तं, दिट्ठा एसा, ससंभममागतूण सिता कमंडलु-वारिणा । वीजिया वक्कलंचलेण । न संपण्णो कोइ तहाविहो गुणो । तओ हं कि कायव्वं ति ? मूढा उवयारं काऊमसमत्था एवं विलविउमारद्धा । अणुकूल-विहिवसेण जाओ तुम्हेंहि सह संगमो । जीविया एसा दव्वओ । भावओ पुण धणदेव-समागमेण जीविस्सइ ।

एत्थंतरे भणियं कालसेणेण—“भयवइ ! सो चेव एसो वणिय-कुल-कमल-दिवायरो धणदेवो । अहं पि धणदेवस्स चेव भिच्चावयवो । तावसीए भणियं—“जइ एवं तो मिलियं कुलवइवयणं । समागया जलहिणा जण्हुकण्णा ।” सुवक्कला-वयणेण कओ गुणवईए संभमाणुरूवो उवयारो । ठियाणि परमाणंदनिब्भराणि परोप्परालावेण खणमेगं । मोत्तूण तत्थेव सपरिवारं कालसेणं गओहं गुणवई-साहिओ तवोवणं । पणमिओ कुलवई । दिण्णाऽऽसीसा, निस्सण्णा उचियासणे । पुच्छिया कुलवइणा—“तावसीसुवक्कले ! को एस आयारसूइज्जंतमहाणुभावो अतिही ?” सविनयं जंपियमिमाए—“एस गुणवईए पिययमो धणदेवो नाम सत्थवाह-पुत्तो ।” एवं सुणिऊण परितुट्ठो कुलवई । पुच्छिओऽहमणामयं ? तुम्हाणुभावेणं सव्वत्थ कुसलं । ठिओ तच्चलणसुस्सणाए थेवकालं । दिण्णो तेण धम्मोवएसो । तओ पणमिऊण कुलवई गयाणि कालसेणसमीवं । कइवयदिणेहि पत्ता पल्लि । पडिवात्तिपुरस्सरं धरिओ दिणमेगं अहं कालसेणेण । ढोइयाणि मोत्ता-हलगय-दंत-चित्तय-चम्म-चारु-चामरपमूहाणि पऊरपाहुडाणि ।

बीय दिणे पत्थिओ नियसत्थाभिमुहं समं कालसेणेण, गहिऊण रस-तुंबयं अखंड-पयाणएहि पत्तो पंचउर-पट्टणं । मिलिओ निय-सत्थस्स । आणदिया सुंदरा[इ]महाण-पुरिसा । तुट्ठो सत्थ-जणो । काराविया सव्वा भोयणाइया पडिवत्ती काल-सेणस्स । सम्माणिओ पवरवत्थाईहि । बीय-दिणे दाऊण पंचसुवण्ण-कोडीओ पणय-पुरस्सरं विसज्जिओ कालसेणो । अहं पि चलिओ सनयराभिमुहं । कइवय पयाणएहि पत्तो नयर-समीवं । आवासिओ नयर-बाहिरियाए सत्थो । वद्धाविओ गंतूण सुंदरेण ताओ । दिण्णं परिओस-दाणं सुंदरस्स । सदाविया ताएण सयण-मित्तवग्गा । हुक्कारियाणि सयल-पाय-मूलाणि । खुब्भिओ नयरलोओ । निग्गओ पच्चोणीए ताय-पुरस्सरो सुहि-सयण-वग्गो । सत्थसमासन्नमागयाणं अभिमुहं गंतूण निवडिओ हं चलणेसु । आणंदभर-निब्भरेण सायरं समालिगिओ ताएणं ।

तओ पसत्थ-वासरे महामहूसवेण पवेसिओ नगरं । समानओ निय-वरं, पणमिओ जणणी । “अणवरय-मुक्क-नयण-सलिलाए पुत्तय ! न दिट्ठा ते रिद्धी लोयणेहि” भणमाणीए परामुट्ठो हं सव्वंगेसु करयलेहि । तओ गहिऊण पाहुंडं गओ नरवइ-समीवं । परितुट्ठो राया । कओ आजम्मपि उक्करो । तंबोलाइकय-सम्माणो । समागओ नियमदिरं । सम्मा-णिऊण विसज्जिओ परियणो । तओ परितुट्ठु-मित्त-सयणवग्गं, महादाण-परितोसिय-दीणाणाह-तक्कय जणं, जहासमीहित-संपज्जंत-सयल-विसयगणं विसय-सुहमणुहवंतस्स वच्चति वासरा ।

अण्णम्म दिणे नगराओ निग्गच्छंतो दिट्ठोऽहं धणदत्तसेट्ठि-धूयाए विणयवइए । संजायाणुरायाए चिरमवलोइओ । भणियं च सहीण पुरओ । “जइ एसो णे भत्ता न भवइ ता मए मरियव्वं पव्वइयव्वं वा ।” साहिओ तयभिप्पाओ सहीहि धणदत्त-सेट्ठिणो । तेणवि सयं समागतूण भणिओ ताओ “अम्हाणुरोहेण धणदेव-निमित्तं वरिव्व्वा विनयवई ।” ताएण भणियं—“को कल्लाणे विरोहो । परं धणदेवं पुच्छिऊण निच्छयं ते कहिस्सामि ।” विसज्जिओ धणदत्तो । पाय-वइण-निमित्तमागओ ससिणेहमवमूहिऊण भणिओ हं ताएण—“वच्छ ! वरिज्जइ तुह कए धणदत्त-सेट्ठि-सुया विणयवई ।” मए भणियं—“जं ताओ जाणइ ।” पसरिओ एस वइयरं सव्वम्मि थ पुरे ।

अण्णया भणिओ हं गुणवईए—“अज्जउत्त ! जहा जंगो मंतेइ तहेव जइ भविस्सइ तो मए मरियव्वं ।” अदिण्ण-पडिवयणा मए । अण्णं दिवहे जाम-मेत्ताए जामिणीए निट्ठाभर-निब्भरं वसुत्ते परियणे दुक्खभर-भरिय-माणसा महया सहेण रोयंमाणी उट्ठिया सयणिज्जाओ गुणवई । सइ-सवण-पडिबुद्धेण भवणाओ निग्गच्छभाणी गहिया मए दाहिण-

करयले नि[वे]सिया सयणिज्जे । पुच्छिया य “पिए ! कि कारणं असमंजसं रोइज्जइ ? कत्थ वा पत्थिया ?” गुण-
वईए भणियं—“अज्जउत्त ! दिट्ठो तुमं सुमिणयम्मि विणयवईपाणिग्गहणं कुणमाणो, तेण पवण्णागमण-कारणं, पुण
मरणज्जवसाओ ।” जओ—

“दुक्खेण लब्भइ पियो, लद्धो दुक्खेण होइ अणुकूलो । लद्धो वि अलद्धो च्चिय बहु साहीणो मुणेयव्वो ॥१६१॥

मए भणियं—“सुंदरि ! अलमणिट्टु[चि]ट्टाए ?” गुणवईए भणियं—“एवं विहाणि चैव इत्थीणं हिययाणि भवन्ति ।”
मए चित्थियं—“जइ कह्वि विनयवइ परिणेमि ता निच्छयं मरइ एसा ।” तओ मए भणियं—“पिए ! न तए संतप्पियव्वं
आजम्मं चैव तुमं मोत्तूण अहं बंधयारी ! एस मे नियमो ।” एवं सुणिऊण पमुइय-माणसा जाया गुणवई । पडिसिद्धो
धणदत्तसेट्ठी उवलद्धमभाभिष्णाएण ताएण । निसुओ एस वइयरो विणयवईए । समुप्पण-महामणो-दुक्खा अत्ताणय-
मुब्बधिऊण रयणीए मया । जाओ नयरम्मि हाहारवो । पुच्छिओ हं सद्दाविऊण राइणा—“सत्थवाहपुत्त ! कि न तए
परिणीया एसा ?” कहिओ मए गुणवद-वइयरो । तओ मोगमासिओ राया । दाऊण तंबोलं विसज्जिओहं । गओ
सभवणं । विसय-सुहमणुहवंतस्स वच्चइ कालो ।

अण्णया अणेग-साहुजण-परिवुडो गामाणुगामं विहरंतो संपत्तो तत्थ खेमंकरो नाम आयरिओ । समोसरिओ
मणोरमुज्जाणे । निग्गया बंदणनिमित्तं नागरया । अहं पि तिपयाहिणी काऊण वंदिउं भयवं निसण्णो उच्चिय-ट्टाणे ।
पारद्धा भगवया धम्मदेसणा । पडिवुद्धा बहुवे पाणिणो । पडिवण्णो जहाजोगं सम्मत्ताइयं धम्मं । तओ अवसरं लहिऊण
पुच्छिओ मए खेमंकरसूरि, “भयवं ! कि कारणं निविड-सिणेहा मइ पिययमा अहं पि तीए ?” भगवया भणियं—
‘सोम ! सुण’

धनदेवगुणवइपुव्वजम्मवुत्ततो

अत्थि इहेव जंबुद्वीवे भारहे वासे रोहणगिरीगुणरयणाणं रयणायरो सुकवि-कव्वामयस्स, कुलहरं तिहुयणसिरि-
काणयाए, पभवो सयलभोगाणं, केलास-पव्व[ओ व्व] महेसर-जणाहिट्ठिओ, तीसंस-देस-चूडामणी ‘अंगा’ नाम जणवओ ।
तम्मि य नयर-गुणगणेवेयं सिरिउरं नाम नयरं । तत्थ पणमंताणेग-सामंत-मोलि-माला-महिथ-पायवीडो, अणुवम-रूव-
सोहग्गाइ-गुणगणालंकिओ, तिविक्कमो व्व असम-परक्कमो विक्कमसारो नाम राया । रइ व्व मयर-केउणो परम-रइ-
कारणं रई नाम से महादेवी । तीसे अच्चंत-वल्लहा रइसुंदरी नाम दुहिया । परिणीया रयणसेहररायउत्तेण रयणसुंदरेण ।
तम्मि चैव दिवसे वासभवण-पसुत्तो डक्को सो कुसुम-बंध-लुद्ध-भुयंगमेण । उट्ठिओ संभंत-चित्तो सयणिज्जाओ ।
तयाणुगा रइसुंदरीए पुच्छिओ तीए—“अज्जउत्त ! किमेवं समाउलो ?” कहिओ तेण सप्प-वइयरो । कओ णाए कोला-
हलो । मिलिया दो वि राय-वग्गा । समाहूया गारुडिया । पउत्ता णाणाविहा मंत-तंता । काराविओ वमण-विरेयणाणि ।
न जाओ को वि गुणो । पेच्छंताणं चैव उवरओ । उट्ठिओ अक्कंद-सट्ठी । रइसुंदरी वि रयणसुंदरमणुसरंती धारिया
कह्वकह्वि जणणि-जणएहि, भणिया य,—“वच्छे ! बाला तुमं अदिट्ठविसय-सुहा चैव विहिणा विडंबिया, ता करेसु किपि
कुसलाणुट्टाणं, जेण जम्मंतरे वि नेवं दुक्खाण भायणं भवसि ।” रयणसेहरेण वि एयं चैव भणियं । पडिवण्णमेईए ।
गओ सनगरं रयणसेहरो । भणिओ विक्कमसारेण भंडारिओ “जं मग्गेइ रयणसुंदरी तं तए दायव्वं ।” “तुमं पि वच्छे !
करेसु देव-गुरु-पाय-पूयणं, आसेवसु जहासत्तीए तवो-कम्मं । पारणग-दिणे भोयावेसु परिव्वायगे ।” तहेव कुणमाणीए
गच्छंति दिणाणि रइसुंदरीए ।

अत्थि य तत्थ अणेगमंत-तंत-तीयाणाणय-निमित्त-वियाणयो, अणेगाणं नरनारिगणाणं सेवणिज्जो ‘नाणगवभो’
नाम परिव्वायओ । करेइ [पइ]दिणं तस्स सुस्सूसणं । पइदिणमालाव-संलावेहि. अईवरुढिमागओ सिणेहाणुबंधो ।
जओ—

सविलासा ससिणेहा, कडक्ख-विक्खेव-गभिष्णा धणियं । कस्स न हरंति हिययं, मणोरमा मम्मणुत्तलावा । १६२ ।
ते धण्णा ते सूरा, पुणो-पुणो ताण चैव नमिमो हं । जे महिला-यण-मणहर-संगेण न गंजिया पुरिसा ॥ १६३ ॥

नाणगम्भस्स दक्खिण्ण-पह्णियमाए अत्थि तीए उक्खरि पक्खवाओ सिणेहमेसं च, न उण रागकुद्धी। सा पुण अणवरय-पवड्ढमाणे-मयणेण [उट्ठी]विय-सरीरा दरिसिय-विविह-वियारा म्हु-र-मम्मुणुत्लावेहि तस्स चित्तमक्खिवइ। एवं गच्छइ कालो।

अण्णम्मि दिगे लज्जं मोत्तूण पयडमेव पत्थिओ सी तीए। न पडिक्खणं तेण। तओ सा पंओसमावण्णा अण-वरयमेव छिद्दाणि गवेसिउमारद्धा छिद्दमल[ह्णमाणी] नियम-मइविग-प्पियाणेण-मिच्छावियप्पणा-समाउल-माणसा चित्तेइ रइसुंदरी—‘सोहणं ह्वइ जइ पडइ कहि पि एस वयपिज्जे, न कुणइ को वि आयरं, परिहरिज्जइ परिवायसेहि, निवासिज्जइ नयराओ राइणा, ह्वइ दीह-दुक्खभायणं।’ एवविहकिलिदु-परिणाम-दूसिया, अण्णया गया नाणगम्भ-वंदणा-निमित्तं। दिट्ठो धणावहसेट्ठि-सुयाए पओयणवसंनयाए सद्धि सपरिहासं जंपंतो नाणगम्भो। रइसुंदरीए भणिओ सविसेस-संजाय-मच्छराए—‘अरे, वेसविडंबण! अणासांर-कुलहर! विमुक्कमज्जाय! अणज्ज-परिहासमवल्लोयणेण सह कुणंतो अत्तणो वि न लज्जसि?’ एवमसंत-दोस-दूसियं काऊण गया रायमदिरं रइसुंदरी। वीलीणा जामिणी, पभाए गया पिउणो पाय-वंदणत्थं। पुच्छिया ससिणेहं राइणा—‘वच्छे! कि तुममज्जमव्विग्गा विय लक्खीयसि?’ रइसुंदरीए भणियं—‘ताय-दंसणविडंबणा ममं पीडेइ।’ राइणा भणियं—‘केरिसी?’ तीए भणियं—‘अत्येत्थ अणुच्चरणीय-नामघेओ, अणेगमंत-तंत-चुण्ण-जोग-निमित्त-कूड-क्वडकुसलो, लिगमेत्तधारी, धम्मायरण-परम्मुहो, अजहट्टिय नामो नाणगम्भो नाम परिक्वायगो। सो तेहि तेहि जइ-जण-बिरुद्धावरणेहि दंसणं विडंबेइ त्ति, जणो मंतेइ। अज्ज पुण सक्खमेव मए अप्पणा दिट्ठो। जाया मे चिंता जइ ताओ न एयस्स निग्गहं करिस्सइ तो सेसपरिक्वायग-वन्तो वि अणायारभायरंतो न संकिस्सइ।’ ‘वच्छे! सक्वं सोहणं भविस्सइ न तए खेओ कायव्वो।’ एवं संभासिऊण विसज्जिया रइसुंदरी। आणाविओ नाणगम्भो। सावेसं भणिओ राइणा—‘नाणगम्भ! जइ-जण-विरुद्ध-समायारो तुमं सुणि-ज्जसि?’ तेण भणियं—‘कहं?’ राइणा भणियं—‘परिचत्त-निय-घर-पुत्त-कलत्त-सुहि-सयण-संभस्स पर-घर-भिव्खा-भोईणो, परकयासमनिवासिणे किं ते पओयणं निमित्त-मंत-तंत-जने-चुण्णेहि?’ नाणगम्भेण-भणियं—‘न किं पि तहा-विहं मोत्तूण लोगदक्खिण्णं।’ राइणा भणियं—‘अणासांरकारी तुमं त्ति, वच्छेए मे कहियं।’ नाणगम्भेण चित्तियं—‘पुव्ववुग्गाहिओ एस, न सक्किज्जइ पण्णवेउं? भोयमेव संगव’ त्ति, चित्तिऊण भोणमासिओ। सविसेस-संजाय-संकेण भणिओ पुणो वि राइणा—‘संपयं भोणं कयं?’ नाणगम्भेण भणियं—‘किं बहुणा! पिच्चक्ख-सयल-लोयववहारो भयवं विण्हू वि याणइ।’ राइणा भणियं—‘न उणे वच्छे रइसुंदरी? ता एस ते दंडो—‘वैसं वा मुयाहि मह देसं वा?’ किं कायव्व-विमूढो चित्तिउमढत्तो नाणगम्भो—‘कहमेयाए ममोवरि असाहारण-भत्ती आसि? कहं वा एयं असंत-दोसारोयणं? अहवा चित्तिताणि चैव अविवेय-बहुलाणं महिलाणं हिययाणि भवति। इत्थियाहि नाम विसहरगइ व्व कुडिल-हियया परछिद्-गवेसिया य, किपास-क्कवं वं मुह-मंहुरा परिणई, मारणतिया य, सरिय व्व नी[या]णुसारिणी उभयपक्ख-खयकारिणा य, विज्जुलक्कं व्वं खंभेदिट्ठ-मट्टा सरीर-संताव-दायणा य, दीवय-सिह व्व सिणेहहाणिकारिणी मालिण-निबंधणां य, किं बहुणा? अकंदरा वग्धी, अभोयंथा विसूइया, सउस्सासं मरणं, अरज्जुयं बंधणं, निप्यंनं मलिणं, अग्गि-रहिओ दाहो, मुत्तिमंता आवया, बोही चलतिया, नरयनगर-पासाय-सिहरमारुहंताण समा सोयाण वतिया।’ एवं चित्तयंतो भणिओ राइणा—‘किं मंतीकयं?’ नाणगम्भेण भणियं—‘दिसं मुयामि न उण वेसं।’ राइणा भणियं—‘जं ते रोयइ।’ कंओ निव्विसजी। वित्थरिओ एस वइअरो सव्वम्मि पुरवरे—‘जहा लोगो एयं पयपइ तहा परंपरिओ समुव्वइ, रइसुंदरीए! बद्धं अलियअक्खाण-दाण-पच्चयं तिक्कमसुहकम्मं। अण्णया अट्टज्जाणेणं मरिऊण समुप्पणा विंशाडवीए सियाली। समुप्पणो दारुणो मुहरोगो। सडइ खंड-खंडेहि जीहा, पणट्टा भोयणरुई, पडइ पइदिणं सरीरबलं, सीयंति संयलअंगाणि, पंचट्टइ अरई, पणट्टा चंक्रमण-सत्ती, तण्हा-छुहाकिलंता तिक्कवेयणाभिभूया मरिऊण समुप्पणा अयाए कुच्छिसि अयत्ताए। तत्थवि मुह-रोगेण मरिऊण समुप्पणा तंम्मि चैव नयरे अणंगसेणाए विसासिणीए कुच्छिसि दांरियत्ताए। उचियसमए पइट्टावियं नामं अणंगसुंदरी। म्हुह-पयसेव पालिज्जयाणी, पक्कवत्थहरणईहि लाक्खिअमाणी पत्ता जोव्वणं। पुव्वक्कयकम्माणभावेण अणिट्टा

सयल-कामुयाण न कोवि तीए सह संवसइ । जाया अणायार-ट्टाणं अणंगसुंदरी । भग्गिउण ठाणे कयाण वत्थाहरणाणि, सन्नपियं दंडी-खंडं कराविज्जइ कुकम्माणि ।

तओ विसण्ण-चित्ताए चित्तिमणंगसुंदरीए-एसो सो गंडस्सोवरि पिडगुब्भेओ । एणं ताव वेसाकुले उप्पत्ती, बीयं पुण दारुणं दोहगं । ता मरणमेवमह संगयं” ति चित्तिउण निग्गया नियमंदिराओ । गया नगरुज्जाणे ठिया बड-पायवस्स हेदुओ । निरुविउण दिगंतराणि वद्धो कंधराए उत्तरिउज्जेण पासओ । एवावसरे समागओ पओयणवसेण सुभंकरो नाम मुणिवरो । भणिया तेण-“भद्दे ! का तुमं ? कि वा करेउमारद्धा ?” तीए भणियं-“भयवं ! अणंगसुंदरी नाम वेसा-सुया । दोहग्ग-दोस-दूसिया एवं मरणमज्जवसिया ।” साहुणा भणियं-“धम्मसीले ! निदिओ सयलसत्थेसु अप्पवहो । नत्थिय यई अप्पघायगाणं । दूरे सोहगं ।” अणंगसुंदरीए भणियं-“ता कि करेमि ?” साहुणा भणियं-“भद्दे ! दारिदोवहयाणं, उच्छण्ण-वंसाणं, विविह-वसण-पीडियाणं, दूसह-दोहग्ग-दूमियाणं, धम्मो चेव सरणं सव्वसत्ताणं । ता करेहि किपि धम्माणु-ट्टाणं जेण जम्मंतरे वि नेवंविह-दुक्खाण भायणं भवसि ।” ‘जं भयवं समाणवेइ’ वंदिउण मुणिवरं गया सभवणं । भद्दग-भाव-परिणया कालं गमेइ ।

अण्णया कट्टाण निमित्तं कंतारं गया । उक्का भुयंगमेण । केण वि अकय-पडियास सकम्म-सहाया मरिउण समुप्पण्णा तत्थेव नयरे सोमिलस्स माह[ण]स्स सोमाए भारियाए कुच्छिस्सि धूयत्ताए । उच्चियसमए पइट्टावियं नाम सोमसिरी । पत्ता जोव्वणं परिणीया इंदसम्ममाहण-सुएण इंददत्तेण । पुव्वकय-कम्माणुभावेण अणिट्टा तस्स वि नो सहइ सो तीसे दंसणं पि, दूरे संवासो ।

तओ भणिया सा जगणि-जम्मएहि “वच्छे ! सघर-संठिया चेव किंवि कुसलाणुट्टाणं करेसु जेण जम्मंतरे वि नेवंविहदुक्खाण भायणं भवसि ।” पडिवन्नमेयं तीए तहेव कुणमाणीए वच्चंति वसरा । अण्णम्मि दिणे जायं साहुणीहि सह दंसणं । नीया ताहि जिनमइमहत्तरा समीवे । पणमिउण पवत्तिणि निसण्णा उच्चियासणे । पारद्धा भगवईए धम्म-देसणा । भणिया य “भद्दे ! धम्मत्थिणा पढममेव सुपरिक्खियाणि काऊण गुरु-देव-धम्मतत्ताणि गहेयव्वाणि । जओ—

कुगुरु-कुदेव-कुधम्म-रय-मणितुट्टा हिडत्ति । अप्पओ मोहमोहिया मुट्ठं न वि जाणंति ॥ १६४ ॥
 देव-गुरु-धम्मतत्तं, जाणिज्जइ गुरुजणेण उवइट्ठं । ता तस्सेव परिक्खा, पढमं चिय होइ कायव्वा ॥ १६५ ॥
 धम्मट्ठियाण धम्मं, कहेहि अगिलाए परहिएक्करओ । खम-वमजुत्तो गुत्तो, तव-निरओ सील-संपत्तो ॥ १६६ ॥
 निज्जिय-विसयकसाओ, जिइदिओ सयल-सत्त-रिहयकारो । घर-घरिणि-संग-रहिओ, निस्संगो निम्ममो य गुरु ॥
 एवंविहगुणरहिए, गुरुम्मि गुण-मोरवं कुणंतेहि । अहह ! अथाणथलोएहि, पेच्छ अप्पा वि वेत्तविओ ॥ १६८ ॥
 रमणीय-रमणि-संगह-गहगहिओ जो न नियइ सविधारं । न वि जंपइ वयणाइं, सिगारागारभूयाइं ॥ १६९ ॥
 इंदिय-चोर-चडक्क-पहओ अपहम्मि न य पवत्तेइ । मुक्काउहो महप्पा पसंत-मुत्ती विगय-मोहो ॥ १७० ॥
 केवलनाण-दिवायर, पयडिय-नीसेस-वत्थु-परमत्थो । समसत्तु-मित्त-चित्तो, जो भयवं सो जए देवो ॥ १७१ ॥
 पुव्वावरारिवरुद्धो, ताडण-कस-च्छेय-सावभेएहि । विहि-पडिसेह-पहाणो, धम्मो धम्मत्तणमुवेइ ॥ १७२ ॥
 जीवाईए भावे बहुभेए जो भणेइ सो भावो । बाहिर-रंकरिया-सुट्टो छेओ छेएहि निहिट्ठो ॥ १७३ ॥
 विहि-पडिसेहाणुगयं ज्ञाणं झरगाइ संगयं सुट्ठं । जम्मणुट्टाणं सोहइ कसो ति कहिओ बुहजणेहि ॥ १७४ ॥
 धम्म-सुवण्ण-परिक्खा सम्मं धम्मत्थिएहि काधव्वा । इहरा मूत्तणओ न कज्जसिद्धी जओ भणियं ॥ १७५ ॥
 “अपरिक्खिय-रयणत्तियं गहिउण कुणंतु सुगइसुहआसं । विणु सुत्ति मगंतं पड भुल्ला लोथ हयास ॥ १७६ ॥”
 देव-गुरु-धम्मतत्ते तस्सा सुवियारिउण जो लेइ । सो संसार-समुब्भव-दुक्खाण जलंजलि देइ ॥ १७७ ॥
 वच्छे ! मिच्छत्तसंमंथारमंघाण-पसु-सरिच्छाण । जच्चंघाण व-दुक्खो जिणधम्मो रवि-पभासो व्व ॥ १७८ ॥

एयं सोऊण पणहुमिच्छत्ताए पडिवण्णो तीए जिण-धम्मो । जाया समणोवासिया । पडिलाहेइ फामुएण एसणिज्जेणं असण-पाण-खाइम-[साइमे]णं समण-संघं । पूएइ परम-विहिणा भाव-सारं पडिमाओ वीयरमाणं । करेइ अट्टमि-चाउट्टिसि-उट्टिट्ट-पुण्णमासिणीसु पडिपुण्णं पोसहं ।

अण्णया धम्मजागरियं जागरमाणीए समुप्पणा चिंता—“धण्णा णं भरहाइ-चक्किणो जे तिणं व पडग्गलग्गं उज्जिऊण छ-खंड-मेइणिं निक्खंता । धण्णाओ णं राइमइपमूहकण्णयाओ जाओ निरुवम-सोहग्ग-गुणेण बहुजण-पत्थणिज्जाओ वि विसमिव मण्णिऊण विसयणं पव्वइयाओ । अहं पुण संसारवास-निबंधणालंबणरहिया वि दारुण-दोहग्ग-दूसिया वि न पव्वयामि । अहो ! मे अजाणत्तणं, अहो ! मे अविवेगित्तणं, अहो ! मे तुच्छत्तणं, अहो ! मे संसाराभित्तणं, अहो ! मे अदीह-वरिसित्तणं, अहो ! मे इंदिय-वसित्तणं, अहो ! मे कम्म-गुरुअत्तणं, अहो ! मे जहिच्छा चारित्तणं” ति, चित्तयंतीए पभाया रयणी । उग्गओ अंसुमाली । कयं गोसकरणिज्जं । घर-चेइयवदणं काऊण गया साहुणि-समीवं । वंदिया महत्तरा । सुओ तयंतिए साहुधम्मो । संजाय-वरणपरिणामाए भणियं सोमसिरीए—“भयवइ ! संसार-भयुव्विग्गा पव्वयामि तुम्हाण समीवे ।” महत्तराए भणियं—“उच्चियमेयं, विण्णाय-संसार-सरूवाणं, जिण-मय-भावियमईणं, सव्वेसिं पि सत्ताणं ।” वंदिऊण महत्तरं गया सभवणं सोमसिरी । साहिओ निययाभिप्पाओ जण्णि-जणयाण । तेहि अणुण्णया पसत्थवासरे महया विच्छ-इडेण पव्वविया सुभंकरायरिणं । समप्पिथा जिनमइ-महत्तराए सोमसिरी । गहिया दुविह-सिक्खा । सिक्खिओ किरिया-कलावो । अहिज्जियाणि एक्कारस-अंगाणि करेइ छट्टुट्टमाइ अइदुक्करं तक्कचरणं । मज्जइ मणां जाइ-मएण ।

अण्णया मरिऊण समुप्पण्णा सोहम्म-कप्पे देवित्ताए । परिपालियं तिण्णि पलिओवमाणि आउयं । तओ चुया पुव्व-भव-कय-जाइमयदोसेण समुप्पण्णा सज्जगिरिसमासण्णाए महाडडीए सवरित्ताए । पत्ता जोव्वणं । अईव इट्टा पुल्लिदस्स । अदिट्ट-पिय-वियोगा ईसाइविदज्जिया सयासभिहिय-कंद-मूल-फलासणा, निज्जर-झरंतसीयल-सलिल-पाण-पमुइयमाणसा सुहंसुहेण कालं गमेइ । जओ—

साहीण फलजलाणं अदिट्टपियविप्पओगसुहिथाण । असुयखलजंपियाणं सुह[हेऊ होइ वणवासो] ॥१७९॥

इओ य धणसारो नाम सत्थवाहो कोसबिपुरीओ सुसम्मपुरं पइ पत्थिओ । घोसणं करेइ—“जो मए समं समागच्छइ तस्साहं खाणेण वा, पाणेण वा, वत्थेण वा, पत्तेण वा, संथार-कंबलेण वा, ओसहेण वा, भेसहेण वा, दंडेण वा, छत्तेण वा, जाणेण वा, वाहणेण वा, पाणहाहिं वा उदंतं व्हामि । एयं सोऊण पयट्टा बहवे कप्पडिय-तडियादओ । जुगंधरायरिणं वि पेसिओ सत्थवाह-समीवे साहु-संघाडओ । भणिओ तेण सत्थवाहो—“बहु-सीस-परिवारा जुगंधराभिहाण-सूरिणो तए सह समागच्छंति, जइ तुमं छुहियाण वा, पिवासियाण वा, थक्काण वा, वाहि-पीडियाण वा, सत्थ-पबभट्टाण वा, चित्तं करेसि ?” सत्थवाहेण भणियं—“समागच्छंतु सव्वेण भलिस्सामि ।” चलिया सपरिवारा सूरिणो । पसत्थवासरे टिओ नयरवाहि सत्थो । कथा सत्थवाहेण जणसारणा, दिट्टा आयरिया, वंदिया सबहुमाणं, भणिओ संगमओ नाम सूअयारो—“अरे ! तए साहुण पाण-भोयणाइ पइविणं दायव्वं एस ते निओगो ।” सूरिणा भणियं—“सत्थवाह ! साहुणमकयमसंकप्पिय अप्पणट्टा गिहत्थेहिं साहियं आभ-कंद-मूल-फलाइवज्जियं असणाइयं कप्पइ । भणियं च”

“आरंभनियत्ताणं, अकिणंताणं अकारवित्ताणं । धम्मट्टा दायव्वं, गिहीहिं असणाइयं सुद्धं ॥१८०॥

धण्णा देति उ सुद्धं, धण्णयरा जे उ लिति सुविसुद्धं । धण्णा दिता लिता, धण्णा ठाणं सिवं पत्ता ॥१८१॥”

तहेव पडिवण्णं सत्थवाहेण । गंतुं पयट्टो सत्थो । गम्मइ सुसम्म-नयराभिमुहं । कमेण वक्कंतो पत्तो महासालाडवि-मत्थए सत्थो । घोसावियं सत्थवाहेण—“भो ! भो ! सत्थजणा ! कारह जल-संबल-संगहं सविसेसं । पउणीकरेह सयल-सत्थाणि, जेणाडविं पविसमह ।” तहेव कयं । वीसमिओ तत्थेव दिणदुगं सत्थो । तओ पविट्ठो महाडवि वूढा तिण्णि दिणाणि । चउत्थ-दिणे सविसेसं भय-भीओ रविं पि बूढो । पीडिया सत्थ-लोया, पहाणपुरिसेहिं विण्णत्तो सत्थवाहो—“निरंतर-पयाणएहिं पीडिओ सव्वो वि सत्थ-जणो, ता कीरउ उप्पयाणयं” पडिवण्णं तेण । वाइया उप्पयाणय-काह्ला । आवासिउ-मारदो सत्थो । आयरिया वि पभायावस्सयं काऊकामा एयंतमवक्कंता पारद्धमावस्सयं ।

इओ अदिट्टजलासएहि भणिओ सत्थवाहो पुरिसेहि “नत्थेत्थ जलं जावज्जवि न गाढं तवेइ दिण्यरो ताव गम्मउ ।” सत्थवाहेण भणियं—“एवं भवउ ।” सहसा संचलिओ सत्थो न नाओ आयरिएहि । कयावस्सया जावाग्गया ताव न पेच्छंति । तओ ससंभंता पत्थिया सत्थमग्गेण । गया थेवं भूमि-भागं । न दिट्ठो सत्थो । पब्भट्ठा मग्गाओ । किं-कायव्व-विमूढा मज्जाडडवि पविट्ठा । तण्हा-छुहा-किलंता एगत्थ वणसडे निविट्ठा । भणिया सूरीहि साहुणो—“संपयं किं-कायव्वं । दुरुत्तरं वसणमावडियं । छुहा-पिवासाहि दुट्ठ-सावएहिती वा मरियव्वं । ता कारह साहसं । पयच्छह संपयच्छह आलोयणं, उच्चारेह विसेसेण महव्वयाइं, भावेह सयलजीवेसु सम-सत्तु-मित्तत्तणं, अवलंबेह धीरजण-चेट्ठियं, पडिवज्जेह निरागारमणसणं, जेण पर-लोयस्स आराहया होह ।” सार्हाहि भणियं—“सोहणमाइट्ठं भगवतेहि अवसरो एयस्स ।” इमं सुणिऊण सहसा चेव परुण्णो एयो-खुहुगो । समासासिओ कोमलवयणेहि सूरीहि ।

तओ समाइट्ठो रायवस-संभवो विक्कम-बलो नाम मुणिवरो । गच्छ तुमं थेवंतरं । समारुहिकण समुण्णयपएसं, निरूहेह मा कयाइ गामं वा, गोउलं वा, तावसासमं वा, पच्छासन्नं हवेज्जं, एयम्मि खुहुगे ह्यमाणे अणसणं पि दुक्करं ।” तहेव कय साहुणा । थल-सिहर-समारूढो दिट्ठो पुलिदेण । आरोविंयं कोदंडं संधिओ सरो । पुच्छिओ पुलिदीए—“नाह ! किमेयं ?” तेण भणियं—“पिए ! किपि अब्वत्तं दूरे चलमाणं दीसइ । सुइरं निरुविऊण संजाय-जाइ-सरणाए जंपिय-मिमीए—“नाह ! संहर सरं । मुनिवरो वि य लक्खीथइ ।” तेण भणियं—“कहमकयकज्जो संहारिज्जइ सरो ?” सबरीए भणियं—

कुंभि-कुंभ-तड-दारण-सोडीरिम-पयड । मयवइ-मयदल-वट्टण पुरपोली-विथड ॥

सरह-संघ-वित्तासण-गव्व किणकधर । मूणिवरि पिय ! पहरणहं अदोहहं जीवदथा वरहं ।

करुणामयरहरहं पिय ! पहरंतु पडेसि नरइ तुहं मुणिवरहं ॥१८२॥

पुलिदो वि तव्वयणेण संहरियसरो गओ साहुसमीवं । पुच्छिओ तेण साहू—“किं निमित्तं तुमं सुण्णारत्तमिमं पविट्ठोसि ?” साहुणा वि साहिओ वइयरो । समागओ तेहि समं सूरि-समीवे । कया सूरिणा धम्म-देसणा । कल्लाण-भायण-त्तण[ओ] जाओ तेसि भइग-भावो । निमित्तिया कंद-फलाईहि साहुणो । सूरिणा भणियं—“न साहुणं सचित्ताणि कंद-मूल-फलाणि कप्पति, जलं पि न सहाव-संठियं सुज्जइ ।” सबरीए भणियं—“भयवं ! सुमरिय-पुव्वभवा सेविय-सामण्णा सयमेय-कप्पाकप्प-विहिवियक्खणाहं ; संति णेगे चिरसंगहियाणि कंद-मूलाणि बीय-रहियाणि परिणयाणि । जलं पि खरसमीरणुम्मू-लियर[य]-पावियसंणेण रत्तवण्णं, अओ गिण्हह जइ भे रोयइ ।” आयरिएहि चित्तिंयं-एयावसरे एयंपि संगथं, पिवासिया साहुणो ।’ पुलिदेहि दिण्णं, गहियं गलिऊण पाणियं ।

तओ नीया पुलिदेहि गिरिगुहासुहे । पविट्ठो गुहं पुलिदो । नीणिथाणि कंद-मूल-फलाणि । भणिया सबरी सबरेण-“देहि पिए ! मुणीण दाणं ।” ‘एवं’ ति, भणिऊण निरुविओ तीए अप्पा, देयं गाहगा य । तओ सदुक्खं परुण्णा । पुच्छिया सबरेण—“पिए ! किं हरिसट्ठाणे विसाओ कीरइ ?” तीए भणियं—“पिययम ! इमे सभणा भगवतो नाणाविह-गाम-नगरेसु दाण-विहि-वियक्खणेहि, चरण-विभूसिएहि, धवल-धवल-हरसंठिएहि, नरनारिगणेहि, पवरासण-पाण-खाइम-साइमेहि पडिलाहिया । अहं पुण पसु-सरीसा दाण-विहि-कुसला वि तस्सामग्गीरहिया गुहामुह-संठिया, दाणं पि जहण्णं कंदाइ, तेण मे विसाओ । जओ—

“पट्टण माणुस धवलहर, वर असणइं अहलाइं । अवसरि पत्तहं पत्तहं जाइं न कज्ज-कराइं ॥१८३॥

निब्भर-जलइं सुपाणियइं, वण-फल वर-असणाइं । सबरइं पट्टण-माणुसइं, गुह वर धवल-हराइं ॥१८४॥”

‘क्षण्हा-छुहा-किलंता, अवसरं पत्ते पिए ! सुपत्तम्मि । जाणुवओगो को ताण कुणइ मोल्लं पि पसयच्छि ! ॥१८५॥

ता मोत्तूण विसायं, देहिच्छाए कंदमाईयं । दुलहा पुणो वि सुंदरि ! सुपत्त-सामग्गिया अमह ॥१८६॥”

सोऊण सबरखयणं, हरिस-धसुल्लसिय-पधड-मुलथाए । पडिलाहिया मुणिवरा, सबरीए सुद्ध-भावाए ॥१८७॥
मनयाउयं निबद्ध भोगा य समज्जिया पुलिदेहि । दुग्गह-दुग्गहाण दिण्णो दोहि वि सलिलजली तेहि ॥१८८॥

जओ-

नायागय सुविसुद्ध-सद्धा-जलेण सिच्चंतं । जायइ सिव-सुह-फलं सुपत्त-खेत्ते गयं दाणं ॥१८९॥

पडिपुणं काऊण वंदिया मुणिवरा, साहूहि समं चेव गयाणि गुरुसमीवं । भणिओ गुरु पुलिदेण—“भयवं! भुंजह तुब्भे निराकुला, अहं पि दुट्ट-सावय-रखणद्दा समारोवियकोदंडो किंचि समासन्नो चेव चिट्ठिस्सामि ।” भुत्ता विहि-पुवं साहवो, समागयाइं सबराइं । कया धम्मदेसणा । भाविया पुलिदाणं । जाओ तेसि अभिग्गह-गहण परिणामो । दिण्णो गुरुहि पाणिवह-नियमो । पडिवण्णो तेहि । समयारिया पंधे साहुणो । ताव गयाणि जावं सिमंतओ । वंदिऊण भणिया सूरिणो—“भयवं! इओ परं अविसओ अम्हाण । गच्छंतु भगवंतो ।” अणुसट्ठि दाऊण गया गुरवो । पडिनियत्ताणि । अंतरा चेव अत्यमिओ दिणयरो । भणिया सबरेण सबरी—“पिए ! तमंघयारा खणी । दुलक्खा दुट्ट-सावया, वसिज्जउ एत्थ, सुए गमिस्सामो ।” गयाणि एगं गिरिगुहं । तत्थ पुण एगं चेव माणुसं माइ । पवेलिया तत्थ सबरी । गहिय कोदंडो ठिओ गुहामुहे पुलिदो । समागओ माणुसगंधेण तं पएसं पंचाणणो । पहया पुच्छंण्हारेण मेइणी । पकंपिया गुहा । भीया सबरी । भणिओ सबरो—“पिययम ! नियपाणरक्खं करेसु ।” तेण वि ‘भीरु न भाइयव्वं ति’ भणतेण समारोवियं धणुहं । संधिओ [स]रो । जावज्जवि न मुअइ ताव सुमराविओ जीवव[हा]भिग्गहं सबरीए । मुक्कंतेण धणुवरं समावडिओ सीहो । निवाइओ पुलिदो । मरिऊण समुप्पण्णो धणेसरसेट्ठि-सुओ धणदेवो । सो पुण तुमं । सबरी वि पहाए नीहरिऊण गुहंतराओ गंहिऊण सबरट्ठियाणि पविट्ठा जलणं । मरिऊण समुप्पण्णा धणचंद-सेट्ठिणो धणावहाए भरियाए कुच्छिंसि धूयत्ताए । सा पुण एसा चेव गुणवई । जम्मंतरा-व्भासओ एस सिणेहो तुम्हाण । एयं सोऊण समुप्पण्णं मे जाइस्सणं । भणिओसूरी—“भयवं । सयलसत्त-सुहावहे संसार-सायर-तरणतरंडे निसुए सव्वणु-पणीए धम्मे कि मे उदासीणया ?” भगवया भणियं—“अइ ! पुव्वभव-मुणिदाणोवज्जिया भोगा भे चरणायरण-विबंधगा, भुत्त-भोगाण भविस्सइ तुम्हाण चरण-पडिवत्ती निव्वाण-संपत्ती य ।”

तओ हं हरिसिय-माणसो वंदिऊण भगवंतं समागओ निय-भवणं । सन्निओ एस गुणवइए वइयरो । पस्तिट्ठा एस । सविसेस-सिणेह-तंतु-संदाणिमाण विसय-सुहमणुहबंलण वच्चंति वासरा । जाओ पुत्तो गुणवईए । पइट्ठिवियं नाम धणदत्तो । अण्णम्मि दिणे वस-भण्ण-पसुत्ताण चेव अवहरिया केणवि-गुणवई । निहकिया मए पभाए । न लद्धा कत्थवि । विओग-जलण-जालावली-करालिओ कत्थवि रइं अलहमाणो इमं उज्जाणमामओ । गहिऊण सरसीओ सरस-नलिणी-दलाणि सहाव-सीयलं लया-हरमिणमणुपविट्ठो । विरइय-सत्थरो जाव खणमेगं चिट्ठामि-ताव दिट्ठं मए तरललयगेहि इओ तओ निज्जायंतं एगं सारस-मिहुणयं । जणरव-भीया उड्डिया सारसी, सारसो वि तमेवाणुगओ । तओ चितियं मए—

अण्णोणमणुसरंसाण, सरस-सबभाव-नेह-भरियाण । वरि सारसाण नेहो, मा कज्जयराण मणुथाण ॥१९०॥

“तओ मए “सारस ! धण्णोसि‘तुमं” इच्चाइ-गाहा जयलं पहियं ता कुमार ! एयं मे उब्बेय-कारणं ।”

एत्थंतरे अट्टहासेण हसिऊण भणियं कुमारपरिहासट्ठाणेण केलिकंदाभिहाणेण वयंसएण—“अहो ! महिला-मणूसो एस वणिय-सुओ, जो एहह-मेत्ते वि पओयणे एवं विलवइ ?” धणदेवेण भणियं—“अइ ! दुज्जण-बहलो एस कालो” गच्चवियं तए एयं ।” कुमारेण भणियं—“एरिसो चेव एसो न संतप्पियव्वमज्जेण !”

एत्थंतरे सावसं जपियं सुबुद्धिपंमूहवयंसएहि—“कुमार ! खलयण-वयण-सवण-संतइड-माणसो मोत्तूण नगरमेसो उज्जाणमिणमागओ जाव एसो एत्थवि एवमुल्लवइ ? ता सच्चो लोगप्पवाओ-

छट्ठिवि दुज्जण-वासडा, वरगडि गथउ पलासु । तत्थवि विहि मूलइं खणइं, नत्थि भवित्तिहि नासु ॥१९१॥

जइ एस असमंजसप्पलावीतुह समासण्णो चिट्ठिस्सइ ता अम्हेहि गंतव्वं । जओ—

गुणिणो वि होंसि विगुणा, खलाण संगेण नत्थि संदेहो । लोहाणुगओ धणियं घणघाए सहइ जलणो वि ॥१९२॥

ता तथा एयस्स सिक्खं करेहि जहा अइ-मुहरत्तणेण अण्णो न एवं पर्यपइ ।” निब्भच्छिऊण निट्ठुरवयणाहिं भणियो कुमारेण केलिकंदो “अरे ! आजम्मं न तए दिट्ठिगोयरे मह समागतव्वं, एसेव ते दंडो ।” भणिऊण निट्ठाडिओ ।

धनदेव-विणोयणत्थं पुच्छिया कुमारेण सुबुद्धिपमुहा नियवयंसया—“भो कहेह, पुण्णसार-महुरभासि-दीहदरिसीण मज्जे को सलहिज्जइ ?” धणदेवेण चितियं—“सोहणं पुच्छियं, भविस्सइ मणयं ममावि दुक्खवीसारो ।” तओ सुबुद्धिणा भणियं—“पुण्णसारो सलहिज्जइ जं तस्साणिच्छंतस्सवि संपज्जंति सयलसमीहियाइं जहा पुण्णसारराइणो । कुमारेण भणियं—“को एस्स पुण्णसारो ?” सुबुद्धिणा भणियं—सुणउ कुमारो—

पुण्णसारनिवकहा :

अत्थि इह वर पुलिणपरिवडंताणेगकुरव-कारंडव-हंस-चवकवाय-मिहुणारव-बहिरिय-दियंतरा परिणय-ग[दंदा]-मुसल-विभिण्ण-तड-पडणाधिल-जल-तरंग-रंग-हंस-मिहुण-हारिणी वेणीव धरणी-रमणीए वेण्णा नाम महानई । तीसे य कूले रयणपुर-कणगपुर-रयदपुर-नामाणि णगराणि एककेक्कजोयणंतराणि । सयल-नेगमप्पहाणो रयणउरे धनसार-सेट्ठी । सूरुो व्वं सव्वत्थ पसरिय-पयावो, जम्मंतरोवज्जिय-पडिपुण्ण-पुण्ण-पभावेण संपज्जंत-सयल-समीहिओ कणगपुरे पुण्णसारो नाम राया । पंचण्हं चट्टसयाणमज्जावओ नरनारी-लक्खण-वियक्खणो रययपुरे सिवाणंदो नाम पंडरंगो परिवसइ ।

अण्णया सिवाणंदो पओयणवसेण रयणपुरमागओ । निर्मतितो धनसारसेट्ठिणा । भोयविओ परमविणयेण संपूइओ पुप्फ-संबोलाइणा निवडिओ सपरियणो सेट्ठी सिवाणंदचलणामु । दिट्ठा तेण सयल-लक्खण-पडिपुण्णा संपुण्णा नाम धनसार-सेट्ठिणो धूया । पुच्छिया सिवाणंदेण—“कस्सेसा परिग्गहे ?” सेट्ठिणा भणियं—“मह धूया ।” तओ चितियं तेण ‘सयल लक्खण-पडिपुण्णा एसा । जइ कहविं परिणज्जइ तो पविज्जइ नरिदत्तणं । ता विप्यारेमि केणइ पयारेण इमाए जणणि-जणयापि ।’ एवं विगप्पिऊण ईसि कंपाविय-कंधरो विवण्ण-वयणो होऊण अपिउमाडतो—“अहह !! महई अणत्थ-परम्परा, पडिक्कलो विही तुम्हाण कुलस्स ।” सेट्ठिणा भणियं—“केण ?” तेण भणियं—“विलक्खणा एसा कण्णया । जम्मि चैव दिवसे वर-कर-गहणं करिस्सइ तम्मि चैव दिणे अवस्संभावी तुम्हाण कुलक्खओ ।” सेट्ठिणा भणियं—“भयवं ! जओ चैव दिणाओ एसा जाया तओ चैव अम्हाणं धण-धण्ण-दुपय-चउप्पएहि बुड्ढी जाया । कहमेयं ? सविसेसं निरूवेउ भयवं ! “खणमेत्तं निरूविऊण पुणो वि तेण तं चैव भणियं !” “भयवं ! जइ मह-पूयाइणा विगधोवसमो भवइ ता तपि करेमो ।” तेण भणियं—“एयं पि न हवइ ।” सेट्ठिणा भणियं—“संकडमेयं, कहं नित्थरियव्वं ?” तेण भणियं—“अत्थि एगो उवाओ ।” सेट्ठिणा भणियं—“केरिसो ?” सिवाणंदेण भणियं—“जमेसा सुहपसुत्ता चैव वरवत्थाहरण-विभूसिया मंजूसाए छूडे[ऊण नईए वाहिज्जइ जो परिणस्सइ तस्सेव कुलक्खओ, तुम्हाण पुण संती । एवं भणिऊण गओ सिवाणंदो सनगरं । भणिया सुमहा सेट्ठिणा “पिए ! अमोह-वयणो भयवं सिवाणंदो । विसायं मोतूण चितिज्जउ गुरुलाघवं । अप्प-कारणं बहुं परिहरंती विवारमुदो पाणी मुणिज्जइ ।” पडिवण्णं सुभदाए सेट्ठिवयणं । कयमज्जणोवयारा विविहवत्थाहरण-विभूसिया निदावस-पणट्टेयणा जणणि-जणएहिं मंजूसाए छूटा संपुण्णा । दिण्णं तालयं । धरिया समीवे कुंचिया । पच्छन्नं नेऊण वेण्णाए पवाहिया । जलरय-पणोल्लिया अणुसोयं बोढुमारद्धा मंजूसा । दुहिया-दुह-दुहिया निवडिया जणणी चित्तलिहिय व्व अचे-यणा संबुत्ता कहवि लद्ध-चेयणा एवं विलविउमारद्धा-

“न थ घणसार-सहिय-वर-घुसिणिहिं तुह मुहु चच्चियउं । न य नित्थकडिहिं करेविणु मई निरु नच्चिउं । नव-कंकण-कय-लंछणु पंकथ-सोहूरु । वर-कर-कमल-परिदिट्ठिउ दिट्ठु न तुज्ज करु । अवरोप्परमुहपेक्खण-लज्जिरमंथरइं । नीलुप्पल-दल-सरलइं सरलइं पम्हलइं । धूमपाण-पगलंतइं जणमण मोहणइं । तुह मुहि पुत्ति न दिट्ठइं अम्हहि लोयणइं ॥ जीवन्ती वि हु मह मुई मह मणु छुट्टु मुदु क्षिय पारइ । घम्मविहूणिहिं कवणु दुहु, जं न वि लब्भइ माणुसवारइ ॥

अहह ह्याहं विहिणा, विहिया दुक्खाण भायणां चव । जं चित्थिया न जाया मणोरहा मह अहण्णाए ॥१९४॥
सो को वि बरो होही तुह आपं जो न खंडइ कयाइ । सो मज्झ विय वियप्पो विहिणा विहिओ निरालंबो ॥१९५॥
पडियसहहिययनिट्ठुर कि नु तुमं वज्जसारनिम्मवियं । एवंविहे वि वसणे जं न वि सय[स]क्करं जासि ॥१९६॥
दंसेहि वयणकमलं पुणो थ अम्हेहि कथ्य दट्ठुवा । जं दीहरो पवासो पुत्ति पवण्णो तए इण्हि ॥१९७॥”

एवंविह विलवण-वयण-सवण-संजणिय-दुक्ख-पम्मारो अवलंबिऊण सत्तं सेट्ठी अह भणिउमाढत्तो—

“वसणावडिओ सुंदरि ! नियपथइं जो न मुयइं सों घण्णो । सत्थावत्थे सत्थो जणा जणो होइ किं तेणे ? ॥१९८॥
नय विलविण सज्जइ को वि गुणो केवलं दुहविदुइडी । ता विलवणाओ विर[य] कज्जपहाणा हवसु इण्हि ॥
जं जेण किंपि दिण्णं सुहं व दुक्खं च अण्णजम्मम्मि । तं तस्स परिणमिस्सइ दूरगयस्सावि किं बहुणा ॥२००॥”

एवं संबोहिऊण नीया घरे सेट्ठिणा । सा वि मंजूसा मंद-मंदं वहमाणी पभाय-समए समासन्नीह्या कणगपुरस्स
दिट्ठा अत्थाण-गएण पुणसार-राइणा । मुइरं निरुविऊण भणिया अमच्चसामंतादओ—“भो भो !! पडिफलंत-रवि-
किरण-दिप्पमाणं जलकर-समाणं बेण्णाजलरएण वुब्भमाणं किमियं दीसइ ? लहुं निरुवेह ।” वयणाणंतरमेव गया पुरिसा ।
दिट्ठा मंजूसा, आणिकण दंसिया राइणो । उम्भाढावियं रण्णा तालयं । दिट्ठा तदंतो वरवत्थाहरणहारिणी, दिट्ठा वि परमा-
णंदकारिणी, वियसिय-वर-कमल-लोयणा, पाउब्भवंतपढमजोव्वणा पायालकन्नग व्व कन्नया । निरविऊण विम्भिय-
माणसेण सपरिवारेण राइणा पुच्छिया थ—“सुंदरि ! का तुमं ? कथ्य निवासिणी ? कहिं वा इहागया ?” तीए भणियं—
“रययउर-निवासिणो धणसार-सेट्ठिणो धूया संपुण्णा नाम । इहागमणकारणं न याणामि ।” सट्ठाविया रत्ता इत्थिलक्खण-
वियक्खणा पुरिसा । समं निरुवियजंपियमिमेहि—“महाराय ! सयल-सुह-लक्खणा एसा, सो चव निरुक्खणो जेण
परिहरिया । निरुविअं मंतिमुहं राइणा । तेण वि पुच्छिया कण्णया । “वच्छे ! दिट्ठो तए नियघरे समागच्छंतो
जोगिओ वा, कावालिगो वा, नेमित्तिओ वा ?” तीए भणियं—“न को वि तहाविहो, मोत्तूण भगवंतं सिवाणंदं ।
सो पुण ताथस्स कुलगुरु । पाडियाहं तस्स चलणेसु, खणमेत्तं किंपि जंपिऊण गओ सो सनगरं । अओ परं न किंपि
जाणामि ।” मंतिणा भणियं—“महाराय ! सयल-लक्खण-निहाणंति काऊण केणावि इत्थिया-लक्खण-वियक्खणेण
अत्तणो निमित्तं अलिय-दोसेहि दूसिऊण उज्जाविया एसंति, मे मई ।”

तओ रा[इणा] अणाविओ तुरयवंदुराओ दुट्ठ-मक्कडो । छुडो मंजूसाए । दिण्णं तालयं । समासंती कया
कुंचिया । आणत्ता दुण्णि पुरिसा—“तुम्हेहि तीरट्ठीएहि ताव गंतव्वं जावेसा केण वि गहिया हवइ पच्छा जं सो
करेइ तं जाणिकण सिग्घमागंतव्वं ।” वाहिया नईए मंजूसा । तीरट्ठिया चलिया ते पुरिसा । संपत्ता कमेण रयथपुरं ।
दिट्ठा बहुचट्ट-परिवारेण । तयागमणमेव परिपालयतेण बेण्णा-नियड-संठिएण सिवाणंदेण नीया नियमदे । मज्जे छोदूण
हरिसवसुत्तसियमाणसो पडिउमाढत्तो—

“बहुविह-लक्खण-सयकलिया, बहुविह कंचणरथणविहूसिया ।

अम्हेहं पुन्न मणोरहहं, घरवइट्ठाहि वि सुंदरि पत्तिथा ॥२०२॥”

तओ पउणीकाऊण ह्यासणं, “अरे ! विसज्जिएहि गंतव्वं जमहं मज्झट्ठिओ पढामि तं तुम्हेहि पढियव्वं ।” एवं
भणिकण चट्टेहि ढंकिंयं मढदुवारं । दिण्णा अगला । विहाडियं मंजूसा-तालयं, कवाडमुग्घाडयंतो दुट्ठत्तणओ गहिओ
मक्कडेण करयले । समुपन्न-परिहाससकेण जंपियं सिवाणंदेण—

“परिहासेण कयं चिय करेसु पाणिग्गहं पिए ! ताव । जं सोहणो मुहुत्तो मयच्छि ! तुच्छत्तणमुवेइ ॥२०३॥”

चट्टा वि तमेव पडिउमारद्धा, मक्कडेण करं मोत्तूण विणासिया तासिया, तोडियं सवण-जुयलं, मरण-संबइ
गएण सविसायं पुणो वि पढियं सिवाणंदेण—

‘उग्घाडेह दुवारं एस विवाहो अणत्थ-हेउ’ त्ति । मं (सा) एह मक्कडाओ इमाओ ममं ति मिलिऊण ॥२०४॥

चट्टा वि तमेव पढंति । खीणो वायंतरेण खणमेत्तमहियासिऊण मक्कडचमढणं सयमेव उग्घाडियं दारं उवञ्जाएण । विगय-सवण-नासावसोहेंत-रुहिर-धारा विलित-गतो मग्गानुलग्गेण मक्कडेण वारं-वारं चमढिज्जंतो दिट्ठो चट्टेहि, ‘हण ! हण ! हण !’ त्ति, भणंता गहिय-लहु-लउडया समंतओ पहाविया चट्टा । नट्ठो मक्कडो । पुच्छिओ तेहि उवञ्जाओ—“भयवं ! किमेयं ?” तेण भणियं—“न एत्थ किपि पुच्छियव्वं । विहि-विडंबणा एसा” । ठिया मोगेण । खुट्टिआ [आ]गया गहिऊण मक्कडं राय-पुरिसा । साहियो सव्वो वि जहट्टिओ वड्यरो । प[ह]सिओ राया । पेसिया निय-पुरिसा रयणयपुरे । भणिओ तेहि धणसारसेट्ठी ।—“तुह दुहिया नईए बुद्धभाणी पुण्णसार-राइणा पाविया । ता तुममा-गंतूण समुरसंबंधेण नरवड्ढो हवसु सयल-जण-माणणिज्जो ।” एयं सोऊण हरिसिओ सेट्ठी । गओ समं सेट्ठिणीए कणगपुरं । सम्माणिओ वत्थाइणा नरिदेण । दिअं सयल-विसय-पहाणं गा[म]-पंचकं । विहिओ सयलनेगम-पढ[मा]-सणिओ । निवद्धो सयल-वेसे सेट्ठिपय[प]ट्टो विवाहिया विच्छंठेण महीवड्ढा । संपुण्णा कया पट्टमहादेवी । सिद्धाणि तणभावेण बहूणि रज्जंतराणि । पणया पक्कंत-सामंता । वड्ढियं भंडार-कोट्टारा । सुह-सागरावगाढरस वच्चति वासरा नरवड्ढो । सुओ एस वड्यरो सिवाणदेण ।

“कुसलासयस्स कुसल, नरस्स संपज्जए सउण्णस्स । इयरस्स पुणो इयरं देसिइ पच्चक्खओ चेव ॥२०५॥

जयति जम्मंतरोवज्जियाणि सुहकम्माणि, जस्सि पभावेण राइणो कल्लाणपरंपरा पाउब्भूया । मह पुण मंद-भाइणो न इह लोगो नावि परलोगो । केवला विडंबणा चेव” । एवविह-दुक्ख-दूमिय-माणसो मोत्तूण तं नगरं अण्णत्थ गओ सिवाणदे । पुण्णसार-राया पुण अनिच्छंतो वि कल्याण-परंपराए वरिज्जइ । अओ कुमर ! ‘पुण्णसारो सलाहणि-ज्जो त्ति मे मद त्ति ।

सयासन्निहिण भणियं वियक्खणेण—“कुमार ! महरभासी भूरिगुणभायणं होइ । जहा अमियमुहा थेरी ।” कुमारेण भणियं—‘का एसा ? अमयमुहा वियक्खणेण भणियं—‘सुणेउ कुमारो—

अमयमुहाथेरीदिट्ठंतो

अत्थि इहेव भरहे मही-मंडल-मंडणा सयल-संपयावासा सुहावासा नाम नयरी । तीए नागदत्तो नाम इभपुत्तो परिवसइ [तस्स य]जहत्थाभिहाणा अमयमुहा नाम जणणी । कडुयमुहा सासूया । नागसिरी से भारिया ।

अणया परलोग-गए जणयम्मि जाओ घर-सामिओ नागदत्तो । चित्तेइ घरकज्जाणि, न करेइ कुसंगं, न लधि-ज्जइ जूयाइवसणेण ।

अणया नयराओ निग्गच्छंतो दिट्ठो उम्मिठ-हत्थिणा । तस्स भएण पलाइऊण पविट्ठो समासन्न-संकड-दुवारे अणंगसेणाभिहाणा वेसामंदिरे । विणय-पुरस्सरं कओ तीए आसणदाणाइओ उववारो । भणिओ नागदत्तो—“नियवरं व भु[ण]ह एयं ता एत्थेव भोत्तव्वं”, पडिबणमणेण । मज्जाविओ [परममज्जणविहिणा भोयाविओ] सव्वायरेण । तओ पुण्फ-तंबोल-विलेवणेहि काऊण पडिवात्ति परिहास-गभिण-वयणेहि समावज्जियं से हिययं । वुत्थो तत्थेव तं रयणि । गओ पभाए नियमंदिरं । पुच्छिओ जणणीए—“वच्छ ! कहि तुम [अज्ज रयणि] वुत्थो ?” दुक्खभर-भरिय-माणसाणं [कहा-कहवि [कट्टेण] बोलीणा रयणी अम्हाण ।” एत्थंतरे उत्त्युडुक्कियमुहीए सासूयाए जपियं सूसाए “किमेत्थ पुच्छि-यव्वं ? लोयणाणि चेव [अस्स] रयणिजागरं साहित्ति । वसणासत्तो ते पुत्तो, सच्छंदो य । न एयं घरवुड्ढि-कारणं ।

* देउल-विहार-राउल-जल-थल-देसे घरे अरण्णे वा । कह् होउ तत्थ वुड्ढी जत्थ न वुड्ढा गणिज्जंति ॥ वय-परिणय-लोय-परंमुहाण दुक्खाणि सुयाण सुयणु सुलहाइं । एसो पुण तुह पुत्तो न कुमइ वुड्ढाण वयणाइं ॥

*. देवकुले राजकुले वुड्ढीसु य असवेसु विविहेसु [धर्मरत्नकरंडीका पृ. ७५०] ।

तओ भइ ! निवारहि जइ सोहणेण पओयेण।” तओ करे घेतूण वाहाविल-लोयणाए भणिओ नागदत्तो जणणीए जहा—“जाय ! जमहं भणामि तं तए कायव्वं।” तेण भणियं—“अवस्सं काहामि [तुह वयणं]मा खेयं करेमु” तीए भणियं—“जइ एवं तो न तए बाहि वसियव्वं।” पडिवण्णमणेण। वच्चंति वासरा, मिलइ उज्जाणाइयस्स अणंगसेना। संबड्ढइ ताण तत्थ गोट्ठीरसो, देइ पच्छन्नमेव दविण-जायं नागदत्तो।

अण्णदियहे सपरिहासं जंपियमिमीए—“अहो ! दोहगं मह मंदिरस्स जेण पढमदिणे दट्ठूण तओ पुणो अज्ज-पुत्तेण ण दिट्ठं?” तेण भणियं—“गुरुयण-परायत्तयाए न सक्खं दीसइ, हियएण पुण पइदिणं पेक्खामि” तीए चित्तिं—“ईसरपुत्तो एस दाया अणूरत्तो य जइ कह वि जणणीए विओइज्जइ ता पुज्जंति मे मनोरहा।” भणिओ अणाए नागदत्तो—“अवसरो एस अत्थोवज्जणस्स। जओ—

पढमे न पढइ विज्जं, बीए अत्थं न चेव विढवेइ। तइए न कुणइ धम्मं, तुरिये होइहु असारो ॥
ववसायवज्जियाणं संता वि सिरो पणस्सई चेव। होइ असंता वि धुवं ववसाय-पराण पुरिसाणं ॥२०९॥
पुव्व-पुरिसज्जियाए लच्छीए कुणइ जो नरो गव्वं। सो गय-लज्जो धणियं अहवा अहमाहमो चेव ॥२१०॥
अप्प-परोभय-सुहया भुज्जंती तह परेसि दिज्जंती। नियथपरक्कमपत्ता भिक्खावियं कि पुणो लच्छी ॥२११॥

ता कीरउ कालोचियं, गम्भउ देसंतरं,” ठियमेयं चित्ते नागदत्तस्स गओ नियधरं। विण्णत्ता जणणी—
“अम्मा विसज्जेसु मं देसंतरं अत्थोवज्जणनिमित्तं”। पडिसिद्धो जणणीए। तहवि न ठाइ। तओ [सा] रोइउं पवत्ता। नागदत्तेण भणियं—“अम्मो ! अलं रुइएण। लहुं चेव समागच्छामि।” [इच्चाइ लवंतो] पडिसिद्धो वि [सो] न ठिओ। क्या गमणसामग्गी। निग्गमणदियहे सविसेसं निवारिज्जमाणो वि अवगण्णिऊण * [जणणीं]। चलिओ नागदत्तो। ठिओ नगरस्स बाहि। भणिओ अणंगसेणाए—“अज्जउत्त ! तुमं विना सुण्णमिव नगरमिणमहं मण्णे। जइ भणसि तथा तुमं सह समागच्छामि।” पडिवण्णमणेण। कमेण वहंतो सत्थो सो पविट्ठो कंतारे दुरुत्तारे। वेडिओ भिल्लेहि गहिअं दविणजायं। भयसंभंतलीयणो एगामी चेव पविट्ठो पलाइओ सुण्णारणं नागदत्तो। अणंगसेणा वि बंदिग्गाहं गहिऊण पल्लिवइणा पल्लि पाविआ।] नागदत्तेण वि कंतारमज्जे दिट्ठो एगो तावस-कुमारो। पणमिऊण पुच्छिओ—
“कहि तुम्हाण तवोवणं?” तेण भणियं—“इओ नाइवुरे चेव।” गओ तेण समं तावसासमं। नागदत्तो वदिओ कुलवई। सुओ तददिए खणमेगं धम्मोवएसो। पच्छा पुच्छिओ तेण कुलवई “भयवं ! असाहारणरुव-सोहग्गाइ-गुण-गणालंकियस्स पढमजोव्वणे वट्टमाणस्स कि भे वयकरणकारणं?” कुलवइणा भणियं—सोम! [सुण]—

कुलवइवत्तंतो

अत्थि मलय-विसय-मंडणं चंदणपुरं नाम नयरं। तन्निवासि-चंडदेवमाहण-सुओ चंडरुहो नाम अहं। कालंतरेण उवरओ मे पिया। मह संकंतो घरभारो। अवरौप्परं कलहमाणीओ न सक्केमि निवारैउं जणणि-धरिणीओ। ताव चेव सुहं जावज्जवि धरं न पविसामि। अण्णम्मि दिणे भणिओहं घरणीए—“जइ मए पओयेण तो नियजणणीं घर-बाहि काऊण भोयणमेत्तसंतुट्ठं धरेहि, ममं वा विसज्जेहि।” तओ पम्हुसिऊण जणणीए उवयारं, अवलंबिऊण नीय-जण-चेट्ठियं, कलत्त-सिणेह-लंघिएण खर-फरस-वयणेहि निम्भच्छिया मए जणणी। भणिया य—“किं ते घरततीए? उयरं भरिऊण तुसिणिया चिट्ठसु।” एयं सुणिऊण मन्नु[भर]भरियमाणसा अणवरय-मुक्क-थोरंसुया [सा] घराओ विनिग्गया।

* जननीं चलितो नागदत्तः। स्थितो नगरस्य बहिष्ठात्। भणितोज्जसेनया “आयंपुत्र ! त्वया विना शून्यमिव नगरमिदमहं मन्ये, यदि भणसि तदा त्वया सह समागच्छामि,” प्रतिपन्नमनेन। क्रमेण वहन् सार्थः स प्रविष्टः कान्तारे दुरुत्तारे। व्यालोडितो भिल्लैः। गृहीतं द्रव्यजातम्। भयभ्रान्तलोचनाभ्यामेकाक्येव प्रविष्टो नष्ट्वा शून्यारण्यं नागदत्तः। अनङ्गसेनापि बन्दिग्राहं गृहित्वा पल्लीपतिना पल्लीं प्रापिता। धर्मरत्नकरंड टीका पृ. ७५१

उवेहिया मए । समुप्पण्णविलक्खाए पक्खित्तो अप्पा तीए नगरकूवे । पडण-सद्-सवण-संभंत-माणसा मिलिया काऊण कोलाहलं नर-नारि-गणा । विगयपाणा [सा] समुत्तारिया कूयाओ । मुणियवुत्ततेण धिक्कारिओहं नागर-जणेण । परि[ह]रिओ सयणक्वणेण । न भूजिति मह घरे बंभणा । न गिण्हति भिक्खं पासंडिणे । तओहं विसायमावण्णे 'मरणमेव मह समुच्चियं' ति मण्णमाणो निगओ नयराओ । गओ थेवं भूमिभागं । दिट्ठो पुव्वपरिच्चिय-गंगाधर-तावसेण । पुच्छिओ तेण—“वच्छ चंडहद्द ! कि कारणं विमण-दुम्मणो वि य लक्खीयसि ?” साहिओ मए मरणज्झवसाणपज्जंतो निय-वइयरो । तावसेण भणियं—“वच्छ ! धम्मो चेव जणणि-वह-जणिय-पाव-पंक-पक्खालण-सच्छ-सलिल-सन्निहो सेसदोसनिग्घायणसमत्थो । अतो तमिबधम्मं करेसु जेण [ति] सुद्धी ह्वइ ।” पडिक्कणं मए तव्वयणं । गओ तावसो । मयावि गहिऊण तावसवयं अइनिव्वेएण सुण्णारण्णमिणमंगीकयं । [एवं] सुणियविसण्णो नागदत्तो । गहिओ पच्छायावेण । चित्तियं चाणेण—“भयावि अवगणिया जणणी । विणासिओ घरसारो । मरणमेव मह सरणं” ति, मण्णमाणो गओ तावस-जणसाहिय-सामत्थं सव्वकामियं नाम पडणं । चित्तिं च पवत्तो—“दुल्लहा पुणो वि सव्व-कामिय-पडणसंपत्तो जम्मंतरे वि मा जणणि-जणयाण अवसाणकारी ह्वेज्जा' काऊण पणिहाणं एत्थ निवडांमि [त्ति चित्तिऊण सो] सभारुद्धो सव्व-कामिय-पडण[सिहरि]सिहरं । दिट्ठो मंत-साहणत्थ-समागएण जोग-सिद्ध-जोमीसरेण । लक्खिओ तेण भावो । संभासिओ महुरवयणेण । भणिओ य सो तेण—“भद्द ! को तुमं ? कि वा काउमारद्धो ?” साहिओ नागदत्तेण सव्वो वि नियवइयरो । जोगसिद्धेण भणियं—“भद्द ! बुह-जण-निदिओ अप्पवहो । विरमसु तुमं इमाओ मरणज्झवसायाओ । करेहि गंतूण नियजणणीए पाण-भोयण-ण्हाण-सयणासणाइणा विनयकरणेण परम-पडिवात्ति । पणट्ट-दविणजाय-विस[ए] वि ववसाओ चेव संगओ न मरणं ।” नागदत्तेण भणियं—“भयवं ! सोहणं तए समाइट्ठं । किंतु नीणियं मए नियधराओ पभूतं दविण-जायं नासियं च । संपयमत्थेण विणा ववसाएणावि न तावइयं विट्ठवेउं तीरइ । न निउणो वि कोलिओ सुत्तं विणा पड-करण-समत्थो ?” जोगसिद्धेण भणियं—“भद्द ! दिट्ठो मए विणावि सुत्तेण कीरमाणो पडओ ।” नागदत्तेण भणियं—“कहं ?”—[तेण भणिओ]“गओहमेगया पओयणवसेण उत्तरावहं । तत्थाडवी-सीसे मिलिओ एगो कुल-पुत्तओ । भणिओहमणेण—“[भह] ! एहि, समगं चेव वच्चाओ ।” संपयं सिसिरकालो, हिमालय-भमी एसा, अप्पाउरणो अहं, दीसड एवस्स मत्थए गइय-चीरमोत्तोली, विरिस्सइ ममावि रयणीए सबडिमेत्तं [त्ति] चित्तिऊण चलिओहं तेण समं । पत्तो अडविमज्झं । अत्थमिओ दिणयरो । मोत्तूण मग्गं वसिया एगत्थ-एएसे । छोडिया तेण पोट्टलिया जाव तत्थ संबलमेव केवलं ।

तओ विसायमावण्णेण जंपियं मए—“[नूनं]मरियव्वमज्जसीएण” । [तेण] भणियं—“कि कारणं ?” मए भणियं—“अपाउरणो अहं । तुमं पि महसरिच्छो चेव । किलेसेण गमियव्वा सिसिरसीयल-पवण-वज्जिर-दसणेहि सव्वरी ।” तेण भणियं—“मा भयाहि । पेक्खसु निय-मित्त-सत्ति ।” कुविदेण य विक्खेविया तेण नहयले हत्था । पाउ-ब्भयं सूमाल-पहाण-वरवट्टिया-जुयलं । एया महं समप्पिया । बीया अत्तणा पाउया । पणट्ठं सीयं समुप्पन्न-कोउणेण जंपियं मए—“अहो ! अचित्त-सामत्थयावयंसस्स अलमियर-संकहाए । एयं चेव ताव कहउ पियवयंसो ! किमेसो ? सुपसण्ण-गुरु-पाउया-पसाओ उयाहु देवयावरो ?” तेण भणियं—सोम ! सुण,

“अत्थि मगहाविसए जयती नाम नयरी । कणगसेहरो नाम राया । अण्णया अत्थाणगयस्स राइणो [चित्तनिउणो] नाम कुविदो पओयणवसेण समागओ उवायणीकयं तेण विचित्त-मणहरं पवर-तेयसा दिप्पमाणमच्चंत-सूमाल-फासं वत्थ-जुयलं । तक्खणा चेव नियसियं राइणा । निसण्णो सीहासणे तुट्ठो कुविदस्स । दिण्णोसयल-विसय-पहाणो गामो, निय-अंग-लग्ग-वत्थाभरणाइयं च । पसंसिओ सयललोएण । परगुण-सवण-समुप्पण्ण-मच्छरेण पय-डमेव जंपियं मए रायसहामज्झे—“सुत्तेण [पडो] कीरइ किमेत्थ अच्छेरयं ?” कुविदेण भणियं—“जइ सुत्तेण विणा [पडं] करेसि तो जुज्जइ ।” मया भणियं—“कया मए रायसमक्खं एसा पइण्णा—जइ सत्त दिणमज्झे असुत्तं पडं न करेमि तो जलणं पविसामि ।” कुविदेण भणियं—“अत्थि ताव वयण-वित्थरो, कज्जसिद्धीए पुण संसओ ।” अदिप्पण-पडिक्कणो चेव निग्गओ हं रायसंविरोओ । पत्तो सभयणं कहं तु नाम मए एस पइण्णा-सागरो तरियव्वो ?” एवंविह-चित्तासमाउलो जाव चिट्ठामि ताव समागओ मह घरे लीलाविलासो नाम जोगिओ । धरंणेण होऊण हुंकारियं तेण ।

नीणिद्या मए सहत्थेण अहापज्जत्ता मणोरमा भिक्खा । निवडिओ चलणेसु । गओ सो सट्टाणं । अहं पि गहिऊण पुप्फ-फल-तंबोल-विलेवणाइयं तयणुमग्गलसो चेव पत्तो तस्सासमं । पक्खालियं तस्स चलण-जुयलं । समप्पियाणि पुप्फ-तंबोल-विलेवणाणि । सुह-पसुत्तस्स तालविटेण पविज्जिउमारद्धो । एवं बीए तइए वि दिणे । चउत्थदिणे भणिओहं तेण-“वच्छ ! किमेवं कज्जवसेण गुरु-पडिर्वत्ति करेमि, परलोगत्थी वा ?” मए भणियं—“संपयं पओयणवसेण ।” तेण भणियं—“अण ,जेण पओयणं ।” साहिओ मए निय पइण्णा-विसेसो । तेण भणियं—“अत्थि एत्थ उवाओ केवलं सत्त-सज्जो । मए भणियं—“केरिसो ?” तेण भणियं—“अट्ठोत्तरसय-वारं मंतकखराणि जविऊण नियसिरेण गिरिकंदरो- [दरो] नाम जक्खो पूइयव्वो । पच्छा सो सत्ताणुरूवं वरं वियरइ ।” पडिक्कणं तं मए । गहिओ मंतो । कयं बलि-विहाणं । गओ गिरि-कंदरोदर-मंदिरं । पूइओ जक्खो । कओ मंत-जावो । [आ]कडिइयं कोसाओ जम-जीहा-करालं करवालं । बाहियं नियकंधराए निरुवम-सत्तगुणावज्जियमाणसो अद्ध-छिन्ने चेव [सिरे] पच्चक्खीहूओ जक्खो । भणिओहमणेण—“किं ते पियं करेमि ?” मए भणियं—“असुत्त-पड-करण-सामत्थं देसु” तेण भणियं—“भविस्सइ [वच्छ ! ते चित्तिअं]” तओ संपुटऊण विसज्जिओ मए जक्खो । अहं पि परिओसमुव्वहंतो सभवणमागओ । कयण्हाण-भोयणो गओ राय-भवणं । पणमिओ राया । निसण्णो उचिघासणे । पुच्छिओ मंतिणा-“पडिपुण्णा ते पइण्णा ?” मए भणियं—“आमं” ।

तओ सयल-सहा-समक्खं विकखेविऊण गयणंगणे करजुयलं दिण्णं देव-दूसोवमं वत्थ-जुयलं नरवइणो । एवममच्च-सामंताईणं पि । संतुट्ठो राया । गुणगाहिणी जाया नरवइ-सहा । भणिओहं राइणा—“किं ते पियं करेमि ?” मए भणियं—“वरिसमेगं अकरं करेसु जणवय [मिमं]” । पडिक्कणं राइणा । दिण्णो [पवर] गाम-पंचगसहिओ [क्षयल] विसय-सारो-सुह-संगमो नाम महागामो । वियरिओ जहिच्छावरो । एवमेसा मह सत्ती जाया ।

तओ अभिन्दिओ मए कुल-पुत्तओ । पसंसिओ बहुपयारं । [दोण्हि वि] पत्थिया तओ टाणाओ । लंधिया सत्तर-त्तेणाडवी । गओ सो सट्टाणं । अहं पि पओयणवसेणेहमागओ । ता एवं विणा वि सुते दिट्ठो मए कीरमाणो पडो । अत्थावज्जणं पि ववसाइणो न दुक्करं । ववसाओ चेव पुरिसाणं गइयभंडमोत्तलं । जओ—

आढत्ता सप्पुरिसेहिं गुरुअववसायदिण्णचित्तेहिं । कज्जारंभा होहिंति निप्फला के चिरंकालं ॥२१२॥”

मए भणियं—“एवमेयं, नत्थेत्थ संदेहो । नियत्तिओहं इमाओ अविहिमरणाओ । वच्चामि संपयं सट्टाणं ।” जोगिएण भणियं—“वच्छ ! इमाए गुरुधण-परायत्तयाए समावज्जियं मे हिययं । गिण्हइ इमं थावर-जंगम-विसावहार-कारणं पहाणमणिं ।” अगुग्गहो’ त्ति मण्णमाणेण पडिच्छियं नागदत्तेण । गओ जोगिओ सट्टाणं । नागदत्तो वि सनगर-मागओ, साहिओ सब्बो वि सवित्थरो नियवइयरो जणणीए । तीए भणियं—“वच्छ ! गच्छउ दविण-जायं । तए धरते सब्बं चेव धरइ । धण्णाहं जीए पुणो वि तुह मुहकमलमवल्लोइयं ।” एवं भणिऊण सिणेहसारं निवेसिओ उच्छंगो । चुब्बिओ मुद्धाने । नागदत्तेण चित्तिं—“अहो ! सिणेह-कायराणि जणणि-हिययाणि । अहं पुण सिला-संघाय-कडिण-माणसो जो तहा अवगणिऊण जणणीं देसंतरं पत्थिओ । पत्तं इहलोए चेव अविणयफलं । [संपयं] परमविणएण समा-राहयामि [मायरं]” । एवं कयनिच्छओ पासट्ठिओ पइदिणं पज्जुवासेइ । ष्हायाए ष्हाइ भुत्ताए भुजइ । किं-बहुणा ? सब्ब-पओयणासु वि अणुकूलयाए वट्टइ । एयं दट्ठूण दूमिज्जइ धरिणी । अविहसिय-पलास-कुसुमं व सामवंकियमुही न घरकज्जेसु वि समं पयट्टइ । एवं वच्चइ कालो ।

अण्णम्मि दिणे गुणधर-सेट्ठि-सुओ गुणसारो किण्हाहिणा दट्ठो । समाहूओ गारुडिओ । पउत्ता मंतादया वि न जाओ को वि विसेसो । [तओ] पिणाइओ पडहणो । काराविया घोसणा—“जो गुणसारं जीवावेइ तस्स सेट्ठो सय-सहस्सं देइ ।” निवारिओ पडहो नागदत्तेण । घेत्तूण [जोईसरेण दिण्णं मणि-रयणं गओ सेट्ठि समीवं पक्खालिऊण-मणिरयणं तं जलं] पाइओ गुणसारो । गयविस-विद्यारो, पउणो संबुत्तो । तुट्ठेण सेट्ठिणा सुवण्ण-सय-सहस्सं दिण्णं । गओ गहिऊण नागदत्तो सभवणं । सविसेसं समारहेइ जणणि-चलण-जुयलं ।

अण्णम्मि दिणे विमण-दुम्मणा, विमुक्क-दीह-नीसासा, विच्छाय-[वयणकमला मंचगया] दिट्ठो नागसिरी नागदत्तेण । पुच्छिया—“पिये ! किं ते बाहइ ?” तीए भणियं—“सिरोवेयणा ।” नागदत्तेण भणियं—“किं निबंधणा ?”

तीए भणियं—“अणक्ख-निबंघणा, जओ तुमं परिहरियसयलधरवावारो कय-करयलजलं जगणीए पुरओ [किंकरमिब] किं करेमिं त्ति, भणंतो चिट्ठसिं किं तुज्ज चेव एकस्स जगणी ? अण्णो जणो नहयलाओ निवडिओ ? इमेहि अणक्खएहि जलिय-जलण-निवडियमिव दग्गइ मिं सरीरं, पणट्ठा निदा, न रोयइ भोयणं, बाढं बाहइ सिरोवेधणा।” नागदत्तेण भणियं—“पिए ! पराणक्खेहि अत्ताणयं कयत्थेमाणी अणक्खबहुल-कुलालमणुकरेसि ।” तीए भणियं—“को एत्थ अणक्खबहुलो ?” नागदत्तेण भणियं—“सुणेहि ।”

अणक्खबहुलकुम्भकारकहा :

अत्थि सयलमहीवलय-तिलय-भूयं कुसुमोक्केर-संध-लुद्ध-मिलितालि-वलय-रुणुगारव-संगिज्जमाणगुणगणं कुसुम-पुरं नाम नयरं । तम्मि कुम्भपिओ नाम पयावई परिवसइ । सो पुण जइ केणावि अघडमाणयं पर्यपिज्जंतं निसामेइ तो अणक्ख-भर-भरिय-माणसो [ठि]क्करीहिं नियसिरं चूरेइ । कयं लोणेहिं ‘अणक्खबहुलो’ त्ति गृणनिष्फणं नामं । तं चेव पसिद्धिं गयं । तस्स य धरे विसाला [कुम्भसाला] । वसति तीए नाणादेसागया कण्णडिय-तडियादओ । जंपंति मिलिया रयणीए—

अघडमाण-ठिक्कर-सयाणि थ अणक्ख-वस-विगय-निहो । कयत्थेइ अणक्ख-बहुलो नियसिरं खलुंकाहिं । २१२ ।

बहुवर्णाकियं दट्ठण जणयं भणियं तणएहिं—“ताय ! तुह धरे चेव अणक्खाण अंतो नत्थि, विसेसओ नयरमज्जे [तिओ] जइ अणक्खपरिहारेण पओयणं ता अडवीए धरं करेसु ” । पडिवणं तेण । गया तणयाए [सह] कंतार-मज्ज-संठिय-पव्वयतल-संठियं सच्छ-सलिल-परिपूरियं एगं सरसियं । कयं तयासन्ने कुडीरयं । खाणियं आवाह- (अवड) -दुगं । निरय-संबलं मोत्तूण तत्थ जणयं समागया तणया [नयरं] । सो वि सरसी-कइमं मड्डिऊण कुलालाणि काउमाढत्तो । सुया वि समये समागतूण [गहिऊण] कुलालाणि नगरे विविकणंति । एवं वच्चइ कालो ।

अण्णया मिगयाए निग्गओ महाकंतारमणुपविट्ठो राया । तिड्डियं सलिलं । पिवासिओ पुच्छइ समासन्नपुरिसे “अत्थेत्थ जलसंभवो ?” तेण भणियं—“अत्थि इओ समासन्ना सरसी तहिं वच्चम्ह ।” गया । दट्ठण रायाणं ससंभम-मन्हुट्ठिओ कुलालो । दिण्णमासणं । निसण्णो राया । आणीओ सच्छ-सीयल-सलिल-पडिपूण्णो पच्चगग-करवओ । पीयं पर्यं पयावइणा । जाओ समासत्थ-माणसो । परितुट्ठो कुलालस्स पुच्छिओ सिनेहसारं—“भइ ! किं निमित्तं एगागी रण्णे निवससि ?” तेण भणियं—“अणक्खवयणसवणपरिहरणट्ठा ।” रण्णा भणियं—“जइ एवं ता एहि मए सद्धिं । नगरं पविसम्ह । तहाहं करिस्सामि जहा न को वि अणक्खे समुल्लवेइ ।” तेण भणियं—“एवं हवउ ।” चलिओ नयरभि-मुहं । नगरसमासण्णे दिट्ठा राइणा सागराभिहाणस्स वणिणो धूया खक्खा नाम कक्कंधू-फलाणि वीणयंती । पुच्छिओ रण्णा अमच्चो—“का एसा ? कस्स वा सुया ?” साहिओ सव्वो वि मंतिशा वृत्तंती । पविट्ठा नयरं । धरिओ कुंभारो नियमंदिरे चेव पुहइसालेण । घोसावियं पुरवरे पडहूण्ण—“जो अघडमाणयं पर्यपिस्सइ तं राया दंडेण दंडिस्सइ ।” एवं वच्चइ कालो ।

अण्णम्मि दिणे मुणियनरवईणो मणोगय-भावेण वरिया सा दुग्गय-कण्णगा रण्णे निमित्तममच्चेण । परिणीया संखेवेण । पक्खत्ता अंतेउरे । पुव्व-कय-सुकयाणुभावेण जाओ तदुवरि पणओ नरवडस्स । पत्ता पट्टमहादेविपर्यं । पवड्ढमाणपणएण राइणा सह विसय-सुहमणुहवंती कालं गमेइ ।

अण्णया थ तरुण-जण-मण-मोहेणे, कल-कोइलालावपूरिय-भवणोदरे, विसट्ट-कंदोट्ट-रय-रेणु-रंजिय-सयलदियंतरे, सत्तच्छय-सुरहि-कुसुम-बहुलपरिमलायडिडय-भमिर-भमरावलि-भंकार-मणहरे, सुरमंदिर-दीसंत-नाणा-विह-जत्ता-महसवे, पमुडय-जण-कोलाहलेण समंतओ वसंते वसंते समागए, निग्गच्छंतिमु म[य]मत्त-तरुण-नरनारि-वच्चरोसु, विथसिय-पलास-कुसुमच्छलेण रागं व उग्गि(गी)रंते जीवलोए, उज्जाण-सिरि-दंसणत्थं समं खक्खमहादेवीए अणक्खबहुलेण थ पत्थिओ पत्थिओ । निग्गच्छतेण थ दिट्ठा अकाल-फल-भर-भार-भज्जमाणसाहा-संचया एगा बीरी । पुच्छिया थ रण्णा समासण्णवत्तिणी खक्खामहादेवी—“पिए को एस पायवो ? किमभिहाणाणि एयस्स फलाणि ।” सुइरं निरुविऊण

जंपियमिमीए—“नाहं वियाणामि ।” तं सुणियसमुपण्णाणकखेण प्हयं नियसिरं खलुंकाहि अणक्ख-बहुलेण । रण्णा भणियं-
[किमेयं ? तेण भणियं—] “जस्स भएण रण्णे घरं कयं खक्खामहादेवि दंसयंतेण पडियं अणक्ख-बहुलेण ।

कल्लइ बोरइं विक्किणइ अज्जु न जाणइ खक्ख । पडुयइ अडविहिं करि सुघरु न सहउं एइ अणक्ख ॥२१३॥”

‘दुष्पडियारं’ ति, काऊण विसज्जिओ रण्णा । गओ तम्मि चेव ठाणे । तहेव कालं पमेइ ।

अण्णया [तमं]तमंघयाराए रयणीए निसुओ तेण सद्दूल-सट्ठो । भयभीओ अण्णत्थ कत्थवि निलुक्कण-ठाण-
मलहंतो पविट्ठो संकड-दुवारं कुंभियं । पभाए निहरिउमचयंतो तण्हा-छुहाभिभूओ नारओ इव घडियालए विसंतुलं
तड-[फ]डंतो विरसमारसंतो तत्थेव विणासमावण्णो । समागया कुलालाणयण-निमित्तं तणया । न पेक्खति पियरं ।
इओ तओ गवेसवर्तेहिं दिट्ठो कुंभियाए पंचत्तमुवगओ । कुंभियामुहे उवएस-गब्भं गाहा जुयलं च—

वग्घ-भएण पविट्ठो, छुहा-हओ निग्गमम्मि असमत्थो । अट्ट-वसट्ठोवगओ, पुत्तय ! पत्तो अहं निहणं ॥२१४॥
इह्लोगम्मि दुरंतं, परिलोग-विवाहगे दुह-विवागे । मह वयणेणं पावे वज्जेज्जा पुत्तय ! अणक्खे ॥२१५॥

अवधारिऊण तयत्थं काऊण जणयस्स मयकिच्चाणि विगयतोगा घरकज्जाणि काऊमाडत्ता । “सा पिए ! ण
पराणक्खेहिं एवमणत्थभायणं पाणिणो हवंति । जइ अहं नियजणणीए विणयं पउंजामि ता कि ते सिरो वाहइ ?”
विण्णाभ-नागदत्त-निच्छया ठिया मोणेण नागसिरी । वच्चंति वासरा ।

अण्णम्मि दिणे भणिया नागदत्तेण—“पिए ! जइ तुमं नियसामुयाए सुम्सं करेहि तो हं देसंतरं वच्चामि वणि-
ज्जेण ।” हरिस-वस-विथसिध-वयणाए पडिवण्णमेयाए । गओ नागदत्तो । पत्तावसराए चित्थियं नागसिरीए—“साहेमि
संपयं नियसमीहिं ।” तओ आहार-निरोहं कुणमाणीए कमेण महातवस्सिणा व नियतणुं सोसिया सा कया तीए [तेण]
उट्ठेउं पि न तीरइ ।

परिसुसिय-रुहिं-र-मंसा, पसरिथ-सासा गलंतनयणा य । कहवि जंपमाणी, नित्थामा गमइ दिथहाइ ॥२१६॥
वहुयाओ सासुधाणं कलुसिय-हियथाओ जं वि चित्ति । सइ सामत्थे जं पुण कुणंति कि तेण भणिएण ? ॥२१७॥

दुह-भरियाए कंठ-गयपाणाए, समागओ नागदत्तो । निवडिओ चलणामु पुच्छिया [जणणी] सरीरोदंतं, ‘विमाणियाह-
मिमीए ‘का मं बालो तुमं ति’ वत्तव्वे खलंतक्खरं ‘कामपालो’ति जंपियं जणणीए । पुच्छिया तेण नागसिरी—“पिए ! कि ते
सामुया समुल्लवइ ?”

तक्कालुप्यणपाइभेण जंपियमिमीए—“तमेसा समुल्लवइ जं वोत्तुपि न तीरइ तहवि तुह साहिज्जइ । जम्मि
चेव दिणे अज्जउत्तो पवसिओ तम्मि चेव दिणे एगंते भणियाहमिमीए—“वच्छे ! अत्थि मे पुव्वपरिचिओ कामपालो
नाम पुरिसो । अणवच्चा य तुमं ता तं रयणीए पच्छणं पवेसेमि । न पडिवण्णं मए । पुणो पुणो भणंतीए समइ-
क्कंताणि सत्तदिणाणि । तहवि न मए पडिवण्णं । तओ आणाखंडणं मन्नमाणी सा भोयणं पि न करेइ । [तओ]समु-
प्यणकोवेण जंपियं तेण—“मा करेऊ उत्तिण्ण-चित्तं नाऊण जंपियं नागसिरीए—“अज्जउत्त ! विसज्जेसु मं नाहमिमीए
सद्धि एगंपि दिणं तुह घरे वसामि ।” तेण भणियं—“न तुमं विसज्जण-जोगा जीसे सीलपरिपालणे एरिसओ निच्छओ ।
एसा पुण लंघिय-मज्जाया थेरी विसज्जणं पि अरिहइ ।” तीए भणियं—“जइ एवं तो हं ठिया ।”

तओ सो तव्वयणेण थेरी घेतूण निग्गओ घराओ । गओ जोयण-पंचमं । दिट्ठा अडवि-मज्जे एगा पवा । भोतूण
तत्थ नियजणणीं समागओ नियघरं । सा वि दिट्ठा पवा-सामिएण । भणिया “बुड्ढे ! समागय-जणो तए पाणियं पाइयव्वो ।
वसणासणाइचित्तं अहं ते करिस्सामि । पडिवण्णमिमीए ।” वच्चंति वासरा ।

अण्णया जाओ परोप्परं सिंसिर-गिम्हवासारत्ताण विसंवाओ । सिंसिरो भणइ—“मए मेइणी भूसिया ।”
गिम्हवासारत्ता वि एवं चेव भणंति । न छिज्जइ ताण विवाओ । भणियं सिंसिरेण—“पुच्छामो कं पि चिरवयसं ।”

पडिवणं तेहिं, दिट्ठा अमयमुहाथेरी । ति तदतिथं पणया थेरीं । आसीसपुरस्सरं संभासिआ कोमलवयणेहिं पुच्छिया य किं निमित्तं वच्छा] समागया?" तेहिं भणियं—“अम्मो ! सिसिरिगिम्ह-वासारत्ताण [मज्जे] को सलहिज्जइ ?” तीए भणियं—“तिणि वि सलाहणिज्जाओ ।

सिसिरि सुयंधु-तेल्लु-लाइज्जइ । कुंकुमि-अंगरागु-निरु किज्जइ ॥
रइ आहारि सममगल वट्टइ । निहु (घु)वि भोयणु सोसु न कड्डइ ॥
अच्छा चंदण, अच्छा कप्पड । पाय-पसारिवि सुप्पइ चप्पड ॥
गिम्हु वि विविह-वणेहिं समाउलु । वर हिंदोलय-रास-रमाउलु ॥
पाउसु पुत्तय ! पुणिहि लब्भइ । मेइणि सुव्वहु निय जलि गब्भइ ।
वाइ रेलु य यव (तूर) रमाउलु । पमुइय-पामर-कय-कोलाहलु ॥२१८॥’

तओ तिणि वि परिट्ठुदा भणिया तेहिं थेरी—“अम्मो ! इमं घडयं मोयग-भरियं पइदिणं पेक्खहिंसि ।” एवं भणिऊण गया ते सट्ठाणं । सा वि पइदिणं मोयगे भुंजती कालं गमेइ ।

अणया चितियं वहुए—“जइ तीए मयसदो सुणिज्जइ तो निव्वुयं हवइ मे भाणसं ।” भणिओ नागदत्तो—“अज्जउत्त ! न अंबाए पउत्ति लहेहिं ? कहं सा चिट्ठइ ?” गओ सो । दिट्ठा जणणी सुंदर-सरीरा । दरिसिओ तीए पुत्त-सिणेहो । भोयाविओ परममोयमेहिं । पडिनियत्तमाणस्स संबल-निमित्तं समप्पिया मोयगा । एत्तो नियघरं नागदत्तो । पुच्छिओ नागसिरीए—“कहं अम्मा चिट्ठइ ? कहं पभुंजइ ?” साहिओ तेण सव्वो वि वइयरो । दंसिया मोयगा । कसाइया नागसिरी । भणिओ नागदत्तो—“मह जणणीं तत्थ मेलेहिं । निय जणणीं एत्थ भाणेहिं ।” तहेव कयं तेण । पुणो वि समुप्पणो तिण्ह वि रिउ-देवाण विसंवाओ । भणियं सिसिरेण पुणो—“अन्नं किं पि पुच्छामो ?” आगच्छमाणेहिं दिट्ठा [सा] कड्डयमुहा । ‘अपुव्व’ त्ति, काऊण पुच्छिया—“अम्मो ! सिसिरि-गिम्ह-वासारत्ताण को रमणिज्जो ?” तीए भणियं—“तिणि वि असोहणा । जओ—

सीयलवाइं वाजइं दांत । सांकुडियइं पावियाहिं निसात ॥
सीयालइ सिइं दज्जहिं चाम । छेहिं न चडइ जु कीजइ काम ॥
खणि-खणि पीजइ उण्हउं पाणिउ । नइ-दह-कूव-तलावहं आणिउ ॥
ताविल्लइं दहइ जु देहु । तसु उण्हाला नाउं म लेहु ॥
हेट्टइ कादउ घरि पाणिउ । पइ-पइ कुहियउ आवाहिं थाणिउ ॥
पाउसु परहउ फिट्टउ वारह । जोअणु रइ कुहिय चमारह (?) ॥२१९॥”

एयं सुणिय तिहिं वि रूढा हिसविया उवहय-सवण-नयण-वावारा दुक्खेण चिट्ठइ ।

कइवयदिणावसाणे भणिओ नागदत्तो नागसिरीए—“मह जणणीए सारं पि न करेसि ?” तेण भणियं—“करेमि” गओ सो [त]म्मि ठाणे दिट्ठा तहाविहा थेरी । विमह्यमावणेण तेण आपुच्छिया तत्थेव संपिडिया कप्पडिय-तडियादओ । भणियमेणेण—“[दिट्ठा मए सा पुरिसतिएण] सिसिराइसरूवं पुच्छिज्जंती तिण्ह वि निदण-परायणा रुसिऊण तेहिं पणट्ट-वयण-सवणा चेव कया ।” नागदत्तेण चितियं-निय नाम-सरिसं कुणंतीए दुहविया केइ दिव्वपुरिसा इमाए [तेण एवविहा जाय त्ति चित्तिऊण] गहिऊण गओ स-नगरं । [पविट्ठो] गिहं । पुच्छिओ घरिणीए—“कहमेवं-विहमवत्थंतरं पाविआ [मि] अंबा ?” तेण भणियं—“नियत्तुंड-फलमेयं !” साहिओ सव्वो वि वइयरो । तं सोऊण ठिया सा लज्जाए अहोमुही । तप्परिपालणपरायणा किलेसेण कालं गमेइ । एवं महुर-वयणेण पढमथेरी सुह-परंपरं पाविया । इयरी पुण [दुवक्कदोत्ताओ] दुह-परंपरं । अओ महुरभासी सलाहणिज्जो त्ति मे मई ।”

सुलक्खणेण भणियं—दीहदंती पसंसणिज्जो । जंहा मइसागरो मंती ।” कुभारेण भणियं—“मित्त ! को एस मइसा-
[ग]रो ?” सुलक्खणेण भणियं—सुण,

मइसागरदिट्ठं तो

अत्थि वंगाविसयसारा मुत्तिवई नाम नगरी तीए इत्थि-लोलुओ रयणसेहरो राया । संविडियं तेण पभूयगंतेउरं ।
आवियं तरुण-मज्झिमवुड्ढि-विभागेण । निरुविया पत्तेयं महल्लया । दंसिति ते पासायमारुहंतेस्स राइणो पढमभूमीयाए
तरुणं, वीयाए मज्झिमं, तइयाए वुड्ढं । तओ राया जत्थे व दिट्ठी अभिरमइ तं चेव अभिरमइ । एवं वच्चंति
वासरा ।

अणया दिट्ठा राइणा रिउ-ण्हाया नियवग्ग-विच्छोहिया हरणि व्व एगागिणी महल्लएण सह एगा तरुणी ।
निरुविया सुइरं । संजायाणुराणेण पुच्छिओ समासन्नपुरिसो—“का एसा ? किं वा एगागिणी ?” पुरिसेण भणियं—
“सिधुसेण-राइणो दुहिया कणयसुंदरी नाम । देवपाएहि मुदा-रयणेण परिणीया । एगागिणी जेण कारणेण तं महल्लओ
वियाणण्ड ।” पुच्छिओ राइणा कंचुई । तेण भणियं—“देव ! दोहग्ग-दूसिया परिणयणाणंतरमेव देवेण अंतेउराओ वि
बाहि कारिया । अज्ज पुण रिउण्हाया सम्पुण्ण-काहणे मए एगागिणी चेव देव-दंसणगोयरे धरिया ।” राइणा भणियं—
“अज्ज तए पओससमए समागतूण पुष्फ-तंबोल-विलेवणाइ-पग्गिभोगो गहेयव्वो । ‘महापसाओ’ त्ति, पडिच्छियरायसासणं
गओ कंचुई । [पओस]समए समागतूण गहियं पुष्फाइयं । समपियं कणयसुंदरीए । भणिया य—“वच्छे ! सुपसन्तो अज्ज ते
महारओ । पउणीकरेहि वासभवणं ।” सा वि तं सुणियहरिसिय-माणसा कथमज्जणाइ-कज्जा, वरवस्थाहरणाइ-विभूसिया,
वास-भवण-दुवार-दिण्ण-पुण्णकलसा, निबद्धचंदणमाला पउणा संवुत्ता । समागओ राया । पविट्ठो वास-भवणं । विहिय-
विविहोवयारो निसण्णो पल्लंके । कणयसुंदरी वि अणवरय-पवेस-निग्गमे कुणमाणी भणिया राइणा—“पिए ! अउव्वो कोइ
एस-उववारो ।” तीए भणियं—“अज्जउत्त ! बुविहविनयाओ कयरं विनयं पउंजामि ? एवंविहं चिताए समाउलं मे माणसं ।”
राइणा भणियं—“कहं बुविहो विणओ ?” तीए भणियं—“विथइड्ढजणजोगो, इयरजणसमुच्चिओ य । जइ पढमं पउंजामि
तो असिक्खिय-पंडिया दुट्ठसीला एसत्ति, अज्जउत्तो मज्जेइ । अह बीयं पउंजामि तो गामीणा कलिज्जामि ।” इसि
हसिऊण जंपियं राइणा—“सुनिरुवियकारिए पढमं पउंजाहि ।” पउत्तो तीए । रंजिओ राया । उच्चिय-समये गओ निय-
मंदिरं । नुवण्णो पवर-पल्लंके । चित्तिउं च पउत्तो—“कहं नु नाम पोडंगण व्व विथइडावियविणय-कुसला एसा । नूणं
खंड-सीला संभावज्जइ । हा ! मए वि रमियं । रमतेण अण्णा चेव लहुइओ । एवं विगण्णयंतस्स राइणा समुट्ठीविओ
कोवानलो । भणिओ एगंते मंती—“एयं खंडिय-सीलं कणयसुंदरि खड्डाऊरियं करेहि ।” ‘तह’त्ति पडिवज्जिऊण निग्गओ
मंती । गओ कणयसुंदरि-मंदिरे । साहिओ एस वुत्तंत्तो । तीए भणियं—“करेहि रायसासणं । को दोसो आएस-
कारिणो जणस्स ?” गहिऊण खडियं लिहिया वास-भवण-दुवारदेसे तीए गाहा-

संकप्पियदोसवसा पिययम भमं वि . . . । होही पच्छायावो अकज्जमेयं कुणंतस्स ॥२२०॥

नीया मंतिणा नियमंदिरे । पच्छण्णदेसे धरिऊण दीहं मंतिउमारदो मंती—“न ताव इमीए तहाविहो को वि
दोसो दीसइ सावेसो य समाएसो नरवइणो । ता एयमेत्थपत्तकालं, जमेसा पच्छण्णा चेव चिट्ठु । जइ राइणो तहेव पवइड-
माणो कोवाणुबंधो भविस्सइ तो जहाइट्ठं करिस्सामि । अह वलियचित्तो इमीए कज्जं करिस्सइ तो एवमेव समप्पि-
स्सामि ।” एवं दीहं मंतिऊण धरिया तेण कणयसुंदरी । वच्चंति दिणाणि ।

इओ य तम्मि चेव नयरे लोगववहार-कुसलो पच्छिम-वए वट्टमाणो, धण-धणदत्त-धणमित्त-धणचंदाभिहाणाणं
चउण्हं पुत्ताणं पिया धणसुत्तो सेट्ठी, जराजज्जरिय-काओ सूलाइ-तिव्व-रोगाभिभूओ पाण-संसए वट्टइ । मिलिया सुहि-
सयणा । भणिओ तेहि सेट्ठी—“धरमाणो चेव तहा करेहि जहा पुत्ताणं पच्छा विरोहो न हवइ” । तेण भणियं—“तुम्ह
‘साहेज्जेणं एयं सिज्जइ !’ तेहि भणियं—‘सहाया वयमेत्थ पओयणे । सिट्ठिणा भणियं—जइ तो सति णे चउमु वि कोणेसु
मंदिरस्स चत्तारि कलसा । किज्जंतु पत्तेयं धणाइनामंकिआ । जस्स जत्थ नामयं सो चेव तेण लेयव्वो । विसंवाए

भवंतो सक्खिया । तहेव कयं । गया सट्ठार्णं सयणाइया । उवरओ सेट्ठी । कइवयदिणेहि कय-मय-किच्चा, विगय-सोगा, घरकज्जाणि विचित्तउमाढत्ता तणया । वच्चंति वासरा । कलहंति परोप्परं तेसि जायाओ । तन्निमित्तं ताण वि जायइ चित्त-खंडणा ।

अण्णम्म दिणे भणिया धणेण धणदत्ताइया—“संपयं जइ पुढो हविज्जइ तो सोहणं ।” पडिवण्णं सव्वेहि सोहण-दिणे सुहि-सयण-समक्खं उक्खणिओ धणेण निय-नामंकिय-कलसो जाव तत्थ धूली चैव केवलं । ठिओ अहोमुहो लज्जाए । धणदत्तेण वि उक्खणिओ निय-कलसो । तस्स पुण अट्ठीणि चैव केवलाणि । सो वि विलक्ख-वयणो सयण-जण-महाणि जोइउमाढत्तो । धणमित्तेण वि उक्खणिओ निय-कलसो । तत्थ वि वहियाओ चैव केवलाओ । सो वि संजाय-विलक्खो ठिओ अहोमुहो । धणचंदेण वि कइइओ निय-कलसो । सो पुण रूप-सुवण्ण-मणिमोत्तिएहि पडिपुण्णो दिट्ठो । हरिसिय-हियओ, वियसिय-वयण-नयणो, कलसं गहाय गच्छंतो भणियो धणचंदो घणाईहि—“वच्छ ! कहि गम्मइ ? मुंच कलसं । सयल-साहारणो एस अत्थो । समभागेहि कीरउ । कि न अम्हे तायतणया ?” तो ताएण जं दिन्नं तं गिण्हहं एवं तेसि विसम वयंताण जायं भंडणं । निवारिया सुहिसयणवग्गेण धणाइणो—‘न एत्थ तुब्भेहि कि पि लहेयव्वं जीवतेण वि सेट्ठिणा छिण्णो तुब्भाण ववहारो । वयमेत्थ सक्खिणो ।’ परिभूयं अत्ताणयं मण्णमाणा पंचउलमुवट्ठिया । तेण वि विण्णायवुत्ततेण निवारिया । अमच्च-सामंतेण वि मुणिय-वत्थुपरमत्थेण अवगणिया पत्ता राइणो पायमूलं । ‘गहणमेयं’ ति, भणिकुण रण्णा वि विसज्जिया । गया नियमंदिरं । भणियो तेहि धणचंदो—‘न एत्थ छिण्णो ववहारो । अन्नत्थ गम्मउ । संचलिया चउरो वि वसंतपुराभिमुहं । दिट्ठा अवलोयण-गएण राइणा । पुच्छिओ निय पुरिसो । ‘के इमे पुरिसा ? कहां वा पत्थिया ?’ तेण वि नायवुत्ततेण साहियं जहट्ठियं । रत्ता चित्तियं—“नायव्वो सो मए जो एयाण विसंवायावहारं करिस्सइ” पच्छण्णमेव पेसिओ निय-पुरिसो तयणुमग्गेण । गया थेवंतरं । समुप्पन्न-पच्छाधावेण भणियं धणेण “भो ! न घर-विरोहो मुंदरो । संवरिज्जउ एस कलहो । गम्मउ निय-घरं । न उ पत्तं दविण-मेयमम्हेहि । कहम्मणहा ताओ एवं करेइ ?” सुणेह एत्थ दिट्ठतमेण—“एगाए अडवीए चय-भरिय-भंडीए सिणेह-सित्तं नाडयं निवडिइयं । इओ तओ परिभमंतेण दिट्ठं जंबुएण । संजाय-हरिसेण गहियं, एगंत-भवक्कमिऊण आणंद-भर-निव्वरो उड्डमुव्विहइ पडंतं मुहेण पडिच्छइ, पच्छा तिरिच्छं पक्खिवइ, झड ति धाविऊण गिण्हइ । अण्णया उड्डं उव्विह-माणस्स पलास-सिहरे विलगं नाडयं । विलक्ख-वयणो निय-हियय-साहारणत्थं एवं पडिउमाढत्तो जंबुओ—

किरणउ हुंतउं चक्कमउ किल मइ लद्धउ नासि । जइ उप्पत्तउं हुंतु मई तो तवि चडतु पलासि ॥

तुब्भे वि एवमत्ताणयं धीरेह ।” धणदत्तेण भणियं—“न एव अम्हाण निव्वुई हवइ जाव न केणा वि मज्जत्थेण निवारिया ।” धणेण भणियं—“जइ एवं तो अलमइदूरगमणेण । समासण्णमेव गोउलं गम्मउ ।” गया सव्व-सम्मएण । दिट्ठो धणसामी नाम मेहरो । पुच्छिया तेण—“तुब्भे के ? कि निमित्तं वा इहागया ?” कहिओ तेहि सव्वो वि जहट्ठिओ निय वइयरो । साहाविअमइविहवेण विमरिसिऊण जंपियं तेण—“न तुम्हाण पिउणा एगस्स वि परिभवो कओ । नवरं जो जत्थ कुसलो, सो तस्स सामिओ समाइट्ठो । पढमो [खे]त्त-घर-हट्टाण । बीओ गवाइचउप्पयाण । तइओ कलंतराइ-दिण्ण-दविणस्स । चउत्थो ‘बालोत्ति काऊण [ह]प्प-सुवण्णाईण सामी कओ ।” संजाय-पच्चएण भणियं धणेण—‘घडइ ते वयणं ।’ जओ—‘कुसलो हं घराइ कज्जेमु ।’ बीएण भणियं—‘अहं पुण चउप्पय-विसएसु ।’ तइएण भणियं ; ‘अहं उगाहणियाए ।’ अओ चैव ताएण एवविहा कलसा कथा । हरसिय-माणसा समागया सनगरं । समीवसंठिएण सुओ एस वइयरो पुरिसेण । कहियं रण्णो । बीय-दिणे सट्ठारिओ मेहरो । संभंत-चित्तो समागओ गहिऊण दहि-दुद्धाइ पाहुडं । निव्वए पविट्ठो । पणमिऊण तराहिवं निविट्ठो । पुच्छिओ राइणा—“कहि तए एरिसो विवाय-परिच्छेओ सिक्खिओ ?” तेण भणियं—“महाराय ! रण्णे जायाणं, रण्णे चैव संविड्डयाण, हरिणाण व अदिट्ठ-विसिट्ठ-जणाण, कत्तो सिक्खागमो अम्हारिस-पुरिसाण । साभाविया एसा मे मई ।” सम्माणिऊण वत्थाईहि विसज्जिओ मेहरो । संजाय-सको चित्तउमाढत्तो राया—“जह नाम एयस्स निरुवएसा एरिसा मई तहा जइ कणगसुंदरीए वि निऊणविणय-कुसल-तणं हवेज्जा को विरोहो ? अहो ! निरत्थओ मए अण्णा इत्थी-वहेण संजोइओ । ता कि करेमि ? कस्स कहेमि ? केण

वा उवाएण एयं पावं सोहेमि ।” एवं विगप्प-सय-समाउलमाणसी संजायपच्छायावो गओ कणगसुंदरीए वास-भवणं विट्ठा पविसंतेण गहा । भाविओ तयत्थो ‘जहा-निरवराहा सा वराई मए माराविया ।’ सविसेस विसण्णमाणसो अवसर-गएण पणमिओ मंतिणा । राया वि सुण्ण-चित्तत्तणओ असंभाविऊण मंतिणं—“अहो मे अदीह-दरिसित्तणं जेण सा अकय-अवराहा वराई कणयसुंदरी कु[मरणे]ण माराविया ।” वलियचित्तं नाऊण राधाणं आणिया मंतिणा कणयसुंदरि । पुरओ काऊण विण्णात्तो राया—“देव ! कणयसुंदरी पणमेइ” उवरिहुत्तं नियंतेण विट्ठा रण्णा । पुट्ठो मंती—“किं न वावाइया ?” तेण भणियं—“वावाईआ चेव परमत्थओ केवलं देव-कोवावसाणं दट्ठुकामेण धरिया ।” छूढा अंतेउरे कणयसुंदरी । रण्णा पसण्ण-माणसेण उववूहिओ मंती, “अहो ! जहत्थ नामो सुबुद्धी तुमं ।” सम्माणिओ पवरवत्था-ईहि । संवड्ढिया भोगा । पमाणीकओ सव्व-पओयणेसु । पत्ता सयलजण-मज्जे पसंसा । अओ, कुमार ! ‘दीहदरिसी पसंसणिज्जो त्ति’ मे मई” । एवं साहिऊण निय-निययाभिप्यायं तिण्णिण वयंसगा मोगमासिया ।

एत्थंतरे सोमो व्व नियवयणामय-निव्वविय-सयलजीव-लोगो, तीआणागय-वट्टमाणवत्थु-वियाणयो, सयल-जम-जीव-वच्छलो, पंचसमिओ तिगुत्तो, निम्ममो, निरारंभो, समतिण-मणि-लेट्ठु-कंचणो, गामाणुगामं विहरमाणो बहुसंच-परिखुडो, चोइस-पुव्वी चउनाणोवगओ, समागओ तम्मि चेव उउजाणे अमरतेउनामआयरिओ । समोसरिओ अहा-फासुए पएसे । समागया वंदणा-निमित्तं नागरया । नरसीहकुमारेण वि भणिओ धणदेवो—“भावणिय-तणय-दुत्थियाणं इट्ठ-वियोगाणिट्ठसंपओगपीडियाणं पाणिणं धम्म-सवणं संगयं । ता एहि, गच्छामो अचितिया अमयवुट्ठि व्व एत्थेव समागओ भयवं सद्धम्म-सारही ।” धणदेवेण भणियं—“जं समाइसइ कुमारो ।” गया सव्वे वि, वंदिया मूरिणो । निसण्णा समु-च्चियभूभागे । पारद्धा भगवया धम्मदेसणा—“भो भव्वा ! असारो एम संसारो । कियग-फलं व मुह-महुरा विरसाव-साणा विसया । करि-कण्णचंचलाओ संपयाओ । वाय-विहुय-कुसगबिदु-चंचलं जीवियं । पंचदिण-रमणिज्जं जोव्वणं । एग-रुक्ख-निवासि-सउणगण-समाणा पिथ-जणसमागमा । पलियच्छलेण पइदिणं लद्धावगासा सिंरं समारोहइ जरा-रक्खसी । आमम[ल्ल]गनिवडिय-जलं व पइदिणं परिसुसइ आउ-सलिलं । अणंत-संसार-कारणं कसाया । दुग्ग[ई]-पह-पत्थियाणं समा सोपाण-पत्थिया अवरिई । हिंथाहिय-वियारनिसग्ग-सत्तु-कप्पं मिच्छत्तं । सयायरणविबंधगा दुट्ठजोगा । विजिय-सयल-तिहुयणो पच्चासण्णो सया मच्चू । समुद्ध-पवडिय-रयमं व दुल्लहं पुणो वि विसुद्ध-धम्मसाहयं, आरियदेसे माणु-सत्तणं । तम्मि वि दुल्लहा मुगुह-सामग्गी । तत्थ वि बहुपुण्णपावणिज्जा सद्धम्म-सवण-बुद्धी । सुणंताण वि विरलाण चेव जहद्विय-तत्त-सद्धहेण सम्मत-मुद्धी । सद्धंता वि बहुवे नाणुट्ठाणं पइ वारित्ति वीरियं । ता भो भव्वजणा ! जइ भव-भमण-भीय-माणसा ता सयल-कल्लाण-परंपरा-निबंधणो, संसार-सायरतरण[तरंडो]वमे, गरुय-दुह-वंदोलि-सिहरि-सिहर-वज्जासणिसन्निहे, अहरिय-चित्तामणि-कामधेणुकप्प-पायवमाहव्णे, सयल-पाणिगण-निककारण-बंधवे, सयल-सुह-साहणेक्क-पच्चले, परिहरिऊण मुह-परंपरा-परमवेरिणं पमायं, जिणधम्मो समुज्जेह । जओ—

जीवा धम्म-पमायं कुणमाणा पाविऊण जिण-वयणं । लद्धूण माणुसत्तं, भवकोडि-सएसु दुल्लंभं ॥२२२॥
मणुयत्तणाओ भट्ठा, नारथ-तिरिएसु सिव्व-दुक्खाइं । हिंडंति अणुहवंता, परव्वसा दुत्थिया दीणा ॥२२३॥
तेत्तीस-सागराइं, नरए दुक्खाइं अणुह्वेऊण । तिरियत्तणम्मि पत्ता, सत्ता हिंडंति दुक्खत्ता ॥२२४॥
छेयण-भेयण-डहणंकणेहिं, तोत्तथकसंकुसाईहिं । बाहिज्जंता विवसा, वसंति तिरियत्तणे जीवा ॥२२५॥
पावा पमाय-वसगा, हिंसालिय-तेण-मेहुणासत्ता । अकय-परिग्गह-नियमा, जीवा हिंडंति संसारे ॥२२६॥
ठाणे ठाणे दुहिया, धण-रहिया पर-मुहाणि जोयंता । ‘देवेहि-देहि-देहि’ त्ति, जंपिरा पर-घर-मुहेसु ॥२२७॥
संसाराडविमज्जे, हिंडंता धम्म-संबल-विहूणा । तिण्हा-छुहा-किलंता, तायारनरं अपावेंता ॥२२८॥
सयल-कुसलेक्कमूलं, आरिय-खेत्तम्मि माणुसं जम्मं । कह्वि लहंति अ जीया, जिणवयणं दूरओ ताव ॥२२९॥
तुट्ठइ आउय-सलिलं, जीव-सलायम्मि पइदिणं चेव । उत्थरइ जरा दुक्कइ मच्चू अनिरुद्ध-सामत्थो ॥२३०॥

ता [जा]वत्थि बलं जावत्थि वित्थरो जा न एइ बुद्धं । वयणकरा जाव जणा, ताव पमायं पमोत्तूण ॥२३१॥
नीसेस-जंतुसुहयं, जीव-दया-सव्व-सोय-संजुत्तं । जिणयंदविद-भणियं, सुद्धं धम्मं समायरह ॥२३२॥

एयं सोऊण संजाय-चरण-परिणामेण भणियं—“अरिहदेव[पसा]एण भयवं ! संसार-भ[उ]ज्विग्गो पव्वयानि अहं देवाणुप्पियाणं अतिए ।” सूरिणा भणियं—“धणो तुमं जो बहु-दुह-पलित्त-पलिवणाओ सार-भंडभूयं नियजीयं नित्यारेसि ।”

एत्थंतरे भणियं नाहियवाइणा कविजल-माहणेण “अहो ! समइ-संकप्पियसत्थिवित्थरेहि अलिय-पंडिअहि धम्मच्छलेण सुद्ध-लोगो वंचिज्जइ । अण्णाय-परमत्थेहि य तव-करण-बंधवेराइणा किलेसिज्जइ । केण दिट्ठो पंचभूयाइ-रित्तो जीवो ? जओ—“असंता चेषणा भूय-समवाए उप्पज्जइ जहा जलानल-कट्ट-पिट्ट-संजोगे मदिराए मय-सती, जया भूयाणि विजुज्जति तथा चेषणं पि विजुज्जइ । एवं च निच्छओ, भूआइरित्तो न कोइ जीवो । त[या]भावेण न पुण्ण-पावाइ । अओ जं विलसिज्जइ सो लाहो । जं पुण्ण बंधवेर-तदकरणाइणा भूयाणि सोसिज्जति सा वंचणा ।” सूरिणा भणियं—“सोम ! जीवाभावे, सोहं जेण समईय-संवच्छरे एवं कयं, वट्टमाणे करेमि, भविस्से करिस्सामि-एवंविहो तिकाल-विसयाभिण्णाणुसंधाण-पच्चओ कस्स हवउ । तम्हा अणुमाण-नेज्जो आया छउमत्थाण । पच्च-क्खेण पुण्ण सिद्धा केवलित्थो य पासंति । जइ पुण्ण जं जं विसेस-विण्णाण-विरहिया पायय-पुरिसा तुम्हारिसा न पेच्छंति, तं नत्थि त्ति ववहरिज्जइ तो तए नियजणणि-जणयविवाहो न दिट्ठो, नियपुट्ठि पि न पेच्छसि, कुट्टाइतिरोहिय-विविह-वत्थिवित्थरं पि न याणसि, न य ताणि न संति ? तम्हा जीव-सत्ता पुण्ण-पावाणि पुण्ण छउमत्थेहि वि फलओ पच्च-क्खेणं चैव लक्खिज्जंति । जओ—

एगे नाणा-मणि-खचिय-कणय-मुत्ताह[लु]भडाहरणा । विज्जाहर व्व वियरंति, जणियजण-विम्हया लोया [अण्णाणु]कंपणिज्जा, कुकम्मकरणुज्जया कुनेवत्था । ईसरजणाण हिंडंति, चाडुकम्माणि कुव्वंता ॥२३४॥
एगाण समाएसो छणभूओ मण्णए जणो सयलो । अण्णाण भणंताण वि को वि [न] पच्चुत्तरं देइ ॥२३५॥
एगे पूररंति मणोरहाइ सुहि-सयण-बंधुवग्गरस । अण्णाण पुणो दुभरं नियं पि उयरं किमण्णेण ? ॥२३६॥
एगे गइंद-सयसंदण-जंपाण-जाण-तुरएहि । वच्चंति सुकयपुण्णा, अण्णे अणुवाहणा पुरओ ।
एगे चंदण-मयणाहि घुसिण-पंककिया परियडंति । अण्णे मसि-निम्मिय-टिक्कयं पि मण्णंति छणभूयं ॥२३७॥
एगाण वित्थरिज्जइ सिप्पी-कच्चोलथाल-संधाओ । अण्णाण कहव दुक्खेण पत्त-पुडियावि संपडइ ॥२३९॥
एगाण भक्ख-भोयण-विजण-रस-जुत्त-विविह-आहारो । अण्णाण नेह-रहियं हिज्जइ जरदड्ढ-वत्तरयं ॥२४०॥
तंबोलेला-जाईफलेहि एगाण होइ मुह-सुद्धी । अण्णाण पुणो जइ कहवि खइर-खंडं पि संपडइ ॥२४१॥
एगे पट्टंसुय-देवदूस-बरवत्थ-सुकय-नेवत्था । अण्णे उ सिण्ण-सडियजरदंडी-खंडयाउरणा ॥२४२॥
एगेहि सा [नि]निज्जइ सुवण्ण-मणि-रयण-चारु-सयणेहि । भूमीतलम्मि अण्णेहि, धूलि-भसलियंगेहि ।
सेज्जं मुयंति एगे थुइ-मंगल-वीण-विविह वज्जेहि । अण्णे साहिकखेवं खर-निट्ठुर-दुट्ठवयणेहि ॥२४४॥
इय पुण्णापुण्णफलं पच्चवक्खं चैव दीसइ जीयाण । ता सुपसिद्धा सत्ता संति य इह पुण्ण-पावाण ॥२४५॥

तओ संजाया जीव-पुण्ण-पावाण पडिवत्ती कविजलसस । भावसारं वदिऊण भणिओ तेण गुरु—“भयवं ! एयमेयं । परिचत्तो नाहियवाओ । भणसु संपयं जं करेमि ।” सूरिणा भणियं—

“सुन्दर ! भीम-भवणव-निवडिय-सत्ताण तारण-समत्थं । जिण-निज्जामग-कलियं, गिण्हसु सद्धम्म-बोहित्थं ॥
धम्मो नराण माया, पिया य धम्मो सुही य बंधू य । भाया भइणी सुण्हा पुत्तो दुहिया य धरिणी य ॥

धम्मो परभव-पह-पत्थियाण जीवाण कुणइ साहिज्जं । सेसो जणो नियत्तइ, को वि घरा को वि य मसाणा ।
पवणाहय-ध(य)वड-चंचलम्मि खणमेत्त-दिट्ठ-नट्टम्मि । धण-सयण-मित्त-जोव्वण-वलम्मि कह कीरउ
थिरासा ? २४९॥

एगम्मि तरुवरे जह मिलिऊण वसंति पक्खिणो बहवे । रयणिविरामम्मि पुणो दिसोदिसं कत्थ वि वयंति ।
एवं सयण-विहंगा एग-घर-महीरुहम्मि वसिऊण । भिण्णगइ-मामिणो हुंति हंत ! को तेसु पडिबंधो ॥२५१॥
ता रयणायर-निवडियर[य]णं व सुदुल्लहं लहेऊण । कह कह वि मणुयजम्मं सुद्धं धम्मं समायरह ॥२५२॥
सो धम्मो जत्थ दया, सो देवो विगयराग-दोसो जो । विसयधिरत्तो य गुरु खंति-परो परहिण्यकरओ ॥२५३॥

एत्थंतरे संजाय-जिण-धम्म-करण-परिणामे[ण] जपिअं कविजल-माहणेण--“भयवं ! कइभेअ-भिण्णो धम्मो ?”
सोम ! सुण । दाण-सील-तव-भावणा-भेएण चउव्विहो । तत्थ वि दाणमय-धम्मो तिविहो, नाणदाण, अभयप्पयाण-
धम्मोवग्गहदाणभेएण ।

जस्स प[सा]एण जिओ हियाहियं अत्तणो विद्याणेइ । तं होइ नाण-दाणं विरइ-फलं सव्व-जीवाणं ॥२५४॥
जाणइ जीवाजीवे पुण्णं पावं च बंध-मोक्खं च । तं नत्थि जं न जाणइ जीवो इह नाणदाणेण ॥२५५॥

अभयदाणं पुण जं पुडवि-आऊ-तेऊ-वाऊ-वणस्सइ-काइयाणं सुहुम-वायर-पज्जत्तापज्जत्तभेयभिण्णाणं, वेइंदिय-
तेइंदिय-चउरिंदिय-पज्जत्तेयरभेयाणं, पंचिदियाणं पि सन्नि-असन्नि-पज्जत्तापज्जत्तं-भेय-भिण्णाणं मण-वयण-काएहि करण-
कारणाणुमइभेयभिण्णेहि, तप्पज्जायविणास-दुक्खुप्पा[य]संकिसेत-[तिविहवह]परिहारेण सयल-किरियासु पवत्तणं
इमं दित्तेण[तं] नत्थि जं न [दिण्णं] भवइ ।

असुइम्मि समुब्भूओ किमिओ सग्गम्मि सुरवरो सुहिओ । इच्छंति जीवियं दोवि दोवि मरणाओ बीहंति ॥२५६॥
जो देइ अभयदाणं सुहिओ सो होइ अण्ण जम्मम्मि । दीहाऊओ सुखवो नीरोगो सत्तिमंतोय ॥२५७॥

धम्मोवग्गहदाणस्स पुण पंचहा सरूविं तं जहा-...] १ दायगसुद्धं, २ गाहगसुद्धं, ३ देयसुद्धं ४ कालसुद्धं, ५
भावसुद्धं च । १-तत्थ दायगसुद्धं-जो दाया नाण-संपण्णो अविहद्ध-निय-ववहारोवज्जिय-धणो, माया-पिइपमुहनिय-
परियण-बहुमओ, खंति-मद्व-अज्जवाइ-गुणगण-समन्निओ, निरासंस-विसाल-माणसो, दिण्णे वि अणणुतावी, असेस-कम्म-
क्खयत्थमब्भुट्टिओ । २-गाहगसुद्धं पुण-जो गाहगो सया सावज्ज-जोगविरओ, पंचसमिओ, तिगुत्तो, गारव-तिय-विप्पमुक्को,
गामागर-नगर-कुल-वसहि-सरीरोवगरणपमुहपयत्थे[सु] निम्ममो, अट्टारस-सीलंगसहस्समहाभरधुरधरण-समुद्धुर-कधरो,
राग-दोस-विप्पमुक्को, समतिण-मणि-लेट्टु-कंचणो, नाण-दंसण-चरण-रयणत्तय-समलंकिओ, जहा-सत्तोए अणसणाइतव-
करण-समुज्जओ, कुक्खि-संबलो, पसत्थ-झाणानल-निदड्ढ-कम्मिधणो, उम्मग्ग-पर्याट्टिंदिय-तुरिय-तुरंगम-नियमण-सारही,
सत्तरस-भेय-भिण्ण-संजम-करण-पवण-माणसो, अट्टारसविहबंभचेर-परिपालण-परायणो मुणिवरो । (२) देयं पुण सुद्धं
नायागयं कप्पणिज्जं उरगमुप्पायणेसणादोस-परिवज्जियं साहु-सरीरे धम्मोवग्गहकारणं, संसारजलहिनित्थारिवं,
असण-पाण-खाइम-साइम-वत्थ-पडिग्गह-कंबल-रओहरण-पीढ-फलग-सेज्जा-संथारमाइयं । (३) कालो पुण जो जस्स
उवभोगकालो । भणियं च-

काले दिण्णस्स पहेणयस्स अग्घो न तीरण काउं । तस्से व अथक्कपणाभियस्स गिण्हंतया नत्थि ॥२५८॥

(४) भावसुद्धं पुण इहलोगासंसाइ-दोस-परिवज्जियं परमपडिवत्तीए आयाणुग्गहवुद्धीए मच्छरियाइदोस-
विप्पमुक्कं सद्धाइसयसमन्नियं पत्तबुद्धीए संजयाणं दाणं ।

मोक्खपसाहणहेऊ, नाणाईतप्पसाहणो देहो । देहट्ठा आहारो, निद्विट्ठो वीयरानेहि ॥२५९॥
पुरिसत्थेसु य पवरो, धम्मो धम्मत्थिणाउ सो गेज्झो । धम्मो वि देह-पभवो, देहो वि हु वहइ अण्णेण ।
तो असण-पाण-खाइम-साइम-दाणाई दित्तो पुरिसो । पावइ परमं पुण्णं अव्वोच्छित्ति कुणइ तित्थे ॥२६१॥

संपइ सीलं तं पुण देस-सव्व-विरइ-भेएण दुविहभेयं । तत्थ देस-विरई पुण्वमेव सुगुरु-समीवे मिच्छत्ताओ
नियत्ताणं पसम-संवेग-निव्वेयाणकंपाअत्थिककाइलक्खणं सम्मतं पडिबण्णाण दीणाणाह-लोइय-खोउत्तरिय-गुरु-अण-
पमुह-अणो[चियपवित्ति]जुत्ताणं, समुदारभाणसाणं, परमपरोवधार-निरयाणं, पाव-दुगुंछा-पवित्त-चित्ताणं, तथाविह
कम्मक्खओवसमओ चेव निम्मलबोहाणं, सयलजण-वत्तहाणं, विगयगरुय-विसयतप्पहाणं, दुरंत-दंसणमोहपरिवज्जियाणं,
पणट्ट-धम्म-पच्छाईणं, साणुबंध-कोहोदयाइविरहियाणं, परमसुत्तसाइगुणगण-संगयाणं, निरुवम-धम्ममाणुरायरंजियमाणसाणं,
चरणावरण-कम्मोदएण सव्वविरइविमुहाणं थूलंगपाणाइवाय-विरमणाईया दुवालस-भेवभिण्णा । सव्वविरई पुण विसिट्ट-आइ-
कुलंकलियाणं, खीणपाय-कम्ममलाणं, तत्तो चेव विमलमइसंभयाणं, संसारसुह-विरत्तचित्ताणं, पयईए चेव अप्पकसायाणं,
विगयाइगुणगण-रयण-विभूसिध-सरीराणं समय-पसिद्धुत्तर-गुण-समन्निघाणं पंचमहव्वय-परिपालणरूढा ।

संपइ तत्रो भण्णइ-सो पुण महासत्तसंगएहि, इहलोइय-सुह-निप्पिवारोहि, निरुद्ध-पंचिदियपसरेहि,
नियसरीरे वि परिहरियममत्तेहि, सदाइ-विसय-विरत्त-चित्तेहि, [सरीरपीडासंभवे वि] अदिसाईहि पवट्टमाणसुहपरि-
णामेहि, अणसणाइदुवालसविहो-साहु-सावएहि अणुट्टिज्जइ ।

इप्पि भावणाभयधम्मो-सो पुण नाण-दंसण-चरणायरण-निरयाणसाहुजणाणं, सावय-साविद्याण य गुण-बहुमाणलक्खणो,
संसार-दुगुंछणया सुहासुह-कम्म-विवागे गहण-भत्ति चित्तणाइभेया । एस चउव्विहो वि धम्मो [कह कह वि] पवर-
पुण्णोदएण पाणिणा पाविज्जइ ।

चंदणवाला, सिरिदत्तसेवगो, देवदिण्णसोमो य । नायाई जहा-संखं, असणोसह-वत्थ-वसहीसु सीलम्मि ।
सीलवई साहसमल्लो य होइ तव-चरणे । सुद्धाए भावणाए दिट्ठंतो चंदणा चेव ॥ २६३ ॥
तथासणाइदाणफलं भण्णइ-

चंदनवालादिट्ठंतो

अत्थि इहेव जंबुदीवे-दीवे भारहे वासे वच्छा-जणवए बहुदिवस-वण्णणिज्जा कोसंबीनामनयरी । तीए निह-
लिय-दरियादिदप्प-माहप्पो, पयइ-परक्कंत-सयल-महिमंडलो, सेवासमागयपविसंत-नीहरंताणेग-सामंत-संदोह-संरुद्ध-
राय-दुवारमग्गो, विज्जगिरि-सिहर-समुत्तुंग-मत्त-मथमल-घडा-गंडयल-गलंतमथजलासार-संसित्त-धरणीयलो, तुरय-खर-
क्खु[क्ख]णिय-खोणीवल्लय-समुच्छलिय-रेणुनियरंधारिय-सयल-नहयलाभोगो, चाउग्घंट-सद्दाल-सवण-संघाय-घण-घणाराव-बहि-
रिय-जण-सदणंतरो, फलयकाल-वित्थरिय-जलहि-जल-विउलण-पायत्ताणीओ, सयाणिओ नाम राया । तस्स सयलंतैउरएपहाणा
अहिगय-जीवाइत्तंत-वित्थरा मेरु व्व निच्चल-सम्मत्त-गुणा चेटय-दुहिया मियावई नाम महादेवी । सुगुत्तो अमच्चो । तंदा
से भारिया परमसाविद्या । सा पुण साहम्मिणि ति काऊण मियावईए वयंसिया ।

अत्थेत्थेव तच्चावाई नाम धम्मसत्थपाटयो । अण्णो वि तम्मि मुणगणावज्जिय-सयल-नायर-जणो, परित्तुट्ट-
नरवइ-विइण्ण-सुवण्ण-पट्टसमलंकिय-भालयलो, सयलजण-माणणिज्जो धणावहो नाम सेट्ठी परिवसइ । मूला से भारिया ।
एवं ताण सकम्म-संपउत्ताण वच्चंति वासरा ।

अण्णया य अतुलवल-परक्कमक्कताणेगवोह्वसग्गो, सवराचर-जीव-निक्कारण-बंधवो, संसार-सागर-निमज्जंत-
जंतुगण-समुत्तारण-समर्थो, बोहिंथोवमो छउमत्थकालियाए गामाणुगामं विहरंतो संपत्तो तत्थ चरमत्थियरो । गहिओ
भगवया पोसवहुल-पाडिवए दब्बाइ चउव्विहो अभिगहो ।—“दब्बओ कुम्मासे सुप्प-कोण-कए जइ लहामि । खेततो
इमीए चेव नयरीए एलुगं विक्खंभइत्ता । कालओ पडिनियत्तिसु सयल-भिवखायरसु । भावओ रायदुहिया वासत्तणं

पत्ता नियलिया मुंडिय-सिरा । निरुद्ध-सदं रुयभाणी जइ दलेज्जा तो पारेमि न अब्रहा ।” एवंविहमभिग्गहं गिण्हिरुण कोसंबीए चेव ठिओ भयवं । पविसइ दिणं-दिणं-भिक्षवाधरियाए । जओ तत्थ बावीसं परिसहा उदारिज्जति ते सम्मं सहमाणस्स विउत्ता निज्जरा हवइ । एवं पइदिणमंडंतस्स भगवओ वोलीणा चत्तारिमासा न पुज्जइ अभिग्गहो ।

अण्णया उच्च-नीय-मज्झिमकुलाणि अडमाणो पविट्ठो नंदामंदिरे । दिट्ठो नंदाए विण्णाओ य जहेस चरम-तित्थयरो भिक्खट्ठा परियडइ । नीणाविया भिक्खा । न गहिया सामिणा । तहेव निग्गओ । विवग्गमुहा विसायमा-वण्णा स-दुक्खा जाया नंदा । पुच्छिया दास-चेडी—“किण्ण गहिया भिक्खा भगवया ?” तीए भणियं—“सामिणि ! एस देवज्जओ दिणे-दिणे एइ, न उण भिक्खं लेइ ।”

तओ नायं नंदाए—जहा सामिणो को वि अभिग्गहो । सुट्ठुयरं अधिई जाया । एयावसरे समागओ अमच्चो । दिट्ठा तेण विहाणवयणा । पुच्छिया—“पिए ! ससोगा विद्य लक्खीयसि ?” तीए भणियं—“अज्जउत्त ! किमन्हाण रायाहिगारेणं ? कि वा विह्वेणं ? निरत्थयं ते रज्जविण्णाणं, जो एयं पि अभिग्गहं न याणसि । एच्चिरं कालं सामिणो निरसणस्स परिअडंतस्स न पुज्जइ अभिग्गहो ।” मंतिणा भणियं—“पिए ! मुंच विसायं, करेमु मण-समाहाणं । तहा तहा जइस्सामि जहा पुज्जइ भगवओ अभिग्गहो ।” एयाए कहाए वट्टुमार्याए समागया पओयणवसेण मिगावईए पडिहारे विजया नाम मंतिणो मंदिरं । सो तं समुल्लावं सोऊण गया, मिगावईए कहइ । मिगावई वि संजाय-गुरु-दुक्खा-वेगा परिचत्त-पुप्फ-तंबोल-मंडण-विलेवणा कोवधरमणुपविट्ठा । राइणा पुच्छिया सोय-कारणं । सोवालभं जंपिय-मिमीए, “अहो ते पमतया ! अहो ! विसयासत्तया ! अहो अविवेगित्तणं ! कि तुह रज्जेण ? किवा मए एवइयं कालं हिंडंतस्स सामिणो न चेव अभिग्गह-विसेसो नज्जइ । न वा तुमं एत्थ विहरंते वि याणसि ?” रण्णा भणियं—“पिए ! पमाओ एत्थ अवरज्जइ, न उण भइ तित्थयरे अमत्ती । तहा करेमि जहा पभाए पुज्जइ अभिग्गहो ।” एवं समासासिऊण मिगावई गओ अत्थाण-मंडवं राया । सहाविओ अमच्चो । उवालडो य—“तुमं सामि पि समागयं न याणसि, चउत्थो मासो इहागयस्स ? अहो ! ते रज्ज-कज्ज-चित्तणकोसलं” पडिवज्जिऊण तेण निय-दोसं सहाविओ तच्चावाई । पुच्छिओ रायामच्चेहि—“तुमह सत्थेमु सव्वपासंडीणं समायारा वण्णिज्जति, अभिग्गहा य नाणाविहा कहि-ज्जति । ते तुमं साहेसु । अमच्चो वि भणिओ रण्णा—“तुमं पि बुद्धि-वलिओ जिणागम-विण्णू । ता चित्तेहि किपि उवायंतरं, जेण भगवओ अभिग्गहाऊरणं भवइ ।” तच्चावाइणा भणियं—“महारया ! दव्वाइ-भेय-भिण्णा बहुविहा अभिग्गहा । संसट्ठाइभेय-भिण्णाओ सत्त-पिडेसणाओ सत्त-पाणेसणाओ । लेवडमलेवड-कुंतग्गह-संतस्संताइभेय-भिण्णा बहुविहा अभिग्गहा । संसट्ठाइ-भेय-भिण्णअभिग्गहा दुविण्णायमिणं, तहा वि लोए एवं चेव परुविज्जउ । मंतिणो वि इणमेव सम्मयं पइट्ठावियं सव्वम्मि नयरे । राइणो भत्तिरायाणुवित्तीहि पडिवण्णं लोएण । पविट्ठो सामी गोधर-चरियाए न य तेहि सव्वेहि पयारेहि भयवं गिण्हइ । एवं च ताव एवं ।

इओ य सयाणीओ सहसा चेव सबलवाहणो दहिवाहण-गहणट्ठा चंपं पइ पहाविओ । अंतरा नई । तं नावाहि उत्तरिऊण रयणिमज्जे चेव अचितिया वेडिया नयरो । अप्पबलो कह-कह वि पलाणो दहिवाहणो । घोसावियं सयाणीएण-निय-बला—‘जो जं गिण्हइ सो तस्स सामी नाहं परिपंथगो ।’ एवं सुणियसविसेसा पयट्ठा लूसी । इओ तओ विलुलिओ नयर-जणो । न मुणिज्जइ अप्प-पर-विसेसो । न मुणिज्जइ छेप्पविभागो । ददप्पहार-पहया निवडंति धरणिगले सुहड-संघाया । दसण-गहिय-दसंगुला मग्गति धम्मदुवारं कायर-जणा । हा ! भाय, माय ! पुत्ताइ-पट्टुमाउला इओ तओ परियडंति नगर-नारीगणा । भयसंभंतलोल-लोयणा विरसमारसंति चउप्पया । एवंविहे नयरिसंभमे—

दहिवाहणस्स रण्णो महादेवी जिणवयणसवण-मुणिध-जहट्ठिय-संसार-सरुवा समं वसुमईए दुहियाए इओ तओ पलायंती पत्ता एगेण पुरिसेण । खणंतरेण पहया पयाणडवका । पडिनियतो स-नयराभिमुहं राया । सो वि पुरिसो

धरिणि उहिसिऊण [भणइ-] 'एसा मह धरिणी भविससइ । एयं पुण निरुवम-रूवाइ-गुणगग-सालियं बालियं महया अत्थसारेण कत्थव विक्किणिससामि' एयं सुणिऊण सोगावूरियमाणसा चित्तिउमाढत्ता धरिणी-

दहिवाहणस्स धरिणी होऊणमिमस्स संपयं होहं । हे हियय ! किं न फुट्टेसि ? एरिसं वयणं सुणेऊण ॥२६४॥
एसा य मज्झ दुहिया, सुहिया होऊण सब्बकालं पि । संपइ कसेहिं हम्मइ हक्किज्जइ फरुस-वयणेहिं ॥२६५॥

सुकुमाल-सरीरा बाला य वसुमई न वेणेण गंतुं पारेइ । तओ सो पुरिसो निक्करुण-हियओ सवियेसं निट्ठुराणि पयपेइ, कंसण्हारेहिं य ताडेइ । तह वि सा वसुमई अद्ध-परिसंतां संतत्त-रवि-कर-निवर-संजोग-संजणिय-तण्ह-करालिय-देहा सणियं गच्छइ । खणेण विवडइ वारं-वारं मुच्छिज्जइ । 'हा ताय ! हा अब ! हयमिह मंद-भांडणी । एवं-विह करुणवयणाणि समुल्लवइ धारणीं दट्ठुण । दुक्खिया परं जं जं पेक्खइ तं तं पत्थेइ-ताय ! ताय ! माउल ! करेसु अणुकंपं । निवारेह एयं पुरिसं । निदय-पहारेहिं बालियं हणंतं । तेहिं अवहीरिया संती अणत्त-सरणा तमेव पुरिसं पत्थेइ । सो वि अभिनिविट्ठमाणसो पुणो पुणो ताडेइ । तओ धरिणीए चित्थियं-

सा विडंबन कवण जु न सहियं

तं कवणु दुक्खयणु किल जण्ण कण्णविवरेहिं पइट्ठुं । तं दुक्खु सहु कवणु, जण्ण अमिह पच्चवखु दिट्ठुं । कवणु सुजणु अब्भत्थियउ दीणु न भासिउ कामु । दहउ विलोट्ठउ दुक्खवइ काइं न काइं हयासु ।

एवंविह वियप्प-परंपरासमुप्पणमण्णुभर-भरियमाणसा विमुक्का जीएण धरिणी । तं दट्ठुण पण्णो सेवग-पुरिसो-“अहो ! मे अहणया उवरया एसा । एसा वि बालिया अचवंत-सोमालिया, जइ कयत्थिससामि ता न भवि-स्सइ ।” एवं चित्तिऊण समारोविया वाहणे, समासासिया कोमल-वयणेहिं, उवयरिया अणुकूलासण-पाणेहिं, संवाविया कमेण कोसंबोए ।

माइ-मरण-दुह-दुक्खियदुम्मणदुब्बलिय । हरिणि जेम निय-वग्गह भट्ठिय भर-भरिय ॥

दहिवाहण-कुल-मंडणि बहुजण-परियरिय । तिण-पूलउ सिरिदेविणु चउहट्ठइ धरिय ॥२६८॥

एयमि अवसरे बहुपुरिस-परिवारिओ नियपओयगवसेण तं पएसं समासओ धणावहसेट्ठी । दिट्ठो तेण बहुजण-भेलावओ । पुच्छिओ नियपुरिसो-“अरे ! किमेए नागरया सर्पिडिया दीसंति ?” साहिओ तेण सेट्ठिस्स सव्वो वि जहट्ठिओ वुत्ततो । कोउहलाऊरिज्जमाण-माणसो तं पएसं समासओ सेट्ठी । दिट्ठा य तत्थ अणलंकि-य-लायणा बहुलकखण-विराइय-सयल-सरीरावयवा वसुमई । चित्थियं च सेट्ठिणा-

एरिस रुव-वर-वणिय-लक्खण-सथ-कलियत्तणनरिदह-धूय अहव मंत्तिहि तणय ॥

अह सेट्ठिहि सत्थाहह कस्स वि वर-दुहिय । मह संबंधह कारणु होसइ संगहिय ॥२६९॥

वियणं काऊण पुच्छिया सेट्ठिणा-“पुत्ति ! का तुमं ? कम्मि कुले समुप्पणा ? कस्स वा दुहिया ?” तं सुणियविमुक्क-थोरंसुया निरुद्ध-सइ पण्णा वसुमई । सेट्ठिणा चित्थियं-“कह उत्तमज्जणो वसणावडिओ वि नियकुलाडयं कहेहि ? अलं मह पुच्छिण ?” भणिया वसुमई-“पुत्ति ! मा रुयसु । दुहिया मह तुमं । [आ]सासिया कोमल-वयणेहिं । दाऊण जहच्छियं दविण-जायं होदियस्स तीया मंदिरं वसुमई सेट्ठिणा । समाहया मूला । भणिया य-“पिए ! एसा तुह दुहिया । पयत्तेण पालणीया ।” तीए वि तहेव पडिवण्णा । विणय-समाराहियसेट्ठीपरियणा सुहंसुहेण कालं गमेइ वसुमई ।

रूविण रइ-समं सूहव कुम्मणयचलण । चंदण-सीयल-भासिणि पुण्णिम-ससि-वयण ॥

विणय-वसीकय-परियणसेट्ठिहि वल्लहिय । वसुमइ वसुमइ जेम अउण्णहं दुल्लहिय ॥२७०॥

सो को वि नत्थि भुवणे जो तीय न रंजिओ नियगुणेहिं । अमयं तं मण्णइ सेट्ठि तहं परियणो सव्वो ॥२७१॥

अण्णया महुर-वयण-विनय-सीलसभा[रा]हण-पमहुगुण-रंजिएण सेट्टिणा गुणनिष्फणं 'चंदणबाल' त्ति बीयं नामं पइट्ठियं । एवं सा तत्थ जहा नियमदिरे तथा सुहेण कालं भमेइ । तग्गुणावज्जियमाणसो नयरलो गो वि तं पसंसेइ । “अहो ! सीलं । अहो ! रूवं । अहो ! सुसीलत्तणं । अहो ! अमय-महुरं वयणं । किं बहुणा ! सव्वगुणमई एसा विहिणा विणिम्मिया ।” एवं सव्वत्थ-पत्त-पसंसा तरुणमज-हरिण-हरण-वागुरोवमं जोव्वणमारुहंतीए पत्तो सिम्हकालो चंदणबालाए ।

तओ जहा जोव्वणं समारुहइ पसंसिज्जइ य घर-नयर-लोएण, तथा समुप्पण-मच्छरा सयलाणत्थमूला मूला दूमिज्जइ । निय-चित्तेण चित्तेइ-“अहो ! एसा मह अशोयणा विमूइया, निम्बिबंधणा विसकंदलि व्व पवड्डमाण्णा सव्वानत्थनिबंधणा, किंपाग-फल-भक्खणं व विरसावसाणा, लहु-वाहि व्व उव्वेक्खिया दुक्खदायगा भविस्सइ । एवं कुवियण-सय-संकुलाए वच्चइ कालो मूलाए ।

अण्णया भज्जण-समए एसागी चेव सभवणमागओ सेट्ठी, नत्थि घरे को वि परियण-मज्जाओ । मूला वि धवलहरोवरि मत्तालंबगया चिट्ठइ । अइविणीययाए करवयं गहाय निग्गया चंदणबाला । दिन्नमभुक्खणं सज्जी-कयमासणं, चलणसोयणत्थमुवट्ठिया । निवारिया सेट्टिणा तह वि धोवंतीए पविलुलिओ दीहर-कसिण-कुडिल-सण्ह-सिणिद्ध-कुंतल-कलाओ मणागमप्पत्तो चेव भूमीए 'मापंके पडउ'त्ति लीला-लट्ठीए धरेऊण पुट्टिए आरोविओ सेट्टिणा बद्धो य सिणेहसारं । मूला वि उल्लोयण-गया तं पेच्छिऊण दूमिया चित्तेण । चित्तिउं पवत्ता-“अहो ! विनट्ठं । पळ्ढ-पणओ सेट्ठी दीसइ । पडिवण-दुहिया य एसा । न भज्जइ कज्ज-परिणामो । जइ कह वि घरिणी कीरइ, तोहं घर-सामिणी न हवामि एयमेत्थ पत्तयालं-तरुणो चेव वाही छिज्जइ । को नाम सयश्रो नहच्छेज्ज [...]करेज्जा ?” एवमणप्प-कुवियण्ण-संधुक्किय-कोवाणलाए सेट्टिम्मि निग्गए, प्हावियं सहाविय बोडाविया चंदणबाला मूलाए । भरिया नियलाण । पहया प्हिप्पहारेहि । निव्वच्छिया खर-फरुस-वयणेहि । सहाविऊण भणिओ नियपरियणो-“जो एयं सेट्टिस्स साहिस्सइ सो सयमेव मए निद्धाडेयव्वो” भिउंइ काऊण भेसिया । पवेसिया य एगम्मि उवररो । संजमियं दुवारं । दिण्णं तालयं । कया निय-करे कुंचिया । खणंतराओ समागओ सेट्ठी । पुच्छइ परियणं-“कहि चंदण-बाला ?” मूला-भय-भीओ न साहइ परियणो । सो जाणइ बाहि रयति वा उवरि वा चिट्ठइ । रत्ति पि समा[ग]ओ पुच्छइ । न को वि साहइ । नूणं सुत्ता भविस्सइ । सुत्तो सेट्ठी । बीय-दिवसे वि न दिट्ठा । पुट्ठो परियणो । न केण त्रि सिट्ठा । संकिओ मणागं चित्तेण । पुच्छिया मूला-“पिए ! चंदणबाला न दीसइ को एस वुत्ततो ?” उत्थंहु-किय-मुहीए सकवेवं जपियमिमीए-“किं नत्थि ते किपि कम्मंतरं जेण दांसंख्य-चित्तासमाउलो एवं विज्जसि ? सेट्टिणा भणियं-“पिए ! पियं पयंपसु । न एस सुंदरो समुल्लावो । का तम्मि मच्छरो ?” तीए भणियं-“जइ एव अहं मच्छरिणी जाणिया तो कीस मं पुच्छसि ?” सेट्टिणा भणियं-“सपयं मए वि याणियं जहा तुमं मूलं सयलाणत्थाण । अओ परं न पुच्छामि ।” वोलोणो बीओ वि वासरो । तइय दिवहे कुट्ठो पुच्छइ परियणं-“साहह, नो भे मारीहामि ।” तओ एसा थेरदासी चित्तेइ-“किं मम जीविएणं । एसा जीवउ वराई ।” साहिऊण तीए वुत्तंतं भणिओ सेट्टि-“एत्थोवररो चिट्ठइ ।” गओ तत्थ संभंतो । न पेच्छइ कुंचियं ।

तओ भग्गाणि कहकहवि कवाडाणि । तहाविहावत्थं दट्ठूण वालं बाहाविल-लोयणेण खलंतक्खरं जपियं सेट्टिणा-“पुत्ति, चंदण-सीयला ! तुमं कहं एरिसं दसंतरं पाविया ? अहवा नत्थि अविंसओ दुज्जण-जण-विलसियस्स ”

तओ असणं पमग्गिओ । तं पुणं अणागयमेव ओसरियं मूलाए । इओ तओ गवेसयतेण दिट्ठा सुप्पकोणे कुम्मासे ते तहेव तीए समप्पिऊण नियल-भंजण-निमित्तं गओ अप्पणा लोहार-घरं । सा वि एलुगं विक्खंभडत्ता वइट्ठा । तओ दट्ठूण उच्छंग-गय-सुप्पकोण-कय-कुम्मासे अहिणवालाणवद्ध-करि व्व विअं नियकुलं सरिऊण रोविउमारुद्धा-

किं महू जम्मु विणिम्मिउ उत्तमराय-हरि । अह निम्मिउ तो किं न धरिय थंभवि उयरि ॥
किं न अउण्णनिलक्खणगग्भि वि हउं गलिय । हय विहि परिभव-भायणु कि पइं निय-विय ॥

सुमरि वि नियकुलु निम्मलु भुयणु-पसिद्ध-जसु । निब्भरु दुक्खु वियंभिउ दुद्धरु हियइ तसु ॥
अहिणव वंघण जेम करेणु सरं वि वणु । रोयइ चंदणबाल न थक्कइ एक्क खणु ॥२७२॥

चित्तियं च णाए—“कहमहं तइयदिगाओ अकय-सुपत्त-संविभागा पारेमि । सोहणं हवइ जइ किं चि सुपत्तं समागच्छइ ।”

एत्थंतरि उवसग्ग-समूह-अभग्ग-मणु । सोमु सुरुउ सुदंसणु वरसिधुर-गमणु ॥
निज्जिय-सयल-परिसह-पहु रयणत्तय । समियहिं समिउ, तिगुत्तु पवित्तु जगत्तयनाह ॥
सम-तिण-मणि-मोत्ताहलु परसपसंतमणु । अपडिपुण्णपयण्णु भमंतु पवण्ण खणु ॥
गेहंगणि तसु कह वि समागउ बालियहिं । सिरिसिद्धत्थह नंदणु छुहाकरालियहिं ॥
अंगणि वीरु, निएविणु, हरिसुल्लसिय-तणु । परमाणंद पर व्व सुदाणह देविमणु ॥
छम्मासहं कुम्मासिहिं रायदुहियइ । आमंतिओ परमे[स]रु पुलओ व्हंतियइ ॥२७३॥

तओ भगवया दिण्णो उवओगो जाव पडिपुण्णो चउव्विहो वि अभिग्गहो ताहे पाणी-पसारिओ । दिण्णा तीए सुप्पकोणेण कुम्मासा । पारिओ । एत्थं चलियासणा समागया सुरगणा । पाउब्भूयाणि पंचदिव्वाणि । तं जहा-निदिडिया नहयलाओ हिरण-बुट्ठी । बुट्ठं गंधोदयं । पडिसइभरिय-भुवणोदरं वि सुरगणेहिं [पुट्ठु] तुट्ठा समणा । तुट्ठाओ समणीओ । तुट्ठा सावयाओ तुट्ठा देवा-देवीओ किं-बहुणा तेलोक्कं पि तुट्ठं । पडिपुण्ण-पइण्णे, सयल-जग्ग-जीव-निक्कारण-बंधवे दुट्ठु-कम्म-कंद-उक्कंदणे, पाराविए निसलानंदणे चंदणबाला वि तित्थयर-दाण-धम्मोवज्जिय-पुण्णपञ्चारेण इह लोमे वि एरिसा जाया ।

तक्खणि कसिण-सिणिद्ध-कुडिलकेसेहिं कलिय । मणिमय(र)ण-रुण-नेउरसहिण-संवलिय ॥
दिव्वाहरणविभूसिय वररुविण-कलिय । ललिय-सोहम्मागय-सक्किण अप्पाणि निम्मविय ॥२७४॥

तहा वित्थरिया सयले वि तिहुयणे कुदिदु-निम्मला-कित्ती । अहो ! धण्णा । अहो ! कयत्था । अहो ! कय-लक्खणा चंदणबाला । सुलद्धं जम्म-जीविय-फलं चंदणबालाए । तेलोक्क-लग्गणक्खंभ-विब्भमो परमप्पा पाराविओ वीरजिणेसरो । राया वि सोऊण भगवओ पारणयं परमाणंद-भरनिब्भरो सयलतेउर-परियण-स[म]न्निओ भगवओ वंदणत्थं तत्थेव समागओ ।

एत्थंतरे रत्तो समासण्ण-वत्तिणा संपुण्णाभिहाणेण दहिवाहण-कंचुइजणे नयरी संभमे बंधिता तत्थाणीएण दिट्ठा चंदणबाला पच्चभिण्णया य ।

तओ से पाएसु पडिऊण परण्णो । राइणा पुच्छिओ—“भो का एसा ?” तेण भणियं—“महासाय ! दहिवाहणस्सरण्णो धूया धारिणीए देवीए अंगसमुब्भवा वसुमई नाम कण्णया ।” ताहे बाह-जल-भरिय-लोयणाए करे घेतूण निय-उच्छगे निवेसिया मिगावईए । रण्णा भणियं—“देवि ! कि कारणो एस ते सिणेहो ?” तीए भणियं—अज्जउत्त ! मह भगिणीए धूया एसा ।” तओ सपरिहासं जंपियं पुहइपालेण—“अहो ! मिलियं तुम्हाणं कुडुवमं अम्हे चव एत्थ बाहिरा ?” देवीए भणियं—“देवि ! अलं परिहासेण कालोचियं करेह ।”

तओ मत्तिणा सह मत्तिऊण राइणा सदाविओ दंडवासिओ । समाइट्ठो य “अरे ! लहु गंतूण कोसंबी-नयरीं तिय-चउक्क-चच्चर-चउम्मुह-महापहपहेसु वरगंधो[दि]वासार-संसित्त-धरणीयलं, उब्भियधय-पडायं, निबद्ध-वंदणमालं, नयर-दुवारोभय-पास-मुक्क-चंदण-चच्चिय-जल-पडिपुण्ण-कलसं कारवेहिं नायरयाणं च एयमाणत्तियं पच्चप्पिणेहिं-जहा “भो पउरजणा ! तित्थयर-पारणय-पमुइय-माणसो राया समाइसइ पयट्ठावेह महामहुसवं !” तेहिं वि ‘तहत्ति’ पडिबसं । पारदाणि महया विच्छड्डेण घरे-वरे वद्धावणयाणि, गज्जंति जिणगुण-गहण-गन्धिपाणि कलकंठ-कंठीहिं नारीहिं, पवर-

मंगलाणि आणंद-भर-निबभराहि नच्चिज्जइ अविहवविलयाहि, सजलजलहरगुहिर-पहय-महलाइ वज्जति वारं वद्धावण-यत्तराई । पवरवत्थाहरण-पुष्क-तंबोल-विलेवणालकिओ तओ हिडइ हलबोलो नयरलोओ । कि-वहुणा-

खज्जइ विलसियइ, दिज्जइ दीणानाहदाणु । तं पुरु वीरह पारणइ, जायं सग्ग-समाणु ॥२७५॥

नहंगणे वि सक्कसमाएसेण य माइया तुंबरु-पमुहा पहाणगायणा । पणच्चियाओ रंभतिलोत्तिमपमुहाओ वरच्छराओ-

देवासुर तहि सम्मिलिय, विम्हिउ भुवणु असेसु । पाराविउ जहि वीरजिणु, सो सुकयत्थपएसु ॥२७६॥

सामी वि खणमेगमत्थिऊण निग्गओ तओ ठाणाओ गओ सट्ठारणं । रायावि वसुहारं गिहंतो सक्केण वारिओ । भणिओ य जस्स चंदणवाला देइ तस्सेसा हवइ । पुच्छिया भणइ मह पिउणो धणावहस्स होउ । गहिया संट्टिणा । भणिओ सयाणिओ सक्केण-“एसा चरम-सरीरा महापयत्तेण संगोवेयव्वा जाव सामिणो केवलनाणं समुप्पज्जइ पच्छा पढमसिस्सिणी भविस्सइ । रण्णा वि पडिवज्जिऊण सक्कसासणं कण्णतेउरे छूढा । सुहंसुहेण वट्टइ । सा वि मूला सेट्टिणा अंबाडिया, नयरलोएण हीलिया, असारो जाया । चंदणवाला वि समुप्पण-केवलनाणस्स सामिणो समीवे पव्वइया पढमसिस्सिणी जाया, पवत्तिणिपयं च पाविया । परिपालियनिक्कलकं सामणं विहरिऊण महीमंडलं काऊण बहुजगोवयारं निदड्ढ-वणघाडिक्कमिधणा । समुप्पण-केवलवर-ना [ण]-दंसणा सिद्धिवसहिमुवगया ।

कुम्मासा कि दाणं कत्थ जिणो तिहुयणाहियं पत्तं । तत्थ वि चंदणवाला उभयभवाराहिणा जाया ॥२७७॥

पत्ति सुपत्ति-पयत्तसमु, सुड्डं भत्तिपहाणु । साहइ सयल समीहि[य]इ, अवसरि दिण्णउं दाणु ॥२७८॥

ओसहदाने सिरिदत्तकहा

संपयं ओसहदाण-फलं भण्णइ-

अत्थि इहेव जंबुद्दीवे दीवे सयल-मही-मंडल-मंडणो मणोरमाराम-रमणिज्जनयरपरिसरो, नगर-परिसर-दिसंताणेग-वावी-कूव-संसी-सयसमाउलो, सयल-विसयपहाणो वच्छा नाम जणवओ । तम्मि य सयल-पुरवर-पुरस्सरं चिरकाल-पइट्टियं सुपइट्टं नाम नयरं । तत्थ दपुद्धुरारि-विसर-दुज्जय-दुग्घोट्ट-थट्ट-कुंभत्थलुदलणेक्ककेसरी अरिमइणो नाम राया । तस्स य अच्चंतसम्मओ सया सन्निहिओ सिरिदत्तो नाम सेवगो । सो पुण सहावओ चेव भद्ग-भाव-परिणओ कालं गमेइ ।

अण्णया समागओ [त]स्स घरंगणे गोयरचरिय-[भ]मंतो नाण-दंसण-चरण--गुण-रयणायरो, मास-खवणपारणगे गुणधरो नाम मुणिवरो । तं दट्ठूण चित्थियं सिरिदत्तेण-“अहो ! अयं महातवस्सी निप्पडिक्कम्म-सरीरो पसंत-मुत्ती संसार-सागर-तरण-तरंडोवमो परमं दक्खिणाट्ठाणं परं बाहिगहिओ वि य लक्खीयइ” निरुवियो तेण समासणी होऊण तह वि न नाओ वाही ।

तओ सविनयं वंदिऊण पुच्छिओ-“भयवं ! को एस वाही ? कि-निबंधणो वा ?” मुणी वि अदिण्ण-पडिवयणो भिक्खं गहाय निग्गओ तस्स घराओ । सिरिदत्तो वि कय-निच्छओ तयणुमग्गेण ताव हिडिओ जाव सो साहू कय-कज्जो गओ नंदण-कुंभकार-सालाए । पुच्छिओ सिरिदत्तेण नंदणो-“किमेस भगवं एत्थ निवसइ ?” तेण भणिय-“आमं” गओ सभिहं । ठिओ तग्गय-माणसो रयणाए । पभाए पुणो वि समागओ साहू-सगासं । वंदिओ भयवं । कया पज्जु-वासणा । एवं पइदिणं चंदण-पज्जुवासणं कुणतेण समाराहियं मुणि-माणसं तेण ।

अण्णया समुप्पणासंघएण भणिवरो “भयवं ! काऊण अणुग्गहं कहेहि को एस वाही ? कि-निबंधणो वा ?” साहूणा भणिय-“सावय ! सुण, जइ ते निबंधो-”

मग्हा जणवए जयपुरे नगरे पियंकर-सुहंकराभिहाणा अग्हे दोण्णि भायरा निवसामो । अण्णया कालेण कवलिया मे भारिया । न परिणीया मए अण्णा दारिया । अण्णम्मि दिणे पियंकर-घरिणी मह महिला-भावं दंसेउमारद्धा । भणिओ य अहं तीए-

दिट्ठे तुमम्मि मज्झ हिययनिव्वुइ तं कलावगो गुणवं । एसो पुण मज्झ पिओ सिग-विहूणो वइल्लो त्ति
॥ २७९ ॥

ता रमण रमसु अणुरत्तपिययसं कुणसु पत्थणं सहलं । अणुरत्ते वि विरत्ता जे ते पुरिसाहमा नूणं ॥ २८० ॥

एवं भणंतीं वि पडिसिद्धा मए तह वि न ठाइ ।

अण्णम्मि दिणे फुडक्खरं भणिया मए-“निल्लज्ज ! किमहं निय-भाउणो वि न लज्जसि ? जेणवं पयंपसि ?” तीए चित्ति-“न एयम्मि धरमाणो एसो मं इच्छइ ?” वावाएमि एयं केण वि उवाएण । अंतरं ल्हिऊण दिण्णं भोयणे विस[म]स्स पेच्छंताण चेव अग्हाण उवरओ पियंकरो । कयाणि मय-किच्चाणि । गहिओ हं मह(सो)गेण । कइवयदिणेहि विगयसोमो पारद्धो घरकिच्चाणि चित्तिउं । अण्णम्मि दिणे रयणीए सविधारमुवसप्पिऊण भणिय-मणाए-“इच्छसु संपइ गयं ते लज्जा कारणं,” एयं सुणियसंजायासंकेण भणिया सा मए-“हा पावे ! किम-कज्जमेयं ?” तए चेव ? सिधंतउसासिणियं(?) पहसिया । समुप्पण्ण-निच्छएण य भणिया मए-“अवसर मे दिट्ठिगोयराओ ! न पुणो वि अण्णा मह दंसियव्वो ।”

तओ सा विवण्ण-वयणा सविसेसं मइ पओसमावण्णा, निज्जाया तट्टाणाओ । अहं पि निव्विण्णकामभोगो, सुणियसंसार-सख्वो पडग्ग-लग्ग-तणं व विहूणि[य]गिहवाससुहं सुट्ठियायरियसमीवे पव्वइओ । पढमदिणे चेव गुरु समक्खं ‘जावज्जीवं अट्टमाओ पारेयव्वं’ ति, गहिओ मए अभिरग्गहो पालिओ चिरकालं ।

अण्णया विहरंती गओ सुरट्टाए । ठिओ एगम्मि गामे अट्टमपारणगे गोयरचरियाए पविट्ठेण लद्धो एगम्मि पामरघरे कंगकूरो तेल्लं माहिंस-गोरसं च । तं घेतूण पडिनियत्ती । कयं पारणगं । तओ चेव दिवसाओ जाओ पित्त-जरौ । पाउव्वभूया दारुणा दाहवेयणा । सया सन्निहियाः पिवासा ! सया खेत्ती हूया सयल-सरीरय[म्मि] कंडू, ण कडुय भावं मुयइ मुहं, न चयइ ककखामूलं सूलं ।” सिरिदत्तेण भणियं-“भयवं ! दारुणो एस वाही । करेउ भयवं ममा-णुग्गहं । अणुजाणेउ मं जेणाहं महापवत्तेहि ओसहेहि चिगिच्छं कारेमि ।” ठिओ मोणेण मुणिवरो । अप्पडिसिद्ध-मणुमयं ति गओ वेज्जवरं । पूइओ पुप्फ-तंबोलाईहि वेज्जो । पुच्छिओ समागमणकारणं वेज्जेण । सिरिदत्तेण भणियं-“अत्थेत्य बहु वाहि-पीडिओ गुणंधरो नाम मुणिवरो । तस्स चिगिच्छा कीरउ ।” पडिवण्णं वेज्जेण । गया दो वि जणा साहु-समीवं । निरुवियं सरीरयं वाहि-निबंधणं सिरिदत्तेण वेज्जस्स । तओ वंदिऊण मुणिवरं, पयट्टा निय-घराभिमुहं । भणिओ वेज्जेण सिरिदत्तो-“सज्जो एस वाही, परमेत्थ महग्घोसहेहि पओयणं । धम्मपओयणमिणं ता सुविनिच्छियं काऊण भणाहि । अब्भुवगयं सिरिदत्तेण । संपाडियाणि वेज्जोवइट्टाणि ओसहाणि । जाओ महंतो अत्थव्वओ । कथा साहुसरीरे सत्त-सत्तगाणि(?) चिगिच्छा । पउणीभूओ मुणिवरो । वंदिऊण खामिओ सिरिदत्तेण । विहरिओ अण्णत्थ मुणा । सुपत्तविनिओगेण हरिसिओ सिरिदत्तो । पवइढमाणसुहपरिणामस्स बोलीणो कोइ कालो । बद्धं भोगसारं मणुयाऊयं । आउक्खएण मओ समाणो समुप्पण्णो रयणपुरे एककवीसमुवण्णकोडीसरस्स अदिट्ठपुत्तभंड-मुहकमलस्स सुमंगलसेट्ठिणो सुभहाए भारियाए कुच्छिसि बहूहि उवाइयसएहि पुत्तत्ताए । दिट्ठं च णाए तीए चेव रयणीए महल्लहल्लंत-उमसंड-मंडियं महासरं सुमिणयम्मि वयणेण उयरं पविसमाणं । तओ ससंभमा विबुद्धा एसा । तक्खणा चेव गंतूण साहिओ [सुमिणओ], सुमंगलसेट्ठिणो । तेण वि परिओसविद्य-वयण-नयणेण भणिया सा “पिए ! सुहो एस सुमिणओ । ता भविद्यव्वं ते निय-कुलनहयल-निसायर-सरिच्छेण पुत्तेण । तं सुणियसंतुट्टमाणसाए जंपियं सुभहाए-“अज्जउत्त ! एवं भवउ । बद्धो मे सउण-गंठी ।” विसज्जिया सेट्ठिणा । गया सट्टाणं ।

तओ देव-गुरु-पाय-पूयणयाए अणुकूलासण-पाण-सयण-जाण-वाहण-परिभोग-लालियाए सुहंसुहेण गम्भमुब्बहमाणोए समइक्कंता तिण्णि मासा सुभद्दाए । एत्थंतरे समुप्पण्णो गम्भाणुभावेण डोहलो—“जहा पुरेमि दीणाणाह-मणोरहे, समुद्धरेमि सडिय-पडियाणि-चिराणि-पोराणाणि देवयाययणाणि ।” साहिओ तीए सेट्ठिस्स । तेण भणियं—“पिए ! साहीणं ते दविय जायं । करेसु नियसमीहिय-पूरणं । एयं भणिय समुट्ठिओ सेट्ठी । पविट्ठी मंदिरंतरे ।

एत्थंतरे सहसा चेव पकंपिया भवणब्भंतरे वसुंधरा, दिण्णं विवरं, उट्टिया नहयले अमाणुसी वाया—“गम्भाणु-भावेण देवयाए दिण्णं निस्सकं इमं महानिहाणं” ति विभिओ सेट्ठी । निरुवियं धरणि-विवरं । दिट्ठं तत्थ महानिहाणं । परितुट्ठो चित्तेण, “अहो ! महानुभावो एस गम्भो । कहमण्णा उयरट्टियस्स वि देवयाओ पक्खवायं करिति । सच्चवियं निहाणं । दिट्ठं कवल्लिकंठे पत्तयं । वाइयं सेट्ठिणा—दससुवण्ण-कोडीओ एत्थ चिट्ठंति । परमाणंद-भरनिब्भरेण सद्दाविया सेट्ठिणी । कहिओ सब्बोवि निहाण-लाभ-वडधरो । भणिया य—“पिए ! संति एत्थ दससुवण्णकोडीओ, संपाडेसु नियसमीहियं ।

तओ संपुण्णडोहला सुहं सुहेण गम्भं वहमाणी कालं गमेइ । अण्णया अणुकूलवासरे पसत्थ-करण-मुहुत्ते सुहल-क्खण-लक्खियं सुभद्दा दारयं पसूया । वद्धाविओ सेट्ठी सुमंगलाभिहाणाए दासचेडीए पुत्तजम्मेण । दाऊण पारिओसियं विसज्जिया सुमंगला । कारावियं महया विच्छुहेण वद्धावणयं । सम्माणिओ वत्थाइणा मुहि-सयणवग्गो । परमपयत्तेण परिपालिज्जंतस्स बोलीणो मासो दारगस्स । पइट्ठावियं पियामह-सतियं नामं सिरिधम्मो त्ति,

जाओ अट्टवारिसिओ । सोहणविणे लेहायरियस्स समप्पिओ । परिमियवासरेहि चेव जाओ नीसेसकला-कुसलो । विवाहिओ तत्थेव वत्थव्वगस्स सागरसत्थवाहस्स दुहियरं गुणसिरि नाम कण्णयं । तप्पुण्णाणुभावेण संपज्जंति सयलपओयणाणि सेट्ठिणा । अणुकूलो राया, गुणग्गाही नागरजणो बहुबहु मण्णइ भणियं तं [बं]धूयणी एवं वच्चइ कालो ।

इओ य तम्मि चेव नयरे सोमदेवो नाम कुलपुत्तओ परिवसइ । परिणीया तेण तत्थेव निवासिणो सागरा-भिहाणकुलपुत्तयस्स धणसिरी नाम धूया । तीए सह विसय-सुहमणुहवंतस्स सरइ संसारो । सा पुण उच्छुपुष्कं व निष्फला । अण्णया पणय-पुब्बं पुच्छिया सोमदेवेण—“पिए ! जइ ते सम्मयं तो संताणनिमित्तं अण्णं परिणेमि । अणुण्णाओ तीए । मम्मिया तेण धणदेवदुहिया धणवई नाम, दिण्णा तेण, परिणया य पुण्णाणुभावेण इट्ठा बीया, अणिट्ठा पढमा । जाओ धणवईए दारओ । सविसेसं सम्मया जाया । काराविज्जइ सब्बं पि कम्मं धणसिरिसामिणि व्व ववहरइ धणवई ।

अण्णया समागए वसंतमासे समं धणवईए उज्जाणं गओ सोमदेवो ॥ कय घरकम्मा समं पाडिवेसिणीए सरोवरे गया धणसिरी । तओ पडिनियत्ताए सहयार-छाया-निविट्ठो सहत्थेण धणवई मज्जं पायंतो दिट्ठो सोमदेवो । तेण वि धणसिरी । तओ तेण तच्चित्त-रक्खणत्थं दिण्णं मुहुत्तरे मज्ज-कोसयं । तं दइट्ठूण भणिया धणसिरी सोवहासं सइज्जियाए—“अहो ते गणणा ? अहो तुमं पिया पियस्स । कहमण्णा तुह भएण एवं निलुक्कइ ?” धणसिरीए भणियं— कालंतरियसिणेहो को सो लज्जं पि जं पिओ कुणइ । तेण सलक्खा कोडी मए विढत्ता किमण्णेण ? । २८१ ।

तीए भणियं—“पियसहि ! पुब्बं तुमं पि एवंविहा आसि । संपयं न कहि पि गणिज्जसि, किमेत्थ कारणं ? धणसिरीए भणियं—“एत्थ वि सुणेउ पियसही”-

संपुण्णं वज्जियपुण्णिमाए चंदं जणो वि बीयाए । पियसहि नमइ नव[ल्लाए] रुसिज्जइ कह णु कंतस्स । २८२ ।

अलमिमिणा वियारेण एहि, सघरं वच्चम्ह गयाओ । सोमदेवस्स वि धणसिरीए सह वसंतसवमणुहवंतस्स वच्चंति वासराणि । अण्णया समुप्पण्णसविसेसमच्छराए विचितियं धणवइए—“सोहणं हवइ जइ एसा घराओ वि जइ निद्धाडिज्जइ । चित्तेमि किंचि उवायं ।” एत्थंतरे दिट्ठा [भिक्खानिमित्तं घरगण-समागया वच्छा नाम परिव्वाइया । वंदिया धणवईए । दिण्णं महल्लमासणं, सोइयं चल[ण]जुयलं, कओ पुष्क-तंबोलाइणा उवयारो, विनयाऽऽवज्जिय-हियया

भणिया धणवई वच्छाए—“वच्छे ! अम्हारिसज्जण-सज्जं जइ अत्थि भे किपि पओयणं ता कहेह !” धणवईए भणियं—“भयवइ ! अत्थि तं पुण तुम्हारिसज्जण-वयण-सज्जं ?” वच्छाए भणियं—“केरिसं ?” तीए भणियं—“अत्थि मह अगेज्जनामधेया धणसिरि नाम सवत्ती सा ‘कम्मणकारिय’ त्ति, एत्थ तए भासा दायव्वा !” तीए भणियं—वच्छे ! अणुचियमिणं वयविसेसमारुढाणं तह वि तुह विनयवसीकय-माणसा पउणाहं तुह समीहिय-साहणे !” धणवईए भणियं—“को अण्णो तवस्सिज्जणं वज्जिय पणय-वच्छलो । संपयं सट्ठाणं समलंकरेउ भयवई । समाहूयाए सिग्घमागतव्वं ।” गया वच्छा सघरं । भणियो रयणीए सोमदेवो धणवईए—“अज्जउत्त ! विसज्जेहि मं पियाहरं !” तेणं भणियं—“किं निमित्तं ?” तीए भणियं—“अलं परदोससंकित्तणेण ?” सोमदेवेण भणियं—“अम्ह वि अकहणिज्जं ?” तीए भणियं—“नत्थि तुह अकहणिज्जं परं परिसमेयं नत्तूणं दुज्जणो जणो मए कहिए मच्छरमन्निससइ ” तेण भणियं—“किं तुह जणेण ? कहेसु जहच्छियं ।” तीए भणियं—“एसा तुह पढम-वरिणी कम्मणगारि । जइ कहवि कम्मणं विहडेज्जा तो अम्हाण वि कलंको !” सोमदेवेण भणियं—“पिए ! महल्लमेयं पओयणं सुविनिच्छियं काऊण वत्तव्वं ।” तीए भणियं—“जइ मह त पत्तिपसि तो वच्छ-परिव्वाइयं पुच्छसु ?” तेण भणियं—“सोहणमिणं । सट्ठाविया वच्छा । तक्खणमेव समागया । ठिया समीवे धणवईए । सविणयं पणमिऊण पुच्छिया सोमदेवेण—“भयवइ ! धणसिरिए कम्मणं कयं जाणसि तुमं ?” तीए भणियं—“आमं धणसिरिए भणियं—“भयवइ ! विरुद्धमेयं, वयविसेसस्स अलियभासणेण मा परलोणं पीडेहि !” तओ उब्भड-भिउडि-भासुर-वयणाए जपियं वच्छाए—“हला ! पावे, सच्चकहणे वि परलोणपीडा ?” सोमदेवेण भणियं—“भयवइ ! अलं पावजण-वयण-सवण-खेएण ? गच्छउ सट्ठाणं भयवई ।” गया वच्छा । सोमदेवेण दढयरं कयत्थिया धणसिरो । “आ पावे ! कुकम्मकारिणि ! असुद्ध-व्वहारिणी ! पच्चक्ख-रक्खसि ! न पुणो वि मह मंदिरे पविसियव्वं ” ति भणिऊण निद्धाडिया निय-धराओ । गया उज्जाणमेणं, निसण्णा सहयार-छायाए । स-दुक्खं चित्तिउं पवत्ता—“अहो ! पडियपण्हि-दायगो एगंत-निग्घिणो एस विही । एगं ताव परिभव-भायणं कया । बीयं पुण असंत-दोसेण दूसिया ? अणज्जकज्जकारी एस मे भत्तारो । अमुणिय तत्थ परमत्थेण जेणेवं कयत्थिया । इमे वि नागरगा कूडाइक्खगा चेव न उण कार्तिगा । अओ जइ अत्थि किपि सइत्तण-फलं धम्मो वा को वि मए समायरीओ ता इमाए सवत्तीए इधस्स भत्तुणो एएसि नागरयाणं दुट्ठपरिव्वाइयाए य विप्पिय-कारिगा ह्वेज्जामिं त्ति, काऊण नियाणं समारुढा सहयार-साहाए । दाऊण उत्तरिज्जेण सिरोहराए पासयं विमुक्को अप्पा । मरिऊण जाया वाणमंतरो । सुमरिय-पुव्वभव-वुत्तंता पढममेव मारिया महाकयत्थणाए सवत्ती । तओ भत्ता, पच्छा वच्छा । तयणंतरं पयट्ठाविया सव्वम्मि नयरे मारी । नत्थि तं घरं जत्थ न मरइ पइदिणं माणुसं । मोत्तूण सुमंगलसेट्ठिणो मंदिरं ।

एवं असिवे वट्टमाणे भणियो रण्णा मंती—“असिवोपसम-निमित्तं कीरउ कोइ उवाओ ?” मंतिणा भणियं—“देव ! सयल-नायरसहिएहि कुविय-वाणमंतर-पसायणत्थं पक्खिप्पउ नयर-परिपेरंतेसु बली । मुच्चंतु गयणाभिमुहं पुप्फंजलीओ । इज्जंतु कालागरु-कप्पूर-पूर-परिमल-भरियनहंगणाभोगा धूया । कीरउ कयकरयंजलीहि खामणा ।” तहेव कयं । एत्थंतरं उट्टिया गयणंणे वाया—“रे अणज्जकज्जकारिणी नागरवरारो ! भत्तुणा कयत्थिज्जमाणी तुम्भेहि उवेक्खिया हं, अओ नत्थि ते[भे] जोवियं ।” राइणा भणियं—“भयवइ ! दिट्ठो कोवो । संपयं पसायं करेसु ।” तीए भणियं—“जइ एवं तो कारवेह गुससिहर-निरुद्ध-रवि-रह-मगं, महल्ल-हल्लंत-धवल-धयवड-मालोवसोहियं महंतं देवउलं । ठावेह तयभंतरे सवत्तिसिरोहरा-दिण्ण-वामपायाए धणसिरिए पडिमं । पूएह तिकालं परमभत्तीए । एवं कए अत्थि भे मोक्खो, नन्नहा ।” तहेव कयं । उवसंता मारी ।

एत्थंतरं पणमिऊण सूरिपय-पंकयं । पुच्छियं कविजलेण—“भयवं ! केण कारणेण सुमंगलसेट्ठिमंदिरे मारी न जाया ?” सूरिणा भणियं—“सिरिधम्मपुत्ताणुभावेण न एयस्स मंदिरे दुट्ठ-गह-नक्खत्त-भूय-पिसाय-मारोउ पभवतिं । अप्पणा पुण सिरिधम्मो साहु-ओसहदाण-प्यभावेण आज्जमं नीरोगो भविस्सइ । पज्जते य सामण्णमणुपालिऊण देवलोगं ममिस्सइ । तत्तो वि सुमाणुस्सं । एवं सुहपरंपराए सत्तज्जमो सिज्जिस्सइ ।

जओ-

दाउं ओसह-दाणं गोभालय-तेअ-तविय-देहस्स । वीरवरस्स भगवओ, तिहुयणसुपइद्विय-जसस्स ॥२८३॥
 रेवाइए वद्धं परमाणंदभरपुजइयंगीए । तित्थयर-नाम-गोत्तं तिहुयण-संसेवियमणगं ॥२८४॥
 ओसह-दाणेण फुडं समए सुव्वंति पाणिणो णेगा । कुंचियमाई पत्ता कल्लाणं उभयलोगम्मि ॥२८५॥
 सइ सामत्थे नियमा हरिस वसुल्लसिय-बहल-रोमंचो, धण्णो देइ दवावइ ओसहदाणं जइजणस्स ॥२८६॥

वत्थ-पत्तवान रुत्ते देवदत्तसेट्ठकहा

संपयं वत्थ-पाय-दाणफलं भण्णइ-

अत्थि इहेव जंबुद्वीवे दक्खिणावहे धण-धण्ण-हिरण्ण-मुवण्ण-गो-महिंसिसमाउलो, पमुइयपामरणो, सरय-निसा-
 समारद्ध-समताल-रासय-सद्-समाउलो, परिपिक-सालिखेत्त-निवयंत-कीर-नियर-कय-कोलाहलो, सालिग्गामो नाम गामो ।

तम्मिय देवदिण्णो नाम भेहरो परिवसइ । सो पुण लोयववहार-पथायणो पयइ-भइयाए कालं गमेइ । अण्णया
 परिवट्टणकाले पयट्टो उत्तरावहाओ धम्मसत्थवाह-सत्थो दक्खिणावहं तेण समं सपरिवारो चलिओ पियंकरायरिओ ।

अण्णया अडविमज्जे समागच्छंताण निवडिया सबरा । विलुत्तो तेहि सत्थो । दिसि पलाणा सत्थलोया ।
 आयरिया वि विलुत्तसारोवमरणकइवयसत्थलोयसहिया संपत्ता सालिग्गामं । ठिया बाहिरियाए । वत्थाइनिमित्तं
 पेसिओ साहसघाडओ गाममज्जे । क्रमेण पडियडंतो पविट्ठो देवदिण्णमयहरमंदिरे । अब्भुट्टिओ य तेण पुच्छिओ
 समागमणकारणं । साहियं साह्हि । भइग-भावमुवागएण भणियं-देवदिण्णेण-“केरिसाणि भे वत्थपायाणि कप्पति ?”
 वत्थपाएसणा-कहणपुरस्सरं कहियं साह्हि सप्पमाणं तैसि सरुवं लक्खणं च । मयहरेण भणियं-“केरिसं वत्थ-पायलक्खणं
 आगमे भणियं ?” साहुणा भणियं-सुणसु,

नवभागकए वत्थे, चउसु वि कोणेषु होइ वत्थस्स । लाभो विनासमन्ने अंते मज्जे य जाणाहि ॥२८७॥
 अंजण-खंजण-कट्टमलित्ते, मूसगभक्खियअग्गिवादिडडे । तुन्निय-कुट्टियपज्जवलीडे होइ विवागसुहो असुहो वा ।
 चउरो य दिव्विया भागा, दुवे भागा य माणुसा । आसुरा य दुवे भागा, मज्जे वत्थस्स रक्खसो ॥२८९॥
 दिव्वेसु उत्तमो लाभो, माणुसेसु य मज्जिमो । आसुरेसु य गेलन्नं, मज्जे मरणमाइसे ॥२९०॥
 अंतो बहिं च दडडे पुप्फभण्णं च कीड-खइयं च । पउमुप्पलं च पायं, परिहरियव्वं पयत्तेण ॥२९१॥
 हुंडं सबलं सब्बणदुप्पयवाथाइद्धं वण्णरहियं वा । खीलग-संठाणं चिय हुंडाइअलक्खणा सत्त ॥२९२॥
 अह भणसि लक्खणेणं किं भे ! आरंभपरिनिवत्ताणं ? लक्खणमिच्छंति गिहि इच्छंता कोसपरिवुड्ढी ॥२९३॥
 साहुणा भणियं-

लक्खणहीणो उवही उवहणइ नाण-दंसण-चरित्ते । तम्हा लक्खणजुत्तो, गच्छे दमएण दिट्ठंती ॥२९४॥
 थाइणि वलवा वरिसं, दमओ पालेइ तस्स भाएणं । चेडीघडणनिकायणउविट्टुमचम्मभेसणया ॥२९५॥
 एमाई दिट्ठंता लक्खणजुत्तोवहिम्मि पणत्ता । समए सावय ! बहुगुणपसाह्या धीरपुरिसेहि ॥२९६॥

तेण लक्खणं निहविज्जइ ।

मयहरेण भणियं-“को एयाण दाणविही ?” साह्हि भणियं-“आयरियाण घरचेइयाणि दंसिज्जंति । पच्छा
 वत्थाईहि पडिलाभिज्जंति । विहरंताण वा साहुण पणामिज्जंति ।” मयहरेण भणियं-“कहिं आयरिया चिट्ठंति ?”
 साह्हि भणियं-“गामबाहि ।” तेण भणियं-“एहु ताव गुरूं पेच्छामो । गया दिट्ठो य तत्थ सोमो व्व सोमगह-
 परिवारिओ, उवसम-रसो व्व कय-सरीर-संगहो, बहुसमण-मज्जगओ पियंकरायरिओ । वंदिओ मयहरेण । कयां गुरुणा
 धम्म-वेसणा । पडिबुद्धो मयहरो । पडिवण्णं सम्मत्तं । पविट्ठा गाममज्जे । दंसिया वसही । पडिलाभिया जहागमं
 वत्थ-पाएहि । वंदिरुण समुद्विया सूरिणो वत्थाईहि उवग्गहिया । जाया संजम-परिपालणपच्छला साहुणो ।

कइवयदिणावसाणे विहरिया अण्णत्थ सूरिणो । इओ य तम्मि चेव सालिग्गामे सुगुत्तो नाम कुलउत्तओ परिवसइ । तस्स भज्जा आलुया पुत्तो य से सालुओ । कलावियक्खणो मायावी य । एवं वच्चइ कालो । अण्णया समागया तत्थ अइसय-नाग्गिणो नेहरहाभिहाणा सूरिणो । समोत्तरिया गाम-वाहिरुज्जाणे । निग्गया वंदणवडियाए लोया, सालुओ य । पारद्धा भगवया धम्मदेसणा । तं तथा—

कारणं सव्वकज्जाणं, आसा-पास-निबंधणं । जल-बुब्बुय-संकासं, दिट्ठ-नट्ठं हि जीवियं ॥२९७॥
चिलीणमसुइ-संपुण्णं, कम्मयं भिण्णमत्तणो । गम्मं रोग-पिसायाणं, सरीरं खण-भंगुरं ॥२९८॥
जोव्वणं च मणुस्साणं, संझारत्तन्न-विबभमं । करिकण्ण-चला लच्छी, बंधवो बंधणं दढं ॥२९९॥
पढमं मणोरमा कामा, पज्जते दुक्खदाइणो । पलियच्छलेण दुव्वारा ढुक्कए जररक्खसी ॥३००॥
अणाइ-निह्णो थोरो, दुत्तरो य भवोदही । राहावेहोवमं लोए, दुल्लहं माणुसत्तणं ॥३०१॥
जओ—

पुढवि-जल-जलण-मारुय-पत्तेय-अणंत-तरुवरेसुं च । सुइरं भमिउं जीवा, कह-कह वि लहंति तस-भावं ॥३०२॥
तत्थ वि य माणुसत्तं, सुह-खेत्तं तह य जाइ-कुल-सरुवं । तत्थारोगं तत्थ वि चीर-जीवित्तं च अइ दुलहं ॥३०३॥
तत्थ वि बहुसुह-कम्मोदएण धम्मम्मि होज्जइ बुद्धो । तह वि जियाण[न] सुलहो जिण-वयणुवएसो सुगुरु-
ता गहिर-महोयहि-मज्झ-पडिय-रयणं व कुसलसामग्गी । दुलहं पि लहिय विबुहो, विहेज्ज सद्धं सुधम्मम्मि ॥
साहु-गिहिभेयओ सो दुविहो तत्थ पढमम्मि असमत्थो । जह सत्ती गिहिधम्मं, करेज्ज भावेण निच्चं पि ॥३०६॥
तिक्कालं ची-वंदणममंद-आणंद-सुंदरं विहिणा । तह सुविहिय-जइ-सेवणमेत्तो जिणवयणसवणं च ॥३०७॥
जिण-पूयाइ विहाणं, तव-गुण-नाणं तथा मुणिदाणं । विहि-दाणं सुह-ज्ञाणं, तव-उवहाणं व जह सत्ति ॥३०८॥
सज्जाय-नियमकरणं, अउव्व पढणं च उचियस[म]यम्मि । किच्चं निच्चं पि तथा, जह-जोगमभिग्गह-
ग्गहणं ॥३०९॥

जिणह कसाय-पिसाए, पसिद्ध-सिद्धंत-मंत-जावेण । उवसमह विसय-तिसं, संवेगामय-रसं पाउं ॥३१०॥
बहु लोएण वि निदियइंदिय-पसरं निरुभह अमग्गे । पडिवज्जेह जहारिह आगम-विहिणा गिहिवयाइ ॥३११॥
किच—

सुहि-संबंधो बंधो, बंधुजणाहिय वि बंधगा धणियं । पासो अगारवासो असंख-दुक्खावहा कामा ॥३१२॥
जह चवलं देहबलं जह लोलं जोव्वणं च जीयं च । जह अचिरं विसयसुहं, हद्धी काओ वि हु असारो ॥३१३॥
एक्को च्चिय नवरि गूणो रोग-जलाकुलहरस्स देहस्स । ज इमिणा वि विद्धप्पइ धम्मो चित्तामणिसमाणो ॥३१४॥
सुह-साहणमिह दुलहं सुलहं दुह-साहणं पुण जियाणं । जं ता परिहरियव्वो अव्वो सव्वो वि एस भवो ॥३१५॥

एयं सोऊण संजाय-सद्धेण गहिओ सावय-धम्मो सालुएण । 'साहम्मिओ' त्ति काऊण जाओ मेत्ती-भावो समं देव-
दिण्ण-मयहरेण । वच्चंति दिणाणि । अण्णया भोत्तुमुवट्ठियस्सं जावज्जवि न भुंजइ, तावागओ भिक्खट्ठा घरंगणे साहु-
संघाडओ । संजाय-दाण-परिणामो गहिऊण तमेव भायणं दाउमारद्धो । दितस्स लग्गो भायण-कोणो साहु-पडिग्गहगे ।
कय-दुग्गुळेण पडिलाहिया साहुणो । उवज्जिया भोगा । वद्धं नीय-गोअं । अहाउयक्खएण समुप्पण्णो सोहम्मो भुरो ।
देवदिण्ण-मयहरो वि तत्थेव देवो जाओ । तत्तो चुओ समाणो इहेंव जंबुदीवे भारहेवासे सुसम्मपुरे नगरे परमसम्मदिट्ठि-
न[णो]रह-सेट्ठिणो जयावलीए भारियाए कुच्चिसि पुत्तत्ताए समुप्पण्णो । उचियसमए षसूया एसा । जाओ दारओ ।

कयं वद्धावणयं । मासावसाणे पडट्टावियं से नामं मणोरहदत्तो त्ति वड्ढिओ देहोवचएणं कला-कलावेण य परिणाविओ रयणायर-सेट्टिणो धूयं रय[ण]सिरि नाम कण्णयं वच्चंति दिणाणि ।

अण्णया मणोरहद[त्त]पुण्णावज्जियाए वंतरीए भणिओ सुविणयम्मि मणोरह-सेट्ठी—“अज्ज ! सुत्तो जागसि वा ?” सेट्टिणा भणियं—“कुटुंब-चिता-समाउलमाणसाणं कत्तो निद्दा अम्हारिसपुरिसाणं ? परं पुच्छामि भयवइं बहु-पुण्ण-पावणिज्ज-दंसणा सुरसुंदरि च्च का तुमं ? किं निमित्तं वा इहागया ?” तीए भणियं—“तुह पुत्त-पुण्णावज्जिया सुलो-यणा नाम जक्ख-कण्णगा तुह घरे वसामि । अओ तुमं दितो, लितो, विलसंतो वा सह सुएण मा संकं करेसि ! जं न पुज्जइ तमहं पूरेमि ।”

तओ सेट्टिणा पक्खित्ता नहयले पुप्फंजली । उग्गहिओ पवर-धूवो । चलणेसु निवड्ढिऊण विसज्जिया जक्खिणी । धम्म-वावडस्स समइवकंता रयणी । कयं गोसक्किच्चं, गओ घरचेइए । पमज्जियाओ लोम-हृत्थएण जिण-पडिमाओ । कया सार-सरस-सुगंध-पुप्फेहिं पूया । समुद्धुओ परिमल-भरिय-भवणोदरो कालागरुधूओ । लिहिया अखंड-फुडिय-सालि-तंदुलेहिं अट्ट-मंगलगा । कयमपाउलमाणसेण चेइयं पूअणं । तयंते य पडियाणि सार-थुइ-थोत्ताणि । कयं पणिहाणं । नोहरिओ घर-चेइयाओ । पविट्ठो मंदिरब्भंतरे । दिट्ठं समंतओ मणि-रयण-कणय-वरवत्थाहरणाइहिं भरियं भवणं । विम्हियमाणसेण च्चित्तियं सेट्टिणा—देवयाणुभावो एस ।

तओ आनंदभरनिब्भरेण समाहूया सेट्टिणी । भणिया य “सुंदरि ! पेच्छ नियमंदिरं” दट्ठुण रिद्धि-समिद्धं हरिसिय-माणसाए जंपियमणाए—“अज्जउत्त ! दिण्णो जलंजली दालिदस्स, परं कत्तो एसा अणन्भामयवुट्ठि च्च अम्हाण घरे रिद्धी ?” साहिओ सेट्टिणा सब्बो वि देव-वइयरो । संतुट्टा सेट्टिणी । समाहूओ मणोरहदत्तो सेट्टिणा । निवेसिऊण उच्छंणे चुबिओ मुद्धाणे भणिओ य—“वच्छ ! तुह सुचिण्ण-पुण्णाणुभावेण एसा मह घरे संपया । ता विलसिहिं जहिच्छाए । नत्थि ते निवारणा ।” मणोरहदत्तेण भणियं—“जं ताओ आणवेइ ।” तओ ताण च्चित्तार्णतरं संपज्जंत-मणोरहाण वच्चंति वासरा ।

सो वि सालुओ तओ देवलोगाओ चइऊण साहु-दुगुंछा-दोसेण समुप्पण्णो तम्मि च्चैव नयरे अणंगलोलाए विला-सिणीए कुच्छिसि ध्यत्ताए । जाया उच्चियसमए । पडट्टावियं नामं कुबेरदत्ता । कमेण पवड्ढमाणा जाया जोव्वणत्था । न पुरिसमेत्तम्मि रमइ तीय माणसं । खिज्जइ अणंगलोला चित्तेण ।

अण्णया दिट्ठो धवलहरोवरि निज्जूहगयाए भित्तजण-संपरिवुडो बोलितो मणोरहदत्तो । निरुविओ सुदरं निन्निमेस-सरल-पम्हल-सिणिद्ध-कुडिल-दिट्ठीए ताव जाव बोलीणो वरिसण-शोयरं । कहिओ एस वइयरो मयणिया-भिहाणाए दास-चेडीए अणंगलोलाए । ठाणे अणुरागो त्ति, परितुट्टा एसा । अब्भत्थिया तीए पणयपुव्वं मणोरहदत्त-वयंसया —“तह कहवि करेह जहेस मणोरहदत्तो कुबेरदत्ताए सह सम्मिलइ ।” तेहिं भणियं—“जइस्सामो जह सत्तीए । कज्जसिद्धीए पुण देवो पमाणं ।”

अण्णम्मि दिणे सवयंसो उज्जाणसिरिं समवल्लोइऊण निसण्णो सहयार-छायाए मणोरहदत्तो । पारद्धा गोट्ठी । भणियं अमरसुंदरवयंसएण—“कहेउ जइ केय वि कहिं पि अच्छेरयं दिट्ठं ?” तओ भणियं सुलोयणेण—“अहो हं जहत्थ नामा सुलोयणो, जओ दिट्टा मए सयलच्छेरय-सीमा पवर[व]त्थाहरणहारिणी लावण्णाइगुण-रयण-रोहण-वसुंधरा-सार-सिरिखंड विहिय-विलेवणा केसपास-निवद्ध-सरस-सुगंध-वर-कुसुम-सुद्ध-मिलंत-छप्पयावलि-निवारण-वावड-वामकरयला, दाहिणकर-कलिय-लीलारविदपरिमलभरिय-भूवलया मिंगनाहिविहिय-पत्तावली-विराइयगंडत्थला, कण[य-]कंदुय-कीलाए कुट्टिम-तलम्मि कीलभाणी अणंगलोलामंदिरे एगा पायाल-कन्नया ।” अमरसुंदरेण भणियं—“अहो ! महई वण्णणा, ता कि सच्चमेयं ?” सुलोयणेण भणियं—“वण्णणालेसो, न उण पडिपुण्णा वण्णणा ।” अमरसुंदरेण भणियं—“पडिपुण्णं वण्णेउ वयंसो !” सुलोयणेण भणियं—“अवहिया सुणेह—

मिउ-मसिण-कुंचिय-सिणिद्ध-कुंतल-कलाव-कयसोहा । आयंब-दीह-लोयण-जुयला वर-पिहुल-वच्छा य ॥३१६॥
उन्नय-पीण-पओहरभरेण भज्जंतस्सामतरमज्झा । गंगा-पुलिणसुवित्थर-नियंब-बिबा य रंभीरु ॥३१७॥

करिकरसमाणजंघा कुम्मुणय-चलण-जुयल-रमणीया । कंकेल्लिपल्लवोवमाणपायंगुलिमणहरा सुहया ॥३१८॥
 गयवद्गमणा वाला अहि[ण[व]विलसंतजोव्वणारंभा । सयलजणसवणसुहयरवसंत-कलकंठि-कंठा य ॥३१९॥
 मयण-विहीणा व रई, संकर परिवज्जिया व गिरित्तणया । लच्छि व्व विणा हरिणा हरइ मणं जा मुणीणं पि॥
 इय केत्तिउ वि कहिओ लेसुद्देसेण तीय गूण-नियरो । पड्डिपुण्णं मित्त ! पुणो को किर तं वन्नित्तं तरइ ॥३२१॥
 सो धणो एत्थ जुआ, तुट्ठो मयरद्धओ धुवं तस्स । जो तीए वालीए करिस्सए पाणिगहणं तु ॥३२२॥
 इरट्टिएण दिट्ठा तह वि मणं मज्झ हरिय सा नट्ठा । संकप्पेण मए वि हु रमिया आलिगिया य पिया ॥३२३॥

मणोरहदत्तेण भणियं-वयंस सुलोयण ! [किं सच्चं वयसि?] तओ सुलोयणेण भणियं-

रायहंस-गयगामिणि कुवल्यदलनयणि । अमिय-महुर-मिउ-भासिणि कुम्मुन्नयचलणि ।
 बहु लायण्ण-सुवण्ण-वण्ण एक्कसि मइ दिट्ठी । पर सब्बंगिहि मित्त मुद्ध महु हियइ पइट्ठी ॥
 मित्त ! कि बहुयइं भणियइ, जुवमण-चोरणइं । अमियसरिच्छइंदअच्छइं सोक्खह कारणइं ।
 जम्मु वि ताहं निरत्थउ अहलइं लोयणइं । जेहि न दिट्ठइं ललियइं तसु मण-मोहणइं ॥३२४॥

अमरसुंदरेण भणियं-“वयंस सुलोयण ! विरमसु संपयं जहा जहा बहुवण्णेसि तुमं तथा अम्हाण वि मणो
 बुलइ ।” एवं सुणिय दिण्ण-समताल-पडिसइ-भरिय-काणणंतरं अट्टट्ठास-पुरस्सरं पहसिया सब्बे वि वयंसया । मणोरह-
 दत्तेण भणियं-“अहो महंतमच्छरियं कहं मणुय-मज्झि पायाल-कण्णयागमो कीडा-करणं वा ?” अमरसुंदरेण भणियं-
 ‘सत्थवाहपुत्ता ! जइ ते कुतूहलं ता गंतूण निरुव्विज्जउ !’ मणोरहदत्तेण भणियं-“एवं करेम्ह ।” तओ पच्छन्नमेव
 भणिओ सुलोयणो अमरसुंदरेण-“गच्छ तुमं लहुं चेव गहियसंबंधं करेहि अणंगलोलं इमं च भणेहि-‘संपन्नं ते समीहियं ।
 परं तथा तए कायव्वं जहा एगागी चेव मणोरहदत्तो कुबेरदत्ता समीवे समल्लियइ’ । गओ सुलोयणो कयं जहाइट्ठं ।
 खणंतरेण पत्तो सवयंसो मणोरहदत्तो तं पएसं । अब्भुट्टिओ ससंभमाए अणंगलोलाए । निविट्ठा सब्बेवि दिण्णासणेसु ।
 कयं चलण-पक्खात्तणं । तओ अमुणिय-परमत्थाए इव जंपियं अणंगलोलाए-“किं भे समागमण-कारणं ?” अमरसुंदरेण
 भणियं-“अत्थि ते धवलहरोवरिमभूमियाए पायाल-कण्णया ?” तीए भणियं-‘आमं’ । अमरसुंदरेण भणियं-“कह
 अर्हेहि सा दट्ठवा ?” तीए भणियं-“न बहु-जण-दंसणं सा सहइ । जो तुम्हाणं अच्चंतं कोउहली सो एगो पेक्खउ ।”
 अमरसुंदरेण भणियं-“जइ एवं तो मणोरहदत्तेण दट्ठवा ।” तीए भणियं-“एवं भवउ ।”

पयट्ठो मणोरहदत्तो पुरओ अणंगलोला-पदंसिज्जमाणमग्गो पत्तो धवलहरोवरिमभूमियाए । ठिया अणंग-लोला
 क्षप्पणा दुवारदेसे । दिट्ठा मणोरहदत्तेण कुबेरदत्ता । तीए वि सो । दंसणाणंतरमेव मोत्तूण पवरपल्लकं
 ससंभममब्भुट्टयंती भणिया मणोरहदत्तेण-“सुंदरि ! अलमिमिणा अणुच्चिओवयारेण ।” तीए भणियं-“कहमणुच्चिओ ?”
 तेण भणियं-“तुमं पायाल-कण्णया । अहं पुण भूमि-गोयरो ।” तीए भणियं-“कहमेयं तए तायं ?” तेण भणियं-
 “वयंसएहि तुह जणणीए य मे कहियं ।” तीए भणियं-वयणमेयं । अहं पि भूमिगोयरा चेव । अओ मोत्तूण संकं
 उवविससु एत्थेव पल्लकं ।” तहेव कयं । ठियाणि खणमेत्तं संकहाए परोप्परं । वियंभियो निब्भरो जम्मंतराणुभावेण
 सिणेहाणुबंधो । वेलाइक्कमसंकिरेहि सपरिहासं भणिया अणंगलोला वयंसएहि-“अम्मो ! न सोहणमिणं जं चिरं
 देव-मणुयाण संगमो ? गंतूण भणाहि-‘सत्थवाहपुत्त ! तुमं ताव देवया-दंसणमणुहवंतो चिट्ठसि, अम्हाण पुण विणोय-
 हियाण नत्थेत्थ रई, भण कि करेमो ?’ । गया अणंगलोला गहियपडिवयणा सिग्घमेव समागया भणिया मणोरहदत्त-
 वयणेण वयंसया- “गच्छह तुब्भे मह पुण अज्ज वि विलंबो भविस्सइ ।” गया ते निय-नियठाणेसु । भोयणवेलाए कया
 सेट्टिणा सारा । न दिट्ठो मणोरहदत्तो । पुच्छिओ परियणो । तेण भणियं-“सवयंसो पभाए चेव उज्जाणं गओ एत्तियं चेव
 वियाणामो ।” तओ सट्ठिया वयंसया, पुच्छिया य । साहिओ तेहि सब्बो वि अणंगलोलाघरपवेसावसाणो वइयरो । परित्तुट्ठो
 सेट्ठी । विसज्जिया वयंसया । कहिओ एस वृत्तंतो वरिणीए । समाणदियमाणसाए भणिओ तीए सेट्ठी-“अज्जउत्त !

सोहणमणुवेद्वियं वच्छेण । धण्णा चेव नियदसाणुगामिणो हुंति ।" पेसियं तत्थद्वियस्स चेव पुप्फ-तंबोल-वत्थाहरणाइयं । परिउट्ठा अणंगलोला । भणिया तीए कुबेरदत्ता—“पुत्ति ! देवय व्व अण्णमत्ताए समाराहणीओ एस सत्थवाहपुत्तो । न खडेयव्वा एयस्स आणा । न होयव्वं पडिकूलभासिणीए । निरक्खियव्वो अण्णा सुरयसम्मसमारंभो । सव्वंहा तह्हा कायव्वं, जहा न एस ते मंदिरं मुयइ ।” कुबेरदत्ताए भणियं—“जं अंबा समाणवेइ ।”

तओ सम्मं समाराहिज्जमाणस्स अणंगलोलाए जहाहिलास-संपज्जंतासेसविसय-विसरस्स वच्चंति वासरा मणोरहदत्तस्स । नियतामंकिंयमुद्दादंसाणाहिण्णाणेण धराओ अण्णाविकुण देइ जहिच्छियं कुबेरदत्ताए दविणजायं ।

अण्णम्मि दिणे भणिया अणंगलोला उवरोहिय-सुएण माहवेण—“अम्मो ! जइ कुबेरदत्ता मए सह संवसइ तो पइदिणं दीणारसयं देमि ।” संजायलोहाए भणियं अणंगलोलाए—“वच्छ ! जुत्तमिणं, परं दहमणुरत्ता एसा मणोरहदत्ते ता तं पुच्छिऊण पच्छा वच्छस्स जहद्वियं साहिस्सामि ।” गओ माहवो सट्ठाणं । भणिया अणंगलोलाए कुबेरदत्ता—“पुत्ति ! अण्णं पि ने कल्लाणमुवद्वियं ?” तीए भणियं—“केरिसं ?” अणंगलोलाए भणियं—“उवरोहियसुओ वच्छाए सह संवासमभिलसइ, दीणारसयं च पइदिणं देइ । ता अंतरंतरा सो वि रमिज्जउ । कुबेरदत्ताए भणियं—“अम्मो ! अलमिमिणा कल्लाणेण । मणोरहदत्तं मोत्तूण जइ परं जलणो मह सरीरमभिरमइ ।”

तओ कोहकंपंताहराए जपियं अणंगलोलाए—“आ दासधीए ! मूढा तुमं वेसाधम्मं न याणसि । सरिय व्व सयलसाहाराणाओ हवंति विलासिणीओ न एय-रसाओ, ता कहेहि निच्छयं ? कि तस्स कहिज्जइ ?” कुबेरदत्ताए भणियं—“पढमो चेव निच्छओ ।” गया रुसिऊण वाइया । कुबेरदत्ता वि उवरि[म]तलमारूढा पल्लंक-गया नयण-नीहरंत-बाहजल-पव्वालिय-मुद्दा दिट्ठा बहिरागएण मणोरहदत्तेण । पुच्छिया य—“पिए ! कि सोणकारणं ?” कहिओ तीए सव्भावो । तेण भणियं—“को एत्थ विरोहो ? अंबा वि एवं समाराहिया हवइ ।” तं सुणिय ससइ परुणा एस अवसरं लहिऊण रुइय-सइसवणांतरमेव समागया अक्का । भणियमणाए—“आ ! पावे ! मंजिट्ट-गंठि व्व कुट्टिज्जंती वि नाणुरागं मुंचसि अब्बमूलाणि जंपती भणिया सा कुबेरदत्ताए—“अलमिमिणा वयणपरिसमेण ‘जं जेण पावियव्वं सो तं पाविस्सइ’ सट्ठाणे गच्छउ अंबा ।” असिद्धसमीहिंया विलक्खा उत्तिण्णा उवरिमतलाओ कुट्टणी । पउट्टचित्ता मिलिया माहवस्स । भणियो सो तीए—“वच्छ ! अविसओ एत्थ अम्हाण । तुमं चेव चित्तसु किपि उवायं ?”

तओ पारदो माहवो मणोरहदत्तस्स छिट्ठाणि गवेसिउं । भणियो य मणोरहदत्तो कुबेरदत्ताए—“अज्जउत्त ! तुमं वा मह सरणं मरणं वा !” सुंदरि ! पडिवण्णमिणमम्हेहि । परमत्थे अक्का परिपंधिणी । सा जइ अत्थेण वा अत्थेण वा तूसइ ता तूसवेहि ।” अवसरं लहिऊण भणिया तीए अणंगलोला—“अत्ता अम्मो ! कि निमित्तं तुमं माहवं पवेसेसि ? जेण केणावि पओयणं तं भणउ अंबा । जेण अज्जउत्तो चेव संपाडेइ ।” एयं सोऊण संजलिया कोवानलाए जपियं वाइयाए—“आ ! पावे ! दुज्विणीए ! असिक्खियपंडिए ! केण तुमं परिणाविया जेणोस अज्जउत्तो जाओ ।” कुबेरदत्ताए चितियं—“सलिल-सित्त-सणंसिदुरगंठि व्व अणुणिज्जमाणी एसा गाढयरा होइ, तो मोणमेत्थ पत्तयालं” कलिऊण उवरिमतलमारूढा । पुच्छिया मणोरहदत्तेण—“कि तुट्ठा जणणी ?” तीए भणियं—“कयं तए जं कायव्वं अओ परं न किंचि वत्तव्वा ।”

तओ सा तेहि अवहीरिया समाणी पच्छन्नमेव मिलइ माहवस्स । कहेइ धर-रहस्साणि । अण्णया मयण-तेरसीए पयट्टे रइ-महसवे, उज्जाणं वच्चंते विविहवाहणारूढे तरुण-तरुणिसंधाए, मणोरहदत्तो वि समं कुबेरदत्ताए रहमारुहिऊण गओ उज्जाणं । पूजिओ कामदेवो । गहियं तम्मत्थयाओ सहयार-मंजरिज्जुयलं । कया एक्केक्का दोहिं वि सवणेहिं । कीलितं पयत्ताणि । तओ पयट्टे तरुण-तरुणजमाण निब्भरे कीलारंभे, विविहविणोयसमाजले सयल-नयरलोए, उम्मूलिऊण आलाणखंभं, तडत्ति तोडिऊण अंदुयाणि, चलण-चंपियं काऊण आरोहणं, गालिऊण गालियं, उम्मिट्ठो उवद्विऊण कइवि नगर-माणुसाणि भग्ग-कइवय धर-हट्टो, समंतोपरिवयंत-तुरय-थट्टो, उब्भिय-धोर-करो,

तड्डुविय सवण-जुयलो, पढमपाउसो व्व गहिरं गुलुगुलितो, विणिग्गओ नयराओ नरवइ-गंधवारणो । अकाल-मच्चु व्व जणाण पविट्ठो कामदेव-काणणं । तं दट्ठण भयाउल-लोयणा दिसोदिसि पलाणा नागरया । वेणेण समागतूण गहिया गंधवारणेण कुबेरदत्ता । उट्ठिओ जण-कोलाहलो पंचाणण-फाल-प्फुरिय-कुरंमि व्व तरलतारलोयणा विस्सरं रसिउ-मारद्धा—“हा ! अज्जउत्त ! हा ! अज्जउत्त !! ति, विलवमाणी कया करमज्जे करिणा जावज्जवि नहयलं न उव्विहइ ताव हक्कओ मणोरहदत्तेण करिवरो । मोत्तूण कुबेरदत्तं धाविओ तथाभिमुहं । ते[ण] वि खित्तमुत्तरीयं परिणओ वत्थे गयवरो, पलाणो मणोरहदत्तो । एमागी परिभमतो दिट्ठो उज्जाणमुवागएण माहवेण । भणिया निय पुरिसा—“अरे ! जीवग्गाहं गिण्हह एयं कुबेरदत्ताकामुयं । निविड-बंधणेण बंधिऊण करेह मुहचूरियं । पक्खिवह कंधारि-कुडंगे । निरुवेह पच्छन्नसंठिया जाव वियणं हवइ । पच्छा जहाजुत्तं करिस्सामो । एयं सुगिय निरुवियं पच्चाहुत्तं मणोरहदत्तेण । दिट्ठो माहवो । परामुट्ठा दाहिणकरेण कडी, न दिट्ठा तत्थासिधेणुया । तओ चित्थियमणेण “अहो ! पुण्णा दुज्जण-मणोरहा । तह वि सत्तं न मोत्तव्वं परिहरिय-सेस-गयकुलो पंचाणणो व्व जूहाहिक्खस्स, मोत्तूण सेसपुरिसे माहवाभिमुहं पहाविओ मणोरहदत्तो । सुपरियंतेण मंडलमं मुक्को पहारो । दक्खत्तेण वंचिऊण पहओ दद-कट्ठिण-मुट्ठि-पहारेण भयदंडो सेट्ठिसुएण । खर-पवणाहय-पक्क-पण्णं व साहि-साहाओ पडियं पक्कपिऊण माहव-कराओ करवालं धरिणोतला कडिडया माहवेण कट्टारिया । सावि करं मोडिऊण गहिया मणोरह[द]त्तेण । पयट्ठा बाहु-जुज्जेण जुज्जउं । खणंतरेण निहओ मणोरहदत्तेण माहवो । कणक व्व कंदुइएण बाढं मलिऊण मुक्को । पुणो वि दक्को संजायसविसेसरोसेण गहिओ जंधामु सेट्ठिणंदणेण । उक्खित्तो नहयले । मरण-भय-भीएण पोक्कारियं महया सट्ठेण माहवेण—“अहो बंध-वज्जा ! बंध-वज्जा ! निरवराहो बंधणो भारिज्जइ ।”

तओ इंसि हसिऊण संजाय-करुणेण मुक्को मणोरहदत्तेण भणियो—“जइ एवं मरणभोरुओ ता कीस तुसिणियो न चिट्ठिसि ? अवसर मे दिट्ठिगोयराओ ।”

एत्थंतरे समागया बहवे माहव-पुरिसा । जाओ सोडीर-भावो माहवस्स । भणिया पुरिसा—“गिण्हह एयं दूट्ठ-वणियं । मणागमहमणेण न मारियो ।” महया विमद्वेण गहिओ तेहिं मणोरहदत्तो । पक्खित्तो कंधारि-कुडंगे । गया पुरिसा । ता वि कुबेरदत्ता “हा ! अज्जउत्त ! हा ! गुणरयण-रयणाथर ! हा निरुवमसाहस ! हा सरणागयवच्छल ! हा सुरुव ! हा सोहग्गनिहि ! कत्थ गओ ? कत्थ दट्ठव्वो ? करेहि पसायं ! निव्ववेहि निय-दंसण-सुहारसेण मह लोयण-जुयलं । जइ एवं निरुवेक्खो ता कीस कुविय-करि-कयंत-वयण-कंदरंत-गया कडिडया अहं मंदभाइणी ।” एवंविह कल्लण-वयणाणि जंपमाणी पत्ता-तमुद्देसं जत्थ मणोरहदत्तो चिट्ठइ । एत्थंतरे विलोलितो लवंग-लवली-लया-हरयाणि उम्मूलितो नागवल्लीमुट्ठियामंडवे, भंजंतो सज्जज्जुण-पूइफल-खज्जूरि-नालिअरिपायवे, हक्किज्जंतो वारं वारं दूरट्ठिएहि आसवारैहि, तज्जिज्जंतो समंतओ पडियारोहि पत्तो तमुद्देसं मत्तवारणो । दट्ठूण तं गयं चित्थियं कुबेरदत्ताए—“किमेयाओ चेव अत्ताणयं वावाएमि ? अहवा मयाण धुवो चेव विओगो ? जीवताण पुण संसओ मा कयाइ पिएण संगमो वि ह्वेज्ज” ति, चित्ठिऊण पविट्ठा तम्मि चेव कंधारिकुडंगे । दिट्ठो तत्थ तयवत्थो मणोरहदत्तो । गहिया हरिस-विसाएहि । छोडिया बंधा । पुच्छिओ पगलंत-बाहजल-संसित्त-गंडयलाए—“अज्जउत्त ! को एस वइयरो ?” तेण भणियं—“पिए ! संसारसमावण्णगणं कम्मपरत्तताणं पापिणं समासणवत्तिणीओ आवय-संपयाओ । ता न किपि एत्थ पुच्छि-यव्वं ?” तीए भणियं—“अकहिज्जमाणे नत्थि मे हिययनिव्वुई ।”

तओ साहिओ सब्बोवि तीसे माहव-वइयरो । कुबेरदत्ताए भणियं—“अंबा वि इमस्स नाडयस्स मज्झवत्तिणी संभाविज्जइ ।” एत्थंतरे निग्गओ काण्णाओ करिवरो । विगयसंभमा सट्ठाणमागया सब्बे वि नागरया । मणोरह-दत्तो वि रहमारुहिऊण समं कुबेरदत्ताए पयट्ठो नयराभिमुहो । भणियो नगरं पविसंतो कुबेरदत्ताए—“अज्जउत्त ! पउट्ठचित्ता अम्हाणोवारी अंबा । ता एस जलम्मि वासो मयरेण सह विरोहो न सोहणो । अण्णत्थवासो कीरउ ।” तेण भणियं—“पिये ! एवं भवउ । अत्थि मह एत्थेव अण्णं घरं । तहिं वच्चमह । गयाणि तत्थ पिए ! कइय-दिणाणि पच्छन्नं चेव चिट्ठामो ।” तीए भणियं—“एवं कए को गुणो ?” तेण भणियं—“तुह जणणीए सिणेहं पेक्खामो ।”

ठियाणि तहेव । बोलीणो वासरो । नागयाणि, पुच्छिओ अणंगलोलाए उज्जाणागयजणो । न कहिया केण वि जहट्ठिया पउत्ती । तओ पुच्छिओ तीए माह्वो—“किं तुममुज्जाणं गओ ?” तेण भणियं—“आमं ।” तीए भणियं—“दिट्ठो तए तत्थ कुबेरदत्ताए सहिओ मणोरहदत्तो ?” तेण भणियं—“न केवलं मए, मच्चुणा वि दिट्ठो ।” विद्यसिय-वयणाए जंपियमणाए—“कहं ?” कहिओ माह्वेण सब्बो वि वइयरो । [ती]ए भणियं—“कुबेरदत्ता किं न आगया ?” तेण भणियं—सा वि अद्धमारिया करिणा मुक्का । जइ न आगया तो मया भविस्सइ ।” तीए भणियं—“जइ एवं तो विनट्ठो ओसहेण विणा वाही । मूलमणि विणा पणट्ठं मत्थासूलं । अत्थि मे अण्णा वि दुहिया अणंगमंजरी नाम । तीए सह संबंधं घडिस्सामि ।” तहेव कथं । वच्चंति दिणाणि ।

अण्णम्मि दिणे दविण-लोहेण भणिया मयणिथा बाइयाए—“हला ! मयणिए ! वच्चसु तुमं मनोहरसेट्ठि-मंदिरं । मग्गोसु पुक्कपओगेण साहार[णं सुवण्णलक्खं ।” सा वि गंतूण पमग्गिया । सेट्ठिणा भणियं—“दंसेहि वच्छतामकियं मुद्दारयणं ?” तीए भणियं—“न मए आपियं ।” तेण भणियं—“अण्णया आगच्छंतं अज्ज न आगयं । किं कारणं ?” तीए भणियं—“अंबा जाणइ ।” सेट्ठिणा भणियं—“गच्छ सट्ठाणं । साहिण्णाणं विणा ण लब्भइ दविणजायं ।” गया सा । कहियं कुट्टणीए । सेट्ठी वि संजाय-संको पुल्ल-गवेषणानिमित्तं गओ अणंगलोला-मंदिरं । न दिट्ठो मणोरह-दत्तो । पुच्छिया बाइया । तीए भणियं—“उज्जाणं गओ ।” निरूवावियमुज्जाणं । तत्थ वि न दिट्ठो । भणिया कुट्टणी सेट्ठिणा—“संपयं किमुत्तरं ?” तीए भणियं—“कल्लं ।” सेट्ठिणा भणियं—“किं कल्लं ?” तीए भणियं—“आमं”, सेट्ठिणा भणियं—“किमामं ?” तीए भणियं—“अं”, सेट्ठिणा भणियं—“किं अं ?” तीए भणियं—“उं”, सेट्ठिणा भणियं—“किं उं ?” । तओ उत्तरं दाउमचयंती अहोमुहा ठिया कुट्टिणी । सेट्ठिणा वि रत्तच्छ-दुप्पेच्छेण कुविय-कयंत-भिउडि-भासुर-वयणेण साहिकखेवं संलवियं—“आ ! पावे ! पलियकेसे ! बुड्ढ-वेसे ! पडिय-दसणं ! ल्हंसंत-वसणलाव-ग[कोला-कराले ! किमेएहि सुवयणेहि । जइ नत्थि वच्छो ता कीस दविणनिमित्तं मयणिथा पेसिया ?” एवं भणिऊण उट्ठिओ सेट्ठो । गओ रायसमीवं । कहिओ एस वुत्तंती । मुद्दावियं नरवइणा मंदिरं । कया वाहि बाइया ।

एत्थंतरे गया अणंगलोला माहवसमीवं । भणियो माह्वो—“वच्छ ! तहा भणसु नियपियरं जहा रायाणं विण्णविय इमाओ वसण-समुद्दाओ नित्थारेइ ।” कहियं तेण निय-पिउणो । तेण भणियं—“वच्छ ! केत्थियमेयं ? तहा करेमि जहा ते निव्वुई होइ ।”

बीयदिण विण्णात्तो तेण राया—“देव ! किं निमित्तं अणंगलोला-मंदिरं मुद्दियं ?” रण्णा भणियं—“सावराहा खु सा पावा ।” तेण भणियं—“कहमेयं देवपाएहि णायं ?” रण्णा भणियं—“मणोरहसेट्ठिणो सयासाओ ।” तेण भणियं—“अहो कूड-कवडपरवंचणा-चउरो अलिण परं पत्तियावेइ वणियजणो ।” रण्णा भणियं—“किमलियमेयं ?” कूडं कप्पे-ऊण जंपियमुवरोहिण—“महाराय ! एसोत्थ परमत्थो—इमस्स पुत्तो मणोरहदत्तो नाम महावसणाभिभूओ इमीए दुहियरं कुबेरदत्तं साहरण-सुवण्णलक्खसहियं गहाय कत्थवि पलाणो । तं मग्गत्थमिमीए दासी पेसिया । सेट्ठिणा न केवलं तं न दिण्णं एसा चेव उप्परहेडिया । तओ समागतूण अलियं देवस्स निवइयं । देवेण वि अवियारिऊण वत्थु-परमत्थं मुद्दावियं तीए मंदिरं । ता सच्चो एस लोयाहाणओ—“जस्स नत्थि कोइ रोयंतओ, सो मारिज्जउ खवणओ ।” राइणा भणियं—“कहेहि ताव एयमाहाणयं ।” कहिउमारद्धो उवरोहिओ ।

अविद्यारोनिव-निबुद्धिअमच्चकथा—

अत्थि उत्तरावहे तोसुभुरूली नाम पट्टणं । अविद्यारी राया । निबुद्धी मंती । अण्णया तेण काराविओ धवलहर परिपेरंतेसु पायारो । दिण्णा विभइऊण भूमी सुत्तहाराण पारद्वयं [छ]ज्जयं । रायपहासण्णे चिणइ सुंदरो नाम सुत्तहारो । एत्थंतरे समागया तेण मग्गेण विणा कंचुइएण ईसि—दीसंत-करिकुभ-विभम-पयउ-पओहरा अणंगसुंदरी नाम विलासिणी । निवडिया तयाभिमुहं दिट्ठी । सुंदर-सुत्तहारस्स हरियं माणसं । जाया सुण्ण-चित्तया । खिसियं सुत्तं । पारद्वं लहेव छज्जयं । निग्गयं रा[य]पहतेण कोप्परं । कइवयदिणेहि निग्गमायं कम्मंतरं । विण्णत्तो राया सुत्तहार-सामिण—“देव ! विण्णो पायारो । करेउ देवो दिट्ठीए पसायं” ।

तओ परिमिय-परिवारेण तुरयमारुहिऊण निरुविओ पायारो। राइणा दिट्ठं रायपहंतेण विणिग्गयं कोप्परं। कुवियो राया। पुच्छिओ सुत्तहारसामिओ—“अरे ! केणत्थ छज्जयं कयं ?” तेण भणियं—“सुंदरेण” । निउत्ता नियपुरिसा महीवइणा—“आणह तं दुरायारं सुत्तहारहमं” । सयं च गंतूण रायमंदिरं निसण्णो अत्थाण-मंडवे। आणिओ बंधिऊण सुंदरो। तयणुमग्गेण समागया सुत्तहारसेणी । समाइट्ठो राइणा दंडवासिओ—“अरे ! एयस्स सुत्तहारा-धमस्स कर-जूयलं छिदावेहि।” सुत्तहार-सामिएण भणियं—“देव ! वियारिऊण छिज्जउ ?” राइणा भणियं—“को वियारो ?” तेण भणियं—“पुच्छिज्जउ ताव एसो।” रण्णा भणियं—“कहेहि कहं ते पायारे कोप्परं कयं ?” तेण भणियं—“नत्थेत्थ मह दोसो। दिट्ठा मए विणा कंचुएण उग्घाडुब्भडपओहरा इमं पएसमुवागया अणंगसुंदरी नाम विलासिणी। हरियं तीए मह चित्तं। अओ न नायं ल्हसियं सुत्तं। ता परमत्थेण तीए पायारे कोप्परं कयं।” राइणा भणियं—“जइ एवं तो निरवराहो तुमं।” भणिओ दंडवासिओ—“अरे ! आणेह तं दुहविलासिणीं।” आणीया, वंसिया राइणो । समागयाओ तयणुमग्गेण मिलिऊण विलासिणीओ । भणिओ रण्णा दंडवासिओ—“अरे ! इमाए रंडाए सिरं मुंडाविऊण कन्न-नक्के कट्टावेहि।” एत्थंतरे विण्णत्तो राया कामलयाए पहाण-विलासिणीए—“देव ! पुच्छिज्जउ ताव एसो।” पुच्छिया रण्णा—“कीस तुमं उग्घाडिया तं पएसं गया ?” तीए भणियं—“रासल-सूइओ एत्थावरज्जइ । समप्पिया मए तस्स सीवणनिमित्तं कंचुलिया । दिणमगसंरं दविणज्जयं । गच्छामि पइदिणं मग्गिया । न उण सो सीवइ । अओ हिडामि उग्घाडिया।” रण्णा भणियं—“एसा वि निट्ठोसा वराई । आणेह लहुं तं सूइयं।” तहेव आणीओ । समागया सूइयरसेणी पुच्छिआ । भणिओ रण्णा तलवरो—“एयं सूलाए समारोवेहि ।” सूइयर-सामिणा भणियं—“देव ! पुच्छिज्जइ ताव एसो।” रण्णा भणियं—“कहेहि रे ! किं न सोविया तए कंचुलिया ?” तेण भणियं—“देव ! तुट्ट-नक्का सुई समप्पिया कालिगतेरमगस्स । दिणं पढममेव मोल्लं । न य सो समारेइ । ता को एत्थ मज्झ दोसो ?” रण्णा भणियं—“तुमं पि सुद्धो ।” समाइट्ठो तलवरो—“आणेह तेरमगं।” आणिओ । समागया तेरमग्गसेणी । भणिओ नयरारिक्खओ—“एयं वयरकुट्टणियाए कुट्टेह ।” विण्णत्तो राया तेरमगसेणीसामिएण—“देव ! पुच्छिऊण मारेह । पुच्छिओ रण्णा—“कीस तए न समारिया सूई ?” तेण भणियं—“महाराय ! खवणगो विबंघगो।” रण्णा भणियं—“कहं ?” तेण भणियं—“समप्पिया मह घडणनिमित्तं तिविडिया । सो पुण परघरभोयणसुत्थिओ पभाए चेव आगंतूण आगरणं रंभेइ । न देइ मह अण्णकम्मंतराणि काउं : तो को मम दोसो ?” रण्णा भणियं—“विगयवयणिज्जो तुमं पि गच्छसु नियघरं।” आणाविओ खवणगो । दुवारे धरिऊण पुच्छिओ राया—“देव ! को एत्थ दंडो ?” रण्णा भणियं—“मारेहि केणइ कुमारणेण।” गहिऊण खवणयं निग्गओ दंडवासिओ । नत्थि कोइ तत्ति करितओ । तेण सविसायं पढियं दियवरेण—

पढहुं गुणहुं न कुसंगु करहुं कुसंग करंतुह वारितु न खुट्टहुं । ईवइ भित्तवसंतलोइ दुज्जणहं न छुट्टहुं ॥
निप्पक्खहं पडिवक्खु एहु सव्वत्तं आहाणउ । जसु रोक्खु न अत्थि कोइ सो मारहु खवणउ ॥३२६॥
ता महाराय ! जहा सो खमणओ निप्पक्खो वियारं पि न लहइ एवमेसा वि वराई।”

तओ सदाविओ राइणा मणोरहसेट्ठी । साहिओ उवरोहियसंतिओ समुल्लावो । सेट्ठिणा भणियं—“सोहेउ राया ससुएण सेट्ठिणा।” रण्णा भणियं—“को एस ?” सेट्ठिणा भणियं—“सो एस तक्करो जेण साभरण-सुवण्णलक्ख-सहिया कुबेरदत्ता हरिया।” ईसि पइसिओ राया । विवण्णवयणा जाया उवरोहिय-माहवा । सेट्ठिणा भणियं—“देव ! कीरउ संपयं सुद्धी । तहे[व] कया फालेण सुद्धी । ‘सेट्ठी सुद्धो’ त्ति समुट्ठिओ जयारवो । ‘खुट्ठी’ त्ति, काऊण कयसव्वस्स हरणो ससुओ निव्विसओ समाणत्तो राइणा उवरोहिओ । वरवत्थाहरणाईहि संपूइऊण विसज्जिओ मणोरहसेट्ठी । छिण्ण-कण्ण-नासा निद्धाडिया नयराओ वि बाइया । सेट्ठिणा वि कारावियं महया विच्छड्डेण दद्धावणयं । पयट्ठावियाओ जिगाय-धणेसु अट्ठाहिया महिमाओ ।

तओ पत्तपसंसाणं पंच-विसय-सोक्खमणुहवंताण वच्चइ कालो ताण । अण्णया नि[व]सिऊण कुटुंबभारं मणो-रहदत्तस्स आणंदायरियसमीव निक्खंतो मणोरहसेट्ठी । मणोरहदत्तस्स वि दुप्पय-चउप्पय-धण-धण्ण-मुवण्णाइहि पइदिणं वट्ठमाणस्स परिअणजणण परमविणयण आराहिज्जमाणस्स समं रयणसिरि-कुबेरदत्ताहि संसार-सोक्खमणुहवंतस्स बोलीणो कोइ कालो । जाया रयणसिरीए चत्तारि तणया ।

गामाणुगामं विहरंतो समागओ सुदंसणुज्जाण गुणचंदो नामायरिओ । वंदणानिमित्तभागया नायरया मणोरह-दत्तो वि । कया भगवया संसारनिव्वयणी धम्मदेसणा—जहारिहं काऊण धम्मपडिवात्ति गया सट्टाणं लोया । पुच्छिओ मणोरहदत्तेण आयरिओ—“भयवं ! कि कारणं असाहारणो मे जणाणुराओ । सहलो ववसाओ । दढाणुराया ममोवरि कुबेरदत्ता ?” साहिओ भगवया साहु-वत्थदाणाइसवित्थरो पुव्व[व]त्तंतो । तं सुणिय समुप्पणं मणोरहदत्तस्स जाई-सरणं । कुबेरदत्ता वि सुमरिय-पुव्वभववुत्तंता जाईसरा जाया । पइट्टिऊण नियपए जट्टुपुत्तं रयगाथरं निक्खंतो मणोरह-दत्तो गुणचंदायरियसमीवे । कुबेरदत्ता वि पवत्तिणिपायंतिए । पडियाणि चोहस-पुव्वाणि मणोरहदत्तेण । एक्कारसंग-धारिणी जाया कुबेरदत्ता । परिपालिऊण निरइयारं सामण्णं, काऊण पज्जते मासियं संलेहणं समाहिपत्तो मरिऊण समुप्प-ण्णो सव्वट्टिसिद्धे मणोरहदत्तो । इयरी वि सोहम्मं गय त्ति, ।

सीयंतसाहुवगस्स देइ भत्तीए वत्थमाईयं । नर-सुर-सुहाइं भोत्तुं निव्वाणमुहं पि पाविति ॥३२७॥
सीयंताण मुणीणं अवसरपत्ताइं वत्थपत्ताइं । जो देइ निज्जरट्टा सो पावइ परमसोक्खाइं ॥३२८॥

संपयंवसहिदाणफलं भणइ—

वसति दोनोपरि सोमसेट्ठिकहा—

अत्थि इहेव जंबुद्दीवे-दीवे भारहे वासे पवर-पउरुच्छुवाडोवसोहिओ निरंतरावद्वियचणय-गोधूम-छेत्त-संच्छण्ण-धरणीयलो, कूव-वावि-पोक्खरणी-दीहिया-सर-सयसमाउलो अवंती नाम जणवओ । तत्थ य सयल-जणधय-पहाणा उज्जेणीं नाम नयरी । जीए दोसायरो चंदो न जणो, छुहाउलाणि देव-मंदिर-भवणाणि न जण-मणाणि, प[इ]कर-पीडणमणुह-वंतिं तरुणीयण-थणा न पाणा, परलोयतत्तिपरायणा धम्मिअजणा न मणुय-नणा, परपुरिसदंसणरथा जोगिणो न इत्थी-यणो, तुच्छमज्जाणि रमणी-जणोदराणि न माणव-माणसाणि, जहिच्छाचारिणीओ आयास गामिणीओ न कुल-वहुओ, पइहट्टं भज्जतिं भोयणट्ठीहि कवहुगपणा न पुव्वपुरिसमज्जाया, कि बहुणा—

जहिं सपूण्ण-मणोरहहं परउवयारमणाहं । गुरुदेवहं पणमंताहं, जम्मू वि जाइ नराहं ॥३२९॥

तीए नयरीए जम्मंतरोवज्जिय-निविडमंतरायकम्म-दोसवसेण विहल-ववसाओ सोमो नाम सेट्ठी परिवसइ । विहवं चिणा न सिज्जंतिं तत्थ तस्स काज्जाणि । अण्णया मोत्तूण उज्जेणीं गओ अवंती-विसय-सीमा संठियं, निवसंतपउरनाहलं, सालिसीसाहिहाणं गामं, धरिओ तत्थेव नाहलेहि । दंसियं घरादणट्टाणं ववहरिउमारद्धो अंतरायखओवसमेण तं देसमासज्ज-संवडिद्धओ ववहारो । विडवेइ दविणजायं । वच्चंति दिणाणि । अण्णया सुप्पइट्टुनयरओ सोमदत्तसत्थवाहसत्थेण समं पुव्वदेसं पइ पत्थिया सीसगण-संपरिवुडा समागया तं पएसं सीमंधराभिहाणा सूरिणो । एत्थंतरे जेट्टुपडम-पक्खे चेव वुट्ठो निरंतरं तिण्णि दिणाणि । चिक्खल्ल-चिलिच्चिल्ला दुस्संचारा जाया मग्गा । रयणिसमथकयनीलजपडावगुंठणा, अहिसारिय व्व समंतओ हरिय-सामलतला संजाया मेइणी, जल-संदोहच्छाइया न लक्खिज्जंतिं सम-विसमपएसा ।

तओ भणिया साहुणो सीमंधरसूरिणा “भो ! नाणाविहजीवेहि संसत्ता समंतओ वसुंधरा असंजमबहुलो विहारो । अज्ज वि बहु गंतव्वं ता पविसह गाममेयं । अणुजाणावेऊण गाम-सामियंमग्गेह वसहिं । जइ लब्भइ तो एत्थेव वासारत्तं करेमो ।” गथा साहुणो । दिट्ठो गामं पविसंतेहि एगो वुडढमाहणो । पुच्छिओ सो साहुहिं—“किमभिहाणो एस गामो ? को वा एयस्स सामिओ ?” तेण भणियं—सालिसीसो नाम गामो, समरसेणो भिल्लाहिवई एयस्स सामिओ ।” साहुहिं

भणियं—“कहि सो संपयं वट्टइ?” तेण भणियं—“नियघरे।” गया साहू। दिट्ठो भिल्लाहिवो। वंदिऊण पुच्छिया तेण समागमणपओयणं। साहूहिं भणियं—“जइ भणह साहवो एत्थेव वासारत्तं कुणंति।” तेण भणियं—“को विरोहो?” तओ साहवो गाममज्जे वसहिं गवेसिउमारद्धा। न लद्धा कत्थवि। कमेण भमंता गया सोमसेट्ठिमंदिरं। भद्दगतणओ वंदिऊण पुच्छिया सोमेण—“कओ तुब्भे? किं-निमित्तं वा गाममज्जे पडियडह?” तेहिं भणियं—“सुपइट्टनयराओ सत्थेण समं पुक्खेसं पइ पत्थिया अइजलेण गंतुमचयंता सीमंधराहिहाणा सूरिणो बाहि चिट्ठंति। इच्छंति य इहेव वासारत्तं काउं। तव्वयणेण वसहिं मग्गामो। जइ अत्थि तो देउ देवाणुप्पिओ!” दंसिया सोमेण नियघरसमासण्णा एगा कुडी। पडिलेहिया साहूहिं। समागया सूरिणो। वदिया सपरिवारेण सोमेण। कया तक्कालोचिया धम्म-देसणा। सम्पण्णो भद्दगभावो सेट्ठि-परियणस्स। भणिओ सूरिणा सेट्ठी—“जइ कह वि पओषणवसेण साहुणो तणं वा कट्ठं वा डगलं वा भूइं वा मल्लगं वा गिण्हंति तं तए अणुजाणि[य]व्वं।” तेण भणियं—“अणुग्गहो ममेसो”। पुणो वि कया आगमाणुसारेण सूरिहिं सेट्ठिणो धम्म-देसणा—

न य जोइसं न गणियं न अक्खरा न वि य किपि साहेमो। अप्पत्थामा अ सुणग्गा भायणयंभोवमा वसिमो।।३३०।। पडिउवयारो धम्मो न हु अण्णो कोइ साहुपासाओ। जइ एवं भणह तुमं ता वसिमो अण्णहा नेव।।३३१।।

सेट्ठिणा भणियं—“एवं पि वसह। अणुग्गहो मे।”

तओ ठिया। पारद्धा साहूहिं ताणाविहा तवाभिग्गह-विसेसा। अप्पेगइया चउत्थभत्तिया, अप्पेगइया छट्ठ-भत्तिया अप्पेगइया दुवालसभत्तिया, अप्पेगइया अद्धमास-खवगा, अप्पेगइया मास-खवगा, अप्पेगइया दुमास-खवगा, अप्पेगइया तिमास-खवगा, अप्पेगइया चउमास-खवगा, अप्पेगइया दव्वाइचउव्विहाभिग्गह-वरगा, अप्पेगइया वीरासण-ट्टाणट्टाइया, अप्पेगइया उक्कुडुयासणिया, अप्पेगइया लमंडसाइणो, अप्पेगइया अंबर-खुज्जट्टाणटाइणो अप्पेगइया ईसिपम्भारयगया; अण्णे पुण सुष्णहरसुसाणाइठाणोसु काउसग्गभारिणो, अण्णे सुविसुद्ध-धम्मज्झाणझाइणो, तहा केइ चोइसपुक्खधारिणो, अण्णे पुण एक्कारसंग-वेइणो, एवं ताण विविह-त्तव-नियम-ठाण-काउस्सग्ग-करण-निरयाणं दसविहसाहु-सभायारि परिपालयंताणं वच्चइ वासारत्तो। जाओ सह परियणेण परमसम्मदिट्ठी सोमसेट्ठी।

अण्णम्मि दिणे सविसेसुल्लसिय-जीववीरिएण विसुद्धराय-वंस-संभवेण पुरंदरनामधेय-मुणिकुमारेण विण्णत्ता सूरिणो—“भणह तो हं गच्छाओ विणिकखमिय ठाणमोणाइयं विसेसाणुट्टाणं अणुचिट्ठामि।” सूरिणा भणियं—न संगयमेयं।” जओ-पडिसिद्धो सविसेसकारणं विणा भगवया एगल्लविहारो बहुदोससंभवाओ, जेण इत्थीयणपडिणीय-पमुहेहिं पए-पए दोसेहिं वूसिओ संतो एगागी लाघवं लभे।

जओ जओ वि एगागी, निदिज्जइ दुज्जणे जणे। गुणवंतगुणवंतो वि गच्छवासी भवे भवे।।३३२।। गच्छेण सारिओ संतो, साहु साहु त्ति मण्णइ। ईसि सा सिज्जमाणा वि दुम्मई दुम्मई मणे।।३३३।। एस गच्छो महाभागो, महाभागनिसेविओ। साहू साहिंति कल्लाणं, कल्लाणं एत्थ संठिया।।३३४।। गुणरयणागरो जेसि, गच्छवासो पिओ पिओ। संजमो संजमो तेसि, सुकरो सुकरो सया।।३३५।। संसारं संसरंताण संसरंताणमुत्तमं। गुणगच्छाओ गच्छाओ निग्गमे रमई रमे।।३३६।। नाण-दंसण-चरणेहिं, संगथा संगथा गणे। पराहीणा पराहीणा सया हंति सुसाहुणो।।३३७।। जेसि चायं गणे दासो सज्जणाणुमओ मओ। दुहा वाराहियं तेहिं निव्विकप्पसुहं सुहं।।३३८।। जं इमं साहुसंसग्गि न विमोक्खसि मोकखसि। उज्जओ य तवे निच्चं न होहिसि न होहिसि।।३३९।। सच्छंदवत्तिया जेहिं सग्गुणेहिं जढा जढा। अप्पणो ते परेसि च निच्चं सुविहिया हिया।।३४०।। नवधम्मस्स हि पाएण धम्मे न रमई मई। वहए सोवि संजुत्तो गोरिवाविघुरं घुरं।।३४१।। एगागिस्स हि चित्ताइं विचित्ताइं खणे खणे। उप्पज्जंति वियंते य वसेवं सज्जणे जणे।।३४२।।

तिष्वाभिग्गहसंजुत्ता ठाणमोणासणे रया । साहू दहंति गच्छे वसंता कम्मकयवरं ॥३४३॥

ता गच्छवासो चेव सोहणो विससओ नवजोव्वणाण तुम्हारिसाण ।” पुरंदरेण भणियं—“जइ एवं तो इमम्मि चेव गाभासणो पव्वए एगाणिणा वासास्तो गमियव्वो” त्ति, भणिकुण निग्गओ । नाऊण निच्छयं मोणमासिया सूरिणो ।

इओ य तीए, चेव पल्लीए सोमिलो नाम माहणो परिवसइ । नम्मया से भारिया, सरस्सई दुहिया । सा पुण ह्वेण ओराल-सरीरा पढमजोव्वणा चेव वट्टमाणा विह्वसेण विह्विया । विसण्णा जणणि-जणया । अण्णम्मि दिसे भणिया सोमिलेण नम्मया—“पिए ! ह्वस्सिणी वच्छा सरस्सई । विदारबहुलं जोव्वणं । बहुजणाहिलसणीयं च । जओ तारुण्यं तह अंतरिण, अण्णु न भल्ला कोइ । लिब्बु वि नव नव कुंपलिहि, ओ खज्जंता जोइ ॥३४४॥

विणडिय-वासाइ-मुणिमणो विसमो विसमसरो । अओ तह कह वि सिस्खवेसु जहा नाणेइ कुलमइलणं ।” ‘जम-ज्जउत्तो आणवेइ’ त्ति, भणिकुण उट्टिया बंभणी ।

अण्णया रहसि भणिया सरस्सई—“पुत्ति ! चितावरो ते पिया ता सीलसंरक्खणे पयत्तेण जइयव्वं । जेण

खेयणिज्जेण विणा जस्स जंतुणो जाइ जोव्वणं । जोयणं सयलदेसाण सहलं तस्स जीवियं ॥३४५॥

पसुसाहारणा कामा कामाहारो य जोव्वणं । ता वच्छे ! तह करेज्जसु जह न जायइ लंछणं ॥३४६॥

तीए भणिय—“अंब ! भणाहि य मे तायं जहा सीलपरिसालणे महंतो पयत्तो वच्छाए ता न संतप्पियव्वं ताएण” । साहियं नम्मयाए सोमिलस्स, परितुट्ठो सो ।

अण्णया गया पओयणवसेण सभासणगिरिवरं सरस्सई । दिट्ठो य णाए ईओ तओ परियडंतीए गिरिसु गुहा-मुहासणो काउसग्गेण संठिओ छत्तायारमणोरमसिरो, सुसिलिट्ठ-विसिट्ठ-सुप्पइट्ठुभीचंदसमाणभालयलो, कुवल्लयदल-दीहलोयणो, सरलसमुच्चयनासावंसरेहिरो, रडमयणहिंदोलयसरिस-सवण-पासजणिय-जणपहरिसो, परिणयविबीफल-सरिसाहरो, संखसरिसरेहा-तिय-विरोइय-कंधरो, पुरवरकवाड-वित्थिणवच्छत्थलो, नगर-परिह-पलंब-बाहु-जुयलो, नव-ककेल्लि-पल्लवायंब-करयलो, छुहियन्नससमाणोदरो पंचाणण-वडियडाणुकारिकडियडो, करिवर-कर-सरिसोह-जुयलो, अणुपुध्ववट्टसंठाणाजंघाजुयलविराइओ, कणय[वणसरिस]-कमल-कोमल-चलण-जुयल-जणिय-जण-विम्हओ, रंभारहिओ पुरंदरो व्व पुरंदरो नाम मुणिवरो ।

एत्थंतरे सहसा चेव गहिरं गज्जिओ जलहरो । घणसह-सवणाणंतरमेव माणिणा माणमंठिदलणपच्चलो समंतओ तडुवियसिहामंडलेहि कओ कल-केयारवो सिहंडीहि झलझलिया नहयले विज्जुलिया । अणुकूलपवणपणील्लिओ पसरिओ समंतओ कुडय-कयंब-बउल-नीव-सत्तच्छय-कुसुमाण पउरपुरंदरो व्व परिमलो ।

तओ सा चागुरावडियकुरंगि व्व निस्सकं विद्धा निसिय-सर-धोरणीए मयरद्धय-लोद्धएण असिक्खया वि पयट्टा तक्खणा चेव तीए भयणवियारा । पेसेइ वारंवारं पुरंदराणगारं पइ भू-चाव-विमुक्क-कडक्ख-विकखेव-बाणावलीं । वाम-हत्थेण सणियं सणियं संजमेइ ईसि र्हसियं कडिल्लयं । दाहिणकरेणमाणेइ खसंतमूर्त्तिरज्जयं । पियालिगणसमूत्तुअं व पुणो-पुणो समूसवेइ बाहु-अथा-जुयलं । पवणाह्यतरुककेल्लिपल्लवं व दसण-दट्ठं काऊण पुणो-पुणो ईसि चलंतं दसेइ सहावा-रुणमहरोट्ठं । निन्निमित्तमेव विलिहेइ वामचलणगुलीहि धरणीयलं ।

एत्थंतरे तयणुमग्गेण समागयाए—“पुत्ति सरस्सई ! कथं तुमं ? वेलाइक्कमो वट्टइ । एहि घरं गच्छामो” त्ति, पयंपमाणीए निसुओ सट्ठो जणणीए । तओ ईसि लज्जिअणसा नेहनियलसंदाणिय व्व, खलंत-पय-संचारा पुणो-पुणो पच्छाहुत्तं पलोइती वारं-वारं जिभायमाणी गया थेवभूमिभागं । निसण्णा कुसुमिय-कुडवहेट्टओ । दिट्ठा खणंतरेण गवेस-माणीए जणणीए मृणियमयण-वियाराए पुच्छिया तीए—“पुत्ति ! निरामयं ते सरीरयं ?” सरस्सईए भणियं—“अंब ! झलिय-जलण-जालावली-ठियणीव डज्जंति मह अंगाणि । दिसामूढ व्व न याणामि पुव्वावराइदिसिविभागं । सन्निवाय-गहिय व्व न तरामि भासिउं । अओ गच्छ तुमं अहं पुण सत्य-सरीरा खणंतरेण समागमिस्सामि ।”

तओ निरुद्ध-सइं परुण्णा नम्मया । चित्तिउं च पवत्ता—

“वियलेइ कलाकुसलं, हसइ सुइं पंडियं विडंबेइ । अहरइ धीर-पुरिसं खणेण रइवल्लहो देवो ॥३४७॥

इममेत्थ पत्तयालं पच्छण्णा चेव पेच्छामि, कहिं पुण इमीए अणुराओ” ? भणिया सरस्सई—“पुत्ति ! अप्प-मत्ताए अच्छियव्वं । गच्छामि अहं ।” तीए भणियं—“एवं करिस्सामि ।” गया नम्मया । थेवंतरं ठिया कंयारि-कुडं-गंतरिया । एत्थंतरे उट्टिया सरस्सई । गहिऊण पत्त-पुडए पाणियं गोमयं च गया मुणि-कुमार-पुरओ । कयं मंडलं । दिण्णो पंचवण्णपुण्फेहिं पयरो । पक्खित्ता पुरओ पुण्फंजली । उट्टट्टिया चेव उत्तरिज्ज-वत्थंचलेण वीयमाणीं चिट्ठइ ।

एत्थंतरे अलक्खिया समागया नम्मया भणिया तीए सरस्सई—“वच्छे ! सरसु । समयेव कयं सील-परिपालणा-पइण्णं मा कलकेसु । सरयससहर-सन्निहाइं नियजाइ-कुलाईं ।” मोत्तूण लज्जं भणियं सरस्सईए—“अम्मो !

सीलेण महं न कज्जं, कुलाभिमाणस्स निवउउ वज्जं । जाईं वि जाउ निहणं एसो महं संपयं सरणं ॥३४८॥

एवं सोऊण तुरियं गया नियघरं नम्मया । साहिओ एस वुत्तंतो सोमिलस्स । सो वि समाउल-माणसो चित्ति-उमारद्धो—“कहं णु नाम इमाओ दुरज्जवसायाओ नियत्तिव्वा ? दंडम्मि कीरमाणे जइ कह वि अत्ताणयं वावाएइ तो तो सोहणं ? अहं विगयलज्जा घराओ वि नीहरइ तहं वि ठिओ चेव कुलकलंको । ता सामो चेव संगओ । एवं चित्ति-ऊण गओ माहणीए सडिं पव्वयं सोमिलो । पुरंदरेण वि पडिपुण्ण-पइण्णेण पारिओ काउसगो । काऊण करंजलिं भणियो सरस्सईए —

“जमब्भत्थियसूरो जइ करुणं कुणसिं दुत्थियजणम्मि । मयण-सर-सत्तिजयंता परितायसु मं महासत्त ॥३४९॥
पच्छा वि हु आयत्तो धम्मो तुह धीरनिच्छियमणस्स । सुलहं पुणो वि सीलं, दुलहो पिय-संगमो सुयण्णु ! ॥३५०॥

सोवसग्गमेत्थावत्थाणं ति, कलिऊण अदिण्णपडिच्चयणो चेव गओ ठाणंतरं पुरंदरो अंतरिओ कइवयदिणेहिं ! तओ सा मुसिय-सारभंडार व्व विविहं विलविउमारद्धा—

निण्णेह काए नेहाउलेण हे हियय ! मुक्कमज्जाय ! लहुई-कयमिहं निल्लज्ज ! संपयं कत्थ वच्चामि ॥३५१॥
जओ—

सवभाव-नेहभरिए रत्ते रज्जिज्जइ ति जुत्तमिणं । अणहियए पुण हिअअं जं दिज्जइ तं जणो हसइ ॥३५२॥

एमाइ बहुण्यारं विलविऊण गया कयंबपायवतले । दिण्णा बाह-जलतरंत-तरलता-र-कराला दिगंतरेसु दिट्ठी । वियणं नाऊण समारुद्धा कयंब-पायवे बद्धो सिरौहराए उत्तरिज्जेण पासओ । कओ पणिही—“भो ! भो ! भवंतो लोग-पाला ! भयवई वण-देवथाओ ! जहा जम्मंतरे वि इमिणा सहं समागमो महं संपज्जइ तहा करेज्जहं” एवं भणिऊण विमुक्को अप्पा । जावज्जवि न मुंचइ पाणेहिं ताव गया तं पएसं जणणि-जणया । दिट्ठा पडिय-निरुद्ध-कंधरा, अमर-सुंदरि व्व पायवतलेहिं धरणिंतलमफुसमाणी कंठगय-पाणा सरस्सई । “हा ! कज्जं अकज्जं” ति, भणमाणेहिं छिण्णो पासओ । संवाहिया सिरौहरा । सित्ता सीयल-सलिलेण । पविजिया वत्थंचलेण । खणंतरेण लद्ध-चेयणा भणिया तेहिं—
“वच्छे किमेवं ? तए महासाहसं समणुट्टियं । न एस उवाओ पियजण-समागमस्स । थिरा भवसु । तहा-तहा जइस्सामो जहा संपज्जइ वच्छाए समीहियं ।” एवं समासासिऊण सरस्सइं पडिनियत्तेहिं दिट्ठो एगत्थ फासुए सिलायले निसण्णो पुरंदरो । पुरओ काउं सरस्सइं भणियं सोमिलेण—“भयवं ! सचराचर-जीव-वच्छल ! करुणामय-मयरहर ! सरणागय-सरण ! मुणिय-अव्भत्थणा-भंग-दुक्ख ! अव्भत्थयामो किपि भवंतं । एसा अहं दुहिया सरस्सई नाम जम्मंतर-पणय-पणोल्लिया इच्छइ तुहं चलणसुस्सुसणं काउं” ति भणिऊण पाडिया चलणेसु । तस्स वि भगवओ सायरस्स व सरिया-सहस्सेहिं मरुस्स व खर-पवण-गुंजावलीहिं न धम्मज्जाणाओ चलइ मणागमवि माणसं ।” पुणो-पुणो भणंतो भणियो पुरंदरेण सोमिलो—“भइ ! न एवंविहं तुहं भणंतस्स संगयं । न वा महं कुणंतस्स ।” तओ विलक्ख-वयणेण भणिया सोमिलेण

सरस्सई —“पुत्ति ! पुणो वि भणिस्तामि । गम्मउ तोव स-भवणं ।” पडिवण्णभिमाए । गयाणि सधरे । विमणं-दुम्मणाए अइवाहिओ वासरो । समागया रयणी । पुवण्णा सयणिज्जे । निव्वावारत्तणओ सविसेसदुक्खिया पलविऊमारद्धा—

रोड-विरहीण दुक्खं दुगुणं दिवसाउ वियरई रयणी । अहव ह्य निग्घणाओ जह महिलाओ न तह पुरिसा ॥३५३॥
चोर-परदारियाणं दुविहदुहाणं निसायराणं च । असुहाणं सव्वाणं निसे निसिसे तुमं ठाण ॥३५४॥
रोयंतु नाम तं जणमपेच्छमाणाणि दड्ढनयणाणि । तं हियय कि विसूरसि साहीणे चितियव्वम्मि ॥३५५॥
जइ वि हुसो निण्णेहो मज्झ मणं तहवि तस्स विरहम्मि । दज्झइ रवि-कर-संतत्त-वाल्लया-पडियमच्छं व्व ॥३५६॥
नयणेहिं सो य दिट्ठो ताइं चिय दहउ एस पिय-विरहो । मज्झ-गयं पि हु डज्झसि हियय ! तुमं कीस एमेव ॥
हियय ! तए सच्चविओ लोइय-आहाणओ फुडं एसो । कीरेण खओ वाडो बंधिज्जइ पडुयस्स मुहं ॥३५८॥
अण्णेण कयं अण्णो न भुंजए अलियमेरिसं वयणं । सो दिट्ठो नयणेहिं, जाओ हिययस्स संतावो ॥३५९॥

एवं विलविऊण सदुक्खं रयमाणी पुरंदरेण [परिहरियं] अप्पाणं मण्णमाणी लहिकुण अंतरं एयाणिणी चेव निग्गया घराओ । गया तम्मि चेव गिरिगुहामुहे जत्थ कय-काउसमो पढमदंसणेण दिट्ठो पुरंदरो । पूइओ कुडय-पुफेहिं सो पएसो । खलंतकखरं जंपियमिमीए—“पिय पुरंदर ! पविचयसु संपयं मह हिययं । मा तुमंभिं इमिणा सह विणासं पावि-हूसि” ? एवं भणिकुण गया गिरिनई-दहासन्न-वंजुल-धायवे । तमारुहिकुण विमुक्को अप्पा अगाह-जलमज्जे । अप्पघायम त्ति, कलिकुण विमुक्का पाणेहिं । समुप्पण्णा वाणमंतरी ।

इओ पभाय-समए न दिट्ठा नम्मयाए सरस्सई । साहियं गंतूण सोमिलस्स तेण वि गवेसिया । न दिट्ठा । तओ पुरंदरं पइ समुप्पन्न-मच्छराए जंपियं नम्मयाए—“अज्जउत्त ! बहुप्पयारं भणिएण वि न पडिवण्णं तुह वयणं तेण समणाहमेण । जइ कह वि मया होज्ज सरस्सई ता ‘धी-घायमो एस समणगो’ त्ति भणिय पाडाविज्जंतु बंभणा-तालं । एयं सोऊण ठइयं सोमिलेण सक्कणजुयलं । पडिभणिया य बंभणी—

जइ धम्मट्ठिउ नेच्छइ साहू, तो तसु कइसा एव दुगाहू । दुरुया बंभणि सूया तोरा, विरहिं मरंतहं कासु निहोरा ॥
ता जाइविं वालिज्जउं वाला, बोल्लि म बंभणि एरिस आला । जइ सा मरिसइ विरहकराली, ता कसु पडिसइ
बंभण-ताली ॥३६१॥

अप्पकामाए चेव पडिवण्णं बंभणीए । गयाणि गिरिवरं । दिट्ठा दह-तीरे मया सरस्सई । हा ! हा ! राव-भरिय-कंदरोदरं पवण्णाणि । सक्कारियं कडेवरं । कयाणि मय-किच्चाणि । कालेण जायाणि विसोगाणि ।

अण्णम्मि दिणे पओयणवसेण गया नम्मया सोमसेट्ठिमंदिरे । पुच्छिया सुमंगलसेट्ठिणीए दुहिया-मरणवुत्तंतं । साहियं नम्मयाए । सुमंगलाए भणियं—“न सोहणं भरणं ।” साहू-मच्छरेण जंपियं नम्मयाए—“सील-संरक्खण-फलमेयं ।” तीए भणियं—“कहं ?” नम्मयाए भणियं—“पिसिया मए पओयणवसेण सरस्सई [गिरिगुहं] दिट्ठा तत्थ परिबभमंती पुरंदर-साहणा । संजायाणुरागेण पत्थिया तेण न इच्छियमिमीए । बला वि घेयमाणीए पक्खित्तो अप्पा दहेसु ।” मंगलाए भणियं—“अघडमाणमेयं । जे निय-घरिणि-घराइयं परिहरिकुण निक्खंता ते कहमेवं कुणति ?” तीए भणियं—“सुमंगले ! एरिसो एस पासंडो । न एत्थ परमत्थबुद्धी कायव्वा ?”

एत्थंतरे समागओ सोमसेट्ठी सुओ तेण वि एस वइयरो । निद्धाडिया नियघराओ नम्मया । भणिया सुमंगला—“पिए ! असंबद्धपलाविणी एस । न इमीए वयणाणि कण्णे कायव्वाणि ।” गंतूण उवालदो सेट्ठिया सोमिलो । कीस तुमं नियघरिणीं मुणिजणाभिमुहमसमंजसाणि जंपमाणीं न वारेसि ?” तेण भणियं—“वारिस्सामि ।” सिक्खविया सोमिलेण रहसि रयणीए । न किंपि पडिवज्जइ ।

तओ “मुणिजणमब्भक्खाण-दाणेण दूसयंती अप्पाणं पावे वोल्लेसि” त्ति खरयरं भणिया । पडिवण्णमिमीए तस्स पुरो । न पुण इत्थीपुरओ पर्यपंती चिट्ठइ । फुट्टो एस वइयरो सयलगामे । निसुओ पल्लिनाहेण । सहाविया सूरिणी ।

सोमेण भणियं—“किमायरिएहि अहमागच्छामि।” गओ। पुच्छिओ समरसेणेण—“किमेरिसाणि लोओ पयंपइ?”
सेट्ठिणा भणियं—“नाहं बियाणामि?”

तओ सोमिलो सहाविओ। पुच्छिओ य, तेण भणियं—“अलिय-भासगो लोओ। काराविया मूलसुद्धी। पर-
परएण ताव गया जाव नम्मया। न सा अन्नं दसेइ। भणइ य—मए चेव दिट्ठमेयं।” पुरिसेहि भणियं—“जइ एवं
ता एहि पल्लिनाहसमीवं?” समागया। पुच्छिया तेण, तं चेव भणइ।

तओ निरुवियं समरसेणेण सेट्ठि-वयणं। सेट्ठिणा भणियं—“जइ एवं तो अत्येत्थ सपाडिहेरा सोममुहा नाम
देवया, सा सुद्धं मुयइ असुद्धमुद्धट्ठियं चेव निरुद्धवयण-पसरं अहोरत्तं जाव धरेइ। पच्छा सडियजीहं मुयइ। तत्थ
सुद्धी कीरउ।” समरसेणेण भणियं—“सम्मयमेयं। सहावेह तं समणगं।” सेट्ठिणा भणियं—“अलं तेण। अहं तट्ठाने
धण-पाणेहि ववहरामि।” पडिवणं पल्लिनाहेण।

तओ कयण्हाण-विलेवणो नियंसिय-सिय-वसणो सिय-कुसुममालोवसोहिओ समागओ पल्लिनाह-सगासं सेट्ठी।
विमणा समागया नम्मया समं सयललोएण। समागयाणि देवया पुरओ। कया सावणा सेट्ठिणा। ‘सुद्धो’ त्ति न थंभओ।
गहिऊण देवया सिराओ कुसुममेगं समागओ सयललोएण पसंसिज्जंतो सभवणं। करावियं महया वित्थरेण वद्धावणयं।
परमाणद-निब्भरा सुमंगला। जाया जिनसासण-समुन्नई उप्राइयं खाइगसम्मत्तं सेट्ठिणा। परित्तीकओ भवोदही। समागओ
सूरिसमीवं। वदिया सूरिणो विणय-नमंतुत्तिमंगो। निविट्ठो सुद्ध-धरणीतले। उववूहणासारा कया आयरिएहि धम्मदेसणा।
तं जहा—

पढमं तुमेहि पत्तं जिणेहिं जं विजिय-राग-दोसेहिं। सम्मत्त-महारयणं पढमं वि य रणमज्झम्मि ॥३६२॥
भरहेण वि जं पत्तं भरहवइत्तं नमंतसामंतं। आणाणसारि सुरासुर-साहिथ-नीसेस-करणज्जं ॥३६३॥
बाहुबलिणा वि पत्तं बाहुबलं तं तहाविहं तइया। जेण भरहो वि समरे संसयमारोविओ परमं ॥३६४॥
वसुदेवो तरुणीयणमणमोहणपरम-रुव-संपण्णो। दसमो दसारयाणं जं जाओ भरहवासम्मि ॥३६५॥
तं सव्वं मुणिजण-पवखवाय-संजणिय-पुण-माहृणं। निट्ठविय अट्ठकम्मा इइ सव्वण्णुजिणा विति ॥३६६॥
ता धण्णो चेव तुमं जाइ-जम्मो य तुज्ज सहलाइं। जेण तए मुणिकज्जे धण-पाणा तिण-समा गणिया ॥३६७॥
जओ—

सगुणजणपवखवाओ सगुणसंभाव-सोय होइ कायव्वो। एसा जिणाण आणा एस च्चिय धम्मसारो त्ति ॥३६८॥

एवं बहुजणसमक्खमुक्खवूहिओ संतुट्ठमाणसो गओ सभवणं सोमसेट्ठी। नम्मया पुण सावणं कुणमाणी चेव
निरुद्ध-वइपसरा उद्धट्ठिया चेव धरिया अहोरत्तं जाव पच्छा सडिय-मुहा मुक्का। बहुजण-धिककारहया सधरं पविसमाणी
चेव कोहावेस-रत्तच्छदुप्पेच्छेण अमरिसवस-विणिज्जंकारविस-विसंठुलवयणेण निद्धाडिया भत्तारेण। भणिया—“पावे!
न पुणो मह घरे पविसियव्वं।” तओ चलिया साल-नयर-संठियनियभाउणो समीवे। कमेण पत्ता एयागिणी रयणीए
उज्जेणिवाहिरयाए। दिट्ठा य खुइ-मंत-साहगेण। तत्थ पुण एस कण्णो-इत्थीरुहिरेण मंडलपूया कायव्वं ति काऊण नीया
मसाणं। तं च केरिसं—“कत्थ वि मडयमुक्कहक्कुकिपरमरंतअप्पसत्त-मंत-साहयं, कत्थ वि परित्तुट्ठखगकोट्टखज्जंत
दीह-निदापमुत्ताणे हयं, कहि [पि करकरंतकरवत्त-कट्टिज्जंत-तक्कर-मुक्क-करुण-सद्-भरिय-मसाणभू-मंडलं, कत्थ वि
सूलारोवियनरसुभरिज्जंतखांडलं, कत्थ वि किलिकिलेतवेयालोग्गालिय-रुहिर-वसा-सलिल-संसित्त-सिम्मिसित्तिमित्तविया-
चक्क-चच्चिकयं, कत्थ वि मय-माणुस-संसासायण-मुद्दय-महासिस्साराव-सवण-संभंत-कायरजण-मुच्चंतजीवियं, कत्थ वि
जोगियणजविज्जंत-मंत-सामत्थ-समुट्ठिय-अक्खय-मडय-करसमणियकराल-करवाल-पहय-पाय-मह्य-पुरिस-पयडियमुवण-
पुरिसयं, कत्थ वि निज्जलिय-खायरगार-नियरमज्जा-निहयलोह-कीलोवरिनिविट्ठ-पवमट्ठ-विज्जविज्जाहर-जविज्जंत
नह्यामि विज्जयं, कत्थ वि पिसिय-रस-लुद्ध-रुहिर-पाण-लोल-कत्तियाहत्थ, दुट्ठ-डाइणी-छिज्जंतसूलारोविय-सजीव-पुरिस-
विमुक्क-क्कंद-सद्-सवण-समुप्पण-हरिस-भरनिब्भर-नच्चंत-वेयाल-सय-संकुलं ति। अवि य—

जलंत-जलण-भीसणं, सुच्चंतकरुण-नीसणं, पलंबमाण-चोरयं, रणंताणाहरोरयं, ॥३६९॥
सुव्वंतसिवासहयं, भमंतजोगि-विदयं, हिंडंतजोगिणीमणं, मिलंतडाइणीजणं, ॥३७०॥ ति

एवंविहे मसाणे काऊण रस्तचंदणेण मंडलं निवेसिया य मंत-साहणेण—“सुदिटं करेमु जीवलोगं । सुमरेसु इट्ट-देवयं ।”

तओ सा भयतरल-लोयणा पवण-हय-पण्णं व कपंत-सव्वगत्ता एवं विलविउभाढत्ता—

पुर्व्व भट्ट ! भणंतो मा भट्टिणि ! मज्झ भोषणं देज्जा । जा अप्पणा ण भुत्तं ईण्ह कह निट्ठुरो जाओ ॥३७१॥
वत्थाहरण-विलेवण-पुफ-फलाईणि मज्झ दाऊण । भुंजंतो सामि ! सयं ईण्ह कह निट्ठुरो जाओ ॥३७२॥
जाईओ पुणउ अणुराउ सुहय तारिमो तुव्व हट्ठो । अकंडकुविएण झत्ति विहिणा कहं छिण्णो ॥३७३॥
तइया नाह भणंतो पिए तुमं मज्झ जीविय समाणा । एण्ह घेतूण गले कह सहसा उज्झया एवं ॥३७४॥
हो अंब ! चंदकरसन्निहस्स वंसस्स मइत्तिणो पावा । कि जणियाहं तुमए, ताय ! तए पालिया कौस ॥३७५॥

एवमाइसकरुण-जण-हियय-संघट्टजणयं पुणो पुणो विलवती कडिडऊण कुविय-कयंत-जीहा-करालं कत्तियं पहाया कंधरा-देसें मंतसाहणेण । रुद्धज्जाणेण मरिऊण गया छट्ट-पुढवीए ।

इओ य पुच्छिओ सूरिहि पुरंदरमुणिवरो—“कि निवधणो एस ते कलंकागमो ?” साहिओ तेण सब्बो वि अहट्टिओ वइयरो । पसंसिओ सूरिहि । तव-संजम-निरयाणं वच्चति दिणाणि ।

अण्णया समागयाए पज्जोसवणाए, वक्खाणिज्जंते पज्जोसवणा-कप्पे, सुणंतेसु सब्बेसु साहु-सावएसु, पवणाहय-पईवसिह व्व खणदिट्ट-नट्ठो जाओ पुरंदरमुणिवरो । विम्वहयवसुफुल्ललोयणा परोप्परं मुहाणि समवल्लोइउं पवत्ता सहा । चलयेसु निवडिऊण विणयपुव्वं पुच्छिया सोम-सेट्ठिणा सूरिणो—“अयवं ! किमम्हाण एस मइ-विबभमो ? उयाहु सच्चमेव नत्थेत्थ पुरंदरो ?” उवओम-पुरस्सरं जंपियमायसिएहि—“रागविलसियमेयं ।” सेट्ठिणा भणियं—“कहं ?” सूरिणा भणियं—“सा सोमिलमुया सरस्सई जलपवेसेण मया । सा मरिऊण वाणमंतरी जाया । तीए सपुव्व-भव-सिणेहाणुबंधेण विसयासेवण-निमित्तं समुद्धमज्झाट्टियसुव्वेले ए अवहरिऊण नीओ पुरंदरो । निमित्तो भोगेहि । न इच्छियं तेण । पइदिणं धम्मदेसणं कुणंतेण सा वि सम्मत्तं गाहिया । संजाय-परछायाव, पुणो वि सट्ठाणं साहरिस्सई ।” सेट्ठिणा भणियं—“अयवं ! केरिसो इमाए पुव्व-भव-सिणेहो ?” सूरिणा भणियं—“सोम ! सुण,”

अत्थि इहेव जवुहीवे दीवे भारहे वासे दक्खिणावहे सयलनयरतिलयभूयं सुव्व-अवभंलिह-पायार-सिहर-संरुद्ध-रवि-रहं, बहुविह-सरकुसुम-पसरंतसार-परिमल-वासियासेस-पेरंतं हंसउरं नाम नयरं । तत्थ य सूरु व्व निम्मय-पयावो हंसो नाम राया । सविलासगइ-विणिज्जिय-रायहंसिया हंसिया से महादेवी । ताणं पच्छिमे दयसि वट्टमाणाणं बहुहि उवाइयसएहि एगा चेव दुहिया जाया । उच्चिय-समए पइट्टावियं नाम हंसप्पहा । अइवल्लहा जणणि-जणयाणं सिणेह-सारं लालिज्जमाणी कालं गमेइ ।

अण्णया सहिपणसमेया नाणाविहकीलाहि कीलमाणी गया हयमुह-जक्खालयं । सोवहासं पणमिओ गुज्जगो । पयाहिणं कुणमाणीए दिट्ठो काउसगसंठिओ, मल-मलिन-वसणो, दीह-दसणो, सदीहलंबंताहरो, करह-कराल-कंधरो, कज्जल-कसिण-छवी, विविहत्त-सोसियसरीरो, मुणियसव्वणु-सासणसारो दमसारो नाम मुणिवरो । तं दट्ठूण निच्छूढ-मणाए भणियं च सोवहासं सहीण पुरओ—

घोडयमुहो व्व देवो, पुण करह-कंधरो समणो । गुरु-देवाणं विहिणा, सरिसाण समागमो वडिओ ॥३७६॥
सोऊण इमं वयणं मुणिदेहं पविसिऊण सो जक्खो । कुविय-कयंतुव्व-भड-भिउडी-भासुरो भणिउमाढत्तो ॥३७७॥
सत्त-भवगहणाइं मुणिउवहासेण पाण-जाईसु । भमिहिसि भोग-विहीणा दुह-दुहिया दूहवा पावे ॥३७८॥

तं वज्जपडण-दुसहं वयणं जक्खस्स अंतीए सोऊण । भयवस-वेविरदेहाए दीणवयणाए संलवियं ॥३७९॥
 भयवं ! सुरनर-संशुइय ! सवराचरजीव-वच्छन्न पसंत ! दयरसिय ! प सिय सिग्घं, खमेषु जं मेउवरद्धं ति ॥
 को हसइ जाणमाणो, तुह चरियं चंदचंदिमा सरिसं । जो पुण अयाणमाणो हसइ हओ सो सकम्मोहि ॥३८१॥
 अण्णाणं अवरज्जइ न भाव-दोसो जहिस्थ मणिववर ! तह होज्ज साणुकंपो करुणायर मह तुमं वेव ॥३८२॥
 तव्वयणायण्णण-सुप्पसण्ण-चित्तेण तेण जक्खेण । पडिभणिया सा वावा वच्च तुमं धीवर-कुलम्मि ॥३८३॥
 तत्थ वि सुहिया सोहम्म-संजया जणिय-जणमणाणंदा । इमिणा चेव भवेणं सावंतं पुत्ति ! पाविहिस्सि ॥३८४॥
 इय वोत्तं तह सविया जह सा धीवरकुलम्मि अवयरिया । गंतूण सहीहि तओ पसाहियं जणणि-जणयाणं ॥३८५॥
 सोऊण इमं वयणं अम्मा-पियराण सोम-भरियाण । वण-घडिय-मयंक-सम्पहाणि वयणाणि जायाणि ॥३८६॥
 भणियं च महीवइणा पज्जतं देवि ! गृह-विसाएण । वामाउ वि वामयरं कुणइ विही तत्थ को खेओ ? ॥३८७॥

एवं संठविऊण अत्ताणयं ठियाणि ताणि सा वि कण्णगा अकम्हा चेव दिट्ठा एणेण धीवरजुवाणएण । सयणिज्जगया, पुच्छिया ससंभमेण—“को तुमं ? कत्तो वा समागया ?” सा वि बाहुल्ल-लोयणा रुयइ चेव न कि पि जंपेइ ।

तओ भणिया तेण सया सण्णिहिया गंधिला नाम नियदासी—“तह कह वि पणवेसु एयं जहा नियवुत्तं साहेइ ममं च पइं पडिवज्जइ । तीय वि तहेव ओयरिऊण बहुप्पयारं सपणयं पुच्छिया । कहिओ हंसप्पहाए जहावट्ठिओ सव्वो वइयरो । पडिपुच्छिया य गंधिला—“तुमं पि कहेसु का एसा महावया ? का वा एसा महाडवी ? को वा एस आयार-सुणिज्जंत-महाकुल-संभवो धीवर-जुवाणो ।” ताए भणियं—“सुणेउ सावहाणा पियसही ।” अणवरय-विगलंतामल-बहल-मय-सलिल-लोलालि-पडलावावण-संजाय-भूरि-सरंभ-करि-नियर-कराकरिसण-भज्जंत-तुंग-तरु-विसर-विगलंत-रस-कसा-इय-जलेपूर-पुरिओभय-तडासण्णवियसिय-वउल-तिलय-कुरंबय-कणियार-अइमुत्तय-सहयार-संदोह-सुरहि-कुसुम-गंध-लुद्ध-भमंत-किन्नर-विलासिणी चिर-सेविय-परिसर-लया-हरा, हर-हास-धवल-निय-जुयइ-चाडु-कम्म-करण-पवर-हंस-रहंग-पमुह-विविह-विहंग-भाणोवसेविया, विज्ञगिरिविणिग्गया, सयल-जण-सम्मया तम्मया नामसा महाणई । जा वासुदेव-वच्छत्यली व निम्मल-कमलाकर-विराइया, रामायणकह व्व राम-लकखण-पयार-रेहिंरा एसा पुण विज्ञाडवी । जो महापुरवरि व्व समंतजे विसालोवगूढा पहाणवंसाइण्णा बहुवालिया य, महानरिद-रण-भूमि व्व दीसंताणेगसकुंत-सरचक्कवाया खग्गाभिघाय-दलिज्जंत-मत्त-मायंग-कुभत्थला य, निसिसमय-महाराय-सभाभूमि व्व दीवियासयसोहिया बहु-कवि-संगया य, अग्निहोत्तिय-चुल्लि व्व अणवरय-दज्जंत-कटु-संघाय-जलण-जाला-जोग-फुट्टंत-महुयाल-गलंत-महु-विदु-संदोह-हुव्वंतहुयासणा य, चंडालजणावाणय-भूमि व्व वियरंत-मत्तमायंगो पयड-पलासा य, लंकाउरि व्व वियरंत-बहुनिसायरा विभीसण-संगया य, पंडव-सह व्व वियरंत-जुहिट्टिल-भीम-अज्जुण-नउला सहदेवोवसोहिया य, सीलापहाणविलासिणि व्व विसट्ट-केलि-कमल-पगलंत-मयरंद-विदु-पवाह-पिजरिज्जंत-पओहर-वर-तिलय-विभूसिया य, कत्थइ नहयल-सिरि व्व वियरंत-धणुहत्थ-लोद्धया सुककगयसिरसणाहा य, कत्थइ जेट्टककमूलकलिया सुचित्ताणुगया य, कत्थइ भइवय-सहिया उट्टिता विसाह-पयड-दीसंतमदारा य, कत्थइ वियरंत-बहु-रिक्ख-रेहिंरा रोहिणी-रमणीया य, कत्थइ सत्तसत्तम-महरिसि-संचार-साहिया पयड-दीसंत-मयरा य, कत्थइ वियरंत-धुवागत्थिया कत्तियाणुगय-दिसायर-संगया य, एसो पुण इमस्स चेव नम्मयोवगंठ-संठियस्स वसंतसुंदर-नामस्स सामिओ सूरविक्कमो नाम धीवराहिंई । हंसप्पहाए भणियं—“कहं रयसुयसूयगाणि इमस्स लक्खणाणि ?” तोए भणियं—“सुट्ठु नायं पियसहीए । सो एसो हि कलिगाहिंस्स सीहंक्कवमराइणो पुत्तो । कोउहदेण करिकलह-गहणत्थभागओ, अओ तओ परियडंतो य पत्तो वसंत-सुंदरमामं । बाहिरियाए रायतणओ समागओ त्ति, सोऊण निग्गओ जलमुहो धीवराहिंई । सगोरवं पवेसिओ, तेण णाम मज्जे उवायणी काऊण सुत्ताहल-रयणसाईणि विसज्जिओ । गओ निययावासं ।

पेसिया पत्थओ पहट्ठं मणि-रयणं गहाय जलमुहेण । जलकंता नाम नियदुहिया पत्ता तमुहेसं ॥३८८॥
 तो दूरकयपणामा खलंतचलणा ससज्जसा वाला । पत्ता कुमारसमीवं, विसमसरालिद्धसव्वंगा ॥३८९॥
 चइऊण बालियासुलहसज्जसं तरलतारया तीए । तोरविद्यपंचवाणा दिण्णा दिट्ठी कुमारम्मि ॥३९०॥
 जम्हा जणमज्जगया वि वाढं बद्धा वि लज्जरज्जूए । वल्लहजणमणुधावइ वम्महपडिपेल्लिया दिट्ठी ॥३९१॥
 अगणियपरियणजज्जं पम्हुट्टकुलककमं विगयसकं । पसरंतसाससूइयहिययायासं जणपयासं ॥३९२॥
 कुमरेण वि सविलासं ससिणेहं सायरं ससिगारं । वलियच्छिण। सयणहं तीसे मुह-पंकयं दिट्ठं ॥३९३॥
 ताव लज्ज मज्जाया, ताव उवएसु गणिज्जइ । जाव न पियमाणुसह, दिट्ठि-गोयरि निवडिज्जइ ॥३९४॥
 ताव गहिरगंभीरिम, गरुई सायरह । जाव न करिहिं करंबिउ, होइ निसायरह ॥३९५॥
 अण्णोण-दंसणामय-सित्ताणि व ताणि विद्यसियतराणि । जायाणि जायसोहाणि कुवलयाइं व नयणाइं ॥३९६॥
 दोण्हं पि पढमदंसणपसरियमथणग्गिजालपज्जलियं । वारं वारं वेवइ संगमसुह-संकिरं हिययं ॥३९७॥
 तत्तो गयलज्जाए पयंपियं धीर-धीवर-सुयाए । धण्णाहं जीय तुमं सक्खं चिय अज्ज सच्चविओ ॥३९८॥
 एसो तस-थावर-विस-पणासणो तुज्ज करयलपणई । तायाएसेण मणो कायव्वो मज्ज करेणं करेयव्वो ॥३९९॥
 इय भणिए तेण लहं हत्थो हसिऊण अप्पिओ धणियं । संघीडिऊण सुइरं पणामिओ तीय वि सलीलं ॥४००॥
 तो ताणि परोपर-पाणि-कंस-संगलिय-सेय-सलिलाणि । मयणानल-विज्जवणत्थं व सीय-सलिलेण सित्ताणि ।
 खणमेत्तमच्छिऊणं सिणेह-सारिहिं सोवयारेहिं । वयणेहिं बीय-दिवसे पुणो वि सो पुच्छिओ कुमरो ॥४०१॥
 अबलायणम्मि दाणे कुमार-पसिऊण तहा करेज्जासु । जह भुज्जो वि हु जायइ तए समं दंसणं सुहय ! ॥४०३॥
 इय भणित्तं चलिषाए तीसे पच्छामुहं नियंतोए । तत्थद्वियं पिव चित्तं आणेउं पेसिया दिट्ठी ॥४०४॥
 कुमारेण वि ससिणेहं अणिमित्तदीट्ठीए ताव सच्चविद्या । अंतरिया जाव वणंतरेण सा धीवरं गुरुहा ॥४०५॥

तओ पइदिणं अवशवरोवायण-मिसेण गमागमं कुणमाणीए अण्णोणालावेण य तहा वसीकयं कुमारमाणसं जहा पयडमेव पत्थिओ तेण तप्पिया ! 'कल्लाणमेयं'ति, भणिऊण पडिक्कणा तेण । परिणीया गंधव्व-विवाहेण । तत्तो वारं-वारं वारिज्जमाणो वि परिद्यण-जणेण उज्जिय-कुलाभिमाणो कुमारो धीवरो जाओ ।

को तस्स अहव दोसो जाइ-विरुद्धं पि कुल-विरुद्धं पि । अकुणंतं पि पुरिसं बला वि मयणो करावेइ ॥४०६॥
 चंडाणिल-विहुणिय गुरुतरंग-पक्खुहिय-जलहिजल-पसरो । रुब्भइ कहि वि कयाइ वि न उणो अपुरत्तचित्तस्स ॥
 एत्थंतरि असमंजसमिमेहिं विहियं ति पेच्छिउं सूरु । लज्जंतो विव अत्थगिरि-सिहरि-सिहरं समारुढो ॥४०८॥
 नं नज्जइ रोसेण व रत्ता संज्ञा दिसा-बहूणं पि । दट्ठूणाकज्जमिणं सामीभूयाणि व मुहाणि ॥४०९॥

तओ अकयकज्जो पडिनियत्तो कुमारपरियणो पत्तो सट्टाणं । कुमारो वि पाणिगहणदियहादारुब्भ-निब्भराणुशय-रत्तमाणसो पवइडमाण-नाणाविहधरिहासं, अणवरय-चाडुकम्मकरण-पयडिय-सिणेहसारनिब्भरं, सहिरिसमासेवमाणो विसय-सुहं कालं गमेइ ।

अण्णया मरंतेण धीवराहिवेण 'जोगो' ति कलिय एस चेव य पए पट्टाविओ । कयाइ मरणधम्मयाए जीवलो-गस्स, कालेण कवलिया सा इमस्स धरिणी । काऊण तीए मरणकज्जाणि अकय-कलत्तसंगहो चेव चिट्ठइ । अज्ज पुण तुम-मणेण दिट्ठा साहिलासमवल्लोइया संभासिया य । जइ ते रोयइ तो सरिस-समागमेण कयत्थो हवउ विही ।" पडिक्कणमे-ईए । सिणेहसारं विसयसुहमणुहवंताण वच्चंति वासरा ।

एगया गयाणि पउमसरमेणं । दिट्ठो तत्थ पियाए चाडुकम्मं कुणंतो रहंगो ! हंसप्पभाए भणिओ य पई "ताह ! गाढो इमस्स पणइणी पइ सिणेहो लक्खिज्जइ । जइ कह वि विज्जइ ता किं करेइ" ति, भणिऊण गहिया तीए रहंगी ।

हियय-संघट्टेण मओ रहंगो । इयरी विमुक्का पाणेहि । सो पुण धीवराहिवो पयइ-भद्दगो 'धम्मो भविस्सइ' त्ति, नम्मय-मुत्तारेइ जइ-जणं तप्पच्चयं समज्जिणेइ पुण्णं । अण्णया अहाउयक्खएण मरिऊण समुप्पण्णो जयत्थले नयरे जयधम्म-नरवइस्स जयावलीए देवीए कुच्छिसि पुत्तो । कयं से नामं पुरंदरो । इयरी वि एयम्मि चैव गामे सोमिलसुया सरस्सई जाया । रहंगमिहुणकम्मोदएण भोगसमए गहियवयं च दट्ठूण पुरंदरं अणुराग-वसओ मरिऊण वाणमंतरी जाया ।" तं मूणिय विम्हियां परिसा ।

एवं तत्थ वसंताण समइक्कंतो वासारतो । गहियो वसहिदाणाभिग्गहो सोमसेट्ठिणा । विहरिया अण्णत्थ सूरिणो । सोमसेट्ठी वि परिपालिऊण सावगतणं कयाणसणो मरिऊण समुप्पण्णो अच्चुए कप्पे महिइडियसुरवरो । तओ चुओ खेमं-कराए नयरीए जुगवाहुस्स एण्णो जुगंधराए देवीए गम्भे संजाओ । "देमि य अभयदाणं, कारावेमि कारागार-सोहणं, उक्करं करेमि जणवयं" ति जाओ दोहलो । तहेव संपाडिओ नरवर्द्धेण । संपुण्णदोहला सुहं सुहेण कालं गमेइ ।

अण्णया पुण्ण-चउट्टसीए पया-पुण्णेहि देवी दारयं पसूया । वद्धाविओ राया कत्ताणियाहिहाणाए दास-चेडीए । दाऊण पारिओसियं विसज्जिया सा । राइणा समाइट्ठं वद्धावणयं । कयं ऊसिय-धयपडागं, पइभवण-निबद्धवंदणमालं, वंदणमालाहेट्ट-निविट्टजलपडिपुण्णकलसयं सनगरं रायभवणं ।

तओ गायंतेसु कलकंठकंठेसु गायणेसु, वायंतेसु विविह-तालं वाइणेसु, नच्चंतेसु पायमूलेसु, मंगलगुह्लेसु अविहवनारी जणेसु, वाइज्जंतेसु वारं-वारं मंगल-संखेसु, दिज्जंतेसु अमच्चसामंताईण पसाएसु, पडिच्छिज्जंतेसु हिरण्ण-सुवण्ण-करि-करह-नुरगाईएसु, दासीयण-करकय-कणय-सिगिया-संठिअ-कुंकुम-रस-सिच्चमाण-सिरोरहेसु-महल्लमहल्लएसु अण्णोण पेल्लण-पडंतुट्ठंत-मडह-खुज्जवामणेसु, हरिसवसविसप्पमाणेसु जुगंधरापमुहपहाणतेउरेसु, परमाणंदभरनिब्भरो अमयरस-निब्बुट्टे इव जुगवाहुनरीसरे, आसंतूण पणाम-पुव्वयं जंपियं दोवारिएण—“देव ! दक्खिणावह-निउत्त-दंडमज्जाओ दंडवेग-दण्ड-नायगेण पेसिओ मुहमंगलो नाम पुरिसो दुवारे चिट्ठइ ।” राइणा भणियं—“लहुं पवसेहि ।” वयणाणंतरमेव पवसेओ । कयप्पणामेण वद्धाविओ तेण राया । “देव ! देवसेण दंडवेगेण संगरे जिणिऊण वसीकओ मलयसारदेसाहिवई मलयकेऊ नाम राया । वियरिया तत्थ देवस्स आणा ।”

तओ कल्लाणपरंपरा पमुइय-माणसेण राइणा दाऊण पारिओसियं विसज्जिओ मुहमंगलो । वित्तं वद्धावणयं । मासावसाणे य दोहलाणुसारेण पइट्टावियं से नामं कुमरस्स खेमंकरो । कमेण पवइडमाणो जाओ अट्टवारिसिओ । सम्-प्पिओ लेहायरियस्स । थेवेण वि कालेण जाओ बावत्तरिकला-कुसलो, विसेसओ नरत्तारि-लक्खणे ।

अण्णया पसत्थवासरे लेहारिएण समं सम्माणिओ सभवणं खेमंकरकुमारो । अमच्च-सामंत-विविह-पउरजण-परिवारिओ अत्थाणमंडवे सीहासणोवविट्ठो परमाणंदभरनिब्भरो जुगवाहु-नरीसरो दूरादेव विणयनमंतुत्तिमंगेण समागं-तूण पणमिओ कुमारेण । सिणेहसारं बाहुज्यूलेणालिगिऊण निवेसिओ उच्छंणे । चूबिओ मुद्धाणे राइणा, दाऊण जीविया-रिहं परिओसदाणं विसज्जिओ कलायरिओ । कुमारो वि निसन्नो नरवईपाय-वीडे ।

एत्थंतरे अकम्हा चैव आगासे अववरिऊण राय-सहं अलिजरोदराभिहाण-वेयालेण पमुक्काओ सभामज्जे तिण्णि नर-करोडीओ । भणियं च आगासगएणं तं मइपरिक्खणत्थं, ‘जइ इमाण मोल्लं न करेह तो सब्बे वि भारेमि ।’ अकंड-विट्ठरकारि-वयण-सवणेण संजाओ अत्थाण-खोभो । निरुविद्याओ गहिऊण राइणा करोडिओ । कज्जमबुज्जमाणेण सम-प्पियाओ अमच्चाण, तेहि वि सामंताण, सामंतेहि वि पंडिय-जणाण, पडिएहि वि नायरयाण । न नाओ केण वि परमत्थो । तओ अहोमुहमवलोयंतेसु पंडियजणेसु, राहु-गहिय-ससिबिब-सन्निहं वयणमुव्वहंते नरीसरे, पणाम-पुव्वयं जंपियं खेमंकरकुमारेण—“ताय ! कलासु मज्जे सुयं मए नर-त्तारि-लक्खणं । ता निरुवेमि ताव एयाओ । जइ ताय समाएसो भवइ पच्छा जहा नायं कहिस्सामि ।” तं सुणिय समूससियहियएण जंपियं नरनाहेण—“वच्छ ! एवं करेहि ।” गहिया एगा करोडी निरुविद्या समंतओ पेक्खिओ दाहिण-सवणंतरे दोरओ निग्गओ मुहेण । इंसि ह्तिऊण जंपियं कुमारेण—“ताय ! सवण-पवेसाणंतरमेव सोहणमसोहणं वा इमीए मुहेण नीहरइ । अओ कवड्डिया मोल्लमिमीए । बीयाए वि

पक्खित्तो एगम्मि सवण-विवरे नोहरिओ बीय-सवणंतरेण । भणियं, 'एआए एणेण कण्णेण पक्खिमइ वीण्ण नोहरइ, अओ लक्खमोल्लो एसो । तइयाए वि छूढो सो पुण मज्जे ठिओ, न नोहरिओ । कुमारेण भणियं—“नाय ! इमोए सवण-विवरमणुपविट्ठं रहस्सं न कयाइ पायडी होइ । अओ अमोल्लिया एसा ।” तं सुणिय बाल-रवि-कारण-करंविद्य-कमलवणं व समुल्लसिया सहा सह नरवड्ढण । “क्ख ! एहि,” भणतेण सिणोहसारं, करे घेतूण निवेसिओ नरवड्ढणा उच्छो । कुमारो भणिओ य—“जाय ! जहट्टिय-नामो खेमं करो चेव तुमं ।” पणमिओ मंति-सामंताइहिं, पससिओ पंडिय-जणेहिं । नरवड्ढिसज्जिया गया सट्टाणं अमच्च-सामंताइया । छट्टम्मि दिणे सिहासण-निसण्णे नरताहे, पायवीढमद्धासीणे खेमंकर-कुमारे, मंति-सामंत-पमूह-जणपडिपुण्णे सहामंडवे, समागतूण वेयालेण पुच्छियं करोडिमोल्लं । तओ काऊण करयलंजलि जंपियं खेमंकर-कुमारेण । ‘तक्खणभिण्ण-रहस्सा जहण्ण-पुरिसस्स संतिया एसा अप्प-पर-कलह-जणणी । मोल्लमिमीए कवड्ढिओ । एणेण विसइ वीण्ण निई कण्णेण गुज्जमुल्लवियं । विक्किज्जंती लक्खं लहइ । इमा मज्झिम-करोडी न कुणइ रहस्स-भेयं । अप्प-पर-सुहावहा सया कालं सव्वुत्तमा करोडी । न विज्जए मोल्लमेइए ।” एयं सुणिय परिओसमावण्णेण जंपियं वेयालेण —“कुमार ! तुट्ठो हं ते इमिणा अणण्ण-साहारणेण मड-विहवेण । भण, कि पियं करेमि ?” कुमारेण भणियं—“सुमरिएण समागतंवं,” ‘एवं’ ति, भणिऊण गओ वेयालो । हरिसवस-समुल्लसिय-भाणसेण जंपियं राइणा—“भो ! भो ! अमच्च-सामंता ! पच्चक्खो चेव तुव्भाण वि कुमाराणुभावो । जइ भणह ता एयं चेव तुव्भाण सामियं करेमो ।” तेहिं भणियं—“सम्मयमेयमहाणं” । तओ तक्खणा चेव समाहूया संवच्छरिया । कय-सम्माणा । पुच्छिया कुमारकए विवाह-दिवसं रायाहिसेय-वासरं च । गणिऊण साहियं संवच्छरिएहिं—“देवपाए चेव सोहणो दिवसो ।” अणुकूला गहा सोहणो चंदो, भदा तिही, नंदो मुहुत्तो, उदयते सूरिए सोहणं विवाह-लग्गं, मुहुत्तमेते वासरे रज्जाभिसेयलग्गं च ।” परितुट्ठो राया । पूइऊण पुप्फ-फलाईहिं विसज्जिया संवच्छरिया । पारद्धा उभय-सामग्गी । पभाया रयणी । परिणीया महामहसवेण तिहुयणतुंगा नियमाउलस्स धूया कामकंदली नाम ।

तओ बीयम्मि लगे अहिंसित्तो महाविच्छहेण रज्जम्मि कुमारे । पणया रायामच्चसामंताइणो । एत्यंतरे समा-गंतूण वद्धाविओ राया-कल्लाणएण “देव ! देवपायाण पियं निवेएभो—“बहुसीसपरिवारिओ परमपसंत-मुत्ती पसंतो नाम आयरिओ अमरसुंदरुज्जाणे समोसरिओ ।” एयं सुणिय-हरिसवसुब्भिज्जंत-पयड-पुलएण दिण्णं मुक्खण-लक्खं कल्लाण-यस्स नरिंदेण । भणिओ खेमंकरराया—“पुत्त ! तुह कल्लाण-काले अण्णं पि सविसेसं कल्लाणमुवट्टियं । ता गंतूण वंदाओ भगवंतं । ‘जं ताओ आणवेइ’ भणिऊण निग्गया वंदण-वडियाए । काऊण तिपयाहिणं वंदिया सूरिणो । कया तेहिं धम्म-देसणा । पडिबुद्धो जुगब्राहुनरीसरो । पुत्तमणुणविय निकवंतो । जुगंधरा देवी वि रायाणमणु-पव्वयंती धरिया खेमंकर-राइणा ।

तओ अणुरत्त-सामंत-पउरजणवयं, पणमंत-महंत-पच्चंत-सामंतयं, रज्जमणुपालयंतस्स बोलीणो कोइ कालो ।

अण्णदिणे अत्थाण-मंडव-समासीणो विण्णत्तो राया दोवारिएण—“देव ! गहिय-चित्तपट्टिया चित्तविचित्ता नग्माणो देव-दंसणसुया दो पुरिसा दुवारे चिट्ठंति ।” राइणा भणियं—“लहुं पवेसेहि ।” पवेसिया पणमिऊण निसण्णा उच्चियासणे । पुच्छिया पउत्ति । साहिऊण सखेवेण दंसिया तेहिं चित्त-पट्टिया । निरुविया सुइरं । हवाइसय-विभिह्य-भाणसेण जंपियं राइणा—“का एसा ? कस्स वा सुया ?” तेहिं भणिओ—“सुणउ महाराओ ।”

अत्थि इहेव भारहे खेत्ते विस्सप्पहाणा विस्सपुरी नाम नयरो । विस्ससेणो राया । विस्सयसुह-रायहाणी विस्स-सुंदरी नाम देवी । रुवसोहगाइ-गुणगण-विणिज्जिय-तियस-सुंदरी मलयसुंदरी नाम तीए दुहिया । सा पुण गंधव्वकला-वियक्खणा वीणा-विणोएण दिणाणि गमेइ ।

अण्णया पायपडण-समागया भणिया जणएण—“पुत्ति ! केरिसो तुह वरो गवेसिज्जइ ?” तीए भणियं—“जो वीणा-विण्णाणेण मं जिणइ ।” पारद्धो राइणा सयंवरा मंडवो लिहाविऊण चित्तपट्टियासु मलयसुंदरीए रुवलेसं पेमिया पुत्वावर-दाहिण-दिसामु पच्चइय-पुरिसा । आहूया तेहिं सव्वे वि रायाणो अम्हे वि देव-निमतण-निमित्तं चित्तपट्टियं गहाय इह समागया । ता करेउ देवो विस्ससेणमहारायस्स पणयत्थणं सहलं । समलंकरेउ विस्सपुरी-पहं निय-चत्थण-

कमलेहि ।" कय ण्हाण-भोयणा विदिण्ण-पवरवत्थाहरणा संजा समए भणिया राइणा—“गच्छह ताव तुम्हे । पुण पच्छा समागमिस्सामो ।” तेहि भणियं—“न कालक्खयमेयं पभोयणं । ता सिग्घं पयट्टु देवो ।” नाऊण ताण निच्छयं चउरंग-बलसहिओ पयट्टो महया विच्छड्डेण खेमंकर-निवो । पत्तो कइवयपयाणएहि विस्सपुरीए । गंतूण साहियं विस्ससेण-नरवइणो । चित्तविचित्तेहि दंसिया राइणा आवास-भूमी । कयाओ उच्चियपाडिबत्ती । पेसियं पाण-भोयणाइयं । बीय-दिवसे य समाहूया सव्वे राइणो । सयंवरामंडवे निसण्णा दंसियासणेसु ।

एत्थंतरे नियंसिय-सियपट्ट-वत्थोवसोहिया हारइहारा-एगावलि-कणगावलि-रयणावलि-कुंडल-अंगय-कणय-कंकण-मुट्टिया-अंगुलीयय-सहलापमुह-महामहग्घाहरण-वि-राइय-सरीरा, मणिरयणनेउराशव-भरिय-सयल-सहामंडवा, वाम-कर-गहिय-लीलारविदा, चंद-चंदिम व्व समाणंदिय-सयलजणमणा, सयल-नरवइ-गुणगण-वियाणणचउराए चउरियाभिहाणाए अंब-धाईए पुरो पर्यसिज्जमाणमग्गा, पविट्टा सयंवरामंडवे मलयसुंदरी । पडिपुण्ण-पुण्णिमाचंदव्व निवडिया सयल-नरिदाण तीए मुहयंदे दिट्ठी । रायहंसि व्व सलीलं गंतूण निसण्णा जणय-समासण्ण-विदिण्ण-भट्टासणे । एत्थंतरे आणिया पुरिसेण पहाणवीणा । सज्जिया राय-दुहियाए । समासण्णीकओ गयचरो । उवण्णत्थो कवलो भोइएण । गहिऊण करेण करिणा जावज्ज वि न आसगम्मि पक्खिबइ ताव पवाइआ वीणा मलयसुंदरीए । वीणा सर-हय-हियओ चित्तलिहिओ व्व ठिओ करी न भुत्तो कवलो । विमिह्या सव्वे वि रायाणो । पयासिया मलयसुंदरीए पुरओ सव्वेसि राईण गूणगणा । चउरियाए मलयसुंदरीए भणियं—“अम्मो ! हत्थे कंकणे किं दप्पणेण ? समप्पेहि पत्तेयमिमेसि वीणं । पच्छा सयमेव पायडी भविस्सइ गुणगणो ।” तहेव समप्पिया वाइया य, परं न केण वि रंजिया मलयसुंदरी ।

तओ समप्पिया खेमंकर-राइणो । सविसेसं सज्जिऊण वाइया तेण । पसुत्तो करिवरो । पडिओ कराओ कवलो । हरिसिओ विण्णाणाइसएण विस्ससेण-राया । सरय-निसायर-कर-निकरकरवियं व कुमुयं वियसियं मलयसुंदरीए मुहं । “अहो ! विण्णाणं, अहो ! विण्णाणं” ति, समुच्छलिओ सयंवर-मंडवे कोलाहलो । विसण्ण-वयणा जाया सेसरायाणो । हरिस-भर-निवभराए पक्खित्ता खेमंकरमहारायसिरोहराए सयंवरमाला मलयसुंदरीए । अहो ! सुवरियं । मेह-विमुक्क-सरयनिसायरं समस्मिया चंदिमा ।

अणुरूवं रयणायरमोइण्णा जण्हकण्णया लच्छि व्व । पुरिसोत्तम-पइ परिग्गहेण वडुत्तणं पत्ता ॥४१०॥

एस कयत्थो विही अज्ज संजाओ अणुरूव-वहू-वर-समागम-करणेण । समुट्टिया लोयाण एवमाइसमुत्तावा । संपूइ-ऊण पवर-वत्थाहरणेहि विसज्जिया सेसरायाणो विस्ससेणेण । गहाय खेमंकर-रायाणं पविट्ठो नयरं । कारावियं पाणि-ग्गहणं । वित्तो पहाविच्छड्डेण वीवाहो । ठिओ थेव दिणाणि तत्थेव खेमंकरराया । कइवयदिणावसाणे समं विस्ससेणेण वलिओ नियनथराभिमुहं ।

इओ य ते सव्वे वि रायाणो मच्छरभर-भरिय-माणसा खेमंकरं पइ पओसमावण्णा मम्मं रोहिऊण ठिया । सुओ एस वइयरो विस्ससेणेण । विसण्णे माणसेण । कहियं खेमंकरस्स । तेण भणियं—“संपयं किं जुत्तं ?” विस्ससेणेण भणियं—“नियत्तिज्जउ जाव एएवि संसरिज्जति ।” तेण भणियं—“लज्जाकरमेयं सनभर-पत्थियाणमग्घाण । तुमं पुण नियत्तसु ।” सो वि न नियत्तो । दिण्णं पयाणयं । तइयदियहे पत्ता राईण समासण्णे । गहिओ आवासो । सयल-राईहिं मिलिऊण पेसिओ सुमइनाम दूओ । भणिओ य वत्तव्वो तए खेमंकरनिवो—“पढमं ताव एस विस्ससेणो तुम्मई जेण निमंतिऊण सयलमहीवालचक्कं, पच्छा अवमाणियं । बीयं पुण तुमं जेण अवियारिऊण कज्जपरिणामं सहसा चेव परिणीया मलय-सुंदरी । अज्ज वि न किं पि नट्ठं । समप्पेसु तुमं मलयसुंदरी अग्घाण । जस्स अग्घे देमो तस्स भवउ । अह एवं न करेसि तो सयल-नरवइ-कोवानलजालावली-पयंगत्तणं पाविहंसि ।” एवं भणिऊण विरमिओ दूओ । भणियं विस्ससेणेण—“भो ! दूय ! जइ सयंवरामंडवे वच्छाए मलयसुंदरीए हिअय-इच्छिओ वरो वरिओ का सामंतचक्कस्स अवमाणया ? गुरुयण-विदिण्णं कण्णयं परिणयंतस्स को उवालंभो खेमंकरमहारायस्स ?”

एत्थंतरे कुविय-कयंत-भिउडि-भासुररत्तच्छ-दुप्पेच्छेण जंपियं खेमंकरन्निरेण—“अरे ! मलयसुंदरीमग्गंताण ताण नरिदाहमाण जीहा सडिऊण न पडइ ? दूओ तुमं अओ न मारिज्जसि । गंतूण भणेहि ते विमुक्कमज्जाए द्दुट्ट-बाल-नोवाले-सोत्तूणमग्गं गच्छह सट्टाणं ! को बीहइ तुम्हाण रुट्टाणं !” गले घेत्तूण निद्धाडिओ दूओ । तेण वि गंतूण सव्वेसि पुरओ सविसेसं साहियं ते वि दंतग्ग-दट्टाहरा सविसेसं पउट्टमाणसा सबलवाहणा सन्नज्जिऊं पयत्ता । विस्स-सेण खेमंकर-बले वि समाहया सन्नाह-भेरी ।

तओ सजल-जलहर-गहिर-गुलु-गुला रव-जणिय-वणथणिय-सरिस-सद्-समुप्पण-परमाणंदभरनिभरपणच्चा विय मऊरमंडलाओ, कणय-संकला-निबद्ध-उभयपासलंबाविज्जंतरुपमयघंटा-वलाहावलिविराइणीओ, सारसारिबद्धोवरि विमुक्कसिय-सरासणीयसेल्ल-संघाय-संकंत-रवि-कर-नियर-समुच्छलंता तुच्छपहा-पब्भार-विडंभि-विज्जुच्छडाडोय-दुप्पेच्छाओ, अंजणगिरि-सिहर-समुत्तुंग-सामलाओ, गंडयल-गलंत-मय-जलविदु-संदोह-संसित्त-धरणीयलाओ, संचारणीओ इव मेहमालाओ, गडगडस्स गुडिज्जंति गयघडाओ । खर-खुरगुक्खयक्खोणीतलापवणगइगामिणी पवखरिज्जंति जच्च-तुरंगमा ! घणघणाराव-भरिय-भुवणोदरा पउणिज्जंति पहाणरहवरा । रणरहासासमूसंतथाया । सन्नाहिज्जंति सुहड संथाया । कोरंतो सामंताण पसाया । चंदोव्व तारायणस्स मज्जठिओ खेमंकर-राया बलभंतरे । संचरंति दोण्ह वि बलाण अंतरा मागहजणा । तओ पलयकाल-पयंड-पवण-पणोत्तिलयजलनिहि-जलणीव वित्थरियाणि समंतओ बलाणि । खणं-तरेण हक्कंत-वग्गंताणि दप्पुद्धुराणि दुक्काणि दोत्रि अग्गाणीयाणि ।

करिणो करिणा हरिणो हरिणा तह संदणा रहवराणं । वीराण वीरपुरिसा डक्का दप्पुद्धुरा धणियं ॥४११॥
गाढं कयत्थमाणं अण्णोणककंतअंगुवंगाणं । दंतग्ग-दट्ट-अहरं जुद्धं सुरयं व संलग्गं ॥४१२॥
पाइक्क-चक्क-पम्मुक्क-कंपंत-कायर-नरोहं । दुक्कंत-सूरवग्गं लग्गं जुज्जं महाघोरं ॥४१३॥ तओ-
अप्पत्तणओ भग्गं खणंतरेण खेमंकरराइणो वलं । अहमहमियाए पलाइउं पयत्तं च ॥४१४॥
वग्गंतपाइवग्गं मयिभिभलगुलुगुलितदोघट्टं । हिंसंततुरयथट्टं इयरं पुण मग्गओ लग्गं ॥४१५॥
तं च केरिसं-

वज्जंत-पवरतूरयं, वग्गंत-जोहपूरयं । दिप्पंत-दंतिदतयं, दोसंत-सेयच्छतयं ।
धुव्वंत-धवलचामरं, फुरंत-तिक्खतोमरं । झरंत-हत्थिग्गंडयं, सोहंत-छत्तदण्डयं ।
हिंसंत-तुरयथट्टयं, पढंत-भूरिभट्टयं . [. .] ॥४१६॥

उट्टिओ जयजयारावो राईण बले । तओ परबले जयजयारवं सोऊण नियबलं च पलायमाणं दट्टूण गहियं कडिण-कोदंडेण निरंतरतार-तरल-सियसराधोरणी मुयंतेण तेण सीह-किसोरेणव गयकुलं खलियं पडिक्क-बलं । खेमंकर-राइणो वलियं पुणो वि खेमंकर-रायबलं दुक्कोभरं काऊण विस्सस्सेणराया ।

तओ अवसंबिऊण वीररसं तहा शुज्जिउं पयत्तो खेमंकरनरीसरो जहा अखेमं परबले । कि-बहुणा-
पडंत-सन्नरिदयं, मरंत-जोहविदयं, सलंत-वीरमत्थयं, नच्चंत-वहुकबंधयं ॥
छिज्जंत-हत्थिमत्थयं, तुट्टंत-तिक्खसत्थयं, व्हंत-रत्तवाहयं, नासंत-पुव्वखाहयं ॥
खलंत-भूरिसंदणं, मरंत-रायनंदणं, झरंत-लोहियारुणं, हक्कंत-सुहडदारुणं ॥४१७॥
भिज्जंत-कुंभिकुंभयं, वग्गंत-दित्तजोहयं, भज्जंत-भीरुवारणं, पढंत-चारुचारणं ॥
गायंत-भूरिभंडयं, छिज्जंत-छत्तदंडयं, तुट्टंत-आसत्तुंडयं ॥४१८॥

पलाइउं पयत्तं पउरं पि परबलं । तओ उच्छलिओ खेमंकर-रायबले जयजयारवो । तओ परबल-परक्कमं तं पलायंतं पेक्खिऊण नियबलं कोवावेस-संजाय-तिवली-तरंग-भंग-भीसण-भालवट्ठेहि भणियं सयल-राईहि—“अरे ! पम्हुट्ट-पहु-पसाया, विमुक्क-सम्पुरिस-पज्जाया हरिण व्व असमंजसं पलायंता कि न लज्जह ?”

तओ सामि-निबभच्छण-वयण-सवण-संजणिय-पोरुसं पुणो वि वलियं राईण बलं । संपलगं खेमंकर-बलेण सह जुञ्जिउं ।

खग्गप्पहार-दारिय-सुहड-मुट्टुच्छलिय-दसण-संदट्ठं । दीसइ सिघायवत्तं राहुगसिज्जंतमिव चंदं ॥४१९॥
 दरियारि खग्ग-दारिय अरिकुंजर-सिर-झरंत-रुहोरोहो । पब्बयसिर-गेरुय-रत्त-सलिल-सरिय व्व निवड्ढेइ ॥४२०॥
 अइदुट्टु-धट्ट-दप्पिट्टु हट्टु-गयदंत-पहर-निट्टुलिया । भज्जंत-घयवडा महियलम्मि निवडंति रहुविसरा ॥४२१॥
 पसरंत-मेय-संदोह-सलिलं संसित्त-घरिणि-वट्ठेहि ॥ पुवरमणि-मणिभूसणेहि पथडिय-सिय-फार-फणेहि ॥
 सायरसमजच्चतुरंगमाण पट्ठेहि संचरंतेहि । मयसुहड-सरीरेहि य दुस्संभारो समरमग्गो ॥४२३॥
 रे ! रे ! कयंतचोइय कत्थ तुमं जासि अज्ज दिट्ठोसि । एमाइ संलवंता ढुक्कंति परोप्परं सुहडा ॥४२४॥
 नच्चंति कबंघाई करकय-करवाल-भीसणतराई । विरसं रसंति नरमंसपोसतुट्ठा मह सिघाओ ॥४२५॥
 एवंविहम्मि समरे वट्ठंते घोर-दारुण-दुरंते । खेमंकरस्स सेण्णं पुणो वि भग्गं पर बलेहि ॥४२६॥

एत्थंतरे सुमारओ खेमंकरनरिदेण वेयालो । सुमरणाणंतरमेव विणय-विहिय-करयलंजलीपुरओ पज्जुवट्ठिओ ।
 भणियमणेण “समाइसह पओयणं ।” “रण्णा भणियं—“समरसमुट्ठाओ नित्थरणोवायं चित्तेहि ।”

तओ तेण तक्खणा चेव पवण-सहायं पउत्तं परबले अग्गेयसत्थं । तेण य बलिउमाढत्ताणि करिकरह-तुरंगाईण
 पुच्छाणि । जलिय-जलण-जालावली पलीविया दज्जंति करि-तुरय-नराण गुड-पक्खर-सण्णाहा । तडतडारावहिरिय-
 सवणंतराभूरिपहरण-भरि-उदरा दज्जंति सार-संदणा । जलणभउबभंतलोयणा दसोदिंसि पलायंति नरिदंनदणा उक्क व्व
 निवडंति नह्यलाओ, जलंताणि आयवत्ताणि । खर-पवणपणोल्लियाणि जलण-जालाकरालाणि, तुट्टिऊण गयणंगणा गच्छंति
 थयवड-खंडाणि ।

एत्थंतरे मुणिय-समासणमरणा, अनत्तसरणा, दीण-वयणा, संमूढ-पाणा, मुक्काभिमाणा खेमंकरमेव सरणमुवागया
 सव्वेवि रायाणो । तेण वि पणय-वच्छलत्तपेण वारिओ वेयालो । उवसंतो अग्गि-संभमो । जायं सत्थावत्थं सव्वंपि
 परबलं । संपूजिऊण विसज्जिओ खेमंकरेण वेयालो । कया राईण जहोचिया पडिवत्ती । तओ तप्पाण-रंजिय-माणसेहि
 दसहि पहाणनरिदेहि “जय-जयपाल-जयवम्म-विजयवम्म-दुप्पसह-परंतप-सूर-सूरसेण-मुह-दुम्महाभिहाणेहि जहक्कमं-
 दिण्णाओ रयणावल्लि, कणगावल्लि, मत्तावल्लि, सयंपहा, सिरिकंता, सिरिप्पहा, सोहग्गसिरि, अणंगसिरि, विजयसिरि
 नामियाओ निय-निय दुहियाओ । वित्तं पाणिगहणं । ढोइयाणि करि-तुरयधणपमुहाणि पहाण-पाहुडाणि । पडिवज्जिऊण
 भिक्खभावं गया निय-नियनयरेसु । खेमंकरराया वि अणवस्य-पयाणएहि वहमाणो पत्तो पायालतुंबिणीं नाम नयारि ।
 आवासिओ बाहिरियाए । बोलीणो पढमजामो जामिणीए । पसुत्तो परियणो । इओ तओ पेक्खंतेण दिट्ठो ईसाण-
 कोषे जलंतो जलणो । कोऊयावहिय-हियओ गहिऊण मंडलगं अलक्खिओ परियणेण एगागी चेव निग्गओ नराहिवो ।
 पत्तो तमुहेसं । दिट्ठाओ मसाणमज्जे रत्त-चंदण-चच्चिय-सरीराओ, कंधारावल्लिबिय-रत्त-कणवीरमालाओ, रत्तचंदण-
 लिहिय-महल्ल-मंडल-संठियाओ, असाहारणरूव-सोहग्गाइगुणगण-समलंकिय-विग्गहाओ, सुरसुंदरीओ विव सग्गपब्भट्टाओ,
 पायालकण्णगा इव रसायलमाभयाओ छ कण्णगाओ । “अहो ! महंतं चोज्जं । पेक्खामि ताव अवसाणं ।” एवं विंचितिय
 पच्छणमेव तुण्हक्को ठिओ राया ।

एत्थंतरे समागओ अकालमच्चू नाम कावालियो । दाइओ तेण डमडमारावभीसणो डमरुओ । संखुद्धा तस्स
 सहेण भूय-पिसाया । किलिकिलिया वेयाला । मिलियाओ जोइणि-साइणीओ । “प्रीयंतां प्रीयंतां गृण्हन्तु भवन्तः” एवं
 भणतेण पक्खित्तो पेयवण-परिपरेत्तेसु बली । समागओ मंडलं । कओ मंतजावो । तडिच्छडाच्छोयभासुरं कडिइयं
 कोसाओ करवालं कयं दाहिनकरे । भणियाओ बालियाओ—“सुभरह इट्टुदेवयं । कुणह सुदिट्ठिमिं जीवलोयं । एय
 पज्जवसाणो तुम्हाण जीवलोगो ।”

तओ भयसंभंतलोयणाहि पवणाहयपण्णं व पवेविर-सरीराहि समकाला विमुक्कपोक्काहि मरण-भय-संबुद्धाहि खलंतक्खरं जंपियं ताहि—“अहो अपुरिसा पुहई । कहमण्णहा एवं निरवराहा मारिज्जामो ।” तं सुणिय वियड-पय-पाय-समक्कंत-सिग्घ-धरणीतलो ‘न भाइयध्वं, न भाइयध्वं’ ति, भणंतो पत्तो तमुद्देसं खेमंकर-नराहिवो । हक्किओ कावालिगो । भणियं कावालिगेण—“रे कुविय-कयंत-समवल्लोडय ! वाओ तुमं इहागओ । अणुहुवसु अविणयफल” ति भणतेण मुक्को खभाप्पहारो । वंचिओ दक्खत्तणेण राइणा । पहाओ दाहिण-भूया मूले कुलिस-कडिण-मुट्ठिप्पहारेण । पडियं कंपंत-कराओ करवावं कावालिगस्स । विलक्खाव[ण]यण-निमित्तं पसंसिओ राइणा—“अहो ! ते साहसं । पुणो वि सरेमु सत्थं ।” तेण भणियं—“अलं सत्थेण । दिट्ठो तुहाणुभावो । परं पत्थिमो किंपि भवंतं ।” राइणा भणियं—“शी-वहं वज्जिय पत्थेसु ।” तेण भणियं—“एयम्मि अवसरे एयं चेव पत्थेमि ।” जओ कया मए छम्मासं जाव पुव्वसेवा । अज्ज उण उत्तर-मेवावसरो । तत्थ पुण एस कप्पो—“बहु लक्खण-विश्राइयमंगाहि पहाणरायदंससंभवाहि छहिं कण्णगाहि छहं पि दिसाणं बली दायव्वो । अओ मए संतागरिसणेण इमाओ कण्णगाओ सुतारा-सुलक्खणा-वियक्खणा-पियदंसणा-सुदंसणाभिहाणाओ आणीयाओ । संपयं सिद्धपायं पओयणं । ता मा तुमंतरायं करेसु ।” राइणा भणियं—“एवं कए का भवउ कज्जसिद्धी ?” तेण भणियं—“सयल-कल्लाण-कारिणी भयवई जक्खणी पयडो भविस्सइ ।” राइणा भणियं—“जइ रज्जत्थी तो देमि मेइणीं, पवर कामभोगे वा अणं पि जमभिकइयं तं मग्गमु पयडवायाए ।

किंच—

अण्णेसि पि अकज्जं, कज्जमिणं तिक्खदुक्खभयहंऊ । परमं पावट्ठाणं, कत्थ मुणीं कत्थ इत्थिवहो ॥४२७॥
विबुहजणगरहणिज्जं उभयभवविवाहं कुकम्ममिणं । सहसा समायरंतो नरए नियमेण निवडेसि ॥४२८॥
ता विरमिय एयाओ, करेसु, धम्मं दयावरो संतो । जेण किलेसेण विणा, कत्लाण-परंपरं लहसि ॥४२९॥

तओ लज्जाभरमंथरेण कुकम्म-करणसमुप्पण्ण-पच्छयावेण जंपियं कावालिगेण—“महाभाग ! अलं मे अण्णेणं । अपहपत्थिओ ओयारिओ अहं तए धम्ममग्गे ता गिण्हसु इमं दुरावट्ठिय-वत्थुणो आगरिसण-समत्थं पट्ठिय-सिद्धं मंतं । अहं पि सिरिपव्वए गंतूण धम्मज्जमं करेमि । अण्णहा न मे मणनिव्वुई ।” मुणिकुण निच्छयं गहिओ मंतो । भणिओ राया कावालिगेण—“एयाओ तए अम्मा-पिऊण समप्पियव्वाओ ।” रण्णा भणियं—“अम्हाण एस भारो । साहेउ भवं समीहियं ।” गओ कावालिगो । राइणा वि महुरुल्लावजणिय-विस्संभेण पुच्छियाओ कण्णगाओ वइयरं । संभम-खलंत-क्खरं गलंत-नयण-सलिलाहि जंपियमिमाहि—“सव्वं साहिस्सामो । केवलं करेह ताव गंधव्व-विवाहेण पाणिगहणं अम्हाण ।” राइणा भणियं—“अम्मापिअरेहि दिण्णाओ चेव कण्णगाओ परिणिज्जति ।” ताहि भणियं—“वोलीणा चेव तावेसा कहा ।” रण्णा भणियं—“कहं वोलीणा ?” ताराए भणियं—“अहं ताव दक्खिणावहे मलय-विसयमंडण-मंगलपुर-सामिणो मलयकेउ-नरवइस्स धूया । धवलहरोवरिमत्तल-भूमियाए, रयणीए चेव सुहपसुत्ता इहाणीया ।” सुताराए भणियं—“अहं पि पुव्वदिसावहू-मुह-मंडणाए कुंडिणपुरीए, सामिणो नरसीहस्स दुहिया सुह-पसुत्ता चेव आणीया ।” सुलक्खणाए भणियं—“अहं उत्तरावहे सुहनिवासनयरसामिणो हरिसेण-नरिदस्स तणया सुह-पसुत्ता चेव आणीया । वियक्खणाए भणियं—“अहं पुण अवरदिसासारभूय-सुसम्मपुर-सामिणो विलासकित्तणो तणया तहेव आणीया ।” पियदंसणाए भणियं—“अहं वियड्ड-नगाओ उत्तरसेणि-सामियस्स अणंतविरियाभिहाणस्स विज्जाहर-चक्कवट्ठिणो दुहिया सुत्ता चेव आणीया” । सुदंसणाए भणियं—“अहं वेयड्ड-दाहिणसेणिसामिणो विक्कमसारस्स विज्जाहराहिवस्स दुहिया सुत्ता चेव आणीया ।” ता कहिं अम्हाण गुरुयणसमागमो ?” रण्णा भणियं—“जइ भणह तो इहेव संठियाणं आणेमि तुम्हाण गुरुजणं मंत-सत्तीए ।” ताहि भणियं—“जइ एवं भवइ तो सव्वं सुंदरं भवइ ।” सुमरिओ रण्णा आगरिसण-मंतो । समागया तक्खणा चेव ताण अम्मा-पियरो । दिट्ठाओ निय-निय दुहियाओ । पुच्छियाओ य “को एस वइयरो ? को वा एस आयारमुणि-ज्जंत-महापुरिस-लक्खणो पुरिसो ?” कहिओ ताहि कावालिग-हरण-मारणरंभ-पज्जवसाणो निय वइयरो ।” एस पुण महाणु-भावो अम्हाण जीविय-दायणो । ता जइ अम्हे अण्णस्स वि दायव्वाओ ता एयस्स चेव देह ।” तेहि वि तहेव पडिक्खणं । कओ तक्खणा चेव गंधव्व-विवाहो । मंत-पओयेण चेव पाविया सट्ठाणं ताण जणणि-जणया वि । चरिमजामे गओ निया-

वासं । पभाया रयणी दिट्ठो दाहिनकरनिबद्ध-छ-कंकणो छण्हं कण्णगाणं मज्झट्टिओ । मलयसुंदरीए ईसाइयाए भणिओ ताए—“अज्जउत्त ! काओ इमाओ ? केण वा तुह करे निबद्धाईं कंकणाईं ?” रण्णा भणियं—“न एयाओ कण्णगाओ किंतु तुह भगिणीओ, कंकणाणि पुण एयासि चेव जणणि-जणएहि बद्धाणि ।” मलयसुंदरीए भणियं—“अज्जउत्त ! निरप्पणो तुमं जो निध-परियणं पि न निमंतेसि विवाहेतो ?” रण्णा भणियं—“भरिसेउ सुंदरी ! संखेव-विवाहो एम ।” कहिओ सव्वो वि वइयरो । जहा जेट्ठं निवडियाओ ताओ परोप्परं चलणेसु ।

दिण्णं पयाणयं । कमेण पविट्ठो बहुदिवस-लंघणिज्जाए पउमावईनामियाए महाडवोए । अणवरयवहंस्स वंलो-णाणि दोणि दियाणि । तडवदिप्रे समावासियं सिबिरं अडविमज्जे । वोलीणो वासरो । समागया रयणी । एत्थंतरे पवणाणुसारेण निमुओ अवत्तो कलुणसदो ईसाणकोणे तरिरेण । समुप्पणविमहओ गहिऊण मंडलं अलविखओ चेव निग्गओ सिबिरसणिदेसाओ । गओ थेवं भूमिभागं । “हा ! जए वोरसाहसधो ! नियकुलनहयलचंद ! खेमंकर [नरि]द ! कथथा कण्णा जेहि तुह गुणगणो निसुओ । अकयत्थं लोयण-जुयलं जेण एक्कसि पि न दिट्ठो ।” एवविह विलाव-पुरस्सरो निसुओ रोगणसदो । नियनाम-महण-सवण-समुप्पण-संको तुरिय-नुरियं गओ, तदेमं तराहिओ । दिट्ठो सत्ततलभूमिओ पासाओ, दाहिनकरकारवालो विग्ग-संको ममारुहिउमाढत्तो । दिट्ठा य सत्तमतलोवरि पवरपल्लंकिनुण्णा सुरसुंदरो संकासा एगा कण्णगा । ताए वि राया । ससंभमं उट्टिया पल्लंकाओ एसा । राइणा भणियं—“अलं संभमेण । उवविसउ एत्थेव सुंदरी ।” तीए भणियं—“अणुचिओ एस उववारो जमहं पल्लंके तुम्हाण प्रओ उवविसामि । ता तुमं पल्लंकारोहसु । अहं धरणीए उवाविसामि ।” रण्णा भणियं—“पाहुणगा अम्हे । जं भणहिंसि तं काहामो । निसण्णो पल्लंके । सा वि पुरओ धरणीए । पुच्छिया रण्णा—“सुंदरि ! को एस वइयरो ? को वा एम खेमंकर-नराहिओ जस्स नामगहणं काऊण सदुक्खं परुणं तुमाए ?” तीए भणियं—“सुणउ महाभागो ।” अत्थि गंधार जणवए जयंती नाम नथरी । जयसेणो राया । जयावली देवी । नाण मज्झमे वयमि वट्टमाणामहमेगा दुहिया जाया मयणमंजरि नाम । पधत्तेण पानिज्जंतोए वोलीणाणि वारस-संवच्छराणि ।

अण्णया समागओ अवितहवाई नाम नेमिन्तिओ । पूडऊण पुच्छिओ ताएण—“को इमाए कण्णगाए वरो भविस्सइ ?” तेण विम[रसि]ऊण भणियं—जुमवाहस्स राईणो पुत्तो खेमंकरो । पेसिया ताएण तस्स समोवे नियमहत्तरया । दिट्ठो सो तेहि । तत्थ पुच्छिया पउत्तो । साहिया तप्परियणेण जहा विस्सपुंरि पइ गओ । अज्ज वि । नियतइ । तं सुणिय-समागया मंतिणो । कहिओ एस वइयरो ताथस्स । ताएण भणियं—“समागच्छउ ताव पच्छा जहाजुत्तं करिस्सामो ।” अण्णम्मि [दिणे] कुट्टिमतले कणयकंदुएण कालमाणां सहाण मज्जे दिट्ठा अहं अण्णरइनामविज्जाहरेण । समुप्पणत्तिववाणुरागेण निज्जाइया सुइयासुइरं । मोत्तूण लज्जं सयमेव मयिगया । न दिण्णा ताएण ।

नओ पओसमावणेण अज्ज रयणेण हरिऊण इहाणोया । विउच्चिओ एस पासाओ । कया विवाह-सामग्गी । जावज्जवि पाणिगहणं न करेइ ताव समुप्पणा एयस्स दारुणा सिरोवेयणा । गओ ममं मोत्तूण सविसेस-विज्जासाहण-निमित्तं वंसकुडंणि । ता एस मह वइयरो । मंपयं साहेउ महाभागो को तुमं ? कहं वा एगामो इहाओ !” राइणा वि साहिओ सव्वो वि निधवइयरो । कहियं नियनामं । हरिसिया एसा पहउ-वयण-कमला जपिउमाढत्ता—“दिण्णा पहममेव जणणि-जणएहि अज्जउत्तस्स । अओ करेहि पाणिगहणं जावज्जवि न समागच्छइ सो दुट्ट-विज्जाहरो । काल-कारं हि पुरिसो पंससिज्जइ ।” पडिवण्णं रण्णा ताए वयणं । नियसियाणि विज्जाहर-पउणोकायाणि पहणदेव-दूसणि । विलित्तो अप्पा सारसिखडेण । पिण्डाणि पवराहरणाणि । वद्धं दाहिनवामकरेसु परोप्परं कंकणं । सक्खिकओ हुयासणो निव्वन्त्तियं पाणिमहणं । निसण्णाणि पल्लंके ।

इओ समागच्छंतां दिट्ठो ताए विज्जाहरो । कहियं राइणा । तेण भणियं—“मा भाहि ।” सुमरिओ वेयालो । मभागओ । जुज्जिउं पवत्ता विज्जाहरवेयाला । खणंतरेण विणिज्जिओ विज्जाहरो वेयालेण पणट्ठो य । वेयालो वि सुपूडऊण विमज्जिओ राइणा । मयणमंजरीए भणियं—“अज्जउत्त ! को एस अवसर-साहगो महाणुभावो !” साहिओ रण्णा नववइयरो । पणित्तुहा । समागयाणि पच्छिमपहरे विविर-मन्निवेमं । पभाया रयणी । पाडिया मयणमंजरी

इयराण पाएसु । दिण्णं तओ पयाणयं । लंघिया कइवयदिणेहि अडवी । पत्तो पउमकेसरनामं नयरं । 'संपयमेव उव्वासियं दइच्चेण' । साहिओ एस अत्थो परिथग-पुरित्तेहिं । राइणो कोऊल-भर-भरियमाण तस्स समागया रयणो । गहिय-मंडलगो एगागो चेव निगाओ सिबिराओ । पविट्ठो नट्टणं । हिंडिओ तिय-चउक्क-चच्चराईसु । कमेण पविट्ठो रायमंदिरं । समारूढो पंचम-भूर्मीयाए । दिट्ठो तत्थ पवरपत्तंको । नुवण्णो तत्थ राया । समागया मणाणं निहा ।

एत्थंतरे समागओ दइच्चो । तप्पुण्ण-चोइओ, समारद्धो अंगाणि संवाहिउं । सुत्तो राया मुह-निहाए । मुह-निहा विरामे य दिट्ठो दइच्चो चलणे मलितो । असंभंतेण पुच्छिओ—“को तुमं ?” काऊण करयंजलीं जंपियमणेण—“अलिजरोदर-परिवारभूओ अग्निमुहो नाम अहं वेयालो । नगरमिणं मए उव्वासियं ।” रण्णा भणियं—किं निमित्तं ? तेण भणियं—“मूक्कमज्जाओ राया । उम्मग्ग-पट्टिओ लोगो । तेण उव्वासियं ।” रण्णा भणियं—“संपयं वसउ ।” तेण भणियं—“एवं हवउ ।” सट्ठाविओ तन्नयर-सामी पउमरहो राया । भणिओ खेमंकरनरिदेण—“निवससु नियनयर । उवसाभिओ वेयालो । तक्खणा चेव पुव्वट्टिए वसिउमारद्धं नयरं । परितुट्ठेण पउमरहेण दिण्णा पउमकेसरा नाम निय-दुहिया खेमंकरराइणो । अप्पणा वि पडिक्खणो भिच्च-भावं । धरिओ तत्थेव कइवय दिणाणि पउमरह-रायाणुवित्तोए ठिओ । तओ पत्थिओ नियनयराभिमुहं । अणवरय-पयाणएहि पत्तो सनयरं । पविट्ठो महाविभूइए सभवणं । कयं वद्धावणयं । संपूइया जहारिहं सव्वे वि लोया । कया सयलतेउरपहाणा अणंतविरिय-विज्जाहर-चक्कवट्टिणो धूया पियदंसणा नाम । सिद्धाणि अप्पयासेणेव बह्णिण मंडलाणि । वसमुवागया रायाणो । वित्थरिया सव्वत्थ-सरय-ससहर-सनिहा । कित्ती समुप्पणा जोगपुत्ता विसयसुहमणुहवंतस्स बोलीणो पभूय-कालो ।

अण्णया दाऊण रज्जं पियदंसणा तणयस्स सिरिसेहरस्स निक्खंतो जुगंधरायरियसमोवे, देवीओ वि पियदंसणा-पवित्तिणि समोवे । गहिया दुविहसिक्खा । अहिज्जियाणि चोहस-पुव्वाणि । सोसिओ अप्पा छट्टुमाईहिं । पालियं निरइयारं सामण्णं । तओ निट्ठइ-सयल-घण-घाय-कम्मधणस्स समुप्पणं केवलवरनाण-दंसणं खेमंकरस्स । विहरिओ दुवालसवरिसाणि केवलि-परियाएण । पच्छा काऊण जोग-निरोहं, चइऊण पूइकडेवरं, सासयसुह-सिद्ध-समद्धासियं सिद्धानयं संपत्तो ।

ता भो महाणुभावा भव्वा निसुणेह धम्मसव्वस्मं । तं नत्थि जं न साहइ वसहीदाणं मुणिवराण ॥४३०॥

जओ—

जो देइ उवस्सयं मुणिवराण, वर-णाण-चरण-कलियाण । तेण दिण्णा वत्थाण्णपाण-सयणासण-विगप्पा ॥
जं तत्थट्टियाण भवे, आहारं पवरओसहाइयं । सव्वेयर-विरइं वा सम्मत्तं वा पवज्जंति ॥४३२॥
तं तेण होइ दिण्णं महाणुभावेण वसहिदाणाउ । जं दाणाणं पवरं वसही-दाणं विणिदिट्टु ॥४३३॥ यतः—
गतिस्तेन दत्ता मतिस्तेन दत्ता, धतिस्तेन दत्ता सुखं तेन दत्तं ।
गुणश्रो-समातिगितेभ्यो यतिभ्यो, मुदा येन दत्तो निवासोऽनवद्धः ॥४३४॥
आ-नय-दाणेण नरो मिउ-मणहर-देव-अयण-रमणिज्जो । जयजय-जयंति जंपिर-अच्छरण-संकुले रम्मे ॥४३५॥
जय जीवनंद-सामिय-अम्हे तुह किकरा-नयंजलिणो । एवंविह सुरसय-वयण-सवण-मज्जियमणतोसो ॥४३६॥
रयणगिरि-सिहर-सरिसो-रयणुज्जलपवरथूभिया कजिए । निज्जायंतेय व्व दिसा-जाल-गवक्खपंतीहिं ॥
कंचणरस-खचियउज्ज-वइरामय-थूभ-विउल-विक्खंभे । नाणामणिरयणुज्जल-फुरंतसोहासमाउत्ते ॥४३७॥
उल्लोप-पलंबुज्जल-मोत्तिय-वरदाम-विरइया लोए । कालागरु-पवरतुरुक्क-धूय-सुसुयंघग वट्टे ॥४३९॥
निरुवम-रुइ-सोहागुण-लच्छि-निहाणे मणोरहसिरीए । नाडय-संगीयद्धनि-म्यंग-वररुंद-सट्टाले ॥४४०॥
वररयण-रासि-कलिए पवरे एयारिसे वर-विमाणे । उप्पज्जइ कयउण्णो आजम्मं सुह-सय-समिद्धे ॥४४१॥
जओ भणियमागमे सुयकेवलिणा—

सेज्जायरस्स एगट्ठाणि जहत्थाभिहाणाणि । भणतेण सागारियं सेज्जायर दाया आयंघरो तरो वा वि ॥४४२॥
 अगमकरणादगारं तस्सहजोगेण होइ सागारी । सेज्जाकरणे सेज्जा[क]रो त्ति दायाउ तद्दाणा ॥४४३॥
 जम्हा धारेइ सिज्जं पडिमाणि छज्ज-लेप्पमाइहिं । जं वा तीए धरेइ नरगा आयंघरो तम्हा ॥४४४॥
 गोवाइऊण वसहिं तत्थ^१ द्विए मुणिवरे पडियरंतो । तद्दाणा^२ भवजर्लाहिं तरेइ सेज्जायरो तम्हा ॥४४५॥
 साहूण समाहाणं कुणमाणो वसहिंदाणओ भव्वो । इह य परत्थ य पावइ पीईउ पीवस्तरीउ ॥४४६॥
 सइ सामत्थे सव्वायरेण सुद्धाए घम्मसद्धाए । ता देह दवावेहिं वसहीदाणं जइजणणं ॥४४७॥

संपयं सीलपरिपालणाफलं भणइ-तत्थ [सीलवइ] उदाहरणं-

अत्थि इहेव जंबुद्वीवे भारहेवासे दक्खिणावहे अमराउरि व्व विबुहाहिद्विया, केलासरस व्व महेशर-पधाणुगया, लंक व्व लवण-सागर-जलेण मच्छ-तच्छभ-सुसुमार-समाउलेण समंतओ विपाल-सालपेरंत-विसारिणा परिहाजलेण जणिय जण-विम्हया, सरय-जलहरेहिं व सन्निवास-निमित्तं सेविज्जमाणा अमरमंदिरेहिं पिडोकया, सेसविस्सय व्व सव्वदेस-भासावयणेहिं पयडिय-सग्गा विलासिणोवासभुवणेहिं नियसोभाविणिज्जिय-सयल-पुरवरी जयावहा नाम नयरो । तीए नियविभूइविणिज्जिय-पुरंदरो दुव्वार-विरिय-वादार-समककंतामंत-सामंत-संदोह-सुंदरो जयसुंदरो नाम राया । अभग्ग-सोहग्ग-गुणविणिज्जिय-गिरिसुयासिरी जयसिरी नाम म्हादेवी । तिवगसारं विसयसुहमणुहवताण मज्झिमे वयसि वट्टमाणाण ताण एक्का चेव सुया संजाया । जायमेत्ताए चेव पुच्छिओ राइणा अणेयगहादिट्ट-पच्चओ सुबुद्धो नाम नेमित्तओ । जहा-“किं एसा सुहं दुक्खं वा अणुभविस्सइ ?” तेण वि तक्खणा चेव निरुक्खण निमित्तं किंचि विसण्ण-हरिसिएण साहियं नरवइणो-“एसा हि कण्णया जोव्वणकाले किंचि किलेसमणुभविक्रण भायणं भविस्सइ असाहारण-विसय सुहाणं । एयं सोऊण परं परिओसमागओ राया । कारियं महामहूसवेण वद्धावणयं । आणदिया नयस्सि-निवासिणो जणा । तक्कालमेव पइहट्टं पइधरं पइचच्चरं पइआधयणं पवण-पणच्चिर-वित्त-चीणसुएहिं बद्धाओ धयवडाओ । सिणिद्ध-बंधुसंतइ व्व पमोय-परव्वसा गहियसारपसाहणा खरंतीव कण्णामयं महुरमंगलं गोयाणि पगाइया जणया आणंदाहय-नउरतूर-निनाएण तारा[सु] ? वि निसुणिज्जइ चारणारवो । मयवस-उस्सिखल-पयविकखेव-रेवाहिय-रसणाओ, हरिस-अर-निम्भराओ पणच्चिवाओ रायंभणे गणियाओ । वित्तं वद्धावणयं परम-पमोएण । उच्चियसमए पसत्थ-वासरे जहत्थं पइट्टावियं नामं सीलवइ त्ति ।

तओ सा राय-दुहिया सिय-पक्ख-ससि-मुत्ति व्व पइदिणं पवइढमाणा दूरदुहिया वि नियदंसणेण आणंदयंती पुरजणं, पए पए अणुगम्ममाणा हमिए-हसिए चुंविज्जमाणा कवोलेसु, रुइपरुइए विणोइज्जमाणा महरिह-कीलणेहिं, खलिए-खलिए अणुभाविज्जमाणा अवधारणमंगलाणि जंपिए-जंपिए आरोविज्जमाणा वच्छयलम्मि, सुहि-सयण-वग्गेण रायलच्छि व पइदिणं पयत्तेण रक्खिज्जमाणो गहियाउहेहिं वीरपुरिसेहिं ।

तओ कमेण संतावगं दरिदकामुय-हिययाणं, पसाहणं दुक्खाणं पि, अज्जावगं असेस-विलासाइकलाणं, वासारत्त-सपयं व उण्णय-पउहरं, आपूरणं च इंदिय-सरोवरणं, कीलारामं व विसम-सरस्स, सिसिरागमं व पुलय-कंपाइवहलं, तरुणजणताम-रसाणं, उक्कलिया सहस्स-संकुलं, पलयकालमिव रायजलहिणो समारूढा नवजोव्वणं । पायडियकला-सत्थविणोएण [समानवेसं]सरिस-रुव-लावण्णेण, समाण-वत्थ-भूसणाइवेस-धारिणा पियभासिणा वियइडेण सही-जणेण सयावि परिवारिया अमुणिय-पत्थणाभंग-दुक्खं सुहसायरावगाढा कालं गमेइ ।

अण्णया पओससमए पासायसिहरसमारूढा दिट्ठा एगेण विज्जाहरपुरिसेण । निज्जाइया सूइरं सरागाए दिट्ठीए । गओ सो सट्ठाणं । सा वि विविह-विणोएण गमिक्रण पढम-पहरं रयणीए सुत्ता पामाय-उवरिम-भूमियाए

१. तत्थ वि ते यावि रक्खिउं तरइ वृ. क. ।

२. तद्दाणेण भवोचं च तरति वृ. क.

पवरपड्याए पल्लके । पह्याणेगपडु-पडह-झल्लरी-मुईग-कंसालाइझंकार-मुहलेण, सवणमणोहारिणा तूर-निनाएण पडिवुद्धा समाणा आह्या जणणीए । कय मज्जणा विविहवत्याहरण-विभूसिया पेसिया पिउ-याय-वंदिया । तेण व ससिणेहं संभारिऊण विसज्जिया । 'वरपत्त' ति काऊण कलिगाहिवस्स सिधुसेण राइणो तणयस्स दिण्णा सीहरह-कुमारस्स । मह्या महसवेण वित्तं पाणिग्गहणं । तीए चेव रयणीए समं सीहरहेण वास-भवणे तुवण्णा अवहरिया केण विज्जाहरेण सीलवई । सीहरहो वि पभाए कलत्तावहारविलक्ख-वयणो—“जइ न लहामि तो जीवियं वयामि” ति, कयपइण्णो चउरंगवससहिओ समंतओ भवेसणं काउमाद्धत्तो । सीलवई वि उम्मालिय-लोयणा रयणि-विरामो पेच्छइ अप्पयं कंतार-वण-निगुंजे तन्निणी दलसत्थरगयं कयंजलिणा तेण विज्जाहर-पुरिसेण पुरओ ठिएण सेविज्जमाणं । तओ संजायसंखोहं 'हा ! किमेयं' ति, चितियत्तो ससंभममुट्टिऊण संजमिय-सिद्धिल-कुसुमावोडा, निवडिय-परिहण-नीवि बंधणा, पच्छाएऊण सव्वेयरकरेण उत्तरिय-वत्थेण सव्वंगं, संजायसज्जस व्व थंभिय व्व लिहिय व्व उक्किणय व्व खणमेगं ठिया । एत्थंतरे पणय-पुव्वं भणिया सा तेण—“इइ विज्जाहरेण भोर न भाइयव्वं अहं खु रइविलासो-नाम विज्जाहरो तुह गुण-हय-हियओ तुमए सह संगमं इच्छंतो इमं काउं ववसिओ । तह कहवि विहेमु जह विहलो न होइ एस मह-पयासो ।” तीए भणियं—“विसयासंगं मोत्तूण जमन्नं भणह तं करेमि ।” तेण भणियं—“न मे अण्णं कायव्वं अत्थि । जइ एवं न करेसि तो नत्थि भे जीवियं” ति भगंतेण पह्या पहारोहं । दसियाणि बहुविह भोसणाणि । तहवि न पडिवण मेइए ।

तओ कोवारुण-लोयणो गहिऊण उप्पइओ गयणंगणं । सा वि कहिपि समासण्णत्तणओ तवण-मंडलस्स संतत्त-सयल-सरीरायवा, कहि पि अपयत्तायवत्तणंगएहि जलया पडलेहि विहिज्जमाण-मंसल-छाया, कहि पि पवण-कंपिरो-त्तरिय-पयड-पल्लवेण णहयलेण वावाणिज्जमाण-सेयज्जल-कणा गयणंगणाओ खणेण चेव पेच्छइ अत्ताणयं जलमज्जे पडणवेगाओ निमज्जिऊण दूरं खणंतरेण उम्मज्जिया संजाय-संखोहा, कमेण कयउक्खेव-विवक्खेवेहिं करेहि अणवरय-मभिमुहागरिसिय-सलिलसंदोहा, तुरियमेव उत्तरिऊण सरोवरं जाणुमेत्तं नीरं तीर-देसं समागया । कयमज्जणा समुत्तिण्णा सरोवराओ । एगागिणी सुण्णारण्ण-गयं दट्ठूण अत्ताणयं विस्मियमाणसा चित्तिउमारद्धा—“अहो ! विरसया संसारवासस्स, अहो ! विचित्तया कम्मपरिणईए, अहो ! जहिच्छाकारित्तणं विहिणो, अहो ! खणदिट्ठुनट्ठया विहवाणं । अज्जेव तारिसे तिणीकयतियसवइविमाण-सुंदर-सोहे नियमंदिरे सयणजण-समेया वीणावेणुविणोएण गमिऊण पडम-पहरं निसाए सुहेण सुत्तां अज्जेव कंतारमज्जगया दुट्ठु-सावय-संतट्ठा अवत्थंतरेमेवं पाविया ।” एवं चिताउला जाव चिट्ठइ ताव विमाण-भारोविऊण नीया अण्णेण खेयेण नियनयरं । संजायाणुराएण समिगं राणुणयं भणिया य “सुंदर ! दिट्ठा तुमं मए रइविलास-विज्जाहरेण नीयमाणी । रुद्धो य मए तस्स मग्गो । संगामित्ताण परोप्परं अम्हाण तुमंमेत्थ सरोवरे निवडिया । अहं पि निज्जिण्णिऊण विमाणं तुहाणयणट्ठा समागओ । पाविया य नियमंदिरं । अओ मयणमिगलोवियं निवव्वेहिं निय संगमसुह-सलिलेण अहं सरोरयं ।” तीए भणियं—“सप्पुरिस ! निदियाए अलमिमीए संकहाए । सुइपह-पयट्ठगा चेव सप्पुरिसा हवति ।” कयायारसंवरेण समप्पिया तेण नियजणणीए भणिया य—“जहा एसा मह महिलत्तणं पडिवज्जइ तहा पणवेहिं ।” भणिया य जणणीए—“हवसु घरणीं मह सुयस्स, अणुहवसु तिवग्गसारं जीवलोगसुहं ।” तीए भणियं—“अंब ! जइ तुमंपि एवं समत्थेसि तो अत्थमिओ मह जीवलोगो ।” नाऊण निच्छयं निवारिओ तीए नियतणओ । भणिओ य—“महामई एसा, न जुत्ता खलियारिउं । रुद्धा एसा मा डहेज्जा ।” तह वि न चिट्ठइ एसो ।

अण्णम्मि दिणे अत्थमिए दिणयरे, वियंभिए तमंधयारे, चितियमिमाए—“सुलहं जीवियं । दुलहं सुविसुद्ध-सील-परिपालणं । एयम्मि अवसरे मरणमेवगुणकरं” ति कयतिच्छया लोयालोय-परिहरणट्ठा परिहरिऊण जणप्पहं उम्मग्गेण पत्थिया वनपएसं तुरिय-तुरियं गच्छंती समासण्णविडवेसु विलग्गमुत्तरीयं पच्छओ धरियमिव केणावि मण्णमाणी, थाणुसमूहमवि पुरओ संठिअं संदट्ठूण संजाय-वणवाल-पुरिससंका, गुम्मंतरेसु निलीयमाणी, अप्पणिज्जमवि पाथरवं अइसज्जसेण पर-संबंधिणं संकप्पेमाणी, इओ तओ दिण्णतरल-तारयाए दिट्ठीए नाइपच्चासण्णं नयरस्स उज्जाणमेग-मणुपविट्ठा । कयमरण-संकप्पा गया उज्जाण-दीहिया समासण्ण-वत्तिणो समाहंत-पडम-जोव्वणारंभस्स सुरहि-कुसुम-गुच्छ-संच्छन्न-साहासंचयस्स चारु-विडवस्स वउल-साहिणो साहाए उत्तरिज्ज-वत्थेण घडिय-पासा विमुक्कं-जीवियं ।

'सम्मत्तसंवरियसरीरावयवं मं पिच्छिऊण लज्जिस्सइ नयर लोओ' त्ति संकाए निविड-निबंधणमवि पुणो पुणो गाढं काऊण निवसणं असिद्धिल-कंचुयावरण-धारिणो वि पउहर-जुवलस्सुवारी काऊण उत्तरिएण गत्तियं, अमंदसंदाणियं पि पयत्तेण संपीडिय-पउर-कुसुम-दामेहि केसभारं, सुमरिऊण नियमण-मंदिरे इट्टुदेवयं, कयगूरुयणप्पणाभा, अकयसमुच्चिओवयारे पायथ-परियणे वि संजायाणुतावा, विवक्ख-पक्खे वि संजाय-समभावा, पुच्चाभिमुहा होऊण गथणयल-वद्धलक्खा काऊण अंजलि एवं भणिउमाढत्ता-“भयवंतो ! सयलजंतुसंताण-सक्खिणो ! सहस्सक्ख-पुरस्सरा लोगपाला !” जइ तस्स तक्कालमत्तणो पइभावेण परिणयणस्स सयलजण-समक्खमम्मापियरेहि विदिण्णस्स पइणो पाणिग्हाणा पभिई न मया अण्णो पुरिसो सरागबुद्धीए नयणेहि निरुविओ एयस्स सच्चाभिभासणस्स इमस्स वा भयवे लक्ख-वेलक्खाईएहि भावेहि अदूसियस्स सीलस्स रक्खणत्थमेवाज्जवसियस्स जीविय-परिहारस्स अत्थि कोवि अपुभावो ता जम्मंतरेवि सीलसंरक्खणे चेव उज्जमो होज्ज'त्ति, भणिऊण कंधरा निवेसिय-पासवलया समारुहिऊण बउल-पायवं बंधिऊण तस्स साहाए पासयं मुक्को तीए अप्पा । सरीरभारेण अहोमुहा नमिया सच्चवियसाहस्स सज्जासपे व सव्वओ पकंपिया साहा । कपत्त-तरलियनीडोदोरोड्डोणाणि वित्थारिणा पक्खवायविरुएण हाहारवभिव कुणभाणाणि समंतओ पायवस्स भमिउमारद्दाणि विहंगम-कुलाणि, देहभारेण संकुयमाणेण पासवलएणाकालचलियं जीवियमिव निरुभिउं निविड-पीडिय-सिरोहरा । कंठरोहाओ उट्टुवणावगासेण निग्गमणसहायमिव गवेसिउं अंतो भममाणेण सास-पवणेण, निब्भरानूरिज्जमाण कुक्खि-कोसा, पिय-विपओयाओ वि अइदुस्सहेण, मिहागयत्थिजणनिरायरणाओ वि कट्टयरेण, विवक्ख-पक्खोव-सप्पणाओ वि संतावणेण, निसियनित्तस-दारुणाओ वि दारुणेण, महानरयदुक्खसंवाइमहावेयणासमुप्पाएण समाउला खणमेत्तं ठिया । खणंतरेण समंतओ समुद्दसलिलावगूढे गिरिसरियासंगसीयल-समररण-सुहावहे एगम्मि पव्वय-सिहर-संठिए वणनिगुंजे विगय-पास-बंधणं समारुहंत-पढम-जौव्वणारंभेण धवणलिणि-मलयपवणप्पयाणप्पमुहविहउवयारेण महुर-भासिणा पयडियाणुराएण विज्जाहरजुवाणेणेवं पणय-पुव्वं पत्थिज्जमाणमत्ताणयं पासइ-“सुंदरि ! कामरई नाम अहं विज्जाहरो लीलाए विलसंतो तत्थागओ जत्थ तए केण वि कारणेण वेहाणसं पडिवण्णं । संजायाणुराएण जममुहाओ व्व पास-बंधणाओ मोइऊण तुमं मए इत्थाणिया । पडिवज्जमु पणइणी-पयं । उवभुंजसु मए समं विसय-सुहं ।” तीए भणियं-“उवयारी तुमं जीवियपयाणेण, ताहे वि जं जुत्तं तमाइसिसु । एवं पुण न मए कायव्वं । एय-निमित्तं चेव मए अप्पा उव्वंधणे दुक्खे विनिओइओ ।”

तओ तेण साम-भेयाइहि अणेगहा भणिया वि जाहे न पडिवज्जइ ताहे मयण-परव्वसेण बला वि रमिउमारद्दा । 'लंधिय-मज्जाओ'त्ति काऊण मुक्को विज्जाहि तह वि अविरमंतस्स उवहयाणि सवण-नयणाणि । सा वि तं तारिसं संसार-विलसियं पेच्छिऊण निव्वेथमावण्णा अलद्धलक्खं इओ तओ भमिउमारद्दा । दिट्ठा य तीए गिरि-सरिया परिसरे कुमुमावचयं कुणमाणी बहुदिवस-वण्णज्ज-रुवाइ-गुणगणा अक्खत्तलिग-धारिणी एसा कण्णया । सा वि तं दट्ठूण पमुइयमाणसा संमुहमागधा । संभासिऊण सोवयारं महुरवयणेहि भोयाविया सरसाणि वण-फलाणि । पच्छा संपाविया इंदनील-सिला-संचय-निम्माण-मणोरमे सिहरि-सिहर-सवण-सेहर-समाणे पासाए । तत्थ वि उवरिमत्तल-भूमियाए इओ तओ पेच्छमाणीए पारियायपमुहपायवपरंपरा परिगया राममज्जे कणय-सिला-संचय-विणिम्मियं उप्पाय-पवण-विट्ठण-निवडिय-विज्जुसंधायमिव मंदिरायारेण परिणयं, अणवरय-जलहि-जल-सोसणुप्पण-जलावणयणनिमित्तं वडवानल-मिवायव-गहणट्ठा पव्वय-सिहरमारुढं, अमय-भहण-सप्रय-निदुय-मंदर-मंथागालोडियस्स सहिरुगारमिव पारावारस्स, अइयरुय-गाहड-मणिसिला-समूह-घडिय-विसाल-पीढ-बंधमज्जाए पायालंगगातरंगावलीए व्व गयणयलमवलोइउं उप्पइउ-कामाए चंदकंत-मणिसिला-सोवाण-सालाए, विरायमाण-समूयार-मंडवदारावयारमग्गं, नाणाविहमणि-माणिककभय-मत्तवारण-भूसियं, निन्निमेसलोयणाहि साइसयविससकम्म-निम्माण-दंसण-जणियकोऊहलाहि सुंदरीहि व सम्गाओ समागयाहि मणिसिला-सालभजियाहि विराइयभलिहपुस्सराउ बलथंभसय-सिहर-विराइयं, उवरि संचरंतीहि लवण-समुद्द-सलिलपाण-कालीहि वालहर-रेहाहि संजणियं जणवट्टिकज्जेहि रविकरेहितो वि निम्मलयरेहि पउमराय-कलसेहि अकाल-पायडिय-दीवालिया-महूसवं, अविरलुम्मिहल-सुरच्चाव-चक्क-कय-कलावेसु पंचवण्णमणिसलागाजालगेसु केयारवाणुमिणियनिलीण-नीलकंठं, आसामुह-विसारिणी-नीलोवल-पभवस्स आमलसारयस्स सजलजहर-संभले

पहापञ्चारे वलागायमाणपवणुद्धय-सिय-पडागं, आभोगहूरोसारियदिसायक्केण तवण-मंडलमिव अप्पणो कलसं-काउ-मुट्टिए चुबियं वरसिहरग-भागअइपंसुणा सिहरेण, समुण्णय-सिहर-सेणि-संचयण-जलहि-जल-कल्लोलाप्पालणमुहल-तलसिल्लासमूह-संकुलेण, मूलवेसासोणनाणाविह-रूव-जलयरजाइणा सच्छयाइरेगओ कलयलगयं व परिभागावट्टियं वत्य-जायमुक्कइसयंतेण, विसुद्धफलिहमणिसिला-घडिएण पयड-वित्थरेण पायारमंडलेण परिवेदियं, अमल-पायार-संकंत-पडिबिबोहि पवण-पणोल्लिय-पडागा पल्लवेहि नियसमुण्णइपगरिसमम्हाणविकरेहि त्ति समारद्धसेवोचिय-वत्थंचलवीयणोहि, सुरमिरि-सिगेहि व सव्वओ संपरिवुडं हिरण्णमय-सुरपासाएहि दिट्ठं तिहुयणेक्कबंधुणो चंदकंत-मणिसिलोसार-निम्मवियमुत्तिणो चंदप्पह-सामिणो पडिमाए पवित्ति-गम्भहरं जिणहरं । संजाय-विम्हयाए जंपियं सीलवईए “सहि ! का तुमं रूवाइगुणगणाहरियसुरसुंदरिसमूहा दंसणभेत्तेण वि पिसुणिय-महाकुल-संभवा, अमुण्णज्जमाण-वय-विसेस-परिगहा एत्य निवससि ? को वा एस पव्वओ ? केण वा सलाहणिज्ज-जम्मजोविएण, देवाण वि जणियविम्हयं भेहसिगं व गथणयलमणुलिहंतं आययणमेयं कारियं ? कहेसु जइ कहमाणी होइ ।” एयं सोऊण निरुद्ध-कंठाए कह वि जंपियं तीए—“पिय सहि ! अकहणिज्जमेयं तह वि तुह कहिज्जइ ।”

अत्थि इहेव वेयड्ड-पव्वए दाहिण सेदीए चंदहासे नयरे विज्जाहर-चक्कमउड-कोडि-चुबिय-चरणवारिरूहो चंदसेणो नाम विज्जाहर-राया । सोहंगगुण-विणिज्जिय-हरवल्लहा चंदप्पहा से महादेवी । ताण दोण्ह पुत्ताणमुवरि अहमेगा दारिया जाया । उच्चियसमए पड्डावियं मे नामं चंदसिरी । उच्चियसमए चेव कारिया इत्थीयणजोगं कलागहणं । कमेण पत्ता अविणय-कुल-भवणं जोव्वणं ।

अण्णथा नाणाविहकीलाहि कीलमाणी कुसुम-परिमलमिलंत-भमर-नियर-रुणुणा-राव-रमणीयं गया वसंतसारं नाम उज्जाणं । तत्थ य सहीयणेण सह कीलमाणीए पारियाय-उमुहतरु-नियर-विराइयं, समासण-सरसी-सायर-नियर-विराइयं, गहिऊण पुणमावडत्तेण समंतओ सिच्चमाणमिव समीरणेण दारदेसामणसच्चविदसर-विसेसं महु-गायण-गोय-सवण-सावहाण-नरिदरं दणं, कर-गहिय-कणय-दंड-पडिहाराहिट्टिय-दुवारदेसं, चउसाल-मिवाराभराय-लच्छीणा अइविसालमेगं लयाहरं दिट्ठं । संजाय-विम्हया खणमेगं जाव चिट्ठामि ताव निग्गओ तयअंतराओ कइवयवयंस-परिवारिओ पंचवाणे व्व निरुवम-रूव रमणीओ कुमारो । समवलोइओ सो मए साहिलासाए दिट्ठीए । अहं पि तेण । एत्थंतरे भमं सावयंतेण कुमारासणवत्तिणा अभिण्ण-चित्तेण चित्तंगयाभिहाणेण वयंसएण गायणजणमुट्टिसिय-जंपियं महया सदेण—“भो ! भो ! गायण-जणा ! एस सयलपुहइपाल-मोलिमाजा-पणा-म-लालिय-पायपंकयस्स रायाहिरायस्स चंदकेउणो पुत्तो भूमिगोयरो वज्जहर-कुमारो नियमाउलेणाखंडलाभिहाणविज्जाहरेण सगोरवमिहाणीओ कीलिस्सइ कइवयदिणाणि एत्थेव उज्जाणे । जइ कज्जं तो पइदिणमागतव्वं” ति भणिऊण सट्ठाणं ते गया । अहमवि विसं व कीलारसं भण्णेभाणी सुण्णमाणसा घरं गया ।

बीय-दिणे परिहरियासेस-सहियणा हंसियाभिहाणदासचेडीए सह पत्ता तमुज्जाणं । दिट्ठो सो पुव्ववणिओ कुमारो समं चित्तंगएण । सो वि मं दट्टूण लीला-कमल-विणिवारियसुरहिमुह-सासायडिडयालित्रलो पुणो पुणो पेच्छंतो निन्निमेस-दिट्ठीए मह वयणं समीवभागओ । मयावि हरिस-भरनिभराए सहत्थ-गुत्था समपियया कुसुममाला, वच्छ-त्थलाओ उत्तारिऊण मुत्तावलीया य । तेण वि नियकंधराओ उत्तारिऊण सहत्थेण मह कंधरं पणइकओ थूलामलमुत्ता-हलो हारो दाहिण-कण्णसवयंसा कया सरससहयारमंजरी । जंपियं च संभमखलंतक्खरं तेण—“सुंदरि ! कहेसु का तुमं ? कम्मि वा सयलदोसमुक्के उत्तमवसे जायासि ? काणि वा हियय-दाह-जरहराणि संत-पथाणी व ते नाम-क्खराणि ? केण वा कारणेण पिसुणिय-दुक्खावेगाणि दीहुण्हाणि नीसससि ?” अहं पि तक्खणुप्पण-विविह-विदार-परव्वसा असमत्था जाया पडिवयण-दाणे । जओ-

खलइ गई गलइ मई, कंपंतंगाइ मुज्जइ मणं पि । पसरंति दीह-सासा, वयणं पि न तीरए वोत्तुं ॥४४८॥
वित्थरइ थरथरो थणहरस्स, विप्फुरइ फारमहरोट्ठो । सिडिलं होइ कडिल्लं, जिभारंभा पवट्ठंति ॥४४९॥
सव्वस्स वि संकिज्जइ, अलद्धलक्खं नियंति नयणाइ । पिय सहि ! पियम्मि दिट्ठे इमे वियारा वियंभंति ॥४५०॥

तओ हं उज्जाणपरिसरगयाण खीणद्ध-तणु त्ति अवलंबिऊण हंसियं विमुक्क-सीकारा, दुस्सहो सहस्स-किरण-संफासो त्ति पुणरुत्तरीय-वत्थंचलेण-ठइयाणणा, कयसंभमा वि सप्पणयं अंतरा कयसंलावं कयागार-निरिक्खणं कयपरिहासं न केवलं नियचेडियं तस्स वि सहायं सरोसं संचिकवमाणो कथागया ? कहिं वा ठिया ? को वा मह देसो ! को वा मह सयणा ? कि मए समीहियं ? कि वा समारद्धं ति अजाय-सुमरणा, असुणमाणो सइं असंवेए-माणो फासं अमुणिय-गंध-विसेसा केवलं तस्स चेव रूवरेहावल्लोयणे तस्सेव संपुण्णावयव-निरूवणे तस्स चेव जोव्वणु-ब्भेयविभावणे तस्स चेव विब्भम-निभालणे निलीणमाणसा, संभमाइरेणेण किमावद्धमउलभावाए, किवोचियसमाणाए, किं थिमियाए, किं वा तरलतारयाए, किं वियड्ढाए, किं वा मुद्धाए, किं कुडिलाए, किं वा पंजलाए, तव्वेलमहं पि न याणामि केरिसाए दिट्ठीए दिट्ठो मए कुमारो । सो वि तहाविहाणेण-विब्भम-विलासाउलं मं पेच्छिऊण संखायण-परिकप्पिय-पुरिसो व्व सह-जायमवि पयइं परिहरिय, सहाव-धरो वि खर-पवण-विहुय-सायरो व्व तरंये तरल-कुडिले कडक्ख-क्खेदे मं पइ वावार्तिो सुइरकालमुज्झियनिट्ठावेगो वि तक्खणपडिबुद्ध इव अंगभंगं जिभारंभं करित्तो पगभवयाण वि सगग्गयक्खरं नियपओयणेसु ससहायं संदिसंतो पच्छाइओ कामो व्व अत्तणो मयण-विद्यारेण अणेगाणि चित्तहारीणि विलसियाणि समायरंतो सविसंसं रमणोओ संजाओ ।

एत्थंतरे भणिया मए हंसिया—“साहेसु मे कुलनामाइं इमस्स महाणुभाक्खस ! अलोयंतुया एस [?] त्ति संभाक्खि-स्सइ ।” तीएवि तहेव साहियं । चित्तंगण भणियं—“कुमार ! वेलाइक्कमो वट्ठइ !” तओ सलज्जं जंपियं कुमारेण—“सुंदरि ! अणुमन्नसु संपइ सट्ठाणं वच्चामो ।” मए भणियं—“कयत्थं मे लोयण-जुयलं जेण तुमं दिट्ठो !” आसंघिय पेम्भाणुबध्दणे पडिभणियं कुमारेण—“पिए ! रज्जं, जीयं, कोसं, सरीरं पि मे तुह साहोणं । अओ कालविलंबं वज्जिऊण पयच्छसु नियपाणिपल्लवं । हवउ एत्थेव गंधव्व-वोवाहो !” मए भणियं—“अज्जउत्त ! कस्म इमं न सम्मयं ? कस्स वा न इमिणा परिओसो ?” भणिया मए हंसिया—“किमेयस्स उत्तरं पयच्छामो ?” चलियं चित्तं ममं नाऊण भणियं तीए—“सामिणि ! सयं चेव कीरमाणमेयं न सोहणं ! अपरिग्गहाओ चेव नारोओ अप्पाणमप्पणा पय-च्छंति, न उण महाकुल-संभवाओ तुम्हारिसोओ वा । तहा पयट्ठियव्वं जहा न गुग्गहाणो भवइ, गुग्गणो वा न लज्जइ, परियणो वा न विरज्जइ, सुयणा वा न सामायत्ते !” मए भणियं—“एवमेयं, तहावि सोहणो एस रायउत्तो । सयलगुणालओ तेणेत्थ मह मणो रमइ ।” जओ—

जइ खंडिज्जइ सीलं, कुलववएसो वि कीरए मलिणो । तो तम्मि जणे कीरइ, अजसो वि जसो जहिं होइ ॥४५१॥
कुल-लंछणं पि कम्मं ठाणे विहियं जणो पसंसेइ ॥ दसणविणासो वि बरं गिरिभिस्तीए गइदाणं ॥४५२॥

तओ हंसिऊण हंसियाए पयंपियं मह तिसेहणपराए—“सामिणि ! न जुत्तमेयं निम्मल-कुल-लंछणं काउं ।”
गरुए वि हु अणुराए गरुया न कुणंति गरहियं कम्मं । निद्धमणेण बहंतं किं पियइ पयं पयत्थो वि ॥४५३॥
कि च—

विरसाइं जाइं पमहे अमयरसायंति जाइं परिणामे । कज्जाइं ताइं सुवियारियाइं न जणे हंसिज्जंति ॥४५४॥
अवियारिऊण कज्जं सहसंचिय जे नरा पकुव्वंति । पच्छा वि ताण न सुहं पच्छायावेण दड्ढाणं ॥४५५॥
पिय सहि ! ‘पियं’ ति भण्णइ कडुयं पि कमागयं हियत्थीहिं । सच्छंदा निदिज्जइ कण्णा कि बहु वियारेण ? ॥

एयं सोऊण भणिओ सो मए “महाभाग ! अम्मा-पियरायत्तो कण्णायणो होइ ।” तेण भणियं—“सुंदरि ! कालविलंबे कीरमाणे अवसर-चुक्के वा हिय-इच्छिय-पओयणे विग्गसयाइं समावडंति । कयत्थस्स पुण करणं नत्थि । अओ एत्थेव कलवंठि-कलयलाराव-मुहलिय-दिसायक्के, अइनिविड-लया-पल्लव-निरंतरंतरिय-तरणि-करनिकरे, बहुविह-पसूणपरिमलमिलंतालि-वलयरुणपुरणारावरमणीए काण्णे करेमि ते पाणिग्गहणं ।” मए वि मयणाउराओ अव-गणिऊण हंसिया-वयणं तहेव कयं पाणिग्गहणं । तयणंतरं च सिणिद्ध-पल्लव-पायवतले इच्छाए चिरमच्छिऊण सघरं वच्चंतो भणिओ मए कुमारो—“गरुओ एस अवरहो । विसमाणि णे जणणि-जगयाणि । ता कहमेस दूण्णओ नित्थ-

रियव्वो !” तेण भणियं—“न पयासियव्वो एस वडयरो । अह कहवि पायडो होज्ज, असम्मओ वा ते जणणि-जणयाण तो तुमं पच्छणमेव गहिऊण सद्दाणं भमिस्सामि” ति भणिय गओ सो महाभागो । “न रहस्सभेओ कायव्वो ति अप्पाहि[य]ऊण हंसियं गया अहमवि सभवणं । एवं वच्चति दिणाणि ।

अणया उज्जाणगयाए न दिट्ठो सो हिययव्वल्लहो । उच्चिग्गमाणसा समागया सघरं । बीए दिणे वि न दिट्ठो सो हियय-व्वल्लहो । उच्चिग्ग-माणसा समागया सघरं । तोए दिणे वि न दिट्ठो तओ संकिय-माणसा परिहरिय-मुप्फ-तंबोल विलेवणा वर-वत्थाहरण-विरहिया आयारमेत्तसंपाइय-पाण-भोयणोवयारा गमिऊण वासरं सुत्ता मयणिज्जे । तत्थ रइं अलहमाणो सभारुढा पासायतलं । नुवण्णा फलिहसिला-विणिम्मिय-कुट्टिमतले । पिट्ठओ चेव समागया हंसिया । भणिय-मणाए—‘सामिणि ! किमेवं विमुक्क-नोसासा परिहरिय-पल्लकं सुद्ध-धरणोयले निवडिया ?’ मए भणियं—“हंसिए ! दहइ दाहो मह सरारयं, अरइ समालिभियाणि न सक्कुणोमि संवाहेउं अंगाणि । तओ तोए पासमुवसप्पिऊण पयामुट्ठं सहत्थेण मे सरारयं । जंयियं ईसि-पहसंताए—‘सामिणि ! कि कारणं कुसुम-संग-सुरहिग्गंध-वरसो-सलिलसमागम सायलं उज्जाणाओ समागयं पवणमग्घाएसि ! केण वा कारणेण निसायर-कर करंविद्याइं पिसोयमाणानि पणट्टुचिटाणि अंगाणि समुव्वहसि ? कोस वा एगाणिगो सासंकमव्वत्तमुत्त्वसि ? कोस वा वारं-वारं वसुथाइं अचिर-दिणं पि अंगेसु ते हरियदणं ? समसुह-दुक्ख-सुहाए साहिज्जउ मज्ज जइ अकहणोयं न होइ ?” जओ—

समसुह-सुहिए समदुक्ख-दुक्खिए सममणे जणे दुक्खं, सोसंतं लहुई होइ होइ गरुयं असीसंतं ॥४५७॥

मए भणियं—हंसिए ! जइ एवं ता मुणेसु—

जं कुमरोणमणुचियं नियकुल-ससहरकलंक-कप्पं जं । तं मह हियएण कयं, कहेमि कि तुज्ज एत्ताहे ॥४५८॥
तह वि हु तुह साहिज्जइ, असाहणिज्जं पि कि विधारेण ? । तं कुमरमपेच्छंती एवं दुक्खाउरा जाया ॥४५९॥
सीलं कुलं सहावो विज्जा विणओ अणोवमं हवं । सुमराभि तस्स संपइ मणे ण नयणेहि पेच्छामि ॥४६०॥
जाणाभि जह विरुद्धं एयं सुकुलुग्गयाण कुमरीण । तह वि ह्यवम्महेणं अलज्जिराणं धुरे ठविया ॥४६१॥
समचित्ताए तुमए मह कज्जं समुज्जयाए निच्चं पि । एयं परमरहस्सं पयासियव्वं न कइया वि ॥४६२॥
जओ—

अण्णं तं नूमिज्जइ एयं पुण सुयणु वम्महरहस्सं । पयडिज्जंतं न तहा गुण्यंतं जह फुडी होइ ॥४६३॥
ता एयमिह पत्तयालं जहा तए पढमसाहसं विहियं । तह बीयं पि किज्जउ गम्मउ तेणेव सह सिग्घं ॥४६४॥
कलहंतरे वि न हु निग्गयाइं हिययम्मि चेव जिण्णाइं । सुयणगयाइं रहस्साइं डहइ आउक्खए अग्गी ॥४६५॥
सोऊण मज्जवयणं पयंपियं तीए पहसियमुहीए । अइरकिखयंपि सामिणि मयणरहस्सं फुडी होइ ॥४६६॥

एवं पयंपमाणेण ताण खयमुवांगया सव्वरो उग्गओ दिणयरो । कथ गोसकिच्चा गया तमेव उज्जाणं । दिट्ठो तत्थ सहयार-च्छायानिसण्णे ससोगो कुमारो । पुच्छिओ मए “अज्जउत्त ! ससोगो विय लक्खीयसि ?” तेण भणियं—
“सुंदरि ! पेइयरज्जाओ पवणगई नाम विज्जाहरो समागओ । तेण अपडुसरोरो ताओ कहिओ । तद्दुक्खओ दोण्णि दिणाणि घराओ वि न निग्गओ । संपयं सयमेव गंतुमिच्छामि !” मए भणियं—“अम्हे वि तए सह चेव पमि-स्सामो ।” हंसियाए भणियं—“सामिणि ! जइ एवं तो इमाओ चेव उज्जाणाओ केण वि अयाणिआणि विमाणमा-रुहिऊण वच्चामो !” सव्वसम्मएण तहेव कयं ।

तओ महावेगेण खर-पवण-विहुय-पडाग पाणिपल्लवेहि विभज्जयंतेण पुरओ समावडियाणि मेहविदाणि, [भु]यंगा[रिआ]हयमाणेण उद्ध-पह-करिक्कारणमणयण-जलहि-विलघण-जाणवत्तेण वेगवसा अमुणिज्जमाणसिरिया सि[ह]रि-रस-नगराइविभ्रमेण विमाणेण इमं जयकड-पव्वयं पाविऊण जिणमंदिर-सिहंरस्सुवारीं चेव चलियाणि ।

एत्थंतरे इमस्स चैव जिण-भवनस्स सिहररग-भूमीए थंभिए व्व भिए व्व निच्चलोभूए विमाणे रमणभंगविम्हिएण दिण्णा पुरओ दिट्ठी अज्जउत्तेण । दिट्ठो उल्लिहिय-सव्वंग-पियंगु-पायव-सरलाभिरामसरीरो । निष्कंद-तारेहि सरंसेहि नयणेहि निरूवेमाणो दाहिण-करेण लोहमय-मोगारं पुणो पुणो उक्खिवंतो एगो पुरिसो ।

तओ संजायविम्हएण अंजलिबंधं काऊण सविणयं भणिओ—“महाभाग ! कि निमित्तं गहियायस-मोगारो पुरओ होऊण विमाण-गमणं निरुंभसि ?” अवसर अगओ जेण समीहिय-ठाणं गच्छामो ।” अदिण्ण-पडिवयणो सोवहासं भणिओ पिएण—“भो ! कि मोयणेण सुहं भरियं जेण पडिवयणा वि संसओ ?” एवं सुणिय रोसरत्ताहण-नयण-जुयलो भालयल-तलप्यडिय-मंगुर-भिउडोभीसणो पायडिय-विरूव-वेयालरूवो—“अरे ! निच्चवेय ! अमुणिय-अप्प-पर-विसेस ! परिहरिय-सिद्धजण-समायरे विमय-पार-संसार-पल्लल-पंक-सूयर-महापाव-करण-पवणसयल-करग्गामदुहिय-पाणिगण-वच्छलं, सुविसुद्धमग्गविणिविट्ठुदिट्ठि, दुच्चिणीय-जणसिक्खणत्थमेव नित्तं सया जिणाययण-निवासिणं ममं पि पउमाए मामिणीए किकरं पउममुहाभिहाणं गुज्जग्गमेवमहिक्खिवसि ?”

एत्थंतरे संजाय-रोसेण भणिओ चित्तंगएण—“अहो दंसणेण दिव्वायारो लक्खीयसि कम्मणा पुण चंडालमणुगरेसि, जेणेवमणुणिज्जमाणो वि न मणाग-मणागमवि मट्ठवं भयसि ?”

तओ संजाय-कोवेण जपियं जक्खेण “अरे ! दुरायार ! अहं चंडाल-सरिसो, न तुमं जो अणिवारणिज्जं वित्थिण्णं सनिहियं विहाय गयण-मग्गं अणेगसुरसिद्ध-भवणवई-विज्जाहरविदवदंणीयस्स तिहुयण-विक्खाय-कित्तिणो अट्टमंतित्थयरस्स मंदिर-सिहरमइलधिऊण पत्थिओ ? ममं च करुणाए निवारितमहिक्खिवसि ? पत्तो सि निहणममुणा दुच्चेट्ठिएण” ति, भणिऊण सविओ चित्तंगओ । जाओ सुगो । हंसिया वि पडिकूलभासिणी सट्ठिऊण कया सारिया सो पुण कुमारो न नज्जइ सविमाणो कहि पि पक्खत्तो । मज्झ वि विओगं काऊण गओ अदंसणं जक्खो । अहं पि जणणि-जणएहि चैव कारावियं जिणच्चिबमारहयंती ठिया ।

कइवयदिणेहि इओ तओ गवेसणं कुणमाणणि अम्मा-पियराणि मे एत्थेव समागथाणि । वाहजल-भारिय-लोयणाए उच्छगे काऊण पुच्छियाहमंदाए । भणियं—“किमहं काहेमि ।” परिक्खीण-भागधेया असमंजस-कारिणं देवं चैव एत्थ पुच्छियव्वं जेण सहसा चैव कुलकलंक-कारयं मुख्यणस्स वि संतावदायगं, सयणवग्गस्स वि सोगावेगहेउ-भूयं अणुचियं कण्णयाजणस्स कम्ममेयं कारिया ।” एवं पर्यपिऊण अदिण्ण-पडिवयणा अहोमुही ठिया । ताएण पुच्छिया पण्णत्ती-विज्जा । साहिओ तीए जहट्ठिओ सव्वो वि वइयरो । पणय-पुव्वं निज्जमाणी वि ताएण न गयाहं सघरं । तओ निम्मविओ एस पासओ । अंतरंतमुहिसयणवग्गे विणोइज्जमाणी एत्थेव ठिया । तं सुय-सारियामिहुणयं पंजरगयं परिवालयंती कालमइवाहेमि ।

अण्णम्मि दिणे पियसहि ! परिणममाणम्मि वासरे पत्तो । दिव्वविमाणारूढो विज्जाहर-वालियास्तथो ॥४६७॥ काऊण सपरिओसं पूयं तह वदिऊण जिण-च्चिबं । डोलाहरं तेण गयाओ ताओ सव्वाओ ॥४६८॥ मिलिऊण अंदोलिऊण सुइरसिगारहग्गार-गुहिरगीएहि । सुवइ पहसियवयणाहि, ताहिं कुमारो हिंदोल्लहारा । गाहं दोलण-संजणिय-खेय-पयडिय-सेय-सलिलाओ । सहसच्चिय-सरमीए, मज्जणहेउं पविट्ठाओ ॥४७०॥ भूयदंडफालियतीरदेसं चालियंबुनिवहाओ । पगलंत-कुडिल-कुंतल-कलाव-संजणिय-सोहाओ ॥४७१॥ उत्तिण्णाओ तीरे तुरियं गहिऊण मणहरं वेसं । जिणमंडवस्स पुरओ सेसं रमिऊण खणीए ॥४७२॥ आगम्म मह समीवे सिणेह-सव्भाव-सायरं नमिउं । पुच्छिय कुसजाओ लहुं जहारिहं सन्निसन्नाओ ॥४७३॥ नानाविह-वइयरं संकहाए गमिऊण पढम-पहरं तु । पच्छा सिक्खागब्भं पर्यपियं ताहिं मूद्धाहि ॥४७४॥ परिहरिय-जणणि-जणया नियसयण-परंमुहा म्हा सुयणु ! कीस तुमं पडिवण्णा सुत्तारणं विसालच्चिं ! ॥४७५॥ काउणमह पसायं गम्मउ नियमंदिरं भणंतीओ । गहिऊण करेण ममं समट्ठियाओ कुमारीओ ॥४७६॥ मज्झं पि हिययवल नहपढमनमागमसुहं सरंतीए । वाहजलाविलनयणाए देयणा इत्ति अंतरिया ॥४७७॥

जओ-

जं सत्थेसु न सुव्वइ अगोयरं जं महाकईणं पि । तं किंपि सुहं नवसंगमम्मि दइउ ड्व जणो कुणइ ॥४७८॥
जं सत्थेसु न सुव्वइ अगोयरं जं महाकईणं पि । तव्विरहे जं दुक्खं अप्पच्चिय तं परं मुणइ ॥४७९॥
कहकहवि तम्मि समए विसण्ण-चित्ताहिं ताहिं वालाहिं । पउणीकयम्मि पवणाइ-दाणओ दीण-वयणाहिं ॥

तओ पहहु-वयण-कमलाओ ममेत्थेव मोत्तूण गयाओ ताओ सट्टाणं । अहं पि कयमरणनिच्छया तीए चेव रयणीए समाख्खा इणमेव जिणमंदिर-सिहरं । मुक्को अप्पा, जाव पेच्छामि पवर-वल्लं-क-गयमत्ताणयं 'मरणं पि दुल्लहं मंद-भग्गाण' ति, चित्तयंती उट्टिया सयणिज्जाओ । पुव्वपओणेण चेव गमिया के वि मासा । अण्णया समागओ पाउसो । सो य केरिसो-पिसुणनरिदो व्व मलिनसमुण्णइ-कारगो, दिणयरो व्व निरुद्ध-चंदम्मह-नक्खत्तपयावो, दुज्जणो व्व कलुसितो सज्जणमणसरोवराणि, पारद्विओ व्व पीडंतो पहियसारंगो, कोहणपुरिसो व्व नि[सायर]व्व निच्छप्पयारिय-मुहो, चंडसासणनिवो व्व निद्धाडिय-नमंत-रायहंस-मंडलो, दढमुच्छिय-पुरिसो व्व निहुय-पवण-संचारो, दयारसियनरो व्व तिसिय-सत्त-जलदायगो ।

नव सूआ धेणुया इव रयणी ससि-वच्छयं अपेच्छंती व । हरइ जलय-नायच्छलेण अह तम्मि कालम्मि ॥४८१॥
पिय-विरहिय-दइयाओ निव्वच्छिय-गहिरगज्जियरवेण । जीवंति मया व इमा विज्जुज्जोएण जोएइ ॥४८२॥
वच्चंति तुरिय-तुरियं कसिण-घणा नहयलम्मि गज्जंता । तं रक्खस व्व मेहा मिलित्तं पियविरहियं लोयं ॥
जह जह गज्जंति घणा जह जह नच्चंति बरहिणो तुट्ठा । तह-तह फुट्टइ हिययं पउत्थवइयाण तरुणीण ॥४८४॥
आवद्ध-धोरणीओ दीसंति नहे वलाहगालीओ । तिहुयण-जण-पायडमयणरायसंकित्ति(ण्ण)पंतीओ ॥४८५॥
निव्वविय-धरावलओ पविरल-निवडंत-सलिलधाराहि । जो डोलावेइ मणं मणयं नणु मूणि-जणाणं पि ॥
इय एरिस मेहाडंबरम्मि पवियंभियम्मि धरणियले । मयणसरसल्लियंगी चित्तिउमहं समाढत्ता ॥४८७॥
कि जीविएण इमिणा पियजण-विरहगिदाहदड्ढेण । विगलियआसाबंधणधणेण धी-दुक्खनिलएण ॥४८८॥
परिकव्विऊण एवं रयणीए समुग्गए ससहरम्मि । फलिहमणितोरणं मरण-कारणा इत्तिमाख्खाहं ॥४८९॥
हो ! जिणिदमंदिरचित्तायग, हो ! मियंक हो ! पवण हो ! मयणहियवत्तह ! सरीररक्खक्खमो होज्जा ॥

एयं भणिऊण बद्धो कंधराए पासओ । मुक्को फलिह-मणितोरणाओ अप्पा ।

एत्थंतरे 'महासाहसं' ति जंपंतो दिव्वायारधारी समागओ एगो पुरिसो । छिण्णो तेण पासओ । गहिऊण मुक्का जिणमंडव-पुरओ काऊण अंजलिं सविणयं भणिओ सो मए-“महाभाग ! को तुमं ? कि निमित्तं वा मरणंतरायं करेसि ?” तेण भणियं-“भट्टे ! पउममुहो नाम अहं गुज्जगो । इमस्स चेव जिणमंदिरस्स चित्तायगो जेण तुम्हाण जिण-मंदिर-सिहरं लंघयंताण सासणा कया ।” मए भणियं-“पणय-पसण्ण-माणसा चेव सण्पुरिसा भवति । ता तहा करेसु अणुग्गहं जहा पुणो वि सव्वेसि समागमो होइ ।

जओ-

मुयण-सुद्ध-सहावे गिरिवर-गरुया वि पत्थणा सरइ । परकज्ज-करण-पवणो जम्मो जं ताण भुवणम्मि ॥४९१॥
विहलं जो अवलंवइ आवइपडियं च जो समुद्धरइ । सरणागयं च रक्खइ तिसु तेसु विभूसिया पुहवी ॥४९२॥

ईसि हसिऊण भणियं जक्खेण-“एवं करेमि ।” इओ कइवयदिणेहि इमस्स चेव भगवओ जम्मकल्लाण-करणट्टा बहुविज्जाहर-परिवुडो तुह पिया समागम्मिस्सइ । तम्मि दिणे तुह पिण्ण सह समागमो भविस्सइ । इमं पि सुय-सारिया मिट्टणयं तम्मि चेव दिणे मज्जण-जलेण मज्जवेयव्वं जेण नियपयइं पाउणइ । तुमं पि मरणाओ विरमिय जिण-भत्ति-परायणा चिट्टसु” ति भणिऊण गओ सो अदंसणं । अहं पि एयम्मि जयकूडे पव्वए इमं चेव तायकारियं

जिणमदिरं सेवमाणी ठिया एत्तियं कालं । लंघिय-कुलक्कमाए निस्सीलाए वि होऊण आसा-विसयमारूढो पियजण-समागओ । तुह पुण सीलाहरण-विभूसियाए समासण्णा चेव समीहियसंपत्ती ।

भणियं सीलवईए-वाहजलुप्फुण्ण-नयण-जुयलाए । पियसहि ! न होइ फलयं सीलं पुण काल-दोसेण ॥४९३॥
 खीणम्मि ताव कम्मे परिहायंतेसु भागधेयेसु । अत्थो होइ अणत्थो सुओ वि सत्तू धवं होइ ॥४९४॥
 खीणम्मि कुसल-कम्मे विहडइ नाणं कलागमो अहलो । जं जं लिज्जिइ डालं तं तं भज्जइ कयंतेण ॥४९५॥
 संपइ वयणपहाणो दाणपिओ हीणदीणसत्तो य । नियकज्जपरो परकज्जबाहिरो च फले वि हु ॥४९६॥
 इह सुयणु संसओ दुस्समाणुभावेण । जं नग्घेति इह गणा दोसा पुण गारविज्जंति ॥४९७॥
 न तहा दहइ सरीरं वसणमिणं पुव्व-कम्म-निम्मविय । जह एस अयसअग्गी उभयकुल-कलंकिणो उहइ ॥
 जओ—

नट्टा वा भट्टा वा अवहरिया वा हवेज्ज जइ महिला । संकिज्जइ तह वि मणे विसेसओ जोव्वणत्था जा ॥४९९॥
 चंदसिरीए भणियं सुयणु ! कयत्था जयम्मि तं चेव । सीलं पि तुज्ज सहलं होही जइ विज्जए धम्मो ॥५००॥
 किं सुयणु ! तए न सुया भज्जा धणचंदसेट्ठिणो धण्णा । सीलपरिपालणाओ इहेव सुह-भागिणी जाया ॥५०१॥

सीलवईए भणियं—“पियसहि ! का एसा धणचंदसेट्ठिभज्जा ? कहं वा सील-सामत्थओ इहलोए वि सुहिया जाया ?” तीए भणियं—“सुणसु ।”

सीलपरिपालणे सीलसुंदरीकहा—

सुसम्मपुरे नयरे धणचंदसेट्ठिणा अत्थोवज्जणाहिलासिणा भणिया नियघरिणी सीलसुंदरी—“पिए ! अत्थोवज्जण-निमित्तं देसंतरमहं गमिस्सामि । रक्खियव्वं पयत्तेण तए सीलरयणं” ति अष्पाहियऊण पसत्थवासरे गओ देसंतरं धणचंदो जाओ तत्थेव पवासो । सीलसुंदरी वि सेट्ठिसमाइट्ठं सव्वं कुणमाणी कालं गमेइ ।

अण्णया वसंत-समए उज्जाणसिरि-समवल्लोयणत्थं चउरंगबल्लमज्जगओ मत्तवारणमारूढो नयराओ नीहरंतो पत्तालंबगयाए दिट्ठो सीलसुंदरीए चंदसेहरनराहिवो । तेण वि उवरिज्जंतं नियतेण गवक्ख-विवर-विणिग्गओ दिट्ठो तीए मुह्यंदो । संजाय-सिणेहाणुबंधो ।

गओ उज्जाणं नरवई । समवल्लोइया सुण्णचित्तेण परियणाणुरोहेण उज्जाणसिरी । खणमेत्तं गमिऊण समागओ सभवणं राया । विसज्जियामच्च-सामंताइपरियणो । णुवण्णो वासभवण-पल्लंके । गहिओ सरीर-संतावेण वियभिया अरई । वित्थरिओ रणरणओ । चित्तिउं पवत्तो—“जइ ताव जहट्ठियं साहेमि अमच्चाईण तो आयलाघवं । असाहयंतस्स न कज्जसिद्धी । एवं चित्तिऊण सया समासण्णवत्ती, परमरहस्सट्ठाणं कओ भिण्णरहस्सो चंदो नाम निय-पुरिसो । तेण भणियं—“देव ! जइ सा तुमम्मि साणुराया तो करगया कज्जसिद्धी । समण्णेउ देवो निययाभिप्पायसूपगं लेहं, जेणाहं घेत्तूण वच्चामि तीय गेहं ।” लिहिओ राइणा । गओ घेत्तूण चंदो । पविट्ठो पच्छिम-दुवारेण । दिट्ठा उवरिम-भूमियाए सीलसुंदरी । पणाअपुरस्सरं समप्पिओ लेहो । तीए भणियं—“कस्सेसो ?” चंदेण भणियं—“हत्थे कंकणं किं दप्पणेणं” अक्खराणि चेव कहिस्संति । “एवं हवउ ।” छोडिओ तीए लेहो । दिट्ठा तत्थिमा गाहा—

न लहइ गेहम्मि रई, न बाहिरे न वि य पवरपल्लंके । सुंदरि ! तुज्ज समागम-समूसुओ अंतरप्पा मे ॥५०२॥

अवगओ तीए लेहत्थो । चंदेण भणियं—“संपयं सदेसं सुणेउ सुंदरी । दरियारिमत्तमायंमयनासणेण एवं ते समाइट्ठं महारायचंदसेहरेण जओ चेव तं दिट्ठा तप्पभिइं चेव—

हारो दहइ सरीरं जलइ जलट्टा वि देह-संलग्गा । ससि-किरणा तणुतवणा पल्लंको मम्मुरग्गिसमो ॥५०३॥
 ता तह करेसु जह कहं वि होइ महं दंसणं तए सद्धिं । एत्तियमेत्तं भणिमो जं जुत्तं तं करेज्जासु ॥५०४॥

तीए भणियं—“निमुओ संदेसओ । सोहणमेयं । को कल्लाणे विरोहो ? अज्जेव रयणीए समागच्छउ देवो !” सम्माणिकुण तत्रोलाइणा विसज्जिओ चंदो । कज्जसिद्धीए पहट्टु-वयणो गओ तरवइसमीवं । साहिओ सब्बो वि अर्हट्टिओ वृत्तंतो । दाऊण पारिओसियं विसज्जिओ चंदो । काऊण सिगारं रयणीए एगागी चैव पत्थिवो पत्तो सील-सुंदरिमंदिरे । समाऊढो उवरिम-तलं । दिट्ठं तत्थापेग-रयण-रासि-विराइयं वरवत्थु-विहिय-पवइल्लोअं उल्लोय-लंबंत-मोत्तियाउलं दुवारदेसे निहिय-जल-पुण्ण-मंगल-कलसं वासभवणं । तस्स मज्झे पवर-पल्लंके-निसण्णा निहवम-रूव-सांहंगाइ-गुणगण-समणिया रइ व्व रमण-विरहिया । दाहिणकय-सीलारविदा वामेण भालयलमभिनवडभाणाऽलयनियत्थ-रमभिसंजमती सुरसुंदरि व्व विमाणाऊढा दिट्ठा सीलसुंदरी राइणा । सा वि रायणं दट्ठुण ससंभममब्भट्टिया सयणि-ज्जाओ दिण्णं भट्टासणं । राइणा भणियं—“अलं भट्टासणेण इणमेव पल्लंकें समाहइस्सामि ।” तीए भणियं—“जहिच्छा पहूणं ।” निसण्णो तम्मि चैव पल्लंके नरवई । कओ तीए चलणसोयणाइओ उवयारो । निसण्णा पुरओ होऊण सुद्धघरणोयले । राइणा भणियं—“अणुचियमिणमासणं । इणमेव पल्लंकेइं समद्धासेउ सुंदरी । तीए भणियं—“महाराय ! कि गोमाउघरिणी सीहसमद्धासियासणं समद्धासेइ ?” राइणा भणियं—“अलमिमोणा वियारेण ? पडिक्खण-पालणे पयत्तं करेउ सुंदरी ।” तीए भणियं—“सुणेउ आहरणमेगं महाराओ ।” राइणा भणियं—“अवहिओमिह ।” तीए भणियं—

अत्थि वच्छा विसए पुण्णचंगेरं नाम नयरं । सब्ब-मालाधारसेणिप्पहाणो कुंदकेऊ नाम मालिओ तत्थ परिवसइ । नत्थि पत्तं वा पुण्णं वा फलं वा जं तस्सारामे ण पाविज्जइ । अण्णम्मि दिणे समुप्पन्नवल्ल-फलाहिलासेण वसुसार-सेट्टिणा पेसिओ नियपुरिसो कुंदकेऊमंदिरे । भणियो तेण गंतूण कुंदकेऊ—“वल्लफल-निमित्तं वसुसार-सेट्टिणा तुह समीवं पेसिओ ।” तेण भणियं—“अकालो एस वल्लफलाए ।” “जइ कालो हवेज्जा तो तुह समीवे को समागच्छेज्जा ?” एवं भणिकुण गओ पुरिसो । कुंदकेऊ विय तुरियं गओ आरामे । समाइट्टा वंठा—“अरे ! आरामपरिपेरंतेसु समंतओ वल्ले वावेह, सिचेह । कयं कम्मयरेहि ! पइदिणं सिचिज्जंता जाया महल्ला वल्ला ।

अण्णया दर-वद्धा दिट्ठा भिच्चेहि । कहियं गंतूण सामिणो । समागओ कुंदकेऊ । समंतओ हिडिऊण निरूविओ आरामो जाव नत्थि कत्थ वि पवेसो । संजाय-विमहएण भणिया भिच्चा कुंदकेऊणा—“अहो ! दुप्पवेमो आरामो कइं वल्ल-विणासो ?” तेहि भणियं—“अम्हे वि न याणामी ।” वीयदिणे पच्छन्नं सयमेव निरूविउमारदो । दिट्ठा वाटी चैव वल्ले खायंती । तओ सविसायं जंपियं कुंदकेऊणा—

जं चैव रक्खणा लुंपगा वि तं चैव जत्थ जायंति । भय-भीओ सरणं तत्थ जणो कं समल्लियउ ? ॥५०५॥
कम्मयरेहे भणियं—

जा वल्ल-रक्खण-कए, कह-कह वि णिम्मिया मए वाडो । सच्चविय वल्लविणासं करेइ हा ! कत्थ वच्चामि ॥

तओ ठिओ आयारसंवरं काऊण कुंदकेऊ । ता महाराय ! जारिसा वल्ला तारिसो अम्हारिस-जणो, जारिसा वाडो तारिसो तुमं । पयापरिपालण-निमित्तं विहिणा विणिम्मिओ । अण्णायपयट्टुजण-निवारणो पंचम-लोगपालो । जइ तुमं पि मज्जायाइक्कमं करेसि ता कस्स अण्णस्स कहिज्जउ । न नियमज्जायं मोत्तूण अण्णेण जलहि-वेला खलिज्जइ । कुणसु जं भे रोयइ । एयं सोऊण संजाय-पच्छायावेण भणियं राइणा—

घण्णासि तुमं सुंदरि ! पत्तपडाया सईण मज्झम्मि । निय सील-रयण-रक्खण-समूज्जमो जीए तुह एसो ॥५०७॥
अज्जवि वड्ढइ धम्मो, अज्ज वि सच्चं वयंति पाणिगणो । अज्ज वि संति सईओ, सच्चवियमिणं तए वयणं ॥
निय कुल-कलंक-अणयं, मज्जाय-विलोयकारणं अणियं । अवलंबिऊण काउरिसचेट्टियं जं मए भणियं ॥५०९॥
तं भव्वं खमसु तुमं, संपइ सूरुगमो समासणो । वच्चामि नियय-भवनं अलक्खिओ चैव लोएण ॥५१०॥

मीलसुंदरीए भणियं—“एवं हवउ ।” उवरिमतलाओ लज्जोणयमुहो उत्तरिउमाढत्तो नराहिवो ।

इओ य देसंतराओ बाहि चैव सत्थं मोत्तूण घर-समायार-दंसणत्थं एगागी चैव समागओ घणचंद-सेट्टी । पच्छिम-दुवारेण पविसंतो पेक्खइ नीहरंतं नराहिवं । विमिह्य-भाणसेण मुक्को य मग्गो घणचंदेण । सासंक-सुण्ण-चित्तस्स

अजाणियं चैव निवडियं दाह्णिणकरंगुलीओ नियतामकियं मुद्दा-रयणं राइणो । गओ राया । धनचंदो वि मुद्दा-रयणं गहाय उवरितलभाह्ढो । पेच्छइ पद्द-थंवं रासीकयाणि रयणाणि । कय-पुण्णोवयारं वास-भवणं । धरणितालं पवरवत्थ-विणिम्मिय-उल्लोय-लंबंतनित्तलामल-मोत्ताहलहार-नियरं वरवत्थाहरण-विभूसियं पल्लंकगयं च सीलसुंदरिं । तओ विसाय-विम्हएहिं समाउरिज्जमाणसो-“अहो ! ‘किमेयं’ति चित्तयंतो उद्धट्ठिओ चैव ठिओ खणमेगं । सीलसुंदरी वि दट्ठूण धणचंदं उट्ठिया पल्लंकाओ । सविनयं दिण्णमासणं । कया चलणसोयणसामणी ।

तओ अभिण्णमुहरायं तं दट्ठूण चित्तियं सेट्ठिणा—

जसु निमित्तु ह्य हिअडा पइं जलनिहिं तरिउ । तं कलत्तु एवंविह-दुण्णय-सय-भरिउ ॥

एउ अउव्वं जं पेक्खेविं लज्ज वि न वि करइ । हरिसुल्लसिय-मुहुल्लउ महु अग्गइ वरइ ॥

वर वेल्लिउ मं तीय इउ, सच्चइं जाहं पलंति । जो एक्कसि वेढंति तरु, सो मरणिहिं मुच्चंति ॥५११॥

वहुविह-कवड-कुहेडय-संसयमंदिरं हवइ महिला । कह मइलियं नियकुलं नरवइणा पुरिस-सीहेण ॥५१२॥

किं करेमिं संपयं ? किमेत्तो चैव मोत्तूण घरवासं वणवासं गच्छामि ? किवा फुडक्खरेहिं चैव अजहत्थ-नामं सीलसुंदरिं उवाहामि ? अहवा नासमिक्खिय-कारिणा भवियव्वं ? जओ—

मंदालोइय-कज्जे सहसच्चिय जे नरा पयट्ठंति । दज्जंति ते वराया दीवसिहा पडियपयंग व्व ॥५१३॥

अओ पुग्वावरेण समं समवगच्छिय पच्छा जहाजुत्तं करिस्सामिं त्ति, चित्तिऊण कयं आसण-गहणं । पुच्छिया सीलसुंदरी-“किमेसा पच्छण्णा घरसिरो-पयडीकया ? को वा एस पुरिसो पच्छिम-दुवारेण नीहरंतो मए दिट्ठो ?” साहिओ तीए सव्वो वि नियसीलरक्खण-पज्जवसाणो नरवइवुत्तंतो । घरसिरो-पयासकरणे राइणा उवयार-करणं कारणं ।” सेट्ठिणा भणियं—“गंभीरमिणं । न संखेवेण जाणित्तं तीरइ । असंगोविओ सत्थो नयर-बाहिरियाए वट्टइ ती त्तिहिं वच्चमह ।” एवं भणिऊण गओ सेट्ठो । पवेसिओ सत्थो । दाऊण वेयणं विसज्जिया कम्मयरा । ठाणे कयं दविण-जायं । गहिऊण मुद्दारयणसहियपाहुडं गओ नरवइसमीवं । पडिहारेण निवेइओ पविट्ठो । राया वि सरिऊण रयणिवइयरं चित्तिउमाढत्तो—

न कुलं न यावि सीलं, न पोरुसं न वि य कज्जसंसिद्धो । हद्धो, विडंबणच्चिय अपत्तपुग्वा मए पत्ता ॥५१४॥

अवियारिऊण कज्जं तं किपि करेइ एस दुट्ठप्पा । जेणप्पणा वि लज्जइ जा-जीवं सुमरिएण्वं ॥५१५॥

संगोऽण्णेण जिओ लोहसरो कुसुमबाण-वसगोहं । नियअक्खाण वि अपहू कहं पहू होमि अण्णाणं ॥५१६॥

सव्वं वयंति विउसा नत्थि पिओ जस्स सो जए सुहिओ । पियसंगो जेण कओ सो नणु दुक्खणी जाओ ॥५१७॥

खणंतरेण उवरिहुत्तं जाव निहालेइ राया ताव दिट्ठो पणयविहिय-करयलंजलीपुरओ धणचंदसेट्ठो । संजाय-लज्जेण जंपियं राइणा—“अज्ज चिराय दिट्ठोसि ?” धणचंदेण भणियं—“महाराय ! जेण न कज्जं सो समीवागओ वि न दीसइ । महई वेला मह देवदिट्ठि-दाणाहिलासिणो ।” राइणा भणियं—“मरिसेउ अज्जो रज्ज-कज्ज-चित्तावावडत्तणेण न दिट्ठोसि !” काऊण पणामं धणचंदेण ढोइयं पाहुडं । निसण्णो उचियासणे । दिट्ठं रण्णा पाहुडस्सोत्तरिं निय-नामकिय-मुद्दारयणं । गहिऊण कयं नियकरंगुलीए । पुच्छिओ धणचंदो—“अज्ज ! देसंतराणि हिंडियाणि । दिट्ठं कत्थं वि कि पि अच्छेरयं ?” सेट्ठिणा भणियं—“दिट्ठं एत्थेव तुम्ह रज्जे । एगम्मि पहाणनयरमज्जे सर-मज्जे सच्छ-सलिल-पडिपुण्णा एया सरसी । तीए सीहो पाणट्ठा पविट्ठो । तीहरंतो अम्हेहिं दिट्ठो ।” रण्णा चित्तियं—“अग्गाण उवालंभो । ता उत्तारेमिं निय-वयण-भाखेण इमस्स संका-विसं”ति चित्तिऊण जंपियं राइणा—“अह ! विण्णायपरमत्था वयमिमस्स वइयरस्स न तुमं परमत्थं वियाणेहिं ।

सीहो तत्थ [प]विट्ठो खणं बइट्ठो न चैव परितुट्ठो । तिसिओ च्चिय सासंको विणिग्गओ लज्जिओ चैव ॥५१८॥

ता न ताए अण्णहा विगण्णियव्वं । पणमंतो संजायपहरिसो रायाणं पणमिय सभवत्तं आगओ धणचंदो । संजाय-पच्चएण ससिणेहं समाहूया सीलसुंदरी । “सव्वं चेव सीलसुंदरी तुम”ति, भण्णिऊण दिण्णाणि चूडामणि-तिलय-कुंडल-हार-अद्ध हार-पालंब-अंगय-तुडिय-कंकण-मुद्दा-हंसग[व]मुहाणि वराहरणाणि । कया सयलघर-सामिणी । एवं सीलसामत्थेण सा संपयं पाविया ता जहा तुमं पि पाविहसि न सदेहो कायव्वो ।” एवं भणिय-जावज्ज वि न विरमइ चंदसिरि ताव निसुओ जिण-गुणुकित्तणमणोरमो जिणमंदिरे सद्दो । चंदसिरीए भणियं—“पियसहि ! कस्स वि सद्दो जिण-भवणे सुणिज्जइ । एहि गच्छामो । मः कयाइ कोइ अतिही होज्ज । तहेव गयाओ । दूरद्वियाहिं चेव दिट्ठो असाहारणगुणेहिं जिण-संथवं कुणंतो अहिणवजोव्वणो एगो पुरिसो । कहं—

कप्पपायव-सयल-त्तोयस्स

पणयामर-सिर-मउड-कोडि-कोडि-संघट्ट-पय-ज्य, । करुणामय-मय-मयरहर-भाविय-कमल-बोहण-दिवायर, ॥ सरयचंद-चंदिम-चरिय, तिहुयण-कय-पय-सेव । भवि भवि सामिय तुहुं सरणु, महु चंदप्पहदेव ! ॥५१९॥

दीणु दुत्थिउ विहल-ववसाउ,

संसार-भय-भीय-मणु परिभमंतु भवगहणि दुत्तरि । कह-कह वि संपत्तु हउं पुण्णवसिण तुह चलणगायरि ॥ संपइ करुणिम करिवि जिणहिव किज्जउ मह तत्ति । मण फिट्ठइ [मह] हिअअह वि, पहु तुह चलणहिं भत्ति ॥५२०॥

चंद-निम्मल देह-दम-सार

संसार-सागर-पडिय-भविय-सत्थ-पवहण निरजण । जयपायड-अतुलवल वीयराय करुणिम-पयासण ॥ सरणागय-वच्छज छलियमोहमहागय देव । तिहुयणसिरि-सिरिसेहरह मज्जू तुहारिय सेव ॥५२१॥

सरय-पुण्णिम-पुण्ण-ससि-वयण

इंदीवर-दल-नयण ससिण-कसिण-सुसिणिद्ध-कुंतल । विबाहर-हसिय-सिय धवल-कित्ति-धवलिय-दियतर ॥ कंबुग्गीव विसाल-भुय, सिरिवच्छकिय-वच्छ । सामिय पविरल दिट्ठ मइ महियलि तुम्ह-सरिच्छ ॥५२२॥

सक्क-संथुय पणय-सुर-रमणि,

सुह-घुसिण-रंजिय-चलण, चलिर-चमर-चंगिम-सुरेहिर । महसेण-वर-राय-सुअ सुर-विदिण्ण-सिहासणद्विय ॥ सामिय सोहइ तव्वुपरि, वरपायवु कंकल्लि । निल्लक्खणु मइ दय करिवि, पहु निय-करह म मेल्लि ॥५२३॥

कोह-फंसण माण-निम्महण

मायग्गि-घण-घण-वरिस, लोह-सेल-दंभोलि-सन्निह । जयभूसण गरिम-जिय-तियस-सेल ससि-सोम-दंसण ॥ कुंद-कलिय-सिअ-सम-दंसण, दुल्लह-दंसण देव । भवि भवि होउ अखंड महु, चंदप्पह तुह सेव ॥५२४॥

विमल-केवल-दंसणालोय-

निन्नासिय-भवियजण-मण-निलीण-अण्णाण-तम-भर । भरहाहिव-नय-चलण, चवल-करण-हय-पसर-भजण ॥ सिरि महसेण-नरिद-सुय, विहिय-सुरासुर-सेव । तुह चलणग्गि विलग्गु हउं, चंदप्पह जिणदेव ॥५२५॥

देव निरुवम-रुव-सोहग

लायण्ण-निहि निक्कलंक गय-नेह-बंधण । सचराचर-जीव-हिय, अमय-वयण-निव्वविय-तिहुयण ॥ कुमुण्णय लक्खण-कलिय, पुण्णिम-ससि-सम-छाय । आसंसारु वि सरणु महु, चंदप्पह तुह पाय ॥५२६॥

थुइ समत्तीए थ सविहमागयाओ ताओ य सीलवइए । “हा ! एसो सो मह दइओ” निसाकर-करंविद्य-जलहि-जलं व उल्लालियं से हिययं । रवि-करालियद्ध-कमलं व वियसियं लोयण-जुयलं । अमयरत्त-सित्तं व पुलइयं सव्वंगं । वियंभियो जिभारंभो । पिसुणिय-दुह-निस्सार-पंथं व पयट्टा णीसासा । नियंसइ नियत्थं पि नियंसणं । आलिहइ चलणं गुट्टेण भूमितलं । निरूवए दिसामंडलं गयणं व । हसइ अंतोमुहं । एवमाइयाणि कुणंती कामचेट्टियाइं दट्टणं चंदसिरीए भणिया सीलवई-

संपुण्ण-लक्खण-धरो सव्वंगोवंगज्ज सुंदर-सरीरो । पडिच्छदो विव विहिणा विणिम्मिओ रूव-निम्माणो । ५२७ । सच्चपइणो सरलो थिर-गंभीरो गुणायरो गरुओ । चंदो इव अमयमओ, को एसो सुयणु ! वर तरुणो ? । ५२८ ।

सणियमेव भणियं सीलवइए-“एसो चेव मह पिययमो ।” सो वि रायउत्तो चित्तिउमाढत्तो-“किमेसा इमाए अब्बत्तलिग-धारिणीए कण्णगाए समोवे मह हियय-वल्लहा ? उवाहु तीए रूवदंसणेण अण्णा का वि केली-कीला नाग-कण्णया इणम्मि मं विप्पयारेइ ? अहवा जा होउ सा होउ । न सक्कुणोमि पयडमेव पुच्छिउं । अण्णत्थं दच्चामि ।” नीहरिओ जिणमंदिराओ । चंदसिरी वि “पेच्छामि पज्जवसाणं । पच्छा जहाजुत्तं करिस्सामि ।” ठिआ मोणेण । तस्स वि कुमारस्स सल्लेति हिययं गच्छंतस्स, पीडिज्जति अंगाइं निसण्णस्स, गाढयरं चहुट्टंति सुयंतस्स, भिदंति देहमुद्धट्टियस्स, घट्टंति मम्माइं दइयं सरंतस्स मयरद्वय-सरो । न का वि सा अवत्था जाए तरइ अच्छेउं । पच्छा पुणो वि जिणमंदिरं पविट्ठी । चंदसिरीए भणियं-“अज्ज ! अज्ज अम्हेहिं अतिहि-वच्छल्लं कायव्वं । आगच्छउ भवं ।” नीओ नियपासाए । भणिया सीलवई-“संपयं पि फलियं ते सुपरिपालियसील-पायवेण समागयं पिययमेण । करेसु चलण-सोयपाइयं समुच्चिओवयारं ।” तीय वि तहेव संपाडियं । जाओ तस्स निच्छओ जहा-सा चेव मह दइया एसा समागया भोयणवेला । भुत्ताणि सह जोणेण । वीसमिओ खणमेत्तं कुमारो । समासत्थो पुच्छिओ चंदसिरीए-“कहं तुमभेत्थ-मासओ ?” तेण भणियं-“इमाए चेव तुह सहीए गवेसणं कुणंती चउदिसं पेवेसिओ वहीण गामागर-पट्टणाणि । अण्णम्मि दिणे सबलवाहणो पल्लि-गो उलाइठाणेसु गवेसिउं कांतारमेगमणुपविट्ठी । आवासिओ रयणीए तत्थेव खंधारो । सुह-पसुत्तो चेव केण वि अकारणवइरिणा विज्जाहरेण उक्खित्तोहं । पाविओ समुद्धमज्जं । उद्धमपुणइऊण अणुहुवसु पावे सीलवई ! सीलपालणा फलंति भणमाणेण मुक्को जलहिजल-मज्जे । विहि-विहाणाओ पावियं माए फलहस्स खंडमेगं । इओ तओ वीईहिं वुब्भंतो वीए दिणे पत्तो इमं पव्वयं । जलहि-जलाणुगयफलिहमणिसोव्राणमालाए विम्भियमाणो समागंतूण मणोरहाण वि अगोयरं जिणहरिमि[मणु]पविट्ठी । वदिओ भावसारं भगवं तित्थयरो । कओ थुइवाओ अहो मे अवया वि संपया जमेस-भयवं वंदिउं ति । एयम्मि सक्खं समवलोइए पारिजाय-पमुह-कुसुम-समुहेण सम्मं पूइय महाकव्वाहिं महत्थाहिं थुईहिं भावसारं, संयुए नत्थि जं न माए पावियं ति चित्तयंतो जाव चिट्ठामि ताव तुब्भेहिं सह दंसणं जायं ति । चंदसिरीए भणियं-“कुमार ! कयत्थो तुमं जस्सेवंविहं सुसीलं कलत्तं । साहिओ सव्वो वि जहा-सुओ सीलवई-सील-सरक्खण-वइयरो । संतुट्ठी कुमारो हियएण । सुहेण तत्थ वसंताण वच्चंति वासरा ।

अण्णम्मि दिणे सह विमाणेहिं नहयलं समोइण्णा जयकुडपव्वए कय-सोया गहियपूओवगरणा पविट्ठा जिण-मंदिरे विज्जाहारा । पूया-पुरस्सरं वंदिउण भगवंतं जहारिहं निसण्णा मंडवतले । मज्जेदसे य समुच्चियासणे निसण्णो विज्जाहाराहिवो । एत्थंतरे गहिय कणयदंडेण दिव्वायारधारिणा एणेण पुरिसेण विण्णत्तो विज्जाहर-राया-“देव ! करेहिं दिट्ठी-पसायं जा इमा पुरओ पियंगुलया-सामल-सरीर-सोहा, विणिज्जिय-सयल-विज्जाहर-सुंदरी-समुहा एसा मलय-सामिणो महिवरायस्स सुया केरला । इयं च जा निमज्जिय-मणि-पईव-दिप्पमाण-देहा नियच्छायाए विच्छाएमाणी सुर-सुंदरी-ठाणं भग्गओ तुह चिट्ठइ । एसा वंगाहिवस्स सयलसामंत-मउलि-संघट्ट-मसिणीकय-मणिमय-पायपीडस्स पुरिसदत्त-राइणो दुहिया दुस्सला नाम । जा पुण ससुंदेर-गुणविणिज्जियरम्म-रमणीजण-विग्गमा लच्छि व्व खीरोयहि-फेण-पडलस्स सिध-पट्टसुय-वियाणयस्स हेट्ठओ तरलतारयं समवलोएमाणी दीसइ, एसा वि असेस-विउस-जण-सयंगह-गहिय-कोस-संचयस्स सूरकेउनरवइस्स सुया सूरकता नाम । जा वि विणिद-नीलुप्पल-दलाभिराम-सरीरा दाणलेह व्व करिणो

परिमलायडिहएहि समंतओ समावडंतेहि अलिकुलेहि कामं कयत्थिज्जइ, एसा वि मेणा-भर-दलिय-पच्छिम-सिधुतड-समुद्रिय-तरुणस्स विज्जासंतावरोहसुंदरी-संविय-उज्जंत-नगवरपरिसरुज्जाणस्स मोरदुाहिवस्स महाबलस्स राड्ढो वंदुवई गम कण्णया । जाओ पुण इमाओ विविह-वत्याहरण-हारिणीओ, हरवल्लह व्व सार-सोहग-सालिणीओ, समंतओ समुल्लसंत-देहकंति-पम्भार-भरिय-जिणमंदिरांदराओ म्बोह-सच्च-विम्भमेहि ससंभममिअतरल-चलतेहि लोयणेहि मंडयभूमेए फुल्ल-कुवलय-दलोवहारमिव कुणंतीओ, निम्मलफलिह-मणिउवरिचिद्धाओ एयाओ वि आल-कालमुह-सुसुमार-धुंधुमार-मंडमाइयाणं राड्ढं कण्णयाओ । एवं भणिकुण ठिए तम्मि विम्हियमाणसेण खयराहिवेण समवल्लोइऊण कण्णयाजणं इसि-चलिय-कंधरेण गहिय-वर-विलेवणा समासण-निसण्णा विवित्तं पसद्दा पत्तलेहाभिहाणा विज्जाहरविलासिणी समाइद्दा-“पत्तलेहे ! पसण्णमाणसाए तए पसाहिय-त्रिगहागय-जोव्वणा वि तरुणभावं पयासेति, सामण-नारीओ वि पराजिणति रायंतेउर-रुवं, कुरूवाओ वि सरुवेण सुंदरत्तणं पयडेति । वयण-कोसलं पुण नारीरेण समं तुह पयावइणा विणिम्मियं । निसग्ग-मट्टरा सयलजण-हियय-हारिणो खणमेत्तपरिचिए वि जणे जणिय-निम्भर-विसंभा कस्स नाम न विम्हयं जणति, कं वा न वसवत्तिणं कुणति, तय-नवाहि भंगीहि भणिया पए पए संबड्ढियरसा तुह विणोय-काहालावा, अओ सुणसु सासणं सावहाणा । जाओ इमाओ पड्डिहारेण दंसियाओ भरहखेत्त-निवासिभूमि-गोयरभूपाल-कण्णयाओ कोऊहल-हय-हियएहि विज्जाहर-भडेहि इमं महसवं विभूसिउं आपियाओ, पयट्टिसंति एयाओ इमस्स भगवओ सुरासुर-गुरुणो जम्म-कल्लाणयाणंतरं नट्टविहि । ता तहा पसाहेहि विस्संभं च गाहेहि जहा मुंति इत्थीयणमुलहं सज्जसं, पम्हसंति अचितियबंधुजणविओयजणियमुव्वेयं, अणुह-वंति परतंतया-पसणट्टारकयं पमोयं, मिण्हति जण-समूह-लज्जामंधरी-कयं तंडवब्भुवगमं, समोयरंति गयमकाओ रंगभूमि, सच्चविति सम्मसत्थजायं, आरोवेति पेक्खग-जणस्स पमोयमग्गभूमो, कुणति य सहियय-हियय-वत्तिणो रमस्स परिपासणं । एस ते चिरयाल-सिक्खिय-चित्तकम्मस्स वयण-कोसल्लस्स पयासिउं अवसरो ।” सा विनासिणी पहसियमही तक्खण चेव उट्टिया । कयं मव्वं पि जहाइट्ठं ।

एत्थंतरे समारद्धं तिहुयणेक्कगुरुणो विज्जाहरेहि अभिसेयमंगलविही । पउणीकयाओ इयो तओ पह्य-तंतो, परिक्खिय-कलानिनाए वीणावायगेहि वीणाओ । विइण्ण-विविह-मज्जणाणि सज्जीकयाणि नानाविह-वाइत्ताणि । भरह-पुत्तेहि नलगगिदुर्पमट्टवंसा-अग्गे गायणीण उवहिद्दा वंसिया । पक्खालणपचित्त-पाणिपल्लवेहि ढोइज्जति ताणाविह-तित्थेहितो आणीएण सच्छवारिया पुरिया सायकुभा विज्जाहरेहि । उत्तंभियाभिसेय-कणय-कुंभाओ इव दूर वित्थिण्णेहि, निरंतरेहि पओहरेहि नागियमज्जाओ समासणीभूयाओ तओ भमि[उ]मारद्धाओ काओ वि कुसुम-पडलम-हत्याओ, काओ वि वर-विलेवण-भरियपत्त-धारिणीओ, काओ वि गहियगंधोदग-भिगाराओ विज्जाहर-तरुणीओ । एत्थंतरे खेयराहिव-वयणेण समं सीलवईए कुमारेण य समागया चंदसिरी । कय-पणामा पिउणो निसण्णा जणणि-समीवे ।

तओ पढमकालस-वारिण्णवाह-पडण-सूयगो, सब्ब-काल-चालिओभयवक्ख-ताडिय-नियंवावल्लि-गज्जंत-मेह-मह्लेहि भत्तिवसओ इत्तसमहत्थेहि व सुणिज्जमाणो, संभम-भयुभंत-लोयणेहि उद्धमुप्पमाणेहि जलहिगोयरेहि विहंगम-कुलेहि तोस-तरलियनीरसाइमहानक्क-चनकवाल-हेलावडणदुरुच्छालिय-भूरि-जल-निवहेण ससंभममुट्टिऊण निउणं निरुविज्जमाणो व्व, पुणो वि अमिय-महण-संजाय-संकेण भगरागरेण वहिरिय-सयल-दिसा-मंडलो, समकाल-समाहयाणं वित्थरिओ दिव्वाउज्जाण-निनाओ । कमेण समाणिए भगवओ जम्मण-कल्लाणमज्जणे, पूइए विविह-पारियाय-पमूह-वहू-तरु-कुसुम-मालाहि, पयट्टिए गायणेण महुर-मुइंग-सुणि-सम्मोस-संजणिय-मुणंत-जण-सवणण्यमोए मंगल-गोए, पणचिचयासु कमेण तासु नरिद-तणयासु, ईसि सावसेसाए सव्वरीए, तओ विज्जाहराहिव-वयणेण निय-निय ठाणं संपावियाओ विज्जाहरेहि नरनाह-कण्णयाओ ।

एत्थंतरे गहिय-जिणमज्जण-सलिलेण सित्तं चंदसिरीए तं सुय-सारिया-मिहुणयं सहावत्थं जायं चित्तंओ हंसिया य । पुच्छिया पिउणा-“वच्छे ! चंदसिरी ! का एस वइयरो ? कं इमं निरुवम-रुवं तुहासण्णं थी-पुरिस-मिहुणयं । चंदसिरी वि साहिऊण वइयरमेयं जावज्ज वि न विरमइ ताव समागओ कुमारं गहाय मेहमुहो नाम विज्जाहरो-“सामि !

तुह वयणेण इओ तओ मारिनिवारणट्टा परियडंतेण समुट्टमज्जे बहुवल-परिगएण राइणा वावाइज्जमाणो दिट्ठो एम कुमारो मारिओ संरक्खणट्टा गहिऊण इहाणीओ ।" तओ चलणेसु निवडिऊण पक्खणे चित्तंगओ । साहियं हंसियाए चंदसिरि-जणयाणं जहा, 'सो चेवेस चंदसिरि-हियवत्तहो वज्जहर-कुमारो । सहरिसमुट्टिऊण दिण्णं सीलवईए तस्स साइयं । चंदसिरीए भणियं--"किमेस भे हवइ ?" तीए भणियं--"माउलभाया ।" हंसियाए भणियं--"जइ एवं ता जाओ तुम्हाणमाजम्मं पि संब्रथो ।" आरोविऊण निय-निय-पइ-सहियाओ विमाणेसु चंदसिरी-सीलवईओ विज्जाहरविद-परिवुडो पणमिऊण तित्थयरं सट्टाणं गओ खयरहिओ । विसज्जिया सट्टाणेसु विज्जाहरा । दिण्णा सहत्थेण चंदसिरी कुमारस्स । सीलवई वि पडिवण्णा धूया खयरिदेण । एगया रयणीए पुच्छिओ चंदसिरीए--"कुमारो ! अम्ह विओगं समणुभूयं कहं वा वसणमिणं पाविओ ?" कुमारेण भणियं--"पिण ! तेण दिव्वपुरिमेण रुमिऊण सविमाणो पक्खित्तो जलहिज्जले । गयं कहि पि विमाणं । अहं पि लहिऊण फलहवडं तइयदिणे समुत्तिण्णो जलहिज्जलोवगुडे एगम्मि दीवे । पच्चभिण्णाओ य तन्निवासिणा ताय-वइरिणा सीहमुहराइणा । कहियं पच्छणमेयं मज्झं णमणपुक्खं संगइएण धीवरेण--"कुमार ! एतेण तुमं गहिज्जसि । ता मज्झं संतियं लहुययं बेडियं समासहिय पीए समुट्टे पविससु ।" तहेव कथं । विण्णाय-वुत्तंतो तावा-कडएण मगगओ समणुलगयो सीहमुहो । मिलिओ थेवंतरगयस्स । तओ अहपि कत्थइ जुज्जंतो कत्थइ पलोयंतो जइ पहरामि तो तरिया न वइइ, अह तरियं वाहेमि तो पहरियं न सक्कुणोमि । संकडं समावण्णो । समंतओ वेडिओ सीहमुह-बलेण । निवडंति सत्थाणि । एत्यंतरे मारिभीरुणा मेहमुह-विज्जाहरेण गहिऊण इय-मंदिरं पाविओ । एवं मए सुंदरि समणुभूयं"ति भणिऊण मोणमासिओ कुमारो । वच्चंति वासरा । दट्ठूण सीलवइ-सील-समायारं रजिओ खयरहिओ । पडिवण्णा धूया । पेच्छइ परम-गोरवेण । अण्णम्मि दिणे गहिय-लेहो समागओ विमल-जसो नाम विज्जाहरो । समप्पिओ तेण लेहो सीहरहकुमारस्स । दिट्ठो सिधुसेण-महारायनामंकिओ । पुच्छिओ कुमारेण विज्जाहरो कुसलं भुवणम्भंतरवित्थरियकित्तिणो सुगहिय-नाम-धेयस्स तायस्त" ? विज्जाहरेण भणियं--"कुसलं जसेण न उण सरीरेण । एवं जणवायाओ माए निसुयं ।" कुमारेण भणियं--"केण भे लेहो समप्पिओ" तेण भणियं--"गओ हं पओयणवसेण कंतारं । दिट्ठो तस्य हा ! अणाहा कहं भविस्सामो"ति एवं विलवंतो खंधारो । तओ उवसण्णिऊण पुच्छिया मए सिबिर-पहाणा--"भो ! किमेवं समाउला ?" तेहि भणियं--"महाभाग ! अवहरिओ केण वि सीहरह-कुमारो । तेणम्हे समाउला ।" मए भणियं--"कुमारसमासणवत्तिणो चेव वयं । संदिसह जं किपि पओयणं ।" अत्थि महंतं पओयणं"ति भणिऊण लेहो लिहिओ, ममप्पिओ तेहि मह एस लेहो । एयं सोऊण उम्मुट्टिउमारट्टो कुमारो--

"स्वस्ति श्री प्रजावहातो नगरीतः श्री सिधुसेननराधिपः कठगनायुः कानारस्थं चतुरंगबलपरिवृत्तं सिहपराक्रमं वत्पामिहरथकुमारं साजसं सस्नेहं मुदंति समाध्याय समाश्लिष्य च वदत्येवं यथा लेखदर्शनादेव शीघ्रमागतव्यम् वत्सेन, स्वकीयराज्यं चाधिष्ठेयं । किञ्च यदकिंचिदनुचितं भणितोऽमि तद् श्रंतव्यमिति ।"

तओ खर-पवण-पहयावद्धमूल-महीरुहो व्व संजाय-मच्छो निवडिओ धरणीयले कुमारो । कह कह वि लड-चेयणो एवं विलविउमारट्टो--

जं ताएण तहा महायरकयं हक्कारणं दूरओ, तं अंके विणिवेशिऊण विहियं मंभासणं सायरं ।

तंबोलं च[मुहो] म्हेण निहियं नेहेण ताएण जं दो खंडं सरिऊण तं हियवहो [तो] जासि कि संपयं ॥५२९॥

पुच्छिओ चंदसिरीए--"कुमार ! को एम वइयो ?" सदुक्खं जंपियमणेण--

जस्स पमाएण मए सच्छदं वियरियं सया कालं । सुमरणसेसो जाओ मह ताओ सुयणु ! सो इण्हि ॥५३०॥

जाण सयासा जम्मो जायइ जायं पि जाणि पालिति । पच्छा माहंति गुणे समए कार्रिति करगहणं ॥५३१॥

तत्तो ठाविति पए सुहियं दट्ठूण हींति सुहियाइं । दुहियम्मि दुक्खियाइं आसासयभरियहिययाइं ॥५३२॥

जणयाणि ताण वि सुया संपइ संपत्तजोव्वणा होउं । परदुहियामु पसत्ता उवधारं नेव मण्णंति ॥५३३॥

अण्णह कहमेवमहं पिऊणो पायं पमोत्तूणं । माणमहागहगहिओ अलद्धलक्खं परियडामि ॥५३४॥

कहिओ एम वइयरो चंदसिरिए नियपिऊणो । तेण वि सुइरं संभासिऊण भणिओ सीहरह कुमारो-“वच्छ ! गम्मउ सट्ठाणं ।” पडिवणमणेण । भरिऊण विमाणं मणि-रयणसुवण्णाण सहाओ समं सीलवईए पेसिओ सीहरह कुमारो । चंदसिरी वि नियभत्तुणा सह तहेव पेसिया सट्ठाणं काऊण पिऊणो मयकिच्चाणि विगयसोगो पसाहियानेस महीमंडलो सीलवईए सह विसयसुहमणुहवतो कालं, गमेइ सीहरहनरेसरो । अण्णया अत्थाणत्थो विण्णत्तो परिहार पुरिसेण-

गयरागो वि विराई सारंग-गओ वि मएण परिहीणो । कामासत्तो वि सया बभन्वयधारओ धणियं ॥५३५॥
 मुक्कमओ वि बहुमओ असव्वरित्तो वि निम्मलचरित्तो । गयधम्मो वि सुधम्मो असमो विसमालओ निच्चं ।
 दुक्कर-तव-सुसिय-तणु वि पयड-दीसंत-ललिय-लावण्णो । कण्णंत-पत्त-नयणो वि नेव सव्वंस-संसारो ॥५३७॥
 पढमवय-धारगो वि हु पंचवयारुहणरेहरो निच्चं । नयणत्तय-कलिओ वि अकिचणो जो सयाकालं ॥५३८॥
 संसार-तरुम्मूलण-खरपवणो पवयणस्स आहारो । पंचविह-विसय-विसहर-गरुडो पसमामयनिवासो ॥५३९॥
 बहुसीस-संपरिवुडो उज्जलगुण-रयण-रोहणगिरि व्व । गयगारवो पसतो, विहरतो एत्थ संपत्तो ॥५४०॥
 अह फासुए पएसे, रमणीए निलयसेहरुज्जाणे । पसमसिरिनामेणं समोसढो देव ! आयरिओ ॥५४१॥
 सोऊण इमं राया हरिसवसुल्लसियबहलरोमंचो । सूरीण वंदणत्थं सीलवईए समं चलिओ ॥५४२॥
 विणएण पविसिऊणं काऊण पयाहिणं च तिकखुत्तो । वंदित्तु विणयपुव्वं उवविट्ठो उचियठाणम्मि ॥५४३॥
 संभासिऊण कोमल-वयणेण विहीए नरवई सूरि । भव-जलहि-जाणवत्तं धम्मं कहिउं समाढत्तो ॥५४४॥
 जे णिहिमणो वि पुच्छइ सुहाणुबंधीय होइ परिणामो । कम्म-विणिज्जरणकए तमणुठ्ठाणं विहेयव्वं ॥५४५॥
 तं पुण विण्णाणाओ [न] नज्जइ नाणं कुगुरुसयासाओ । ता गुरुयण-पय-सेवाए उज्जमो होइ कायव्वो ॥५४६॥
 मोहंवाण जियाणं अमल-चक्खू-गुरु-विणिहिट्ठो । सरणभीयाणं सरणं दुक्खुत्तारो दुहत्ताणं ॥५४७॥
 तम्हा गुरु-बहुमाणो जाण मणे ताण सिव-सुहं सुलहं । तव्विवरीयाण पुणो भव-जलहि दुत्तरो नूणं ॥५४८॥
 धणेसु लुब्भए लोओ मुज्झए अत्तणो हिए । वज्झए बंध-पासेण रज्जए थीसु सव्वहा ॥५४९॥
 अधणो धणवंच्छाए सधणो धण-रक्खणाइ दुक्खेहि । दुहिओ च्चिय संसारे सया वि जीवो परिब्भमइ ॥५५०॥
 संतोसामय-सित्तो इच्छापरिमाणपरिगओ जीवो । इह लोणे च्चिय सुहिओ [परलोणे] अप्पबंधो य ॥५५१॥
 पिइ-माइ-पुत्त-दुहिया सिणेह-मोहेण मोहिओ संतो । न कुणइ जो अत्तहियं सो जम्मंधो मृणयव्वो ॥५५२॥
 निय कज्ज-करण-निरया बंधुजणा बंधणं विणिहिट्ठो । तेसु वि बंधव-बुद्धी निबुद्धीणं धुवं होइ ॥५५३॥
 रज्जंति नेवा रामरत्ता वि कुणंति विविह-दुक्खाइ । ईसा-विसाय-पिय-विप्पओग-संताव-जणियाइ ॥५५४॥
 मायावहुला अवला कूरा अकयण्णुया असच्चा य । रागंधाण तहावि हु रागं रामा पवट्टेइ ॥५५५॥
 स्फुरन्मायावर्तः सहजचपलत्वोर्मिनिकरः । करालः क्रूरत्वानृतमकर-संदोह-निवहः ॥५५६॥
 अलद्धान्तःपातो हत हृदय-पाताल-विवरो । गभीरोऽयं योषिज्जलधिरिह के के न पतिताः ॥५५७॥
 संतापिनि संसारे यदि तव विश्रामभूमयो रामाः । ननु कुपितभोगिभोगेच्छाभिः कि कृतं तर्हि ॥५५८॥
 अंगुलदुगंतराले रागविरागाण कारणं अत्थि । तह विह वलिओ रागो मोहिज्जइ जेण तेण जणो ॥५५९॥
 दुरंता वासणा लोए जण-सम्मोह-कारिणी । असुईभूए लोया कहं रज्जंति अण्णहा ॥५६०॥
 संकप्पवसओ रम्मं चए [. . .] भासए । तम्हा संकप्पसरोहो कायव्वो मोक्खकंखिणा ॥५६१॥
 छिज्जतेसु सहेलं नाणा जीवाण संसय-सएसु । लद्धावसरा पभणइ सीलवई सीअलं वयणं ॥५६२॥
 भयवं ! किमण्णजम्मे कयं मए दुक्कडं परिकहेसु । पाणिगगहणदिणे चिअ विओइया जेण दइएण ॥५६३॥

उवजुजिऊण भयवं ओहिन्नाणेण सुणियपुव्वभवो । सजलघणगहिरसद्देण य भणइ मोहं पणासितो ॥५६४॥
 अत्थेत्य भरहे खेत्ते पुर-पहाणं पुरंदरं नयरं । तत्थासि बहुघणो घणवइ व्व नरवाहणो सेट्ठी ॥५६५॥
 तस्सासि तुमं घरिणी अइप्पिया सीलसुंदरी नाम । देव-गुरु-पायपंकयपणामपूयारया निच्चं ॥५६६॥
 अह् अण्णया कयाइ अदिट्टुपुत्तसुहदुत्थिओ सेट्ठी । पभणइ तुममेगंते सदुक्खमेयारिसं वयणं ॥५६७॥
 पाणेहिंत्तो वि पिया सुंदरी तं मज्झमाणिणि जाया । जं पुण अवच्च-रहिया तेण मणे कुणसि बहुदुक्खं ॥५६८॥
 मोत्तुं जिण-वंदण-पूयणं च गुरु-चरण-कमल-सेवं च । सेससमयम्मि दुहिओ वसाभि नए व्व नेरइओ ॥५६९॥
 अट्टाणकुविय-दुज्जण-जण-संलवियकडुय-वयणाइं । न तथा दूमिति ममं जह् निरवच्च त्ति जण-सहो ॥५७०॥
 पडिभणिआ सा तुभए एअं न हु दुव्वारकारणं नाह् । अच्चि य गृणाणं ठाणं वामोहनिरोहओ भणियं ॥५७१॥
 उप्पण्णो वि हु पुत्तो जइ विणय-विद्वज्जिओ हवइ कह्वि । तो अम्मापियराणं जाजीवं देइ मणदुक्खं ॥५७२॥
 अह् पुत्तत्थे पिययम ! निच्चंधो ता मए अण्णयाओ । परिणेषु अण्णभज्जं जहिच्छियं किं वियारेण ? ॥५७३॥
 सो आह् पिए दुक्खं पुच्छिज्जइ चित्तनिव्वुइनिमित्तं । पुत्तम्मि संसओ ताव तुमह् कलहो निओगेण ॥५७४॥
 होही सावक्क-कओ घरवारो जेण होइ दुहवासो । जइ नेहेणं वट्टह् करेमि एयं पि ता सुयणु ॥५७५॥
 हसिऊण तए भणियं नवरंगपिओ न होसिजइ नाह् ! ता कलहो वि न होही एगावरियम्मि भोयम्मि ॥५७६॥
 पडिवज्जिऊण एयं परिणीया तेण सुलस-सेट्ठि-सुया । नामेणं विणयवई वियार-कुसला जिण-मयम्मि ॥५७७॥
 एवं वच्चंति दिणा विणयवईए वि होइ न हु पुत्तो । सविसाओ नरवाहण-सेट्ठी अइवाहए कालं ॥५७८॥
 अण्णम्मि दिणे पासाय-सिहर-मणिमंचए समारूढा । गयणयल-संठिएणं विज्जासिद्धेण तं दिट्ठा ॥५७९॥
 अवयरिउं गयणाओ सप्पणयमिणं पयंपिअं तेण । मयण-सरसल्लिएणं तुह् रूवाखित्त-चित्तेणं ॥५८०॥
 सुंदरि ! विज्जासिद्धो सु[र]सिद्धो चंदकुंडलो अहयं । तुह् रूवाइ-गुणेहिं अवहिय-हियओ इहं पत्तो ॥५८१॥
 मयणगि ताव तवियं नियं-संगामएण मह् देहं । पसयच्छि ! पसिय सिग्घं निव्वावसु मा चिरावेहि ॥५८२॥
 एवं पयंपमाणे वि तम्मि नो उत्तरं तए दिण्णं । कुविएण तेण तत्तो उक्खित्ता नहयलाभिमुही ॥५८३॥
 हा अज्जउत्त ! हा अज्जउत्त ! केणावि पेच्छ निज्जामि । इय दीणवयण-पूरियनहंगणा अवहडा तेण ॥५८४॥
 नेऊण सज्ज-पव्वथ-वहंत-वाहिणि-समूहरमणीए । एगम्मि वण-निगुंजे मुक्का सहस त्ति धरणीए ॥५८५॥
 तो भणइ पणयपुव्वं तत्थ तुमं चंदकुंडलो भट्टे ! अज्ज वि न किं पि नट्टं मह् वयणं कुणसु इण्हिं पि ॥५८६॥
 सुंदरि ! नीसेस-पसिद्ध-सिद्ध-सिरिमउड-वडिय-चलणस्स । मज्झ पसाएण तुमं भुंजसु हिय-इच्छिए भोए ॥५८७॥
 तुह् सुह-सुहिओ तुह् दुक्ख-दुक्खिओ तुज्ज हियय-यय-हियओ । जं भणसि तयं सव्वं भिच्चो व्व अहं करिस्साभि
 तुमए भणियं जइ कुणसि मज्झ वयणं तुमं नियमेण । ता पढमं चिय कीरउ अकज्जमेयं न कायव्वं ॥५८९॥
 जम्हा दुलहं लोए मणुयत्तमिणं कहिं पि मे पत्तं । तत्थ वि जाइ-कुलाइं तेसु वि जिणदेसिओ घम्मो ॥५९०॥
 निसुयं पववयणसारं पइदियहं गुरुयणे कया भत्ती । मोक्ख-तरु-बीय-भूयं सम्मत्तं पावियं परमं ॥५९१॥
 परिपालियं च सीलं गुरुवएसपरिपालण-जलेण । पक्खालिऊण पायं पावमलो दुक्ख-सयहेउ ॥५९२॥
 इण्हि अकज्जमेयं करेमि हं कहसु दुग्गइ-दुवारं । तुज्ज वि न चेव जुत्तं मज्जायविलंघणं काउं ॥५९३॥
 नाऊण निच्छयं तुह् कोवारुणलोयणो गओ सिद्धो । खग्गाणयणनिमित्तं पच्चासण्णे वण-निगुंजे ॥५९४॥
 हा ताय ! अं व ! हा अज्जउत्त ! समसोक्ख-दुक्ख हा भाय ! वसण-समुद्-निवडिया भण कं सरणं पवज्जामि
 हा भयवइओ ! वणदेवयाओ ! रक्खेह् मज्झ सील-धणं । तुमह् सरणं पवण्णा जं जाणह तं करेहिण्हि ॥५९६॥

इय एवं बहुसो रोड्ऊण परिचितियं तए हियए । अलमिमिणा रुण्णेणं अप्पडिधारेण रण्णम्मि ॥५९७॥
 मरणेण विणा सीलं संपइ परिपालितं न सक्केमि । इय चित्तिऊण तुमए वत्थेण विणिम्मओ पासो ॥५९८॥
 दाऊण कंधराए गथा लहुं वडलपायव-समीवे । सच्चविया जम-पहवत्तिणि व्व दढ-पत्तला साहा ॥५९९॥
 भत्तिभरनिब्भराए तुमए सरिऊण जिणनमोक्कारं । भणिया पवयण-देवी जइ किपि कयं सए सुकयं ॥६००॥
 ता अण्णम्मि वि जम्मे करेज्ज मह सीलरक्खणे जत्तो । मा होज्ज पुणो एवंविहाण दुक्खाण संभूई ॥६०१॥
 एवं भणिऊण तए उब्बंधिय जाव मुक्कओ अप्पा । तावदुद्दीणे जीवियम्मि गयणे सुओ सद्दो ॥६०२॥
 मा ह्यसु भइणि ! सुरसुंदरो अहं खयरो परिभमंतो । सोऊण रुइयसद्दं गयणाओ तुह इहं पत्तो ॥६०३॥
 एवं पयंपिऊणं छिण्णो छुरियाए पासओ तेण । सित्ता सल्लिलेण तओ सत्थावत्था तुमं जाया ॥६०४॥
 एत्थंतरम्मि कडिडय करवालो जमभडो व्व दुप्पेच्छो । आगच्छंतो दिट्ठो सिद्धो भयवेविरगीए ॥६०५॥
 भणिओ खेयरकुमरो तुमए वाहजल-भरिय-नयणाए । भाउय ! अवसरसु तुमं एस दुरप्पा समासण्णो ॥६०६॥
 सो वि भणिऊण कि भीरु भायसे सरसु जिणनमोक्कारं । गहियासि-खेडओ हक्किऊण तस्सम्मुहो चलिओ ॥
 सो वि हु वियडविडंबियवयण-विणिस्सरियजलणजालोहो । रवि-कर-संवलय-कराल-कठिण-करवालकयहत्थो ।
 अइगरुयदप्प-निव्वरओट्ठो भिउडी-भीसणो धणियं । पत्तो खेयर-सविहं हक्कारव-पुरियदियंतो ॥६०९॥
 खयरेण वि खग्गं कडिडऊण रुसिऊण सो इमं भणिओ । रे पाव ! परकलत्तं-अवहरसि न लज्जिओ होसि ॥६१०॥
 अलि-गवल-सजलहरतमाल-कलयंठि-कज्जल-च्छाओ । अह वाहिओ किवाणो सिद्धेणं खेयराभिम्हो ॥६११॥
 खयरेण वि णिय दक्खत्तणेण तं वंचिऊण रुट्ठेण । खरखग्गपहारेणं पहओ सिद्धो पहट्ठेण ॥६१२॥
 मुच्छानिम्मीलियच्छो घुम्मावियलोयणो य कपंतो । मयपोरुसाभिमाणो पुट्वाभिन्नुहो पणट्ठो सो ॥६१३॥
 विज्जाहरो वि मग्गणुलगओ तस्स ताव संचलिओ । जावेगसरं निम्मल-जल-पडिपुण्णं परम-रम्मं ॥६१४॥
 जं हंस-कुरर-कारंड-चक्क-सारस-सएहिं संचण्णं । भमर-भरोण्णय-पंकय-रय-रंजिय-परि-पेरंतं ॥६१५॥
 तस्स सलिलंतराले सहसच्चिय चंडकुंडलो लीणो । काऊण दयं विज्जाहरो वि तुह सम्मुहो चलिओ ॥६१६॥
 आणंद-वियसियच्छो लद्धजओ तुह समीवमागम्म । पभणइ खयरो काऊण अंजलि एरिसं वयणं ॥६१७॥
 निज्जिणिओ सो पावो संपइ सीलुज्जले भणसु । कज्जं जं कायव्वमणेणं जणेण नियभाइ-तुल्लेण ॥६१८॥
 तो हरिसियचित्ताए तुमए सो खेयरो इमं भणिओ । परकज्ज-करण-निरओ को वा अण्णो तुह सरिच्छो ॥६१९॥
 निरवच्चयाए जणियं जं दुक्खं आसि मज्झ हिययम्मि । संपइ तुमम्मि दिट्ठे तंपि पणट्ठं महाभाग ॥६२०॥
 तत्तो तुह पुत्तट्ठा-पण्णत्ती सुमरिया नहचरेण । आगम्म सा पयंपइ भण पुत्तय ! जं मए कज्जं ॥६२१॥
 भणियं च तेण भयवइ मह भइणीए जहा सुया दुष्णि । एगा सुया य जायइ जयपयडा तह करेज्जासु ॥६२२॥
 पण्णत्तीए भणियं होही इय न एत्थ संदेहो । गिण्ह इमं हारदुगं इमं च रयणावलि वच्छे ! ॥६२३॥
 एवं भणियतक्खणा सा पण्णत्ती पाविया नियं ठाणं । खयरेण तुमं भणिया पुणोवि भण भइणि ! जं करेमि ॥६२४॥
 पडिभणिओ सो तुमए मह कायव्वं ताए कयं सव्वं । संपइ करेसु एयं पावेसु पुरंदरं नयरं ॥६२५॥
 वरवत्थाहरणाइ दाऊणः पहट्ठमाणसो खयरो । गहिऊण तुमं पत्तो पुरंदरं सेट्ठि-भवणम्मि ॥६२६॥
 कहिऊण य वुत्तंतं सव्वं सेट्ठिस्स तेण कय-पूओ । संभासेइ तुमं पि हु सणियं सुरसुंदरो मुइओ ॥६२७॥
 नेहभरमिब्भराए वाहजलुप्पील-भरिय-नयणाए । कहकहवि खलंतक्खरक्खीणसरं जंपियं तुमए ॥६२८॥
 तं सामी तं बंधू तं माया तं पिया गुरु तं च । मह सील-रक्खणो तं तुमं च मह पाण-दाया य ॥६२९॥

नीसेस भुवण-भूसण-गुणमंदिर-परहियेक-रयचित्त ! आचंद-सूरियं नंद भाय ! किमहं परं भणिमो ॥६३०॥
 इय भणिओ सो तुमए कयप्पणामो खणेण उप्पइओ । निय-ट्टाण-पावणट्टा तमाल-दल-सामंले गयणे ॥६३१॥
 दुगुणाणिय-नेह-भरो सेट्ठी नरवाहणो तीए सद्धि । भुंजंतो विसय-सुहं गमेइ कालं पहट्टमणे ॥६३२॥
 संसाररुक्ख-कुसुमं विसयसुहं तुम्ह अणुहवंताण । फलभूया दोण्णि सूया तइया धूया समुप्पण्णा ॥६३३॥
 तेणाणंदिय-हियओ सेट्ठि-महिमंडले अमायंतो । अप्पाणं कयपुण्णं मण्णइ जम्मेण [जीएण] ॥६३४॥
 अण्णम्मि दिणे तुमए विणयवई पयणुएवराहम्मि । सिक्खागहण-निमित्तं भणिथा पडिभणइ रुसिऊण ॥६३५॥
 सव्वं चिय सहियव्वं पुण्ण-विहीणेण भारिस-जणेण । पइ पुत्तगगव्विया भणसु भइणि जं रुक्खए तुज्ज ॥६३६॥
 सोऊण तीइ वयणं झडत्ति तुह चित्तखंडणं जायं । विणयवइ भोगदियहे संवसिया सेट्ठिणा सद्धि ॥६३७॥
 भोगंतरायकम्मेण तेण एगाहविहियमेत्तेण । फलमेयं तुह दिण्णं दइएण विओइया वरिसं ॥६३८॥
 ता भदे ! जोव्वण-रुक्ख-गरुय-पइवण्ण-वासवडिएहि । कम्माणि जाणि कीरंति ताण एयारिसविदामो ॥६३९॥
 जेण तए पुव्वभवे सीलं परिपालियं पयत्तेण । तेणभासेण इहावि सील-संरक्खिणा जाया ॥६४०॥
 जं दाण-सील-तव-भावणाहि भावेइ जो य अप्पाणं । तेणभासेण सो भवंतरे तारिसो होइ ॥६४१॥
 सोऊण-सूरि-वयणं सहसा-संभरिय-पुव्वभव-जाई । संजाय-भव-विरागा सीलवई भणइ वयणमिणं ॥६४२॥
 सव्वं पि तुम्ह वयणं सच्चं न हु एत्थ संसओ अत्थि । अइविरसो संसारो कडुय-विवागाणि कम्माणि ॥६४३॥
 कि बहुणा भणिएणं दइएण विसज्जिया पसण्णमणा । पवज्जागहणेणं करेमि नियजीवियं सहलं ॥६४४॥
 गुरुणा भणियं धण्णा परित्तसंसारिया तुमं भदे ! पव्वज्जापरिणामो न होइ गुरुकम्म-जीवाणं ॥६४५॥
 पव्वज्जं पडिंणो निम्मल-चित्तो जिइंदिय-कसाओ । पंचासवेहि विरओ संजम-निरओ विगय-दंडो । ६४६॥
 बंधइ नवं न कम्मं निज्जरइ पुराणयं तवाईहि । एवं च विसुज्जंतो कमेण वर-केवलं लहइ ॥६४७॥
 जह भणिय उत्तरोत्तर-गुण-सेवण-तप्पराण जीवाण । परिहरिय-दोस-हेऊण कह न खिज्जंति कम्माणि ॥६४८॥
 संरुद्ध-सलिलसेया आराम-महीरुहा महंता वि । पादिति जहा सोसं कमेण खिज्जंति मूलाओ ॥६४९॥
 तह देहाराम-गया कम्म-तरु-रुद्ध-पाव-जल-सेया । सुक्कंति तहा न जहा पुणो वि पहवंति कयो वि ॥६५०॥
 इय केत्तियं व भण्णउ तियसासुर-भणुय-सिव-सुह-फलाए । सयलकल्लाणमूलाए सव्वविरईए माहप्पं ॥ —यतः
 नौरैका भववारिधौ शिवपुरद्वारार्गला-कुञ्चिका । कर्म-व्याधि-चिकित्सकेयमनघा दिव्यौषधी देहिना ॥
 मूढानामिहवर्तनीव सरला निर्वाणगा वाञ्छितं । तत्किञ्चन ददाति सर्वविरतिः सद्धम-बीजक्षितिः ॥६५३॥
 जे गया तह गमिस्संति गच्छंति य जे नरा । नेव्वाणं ताण सव्वाण पवज्जा कारणं मया ॥६५४॥
 सुणिऊण सूरिवयणं गहिऊण जहारिहं च जिणधम्मं । नमिय गुरुं निव-पमुहा जहागयं पडिगया परिसा ॥६५५॥
 सीलवई वि हु रण्णा समणुण्णया महाविभूईए । पउमसिरि-सूरिपासे निक्खंता आगमविहीए ॥६५६॥
 अह दिक्खिऊण सूरो समप्पए पुण्णचंदगणिणीए । सा वि हु सिक्खं गाहइ सीलवईं थेव कालेण ॥६५७॥
 एक्कारसअंगाइ पढेइ पालेइ सीलमकलंकं । पव्वज्जापज्जायं परिपालइ निरइयारं सा ॥६५८॥
 अह अण्णया कयाई पडिवज्जइ अणसण-निरागारा । सुह-परिणामारूढा उप्पाडइ केवलं नाणं ॥६५९॥
 पडिवज्जियसेलेसि चइऊण कलेवरं खणद्धेण । एण समएण पत्ता अवावाहं सिवं ठाणं ॥६६०॥
 सीलवईए सीलं पुव्वभवे इह भवे य सुहजणयं । संजायं जसक्कितीण कारणं सिव-सुहाणं च ॥६६१॥
 सीलं कुलुण्णइकरं सीलं सत्ताण भूसणं परमं । सीलं सयल-सुरासुर-सुह-पायव-परमबीय-समं ॥६६२॥

सीलं सोहृगकरं समग्न-पहु-भाव-कारणं सीलं । सीलं कुगडमहापुर-द्वारदढ-परिह-सारिच्छं ॥६६३॥
जल-जलण-चोर-सावय-भूय-पिसाय-रक्खसा जक्खा । पहवन्ति नेव थेवं पि सील-परिपालणपराण ॥३६४॥
इह लोगम्मि वि किन्ती जायइ देहस्स निम्मला दिती । सीलेण परमरिद्धी लब्भइ सिद्धी वि किं बहुणा ॥६६५॥
उभयभवेसु वि इच्छह सुहाइ जइ किन्ति-धवलियधराइं । ता कप्परुक्खसमहियसीलम्मि समुज्जमं कुणह ॥
संपयं तवोधम्मफलं भणइ-तत्थ य साहसमल्लचोरदिट्ठं तो ।

अत्थि इहेव जंबूदीवे भारहे वासे वच्छा जणवए भारहालकार-भूया कोसंबी नाम नथरी । तंए अणेगकूड-कवड-परवंचणा-परायणो विसकंटको व्व जणाहियकारओ, गिम्हकाल-रधिकर-नियरो व्व सोसिय-परघर-दविण-सलिल-संचओ, अणेगट्टाणे निव्वडियसाहसो, साहसमल्लो नाम उवरय-जणओ कुलपुत्तओ परिवसइ । सो पुण मज्जप्पसंगी कलंतरेण कडिडऊण जण-धणं विलसिउमारद्धो । मग्गिज्जंतो नत्थि ति पयपेइ ।

तओ परिहरिओ सयललोएण । न को वि किपि मग्गंतस्स वि देइ । वसणाभिभूओ चोरिअं काउमारद्धो । सिक्खिओ सयल-पासंडसमायारे, वियक्खणो वणिय-बंधणाइ-वेस-करणेसु, कुसलो नाणाविह-देसभासामु, भमिऊण सव्वत्थ निरूवेइ धणसमिद्धाणि घराणि ।

अणम्मि दिगे दिट्ठो तेण रयणसारो नाम वणिओ । रयणोहि ववहरंतो काऊण वणियवसं गओ तस्सावणे । निरू-वियाणि रयणाणि । भणिओ रयणसारो—“कि एत्तियाणि चेव उयाहु अण्णाणि वि संति ?” रयणसारेण भणियं—“संति ।” तेण भणियं—“ताणि वि दंसेहि ।” पविट्ठो हट्ट-मज्जे वणिओ । उग्घाडिओ रयणसमुग्गओ । कडिडयाणि रयणाणि । दंसियाणि तस्स । कयं भोल्लं । तेण भणियं—“गेण्हामि रयणाणि । पभाए वेयणं वियरिस्सामि ।” वणिएण भणियं—“नाहमुद्धारएण ववहरामि ।” पुणो वि ठाणे कयाणि । सो वि निरूविऊण रयणट्टाणं उट्ठिओ । गओ सभवणं । रयणोए काऊण चोरवेसं समागओ तम्मि आवणे । खयं खत्तं । पक्खत्ता पढममेव चलणा । घट्टिओ तेहि संयर्णायगओ रयणसारसुओ । तेण वि विण्णाय-तक्कर-पवेसेण उट्ठिऊण गहिओ य दोहि वि चलणेसु । खंचाखंचां कुणताण घत्थं तक्करसरीरं । मुक्को वणिय-सुएण पलोइऊण । गओ स-भवणं । साहिओ जणोए सव्वो वि नियवइयरो । बंधदिणे वेयणाभिभूओ कणतो भणिओ मायाए—“पुत्त ! जो परधणाणि चोरेइ सो सव्वं सहेइ । जहा सारण-जूयारो !” तेण भणियं—“अब ! को एस सारणो ?” तंए भणियं—“पुत्त ! सुणसु

सारणजूयारस्स कहा ।

उज्जेणीए वत्थव्वगो जूयारो । तेण एगया सव्वं पि हारियं । तं पि नत्थि जं भुंजइ । तओ तमंधयारए रयणोए पइभवणं भमंतेण निसुओ एगम्मि वणिय-घरे पिय-पुत्ताणं मंतो । पिउणा भणियं—“पुत्त ! कीरउ किपि आवया-धणं । निह्णिज्जंतु गंतूण मसाणे दांणाराण दस-सहस्सा । तं सुणिय अणागयमेव गओ मसाणं सारणो । ठिओ अणाह-मडयमज्जे पडिऊण । इओ य गहिऊण दविण-जायं समागया दो वि जणय-तणया । मुक्कं भूमोए दविणं । भणिओ सेट्टिणा सुओ—“अरे ! गंतूण समंतओ निरूवेहि, मा को वि वत्थवि गूढ-चरिओ ह्वेज्जा ।” तेण वि निरूवियं । दिट्ठो अनाह-मडयमज्जे निवडिओ सारणो । निरूविओ तेण नासामुह-पवणो जाव न निग्गच्छइ । अओ तओ उत्थल्लिऊण जोइओ । ‘मउत्ति विसज्जिओ । साहियं गंतूण जणयस्स । जहा—“निरूवियं समंतओ मसाणट्टाणं । दिट्ठं चोरभयमडएसु मज्जे अक्खय-सरीरं एगं पुरिस-मडयं । पिऊणा भणियं—“पुत्त ! मा को वि मायावी पडिओ होज्जा । पुणो वि गंतूण सुनिरूवियं करेहि । बंधपि तेण उत्थल्लिय निरूविओ । पच्छा चलणेसु कडिडऊण थेवंतरं मुक्को । साहियं पिऊणो जहा ‘मओ सो ।’ पिउणा भणियं—“नासं सवण-जुयलं च छिदेहि । पच्छा निच्छओ ह्विस्सइ ।” गओ सो । तहेव काऊण समागओ । न किपि जपियं धुत्तेण । तओ निहाणिकयं दविण-जायं । गया ते नियघरं । धुत्तो वि गहिऊण निहाणं नगरं पविट्ठो । विलसेइ जहिच्छाए ।

अण्णम्मि दिणे भणिओ सेट्ठिणा सुओ—“निरूवेहि गंतूण निहाणयं।” सो वि गंतूण नियत्तो। साहियं जणयस्स जहा खेमं तत्थ। बीय-दिणे गओ सयमेव सेट्ठो। खणिऊण निरूवियं जाव नत्थि दविण-जायं। विसाधमावण्णे समा-गओ नियभवणं। भणियं च सखेयं—“पुत्त! मुट्ठा धुत्तेण।” भणियं “केण?” सेट्ठिणा भणियं—“छिण्ण-कण्ण-नक्केण।” गविसिउमारद्धा नगरमज्जे दो वि जणय-तणया। दिट्ठो य सेट्ठिणा पवरवत्थाहरण-विभूसिओ समासण्ण-दासकर-धरिय-तंबोल-ब्राडओ जूयं रममाणो कप्पिय-नासउड-सवण-जूयलो एगो पुरिसो। संजाय-निच्छएण सेट्ठिणा पिट्ठओ होऊण छित्तो दाहिण-करगुलीए। तेण वि पच्छाहुत्तं नियतेण दिट्ठो सेट्ठो। सण्णा-ववहारेण नाओ एगते। सेट्ठिणा इसि हसिऊण जपियं—“अहो! ते दुक्करं कयं”। तेण भणियं—“नियपओयणेण। न उण कस्सइ निहारेण।” सेट्ठिणा भणियं—“विलसिय-सेसं सम्प्येहि। तओ वि ते किंपि दाहामि। मा सव्वं राजले गच्छऊ।” सम्पियं तेण। संतोसिऊण मुक्को जूयारो सेट्ठिणा। ता वच्छ! जो परघणावहारं करेइ तेण सव्वं सहियव्वं।

पडिक्कणं तस्स तं वयणं। कमेण जाओ पउणसरारो। पुणो वि चोरियं काउमारद्धो। खणियं उवरोहिय-घरे खत्तं। नाणियं सारदव्वं। सम्पियं जणणाए। पुच्छिओ ताए—“पुत्त! कओ एस घणाभमो?” तेण भणियं—“किं तुह इमांए चिताए। परं पभाए जणवायं सुणिय मह कहेज्जसु।” पभाए गथा सा नयर-मज्जे न जाया तहाधिहा कावि पउत्तं। तओ नयराओ नाहरिऊण निविट्ठा जलाहरण-सरणाए। खणंतरेण समागथा उवरोहिय-सुय-सासुथा जलनिमित्तं। पुच्छिया सो इयर-नाराहि—“किं सव्वं जं उवरोहिय-घरं मुसियं निसुणिज्जइ?” ताए भणियं—“एवमेतं।” इयरहि भणियं—“जाया कहि पि सुट्ठी?” ताए भणियं—“साहियं ताव गंतूण उवरोहिणए रण्णे। रण्णा वि सदाविओ नयररविखओ। एत्थंतरे नियपओयण-समागएहि विण्णत्तो राया घणसार-सेट्ठि-ण्हाविएहि। ‘देव! अलं तं पइ संभमेण। भूरिधणमणेण नाणियं। अओ पहाण-वत्थ-निमित्तं मज्जावासं समागमिस्सइ।’ ण्हाविएण भणियं—“अट्ठयद-नहपक्खालण-निमित्तं मज्ज वि घरं समागमिस्सइ। अम्हे चेव लहिऊण देवस्स सम्पिस्सामो।” एयं सुणिय गथा सा निवधरं। साहिओ जहा-सुओ सव्वो वि वइयरो साहसमल्लस्स। सो वि काऊण वणिय-वेसं भओ ण्हावि-घरं। दिण्णं ण्हाविएण महल्लमासणं। कयं नहसोहणं। वणिय-वेसं संसणेण, संपणं नाविस्स मणमोहणं। गओ विस्सवं। पणट्ठा तक्कर-संका। उट्ठतेण तेण भणिओ ण्हाविओ—“पेसेसु नियतणयं जेण हट्ठे कवड्डुए दववेमि।” पेसिओ तेण। गओ सो घणसार-सेट्ठिआवणे। दसिअं आसणं। उवदिट्ठो साहसमल्लो। भणियं सेट्ठिणा—“भणह, केण पओयणं?” तेण भणियं—“दंसेसु पहाण-वत्थाणि।” दंसियाणि गहिऊण पहाणवत्थाणि उट्ठिओ। सेट्ठिणा भणियं—“वणिय-सुय! वेयणं को वियरिस्सइ?” तेण भणियं—“एयं बालयं करगए वेयणे नेल्हिज्जसु।” पडिक्कणमेयं सेट्ठिणा। गओ सो निवधरं। सम्पियाणि वत्थाणि जणणाए। भणिया तेण जणणां—“जणवायं लहिऊण साहिज्जसु।” तहेवं लहिऊण समागया। भणिओ सो—“पुत्त! विणत्तो राया सेट्ठि-ण्हाविएहि देव! अम्हे वि तेण चोरेण मुट्ठा।” इओ भणिअं हेडाऊएण देव! पहाण तुरंगमं दिणा न एस वियरिस्सइ। पहाणतुरंगमा य न मं वज्जिय अण्णस्स संति। अओ हं तं लहिऊण देवस्स सम्पिस्सामि। कामपडायवि-लासिणाए भणियं—“न मह मंदिरं वज्जिय अण्णत्थ वसिस्सइ। अओ हं वा तं लहिऊण साहिस्सामि। राइणा भणियं—“एवं होउ।” तओ सत्थवाह-वेसं काऊण निग्गओ नयराओ साहसमल्लो। कमेण भसंतो समागओ हेडाऊयसनीवं। दवावियं तेण आसणं कया पुप्फ-तंबोलाइणा पडिक्कणं। ठिया खणमेगं परोप्परं कहाला-वेण। [तओ साहसमल्लेण भणियं...] “हेडाउय! कि कारणं तुज्ज नयर-बाहिरियाए आवासिया?” तेण भणियं—“नत्थेत्थ घरमभाण।” साहसमल्लेण भणियं—“मह घरेण कि कायव्वं। तत्थगयस्स चेव तुरंगमविककओवि भविस्सइ। हेडसामिणा भणियं—“उवरोहभासुयं मे माणसं।” तेण भणियं—

सुयण-सज्जणघरं पविसंतो नेव संकइ कयाइ। अहं संकइ ता सुयणत्तणंपि नणु कित्तिमंतस्स ॥६६७॥

जेसि मण-मेलावो न ताण भेओ घरे य दविणे वा। ता निधगेह-पवेसे का संका को णु संखोहो ॥६६८॥

हेडाऊएण चितियं—“अहो! महाणुभावया! अहो! विसाल-चित्तिया, अहो! गहअत्तणं! अहो! गंभीरिमा, अहो! धीरत्तणं, अहो! न विसवयइ वियक्खणवयणमेयं।

सच्चं गरुया गिरिणो को भणैइ जलासयाण गंभीरा । उवमेउं पुण धीरेहिं तह वि मह नत्थि उच्छाहो । ६६९।

ता न जुत्तो एयस्स पत्थणा-भंगो । एवं चित्तिऊण भणियो सो हेडाऊण—“भणसु जमह्हेहिं कायव्वं ।” तेणं भणियं—“गम्मउ मह मंदिरे ।” पडिवण्णमियरेण । पुरओं होऊण गओ साहसमल्लो कामपडागा-मंदिरे । दिट्ठा एगा दासी भणिया य तेण—“पुच्छेसु गंतूण नियसामिणी-विसालं ति काऊण हेडाऊओ तुह घरे आवासमिच्छइ ? ।” पुच्छिया तीए लोह-गहिय-माणसाए जंपियं कामपडागाए—“सिग्घं समायच्छउ ।” कयं तक्खणा चेव संमज्जिओवलित्तं घराजिरं । आणियो तेण तत्थ हेडाऊओ । निहया तुरंगम-वंदुरा-कालया । ताडिओ गुडुरो । गओ साहसमल्लो कामपडागां समं वं । दिण्णं तीए महल्लमासणं । पारद्धं चलण-सोयणं । तेण भणियं—“अलं चलणसोयणेण ?” अज्जावि मए राया न दिट्ठो अपओयणाणि मज्झाभरणाणि, ता समपेहिं खणमेत्तं निययाभरणाणि जाव रायाणं दट्ठुमागच्छामि ।” समप्पियाणि तीए । गओ हेडाऊय-समं वं । भणियो सो तेण—“संपइ सोहणो मुहुत्तो । तुह तुरय-सख्व-कहणत्थं सिग्घं मए राया वट्ठव्वो । ता समपेहिं तुरियं तुरंगमं जेण लहुं गच्छामि । समप्पियो पहण-तुरंगमो । तमाहिकऊण गओ सभवणं । समइककंता का वि वेला । संजाय-संकाए पुच्छिओ थाणवालो कामपडागाए—“किमज्ज वि नागओ तुरंगमाहिवई ?” तेण भणियं—“पडमंडवहेट्ठुओ निसण्णो चिट्ठइ । गथा सा तस्स समं वं । ससंभमं जंपियमिमाए—“तुमं हेडाऊओ ?” तेण भणियं-आमं । तीए भणियं—“जो मज्झाभरणं गहाय गओ राउलं सो को भण्णइ ?” तेण भणियं—“किं घरसामिओ न भवइ ?” तीए भणियं—“न भवइ । मुट्ठा हं तओ केणावि धुत्तेण । गओ गहाय ममाभरणं ।” तेण भणियं—“जइ एवं तो अहं पि मुट्ठो । मज्ज वि पहण-तुरंगमो नंओ ।” गथाणि दोण्हि वि नरवइ-समं वं । कहिओ जहट्ठिओ वुत्ततो । कुट्ठो राया । सदाविओ तलवरो । भणियो सावेसं—“अरे ! पंच-दिण-मज्जे तक्करं लहेसु ।” पडिवण्णं तेण । साहसमल्लेण वि भणिया जणणां—“जणवायं लहिऊण कहेसु ।” तीए वि नयरि-मज्जे नाऊण कहियं तणयस्स । जहा—“निउत्तो अज्ज राइणा तलवरो । ता पुत्त ! तए अप्पा पयत्तेण रक्खियव्वो ।” तेण भणियं—“अब ! मा भदाहि ।” तओ बंभण-वेसं काऊण पविट्ठो नयरमज्जे । भमतेण दिट्ठो एगमि देवउले जूयं रमतो तलवरो । सो वि तत्थेव निसण्णो । पारद्धो तलवरेण सह रमितं । समप्पियं निय-नामं कियं मुट्ठारयणं तलवरेण साहसमल्लस्स । तेण वि अप्पणिज्जयं तलवररस्स ।

एत्थंतरे समागओ राय-दोवारिओ । सावेसं भणियो तलवरो—“महाराओ तुमं सदावेइ, ता सिग्घं गम्मउ ।” गओ दंडवासिओ । साहसमल्लो वि गओ तलवरमंदिरे । भणिया दंडवासि-भारिया—“सिग्घं समपेसु सारधणं ।” तीए भणियं—“को तुमं पेसिओ ?” तेण भणियं—“तलवरेण ।” तीए भणियं—“सो कहि ?” तेण भणियं—“ददं बंधिऊण रायपुरिसेहिं राय-समं वं पाविओ । तेण भणियो सवणत्ते अहं—“वच्चसु तुमं मम घरे । नीणेषु घराओ सारधणं । मग्गिओ मए साहिण्णाणं समप्पियं नियमुट्ठा-रयणं ।” दंसियं तेण । तओ सा विस्सासमागया समप्पियं सारधणं निययाभरणं च । तं घेतूण गओ सो निय-भवणं । केवइ कालाओ समागओ दंडवासिओ सभवणं । भणियो भारियाए—“कहं तुमं मुक्को ।” तेण भणियं—“केणाहं बद्धो ?” तीए भणियं—“रणा ।” तेण भणियं—“केण तुह कहियं ?” तीए भणियं—“तुह पुरिसेण । जेण तुह मुट्ठादंसणेण घराओ सारधणं नीणियं ।” तेण भणियं—“न मए को वि पेसिओ ।” तीए भणियं—“जइ एवं तो मुट्ठाणि ।” गओ दंडवासिओ नरवइ-समं वं । पणमिऊण रायाणं सविसायं जंपियं तेण—“देव ! अहं पि तेण तेणेण मुट्ठो ।” कहिओ सव्वो वि वुत्ततो । तओ सगव्वं जंपियं राइणा—“चिट्ठइ तुभे सयमेव अहं तं लहिस्सामि ।”

जइ वचचइ पायाले नहंगणे वा वि जइ वि गच्छेज्जा । जइ तरइ जल-निहिं वा तो वि मए सो गहियव्वो । ६७०।

दंडवासिएण भणियं—“को एत्थ संजओ ? तेण वि भणिया जणणां—“जणवायं जाणिऊण कहेसु ।” सा वि सोऊण समागया । भणियो तीए तणओ—“वच्छ ! संपइं ते पाण-संसओ । कुट्ठो राया । कया पइण्णा जहा—“सो मए सयं गहेयव्वो ।” सगव्वमुट्ठुरखंधरेण भणियं तेण—“अम्मो न भाइयव्वं निव्वडिय-साहसो साहसमल्लो ते पुत्तो ।” बंभण-वेसं काऊण गओ रयणाए रायदुवारं । भणियो दोवारिओ—“गंतूण कहेसु नरवइणो-जहा देसतराओ अंभमदण-विण्णाण-

कुसलो देवदंसणुसो बंभणो दुवारे चिट्ठइ ।" तेण वि गंतूण कहिओ । रण्णा भणियं—“सुनिरुक्खियं काऊण लहुं पवेसेहि ।” तेण वि तहेव पवेसिओ । संभासिओ राइणा । पारद्ध अंगमहणं । ओधारिऊण मुक्काणि आहरणाइं रण्णा सयणिज्जसे । समागया निहा नाऊण सुहपसुत्तं नरवइं आहरणं गहाय निग्गओ । ‘अंगमहओ’त्ति काऊण न केणावि वारिओ । गओ सभदणं । पभाए पवुद्धो राया । न पासइ अंगमहणं, नेव निययाभरणाणि । तओ विलक्ख-वयणो विमणदुम्मणो काऊण गोस-किच्चं निसण्णो अत्थाण-मंडवं । समागया अमच्च-सामंताइणो । पुच्छियं मंतिणा—“कि कारणं अज्ज देवो विवण्ण-वयणो दीसइ ?” साहियं जहट्टियं राइणा । मंतिणा भणियं—“देव ! गूढ-समाधारो एस को वि तक्करो, न कहि पि नज्जइ, ता कीरउ अण्णं उवायंतरं ।” रण्णा भणियं—“केरिसं ?” मंतिणा भणियं—“देव ! सहाविज्जंतु कमेण सव्वे वि पासंडिणो । पच्छा ते मतेण वा होराए वा केवलियाए वा लहिऊण देवस्स साहिस्संति ।” रण्णा भणियं—“एवं करेह” । सहाविओ मंतिणा जिणचंदो नाम संधवर-मुणिवरो । गओ समं सिद्धपुत्त-जिणरक्खिय-सावएण । पत्तो नरवइ-सर्मावं । जीवदयादइयाए निच्चं चिय समवगूढ-देहाण । अरहंताण पणमिमो तिहुयण-मुपइट्ठिय-जसाण ॥६७१॥

एवं पणमिऊण तित्थयरे कयप्पणामो राइणा निसण्णो दंसियारसणे । जिणचंदमुणिवरो भणिओ मंतिणा—“गूढचारो तक्करो नगरं परिमुसइ, ता तं निय-केवलियाए लहेऊण नरवइ-पयडं करेह ।” तेण भणियं—“न एस कप्पो मुणियणस्स ।” मंतिणा भणियं—“अकप्पो वि कायव्वो रायव्वयेण ।” एत्थंतरे भणियं जिणरक्खिय-सावएण—“अत्थि मह केवलियाए परिस्समो जइ भणह ता निरुवेमि ।” मंतिणा भणियं—“नाणेण पओयणं । एवं करेह ।” दिण्णो तंबोलो । गहो जिणरक्खिएण । विसज्जिया गया सट्ठाणं । मुणिओ एस वुत्तंतो तक्करेण । किर मं जिणरक्खिओ केवलियाए लक्खिस्सइ । काऊण कवडसावगतणं, नियंसिऊण सियवत्थ-धोयत्तिं, काऊण उत्तरासंगं, भरिऊण भव-कुसुमाण छज्जियं, कमेण चा-वंदणं कुणंतो पत्तो महावीर-जिणमंदिरं, जत्थ सो जिणरक्खिओ चिट्ठइ । दिट्ठो तेण विहिपुरस्सरं चा-वंदणं कुणंतो ।

तओ समुप्पणगाढसाहम्मियाणुरागेण जंपियं जिणरक्खिएण—“महाभाग ! को तुमं ? कत्तो समागओ कहि वा गमिस्ससि ।” तेण भणियं—“चंपावत्थव्वो जिणदासो नाम सावओ । वयगहण-कथनिच्छओ तित्थाण वंदेमि तुमं पि पुंडरिय-गिरिवरे, रेवयम्मि तगे, सम्मेयसेलसिहरे, महुराए, अओज्जाए, तक्खसिलाए, कलिकुंडे, अण्णेसु वि ठाण्णेसु चेइयाइं वंदाविज्जसि । वंदियाणि जिणरक्खिएण भावसारं । पसंसिओ सो तेण—“धण्णो तुमं, सुलडं ते मणुयत्तणं जस्सेरिसो परिणामो । अज्ज तए मह घरे चेइयाणि वंदियव्वाणि ।” तहेव वंदियाणि । पच्छा नंहरंतो मंतिओ भोयणेण जिणरक्खिएण । तेण भणियं—“न जुत्तमेयं ।” जिणरक्खिएण भणियं—“न अण्णाहा मह मण-निव्वुई ।” तओ पडिदण्णं तेण । भुंजाविओ परमक्रिएण । भणिओ—“महाभाग ! जाव तुमं इह चिट्ठसि ताव तए पइदिणं मह घरे भोत्तव्वं । तेण भणियं—“किं सिग्घयरं विसज्जेसि ?” जिणरक्खिएण भणियं—“कहं ?” तेण भणियं—“जं भणसि पइदिणं तए मह घरे भोत्तव्वं ।” जिणरक्खिएण भणियं—“महाणुभाव ! तुह संतियं चेव घरमेयं, वयं तु रक्खणमा चेव । तओ पडिदण्णमणेण । समागया रथणं । जिणरक्खिएण भणियं—“तए मह घरे चेव सोयव्वं ।” पडिसुयमणेण । दंसिओ भवणव्वंतरे पल्लंको । कहियं रहस्सं जहा—“मए अज्ज मंत-जावो कायव्वो, तक्कर-लहणत्थं नरवइआणाए ।” तेण भणियं—“सिज्जउ समोहियं ।” ठिओ एगंते जिणरक्खिओ । पारद्धो मंतजावो । पसुत्ते परियणे लद्धंतरो मुसिऊण घरसारं पलाणो कवडसावओ । पभायारयणां दिट्ठं परिमुसिय-सार-धणं गेहं । जिणरक्खिएण साहियं राइणो-जहा—“देव ! मूट्ठं मह घरं केण वि धुत्तेण ।” साहियो सव्वो वि वुत्तंतो । भणिओ रण्णा मंतं—“लहुं विसज्जेहि । अलं दुक्खिय-जण-केवलियाए ।” तहेव कयं । मंतिणा भणियं—“दियंवरो सहाविज्जउ ।” रण्णा भणियं—“एवं करेहि ।” सहाविओ विमलकिर्त्तं नाम खमणओ । समागओ नरवइपुरओ ।

संसार-जलहि-पारंगदाण नीमेसजंतुहितदाण । पादे पारगदाणं सुरगणनमिदे नमंसांमि ॥६७२॥

एवं युगिऊण जिणवरे, नरवईविहियपणामो निसण्णो दिगंबरो । भणिओ मंतिणा—“भयवं आयास-नियंसणा ! पच्छण्णतक्करं नियकेवलियाए नरवइ-पयडं करेसु ।” रिसिणा भणयं—“रयणीए सुनिरुवियं काऊण कहिस्सामि । कयसम्माणो विसज्जिओ । गओ सट्ठाणं । तक्करेण विण्णाओ एस वइयरो । तओ समागओ विमलकित्तिरिसि-समीवं । वंदिओ रिसी, ‘धम्मवुड्ढी होउ’ति भणिऊणं पुच्छिओ रिसिणा—“कओ भवं ?” तेण भणियं—“सिरिउर-पट्टणाओ संसारभवुविगगो तुम्ह समीवे दिक्खं गिण्हामि ।” रिसिणा भणियं—“वच्छ ! कइवयदिणे छत्तत्तणं परिपालेहि । पडिक्कणमणेण । भणिओ रासलो नाम पुराणछत्तो । “वच्छ ! एस ते कणिट्ट-भाऊओ परम-पीइए रक्खियव्वो ।” तेण भणियं—“जमाणवेइ भयवं ।” सभायथा रयणी । ठिओ एगते विमलकित्ती । पारद्धा निरुविउं केवलिया । नुवण्णा दो वि मढ-मज्जे छत्ता । निदावसवत्तिणं मूणि नाऊण पलाणो तेणो । पभाया रयणी उट्टिओ रासल-छत्तो । न पेच्छइ बिइज्जयं । साहियं तंतूण रिसिणो, “न दोसइ भयवं सो छत्तो ।” संजायसंको मढमारओ रिसी । भणिओ छत्तो—“वच्छ ! मढं निरुवेहि !” तेण निरुविऊण भणियं—“भयवं ! न दोसइ ओसह-वट्टिया । सुमरण-सेसा जाया तल-मांठिया । अवहरिओ जोगवट्टओ । कवलिया केणा वि कवलिया । पोत्थयाणि वि जायाणि कस्सइ सोवत्थियाणि ।” रिसिणा भणियं—“मुट्ठा रे वच्छ ! मुट्ठा ! सभप्पेहि कुंडियं पिच्छियं च जेण दंडवासियस्स साहेमि ।” सुइरं निरुविऊण जंपियं छत्तेण—“भयवं ! कुंडिया पिच्छियाओ वि न दोसंति ।” रिसिणा भणियं—“विगुत्ता रे विगुत्ता । लिगं पि हरियं तेण ह्यासेण ।” छत्तेण भणियं—“भयवं ! सुप्पसण्णा भवतु भदंतस्स संतिनाहस्स पादा । अण्णमुवगरणं भविस्स-दि ।” एगण-चित्तेण सुमारिऊण पुणरवि जंपियं दियंबरेण—“अहह कण्टं नण्टं रे नण्टं” एवं भणिऊण संजाय-हियय-संचट्टो मोणमासिओ रिसी । छत्तो विणय-विहियंजली पुरओ होऊण भणिउमादत्तो—“नमोऽस्तु भरडे ! नमोऽस्तु !” पसायं काऊण साहेउ भदंतो अण्णपि हरियं, जेण विसायमावण्णा पुज्जपादा । लद्ध-केयणेण जंपियं रिसिणा—“अरे ! रासल ! ओसह-निमित्तं कुंडिया मज्जे वीस दीणारा आसि ते वि गया तस्स पासि । आवयधणं पि हरतेण तेण पावेण किममूहणं वि न मुक्कं ? खेयावहारहेउं जंपियं छत्तेण—“भयवं ! केरिस्सा सा गाहा जा अण्णदिणे समुहमज्जे विवण्णजाणवत्तविणट्ट-भूरि-दविण-संचयस्स, विसायमतस्स चंदकित्ति-सेट्ठिणो पुरओ धम्मदेसनं कुण्ठेहि पढिया तुम्हेहि ।” रिसिणा भणियं—

फलसंपत्तीए समोणयाइं तुगाइं फल-विंवत्तीए । हिययाइं सुपुरिसाणं महातरुणं व सिहराइं ॥६७३॥

रिसिणा भणियं—“वच्छ ! सम्मं मुक्को मए विसाओ । संपयं रायउलं सच्छामि ।” छत्तेण भणियं—“रायापूया-सायणं भवतु भदंतपादा । ससत्तेज्जा भवउ भयवइचक्केसरी । सिद्धी हवउ ।” गओ दियंबरो । दिट्ठो राया । कय-वंदणाइ-सम्माणो निसण्णो दंसियासणे । मंतिणा भणियं—“भयवं ! किं एस केवलिया कप्पो जं तुमं विधा कुंडिया-पिच्छियाहि समागओ ?” रिसिणा भणियं—“खयं जायउ सो पाविट्ट-दुट्ट-तक्करो । मज्जे वि मढो तेण मुट्ठो । अवहरियं कुंडिया-पिच्छियाइयं ।” मंतिणा भणियं—“कहेहि केवलिया ! दुह-दंदोलि-करालियस्स पम्हट्टा केवलिया ?” राइणा भणियं—“विसज्जेहि ल्हं ।” विसज्जिओ मंतिणा । गओ सट्ठाणं सट्ठाविओ चोइस-विज्जा-पारओ नारायणो नामवंधणो । समागओ नरवइ-समीवं ।

कम-नासणो वेयमूहो चउवधणो पउमगग्ग-समवण्णो । सचराचर-विस्सपिया पयावइ जयइ जय-पयडो ॥६७४॥

इय पणभिऊण वंधाणं नरवइ-पणमिओ उवविट्ठो वंधणो । भणिओ मंतिणा—“नारायण ! दुल्लक्खतक्करं नाणेण लहिऊण राइणो साहेसु ।” माहणेण भणियं पभाए साहिस्सामि ।” कय-सम्माणो विसज्जिओ गओ सट्ठाणं । जणणि-मुहाओ सोऊण इमं वइयरं, काऊण बडुय-वेसं, उड्ढलिऊण चलणे. समागओ नारायणगेहं तक्करो । पुच्छिओ नारायणेण—“कओ भवं ?” तेण भणियं—“सावत्थी-वत्थव्वओ खदिलो नाम वंधणो । तुह समीवे वेय-पढणत्थं समागओ ।” वंधणेण भणियं—“किमहं तत्थ जाणिज्जामि ?” खंदलेण भणियं—“पइघरं जाणिज्जसि ? तुह पसिद्धि सोऊण ममावि इहासमण-सद्धा जाया ।”

तओ तेण सायरं भोयाविओ । भणिओ य तेण—“न अण्णत्थ संतव्वं । अहं तुमं वेय-पारयं करिस्सामि ।” काऊण करंजलीं ‘परमाणुग्गहो’ त्ति भणमाणो निवडिओ चलणेसु सो धुत्तो । समागथा रयणी । भणिओ सो माहूणेण-भवणव्यंतरे तए सोयव्वं, अहं पुण पओयणवसेण दावडो अण्णत्थ सइस्सामि ।” तहेव कयं, जामिणी-तइय-जामे निभर-निहाए पसुत्ते बंभण-परियणे, गहिऊण सारधणं पलाणो चोरो । पभाया रयणी । ‘मुट्ठा मुट्ठ’त्ति उच्छलिओ बंभणघरे कोलाहलो । समागओ बंभणो । नायं तेण जहा तेणेण-मुसियं घरं । गओ तुरियं-तुरियं रायमंदिरं नरवइ-पुरओ होऊण पोक्कारियं महया सहेण—“देव ! मुट्ठं महं घरं केणावि धुत्त-तक्करेण ।” कहिओ सव्वो वि वुत्तंतो । भणिओ रण्णा-“मंती ! लहं विसज्जेहि । अलं दुक्किय-जण-केवलियाए ।” विमज्जिओ गओ सट्ठाणं । तओ सहाविओ सिवधम्मो नाम सिवायरिओ । समागओ नरवइसहं ।

केलास-कय-निवासं एगागवं चंदसेहरं सुहयं । गंगागोरि-समागम-पमुइय-माणसं सिवं नमिमो ॥६७५॥

नमिऊण हरं नरवइनमिओ निविट्ठो सट्ठाणे । भणिओ मंतिणा—“भयवं ! अलक्खिओ कोवि नयरं मुसइ । ता तं नियकेवलियाए लहेसु ।” सिवधम्मेण भणियं—“पभाए लहामि ।” कय-सम्माणो विसज्जिओ गओ सट्ठाणं । एयं विजाणिऊण समागओ सिवधम्म-समीवे साहसमल्लो ‘ओम् नमः शिवाय’ भणिऊण भणिओ सिवधम्मो “भयवं ! जइ समुच्चिओ अहं इमस्स वयविसेसस्स ता अकालहीणं दिक्खेहि ।” पुच्छिया तेण अधोरसिव-पमुहा नियचेल्लया, तेहि भणियं—भयवं ! लहं दिक्खेह—“धम्मस्य त्वरिता गतिरिति” वचनात् ।

तओ तक्खणं चैव दिक्खिओ । रयणिसमए केवलियाए निमित्तं ठिओ एगंते सिवधम्मो । सो वि सुत्तो समं चेल्लएहि मढमज्जे । रयणीए मुसिऊण पलाणो । पभाए साहियं सिवधम्मो वि सिग्घमागओ रायसमीवं भणिओ राया—“निवडिया महं मत्थए केवलिया । मंतिणा भणियं—“कहं ?” तेण भणियं—“केवलियाए कए मढं मोत्तूण एगंते सुत्तो अहं । को वि तक्कर-धुत्तो मढं मुसिऊण पलाणो ।” समाणत्तो रण्णा मंती—“अलं केवलियाए ! लहं विसज्जेहि ।” विसज्जिओ, गओ सट्ठाणं सिवधम्मो । समाहूओ मंजुसिरि-नाम भिक्खु । आगओ नरवइसमीवं—

करुणारस-भर-भंगुर-नयणेहि निरिक्खिऊणं दुहियजणं । जो नियमंसेण कुणइ सुहत्थियं नमहं तं बुद्धं ॥६७६॥

सुद्धोदणसुयं नमियं नमिओ नरवइणा, निरुण्णो । भणिओ मंतिणा—“गूढ-तेणं केवलियाए लहिऊण कहेसु ।” तेण भणियं—“पभाए निच्छयं कहिस्सामि ।” कयसम्माणो सट्ठाणं गओ । निसुओ साहसमल्लेण एस वइयरो । काऊण बुद्धोदासन-वेसं समागओ मंजुसिरी-विहारं । वंदिउं पुच्छिओ मंजुसिरिणा—“उवासगा ! कओ समागओ ?” तेण भणियं—“दक्खिणावहाओ । भयवं करेह ममाणुग्गहं ? अज्ज मए सब्बेसि भिक्खूणं भोयणं दायव्वं ।” तेण भणियं—“अतिही तुमं घर-विरहिओ य ।” तेण भणियं—“एत्थेव ठियाण संपाडेमि ।” पडिदण्णं तदुवरोहेण मंजुसिरिणा । आणियं तेण आवणाओ मोयण-मंडगाइयं । भुजाविया जहिच्छाए भिक्खु । संजाया तं पइ पसण्णमाणसा । गया-विस्सासं । संपत्ता रयणी । केवलिया निमित्तं ठिओ एगंते मंजुसिरी । सो वि भणिओ भिक्खुहि—“तए कत्थ सोयव्वं ?” तेण भणियं—“तुम्हं चलणे उवासिस्सामि ।” पडिदण्णं तेहि । रयणीए मुसिऊण विहारं गओ तक्करो : पभाए परिमुसियं विहारं दट्ठूण विसण्णा भिक्खुणो । कहियं मंजुसिरिणा : गओ पुहइपाल-सगासे । सखेयं अपियं—“महाराय ! मुट्ठो विहारो तेण धुत्त-तक्करेण ।” भणिओ मंती राइणा—“इमं पि विसज्जेहि ।” तहेव कयं । समाहूओ कविलय-भत्तो परमहंसो नाम भगवओ । समागओ सिग्घमेव रायसमीवे ।

जलमणसुद्धिसुद्धो परमप्पा पंचवीसतत्तण्णु । संखायणप्पणेया कविलो इह जयइ भुवणम्मि ॥६७७॥

कविलं नमिउं नरवइपणओ उवविट्ठो । भणिओ मंतिणा—“पच्छण्णचोरं नियसत्ताए पयडेसु ।” तेण भणियं—“पभाए निच्छएण दंसेमि”त्ति सम्माणिओ गओ सट्ठाणं । मुणिय-वुत्तंतो समागओ परमहंस-समीवे कुलउत्तओ । पूइया दोहि सुवण्णगमुद्दिएहि परमहंसपाया । निवडिओ चलणेसु । पारद्धा गोट्ठो । भणियं तक्करेण—“भयवं ! ज्ञाण-सरूवं

रहेसु ।" तेण भणियं—“पढमब्भासं ताव इमस्स सिस्सस्स सर्मावे करेसु ।” दंसिओ हंसो नाम निय-सासो । गओ तस्स सर्मावं चोरो । हंसेण परंपियं—“रयणाए ज्ञाणकोसलं हवइ ।” तेण भणियं—“जइ एवं तो एत्थेव निवसामि ।” तेण भणियं—“संगयमिणं ।” संपत्ता रयणां । ठिओ एगते परमहंसो । सो वि हंससर्मावे सिक्खिऊण ज्ञाण-वेसं पसुत्तो । सुत्तेसु सव्वेसु मुसिऊण आसमं गओ । उग्गए सूरे दिट्ठो तेहि निस्सारियासमो । साहियं परमहंसस्स । तेण वि गंतूण रायमंदिरं राइणो—“जहा मुट्टमासमपयं केणावि गूढ-चरिएण चोरेण । ता करेसु परित्ताण” ति । भणिओ मंतिणा—“भयवं ! निय निकेयणमलंकरेहि । अलं बहुजपिएणं ।” गओ भगवओ ।

तओ सदाविओ सुरप्पिओ नाम पासंडिओ । समागओ रायंतियं—

पुण्णु न पाउ न जीवु न अत्थि न वि सिवलोउ न सग्गु । जसुसुर-संथुय-सुरगुरुहु तसु हउं दंसणि लग्गु ॥६७८॥

पणमिऊण विहण्फइ निस्सणो सुरप्पिओ । भणिओ मंतिणा—“नियविण्णाणेण गूढचर-तक्करं लहेसु ।” तेण भणियं—“पभाए निच्छयं करेमि ।” विसज्जिओ गओ सट्ठाणं । निसुओ एस वइयो साहसमल्लेण । गओ गणिया-वाडयं । दिट्ठा पढमज्जोव्वणे वट्टमाणा परमरूव-धारिणां उब्भड-वेसं-विभूसिया अणग-रायहाणां अणगसुंदरी नाम विलासिणां । दाऊण कप्पूर-सणाहं तंबोलं भणिया तेण—“पहाणवत्थाणि दाणारदसगं च वियरामि जइ मह पओयणं साहेसि !” ताए भणियं—“साहेमि ।” जइ एवं ता न ताए अज्ज किपि वत्तव्वं । जमहं भणामि तं मोणमासियाए कायव्वं ।” पडिदण्णं ताए । गओ तं गहाय सुरप्पियसर्मावं । पणमिऊण भणिओ सुरप्पिओ—“भयवं ! एसा मह भइणां सुरगुरु-मइ-भाविया तुम्ह हत्थेण दिक्खं गहेउमिच्छइ ।” तेण भणियं—“जुत्तमिणं, परं अम्ह दिक्खाए एस कप्पो—“पढममेव दिक्खयव्वेण सहत्थेण पसु घाइयव्वो, मज्जपाणं कायव्वं, मए सह एग-भायणे भोत्तव्वं । भाया वि पइ व्व दट्टव्वो ।” तेण भणियं—“सव्वं पि करिस्सइ ।” तहेव संपाडियं । समागया रयणां । भणिओ सुरप्पिएण धुत्तो । “भया एगते पओयणवसेण सोयव्वं । एसा पुण मह सीसेण सह मज्जपाणं करेउ ।” धुत्तेण भणियं—“जमाणवेइ गुरु । गओ एगते सुरप्पिओ । तेहि वि बद्धमावाणयं । निवेसिया मज्ज-भागे अणगसुंदरी । पाइया बहुवियारं पारद्वं काउमज्ज-पाणयं । अइ-पाणयमयमत्तेसु, पणट्ट-चेयणेसु विसंठुल-पडंत-केस-वसणेसु धरणांयल-निवडिएसु तेसु, लद्धावसरो मुसिऊण मढं, आवाणजणं पि काऊण जहाजायं, पलाणो गूढचोरो । गओ सधरं । पभाया रयणां विगयमयाणि परोप्परं लज्ज-माणाणि मढमज्जे पविट्टाणि । पुच्छिया तेहि वेसा—“किमेस ते भाया ?” ताए भणियं—“न होइ ।” कहियं तेहि सुर-प्पियस्स । तेण वि गंतूण नरवइपुरओ पुक्कारियं—“देव ! न केवलं मे मढो मुसिओ परिवारजणं जहाजायं काऊण पलाणो को वि धुत्तक्करो ।” राइणा ईसि हसिऊण भणिओ मंती—“गुणो तेणम्ह कओ जं ण हरियाणि वत्थाणि । विसज्जेसु एयं कलुणपलाविणं । अलं दुक्खियजणवयणसव्वणेण ।” विसज्जिओ सुरप्पिओ । गओ सट्ठाणं । एवं छण्ह वि दंसणाण मोडिओ तेण नाणमरट्टो ।

तं नत्थिं धरं तं नत्थि राउलं देवलं पि तं नत्थि । जं तेण नेव मुट्टं नियडि-पहाणेण धुत्तेण ॥६७९॥
सविसाओ नरनाहो बुद्धिविहीणा य मंतिणो सव्वे । पासंडिणो विलक्खा तेण कया गूढ-चरिएण ॥६८०॥
मारैइ पउर-जीवे जहिच्छियं रमइ परकलत्ताणि । अलियं जलपोट्टसमं तस्स निसंसस्स पावस्स ॥६८१॥
एवं वच्चइ कालो न को वि तं मुणइ गूढमाइत्तलं । नरय-निबंघण-कम्मं वद्धं ति व्वं धुवं तेण ॥६८२॥

अणया गामाणुगामं विहरंतो समागओ तत्थ सुविसुद्धो नाम केवली । निग्गओ वदण-वडियाए राया पउरजणवओ य । सो वि चोरो जणसभवायं दट्ठूण मुसण-परिणाभेण गुलिया पओगेण कयरूवंतरो तत्थेव समागओ । कया केवलिया पाण-वहाइकडुय-विवाय-फलधम्म-देसणा । काऊण जहारिहं धम्म-पडिवात्ति गया सट्ठाणं परिसा । ठिओ तत्थेव वडिऊण भणिओ तेण केवली—“भयवं ! नत्थि तं कुकम्मं जं न मए समायरियं । संपयं तुम्ह वयण-सव्वणेण विरतं संसार-बासाओ मे माणसं । जइ उचिओ हं ता करेसु जिणदिक्खाए अणगगहं ।” केवलिणा भणियं—“अद्विग्घं देवाण्पिया !

मा पडिबंधं करेहि केवलं काऊण जोगमुद्धि विहेहि निम्मलमतानयं । पच्छा निसल्लो संतो पव्वयाहि ।” तेण भणियं—
 “भयवं ! कुकम्मकारी अहयं अओ पउट्ठो मह एत्थ राया ता अन्नत्थ गंतूण पव्वयामो ।” केवलिणा भणियं—“भइ ।
 न भाइयव्वं । पभाए समागए नरत्तहि समागतव्वं जेण सव्वं सोहणं हवइ ।” ‘एवं होउ’त्ति, भणिऊण गओ सट्ठाण
 साहसमल्लो । पभाए पुणोवि वंदण-वडियाए समागतो राया नयरजणवओ य । सो वि य तेणो आगतूण निसण्णो
 केवलिसमासण्णो । पारद्धा देसणा भयवया । छिण्णा अणेग-जणाण तयाणागय-वट्टमाणकाल-भाविणो संसया । पुच्छिओ
 केवली राइणा—“भयवं ! को सो तक्करो ? कत्थ वा संपयं चिट्ठइ ? जेण परिमुसिया स-यासंडा मह नयरी ।” केवलिणा
 भणियं—“साहसमल्लाभिहाणो संपयं एत्थेव चिट्ठइ मम वामभागे निसण्णो । परं न तं पइ पओसो कायव्वो । जओ
 पडिनिधत्तं कुकम्मकरणाओ एयस्स माणसं । संजाओ कम्मसेल-वज्जासणिकप्पो चारित्त-परिणामो । ता महाराय !
 मोक्खमग्ग-पक्षणस्स इमस्स सहायगतणं कायव्वं ।” राइणा भणियं—“जं समाइसइ भयवं तं करेमि ।”

तओ गओ राइणा समं निधवरं साहसमल्लो । समप्पियं जहानायं धणं सामिधानं, सेसं नरवइणो । कया
 निक्खमणमहिमा नरिद्वेण । पव्वइओ केवलि-सर्मावे समं जणणीए साहसमल्लो । गहिऊण पढमदिणे चेद गुरु-सर्मावे तवा-
 भिग्गहो—“आजम्मं मए मासाओ पारेयव्वं” । उक्वूहिओ गुरुणा पसंसिओ नरवईणा सेसलोएहि य । गहिया दुविह-
 सिक्खा । जाओ पंचसमिओ तिगुत्तो मुणिवरो । तओ तस्स एगमासाइछम्मासंतं तवं तवंतस्स बोलाणा अणेगे वासा ।
 खविधण्णायं जायं दुगइ-निबंधणं पादकम्मं । समुत्तसिओ सुहो परिणामो । निदुड्ड-वाइक्खम्मिधणस्स उप्पणं केवलव-
 नाणं । विहरिऊण केवलि-परिधाएण क्किं कालं, काऊण जोग-निरोहं समाहइऊण सेलसांकरणं, अत्तल-कम्म-दिप्प-
 मुक्को निव्वानं संपत्तो ।

तित्थयरो चउत्ताणो सुरमहिओ सिज्झियव्वय-धुयम्मि । अणिगूहिय-बल-विरिओ तवोवहाणम्मि उज्जमइ ॥
 कि पुण अवसेसेहि दुक्खक्खय-कारणा सुविहिएहि । होइ न उज्जमियव्वं सपच्चवायम्मि कयलोए^१ ॥६८४॥
 भूरिभव-संचियाणं दुच्चिण्णाणं विवाग-विरसाणं । तवसा जायइ खवणं कम्माण निकाइयाणंपि ॥६८५॥
 काऊण तवं घोरं दढप्पहाराइपाणिणोणेगे । होऊण कूर-कम्मा सुच्चंति जिणागमे सिद्धा ॥६८६॥
 तम्हा जह सत्तीए अणसणमाइम्मि काउसगंतो । बारस-भेए भव्वा तवोवहाणम्मि उज्जमह ॥६८७॥
 संपयं भावणाधम्मोवरि चंदणसेट्ठकहा भण्णइ—

अरिथ इहेव भारहे वासं बहुं दिवसवण्णणिज्जा चंदउरी नाम नयरी । तत्थ अधरिय-धणवइ-विहवो, दसदिसि-
 पसरंत-सरय-ससि-सरिस-कित्ति-भम्भार-भरिव-भुवणयलो, पूरियाऽसेल-अत्थि-सत्थमणोरहो जिणदत्तो नाम सेट्ठो परिदसइ
 अमग्ग-सोहग्ग-गुण-निज्जिय-संकर-वल्लहा जिणमई नाम तस्स भारिया । ताण जम्मंतरोवज्जिय-पुण्णत्त-कुसुम-समं विसय-
 सुहमणुहवंताण पवर-फलभूओ संजाओ कुल-नंदणो । उचियसमए कयं से नामं चंदणो त्ति । पत्तो कुमारभाव । सम-
 प्पिओ लेहारियस्स । कयं कलागहणं । जाओ भोगसमतथो । परिणीया तत्थेव वत्थव्वगस्स पियंकर-सेट्ठिणो दुहिय
 सुहंकरा नाम । तीए सह विसय-सुहमणुहवंतस्स अइक्कंतो कालो ।

अण्णया जिणभवणगयस्स वण्णिओ सब्भूयगुणो जिणिंदस्स गायणेणं रंजिओ चंदणो । दिण्णो दीणारलक्खं
 पसंसिओ सयललोएण ।

धण्णो सलाहणिज्जो सुलद्धजम्मो जयम्मि सुपसिद्धो । जिणदत्तो सेट्ठिपुत्तो ठाणे चाओ कओ जेण ॥६८८॥
 विलसंति दित्ति भुंजंति बहुविहं एत्थ विहविणो णेगे । विरलाण पुणो दाणं सुट्ठाणे दीसइ भुवणे ॥६८९॥

१. ‘माणस्से ?’ पंचवस्तक गा. ८४२ ।

एवंविहजणपसंसमसहमाणेण जपियं एणेण मच्छरिणा—“किमेस सलहज्जइ जो पुब्ब-पुरिसज्जिय-धणं विलसंतो गव्वंमुव्वहइ । जओ—

जणणि-यणं नियपुत्तो संफुसइ करेहि ताव जा वालो । आरूढ-जोव्वणो पुण फुसउ पावेण लिप्पेज्जा । ६९०।
पिउ-लच्छी जणणिसमा वालाणं चेव तीय सहवासो । उवरि पुण तीय समं संवासो लोय-हसणिज्जो । ६९१।

तं सुणिय समाधण्णगरुयवेरगो गओ निग्घरं चंदणो । पुच्छिओ जिणदत्त-सेट्ठिणा—“पुत्त ! किं तुमं उव्विग्गो-विद्य लक्खं,पसि ?” न दिण्णं तेण पडिबयणं । तओ सभाउल-चित्तो सेट्ठो,परिपणं पुच्छिउमारद्धो । न को वि परमत्यं विद्याणेइ । एत्थंतरे पओयणवसगएण सोहिओ सव्वो वृत्तंतो तव्वधंसएण । सेट्ठिणा भणियं—“वच्छ ! किं बुह ! दुज्जण-जण-भणिएण ठिओ विलक्खो । किं न तओ दिण्णोणं अत्थि ते अज्जय-पज्जयपज्जयागयं” “चंदणेण भणियं—“ताय ! एवमेयं । को एत्थ संदेहो ? परं जइ सुप्पसण्णा ताय-पाया, ता किंपि विण्णवेमि ।” सेट्ठिणा भणियं—“अणउ वच्छो !” चंदणेण भणियं—“अत्थोवज्जणनिमित्तं तुरंगमे गहाय देसंतरं वच्चांमि । न अत्थि मे अण्णहा मण-निव्वुई ।” निव्वंधं नाऊण समणुमणिओ सेट्ठिणा । कया सामग्गो । डोइया पहाण-तुरंगमा । पयट्ठो पसत्थ-आसरे दक्खिणाभिमुहं । कइवयदिणेहि पविट्ठो कालासणीं नाम अडकिं । जाणिओ कालमुह-नाहलाहिबइणा । दिण्णा धाडं । विलोचिओ सत्थो गहिया तुरंगमा । दिसोदिसि गया सत्थजणा । चंदणो वि कहं वि पलाधिऊण समागओ निय-नयरं । कयं बद्धावणयं जणणि-जणएहि । भणियो व—“वच्छ ! तए धरते तुरंगमा भदिससंति । न तए चित्त-खेओ कायव्वो ।” गयाणि कइवय दिणाणि । अण्ण दिणे पुणो वि भणियो सेट्ठो—“ताय ! कयासं घेतूण संवयं उत्तरवहे वच्चांमि । तओ पडिनियत्तो जच्च-तुरंगमे आणेमि ।” सेट्ठिणा भणियं—“पुत्त ! एक्कसि निसिद्धो न ठिओ । दिट्ठं च फलं गुरुवयणं-लंघणसंसं । इयाणि पुण न कज्जं ववसाएण । घरट्ठिओ चेव तं किंधि करेहि जेण अम्हे वि पालेहि सयं च न किलेसभायणं हवसि । तेण भणियं—“ताय ! तुम्ह परिपालण-निमित्तमेव एत्तिअमेत्तो आरंभो किं महं पुट्टससं दुवभरं ?” सेट्ठिणा भणियं—“वच्छ ! अत्थि कमागया ते लच्छी । तए संतोसं करेहि । अलं ववसाएण ।” तेण भणियं—

ववसाय-वज्जियं चयइ ताय ! पुरिसं कमागया वि सिरि । असम-ववसाय-कलियं वरइ लच्छी न संदेहो । ६९२।
ता किंपि पुणो वि अहं ववसायं ताय ! तुह अणुणाओ । चालेमि जेण विवरइ जयम्मि ससि-निम्मला कित्ती ।।
जओ—

गय गंडा जिवं काऊरिसं, एक्कि पडणि पडंति । सुपुरिस-धोरिय-वइत्तु जिमं, पडणट्ठणइं करंति ।। ६९४।।

सेट्ठिणा भणियं—“पुत्त ! पुणो तं चेव भणंतो गरगरमट्टमणुकरेसि ।” चंदणेण भणियं—“ताय ! को सो गरगरभट्टो ?” इसि हसिऊण जपियं सेट्ठिणा—“वच्छ ! निसामेहि ।”

अत्थि अवतीविसएसु वंसो नाम गामो । तम्मि य निरक्खर-कुक्खं, जन्म-दारिदिओ वरुणो नाम बंभणो परि-वसइ । तस्स सुओ गरगरो । सो पुण कूडबंधसाय-पवट्टमवि अत्ताणयं सुववसाइणं मण्णइ । अण्णया जणणि-जणय-निसिद्धेण वि तेण गहिओ ववहरय-संतिओ उट्ठारएण दंतवडिओ वल्लवट्ठो कयासो य चाउम्मासियउट्ठारएण मोल्लेण । पत्थिओ लाडदेसं विक्केउं । भणियो जणेण—“न एस उवाओ लच्छीए । अज्जं वि न किंधि नट्ठं एत्थियमेत्ताए, चेव हाणोए । पडिबुज्जसु मा सव्वहाणां करेसु ।” असव्वम-वयण-पुरस्सरं भणियमणेण—“नियपओयणाणि चित्तेह को तुब्भे बुद्धि मग्गेइ ।” निसिद्धेहि वि भणियो सुहिसयणेहि—“अरे ! गरगर ! मा एवमतमंजसाणि पल्लवसु । करेहि विसिट्ठ-वयणाणि ।” तेण भणियं—“किह तुब्भे विसिट्ठा जं पावबुद्धि पयत्थह ?”

तओ अवहीरिओ लोएण जणणि-जणएहि य वच्चंतो निग्घो एगम्मि संत्तिवेसे सुगट्ठा बलाहिएण । तस्स पुण संबलं पि नत्थि, कुओ सुकं । एसा तुह बंभवमुत्ति भणिऊण बलाहियं पुट्ठिओ कंठयाणमुदरि । इओ य सो तस्स बइत्तो

छुहाभिन्नओ बंधणं दसणेहि छिद्विऊण महाडविं पविट्ठो । इओ तओ परियडंतो सदूलेण विणासिओ । तम्मि य सन्नि-
 वेसे लग्गं पत्तोवणयं । समागओ तेणो । गोसेण अग्गं उट्ठिओ । भयभंत-सोयणो गरगरभट्टो गओ सट्ठणं । न पेच्छइ
 तत्थ जरग्गवं । पच्चासण्णो हवइ ह्यासणो । इओ [तओ] परियंचइ, न सक्केइ छट्ठियमुप्पाडेउं । तप्पडिबंधाओ न नीहरइ
 तट्ठणाओ । पेक्खंतस्सेव दइडा कप्पास-छट्ठिया । तओ सो गोविणासे कप्पासदाहे य जाए जाओ चित्तदिग्धममाओ उम्मत्त-
 लओ । परिवत्त-वसणो कय-कोलाहल-लोअ-समूह-परिवारिओ समागओ नियघरे । कह कह वि पउणीयओ मायापियरेहि ।
 पुणो वि सो वाणिज्जेण उवट्ठिओ । पिउणा भणियं—“जइ एस निबंधो ता जं रुच्चइ तं करेहि ।” भणियो गंतूण तेण
 विरवइल्लसामिओ—“अण्णं मे बइल्लं देहि ।” तेण भणियं—“पुव्वबइल्लमोल्लं ताव देसु ।” तं सुणिय रुट्ठो गरगर-
 भट्टो । बइल्लसामियस्स भणिउमाढतो—“तए मम कप्पासमोल्लं दायव्वमत्थि । जइ तुमं महं वइल्लं नं दितो तो कहं
 कप्पासो उज्झंतो । अहं न देसि तां तुज्झोवरं अहं बंधणो ।” वाणिएण भणियं—“वाए जिओ देमि, नन्हा । उवट्ठिया
 कुलियाण पुरओ । साहियं दोहि वि निय-निय सरुवं । विमरिसिऊण भणियं कुलिएहि—“जहेमं जडो । वयणेण पेल्लि-
 ज्जउ भणियो य सो तेहि;—“ओ भट्ट ! नत्थि बइल्लसामिस्स दोसो ।” तेण भणियं—“कस्स पुण दोसो ?” तेहि
 भणियं—“तुहं जणयस्स दोसो, जइ तुमं नं जणितो तो को कप्पासं गिण्हंतो गहणाभावे कहं दज्झंतो ?” तं सुणिय
 गओ जणयसमीवे । भणियो “पिया—देहि मे कप्पासमोल्लं । तए महं कप्पासो दडंडो ।” पिउणा भणियं—“कहं ?”
 तेण भणियं—(. . .) “तुहं माउए दोसो जए तुमं गब्भे धरिओ जाओ पालिओ य तां तं मग्गेषु कप्पासमोल्लं ।” तहेव
 गंतूण मग्गियां तेण जणयां । तए भणियं—“विहिं मग्गेषु जेण उयरे संकामिओ” तेण भणियं—“कहिं सो विहिं ?” तए
 भणियं—“अहं पि न याणामि ।” तओ सो अवरावरं विहिं पुच्छतो सुइरं खिज्जऊण खयं गओ । तां पुत्त ! तुमं पि
 पुणो पुणो तमेव भणंतो तस्स सरिसमंताणयं दंससि ।” तओ तं सोऊण अवमाणं मणे वहमाणो अकहिंतो चेव निग्गओ
 घराओ चंदणो । गओ नियमाउल-संदिंरं । सहिओ तस्स सब्बो वि वृत्तंतो । समप्पिया तेण दाणा-दस-सहस्सा । गहिऊण
 तेहि कप्पासं पत्थिओ उत्तरावहं बइल्लसत्थेण । कहं—

उक्किडइ पडइ धावइ दुहंत-बइल्ल-पह्यरो तस्स । झाडवीडेसु भरयं विलइय नासइ दसो विसं ॥६९५॥
 रे बहुलो, रे धावइ रे, बहुलो छट्ठियं विणासेइ । कालो कयंत-सरिसो उल्ललइ पुणो पुणो पेच्छइ ॥६९६॥
 एवंविह-वयणपरंपराए कोलाहलं करेमाणो । कइवयदिणाहिं पत्तो मरुम्मि सत्थो सुविसत्थो ॥६९७॥

सा पुण मरुभूमिं केरिसा—विजय-हिलासिरण-रसिय-पर्यंड-दंड-पत्थिव-धरणि वध बहुसंगरागा दाल-वितर-सेविया
 य कहिं चि महावेज-घराजि-रसुधर वध किरिय-नर-विसर-सेविया विविहोसहिंकलिया य, कहिं चि महामुणि
 पविंत्ति व्व सुचित्ताहरिणाधासा य, कहिं चि दालिद्विध-संदिंरं पिध निरसणाविलसमाउला य, कहिं चि सब्बणु-
 समवसरणरसा इव समि-समूह-समाइण्णः बहु-सादया य, कहिं चि दुज्जण-जुवइ व्व दो-जीहतण-संगया परभयनिबंधणा
 य, कहिं खट्टपट्टुकुट्टिण व्व सुणह-वहु-भुयंगनिवहरेहिरासवकरा य, कहिं चि महाकवि-कहं व्व कब्बासत्त-नर-विसर-
 सेविया सक्खरा य, कहिं चि समुद्भूमि व्व रंगंत-विसरासि-संकुला विंशालविट्ठुमा य, कहिं चि परमह-पद्द-पव्वइउ
 व्व परम-वय-संजुया केलि-रहिया य, कहिं चि अमग्गपच्चकपुरिसो व्व विहत्थला, कहिं चि महासरं पि व कम्मला-
 वलिसंकुला, कहिं चि भिल्ल-पल्लि व्व अवाणिया, कहिं चि अरासणं पिध पहाण-तंवाइण्णा, कहिं चि महापइ व्व
 परधव-संग-विण्णमुक्का, कहिं चि घुरुवुरिता विम-सिध-वग्घ-संधायाःइ-लंघणिज्जा, कहिं चि पोवंर-पिहुयल-मत्थयत्थ-
 पांसु-पूर-खुयंत-परिसंत-त्प-दप्प-पहिउपंणकालघणिज्जा, कहिं चि उट्ठं व्व दंड-पर्यंड-संड-विच्छट्ठिय-वहुडिड्डिरिज्जंतडिड्डरं-
 डिभसंकुला, कहिं चि कक्कंधुक्केर-किरंत-पक्क-बहुवोरवाढ-चव्वण-वलिट्ट-धुट्ठुपंत-जंबुय-निउसंब-संकुला । अवि य-

जत्थ य रविकरतविया कहिं चि संपाविरुण जलठाणं । वप्पीहा इव पहिया पिउ-पिउ सइं पयंपति ॥६९८॥
 वल्लीविद्याण-मंडिय-समिकंटय-उट्टिरियवाहीहि । तप्पहामय वहु-पहिओह-विरह-दुहिया व अणुदियहा ॥
 उक्खित्त-कोस-सिसु-सुसिरसविय-जल-विण्णुसंसु विसरेण । चक्क-कय-कुहुकुहा-रव-रावेण व रुयइ मरु-तरणी ।

परचक्रक-भीय-जणसरण-दायगा हं ति मणसि तुट्टा व । नच्चइ खर-पवणाहय-करीर-समि-साह-बाहाहि ॥
एवंविहं मरुं सो लंघिय-सत्थो कमेण संपत्तो । गज्जणउरम्मि उत्तरदिशा-वह, मंडणे पवरे ॥७०२॥

तत्थ य ववहरिउमारुद्धो चंदणो । विट्ठत्तं भूरि-दविण-जायं । कया निय-देसागमणसंजत्ती । दिण्णं पयाणयं ।
गहिया सिधु-विसए पहाण-तुरंगमा । पत्थिओ नियदेसाभिमुहं । कमेण वहंतो पविट्ठो महाडवि आवासिओ रणमज्जे
सत्थो ।

एत्थंतरे अप्पत्तिकओ चैव चउट्ठिसिं दहंतो तणकट्टाइ-संघायं उट्ठिओ महंतो दावाणलो, अणुकूल-पयट्ट-पयंड-पवण-
पसरंत-अच्च-संताणो, कुदिय-कयंतो व्वं लहं कथलितो पाणि-संघाए, पत्तो सत्थसमोवं । दिट्ठो भय-भीय-सत्थलोएहि ।
उत्तट्ट-यद्धसवणेहिं हिंसियं वरतुरंगेहि । तओ हाहारवं कुणंतो उट्ठिओ चंदणो भणिउमादत्तो—

विहेह नीर-संचयं, करेह दूरमंचयं । खणेह पास-भूमियं, करेह सलिल-तिम्मियं ॥७०३॥

एवं पयंपमाणस्स तस्स सविहमागओ दावाणलो । विमुक्क-ज्जाविद्यासा विसण्णा सब्बे वि जणा । मुचह गोण-
वयं, छिद्धं वंदुराओ तुरंगमाणं, विलुपह लज्जं कमेलमाणं दिवंधणं करेह विसरं वेसरणं, तंडेह दावणाणि रासहाणं,
एवं भणंतो चैव, पारुद्धो दहिउं दधग्गिणा । तओ दज्जतेसु मरंतेसु वंदुरा-तुरंगमेसु, चिर-समारसतेसु रासहदारणसु,
'हा हाय ! हा माय !' भणंतेसु नारी-गणेसु, विमुक्क-पोक्कं ह्यंतेसु वायरजणेसु, गहिय-रण-कणगाइसारधणो कडवय-
पुरिस-परिवारिओ पुव्वाभिमुहो पलाणो चंदणो । दवाभिणो दज्जंतो पत्तो पउरपंके अप्पोदगमेगं सरोदरं । पविट्ठो
तत्थ । समुप्पणा जीविद्यासा । सित्तो अप्पा सलिलेण । विलित्तो पउरपंकेण । उधसंतो पाएण दाहवेयणा । ठिओ तत्थेव
सो वि जणो । दहिऊण तिणिण दिणाणि कंसार-वण-तिण-कट्टाईणि उवसंतो दावाणलो । निग्गया चंदणादओ
सरोदराओ । गया सुलसदंडं नाम नयरं । ठिया तत्थ कडवय-दिणाणि । गहियं विपि भंडं । चलिया निय-नय-राभिमुहं ।
कमेण वहंतो पत्ता सिधु-सरियं । मिलिओ तत्थ विसवंचलो नाम परिव्वायगो । उत्तरिउमादत्ता चंदणादओ । पुच्छिओ परि-
वायगेण चंदणो—“ममपि उत्तारवेहि” पडिदण्णं चंदणेण । समारोविओ सो वि नावाए । मुक्का तरिया धीवरेहि ।

इओ य नाविथाण मज्जे एगस्स नावियस्स जणणां डाइणां । ठक्कुर-तणए चुक्का । मंतबलेण लहिऊण कहिया
परिव्वायगेण ठक्कुरस्स तेण विडंविऊण माराविद्या ।

तओ सो नावियो तं दट्ठूण पओसमावण्णो । अवसरं लहिऊण तरिया-तीरनिणण्णो पमत्तो पक्खित्तो सिधु-जले
तेण परिव्वायगो । 'चंदण चंदण' त्ति, पोक्कारियं तेण पडंतेण । निमुयं चंदणेण । धराविद्या तरिया, पुच्छिया धीवरा-
किण एवं कयं । सणियं कण्णते होऊण मुणियवुत्ततेण कहियं जहट्टियं एगेण धीवरेण । भणिया चंदणेण सेस धीवरा,
“लहं कड्ढेह ।” कडिडओ तेहि । पउणीकओ चंदणेण । निवेसिओ अप्पणो समोवे । निग्गच्छिओ सो नाविओ । गंतुं
पयट्टा तरिया । एत्थंतरे अहुं सरियं छिदंतो, फडाकडप्प-दुप्पेच्छो, अणप्पदप्पो दिट्ठो तेहिं सप्पो । भणिओ परिव्वायगेण
चंदणो । “सिट्ठि-सुय ! आइट्ठो विव गच्छइ एस भुयंगमो ।” चंदणेण भणियं—“कहमेयं नज्जइ ?” “अप्पच्चओ तो
दंसेमि ते कोउयं ।” ठिओ तरिया-तीरे परिव्वायगो । सुमारिऊण मंतं पसारिओ करो । सरसरत्ति समाहुद्धो तम्मि य
भुयंगमो । ठिओ परिव्वायग-पुरओ । चंदण-पडयाओ गहेऊण रत्तमुत्त-खंडं वद्धं सप्पगले परिव्वायगेण ।

तओ विसज्जिओ सप्पो । चंदणेण भणियं—“को एत्थ परमत्थो ?” तेण भणियं—“सव्वं साहिस्सामि ।”

इओ य सो सप्पो सिधुमुत्तरिऊण गओ सिद्धत्थपुरं । तस्स सामिणो सिधुसेगराइणो । धवलहरज्जाण-संठिए
जक्खालए कीलंतो सहवयंसएहिं समागओ जक्खालयं मणिरुहो नाम रायउत्तो । निवडिऊण जक्ख-चलणेसु पडिनियत्तमाणो
वाम-पाए डक्को तेण भुयंगमेण । 'दट्ठो' त्ति भणमाणो निवडिओ धरणाए । संखुद्धा वयंसया । कओ कोलाहलो ।
समागओ सपरियणो राया । पुच्छिया वयंसया । तेहिं भणियं—“सप्पेण खइओ ।” समाहया पहाण-गारुडिया । पउत्तं पयत्तेण

गारुडं तेहि । न जाओ को वि विससो । पाइओ विविहागयाणि । तेहि वि न पउणा । पच्छा घोसावियं राइणा तिय-चउक्का-चच्चरेसु—‘जो रायउत्तं अहिणा दट्ठं जीवावेइ तस्स राया दिनारलक्खं देइ ।’ तम्मि दिणे चंदणो वि तम्मि चैव नगरे आधसिओ । निसुओ पडहसइओ । परिव्वायगेण वारविओ पडहओ । नीओ नरवइ समीवे रायपुरिसेहि । गओ सम्मं चंदणेण दिट्ठो राया । सम्मणिओ पुष्प-फल-तंबोलाइणा परिव्वायगो । दिण्णासणे सुह-निसण्णो भणिओ राइणा—‘पाण-भिक्षं पयच्छसु ।’ निरुविओ मणिरहुकुमारो परिव्वायगेण । काऊण मंडलं निवेसिओ तत्थ । भणिओ राया—‘समाग-मिसइ एत्थ महातागो । न केण वि तस्स पहिरियव्वं ।’ धरिया धारणा । खणंतरेण समागओ सरसिओ । भणिओ परिव्वायगेण ‘गिण्हसु विसं कुमारसरंराओ ।’ चूसियं डंक-ट्टाणं नामेण । पूइऊण विसज्जिओ नागे । गारुडिण दसियं रत्त-सुत्तं चंदणस्स । रंजिओ चंदणो । गओ सट्ठणं नागे । जाओ पउणो मणिरहुकुमारो । पस्तिट्ठो सपरिजणो राया । पयट्टाविओ महामहूसवो । पूइओ पवर-वत्थाइहि परिव्वायगो । दिण्णो दीणार-लक्खो । गहिओ परिव्वायगेण । समागया नियसत्थं चंदण-परिव्वायगा । सम्पिओ दीणारलक्खो परिव्वायगेण चंदणस्स । न पडिच्छओ चंदणेण । परिव्वायगेण भणियं—‘महाभाग ! पणय-पत्थणा-भंगं कुणंतो महंतं मे मणो-दुक्खं जणयसि । पाणा वि तुज्ज साहीणा । कि ण सुयं अज्जेण चुण्णयपदाणोवगारं मण्यमाणेण पाणा वि परिचत्ता दुगुल्लय-अज्जे चुण्णुल्लएण ।’ चंदणेण भणियं—‘कहेउ भयवं ! को एस चुण्णुल्लओ ? जेण दुगुल्लय-अज्जेण पाणा परिचत्ता ’ परिव्वायगेण भणियं—‘सुणेउ महाभागो !’

दुगुल्लयचुण्णुल्लकहा—

अत्थि सधलमहोवल्लय-मंडणं दाहिण-समुद्दोवकठ-संठियं सयदुवारं नाम नयरं । नीलवंतो नाम राया । नीला महादेवी । नीलजला से दुहिया । तस्स नयरस्स उत्तरदिशा भाए महाभेश्वं नाम मसाणं । तस्स य मज्जे महामहंतो वड-पायवो । तत्थ य रुहिरप्पिया नाम निसायरीं परिवसइ । सा पुण पइदिणं नयरे मारि करेइ ।

अण्णम्मि दिणे संपूजिऊण राइणा भणिया—‘तत्थ ठियाए-चैव पइदिणं एगं माणुसं समागमिस्सइ न तए मारी कायव्वा ।’ पडिबण्णं तीए । भणिओ राया—‘पसाएमि वच्छ ! समागय-माणुसेण कहा-मे कहियव्वा । जस्स य रयणि-मज्जे कहाणयत्थो मए न निव्वडिओ तओ चैव अमारी भविस्सइ ।’ राइणा भणियं—‘मए वि तस्स निय-दुहिया दायव्वा ।’ पइदिणं पेसिज्जइ एगेण-पुरिसो । मरणभयाओ पलाइउमररुओ लोओ । वओ राइणा संकलिया-बढो । एवं वच्चइ कालो ।

अण्णया तत्थ समागओ दुगुल्लओ । नाम वीर-पुरिसो । पविट्ठो एगम्मिथेरी-घरे । कयं तीए चलण-सोयणं । भोयविओ परमायरेण । पडिबण्णो पुत्तो । विसमिओ तत्थेव । वोलोणो दिवसो । समागया सव्वरी । स-दुक्खं परुण्णा थेरी । पुच्छिया वारेण—‘अम्मो ! केण कारणेण रोविज्जइ ?’ तीए भणियं—‘पुत्त ! अत्थि मम एगो चैव पुत्तो । तेण पुण अज्ज रायाएसेण निसाए निसायरींए मसाणे कहाणयं कहेयव्वं । सा पुण कहाणयं सोऊण भक्खेइ माणुसं ।’ तेण भणियं—‘अज्ज मए कहेयव्वं । तीए भणियं—‘पुत्त ! कि तुमं मे पुत्तो न भवसि ?’ तेण भणियं—‘अंब ! तहा जइस्सामि जहा मे मरणं न भवइ ।’ तओ समागया रयणी । गओ थेरी-तणय-ठाणे दुगुल्लओ । निसण्णो गंतूण वड-पायव-हेट्ठओ । पुच्छिओ रक्खसीए कहाणयं । तेण भणियं—‘सुणेहि ।’

एगम्मि नयरे दोण्णि सहीओ परिवसंति । पढम-जोव्वणे वट्टमाणण जाओ एककेको पुत्तो । उवरया ताण पइणो । पालिया पयत्तेण ताहि दाख्या । पत्ता जोव्वणं । भणियाओ निय-निय जण्णोओ । तेहि परिणावेहि धरावेहि वा ? तओ मिलिऊण मंतियं दोहि वि रंडाहि । अप्पायत्ता पुत्ता मा परायत्ता भवंतु । दुवे वि वच्चरुवगा मा परत्थी-याणं वसे भवंतु । एगाए भणियं—‘तां कि कीरइ ?’ इयरीए भणियं—‘तुमं मह पुत्त-घरे पविसाहि । अहं तुह पुत्त घरे पविसामि ।’ बीयाए भणियं—‘एवं कीरउ । को दोसो ?’ अणुट्टियमिणमेधाहि । कमेण विसयसुहमणुहवंताण ताण सम्पुण्णो एगेणो पुत्तो । परोप्परं कि भवति, कहेहि । पच्छा भक्खेसु । पुणो पुणो विमरसंतीए वोलोणा रयणी । उयओ दिणयरो । भणिओ रक्खसीए ‘जिधा हं तए । ता स्रहं वियरउ संपयं नवरिजणो । तुमं पि वच्छ ! वच्चसु सट्टाणं ।’

तेण भणियं—“अम्मो! सामिणि! विसालच्छिणि! संपयं को अम्हाण सामी भविस्सइ? वम्मि वा ठाणे कहं वासो अम्हेहि नायक्को?” तीए भणियं—“महीमंडलेक्क-वीरो सुट्ठो नाम तुह सामी भविस्सइ! दुग्ग-कंतारे दुग्गाययणे जुट्ठेण जो तुमं पराजिणिसइ। जस्स य सवण-वास-संठियं ताडीवत्तं करेण परामुट्ठं खग्ग-रयणं भविस्सइ।” तओ पण-मिऊण निसायरि नयरि पधिसंतो धवलहरोवरिसंठियाए दिट्ठो नीलजसाभिहाणाए राय-दुहियाए सम्पण्णाणुरागाए चित्थिमिमीए—

कि तीए जोव्वणेणं सोह्मगं-गुणेण अहव रूवेण । जा एयस्स न महिला उण्णय-वच्छत्थले रमइ ॥७०४॥
जह जह तं अवलोयइ पविसंतं पुरवरम्मि नीलजसा । तह तह तीए गाढं सत्तलइं अंगं अणंगो वि ॥७०५॥
दहइ जलदा देहं अंगारसमो ससी वि पडिहाइ । चंदणपंको वि सिही न रइ सयणासणे लहइ ॥७०६॥

मयण-सर-सल्लियं तं दट्ठूण चउरिया भणइ दासी—“सामिणि! चयसु विसायं। अनुकूलो तुह विही मण्णे।” नीलजसाए भणियं—“कहं विय?” तीए भणियं—“जओ पडिदण्णं सामिणा जो एयं मारि उवसामिस्सइ तस्स मए निय-दुहिया दायव्वा।” तं सोऊं समासासिया मणागं नीलजसा। वियाणियं राडणा, जहा उवसामिया केण वि देसंतं रागएण मारी। समाइट्ठो नयरारक्खओ—“तं पुरिसं लहुं आणेह, जेण मारी उवसामिया, जओ मए तस्स नियदुहिया दायव्व” त्ति। परिण्णाय समाणिओ तलवरेण। दिट्ठो राडणा, पुच्छिओ य—“कस्स तणओ? कुओ वा? किमत्थं वा इहागओ?” पणमिऊण भणियं तेण—“महारथ! सामण्णपुरिसस्स तणओ। देसंतं राओ देस-वंसणत्थं महियलं परिदामि।” विसण्णो राया, कहमविण्णायवसस्स, अबद्धमूलं परिदंत्तस्स पायय-पुरिसस्स निय-दुहियरं पयच्छामि। एवं परिभाविय न दिण्णा राडणा। वत्थाइहि पूइऊण विसज्जिओ। निग्गओ राय-भदगाओ दुग्गुल्लओ। दिट्ठो निग्गच्छतो राय-दुहियाए। मुणिओ य वृत्तंतो, जहां न दिण्णा हं एयस्स।

ताओ दुम्मणाए भणिया दासी नीलजसाए—“हला! चलिओ एस कत्थ दि। तां गंतूण भणाहि एयं जहा—“राय-सुधाए मणं ताए चेद सह पत्थियं, सरंतरं चेद केवलं चिट्ठइ। जइ तं पि नेह तो पडिपुण्णं भवइ।” तहेव गंतूण भणिओ चउरियाए। पडिदण्णं तेण। वओ बाहिहजाणे संकेओ। ठिओ तत्थ गंतूण दुग्गुल्लओ। समागया रयणं। निग्गया पच्छिमदुदारेण समं चउरियाए रायसुया। गया उज्जाणं। मिलियाओ दुग्गुल्लयस्स। परिण्णया संखेवेण। विसज्जिया चउरिया। पलाणो घेतूण राय-दुहियं। पविट्ठो दुग्ग-कंतारे। तत्थ य दुग्गि दुग्गाययणाणि। थेवंतराणि पुरओ गंतूण निसण्णो दुग्गुल्लओ। महियं एला-लवंग-ककोल-सनाहं तंबोलं। समणियं नीलजसाए। ताओ जप्पणा महियं। समाणिउमारद्दाणि। एत्थंतरे अत्ति-खेडय-हत्थो समागओ तं पएसं एगो पुरिसो। तेण दि महियं चुण्णय-रहियं तंबोलं मग्गिओ दुग्गुल्लओ चुण्णयं। तेण दि भणिया नीलजसा—“पिए! पयच्छ, देवस्स चुण्णयं। दिण्णं तीए। समाणियं तेण वि तंबोलयं। खग्गमेयं जाय चिट्ठंति गोट्ठंए ताय चउरंग-बल्लभेओ दिट्ठो मग्गओ समागच्छतो नीलजसाए नील-वंतो राया। जपियमिमीए—“अज्जउत्त! विहलं ताए सह समागं तक्केमि, जओ एगागीं तुमं, चउरंगबलपरिअरिओ। मह्या आवेसिण समागओ ताओ।” तेण भणियं—“भोरु अलं संभमेण।” गहिऊण अत्ति-खेडयं उट्ठिओ दुग्गुल्लओ। चुण्णु-ल्लएण भणिओ—“सामि! चिट्ठु तुमं करेमि अहं चुण्णयन्तिकयं। गहियात्ति-खेडओ केसरी व गयघडाभिसुहं बलाभि-मुहं गंतूण थेवंतरं पविट्ठो दुग्गाययणे। पणमिया चंडिया। भणिया य देवि—“जइ अज्ज तुज्जं सन्निज्जेण परवलमभि-भदामि तो ते पय-पयंयं निधिसिरेण पूएमि।” एवं भणिय निग्गओ चंडियाययणाओ। उट्ठुक्को परबलस्स। जुज्जिओ मह्या संमट्ठेण। खग्गारेण पंचाणजेण य गयकुलं भग्गं पउरं पि परबलं। संपत्त-धिजओ पडिनिधत्तो चुण्णुल्लओ। पविट्ठो चंडियाययणं। पणमिया चंडिया बडिदयं कोसाओ वरदानं। सिरोहरं छिदिऊण उत्तिमगेण पूइया वाच्चादणं-पाया। भणिया दुग्गुल्लएण नीलजसा—“पिए! ते देवरो जिणिऊण परवलं पधिसंतो चेव चंडिया-भवणे दिट्ठो, न उण नीहरंतो। तोहं तस्स पउत्ति लहामि। तए पुण एत्थेव अच्छियव्वं” ति, भणिऊण गओ। दिट्ठो उत्तिमंगपूइय-चंडिया-पय-कमलो धरणिगल-लुलंत-वांभओ-चुण्णुल्लओ। चित्थियं दुग्गुल्लएण-परबलजयत्थं उवाइयमिमाणा इयं नक्केमि। चुण्णुल्लयमित्त-

एसयेण पाणच्छायं कुणंतेण भूसियं भुवणमणेण महाणुभावेण । मज्झ वि एसा चेव गई । छिदिऊण दिण्णं तेणवि नियसिरं चामुंडा-चलण-जुयले । खणंतरेण पइणो समागमणमपेच्छंती समुप्पण-संका नीलजसा वि तत्थेव समागया । दट्ठूण तहाविहं वेससं-देवि ! चामुंड ! इमे वा जीवावेहि, धी-वहं वा पडिवज्जाहि' त्ति भणिऊण निय-कंधरं छिदिउं पारद्धा । थंभिओ तिय कंधरे करो देवयाए । भणिया य नीलजसा--“पुत्ति ! मा एवं करेहि । भण, जमेगं जीवावेमि ।” तीए भणियं--“देवरं जीवावेहि, पिययमेण सह संगमो अणुमरंतेए जम्मंतरे वि भविस्सइ ।” भेरवीए भणियं--“जइ एस ते निच्छओ तो दोवि जीवावेमि । विरमसु मरणववसायाओ ।” तीए भणियं--“जमाणवेइ अंबा !” नियनियकबंधेसु काऊण उत्तिमंताणि कया कच्चाइणीए अमय वूट्ठीं । जीविया दो विं । जाया नीलजसाए तुट्ठी ! अणियाणि चुण्णु-ल्लएण कोमल-किसलयाणि । विरइओ भेरवी-भवनभंतरे तेहि सत्थरो । नुवणाणि दो वि तत्थ भज्जावइयाणि । चुण्णुल्लओ वि दूरे विरइऊण पल्लवसंज्जं सुत्तो । बोलीणं जाम-तियं जामिणीए ।

एत्थंतरे वीरविमग्गणं करितो नानाविह-गाम-नगर-जणवएसु परिभमतो पत्तो तमुद्देसं सुद्दगो नाम महीमंडलेक्क-वीरो । निसुयं जणाओ जहा दुग्गाययणे एणेण पुरिसेण रायसेण्णं भग्गं । तओ तस्स परिकखा-निमित्तं काऊण माहण-वेसं हविकओ तेण दुग्गुल्लओ भणियो य--“अरे कुकम्मनिरय ! अणज्ज ! निल्लक्खण ! निमज्जाय ! कुविय-कयंत-कडक्ख-विक्खेव-निरिक्खियपुरिसाहम ! पणमंतामरासुरनर-निय-मोलि-माला-पगलंत-मयरंद-बिदु-संदोह-विच्छुरिय-पायवी-ढाए भयवईए पुरओ सकलत्तो सुयंतो अप्पणो वि न लज्जसि ? लहुं उट्ठेहि । सरसु सत्थं । सुदिट्ठं कुणसु जीवतोगं । किं तेहि भिच्चेहि जाण पच्चक्खं पावकम्मकारिहि पट्ठणो परिभविज्जति ।” दुग्गुल्लएण भणियं--“महाभाग ! सुभिच्च-सरिच्छं ते चेट्ठियं । मरिसियव्वं अज्जेण अयाण-जण-विलसियं । न पुणो वि एवं समायरिस्सामि ।” बंधणेण भणियं--“अलं बहु जंपिएण । तुमं वा अज्ज न भवसि अहं वा न भवामि ।” नाऊण निच्छयं उट्ठिओ दुग्गुल्लओ । पारद्धो जज्जिऊं जट्ठि-पण्हणपहारेहिं । निज्जिओ सव्वत्थ बंधणेण । रंजिओ तप्पोरसेण सुद्दगो । तओ काडिइयं असिरयणं दुग्गु-ल्लएण । मुक्को पहारो । वंचिओ अणेण । ‘एवं पहरिज्जइ’ त्ति भणमाणेण गहियं दाहिण-कण्णाओ ताडिंवात्तं सुद्दगेण । जायं खग्ग-रयणं । तं दट्ठूण सुमरियं रक्खसी-वयणं । पडिओ चलणेसु दुग्गुल्लओ । भणियं च--“सामि सुद्दग ! किं भिच्चयणे वि एस संरंभो ? पसिय । संहर खगं । एसो हं तुह आणा-पडिच्छगो । भणसु जं कायव्वं ?” सुद्दगेण भणियं--“मज्झ वि तुह संगह-निमित्तो एसो आरंभो । बोहिओ दुग्गुल्लएण चुण्णुल्लओ । साहिओ सव्वोवि वइयरो । तेण भणियं--“जो तुज्ज सामी मज्झ वि सो चेव ।”

तओ गहिऊण वीर-दुगं पि गओ सट्ठाणं सुद्दगो त्ति, ता महाभाग ! चुण्णयदाणोवयारं मण्णमाणेण दुग्गुल्लुय-कज्जे नियजीवियं परिचत्तं चुण्णुल्लएण । तए पुण जीवियं दिण्णं । अओ मह पाणा वि तुहायत्ता किं पुण दीणार-लक्खो । जइ न गिण्हसि तो आजम्मं पि नत्थि मे मण-निव्वुई ।” एवं भणिऊण ठिओ परिव्वायगो । चंदणेण भणियं--“जइ एस ते निच्छओ तो इमिणा दविणेण एत्थेव किपि धम्म-कज्जं करोमो ।” तेण भणियं--“जं भे रोयइ ।” पारद्धं तत्थेव रायाणुमईए सिरिसिद्धत्थ-नरिद-नंदण-मंदिरं । निओइयं निय-दविणं पि तत्थेव चंदणेण । निउत्ता सुत्तहाग । पारद्धं कम्मंतरं । तओ--

सिहरग्ग-भग्ग-रवि-रह-पसरं पसरंतविमलच्छायं । सयलजणाणंदयरं सज्जण-हिययं व सु-विसालं ॥७०७॥
सुविसाल-[साल]-कलियं समंतओ चेइयाए परिकिखत्तं । थंभ-विणिग्गय-वर-सालिहजियाहि विरायंतं ॥
चित्तलिहिय-मणोरह-हय-नाय-कवि-सरह-सीह-वग्गेहिं । सुय-सारिय-वरहिण-हंस-चक्क-मिहुणेहि सोहंतं ॥
परिमिय-कालेण तओ निम्मवियं मंदिरं परमरम्मं । पवण-पहल्लिर-धयवड-निम्मलमाला विरायंतं ॥७१०॥
सुरत्तमिय-पाय-पंकयमसेस-जंतुयण-हियकरं सोमं । पच्चक्खं पिव पुण्णं तिहुयण-वित्थरिय-जस-निवहं ॥
सासय-सिव-सुह-फलयं दंसणं-बरणाण-गुरुमूलं । आयंब-पाणि-पल्लव-मउ व्व-कप्प-दुम-सारिच्छं ॥७१२॥
संसार-सरोवर-पाव-पंकबुडुं जणं समुद्धरिउं । मोत्तूण संग-सोक्खं अवइण्णं परहियट्ठाए ॥७१३॥

सीहासणोवविट्ठं पलंब-वाहुं विसालवर-वत्थं । छत्तत्तय-चामर-जुयं तिहुयण-सिरि-सेवियं-परमं ॥७१४॥
मज्झम्मि तस्स जगबंधवस्स वीरस्स कारियं विंबं । नियमाण-वण्ण-कलियं कंतं संतं विसालच्छि ॥७१५॥

तओ काराविओ अट्टदिणाणि महामहूसओ । समाहूओ मणिरहकुमारो । भणिओ पणय-पुरस्सरं चंदणं परि-
वायगेहि—“कुमार ! रायरक्खियाणि भवति सव्वाणि धम्मट्टाणाणि । कारवणाओ पालणं पहाणयरं वयंति विधक्खणा ।
तुमं पि एत्थ गोट्टिओ । तहा कायव्वं, अहा बड्डमाण-पूयं हवइ इमं जिणसंदिरे ।” पडिक्खणमिभं कुमारेण ।
दिण्णं पूयानिमित्तं जिणसंदिरे गाम-दुगं । भणिओ य पणय-पुरस्सरं परिक्खायगो कुमारेण—“तुमं मह जीविय-दायगो
गुरु थ ता एत्थेव ठियव्वं ।” पडिक्खणं परिक्खायगेण । ठिओ तत्थेव । वीलीणो कौवि कालो ।

अण्णम्मि दिणे भणिओ परिक्खायगो चंदणेण—“भयवं वच्चांमि अहं स-नगरं ।” परिक्खायगेण भणियं—“सिट्ठि-सुय !
एत्तो कइवय-जोयणाणि इओ-तओ-विधरंत-तक्कर-विदर-दुग्गमं कंतारं । सुसत्थेण गंतव्वं ।” ईसि हसिऊण जणियं
चंदणेण—“अवहरियं मे भयं दावानलेण ।” परिक्खायगेण भणियं—“कहं चिय ?” साहिओ तेण सव्वो वि दाह-वुत्तंतो
जं पुण किपि सारधणमासि तमेत्थ धम्मट्टाणे निओइयं । संपयं वर-मुणि व्व निगंयो अहयं । कि करिस्संति तक्करा ।” तं
सुणिय संमुप्पण-खेएण जणियं परिक्खायगेण—“चंदण ! अत्थि इओ कोस-दुगावक्षाणे ईसाण-कोणे कायवरं नामकाणणं ।
तस्स मज्झ-भाए कयंवं-मुह-जक्खाययणं । तस्स वि पच्छिम-भाए दाहिणसाहाओ धरणिथल-पविट्ट-महल्ल-पीय-रस-पारोहो
पलास-पायवो । जइ सत्थं पमाणं तो महल्लेण सुक्खण-निहाणेण होयव्वं । जओ भणियं सत्थे—

खीर-रहियस्स तरुणो पारोहो न घण-वज्जिओ होइ । छायंभवूरि तत्थ य विल्ल-पलासेसु पुण नियमा ॥७१६॥
थूलम्मि होइ पउरं तणए तणयं घणं परोहम्मि । पउरम्मि जलइ धरणी रयणीए उण्हया थोवा ॥७१७॥
विद्धम्मि परोहम्मो रत्तरसो खरइ तो भणिइ रयणा । अह खीरातो रूपं पीयम्मि पुणो भवे कणग ॥७१८॥
जावइओ पारोहो उवरि उद्धत्तणेण तावइओ । हेट्ठो वि खणियमेत्ते होइ निहाणं न संदेहो ॥७१९॥
उवरितणुओ हेट्टा पिहूलो जो पायवो हवइ । कह वि सो निहिपत्तो भण्णइ अप्पत्ता होइ विवरीओ ॥७२०॥

ता जइ अत्थि ते साहसं तो यहिऊण पूओवगरणं, गंतूण रयणीए दो वि जणा, काऊण बलि-विहाणं, गिण्हामो
निहाणयं ।” चंदणेण भणियं—“जमाइसइ भयवं, तत्थ मज्जो इमो जणो ।”

तओ समागया काल-चउहसी । वीलीणो पडमपहरो रयणीए । गया चंदण-परिक्खायगा कयंबतरुज्जाणं ।
पूइओ पलासपायवो । पक्खित्तो समंतओ बली । पूइयं पुप्फाइहि निहाणट्टाणं । आलिहियं मंडलं, काऊण रक्खा-
विहाणं । भणिओ चंदणो—“खणसु निस्संको ।” धरिया धारणा परिक्खायगेण । जाव थोवं खणेइ, ताव निग्गओ
फारफुंकार-भासुरो । वयण-कुहर-पधिसंत-नीहरंत-तरलतर-जीहा-जुयलो, काल-विगराल-गरुय-फडा-कडप्प-दुप्पेच्छो,
कायरजण-जणिय-महाभओ भूयंगमो । सभारूढो सरसरस्स चंदण-सिरे दिट्ठो परिक्खायगेण । काऊण मुह-बंधं उवसामिओ ।
पुणो वि खणिउमाहत्तो चंदणो । घट्टियं निहाणं कुसाए ।

एत्थंतरे भवियव्वयाणिओगेण पम्हट्ठं मंत-पयं । परिक्खायगस्स ल्हिऊण छिट्ठं समागओ कयंबमूहो । गयंगणएण
तज्जिओ तेण परिक्खायगो । भणिओ—“रे पाव-पाव परिक्खायग ! मह पूयं अकाऊण निहाणं खणावितस्स समागया
अज्ज काल-रधणी । रे चंदण ! मोत्तूण वणिय-ववहारं सुहेयाएण अत्थाभमभभिलसंतस्स तुज्ज वि समागओ मच्चू ।”
एवं भणिऊण उम्मूलितो काणणमहीरुहे, संवट्टितं तणवल्लि-सक्कराइयं, रेणु-निरुद्धंवरं निरुद्विओ पयंड-वधणो ।
उक्खित्तो तेण परिक्खायगो । पक्खित्तो पच्छिम-उम्हो । अट्टज्जाणेण सरिऊण संमुप्पणो वाणमंतरं । चंदणो वि
उक्खिविऊण नीओ दुवालस-जोयणाणि । पक्खित्तो दुरुत्तरे तमंधयारे जलरहिय-जिण्णावडे । ठिओ खणमेत्तं मुच्छा-
विहलंवल्लो । लद्ध-वेधणो पुव्वपडिएण हरिसंणाभिहाणेण वणिय-तणएण भणिओ “को तुमं ? केण वा पक्खित्तं

एत्थावडे ?” तेण भणियं—“कुलसंभवो चंदणो नाम । निहाणं खणंती ज्वखेपेह पक्खित्ती । तुमं पि साहेसु निम वड्ढरं ।” तेण भणियं—“मज्झ वि एस वड्ढरो । परं भवियव्वयानिओएण पडियमेत्ती चेव गहिओ पाएसु अयगरेण । ताव गिलिओ जाव कडियडनिबद्धाए अस्सिपुत्तिथाए मंदीकाओ गसणपसरं अयगरस्स । ता महाभाग ! अत्थमिओ मह जीवलंगो । खणमेत्तं जीवियं । तए पुण नियपाणा पयत्तेण रक्खिधव्वा । तं सुणिय समुप्पण्ण-कारुण्णेण परामुत्तिऊण पहाओ मुट्ठिप्पहारेणमुहपएसं अयगरो चंदणेण । न वि पि गणेइ । तओ गहिऊण पुच्छप्पएसं विहुणिओ तह वि न मुयइ । भणियं चंदणेण—“भो कयंत-दूठ व्व एस आवेसमावण्णो । न मुयइ भवंतं । सुमरेसु इट्ठ-देवयं । करेसु परलो-संबलं । भावेसु सव्व-सत्तेसु मेत्ताभावं, विसेसओ इम्मि अयगरम्मि ।” तेण भणियं—“एसो दुग्घा वावायंतो वावा-एयव्वो । सेसं जं भणह तं करेमि ।” चंदणेण भणियं—“एवं को गुणो ?” तेण भणियं—“वेरनिज्जाभणं । जओ-न कुणइ पणईण पियं जो पुरिसो विप्पियं च सत्तूणं । कि तस्स जणणि-जोव्वण-विउडणमेत्तेण जम्मणं ॥

एवं भणिऊण सारिया तेण अयगर-वयणे छुरिया । सविसेस-कुट्ठेण गिलिओ अयगरेण समं छुरियाए । अट्ठियाणि मोडयंतस्स तस्स छिण्णाणि अंताणि छुरियाए । परोप्परं वड्ढरद्धा दो वि मरिऊण समुप्पण्णा पढम-मुढवीए सागरोधमा-उणो नारया । तत्तहाविहं वड्ढसं दट्ठूण सविसेसं संवेगमावण्णो चंदणो ।

हृद्धि, अविवेअ-विसेण पाणिणो मरणकाल-समए वि । न मुयंति वेरभावं निबंधणं नारयाईए ॥७२२॥
 सक्खं चिय पेक्खंता जीवा वेराणुबंध-जणियाणि । कम्माणि कडु-विवायाणि तह वि वेरं न मुं चंति ॥७२३॥
 भदं जिण-सासण-सायरस्स सुत्रिवेय-रयण-भरियस्स । समसार-वयण-पीऊस-सालिणो विउल-गहिरस्स ॥७२४॥
 भमिओ अणाइनिहणं, संसारं जीव कम्म-परतंतो । जिणसासण-परिभट्ठो इप्पिह लहिऊण पुण एयं ॥७२५॥
 काऊण समाहाणं पसमरसं भाविऊण सविसेसं । तं कुणसु जेण पुणरवि पावह नो जीवदुक्खाई ॥७२६॥
 जक्खो एस निमित्तं अवडावडणम्मि जीव तुह जाओ । जं सो कम्मायत्तो ता मा कोवं तहिं कुणसु ॥७२७॥
 जं जेण पाविथव्वं सुहं व दुक्खं व एत्थ लोयम्मि । सो तं लहइ अवस्सं निमित्तमेत्तं हवइ अण्णो ॥७२८॥
 सयणेहि समं संगे विसयसुहं दविणजायमारोगं । देहो व जोव्वणं जीवियं च सरयव्वभ-सरिसाई ॥७२९॥
 एवं विचित्तिऊणं तमंघयारम्मि तम्मि अडयम्मि । पुव्वाभिमुहो हाउं वत्थेण य मज्जिथा भूमी ॥७३०॥
 खामेवि सव्वसत्ते सिद्धाणालोयणं च दाऊण । पडिवज्जिऊणमणसण-चउव्विहाहार-निप्फणं ॥७३१॥
 सरिऊण देसविरई छिण्ण-ममत्तो विसुद्ध-परिणामो । एगत्त-भावणाए भाविय-चित्तो महासत्तो ॥७३२॥
 पउमासणं विहेउं विहीए करसंपुडं सिरं काउं । पंच-परमेट्ठिचलणे एवं थोउं समाढत्तो ॥७३३॥
 तिहुयणंसिरि-निलयाणं । सचराचर-जीव-बंधुरुवाणं । नमिमो तित्थयराणं पयडिय-सद्धम्म-तित्थाणं ॥
 लोगगमुवगयाणं जाइ-जरा-मरण-विप्पमुक्काणं । सासय-सुह-कलियाणं नमो नमो सव्व-सिद्धाणं ॥७३५॥
 संसाराडवि-पिहु-पह-पत्थिय-बहु-भविय-पहिय-निवहाणं । वरसत्थाह-सरिच्छाण पणमिमो सूरि-चलणाणं ॥
 सुत्तत्थो-सीसा सेविय-पायाण आयरिय-थाण-जोगाणं । गय-गारवाण चलणे, उवज्झायाणं नमंसामि ॥७३७॥
 दसविह-धम्म-महा-भरवहणुद्धर-कंधराण घीराण । पाए सु-संपाए नमिमो हं सव्वसाहूणं ॥७३८॥
 धण्णो भरह-नरिदो तिणं व चइऊण मेइणीं सव्वं । निकखंतो खायजसो परमपय-पसाहगो जाओ ॥७३९॥
 देविंद-कय-पसंसो सणकुमारो वि जाय-संवेगो । चइऊण छ-खंड-महिं समणो जाओ समिय-पावो ॥७४०॥
 धण्णो दसण्णभट्टो रिद्धि-निमित्तेण चेव पडिबुद्धो । तिहुयण-सलाहणिज्जो परममुणी-थूलभट्टो वि ॥७४१॥
 एवंविहसुह-भावण-भाविय-चित्तो महल्ल-संवेगो । मरिऊण चंदणो सो उववण्णो अच्चए देवो ॥७४२॥

अत्येण होइ दाणं तवो वि सत्तीए तीरए काउं । सीलं पि सत्त-सज्जं साहोणाभावणा लोए ॥ ७४३ ॥
ता भावण-पोएणं धम्मं-सिद्धसण्णिएण विउलेणं । तरह लहुं भवियजणा संसार-महण्णवं सिग्घं ॥७४४॥

एवं परुविए अमिय-सूरिणा दाणाइभेय-भिण्णं चउविहं वि धम्मे परिओसमावण्णाए नरसोहकुधार-धणदेव-
पमुह-परिसाए लद्धावस'राए पुरओ काऊण अणंगसेणानामियं निय-दुहियरं जंपियं लालावइनामियाए विलासिणीए-
“भयवं ! एसा मह दुहिया गरुय-दोहग्ग-दोस-दूसिया कालं गमेइ, किमेत्थ कारणं ?” सूरिणा भणियं—“भदे ! सुणसु ॥”
दुगिलाकहा तत्थ य महासईसईकहा

एसा इओ असंखेज्जइमे भवे महाबलगामे सोमदत्ताभिहाणदुग्गय-माहणस्स दुगिलानाम दुहिया अहेसि । तम्मि
चेव गामे वेयसारो माहणो परिवसइ । सो पुण अईव ईसालुओ । जइ निय-कलत्तं केण वि सद्धि हसंतं वा संलवमाणं
वा पेक्खइ तओ निद्धाडेइ । एवं तेण परिणयतेण निसारयतेण य मित्तमट्टाणे परिणीया भूरि-दक्षिण-पयाणेण सोमदत्त-
माहण-दुहिया दुगिला । भणिया-य सा जणणीए—“पुत्ति ! एस अईव ईसालुओ । ता इमस्स दिट्ठि वंचिज्जसु वयणेहि य
रंजेज्जसु ।” तीए भणियं—“जमाणवेइ माया ।” नीया सा वेयसारेण नियमदिरं । दंसियं पासादोवरि वासभन्नं तत्थ ठिया
कालं गमेइ ।

अण्णम्मि दिणे विहिय-मड-पाउरणा दीउण्ह-नोसासे मुंचतीं सयणिज्जे नुवण्णा दिट्ठा वेयसारेण । पुच्छिया य—“पिये !
कि ते वाहइ ?” तीए भणियं—“अज्जउत्त ! अज्ज पर-पुरिस-दंसण-समुप्पण-तिव्व-सिरवेयणाए न सक्कणीमि अच्छिउं ।”
तओ रंजिओ माहणो माणसे “अहो ! महासई एसा, जीए दंसणेण वि पर-पुरिसस्स सिरो दाहेइ सा कहमकज्जं
काही । कयरक्खणोवाया संपलग्गा सा वेयसारघर-दासे खंदिले ।

अण्णम्मि दिणे वास-भवण-संठिय-वेयसार-समीवे पओयण-वसेण समागओ खंदिलो । गयस्स तस्स अब्भोक्खिओ
मग्गो दुगिल्लाए । वेयसारेण भणियं—“पिए ! कि कयं ?” तीए भणियं—“पर-पुरिस-कंस-दुसिओ मग्गो पक्कित्तीकओ ।
माहणेण भणियं—“पिए ! पुत्त-तुल्लो घर-दामो एस ते, न पर-पुरिसो ।” तीए भणियं—“अज्जउत्त ! जइ वि एवं तह-
वि न मह समीवे तुमं वज्जिय पुरिसेण समागतव्वं ।” हरिसिय-माणसेण तहेव पडिवण्णं माहणेण । सम्माणिया पधर-
वत्थाहरणेहि । वच्चंतेसु वासरेसु जाओ खंदिलेण पुत्तो दुगिलाए । परितुट्ठो वेयसारो । कारावियं महया विछट्ठेण
वद्धावणयं । कयं मासावसाणे नामं ‘वेयगब्भो’ त्ति । विसज्जिया संपूइऊण सुहि-सयणाइया । भणियो य एगंते दुगि-
ल्लाए बंभणो—“अज्जउत्त ! सुयस्स अण्णं धावि निरुवेहि । जइ वि एस पुत्तो, तह वि तुमं मोत्तुण मह सव्वो पर
पुरिसो । अओ न एस मह थणे लगिस्सइ ।” एवं सुणिय हरिस-विसाय-समाउलेण सहाविया वेयमुही नाम नियभइणी ।
वेयसारेण साहिओ सव्वो वि वुत्ततो । तीए भणियं—“वह, दिट्ठा भए, एगम्मि दिणे खंदिलेण सह भू-सण्णाए ववहरंती ।
त्तिसिद्धं चैयं कुलत्रालियाण जेण भणियं; -

मंति बहेरउ चोर खासणउ ।

निट्ठरु वाणियउ, ठवकुरो वि अइवद्धमुट्ठिउ ।

बंभणु हुंतउ जु न पढइ अवियारी सोत्तिउ ।

सिद्वि मं चिदणीएण कज्जु न सिज्जइ तेण ।

कुलवहु भमुहा वंकिणी अट्ट वि हणि लउडेण ॥७४६॥

अइसुद्धी एसा न सोहणा । किण्ण सुयं तए महासइ-सईण चरियं ?” वेयसारेण भणियं—“न सुयं । कहेसु ॥”
तीए भणियं—

महासईसईकहा

अत्थि गंगासागर-समीवे धवलगंगो नाम गामो । गंगाधरो सेट्ठी । गंगा से भारिया ! गोविंदो पुत्तो । गोदावरी
से घरिणी । अण्णया पोत्थय-वाइयागएण सुयं गंगाधर-सेट्ठिणा-‘असुद्ध-संतानदिण्णो पिडो न पियरा पडिच्छंति ।” एवं

सुणिय समागओ सो निय-मंदिरं । कहिओ रहसि घरिणि-सुण्हाणं पोत्थय-वाइयाए परमत्थो । भणिवाओ ताओ पत्थणा-पुब्बं—“तह कहवि वट्टियव्वं भवईहि जहा सुद्ध-संताणो संपज्जइ ।” ताहि भणियं—“एगं ताव अप्पणो चेव अम्हे एयम्मि अत्थे कय-निच्छयाओ । बीयं पुण अज्जउत्त सिक्खावणा । सिक्खाणुरुवं चेव करिस्सामो ।” भणिकुण गयाओ ताओ गहियंतब-भायणाओ गामरत्थंतराणि सल्लेणाभोक्खंतो भमंति । दट्ठूण पर-पुरिसं वत्थंचलेण लोयणाणि पिहंति । जाया सव्वम्मि गामे पसिद्धी । अहो ! सीलपरिपालणज्जमो । अहो ! कुलाणत्तणं । दंसंति पियपुत्ता विसेसेण ताण गोरवं । असंकणिज्जाओ ववहरंति सव्वेसु वि घरपभोयणेसु ।

इओ य तम्मि चेव गामे सूर-सुंदराभिहाणा दीणि जूययथा निवसति । अण्णया गंगासागरोवकंठ-संठिय-नील-कंठदेवपाय-वदणागयाहि ताहि दिट्ठा ते दीवि । निरुविओ साणंदं सूरु गंगाए, सुंदरो गोदावरंए । तेहि वि ताओ । मिलियाओ परोप्परं दिट्ठि-दूइयाओ जायाओ एग-चित्तओ सासुय-वहुयाओ । एवं च तेहि समं पच्छणमच्छंतं ताण समुप्पण्णा पुत्ता । वुद्धिं गया जूययर-संताणा ।

दट्ठूण को वि कत्थवि विसरिस-चरियाइ सासुय-वहूणं । बंधू वा मित्तो वा कहेइ सेट्ठिस्स हिययट्ठा ॥७४७॥
तं सुणिय भणइ सेट्ठी—“कारह मोणं अयाणया तुब्भे । चंदे अत्थि कलकं न उणो मह घरिणि-सुण्हाण ॥७४८॥

अण्णम्मि दिणे भणिओ सेट्ठी गंगाए—“सायर-तित्थं संबरंति तत्थंतरा विडजणा । अम्हेहि पुण तत्थ नीलकंठ-देव-वदणत्थं नियमेण गंतव्वं । ओ परिणय-पुरिसं सहायं निरुवेहि ” । दिण्णो सेट्ठिणा । वच्चंति दिणाणि ।

अण्णया एगम्मि दिणे भणिओ सेट्ठी गंगाए—“अज्जउत्त ! रिउ-ण्हायाए दिट्ठं मए पर-पुरिस-मुहं । ओ समं साडियाहि ण्हाएयव्वं, दायव्वा तिल-लोण-कप्पास-लोहाइ दक्खणा बंभणाण ।” सेट्ठिणा भणियं—“एवं करेहि ।” तहेव ण्हाया, मोक्काल-च्यंत-केसम्म-वत्थंचला, दाउण तिलाइ-दाणं, बंभणाण चलणेसु निवडिया । बंभणेहि भोणयं—“सेट्ठि ! धण्णो तुमं जस्स घरे एयारिसा महासई परिवसइ ।” तओ चेव दिणाओ महासइ-नामं जायं । तुट्ठी सेट्ठी दिण्णो परिओसदाणे हारो । महासईए भणियं च गाए “सीलं चेव मह भूसणं कि हारेण ?” सेट्ठिणा भणियं—“वहूए समप्पेमि ।” समाहया गोयावरं । समप्पिओ सहत्थेण हारो सेट्ठिणा । तीए भणियं—“मोत्तुण ताय-त्तणयं न मे अण्णो पुरिसो कंठराए लगइ, पुरिसो य हारो ।” बंभणेहि भणियं—“अहो ! सत्तत्तणे ठिया एसा । अहिट्ठियं निय-सासुयाए पयं । जायं ‘सइ’ ति, नामं । आणादिया दीणिह वि पइणो । पइदिणं वियरंति अणिवारियप्पसरं ।

अण्णम्मि दिणे राईए भणिया सूरुए—“महासई ! पभाए मम दाहिणहत्थच्छेओ भविस्सइ ।” तीए भणियं—“कि कारण ?” तेण भणियं—“हारिया मए दस दिणांश जूयम्मि । न उण गंठिए रुवओ वि अत्थि ।” तीए भणियं—“न भाइयव्वं नियपइ-हत्थाओ ते दलइस्सामि ।” “तेण भणियं—“कहं ?” “किं तुह वियारेण ? मह पिट्ठओ समागतव्वं ।” लगो तीए पिट्ठओ । समागया निय-घरं । भणिओ सेट्ठी—“अज्जउत्त ! अज्ज पीसण-मयाए भग्गो मए घरट्ठो । कुविओ तस्सामिओ । ‘दस दीणारे वा पयच्छसु करं वा ते छिदामि’ भणंतो पिट्ठओ चेव समागओ ।” दिण्णा सेट्ठिणा दस-दीणारा । गओ जूययरो । अण्णम्मि दिणे सुंदरेण वि भणिया—“सई ! हारिया मए जूयम्मि दुवालस दीणारा । तं निमित्तं मह पायच्छेओ भविस्सइ ।” तीए भणियं—“मह पिट्ठओ समागच्छ, जेण दाहामि निय-पइणो हत्थाओ ।” लगो तयणुमग्गेण । पत्ता सभवंणं सई । दिट्ठो तिय भत्तारो, भणिओ य—“अज्जउत्त ! अज्ज दलणगयाए आसण-निमित्तं सुण-घरमुग्खाडियं । दास-देसमासण्णो भग्गो घडओ । एत्थंतरे समागओ घरसामिओ । ‘दुवालस दीणारा वा देसु चलणं वा ते छिदामि’ भणंतो मम मग्गणुलगो चेव समागओ । दिण्णा तेण वारस वि दीणारा । गओ जुवारो सट्ठाणं ।

अण्णम्मि दिणे गंगासायर-गमण-सहाय-पुरिसस्स दूसलाभिहाणस्स समुप्पण्णा संका—“कहं णु महासई-सई गंगासायर-समीवे न सहाय-मिच्छंति, रयणीए पुण पीसणाइ-मिसेण एगागिणीओ परियडंति ?” नायव्वो मए एस वइयरो । अण्णया अलक्खिओ चेव लगो ताण पिट्ठओ । मुणिओ सव्वोवि वुत्तंतो । समागयाओ पभाए । तओ ताण जाणावणत्थं पढियं दूसलेण—

नियसील-रक्खणट्टा ससहाया भमह वासरे तुब्भे । एगागिणीओ रयणीए वसह जूयार-पासम्मि ॥७४९॥

जाणियमेयाहि जहा भिण्णं रहस्सं गथाओ सूर-सुदराणं पासं । भणिया ते ताहि—‘पलाइज्जउ, संपयं भिण्णं रहस्सं’ । पडिदण्णं तेहि । गहिऊण घरसारं रयणीए गयाओ तेहि सद्धि महासई-सइओ । ता भाया !

अंतो हसंति बाहि हयंति दंसिंति गस्य-अणुरायं । नियकज्ज-कए बहुहा चाडूणि कुणंति रमणीओ ॥७६०॥

विस्सासिंति परजणं विस्सासं अप्पणा न गच्छंति । खणरत्त-खणविरत्ता मूलं विलयाउ दोसाण ॥७५१॥

अण्णं भगंति अण्णं कुणंति अण्णं मणम्मि चित्तिंति । अलिण्ण वि मुद्धजणं महिलाओ पत्तियाविति ॥७५२॥

मा वच्च सुवीसंभं मुद्धकुलीणाण वच्छ महिलाण । विमला वि दीवयं-सिहा कज्जलमइलं घरं कुणइ ॥७५३॥

अओ न वीसंभो कायव्वा समं निरुविवाहं ते इमाए सोलं साहिस्सामि ।

अण्णम्मि दिणे तमंधयाराए राईए समागयाओ दुग्गिलाए जण्णः । दिण्णासणा निसण्णा पुच्छिया जण्णाए—
“पुत्ति ! रजियं ताए माणसं पइस्स ?” ताए भणियं—“आमं !” वियणं णाऊण पुणो भणियं—“पुत्ति ! जण्णां अहं ते । सच्चं साहेज्जमु किमेष ते पुत्तो खंदिलदाससरिच्छो ?” ताए भणियं—“अंब ! अविचारियं रमणीयं ।” ताए भणियं—
“पुत्ति ! एकमेवं, परं नत्थेत्थ कोइ जस्स भएण विचारो न करइ । ता कहेसु जहट्ठियं ।” ताए भणियं—“अत्थि खंदिलस्स वि संभवो ?” जण्णाए भणियं—“हवउ जाया तुमं घरतामिणी ।” गया सा निय-मंदिरं । सुओ अ एसं सक्को वि वुत्तंती पच्छणसमासण्ण-दार-संठियाए वेयसार-भइणीए । साहिओ एगंते वेयसारस्स । समुप्पण्ण-विरागेण चित्तियं तेण—‘सुविणिच्छयं काऊण परिहरामि घरवासं तप्पभिई अप्पणा समं’ निरुवितस्स जाओ पच्चओ ।

तओ विसण्णमाणसो, निव्विण्ण-काम-भोगाभिलासो, गहिऊण भूरिसुदण्णयं अर्वाहंतो चैव निग्गओ घरओ । गओ गाममेगं । दिट्ठो तत्थ गुणधम्मो नाममुणिवरो धम्मदेसणं कुणंतो । गओ तयत्तियं । सोऊण धम्मं संजाय-चरण-परिणामो, काऊण जिणाययणेसु अट्ठाहिया-महिंमं, संपुज्जिऊण सिरिसमणसंधं, दाऊण दंणाणाह-किवण-वर्णा-मग-पंगु-अंध-पमुहाण दाणं, निक्खंतो गुणधम्ममुणिवरसमीवे वेयसारो । अहिज्जओ आगमो, जाओ गंयत्थो, पडिदण्णो एगल्ल-विहारपडिमं । मासकप्पेण विहरंतो समागओ [धवलगंगं नाम नियनगरं] तत्थ भिक्खायारियाए परिइडंतो पविट्ठो तं चैव निय-मंदिरं । दिट्ठो दुग्गिलाए, पच्चभिण्णाओ य । दूमिया माणसे चित्तिउमारद्धा—“कहण्णु नाम एसो वावाए-यव्वो, मा कस्स वि पुरओ मह सोलं पयडिस्सइ” त्ति कुवि[कप्प] समाउलमाणसाए विसेण संजोइऊण दवाविया दासीए हत्थेण भिक्खा । गहिऊण निग्गओ मुणिवरो । गओ सट्ठाणं । अरयहओ भुजंतो चैव चारिओ विसेण । तओ काऊण कालोचियमणसणं, पंचणमुक्कार-परायणो समाहिपतो मरिऊण समुप्पण्णो महासुक्के सक्क-सामाणिओ सुरवरो । दिट्ठं विययप्पाणं मुणि-कडेवरं गामलोएहि लक्खियं जहा-विसप्पओगेण केण वि एसं मारिओ । हा ! हा ! अहो अकज्जं कयं केण वि पाव-कम्मणा । वित्थरिओ पवाओ एसं सक्कम्मि गामे । कुकम्म-करण-समुप्पण्ण-पच्छायावाए कहियं दासीए वेयसार-भइणीए—“अम्मो ! दुग्गिला वयणेण मए इमं कुकम्ममायरियं, हा हयं ! हा हयंमिह मंद-भाइणी ! कहि गया सुज्जिस्स” —ताए भणियं—‘परायत्ता तुमं । अप्पो ते दोसो ।’ गंतूण दुग्गिला-समीवं सकोवं भणिया सा ताए—“पावकम्म-कारिणि ! कवड-ववहारिणि ! जहिच्छाचारिणि ! सुट्ठुजण-विप्पयारिणि ! दुस्साले ! दुक्कुलोणा ! कि सासयं तुह जीवियं जेण ताए अप्पा रिसि-वाइणो निजोइओ ?” ताए भणियं—“नत्थि को इमीए जो अलियवाइणीए जीहाच्छेयं करेज्जा ।” एवं ताण त्सं वयंतीण समागओ तं पएसं दंडवासिओ । नीयाओ तेण दोवि रायउलं ‘सदोसं’ त्ति काऊण कण्णनासं छिदाविऊण निद्धाडिया गामाओ

तओ परियडंती पत्ता गाममेगं । निवसिया सुप्प-देउले । डक्का रयणीए कसिण-भुयंगमेण । अट्टज्जाणोवगया मरिऊण समुप्पण्णा छट्टु-पुढवीए नेरइयत्ताए ।

तओ आउयक्खए उव्वट्टिऊण जाया मायंग-घरे दारिया । कमेण पवड्ढमाणा पत्ता जोव्वणं । परिणीया एणेणं मायंग-दारणण । अणिट्ठा तस्स । धरिया रुदुवरि अण्णा तेणं मायंगए विसं दाऊण मारिया तीए । एसा मरिऊण समुप्पण्णा छट्ठीए चेव । एवं सव्वासु वि नरय-पुड्ढवासु उक्कोस-ठिईएसु दो-दो धारा समुप्पण्णा । तओ जलयर-धलयर-खेयर-समुच्छिम-पुड्ढि-आऊ-तेउ वाउ-वणस्सई सुइरं भमिऊण सावसेसमुणिदह-जणिय-पादकम्मणा तुह घरे दुहियत्ताए समुप्पण्णा । तक्कम्मोदएण अणिट्ठा एसा सयलपुरिसाण । विलासिणीए भणियं—“केवइयं वलं इमाए दोहग्गदोसो भविस्सइ ?” भगवया भणियं—“आवज्जावं” । अण्णया इमिणा वेरग्गेण षड-निवडणेण मरिऊण अरुणदेव-माहण-दुहिया भविस्सइ । वल्लहा अणणि-जणयाण ।

तओ सा सोमसिरि-पदतिणि समीवे सोऊण धम्मं काऊण निककलकं पव्वज्जं मोक्खं गमिस्सइ । एयं सोऊण विम्हिया परिसा । एत्थंतरे धणदेव-मुट्ठिसिय-पुच्छिओ कुमारेण अमिदतेयसूरि—“भयवं ! इमस्स घरिणीं दासहरे पसुत्ता चेव अदहरिया । ता कहेहि केण कि निमित्तं कत्थं का चिट्ठइ ?” सूरिणा भणियं—सुणं,

दिट्ठो एस कयाइ नयरओ निग्गच्छती धणदत्तसेट्ठि-दुहियाए दिणयवईए । समुप्पण्णो तीए इमं पइ सिणेहाणु-बंधो । अब्भत्थणापुव्वं दिण्णा धणदत्त-सेट्ठिणा । पुव्व-कलत्त-सिणेहलंघिएण न पडिच्छिया इमिणा । तओ अत्ताणयं उव्वंघि-ऊण मया दिणयवई । जाया वाणमंतरी । पुव्ववेरं दहमारणीए दासभदणाओ हरिऊण इमस्स घरिणीं पक्खित्ता समुद्-मज्जे । कहकहदि समासाइऊण पुव्व-दिदण्णजाणवत्तफलयं । सत्तमदिणे समुत्तिण्णा नइ-नाहं । दिट्ठा सदुक्खं रुयमाणी कुस-सामिधेय-निमित्तमागयाए वुड्ढ-तावसीए । समासासिया कोमलवयणेहि । पाइया कमंडलु-सलिलं । भुंजाविया कंद-मूल-फलाणि ।

तओ सणियं-सणियं अंगाणि संवाहयतीए पुच्छिया तावसीए—“पुत्ति ! का तुमं ? कहां वा एरिसं महावयं पाविया ?” बाहल्ल-लोयणाए साहिओ तीए सव्वो वि नियवडयरो । तावसीए भणियं—“वच्छे ! चंद-दिवायरणं पि आवयाओ हवति विभंगपुण सेस्पाणिणं । ता न तए विनाओ कायव्वो । “इओ समासण्णतवोवणे गोरीगंधारो नाम कुलवई परिवसइ । सो पुण दुक्खियजण-जणओ वसण-समुट्ठ-निदडिय-पाणिणं नित्थारण-समत्थ-बोहित्थ-कप्पो । ता वदिऊण करेहि जं सो समाइसइ जेण कल्लाणपरंपरा पावेहि ।” तीए भणियं—“जं भयवई समाइसइ ।” गयाओ दुण्णि वि आसमपए । दिट्ठो कुलवई । वदिओ य तेण वि ‘सुहिया होहि’ त्ति दिण्णा आसासा । पुच्छिया तावसी—“का एसा हिमदड्ढ-कमलिणि व्व विच्छाय-अयणा सदुक्खा वि लक्खंयइ ?” कहेओ सव्वो वि वडयरो तावसीए । तओ भणियं कुलवईणा—“वच्छे ! न तए सोगो कायव्वो ।

कैत्तियमेत्तं एयं संसारसमागयाण जीवण । सुलहाओ आवयाओ दुलहा पुण धम्म-पडिवत्ती ॥७५४॥
ता मोत्तूण विसायं सोयं चइऊण दुक्खसयहेउं । कुणसु तुमं धम्ममिणं जेण पुणो लहसि नो दुक्खं ॥७५५॥

‘एदमेयं’ ति भणिऊण ठिया तत्थेव कइवय दिणाणि । अण्णया सत्थेण समं गया तोसलपुरी मिलिया विमलमइ महत्तराए । सोऊण धम्मं पडिदण्णा पव्वज्जं । उप्पाडिय-केवलं नेव्वाणमुवगया ।

तओ वेरग्गमग्गमुन्नाएहि वदिऊण भगवं भणियं धणदेव-काविजल-अरिहदेवेहि—“भयवं ! जरा-मरण-रोग-सोग-वाहि-विहरियं विहुणिऊण संसारदासं इच्छामो देवाणुपियाणमतिए सयल-दुक्ख-सिहरि-सिहर-वज्जासणि-सन्निहं जिण-दिक्खं पडिदज्जितए ।” भयवथा भणियं—“उच्चियमेयं, संसारदास-भिरुयाण निम्मल-विवेय-संगयाण जिण-अयण-सवण-संजाय-निम्मल-बोहाधगयजहट्टिय-दत्थुत्तणं तुम्हासिणाण साहेहं नियसर्माहियं, मा विलबेह ।”

तओ वदिऊण भगवंतं समागया सव्वे वि निधभदणेषु, साहिओ धणदेवाईहि जणयाण निययाभिप्पाओ नाऊण निब्बंधं अनुमणिया तीहि । तओ पाण्डवा जिणाययणेषु सुमहया विच्छड्ढेण अट्टाहिया महिमा । घोसाविया अमारी । भोवाविया काशा-मारगयपाणिणो । पथट्टादियं तिय-चउक्क-चचचरेसु दी-नाणाह-न-पडियाईण दाणं । पूइया साहम्मिया वत्थभोयण-तंबोलाइणा ।

पडिलाहिया साहुणो फामुय-एसणियवत्थ-पत्त-असण-पाण-खाइम-साइमाइणा । दंसैइ धणदेवादओ नरसीहकुमारस्स पदिण्ण-जिणपूयाइयं । गच्छंति तेहि समं सूरिसमीवे । कुणंति धम्मदेसणं आरिया वण्णंति देव-गुरु-धम्मतत्त-सवणपुरस्सरं साहु सावयगुणे । एवं कुणंताण ताण वोलाणा अट्ट वासरा ।

तओ नरसीहकुमारसमक्खं काऊण परमवित्थरेण सयल-संघ-पूर्यं निक्खंता अमियतेयसूरिसमीवे धणदेवादओ । जाया परा समणा । परिपालियविसुद्धचरणा, उप्पाडियव'रकेवलनाणदंसणा, पडिक्खिज्जयसेलेसि निट्टुवियासेसकम्मंसा सिद्धिवसहिमुवगया । नरसीहकुमारो वि हरिसियमणसो चित्तिउमारद्धो-

पुव्वापराविहद्धो सुद्धो तव-च्छेय-कस-पयारेहि । निरुवम-दम-कलिओ जिणधम्मो सुंदरो एसो ॥७५६॥ गयराम-दोस-मोहो, परमप्पा परमरुवसंपण्णो । परहियकरणेक्करओ पसंत-मुत्ती जिणो भयवं ॥७५७॥ सावज्ज-जोग-विरया तिससंगा निम्ममा निरारंभा । परतत्ति-विप्पमुक्का सेयंवर-साहुणो धण्णा ॥७५८॥ विहि-विहिय-देव-जत्ता गुरुयण-भत्ता विसाल-वरचित्ता । उचियपवित्ति-पहाणा विवेगिणो सावगजणा वि ॥ देव-गुरु-धम्म-तत्तेहि संगओ सोहणो इमो धम्मो । सीहकुमारेणेवं पसंसयतेण अणवरय ॥७६०॥ लद्धं अलद्ध-पुव्वं चित्तामणिकाम-घेणु-माहप्यं । सयल-कुसलेक्कमूलं जिणधम्मो बोहिबीयं तु ॥७६१॥

जिणजत्ताइदंसणेण पसंसणेण पुणो-पुणो पोसयंतो कालं गमेइ ।

अण्णम्मि दिणे अत्थानमंडवे सीहासणनिसण्णो विण्णत्तो पडिहारेण राया-“देव ! चंडसेणसमोवाओ समागओ देवदंसणूसुओ दूओ दुवारे चिट्ठइ ।” राइणा भणियं-“लहुं पवेसेहि ।” जविट्टो काऊण पणामं निसण्णो दंसिया-सणे । नरवइ-समणुणाओ जंपिउमारद्धो-“देव ! साहियं मए गंतूण सव्वत्थअपडिहयं तुम्ह सासणं चंडसेणस्स । विसम-बलगव्विएण न पडिदण्णं तेण ।” तं सुणियसमुध्दणकोवानलेण रण-रस-फुरफुरायमाणदाहिण-भुयदंडेण समाइट्टो बलवाउओ नरिदेण-“अरे ! पऊणी करेहि चउरंमं पि बलं ।”अपणा वि निग्गंतूण ठिओ बाहिरुज्जाणे परिवारिओ समा-गंतूण सयल-बलेण । पायवडणागएण विण्णत्तो सीहकुमारेण-“ताय ! को तम्मि समारंभो ? न य बलकलिए वि जंबुए केसरी-कमं सज्जेइ । देह ममाणंति जेण कइवयदिण-मज्जे बंधिऊण तं ताय-वलणेसु पाडेमि ।” राइणा भणियं-“पुत्त ! वालो तुमं । अदिट्ट-समर-संरंभो य मायावी विसमबलगव्विओ य चंडसेणो ।” कुमारेण भणियं-“समर-संरभदंसणे वि एस चेव उवाओ । वि च तुम्ह पायाणभावेण सव्वं सोहणं भविस्सइ ।” नाऊण निच्छयं अणमन्नियं राइणा । रहाण-बल-सहिओ पत्तां तव्विसय-संधि कुमारो । पेसिओ दूओ ! भणिओ तेण चंडसेणो-“सयल नरिद-विद-वदिय-यय-कमलस्स नरकेसरि-महारयस्स देवं वा पडिक्खिज्जमु, देसं वा मुंचसु, जुज्जसज्जो वा भवसु ।”

तओ सोवहासं जंपियं चंडसेणेण-“अरे ! को एस नरकेसरी ?” दूएण तओ भणियं-“कमलवणस्स व न सोहणं तुज्ज संपुण्ण-मंडलं नरकेसरि-चंदं हसंतस्स ।

विहिय-विविहोवयारं पहुं पि पदहसंति केइ कुकुलीणा । पम्हुसिया सामि मुकयाण अहव किल केत्तयं एयं ॥७६२॥ जओ-

जस्सेव पभावुम्मिलियाइं तं चेव हय कयग्घाइं । कुमुयाइं अप्पसंभावियाइं चंदं उवहसंति ॥७६३॥ अप्प-परस्स विसेसं अयाणमाणस्स कुद्धदेवस्स । फरुसाभिभासिणो ननु नट्टा बुद्धी धुवं तुज्ज ॥७६४॥ सोउण दूय-वयणं कोवानल-मिसिर्मिसित-वयणेण । अवलोइऊण खम्मं पर्यपियं चंडसेणेण ॥७६५॥ बुद्धीबलं अप्पबला वयंति कि सत्त-जुत्तस्स करेइ बुद्धी । कि ते कहं नेस सुया कयाइ वंमुंधरेयं जह वीर-भोज्जा । गयघड-विहडण-निवडिय-पोरुसो हरिण-पोअणेण समं । हरिणाहिवो न जुज्जइ तस्स वि य पलायणं जुत्तं ॥

ता रे हूय ! गंतूण भण मह वयणेण कुमार —“अलं ते समर-संकहाए । सरसु सपच्छिमभूभागं ।” साहियं गंतूण । कुविओ कुमारो । सन्नद्धो सबल-वाहणो निग्गओ चंडसेणो । संलग्गमाओहणं । भग्गं कुमारबलेण इयरं । एत्थंतरे तज्जिओ कुमारेण चंडसेणो—“अरे ! जइ अत्थि पोस्सं जाओसि वा नियजणएण ता वलसु ममाभिमुहं । ताहं पलायतेसु पहरामि ।” एयं सुणिऊण कोवारुणनयणो चलिओ कुमारंभिमुहं चंडसेणो । नवपाउसो व्व वरिसिउमाढत्तो सियसर-धोरणीहि हयो कुमार-रह-तुरंगमा । सरविसरधिभिण्ण-हियओ निवडिओ धरणीयले सारही । अद्वयदेण छिदिऊण पाडियं सियावयत्तं । तओ जंपियं दण्णुद्धरकंधरेण चंडसेणेण “कुमार !

अण्णह परिखेलिज्जइ नियघरे डिभमज्जयारम्मि । अण्णह नच्चत्त-कबंध-दारुणे समर-संधट्टे ॥७६८॥
ता जइ वि कण्ण-कडुयं पयंपियं समर-मज्जयारम्मि । तह वि मए तुह खमियं बालस्स अयाणमाणस्स” ॥७६९॥

कुमारेण भणियं—

“जइ कहवि हयानिहया छत्तं छेत्तूण सारही निहओ । कि तेण भौइ पत्तो जओ तह एरिसिओ जेण ॥७७०॥
साहित्ति गुरुय-कज्जाइं सुवुरिसा न उण हरिसिया हूति । तुच्छा तुच्छ वि कए हिट्ठा हियए न मायति ॥७७१॥

‘अवलंबसु संपयं पोस्स’ ति भणंतो गहियासि-खेडओ केसरि-किसोरओ व्व करिकुंभत्थले दाऊण विज्जुवित्त-करिणं समाह्वो चंडसेणरहवरे नरसीह-कुमारो । करवालं उक्खिवंतो चेव पहओ दाहिणभूयामूले कुलिस-कठिणेण मुट्ठिपहारेण चंडसेणो । निवडियं कराओ करवालं । पुणो वि पहओ पिट्ठिए । मुच्छा-विहलंघलो केसेसु कडिडऊण पक्खित्तो धरणीयले । जीवगाहं गहिय संजमिऊण दढबंधणेहि निययरहमारोविओ निययावासं गंतूण मोइऊण बंधणाओ सम्माणिऊण वरवत्थाहरणेहि भणियो कुमारेण—“गम्मउ तायपात्तं ति । तेण भणियं—“जमाइसइ कुमारो । परं किपि विण्णवेमो कुमारं । कीरउ मह पसाओ । पविसेज्जउ नयरं । नियचलणालकियं किज्जउ मह भवणं । पडिच्छिज्जउ-मह विणओ जेण मह मण-निव्वुई होइ ।” उदरोह-सीलयाए पडिवण्णं कुमारेण । पविट्ठो महया विच्छइडेण कयहट्ट-सोहं नयरं । गओ विहिय-मंगलोवयारं चंडसेणरायभदणं । कयमज्जणोवयारो भोयाविओ परमभोयणविहीए । चरमजामे अत्थाण-मंडवे वरसीहासणनिसण्णस्स निव्वत्तिघासेसमंगल-कज्जस्स उवायणीकयं पहाणकरि-तुरय-रयणाइअं । पडिवण्णो भिच्चभावं । कुमारेण वि पसाइकयं नियंग-लगं सव्वपि आहरण-वत्थाइयं चंडसेणस्स । तेण वि कुमार-सतिओ अट्टारससरो भुवणभूसणो नाम हारो पहाणो ति कलिऊण समण्णिओ । कण्णतेउरमहंतयस्स भणियो य सो—“तहा तए कायव्वं जहा सरंभावलं-कंधर-मंडणो होइ ।” “जं सोमी समाइसइ” ति भणिऊण गओ महत्तलो । कयं रायसमाइठं । एत्थंतरे अंतोमुहत्तसेस-वासरे पहाणो पत्थाण-मुहुत्तो ति कलिय स[ह] चंडसेणेण निगंतूण नयराओ वाहिरुज्जाणे ठिओ । पत्थाणे कुमारे जाव खणमेगं परोप्परं संकहालावेण चिट्ठति तादाणुमग्ग-लगो समागओ चंडसेण-भंडारिओ । पणाम-पुरस्सरं भणियो तेण चंडसेणो—“सामि ! जं तुव्वोहि कुमारनिमित्तं मुद्दारयणमाणायं तं कह-कह वि रयणमज्जे निरुव्वयंतेण मए पावियं । तां साहेउ सामी ! कि कीरउ ?”

तओ किरण-नियरकरंविद्यं करतलं गहिऊण भंडारिपकराओ नियकरेण पणयपुव्वं कुमारदाहिणकरमज्जि-मंगुलीए आविड्ढं मुद्दारयणं चंडसेणेण । सुइरं निरुव्विअं कुमारेण—“अहो ! सुंदरं मुद्दारयणं । दिट्ठं कहि पि एयं” ति सविसेसं निरुव्वयंतेण दिट्ठं महाराय-सारापांड-नामविद्यं । ईहापोह-मग्गणं कुणंतस्स समुपण्णं जाई-सरणं कुमारस्स । मुच्छावस-विहलंघलो निवडिओ सीहासणाओ । जाओ सिविरबोहो । सन्नहिउमारदा दोंसु वि बलेसु सामंत-भड-सोइयां । निवारिया पहाण-परियण-पुरिसेहि । कयविहोवयारो स्थावत्थो जाओ खणंतरेण कुमारो । पुच्छिओ चंडसेणेण—“कुमार ! किमेयं मणागमजस-पके अम्हं तुमं वोलिया ?” भणियं कुमारेण—“कत्थ तुमए एयं पावियं मुद्दारयणं ?” तेण भणियं—“ताराउर-निवारिणां तारापीड-तरिंद-नंदणेण तारहारेण पसाएण मह पेसियं ।” जंपियं कुमारेण—“पुव्वभवे तारापीड-वज्जाएण रज्जं कुणंतस्स मह करंगुलीए इमं आसि । दंसियाणि संजायपच्चयेण जंपियं चंडसेणेण—“जइ एवं तौ सट्टाणमुव्वगयं एयं—

जइ वि गृहलहरिकल्लोलपेल्लियं कहवि गिरिनई पत्तं । अणुसरइ मगलमं पुणोवि रयणाधरे रयणं ॥७७२॥

सच्चविओ णेण एस लोयपवाओ । ता सोहणं संजायं जं तुह करे जायमेयं । एवं भणिय जावज्जवि चंडसेणो न विरमइ एत्थंतरे तुरिय-तुरियं ससंभमो समागओ कण्णतेउर-महल्लओ । पणामपुरस्सरं विण्णत्तो तेण चंडसेणो—
“सामि ! रंभावली-कंधरामंडणे कए तम्मि हार-रयणे सहसा चेव वेवंत-सरीरा मुच्छावसा पडिया भद्रासणाओ राय-तणया । पेसिओ हं सामिणिए सुरंभाए सरूव-साहणत्थं तुम्ह सवासि ।” एयं सोऊण निरूवियं कुमारवयणं चंडसेणेण । तेण वि णाऊण तयभिप्यायं विसज्जिओ गओ सभवणं । दिट्ठा तयवत्था रंभावली । सिता सिस्सिरज्जेण, किलिस्ता पवरचंदणेण, वीजिया तालियंटेण । उम्मलियं कह कह वि तीए लोयण-जुयलं । लद्धा चेषणा । कओ आसण-बंधो । पुच्छिया जणणि-जणएहि रंभावली—“पुत्ति ! कि-निबंधणो ते मुच्छागमो ?” बाहजल-भरिय-लोयणाए जंपियमणाए—
“सुणेउ ताओ—

इओ पुव्वभवे ताराउर-नयरे तारापीडराइणो तारप्पहा नाम भारिया अहमहेसि । बांया तारावली । दुण्णि वि सम्मयाओ नरिदस्स । एगम्मि दिणे संवासं पुप्फ-तंबोलाइयं मह वियरइ । बीयम्मि तारावलीए । एवं परोप्परं सिणेह-सारं विसय-सुहमणुहवंताण वच्चइ कालो । अणया वसंत-समए उज्जाणे गओ दिट्ठो राया वाणमंतरीए । वियंभिओ तीए मयणानलो । रयणीए मह रूवं काऊण वसिया समं राइणा । बीय दिणे तारावलीए रूवं रइऊण रमिओ राया । एवं पइदिणं पि करेइ । सा वाणमंतरी कज्जमदुज्जमाणी समुप्पण्ण-मच्छराए सा पइदिणं रायाणं रमेइ त्ति कुवियाहं तारावलीए । एसा वि एवं चेव मह कुविया परोप्परं अणालवभाणण ईसानल-डज्जमाणमाणसाण अणोण्णच्छिद्-दंसण-परायणाण वच्चइ कालो ।

अणम्मि दिणे भणियाहं राइणा—“पिए ! तारप्पहि ! पुव्वि तुम्हाण परोप्परमच्चंतपीई आसि । संपयं पुण विवज्जासो दासइ । किमेत्थ कारणं ?” मए भणिय—“तुमं चेव सयलाणत्थनिबंधणं जो एगरसो होऊण तारावलीमयं सव्वं जयं मण्णेसि ।”

ताओ आयासवरं काऊण राया बीय-दिणे तारावली वि तहेव भणिया । तीए वि तहेव पडिभणियं । राइणा चितियं-जहा पुव्वि संपयं पि तहेव दोण्हं पि सममहं पयट्ठामि । एयाओ पुण विसरिसमुल्लवति । ता को एत्थ परमत्थो । एवं चित्ताउलस्स वच्चति कइवयदिणाणि राइणो ।

अणम्मि दिणे पओयणवसेण गया कहि पि वाणमंतरीए । वुत्थो राया तारावलीए सह । परिणलिया रयणी । समागया वाणमंतरी दिट्ठो राया सह तारावलीए । समुप्पण्ण-कोआनलाए चितियं वाणमंतरीए—“वावाएमि ताव एयं, पच्छा तारप्पहं ।” एवं चितयंतीए तीए उमओ अंसुमाली । उठ्ठिओ राया । गओ सट्ठणं । भुयंगरूवं काऊण इक्का तारावली वाणमंतरीए । मुक्का पाणेहि । वेत्तूण जल-तंबोलाइयं समागया दास-चेडी । दिट्ठा पंचत्तमुवाणया । कओ कोलाहलो । मिलिओ परियणो । समागओ राया । जाणियं जहा विसवियारेण मया । संकिओ राया । पुच्छिया-हमेगते—“कि तए पावकम्ममेयं समागरियं ?” मए भणिय—“न मया ।” तथा वि न पत्तियइ राया । छिण्णो मए सह सिणेहाणुबंधो । संजाया वेसिणी । परिणीया चंदजसराइणो धूया चंदप्पहा नाम । संजाओ तीए सह पेमप्पसरो ।

अणम्मि दिणे तीए सह पसुत्तो दिट्ठो राया वाणमंतरीए । एसा वि तहेव भारिया सो वि कलंको मह चेव निवडिओ । कुवियो राया । समाणत्ताहं निव्विसथा । गया सिस्सिरं नाम नयरं । सा वि वाणमंतरी काऊण मह सरूवं समागया रयणीए रायसमीवं । निव्विच्छया राइणा—“पावे ! जिद्धाडिया वि तुमं कीस समागया ? अवसर दिट्ठियहाओ । न पुणो वि तए मह अप्पा दंसियव्वो ।” संहरिऊण तं रूवं रुवंतरं कयं वाणमंतरीए । विम्हिओ राया । पुच्छिया—“का तुमं ?” तीए भणिय—उज्जाण-देवया । तुह रुवाइ-गुणावज्जिय-भाणसा समागया । राइणा ससंकेण भणिय—“कि पढम-दंसणं उवाहु पुव्वि पि आसि ?” इसि हसिऊण जंपियं तीए “अलं बहु वियारेण ।” जंपियं तीए—“पुरेसु मे मणोरहे ।” रण्णा भणिय—“जइ तुह मए कज्जं ता अहडियं साहेसु ।” साहिओ तीए सव्वोवि पुव्व-

वइयरो । कुवियो राया । दिण्णा कोव-करालां करवाले दिट्ठी । भय-वेविर-सरीरा । पण्डा बाणमंतरी । संजाय-सिणेहेण मज्झाणयणाय निउत्ता पुरिसा राइणा । पत्ता रायपुरिसा सिरिउरे । आणिया सबहुमाणं । दिट्ठी राया । सिणेहसारं करे गहिऊण निवेसिधा सीहासणे । भणिया—“देवि ! खमसु जं मए अयाणमाणेण कुवियप्पवसओ खर-फरुसं भणिया निट्ठाडिधा य ।” साहिओं सव्वो वि वंतरी-वुत्तो । तओ अदिट्ठ-विद्योणं सिणेहसारं मए सह विसय-सुहमणुहवंतस्स वच्चइ कालो ।

अणया समुप्पन्नो मे पुत्तो तारहारो नाम । तस्स य जम्म-दिणे राइणा वत्तो मह एस हारो । कमेण पत्तो जोव्वणं । परिणाविओ विसुद्ध-रायवंस-संभवं कन्नयं । दाऊण तस्स रज्जं वणवासं गओ राया । धरिज्जमाणी वि मंतिसामंतोहि अहं पि रायाणमेशाणुगया । परिपालिऊण तावस-वयं उवरओ राया । जइ पत्थियं पि पाविज्जइ इमस्स वा तावस-अयस्स फलं अत्थि तो जम्मंतरे वि एसो चेव महं पई हवेव्वं न्ति भणिऊण तेणेव सह पविट्ठा हुयासणे । समुप्पण्णा भरिऊण तुह दुहिधा । दट्ठूण एयं हाररयणं ‘पुव्व-अरिचियं’ त्ति, काऊण समुप्पण्ण-मुच्छाए पुव्वजाई-सरिया । ता कहं सो मए जाणियव्वो ?” जणएण भणियं—“पुत्ति ! न एस खओ कायव्वो । जओ—“एस चेव कुमारो तुह जम्मंतर-भत्ता । ता तस्स चेव तुमं विथरिस्सामि ।” साहिओं कुमारजाई-सरण-वइयरो । एवं समासासिय गओ कुमारसमीवे चंडसेणो । पणमिऊण निसण्णो उच्चिदासणे । पुच्छिओ कुमारेण—“कुसलं ते दुहिधाए ?” तेण भणियं—“कुमार ! तुहायत्तं तीए कुसलं ।” साहिओं सव्वो वि वइयरो । पणयपुव्वं भणियो कुमारो—“वत्तो तए एयं हार-रयणं समासाइयं ?” कुमारेण भणियं—“तारहार-राइणा तायस्स उवायणी कयं ताएण पुण महं समप्पियं ।” चंडसेणेण भणियं—“जइ एवं तो अंगीकरेसु पुव्व-भव-पगइणी ।” समुप्पण्ण-गुरु-सिणेहेण लज्जावसंमथरं भणियो चंडसेणो—“सज्जो हं तुह वयण-करणे । परं जणणि-जणयायत्तो एस वइयरो ।” हरिसिओ चंडसेणो । कहिओ कुमाराभिप्याओ रंभावलीए । समागया रयणी । पेसिया रंभावलीए सहत्थगुत्थं पंवर-पुप्फ-भालं पंच-सोमधियं तंबोलं पहाण-विलेखणं गहाय सूहविया नाम निददासी । पत्ता कुमारसगासं । काऊण पणामं निसण्णा दंसियासणे । मोत्तूण कुमारचलण-पुरओ पाहुडं जपियं सूहवियाए—“कुमार ! एसो रंभावलीए उवयारो । कुमारेण वि विलित्तो अप्पा विलेखणेण बद्धा केसेसु पुप्फमाला । सम्माणियं तंबोलं । भणियं सोवयारं—“कुसलं ते सामिणीए ?” तीए भणियं—“तुम्हाण पाय-पसाएण कुसलं भविस्सइ । तओ सम्माणिऊण विसज्जिया दासी । गया सट्ठाणं । विट्ठा दुवारदेसोभिमुहा-निहित्त-लोल-लोयणा रंभावली । पणमिऊण साहिओं सूहवियाए सव्वो वि वइयरो । समूससिया चित्तेण रंभावली । जपियं सूहवियाए—“सामिणी ! जइ न विही विबंधगो तो संपण्णं चिय लक्खोथइ कुमारगोरव-वंसणाओ सामिणी-समीहियं । दाऊण सहत्थ-तंबोलं विसज्जिया सूहविया । कुमारमेशाणुचितियंतीए कहं कहं वि बोलोणा जामिणी रंभावलीए । पभाए समागओ कुमारो । पेसिओ नारायणो नाम बंधणो । पडिहार-निवेइओ, पविट्ठो कण्णतेउरे । साहिओं सूहवियाए संबंधो । हरिसिया रायतणया । उट्टिया पल्लंकाओ । दिण्णं सहत्थेण महत्तमासणं । निसण्णो नारायणो । काऊण पणामं ‘हियइच्छिवरं लभसु’ त्ति लज्जासीसा निसण्णा समुचियासणे । पूईओ वत्थाहरण-पुप्फ-तंबोलाईहि नारायणो । निरुविधा समंतओ तेण रंभावली । लक्खणा चेव उट्टिओ माहणो । गओ सट्ठाणं । वाहाविल-लोयणा विमुक्क-दीहुण्ह-नीसासा, नुव्वणा पल्लंके रंभावली । पुच्छिमा सूहवियाए—“सामिणि ! किं-निमित्तं तुमं उव्विग्गा विय लक्खियसि ?” तीए भणियं—“हला ! न चित्ते चडियाहं बंधणस्स जं सो मं निरुविय अकय-संलावो लहुं चेव निग्गओ ।” सूहवियाए भणियं—“सामिणि ! समुह-गंभीराणि पुरिस-हिययाणि भवंति, न नज्जंति अम्हारिसज्जेहि । थिरा भवसु । पेच्छामो पज्जंतं ।”

इओ गओ सो माहणो कुमार-समीवं । निसण्णो समुचियासणे । पुच्छिओ कुमारेण “विट्ठा तए कण्णया ?” तेण भणियं—“आमं ।” कुमारेण भणियं—“संखेवेण भणसु केरिसा ह्वेण ?” माहणेण भणियं—

सा गुरुनियंबवरसोणिमंडला तिवलिकलियकिस-मज्झा । रंभाथंभसमोह करिकुंभ-पओहरा गोरा ॥७७३॥
दीहरविलोलनयणा सियदसण-विरायमाण मुह-इंदो । विणयगुणसंपउत्तो रइ व्व रहिया अणंणेण ॥७७४॥

दाऊण तंबोलं विसज्जिओ बंभणो । सदाविओ चंडसेणो भणियो कुमारेण—“यम्मउ तायपायते ।” तेण भणियं—
“रंभावली-विसए कि कायचवं ?” कुमारेण भणियं—“नन पुक्वमेव साहियं गुरुधण-पराहीणत्तणं ।” जपियं चंडसेणेण
वेवमिणं कारणं । जओ—

पइणो मणं जइ वसेइ वल्लहा कह वि पुण्णजोएण । मूलमिणं सेसं पुण डाल-समं जणणि-जणयाई ॥७७५॥
जइ रमइ तुज्ज चित्तं इमीए बालाए कुमर ! ता भणसु । जेणागच्छइ एसा मया समं रायपासम्मि ॥७७६॥

कुमारेण भणियं—“समागच्छउ दाऊण सामगीं समं रंभावलीए ।” समागओ चंडसेणो कुमारसमीवं । दिण्णं
पच्छाहुत्तं पयाणयं । कमेण वहंता समागया वरिदारकोसं नाम नयरं । आवासिआ नयर-बाहिरियाए । इओ य
रासहरोविओ, सिरि-धरिय-छित्तरायवत्तो, मसि-दिलित्त-मत्तो, कंधरा-रोविध-सरावमालो, नयरारक्खिय-पुरिस-परिवेदिओ,
मग्गाणुलग-बहुदाल-वाय-कोलाहलो, दसदिसि-धिदिण्ण-चलंत-तार-बाराल-लंयणो, वज्जंत-विरस-डिडिमो, वज्ज-ट्टाणं
निज्जभाणो, दिट्ठो जोगसारो नामपरिव्वायगो । कुमारेण समुपपण्ण-वरुणारसेण मोयाविओ । आणाविओ य निध-
सिबिरे । सम्माणिओ पहाण-भोगणाईहि । सुहनिसण्णो पुच्छिओ कुमारेण—“महाभाग ! को एस वइयरो ? जेण परिचत्त-
सयलसंगस्स तुज्ज दि आदधा समागया ?” दीहुण्हं नोससिऊण जपियं तेण—“कुमार ! अकहणिज्जं पि कहिज्जइ
जीविय-दायगस्स भवओ नियदुच्चरियं । सुणेउ सावहाणो कुमारो ।”

अत्थि मलय-विसए सुतोसं नाम नयरं । तत्थ खंदिलो नाम बंभणो परिवसइ । तस्स पुत्तो सोमिलो अहयं ।
अहणया दारिद-निव्वेएण गहियं जोगगवमपरिव्वायग-समीवे दधमेयं । सिक्खिया वहवे मंततता । सिद्धं अहेस्सीकरण-
मंजणं । उवरओ मे गुरु । अहं पि चोरिपामरण-परायणो मज्ज-पसंगी विस-कटओ व्व अणावमारहेऊ वम्मभरणोल्लिओ
गयवरो व्व निरकुसो जहिच्छं वियरिउमारदो । अंजणबलेण रायतेउरेसु संचरामि । सेट्ठि-सत्थधाह-माहण-कलत्ताणि
वि न मुयामि ।

अणया विण्णाओ राइणा अतेउरे संचरतो । पारदो मारेउं । संनिहियंजण-अंजिया-लोयणो अदंसणो जाओ
मरणभय-भोओ मलयं मोत्तुण इहागओ । ठिओ कइवय डिणाणि सवयसमाधारेण । पच्छा, धी-दुब्बलत्तणओ पुव्व-
पवाहेणेव ववहरिउमारदो । अज्ज पुण पविट्ठो मंति-मंदिरं । मुणिओ मंतिणा जह एस कोइ अंजणसिद्धो मह कलत्तेसु
अभिरमइ ।

तओ वासभेवण-दुवारं पिहियं-काराविओ बहुलधूमो । गलियं तेण लोयणेहितो अंजणं । जाओ सखुवत्थो गहियो
अमच्च-पुरिसेहि । बद्धो निविड-बंधणेहि । विडंबिऊण विविध-विडंबणाहि वज्ज-टाणं निज्जंतो दिट्ठो कुमारेण मोयाविओ
य । ता एसा दुज्जम्म-जायस्स मह वइयरो । असुओ चेक् सोहंणो । बहु-कूड-कवड-भरिओ-पावो परमपह-दूसंगो अहयं
वेस-विरुद्धायारो इदिय-वसणो परिवडापि ।

उवयरियं नहु गणियं वूढासुहिणो खलीकया मित्ता । तं नत्थि एत्थ पावं जं न कयं मज्ज पिडेण ॥७७७॥

कुमारेण भणियं—अज्ज ! धण्णो तुमं जस्स नियदोस-दंसणे सज्जं लोयण-जुदलं । जओ—

परदोस-दंसणे वित्थरंति लोयाण लोयणसहस्सा । नियदोस-दंसणे दो वि लोयणा ते वि जच्चंधा ॥७७८॥

नियदोसा दोसमईए जाण दोसेहि ते वि रच्चंति । गहिया गुणाभिमाणेण जेहि दोसा नमो ताण ॥७७९॥

परिहरसु संपइ कुकम्ममेयं जेण उभय-भवेसु वि कल्लाण-परंपरा भायणं भवसि । भणियं परिव्वायमेण—
“जं कुमारो भणइ तं करेमि । अण्णं च पत्थणापुव्वं भणसि-न तए अहं अवमाणियवो । जओ—

“गुह तुमं जीवियधम्मोवएसदाणाओ । ता गिण्हसु पडिय-सिद्धं गारुडं अट्टिस्सकरणमंजणं च । जेणाहं निव्वुय हिइओ जोग-सुद्धिं करेमि ।” नाऊण निच्छयं पडिवण्णं कुमारेण । दुगं पि दाऊण गओ परिव्वाधगो । जायं चंडसेणस्स सरीरकरणं । अओ ठिओ तत्थेव कुमारे ।

इओ य तम्मि चेव नदरे परधणमुसणो नाम माहणो परिवसइ । मुसिओ य अणेग-कूड-कवड-करणेहि तेण नयर-लोओ । न को वि विससासं गच्छइ । तओ चितियधणेण विवाहसामग्गीए समागयं मुसेमि केणइ उवाएणं चंडसेण-राधाणं । काऊण सत्थवाह्वेसं गहिऊण पवर-पाहुडं गओ चंडसेणसिबिरं । निच्छो दोवारिएण भणिओ य-“सत्थवाह ! अपडु-सरीरो राधा संपयं पुणो वि समागतव्वं ।” तेण भणियं-“भंडारियं दट्टुमिच्छामि ।” साहियं सख्वं भंडारियस्स । तेण भणियं-“लहुं पवेसेहि ।” पवेसिओ । समपियं पाहुडं । ठिया परोप्परं कहालावेण खणमेगं । लोहहुओ भंडारिओ सख्वेण । भणियं तेण-“सत्थवाह ! पइदिणमागतव्वं ।” तेण भणियं-“कि चंदोवएणवभत्थियाणि विधसंति कुमुयाणि ?” गओ सघरं । बीयदियहे पुणोवि समागओ समपियं पाहुडं । संजाओ ताण कित्तिम सिणेहो । पडिवण्णो भंडारिणा सो भाया ।

अणम्मि दिणे निमंतिओ नियघरे सत्थवाहेण भंडारिओ । भोगाविओ साघरं । सम्भाणिओ वत्थाईहि । पधट्टे परोप्परं कहालावे पयपियं भंडारिएण-“वयंस ! केरिसो भे नित्थरणोवाओ ?” तेण वि तक्खणा चेव तस्समकखं गहिऊण तुंबयाओ कित्तिम-रसं विलिपिऊण तेण लोहखंडमेगं चुल्लीए पक्खित्तं । जालिओ जलणो । खणंतरेण कडिइयं पुव्व-पक्खित्तं तप्पमाणमेव सुवण्ण-खंडं । दंसियं भंडारियस्स । भणिओ-“एस मे नित्थरणोवाओ । परं निव्विण्णोहं संपयमिमस्स । जइ कोड दीणारे देइ ता तस्सेव पयच्छामि रस-तुंबयं ।” तेण भणियं-“वयंस ! अत्थि णो वयं सतिथणेण दीणारा परं राधाणं पुच्छिऊण जहाददियं गहिस्सामि ।” तहेव पुच्छिओ । राइणा भणियं-“अवयकालक्खेवं दाऊण दीणारे गिण्हं रस-तुंबयं ।” भणिओ गंतूण तेण वंभणो-“वयंस ! पडिवण्णमिणं राइणा । देमि दस-लक्खे दीणाराण ।” वंभणेण भणियं-“वयंस ! दुज्जणो जणो । जइ वहवि एस वइयरो लोए पयडो भवइ तो मह जीविए वि संसओ । अओ जया चेव तुम्हाण रथणीए पयाणयं होइ तथा चेव दीणारा मह घरे घत्तियव्वा, रस-तुंबयं गहेयव्वं ।” तहेव पडिवण्णं भंडारिएण समागया गमण-रथणी । कुमारवयणेण पारद्धो गमणोवककमो । भरिऊण कमेलए दीणाराण गओ भंडारिओ माहण-मंदिरं । पुंजी-कया एमंते दीणारा । गहिऊण तुंबयं गओ निधसत्थं । संजायं पयाणयं । तेण वि पुव्व-खणिए अंधकूवए पक्खित्ता दीणारा । दिण्णो अगो निधमदिरे । अट्ट-पलित्ते कओ कोलाहलो । मिलिथा नयरलोया विज्जवताण चेव ताण दइडं घरं । गंतूण नयर-बीय-पासे कयं तेण तिणहरं । चिट्ठइ अलक्खिओ । इओ य समावासिणसिबिरे भणिओ चंडसेणेण भंडारिओ । करि-तुरय-खाणाइनिमित्तं पाडेसु सुवण्णयं ।” तेण वि रसालिद्धा काऊण लोहकुसुथा पक्खित्ता जलणं । न जायं सुवण्णयं । साहियं नरवइणो । विसण्णो राधा सह भंडारिएण । एत्थंतरे पहया पयाणय-भेरी । सन्नहिउमारद्धा मड-भोइया । दिणत्तो गंतूण चंडसेणेण कुमारे । साहिओ सव्वंवि वंचणा-वइयरो । कुमारेण भणियं-“कि कीरउ संपयं ?” तेण भणियं-गम्मउ पच्छाहुत्तं । गवेसिज्जउ सो धुत्तो । मा कयाइ वलेज्जा दविणज्जयं ।” पडिवण्णं कुमारेण । पुणो वि समागया तत्थ । गओ भंडारिओ दिट्ट-ठाणे । दिट्ठो अग्गिणा दइडो सो पएसी । पुच्छिथा पाडिवेसिया-“कहिं गओ सत्थवाहो ?” आसि धुत्त-वंभणो हुंतो । घरे दइडे कहिं पि गओ न याणामो ।” विलक्ख-अयणो, पडिनियत्तो भंडारिओ । कहियं जहा सुयं चंडसेणस्स । तेण गंतूण कुमारस्स । ईसि हसिऊण जंपियं कुमारेण- ”

अइ लोभेण नासइ चिरसंचिओ वि घरसारो । उज्जेणी वत्थव्वगसुगुत्तमंती इहाहरणं ॥७८०॥

सुगुत्तमंतिकहा-

चंडसेणेण भणियं-“कुमार ! को एस सुगुत्तो जेण लोहेण चिर[संचियं]धणं हारियं ?” कुमारेण भणियं-“मुण, अत्थि अवंतो विसए उज्जेणी नाम नयरी । पडिहयसत्तू राया । सुगुत्तो मंती, अईवलोभवंतो य । इओ य

सावत्थीए नयरीए लोहण-मोहणा दो धुत्ता परिवसति । धुत्तिओ तेहि नगरजणवएसु बहूलोगो । दिट्ठाण वि न कोइ वीसासं गच्छइ । अण्णम्मि दिणे भणिओ लोहणेण मोहणो—“गच्छ तुमं उज्जेणीए मोहेसु केणवि पयारेण नयरलोयं । तओ सुगुत्तमती तत्थ सो महाधणो सुणिज्जइ तं केण वि पयारेण मुंसो ।” गओ मोहणो उज्जेणी । कओ माहण-वेसो । पविट्ठो कंठपमाणे सिप्पासलिले । उडढमुहो वरजावं कुणतो चिट्ठइ । ताव पढमपहरो रयणीए पच्छा पदिरय-पयारे नयरजणे पदिसिऊण नयर, गतूण कडुयावणं, घेतूण मंडगाइयं अहिच्छाए भोतूण सुयइ पहरदुगं जाव तओ उट्टिऊण पुरओ नयरलोयाण जलमधगाहिता तेणेव कमेण चिट्ठइ । एवं पइदिणं कुणतेण आउट्टादिओ सव्वो वि नयर-लोओ पंचंग-पणओ निमतेइ पइघरं भोयणेण । सो पुण एगग-चित्तो दिणयर-बिबाभिमूहदिण-लोयण-जुयलो ईसिसिचलंत-उट्टउडे-पुणो-पुणो अंगुलि-दसगं गणेमाणो न तेसि आसिसं पडिवयणं वा पयच्छइ । जाओ तग्गुणगहणवावाडो सव्वो वि नगरजणो । निसुओ एस वुत्ततो बीयधुत्तेण । चित्तिं तेण—“संपयं ममावसरो ।” कओ तेण बहू-कूड-नाणय-संगहो । भरिया एगा गोणी । कंधाणि कित्तिम-रयणाणि । बाया पुण ताण भरिया । गहिया पहाण-दासेरया । तेसु चडावियाओ गोणीओ । अणवरय-पयाणएहि पत्तो उज्जेणि । दसिओ अप्पा माहणस्स । गहियं अमच्च-घर-सन्निहाणे घरमेगं । ठिओ तत्थ तं दिणं । बीयदिणे गहिऊण पवरवत्थ-जुयलं गओ मतिभयणं लोहणो । काऊण पणामं समपियं वत्थजुयलं । एवं बीय-तइय-दिणे वि तहं वि लोभदोसेण न पुच्छइ अमच्चो, ‘को तुमं? कत्तो वा समागओ?’ एवं तस्स पइदिणं दंसणं कुणंतस्स समइक्कंता कइ वि वासरा । तओ पुच्छिओ अमच्चेण—“को तुमं? कत्तो वा समागओ? वि: निमित्तं वा ममोवयारं करेसि?” तेण भणियं—“अत्थि उत्तरदिसाए सत्तजोयणसयंतारिया मुत्तिमई नाम नयरी । तत्थ नरवम्मो नाम शया । तस्स सुओ अहयं अरियदमणो नाम । उवरए ताए पारिडो दाईएहि भेइया तेहि अमच्च-सामंताइणो । तओ गहिऊण सारभंडारं पलाणोहं रयणीए । अणवरय-पयाणेहि वहतो इहं संपत्तो । कारवेहि महं राइणा सहं दंसणं जेण इत्थेव ओलगासि ।” मतिणा भणियं—“अज्जेवागच्छसु । गहिऊण वत्थ-जुयलाई-पाहुडं गओ नरवइ समंत्तं । काऊण पणामं निसण्णो उच्चियासणे । पुच्छिओ राइणा—“मत्तो! को एस पुरिसो?” मतिणा भणियं—“देव! तुम्हं चलणसेवासमुज्जओ दूरदेसाओ समागओ पहाणरायतणओ ।” राइणा भणियं—“सोहणं वयं । पुणो वि दंसेज्जसु जेण अवलोयं करेमो ।” दाऊण तंबोलं विसज्जिओ सट्टाणं । बीयदिवसे अमच्च-समंत्ते वि न गओ । समागओ घरे ठियस्स चेव अमच्चो । भणिओ अरिदमणो—“एहि रायउलं वच्चम्ह ।” तेण भणियं—“तिव्वा मे सिरवेयणा । न चएमि गंतुं ।” दिण्णं पहाणवत्थ-जुयलं अमच्चस्स । निवडिऊण चलणेसु भणिओ अमच्चो—“तुमं चेव महं सत्तणं एवं साहेज्जहं राइणो । गओ अमच्चो । बीयदिणे वि पुणो वि पडियरणा-निमित्तं समागओ मत्तो । पुच्छिया पउत्तं । तेण भणियं—“अज्ज पुण दाहण-दाहो वियंभओ ।” वत्थजुयलेण पूजिऊण विसज्जिओ । तइय दिणे पुणो वि समागओ । पुच्छिया सरौरवत्ता । तेण भणियं—“अज्ज भोयणरई वि पणट्टा ।” गहिऊण वत्थजुयलं गओ मत्तो । चउत्थदिणे पुणो वि समाएण संभासिओ मतिणा—“कह-कहं वि खलंतवखरं जपियं तेण—“अमच्च! ताथ-तुल्लो सुमं । न संजाया ताव महाशय-सेवा, न वा तुहं चलण-सुस्सुसा । विहिलीकया विहिणा महं मणोरहा हयासेण । समासण्णो संपयं मच्चू मणिज्जइ । ता कारावेसुं परलोय-संबलं, संपाडेहि किपि सुपत्तं जेण निसिरिऊण तत्थ सव्वस्स दक्खिणं पूय-पावं करेमि अत्ताणयं ।” अमच्चेण भणियं—“कि पमाणो?” तेण भणियं—“वियणं करेहि जेण दंसेमि भूविकखेवेण ।” दूरी कओ परियणो मतिणा । दंसियाओ दीणार-रयणभरियाओ अवत्ताओ रजिओ अमच्चो । “अहो! पभूयं दविणजायं तिकोडीए वि न थक्कइ ।” आणाविओ सुयसहिओ निय उवरोहिओ । दंसिओ रायतणयस्स । वणिण्या पत्तगुणा । न भाविओ तस्स अण्णे आणाविया । ते वि न पडिया परिकखाए । एवं पत्त-परंपरं दंसयंतस्स वोलंणो पढम-पहरो । चिरं सुमरिऊण भणियममच्चेण—“अत्थेगं परमपत्तं । अहोमिसं सिप्पाजले आकंठपविट्ठं सयानिरसणं रवि-बिंब-दिण-दंसणं करजावेण आयावेमाणं चिट्ठइ । भणहि तो तं आणेमि । तेण भणियं—“आणेहि । सोहणं तारिसं पत्तं । जओ

ये क्षान्तदान्ताः श्रुतिपूर्णकर्णा जितेन्द्रियाः प्राणिवधास्रिवृत्ताः ।

परिग्रहात् संकुचिताग्रहस्तास्ते ब्राह्मणास्तारयितुं समर्थाः ॥७८१॥

तओ तुरियं मंती दूरे धरियनियपरियणं पायचारेण एगागी चेव गओ सिपयडं । काऊण करयलंजली उक्कुडुवा-
सणो चेव तयभिसुहो । पच्चभिण्णाओ मोहणेण । मोणोपरमं काऊण संभासिओ परमायरेण—“अमच्च ! सागयं ते
वत्तुकामो विय किपि लक्खीयसि ?” अमच्चे[ण] भणियं—“सुट्ठु भे नायं ?” उत्तिण्णो जलाओ मोहणो । काऊण पणामं
लग्गो चलणेसु मंती । विण्णत्तो बंभणो—“भयवं ! नगरं गम्मऊ । तत्थ दूरदेसागओ पच्चासण्ण-मरणो अणुग्गाहिज्जउ
दक्खिणेण एगो रायनंदणो ।” तेण भणियं—“किं मह दक्खिणाए जस्स भोयणेण वि न पओयणं ?” मंतिणा भणियं—
“सुपसिद्धमेयं, परं न सो सुपत्तं विणा दाणं देइ, न य तुह सरिसं तिहुयणे विज्जइ । अओ मह
पत्थणं सहलं करेतेण तस्स य समाहाण-हेउं कायव्वमिणं भवया । पराणुगगह-पहाणो चेव तुम्हारिसाण जम्मो ।”
माहणेण भणियं—“अलंघणिज्जवयणो तुमं । जं भणसिं तं करेमि । पविट्ठा नयरं । दंसिओ मंतिणा तस्स बंभणो । पच्च-
भिण्णाओ । उट्ठिऊण कहं कहं वि लूहिंया निय-केसेहि मोहण-चलणा । दिण्णमासणं कंथं सहत्थेण चलणसोयणं । उग्घाडिय
दुवाराओ, पुरओ धरियाओ अवल्लाओ । काऊण [उयारणा] समप्पियाओ मोहणस्स । “भयवं भूमिदेव ! कयाणि मे
अणेगाणि कुवम्माणि । संपयं तहां करेसुं जहां सव्व-सुद्धीं हवइ ।” धरिया तेण कवड-धारणा । परासुट्ठं निय-करयलेहि तस्स
सरीरं ।” भणिओ य—“सुद्धो तुमं पावभक्खण-मंतेण । अवर्णयं पावं । पाविहसि इमिणो चेव सरीरेण वइकुंठ-सगं । जइ
धम्मो पमाणं तो मरणं पि ते नत्थि ।” भणिऊण उट्ठिओ मोहणो ।

एत्थंतरे कयं लोहणेण सण्णिहाणं अमच्चस्स । वियणे विण्णत्तो पुणो वि तेण मोहणबंभणो । “पुणो वि किपि
पत्थेमि । अत्थि मह सुलोयणा नाम कण्णया । तं परणेउ भयवं ।” तेण भणियं—अमच्च ! “जइ वि तुमं मर्णाओ अहं
पि उवरोहसीलो, न तह वि करणिज्जमेयं तवं चरंताणं कहं कहेसि ?” अमच्चेण भणियं—“पुणो वि सुलहं ते तव-
चरणं । करेउ मह वयणं । भवसु महं जामाऊओ ।” तं पि तेण पडिक्खणं । दिण्णा सुलोयणा । वित्तं संखेवेण पाणिग्गहणं ।
कओ मंतिणा घरजामाऊओ दंसियं नियघरसमासण्णं वासभवणं । भणिओ य—“वच्छ ! मह घरे चिट्ठंतु अवल्लाओ ।
जया ते कज्जं तथा समप्पिस्सामि ।” पडिक्खणं मोहणेण । बीय-दिणे समागओ मंती लोहण-घरं । पुच्छिओ—“केरिसं
सरीरं ? तेण भणियं—“इह लोए चेव फलियं सुपत्तदाणं । पणट्ठा सारो-वेयणा । उवसंतो दाहो । वडिदया भोयणरई ।
उभयभवसुहावहं सुपत्त-दाणं ति सच्चो लोयप्पवाओ ।” धण्णो तुमं” ति भणिऊण गओ मंती ।

अण्णम्मि दिणे भणिओ मोहणेण मंती—“समप्पेहि एगमवल्लं जेण भोयणदाणाइ कीरइ ।” मंतिणा भणियं—“कि
ते अवल्लाए जेण वज्जं तमहं मग्गेयव्वो । “दिण्णो दीणाऱलक्खो । विलसिउमारद्धा दो वि धुत्ता । मासावसाणे पुणो
वि मग्गिओ । दिण्णा दस सहस्सा । इमिणा कमेण नीणिंया तेहिं अमच्चमंदिराओ दोणिं लक्खा ।

अण्णम्मि दिणे लिहिऊण कूडलेहं पेसिओ मोहणेण जोयणमेयं पच्चइय-पुरिसो । उट्ठूल-जंघेण चलिऊण तओ
ठाणाओ समप्पिओ तेण लेहो मोहणस्स । वाइओ तेण नयणसलिलं मुयंतो । पुच्छिओ सुलोयणाए—“अज्जउत्त ! केरिसो
लेहत्थो ?” सगगयक्खरं जंपियं तेण—“पिए ! अपडुसरंरो मे पिया । मह विओय-दुक्खियाए अणवरयं रुयमणीए नीलि-
माए अंतरीयाणि लोवणाणि अणवणीए । सखेयं लिहियं ताएण तुह मोहमोहिशाणं मरंताणं वि नत्थि समाहाणममहाणं ।
ता लहं समागतव्वं” ति एस लेहत्थो ।” तीए वि गंतूण साहियं अमच्चस्स । समागओ मंती । समासासिओ कोमल-
वधणेहि । तेण भणियं—“अगयस्स नत्थि मे मणनिज्जुई । सिग्घं गंतव्वं । समप्पेहि मे ददिण-जायं ।” अमच्चेण भणियं—
“वि : तुह तेण ? वच्चसु दस दीणाऱलक्खे मह सतिए घेतूण पुणो वि समागयस्स तुह सतियं चेव इमं ।” भणियं
मोहणेण—“एवमेयं । परं जणम-सुयाण वि वधहारो साहणो” ति धरिया सुक्खिणो । गहिंया दसं दीणाऱलक्खा । कया
गमण-सामगं । पेसियं पुरओ दविण-जायं । ठिया अण्णणा तत्थेव कइवय-दिणाणि ।

इओ य हरिसियमाणसेण मंतिणा सदादिओ माणिक्क-चट्टो । दंसियाणि रयणाणि—“परीक्खाहिं केत्थियं कहइ
त्ति ।” सुइरं निरुविऊण जंपियं तेण—“कित्तिम-रयणाणि इमणि । न किंचि तहाविहं सहंति” । मंतिणा भणियं—“सम्मं

निरुद्धेहि ।" तेण भणियं—“अण्णस्स वि दंसेहि ।” दंसियाणि । तेण वि तमेव भणियं । विसण्णमाणसेण विसज्जिया ते । हक्कारिओ पारिख्खी । दंसिया नाणय-मोणी । परिख्खऊण भणियं तेण—“कूड-नाणय-भरिया एसा ।” सो वि विसज्जिओ । अण्णेसि दंसिया । तेहि वि तमेव भणियं । चित्तिममच्चेण—“अहो ! मुट्ठो कूड-आमायरेण । गओ मोहणसमोव । सावेसं भणिओ मोहणो—“कित्तिमरयणकूडनाणेहि वंचिओहं तए ।” तेण भणियं—“संतं पावं । कित्तिमाणि वा इयराणि वा कूडाणि वा खराणि वा रयणाणि वा नाहं विद्याणामि । तुह समखं चैव दक्खिणाए लढाणि । बभणो हं परिख्खं न याणेमो को इत्थ मह दोसो ?”

तओ विलक्खवयणो गओ वीय धुत्तसर्भावं । सकोवमुवालढो—“अरे ! अरिदमणरायसुओ होऊण कूडरयण-नाणएहि दक्खिणं देतो अप्पणो वि न लज्जसि ?” तेण भणियं—“ताय ! अहं पि परमत्थं न याणामि । पुव्वपुरिस-संतियमेयं अहं पुण भारवाहगो चैव । अहवा जारिसा दक्खिणा, तारिसो मह धम्मो भविस्सइ किं तुह विद्यारेण ?” विसंबयंतो वारिओ सक्खिणेहि अमच्चो । निग्गया रयणाए सुलोवणं घेत्तूण लोहण-मोहणा । नयरमज्जे सुगुत्तो । ता भो ! एवमइलोहेण सधणं पि परधणं भवइ ।

चंडसेणेण भणियं—“कुमार ! अलं खयक्खार-निक्खेवेण । कुणसु किपि उवायं जेण तुह जसो मह धणं भवइ ।” जपियं कुमारेण—“उज्जमिस्सामि” । ताव आगया रयणी । अविस्स-कारणजणजियतोयणो पविसिऊण नगरं पइ-भवणं भमंतो जणसमुल्लावं [सुणंतो] कमेण य पत्तो परमूसण-माहण-मंदिरं । तओ तत्थ निलुक्को कुमारो पच्छओ भणिओ बभणो बभणीए—“अज्जउत्त ! समागया सुणिज्जति पुणो वि ते रायणो । पउत्त दुज्जणा । विरला सज्जणा । जइ कोइ इहद्वियं भवताण साहिस्सइ तो जीविए वि संसओ ।” माहणेण भणियं—“पिए ! अलं भएण ।” तीए भणियं—“नत्थि भयं, परं साहेसु घरंसारं जेट्ठपुत्तस्स । अणागयं कुणमाणो चैव पुरिसो सलहिज्जइ ।” समाहुओ माहणेण जेट्ठ-पुत्तो । भणिओ य—“जइ कहं वि अचित्तियं मे मरणं भवइ तो जलण-पल्लोविद्य-पढम-वर-मज्जे अंध-कओ । तत्थ दस-दीणार-लक्खा चिट्ठति । ते तुमं गेण्हसु ।” सुयमेयं सव्वं कुमारेण । समागओ सिबिरं । पभाया रयणी । सद्दाविओ चंडसेण-भंडारिओ । पुच्छिओ कुमारेण—“जाणासि तुमं तं सत्थाहमंदिरं ?” तेण भणियं—“जाणामि । केवलं दइहं ।” कुमारेण भणियं—“किं तुह विद्यारेण ? दंसेहि ।” दंसियं । खणावियं सुयपएसे । लद्धं तत्थ सव्वं पि धणं । समागया निधसिबिरं । तुट्ठो चंडसेणो । सभंडारिओ । पुच्छिओ कुमारो—“कहं तए विद्याणियं ?” जपियं कुमारेण—“अलं विद्यारेण ? यम्मउ संपयं ।” पहवा पयाण-भेरी । चलिवा निय-नयराभिम्हं । कमेण वहंता पत्ता पुरिमतालं नाम नयरं । आवासिया बाहिर-ज्जाणे । वयपाणभोयणाण विविह-विणोएण वोल्लोपो वासरो । समागया सव्वरी । काऊण पओस-किच्चं गमिऊण धम्म-विद्यारेण पढमपहरं ठिओ कुमारो पल्लके । एत्थंतरे उच्छलिओ पुरिमतालं अक्कंद-सहो । उट्ठिओ कुमारो । पुच्छिया अंगरक्खया—“कहि एस कोलाहलो ?” पणाम-पुरस्सरं साहियं तेहि जहा-नयरमज्जे । एत्थंतरे पासद्विय-रायपुरिस-संगओ समागओ तं पएसं पइहओ । सोऊण पड[ह]सइ सद्दाविओ दोवारिओ कुमारेण—“पुच्छसु, किं कारणो रयणाए पड[ह]ओ परियडइ ? किं निमित्तं वा इहागओ ?” जमाइसइ कुमारो त्ति भणिऊण निग्गओ । पुच्छिओ तेण एगो रायपुरिसो । तेण भणियं—“केण तुमं पेसिओ ? दोवारिएण भणियं—“नरकेसरी-रायतणणण नरसीह-कुमारेण ।” तेण भणियं—“दंसेहि मज्ज कुमारं जेण साहेमि ।” समागओ तेण समं पडिहारो । कुमाराणुवाओ पविट्ठो । काऊण पणामं निसण्णो दंसियासणे । कुमाराणुणाएण जपियं तेण—“अत्थेत्थ नयरे नीलकंठो नाम राया । नीलपपहा महादेवी । नीलुपपल-दल-तोयणा नीलसुंदरी नाम से दुहिया । सा य पल्लकोअरि विहिय-कुमुम-सत्थरा अहिणव-धियसंत-सरस-सुगंध-मालई-माला-विरइय-केस-पासा सुह-पसुत्ता चैव डक्का गंधलुद्ध-समागय-भुयंगमेण । उट्ठिओ कण्णतेउरे कोलाहलो । समागओ राया । समाहवा सव्वेवि गारुडिया । पज्जाणि तेहि गारुडाणि दिण्णा अगया । वाराविवा कुंभयं । दुज्जणजण व्व सव्वा वि उथयारा निप्फला जाया । तओ दट्ठूण सिबिर-सन्निवेशं मा कथाइ कोइ तत्थ पडियारं करिज्जं त्ति मण्णमाणेण राइणा इहं पि सपडहओ पेसिओ । ता जइ कोइ अत्थेत्थं गारुडिओ सो लहुं पेसिज्जउ । कीरउ नीलकंठ-राइणो पाणपिय-दुहिया-जीवावणेण परिओसो, अप्पणो य बभंडमंडणा पसिडी । कुमारेण भणियं—

“दिट्ठं नज्जइ। अणवसरो एस गमणस्स। तओ काऊण पणामं निमाभ्मे कंचुई। मत्तो नीलकंठ-शयंतियं। साह्मिओ सव्वो वि वइयरो। उट्ठिओ अप्पणा नीलकंठो। गओ कुमारसमीवं। पत्थणापुव्वं आगिओ कुमारो। दंसिया नील-सुंदरी। सुमरियं कुमारेण गारूढं। सुहं-पमुत्त व्वं निदाविरामे उट्ठिया समुम्मालंत-लोयणा शयंदुहिया। हरिसिओ सपरियणो राया। कारावियं महाविच्छड्डेण वद्धावणं। भणिओ सिणेहसारं कुमरो नीलकंठेण “दिण्णं तए नीलसुंदरीए जीवियं। जणिओ अम्हाण परमाणंदो। अण्णस्स वि एसा दायव्वा ता वरं तुह दिण्णा।” कुमारेण भणियं—“गुरुजणायत्तो एस वइयरो।” राइणा भणियं—“सा वि तहिं गच्छउ।” कुमारेण भणियं—“जं भे रोयइ।” बहु-भरिखारिया काऊण सयल-सामग्गि पेसिया नीलकंठेण नीलसुंदरी समं कुमारेण। सुहंसुहेण बहंतो पत्तो शयणपुरं। ठिओ बाहिरुज्जाणे। चलिया पच्चोर्णाए अमच्चसामंताइणो। निग्गया नयरओ कुमारदंसणत्थं पहाणनगरा नरवइसमाएसेण। समागयाणि कुमारशयंतियं मयलपायमूलाणि मिलिओ अण्णो वि पायय-धउरजणो। संभासिया। सव्वे वि जहारिहं कुमारेण सम्माणिया पुप्फ-तंबोलाइणा। इओ य पुच्छिया राइणा जोइसिया कुमारपवेसवासरं। तेहिं वि गणिऊण परोप्परं संवाइयसाहियं “जहा अज्जेव पुण्णा तिहीं। सोहणो वारो, नंदो मुहत्तो, भइं करणं, सुहो चंदो, अण्णूलो गह-गणो। पच्छिमपहरे पविसउ कुमारो।” कयपूजोवयारा विसज्जिया राइणा संवच्छरिया। सदावियो नयरारविखओ। समाणत्तो य—“लहुमेव शयणपुरं नयरं सवाहिरुभंतरं आसित्त-संमज्जिओवलित्त-पइ-भवणं, बद्ध-वंदणमालं, घर-दुवारोभय-पास-पइट्ठिय-पवर-पुण्ण-कलसं, ऊसियसिय-धय-पडायं, मंचाइ-मंच-वालियं, पंचवण्ण-पवरवत्थ-विहिय-हट्टसोहं, पवण-पहोलीरलंबं[त]तारहारवि-राइयं। तिय-चउक्क-चच्च-चउम्मह-महापहेसु विहिय-पंचवण्ण-पुप्फोवयारं कारवेहि।” ‘जमाइसइ मामी’ भणिऊण निग्गओ तलवरो। तहेव काऊण पणाम-पुरस्सरं साहियं नरवईणो। पवेसिओ महाविभूईए संवच्छरिय-समाइट्ट-समए नयरं कुमारो। तहा विविह-मंगलोवयारं शयमंदिरं गंतूण अत्थाणमंडवं निवडिओ कुमारो जणय-चलणेसु। आणंद-जल-भरिय-लोयणेण गहिऊण दोहिं वि करेहिं निवेसिओ उच्छणे। आलिगिओ सिणेहसारं। चुंविओ पुणो-पूणो। पुच्छिओ कुसलोदंतं। तेण भणियं—“तायाणभावेण सव्वत्थ कुसलं।” कुमारेणाणुण्णाओ पणओ चंडसेणो नरवइ चलणेसु। संभासिओ राइणा। सम्माणिओ वत्थाहरणाईहिं। पुच्छिओ कुमारसख्वं। तेण भणियं—“देव ! असाहारणो गुणगणो कुमारस्स कहमम्हारिसिंहिं कहेउं पि तीरइ। जओ—

“अपुव्वं समरसोडीरत्तणं, विबुहजणाणंदयरोवयणविण्णासो, अहनियगंगेयचरिओ सीलसमायारो, सुमराविय सिविचरियं सरणागयवच्छलत्तणं, विस्तारियकण्णचाओ पसाओ, परमपयाणुराओ; विजियमयरद्धओ रूवाइसओ। किं बहुणा फलेणेव महयारस्स कुसुसुग्गमगुणा देवस्स वि अंतरिया गुणगणा कुमारेण।” चितियं राइणा—“धण्णो कुमरो जो सत्तूहिं एवं सलहिज्जइ। अहवाहं धण्णो जस्सेरिसो पुत्ती।” तओ ईसिंहिसऊण जणियं राइणा—“जइ एवं तो अज्जेव वयं कुमारं चेवं तुम्हाण सामियं करेमो।” भणियं मत्तिणा—“देव ! अकयदारसंगहे अदिट्ठे पुत्तमुहे कुमारे न एस मंतो संगओ।” एत्थंतरे काऊण पणामं विण्णत्तो राया चंडसेणेण—“देव ! रंभावली नाम मंह संतिया कण्णया। मए सह एत्थेव समागया। जइ देवस्स रोयइ समुचिया वा ता दिज्जउ कुमरस्स।” बुद्धिसागर-मत्तिणा वि अवसरं लहिऊण भणिओ राया—“देव ! नीलकंठ-राइणा नीलसुंदरी नाम नियदुहिया कुमारेणेव आसीविसविसाओ जममुहाओ व्वं रक्खिया कुमारस्सेव सयंधरा पेसिया एसा।” राइणा भणियं—“कीरउ कल्लाणदुगं पि !” समाहया गणया। निरुविओ परिणयण-वासरो। परिणीयाओ महामहसवेण कुमारेण दो वि कण्णयाओ। दिण्णं जणएहिं निय-धूयाण दाणं। सम्माणिया नरकेसरिराइणा करि-तुरय-वत्थाहरणाईहिं अमच्च-सामंताइणो। पारद्धा देवाययणेसु महामहसवः। पूडज्जंति परम-विणएण गुरवो। दक्खिणिअंति-दक्खिणारिहा। तओ पारद्धं नरवइ-वयणेण पडुपडह-मुइंग-सल्लरि-काहल-भेरि-भागय-टुडुक्क-कंसाल-ताल-सद्द-मुहिलियदियंतं कलकंठ-भायणं नच्चंत-वर-विलासिणीगणं वद्धावणयं। अवि य—

पीणुण्णयथणवट्टुच्छलंत[तार]वरहारं । नच्चंतलडहकामिणिकडवख-अक्खित्त-कामियणं ॥७८२॥
मय-घुम्मिर-वामण-खुज्ज-मडह-कंचुइ-किराय-कयरोलं । जुज्जंत-विसंठुल-वयणदासि-वट्टंत-गुरुबोलं ॥७८३॥

बहु-रयण-सिगियाकय-कुंकुम-रससिञ्चमाण-वरिस[ध]रं पवण-पाण-पमुद्दय-परियण-मंगलायारं ॥७५॥

महया महसवेण आणदिय-पुरिजणं मणभिरामं वित्तं वट्ठावण[यं] । [आ]वासं गओ राया नरसीहराया ।
बिसिज्जिया राइणा चंदसेण-बुद्धिसाररमतिणो । कओ जुवराय-पए कुमारो जम्मंतरावज्जियमुहसहायाण अदिट्टानिट्ठं
विसयसुहमणुहवंताण वच्चंति ताण वासरा ।

अणया जाओ रंभावलीए पुत्तो । नरखीरो त्ति, पइट्टियं नामं । तओ कयत्थमत्ताणयं मणमाणो, काऊण नरसीह-
जुवरायस्स रज्जाभिसंयं वणवासं गओ राया । नरसीहराया वि पणमंताणेण-सामंतमंतिमंडलो नियपोरुस-गुणविणिज्जिया-
खंडलो, पसंत-डिभ-डमरं रज्जे परिपालेइ ।

अणया अत्थाणमंडवे सीहासणवरणओ अमच्च-सामंत-पउरजण-परिवारिओ नरसीह-नरेसरो विणत्तो उज्जाण-
पालय-पुरिसेण-“देव ! अमरसुंदरुज्जाणे अणेयसाहुपरिवुडो विविहाइसय-रयणायरो, उवसमो व्व कयविग्गह-संगहो,
देवयाकय-पाडिहेरो, भव्वयग्गणाणुगहविग्गहो सुदसणो नाम आयरिओ समवसरिओ । एयं सोऊण देवो पमाणं ।” तओ
निरुदियं राइणा अमच्च-वयणं । तेण भणियं-“देव ! गम्मइ भगवओ वंदणवडियाए । जओ दट्टव्वा सिवपुर-पहपत्थियाणेगमरुय-
संसार-कंतार-नित्थारण-समत्थ-सत्थवाह-कप्पा तारिसा पुरिसा ।” ‘एवं हवउ’ त्ति भणंतो उट्टिओ नरसीहराया । सहाविया
रंभावली । चउरंग-बल-समेओ गओ । वदिऊण भगवओ पय-पंकयं निसण्णो उचियासणे । पारद्वो भगवया संसार-सिधु-
समुत्तारण-समत्थ-दढजाणवत्तोवम-जिणुट्टि-धम्मदानपुरस्सरं सजल-जलवाह-गहिर-गज्जिय-खाणुगारिणा, संसय-सयसिहिरि-
दलण-दंभोलिणा, भवियजणमणसिहिसंतोसकारिणा सुस्सर-सरेण धम्मदेसणा । पहविया, संसारसारया, दसिया
किपागफल-भक्खणं व विरसावसाणा विसया, भवविडविमूलभूया कहिया कसाया, सयलाणत्थपरंपराकारणं दसियाइ
आसवदारोइ, पयासियं महामोह-निबंधणं मिच्छंतं । तहा साहियं सम्मत्तं निरुवमसुहमूल-कारणं, वज्जरिओ संसारावडा-
वडिय-माणिगणसमुद्धरणण रज्जुभूओ सण्णाणोवओगो । पयडियं परम-एय-पउणपयवी-कप्पं परम-चारित्तं ।

एत्थंतरे लहिऊण अवसरं जपियं राइणा-“भववं ! नियरुव-विणिज्जिय-मयरद्वयस्स वि परमसोहग्ग-गुणमदिरस्स
वि पयडदीसंत-पवररायलक्खणस्स वि पढमजोव्वणे वट्टमाणस्स वि कि ते निव्वेयकारणं ?” सूरिणा भणियं-“महाराय !
सामण्णेणं जम्मजरामरण-इट्ट-विओगाणिट्ट-संपओग-पउरो संसारो चेव निव्वेय-कारणं बहानं । विसेम-कारणं पुण इमं-
सुवंसणायारिस्स निव्वेयकारणं-

अत्थि जयपयडणुणो भारहवासस्स मज्जखंडम्मि बहुदिवस-वण्णणिज्जो वंगा नामेण देसो त्ति । तत्थ वि य
कंचणपुरं पुराण सव्वाण सेहरसमाणं, पोक्खरणि-वावि-दीहिय-काणण-उज्जाण-सयकलियं, तम्मि य विक्कभवकंत-दुइंत-
सामंत-पणमियपयकमलो चंदसेहरो ना[म] राया । तस्स य अहरिय-हिमवंत-मुया-सोहग्गा पियंकरा नाम महादेवी ।
ताण पुत्तो अहं सुदसणो नाम । बाहत्तरिकला कलिओ विसैसओ विण्णाय-गुडिया-पओगो समं वयंसएहि कीलंतो
चिट्ठामि ।

अणया विअरोए बाल-वसंते, ववगयसिसिर-मारुयसरं, पसरिए ईसिकयदाहे चिराये, समुविभण्णामु चारुचूयमंजरीसु,
भाणिणी-माण-महणपच्चले समुच्छलिए परहुयारावे, वियरंतामंद-मयरंदाभोय[विय]सियदियंतरे, वियलिए वउलामोए
विरहिणियियदारणे, कुसुमिए कणियारवणे, मंदं दोलियलया-मवाइए मलयमारुए, पाडलाकुमुभ-गंध-बुद्ध-मिलंतालि-
वलप-रुणुणाराव-रमणीए काले, आरुहिऊण रहवरं समं वयंसएहि गओ हं रडवल्लहमुज्जाणं । उत्तरिऊण रहवराओ
कीलंतो विविह-कीलाहिं, पेक्खंतो समंतओ उज्जाणसिरिं, पत्तो एगं लयाहरयं । हरिसियमाणसो पविट्ठो तयब्भंतरं । दिट्ठो य
तत्थ पूई-फलपायवे लोह-कीलिओ व्व विभुक्कदीहुण्हं तीसासो सदुक्खं कणंतो पढमजोव्वणे वट्टमाणो एगो पुरिसो । समुपण्ण-
करुणेण सणियं उक्कीलिओ । सो मए सित्तो नलिणदिल-पुडाणिपणिएण । बीजिओ वत्थंचलेण । तओतेण लद्धेयणेण
कडिऊण कोसंतराओ विण्णा वणे संरोहणोसही । जाओ पऊणत्तरीरो । सुहनिमण्णो । पुच्छिओ-“महाभाग ! को एस्स वड्यरो ?”

तेण भणिअं-सुणेउ कुमारी-

अत्थि वेयइद्धनगुत्तरसेढीए सुग्गीवं नाम नयरं । तण्णिवासीं विज्जुवेगो नाम अहं विज्जाहरो । चंदलेहा नाम मे पिया । २इ व्व परमरुव-सालिणी । अण्णया सा दिट्ठा विज्जुदाढविज्जाहरेण । समुप्पण्णाणुराएण मुद्धरं निरुविया । अवहरण-समुप्पण्णबुद्धी छिद्दाणि गवेसिउमारद्धो । अहं पि मुणियतयासओ सया पासट्टियं धरेमि । अज्ज पुण पिययमास-हिओ वेव कीलानिमिसं उज्जाणम्मि समागओ । छिहं लहिऊण तेण विज्जाहरेण एयावत्थं पाविओ । गहिऊण मह महेलं सहेलं सो सनगरं पत्थिओ । अहं पि नित्थारिओ भवया वसणसमुद्दाओ । ता जीवियप्पयाणपरसोवयारी तुमं गिण्ह इमं पढिय-सिद्धं नहयलभाभिणीपण्णत्तिं नाम महाविज्जं जेण मणागं मह निव्वुई होइ । नाऊण तस्स लिब्बंघं गहिया मए । संभासिऊण ममं उप्पइओ गयणे विज्जुवेगो । अहं पि लग्गो तयणुमग्गेण । अट्ठावयसेलसमीवे मिलिओ विज्जुदाढ-वेरियस्स । मत्तमयगला इव पारद्धा जुज्झिउं दो वि जणा ।

एत्थंतरे समागओ विज्जुदाढ-कणिट्ठभाया विज्जुमाली नाम । सो चंदलेहं गहिऊण पलाणो वियइडाभिमुहं । 'हा अज्जउत्त !' ति, कलुणं विलवंतीं दिट्ठा मए चंदलेहा । 'भीरु न भाइयव्वं' ति भणंतो धाइओ हं तयणुमग्गेण । मिलिओ विज्जुमानिस्स । तज्जिओ सो मए--'अरे ! पुरिसाहम ! परकलत्तावहारं काऊण कहि वच्चसि ? पुरिसो भवसु संपथं ।' तं सुणिय वलिओ विज्जुमाली । पारद्धो मए सह जुज्झिउं । खणंतरेण मलिऊण माणं, दलिऊण दप्पं, दढप्पहारं काऊण तमाणीया मए चंदलेहा । जावज्जवि ते तहेव संगामितो चिट्ठति तओ पहओ मए विज्जुदाढो पिट्ठिएसे मुट्ठि-प्पहारेण । मुच्छावस-धुम्मंत-लोयणो पणट्ट-वेयणी पडिओ धरणीतले । खणमेत्तेण गओ निहणं । दिट्ठो अहं विज्जुवेग विज्जाहरेण । संभासिओ सायरं सविम्हयं । जपियं मए--'वयंस ! को एस तडिच्छुडाडोयभासुरो पच्चवक्ख-पुण्णपुंज-सरिसामरमंदिर-नियर-वि'राइओ, वाउद्धय-धवल-धयवडकरेहि हवकारयंतो व्व विसिट्ठजणं गिरिवरो ?' चंदलेहाए भणियं--'एस णं भरहाहिव-भरहपइट्ठाविय-नियवण्ण-पमाण-परियाओ [रि]सभाइचउवीस-जिणेस-विब-पतीकय-उवरिम-विभाओ अट्ठावओ नाम पव्वओ । ता एत्थ गंतूण चेइयवंदणं करेमो । तहेव कयं । चंवंदणावसाणे चंदलेहा एवं धुणिउमाडत्ता-

नमिऊण नाहिकुलयर-कुलनहयल-ससहरं समियपावं ।

वसहं जयमालाए चउवीस-जिणत्थवं काहं ॥७८५॥

जय पढमपयावइ रिसहनाह, सिवनगर-गमण-वरसत्थवाह ।

जय अजिय विजिय-दुज्जय-कसाय, वर-लक्खणलंछियसव्वकाय ॥७८६॥

पूजय संभ[व] भव-कंतार-तार, निम्महिय-मोह-वम्मह-वियार ।

जय जिणअभिनंदण मुणियभाव, वणगहण[घणघाइकम्म-] दाव ॥३॥ ॥७८७॥

अइ सुमइ सुराहिव-नमिय-पाय, उत्तत्तकणय-सम-देह छाय ।

जय जय पउमप्पह सामिसाल, महु सर[ण] तुम्ह पय सव्वकाल ॥४॥ ७८८॥

जयसुर-समूह-संथुय-सुपास, चंदुज्जल-जस-धवलिय-पयास ।

जय पहु चंदप्पह-चंदकंति सिय-कुंद-कलिय-सम-दंत-पति ॥५॥ ॥७८९॥

जय सुविहि विहिय-वर-धम्म-मग्ग, गय-राग-रोस सुह-ज्ञाण-लग्ग ।

जय सीयल सीयल-लेससामि, लोयग्ग-पइट्ठिय- हंसगामि ॥६॥ ॥७९०॥

जय सेय-निलय सेयंसदेव, सुर-असुर-नरेसर-विहिय-सेव ।

जय वासव-वंदिय वासुपुज्ज, नर-किन्नर-खेयर-विहिय [पूय] ॥७॥ ॥७९१॥

जय विमल महामणि मलिय-माण, तित्थेसर पाविय-परम-ठाण ।

जय जय अणंत तउ नाम-मंत, ज्ञायंत पत्तसिवसुह अणंत ॥८॥ ॥७९२॥

जय धम्मधुरंधर धम्मनाह, वररुयवंतअव्वयअवाह ।

जय संति संतिकर-माणवाहं, तुहं सामिउ देवहं दाणवाहं ॥८॥ ॥७९३॥

जयं कुंधु जिणिदमणिद-नमिय, पइ पउर-जीव-सिवमग्गि उविय ।

जय अर अरविद-समाण-नयण, सुर-निम्मिय-कमल-विमुक्क-चलण ॥१०॥ ॥७९४॥

जय मल्लिमयण-विह्वण-दच्छ, सिरिवच्छ-विभूसिय-पवर-वच्छ ।

जय सुव्वय सुव्वय-सुप्पइट्ट, जय-पायड-मणिवइ-गण-वरिट्ट ॥११॥ ॥७९५॥

जय नमि नमिरामर[नर]वरिद, तुह पणय सूर-ससि-खेयरिद ।

जय नेमिनाह करुणिम-पहाण, परमेसर जायव-कुल-पहाण ॥१२॥ ॥७९६॥

जय पास छिण्ण-दढ-नेह-पास, धरणिद-नमंसिय-सुप्पयास ।

जय वीरधराहिव सरिससार, ससार-महोयहि-लद्ध-पार ॥१३॥ ॥७९७॥

इय चउवीस जिणेसर, नाण-दिणेसर, वद्धमाणपहु-पणयपय ।

भवि-भवि जिणसासणि, पाव-पणासणि, दितु बोहि मह कर वि दय ॥१४॥ ॥७९८॥

एवं धुणिकण निग्गयाणि जिणमंदिराओ । निसण्णाणि एगम्मि पायवतले । भणियं विज्जुवेगेण—“अवित्थामय-वुट्ठि व्व कत्तो मित्त ! तुहायमणं ।” चंदलेहाए भणियं—“न एस मित्तो, कित्तु गुरुभाया, जणओ, सामी वा, जओ मज्झ तव य जोविय-दायगो ।” कहिओ सव्वो वि तिथमोधावण-वइयरं । विज्जुवेगेण भणियं—“पिए ! एरिसा चैव सुधणा भवंति ।

रक्खिज्जंता वि दढं सिच्चंता पइदिणं वि सलिलेण । पढमं फुल्लंति तरु पच्छा फलदायगा ह्वीति ॥७९९॥

अणुकूल वइ-विहिय-रक्खणा परमसुकयजलसित्ता । अफुल्लं देति फलं सुयणतरु तवखणं चैव ॥८००॥

चंदलेहाए भणियं—“अज्जउत्त ! कीरउ कोवि इमस्स महणुभावस्स उवयारो ।” तेण भणियं—“पिए ! नत्थि तं तिहुयणे वि वत्थु जेण इमस्स उवयरियं होइ ।” जओ—

सो को वि मिलइ सुंदरि सुयणो महिमंडले भमंताण । नियसिरसमप्पणेण वि न तीरणे जस्स उवयरिउं ।८०१॥

तओ नेहसारं आलवणमेव इमस्स उवयारो । ठिया खणमेगं परोप्परं सिणेहसार-संकहाए । तओ पणयपुव्वं दाऊण दिट्ठिमोहणं पडरणं ब्राह्मजलभरिय-लोयणेण जपियं विज्जुवेगेण—“सुयण ! समलंकरेहि सट्ठाणं । कालाइक्कमं भवइ ति पुणो दंसणं ।” तो उप्पइओहं तमालदल-सामलं नहयलं । समागओ सभवणं ।

अणम्मि दिणे पधट्टे तत्थ पुरे कोमुइ-महुसवे नयणमोहण-पडमाहप्प-अट्ठिस्समाण-सरीरो पुरे परिभमिउभाढत्तं । पत्तो य हिंडंतो एगं दरिद्वंभणयधरं । दिट्ठो य तत्थ तिणकुडीरकोण-निविट्ठो एगामीचेव कलुणं विलवंतो दीहुण्हाइं नीससंतो वंभणो । समुप्पण्ण-कण्णाभरेण काऊण दिस्सख्वं संभासिओ सो माए भणिओ य—“भइ ! किमेवं सोगावण्णो दीससि ?” तेण संलत्तं—“किं निरत्थयं पलावेण ?” भणियं च—

कह तम्मि निव्वविज्जइ दुक्खं दुक्खुद्धुएण हियएण । अद्याए पडिबिबं व जम्मि दुक्खं न संकमइ ॥८०२॥
विरला जाणंति गुणा विरला विरयंति ललियकव्वाइं । विरला सामण्णघणा परदुक्खे दुक्खिया विरला ॥
मए भणियं-

माहण ! अहं तुह दुक्खदुक्खिओ दुक्खनिग्गह समत्थो य । ता कहेसु मह दुक्खं जेण तप्पडियारं व वित्तेमि । ८०४।
माहणेण भणियं-‘महाभाग ! सुण-

दारिद्राणुभावेणेव पसूया वंभणी निरंतरं अट्ट धूयाओ । दारिद्रं य तुम्ह गुणा जं रुच्चइ जवसोव आहारो ॥
भुक्खा य होइ पउरा भज्जा य वियाउरी होइ । एक्को च्चिय पर दोसो जं काले भोयणं न संपडइ ॥८०६॥
दारिद्रं रक्खा-कडगं व सेसाण दोसाण । दिण्णाओ सत्त मए समगुणाण वंभण-तणयाण ॥८०७॥

ताण मज्जे पढमा दूहवा, बीया विहवा, तइया सरंगा, चउत्था वंसा, पंचमा मरंत-विधाइणी, छट्ठा करे असुद्धा,
सत्तमा साडिण अहमा, अट्टमा पुण पत्त-जोब्बणा दिज्जभाणी वि न कोइ पडिच्छइ । तच्चिताए न रोयइ भोयणं,
न समागच्छइ निदा । जहा धूया जोब्बणमारुहइ तहा तहा जणयाण वि एवंविहा चिता पवट्टइ ।

मुकुलमाओ सुरूवो कलामु परिनिट्ठिओ विणीओ य । विहवा वाई भोई समचित्तो होज्ज कह दइओ ॥८०८॥
अहं कहवि दिव्व-जोया होइ सुया दूहवा व विहवा वा । पवसिय-पई व कुपई तहवि दुहं देइ जणयाण ॥८०९॥
जह जह दुहिया दुहिया तह तह पियरा वि दुक्खिया हुंति । अह होज्ज कहव सुहिया तह वि य पट्ठिं न सा
मुयइ ॥८१०॥

जणणि-जणयाण जायइ चिता धूयाए जायमेत्ताए । वड्ढतीए पुणो पुण ता चिता जाव सा धरइ ॥८११॥
जइ मुयह जहिच्छाए नियमेण करेइ ता कुलकलंकं । मूत्तिमई विद्य चिता धूया धण्णाण न हु जाया ॥८१२॥

मए भणियं-“जइ वि एवं तहा वि लोयववहारो एसो । एसो य दुहिया ते अहं परिणेमि । विरमउ तुह
चितासायरो ।” भणियं माहणेण-“भट्टिणी पुच्छामि ।” पुच्छिया-“पिए ! रायउत्तो तुह धूयं परिणेइ, किं दिज्जउ
न वा ?” ताए भणियं-“अहमेत्थ गम्भाहाणाओ षभिइ केवलं किलेस-भायणदाणं पइ तुमं पमाणं । दिज्जउ कस्स वि
जो तुम्ह सम्मओ । केवलं अण्ण-दुहिया-दुहेणं चेवाहं दुहिया इयमेव जहा न दुक्खभायणं होइ तहा कायंवं ।

भट्टो भणियं (भणइ) -

जं जेणं पाविद्यवं सुहं व दुक्खं व एत्थ लोयम्मि । सो तं लहइ अवस्सं को तं किर अण्णहा काही ॥८१३॥
जइ विहियं किपि सुह इमाए धालाए अण्ण जम्मम्मि । ता होही नणु सुहिया अहं पुण निय-भइणि-सारिच्छा ॥

गंधर्व-वीदाहेण परिणाविओ अहं । गओ सभवणं । मुणिओ कहवि एस वइयरो ताएण । उवालद्धोहं रहसि-
‘नणु कुलकलमागयं खत्तियत्तणं मोत्तूण वंभणो तुमं जाओ, जेण माहणधूयाओ परिणेसि ।’ अण्णं च सच्छंदां, अम्हे वि
न पुच्छसि ? अहो ! ते विवेगो ? अहो ! ते विणीयत्तणं ? अहो ! ते गुरुयण-भत्तो ?’ एवं मुणिय संजाय-लज्जो
उट्ठिओ हं ताय-उमीवाओ । गओ नियवास-भवणं । नुवण्णो पल्लके । चित्तिउं च पवत्तो-“कयं ताव मए सयस-
कलागहणं, जायं कुसलत्तणं, सिद्धा नाणविहमंता, जाणिया गुलिया-पओणे, परं सव्वं पि निरत्थयं जेण जणणि-जणया
वि नानाहिया । ता अलं मम इहट्टिएणं । वच्चाभि देसंतरं ।” काऊण गुलियापओणेण सामवण्णमप्यणयं निग्गओ
रथणीए । आहिडिओ बहूणि सामानर-नगराणि । कत्थइ वीणा-विणोएण, कत्थइ चित्तकम्भेण, कहि वि पत्तच्छेज्जेण,
कत्थइ कव्वंकरणविणोएण, कत्थइ आउज्जकुसलत्तणेण सव्वत्थलद्धविजओ कमेण परिबभमंतो पत्तो पुव्व-दिसा-वहूमुह-

मंडणं मलयपुरं नाम नयरं । निसण्णो रयणायर-सेट्टि-आवणे । सुइरं निज्जाइऊण पुच्छिओ सेट्टिणा-“भइ ! कुओ तुमं ?” मए भणियं-“वंगा-विसय-सार-कंचणपुराओ देस-दंसण-कोउणें इह समागओ ।” सेट्टिणा भणियं-“वच्छ ! न सुंदरमणुट्टियं । जओ अविणयावासो जोव्वणं, चंचलाणि इंदियाणि, पाएण पईए चेव पिसुण-सहावो लोगो, दूरं देसंतरं, विसमा कज्जगई, असहाओ तुमं सुकुमार-सरीरो य । तह वि सोहणमणुचिट्टियं अमिहागओ ।” गओ ममं चेत्तूण सवरं सेट्टी । ण्हाया दो वि जणा । नियंसियाणि सोहणवत्थाणि । कथभोयणा, गहिय पंचसोगंधियतबोला, निग्गथा भवणाओ । गया आवणं । समासाइओ तम्मि दिणे हिय-इच्छि-लाभो । सेट्टिणा भणियो हं समुप्पण-परम-तुट्टिणा “वच्छ ! अपुत्तस्स मह तुमं पुत्तो ता विग्गसंको निध-घरे व्व देसु भुंजसु जहिच्छाए । अत्थि आजम्मं पि तुह विलसंतस्स वि मह घरे दविण-जायं ।” मए भणियं-“ताय ! धण्णोहं जेण मए तुह आणावत्तत्तण पावियं । कल्लाण-भाइणो चेव गुरु-आणा-संपादन-पउण-माणसा भवति ।” एव पिधा-पुत्तत्तणेण वक्कंति वासरं ।

तत्थ य मलयसार-राइणो सयलकलाकलावेसु परिनिट्टिया पुरिसवेसिणी मलयवई नाम वण्णया । तीसे रयणसार-सेट्टि-धूया पियदंसणी नाम बाल-दयसिया । गच्छइ सा पइदिणं वण्णतेउरं । अण्णम्मि दिणे पुच्छिया मए पियदंसणा-“भइणि ! कथं तुमं पइदिणं गच्छसि ?” तीए भणियं-“रायसुवा-सयासे ।” मए भणियं-“मज्झ वि अत्थि काळ्हलं अइ तं पेच्छामि ?” तीए भणियं-“तीसे चित्तं लहेज्जउ । पच्छा जहा जुत्तं कारिस्सामि ।” गया सा । पुच्छिया मलयवई जहा-“दूरदेसागओ ताय-पंडिधण-पुत्तो सयलकला-धारओ परमरूवसंपणो सुदंसणी नाम आयार-मुणिज्जमाणरायउत्तो तुह दंसणं समीहइ ।” तीए भणियं-“पियसहि ! को एत्थ धिरोहो । परं दुक्करो तस्स एत्थ पवेसो ।” समागथा पियदंसणा । कहियं मह तीए जहासुयं । “अत्थि मे दिट्ठिमोहणो पडो जेण पाउएण न कोई पेक्खइ ।” कओ पच्चओ पियदंसणाए । तओ बीय-दिअहे नीओहं अण्णणासिद्धि पियदंसणाए अदिस्समाणमुत्तो पविट्ठो कण्णतेउरं । पारद्धा मलयवईए पियदंसणाए सह संकहा । अयंडे चेव विण्णत्ता पियदंसणाए मलयवई-“सामिणी ! पुव्व-वण्णओ कुमारो सदेसं गमिस्सइ । तस्स संबलसामगीनिमित्तं अज्ज मए लहुं गंतव्वं ।” मलयवईए भणियं-“पियसहि ! निरप्पणा तुमं न सो निय-भाऊओ मह दंसिओ ।” पियदंसणाए भणियं-“सामिणी ! पुरिस-वेसिणी तुमं । वल्लहो य सुदंसणो तायस अम्हाण य । जइ कहं वि तुमं दोसुक्कत्तणं करेसि तो तायस्स मज्झ य महंतं दुक्खं । अओ न दंसिओ ।” मलयवईए भणियं-“अइ सुदिट्ठे ! किमहमसंबद्ध-पलाधिणी जेणेवमुल्लवसि ? अहवा दिट्ठो तुह पणओ । समारिय-सिणेहो चेव धणियजणो ह्यइ, न अत्ताणयं सम्पेइ ।” तओ परिहासपुव्वं भणियं पियदंसणाए-“सामिणी ! जइ तुह अईव तस्स दंसणे निव्वंघो ता इपिह पि आणेसि तं मंतसत्तीए ।” मलयवईए भणियं-एवं करेसु, पेक्खामि ते मंत-सत्ती ।”

तओ काऊण कवड-धारणं परावत्तिओ संकप्पिय-मंतो-“ॐ नमो भगवते मकरकेतनाय, रतिस्कंधन्यस्तदक्षिण-कराय, मानिनी जनमनोमानस-राजहंसाय, -हाँ-हीं सुदर्शनकुमारमक्षारय अवतारय स्वाहा ।” तओ तक्खणा चेव पडमवणीयनिदावसवुम्मंतलोदणो जिभावसमंधरो पयडिओ मए अण्णा । दिण्णं सहत्थेण मलयवईए आसणं । निसण्णोहं तत्थ । किम्हयवसुफुल्ल-लोयणाए निरुवियं पियदंसणाए मुहं । मलयवईए भणियं-“पियसहि ! सुत्तो वि य एस तए समागरिसिओ । अहो ते मंतसामत्थं ।” पियदंसणाए भणियं-“गाढ-धारणाओ असत्थं मे सरीरयं । अओ खणमेत्तं सुदरसं ।” तओ सुत्ता कवड-निदाए । ठिधाणि अम्हे परोप्परं संकहाए । आवज्जियं ईसि मलयवईए माणसं । एत्थंतरे निय-पयोयणवसेण वण्णतेउर-महल्लयस्स समागच्छंतस्स निमुओ मलयवईए पय-संचारो । भणियो ससंभमहं “संकडमावडियं । समागच्छइ महल्लओ । कहां तए होयव्वं ?” मए भणियं-न भाइयव्वं । पुणो वि पड-पओणेण अदंसणो जाओ । पओयण-सिद्धीए सट्ठाणं [गओ] वरिसधरो । संखुद्धा मह अदंसणेण मलयवई । इओ तओ निरुविकऊण गया पियदंसणा, समीवं । उट्ठादिया सा तीए । बाहजल-भरिय-लोयणाए जपियं मलयवईए-“पियसहि ! खणमेत्त-दिट्ठ-नट्ठो संजाओ सुदंसणो । ता एहि निरुवमो समागथाओ दिट्ठो पल्लके नुवण्णो ? मलयवई भणियमणाए-“पुव्वि न दिट्ठो, संपयं दीसइ, को एत्थ परमत्थो ? विभिदजालमेयं ?” पियदंसणाए भणियं-“पुच्छेउ सयमेव सामिणी !

हत्थे कंचणे किमादरिसेण ?" एणय-पुव्वं पुच्छिओ मलयवईए—“सुहग ! साहेसु परमत्थं कहं तुमं दीसंतो वि न दीससि ?" मए भणियं—“दिट्ठीमोहण-पड-रयण-सत्ती एसा ।” एवं विविहालावेण अच्छिऊण किपि कालं चलिया पियदंसणा स-भवणे ।

तओ करे घेतूण भणिया मलयवईए—“पियसहि ! तहा कायव्वं जहा पडदिणं तए सह एस ते भाया समागच्छइ ।” जमाइसइ सामिणी' ति भणिऊण गया मए समं पियदंसणा । एवं पडदिणं गच्छतेण मए कयाइ वीणा-विणोएण, कयाइ पत्तच्छेज्जाणुट्टाणेण, कयाइ चित्तकम्मविणोएण, कयाइ सुकविकयपहेलियापथासणेण कयाइ अक्खरचुय-विदुचुय-पण्होत्तर-विणोएण रजिया मलयवई । जंपियमिमीए—“महाभाग !

रुवं सुकुलुप्पत्ती, कलासु कुसलत्तणं विणीयत्तं । पढमालवणगव्वो तुमम्मि सब्बे गुणा एए ॥८१५॥
पुहईए' निक्कलंकं रयणं नत्थि ति सुव्वइ पवाओ । दट्टूण तुमं एसो निरत्थओ संपयं जाओ ॥८१६॥

तओ आगयभावं नाऊण मलयवई जपियं मए—सुंदरि !

देवाण त्ति दुल्लहमिणं लहिऊण सुयण्ण एरिसं रुवं । तत्थ वि य जोव्वण-संपया थ लायण-सोहग्गा ॥८१७॥
उत्तट्टमयसिंलिवच्छि ! कीम मूढत्तणे विहेलेसि ? अप्पाणं पियसंगमसुहाण जण-पत्थणिज्जाण ॥८१८॥
जीयं निरत्थयं होइ सुयण्ण पियसंगमेण रहियाण । कंतारुग्गइ[य]मालइकुसुमाण व भोगरहियाण ॥८१९॥
एएण पुरिसवेसत्तणेण हा ! तह कयत्थियासि तुमं । सयण्ण ! कयत्था वि जहा अकयत्था तत्तओ जाया ॥८२०॥
इय एवमाइ महुरक्खरेहि[तह] वि सा मए भणिया । जह उज्झिऊण कज्जं सब्भावं कहिउमाढत्ता ॥८२१॥

सुहय सुदंसण ! साहेमि ते पुरिसवेसत्तणकारणं । एत्थेव नयरे कुंजलया नामाहं विलासिणी पुव्वभवे अहेसि । वृत्थो मह घरे कामपालो नाम कुलपुत्तओ । सो पुण जूयच्छोहिओ सुहपसुत्तं [मं] गलमोडणेण मारिऊण गहिऊण आभरणं पलाणो । अहं पि कह कहं वि सुह-सोयल-पव्वण-समासासिया जीविया संजायनिव्वेया । काऊण मासमेणं तावसी-वयं मया एत्थ रायदुहिया जाया । अण्णया कुट्टिमतलगयाए रायसंगेण वोलितो दिट्ठो कामपालो । कहिं मए एस दिट्ठो ति, चित्तयं तीए पुव्वजाई सरिया—“अहो ! एरिसा पुरिमा जं विस्ससियजणम्मि वि पावमायरति ति अलं पुरिससंगमेणं ति, चित्तियपुरिसवेसत्तणवयं मए गहियं ।” मए भणियं—“जइ [ए]क्कसि जलणो दहइ ता कि सो सब्बहा परिच्चयइयव्वो । एवं जइ असुहकम्मोदएण किपि कुकम्मं [कोइ] करेइ कि तेण दोसेण सब्बे वि परिहरि-ज्जंति । यतः

वाजि-वारण-लोहानां काष्ठ-पाषाण-वाससां । नारी-पुरुष-तोयानां अंतरं महदन्तरम् ॥८२२॥

तओ भणियं मलयवईए—

सच्छंदवियरणं वज्जिऊण जइ कहवि परवसो अप्पा । कीरइ ता तम्मि जणे जो तुह सरिसो हवइ सुयणो ॥८२३॥

एवं जाव परोप्परं संकहाए चिट्ठामि एत्थंतरे अत्थाणमंडव-मज्जाओ पेक्खंताण चेव मति-सामंत-सुहडाणं जम्मंत-र-वेरिणा जलणमूह-विज्जाहरेण अवहरिओ सुमंगलो नाम रायनदणो ।” अरे ! लेह, लेह, हण, मारह, एवमाइवयण-परंपरागव्वो समुद्धाइओ रायसहाण कोलाहलो । संबुइ मलयवई । पुच्छिया मए—“किमेयं'ति लद्धपरमत्थाए कहियं जहा वित्तं । ‘धं'रा भवसु' ति उप्पइओहं गयणंगणे । मिलिओ विज्जाहरस्स । सो वि मोत्तूण सुमंगलं कुमारं मए सह ज्जिउमारद्धो । खणंतरेण जिणिऊण तं आणिओ सुमंगल-कुमारो । समप्पिओ दरिदस्स । दरिसिओ सपरियणो राया । निवेसिओहं अद्धासणे । साणंदमवलोइऊण पुच्छिओ राइणा “वच्छ ! आदार-चरिय-मुणिज्जंत-महावसेण वि ससहरेण व नहथलं कं कुलमलंकरियं वच्छेण ?” एत्थंतरे कंचणपुरागएण पदियं मागहूण—

सिरि-सोमवंसभूषण ससिसेहररायतणय । जय-पयड कुसलं चिय दिट्ठोसि तं अज्ज ॥८२४॥

एवं सुणिय भणियं राइणा-

सुकुलुगओ चिय जणो एरिस-कज्जाइं कुणइ न हु अण्णो । न हि लिबो अत्रफलं जणेइ दुद्धेण सित्तो वि ॥८२५॥

ता कस्सेह भवणं भुवण-भूषणेण भवया भूसिअं ?" भणियं मए-"रयणायरत्तेट्टिगेहे वसामि ।" समाहओ राइणा रयणायरसेट्ठी । वयसम्माणो पुच्छिओ-"कित्तियाणि दिणाणि तुह घरे वसंतस्स कुमारस्स ?" संबुद्धचित्तेण जपियं सेट्टिणा-"महाराय ! किमणेण विणासियं रायकुले किचि ?" राइणा भणियं-"न किचि विणासियं ।" कहिओ सब्बो वि वुत्ततो । सेट्टिणा वि तस्सागमण-वइयरो । राइणा भणियं-"सपयं अम्ह चेव घरे अच्छउ कुमारो ।" सेट्टिणा भणियं-"जं देवो आणवेइ ।" विसज्जिओ पुइऊण सेट्ठीः रण्णा । अहं पि पत्थणा पुवं नियघरे घरिओ ।

अण्णम्मि दिणे राइणा भणिया मलयवई-"वच्छे ! विमुद्ध-रायवंस-संभवो अणेगगुणावासो तुह भाग जीविय-दायगो परम-रूव-रंजियासेस-नयरनारीज्जणो सुदंसणो नाम रायउत्तो कंचणपुराओ समागओ । जइ तुह चित्ते अभिरमइ तो कीरइ तुह वरो ।" ताए भणियं-"जं ताओ जाणइ ।" अण्णया वियणं काऊण समाहओ अहं । भणिओ य-"वच्छ ! गुरुजणायत्ता भवति कुलीण-पुरिसा । ता जमहं भणेमि तं तए कायव्वं ।" मए भणियं-"को एत्थ संसओ ।" राइणा भणियं-"जइ एवं तो अत्थि मह मलयवई नाम कण्णमा, जीवियाओ वि अब्बहिया । तं तुमं परिणेहि ।" मए भणियं-जं ताओ आणवेइ । तओ कारावियं सोहणलग्गे पाणिगगहणं नियघवलहरसमीवे ममप्पिओ परमपासाओ राइणा । मिणेहसारं विसयसुहमणुहवंतस्स समं मलयवईए बोलीणो कोइ कालो ।

अण्णया ताय-पेसिया समागया चरिया । ममप्पिओ चंदसेहरनामकिओ मूट्ठिओ लेहो । चलणेसु निवडिऊण गहिओ मए, वाइओ य । अवहारिओ तयत्थो, साहिओ नरिदस्स जहा-"सुगहियनामधेयस्स तायस्स सरिंकारणं । अओ पेसिया ममाणयणाय पच्चइयपुरिसा । जं जुत्तं तं समाइसह ।" काऊण तक्खणे सामग्गि समं मलयवईए विसज्जिओ हं नरवइणा । अणवरय-पयाणेहि वहतो पत्तो परिमिय-वासरेहि कंचणपुरं । पणमिओ ताओ । मिणेहसारं करे घेत्ठण निवेसिओ अट्ठासणे । पुच्छिओ य-"वच्छ ! कुओ ते एसा सामग्गी । एगागो चेव निग्गओ तुमं ?" साहिओ समाग्गण-वत्तिणा चारुदत्ताभिहाणमंतिणा सब्बो वि वइयरो । हरिस-भरनिव्वभर-हियएण जपियं राइणा-"कहं कुमारसंनियं कुलं जाई वा आणिया तेण राइणा जेण निय-दुहिया दिण्णा ?" चारुदत्तेण भणियं-

भाणु व्व विदेसगया वि नियपयावेण जे न नज्जंति । कुलकित्तणेण पयडीभवन्ति को ते पसंसेइ ॥८२६॥ भमिरेहिं महुधरेहिं य सुइज्जइ अप्पणो य गंधेण । नव पाउसे कयंबो जइ वि निग्गुओ वण-निग्गुंजे ॥८२७॥ कत्थ व न जलइ अग्गी कत्थ व चंदो न पायडो होइ । कत्थ वरलक्खणधरा न पायडा हंति सापुरिसा ॥८२८॥ धण्णो सलाहणिज्जो पत्त-पसंसो जयम्मि नणु कुमरो । निय-गुण-महणक्खणिओ जेण कओ तत्थ सयलजणो ।

पाडिया चलणेसु मलयवई चारुदत्तेण -"पुत्ति ! नियपइसमाणुणं तणयं लभमु"त्ति, दिण्णासीसा राइणा । उवविट्ठा समुच्चियासणे । समाहया तक्खणा चेव सब्बे अमच्च-सामंत-इणो राइणा भणिया य-"पयापुण्णाणुअवेणं चेव समागओ सुदंसणकुमारो । गाढं मंच मे सरिंकारणं । जइ भणह तो रज्जे अभिसिचामि एयं । सब्बाणुमएण कओ रज्जाभिसओ । पणओ सह मंति-सामंतेहि ताओ । समागया दंसण-निमित्तं नायरया । वियरिया कंचणउरे वंगा-जणवए य ममाणो । कइवयदिणेहिं सुभरणसेसो संजाओ ताओ । अहं पि काऊण मय-किच्चाणि कालेण विगयसोगो रज्ज-कज्जाणि चित्तिउमादत्तो । संगोविया सा पढम-परिणीथा साविती माहण-दुहिया । संजाओ ताए सह विनसेण मिणेह-संबंधो । समुप्पण्णा सावित्ति-मलयवईणं दो दो पुत्ता ।

अण्णया समागया तत्थ सयल-सुय-सायर-पारया, संसार-सागर-समुत्तरण-जाणवत्त-तुल्ला, ओहिनाण-कलिया, सुयसागराभिहाणा सूरिणो । ममोसरिया मलयमंदकज्जाणे । निग्गया वंदणवडियाए नायरया । अहं पि विण्णत्तो उज्जाण-

पालेण जहा—“देव ! देव-मणुय-माणणिज्जा तुम्ह उज्जाणे समवसरिया सूरिणो ।” तं सुणिय-समुप्पण्ण-बहुमाणो रहमास-
हिऊण चउरंग-बल-परियरिओ गओ सूरिसयासं । वंदिओ भावसारं । निसण्णो समुच्चियासणे । पारद्धा भगवया धम्म-
देसणा । जहा—

इह हि जेवो सुहासुहनिमित्तमणुवत्तिएण सकम्मणा निच्चमणुगओ, परियडमाणो महइसंसारचक्कमत्थयत्थो
कुसल-कुलाल-करगहिओ व्व मिउपिडो थासय-कोस-कलसाइणि अवत्थंतराणि पाउणइ । दिव्व-देवलोय-सुह-संगओ वि सुरो
पुणो वि परियडंतो नारओ हवइ, तिरिओ हवइ, तिरिओ वि माणुसत्तणं लहिऊण, गव्विओ भमइ । राया वि रंको रंको वि
पुहइपालत्तणं पाउणइ, दासो सामी, सामी वि दासत्तणं लहइ । सुहिओ दुही दुहिओ वि खणेण सुत्थिओ संचरइ ।
सयलवेय-वियक्खणो छकम्मो वि मायंगो जायइ । मायंगो वि तं किंचि समायरइ जेण बंभणो भवइ । एवमणवट्टिए
संसारे सुविमुद्ध-धम्मोवज्जणं चेव संगयं । तं पुण कुप्पवयण-सवणसंजायसम्मोहस्स सधम्भाभया रुइ-समद्धा-
सिध-सरोरस्स अनिर्हदिदियवग्गस्स हेयाहेय-वियार-वियल-मइणो, अइसंकिलिट्टुट्टुकम्म-कबलिय-विवेय-रयणस्स
पमाय-निहा-पम्हिसिय[त]त्तपरिण्णाणचक्खुणो जीवस्स दुक्करं । तम्हा अहम्माण सए परिहरिऊण इमे दोसे सम्म-
त्थिणा सधम्मे चेव पयट्टियव्वं । देव-गुरु-पाथ-पूयणमण्णाचित्तेण होइ कायव्वं । आवस्सयाइयं पि हु सदणुट्ठाणं विहेयव्वं ।
सोयव्वं जिण-वयणं, मिच्छत्त-नाण-तिमिर-सूरसमं दुहगिरि-दलणं सिवसुह-पसाहणं, हरिसिय-मणेहि । पवणाहय-कुस-त्तग-
सलिल-बिडुवमं, निएऊण धण-धण्ण-रूव-जोव्वण-सिणिद्ध-सयणाइयं सव्वं सव्वाण वि संजोगाण मुह-महुराण वंसिय-
सुहाण पच्छा कडुय-विवागाण निगुणत्तं निएऊण कायव्वं तुम्हेहि संसार-विरत्तमाणसेहि सया एयं सदणुट्ठाणं सिवसुह-
संपत्ति-संजगं ।

सम्मत्तगुणविसुद्धा गहियगुणेसु निच्चला बुद्धी । अंगीकय-धम्मगुणाणुसारि सिहिकज्जकारित्तं ॥८२९॥
धम्मे चिचय धणबुद्धी समधम्मट्टिएसु बंधु-पडिबंधो । असदग्गह-वज्जणया धि[रा]या संतोस-चारित्तं ॥८३०॥
एमाइ धम्मकम्मज्जणम्मि पडिहयपमायपसरेहि । उज्जमियव्वं निच्चं नरेहि सविवेयचित्तेहि ॥८३१॥

एवं सहाधमहुराहि जहुत्तरवित्थारियसुस्सरे सावेसाहि पयासिय-पउण-नेव्वाण-संसार-सरणीहि जिणमयाणु-
सारिणीहि गिराहि पयडिऊण] जेत्वाइत्तं, वंसिऊण बंधोदय-ठिइ-विभागं कम्माणं, वण्णिऊण सुर-मणुय-तिरिय-नारय-
भवेसु जहुत्तरमणुत्तरमकय-धम्माणं दुक्ख-संपत्ति, कहिऊण सयल-सुह-निबंधणाए तित्थयर-धम्मबोहीए बुल्लहतणं,
आरोविऊण निरइयारमदिट्टु-पारे वि संसार-सायरे अल्लडपुव्वं अविणस्सरं बीयमपवग्गसारस्स सम्मदंसण-नाण-
परिणामं, परिसाए विरमिए, विविहाइसय-रयण-रोहणे तम्मि मुणीसरे, लद्धावसरेण जंघियं मए—“भयवं ! दुग्गयमाहण-
धूया साविती, मलयसार-राय-दुहिया मलयवई मुरुवा य परं किंचि समहिओ साविती पइ सिणेहो किमेत्थ कारणं ?”
सूरिणा भणियं—“सुण महाशय !

अत्थि इहेव वच्छा-जणवएसु वच्छा नाम नयरी । तीए आजम्मं वरिद्धो रुद्देवो नाम माहणो तुममहेसि, रुद्दा
नाम भारिया । विहल-ववसाओ उदरं पि किलेसण भरेसि तुमं ।

अण्णया इओ तओ परियडंतेण दिट्ठो चंदजसो नाम सिद्धउत्तो । भणियो य सो तए—“महाणुभाव ! कण्णा-
सायर ! आजम्मं दारिद्वदइदेहस्स वोलीणो भे एत्तिओ जम्मो । काऊण पसायं तथा करेह जहा पेच्छामि अदिट्टुपुव्वं
कमलच्छोए लच्छोए मुहं । नाऊण गुणसंभवं दिण्णं तेण नाग-थंभणं वेयाल-थंभणं च संत-दुगं । गहिऊण तं समागओ
तुमं सभवन्ते ।

अण्णम्मि दिणे दक्खिणानिमित्तं गओ कुभारधरे । दिट्ठा कुंभकारकुडीए संपिडिया बहवे कप्पडियतडिया ।
तत्थेणेण भणियं—“दिट्ठं केण वि किपि अच्छेरयं ?” एणेण भणियं—“दिट्ठं मए कयंगलाए नयरीए मगहसेणा न.म
विलासिणी परमरूव-सोहग्गाइणुणगणसमन्निया । परं जो तीए रुद्द संवसइ सो लद्ध-निहो मरइ । बीयं पुण तत्थेव नयरीए

चेलामुहा नाम वावी। जो तीए पविसइ सो भओ चेव नीहरइ।” एयं सोऊण समागओ तुमं सभवणं। भणिया बंभणी—“पिए ! पओयणवसेण देसंतरं गमिस्सामि। तुमं पि सलरक्खण-परा अच्छेज्जसु।” गओ तुमं। पत्तो कयंगलाए। पुच्छिऊण गओ भगहसेणामंदिरं। वुत्थो य रयणीए। समागया भगहसेणाए निदा। चितियं तए—“एत्थ वुत्थो पुरिसो [नरइ तो] अप्पमत्तेण होयव्वं।” खगं गहाय दीवच्छायाए ठिओ जाव नीहरिओ भगहसेणामुहाओ धूमो तयणु महा-विसे नागो। सो य समागच्छंतो यंभिओ तए मंतसत्तीए। पडिहयसामत्थो त्ति गओ वाणमंतरो। सुत्तो तत्थेव तुमं। पभाया रयणी। भणिया दासी वाइयाए—“हला ! गंतूण पुरिसमडयं नीण्णेहि।” समागया दासी : दट्ठूण तुमं धरमाणं पडिवाया। कहियं अक्काए जहा जीवइ सो पुरिसो। तुट्ठा कुट्टणी। समागया तुह समीवे। उट्टुविऊण मज्जाविओ पवर-मज्जणविहीए। भोयाविओ विसिट्ठभोयणेण वत्थ-जुयलं दिण्णं। पणयपुव्वं भगहसेणाए भणियं च—“तुह पसाएण मज्ज दुहिया निदोसा जाया ता गिण्हसु एयं।” ठिओ तत्थेव कइवयदिणाणि।

अण्णम्मि दिणे घोसाविद्यं राइणा—“जो एयाए वावीए पउमाणि आणिय समप्पेइ तस्स राया महापसायं करेइ।” नायं तए जहा वेयालदोसो। पविट्ठो वावीए। एत्थंतरे विडिच्चिअ-वयण-कंदरो अट्टट्टहासं सुयंतो समुद्धाइओ वेयालो। यंभिओ तए मंतैण। तेण भणियं—“महाभाग ! दिट्ठं ते सामत्थं ? ता मुंचसु।” तुट्ठो भणइ, “कि ते पियं करेभि।” तए भणियं—“न किंचि तारिंसं पओयणं।” तेण भणियं—तहा वि देवदंसणं भमोहं हवइ त्ति तए सुत्तुट्टिएण उसांस-देसाओ पइदिणं पंच दीणार-सया घेतव्वा। उत्थंभिऊण पणाम-पुव्वं विसज्जिओ वेयालो। जाया संयलजण-सुह-पवेस-निग्गमा वावी। तुट्ठो राया। दिण्णो सासण-लिहिओ एगो गामो। आणादिया तत्थेव बंभणी। कया घर-सामिणी। गहिया सावगधम्मं। अण्णाणदोसेण जल-सोय-वाहिरा एस त्ति साहुणो दुगुच्छिऊण मया हिंडिया संसारं। सावसेस-दुगुछा-दोसा मरिऊण समुप्पण्णा। साविती दुग्गह-भाहण-दुहिया। तुमं पि कयाइ दट्ठूण सिद्धजस-मुणिवरं, सोऊण तयंतिए समण-धम्मं, विणिउइऊण जिणभवणाइसु सत्तसु ठाणेसु नियदधिणजायं, संजाय-संवेगो काऊण पव्वज्जं, मरिऊण समासाहमाए, सोहम्मे कप्पे सुरवरो समुप्पण्णो। तओ आउयक्खएण चुओ समाणो एत्थ सुदंसणो रायउत्तो। ता एयं तुह इमीए सह विसेस-सिणेह-कारणं। एयं सोऊण समुप्पण्णं मे जाई-सरणं। अवगया संसारवासणा। पणट्टा विसयत्तण्हा। संजाओ चरण-परिणामो। दाऊण [घर]सारं कुमारस्स निक्खंतो सुयसायरसूरि-समीवे। अहिज्जिआ आगमा। निवेसिओ तेहि निय-पए। एयं मे [वैरग]विसेसकारणं।”

नरसीह-राइणा भणियं—“भयवं ! सोहणं निव्वेय-कारणं। धण्णो तुमं।” रंभावलीए भणियं—“अज्जउत्त ! अम्हे वि धण्णाणि जेहि एस सद्धम्मरहसाराही वंदिओ। अहो ! सोहणो धम्मो अविचारं देव-गुस्तत्तं।” एवंविहपसंसाए बद्धं रंभावलीए वि जिणधम्मबोहिवायं। वंदिया सूरिणो। गयाणि सट्टाणं गेहसारं विसयसुहमणुहवंतस्स बोलीणो बहुकालो।

अण्णया रंभावलीतणयस्स नरवीरकुमारस्स दाऊण रज्जं अहाउयक्खएण मरिऊण नरसीह-राया ति-पलियो-वमाऊ सोहम्मकप्पे चंदावयंसए विमाणे जलणप्पहो नाम सुरवरो जाओ। रंभावली वि, “जम्मंतरे वि मह एसो चेव भत्तारो भवउ” त्ति काऊण नियणं तेणेव सह जलणे पविट्टा। समुप्पण्णं पवणवेगा नाम तस्सेव अगमहिसी।

इयवद्धमाणसूरिहि विरइयाए मणोरमकहाए नरसीहवाय-लंभो पढमावसरो परिसमतो।।

मणोरमा कहाए बीओ अवसरो

नरसीहबीयलंभो पढमावसरम्मि वण्णिओ एत्थ । बीए समुददत्तस्स वण्णिमो दंसणाभिगमं ॥१॥

अत्थि इहेव जंबूद्वीवे भारहे वासे बहुधणजणसमाउलो कप्पपायवो व्व इच्छियत्थसंपत्तिकारणं सरस-तामरस-विसर-विरायमाणसरसीसय-समाउलो, सहयार-वउल-चंपयासोय-नाय-पुण्णाय-तमाल-हिंताल-तिलय-विसर-विलसिर-वणसंड-मंडिओ, सयलदेस-चूडामणी कासी नाम जणवओ । जओ-

जत्थ य न सो गामो जम्मि न पंच-सत्त-निवाणाणि, न तं निवाणं, जत्थ न पंचसत्त-देवाययणाणि, न तं देवाययणं, जत्थं न पंचसत्त वक्खाण-मंडलीओ, न सा वक्खाण-मंडली, जत्थ न पंच-सत्त-छत्त-सयाइं, न सो छत्तो जस्स न पंच-सत्त-सत्थाइं अहिगयाइं । तम्मि य देसे सयलजण-मुहावासा जयमंडणा नाम नयरी । जीए पीण-पओहराओ वावीओ तरुण-रमणीओ य, सदाणा करिणो कुडुविणो य, बहु-विण्णाणा पंडिय-जणा सिपिणो य, कयधम्मिय-जणा सुरपुरिसा य । तहा निरक्खरा नाराया न उण लोया । बहु-धवाओ अडवीओ न ऊण कुलंगणाओ । सखला चक्कियघरा न उण जणा, जडासंगमसमणिया पायवा न उण माणवा, वसणंतरगवेसिणीओ सूइओ न लोय-चित्तवित्तीओ, पर-घरगमणेणं वज्जति सारीओ न नारीओ, दो-जीहा भुयंगा न लोया, विगय-सिणेहा परमसाहुणो न वणिणो, चंचलाओ धरोवरिकोडि-पडागाओ न पेमाणुबंध-वित्तीओ । किच्च-अंतो कमलाइण्णाइं ईसरजणमंदिराइं बाहिं च सरोवराइं वरजव-कलिया, अंतो तुरंगमा बाहिं च केयारा बहुत्तुंगसरलसालाउलाइं, अंतो भवणाणि बाहिं च वणाणि सदावणरेहिरा. अंतो नयरमगा बाहिं पोक्खरणिताडा नाणारामाओ, अंतो भवणपतिओ बाहिं च कीलाभूमीओ, सकज्जलम्मा दीवयसिहा न मुणिजणचित्तवित्तीओ य । तीए नयरीए साहु व्व असिणेह-परायणमाणसो, मरु-भूमि व्व बहुसंगरप्पहाणो जयपालो नाम राया । सयलतेगमपहाणो धणओ व्व बहुधणो सागरदत्ताभिहाणो सेट्ठी परिवसइ । तस्स य पायय-भासा व पेसलालावा बहुहत्था य महाकविकव्वपद्धइ व्व सलक्खणाणेगालंकारा य, साहु-दिक्ख व्व निम्मल-चरणालंकियासत्ताहिया य, ससंक-वयणा वि निस्संदिद्ध-भाणिरी, पओहरक्कंता वि विपओहरा, सुपाया वि विगयापाया, असोगसिरी नाम भारिया । बहुपुण्ण-मावणिज्जं विसयसुहुमणुहवंताण बोलीणो कालो, न पुण पेच्छंति पुत्तमुहालोयजणिय-मुहसंपयं ।

अणया इच्छियं असोगसिरीए समुदस्स-ओवाइयं—जइ मह तुहाणुभावेण पुत्तो भविस्सइ, तओ अट्ट-दिणाणि तुमं पूइऊण तुह पुरओ चेव समुददत्तो त्ति नामं करिस्सामि । एवं कयसंकप्पा मुत्ता । रयणीए पेच्छइ सुभिणम्मि महत्तल-कल्लोलमालियं नियवयणम्मि सारंगं पविसमाणं । बुद्धो तक्खणा चेव गतूण साहिओ दइयस्स । तेण भणियं-“पिए ! भविस्सइ ते सायरो व्व गंभीरो कुल-नंदणो ।

इओ य सो सोहम्मकप्पवासी-देवो नरसीह-राइ-जीवो चइऊण तओ देवलोगाओ आउयक्खए तीए चेव रयणीए समुप्पण्णो असोगसिरीए कुच्छिसि पुत्तताए ।

तओ सा परितोसमावण्णा सुहुसुहेण गम्भमुव्वहइ । सागरदत्त-सेट्ठिणा वि दरिसिया दूसल-दुम्मुहाभिहाणा नियदासी सुया राउले । दाऊण पउर-माहुडं विण्णत्तो राया—“इमे मह पुत्तट्ठाणे ।” पडिवण्णं राइणा । समागओ सघरं । सेट्ठीणा भणिया-दूसल-दुम्मुहा “जइ कह वि असोगसिरीए पुत्तो हवेज्जा तो महं विक्खवणे वि घरसार-ति-भागो तुभंहेहिं दायव्वो । पडिवण्णमिमेहिं, चलिओ सेट्ठी पक्कणेण । भणियो असोगसिरीए—“अज्जउत्त ! दुवालसमा एसा जत्ता समुद-लंधणस्स सविग्घा [हवई] एवं सुणिज्जइ । अओ न किपि कज्जं समुदतरणेण ।” सेट्ठिणा भणियं—“पिये ! अलमणिट्ठचित्ताए । सव्वं सोहणं भविस्सइ । किच्च जस्स वारसमा जत्ता सिज्जइ सो जत्तासिद्धो हवइ । तस्स नामं पि गिण्हइऊण जो सायरं लंधइ सो सुहेणं कयलाभो समागच्छइ । जइ इमं पओयणं अम्ह सिज्जइ ता किण्ण पज्जंतं होइ” त्ति भणिऊण गओ सेट्ठी ।

समारूढो जाणवत्तो । उक्खिस्ता नंगरा । पूरिओ सियवडो । गंतुं पयत्तं जाणवत्तं । कइवयदिणेहि गच्छंताण समुद्दमञ्जे संजायं मेह-दुद्धिणं । मत्तो समुद्दो । वियंभिओ पडिकूलो पवणो । सुमरणसेसो संजाओ सियवडो । अवसीभूयं जाणवत्तं चिरं भमिउण तत्थेव महत्तावत्ते विणट्टं । पणट्टो सपरियणो सायरदत्त-सेट्ठी ।

इओ य पसूया असोगसिरी । जाओ दारओ । कयं वद्धावणयं । अवयरिऊण एगम्मि पत्ते जंपियं समुद्दाहिवेण-मए एस दिण्णो । अओ नत्थि ममाओ इमस्स मरणं, बोत्तूण कयपूओ सट्टाणं गओ । पइट्टावियं मासावसाणे समुद्द-पूयापुरस्सरं समुद्दत्तो त्ति नामं । वच्चंति दिणाणि ।

अण्णया समागया सेट्ठी-मरण-पउत्ती । चिरं सोइऊण कइवयदिणावसाणे असोगा जाया असोगसिरी । वडिदुद्धं पयत्तो समुद्दत्तो । इसल-दुम्मुहा वि न कुणंति गोरवं, न दंसिति राउले, न पयडंति घरसिरिं, मग्गिया वि ति-भागं घरसारस्स 'नत्थि' त्ति पयंपति । एवं तेहि परिभूयस्स वच्चइ कालो समुद्दत्तस्स ।

इओ य सा रंभावली चइऊण ताओ देवलोगाओ इमाए चेव जयमंडणाए नयरीए नरदत्तसेट्ठिणो नरकंताए भारियाए कुच्छिसि दारियत्ताए समुप्पणा । उच्चियसमएण पइट्टावियं नामं तारावली । बल्लहा जणणि-जणयाणं । महिया इत्थीजण-जोगं कला-कलावं । अण्णया सहियणसहिया विचित्त-कीलाहिं कीलमाणी गया एगं सरोवरं । दिट्ठो तत्थ जल-मज्जणं काउमुत्तिण्णो समुद्दत्तो । तारावलीए निरुव्विओ सुइरं अणिमिसाए दिट्ठीए । वडिदुद्धया पुव्वभवाणुराय-सलिले सिणेह-कंदली । समुद्दत्तो तं पइ संजाय-सिणेहो बलियकंधरं पुणो पुणो तम्मूहमवल्लोइंतो गओ सट्टाणं । गए वि समुद्दवत्ते तयभिमुहं निरुव्वयंती चित्तलिहिय व्व टिया तारावली । भणिया चित्तन्नयाभिहाणाए दासवेडीए—“सामिणि ! संवरेहि उभयंसुविसंठुलं विलुलित्ति सकेस-कबरिं । सट्टाणमाणेसु ठाण-भट्टमुत्तरिज्जयं । संठवेसु ईसिल्लहिसियं कडिल्लयं । मुंचसु किलीवत्तणं । अंगीकरेसु धीरत्तणं । गम्मउ संपयं सभवणं पच्छा वि जं लहियव्वं तमवस्सं पाविस्सइ सामिणी ।” एयमाय-प्पिऊण लज्जोणयमुही सघरं गया तारावली । निवारिया तीए चित्तन्नया—“हला ! न तए एस वइयरो जणणि-जणयाण पुरओ पयासियव्वो ।” पडिवण्णमिमीए ।

अण्णया समागओ सिरिउर-नयराओ नरसुंदरो नाम सेट्ठी । पविट्ठो नरदत्तसेट्ठि-मंदिरे । मग्गिया तेण नियसुय-सारस्स निमित्तं तारावली । पडिवण्णा नरदत्तेण । एत्थंतरे भणिया चित्तण्णुया तारावलीए—“हला ! गंतूण साहेसु अंबाए न मम विवाहेण पओयणं ।” “जं सामिणी समाइसइ” भणिऊण गया चित्तण्णुया । कहिओ तारावलीसंदेसओ । तीए वि गंतूण भिण्णरहस्सो कओ सेट्ठी न दिन्ना सेट्ठिणा । पायपडण-समागया भणिया सेट्ठिणा तारावली—“वच्छे ! कि निमित्तं तए विवाहविग्घो कओ । सा वि अदिण्ण-पडिवयणा लज्जोणयमुहा स-दुक्खं रोविउं पवत्ता । विसज्जिया सेट्ठिणा । गया सट्टाणं । दुक्खकारणमविदमाणा समाउला जणणि-जणया । पुच्छिया चित्तन्नया जणणीए—“हला ! तुमं छाया व्व सया सन्निहिया, वच्छाए । जाणेसि किपि दुक्खकारणं ?” तीए भणियं—“आमं”, सेट्ठिणीए भणियं—“केरिसं ?” तीए भणियं—“सागरदत्तसेट्ठिसुय-समुद्दत्तदंसणं ।” तं सुणिय समुप्पणकोवानलाए भणिओ सेट्ठी सेट्ठिणीए—“सच्छंदा ते सुया विभिण्णमज्जाया ।” कहिओ सव्वो वि वइयरो । कुविओ सेट्ठी । सदाविआ तत्थेव तारावली । निव्वञ्चिया खर-फइसवयणेहि । कयमरण-ववसाया लहिऊण अंतरं निग्गया रयणीए । समुद्दत्तो वि तव्विरह-दुक्खिओ कत्थवि रइमलहंतो एगागी चेव रयणीए चलिओ तं पइ सरोवरं जत्थ सा दिट्ठा अंतरा वड-पायव-हेट्ठओ । निरुव्विया सदुक्खं रयमाणी तारावली । पुच्छिया उवसप्पिऊण “सुंदरि ! का तुमं ? कि निमित्तं वा सदुक्खं रयसि ? कहेसु जइ कहणीयं ।” तारावलीए भणियं—“नरदत्तसेट्ठिदुद्धिया तारावली नाम कण्णया । रोइयव्वे पुण इमं कारणं । अण्णत्थ बद्धाणुराया अन्नत्थ जणणि-जणएहि दिज्जामि । तुमं पि साहेसु नियवइयरं को तुमं ? कि निमित्तं वा एगागी रयणीए इहागओ ?” साहिओ सव्वो सवित्थरो नियवइयरो । भणियं च णाए अणुकूलं विही जेण तए सह दंसणं संपाडियं । मरंती[ए] वि भविस्सइ संपयं मणनिव्वई । जाव विविहालावेण खणमेत्तं चिट्ठंति ताव गया पयाणुसारेण नरदत्तसेट्ठी-गवेसगा । सोऊण पय-संचारं दूरीकओ समुद्दत्तो । नीया तेहि तारावली । समप्पिया सेट्ठिणो । संतूसिया तेण कोमल-वयणेण । भणिया य—“वच्छे ! न तए विसाओ कायव्वो । जं ते अभिइयं तमहं करेस्सामि चिट्ठसु तुमं समाहाणेण ।” एयं सोऊण महरिसा जाया तारावली ।

बीयम्मि दिणे भणिया नरदत्तेण रहसि घरिणी—“पिए । जइ समुद्दत्तस्स न देह तो अवस्सं पाणवायं करेइ वच्छा । भणसु जमेत्थ कायव्वं ।” तीए भणियं—“तस्सेव दिज्जउ ।”

तओ अण्णम्मि दिणे सद्दाविया असोगसिरी सेट्टिणा, भणिया य उवयारपुरस्सरं—“अह ते तण्यस्स नियदुहियरं पयच्छामि ।” वाहाविल-जोयणाए जंपियं असोगसिरीए—“महाभाग ! बोलीणो संपयमम्हारिसजणेण सह संबंधकारण-कालो । राहुगहियससहरस्सेव विसमा दसा संपयं वट्टइ समुद्दत्तस्स ।” सेट्टिणा भणियं—“सव्वं सोहणं भविस्सइ न तए विसाओ कायव्वो ।” तीए भणियं—जं भे रोयइ ।”

तओ काऊण विवाह-सामग्गि पसत्थ-वासरे महया विच्छड्डेण दिण्णा तारावली समुद्दत्तस्स । वित्तं पाणिग्गहणं । दिण्णा तारावलीए नरदत्त-सेट्टिणा सुवण्णकोडी, दस-साहस्सियं गोउलं, बोणिण हारा, दो अद्धहारा, पंच रयणावलीओ, पंच कणगावलीओ पंच एगावलीओ, एवं पंच कडय-केऊर-कुंडल-सुबणय-कंकण-भणिमेहला-भणिनेऊर-जुयलाणि । दस मुहियाओ । बत्तीसं वरवत्थ-कोडीओ, बत्तीसं दासीओ । अण्णं पि पउरं सयणाइयं । वित्ते विवाह-महूसवे । गओ समुद्दत्तो नियमंदिंरं विवण्णवयणा जाया दूसल-दुम्मुहा । सद्दावेऊण समुद्दत्तेण संभूसिया भणिया य—“न भे भाइव्वं । जं ताएण मह पडिडवण्णं तं देह ।” दिण्णो घरसारतइयभागो । वच्चंति वासरो । ववहरइ सव्वत्थ निस्संको । सासंका दूसल-दुम्मुहा—“मा कयाइ अम्हे एसो निद्धाडेज्जा ।”

अण्णम्मि मंतिर्यं दोहि वि—“जइ कह वि एसो वावाइज्जइ तो सोहणं होइ ।” तओ वरविणयेण समाराहिऊण भणिओ तेहि समुद्दत्तो—“सेट्टितण्य ! तुह जणओ अत्थावज्जणा निमित्तं पइ वरिसं समुद्दमवगाहयंतो समुद्दसिरी एसो सव्वा वि तुह घरे वियरइ । जइ रोयइ तो कीरउ सामग्गी । लंघिज्जउ भयवं जलनिही । समण्वत्तिज्जउ जय-पयं । कीरउ नियभुयदंड-समज्जिण्ण दविणेण विहलजण-समुद्धरणं । वित्थरिज्जउ सरयससहरसत्तिहा कित्तो । जओ—
व-भायफलं विहवो,विहवफलं विहलजण-समुद्धरणं । विहलुद्धरणे वि असो जसेण ता किण्ण पज्जत्तं ॥२॥

समुद्दत्तेण भणियं—“एवं कीरइ !” भणिया जाणवत्तिआ—“पउणीकरेह जाणवत्तं । सिहल-दीवं पइ जाभो !” “जमाइसइ सामो !” भणिऊण गया धीवरा । समुद्दत्तेण वि गहियं तप्पाओगं भूरिभंडं । निरुविया सहाया । कया संजतिएहि सह ववत्था । ठावियं सोहण-दिणे जले जाणवत्तं । समारोवियं भंडं । अट्टाहिया महिमा पुरस्सरं कयं समुद्दत्तेण समुद्दाहिवसमाराहणा निमित्तं अट्टमं । तओ पणमिऊण जणणीए पय-पंकयं, कयविह-मंगलोवयारो संभा-सियासेसपरियणो, समं दूसल-दुम्मुहेहिं पत्तो समुद्दनीरं समुद्दत्तो । पूइओ वरपुप्फाईहिं पुणो वि जलनिही । दिट्ठं च सलिलमज्झट्टियं जाणवत्तं । तं च केरिसं—“तावसवयं व वक्कलपहाणं, निस्संग-मुणिजण-मणं व लोलाभिसंधिरहियं, सज्जण-जण-चित्तं व परछिद-विप्पमुक्कं, नरवरसहा इव बहु भड-संकुलं, जिणसासणं पिव अप्पमत्त-समलंकियं, महासभरंगणपि व सव्वल-सेल्ल-सत्ति-सिलामुह-धम्म-सय-संकुलं, दुद्ध-रुहिर-खेरिणी व जलोवरि तरंतं, तंतुवायसाला इव बहुकोलिय-संगयं, महाविदेहं [व] दीसंतपउर-सियवडं, मत्त-भायंगो व्व संबंत-वरत्त-संकुलं, सत्तिकुमारसुद्दग-सेण्णं पिव उभयवावण्णयं । अवि य—

उद्धं सिय-द्वय-खं अट्टिअ-निज्जामय-पुरिस-संगयं विउलं । पवणपहल्लिर-धयवड-धुव्वं तं छत्तयसणाहं ॥३॥
रत्तमाल-सिय-नियंसण-नियंसिओ सेयकुसुम-कय-सोहो । कप्पूर-पूर-परिगय-सिरिखंड-विलित्त-सव्वंगो ॥४॥
देव-गुरूण पणामं काऊण नमेवि जणणि-पय-कमलं । दूसलदुम्मुहसहिओ आरुढो जाणवत्तं सो ॥५॥

कसिओ सियवडो । पयणाविया कण्णधारा । निउत्ता जलनिग्गालया । समुक्खित्ता नंगरा । विहिओवओगा जाया आड-त्तिया । तओ गिज्जंतेसु मंगलेसु आपुरिज्जंतेसु संखेसु, वज्जंतेसु तूरेसु, पढंतेसु माहणेसु, जयजयारावभरियभुवणंतरेसु मागहेसु, दिज्जंतेसु दीणाणाहमहादाणेसु, नच्चंतेसु विलासिणी-सत्थेसु, पणमिऊण जणणीं, सट्टाणं निविट्ठे समं तारावलीए समुद्दत्ते. दक्खिणायरपाससंठिएसु दूसल-दुम्मुहेसु, अणुकूलपवणपणोल्लियं गंतुं य पयट्टं जाणवत्तं । कहं—“कहिं वि मच्छ-पुच्छच्छडा-भिघायसमुच्छलिय-सिसिर सीअर-विज्जाविज्जंत-हुयासणं, कहिं वि जल-करि-धाय-दलिज्जंत-सार-सिप्पि-समुच्छलंतनित्त-

लामल-मुताहल-पुरिज्जंत-मत्तयं कहिं विं दुज्जय-जल-दोजीहगसिज्जंत-मच्छपुच्छच्छडाभिघाय-धुमंत-सज्जयं, कहिं वि गुरुगाह-गोहा-गसिज्जंत-आवेत्तल्लयं, कहिं वि जलमज्जणावइण्ण-सरदोघट्ट-संघट्ट-तुट्टंत-विसट्टकंदोट्ट-नियर-मयरंद-विदुसंदो-हसंग-संगलिय-महुरमहुयरावाव-रंजिय-जणं, कहिं वि तीरट्टि-एगट्ट-निविट्ट-दिट्टि-धट्ट-वड्डरिट्टनिट्ट-विज्जंतदीसंततड-पडिय-मच्छयं कहिं वि चंडत्तुंडभारुंडखंडिज्जमाण-सुडयं, कहिं वि मच्छूलावडियमहामच्छजाणिज्जमाण भूधरासंकं । एवं कमेण वहिऊण, पत्तं सिधलदीवे जाणवत्तं । सहरिसं जंपियं संजत्तिएणं “भो ! नंगारेह बोहित्थं । संचरेह सिडं । करेह पूयं भयवओ रयणायरस्स ।” तहेव काऊण सव्वं गहियपउरपाहुडो गओ नरवइदंसणत्थं समुददत्तो । दिट्टो राया । सम्पियं पाहुडं । सम्माणिओ रण्णा तंभोलाइणा । कओ अद्धकरो । समागओ पुणो वि बोहित्थं । उत्तारियं भंडं । पारडो वव-हरिउं । जाओ अट्टगुणो लाभो । बोलीणो तत्थेव वासारत्तो । कया नियदेस-गमण-सामग्गी । पसत्थवासरे मुक्कं पवहणं । अणुकूल-पवण-पणोल्लिय गंतुं पयट्टं ।

अण्णम्मि दिणे वलियचित्तेहिं चितियं दूसल-दुम्मुहेहिं—“सोहणं हवइ जइ एसो कह वि वावाइज्जइ ।” एवं कुवियप्पकं-कलुसिय-माणसाणं गच्छंति ताण दिणाणि । अण्णया भणिओ समुददत्तो तेहिं—“सामि ! परिक्खीण-यायं पुव्वगहिय-पाणियं । पुव्वं पि सेट्ठिणा सह समागएहिं अम्हेहिं एयम्मि पच्चासण-दीवे सच्छ-सरस-सलिल-भरिया कूविया [ओ] धरिऊण जाणवत्तं गहियं इमाओ सलिलं । संपयं पि जइ भे रोयइ तो गंतूण निरुविज्जउ सलिलं, जेण सुहेणेव गम्मइ ।” पडिवण्णं समुददत्तेण । गओ निरुवणत्थं समं दूसल-दुम्मुहेहिं । कोऊहलवसेण कूवियं निरुविअंतो अंतरं लहिऊण पक्खित्तो तेहिं समुददत्तो । दिट्ठो जाणवत्तोवरि संठियाए तारावलीए । ठिया आयार-संवरं काऊण । समुददत्तेण वि निगूहिऊण ताण चेट्ठियं जंपियं—“भो दूसल-दुम्मुहा ! कुवियादंसण-समुप्पण-भूरिभमलीए निवडिओऽहमेत्थ । रयणरासि भरिया य एसा कुविया दीसइ । पेसह मंचियं जेण रयणाणि गिण्हामो ।” तेहिं वि तहेव कयं । गहियाणि बट्ठणि रयणाणि । समागया तत्थ बहवे पवहण-पुरिसा तारावली य । निग्गओ, समुददत्तो । उज्जियमसारं । भरियं रयणाण बोहित्थं । कओ जलसंगहो । मुक्कं पुणो वि जाणवत्तं । भूरिरयणलाभ-दंसण-संजणिय-लोहाइरेगेहिं पुणो वि चितियं तेहिं—“संपयं पि मारेमो केण वि उवाएण समुददत्तं जेण एसो लच्छी अम्हाणं हवइ ।” एवंविहचित्तासमाउलण समागया ताण सव्वरी । सरीर-चित्ता निमित्तं उट्ठिओ सेट्ठि-सुओ । लहिऊण जणठिहं पक्खित्तो रयणायरे दूसलेण । अणुकूल-पवण-पेल्लियं वेगेण गंतुं पयट्टं जाणवत्तं । गयं खणंतरेण जोयण-तिगं । तओ नियडि-बहुलयाए “न दीसइ समुददत्तो” त्ति भणंतेहिं पुक्कारियं दूसल-दुम्मुहेहिं । धरियं पवहणं । गवेसिउं पवत्ता दिसोदिसि सव्वे धीवरा पुरिसा । न लद्धा कत्थवि पउत्ती । भणियं दूसलेण—“विसमो समुदो । मा सव्वेसिं विणासो हवउ । कालण्णुणा होयव्वं पुरिसेण उ । गच्छउ पवहणं । पुणो तप्पउत्तिं लभिस्सामो ।” सव्वं समएण समागयं जाणवत्तं । जाया घरसामिया दूसल-दुम्मुहा । तारावली- [ए] वि साहियं असोगसिरी जहा—“पावकम्मकारिणो दूसल-दुम्मुहा । पढमं ताव इमाहिं कूवियाए पक्खित्तो अज्ज-उत्तो । पच्छा समुदो पक्खिविऊण कयालियकोलाहला इहागया । ता न य अम्हे इमाण मज्जे वासो संगओ । एहिं मह जणय-मंदिरं वच्चमह ।” गयाओ दो वि ससोगाओ । दट्टूण पुच्छियं नरदत्तसेट्ठिणा—“वच्छे ! तारावलि ! किं न दीसइ ते पिययमो ?” तओ मण्णुभरभरियमाणसाओ रोइउं पयत्ताओ असोगसिरि-तारावलीओ । समुप्पणाणिट्टसंकेण पुणो वि जंपियं सेट्ठिणा—“वच्छे ! तारावलि ! कहेसु किं निमित्तं सदुक्खं रोविज्जइ ?” साहिओ तीए सव्वोवि जणयस्स वइयरो । कुविओ सेट्ठी दूसल-दुम्मुहाण । समासासिया असोगसिरी । गहिऊण पाहुडं गओ नरवइ-समीवं । कहिओ सव्वो वि वुत्तंत्तो नराहिवस्स । सहाविया ते दो वि राइणा । पुच्छिया समुददत्तस्स वुत्तंतं । तेहिं भणियं—“समुदमज्जे निवडिओ एत्तियं चेव वियाणामो, न उण अण्णं ।” राइणा भणियं—“समुद-निवडणे तस्स भवंतो निबंधणं एवं जणो मंतेइ ।” तेहिं भणियं—“दुज्जणो जणो अलियवाई । जइ पुण एयं कोइ सच्चवेइ तो देवपायाण पुरओ पणेण ववह-रामो ।” एवं सोऊण सकोवं जंपियं सेट्ठिणा—

एक्कं करेह पावं बीयं अवलेवह कत्थ भे सुद्धी । अहवा लोयपवाहो सच्चविओ एस तुम्हेहिं ॥६॥

जेणं चिय उव्वविया जस्स पसाएण निग्गयपयावा । सबरा दहंति विज्जं खलाण मग्गो च्चिय अउव्वो ॥७॥

राइणा भणियं—“जइ एवं तो रक्खगपुरिसवेडिया वच्चह सधरं । मुहियाणि मूलमंदिराणि । एवं नरदत्तसेट्टिणा सद्धि विसंवयंताण वच्चंति वासरा ।

सो वि समुद्दत्तो जलनिहि-निवडणाणंतरमेव पउमासणनिसण्णो रायहंसो व्व नरनाहलहरीहिं हिरंतो दिट्ठो वेलाविलासविज्जाहरेण । उप्पाडिऊण नीओ रयणायरमज्झ-संठिए सुवेलगिरिवरे । पवेसिओ कणय-रयण-विणिम्मविय रयणर्थभ-सय-सोहिए सत्तभूमिए पासाए । निवेसिओ भणिमय-पवर-पल्लके । भणिओ य पणय-पुव्वं समुद्दत्तो—“महाभाग ! वेलाविलासो नाम विज्जाहरो हं । एसा पाणप्पिया रइसुंदरी मह धूया । पुच्छिओ य मए विमलप्पहो नाम केवली—“भयवं रइसुंदरीए को भत्ता भविस्सइ ? कहं वा अम्हेहिं नायव्वो ?” भयवया भणियं—“जो जलनिहिपडिओ वि अनिमज्जमाणो पउमासणोवविट्ठो रायहंसो व्व तरंगेहिं हीरिज्जंतो पिच्छिहसि सो ते धूयाए वरो होही ।” पणमिऊण केवली समागओ हं सुवेलपव्वए । करेमि पइदिणं समुद्-निरुवणं । अज्ज पुण जहाइट्ठो दिट्ठो तुमं, आणिओ य एत्थ । पुरेसु मह मणोरहा । करेसु पाणिग्गहणं रइसुंदरीए ।” समुद्दत्तेण भणियं—“तुमं चेव विमाणासि ।” दिण्णा पसत्थ-वासरे रइसुंदरी समुद्दत्तस्स । वित्तं पाणिग्गहणं । तीए सह सिणेहसारं विसयसुहमणुहवंतस्स वच्चंति वासरा ।

अण्णम्मि दिणे उव्वेयमुव्वहंतो विट्ठो समुद्दत्तो रइसुंदरीए पुच्छिओ—“पिययम ! किं कारणं उव्विग्गो वि य तुमं लक्खीयसि ? कहेसु जहट्टियं जेण तण्णडियारं चिंतेमि ।” समुद्दत्तेण भणियं—“अत्थि तुह जेट्ठा भइणी तारावली नाम । तीए गुणविसरं सरंतस्स संजाया मह मणागमनिव्वुई ।” तीए भणियं—“धेवभिणं न संतप्पियव्वं अज्जउत्ते !” एवं भणिऊण गया जणय-सभीवे । कहिओ सब्बो वि वइयरो । तेण भणियं—“जइ ते रोयइ ता तए सहेव विमाणमारोविऊण तत्थेव पराणेमि समुद्दत्तं ।” पडिक्कणं इमिए । सदाविओ समुद्दत्तो विज्जाहरेण, भणिओ य—“वच्छ ! गच्छसु समं रइसुंदरीए नियट्ठाणं ।” निम्मवियं वरविमाणं विज्जाहरेण । भरियं सुवण्ण-रयणाण । समारोविओ समं रइसुंदरीए । तम्मि समुद्दत्तो निसण्णो मज्झभाए सयमेव रइसुंदरी पियाए । गंतं पयट्ठं गयणमग्गेण तं विमाणं । खणद्धेण पत्तं समुद्द-दत्तमंदिरं । विज्जाहरपरिवारिओ समं रइसुंदरीए उत्तिण्णो विमाणाओ समुद्दत्तो । तं दट्ठूण भयभीया पलाणा दुसला-दुम्महा । अहिट्टियं नियघरं सेट्टिनंदणेण । सदाविया असोगसिरी । समागया । साहिऊण पुव्वसमागमं नरदत्तसेट्टिणा समं तारावलीए पणमिया सविणयं समुद्दत्तेण । हरिसवसुल्लसिय-वयण-कमलाए चुबिओ मुट्ठाणदेसे निवेसिओ नियय-अद्धासणे । तओ ठिया पुरओ रइसुंदरी नाम तुह वहुया एसा पायवडणं करेइ । “वच्छे ! अविहवा भवसु” भण-माणीए अहिणंदिया तीए । निवडिया चलणेसु तारावलीए रइसुंदरी ! साहिऊण सब्बं वइयरं असोगसिरीए भरिऊण भवणं सुवण्णरयणाणं संभूसिऊण समुद्दत्तं भणिओ—“वच्छे ! कायव्वा गुरुजण-मुत्सूसा । पियसहिओ इव दट्ठव्वाओ सवत्तीओ । दक्खिण्णपराए भवियव्वं । नियपरियणा अवराहपाए कहि पि पइ निम्भच्छियाए वि हसिऊण न एगागिणीए चेव पियहरमणुसरियव्वं । पइपसायं पाविऊण न गव्वो कायव्वो ।

एवं कुणमाणीओ चेव घरिणीपयं पावेंति कुलबालियाओ । विवरीओ पुण नियकुलपीडा कारिणीओ ॥८॥

किच—

जेमेइ जिमियमेत्ते सुयइ पसुत्तम्मि परियणे सब्बे । पढमं चिय पडिबुज्झइ घरस्स लच्छी न सा घरिणी ॥९॥

कि बहुणा—

अथिरे जीए विहवे असासए पुत्ति ! केत्तियं भणिमो । धवल-कुले कलंकं न होइ जह तह करेज्जासि ॥१०॥”

एवं सिक्खा गाहिऊण रइसुंदरि रयणीए चेव गओ सट्ठाणं वेलाविलास-विज्जाहरो । पहाय समये गहिऊण पहाण-पाहुडं गओ समुद्दत्तो नरवइ समीवं । दिट्ठो राया । समप्पियं पाहुडं । नमिऊण रायाणं निसण्णो दंसियासणे । सम्भाणि-ऊण तंबोलाइणा पुच्छिओ कुसलोदंतं नरिदेण । समुद्दत्तेण भणियं—“सव्वत्थ कुसलं देवपायाणुभावेण ।” एयम्मि अवसरे समागओ नरदत्तसेट्टी । पणमिऊणं रायाणं निसण्णो उचियासणे । पुच्छिओ रण्णा समुद्दत्तो—“केण तुमं समुद्दे पक्खित्तो !”

तेण भणियं—“नियकम्मुणा ।” पुहइवइणा जंपियं दूसल-दुम्मुहेहिं पक्खित्तो एवं नरदत्तसेट्ठी पयंपइ । सेट्ठीसुएण भणियं—
“न मए किं पि वन्नव्वं ।” सेट्ठिणा भणियं—“महाराय !

सहइ न कडुयं जंपइ लेइ न दोसे गुणो पयासेइ । रुसंताण न रुसइ दक्खिण्ण-महोयही एसो ॥११॥

अओ ते चेव पुच्छउ महाराओ ।” पेसिया पुरिसा नरिदेणं । गवेसिया तेहिं घरे, न उण दिट्ठा । साहियं तेहिं सभागंतुण नरवइस्स—“न दीसंति ते नियमंदिरे ।” समुप्पण्णासंकेण समाणत्तो दंडवासिओ नरवइष्णा—“तहा करेसु जहा लहुं लहेऊण आपणह मह पुरओ दूसल-दुम्मुहे ।” ‘जमाणवेइ सामी’ भणिऊण पारद्धो नयरमज्जे गवेसिउं तलवरो । न दिट्ठा कत्थवि । तओ बाहिं गवेसयंतेण दिट्ठा उज्जाण-कंधारिकुडंगमज्जे निलीणा । नीया रायमंदिरं । दंसिया राइणो, भणिया य नरदत्तसेट्ठिणा—“अरे एसो समुद्दत्तो । छिज्जउ संपयं विसंवाओ ।” एयं सुणिय अहोमुहट्ठिया दूसल-दुम्मुहा । राइणा भणियं—“जइ न सच्चवेह नियवयणं ता नत्थि भे जीवियं ।” समुद्दत्तेण भणियं—“देह अभयसि-माण जेण सव्वं साहेमि ।” पडिवण्णं राइणा । कहिओ सव्वो वि जहट्ठिओ समुद्दत्तेण वडयरो । रुट्ठो रायः । निद्धाडिया नियदेसाओ दूसल-दुम्मुहा । समुद्दत्तो वि तारावली-रइसुंदरीहिं सद्धि सिणेहसारं विसय-सुहमणुहवतो कालं गमेइ । वल्लहा विसेसेण तारावली । कमेणुप्पणं पुत्त-संचणं तारावलीए, तणय-तिगं च रइसुंदरीए । पत्तो परम-पसिद्धि । समुद्दत्तो कओ सयलनेगमपत्तमासणिओ राइणा, सम्मओ सयलपणइवग्गस्स, बहुमओ नियबंधवाणं, सोमो व्व सयलजणमणाणि आर्णिदितो कालं गमेइ ।

अण्णया गामाणुग्गामं विहरता समागया तत्थ पियंकाराभिहाणा सूरिणो । समवसरिया तिलयनंदणकाणणे । समागया वंदणानिमित्तं नयरलोया । समुद्दत्तो वि समं तारावलीए संपत्तो सूरिसमीवे । वंदिऊण निसण्णो उच्चियासणे । पारद्धा भगवया संसार-निव्वेयजणणी धम्मदेसणा । एत्थंतरे अवसरं लहिऊण जंपियं समुद्दत्तेण—
“भयव ! सव्वेवि पासंडिणो निय-नियधम्मं सोहणं संगिरंति, कहिं लग्गामो ?” सूरिणा भणियं—“सोम ! राह-गुत्तामच्चेणेव परिकिखऊण धम्मो सयं गहेयव्वो, अण्णो वा गाहणीओ ।

‘जट्ठ’ ति ‘सुन्दर’ ति य सव्वो घोसेइ अप्पणो पणियं । कइएण य चेतव्वं सुन्दर ! सुपरिकिखउ काउं ॥

समुद्दत्तेण भणियं—“भयवं कहं राहुगुत्तेण परिकखा-पुरस्सरं अप्पणो पडिवण्णो वा गाहिओ धम्मो ?” भयवया भणियं—“सोम ! सुण” —

अत्थि सयलभारहालंकारभूयं धरणिमणी-भालयल-तिलय-सन्निहं सिरितिलयं नाम नयरं । नियय-पथाव-विणिज्जिय-सयल-सुरो सूरिविक्कमो नाम राया । तस्स य नियमइ-विणिज्जिय-सुरगुह-राहुगुत्तो नाम मंती । अण्णया धम्मत्थिणा तेण परिकिखया सव्वे वि पासंडिणो । दिट्ठा पुव्वावरविरुद्धाणि भासंता न ठिया माणसे । तओ गओ जीवाणंदसूरि समीवे । कहिओ तेण पुव्वावर-विसंवाय-रहिओ जीवदयासारो सव्वण्णु-धम्मो । दंसणावरण-कम्मख-ओवसमेण अभिरुइओ राहुगुत्तस्स । कया पडिवत्ती । समत्त-पुरस्सरं पडिवण्णा देस-विरई । विहरिया अण्णत्थ सूरिणो । निरइयार-धम्म-पडिपालणरयस्स वच्चंति वासरा राहुगुत्तस्स ।

अण्णम्मि दिणे विसज्जिएसु मंति-सामंताइएसु पारद्धो धम्मवियारो सूरिविक्कम-राइणा । पुच्छिओ राहु-गुत्तमंती—“निउणो तुमं धम्मवियारे । अदिकिखओ अज्ज वि अहं । निय-नियदंसणपसंसापरायणा पाएण सव्वे वि पासंडिणो । भणसु जस्स दिक्खं पवज्जामि ।” मंतिणा भणियं—“महाराय ! परिकिखज्जंतु ताव सव्वे वि पासंडत्था । पच्छा परिकिखा-निव्वडियस्स दिक्खा बहेवब्धा । राइणा भणियं—“परिकिखं पि तुमं चेव करेसु ।” मंतिणा भणियं—
“एवं करेमि ।”

तओ गाहा चउत्थपायं “सकुंडलं वा वयणं न व त्ति” भुज्ज-खंडे लिहिऊण सहाविया सव्वे वि पासंडिणो मंतिणा, भणिया य “भो ! केण वि पत्तणेण कइणा गाहा चउत्थपाओ भुज्ज-खंडे लिहिओ । ता काऊण तयणु-

सारीणि तिष्णि पयाणि लहुं रायंतियं समागच्छह । गया सव्वे वि नियट्ठाणं । बोलीणा रयणी । पभाए पढममेव समागओ बंभणो ।

भणियं च तेण--

कण्णत्थ-भिक्खाए गएण दिट्ठा । सुवण्णवण्णा जजमाण जाया ॥
वक्खित्त-चित्तेण मए न नायं । सकुंडलं वा वयणं न व त्ति ॥१३॥

तओ पढियं तावसेण--

भिक्खं भमंतेण कहिं पि दिट्ठा । माहेसरी पिहुलनियंबविवा ॥
वक्खित्त-चित्तेण मए न नायं । सकुंडलं वा वयणं न व त्ति ॥१४॥

तओ पढियं सुद्धोयणि-मुएण--

मालाविहारम्मि मएज्ज दिट्ठा । उवासिया कंचण-भूसियंगी ॥
वक्खित्त-चित्तेण मए न नायं । सकुंडलं वा वयणं न व त्ति ॥१५॥

भगवेण पढियं--

भिक्खा पविट्ठेण मएज्ज दिट्ठं । पमयामुहं कमल-विसालनेत्तं ॥
वक्खित्त-चित्तेण मए न नायं । सकुंडलं वा वयणं न व त्ति ॥१६॥

सुरगुरुसीसेण भणियं--

फलोदएणं म्हि गिहं पविट्ठे । तत्थासणत्था पमया वि दिट्ठा ॥
वक्खित्तचित्तेण मए न नायं । सकुंडलं वा वयणं न व त्ति ॥१७॥

जिणमयवासियंतकरणेण खुद्दएण भणियं--

खंतस्स दंतस्स जिइंदियस्स । अज्झप्पजोणे गयमाणसस्स ॥
कि मज्झ एएण विचित्तिएणं । सकुंडलं वा वयणं न व त्ति ॥१८॥

मंतिणा भणियं--इभेहिं पढियस्स परिभाविओ को वि अत्थो देवेण ? राइणा भणियं--“आमं”, मंतिणा भणियो--“केरिसो ?” राइणा भणियं--“मोत्तूण खुद्दयं सव्वे वि सराग-वयणा ।” मंतिणा भणियं--“सुट्ठु नायं सामिणा ।” भणियो चेल्लओ राइणा--“वीयरायविणेय कि तए इमाण विरुद्धं जंपियं ?” चिल्लएण भणियं--“महाराय ! सरागवयण-सवणओ सरागा तयणुरूवं चैव जंपति । अओ चैव तेसि सत्था वि वीयराय-विवरीओ अणुमिज्जइ । वीयरारा पुण राग-दोसविज्जिऊण जंपति । भणियं च--

उल्लो सुक्को व दो छुद्धा गोलया मट्ठिया मया । दो वि आवडिया कुड्डे जो उल्लो सो तत्थ लग्गई ॥१९॥
एवं लग्गति दुम्महा जे नरा कामलालसा । विरत्ताओ न लग्गति जहा से सुक्कगोलए ॥२०॥

एवं संखेवेणं धम्मदेसणं काऊण गओ चेल्लओ सूरिसमीवे । भाविओ जिणसासणे राया । रंजिओ चेल्लवय-चरिएण । भणियो राइणा” राहुगुत्तो--“सोहणो जिणधम्मो । तथा वि करेसु जहा एयम्मि मे दिक्खा संपज्जइ ।” मंतिणा भणियं--“जं सामी समाइसइ ।”

वीयदिणे नीओ राया संखायणुज्जाणसंठिय-पसंतायरिय-समीवे । वंदिऊण सूरि-पय-कमलं निसण्णो उचिया-सणे राया । पारद्धा भगवया धम्मदेसणा । वनियं पढममेव पासाय-पीडकप्पं मोक्खतरुबीयभूयं सम्पत्तं । पसंसिया

सोदाहरणा य तस्स गुणा जहा—एगम्मि नयरे एगो राया । तस्स दो पुत्ता बाहत्तरि-कलाकुसला सूरसेण-वीरसेणा । ताण पढमो अंधो सो सद्देही य । बीओ पुण सज्जक्खो संगामवियक्खणो य । अण्णया पारदो [जुद्धो] ताण पिमा-सत्तु नरिदेण वेढियं नयरं । निरुद्धा निग्गमपवेसा । विण्णत्तो सूरसेणेण राया—“ताय विसज्जेसु मं जेण पराणीयं पराजिणेमि ।” अणुमण्णिओ राइणा । सहाय सहिओ पत्तो पराणीयं । जत्थ जत्थ सद्दं सुणेइ तत्थ तत्थ पढम पाउसो व्व निरंतरं नारायघोरणीए वरसिउमाढत्तो । इओ तओ विसंठुलं वयंतो समरंगणे वियाणिओ विपक्ख-नरिद-जोहेहि-जह एस अंधो सद्देही य । तओ भरं काऊण अवयणा चेव तदुवरि निवडिया ।

एत्थंतरे जणयाणुणाओ पवरकरिवरारूढो समागओ समरसीसं वीरसेण कुमारो । तहा जुञ्जिउं पवत्तो जहा खरपवणपणोल्लियं व मेहविदं दिसोदिसि पणट्ठं सत्तु-वलं । मोयाविओ सूरसेणो । पाविया जय-पढाया । पसंसिओ सयललोएण । परितुदुमाणसेण राइणा ठाविओ जुवरायपए ।

कुणमाणो वि य किरियं परिच्चयंतो वि सयण-घण-भोए । देतो वि दुहस्स उरं न जिणइ अंधो पराणीयं ॥२१॥
कुणमाणो वि निवित्तिं परिच्चयंतो वि सयण-घण-भोए । देतो वि दुहस्स उरं मिच्छद्विट्ठी न सिज्जइ उ॥
तम्हा कम्माणीयं जे उ मणो दंसणम्मि पयएज्जा । दंसणवओ हि सहलाणि हुंति तव-नाण-चरणणि ॥२३॥

राइणा भणियं—“भयवं ! कइ-भेयं, कहं लब्भइ, कि-सरूवं, कि-फलं वा एयं सम्मत्तं ?” सूरिणा भणियं—
“सोम ! सुण—

एगविह-दुविह-तिविहं चउहा पंचविह-दसविहं-सम्मं ।^१ मोक्खतरू-बीय-भूयं संपइराया व धारेज्जा ॥२४॥
एगं विहं सम्मरुई निसरगाभिगमेहि तं भवे दुविहं । तिविहं तं खइयाई अहवा वि हु कारगाईयं ॥२५॥
समत्तमीस-मिच्छत्त-कम्मक्खयओ भणंति तं खइयं । मिच्छत्त-खओवसमा खाओवसमं ववइस्संति ॥२६॥
मिच्छत्तस्स उवसमा उवसमा[यं]तं भणंति समयलू । तं उवसमसेढीए आइमसमत्तलाभे वा ॥२७॥
विहियाणुट्ठाणं पुण कारगमिहरोयणं तु सद्दहणं । मिच्छद्विट्ठी दीवइजं तत्ते दीवणं तं तु ॥२८॥
खइयाई सासायण सहियं पुण चउव्विहं मुण्येव्वं । तं सम्मत्तन्भसे^२ मिच्छं तु अपावमाणस्स ॥२९॥
^३वेयग सहियं एयं पंचपयारं तु होई विण्णेयं । सम्मत्तचरमपोगल-वेयणकाले य तं होइ ॥३०॥
एयं चिय पंचविहं निस्सगाभिगमभेयओ दसहा । अहवा वि निस्सगरुई इच्चाइ जमागमे भणियं ॥३१॥
जीवाइ नव पयत्ये जो जाणइ तस्स होइ सम्मत्तं । भावेण सद्दहंते अयाणमाणे वि सम्मत्तं ॥३२॥
तत्थ सद्दहणं सम्मत्तं तम्मि जीवस्स गंठिभेयम्मि । खयओवसमाइ भेयं सुहा य परिणाम-रूवं तु ॥३३॥
सम्मद्विट्ठी-जीवो विमाणवज्जं न बंधए आउं ।^४ जइ न वमियसम्मत्तो अहव न वद्धाऊओ पुंवि ॥३४॥
सम्मत्तम्मि उवलद्धे ठइयाइं नरय-तिरिय-दाराइं । दिव्वाणि माणुसाणि य मोक्ख-सुहाइं सहीणाइं ॥३५॥

रण्णा भणियं—“भयवं ! पडिवण्णो मए अज्जप्पाभिइ अरहंतो देवो, गुरु साहूणो, रुइयाणि जीवाइणि नवतत्ताणि, भाविओ जिणागमेण अप्पा ।” सूरिणा भणियं—“सोम्म ! एत्तियं चेव सम्मत्तं । एसा चेव जिण-दिक्खा । घण्णो तुमं । पत्तं तए पावियव्वं । सहलो ते मणुय-जम्मो । तिण्णो ते भवोदही । परित्तीकओ संसारो । सुलहाओ तुह नरामरपवर

१. दब्बाई कारगाई उवसमभेएहि वा सगं

२. मिच्छत्ता आपत्तिरूवं तु-प्रवचनसारोद्वारे ।

३. वेययसंजुत्तं पुण एयं चिय पंचहा विणिद्विट्ठं—प्र.-सारोद्वारे ।

४. जइ वि न वमियसम्मत्तो—आहृत्तिकको प १८१।

संपयाओ । परं निस्संकियाइ-अट्टगुणपरिसुद्धं समत्तपरिपालणे पयत्तो कायव्वो ।” राइणा भणियं—“के इमे निस्संकियादओ अट्टगुणा ?” सूरिणा भणियं—“सुणेहि,

निस्संकिय, निक्खंकिय, निव्वितिगिच्छा, अमूढदिट्ठी य । उव्वूह, थिरीकरणे, वच्छल्ल, पभावणे अट्ठ ॥३६॥

संका दुविहा-देससंका सव्वसंका य । देससंका—“किमसखेज्जपएसो अप्पा होज्जा न वा ।” सव्वसंका—“सव्वे पि धम्मत्थिकायाईए जिणपण्णत्ते भावे संकइ” । दुविहा वि संका परिहरियव्वा विसुद्धसंमत्त-धारणेण । जहा धणदेवेण परिहरिया ।”रणा भणियं—“भयवं ! को एस धणदेवो ?”

संकाए धणदेवकहाणयं

अत्थि इहे भारहेवासे सयलजय-पसिद्धं चंपावासं नाम नयरं । तम्मि य दो वणिय-दारया वयंसया परिवसंति धणदेवो धणमित्तो य ।

अण्णया निसुओ तेहि सुहंकरायरियसमीवे सव्वण्णु-पणीओ धम्मो । संजाय-संसार-निव्वेएहि जंपियमणेहि—“भयवं ! सोहणे धम्मो । पुच्छिऊण जणणी-जणए पडिवज्जामो एयं ।” सूरिणा भणियं—“अविग्घं देवाणुप्पिय ! मा पडिबधं करेह ।” तओ ते बंदिऊण सुहंकरायरिय-पघपकयं पविट्ठा नयरं । गया निय-नियघरेसु । विण्णत्ता जणणो-जणया । ताऊण निच्छयं विसज्जिया तेहि । निक्खंता सुहंकरायरियसमीवे । गहियदुविहसिक्खा चरण-करण-परिपालपरया कालं गमिति ।

अण्णया वक्खाणिज्जेते आयारगे, जीवत्तेण परुविज्जमाणेसु छसु जीवनिकायेसु, अजीवत्तेण पण्णविज्जमाणेसु धम्माधम्मागासपोगलत्थिकाएसु गहण-पयत्थ-सवणुप्पन्न-संकेण भणियं धणमित्तेण—“भयवं ! जइ पुढवी जीवा ता कि तदुवरि संचरिज्जइ ? जइ जलं जीवा ता कि पिज्जइ ? जइ तेजजीवा कि तेहि रद्धं भुजइ ? वाऊ वि जइ ते भिक्खायरियासु भमंताण पइदिणं ताण विराहणा ? वणस्सइ जीवपरिकप्पणे पुण भोयणं पि न कायव्वं । तव्वह-परिवज्जणेण धम्मत्थिकायाइ पयत्था पुण अचक्खुगोयरा कहिज्जमाणा वि को सहहेज्जा । ता निउणपयावइकरकय-दंडग-भामिय-चक्कमत्थयत्थमिउपिडे व्व डोलाअइ मे हिययं ।” सूरिणा भणियं—“मित्त ! मा एवं भणसु । तित्थंतरिएहि वि इमे जीवा पडिवण्णा” “आपो वै देवता” इत्यादि भ्रुतिवचनश्रवणतः । साहवो पुण दुपय-चउप्पय-समइक्कंताए पुढवीए परिअडंति । जलं पि जलणाइ विद्धसत्थं मिण्हंति । तेउ समारंभो वि रंधणाइ कज्जेसु अप्पणट्ठा चेव गिहत्था कुणति । महावायाइ सचेयणावाए वायंते अवस्सगतव्वे वासत्ताणावरिया चेव गच्छंति । अकयमकारियमसंकप्पियनवकोडी परिसुद्धं पिडं ।

गिण्हंताण वणस्सइ वि घाओ नत्थि मुणिवराण । धम्मत्थिकायादओ वि आगमाओ चेव सहहेयव्वा ॥३७॥

जओ—

आणागेज्जा अत्था आणाए चेव सहहेयव्वा । दिट्ठंता दट्ठंतिय-गहणविहि वि सहहणा इहरहा ॥३८॥

अत्थैरप्युक्तं—

पुराणं मानवो धर्मः सगो वेदश्चिकित्सितं । आज्ञासिद्धानि चत्वारि न हंतव्यानि युक्तिभिः ॥३९॥

धणमित्तेण भणियं—भयवं ! जइ एवं निरंतरसिनेहा-सुयणा पडिवज्जिस्संति । तओ अजोगो ति काऊण उवे-क्खओ सूरिहिं । पवइहमाणसंको चेव परिवडियसंमत्तो मरिऊण सागरोवमाऊ पढम-पुहवीए नेरइयत्ताए उववण्णो । तओ उवडिऊण पावभर-पणोल्लिओ तिरियाइ दीहसंसार-भायणं संजाओ ।

जओ—

पयमक्खरं पि एकं पि जो न रोएइ सुत्तनिद्धिट्ठं । सेसं रोयंतो वि हु मिच्छइट्ठी जमालि व्व ॥४०॥

धनदेवेण भणियं—“भयवं ! दारुण-संसार-कारणं संका-जिणमय-विसया भवतो भणति । कहम्महारितेहि मं-
मइहि परिहरियव्वा ।” सूरिणा भणियं—“भदमुह ! जं ताव सुणिज्जंतं नियय-संबितीए समाखुहइ तं तहेव ।
पडिवज्जियव्वं । सेत्तं पुण एवं सदहियव्वं ।

रागेण व दोसेण व मोहेण व अलिय-वाइणो होंति । जस्स य इमे न दोसा तस्सालियकारणं नत्थि ॥४१॥
जियरागदोसमोहेहि भासियं जिणवरोहि एयं तु । तम्हा निस्संदिद्धं न होइ संकाए विसओ त्ति ॥४२॥

भणियं च—

कत्थ य मइदुब्बलेणं तव्विहायरियविरहओ वा वि । न य गहणत्तणेण य, नाणावरणोदयेणं च ॥४३॥
हेऊदाहरणा संभवे य सइ सुट्ठु जं न बुज्जेज्जा । सवण्णुमयमवितहं, तहावि तं चित्तए मइमं ॥४४॥
एवंविहिपरिणामा संका दूरेण होइ परिहरिया । निस्संकस्स नरामरनेव्वाणसुहाइं सुलहाइं ॥४५॥
सुणिऊण सूरिवयणं तह त्ति पडिवज्जिऊण गयसंको । धणदेवो सामण्णं अकलंकं काउमाढत्तो ॥४६॥

इओ य सोहम्मदेवलोए सोहम्माए सहाए सोहम्मसीहासणयसंठिएण सुहम्माहिवइणा जंबुदीवं विउलेणं ओहिणा
आभोगयंतेणं दिट्ठो भारहालंकारभूए कोसंबिपुरे आयावंतो धणदेवमुणिवरो । पसंसिओ सुरसंघ-समखं । जहा—
“न वत्थेत्य देवो वा दाणवो वा जो धणदेवस्स जिणभासियपयत्थेसु संकं संजणइ ।” तं सुणिय मुणिय-जिणवयण-
भावत्थो विहिय-बुड्ढमाहण-वेसो परिकखवण-निमित्तं धणदेव-समीवमागओ एगो देवो । वंदिओ धणदेवो । दिण्णा-
सीसओ निसण्णो उच्चियासणे । दिण्णो संखेवेण साहुणा धम्मीवदेसो । अवसरं सहिऊण जंपियं बंभणेण “भयवं !
पभूओ कालो मम जिणसासणं पवण्णस्स । संपयं पुण कम्ममले विमुक्कस्स जंतुणा समएण लोयंतगमणं सोऊण संकियं
मे माणसं ।

जओ—

“गम्मइ त्ति गइ” गमणस्स सयारंभ एव । असंखेज्ज समया गच्छंति तम्हा न दिसि गच्छइ ॥४७॥
न विदिसं गच्छइ न अहो न उड्ढं । विज्जाय दीवकप्पो भोक्खो, मण्णिज्जउं जियाण ।” ॥४८॥

अहवा—

समय वहुत्तं सुत्तम्मि निवारियं मूहा चेव । अप्फुसमाणगई वि हु न घडइ गमणम्मि जीवरस्स ॥४९॥
अंजण-चुन्ननिरंतरभरियसमुग्गयसमम्मि लोयम्मि । अफुसंतो कह गच्छउं, जीवो अइ ठड्ढसं एयं ॥५०॥
एयम्मि अविण्णाए, धम्मम्मि थिरं न होइ मह चित्तं । ता संका पंकमिणं नियवयणजलेण अवणेहि ॥५१॥
अह एयं पि न जाणसि निरत्थओ एस ते वयारंभो । होउं गिहासमरओ पूयहि पासंडिणो सव्वे ॥५२॥
जो चेव एत्थ धम्मो होही सो तारिही न संदेहो । एयं सोउं भणियो मुणिणा सो बंभणो एवं ॥५३॥
कम्मभरक्कंता वि हु तरतमजोगेणं सिग्घसिग्घयरं । दीसंति एत्थवि जिया पच्चक्खेणं पि कि बहुणा ॥५४॥
कम्मभरविण्णमुक्को अणंतवीरिओ अचित्तमाहप्पो । समएण वि जाइ जीओ भोक्खं को विम्हओ एत्थ ॥५५॥
फुसण्णो पोग्गलो धम्मो अपोग्गलो कम्मविरहिओ जीवो । जइ जाइ संफुसंतो न चिरेण वि पावए सिद्धि ॥५६॥
भट्ट ! दढं मह चित्तं जिणिदवयणम्मि संसओ नत्थि । तुज्झ वि न होइ जुत्तो संदेहो दुःखसयहेउं ॥५७॥
परहिय-निरया गयरागदोसमोहा य जिणवरा सव्वे । तेसि वपणे संका बहुदुक्ख-निबंधणा भणिया ॥५८॥

तओ तस्स निच्छयं नाऊण पयडिऊण नियरुवं साहिऊण सक्कपसंसावइअरं वंदिऊण गओ सट्ठाणं सूरु । धणदेवो
वि पालिऊणनिक्कलंकं सामण्णमण्णं, काऊण मासियं संलेहणं मरिऊण समुप्पण्णो सव्वट्टुसिद्धे सुरवरो । तओ चुओ
होऊण सिरिकंत-नरवरो काऊण जिणमए पव्वज्जं सिज्झिहिस्सइ एवं निस्संकसमतपरिपालणं कायव्वं ।

निक्कळिए सुरदेवजवाहरण-

अत्थि इहेव भारहे वासे कलिगविसयपहाणं पोलासपुरं नाम नयरं । तम्मि य सुरदेवो नाम परमसम्मदिट्ठी इब्भपुत्तो परिवसइ । बीओ पुण अहिणवपडिवण्ण-जिणधम्मो केसवो नाम वणियपुत्तो । सोऊण पडिदिणं समागच्छइ सुरदेवमंदिरं । करेइ तेण सह धम्मवियारं । न तारिसी चित्त-धिरया गच्छइ । अण्णतित्थियाण वि समीवे करेइ वंदण-धम्म-सवणाइयं । वियरइ गिहागयाण असणाइयं ।

अण्णया सव्व-दरिसण-सवण-जणिय-कुवासणावसेण जाया केसवस्स सयल-दरिसण-गोयरा आकंखा । तव्वसेण चित्तिउ पयत्तो । सव्वदरिसण-निराकरण-परायणं जिणसासणं मह पुण सुणमाणस्स सव्वाण वि संबित्तिमारोहंति । न मे कज्जं एयदंसण-परिग्गहेण । सव्वाणि समायरिस्सामि । जं चेव सव्वं सग्गापवग्गसाहणं तं चेव तारिस्सइ । एवविह-वियप्पेण कहि पि दंसणे अबद्धलक्खो कालं गमेइ । समुप्पण्णा तस्स केसवस्स सूलवेयणा । समागओ पडियरणानिमित्तं सुरदेवो । तयंतिए पुच्छिया सरीर-कुसल-वत्ता । केसवेण भणियं—“वयंस ! बाढं वाहेइ मम सूल-वेयणा । तुट्ठंति सयल-संधिठणाणि । न संवहंति अंगाणि । अओ वियर, कात्तोचियमुवएसं ।” सुरदेवेण भणियं—“मा मित्त ! कायरीभवसु । अवलबेसु धीरत्तणं । मुचसु सयल-दंसण-विसयमाकंखं । अंगीकरेसु देवत्तणेण सचराचरजीव-निक्कारणबंधवे, संसार-कंठार-नित्यारण-समत्थ-सत्थवाहकप्पे, संसारसायर-निवडंत-जंतु-समूह-समुत्तारण-वरजाणवत्ते समुरासुरमणुय-पूइए परम-पूयारिहे अरहंते, पडिवज्जमु गुरुत्तेण समंतिण-मणि-लेट्ठु-कंचणे सयलसंग-विप्पमुक्के, अट्टमयट्टाण-वज्जिए, पंचसमिए, तिगुत्ते, निम्ममे, निरहंकारे, कुच्छिसंबले, अपडिवद्धविहारे, भगवते साहुणो सरणं । ते हवउ निरुवमदयासारनिव्ववियसयल-जीवलोओ, खंताइगुणगणालंकिओ, अहरिय-कामधेणु-चित्तमणि-कप्परुक्ख-माहप्पो, कोहाइकसायानल-विज्जवण-जलहरो, उप्पहपयट्ट-कुहंत-पंचेदिय-तुरिय-नुरय-निवारण-सारही, सवण्णुप्पणीओ धम्मो एस । एयम्मि अवसरे तुह हिओवएसो, केसव एसो ।” केसवेण भणियं—“वयंस ! सुरदेव, साहियं सव्वदरिसणेषु परमपयं । पळवियं तस्स साहयं सयणुट्टाणं । कहिओ सयणुट्टाणहेउभूओ रागाइदोस-निग्गहो पण्णविओ पाणवहाइपाव-परिहारो । निदिओ विसयसणो । रूद्धाविओ इंदियाणं नियविसएसु पसरो । निवारिओ घर-धरिणि-धण-धण्ण-पिइ-पुत्ताइसु पडिबंधो । एवमाइ जिणपवयण-सिद्धं सव्वं तेसु वि अत्थि, ता कहमहं तप्परिहारेण जिणसासणमेव केवलं पडिवज्जामि । सव्वाणि वि सग्गापवग्गनिबंधणाणि, अओ सव्वाणि मे सरणं भवंतु ।” सुरदेवेण भणियं—“केसव ! करेसु मह वयणं । अलमिमाए दुग्गइ-गमण-निबंधणाए सव्व-दरिसणा-कंखाए । पुव्वावर-विरुद्धाणि हिसालिय-बोरिक्क-मेहुणापरिमिय-परिग्गहारंभ-निरयाणि कहं सग्गापवग्ग-कारणं भवंति कुप्पवयणाणि ? जो पुण को वि तेसु वि गुण-लेसो दीसइ सो सव्वण्णु-सासण-महासमुद्-बिदु-निस्संद-तुल्लो परिभाविक्खो भवया ।” जओ—

मोत्तूण जिणं मोत्तूणं जिणमयं जिणमए ठिए मोत्तू । संसारकंतवारं, चित्तिज्जंतं जगं सेसं ॥५९॥

केसवेण भणियं—“भो वयंस ! न एयं अज्ज वि मह परिणमइ ।”

तओ “अजोगो” त्ति काऊण उवेक्खिओ सुरदेवेण । परिचत्तो तेण सह समागमो । वचंति दिणाणि ।

अण्णया समागओ पोलासपुरं । गहिय-भिक्खु-लिगो धम्मगुत्तो नाम सुरदेव-मामगो । गच्छइ लोमो वंदण निमित्तं । न गच्छइ सुरदेवो । वहइ चित्तेण खेयं धम्मगुत्तो ।

अण्णम्मि दिणे उवालद्धा तेण सुरदेवजणपी जिणमई नाम नियक्षइणी । “जुत्तं तु एयं संगयं जं सुरदेवो बहु दिणागयाण वि पडिवण्ण-वय-विसेसाण वि गुरुसिणेह-उक्कंठुलाण वि संसारिय-संबंधमाणसाण वि तस्सेव दंसणत्थमागयाण वि दंसणं न देइ ? निष्कलं चेव ममागमणमेत्थ । अओ पभाए मए गंतव्वं ।” जिणमईए भणियं—“चिट्ठसु ताव दिण-पंचगं जाव सुरदेवं संबोहयामि ।” पडिवण्णं धम्मगुत्तेण । गया जिणमई नियधरं । सहाविओ

सूरदेवो । भणिओ य पणय-पुरस्सरं—“वच्छ ! वंदिओ तए नियमामणो धम्मगुत्तो ?” तेण भणियं—“न वंदिओ ।” तीए भणियं—“कि कारणं ?” सूरदेवेण भणियं—“पच्चक्खायं मए निक्कारणं परपासंड-वंदण-पुयणाइ-करणस्स ।” जिणमईए भणियं—“वच्छ ! एवं लोयववहारो खंडिओ होइ ।” तेण भणियं—“कि मह लोणेण ?” जणणीए भणियं—“एसो वि पढमं धम्मंगं ‘धम्मत्थिणा लोयविरुद्धं धम्मविरुद्धं च परिहरियव्वं’ ति, जिणाणा । अम्हाण वि तत्थ गच्छंताण नत्थि-धम्मबुद्धी । तुमं पि लोयववहारमणुसरंतो गंतूण दव्व-वंदणेण वंदाहि जेण तस्स वि मण-निव्वुई भवइ ।” ‘जमंबा समाण-वेइ’ भणिऊण तयणुरोहेण गओ सूरदेवो तयंतियं । धरिऊण माणसम्मि सिद्धिसुह-साहण-पच्चले सुसाहणो पणओ सूरदेवो धम्मगुत्तस्स । दिण्णासीवाओ तेण निसण्णो उचिंयांसणे । संभासिओ धम्मगुत्तेण—“निरामयं ते सरीरयं ?” सूरदेवण भणियं—“जरा-मरण-रोग-सोग-संपाद-पोडियाणं परमत्थ-विण्णाणरहियाणं केरिसं निरामयत्तणं संसारसभावणणाणं पाणिणं ? धम्मगुत्तेण भणियं—“कि कारणं चिराओ दंसणं कयं ?” सूरदेवेण भणियं—“घरपओयणवाउलयाए ।” भिक्खुणा भणियं—“जाव अहमेत्थ चिट्ठामि ताव तए पइदिणं समागतव्वं ।” पडिवण्णं सूरदेवेण । गच्छइ पइदिणं तस्स समीवे । संबड्ढइ परोप्परं कहारसो ।

अणण्या लद्धावसरेण जंपियं सूरदेवेण—“माउल ! कहं तुमं विसुद्धसावगकुले उववज्जिऊण मिच्छत्तमुवागओ ?” धम्मगुत्तेण भणियं—“अहमुह ! निसुणसु—“पंचत्तमुवगए सुगहियनामध्ये जिणपुत्ताए सयण-मुहिजणेण मिलिऊण निवेसिओ हं तस्स पए । कइवयदिणावसाणे वियारवहुलयाए जोव्वणस्स पविट्ठो कामलयाभिहाण-मणिया-मंदिरं । कया तीए ण्हाण-भोयणाइया सविसेसपडिवती । हाव-भाव-सिगाराणुकूल-वयणोह समावज्जियं तीए मह माणसं । न तं विणा खणं पि रइ लभामि । पयच्छामि जं मग्गियं तीए दविणजायं । अइ वल्लहो बाइयाए । गच्छइ कालो । एवं पइदिणं दिज्जंती कसिण-पक्ख-ससिलेह व्व कसा जाया घरसिरी । पुव्वपवाहेणेव पइदिणं मग्गेइ दविणजायं बाइया । मया वि वाया-दविणेण । मयियाणि दो तिणिणं दिणाणि । तओ ‘निद्धणो’ ति कलिऊण मंदायरा जाया अक्का । भणिया तीए कामलया—“पुत्ति ! निप्पीलियालत्तय-सरीसो एस कामुओ । ता तहा करेसु जहा न तुह भवणे समागच्छइ । पडिवण्णमेईए ।

पडिवतीए णट्ठो पणओ मंदायरा ण्हाण-भोयणाइ कज्जेसु । पयंपइ सुणंतस्सेव बाइया कडुय-वयणाणि ॥ जह जह न देमि दविणं तह तह कडुआणि कुट्टणी भणइ । आभाइ पेच्छ एसो न य मरइ न मंचयं देइ ॥६१॥ ताहे ण्हाणम्मि सीय-सलिलं भोयणवेलाए भोयणं विरसं । सयणम्मि सडिय-मंचं पलोयणं कुरुल-दिट्ठीए ॥६२॥ इमाइ माणभंगं कुणमाणी जणइ दारुणं दुक्खं । तह वि न मुयामि भवणं तीसे हं नेह-पडिवद्धो ॥६३॥ अह अणण्या कयाई काऊण विणिच्छयं नियचित्ते । मह निक्कासणहेउं वक्का अक्का न भुंजेइ ॥६४॥ कामलया वि हु तत्तो मं दट्ठुनिट्ठुरं पयंपेइ । छिडणगोणो व्व गवत्तयम्मि लुद्धो न मं मुयसि ॥६५॥ एयं निसामिऊणं चिता मह माणसे सम्पण्णा । सच्चं वयंति विउसा वेसा घणवल्लहा धणियं ॥६६॥

जओ—

वेसत्थियाओ’ आलत्तयं व निप्पीलिऊण मुंचंति । रइगुण^२ वियक्खणं पिहु घणहीण-नरं सुरत्तं पि ॥६७॥ वेसं पि रमेइ नरं पियजंपिरी हरइ अत्थ लोहेण । वेसाए को अण्णो पिओ न अण्णा वि जीए पिओ ॥६८॥ एगं खायइ मडयं बीयं पि कडक्खियं धरइ चेव । तइयं अहिलसइ मणे मसाण-सिव-सन्निहा वेसा ॥६९॥ न गणइ जाइ-कुलाइं न य पंडिच्चं न चेव विण्णाणं । वेसा वानरिसरिसा जत्थ फलं तत्थ संकमइ ॥७०॥ चंचलचित्ता नियकज्जत्पपरा गुण-परंमुहा लुद्धा । बहु नड-भड-परिभुत्ता घण्णा वेसा वि वज्जंति ॥७१॥ एवं विभाविऊणं दट्ठूण य माणखंडणं परमं । रयणीए अकहितो विणिग्गओ हं घरा तीसे ॥७२॥

१. याओ पुण । २. वियड्ढयं-कहाकोश प्रकरणे पृ. ६४ ।

पत्तो निय-आवासं, दिट्ठा जणणी निरुविद्या घरिणी । दंडीखंड-निवसणा वाहाविः-लोयणा दीणा ॥७३॥

पुच्छिया मए—“अंब ! किमेवं सदुक्खी दीससि दीहं नीससिअ ?” जंपियमिमाए—“वच्छ ! तुह जणय-विओगे पत्तं । अम्मेहिं जं पणियव्वं तुमए पुण लेसो वि न पडिवण्णो ।

तमपसरो वि न रुद्धो रवि-सत्ति-विगंने सनिच्छरबुहेहिं । वंसे जाएहिं वि निग्गुणेहिं किं कीरइ सुएहिं ॥७४॥

सव्वं वियंतए एयं वियक्खणकयणं । विणासिओ नियजणयसंविडिद्धओ अत्थो, पाविया असंभावणा सयणजणमज्जे, तिणतुल्लो कओ अप्पा घरं घरेण देहबलियाए भामियाणि अम्हे, तुमं चेव परमत्थेण सयलदुक्खनिबंधणं ।

एयं सुणिय संजाय-विसाओ निग्गओ हं घराओ । पत्तो तलायतडसंठियं वडियायणं । उवविट्ठो एगम्मि सिला-यले चित्तिउं पयत्तो—“अहो मे अहण्णया ! अहो मे निहीणत्तणं ! जाव मए कोडी-कणयस्स न विदत्ता, न ताव घरे पविसियव्वं ।’ काऊण पइण्णं निग्गओ पुव्वदिसाभिमुहं । हिडियाणि नाणागामाभर-नगराणि । विहिया विविह-ववसाया परं न पुज्जइ पइण्णालेसो वि ।

अण्णया इओ तओ अवद्धलक्खं परियडंतो पत्तो नम्मयातीर-संठियं भइयच्छं नाम नयरं । ठिओ तत्थ कइवय-दिणाणि । एगम्मि दिणे बहियाचरिया परियडंतेण दिट्ठो विलासकित्ती नाम भिक्खू । ‘मा एसो किं पि वियाणइ’ त्ति पणमिऊण पुच्छिओ सो मए—“भयवं ! कहिं तुम्हाण आसमो ?” दंसिओ तेण । अहं पि खणमेणं विलंबिऊण पविट्ठो त्तिहिं । वंदिओ विलासकित्ती । दिणासीवाओ तेण निसण्णो उचियासणे । संभासिओ तेण कोमलवयणेण—“वच्छ ! कुओ तुमं ? किमभिहाणोय ? केण वा कज्जेण इहागओ ?” तओ साहिओ मए सव्वो वि नियवइयो । समागमणकारणं च । “भयवं ! जइ जाणिज्जइ दविणसाहणोवाओ ता काऊण अणुग्गहं कहिज्जउ अम्हारिसजणस्स ।” तओ दीऊण्हं नीससिय जंपियं भिक्खुणा—

खण-नस्सरे सरीरे करिकण्णचले य अत्थसंघाए । जं पत्थिएहिं दिज्जइ जम्मफलं एत्तियं चेव ॥७५॥
ता किं काहमहण्णा धणविदज्जिओ निरारंभो । परघरभिक्खा भोइ घणत्थिणा पत्थिओ भवया ॥७६॥
तह विहु सज्जो अहयं सरीरमित्तेण निच्च-कालं पि । मा काहिसि संखोहं जं कायव्वं तयं भणसु ॥७७॥
मए भणियं—

चंदणतरुव्व सुयणा फलरहिया जइ वि निम्मिया विहिणा । तह वि कुणंति जणाणं उववारं नियं सरीरेण ॥७८॥
धण्णोसि तुमं सुपुरिस ! कयन्नुओ अतिहि-वच्छलो घणियं । तुह संभमेण भरियं भुवणं किं मज्झ दविणेण ॥७९॥

एत्थंतरे अत्थगिरिमुवागओ दिणयो । कयं संज्ञाकरणज्जं भिक्खुणा । सहिओ अहयं । गओ तयंतियं । वंदिऊण निमण्णो समीवे । सिणेहसारं जंपियं विसालकित्तिणा—“वच्छ ! अत्थि मे धाउव्वाय-विसए उवदेसो । रंजिज्जइ इयर-जणो परं न तेण मह अप्पा रंजिज्जइ कहं वच्छस्त उवइस्सामि ?” मए भणियं—“एवंविहा चेव महापुरिसा हवंति ।
जओ—

जणजणियच्चमक्कारा पुरिसा महिमंडलम्मि सव्वत्तो । नियमण-परिओसकरा विरलच्चिय के वि सप्पुरिसा । ८० ॥

तओ तेण दिण्णो उवएसो । कया मए सामगी । पारद्धो धाउव्वाओ । पयडियं सुवण्णयं । पडदिणमेवं कुणंतेण संपिडिया मए सुवण्णस्स दस-लक्खा । एत्थंतरे तक्खणुप्पण्ण-सरीरकारणेण पंचत्तमुवागओ विलासकित्ती । पडिपुण्णविहिं पजंजमाणस्सावि न पडइ मे सुवण्णयं । तओ हं अपडिपुण्णपइण्णो कहं नियघरे वच्चामि ? पेसिऊण जणणि-घरणीण पडियसुवण्णयं पव्वइओ तत्थेव विसालकित्तीसीससमीवे । कमेण हिंडंतो तुम्हाण दंसणनिमित्तं एत्थ समागओ । ता एयं मे इमस्स पासंडस्स गहणकारणं ।” सुरदेवेण भणियं—“असोहणं तए कयं जमचित्त-चित्तामणिकप्यं सयलजग-जीव-सुहावहं पुव्व-पुरिसकमागयं मोत्तूण जिणिद-धम्मं मिच्छत्तवल्लरी-कंदकप्यं कुप्पवयणमेयमंगीकयं । अज्ज वि न किं पि तट्टं ।

मोक्षुण एयं अंगीकरेसु जिण-धम्मं जेण खिज्जइ ते असेसंपि किलिट्ठ-कम्मं । संपज्जइ सुह-परंपरा । सहलं भवइ मणुयत्तणं । भवियव्वयानिओणेण पडिवण्णमिमं धम्मगुत्तेण । नीओ साहसमीवं सूरदेवेण । कहिओ तेहि केवलपण्णतो धम्मो । परिणओ धम्मगुत्तस्स गहिया देसविरई । वच्चंति दिणाणि । करेइ सावगजणोचियं पडिवत्ति । सूरदेवो भोयावेइ पइदिणं नियघरे । निसुओ एस वुत्ततो केसवेण । सहाविऊण उवालढो तेणं सूरदेवो—“अण्णा परपासंडीणं भोयण-वदणाइयं विहेसि । मम पुण निवारैसि को एस परमत्थो ?” सूरदेवेण पेसिओ तयंतियं धम्मगुत्तो जाओ ताण परोप्परं धम्मवियारो सव्वदंसणाणि पसंसइ केसवो । एवं पइदिणं धम्म-वियारं कुणंताण वच्चंति वासरा ।

अण्णम्मि दिणे असुहकम्मोदएण धम्मगुत्तस्स वि जाया देसाकंखा । सोहणं जिण-सासणं । भिक्खु-दंसणं पि सोहणं चेव एत्थ दि करुणा वण्णिज्जइ ता भणियं न सो परपासंडिओ देस-विरइधारओ सो महाणुभावो ।” केसवेण भणियं—“गिलाणो हं ता सो मह समीवं पेसियव्वो” पडिवण्णं सूरदेवेण । इमं पि धम्मत्थिणा न मोत्तव्वं । बीयदिणे समागओ केसव-समीवं । भणिओ तेण केसवो—“भो ! धम्मत्थिणा जिण-सासणं भिक्खु-दंसणं च पडिवज्जियव्वं ।” केसवेण भणियं—“पुंवि एगं चेव जिणसासणं पसंसितो संपयं जहा बुद्ध-दंसणं पडिवण्णो तथा सेसाणि वि पडिवज्जसु ।” धम्मगुत्तेण भणियं—“विवरीओ एस ते बोहो ।” केसवेण भणियं—“तुज्ज वि विवरीओ ।” विसंवइऊण उट्टिओ धम्म-गुत्तो । गओ सट्ठाणं । रयणीए मरिऊण विसूइया दोसेण समुप्पण्णो दसवाससहस्साऊ वाणमंतरो । केसवो वि तिव्व-सूल-वेयणाभिभूओ मरिऊण समुप्पण्णो रयणप्पहाए पुढवीए जहण्णठिई नेरइओ । सूरदेवो पुण परिपानिऊण निक्कलकं साव-यत्तणं पज्जंते काऊण संलेहणं विहिऊण पउमासणं पंचपरमेट्ठि-यय-यंकयमेवं सरिउमाढतो—

नमिमो पारगयाणं ससुरासुर-मणुयनमियवत्तणं । लोयमःसंठियाणं नमो नमो सव्वसिद्धाणं ॥८०॥
आयरियाणं च नमो आथारधराण उवइसंताणं । सुत्तं उवज्जायाणं नमो नमो सव्वभाहूणं ॥८१॥
खामेमि सव्वसत्ते सयमवि खमिऊण सव्वसत्ताणं । सरिऊण देस-विरइ अणसणविहिणः मरेऊण ॥८२॥
वावीस सागराऊ अच्चुयकप्पे सुरो समुप्पण्णो । नाणामणिच्चिचईए परमे पउमत्तरविमाणे ॥८३॥

तो भो देसाकंखाए निकिखियत्तणस्स य विवागं वियाणिऊण निक्कखिएहि होयव्वं ॥

संपयं वित्तिगिच्छाए वि दुगुंछाए वि य उदाहरणं भणइ—

अत्थि अवंती जणवयालंकारभूया निसा-समय-भयंत-भूरि-निसाय[र]—पिसा[य]—वेयाल-जोयणी-जण-जणिय-भय-दुस्संचार-तिय-चउक्क-चच्चरा-चिरकालपइट्ठिया उज्जेणीनमनयरीए विण्हुदत्त-जिणदत्ताभिहाणा मिच्छदिट्ठिणो सेट्ठिणो परिवसंति । विण्हुदत्तस्स विण्हुसिरिए सोम-सोमसिरिनामियाओ दोण्णि दुहियाओ जायाओ । जिणदत्तस्स वि सुप्पहाभिहाणाए भारियाए सुहकंता नाम धूया । कमेण पवइढमाणीणं सोम-सोमसिरिसुहकंताण जाओ वयंसियाभावो । सहियाओ चेव आरामवावि-क्व-तडागाइसु कीलति न परोप्परं खणं पि वियोगमिच्छंति । एवं वच्चइ कालो ।

अण्णया समोसरिया तत्थ चउइस-पुव्वीओ चउनाणी सजलजलहर-गुहिरधम्म-देसणाविहुय-बहु-जणसंसया संसार-समुद्ध-समुत्तरण-तरंड-तुल्ला मेहनायाभिहाणा सूरिणो । दत्ताभिहाणसेट्ठि-धरुज्जाणे अइसयनाणी भयवं समागओ पवाओ निग्गओ वंदणा निमित्तं नयरलोओ । सुहकंता वि जणय-सहिया निग्गच्छंती पुच्छिया सोम-सोमसिरीहि ‘पियसहि ! कहि तुमं पत्थिया ?’ तीए भणियं—“भयवओ मेहनायसूरिचलण-वंदणानिमित्तं ।” ताहि भणियं—“सहि ! विलंबसु खणमेगं जावमहे वि घरं गंतूण समागच्छामो ।” सुहकंताए भणियं—“एवं करेह ।” खणंतरेण ताओ वि समागयाओ । मिलिऊण गयाओ सूरिपयंतिए । पयाहिणी काऊण वंदिओ भयवं नयरलोणेण ताहि य जहट्ठाणं निस-ण्णेसु पारद्धा भगवया संसार-कंदुककंदणकप्पा मोक्ख-तरुबीय-भूया धम्म-देसणा—

भो ! भो ! भव्वा, निसुणेह सावहाणा जम्म-जरा-मरण-रोग-सोगाइदुक्खपूरपउरो एस संसारो । अप्पं विसया-सेवणजणियसोक्खं तं पि किपाग-फलभक्खणं व दाएणविवागतणेण परमत्थओ दुक्खमेव । सुह-बंधणा वि लच्छी करिकलभ-कण्ण-चंचला, चोराइसाहारणा बहुअणत्थ-निबंधणा य । परपरिभवकारणाणि, महावइर-तरुबीय-भूयाणि कलताणि ।

कुविय-कयंत-वयण-कुहर-विवरंतरवत्तिसयासन्नहियाणोगोवक्कम-निवाय-विहरं व सयलजीवियं । खरखरं सुकर-नियर-निवायतावियकेसरि-किसोर-जीहा-चंचल-बहुविरायं च जोव्वणं ।

सुणिऊण इमं वयणं पन्नवियं सूरिणा सहा सयला । धम्माभिमुही जाया भव-पडिबंधं पमोत्तूण ॥८४॥

भणियं च तीए—“भयवं ! तुह वयणामयनिसामणा इण्ह । निव्ववियं मे हिययं बहुदुहदंदोलिसंतत्तं ॥८५॥

“ता पयच्छसु भयवं ! जहारिहं धम्मोवएसं ।” सूरिणा वि दिण्णो केसि पि समणधम्मो, काण वि देसविरई, अण्णेसि सुविसुद्धं समत्तं ।

एत्थंतरे संजायधम्माणुरागाहिं सविणयं जंपियं सोमा-सोमसिरीहिं—“भयवं ! सोहणं कयं जमिहागमणेण मोह-निदा-पसुत्तो पडिबोहिओ सयलकल्लाण-निबंधणेण धम्मोवएसेण अम्हारिसजणो । संपयं सहलं करेमो जणणि-जणए, आपुच्छिय जिण-धम्मपडिवत्तीए भवसय-सहस्स-दुल्लहं इमं मणुयत्तणं ।” भगवया भणियं—“भवईओ जुत्तमेयं भवारिसीण विवेग-सलिल-पक्खालिय-भव-पडिबंधाइ पावमलमाणसाणं जहावट्टियविण्णायदेवगुरुत्ताणं । अविग्घं भवउ मा कत्थइ पडिबंधं करिस्सह ।” तओ पणमिऊण सूरि-पायपंकयं उट्टियाओ ताओ गयाओ नियभवणं पणामपुरस्सरं विण्णत्ता जणणि-जणया । “अम्मताओ ! निसुओ अम्हेहिं मेहनायसूरिसमीवे दयासारो जिणिदधम्मो रुदमारुढो य । जइ अणु-मण्णह तो पडिवज्जामो ।” तेहिं भणियं—“को कल्लाणे विरोहो ।” लद्धाणुण्णाओ हरिसवस-पुलइअंगीओ सूरिसमीवं गंतूण वंदिऊण य जंपियमेयाहिं—“भयवं ! दुल्लहदंसणो तुमं कहकह वि किलिट्टकम्मविवरेण अम्हाण दंसण-गोयरं गओ । ता तहा करेसु जहा सुलहा हवइ पइभवं जिणसासणे बोही ।” सूरिणा भणियं—“देवाणुप्पियाओ पुव्वभवे वि लहिऊण वयणमेत्तेण हारिया तुम्हेहिं बोही ।” ताहिं भणियं—“भयवं ! एयं पि ता साहेसु कहमम्हेहिं पत्ता वि बोही हारिया ?” भगवया भणियं—‘सुणेह’ ।

“अत्थि इहेव भारहेवासे दक्खिण-दिगंगणामुह-तिलयभूयं मलयविसए मलयमंदिरं नाम नयरं । तम्मि य सावय-कुलसंभवो चंदकंतो नाम सेट्ठी परिवसइ । चंदासिरी से भारिया विज्जुप्पहा-विज्जुकंताभिहाणाओ दो वि तुब्भे इमीए दुहियरो अहेसि । अण्णमण्णमणुरत्ताणं सावय-धम्ममणुपालयंतीणं वच्चइ कालो । अण्णया परिणीयाओ तत्थेव वत्थव्वएहि वीरदेव-वीरभदाभिहाणेहिं सावय-पुत्तेहिं । कमेण पवइडमाणाओ पत्ताओ जोव्वणं । अणिट्ठो पढमाए भत्ता । तस्स समागमदुक्खदुक्खिया पइविणं चित्तेइ—“अहो ! मे मणुयभवे वि नरथावासो ता किमहं मंदभाइणी जाया । जइ जाया तइयच्छिय किं न मया जाया ? ता किं न कुमारी चेव धरिया ? जइ परिणीया ता किं न कोवि आसि अण्णो एत्थ महीमंडले जमेयस्स दिण्णा ? अहवा किं निरत्थयत्थेण ? जम्मंतरे निव्वतियअवस्सदेयणियासुहकम्म-परिणामो न अण्णहा काउं तीरइ । जओ—

जं जेण पावियववं सुहमसुहं वा वि जीयलोयम्मि । तं सो पावइ नियमा पडियारो नत्थि केणा वि ॥८६॥

परिणीया महमणेण अनिदिण विहिणा निदिओ य मग्गो कुलकलंकभूओ मए न कायव्वो । अओ कहमेस-जम्मो अइवाहियव्वो । पडिया चितासायरे ।

अण्णम्मि दिणे पुच्छिया विज्जुकंताए कणिट्टभयणीए—“भयणि विज्जुप्पभे ! कीस तुमं हिम-दड्ढ-कमलिणी व विच्छाया लक्खीयसि ? कहेसु जइ अकहणीयं न होइ ।” तओ मण्णु[भर]भरियमाणसाए जंपियमिमाए—“ह्ला ! विज्जुकंते ! नत्थि तुह किं पि अकहणीयं । सुणेहिं जइ ते निब्वंधो विणडिया हं विहिणा अप्पिय-पिय-समागमकरणेण । जया जया हं वीरदेवं पेच्छामि तया दज्जंति मह लोयणाणि । वियंभइ अरई । सीयंति सयलंगाणि । दंसणपहम-इक्कंते पुणो विसत्थी भवइ सरीरयं । ता तुमं तायं तहा भणसु जहा न एस मह दंसणगोयरे पइइ ।

नयणाणि दहइ दिट्ठो अवगूहितोइ दहइ पुण देहं । संभासितो सल्लमिव खिबइ मह हिययमज्जम्मि ॥८७॥

रमणायत्तं सोक्खं रमणीणं सुयणु मणुयलोयम्मि । महपुण विवरीयमिणं संजायं कम्म-दोसेणं ॥८८॥

विज्जुकंताए भणियं—“न तए संतप्पियव्वं जाव इमं वइयरं तायस्स साहिऊण तुह समीहियं संपाडेमि।” एवं भणिकुण गया विज्जुकंता। साहिओ सव्वो वि वइयरो जणयस्स। तेण सदाविकुण पुच्छिया विज्जुप्पभा। “वच्छे! सुणिच्छियं काऊण भणसु जहा न पुणो वि पच्छायावो हवइ।” अदिण्ण-पडिवयणा चैव अहोमुही ठिया। तओ भणिया सेट्टिणा घरिणी “पिए! नियदुहियरं सुचड्डियं करेसु।” “जमज्जपुत्तो आणवेइ” त्ति भणिकुण गया सिट्ठिणी विज्जु-प्पभासमीवं। उच्छंगे काऊण भणिया सिणेहसारं—“पुत्ति! परिणाम-सुंदरं मंतयव्वं मा अप्पवेरिणी हवाहि सुलहाणि पुरिसाण कलत्तंतराणि कुलवालियाण पुणो पुणो पडिसिद्धो पइसंगहो।” विज्जुप्पभाए भणियं—“अम्मो! किं पुणो जंपिएण? गहियं मए जावज्जीवं बंभचेरं।” सुणिय निच्छयाए आगतूण सेट्टिणीए कहियं सेट्टिस्स। तेण वि गंतूण भणिओ वीरदेवो—“वच्छ! नत्थि तुह को वि दोसो परं पुव्व-भव-जणिय-कम्मदोसेण न इच्छइ तए सह घरवासं वच्छा विज्जुप्पहा। ममाणुष्णाए तुमं अण्णं परिणेषु।” पडिवण्णमेयं वीरदेवेण। नियघरमाणिया सेट्टिणा विज्जुप्पहा। विज्जुकंताए पुण इट्ठो वीरभद्दो। अनिद्धा सा वीरभद्दस्स। न सहइ दंसणं पि, न सुणइ समुल्लावपि, न कारवेइ चलण-सोयणं पि, न भुंजइ तीए हत्थेणं। किं बहुणा। अणिट्ठेणं विज्जुकंतासमागमेण दुक्खसागरावडियमिव अप्पाणं मण्णंतो अर्कहितो चैव निगंतूण घराओ गओ देसंतरं। परिणीया तेण अण्णभारिया। जाया तीए सह निरंतरा पिई। विसय-सुहमणुभवंतो गमेइ कालं। विज्जुकंता पुण तब्बोउय-दुक्ख-दुक्खिया पवरपल्लं-नुवण्णा विततवालुयापडिय व्व सफरिया वारं वारं तल्लोवेल्लि कुणमाणी दीहण्हाणि नीससंती परिहरिय-पुप्फ-तंबोल-कुसुमाहरणं विलेवणा परमजोगिणि व्व निरुद्धवयणप्पसारा दिट्ठा विज्जुप्पहाए, पुच्छिया य—“विज्जुकंते!

किं दीहरनीसासमुअसि? किं न सुमरहि अप्पाणउं। किं खयपक्ख-ससि व्व सुयणु तुह मुहु विट्ठाणउं ॥८९॥
भणसु किं वत्थाहरण-पुप्फ-तंबोलु उव्विट्ठउ। किं व निट्ठइ सज्जणजणे विलवणु वि नट्ठउं ॥९०॥

तओ सदुक्खं जंपियमिमाए—“सहोयरे! न नज्जइ केण वि कारणेण एयागिणी मं भोत्तूण अर्कहितो चैव कहिं पि गओ मह पिययभो, तेणेवमहं दुक्खिया।”

जणसंकुलं पि नयरे पिय-विरहे णेव निव्वुइं कुणइ। वयणं व नयणहीणं मंडिज्जंतं न सोहेइ ॥९१॥
रण्णं पि वसिमतुल्लं विरसाहारो वि अमयसारिच्छो। भूमि वि पवरसयणं दइएण समागमो जत्थ ॥९२॥
जओ—

जे किर एत्थ पयत्थमणोरम अत्थि किं वि। हुंति रमणीय न हुंति तिवि ॥९३॥
ता आयहं खलु सव्वहं पियसंगमु चडइ, अण्णु चडइ अण्णु किपवइं चित्ति सुमुणिहिं वि अक्खुडइ ॥९४॥

अओ पियविओग-दुक्ख-जरियाणि अंगाणि वि न मे संबहंति। विज्जुप्पभाए भणियं—“निरत्थओ एस ते जरो।”
तीए भणियं—“न निरत्थओ” जओ—

कुसुममालविणु दइएहिं दूसइ सिरि घरिय। लइ लोइ वयणिज्जु नारि पिय परिहरिय ॥९५॥
जं जं इच्छइ तं तं किज्जइ पिउ सव्वहं फरउ। अण्णु कि एवइं लगइ, वहिणुए मह जरउ ॥९६॥
ताह हाह कुंकुमु नवरंगउं, अक्खिहिं अंजणु वदण्णु भंगउ।
सिमंतइ सिद्धह न सारउ, पियविणु महिलहिं जम्मु अंवारउ ॥९७॥

जेट्टभइणियाए भणियं—“हला! पुणं परिदेविण विणा पुण्णेहिं हियइच्छियसंपत्ती न भवइ। सुइरं पि सोइएण न पुव्वकयस्स छुट्टिज्जइ। ता वरंवसणसहेहिं होयव्वं।” एवं संबोहिकुण नीया विज्जुप्पहाए विज्जुकंता जणय-मंदिरं। साहिओ सव्वो वि वइयरो समासासिया जणणि-जणएहिं। पुच्छिया य—“पुत्ति! नज्जइ कहिं पि गओ ते

दइओ ?" तीए भणियं—“न याणामि ।” जणएहि भणियं—“अप्पडियारमेयं पओयणं ता पुत्ति न तए संतप्पियव्वं । कुणह दो वि भयणीओ इहट्टियाओ चेव धम्मं । पूएह परमपूयाविहीए वीयरायं । पडिलाहेह कप्पणिज्जेण असणाइणा मुणिजणं । करेह तयतिए आगमसवणं । पडिवज्जह पव्वदियहे सुपोसहं । आसेवह पइदिणं सामाइयं । भावेह अणिच्चाई भावणाओ । कुणह पयत्तं अपुव्वपढणे । विहेह सज्जयवावडमाणसं जेण न पुणो वि एवंविहदुक्खाण भायणं भवह ।” जं ताओ समाणवेइ' भणिऊण तहेव कुणमाणीण वच्चइ कालो ।

अण्णया समागओ तत्थ विमलप्पहो नाम केवली । समोसरिओ नयरवाहिरुज्जाणे । निग्गओ वंदणवडियाए नयरलोओ । चंदकंतसेट्टि वि सपरियणो चेव गओ केवलिसमीवं । तीयाणागयवट्टमाण-संसय-वोच्छेयं कुणमाणं दट्टूण केवलिलद्धावसरेण पुरओ काऊण धूयाओ पुच्छियं चंदकंतसेट्टिणा—“भवयं ! कि कारणं इमाण बालियाण एगा इट्टा भत्तुणो न उण इमीए भत्ता । बीयाए वल्लहो भत्ता न ऊण एसा भत्तारस्स ?” केवलिणा भणियं—“सोम सुण एत्थ कारणं ।”

अत्थि इहेव भारहेवासे सुरट्टा-विसए बारवई नाम नयरी । तम्मि य वेयमुहो नाम माहणो परिवसइ विसिट्टा तस्स भारिया । इमाओ दो वि पुव्वभवे गोरिगधारिनामियाओ तीसे दुहियाओ अहेसि । कमेण वड्डमाणीओ पत्ताओ जोव्वणं । दिण्णाओ तत्थेव वत्थव्वाणं रुद्धसोमाभिहाणमाहण-पुत्ताण इट्टा पट्टमा रुद्धस्स न इमीए रुद्धो । अच्चंत-वल्लहो बीयाए रुद्धसोमो न तस्स सा । विडंबणापायं विसयमुहमणुहवंतीए अणिच्छिओ चेव जाओ पुत्तो गोरीए । सो य पुण जायमित्तो वि वाहिणा गहिओ । रुयंतो न चिट्ठइ पालेइ पिया पयत्तेण ।

अण्णया पओयणवसेण गओ नियमाउलगपाहुणगो रुद्धो । संघडिया खंदिल-माहणेण गोरी । समागच्छइ पइदिणं खंदिलो रयणीए । भोयाविऊण परमायरेण संवसइ तेण सह गोरी ।

अण्णया समागओ रयणिसमए दक्खिणावहपडिनियत्तो गोरिधरे एगो कप्पडिओ । मग्गिओ तेण वासओ । दंसिया गोरीए घरासण्णे कुडी । वसिओ सो तत्थ । खणंतरेण समागओ खंदिलो । कया भोयण-पुप्फ-तंबोलाइया पडिवत्ती गोरीए । निसण्णो तेण सद्धि पल्लंके । पारट्टा सिंगारसारा कामकेली । इओ अ सो दारओ विरसमारसंतो मुहुत्तगं पि न चिट्ठइ । सा वि वारंवारं उट्टिऊण संठावेइ, तह वि न विरमइ रोइयव्वाओ । तओ 'निरंतराय रइ-मुह-विग्घकारणो एसो' त्ति, उट्टिया गोरी गया दारयसमीवं । मुहेण “पुत्त ! वच्छ !” एमाइ कोमलवयणाणि समुल्लवंतीए गले अंगुट्टयं दाऊण पंचत्तं पाविओ । पुणो वि समागया खंदिल-समीवे । दिट्ठो सो सब्बो वि वइयरो कप्पडिएण विग्घ-माणसेण अइवाहिया रयणी । पभाए उट्टिऊण ठिओ रत्थामुहे । पुच्छिओ तेण एगो पुरिसो—“को इमस्स घरस्स सामिओ ?” कि नामा संपयं एत्थ वा चिट्ठइ अणत्थ वा गओ ?” तेण भणियं—“रुद्धो नाम माहणो । बीओ मासो सुहावास-नयरे नियमाउलसमीवे गयस्स वट्टइ ।” कप्पडिएण भणियं—“केरिसो तस्स वण्णो ? कि वा वाहणं ?” पुरिसेण भणियं—“कप्पडिय ! [किमत्थं पुच्छि]ओसि ?” तेण भणियं—“पओयणेण पुच्छामि ।” पुरिसेण भणियं—“गोरवण्णो ईसि पिगलच्छो सिय-कसिणगो जत्तभंडी वाहणो ।” ‘सिवं भवउ’ त्ति भणिऊण विसज्जिओ पुरिसो । कप्पडिएण चितियं पवत्तो—‘डुस्सीला एसा पावा परपुरिस-मसत्ताए मारिओ नियदारओ । मा कयाइ भत्तारं पि एवं चेव मारिस्सइ ता साहेमि तस्स गंतूण इमीए चेट्टियं ।’ संचलिओ कप्पडिओ सुहावासाभिमुहं । मग्गेण गच्छंतस्सेव मिलिओ रुद्धो । सुडरं निरुवंतो पुच्छिओ पहिओ रुहेण—“भो कि कारणं चिरं निरुवेसि ?” चिधसंवायओ जपियं तेण—“रुद्धो भवसि तुमं ?” तेण भणियं—‘आमं ।’ साहिओ तेण सब्बो वि वइयरो । अपत्तियं तेण । भणियं रुहेण—“जइ सच्चमेयं तो सयमागंतूण दाएहि ।” पहिएण भणियं—‘एवं करेमि ।’ समागया दो वि मोत्तूण बाहि भंडं अलक्खिया चेव पविट्टा रुद्धमंदिरं । रइकीलापरिस्संतं निडभर-निहाए सयमाणं दिट्ठं तं मिट्ठणयं रुहेण । समुप्पण्णकोवाणलेण गहिऊण असि-धेणु वावाइओ खंदिलो । ठिया पच्छणमेव निरुवयंता ।

एत्थंतरे रुहिरफसेण पडिवट्टा गोरी । दिट्ठो [तयव]त्थो खंदिलो । सुडरं सोइऊण उट्टिया सयणिज्जाओ खणिऊण घरंगणे खड्डं पक्खित्तं खंदिलकलेवरं । कयं तदुवरि [थ]इयं पुणो वि पसुत्ता । निग्गया रुद्ध-कप्पडिगा दाऊण

सबलं विसज्जिओ रुहेण कप्पडिओ । अप्पणा वि पविट्ठो नियधरं । पविसंतस्सेव 'मुट्ठ' त्ति भणमाणी परुण्णा गह्य-
सहेण गोरी । अयाणमाणेणेव पुच्छिया रुहेण—“पिए ! किमेवं सदुक्खं रोविज्जइ ?” तीए भणियं—“पुत्तगो पंचत-
मुवगओ ।” तेण भणियं—“संसारसहावो एस न भे खिज्जियव्वं । जओ—

संसारसागरगथा सकम्मकल्लोलपेल्लिया जीवा । उप्पज्जंति चयंति य का किल परिवेयणा तत्थ ॥११५॥
जीयं मरणेण समं उप्पज्जइ जोव्वणं सह जराए । लच्छी करिकणचला हरिस-विसाओ न कायव्वो ॥११६॥

एयं पयडक्खरेहिं भणिऊण चित्तिउं पयत्तो—

जेणं विणिम्मियाओ विहिणा सो चेव जइ परं मूणइ । जं महिलाण मणं बहुकूड-कवड भरियं दुरवगाहं । ११८।
विरलो सो को वि जणे समुरासुरमणुयमज्झयारम्मि । जो महिलाहि न नडिओ माणं मलिऊण लीलाए ॥

एवंविहं चिंताउलो भणिओ रुहो गोरीए “अज्जउत्त ! करेसु भोयणं ।” उवविट्ठो भुंजिउं रुहो । गोरीए वि
नियंतस्सेव तस्स सयलथालीहितो गहिऊण अग्गकूरो मुक्को घडोवरि । रुहेण भणियं—“पिए ! कस्स पुरओ एस को बलि
दिण्णो ? न दीसइ को वि देवया पडिमा ?” तीए भणियं—“अज्जउत्त ! तुहं गामंगयस्स ठाणमेयं सारयंतीए उट्ठिया
अमाणसी वाया खेत्तवालो अहयं एत्थ ठाणे बुद्धरुई संवसामि लहुं थडयं करेसु अग्गकूरेण पइदिणं पूएसु अण्णहा नत्थि
भे घरवुड्ढी । न कयं मए तच्चयणं । बीए दिणे उवरओ पुत्तगो । तओ भीयाहं थडयं काऊण अग्गकूरं पयच्छामि ।”
रुहेण भणियं—“किमभिहाणो खेत्तवालो ?” तीए भणियं—“न मए नामं पुच्छियं ।” तेण भणियं—“अहं पुच्छिस्सामि ।”
समागया रयणी सयणवेलाए उग्गाहिऊण धूयं पूइऊण कुसुमेहिं कयं पणिहाणं—‘भो जइ सच्चो तुमं खेत्तवालो एत्थ
ठाणे निवससि ता नियतामं महं कहेज्जसु ।’ एवं भणिऊण पसुत्तो सयणीए । पुच्छिओ गोरीए—“सिद्धं ते नामं ?”
खेत्तवालेण भणियं—‘आमं ।’ तीए भणियं—‘केरिसं ?’ तेण भणियं—‘खंदिलो ।’ तओ संकिया हियएण कि एएण अकज्ज-
मेयं समायरियं ?” एत्थंतरे पुच्छिया रुहेण—“पिए ! कयाणि ते मयकिच्चाणि तणयस्स ?” तीए भणियं—“तुमं
पडिवालयंती टिया संपयं तुमं करेसु ।” कयाणि तेण ।

अण्णम्मि दिणे थडगोवरिए एक्कियं कुणंतो दिट्ठो रुहो गोरीए । दुक्खिया चित्तेण । जाओ विणिच्छओ जहा
इमिणा एस मारिओ । मारेमि एयं दुरायारं केण वि उवाएण । एवं चितयंतीए समागया रयणी । णुवन्नो भवण-
व्भंतरे सयणीए रुहो । समागया निहा । उट्ठिया कोवानलपूरिया गोरी । पज्जलियं दुवारदेसाओ भवणं । टिया मोणेण
ताव जाव सव्वओपलग्गं । तओ कओ अलिय-कोलाहलो । मिलिया लोया । अपियं महया सहेण रुयमाणीए गोरीए—
“भो भो लोया ! बंभणो मज्जे दज्जइ । जइ अत्थि कस्स वि दया तो कडिडउ ।” एवं भणमाणीए दड्डं घरं । रुहो
वि मज्झिमगुणजोगओ मरिऊण उप्पण्णो वीरदेवो । गोरी वि तीए चेव रयणीए कसिणाहिणा दट्ठा मरिऊण समुप्पन्ता
विज्जुप्पहा । गंधारी वि देसंतराएण भत्तुणा असुद्धसीलाए सत्तिसवक्कि-वयण-समुप्पण्णतित्त्वकोवानलेण अवियारिऊण
वत्थुपरमत्थं दड्डं कयत्थिया । तओ ताए चित्तियं—“अहो एस अणज्जो । एयं ताणुकूलाए वि पडिक्कूलो । बीयं पुण
मम उवरि परिणिऊण समागओ । तइयं अकलंकाए वि कलंकमारोविय कयत्थयणं करेइ । ता करेमि कथे पडिक्कियं ।
मारेमि केणइ उवाएण एयं जं न अण्णहा मे मणनिव्वुई । एवं चित्तिऊण लद्धावसाराए पक्खित्तं तीए भोयणम्मि विसं ।
अच्चुक्कडयाए विसस्स मरिऊण रुहसोमो समुप्पण्णो वीरभट्टो । गंधारी वि समुप्पण्णपच्छायावा तं मोहिआहि हियय-
संधेहेण मरिऊण समुप्पण्णा विज्जुकंता । विहिवसेण जाओ इमाण परोप्परं संबधो । तओ पुव्वभवभ्रासेण अणिट्ठो
वीरदेवो विज्जुप्पहाए । इट्ठा इमा वीरदेवस्स । तहा बल्लहो वीरभट्टो विज्जुकंताए न बल्लहा विज्जुकंता वीरभट्टस्स ।
एयं सुणिऊण मुच्छावसविह- लंधओ पडियाओ धरणियले विज्जुकंता-विज्जुप्पहाओ । सित्ता ससंभमेहिं जणणि-जणएहिं
सल्लिलेण । विजियाओ वत्थंचलेण । खणंतरे लद्धचेयणाहिं कओ आसणबंधो । ताहिं पुच्छियाओ जणणि-जणएहिं—
“वच्छाओ ! किमेयं ?” ताहिं भणियं—“सोऊण केवल-वयणं समुप्पण्णं अम्हाण जाई-सरणं । सुमरिओ पुव्व-भवो ।
अणुभूयं सव्वं पि जहं केवलिणा भणियं तमम्हेहिं । तओ विम्हयवस-समुक्कल-लोयणाण निवडिया सयल-परिसाए ताणुवरि
दिट्ठो । गहिय सविसेसनियमा- भिग्गहा वंदिऊण केवलीं सट्ठाणं गया परिसा । विज्जुप्पभ-विज्जुकंताओ वि पडिक्कियऊण

केवलिसमीवे अणुव्वयाइयं धम्मं गहिऊण नाणा वि अभिग्गहे वंदिऊण भयवंतं केवलिं समं जणणि-जणएहिं गयाओ नियभवणं । सया सामाइय-पोसहोववासाइ-पढण-गुणण-दाणाइधम्मनिरयाओ गमिति कालं ।

अणया पुण्णिमासिणीए पडिवण्णपोसहाहिं पारद्धे धम्मविचारे जंपियं विज्जुप्पहाए—“कीरइ ताव दुक्करं तव-चरणं । पालिज्जइ घोर-बंधेचरं । दिज्जइ दीणाण असणाइदाणं । किं एअस्स फलं अत्थि नत्थि वा न सम्मं मुण्णिज्जइ ।” विज्जुक्ताए भणियं—“एवमेयं । फलं पइ संदेहो चेव सुंदरो न निच्छओ । एवं विचिगिच्छाए फलं पइ संदेह-समाउल-माणसाओ पालिऊण नियमाऊयं अणालोइय-अपडिक्कताओ वमिऊण सम्मत्तं इह सम्मुप्पणाओ पढमा सोमा बीया सोम-सिरी । ता भो देवाणुप्पियाओ, पत्ता वि बोही तुब्भोहिं एवं हारिया । तं मुणिय समुप्पण-जाई-सरणाओ पडिवज्जिऊण भावओ जिण-धम्मं वंदिऊण सूरि-पय-कमलं सभवणं गयाओ सोमासोमसिरीओ । परिपालिऊण अकलकं सावय-धम्मं समाहि-भरणेण भरिऊण समुप्पणाओ सोहम्मकप्पे मज्झिमाउयदेवत्ताए । तओ चूयाओ निव्वाणं गमिस्संति । विउस !

दुगंछयाए सुहकता उदाहरणं—

दुगुंछाए वयंसिया जिणदत्तसेट्ठिदुहिया सुहकता उदाहरणं—

जम्मंतरनिव्वत्तियासुहकम्मोदएण पविरलीभ्या संपया जिणदत्तस्स उज्जेणीए अनिव्वहंतो गओ अवती जणवय-सीमा-संठियविसम-पव्वयउवरिसंठियं भिल्लपल्लि । ‘वणियो’ त्ति काऊण सम्माणिओ भिल्लेहि । समप्पियं घरं । दंसिओ हट्ठो । समप्पिया मिलिऊण ववहारनिमित्तं मूलनिहिया । पारद्धो ववहरिउं जिणदत्तो । अयाणुया भिल्ला हरिऊण गामाइयं जं किं पि किस-दूसाइयं आणित्ति तं समग्गयं चेव जिणदत्तस्स दिति । एवं पइदिणं ववहरंतो पुणो विमाणुसीहुओ जिणदत्तो वहइ खेयं माणसे—“अहो ! मे जहणत्तणं, अहो परलोगनिरवेक्खया ! जं जिणमंडियं साहु-साहुणि-सावय-सावियासमाउलं भोत्तूण उज्जेणि निव्वाहमेत्तमालंबिऊण सया सयाचार-विज्जियं, पणट्ट-धम्म-ववहारं, पिसियासणलोल-भिल्लपच्चंत-गोधूमाउलं, धम्मिय-जण-वज्जियं, अणज्ज-कज्ज-करण-परायण-परमाहम्मिय-सरिस-खुट्ट-जण-निसेवियं, सच्च-सोय-दया-दानविज्जियं, दुग्गइ-नयरागमण-यउण-पयवीकप्पं-सग्गापवग्गा-पुर-दुवार-दढगला-सरिसं, सविब्भमिव अपुण्णरासि इमं पल्लि अणुपविट्ठो हारिओ सयलगुणगणो । बहुपुण्ण-पन्भारपावियं अहलीकयं मणुयत्तणं, पणट्टा सुसाहुसेवा, पहुट्ठं जिणवयणं । जओ—

जत्थ न दीसंति गुरू पच्चूसे उट्टिएहिं सुपसण्णा । तत्थ कहं जाणिज्जइ जिणवयणं अमथसारिच्छं ॥१११॥
हद्धि अहं अहण्णो कम्मभरपणोत्तिओ महापावो । अण्ह कह जिणसासणसामग्गी विहडिया मज्झे ॥

एवंविह सुभ-भावणा भावियो गमेइ कालं । अणया संपण्णे सिसिरागमे [. . .] पुत्तदेसाओ उज्जेणीं पइ पत्थिओ । पन्भट्टसत्थिओ दंडीखंडनिवसणो सिसिर-पव्वण-पेसिय-सीय-संदोह-कंपत-वसणो तीए पल्लीए देहवलियाए पइ-भवणमडंतो पविट्ठो जिणदत्तसेट्ठिमदिरे एगो कप्पडिओ । विट्ठो सुहकंताए समुप्पणकरुणाए दाऊण भिक्खं विस-ज्जिओ । पुच्छिओ जणओ—“ताय ! कहमेयस्स वरायस्स सीयत्ताणं पि न संपज्जइ ?” जिणदत्तेण भणियं—“वच्छे ! तिविहा पाणिणो भवंति । उत्तमा मज्झिमा जहण्णा य । जम्मंतरोवज्जियसुहफलसालिणो मय-गाहि-सणाह-पवर-कुंकुम-मुव्वट्टियसरीरा, मिउ-महग्गलहु-पम्ल-दुगुल्ल-नियंसणा, जहासमीहियसंपज्जंतसयलपओयणा, संपडंतमणेच्छिय-पाण-भोयणा, जय-जीवनंदइच्चाइभिच्च-वयण-सवण-जणिय-मणतोसा दिवसं गमंति, सयसहस्सलक्खपागाइ तेल्लभंगिया, रय-रूव-रमणीयनव-जोव्वणुम्मत्ताणुरत्तकंता-आहुलयः संजमियविग्गहा संवाहणुव्वट्टणकुंकुम-विलेवणा, रूव-पूरिय-वरपड-पाउया रयणी गमंति सिसिर-समए उत्तमजणा । मज्झिमा पुण मज्झिमविहिं संपज्जंत-दियसिनसोवियवत्थाहरण-विलेवण-पुफ-संभोल-सयणाइपरिभोगेण सिसिरसमए दिवसं निसिं च गमिति । तहा वि परघरकम्मकरणकिलेसिय-सरीरा ईसरजणसमाराहणकए मुहमंगलाणि जपंति पए पए फरुसवयणनिब्भच्छिया पज्जुसिय-कूर-तुस-मीसरव्वाए सत्तुससोगराइयं भोत्तूण अणवरयछूहा-वेयणाए चेव महया किलेसेण गमेऊण वासरं कुहियकुडीरकोणे कोल-कुल-खणिय

बिल-सयसमुगयरेण-पुंजरंजियसरीरा, फुंफुमासण्णविरइयजरतिणसत्थरा, जरदंडिखंड-नियंसणा, सडिय-कंथाखंड-पाउरणसीयवसमुपण्णकपंतदसणसंपुडकक्खंडारावा, नवपसूयसारमेइया सूया इव वारंवारं कुणुकुणिता, परममाहेसरा इव सिउसिउझायंता, बहुजण-पाऊय-एग-जुण्ण-पड-कड्ढोवडिड कुणंता, जम्मंतर-निव्वहिय-पावफलमणुहवंता कह-कह विरयणि गमिति जहण्ण-जणा । ता पुत्ते ! उत्तम-जण-पयमभिलसतेण सयलसुह-निबंधणे जिणभणिय-धम्मो पयत्तो कायव्वो ।

धम्मोण धणं विउलं सुकुले जम्मो वि होइ धम्मोण । धम्मोण धरावले विरंभए निम्मला कित्ती ॥१२१॥
जत्थगओ तत्थ गओ धम्मसहाओ न सीयई जीवो । इहलोए परलोए कल्लाणपरंपरं लहइ ॥१२२॥
कि बहुणा भणिएणं जं जं दीसइ समत्थजियलोए । इंदियमणाभिरामं तं तं धम्मफलं सव्वं ॥१२३॥
ता धम्मम्मि पमाओ निमेसमेत्तं पि नेव कायव्वो । एसो मज्झुवएसो तुम्हाण हिओ निओणेण ॥१२४॥

एवं सुहकंतानिस्साए सोऊण नियकुडुबस्स धम्मोवएसं सकम्मसंपउत्तो जाओ जिणदत्तो सेट्ठी सरइ संसारी ।

एगया गिम्हसमाए नरवम्मसत्थवाहेण सद्धि पुव्वदेसं पड पत्थिया जल्लमलाविलसरीरा, मल-मलिण-सव्वोवगरणा, दीह-रोम-नहंसिणो अपडिबद्धविहारेण विहरंता समागया तं पल्लि साहुणो । आवासिओ बहिया सत्थो । वविट्ठा साहुणो पल्लिए दिट्ठा आवणोवविट्ठेण जिणदत्तसेट्ठिणा । वंदिऊण सबहुमाणं नीया नियघरं दंसिया वसही । समप्पियं पीड-फलगाइयं । वंदिया सपरिवारेण निसुओ जिणधम्मोवदेसो । कया खणमेगं पज्जुवासणा । निमंतिया पणमिऊण असणाइणा । वक्खाणिया संखेवेण साहूहि पिंडेसणा । जिणदत्तेण भणियं—“भगवं । अज्ज मह मंदिरे सुयाए पाणिगहणमहूसवो सहावसिद्धं चेव असणाइयं न भे संकप्पो कायव्वो ।” एवं भणिऊण कथत्थं अप्पाणं मण्णमाणो गओ सेट्ठी निय घरं । समाहूया सुहकंता । भणिया य—“वच्छे ! एग ताव तुमं बाला बीयं पुण धम्मसामग्गिवियला, अज्ज पुण अतक्किया अमयवुट्ठि व्व भरुत्थलीए, कप्परक्खो व्व दालिद्विघघरे, रयणवुट्ठि व्व परमपुण्णोदएण समागया साहुणो परगरणं व तुह घरे वट्टइ । ता सहलीकरेसु साहुजण-दाण-धम्मोण नियजम्मं । पडिक्खण्णेइए । पत्तवेलाए समागया साहुणो सविसेसनेवत्थपच्छाइयसरीराए असणाइणा पडिलाभिउमारद्धा मृणिवरे सुहकंता ।

एत्थंतरे गिम्हाणुभावेण तिप्पडिकम्म-सरीरत्तणओ समागओ मुणिसरीराओ विगंधो गंधो सुहकंताए । असुह-कम्मोदयएण चित्तियमिमाए—“सोहणो भट्टारएहिं धम्मो दिट्ठो परं मणागमप्पडिपुण्णो जइ साहूणं फासुय-सल्लिलेणं प्हाणमणुण्णायं होतंतो ।” एवंविहपरिणामवसेण बद्धं तीए दुग्ंध-कम्मं नीयागोयं च । तम्मि दिवसे गया साहुणो । सा वि सुहकंता ताओ ठाणाओ अणालोइयअप्पडिक्कंता आउक्खएण मरिऊण रायगिहे नयरे अणंगसेणाए विलासिणीए कुच्छिसि समुप्पण्णा दारियत्ताए । तप्पभिइं चेव संजाया अणंगसेणाए दारुणा अरई । समुच्छलिओ सरीराओ दुग्ंध-गंधो । नायं तीए गन्भाणुभावो एस । तओ करेइ साडण-पाडणाइयं न य पडइ गन्भो । तओ सा अकामा चेव गन्भं वहमाणी कालं गमेइ ।

अण्णया पडिपुण्णेषु दीयहेसु पसूया अणंगसेणा । जाया साहुदुग्ंधजणियकम्मदोसेण विगंध-भरियभवणोदरा दारिया । तं ददट्ठण सा समुप्पन्न-त्तज्जा अहोमुही द्विया अणंगसेणा । चित्तियं च णाए—“अहो मे पावपरिणई जमेरिसं पावं पसूया । जावज्जवि न कोइ विद्याणइ ताव पच्छणमेव नयरबाहिं छुट्ठावेंतो मे मण-निव्वुई । तओ भणिया समासण्ण-वत्तिणी उज्झियाभिहाणा दासवेडी” हला ! उज्झियपिंडए काऊण नयरबाहिरियाए उज्झिऊण इमं दारियं लहुं समागच्छाहि ।” सा वि ‘जं सामिणी आणवेइ’ भणिऊण गया । उज्झिऊण नयरबाहिं रायपह-समासण्णे समागया निय-घरं । साहियं अणंगसेणाए । परितुट्ठा सा मणेणं ।

इओ चउरंगबल-परिवारिओ सेयणयगंध-हत्थिं समारूढो उवरि धरियसियायवत्तो उभयपासनिविट्ठि-वरतरुणिकर विहुय-सिय-चामरो सेणियनराहिवो भगवओ महावीरस्स वंदणवडियाए तेणोगासेण चलिओ । पत्तं अगणीयं तम्मि पएसे जत्थ सा दारिया । तओ दुग्ंध-भरिय-घाण-विवरं मौत्तण पहं उप्पहेण पत्थियं अगसेणं दिट्ठं मगहाहिवेण । पुच्छिओ

समासण्णपुरिसो । तेण वि सुनिरुवियं काऊण कहियं नरवईणो—“देव ! अहिणवजाया चेव दुहिया । केण वि पहा-सण्णे उज्झया तीए असुहगंध-पूरिय-नासा-विवरो उम्मग्गेण पत्थिओ एस सिबिरलोगो ।” तं सुणिय समुप्पण्णकोऊहलो तेणेव पएसेण समागओ सेणिओ । दिट्ठा दुस्सह-दुगंध-पूरियपएसा बालिया । चित्तियं च राइणा—“अहो कम्मपरिणई एसेव मज्झ पढमपुच्छा भविस्सइ ।’ गओ सेणिओ । दट्ठूण धय-छत्ताइए तित्थयराइसए उत्तिण्णो गंधवारणाओ । पविट्ठो पंचविहाभिगमणेणं तं जहा-- सच्चित्ताणं दव्वाणं विउससरणाए, अच्चित्ताणं दव्वाणमविउसरणाए, एगसाडिएणं उत्तरासंगेणं चक्खुफासे अंजलिपग्गहेणं मणसो एगत्तीकरणेणं तिपयाहिणी काऊण वंदिओ भगवं निसण्णो सुद्धधरणीतले । पत्थुया भगवया धम्मदेसणा । अवसरं लहिऊण पुच्छियं सेणिएणं—“भयवं ! इहागच्छंतेण दिट्ठा मए अईवदुगंधजायमेत्ता चेव उज्झया केणा वि दारिया । कि कयमिमाए पुव्वभवे ? केरिसो वा पज्जंतो भविस्सइ ?” भगवया भणियं—“पुव्व भवे साहुजणजणिय-दुगुंछाफलमेयं । कहिओ सव्वो वि पुव्वभववइयो । पज्जंतो पुण सुंदरो भविस्सइ । अप्पविवागमिमीए दुगंध-कम्मं । भविस्सइ एसा तुह घरिणी । पाविस्सइ पट्टमहादेवि-पयं । भुजिस्सइ कइवयदिणाणि तए सह पवरभोए । निविण्णकामभोगा पव्वइस्सइ । सेणिएण भणियं—“भयवं ! कहं सा मए नायव्वा जहा एसा सा ।” भगवया भणियं “जा तुह दोज्झणखेडुएण कीलंतस्स पिट्टिए आरुहिऊण अस्सं व वाहिस्सइ सा नायव्वा । तओ वंदिऊण भयवं उट्ठिओ सेणिओ । चलिओ नयराभिमुहं । गओ सगिहं ।

इओ य सा वि कन्नया पणट्ट-दुगंधा । दिट्ठा समासण्णपोट्टांगएण गोधरणाभिहाणमयहरेण । नीया तेण सगोउलं । समप्पिया नंदाभिहाणाए वंझाए नियधरिणीए । पडिच्छिया सवहुमाणमिमीए मासावसाणे पइट्टावियं नामं उज्झिय त्ति जहत्थमभिहाणं । संजायावच्चसिणेहा पालेड पयत्तेण नंदा । सेणियस्स वि तओ दिवसाओ रज्जमणुपालितस्स बोली-णाणि अट्टारसवरिसाणि ।

अण्णम्मि दिणे समुप्पण्णो संकप्पो सेणियस्स । सोहणं भवइ जइ सरय-निसायर-नियमंडिए जीवलोए तारय-कुसुमसमूह-सोहिए नहयल-महोरुहे सव्वम्मि नयरे कोमुई-महूसवं पयट्टेमि । साहिओ निययाभिप्पाओ अभय-कुमारस्स । बहुमण्णिओ तेण । घोसावियं पडहेण—“भो ! भो ! नायराइओ पंचमे दिणे कोमुइ-महूसवो भविस्सइ ता सव्वेण वि समासण्णगामाओ वा नगराओ वा गोउलाओ वां समागंतव्वं । तं सुणिय कोऊहलापूरिज्जमाणहियया पउणीभया सव्वे वि लोया । समागथा कोमुईए पयट्टाविओ राइणा महा-महूसवो । ठाणे निग्गच्छंति कोइल-कलकंठाओ चाक्कचचरीओ । चच्चरे चच्चरे तच्चंति नाडयाइ । पंतिए पंतिए दिज्जंति रासया । पए-पए सरसकहं-कहंता दीसंति तालायरा । जणमणजणियविणोयाणि नीहरंति विविहपेरणाणि । मुद्धजणजणियविम्हया इओ तओ परियडंति इव-जालिया । ऊसियदीहवंसा गहियासिखेडया वंसग्ग-समारूढा करणाणि कुणंति वरत्ता-खेलया । निरालंबणज्ञाणज्ञायार-जोगिणो व परपुरिस-दंसण-बद्ध-लक्खाओ, अहु-वियहुं हिडंति छिडणनारिओ, गामागरनगर-गोगुलेहितो समागयजणेण पूरियं समंतओ समारुहिऊण पासाओवरिमतलं निरुवियं समंतओ राइणा नयरं । जहि जहि निवडंति लोयणाणि तहि तहि पमुइयमाणसा कीलंता चेव दीसंति लोया ।

तओ सहावेऊण भणिओ अभयकुमारो “पयट्टो ताव सव्वम्मि नयरे महूसवो कहमम्होहि एस दट्टव्वो ? जइ पायडमेव गंतूण निरुवेमो ता अजिइदियो बालचरिओ एस राय” त्ति जणो संभावेइ । अह न निरुवेमो निरत्थयं महूसव-कारवणं” । अभयकुमारेण भणियं—“ताय ! बोलीणे रयणीए पढमजामे विहिय-वंठ-वेसा-खग्ग-सहाया अलक्खिया चेव परियणेण धवलहर-पच्छिमवारियाए निग्गंतूण दो वि जणा निरुवेमो पच्छिमपहरे पुणो वि आगमिस्सामो ।” पडिव-ण्णमेयं राइणा । तहेव निग्गंतूण पेच्छंता नाणाविहकोऊहलाणि नयरमज्जे हिंडउमारुढा । इओ तओ परियडंता पत्ता चउहट्टुयं । दिट्ठं च तत्थ रंगमागयं नड-पेच्छणयं । बहुजण-सम्मइ दट्टूण गया तयभिमुहा । पविट्टा जणसमूह-मज्जे । एयावसरे मयहरधरिणी वि नंदा अट्टारस वरिसियं गहिऊण तं उज्झयाभिहाणं दारियं कोऊहलेणं रायगिहमागया । इओ तओ हिंडिऊण सा वि तमेव नडपेक्खणयं पारुढा निरुविउं, जणपेल्लावेत्तिलया उज्झया जत्थ सेणियनिवो । तओ उण्णाभियपप्पिहया ऊसिय-कंधरा कोऊहल-हय-हियया दो सु वि अंसेसु सेणियस्सं भुयजूएण काऊण अवट्ठंभं नडं निरुविउं पयट्टा, राइणा वि को एस भं अवलंबेइ ? पच्छाहुत्तं नियंतेण दिट्ठा उज्झया चित्तिउं च पयत्तो—

उष्णयपीण-पयोहर परिणाहि नियंब-बिब रमणीया । मिऽ-मणहर-तणु-फासा पुष्णिम-पडिपुष्ण-ससि-वयणा ॥
कमल-दल-दीह-नयणा निसग्ग-रत्ताहरा य तणुमज्जा । लायण्ण-सलि-पूरिया नाहीदहरेहिरा बाला ॥१२५॥
सुमाण-सरल-कोमल-ऊरुजुयं मणहरं परिवहंती । मयमत्त-काम-करिणो संजमणालाणखंभ व्व ॥१२६॥
करिकरसमाणजंघा कुम्मुण्णइ चलण-चंगिमसमेया । ईसीसि निरिक्खंती दिट्ठा सा नरवरिदेण ॥१२७॥

तओ मयणसरगोयरंणेण उत्तारिऊण अंगुलीए नियनामंकियं मुद्दारयणं अलक्खियं चैव तीए बद्धं वत्थंचले ।
ठिओ खणमेत्तं सुण्णमाणसो । पच्छा कत्थ वि रइमलभमाणेण भणिओ अभयकुमारो राइणा—“सिसिर-यवण-संबलिय-
सीय-संगेण बाढं वाहइ मं सिरोवेयणा गम्मउ सट्ठाणं !” भणियं अभयकुमारेण—“जं ताओ आणवेइ !” गया पविट्ठा
पच्छिम-दुवारे । ठिओ वासभवणपल्लंके राया । काऊण पणामं पत्थिओ अभयकुमारो । ससंभमं सहिऊण भणियं
राइणा—“वच्छ ! पेच्छ केरिसं जायं ?” अभयकुमारेण भणियं—“कि केरिसं ?” रण्णा भणियं—“कोऊहलाक्खित्त-
माणसस्स नयरमज्जे परियडंतस्स अलक्खियं चैव मए गहियं केणा वि पहाणमुद्दा-रयणं । जावज्जं वि एस लोगो न
निग्गच्छइ ता चित्तेहि किं पि उवायंतरं एस । ‘चित्तेमि’ भणिऊण निग्गओ अभयकुमारो । सट्ठाविऊण भणिओ
दंडवासिओ—“अरे ! आसवाहणियाए पडिनियत्तस्स महारायस्स रायपह-मज्जे मुद्दारयणं निवडियं तमवस्सं केणइ लद्धं
हवेज्जा । अओ पोलिसु भोत्तूण धाणंतराणि एक्केक्कं माणुसं जहा सुगविट्ठं निग्गच्छइ तथा कायव्वं !” तेण वि तहेव
कयं । तओ पइमाणुसं धम्मेलं धम्मेल्लं वत्थंचलमुह-कक्खाइसु कीरइ गवेसणा पच्छा विसज्जिज्जइ । एवं परिवाडीए
नीहरंतेसु लोएमु पत्ता नयर-दुवारं नंदाए समं उज्झिया । वत्थाणि निरूवयंतेहि दिट्ठो उज्झियापिट्ठि-पासे उत्तरी-
य-वत्थंचले गंठी । दंडवासिय-पुरिसेहिं पुच्छिया तेहिं—“किमेत्थ गंठीए ?” तीए भणियं—“न याणामि” नीरूवयंतेहि
दिट्ठं रायनामंकियं मुद्दारयणं । साहियं गंतूण अभयकुमारस्स जहा लद्धं मुद्दारयणं । अभयकुमारेण भणियं—“दंतेह
मे तक्करं । गओ तहिं चिय । दंसिया उज्झिया । अभयकुमारेण भणियं—“कहिं मुहियं पत्तं ?” तेहिं भणियं—
“पयडमेव पुट्टुट्ठियवत्थ-गंठीए ।” तओ सुइरं निरूविऊण उज्झियं चित्तियं अभएण—“एस ताव असंभवो चैव जमंगुलीए
कडिडज्जंतं पि मुद्दारयणं न मुणिज्जइ । एयं पि करेज्ज को वि निरूडसाहसो पुरिसो वा इत्थी वा एसा पुण बाला
सरल-सहावा लक्खिज्जइ । अह इमीए कयं होज्ज तो कंहं पयडमेव धरेज्जा । दीसइ पढम जोव्वणं रूव-संपई एसा
कयाइ समुप्पण्णाणुरागेण पुत्तो त्ति काऊण पयडमेव कहिउमचयंतेण ताएण कवडमेयं कयं भवे । हवउ संपाडेमि ताव
एयं पि तायस्स । एयं नियमणे संपहारिऊण अलियकयभिउडि-भासुर-वयणेण जंपियमभएण—“अरे ! एयं तक्कर-
दारियं वज्ज-ठाणं नेऊण विगयकन्न-नासं काऊण देसनिद्धाडियं करेह । एवं मुणिय परुण्णवयणाए जंपियं नंदाए—“गिण्ह
सव्वं पि घर-सारं मुयह कुसलिणीं वच्छमुज्झियं ।” अभएण भणियं—“नरवइमुद्दारयणं चोरिऊण न घरसारेण
छुट्टिज्जइ ।” नंदाए भणियं—“जेण छुट्टिज्जइ तं साहह ।” अभएण भणियं—“सेवेउ रायचलणं ।” पडिवण्णं तुट्टु-
चित्ताए मयहरीए । राया वि मयणातल-त्ताविय-तणु किं सेविज्जमेयं न व ? त्ति संदेह-दोलासमारूढो । चित्तेउमारूढो—
हे हियय ! विसयलंपड ! जं पेच्छसि तम्मि तम्मि रज्जंतो । मंजिट्टु व्व अयाणुय घणरागो सहसु दुक्खाइं ॥
भणियं च—

कंदुक्खणणं न्हियं देसं छड्डुणं कुट्टुणं च अइ कडणं । अइ रत्ते मंजिट्ठे किं दुक्खं जं न पाविहसि ? ॥१२९॥
जइ कहं वि नं सिज्जेज्जा कज्जमिणं दिव्वं परिणयवसेण । तो म्ज्जिऊण मरिहिइ तुमं वि किं बहु वियारेण ?

एवंविह चित्ताचक्कारूढे नरवरे गहिऊण दारियं संपत्तो अभयकुमारो । पणमिऊण विणत्तो राया—“ताय !
लडो तक्करो ।” राइणा भणियं—“केरिसो ?” दंसिया अभयकुमारेण उज्झिया । रण्णा वियसिय-माणसेण भणियं—
“को दंडो निव्वत्तिओ नीइ-वियक्खणेण भवया ?” अभएण भणियं—“महंता एसा चोरिया । न य घरसारगहण-
भेत्तेण सुज्झइ । सारीर-दंडो वि ‘इत्थिये’ त्ति काऊण न तीरइ काउं एस चैव इमाए दंडो जं देवस्स चलण-पक्खालणं
करिस्सइ ।” राइणा भणियं—“जं तुमं वियाणसि ।” पभाया रयणी विवाहिया गंधव्व-विवाहेण । छुडा अंतेउरे दुक्ख-

वज्जिय सुहकम्मोदएण अंतरियमिमीए सेसं अंतेउरं वसीकओ राया । कया पट्ट-महादेवी । पडट्टावियं 'तिहुयणतिलय' ति नामं । सेणिएण सह सिणेहसारं विसयसुहमणुहवंतीए वच्चइ कालो ।

अण्णया रज्जकज्ज-समत्तीए अंतेउरमुवागएण पारद्वो वोज्जणकीलारसो । तत्थ जो हारइ सो आसो व्व पट्टीए समाह्हिऊण वाहिज्जइ । एवं किलंताण जया सेसअंतेउरिया जिणंति तया वत्थंचलेण कंधरा वंधिऊण पिट्ठीए करं काऊण वाहिंति । जया पुण राया जिणइ तया पिट्ठीए समाह्हइ ।

अण्णया कीलंतेण हारियं राइणा जियं तिहुयणतिलयाए । काऊण कच्छाबंधं विगयसंका समारूढा पुहवीपाल-पिट्ठीए तुरंगमो व्व तुरियगईए वाहिऊण मुक्को । ईसि हसिऊण जंपियं राइणा सुमरियजिणवयणेण—“अहो विचित्ता कम्मपरिणई ।” तिहुयणतिलयाए तीए जायसंकाए भणियं—“अज्जउत्त ! किमेयं हसिज्जइ किं वा कम्म-परिणई सुमरिया ?” रण्णा भणियं—“पिए ! अलं वियारेण ?” तीए भणियं—“सव्वहा साहेयव्वं न अन्नहा मे मणनिव्वुई ।” नाऊण निव्वबंधं कहियं राइणा—“दुग्गंध-गंध-दूसिया जायमेत्ता चेव तुमं केण वि उज्जिया । अविन्नाय जाइ-कुल-सीला मए परिणीया । पत्ता महादेविपयं, परिणीया मए उण्णय-रायकुलवंस-संभवाओ अणेगाओ कण्णगाओ न ताओ एवविह-मासंघयं कुणंति । तए पुण एव महं वाहिओ । एयं मे हास-कारणं । कम्म-परिणई परिभावणं च तं सुणिय समुप्पण-जाई-सरणाए जंपियं तिहुयण-तिलयाए—“अज्जउत्त ! जाईसरणेण पुव्व-भव-वइयरं नाऊण निव्विण्णं मे संसारवासाओ माणसं । विसज्जेसु मं जेण समणस्स भगवओ महावीरस्स अंतिए पव्वयामि । अण्मणिया राइणा । पसत्थवासरे महया निक्कवमण-महूसवेण हत्थि-बंधमारोविऊण सपरिवारो चेव गओ सेणीओ महावीरसमीवे । विहिणा वंधिऊण तित्थयरं दिण्णा सिस्सिणि-भिक्षा । पडिच्छिया भगवया गंतूण ईसाणकोणे विमुक्कवत्थाहरणा परिगहियसंजइनेवत्था समागया तित्थयरसमीवे । पव्वाविया सहत्थेण भयवया । समप्पिया अज्जचंदणाए । सह्णासेवणसिक्खापुरस्सरं पडियाणि एक्कारसंगाणि । परिपालिऊण निक्कलंकं सामण्णं खविऊण घणघाइ-कम्माणि, उप्पाडिऊण लोयालय-पयासं केवलनाणं काऊण जोग-निरोहेण सेलेसि सिद्धिवसहिमुवगया । एवं दारुण-विवागा वि दुगुंछा न कायव्वा धम्मत्थिया ॥

संपयं अमूढदिट्ठिम्मि [अरिहचंदसावय]उवाहरणं—

अत्थि इहेव भारहेवासे पुहइमहिला-भाल-यल-तिलय-तुल्लं हत्थिणाउरं नाम नयरं । अरिहचंदो नाम सावओ तत्थ परिवसइ । अहियजीवाजीवो उवलद्धपुण्ण-पावो निग्गंथे पावयणे गहियट्ठो विणिच्छियट्ठो अट्ठि-मिजपेसाणुरागरत्तो परपासंड-परमाइसयपूयासक्कारदंसणे वि अमूढदिट्ठी । समणे निग्गंथे फासुएणं एसणिज्जेणं असण-पाण-खाइम-साइमेणं वत्थ-पडिग्गहकंबलरओहरणेणं पीढफलय-सेज्जा-संधार-ओसह-भेसज्जेणं पडिलाभेमाणे कालं गमेइ । तस्स आजम्माओ दालिहकंदली-कंद-कप्पो नियपोट्ट-भरणे वि असमत्थो विवण्ण-जणणि-जणओ सिरिहरो नामं बंभणसुओ वुत्ताणत्तयं करेइ । सो अण्णया सीयंत-परियणभत्थणा कयत्थिज्जंतो चेव निग्गओ घराओ । गओ दक्खिणावहं तत्थ वि तस्स न किपि संपज्जइ ।

जओ—

दूरं वच्चइ पुरिसो एत्थ गओ निव्वुइं लहिस्सामि । तत्थ वि पुव्वकयाइं पुव्वगयाइं पडिक्खंति ॥१३१॥
अत्थ गथा तत्थ गया पुरिसा दारिइ-भायणं ह्वीति । जेहि न भयवं धम्मो तिहुयणचित्तमणी चिण्णो ॥१३२॥

अण्णया गओ समुहोवकठसंठिय-थाणेसरं नाम पट्टणं । तत्थ परिभमंतो मिलिओ हरहंस-परिवायगस्स । नीओ तेण नियमहं । पुच्छिओ य—“को तुमं ? कत्तो वा समागओ ? कहिं वा गंतव्वं ?” साहिओ तेण सव्वो वि अप्पणो वइयरओ । गंतव्वं पुण जत्थेव उयस्परणं भवइ । तेण भणियं—“जइ एवं तो मह समीवे चे[व] चिट्ठसु जेण माणुसं करेमि ।” ठिओ सो तत्थेव आराहिओ परमविणयकरणेणं हरहंसो समागयचित्तेण जंपियं तेण—“अहो पत्तभूओ तुमं मिण्हसु इमं परिव्वायग-वयं जेण ते विज्जा-मंत-पयाणि पयच्छामि !” पडिक्खणं सिरिहरेण । दिक्खिओ पसत्थ-वासरे । समाराहिओ विसेसेण हरहंसो । कइवयवरिसावसाणे संकामियाणि तेण तस्स विज्जा-मंत-पयाणि । परियडइ कणय-

कमलोवरि निसण्णो नहयले वंसेइ विविहरूवाणि । आणेइ आगरिसण-मंतेण दूरट्टियाणि वत्थूणि । दट्ठूण विविहा-इसयसंपण्णं सिरिहरं हरिसिओ हियए हूरहंसो कयत्थमप्पाणयं मण्णंतो आउयक्खएण मरिऊण सकम्म-फल-भोई जाओ । सो वि काऊण कइवयविणाणि गुरुमरण-सोयं पच्छा जह्णिच्छाए वियरिउमारद्धो । विम्हावंतो मिलिओ सव्वो वि नायर-जणो । के वि कयकरयल-संपुडा जयज[यारवेहि] बहिरियदियंतरा भत्तिभर-नमंतुत्तिमंगा पुणो पुणो पणामं करेति । एगे धूय-कडुच्छुय-हत्था उड्ढमुहा धूयं डहंति । अण्णे गयणंगणे पुप्फंजलीओ मुयंति । अवरं वत्थंचलेण वीयंति । बहुजण-संमहं दट्ठूण पुच्छिओ राइणा समासण्णो पुरिसो—“भो किमेस लोगो संपिडिओ दीसइ ?” विण्णायवुत्तंतेण कहियं तेण-जहट्टियं । जायकोऊहलो गओ तस्स राया वंदण-निमित्तं । विम्हयउप्फुल्ललयणेण वंदिऊण सबहुमाणं निर्मतिओ नियघरे भोयणेण राइणा । पडिक्खणं सिरिहरेण । हरिसिय-चित्तो गओ सट्ठाणं राया । काराविया भोयण-सामग्गी । पत्त-वेलाए पेसियं सिरिहराणनिमित्तं नरिदेण जंपाणं । तमारुहिऊण उभय-पासढलंत-सिय-चामरो उवरि-धरिय-सियाय-वत्तो, वीहिमज्झंमज्झेणं सयलणेगमजणेण सबहुमाणमब्भुट्टिज्जंतो पत्तो अरिहचंदसावयावणसमीवे । विण्णा तयभिमुहं दिट्ठी सिरिहरेण । अरिहचंदो वि अकयवंदण-पूयणो अब्भुट्टाणेण वि अकयपडिक्खती तह ठिओ चेव ठिओ । दूमिओ मण्णां मणे सिरिहरो । पत्तो रायभवणं । भोयाविओ परमविणएण राइणा । भोयणावसाणे वित्तो घणसारमीस-सारसिरिखडेण । दाऊण पुप्फ-तंबोलाइयं वंदिऊण विसज्जिओ तेणेव विहिणा । समागओ अरिहचंद-हट्टसमीवे धरावियं जंपाणं । ठिओ खणमेगं तह वि वयणमेत्तेण वि अकयपडिक्खती अरिहचंदेण विलक्ख-वयणो गओ-नियआवासं सिरिहरो । नियत्ता राय-पुरिसा । चित्तुं पयत्तो परिव्वायगो-पणओ मह तवेण सव्वो वि नरवइपमुह-नयरजणो । सो पुण अरहचंदो अचंचंत-अवण्णापरो दीसइ । निरत्थओ मह एसह परिफंदो जावेस न नामिओ ।” एवंविहर्चितासायर-गयस्स समागया रयणी । वंदणानिमित्तं समागया केसवनारायणाभिहाणा दोणि वणिगा । काऊण पणामं निसण्णा समासण्णपएसे । दिट्ठो य किपि सविसायवयणाणि जंपंतो सिरिहरो । सविणयं पुच्छिओ तेहि—“भयवं ! कि कारणं उव्विग्गो विय लक्खियसि ?” काऊण अणुग्गहं कहेसु जइ न होइ अकहणीयं ।” तेण भणियं—सुणेह, “अत्थि मे चिरपरिचिओ अरिहचंदो नाम सावओ । सो मं अवन्नाए पेक्खइ न सो रंजिज्जइ मह अइसएहि ।” तेहि भणियं—“भयवं ! अलं गृणमच्छरिणिजणे अवमाणकरणेण । कि च चिरपरिचियमेत्तो सो अम्हाणं तहा भणिस्सामो जहा भयइ भवओ पय-पंकयं ।” तेण भणियं—“एवं करेह ।”

गया ते अरिहचंदमंदिरे विण्णासणा पुच्छिया तेणागमणकारणं । भणियं कुसलेण नारायणेण तुह दंसणत्थमागया । जओ—“सयलनरोमर-महिय-पायवीढो, दुक्कर-तव-चरण-माहूप-समुप्पण-विविहाइसयरोहणगिरिवरो, वरदाण-पणासिय-पणइजण-दालिइ-दोहग्गो, बहुपुण्णपावणिज्जदंसणो, तुह घरं भोयणकरणेण पविती काउमिच्छइ सिरिहरभट्टारओ । धण्णो तुमं सयल-कल्लाण-भायणं । अओ तुह दंसणत्थमागया । ईसि हसिऊण जपियं अरिहचंदेण—“अलमिमाए संकहाए । नाहं तस्स परिव्वायगस्स भोयणं पयच्छामि ।” नारायणेण भणियं—“न सो छुहिओ तुह घरे भोयणं पयच्छेइ । संति तस्स नरवइपमुहा पहाणअहमहिमिगाए निर्मंतगा परं न सो इच्छइ । एसा पुण तुहाणुग्गह-बुद्धी । चिरपरिचियत्तणेण संभाविज्जइ । कि न दिट्ठो तए सुवण्ण-सयवत्त-संठिओ गयणंगणगओ बीया चंदो व्व सयलजण-पणमिज्जंतो ।” सावएण भणियं—“जइ तेण तुम्हाण विम्हओ न मज्झ । जा अप्पणा वि छज्जीवकाय-वह-पवह-पवत्तो असत्तो सुद्ध-संजमं काउं एगघर-भोई पुफ-तंबोल-विलेवणासत्तो सो कहं ममाणुग्गहं करिस्सइ ? जओ—

दुण्णि वि विसयासत्ता दुण्णि वि धण-धणसंगहपरा य । सीसगुरुसमु दोसा तारिज्जउ भणसु को केण ? ॥ जह लोहसिला अप्पं पि बोलेए तह विलग्ग-पुरिसं पि । तह सारंभो वि गुरु परमप्पाणं च बोलेइ ॥१३४॥

ता उट्ठेह तुम्हे वच्चह नियमंदिरे । मा वायाडम्बरेण अत्ताणं किलेसेह ।” नाऊण तस्स निच्छयं गया ते परिव्वायग-समीवं । साहिओ सव्वो वि वुत्तंतो । गओ बीयदिणे सयमेव सिरिहरो अरिहचंदमंदिरे । अकयपडिक्खती ठिओ खणमेगं । उद्धट्टिओ चेव तओ उवालद्धो तेण अरिहचंदो—“सावया ! केण तुमं एरिसं विणयं गाहिओ ?” न एसा धम्म-बुद्धी पत्त-बुद्धी वा सामणजणोवयारो एसोत्ति भणतेण दाविदमासणं निसण्णो परिव्वायगो । अरिहचंद-विम्हावणत्थं मंतसा-

मत्थेण दसियाणि अत्तणो बहुविहुरूवाणि । पयडिया आगरिसण-सत्ती । जंपावियाओ कट्टुपुत्तलियाओ । एवमाइबहुविह-
कुहुककरणेण न विम्हओ अरिहचंदो । भणियं चाणेण—“नमो जिण-सासण-पवण्णगणं समणाणं निग्गंथाणं जे आमोसहाइ-
बहुविहलद्धि-जुत्ता वि अयाणुग व्व कालं गमेत्ति । पायय-जणो पुण विण्णाणलेसेण वि उत्ताणो एए एए पयासंतो अप्प-
गव्विओ महीयले वि न मइ । गंडोवले व्व बाणो अलद्धलक्खो पडिनियत्तो परिब्बायगो । तओ ‘रागपरिणएण
मच्छरो एसोत्ति बहुजणपुरओ निदिओ अरिहचंदो । पच्छा जो जत्थ मिलइ अयाणुयजणो सो तत्थ जंपइ सोवालभं ।
जहा किमेत्तो वि अण्णं सुपत्तं पत्तं भवया न संभवइ एयं अलभिणिणा दुग्गइनिबंधणमच्छरेण । सो वि अदिण्णपडिवयणो
गयनिभीलियं काऊण वच्चइ, न मणां पि दिट्ठी भोहिज्जइ । एवं वच्चइ कालो ।

अण्णम्मि दिणे बाहि विणिग्गओ दिट्ठो नारायणेण सोवहासं संभासिओ य—“परमसावय ! सागयं ते ।” अरिह-
चंदेण भणियं—“नारायण ! उद्धरकंधरो सोवहासवयणो य लक्खीयसि ? न एयं ते परिणामसुवरं भविस्सइ ।”
नारायणेण भणियं—“सुंदरासुंदर-परिणाम-परिण्णाणं पि ते विज्जइ”त्ति भणिऊण गओ सट्ठाणं । सिरिहर-भक्तिपरायणो
कालं गमेइ । तस्स दुहिया ईसिसमारूढजोव्वणा सामला नाम धम्मपरायणा कालमइवाहेइ ।

अण्णम्मि दिणे जणणीए समं गया सिरिहरवंदणत्थं । वंदिओ सो ताहि । दिण्णासीसाओ निसण्णाओ तयंतिए वंसण-
मेत्तेण वि समुप्पण्णो सिरिहर-सामलाण पणओ । परूढसिणेहा पइदिणमारद्धा सामला उवयारदाणाइकरणेण । एवं
कुणमाणीए अक्खित्तं परिब्बायगमाणसं । पगलिया धारणा । पम्हुट्टा विज्जा-मंता । परिहरियं सलिल-सोयं । मंदीकओ-
णाण-धम्मोवएसो । कि बहुणा दिण्णो जलजली निययाणुट्ठाणस्स । पंचठाण-बालकीलियं व चित्तातंतुसंदोह-संदाणियं व
वज्जलेवसंधडियं व गाढं लग्गं चित्तेण सामलं सरंतो वयणेण तमेव समुल्लवंतो ज्ञाणेण तमेव ज्ञायंतो सुमिणे वि तमेव
पेक्खंतो कि बहुणा तम्मयमिव भुवणं मभंतो कालं गमेइ ।

अण्णम्मि दिणे पओयणवसागयाए सामलाए सद्धि सरागं समुल्लवंतो दिट्ठो सिरिहरो । परिणयपायाए जोगसार-
परिब्बाइयाए चित्तियमिमीए—“न सोहणमेयं एयस्स देमि धम्मोवएसं ।” ठिया सो तत्थेव जाव गया सामला । पच्छा
कोमलवयणेण भणिओ जोगसाराए—“वच्छ ! सिरिहर ! जइ ते परमपुरिस-दंसणेण पओयणं तो परिहरियव्वो इमीए,
सह संजोगो ।” उवरोहसीलयाए अरोयमाणं पि पडिवण्णमणेण तीए वयणं । गया य सट्ठाणं ।

बीय दिणे पुणो वि आगया दिट्ठो धरियधारणो ।

सइ सयवत्तु न द्वियसिउ ससिखंपणभरिउ । दिणयह दहणसहाउ तउ दूरि ण परिहरिउ ॥१३५॥
तसु सुद्धह मुहयंदह को सरिसिम धरइ । हुं निम्मलमणि दप्पणु-जइ परि अणुहरइ ॥१३६॥
एकं पएसि कडक्खवाणु तणुयंगि स मिल्लइ । निव्वणु अंगु मयच्छि ! नवर सव्वंगिउ सत्तइ ॥१३७॥
अमयमयंगि वि हंसगमणि हालाहल तुल्ली । वप्पुरे अण्ण जि तसु विजासस भंगि नवल्ली ॥१३८॥

एवं जंपतो सणियमुवसप्पिऊण सिणेहसारं भणिओ जोगसाराए—“वच्छ ! “हरिहरहिरण्णगम्भे ज्ञाएसु किमिमाए
पावाए ?” उज्झिऊण लज्जं जंपियं सिरिहरेण—“अम्मो !

हरिहरहिरण्णगम्भा पम्हुट्टा सामला ठिया चित्ते । सव्वं जणाण वयणं नवेण पेल्लिज्जइ पुराणं ॥१३९॥
जइ अत्थि तेणुकंपा कज्जं वा मज्झ जीविएण वा । ता तह करेसु जह होइ संगमो मज्झ तीए ममं ॥१४०॥
जओ—

भू-संधिय-धणुह लया आयडिडय-नयण-वाणतणुयंगी । विधइ मणं न जीयं अउव्व पारद्धिणी बाला ॥१४१॥
उब्भडजोव्वणभरचारुचंगिमावट्टिएहि अंगेहि । कस्स न हरेइ मणं लायणभरंगिणी बाला ॥१४२॥
सुमरणमेत्तेण वि जुवजणाण दिट्ठा पुणो वि सेसेण । चिच व्व दूर थक्का करेइ लालाउलं वयणं ॥१४३॥
सा परमवयं सा मज्झ हरिहरो सा हिरण्णगम्भो वि । सा गुरुयणो गुणड्ढो नत्थि दिणा तीए मह जीयं ॥”

जोगसाराए चितियं-बंधिओ एस सिणेहाणुबंधेण । ता तीए विरागपयडणेण उत्तारेमि एयस्साणुरायं । निग्गया परिक्वाइया गया सामला समीवे । साहिओ तीए सब्बो वि सिरिहर-वइयरो । सा वि पयडिय-मयण-विद्यारा वाहजल-भरियल्लोयणा विमुक्क-दीहुण्ह-नीसासा निरुद्धसहं रोविउं पयत्ता । एसा वि मयणसरसल्लियंगी दढाणुरागा सिरिहरे वराइ त्ति विभाविऊण अलियाणुकूलवयणेहि समासासिऊण सामलं गया परिक्वाइया सिरिहरसमीवे, भणिओय सो गया हं तीए समीवं । भणिया य सा मए एगंते जहा--“तुह समागमं समीहइ सिरिहरो । तओ निट्ठुम्भिऊण जंपियमिमाए--“किं निट्ठिया पुहईए पुरिसा ? जेणाहं तेण सह समागमं करिस्सामि । तुमं पि असंबद्धभासिणी न पुणो वि इमिणा वइयरेण मह समीवमार्गतव्व”ति भणिऊण निट्ठाडिया नियमदिराओ । अहं पत्ता तुह समीवं । संपयं जमुचियं तं करेहि । एवं भणिऊण निग्गया जोगसारा । सिरिहरो वि गाढयरं मयणानलजणियसरीर-संतावो विलविउमाढत्तो--

हा हियय ! अक्कवत्थिय अमणिज्जंतो वि तं जणं महसि । कंडं व सिलावडियं अलद्धलक्खो नियत्तिहिसि ॥
 हा हियय ! हीण साहस ! वियलियमाहप्पचत्तलज्जोसि । जत्थ गओ न गणिज्जसि तम्मि जणे कुणासि अणुरायं ।
 हा हियय ! किं किलम्मसिदुल्लहजणअलियसंगमासाए । हरिणो व्व मूढमायण्हियाहि दूरं हरिज्जिहिसि ॥
 हा हियय ! लज्जावज्जियदुल्लहलंभं जणं वि मग्गंतो । आयासएएहि भमंतपावपडिऊण भज्जिहसि ॥
 हा हियय ! विरागिल्ले रागिल्लं हवसि तं न तुह जत्तं । अह वारियं न थक्कसि भुंजसु ता मूढ ! दुक्खाइं ॥
 हा पाणपिए ! सुहए मुच्च मणं सामले ममेदाणि । मा फुट्टतेण समं तुमं पि इमिणा विणिस्सिहसि ॥१५०॥

एवं सदुक्खा विलवंतो निययपओयणागएहि दिट्ठो अरिहचंद-नारायणेहि । पणमिओ नारायणेण । सिरिहरेण भणियं--“सुयणु सामले ! सागयं ते चिराओ दिट्ठासि ?” मुणियमयण-विद्यारेणं जंपियं अरिहचंदेण-न एसा सामला पिया जा सुपत्त-परिग्गहेण सगं गमिस्सइ । तओ विलक्ख-वयणो निग्गओ नारायणो पिट्ठो अरिहचंदो । गया निय-निय-भवणेसु । सिरिहरो वि कामगहगहियमाणसो उम्मलिणीभूओ ‘सामला सामले’ति समुल्लवंतो बहुडिअपरिवारिओ छारंगारकयवरेसु सोट्ठतो कत्थइ गायंतो कत्थइ किलि[कि]लसहं कुणंतो नयरस्स तिय-चउक्क-चचरेसु परियडंतो दिट्ठो निज्जुहनिस्सणेण राइणा । पुच्छिओ समासणपुरिसो । “को एस एवं गह-गहिओ व्व परियडइ ?” सुविणिच्छियं काऊण साहियं तेण जहट्ठियं नरवइणो । चितियं च रण्णा एवंविहा वि कामपिसाएण नडिज्जंति जंतुणो । अहवा-
 तावच्चिय धम्मपरो ताव सलज्जो य पडिओ ताव । ताविदियाण वसगो जाव न मयणो वियंभेइ ॥१५१॥

सामला वि तव्विओयानल-दज्जमाणमाणसा असंठवियनियंसणा विलुलंतकेसपासा विमलंतुत्तरिज्जा काम-गहिया ‘सिरिहर मह माणसं हरिऊण कहि गओ देहि दंसण’ ति भणमाणी नयरमज्जेण हिंडती आसवाहणिया निग्गएण दिट्ठा राइणा पुट्ठा य “का एसा ?” साहियं आसणवत्तिणा । मुणिय पुव्वावर-वुत्ततेण पुरिसेण चितियं राइणा-‘एसा वि वराइ धम्मणेहेण विणडिज्जइ एवं संविग्ग-माणसो गओ नयरवाहिरियाए । वाहिया तुरंगमा ।

एथंतरे तिलयनंदणज्जाणे आवडियमुक्क-आणस्स वियलिय-वणधाय-कम्ममंठिणो अपुव्वकरणमासुडस्स समुप्पण खधगसेठिणो उत्तसियजीववीरियस्स पवट्टमाणसुह-परिणाभस्स समुप्पणं केवलनाणं विमलजससाहुणो । कया अहासन्निहिय-वंतरेहि केवलमहिमा-सोहियं उज्जाण-मज्जाओ तिण-सक्करकंटयाईयं वुट्ठं गंधोदयं मुक्का दसद्ववण्णाकुसुमवुट्ठी । समागया वंदणवडियाए नायरया । दट्ठूण बहुजणपूरपुरियं उज्जाणं मुच्छियं राइणा-“किमेयम्मि उज्जाणे महसवो ? को वि जेणेस लोगो मिलिओ दीमइ ?” मंतिणा भणियं-“महाराय ! कलिगाहिवस्स विमलजस-राइणो पडिवण्ण-समण-लिगस्स तीयाणागयवट्टमाणवत्थु-विथाणं केवलनाणं समुप्पणं । तस्स वंदणनिमित्तं एस लोगो मिलिओ ।” रण्णा भणियं-“अम्हे वि वच्चामो ।” गओ राया वंदिओ केवली । पारद्धा केवलिणा धम्मदेसणा । छिण्णा जणाण अणेगे संसया ।

एयम्मि अवसरे सो सिरिहरो डिभवदपरिवारिओ आगओ तमुज्जाणं । संजायकारुणेण पुच्छिओ केवली राइणा-“भयवं ! किं कारणं एस सिरिहरो नारायण-सेट्ठि-दुहिया सामला य अण्णमण्णनामग्गहणं कुणंताणि गह-गहियाणीव नयर-मज्जे परियडंति ?” केवलिणा भणियं-“सुणेह ।

अत्थि इहेव भारहेवासे सिरिसुंदरनामनयरं । सिरिदत्तो सेट्ठि । मज्झिमवए वट्टमाणस्स बहुहि उवाइअ-साएहि समुप्पण्णो तस्स पुत्तो । पइट्ठावियं मासावसाणे नामं संगमओ । कमेण पवइड्ढमाणो जाओ अट्टवारिसिओ । दिण्णा य तस्स तत्थेव वत्थव्वएण रवितेय-सेट्ठिणा निय दुहिया रविसिरी नाम कण्णया । वित्तं वरणयं । अइक्कंतो केवइ कालो । एत्थंतरे विचित्तयाए कम्मपरिणामस्स करिकण्णं व चंचलत्तणओ सिरिए विगलिओ विहवो सिरिदत्त-सेट्ठिणो । अप्पणा वि पाविओ पंचत्तं । संगमो वि अवमाणणीओ वरिहं ति कलिय परिभविओ सयणपरियणेण । करितस्स वि व[व]सायं कम्मदोसेण विहलं संपज्जइ । दुत्तरीहूयं नियपोट्टं पि । गहिओ विसाएण । विर्यंभओ रणरणओ । पवइड्ढया अरई । तओ चित्तियमणेण—“किमिह चिरपरिचियजणमज्जे अत्ताणय-विडंबणक[र]णेण । गच्छामि देसंतरं जओ—

पुरिसेण माणघणवज्जिणएण परिखीणभागधिज्जेण । ते देसा गंतव्वा जत्थ सवासा न दीसंति ॥१५२॥

तओ असाहिऊण परियणस्स विणिग्गओ पयट्टो पुव्वाभिमुहं । गओ येवं भूमिभागं । मिलिओ चिरपरिचिओ समंतभट्टो नाम भिक्खू । पच्चभिण्णाओ संगमो, तेण चलणेसु पडिऊण परुण्णो संगमो । कहकहवि पच्चभिण्णाओ भिक्खुणा । पुच्छिओ य तेण—“वच्छ संगम ! कहं ते ईइसी अवत्था ? कहं वा ते पत्थिओ ?” संगमेण भणियं—“भयवं ! परोप्पर-विहृद्ध-कारिणं देव्वं पुच्छसु । जेण ताय-पुत्तो भविय विणावराहेण ईइसं अवत्थं पाविओमिह ।” भिक्खुणा भणियं—“वच्छ ! अवि कुसलं ते तायस्स ?” संगमेण भणियं—“भयवं ! परिपालियसुपुरिसमग्गस्स सुरलोयमणुगयस्सं वि कुसलं तायस्स । अकुसलं पुण ताय-वंस-विडंबगस्स पुरिस-संखा-पूरगस्स अजागल-थण-तुल्लनर-जम्मस्स उभयलोय-फल-साहाणासमत्थस्स संगमस्स ।” समंतभट्टेण भणियं—“वच्छ ! अवि अत्थमिओ सो बंधुजण-कुमुयायरविबोहेण-सरय-ससी । अहो ! दाहणया संसारस्स, अहो ! निरवेक्खया मच्चुणो, अहवा सयल-सुरासुरतर तिरिय-साहारणो अप्पडियारो खु एसो ता किमेत्थ परिदेविणए ? धम्मो चेव एयस्स ओसहं । उभयलोय-फल-साहणसमत्थो ते वच्छा पुरिसयारसज्जं फल-विवेग-उच्छाहमूलो य पुरिसयारो । उभयसंपण्णो य तुमं पयइनिगुणे संसारे परलोय-फल-साहणं चेव सुंदरं । जोगो य तुममेयस्स ।” संगमेण भणियं—“भयवं ! जइ जोगो ता आइसह कि मए कायव्वं ?” भिक्खुणा भणियं—“वच्छ ! इमं चेव भिक्खुत्तणं ।” साहिओ संखेवेण नियकिरियाकलावो परिणओ एयस्स । अइक्कंता केइ दिअहा । दिण्णा य से दिक्खा । करेइ विहियाणुट्ठाणं ।

इओ य सा रविसिरी पव्वइओ मे पिओ कुओ वि अवगच्छिऊणं भत्तारदेवया नारि ति धम्मपरा जाया । विसयविभूहा वि तहंसणुया विरहदुब्बलंगी कालं गमे[इ] । कइवयकालाओ गहियभिक्खु-तिगो समागओ तण्णयरपच्चासण्णं तवोवणं संगमओ । निसुओ एस वुत्तंतो रविसिरीए । अणुण्णविय जणणि-जणए गया वंदण-निमित्तं । दिट्ठो य अणाए सहयार-किसलयनिविट्ठो संगमो । अमयसंगमेण व सित्ताइं से लोयणाइं । समुप्पण्ण-सज्जस-वेवियाइं अंगाइं । संभमाइसएण मुच्छिया एसा । परित्तायह ! परित्तायह ! भणंतीहि अक्कदियं सहीहि कारुण-पहाणयाए उट्ठिओ संगमो । ‘किमेयं’ति पुच्छियमणेण । साहियं से सहीहि ‘एसा खु रवितेअ-सेट्ठि-दुहिया रविसिरी नाम कण्णया ।’ गुरुदिदिण्णं भवंतमेव भत्तारं एयावत्थमवल्लोइऊण मोहमुक्कया । सुमरियपुव्ववुत्तंतेण चित्तियमणेण—“अहो ! मे पिययमाए दढाणुरागया । गहिओ सो वि सोएण । विर्यलिओ सुहपरिणामो । उल्लसिओ सिणेहाणुबंधो । आणिऊण समासण्णं सरसीओ नलिणी-वल-पुडएण पाणियं सित्ता सव्वगेसु रविसिरी । लद्धा चयणाए उम्मीलियं लोयण-जुयलमिमाए । सज्जस-पवेविरंगी उट्ठिया एसा । हरिस-विसाशगग्गिभणं नीससियमिमीए । फुरियं बिबाहरेण । पुलइयाइं अंगाइं ईसिव-लियतारयं पलोइउमारद्धा ।

एत्थंतरम्मि दुज्जयाए मयणस्स, सयलाणत्थ-निबंधणत्थ-निबंधणयाए जोव्वणस्स, रम्मयाए विलासाणं, विचित्त-याए काणणस्स, आवज्जियं से चित्तं । चित्तिडं च पवत्तो ‘हंत ! किमेत्थ जुत्तं’ति । एगतो वयभंगो अण्णत्तो अणुरत्त-जणपरिवज्जणं उभयं पि महंतं । सुयं च मए गुरुसमीवे—‘जहा अखंडिय-वयाणं जम्मंतरे धुवो अत्थि य लाभो । हिययइच्छिओ य मे इमीए समागमो । ता अखंडियवओ काऊण पणिहाणपुरस्सरमणसणं परिचएमि जीवियं जेणोभय-लोगाराहणं कयं हवइ । साहेमि इमीए निययाभिप्पायं । किमेसा पडिबज्जइ ति न वा ?’ चित्तिऊण भणिया सा तेण—

“सुंदरि ! खंडिय-वयाणं इहलोगो चेव पालिय-वयाणं उभयं पि हवइ । भणह किमंगीकरेमि ?” रविसुंदरीए भणियं—
 “अज्जउत्त ! जहा उभयं संपज्जइ तथा करेसु । समासणो य परलोयो अप्पवसगाणं बहुमओ । ममावि इमस्स वि
 किलेसायासहेऊणो देहस्स परिच्चाओ । एवमवत्थिए तुमं पमाणं ।” संगमेण भणियं—“सुंदरि ! अभिण्ण-चित्ता मे
 तुमं । ता कि एत्थ अवरं भणीयइ ‘पडिवण्णं मए सह समागमो परलोए भवउ’त्ति संपहारिऊण गहियं अणसणं ।
 तीए भणियं—“पुज्जंतु मणोरहा ममं पि अणुजाणउ । अहवा भत्तारदेवायाओ इत्थियाओ । जं सो करेइ
 तं ताहि पि कायव्वं । अओ अणुमयमेवापुच्छियाओ सहीओ, खामिया जणणि-जणया “मा साहसं मा साहसं” ति वारि-
 ज्जमाणी वि जणेंण, ‘जम्मंतरे वि इमिणा चेव भत्तुणा अविउत्ता ह्वेज्ज’त्ति काऊण पणिहाणं पडिवण्णा अणसणं ।
 ठियाइं सहकारपायवस्स हेट्ठओ चित्तलिहियाइं व निम्भिसपरोप्परालोयणपराइं जीविऊण मासमेगं निरसणाइं
 तओ मरिऊण जाओ संगमो वंतरो । इयरी वि वंतरो । ठियाइं तत्थ परोप्परं नेहाणुरत्ताणि । तओ चुयाइं संगमो
 सिरिहरो जाओ । रविसिरी वि सामला । संवड्ढिओ पुव्वभवड्ढभासेणाणुराओ । संगमसुहमलहंताणि सुण्णमाणसाणि
 कामगहेण एयावत्थं पावियाणि । जओ— दस कामावत्थाओ—

चित्तेइ दट्ठुमिच्छेइ दीहं नीसत्तइ तह जरो दाहो । भत्तअरोचगमुच्छा, उम्मत्तो न याणई मरणं ॥१५३॥
 पढमे सोयइ वेगे दट्ठुं तमिच्छई वीय वेगे । नीसत्तइ तइय वेगे आरुहइ जरो चउत्थंस्सि ॥१५४॥
 दज्जइ पंचमवेगे छट्ठे भत्तं न रोयए वेगे । सत्तमगम्मिय मृच्छा अट्टमए होइ उम्मत्तो ॥१५५॥
 नवमे न याणइ किंचि वि दसमे पाणेहि मुंचइ मणूसो । कामावत्था एया नाथक्का आणुपुव्वीए ॥१५६॥

एयं सुणिय सविग्गा जाया सयलपरिसा । काऊण जहारिहं धम्मपडिवत्ति जहागयं पडिगया । दिण्णा राइणा
 सामला हरिऊण तियं सिरिहरस्स । जायाणि सत्थाणि । निव्विसयाणि आणत्ताणि तरिदेण । पमंसिओ सयलनरवइपमुह-
 लोएण अरहचंदो—“अहो ! तए समं वियाणिओ कज्जपरिणामो !” जाओ नारायणो परमसावओ । अण्णेण वि लोण्ण
 जिण-धम्मपसंसाए वद्धाइं बोहि-बीयाइं । पसंतायरीएहि भणियं—“भो महाराय ! जहा अरिहचंदो तथा अण्णेण विसुद्ध
 सम्मत्त-परिपालणमभिलसंतेण अमुद्धदिट्ठिणा होयव्वं”त्ति उवएसो ।

सपयं उववूहाए [जिणसेहरसेट्ठि] उवाहरणं भण्णइ—

अत्थि इहेव भारहेवासे बहुरिद्धि-पमुह-गुण-गण-जणिय-जण-मण-त्तोसं सुतोसं नाम नयरं । निय पथावक्कंतानेग-
 मति-सामं [ताइ] मउलि-माला-पगसंत-मयरंद-बिदु-संवोह-पिंजरिय-पायवीडो पडिहयसत्तू नाम राया । तत्थ जिणधम्मो नाम
 सेट्ठी । वीयराय-पय-पंकय-महुयरी-महुर-वयण-रंजिय-सयल-परिजणा अरिहसिरी नाम भारिया । बहुमणोरहसएहि
 मज्झिमवए वट्टमाणीए सम्भुण्णो सुओ । पइट्ठावियं मासावसाणे जिणसेहरो त्ति नामं । बालो वि निज्जइ पइदिणं
 जिणभवणं । दंसिज्जंति जिणपडिमाओ काराविज्जइ पणामं । पाडिज्जइ मुणिजण-चलणासु । कमेण पवइड्ढमाणो जाओ
 अट्टवारिसिओ । समप्पिओ पसत्थवासरे कलायरियस्स थेववासमज्जे चेव कयं सयलकलागहणं । सविसेसं परिणया धम्म-
 कला मोत्तूण जिणं जिणमयं जिणमयट्ठियं च जणं सेसमसारं’त्ति मन्नेइ । उचिय समए परिणाविओ मलयसिरी । निय-
 गुण-रंजिय-सयल-नयरलोओ, सम्मओ सयल-कज्जेसु रायामच्च-सामंताण, ठविओ जिणधम्मसेट्ठिणा कुडुबसामिओ । पज्जु-
 वासेइ आगमकुसलं मुणिजणं । सुणेइ तयंतिए सुद्धसिद्धंतोवदेसं भाविज्जइ माणसम्मि, पाणच्चाए वि न करेइ मिच्छा-
 दिट्ठिए ओयणाणि । परिहरइ परतित्थियाण वंदण-पूयण-दाणाइयं वियरइ पराए भतीए आयाणुग्गह-बुद्धीए अकयमकारिय-
 मसंकप्पियमसणाइयं सुसाहणं । एवं विसुद्ध-सम्मत्तरथणसमलंकियं सावय-धम्मं परिपालयंतस्स वच्चंति वासरो जिणसे-
 हरस्स ।

इओ य चमरचंचाए रायहाणीए चमरसीहासणम्मि सुह्निसण्णगाणं असुराणं असुरीण य आहेवच्चं
 कुणमाणे चमरे असुरिदे असुरराया केवलकप्यं जंमुट्ठीव ओहिणा आभोएमाणे विहरइ । पासइ य सुतोसनयरे जिणसेहूरं
 सावयं । पसंसेइ बहूणं भवणवासिदेवाणं देवीण य पुरओ—“धण्णेणं जिणसेहरे सावए, कयत्थेणं जिणसेहरे

सावए, कयलक्खणे णं जिणसेहरे सावए, सुलद्धे णं जस्स जीवियफले जिणसेहरसावयस्स, जस्स णं निगंथे पावयणे अविचलाभत्ती, निच्चलं सम्मत्तं, मोत्तण परमपूयारिहे अरहंते साहु-साहम्मिए य न अण्णस्स पाणपरिच्चाए वि पणामं करेइ ।” एयं सुणिऊण एगो भवणवासी देवो विवरीय-दंसणो असद्धंतो असुरिद-वयणं तस्स परिक्खण-निमित्तं काऊण उत्तर-वेउव्वियंताए उक्किट्ठाए चंडाए चवलाए दिताए देवगईए जेणेव सुतोसं नयरं तेणेव मिग्घं समागओ । जोगाणं-दरूवं विउव्विऊण सरीरचित्ताए विणिग्गयस्स जिणसेहरस्स दंसिओ अप्पा । जंपियं च सिणेहसारं जोगाणं देण—“भो ! भद् ! सुहजोगो तुमं कल्लाण-भायणं च लक्खीयसि । ता इओ अदूरदेस-संठियमूज्जाणं समागच्छ जेण अदरिहं करेमि भवंतं ।” गओ जिणसेहरो पविट्ठो उज्जाणमज्झट्टिय-रत्तकणवीर-त्तया-परिवेडिए चंडियायणं । जोगाणं देण पूइयं रत्तकण-वीर-कुसुमेहि चंडिया-चलणजुयलं । चलणेसु निवडिऊण जिणसेहरसमक्खं रसप्पओग्गेण पाडिया कणगकोडी । जोगाणं देण भणिओ जिणसेहरो—“वच्छ ! वंदिऊण भयवइं सव्वसिद्धि-परमकारणं । पणमिऊण पत्थुयुरिद्धि-निबंधणं मम चलण-जुयलं । गिण्हसु सुवण्णयं । जिणसेहर-सावएण वि उभय-वंदणं पि समत्त-कलंक-कारणं । इह लोग-सुहनिबंधणं कणयं, सासय-सुह-परमहेऊ निक्कलंक-सम्मत्त-परिपालणं”ति चित्तिऊण भणिओ जोगानंदो—“भो परोवयार-करण-निरय ! पच्चक्खायं मए जावज्जीवं परत्तिथियदेवयाण परपासंडत्थाण य वंदण-पूयणाइ करणस्स ।” जोगाणं देण भणियं—“न अण्णहा सुवण्णयं लब्भइ ।” जिणसेहरो वि ‘सुवण्णेण वि न किपि कज्जं जेणेवं पाविज्जइ’ति भणिऊण गओ सघरं । कहिओ वुत्तंतो जणयस्स । ‘सोहणं कयं’ति पसंसिओ तेण बोलीणो वासरो । समागया रयणी । काऊण संझोचिय-मणुट्ठाणं पंच-परमेट्ठि-सुमरणपुरस्सरं सुत्तो जिणसेहरो । अदूरत्तच्छट्ठुप्पेच्छ-विडंबियमुहं मुह-विणित्त-जलणजालाकराल-दंसणं मइरामय-मत्तंचलं इओ तओ धुम्मंतयं पच्चक्खमिव पेक्खइ मज्झिमवए वट्टमाणं एगं इत्थियं । असंभंत-चित्तेण भणिया जिणसेहरेण—“भद्दे ! का तु[मं] ? कि निमित्तं वा पयडिय-वियराल-रूवा अवेलाए समागया ?” तीए भणियं—“तुम्हाण कुल-देवया सुतारा नाम । अवभाणिया हं तुम्हेहि न करेह वंदण-पूयणाइयं नेय सरह पव्वदियहेभु वि, सहियं मए एत्तियं कालं, संपइ जइ न मह भत्ति करिस्सह तो धणमाणुसहाणिं करिस्सामि”ति भणिऊण अदंसणं गया ।

पभाया रयणी साहिओ सव्वो वि रयणिवइयो जणणि-जणयाण । मणागमासंकिय-माणसेहिं भणियमणेहि—“पुत्त ! देवयाभिओणेण कीरउ इमीए वंदण-पूयणाइ ।” तेण भणियं—“अलमिमाए संकहाए । पाण-परिच्चाएण वि नाहमेयं समायरिस्सामि ।” नाऊण निबंधं मोणभासिया जणणि-जणयाणि । तओवहिया चेव अवहडं सव्वं चउप्पयं चोरेहिं, रिंतीकयं कणकोट्टारा, अवहरियं भूमि-गोवियं दविण-जायं, विवण्णाणि जलहिमज्जे जाणवत्ताणि, गहिया थल-पह-पेसिया बलट्टाइ सत्था भिल्लेहिं, घरे वि समुवट्टियं दारुणमसिवं, वियंभिओ दुस्सहो जर-वियारो, परिसडंति तेण माणुसाणि, उवरयं जिणसेहर-सत्तियं पुत्तजुवलं, दाहजराभिभूयाणि तुला समारूढाणि जणणि-जणयाणि । जिणसेहरो व सुलच्छिदाहवेयणाभिभूओ चिट्ठइ । समागच्छंति सुहिसयणा सामंतलोगा य पडियरणत्थं । भणंति य—‘को एस वइयो ?’ भणियं जिणसेहरेण—“पुव्वकयकम्मदोसो एस ।” एत्थंतरे पत्तोवयारेण जंपियं देवेण—“भो भो लोया ! कुलदेवयाह-मिमाण मए इमं सव्वं पि कयं । जइ भं पूइंति तो सव्वत्थ संती भवइ इमाण मंदिरे ।” लोएण भणियं—“अप्पमेयं पओयणं । पूइऊण विसज्जिया कुलदेवया ।” तओ भणिया लोएहिं जिणसेहरस्स अम्मा-पियरो । तेहिं भणियं—“जिणसेहरं मण्णावेह ।” गया सुहि-सयणा [त]यंतियं भणिओ बहुप्पयारं सो तेहिं न पडिवण्णमणेण । हूमियमणो गओ सव्वो वि लोगो । नाऊण निच्छयं उवसंहरियमसिवं देवेण । तहेव अवहरियं दालिइं । अणुकूलीकओ राया । सदावेइ सिणेहसारं जिणसेहरं । करेइ तेण सह संकहं । कयत्थं मण्णइ अप्पाणं तहंसणेण । रंजिज्जइ तस्स बुद्धिपगरिसेण ।

अण्णम्मि दिणे भणिओ सबहुमाणं राइणा जिणसेहरो—“पत्थेमि किपि भवंतं जइ पत्थणाभंमं न करेह ।” तेण भणियं—“जमुचियं तं करिस्सामो ।” राइणा भणियं—“गिण्हसु मे मत्तिपयं ।” तेण भणियं—“महाराय ! अणुचिय-भेयमम्हाण ।” राइणा भणियं—“मह वयणं कुणंतेण अणुचियं पि कायव्वं ।” तेण भणियं—“ताएण समं समालोचिऊण जं कायव्वं तं कहिस्सामि”ति भणिऊण गओ सभवणं जिणसेहरो । कहिओ अम्मा-पिईण रायवत्तंतो । तेहिं भणियं—“जं राया भणइ तं कीरइ ।” जिणसेहरेण भणियं—“पडिवण्णाहिगारेहिं पणामो कायव्वो नरवइस्स । मए पुण एयं न

कायव्वं । अओ संकडमेयं ।” तेहि भणियं—“तुमं चैव वियाणसि ।” तओ तेण साभावियमइविहवेण चित्तिऊण कारावियं मुद्दा-रयणं । तत्थ इवनीलमणिम्मि जुगाइजिणपडिमा । तओ काऊण दाहिणकरे मुद्दारयणं गओ रायंतियं जिणसेहरो । कयसम्माणो उवविट्ठो उचियासणे । पुच्छिओ राइणा—“किं कायव्वं ? तेण भणियं—“जं महाराओ आपवेइ ।” हरिसियमणे समप्पिया सहत्थेण मुद्दा राइणा । पडिच्छिया तेण पडिमं पुरओ काउं पणओ नरवइस्स । दिष्णाणि राइणा नियअंगलभाणि वत्थाभरणाणि । पणया सामंतनागरया ढुक्का गयवरसमारूढो जिणसेहरो चउरंगवलपरि वारिओ समागओ सभवणं । उत्तिओ गयवराओ पणओ अम्मा-पिईणं । अणिच्छंतो वि वद्धाविओ नायरजणेण । नरिद-पसाय-परंपरमणुहवंतो गमेइ कालं ।

अण्णया देवेण विप्परिणामिओ नरिदो । न करेइ तहाविहं पडिवात्ति । जह राया मंदायरो तहा तहा संजायइ पिसुणपवेसो । वियाणिऊण वत्थुपरमत्थं विणत्तो राया पुव्वमंतिणा—“देव ! एस अमच्चो तुम्ह सिरिमुवभुंजइ, न उण पणामं पि देवस्स करेइ ।” राइणा भणियं—“पच्चक्खविरुद्धं [पुव्वमंतिणा भणियं—] “अत्थि तस्स मुद्दारयणे जिण-पडिमा । तीए सो पणामं करेइ ।” बीय दिणे समागओ मंती । पणओ तहेव । राइणा भणियं—“अमच्च ! सच्चं वत्तव्वं । तए एस पणामो कस्स कओ ?” तेण भणियं—“सचराचर-जीव-निककारण-बंधवस्स सयल-जय-जीव-पिया-महस्स तिहुयणगुरुणो जुगाइजिणस्स” दंसियं मुद्दारयणं दिट्ठा तत्थ पडिमा । “अरे ! ममं पि वियारेसि ?” रुट्ठो राया । धराविओ तत्थेव । लूसावियं मंदिरं । निव्वत्तिओ दंडो । पक्खित्तो कारागारे जिणसेहरो । भणाविओ य राइणा—“दंडं वा पवेसेहि पणामं वा करेहि ।” तेण भणियं—“साहूचलणे मोत्तूण न अण्णस्स पणामं करेमि ।” दंडं पुण अत्थसंपत्तीए पवेसिस्सामि । नाऊण निच्छयं नीहराविओ कारागाराओ । रायपुरिसेहि रक्खिज्जंतो नयर-मज्जे वणिंसग्गिउमाढत्तो (?) ‘अहो ! एस कुग्गह-गह-गहिओ अपण्णवणिज्जो’ त्ति हीलिज्जंतो पाययजणेण कालमइवाहेइ ।

अण्णया समागओ ओहिनाण-मुणिय-रूइ-वत्थु-परमत्थो जुगभट्टो नाम आयरिओ । पेसिओ वसहिनिचित्तं नयर-मज्जे साहू-संधाडओ । नयरं पक्संतो दिट्ठो जिणसेहरेण वंदिऊण सन्नहुमाणं पुच्छिया—“केण भे पयोयणं ?” तेहि भणियं—“आयरियाण कए वसाहि मग्गामो ?” तेण भणियं—“एह, दंसेमि वसाहि ।” गया तेण समं । दंसिया जाण-साला । समागया सूरिणो वंदिया जिणसेहरेण समागया य नयरलोया । पत्थुया भगवया धम्म-देसणा । परूवियं निरइयार-संमत्त-परिपालणफलं । तओ लद्धावसरेण जंपियं जिणसेहरेण—“भयवं ! निरइयार-संमत्त-परिपालणं कुणंतो हसिज्जइ पुरिसो अयाणुयजणेण ता किं कायव्वं ?” सूरिणा भणियं—“अविदेइजणवयणाणि कण्णे अकुणंतो चैव फल-भायणं हवइ पुरिसो । जहा वसुसेट्ठी पुत्तो वसुसारो ।” जिणसेहरेण भणियं—“भयवं ! को एस वसुसारो ?” सूरिणा भणियं—“सुणसु”

वसुसारसेट्ठिकहा—

अत्थि समुद्धतीरे तारापहं नाम नयरं । वसू नाम तत्थ सेट्ठी परिवसइ । वसुसारो तस्स पुत्तो । भोगसमत्थस्स वरिया जसमित्त-सेट्ठि-धूया धवलसिरी नाम । विवाहिधा महामहसवेण । तीए सह विसय-मुहमणुहवंतस्स वच्चइ कालो वसुसारस्स । अण्णया मरण-पज्जवसाणयाए जीवलोयस्स समागओ भरणसमओ वसुसेट्ठिणो । भणिओ अणेण सबहुमाणं सद्दवेऊण वसुसारो “वच्छ ! जं पिऊणा कायव्वं तुज्ज मए कयं सव्वं । जओ—गाहियाओ कलाओ । कारिओ दारसंगहं । समप्पिया क्रमागया लच्छी । भलाविओ नरिदस्स, ता असोयणिज्जो तुमं, किंतु जइ कहवि विहिवसेण लच्छी खिज्जेज्ज ता इमम्मि घरए मंजूसामज्जे पत्तयं निरूवेज्जासि जं तत्थ भणियं तमविगप्पं कुणमाणो पुणो वि लच्छि पाविहसि । पडिसुयमणेण । उवरओ वसुसेट्ठी । काऊण मय-किच्चाणि कालेण विसोगीभूओ वसुसारो । वच्चइ कालो ।

अण्णया अंतराय-कम्मदोसेण परीक्खीणं से सव्वं पि दव्वं । समागयं परम-दालिहं परिभविज्जइ पए-पए लोएण । जओ—

मंदरतुल्ला वि नरा, अत्थविहूणा हवंति तिणतुल्ला । तिणतुल्ला वि हु अत्थेण परिगया मंदरसमाणा ॥
जाई कुलं कलाओ पुरिसायारो पट्टणं रुवं । लच्छीए विणा सव्वे वि गुणगणा तिणसमा होति ॥१५७॥

एवं च तेण सुमरियं पत्तयं, पविट्ठो भूमिहरं उग्घाडिया मंजूसा । दिट्ठं पत्तयं । वाइउं पवत्तो—जहा गोमए दीवे आरण्ण-गावीणं गोमए दड्ढे जावइयाणि छाण-खंडाणि तावइयाणि रयणाणि भवन्ति । सो उण दीवो अमाणुसो न तत्थ भंडं निज्जइ । छारस्स भरिऊण जाणवत्तं गम्मइ । तओ तं तत्थ खिविज्जइ । तस्सुवरि गावीओ उवविसंति । ताओ उट्ठंतीओ तदुवरि पुरीसं मुंचंति । तओ तं गोमयं गहाय पिडे काऊण पवहणं पूरिज्जइ सट्ठाणमागम्म जोइ-संजोगेण रयणाणि कीरंति । तेहि य सव्वसंपत्ती भवति । वसुसारेण चित्तियं—“अत्थि ताव एस उवाओ । परिखीण-विहवो हं कहां तत्थ वच्चाभि ?” तओ गहियवाउलवेसो ‘बुद्धि अत्थि, नत्थि विहवो’ त्ति जंपंतो नयरमज्जेण परिय-डिउमारद्धो—कण्ण-परंपराए गया एसा पउत्ती रायकुले । चित्तियं रण्णो—“अरे मरंतेण एस पिउणा मह भलाविओ । ता करेमि किपि उवयारं” ति वाहराविओ रण्णा । समागओ । दावियमासणं । उवविट्ठो । भणियं रण्णा—“सागयं भवओ ।” तेण भणियं—“बुद्धि अत्थि, नत्थि विभवो ।” भणियं भूवइणा—“केत्तिएण विभवेण ते पओयणं ?” तेण भणियं—“दीणारलक्ख[पमा]णेण । दावियं भंडागाराओ राइणा । गओ तं गहाय सगिहं । कओ छमासाओ कुडुंबस्स भत्त-पोत्तनिव्वाहो । भणिया य धीवरा—“गोमयदीवं पइ जाणवत्तं सज्जेह ।” संजत्तिएहि भणियं—“तत्थ गओ कि काहिसि ? निम्माणुसो दीवो ।” तेण भणियं—“कि भे एयाए वत्ताए ? भाडय-सामिया चेव तुज्जे ।” पडिसुयमणेहिं । ठावियं जलो-वरि जाणवत्तं । भरावियं छारस्स । हसइ लोगो एरिसेणं भंडेणं अमाणुसा अडवीए गयस्स कि न संपज्जिही । सो वि अर्गणितो जणोवहासं पिउ-वयणमेव केवलं पमाणी-कुणंतो चलिओ । पत्तो य गोमय-दीवं । नंगरीयं जाणवत्तं । अवत्तं उवहासपरेहिं जंपियं धीवरेहिं—“पत्ता ताव खेमेण गोमयदीवं । सुंकावेउ सानी भंडं ।” ठिओ तुण्हक्को वसुसारो । इओ तओ परियडंतेण दिट्ठमणेण गोमयं । ताण दिट्ठि रक्खंतेण दड्ढं, जायं रयणं संगोवियं सेसं । जाय पच्चएण विक्खिरिया दूरयरपएसे समंतओ भूई । राईए समागयाओ गावीओ । उवविट्ठाओ तत्थ । पभाए उट्ठंतीहिं मुक्कं पुरीसं । भणियाणेण पुरिसा—“गोमयस्स सुक्कस्स जाणवत्तं पूरेह ।” ते हसंता भणंति—“एरिसं भंडेण एयारिसं चेव पडिभंडं लब्भइ”त्ति, अहवा कि अम्हाण वियारेण ? भरियं जाणवत्तं उक्खत्ता नंगरा । पूरिओ सिढो अणुकूल-पवण-पणोल्लियं नियसेसाभिमुहं जाणवत्तं । आगया थेवदिणेहिं चेव सनगरं । दिट्ठो राया । विण्णत्तो य “देव ! सुंकावेह भंडं ।” राइणा भणियं—“किमाणीयं ? “छाणगाणि ।” तओ दरहसियं काऊण भणियं रण्णा—“उसुंकं ते जाणवत्तं ।” तेण भणियं—“महापसाओ ।” लोगा हसंता भणंति—“अहो ! दिण्णो वसुसेट्ठि-पुत्तेण वसुसारेण सत्तकुलाणि जाव दालिहस्स जलं-जली ।” सो पुण सुणंतो वि ताण वयणाणि न उच्चेगं गच्छइ । न वि पडिवयणं पयच्छइ । केवलं भरेइ भवणं गोमयस्स । जा विय से साया-जाया-सुया-सुप्हा जे विय भाय-पुत्तादओ ते वि विलक्खवयणा लज्जाभरोणयमुहा भणिउ-माडत्ता—“कि पुत्तय ! घरं पि नासेसि ? बहिया रेडिज्जसु एयाणि छगणाणि । सो वि अदिण्णपडिवयणो नियसमीहियं चेव साहेइ । ताणि वि परोप्परं संगिरंति सच्चो लोगपवाओ—‘वाउलो चेव एस ।’ सव्वमगतेण भवणं भरियं छाणगाण । तओ एगंते केत्तियाण वि दहेऊण भरियं थालं रयणाण पाहुडीकयं नरवइणो । पुच्छियं नरवइणा—“कुओ एयाण भवओ संपत्ती ?” तेण वि कहियं । तुट्ठो राया । ठाविओ अमच्च-पए, मेस छाणगाणि वि जहावसरं दहिऊण कयाणि भूरि रयणाणि । भरियं नियमंदिंरं ताण । पत्तो पसिद्धिं करेइ सुहिसयणाण उवयारं ।

तओ संजाओ निक्कलंक-कला-कलाववसवियंभिय-भुवण-भूसण-भूरिविमल-जसुंभासियभुवणोदरो निग्गयपयावो, सयलजण-सम्मओ महामच्चो, एवं तस्स जणयवयणं कुणंतस्स इहलोए इमं फलं संजायं परलोयं पि एरिस पुरिसस्स सुलहं चेव । एस दिट्ठंतो इमो पुण उवणओ । जहा वसुसेट्ठो तहा भयवं तित्थगरो । वसुसारतुल्लो सिस्सवग्गो । पत्तयतुल्लो जिणागमो । दीणारलक्ख-निवतुल्लं मणुयत्तं । छारभंडतुल्लमसारकडेवरं । जलहितुल्लो अविवेगी । गोमय-दीव-तुल्लो सुगुहसमागमो । गोमयतुल्लं कम्म-कयवरं । जलणतुल्लो सुहज्जवसाओ । रयणतुल्लाणि नाण-वंसणाणि रयण-फल भोगोवभोगतुल्लाणि सम्पापवग्गसंगमसुहाणि । उवहासयारिजणतुल्लो आगमाणुसारेणं विहिपुरस्सरं चीवंदणाइयं सयाणुट्ठाणं कुणंताण तित्थयरवयणबहुमाणपराण-सुसाहु-सावयजणाण अविवेयबहुलो आगमपरंमुहो अणुसोयगामी

पडिसोयपरम्मुहो गृणजणमच्छरी वेसविडंबगपासत्थाइजणो तव्वासियसावयजणो वि दीसइ । किमंगपुण विवरीयदंसण-जणो । ता जइ तित्थयरवयणे बहुमाणो गोयमाइ समणसीहेसु असाहारणा भत्ती । आगम-परतंतया वा विज्जइ । ता तेसिमुवहासमगणंतेण धम्मत्थिणा तथा तथा निरइआरुगुणगण-परिपालणे पयत्तो कायव्वो । जहा करतलागयाणि हवंति सयलकल्लाणाणि । “भयवं ! एवमेवं नत्थेत्थ संदेहो !” भणिकुण निवडिओ चलणेसु जिणसेहरो जुगभइसूरिणो ठिया धम्मदेसणा । जहागयं पडिगया परिसा । इओ सद्दाविओ राइणा जिणसेहरो । नीओ पुरिसेहिं राय-समीवं । अकय-पणामो चेव निसण्णो उच्चियासणे । कोवावेस-रत्तच्छ-दुप्पेच्छेण भणियो राइणा—“अरे ! कूडाभिमाणविणडिय ! पविट्ठो ते दंडो । तेण भणियं—“को वि पवेसिओ अओ चिट्ठइ ।” पुव्वमंतिणा भणियं—“अरे ! चिरं खमियं महाराएण अज्ज दंडं पवेसेहिं पणामं वा महारायस्स करेहिं अण्णहा नत्थि ते जीवियं ।” जिणसेहरेण भणियं—“जइ ऊसुयमणो तो जं भे रोयइ तं करेह ।”

तओ समाणत्तो वज्जो राइणा । गाडं कयत्थिऊण बहुजणपरिवेडिओ नीओ मसाणं, पउणीकया सूलिया, भणियो जिणसेहरो रायपुरिसेहिं—“अत्थमिओ ते जीवलोओ सुमरेसु इट्ठ-देवयं ।” जिणसेहरो वि दाऊण सिद्धाणमालोयणं खासिकुण सयल-सत्ते धरिऊण पंचपरमेट्टिणो माणसे पडिवज्जिऊण सागारमणसणं बध्धिऊण पऊमासणं ठिओ पुव्वाभिमुहो । भणिया पुरिसा—“संपयं जं रोयइ तं करेह ।” समारोविओ तेहिं सूलाए । जाया सुवण्णसीहासणं सूलिया । पच्छा पहरंता यंभिया देवेण पुरिसा । विम्हिय-माणसेहिं निवेइयं राइणो । समागओ नगर-जण-परिवारिओ राया । देवो वि काऊण पयडरूवं हार-विराइय-वच्छत्थलो रयणविणिम्मियपवरकुंडल-विलिहिज्जमाणगंडत्थलो दिणयरकरपुंजो व्व दुप्पेच्छणिज्जो चम्म-चक्खणं । विणय-विहियकर-संपुडो जिणसेहरं भणिउमाडत्तो—“धण्णो तुमं जिणसेहर ! जस्स णं चमरे असुरिंदे असुरराया अणेगाणं भवणवासिदेव-देवि-सयसहस्साणं मज्झ गए एवं गुणकित्तणं करेइ । नत्थि णं से देवे वा दाणवे वा जक्खे वा गंधव्वेइ वा महोरगे वा माणुसे वा जेणं जिणसेहरे जिणसाहुसाहम्मिए मोत्तूण अत्तणो वा परस्स वा धणपाण-परिच्चाए वि पणामं न करेइ । ता सच्चवे णं एस सच्चवे णं ए[स] सच्चवे णं ए[स] अट्ठे णं ए[स] सद्धे जच्चसुवण्णयं कस-छेय-तावेहिं निव्वडिए तुमं ठाणे गुणबहुमाणो चमरचंचाहिवस्स अहं पुण तुह परिक्खण-निमित्तमागओ । परिकिओ अतो अहो ! न चलिओ तुमं थेवं पि नियनियमाणुट्ठाणाओ । अमोहं च देवदंसणं भय किं ते पियं करेमि ?” जिणसेहरेण भणियं—“जहा निव्वित्तो जिण-साहु-पाय-पूयणं करेमि तथा करेम् । न मे अण्णेण पओयणं भविस्सइ ।” एवं ति भणिकुण अदंसणं गओ देवो । जिणसेहरो वि खामिकुण सबहुमाणं करे घेत्तूण राइणा हत्थि-खंधमारोविओ सयलनागरजणेण य पसंसिज्जंतो पविसिओ नगरि । समप्पिया राइणा मुहा न पडिच्छिया जिण-सेहरेण । तओ वत्थाहरण-दाणेण सम्माणिकुण भणियो राइणा “नत्थि ते महावराहे वि दंडो उस्सुंको उवकरो वियरसु जहिच्छाए” धम्मपसाओ एसोत्ति भणिकुण पत्तो नियमंदिरं । जिणसेहरो निवडिओ चलणेसु जणणि-जणएहिं वि साणंद-मुवगूहिऊण मुक्को समाणो पविट्ठो-भवणाअभंतरे दिट्ठो एगो कोणो सुवण्णभरिओ, बीओ रूपस्स, तइओ रयणाण, चउत्थो नाणाविह-नाणयाण । चित्तियमणेण-‘देवेण कयमेवं संभाविज्जइ ।’ एवं पि धम्मविलसियमेव । समाहूया अम्मा-पियरो दंसिओ अत्थवित्थारो । हरिसिय-माणसेहिं पुच्छियमणेहिं—“पुत्ता ! कत्तो एसा विभूई ?” तेण भणियं—“धम्म-गुणावज्जि]एण देवेण दिण्णा ।

तओ ताण वि जाओ सविसैसो धम्म-बहुमाणो जिण-साहु-साहम्मि य पूयापराण वच्चइ कालो ।

अण्णया परिवालिकुण निरइयारं सम्मत्तं काऊण अणसणं, मरिऊण गओ बंभलोयं जिणसेहरो । तत्थ दस सागरोवमाणि परिपालिकुण आउयं तओ चुओ महाविदेहे सिज्जिही । अण्णेण वि धम्मत्थिणा एवं गुणोव[ज्जणा] कायव्वा जहा चमरेण कयाणि जिणसेहरस्स ति ।।

संपइ थिरीकरणे [अज्जअसाहसूरि] उदाहरणं भणणइ--

अत्थि इहेव जंबुदीवे दीवे भरहभूसणं खिइपद्धट्टियं नयरं । तत्थ णं जगप्पहाणागम-साहुसीसपरिवारा अज्ज-साढाभिहाणा सूरिणो विहरंति । निय सीस-वग्गस्स अणवरयं वायणाइ पयच्छति । साहूण साहु-सामायारिं पदंसंता न

खेयं मण्णति । सावय-जणस्स वि अगिलाए धम्मदेसणं कुणंति । किं बहुणा ! पंचविहायार-परिपालण-रयाण वच्चइ कालो ।

अण्णया तिच्च-सरीर-कारणपीडिअपडिवण्णाणसणो पासट्टिएहि पडियरिएहि मरणसमए सविसेसं आलोयाविओ दुच्चरियं, कारावेऊण आराहणं सुमरावेऊण नमोक्कारं, पत्थिओ एगो साहू सूर्रीहि—“तुमं हि समाराहियपज्जंताराहणो अण्णतरेसु वेमाणियसुरेसु उववज्जिहिंसि तो आगंतूण दायव्वं तए अम्ह दंसणं जेण सव्वो वि साहुवग्गो धिरो भवइ जिणधम्मो ।” तेण ‘तह’त्ति पडिवण्णं । मरिऊण समुप्पण्णो सोहम्मो सुरवरो । अवरावरदेव-करण-वाउलयाए पम्हुट्टसंकेएण न दिण्णं सूर्रीण दंसणं । एवं विओ वि साहू निज्जामिओ सो वि देवेसु तेण वि तहेव न दिण्णं दंसणं । एवं तइय चउत्थो पंचमो य न केण वि दिण्णं सुमिणे वि दंसणं । कइवयदिणावसाणे अपडु-सरीरो जाओ लहु खुइओ । सो पुण ‘बालो’त्ति काऊण अणुंकंपणिज्जो सविसेस सिणेहट्टाणं सूर्रीण न मुंचति तयंतियं । समासासिति तं कोमलवयणेहि उवज्ज-हिंति धम्मगुणपसंसणेण, पडियरति पइदिणं विसेसेण । पासट्टिया सूर्रीणो पज्जंतसमए निज्जामिऊण विहिपुव्वं भणिओ चेल्सो सूर्रीणा—“वच्छ ! ताव मए एत्तिया साहुणो निज्जामिया पत्थिया य, न केण वि सुमिणेत्तं पि दंसियं । तुमए पुण देवत्तं पत्तेणावस्सं मह अप्पा पयासियव्वो । ‘तह’त्ति पडिवण्णं खुइएण । मरिऊण गओ देवसोयं । देवकज्ज-करण-वावडो जावज्जवि उवओगं न देइ ताव चितियं सूर्रीणा—‘हद्धी, पत्थिया मए सव्वे वि साहुणो । विसेसेण चेल्सो न केण वि दिण्णं दंसणं । संकइ मे माणसं किमत्थि नत्थि वा सुहासुह-कम्मकारण-फलभूओ परलोगो ? अलं संकाए तिच्छओ नेव एस जओ न कोई परलोगाओ इंतो दीसइ ।

परलोय कए कीस तव-चरण-पालणं एयं । परलोयम्मि असंते मुहा किलेसो इमो सव्वो ॥१५८॥
पासंडेण निहओ इह लोगो परभवो वि जइ नत्थि । ता उभयलोगो विहलो निरत्थओ हारिओ जम्मो ॥१५९॥
दिट्ठं मोत्तुमदिट्ठं पत्थितो उभयवंचिओ होइ । जह वंजुलपम्भट्ठो खेयर-पय-लंपडपवंगो ॥१६०॥
ता धम्मेण न कज्जं अज्जेमि धणं मयामि पासंडं । नच्छामि अण्णदेसं विसए सेवामि दिट्ठफले ॥१६१॥

एवंविहंचित्त-समाउलस्स परिवडिय-सम्मत्तस्स बोलीणो वासरो । समागया रयणी । पुव्वपओगेणव काऊण आवस्समाइयमणुट्टाणं निहा-पमायमुवागएसु साहूसु गहिऊण पडिगहणं अलक्खिओ नेव निग्गओ सूरि । परिवडिय-परिणामो संजातासुहचित्तो चलिओ दक्खिणदिसाहुसं ।

एत्थंतरे दिण्णो उवओगो चेल्सयसुरेण । दिट्ठो उण्णिक्खमिओ मणो एगागी अडविमज्जे परिव्वयंतो अज्जसाढो । चितियं चाणेण—“धम्मायरिओ मम एस परिवडियचरणपरिणामो य वट्टइ । ता जइ एयं पुणो वि चरणे ठवेमि तो सुंदरं उवयरियं भवइ ।” जओ—भणियं सुय-केवलिणा—

जो जेण जम्मि ठाणे ठाविओ दंसणे व चरणे वा । सो तं तओ चुयंतं तम्मि ठविउं भवे निरिणो ॥१६२॥

‘ता कि सुहपडिबोहो दुहपडिबोहो वा ? करेमि परिक्खं । दंसेमि पुढविकाइयाभिहाणे डिभ-रूवधारए विविहा-भरण-विभूसियंगे भय-संतट्ठे इमस्स नेव सरणमुवागच्छंते छप्पि जीविकाए । जइ तेसि मंगुलं न करिस्सइ तो सुह-पणवगो । अह तेसि वहे पयट्टिस्सइ तो निहयत्तणओ दुहपणवणिज्जोत्ति चितिऊण परिक्खणत्थं देवमायाए हार-अद्धहार-तिसरय-किरीड-कुंडल-कडय-कंकण-सुवण्णसंकल-ह्नुवणयंगुलीययाभरण-भरिज्जंतसरीरोभयसंभंतो तरल-तारयं पुणो पच्छाहुत्तं नियंतो ‘भयवं ! सरणं भयवं सरणं’त्ति खलंतक्खरं जंपंतो डिभरूवधारी पत्तो अज्ज-साढसूरि समीवं । सूर्रीणा भणियं—“अरे ! को तुमं ?” तेण भणियं—“भयवं ! पुढविकाइयाभिहाणे हं दारओ । तक्करेहि पारद्धो कह कह वि पलाइऊण तुह सरणमागओ रक्खेहि संपयं ।” सूर्रीणा चितियमहो ! सण्णं समीहियं विविह-विलासनिबंधणं महाधणं । मुण्णा अडवीए मारिऊण एयं पुढविकाइय-दारयं गिण्णामि आभरणाणि । तहेव काउमाइत्तो । भणिओ दारएण—“भयवं ! कहणामय-भयरहर-सव्वण्णुसीसो तुमं । पवज्जागहणसमए वि चउव्विह-संधसमक्खं पच्चक्खायं तए पुढविकाइय-मारणस्स । सच्च-पइण्णा य तवस्सिणो भवंति । कहमकज्जमेयं समायरसि ?” असुणंतेण तव्वयणं मारिउ-

मारद्वो सूरिणा । दारएण भणियं—“जइ अवस्सकायव्वमेयं भवया तो णिसुणेसु एगमक्खाणयं ।” सूरिणा वि चित्तिं—
‘अमाणुसा अडवी । कहेउ अक्खाणयं । एयं पि सुयं भवउ । पच्छा नियसमीहियं साहिस्सामि’ त्ति अणुण्णाओ कहिउमाढत्तो
दारगो—

पाडलिपुत्ते नयरे पसण्णपंको नाम कुलालो परिवसइ । अणुकूल-कम्मोदएण सफलारंभो अग्घइ तस्स भंडयं ।
संपज्जइ पउरदविणजायं, वियरइ दीणाण भिक्खा, देइ देवयाण पूयाबालि, पोसेइ नियनाइवग्गं । अण्णया गओ
मट्टियाए खाणिमज्जे मट्टियं खणंतो पडिहायपडिया दोत्तडियए । नासंतो चेव चंपिओ । पडियं च तेण—

जेण भिक्खं त्रलि देमि जेण पोसेमि नायए । सा मे मही अइक्कमइ जायं मे सरणओ भयं ॥१६३॥
मया वि सरत्थिणा सरणागवच्छत्तो किल तुमं सरणं । पडिवण्णो सरणाओ मज्झं वि मरणमुवट्टियं ॥१६४॥

सूरिणा भणियं—“अइपंडिओसि बालय !” गलं मोडिऊण मारिओ । पविखत्तं पडिग्गहे आभरणं । हरिसियमाणसो
पुरओ पत्थिओ । देवेण चित्तिं—‘निरवेक्खो तावेसो पुढविकाए ।’ तओ दरिसिओ तारिसो चेव दारओ सो वि तहेव सूरिसरण-
मागओ । पुच्छिओ सूरिणा—“को तुमं ?” तेण भणियं—“आउकाइयनामो दारओ । तक्कर-भयभीओ तुह सरणमल्लीणो ।”
सूरिणा वि मारिउमारद्वो । तेण भणियं—“जइ एवं तो णिसुणेसु कहाणयमेयं ।” सूरिणा भणियं—“कहसु !”
कहिउमाढत्तो दारगो—

वाणारसीए नयरीए अणेगवुत्तंतसवणावधारण-बुद्धी रामायण-भारहाइचित्तकहाकहण-समावज्जिय-बहुजणमाणसो
बहुस्सुओ पाडलो नाम मालागारो परिवसइ । गंगापरतीरे तस्स मलयं । गंगं तरिऊण पइदिणं मलयाओ कुसुमाइं
आणेइ । अण्णम्मि दिणे पुप्फ-करंडएण समं चेव वुब्भंतो दिट्ठो पाडलो तीरट्ठियजेणे । भणिओ व सोवहासं—
बहुस्सुयं चित्तकहं गंगा वहइ पाडलं । बुज्झमाणग ! भट्टं ते लव ता किच्चि सुभासियं ॥१६५॥
जेण^१ पाएमि हं मलयं जेण जीवंति करिसया । तस्स मज्जे विवज्जामि जायं मे सरणओ भयं ॥१६६॥

“ता भयवं ! जहा सो जलेण जीवंतो जलेण चेव मरणं पाविओ सरणं पि मरणकारणं तस्स जायं । एवं
तुमं पि मया जीवियत्थिणा सरणोत्ति सरणं पवण्णो तुमाओ चेव जइमरणं वहइ तो कस्स साहेमि ?” सूरिणा वि
“अइपंडिओसि बालय !” भणिऊण मारिओ । छूढं पडिग्गहे आभरणं । पत्थिओ परोहुत्तं पहट्टमाणसो । देवेण
चित्तिं—‘आउकाए वि निरवेक्खो ।’ तओ विउव्विओ तारिसो चेव अण्णो दारओ । सो वि तहेव सूरिसरणमागओ ।
पुच्छिओ सूरिणा—“को तुमं ?” तेण भणियं—“तेऊकाइयाभिहाणो दारओ चोरभयसंभंतो तुह सरणमागओ ।”
‘कल्लाणपरंपरा एस’त्ति मण्णंतेण वावाइउमाढत्तो सूरिणा । तेण भणियं—“जइ एवं तो णिसुणेसु एगं [कहाणयं] ।” सूरिणा
भणियं—“भणसु ।” दारएण भणियं—

जवसारो नाम गामो । जवबहुलो नाम तत्थ कोडुंविओ परिवसइ । दूरे तस्स खेत्तं । जवपाण-समाए कयं तेण
खेत्ते चेव खलयं । तत्थेवं एगागी वसिउमारद्वो । अण्णया णिसुओ तेण वग्घबोक्कार-रवो । भयभीय-चित्तेण पुच्छिया
वीयदिणे वयवुड्ड-पुरिसा । “कहं वग्घाओ छुट्टिजइ ?” तेहिं भणियं—“जलंतो जलणो समासण्णे धरिज्जइ ।” तं सुणिय
गओ खेत्तं । वुत्थो तत्थेव एगागी । मुक्को उडवय-दुवारे जलणो । समागया निहा । वाउवसेण दुवाराओ चेव लग्गो
उडवओ । नीहरिउमचयंतेण—

^२मया वग्घस्स भीएण पावओ सरणं कओ । तेण मे उडवओ दड्ढो जायं मे सरणओ भयं ॥१६७॥

१. रोहंति बीयाणि २. जमहं दिया य राओ य तप्पेमि महुसप्पिसा । तेण मे उडओ दड्ढो जायं सरणओ भयं ॥
अथवा—वग्घस्स मए भीएणं पावगो सरणं कओ । तेण दड्ढं महं अंगं दड्ढं जायं मे सरणओ भयं ॥

उत्त. नि. १२७।१२८।

ता भयवं ! जहा तस्स सरणभूयाओ मरणं जायं तथा मज्झ वि तुमाओ ।” “अइपंडिओसि बालय !” भणिऊणं सो वि निहणं पाविओ । गहियमाहरणं पयट्ठो अग्गओ । देवेण चित्थियं—“तेउ-काए वि निरवेक्खो !” तओ विउव्विओ चउत्थदारओ । सो वि तहेव सरणमागओ । पुच्छिओ य सूरिणा—“को तुमं ? किमभिहाणो वा ?” तेण भणियं—“वाउक्काइयनामो दारओ । चोरभएण तुह समीवमागओ ।” सूरी वि अकज्जमायरिउमारद्धो । तेण भणियं—“सुण दिट्ठंतं एगं ।”

एगम्मि नयरे सूरतेओ नाम पुरिसो परिवसइ । सिग्घवेगो धावंतो तुरंगमे वि परिजणइ । कुरंगयकमेलगाई विप्फडेई अइतरलत्तणओ ।

अणया गहिओ वाहिणा । थक्काणि सयलंगाणि । संकुडियंगो दंडग्गलगो किच्छेण संचरइ । दिट्ठो एणेण पुव्वपरिचियपुरिसेण । सोवहासं भणिओ तेण—

धादण^१ पवण समत्थो पुट्ठि^२ होऊण संपयं^३ कीस ? दंड^४ गहियग्गहत्थो, वयंस ! कि नामओ वाही ? । १६८ ।
तेण भणियं—

जेट्ठासाढेसु मासेसु जो सुहो वाइ मारुओ । तेण मे भज्जए अंगं जायं मे सरणओ भयं ॥१६९॥

“ता भयवं ! जहा तस्स सरणनिबंधणपवणाओ मरणं तथा मज्झ वि तुमाओ ।” “अइपंडिओसि बालय !” भणतेण सो वि पेसिओ कयंत-निकेयणं । गहियमाहरणं छूढं पडिग्गहग्गे चलिओ अग्गओ । देवेण चित्थियं—“वाउजीवे वि निरवेक्खो ।” विउव्विओ पंचमदारओ । सो वि तहेव सरणत्थमागओ । पुच्छिओ य “को तुमं ?” तेण भणियं—“वणस्सइकाइयाभिहाणो दारओ । कयंततुल्लं तेण कयत्थणा भयसंभंतो तुह समीवमागओ ता भवाहि सरणं ।” सूरिणा वि विणासिउमारद्धो । तेण भणियं—“सुण, ताव एगमक्खाणयं” कहिउमारद्धो—

विज्जाउविमज्जे एगो महइमहालओ सिवल्लि-पायवो । निरुव्हवो त्ति एसो कलिऊण कयमेणेण सुगेण तत्थ नीडं । परिवसइ सुहंसुहेण ।

अणया वासारत्तसल्लिसित्ता समंतओ परिवेढयंती समारूढा तम्मि महइ महंतिया एगा वेल्ली । तयाधारेण समारुह्णएणेण धीवरेण पक्खित्तं पायवोवरि जालं । पडिओ सो सुगो । तत्थ गहिओ धीवरेण । पडियं च तेण सुगेण ।

जाव वुत्थं सुहवुत्थं पायवे निरुव्हववे । मूलाओ उट्ठिया वल्ली जायं मे सरणओ भयं ॥१७०॥

“ता भयवं ! जहा सुगेण पायवो सरणमस्सिओ तओ चेव तस्स मरणं जायं । तथा तुमं पि मए सरणं पडिवण्णो तुमाओ चेव मरणभूवट्ठियं ।” “अइपंडिओसि बालय !” भणिऊणं सो वि पेसिओ कयंते पाहुणओ । गहियमाहरणजायं । देवेण चित्थियं—“वणस्सइकाए वि निरवेक्खो ।” तओ विउव्विओ छूढो दारओ आभरणभर-भज्जंत-गत्तो भय-संभंत-लोयणो पत्तो सूरिसमीवं । पुच्छिओ सूरिणा—“को तुमं ?” तेण भणियं—“भयवं ! मुणिजणा-णुकपणिज्जो नियपुत्तो व्व परमायरेण पालणिज्जो तसकाइयाभिहाणो कहकह वि तक्करेहितो नासिऊण तुह सरणे समागओ । रक्खेसु मं पयत्तेण ।” सूरिणा चित्थियं—“अणुकूलो मज्झ विही कल्लाणस्सोवरिकल्लाणं करेइ”त्ति चित्तिऊण व्हपरिणओ भणिओ दारगेण—“न जुत्तं तुम्हारिसाण चत्तसयल-सावज्ज-कज्जाण, समसत्तु-मिस्ताण तुल्लकंचण-कयवराण साहु-परिपालणीयज्जे पावकरणं ।” सूरिणा भणियं—“भा बहं पलवसु, सुमर इट्ठेदेवयं सुदिट्ठं करेहि जीवलोगं ।” दारगेण भणियं—“जइ एवं तहावि ताव आहरण-दुगं निसामेहि ।” सूरिणा भणियं—“कहेसु ।”

१ संघण २ पुव्वं ३ संपइ ४ दंडलइयग्गं (उत्त. नि. १२९)

एगम्मि नयरे [सयमेव राया चोरो] पुरोहिओ भंडेइ । तओ दो वि मिलिया पच्छा चोरिऊण ईसर-घराणि पमत्तजणाणि समागच्छइ । साहेइ राइणो । रयणीए राया सयमेव खत्तं खणेइ । नीणेइ दविणजायं । गंतूण कहेइ लोभो मंतिणो । मंती वि राइणो । राया वि अलियवयणेहि नायरे समासासेइ न य विरमइ चोरियाओ । तओ नयरप्पहाणेहि सयमेव रयणीए पच्छणं निरूवयंतेहि दिट्ठो भंडयंतो उवरोहिओ रयणीए, चोरियं कुणंतो राया । पभाए जणसमुदयं काऊण सणियं भणियमेएहि—

जत्थ राया सयं चोरो भंडिओ य पुरोहिओ । वणं भयह नागरया जायं ते सरणओ भयं ॥१७१॥

ता भयवं जहा तस्स नयरलोयस्स सरणभूय-नरवइणो समीवाओ भयं तथा मज्झ वि तुमाओ—बीयं पुण कहाणयं एवं—

गंगासेहरगामो । गंगडो माहणो । गंगसिरी भारिया । गंगदत्ता बुहिया । अण्णया अहीणवपरिणीयं परम—नेवत्थवत्वाइयसरीरं पढमजोव्वणे वट्टुमाणं दट्ठूण नियदुहियं गंगदत्तं अज्जोववण्णो गंगडो । समीहिया संपत्तीए खिज्जिउ-मारद्धो । अण्णम्मि दिणे पुच्छिओ रहसि बंभणीए । लज्जंतो न कहेइ । बीयदिणे वि पुच्छिओ निव्वंधेण साहियमणेण जहट्टियं । बंभणीए भणियं—“अहमेयं ते संपाडिस्सामि । पच्छा पायच्छित्तं वरेज्जसु ।” बंभणेण भणियं—“लज्जा-करणमेवं !” तीए भणियं—“अलं लज्जाए यतो वेदेप्युक्तं—‘प्रजापतिः स्वां दुहितरमकामयत’ ।” बंभणेण भणियं—“अइ-निउणिए नियदुहियाए अहं लज्जामि ।” तीए भणियं—“तहा करिस्सामि जहा न सा तुमं वियाणइ ।” तेण भणियं—“एवं करेहि ।” बोलीणो वासरो । धरिया एगंते गंगदत्ता । भणिया य सिणेहसारं—“पुत्ति ! अम्हाण कुले एसा मेरा—‘पढमं कण्णया रयणीए तमंध्यारघरे जवखेण समं संबसइ, पच्छा पइणा न सो तए अवमाणयव्वो ।” गंगदत्ताए भणियं—“जो को वि कुलकप्पो सो कीरइ ।” बंभणीए भणियं—“अज्जेव कीरइ ।” पडिवण्णमिमाए । पओस-समाए चेव पक्खिविऊण मुक्का एगम्मि ओअरए । पढम-पहराइक्कमे पवेसिओ गंगडो । रमिया तेण गंगदत्ता । गंगडो वि इच्छियसंपत्तीए सुहपसुत्तो ! चितियं च तीए—“दिट्ठा ताव मए मणूसा न उण कत्थ वि जक्खा । ता निरूवेमि एयं । करेमि सहलं लोयण-जुयलं । सहरिसमुट्टिऊण पज्जालिओ तीए पईवो । दिट्ठो गंगडो । तेण वि सा पलोइया । जायाणि विगयलज्जाणि । विज्जाविऊण पईवं विसयसुहमणुहविऊण रइकिलंताणि निभरनिहाए पसुत्ताणि ताव जाव उग्गओ सूरिओ । समागया गंगसिरी दुवारदेसे होऊण पडियमिमाए—

अच्चिहमाए य सूरिए चेइय थूभगए य वायसे । घरभित्तिगए य आयवे, सहि ! सुहिओ [हु] जणो न दुज्झए ॥ गंगदत्ताए पडिभणियं—

सयमेव य अंब हे ! लवे, मा हु विमाणय जक्खमागयं । जक्खाहइए हु तायए, अण्णदाणि गवेस तायय ॥ गंगसिरीए भणियं—

१ नवमासकुच्छिधारी पमुत्तपुरिसे य गोलिए । ध्या मे हडे भत्ता जायं मे सरणओ भयं ॥१७४॥

ता भयवं ! जहा गंगसिरीए नियधूया सरणभूया वि भयकारणं जाया'तहा तुमं पि मए सरणबुद्धीए पडिवण्णो मरणकारणं जाओ । “अइपंडिओसि वालय !” भणतेण पंचत्तं पाविओ । गहिऊण अलंकारं भरिओ पडिगहणो परमाणंदभरनिभरो अज्जसाढसूरि तक्करभयभीओ दिसोदिसं पलोइंतो पत्थिओ पहे । देवेण चितियं—“तसकाय-निवायणं पि जलप्पोट्टसममिमस्स । संपयं विसयपडिबंधं पइ परिक्खेमि जइ पयणुओ विसयाणुरागो तो सुह-पडिबोहो”त्ति चित्तिऊण दंसियं अडविमज्जे—

१. नवमासा कुच्छीइ धारिया पासवणे पुलिसे य मद्दिए ।

ध्या मे गेहिए हडे सलणए असलणए य मे जायए ॥१७४॥ (जत्त नि)

गायंत महुर गायणं, वायंतपवरवायणं,
 वज्जंत कंस-तालयं, दिज्जंत पुष्फ-मालयं,
 मण-नयण-तुट्टि कारयं तुट्टंत तार-हारयं !
 नचंचंत कामिणी-जणं बहुरंग-भरियजणमणं,
 जणदिण्णपवरकण्णयं पेक्खणयवण्णयं ॥१७५॥

ति तं दट्ठूण हरिसिय-मणो गओ तथाभिमुहं सूरि । [पारद्धो उप्फुल्ललोघ]णाहि(?) होइऊण निरिक्खित्तं । जह एगदियहं तथा छम्मासो । तओ उवसंहरिऊण चित्तिं देवेण-गरुओ विसयप्पसंगो । संपयं दंसणपक्खवाओ किमत्थि वा नत्थि वा एयं निरूवेमि । तओ कंतारमुत्तिण्णस्स नगरमेगं पविसंतस्स नित्तलामल-धूल-मुत्ताहल-हार-विराइयंगी, पउमरायमणिविराइय मज्झ भाय-महग्घ-पलंब-विराइयवच्छथला, सवण-निहिय-रयण-कुंडल-विलिहिज्जमाणगंडत्थला, उभयकराविट्ठ-कडय-कंकणा, सिणिद्धकज्जलंजिय-भउब्भंत-मय-सिलिब-चवल-दीह-लोयणा, भालय-विहिय-सोहरगकारि-तिलया, मणिमय-नेउररणझणारावबहिरियदियंतरा, चमचमंत-वारुवाणह-पइट्टिय-चरण-जुयला, अहु-वियड्ड-विक्खित्त-कडक्खविकखेव-हारिणी पवयणुड्डाहकारिणी वंसिया देवेण संजई । तं दट्ठूण दूमिओ अज्जसाढसूरि । भणिया य कोववस-पकंपंताहरेण—

कडएय ते कुंडलए य ते अंजियच्छि-तिलएय ते कए । पवयणस्स उड्डाहकारिए ! दुट्टा सेहि ! कत्तोसि आगया ॥
 १हारे ते नेउरए य ते मुहियाओ वर पाणहाउ ते । पवयणस्स उड्डाहकारीए दुट्टसेहि ! कत्तोसि आगया ॥
 संजईए भणियं—

“समणोसि संजयोसि बंधयारी सम लेट्ठुकंचणे । वेहारियवायओ य ते जेट्टुज्ज ! कि ते पडिग्गहे ? ॥१७६॥
 सरिस-गुणसंगमो णे विहिओ विहिणा तुमं घडंतेण । ता सासुय-बहुयाण मोणं चिय संगयं अम्ह ॥१८०॥

सूरिणा भणियं—“दुक्खियड्ढे ! काओ इमाओ जाओ तुमं दिट्ठंतीकयाओ । तीए भणियं—‘सुणसु’

एगम्मि गामे जंगलो नाम कोडुंबीओ परिवसइ । सुमंगलो से पुत्तो । सोहिणी-मोहणि नामाओ सासुय-बहुयाओ । दो वि असुद्धसीलाओ कुंभारे अणुरत्ता सासुया, पिंडारे बहुया । जाणंति परोप्परं सील-सुद्धि । मोणमासियाओ कालं गमिति ।

अण्णम्मि दिणे पहरदुग-समए आगया सुण्हा पिंडार-समीवं । वंसियालिमज्जिविसयसुहमणुभविऊण चिहुर-विलग्ग-दीहरवंसीपत्ता सधरं पत्ता । सासुया वि रमिऊण पागासण्णे कुंभयारं भूइसंजोग-पंडुरपट्ठी नियमविरमागया । दिट्टा तीए सुण्हाए सीसे वंस-पत्ताणि सासुयाए । समणुपालंतीए तीए जाणावणत्थं पढियंतीए—

‘अइदीहराहं सुण्हे चिहुरधिलग्गाइ वंसपत्ताइं ।

बहुए भणियं—

अम्मो भणामि भणिय तुब्भाण वि पंडुरा पिट्ठी ॥१८१॥

सासुमाए भणियं—“क्खे ! अलं कियारेण ?

1. अस्या गाथायाः स्थाने निम्न गाथा वर्तते—
 राई सरिसव मित्ताणि परच्छिहाणि पाससि ।
 अप्पणो बिल्लमित्ताणि पासतो ऽ वि न पाससि ॥ (उत्त. नि. १४०)

अम्मा जाणइ सुण्हा सुण्हा जाणइ जारिसी अम्मा । संबुडुउ (?) ढक्कियं चियं मा फुट्टु उ विल्लु विल्लेण । १८२।

तओ ताओ एगचित्ताओ होऊण कालं गमिति । असंबद्धभासिणी एसति मोलूण संजई गओ सूरि । दुविह धम्मतरु-बीय-कप्पो विज्जइ इमस्स दंसण-पक्खवाओ भवियव्वं गणेणं' ति चितियं देवेण । नगराओ निग्गतूण लग्गो मग्गेण सूरी । पविट्ठो कंताराडवि । विउव्वियं देवेण चउरंग-वलसहियं कडगं तरवइपरियं । आवासियं कंतार-मज्जे । पारद्धा भोयण-सामग्गी । हत्थि-खंधमारूढो इओ तओ परियडइ पत्थिओ । एत्थंतरे समागओ तं पएसं अज्जसाढो । दिट्ठो गयखंधमारूढेण राइणा । गओ तयभिमुहं संभभवसेण उत्तिण्णो करिवराओ । अहो मे धण्णया ! अहो मे कयत्थया ! अहो मे अणुकूला कम्मपरिणई ! अहो मे सुलहा सुगई ! पत्तं जं पावियव्वं कंताराडवी मज्जे वि जमेरिसं सुपत्तं पत्तंति भणभाणेण पहाण-परियण-सहिण्ण चलणरेणु-भूसियं निय-भालयलं कुणत्तेण भावसारं वदिओ सूरी । राइणा दंसियमासणं । निसण्णो तदणुरोहेण अज्ज-साढो । काऊण करयलंजलि पुरओ होऊण सविण्यं जपियं राइणा—“भयवं ! करेह ममाणुग्गह-सपरिवारस्स जिण-धम्मोवएसेण । करेसु भवकूवे पडंताण हत्थालंब-मम्हारिसाण ।” सूरिणा वि पारद्धा संवेग-जणणी-भवनिव्वेयकारिणी परमधम्म-देसणा । सद्धा-संवेगमावण्णो हरिसवस-विणित-वाहजल-भरिय-लोयणो कयंत्रया पुप्फं व समुद्धसिय-रोम-कूवो सुणेइ तरवई ।

एत्थंतरे समोगाढा पउण पोरिसी । भणियं राइणा—“भयवं ! पडिलेहणा समओ वट्टइ । ‘एवमेयं’ति भणिऊण मुहणंतयं समाराहिया पडिलेहणा । पारद्धा पुणो वि धम्मदेसणा सूरिणा । राइणा भणियं—“भयवं ! पत्तयं पडिलेहिज्जउ ।” सूरिणा भणियं—“पच्छा पडिलेहिस्सामि सुणेह ताव धम्मं ।” राइणा भणियं—“अहं चेव पडिलेहिस्सामि ! वियक्खणो हं जइ-सामायारीए । कुणह तुभ्भे धम्मदेसणं ।” तेण गहिओ पडिगहगो उग्घाडियं दुवारं । दिट्ठो विविहाभरणभरिओ । करे काऊण आभरणाणि विवण्ण-वयणेण निरूवियं सूरिवयणं । सूरि वि परमसंवेगमावण्णो ‘दंसणलाघवमेयं’ति मण्ण-माणोचित्तमाढत्तो—

सारय-ससहर-धवलो परम-मुणि-सेविए गुण-विसाले ।

हा ! कह निम्मल-नियकुल-मुहम्मि मसि-कुच्चओ दिण्णो ॥१८३॥

एसो राया अण्णे पाणिणो अप्पयं पि पावेण । दूरे धम्मओ कयं विपच्चयं संजणंतेण ॥१८४॥

इणमेत्थ पत्तयालं म्णिऊण सयं विपच्चयमिमाण । दुग्गइगमण-निबंधण-मुत्तारेऊण वच्चामि ॥१८५॥

तओ भणियं सूरिणा—

मा मुणह एरिसच्चियं सव्वे वि जइ जिणंद-धम्मम्मि । रयणायरे व्व एत्थं सुसाहु-रयणाणि निवसंति ॥१८६॥

परिवडियं धरण-धम्मो गुरु-कम्मो कुपह-पत्थिओ मूढो । धम्मो जिण-पणत्तो अहं पमाणं न कायव्वो ॥१८७॥

‘एस पडिबोहणसमओ’ति उवसंहरिऊण सिन्निर-निवसं काऊण चेल्लय-रूवं विहिऊणकरयलंजलि पुरओ होऊण भणिउमाढत्तो—“एसो हं तुह चेल्लओ जो तुम्हेहि सयमेव निज्जामिऊण देवत्तणं पत्तेण तए दंसणं दायव्वं ति पत्थिओ । पत्ता मए वेमाणियमज्जे दिव्वा देविड्ढी कइव्व-देवपओयणाणि काऊण जावागच्छामि ताव चलियं देवाणुप्पियाणं माणसं । उन्निक्खमिउमारद्धा । न सुंदरमिणं । जओ—

निष्काइऊण सीसे दीहं परिपाणिऊण परियायं । विसय-विसाभयकप्पं पठिऊण जिणागमं विउलं ॥१८८॥

लहिऊण गणहरपयं सुद्धं मग्गं परूवियं बहुहा । जइ सावयाण परमं सामायारिं पदंसित्ता ॥१८९॥

सारीर-माणसाणेग-दुक्ख-संताव-तवियं देहाण । देहीणामयबुद्धि व्व देवि धम्मोवएसं च ॥१९०॥

तुच्छाण असारणं कइव्वयदियहाण धम्मविघाण । दुग्गइ निबंधणाणं भोगाण कए किलिस्संति ॥१९१॥

तुम्हारिसा वि जइ पहुचरणं चइऊण मोक्खसुहहेउं । ता मुद्ध ! धम्मविरया अण्णत्थ कहि समल्लियउ ॥१९२॥

एवं मुण्डिऊण चित्तुमाढत्तो अज्जसाढो—

परलोगसंकिएणं चत्तं चरणं हयास हे हियय ! संपइ ह्वसु असंकं पुणो वि चरणं चिरं चरसु ॥१९३॥
जसु कज्जह तुहुं उत्तसहि तं होसइ निअंभंतु । भय संतत्तउं हे हियय हिडि म कुलु मइलंतु ॥१९४॥
पवयणु पवहणु धम्म सुद्धिजिणु निज्जामग तुल्लु । पावि वि भवसायरु तरहि हिया म हिडिहि भुल्लु ॥१९५॥

एवं संवेगरसायणेण भाविऊण अप्पाणं पच्छायावमावण्णेण भणियं सूरिणा—“साहु णं कयं जमहं तए पडि-
वोहिओ । संपयं पुणो वि आलोइयपडिक्कंतो पडिवज्जिऊण चरण-धम्मं पंच-विहायारं परिपालेमि । पेच्छंतस्सेव
सुरस्स आगम-भणियविहिणा परिट्टुवियआभरणं रिस्तीकयं पडिग्गहयं । वंदिऊण भावसारं एसंसिऊणप्पयारं गओ सुरवरो ।
अज्जसाढसूरि वि गच्छमामओ दिण्णालोयणो गीयत्थाण परिपालिऊण निरइयारं सामण्णं समाराहिऊण मरणारोहणं
काऊण गच्छ-सुछत्तं सुरलोगं गओ । ता भो नरस्पगव ! जहा चेल्लय-सुरेण धम्माओ परिवडंतो पुणो वि धम्मे थिरी-
कया अज्जसाढसूरिणो तहा अण्णेण वि सइ सामत्थे जिणधम्माओ परिवडंतस्स जंतुणो थिरीकरणं कायव्वं ॥

इवाणि वच्छल्ले [पंचणदि] उदाहरणं भण्णइ—

अत्थि इहेव भारहे वासे कासीजणवयालंकारणं पंचउरं नाम पट्टणं । तत्थ य परमसम्मदिट्ठीसुवण्णनंदी नाम वेट्ठी
परिवसइ । विसालसीला नामा से भारिया । जिणसाहुपयय-पंकयमहुरो पंचणदी नाम ताण पुत्तो । अरिहवासी से
भारिया ।

अण्णया पंचणदी अणुणविय जगणी-जगए महया बलइसत्थेण पंचउराओ दक्खिणाहुत्तं सुवेलपट्टणं पइ वाणिज्जेण
पत्थिओ । तेण सह संचलिया जिणचंदसुभचंदाभिहाणा दोण्णि साहुणो । कमेण बहंतो सत्थो पविट्ठो कालसंवरं नाम
महाडवि—

सरह-सय-ससय-माहिस-सहूल-विलोल-कोलकलियं । गयणग्गपत्ततहवारियसूर-ससि-किरणं ॥१९६॥
सरस-फल-पुट्ट-दप्पिट्ट-चंडुल-चल्लंतमक्कडाइण्णं । गेय-गज्जियगुह-पडिसइ-भरिय-बंभंडभीसणयं ॥१९७॥
दरियमणहहंजियसइसमुत्तट्टुनट्टुहरिणउलं । वियरंतचमरलयरं, वानर-बुक्काररमणिज्जं ॥१९८॥
निक्करवराहघोणाभिघायजज्जरियपंकिल-जलं । दप्पुट्टुरकरिक्कघायदलियगुस्ताल-हितालं ॥१९९॥
वहिऊण तीय सत्थे कइवय दियहाइं रण्णमज्झम्मि । आवासिओ पएसे एगिम्म दिणावसाणम्मि ॥२००॥

तओ दीण-पुरिसो व्व अवलम्बिय-करो अत्थिगिरिमागओ दिणयरो । तमंघयारो जायाओ दिसाओ सत्थ-परिपेरंतेशु
भमति थाणय-पुरिसा । एत्थंतरे गुहंसिगय-सइ-पूरियंबरा 'हण हण'त्ति गब्भसइसवणसंजणियसत्थजणसंभमा निवडिया
कालमुह-सबराहिवसेणा पंचणदि-सत्थे । अण्णोण्णदीह-कोयंडाकडिडय-सर-धोरणि-विभिज्जंत-सुहड-संघाय-वण-विणिगय-
हहिर-धारासलिलसिचंतधरणि-रेणु-पंक-खुप्पंत-सत्थियजणं, जणकयकोलाहलभरियं बंभंडोदरं वरदीसंत-
तासंत-कायरजणं जायं सत्थिय-सुहडेहि सह सबराणमाओहणं । भग्गा सत्थ-सुहडेहि सबरा दिसोदिसिं पलाइउं पवत्ता ।
अण्णोण्णतज्जणा-जणिय-रोसपसरा पुणो वि पडिया सत्थे सबरा । थेवत्तणओ भग्गा सत्थिया एगहक्ख-निवासिसउणगणा इव
केवि कहं पि गया ।

इओ य कालमुह-सबराहिवेण निय-त्तणयसरीरकारणे इच्छियमोवाइयं महाभेरवीए—‘देवि महाभेरवि ! पउणेहि मे
तणयं जेणाहं ते पायपुरओ दोहिं पासंडिएहिं इत्थीसहिएण पुरिसेण य बलिं देमि ।’ भवियव्वयानिओणेण पट्ट-सरीरो जाओ
पुत्तो । समप्पियं च सबरेहिं सत्थ-रित्थं । पुच्छिया सबराहिवेण—“कस्स संतिओ भे सत्थो लूडिओ ?” तेहिं भणियं—
“सामि ! पंचनंदिणो सत्थवाहपुत्तस्स ।” तेण भणियं—“भो भद्दा ! इच्छियं मए महाभेरवीए भयवईए ओवाइयं । तत्थ
बलि-निमित्तं पासंडिय-दुणेण सकलत्त-पुरिसेण य पओयणं । ता लहुं संपाडेह ।” ‘जं सामी समाइसइ’ भणिऊण गया

दिसो दिसि सबराइओ । तओ कतारमडंतेहि कयंत-भडेहि व उभड-मिउडि-भामुरेहि कालविकरालकायरस्तच्छ-
दुपेच्छेहि दिट्ठो पंचनदी समं जायाए सबर-पुरिसेहि । अण्णेहि पुण पओअणवसेण गच्छंता विट्ठा भगवभिक्षुणो । ते वि ते
गहिऊण पल्लिबाहि मिलिया । दो वि बंदिया पच्चभिण्णाओ भिक्षुणा पंचनदी, पंचनदिणा वि भिक्षू । दिट्ठ-पुब्बो
अरिहदासीए नियकुलहरे गिहत्थपज्जाएण भगवो । तेण वि सा । सुयणसमागमं पुब्बावर-वसणं च दट्ठूण बाहा-
विल-लोयणा जाया भिक्षु-भगवा । खणमेगं तत्थ वीसमिऊण नीयाणि पल्लिवसइसमीवं । । तुट्ठो मधराहिवो । सम्मा-
णेउं विसज्जया सबरा । ष्हाविद्याणि चत्तारि वि ताणि । काराविया महाभेरवीए पूया । आणियाणि ताणि चंडिया
भवणासण्णे तं च केरिसं--

नर-महिसेस-गो-गवय-करक-संघाय-वडियपायारं । पायारोवरि करिदंत-वडिय कवि-सीसय-सणाहं ॥
गोउर-दुवार-तोरणलंबंताणेग-नर-सिर-समेयं । नरसिर-पडंतवायसकयविस्सरकरयरावं ॥२०२॥
उत्तुंगवेणुलंबिय अइ दीहर-वग्घ-चम्म-धयमालं । धयमालोवरि निवसंत-कुरर-संघाय-भयजणणं ॥२०३॥
विसरिस-वज्जंताउज्जसइसंतदुसउण-संघायं । गुरुसोगावेगरुयंत-दीण-बंदीजणाइणं ॥२०४॥
नर-रुहिर-वसा-विलिहिय-तिसूल य रुडर-भित्ति भागिल्लं । पगलंतरुहिर-गय-चम्म-विहिय-उल्लोय-करणिज्जं ।
पुरिसवसा-परिपूरिय-कवाल-पज्जलियमंगल-पईवं । डज्जंत-विल्ल-गुग्गुल-पविद्यंभिज्जधूमसंघायं ॥२०६॥
नर-रुहिर-विहिय-मंडल-गुंजाहल-दिण्ण-सत्थियसणाहं । डिंडीर-पिड-सत्थहवियाण लंबंतवलचमरकं ॥
गवललंबिरहंडमंडमालाए रइयपूयाए । कर-गहिय-खग्ग-सूलाभिघाय-संभिण्ण-महिसाए ॥२०८॥
महिसासुरमारुढाए सव्वकरगहिय तस्स पुच्छाए । लंबंतपउहरपलयकाल-कंकाल-हवाए ॥२०९॥
दप्पिय-महिसासुर-दिण्ण-कुरल-दिट्ठीए चुडुलीगल्लाए । महाभरे वि पडिमाए अहिट्ठियंता सजणणीए ॥

तओ दट्ठूण चितियं पंचनदिणा ।

अवि नाम पलाएज्जा पाणी-सीहाओ वा वग्घाओ वा । जलाओ वा जलणाओ वा न उण सुकय-दुक्कयाओ ॥

एवं चितयंतो समं जायाए पासंडिएहि य नीओ चंडिया पुरओ । विलत्ताणि रत्त-चंदणेण, लंबविया कंधराए
रत्त-कणवीर-माला । समागओ कालमुहो । कडिइयं कोसाओ मंडलगं । भणियाणि ताणि--“अरे ! एय-पज्जवसाणो
तुम्हाण जीवलोगो । सुमरेह इट्ठदेवयं । मग्गेह मोत्तूण जीवियं अण्णं जं मगियव्वं ।” विगयसकं जंपियं पंचनदीणा-
‘महाभाग ! नत्थि मे भयं मरणाओ परलोग-सहाओ य तुमं । जइ सच्चमुल्लवसि, जइ संपज्जइ कुओ वि भवओ, ता
जिणपडिमा दंसणं कारवेहि । जेणम्हो उवयारियं भवइ भवया ।’ कालमुहेण भणियं--“किं तुमं सावओ ?” तेण भणियं-
‘अत्थि ताव जम्मो सावयकुले ।’ कालमुहेण भणियं--“का एसा तुह समासण्णा नारी ?” पंचनदीणा भणियं--“मज्जा
वेव धरिणी ।” कालमुहेण भणियं--“जइ एवं तो तुक्के मह साहम्मियाणि ।” तओ तेण चलणेसु निवडिऊण खामि-
याणि संहरियं मंडलगं । भणिओ कुरंगकेसरो नाम नियपुरिसो--“अरे ! इमे दो वि पासंडिणो पयत्तेण रक्खेहि ।
जावणं नरनारिमिहुणं संपज्जइ पच्छा नियसमीहियं साहिस्सामो ।” ‘जं सामी समाणवेइ’ भणिऊण गहिया ते दो
वि पासंडिया । पंचनदी वि पणयपुरस्सरं चालिओ कालमुहेण नियमदिरं । तेण भणियं--‘महाभाग ! न जूत्तमेयं
जमिमेहिं समं वसण-भयवुण्णलोयणे मोत्तूण अप्पणा नीहरिऊण गम्मइ । मिलियाणमेव जं हवइ तं हवउ ।’ कालमुहेण
भणियं--“जइ एवं तो इमे मोक्कला ।” भणिओ कुरंगकेसरो--“अरे ! विसज्जेसु एए वयविसेस-धारिणो । गच्छंतु
जहा समीहियं । ‘जमाइसइ सामी’ भणिय विसज्जिया जममुह-कुहर-धिणिगयं अत्ताणयं मत्तमाणा गया ते सट्ठाणं । नीओ
सधरं पल्लिनाहेण पंचनदी । मज्जाविओ पवर-मज्जण-विहीए । संपूइओ वत्थाभरणाईहि । समागया भोयणवेला । निमंतिओ
भोयणेण न पडिवण्णं पंचनदिणा । तेण भणियं--“किं कारणं न भुज्जइ ?” पंचनदिणा भणियं--“समागया मए सट्ठि
दोण्णि साहुणो । सबरेहिं सत्थे विलोलिए न नज्जति कहि पि गया । न कप्पइ तेसि आमं कंद-मूल-फलाइयं, न वा
नइकूय-तडागाइसचेयणं सलिलं, तेसु दुत्थिएसु कहमहं भुजासि ?” तेण भणियं--“आमं । तओ घोसाविबं पल्लि-

नाहेण पडहण्ण सव्वाए पल्लीए—“भो ! भो ! नाहला ! जं जेण इमाओ सत्थाओ गहियं तं सो सव्वं समप्पेउ । अण्णहा सारीरो दंडो ।” समप्पियं सबरेहिं सव्वं कालमुहस्स । तेण वि पंचनदिणो । जपियं च —वयंस सत्थवाहुपुत्त ! जहा ते साह्वो गुरु तहा मज्झ वि ते सुगुरु-बुद्धी । कयं च परमत्थओ एयं पावंता कह मह सुद्धी । एसा य मज्झ पइण्णा । जह सत्ताहमज्जे साहुणो न लहामि तो भयवईए पुरओ जलण-पवेसं करिस्सामि । पेसिया दिसोदिसि सबरा । अप्पणा य कइवयपुरिससमेओ पविट्ठो कंतारं । कया इओ तओ गवेसणा । बोलीणाणि पंचदिणाणि । न लद्धा कत्थ वि पउत्ती । आदन्ना कालमुहधरिणी कालसुंदरी नाम । गया चंडियाययणं । चलणेसु निवडिऊण विण्णत्ता चंडिया—“भयवइ ! जइ सत्ताहमज्जे साहुणो लब्भंति तो ते दोहिं पासडेत्थेहिं बलि देमि ।” एवं भणिऊण गया घरं । सत्तम-दिवसे अप्पडिपुण्ण-पइण्णो समागओ पल्लि पल्लिनाहो । भणिओ पल्लिनाहेण पंचनदि—“महाभाग, दुज्जणजणेव उवयारा निप्फला जाया मे गवेसणा । अज्ज मे मरणवासरो । तुमं पि अणुकूल-कम्मोदएणं सन्निहिओ ता तहा करेसु जहा पर-लोयआराहओ भवामि ।” एवं भणिऊण विवण्ण-वयण-परिवारिओ पंचनदिणा सद्धि गओ चंडियाययणं । पूइया चंडिया पडिओ चलणेसु । काऊण करयलंजलि भणिउमाडत्ते—“देवि ! दविय-महिसासुर-दप्प-हारिणि ! पणय-जण-विग्घहा-रिणि ! गिरिकंदरोदर-हरिणि ! पलयकाल-कंकाल-रूवधारिणी ! महाभेरवि ! अप्पडिपुण्णसमीहिओ मरामि तव पुरओ । जइ वि अहं तए अवहीरिओ तहविओ मह परिणो[ण]सम्मं वट्टेज्जामु । भणिऊण निग्गओ दुवारदेसे । रयाविया भेरवी-भवणपुरओ खायर-कट्ठेहिं चिया । विहिय-पउमासणो निविट्ठो तयव्वंतरे कालमुहो । एत्थंतरे विणत्ता काल-सुंदरी कुरंगकेसरेण—“सामिणि ! पावियं मए पुव्वगवेसावियं पासंडिजुयलं । तुह घरे मोत्तूण साहणत्थमागओ ।” काल-सुंदरीए वि विणत्तो कालमुहो—“अज्जउत्त ! इच्छियं मए वि कि पि उवाइउयं पडिक्खसु तुमं खणमेयं । जइ न जाया मे समीहियसिद्धी तहा वि तं दाऊण तए सद्धि जलणे पविसिस्सामि ।” पल्लिनाहेण भणियं—“एवं करेसु ।” गया सघरे । दिट्ठा साहुणो न जाणइ विसेसं । भणिओ अणाए कुरंगकेसरो—“अरे ! अरे ! लहुं मज्जावेहिं इमे । सो वि ष्हविडं आरद्धो । न मज्जंति साहुणो । बलावि मज्जाविया विलित्तगत्ता । रत्तचंदणेण कणवीरमालामालिया, वज्जंतेंण तूरेण कयण्हाणाए मोक्कल-बालाए वामकर-गहियसराए बहुजण-परिवारियाए अणुगम्ममाणाए कालसुंदरीए चालिया चामुडाभवणं पइ साहुणो । पत्ता य कमेण दिट्ठा दूराओ चेव पंचनदिणा पच्चभिण्णयाया पहरिसवसनिव्वर-माणसेण साहियं सबराहिवस्स ते चेव इमे साहुणो जे अर्हेहिं सद्धि संचलिया । संभमेण भिल्लाहिवेण पंचनदिणा सद्धि गंतूण वंदिया भावसारं मुणिवरा खामिया य भयवं अण्णाणवसमोहियमहियमाणसेण जमम्हारिसजणेण संजम-सरीर-पीडारइया भवयाणं तं खमियव्वं ।

तओ हरिसियमाणसा जाया सव्वे वि लोया । नीया साहुणो सबराहिवेण नियमंदिरं । दंसिया वसही पाराविया पक्खोववासाओ घरिया तत्थ कइवयदिणाणि ।

अण्णम्मि दिणे रयणीए सुहनिस्सण्णो भणिओ सबरवई पंचनदिणा । “कहं ते जिणधम्मपडिबत्ती साहम्मियवच्छल्लत्तणं वा संजायं ? महंतं मे कोऊहलं । कहेसु जइ कहणीयं होइ ।” तेण भणियं—“सुणसु ।

सुहालयगामे सुंदरो नाम सावओ । तस्स सुनंदा भारिया ताण पुत्तो हं सायरो नाम । जाओ अट्टवारि-सिओ । पक्खित्तो लेहसालाए । अहिज्जियं किच । अण्णया मरण-पज्जवसाणयाए जीब्लोगस्स कालधम्मूणा संजुत्ता सुनंदा, परिणीया य तत्थेव वीरचंघ-सावय-पुहिया वीरभट्टा नाम । सा य न मम भोयण-ण्हाणाइ कज्जेसु समं पयट्टइ । अहं पि णीए न समं पयट्टामि ।

तओ अण्णम्मि दिणे भणिओ पिउणा इमाए विणयपरेण होयव्वं जइ मह घरेण होयव्वं जइ मह घरेण कज्जं । तओ जणओ वि मं आणाए पेक्खइ ति अकहंतो चेव निग्गओ घराओ । समागओ इहं दिट्ठो कालकयंताभिह्वाण-पस्सिबइणा । समप्पिओ अपुत्ताए नियभारियाए । पडिबण्णो दोहिं वि पुत्तो ।

अण्णया पारद्धि-विणिग्गओ विणिवाइओ सो मइदेण । अहिसित्तो हं तस्स पए सव्वेण वि सयणवग्गेण । पइट्ठाविद्यं नामं कालमुहो । पणया सबरसंघाया । हणेमि गंतूण तेहि समं गामसत्थाइ खणावेमि खत्ताणि ।

अण्णया सबरसेणा सहिओ गंतूण रयणीए पडिओ महासाराभिहाणगामे । गहियाणि दुप्पय-चउप्पय-धण-धण्ण-कंस-दूसार्इणि पडिनियत्तो वेगेण । पविट्ठो नियपल्लि । पभाया रयणी । दंसियाणि सबरेहि बंदाणि । दिट्ठो ताण मज्झे धणंजओ नाम नियमाउलो । पच्चभिण्णाओ सो मया । सो वि मं दट्ठूण बाहजल-भरियलोयणो रोइउं पयत्तो । पणमिऊण निवेसिओ मए आसणे । पुच्छिया सयला जणयाइसयण-वग्गस्स कुसल-वत्ता । कहिया तेण जहट्टिया । मया वि तेण पुच्छिएण साहिओ सव्वोवि निय वइयरो । बाहजल-भरियलोयणेण जंपियं तेण—“वच्छ ! परिहरिया ताव तए सुहि-सयणा परं न परिच्च[इय]व्वो उभयलोग-सुहावहो जिणधम्मो ।” मए भणियं—“पम्हट्ठो मे धम्ममग्गो ! विगलिया धम्मवासणा । जइ तुमं कइवयदिणाणि इहेव चिट्ठिसि तो पुणो वि अणुसंधेमि ।” पडिवण्णं तेण । ठिओ मास-पंचमं । गहिओ हं सावगधम्मं कहियं सम्मत्त-पुरस्सरं देस-विरइ । सव्वविरईण फलं । मए भणियं—“असमत्थो हं सेसधम्म-करणस्स । पडिवण्णं मए अविरयसम्मदिट्ठित्तं । अरिहंतो देवो साहवो गुह, सव्वण्णुपणीय-धम्मो धम्मोत्ति कया पडिवत्ती । महामेरव-वंदण-पूयणा उवाइयाइदाणं च पढममेव मोक्कलीकयं मया वंदिय पूइऊण अत्थपयाणेण पेसिओ सट्ठाणं मामग्गे । गच्छंतेण दिण्णो उवएसो—“साहम्मि य वच्छल्लं कायव्वं वच्छेण ।” पडिवण्णं मए एवइयं कालं न दिट्ठो को वि साहम्मिओ । अज्ज पुण अणुकूल-विहिवसेण दिट्ठो तुमं । मिलिया परम-साहम्मिया साहुणो । पत्तं मए जम्म-जीवियफलं । तओ धरिऊण केवइयं कालं मेलिऊण सत्थभट्ट-जणं उवयरिऊण दंतमोत्ताहलाइणा पणय-पुरस्सरं भणिओ पंचनंदी—“सत्थवाहपुत्त ! अण्णं पि भणसु जं इमिणा जणेण सिज्जइ ।” तेण भणियं—“तहाकरेसु जहा कुसलेण लंघेमि कंताराडवि ।” तओ गहिऊण कोदंडं सबरसेतासहिओ पत्थिओ पुरओ मग्गओ । पयट्ठो सत्थो । लंघिया तिहि दिणेहि अडवी । संपूइऊण बत्थाइणा भणिओ पंचनंदिणो सबराहिवो—

जइ विट्ठु कम्मणेण कुलं जाई वि हु सुयणु ! तुज्ज अंतरिया । तहवि हु गुणंहि नज्जसि सुपुरिस जह उत्तमो कोवि । साहम्मिय वच्छल्लं जं भणियं जिणवरेहि सिद्धंतो । तं मोत्तूण भवंतं अण्णत्थ नत्थि पडिपुण्णं ॥२१४॥

नित्थिण्णा य तुह सन्निज्जेण इमा महा अडवी । ता सट्ठाणमलंकरेउ अज्जोत्ति भणिऊण विसज्जिओ सबरा-हिवो । वंदिऊण साहुणो पडिनियत्तो पत्तो सट्ठाणं । सधम्म-संपउत्तो कालं गमेइ पंचनंदी । विढत्त-पउरदविणो विरसा-वसाणे सघरभागओ । जिणसाहुपूयारओ दिणाणि गमेइ । कालमुहो वि परिपालिऊण आउयं पंचपरमेट्ठि-सुमरण-पुरस्सरं मरिऊण समुप्पण्णो सोहम्मे मज्जिमाउसुरवरो । तओ चुओ कमेण सिद्धिं गमिस्सइ । ता महाराय ! जहा कालमुहेण साहम्मियवच्छल्लं कयं मंदधम्मे वि तहा अण्णेण वि धम्मत्थिणा कायव्वं ति ॥

पसंतायरिएण भणिओ सूरि विक्कमनिवो संपइ पवयणपभावणा । तत्थ अज्जखउडसूरिणो उदाहरणं । तं च एवं—

अज्जखउडसूरिउदाहरणं—

अत्थि इहेव मज्जिमखंडदाहिणादिसाभाए नम्मयानईतीरे भइयच्छं नाम नयरं । तत्थ बहुयं विहागस-संपुण्णा आगमाभिगममुणियसयलवत्थुपरमत्थो आगमत्थ-मयरंद-विट्ठु-संदोहपाण-लंपड-विणीय-विणोयगण-भसलावली विलिहि-ज्जिमाण-पायपंकया गच्छ-महाधुराधरण-धोरेयकंधराधारा-वलय-विलसंत-सरय-विलसंत-सरय-ससहर-समाणाकत्तिणो । लध्दाव लद्धासमाणवित्तिणो, विविहविज्जाचक्कचक्कवट्टिणो अज्जखउडो नाम सूरिणो परिवसंति ।

इओ य खेडपट्टणे जोगभट्टो नाम भिक्खू । साहुंहि समं बाएण उवट्ठिओ नरवइपुरओ । पराजिओ साहुंहि । भग्गाभिमाणो विलक्खवयणो विणिग्गओ रायमंदिराओ नयराओ य गंतूण उत्तरावहे आराहिया सरस्सई । तूसिऊण दिण्णा तीए गुलिया । भणिओ य इमाए महगयाए अज्जओ तुमं । हरिसिय-माणसो पुणो वि समागओ खेडं । उवइओ बाएण । अहिखित्ता साहुणो । कया नरवइपुरओ पइण्णा । जो हारइ तेण अग्गिपवेसेण मरियव्वं । पडिवण्णं राइणा ।

निरुविओ बासरो । समासणीकया सभा । सयानिसण्णो सहामज्जे नरवई । समाहूया साहुणो । समागओ जोगभट्ठो । पारद्धो वाओ । दिण्णो पुव्व-पक्खो साहूहि जोगभट्ठस्स । भणिउमाढत्तो । समागाढा पोरसी । नत्थि पमेय-पज्जंतो । उट्टिओ राया । विसज्जिया सहा । बीय दिणे वि तहेव भणियं जोगभट्ठेण । एवं तइयचउत्थम्मि दिण्णेषु तओ संकिया साहुणो । अहो अनिद्विय-पमेओ एस न नज्जइ कइया वि विरमिस्सइ । कहं वा एयस्स एरिसा रिद्धी जाया ? ठिओ रयणीए साहु-संघो काउस्सग्गेण । आगया पवयण-देवया । वंदिऊण जंपियमिमाए—“भणओ संघो कि निमित्तमहं सुमरिया ?” गुत्तमंत-साहुणा भणियं—“पवयणदेवि ! कहं जोगभट्ठस्स परिसासत्ती ।” ताए भणियं—“वयणकय-गुलिया माहूपमेयं । भणिऊण गया देवया ।

वीयदियहे वाय-समए भणिओ गुत्तमंत-मुणिणा केसरराया—“महाराय ! अणिद्विओ एस वाओ । जओ पर-सत्तीए एस पर्यपइ ।” जोगभट्ठेण भणियं—“नत्थि कोइ जो एयस्स अलियवाइणो निग्गहं करेइ ।” मुणिणा भणियं—“जो अलियवाइ तस्स भविस्सइ निग्गहो ।” राइणा भणियं—“केरिसा इमस्स पर-सत्ती ?” मुणिणा भणियं—“अत्थि इमस्स मुहे गुलिया । तीए सामत्थेणेयं पमेयं नज्जइ ।” मुणिणा भणियं—“निरुवावेउ इमस्स वयणं । अणिच्छंतस्स बला वि निरुवावियं । दिट्ठा उसह-गुलिया । वंसिया मज्झत्याण । विलक्खीभूओ जोगभट्ठो—भणिओ अ समासएहि । संपयं ससत्तीए करेसु पमेयं । आढत्तो भणिउं ।

तओ पए पए पडंति अवसदा करेइ पुणो पुणो पमेयभंगं । असार-वइल्लो व्व न निव्वहइ पमेय-भर-भारुव्वहणे । बीयदिणे ठिओ जोगभट्ठो अणुबीइ काउमाढत्तो गुत्तमंतमुणी । अणुवइऊण दूसियपुव्व-पक्खो पत्ता नरवइपुरओ जय-पढाया । विलक्ख-वयणो वारिज्जंतो वि जणेहि पविसिऊण अग्गिकुडे महया अट्टुक्काणेण मओ जोगभट्ठो । मरिऊण समुप्पणो पयंड-वाणमंतरो । पउत्त-विन्मगेण वियाणिओ पुव्ववइयरो । कुविओ साहुवग्गस्स । अहिद्विया नयरबाहिरियाए पडिय-देउला निरावरणा एगा जक्ख-पडिमा । दिट्ठा पभाए पसरियदीहकरा । देवच्चएण साहियं गंतूण नागरयाण । ते वि धूवकडच्छुयहत्था मिलिऊण गमागया । दिट्ठा जक्ख-पडिमा । तहाविहभयभीयमाणसेहि विण्णत्ता तेहि—“भयवं ! को तुमं ? भणसु कायव्वं, संहरसु करं ।” एत्थंतरे उट्टिया नहयले वाया—“समुद्धरेह मे मंदिरं, पूइएह मं वड्ढकराभि-हाणं जक्खं । पयट्टेह महं महभवणे । अण्णहा नत्थि मे जीवियं ।” काऊण करयलंजलीं पडिवण्णं लोएण । तहेव कयं निरुविओ तडिओ । पुव्ववव-वेरमुव्वहंतो जइ-अणमुवसग्गिउं आढत्तो । वड्ढकरो कारवेइ लोयं भत्ति तच्चणियाण पूयंति लोया राया य । भिक्खूणो न सहइ तत्थ वसताण साहुणं । ‘करेइ उवड्ढं सोवसग्गं’ति कलिय तं नयरं मोत्तूण अण्णत्थ गया साहुणो । संचिता जाया सावयजणा । अहो ! अणारियं व वंतरेण कयं नयर-मिणं साहुसमागमं वि अहलो विय अम्हाण मणुवजम्मो । को उण एत्थ उवाओ । नायं जहा भरुयच्छे विविहविज्जापारमा अज्ज खउडा-भिहाणा सूरिणो चिट्ठंति । मा कयाइ ते उवसांमिति काऊण संघ-समवायं पेसिओ साहु-संघाडओ । गंतूण कहियं तेण । अज्जखउडाण संघ-सभाएसेण गम्मउ खेडं । आयरिएहि भणियं—“जं संघो समाइसइ तं कीरइ ।” रयणीए कइवयविज्जा-पयाणि जोगसीसस्स कहयंतो सुओ पच्छणसंठिएण भायणेज्ज चेल्लएण जेहि पत्ताणि आगासेण गच्छंति आगच्छंति य । गया सूरिणो खेडु-नयरं । पओससमए पविट्ठा पढममेव वड्ढक्कर-जक्खालयं । अवलंबियाओ दो सु वि कण्णेषु पाणहाओ, गले पडिग्गहयं, सिरोवारि मुक्को दंडओ, मुहाभिमुहं काऊणमवाणं सुत्तो सूरी । समागओ देवच्चओ । दट्टूण तं तारिस्सं अवण्णं जक्खस्स गंतूण साहियं-नागरयाण तेहि वि राइणो । समागओ राया नागरया य । भणियं राइणा—“उट्टुवेह एयं” न उट्टेइ, पच्छा-उग्घाडिय मुहं तोएहि जाव अहिट्टाणं पेच्छंति । एवं जत्तो जत्तो उग्घाडिज्जइ तत्तो तत्तो अवाणमेव दीसइ । तओ कोवानस-पज्जलिय-माणसेण भणिया सोया रण्णा—“हणह एयं जहिच्छाए नत्थि भे अवरोहो ।” ते वि लेट्टुलउडगाईहि पहिरिउमारढा । सूरिणा वि मंत-सत्तीए अंतेउरे संकामिया पहारा ।

एत्थंतरे तुरियमागंतूण समावेसवसवलुलिय-सिय-केस-कलावेण सिग्घागमण-समुप्पण-सास-समाऊरियाणणेण विण्णत्तो राया अंतेउर-महत्तेण—देव ! जं कं पि एत्थ करेह तेणासिवमंतेउरे पयट्टं । तुट्ठंति काण वि अंतेउरियाण

कण्ठा, मुसुमुरिज्जति रयण-कुंडलाणि, नहंगणाओ इव तारया निवडंति तुट्टिऊण धरणीयते तारहारया । अण्णाओ पुण गरुय-लउडाभिघायण-अज्जरियउत्तिमंगं गलंतसोणिय-विदु-संदोह-संसित्त-धरणीयलाओ । काओ वि निविड-मोगगर-पहार-पहयमम्मट्टाण-विहलंधल-सरीराओ मुच्छावसविमीलिया लोयण्णाओ णिण्णिमेस निष्फंदाओ चित्ते लिहियाओ इव महीयल-गयाओ चिट्ठंति । सरुवसाहगा चैव अम्हे । जं जुत्तं तं देवो वियाणइ ।” एवं भणिऊण मोगमासिओ । संसुद्ध-चित्तेण चित्तियं राइणा—‘सिद्धो एस महप्पा । अयाणमाणेण मए कोविओ न परिणामसुंदरमेयं । खामेमि संपयं ।’ सयमेव उत्तरिऊण गयवराओ गओ सूरिसमीवं । विह्तिऊण पणामं काऊण चलणग्गहं विण्णविउमाढत्तो—“अण्णाणवसणेण जं मए अवरद्धं खमेउ तं भयवं ! पणयजण-वच्छला चैव सप्पुरिसा भवन्ति ।” पुणो पुणो एवं भणंते नराहिवे जंभाइयं काऊण उट्टिओ सूरी । भणिओ वड्ढक्करो—“अरे ! गुज्जगा एयम्मि तुहाययणे न जणाओ अम्हे सोविउं पि लभामो तुमं किमागच्छसि ?” एतं भणिऊण चलिया अज्ज-खउडा फिडंता भग्गणुलरगाओ जक्ख-पडिमा । नीहरंतेण अण्णाणि वि जक्ख[र]क्ख[स]दुग्गा-गणाहिव-मायर-पमुहाणि देवरूवाणि आमंतियाणि तह दुवारदेस-संठियाणि पुरिससहस्स-वाहीणि महाकुंडाणि । दोण्णि ताणि वि भणियाणि तुम्हे वि आगभिस्सह । ताणि वि तहेव चलियाणि । पविट्ठो नयरमज्जे । पाडिज्जंति पाहाणेहि हट्ट-घर-गोउर-दुवाराणि, उवट्टविज्जंति लोया । विणत्तो राय-नागरएहि सूरी—“पसायं काऊण भयवं ! विसज्जेसु देवयाणि सट्टाणं, जेणेस उवट्टो विरमइ नयरस्स ।” भणिओ सूरिणा—“वड्ढकारी गुज्जगा सट्टाणमलंकरेहि ।” अण्णाणि वि देवयाणि विसज्जियाणि गयाणि सब्बाणि सट्टाणं धरियाणि दो वि पत्थरकुंडाणि । तथेव भणियं च “जो मए सरिसो सो इमाणि सट्टाणं पाउणिस्सइ । एवं पवयण-पभावणं काऊण ठिओ तथेव समागया साहुणो । संजायं सब्बत्थ खेमं । करेइ भत्ती साहूणं राया लोगा य । काराविया तथेव वासावासं सावगेहि सूरिणो ।

इओ य भरुयच्छे चित्तियं बालचित्तिएण—‘जाणिया मए विज्जाकण्णाहेडएणं जीए भायणाणि गयणेण गच्छंति साहूणं मज्जे संठिएहि किं पि पाविज्जइ । न पविसामि भिक्खुमज्जे दंसेमि अइसयं उवासयाण जेण पूया-भायणं भवामि ।’ तहेव कयं । भोयणवेलाए सुमरेइ विज्जं । वच्चंति नहयलेण भिक्खुभायणाणि । अवयरेति समीहिअ उवासय-घरे विविह-आहारभरियाणि चंदण-चच्चिकियाणि कुसुमकयपूयाणि समुक्खित्त-धूयाणि वज्जंतेण वट्टावणय-तूरेण हेट्ट-ट्टिय य मंगलमुह-साविय-सावय-सहस्सेहि सच्चविज्जंताणि पुणो वि नहयलेण समागच्छंति । पसंसिज्जइ बुद्ध-सासणं लोएण । निरइसयं ति कलिय हीलिज्जइ जिणसासणं । दूमिज्जंति साहु-सावया । अण्णोवाय-सज्जमेयं पओयणं ति चित्तिऊण पेसिओ अज्जखउडाण आणयणनिमित्तं खेडे साहुसंघाडओ । गंतूण तेण सविणयं भणिया सूरिणो—“भय-वंतं भायणिज्जेण विणासियं कज्जं । साहिओ सब्बो वि वइयरो ।” सूरिणा भणियं—“अणह किं कायव्वं ।” आगंतुय-जइहि भणियं—“आगंतूण तत्थ करेहं पवयणुंभावणं एस संघाएसो ।” जं संघो आणवेइ’ति भणिऊण तक्खणाचैव चलिया भरुयच्छाभिमुहं सूरिणो । पत्ता परिमिय-दिणेहि । पच्छणमेव पविट्टा । वंदिया चलिया साहु-सावयजणेण । पुच्छिओ वुत्तंते । कहिओ सवित्थरो । भोयणवेलाए नहयलेण गयाणि भिक्खु-भायणाणि । तहेव पडिनियत्ताणि । विउव्विया पुरओ सूरिणा नहयले महल्लिया फलिहसिला । अभि[णिक्ख]ट्टाणि तत्थ खुडुपपमुहभायणाणि । खड्खडारावं कुणंताणि महीयलि निवडियाणि । विच्छायवयणा जाया बुद्धोवासया । मुणिओ वुत्तंते चेल्लएण । ‘नूणं मामगो समागओ’ ति भयभीओ पल्लाणो नगराओ । गओ बुद्ध-विहारं सूरी बहुजणपरिवरिओ । भणिओ भिक्खूहि—“सुद्धोयणि वंदाहि गंतूण” भणिओ सूरिणा—“सुद्धोयणिपुत्तगा ममं वंदाहि ।” एवं भणिए पणया पडिमा । लज्जिया भिक्खूणो । परोप्परं मुहाणि अवसोइउं पयसा बुद्धोवासगेहि । पणमिउण भणिया सूरिणो—“विट्ठो तुम्ह सामत्थो । पुणो वि आसणबंधं कारावेसु पडिमं ।” सूरिणा वि भणिया—बुद्धपडिमा—“गच्छ सट्टाणं ।” तहेव ठिया । नीहरंतेण विट्ठं जगईए मज्जट्टियं सिला-संचय-वडियं महंतं धूमं । तं पि भणियं—“मह चलणेसु निवडयु” भणियमेत्तं च तं पि नमियं । “तुमं एवं चैव चिट्ठसु” तहेव ठियं । अज्ज वि तत्थ सुव्वइ ‘नियठे[ण] नामियं’ ति । गया निययठणं सूरिणो । पसंसिउमारद्धा सब्बे वि लोमा सवण्णुसासणं । पहसियवयणा जाया सावया । ता भो सूरिक्कम-नराहिव ! एवं पवयण-पभावणाए अण्णेण वि सम्मत्ताइगणरिट्टेण जत्तो कायव्वो ।

एवं अट्टगुणसुद्धं समत्तं भणियो पसंतायरिणं सुरविक्रम-नरवई—“निस्संक्रियाइगुणगणविसुद्धं निरडयार-सम्मत्त-परिपालणं करेसु जइ भे कल्लाणपरंपराए पओयणं ।” राइणा भणियं—“भयवं ! तुम्ह समक्खं पडिवण्णो मए अज्ज-पभिई विसुद्ध-सम्मत्त-परिपालणपुरस्सरो सावय-धम्मो । पसंसिओ पसंतायरिणं । अब्भहिओ राहुगुत्तमंतिणा वंदिऊण सुरिपय-पंकयं । नित्थिणसंसार-सागरमिव कयत्थमप्पाणं मण्णमाणो नगरमणुपविट्ठो राया । परिपालियं पभूय-कालं सावगधम्मं । अते य गहिया मोक्ख-सोक्ख-साहगा सव्वविरई समं राहुगुत्तेण सम्मं समाराहियपज्जंताराहणे देवेसु उववण्णो राया । तओ चओ परमपयसाहगो भविस्सइ ति ।

एवं भणियं मूर[विक्रम]नरनाह-चरियं भणियो पियंकरायरिणं समुदत्तो—“सेट्ठिसुय ! जइ तुमं पि धम्मत्थिओ ता सुपरिक्खियं काऊण सिण्हसु धम्मरयणं कि परजणभणिएहि ।” समुदत्तेण भणियं—“भयवं ! मज्ज वि जिणधम्मो रुइमारुद्धो करेह अणुग्गहं पयच्छह एयं ।” तओ विहि-पुरस्सरं काराविओ पियंकरायरिणं समं तारावलीए सम्मत्त-पडिवत्ति समुदत्तो । कया धिरीकरणनिमित्तं धम्मदेसणा । तंजहा—

कम्मभरपीडियाणं जीवाणं धम्मवासणा दुलहा । जइ होइ धम्मसद्धा सुहगुरुजोगाणं संपडइ ॥२१५॥
लद्धे गुरुम्मि पयडे नीसेसपयत्थभावणपईवे । सिच्छत्तमोहियाणं न होइ तत्तत्थसद्धहणं ॥२१६॥
जओ—

कि कुणइ कम्मवसगाण पाणिणं देसणा जिणाणं पि । अंधलय-पयासो नेव होइ दिणयरसएणा वि ॥२१७॥
अणोसि पुण पविरलकिलिट्टुकम्माण पुण्णवंताण । सइसंगेण वि गुरुणो जायइ सद्धम्मपडिवत्ती ॥२१८॥
ता धण्णो भइ ! तुमं जाइ-जम्मो य तुज्ज सहलाई । जेण तए भव-महणं पत्तं समत्त-वर-रयणं ॥२१९॥

तओ हरिसवसुभिण्ण-रोमंच-चच्चियंगेण भणियं समुदत्तेण—“भयवं ! पडिवण्णसम्मत्तेण केरिसं धम्माणुट्ठाण कायव्वं ?” सूरिणा भणियं—“दंसण-विसुद्धिनिमित्तं कायव्वं अट्टविहपूयापुरस्सरं चीवंदणं, वंदियव्वा साहुणो, सोयव्वं तयंतिए सिद्धंतसारं, भावेयव्वो तयत्थो माणसे, भवियव्वं समुदारचित्तेण ।” समुदत्तेण भणियं—“भयवं ! के अट्ट भेया इमीए पूयाए ? को वा इमाए कारगा ? कि फला वा वणिज्जइ एसा आगसे ?” सूरिणा भणियं—

वर कुसुम-गंध-तह धूय-दीव-क्खय-फलेहि य घए हि । जल-भरिय-भायणेहि य अट्टविहा वणिण्या पूया ॥२२०॥
सिरिदत्त-सोम-सोमिल-सयंभु-सयवाहु-सुजय-जय-विजया । एयाणं पूयाणं कमेणिमे कारगा नेया ॥२२१॥
फलभेयाए अणुसंगियं तु नर-सुर-सुहाई विउलाई । परमफलं निव्वाणं अब्वावाहं सुहं जत्थ ॥२२२॥

समुदत्तेण भणियं—“भयवं ! कइं सिरिदत्ताईहि पुष्पाइपूया कया ? केरिसं वा फलं पत्तं ?” सूरिणा भणियं—
सोम, सुण—

सिरिदत्तकहाण्यं—

अत्थि इहेव जंबूद्वीपे दीवे एरवयामंकारभूयं ताराभेलयं नाम नयरं । तत्थ रइविलासो नाम राया । सिरिदत्तो नाम तस्स डंडवासिओ । सिरिदत्ता से भारिया । तीए सह जम्मंतरोवज्जियपुण्णपन्धार-पभाष-संपज्जंत-सयल-समीहियं विभयसुहमणुहवंतम्म वच्चंसि वासरो ।

अणण्या धणसारसेट्ठिघरे खत्तं खणंतो रयणीए पत्तो एगो तक्करो । बंधिऊण समप्पिओ सिरिदत्तस्स । तेण वि निवेइयं राइणो । भणियं—“विडंबिऊण परलोगगामिणं करेहि ।” जं सामी समाइसइ ति भणिऊणं विडंबणापुरस्सरं नीओ मसाणे तक्करो समारोविओ धूलाए । जहा-जहा भिज्जइ सूलियाए तहा-तहा सामरिसं पलोएइ सिरिदत्ताभिमुहं महया अट्टज्जाणेण भरिऊण समुप्पणो सिरिदत्तघरे चेव भूजंगमो ।

इओ य तम्मि चैव नयरे जिणमंदिरे जता महुसवो वट्टइ । अण्णोणसंबाह-पीडिओ किच्छेण जणो संचरइ । अंतरं लहिऊण छिण्णो गंठी वंदएण एणेण । गंठिच्छेएण तक्खणा चैव जाणिओ तेण । कओ कोलाहलो । समागओ सिरिदत्तो ममं पुरिसेहि । वेढियं समंतओ जिणाययणं । पविट्ठो अप्पणा जिण-भवणवमंतरं । दिट्ठो कयण्हाण-विलेवणो मणिमउड-तिलय-कुंडलकंठय-हार-कंकण-पमुहाभरण-भूसिय-सरीरो, गंधलुद्ध-मिलंत-भूरि-भमरमालो, मालियसरस-सपत्त-मालाहि पूइओ विगयराम-दोस-मोह-मच्छरो, पसंत-मुत्ती जिणवरो । संजायबहुमाणो अणिमिसाए दिट्ठीए जिण-बिंबं निअंतो चित्तलिहिओ व्व जाव अच्छइ तावागओ गहिऊण सयवत्त-कुसुम-मालं कुंदो नाम मालिओ । चलणेसु निवडिऊण समप्पिया तेण माला । गहिया सिरिदत्तेण—“अहो ! धण्णो हं जस्स चित्तियमेत्तो चैव पूया संपण्णा । पूयणिज्जो य एस भयवं । एवं पवइडमाणसुह-परिणामेण समारोविया माला जिणिदस्स सिरिदत्तेण पलोइया सुइरं । गणओ जिणिद-पय-कमले । एत्थंतरे कओ आउय-बंधो । नीहरिउमारडो विण्णत्तो कुंदेण—“एस गंठिच्छेय-तक्करो भाबाल-भावाओ चैव जूयवसणा[स]त्तओ तमलो नाम मह सुओ । काउण पसायं तथा कीरउ जहा मुच्चइ इसाओ मरण-वसणाओ ।

एत्थंतरे भणिओ सिरिदत्तो निय-पुरिसेहि—“सामि ! जीवग्गाहं गहिओ सो तक्करो । संपयं कि कीरइ ?” नेण भणियं—“मह समीवं आणेह” । आणिओ य भणिओ सिरिदत्तेण—“अणुहवसु संपयं कुकम्म-समायरण-फलं ।” भणिया पुरिसा—“खणमेगं वियणं करेह जेण च्छेमि एयं ।” गया पुरिसा । भणिओ कुंदो सिरिदत्तेण—“अहो ! समय-पूयासंपायणेण परमोवयारी मह तुमं अओ संपाडेमि ते समीहियं । परं पयड-मोयणे राय-सासणाइक्कमो हवइ । अओ रच्छणं पच्छिम-दुवारेण निग्गच्छउ एस । तहेव कयं । खणंतराओ ‘एस गच्छइ एस गच्छइ तक्करो’ त्ति कओ होलाहलो समागया पुरिसा । इओ तओ पहाविया न दिट्ठी कथं चि तक्करो । गओ निकेयणं सिरिदत्तो । बोलीणो वासरो । समागया रयणी । हिडिऊण पहरमेगं नयरमज्जे आगंतूण नियधरं नुवण्णो पज्जलियपईवे वासभवणपल्लंके । समागया निट्ठा । दिट्ठो य पुव्ववेरिय-भयंगमेण । पज्जलियकोवानलेण इक्को पट्टि-पएसे । ‘इक्को इक्को’ त्ति उच्छलि-ओ कोलाहलो । मिलिया सुहिया सयणाइया । समाहूया तेहिं गाहडिया । न जाओ को वि विसेसो । पेच्छताणं चैव उवरओ सिरिदत्तो । मरिऊण समुप्पण्णो तम्मि चैव नयरे विलासराइणो रइसुंदरीए देवीए कुच्छिसि पुत्तत्ताए । दिट्ठो तीए चैव रयणीए मुमिणयम्मि मालइकुसु[म]मालाए कओ नियसिरे सेहरो । तक्खणा चैव गंतूण साहिओ दइ[अ]-स्स तेण वि समासासिया पुत्तजम्म-लंभेण । सुहं सुहेण गभं वहमाणीए बोलीणा नव मासा अद्धट्टमा राइदिया । तओ सुहवासेरे पडिपुण्णचोदसीए सुहगह-निरिक्खिए लगे पसूया रइसुंदरी[ए] सुकुमाल-पाणि-पायं दारयं । कारिओ राइणा महामहुसवो । मासावसाणे पट्टावियं नामं मुमिण-वंसणाणुसारेण कुसुमसेहरो त्ति । कमेण जाओ अट्टवारिसिओ । समप्पिओ लेहायरियस्स अचिरादेव जाओ सव्वकलावियक्खणो । संपूइऊण विमज्जिओ उवज्जाओ । महया पयत्तेण आलिज्जमाणो पत्तो मयलजणमलाहणिज्जं जोव्वणं ।

इओ य विजयखेड-नयरे जयमंगलराइणो जयसुंदरी नाम दारिया पत्त-जोव्वणा वरिज्जमाणी संजायाणुरायेण वंतरेण वारिया मह परिगहे एमा न कस्स वि । समाहूया अपणेगे मंत-तंत-वियाणया । नोवसामिओ केणा वि वंतरो । सुओ एस वृत्तंतो कण्ण-परंपराए कुसुमसेहरेण । समुप्पण्णकोऊहलेण देस-वंसणनिमित्तं विण्णत्तो जणओ । हरिसवम-विसप्पमाण-भागसेण समणुण्णाओ तेण चउरंग-ब्रल-समेओ निग्गओ कुसुमसेहरकुमारी । कमेण पडिच्छंतो गामागर-नगरेसु विणयावणय-जणपणामं, माफहजण-जणिय-जयजथाराव-बहिरिय-दियंतरो, दियंतरविसप्यंत-कित्ति-पब्भार-भरिय-वंभंडलयमंडलं निभालितो, पत्तो सुवेल-पव्वय-समासण्णदेसं । रम्मयाए पएसस्स कारियमुप्पयाणकं कइवयसहाय-पहिओ हत्थि-खंधमारुद्धो पव्वय-नियंब-समासण्णगिरिसिरियापरिसरेसु परियडिउमारडो । कोऊहलाउरिज्जमाणमाणसो उत्तिण्णो करिवराओ । इओ तओ निभालयंतो पत्तो एगं वंस-कुंडिगि । दिट्ठो तत्थेगो अग्गि कुंड-समासण्णोवविट्ठो ईसि फुरंतउट्टउडो अंतरंतरादीहदीहे हुंकारे, मुयंतो अपक्कबिल्लेहि अग्गि हुणंतो मंत-साहणुज्जुओ एगो जोगिओ । गओ तस्स समीवे कुसुमसेहरो ।

एत्थंतरे सिद्धा तस्स सब्बसमीहियत्थसाहिष्सा जक्खणी । तुट्ठो जोगिओ भणिओ य तेण कुमारो—“महाभाग ! पच्चक्ख-पुण्ण-मुंजो व्व को तुमं ? तुहाणुभावो एस जम्मे जक्खणी सिद्धा । जओ मे सत्तमो एस वासरो साहितस्स न उण दंसणं दिण्णं तुह सन्निज्जेण ङ्गत्ति सिद्धा ।” कुमारेण भणियं—“भणसु जं अम्हारिसज्जेण सिज्जइ ?” जोगिणा भणियं—“गिण्हसु इमं पडियसिद्धं भूय-पिसाय-वसीकरणमंतं ।” कुमारेण वि ‘जमाइसइ भयवं’ ति भणिऊण गहिओ मंतो । गओ सट्ठणं जोगिओ । कुमारो वि ससिच्चिरं समागओ ।

कमेण हिडंतो गओ विजयबेडसमा[स]ण्णदेसे महारायपुत्तो सविहमागओ त्ति मण्णभाणेण निमंतिओ जयमंगल-राइणा । गओ कुमारो । भोयाविऊण सायरं उवयरिओ पवरवत्थाहरणाईहि । पारद्धा परोप्परं संकहा । कुमारेण भणियं—“कुसलं तुम्ह रज्जे ?” तेण भणियं—“कुसलं सवत्थ मोत्तूण दुहिया-दुक्खं । कहिओ सब्बो वि वइयरो कुमारस्स । तेण भणियं—“अत्थि ताव मह मंतो जइ भणह तो पउंजामि । कज्जसिद्धीए देव्वो पमाणं ।” राइणा भणियं—“जइ एयं कज्जं सिज्जइ ता सहलभागमणं भवओ वि भवइ ।” कुमारेण वि काराविऊण मंडलं आणाविया दारिया निवेसिया मंडले पुव्वाभिमुही । धरिया धारणा । सुमरिओ मंतो । अवयरिओ वाणमंतरो जयसुंदरीसरीरे काऊण करयलंजलि सविणयं जंपियमणेण—“कुमार ! किकरे सया समाएसकारिणि किमेहहमेत्तसंरंभेण ?” कुमारेण भणियं—“जइ एवं तो मोवकलीकरेसु सत्तमेयं ।” वंतरेण भणियं—“कयमेव एयं । अण्णं किपि भणेसु जं मए कायव्वं ।” कुमारेण भणियं—“न मज्झ किपि अण्णं करणिज्जं अत्थि ।” वंतरेण भणियं—“जइ एवं तहा वि गिण्हसु एयं मुद्दारयणं, इमिणा करंगुलि-गएण महाहवेसु वि अजेओ भविस्ससि । इमं च रामायण-मणमोहणं सोहणं सुंदराभिहाण-हारयणं । एयं कंठे काऊण समवलोइयाओ मोत्तूण माणमं वसे वट्टंति नारीओ । तहा धावर-जंगम-विसावहार-कारणं इमं च मणि-रयणं ।” कुमारेण भणियं—“महाभाग ! अलं मज्झुवयारेण ?” वंतरेण भणियं—“न एस तुज्जोवयारो । अप्पणो चेव पओयणमेयं ।” कुमारेण भणियं—“कहं ?” तेण भणियं—“पुच्छिओ मे विमलालोओ केवली—‘भयवं ! केवइयं मे आऊयं धरइ ?’ केवलिणा भणियं—“छम्मासे” । जाव पुणो पुच्छियं—“भयवं कहिं मह उववाओ ?” भय-वया भणियं—“कुसुमसेहररायभवणे ।” मए भणियं—“कहं सो मए नायव्वो ।” केवलिणा भणियं—“जयमंगलराय-दुहिय-जयसुंदरि तए अहिद्धियं अण्णवाइय-परिच्चत्तं नियमंत-सत्तीए जो मोयावेहि सो चेव कुसुमसेहरो नायव्वो । दट्ठण तुमं आनंदभर-निब्भरं वियसियं मे माणसं । अमिएण व सित्तं लोयण-जुयलं । अओ परं नासओ व्व गहियव्वाणिह भोयेण । न अण्णा गई “त्ति उवरोहसीलयाए गहियाणि तेण । गओ वाणमंतरो तुट्ठो जयमंगल-निवो । पुच्छाविऊण जयसेहरनिवं दिण्णा जयसुंदरी कुसुमसेहरस्स । वित्तो महामहसवेण विवाहो । धरिओ तत्थेव कइवयदिणाणि राइणा । पच्छा पडिपुण्णं काऊण वत्थाहरण-हिरण्ण-सुवण्णाईहि दुहियरं पेसिओ कुमरो । कइवयपयाणएहि पत्तो अहिमुहं नाम नयरि । आवासिओ बाहिरियाए ।

एत्थंतरे ‘हा ! मुट्ठा मुट्ठ’ ति धावह धावह’ ति उट्ठिओ धीजणकोलाहलो । सण्णहिऊण नियसामग्गियाए धाविओ अहिमुह-नयरहिवो । थेव सामग्गिओ अहं ति कलिऊण गओ कुमर-समीवं । पणय-पुरस्सरं पुच्छिओ कुमारो तेण—“महाभाग ! हेमसुंदरी नाम मह धूया । मग्गिया अणेगहा अरिदमणसुएण सत्तुंजएण । न दिण्णा मए तस्स । तओ पओसमावण्णो ठिओ एत्थियं कालं । अज्ज पुण नयरबाहिरज्जाणे कामदेव-पडिमं पूइऊण पडिनियत्ता महया चड-गरेणागंतूण मह माणं मलिऊण बला सा तेण गहिया बालिया । करेसु मे असहायस्स सहायत्तणं । ‘एवं हवउ’ ति भणिऊण लग्गो भाणेण कुसुमसेहरो । थेवंतरगयस्स मिलियं सत्तुंजय-बलस्म कुसुमसेहरबलं । गंगाजलं व जलहिणा रुद्धंतसत्तुंजय-बलेण तओ—

गज्जंत मत्तगयघडं गुरुपहरभिण्णवरभडं, वज्जंत समरतूरयं निवडंत सत्थपूरयं, ।

हिंसंत तुरयसंचयं उधुट्ठुपुव्वपरिसयं, मुच्चंत सहि-नाययं समावडियं दोण्ह वि बलाण महाभंडणं ॥२२३॥

तम्मि य खलयणरिद्धीओ इव असुहाओ । परभयजणणीओ य निवडंति तिक्खभल्लीओ ॥२२४॥

दुज्जण-जण-संलावा इव पर-मम्म-वेहिणो, लोहमया य निवडंति नाराया, जम-महिस-सिग-तुल्लाओ निवडंति गयाओ, महासणिसन्निहा वियंभंति मोगगरा, अद्धयंदच्छिणाणि उप्पाय-ससि-मंडलाणीव पडंति नराहिवसिरेहंतो सियायवत्ताणि । निसियासि-कुंत-पट्टिस-पहरणपहारेहि जज्जरिज्जंता अगणिता मरण-भयं दुक्कंति भरेण भड-निवहा ।

एत्थंतरे भग्गं कुसुमसेहुर-बलं । लद्धजएण भणिओ सत्तुजएण कुसुमसेहरो—“अरे ! परपओयणो मा तुमं मम कोवानल-जालावलीए पयंगत्तणं पडिवज्जसु ।” कुसुमसेहरो करे काऊण तं वंतरविदिण्णं मुट्टा-रयणं पडिभणिउ-माढत्तो—

मोत्तूण खत्त-धम्मं अणज्ज-कज्जं अणज्ज कुव्वंतो । अप्पपसंसं परनिदणं च पयडं पयासितो ॥२२५॥
चोरो व्व गुरु अदिण्णं कण्णारयणं बला वि गिण्हंतो । नए तमंधयारे पाव-फलं पाव ! पाविहिसि ॥२२६॥
तं सुणिय सुहपसुत्तो विघट्टिओ विसहरो व्व दुप्पेच्छो । दट्टो ट्टु भिउडिभीमो सहसा सत्तुजओ जाओ ॥२२७॥
उब्भड-पिसंडि-मंडियपयंडकोडंडमुक्ककंडेहि । संवरिसिउं पयत्तो घणो व्व घणवारिघाराहि ॥२२८॥
छिदइ छत्तं पाडेइ धयवडं हणइ सारहि रुट्टो । हिसइ तुरए तुट्टो सीहनिनायं अह करेइ ॥२२९॥
करविहिय-खगरयणो गंतुं सत्तुजयस्स पासम्मि । पभणइ कुमरो कुद्धो दिट्ठो तं अज्ज कालेण ॥२३०॥
जो काऊण अकज्जं परितम्मसि नेय पोरुसं वहसि । अहवा विणासकाले होइ फलं वंस-विडवस्स ॥२३१॥
पुरिसो हवसु इयाणि जइ सच्च-सुहड-वायमुव्वहसि । एवं भणंतेण हओ खग्गेणं उत्तमंगम्मि ॥२३२॥
पंचत्तं संपत्ते अरिदमणनरिद-नंदणे तम्मि । सामिविहीणं सेण्णं पलाइउं संपलग्गं तं ॥२३३॥

तओ तयणुमगलमं निवारियं नियबलं कुसुमसेहरेण । गहिया हेमसुंदरी । समप्पिया अहिमुह-राइणो । हरिस-वस-निब्भरो पविट्ठो नयरिं सह कुमारेण अहिमुहो । भोयाविऊण परमायरेण काऊण वत्थ-तंबोलाइणा पडिवत्तीं भणिओ तेण कुमरो—“माणसमुद्धरेण परमोवयारी मह तुमं । दायव्वा अण्णस्स वि कण्णया । साणुराया य हेमसुंदरी तुमम्मि । ता तए मह पत्थणं सहलं कारंतेण परणेयव्वा ।” कुमारेण भणियं—“तुमं चैव एत्थ पमाणं ।” तओ पसत्थ-वासरे काराविओ पाणिगहणं । धरिओ कइवयदिणाणि अहिमुहराइणा । सम्माणिऊण पवरवत्थाहरणाइणा, दाऊण दुहियाए पजरमाहरण-वत्थ-दासी-दासाइयं विसज्जिओ कुमरो । थोवदिणेहि पत्तो राढाविसयसारं विससपुरं नाम पुरवरं । आवा-सिओ नयरबाहिरियाए ।

तत्थ य राढाहिवस्स सुया पियंगुसुंदरी नाम संपत्त-जोव्वणा कयण्हाण-विलेवणाए पवरवत्थाहरण-विभूसिया जणय-पायवडणत्थं जणणीए पेसिया । दट्ठूण रूव-संपयं परितुट्ठेण राइणा विइण्णो सयंवरामंडवो । मिलिया तत्थ पउरा नराहिवसुया । न रंजिया केण वि पियंगुसुंदरी । पुणो वि जहागयं गया नरवइतणया । संवरिओ सयंवरामंडवो । सच्चिताणि जायाणि जण्णि-जणयाणि । सुओ एस वइयरो कुसुमसेहरेण । वंतरविदिण्णं सोहग्गसुंदरं हार-रयणं गले अवलंबिऊण पविट्ठो नयरमज्जे । तओ संबुद्धो सव्वो नयर-नारी-जणो अमयं व नयणंजलीहि पिवंतो कुसुमसेहुर-कुमारं पेच्छिउं पयत्तो । मग्गानुलग्ग-रामा-यण-पसंसिज्जमाणरूव-सोहग्गाइ गुणगणो गओ राय-पहासण-कण्णंतेउर-गोउरं । दिट्ठो मत्तालंबनिसण्णाए वि पियंगुसुंदरीए । दंसणमेत्तेण वि गया मयणसरगोयरं । वियंभिया अरई । परिचत्तं भोयणाहरणं तंबोलाइयं । परमजोगिणि व्व काणण-गया परम-पुरिसं कुमारमेव मणोगयं चितियंती चिट्टइ । सुणिय मयण-वियाराए साहियं सूहवीयाभिहाणाए दासचेडीए जण्णि-जणयाण । जहा—‘दट्ठूण कुसुमसेहुरकुमारं कुसुमसरगोयरं गया ।’ तेहि भणियं—“ठाणे अणुराओ । मेहरहियनिसा[यरेण विना न सोहइ रयणी] सयमेव गंतूण कडग-सन्नियेसं सबहुमाणं निर्मत्तिओ राइणा कुमरो । पडिवण्णमणेण । पारढा भोयण-सामग्गी । सद्दाविऊण भणिया सूहविया—“पुच्छसु गंतूण वच्चं पियंगुसुंदरि—‘जइ तुइ अभिरमइ चित्तं तो उण्णय-रायवंससंभवो रूव-सोहग्गाइगुण-गणरंजिय-नयर-नारीजणे

कीरइ तुह वरो कुसुमसेहरकुमारो ।” तीए वि तहेव मंतुण पुच्छिया । पियंगुसुंदरी वि तम्मि संजायाणुराया भणइ ‘जम्ममा-पियरो आणविति तत्थ सज्जो इमो जणो ।’ सूहवियाए सूइयं इमं सव्वं राइणो । समागओ भोयणवेलाए कुमारो । भोयाविऊण कयवत्थ-तंबोलाइउवयारो सुहिनिसणो भणिओ राइणा—“वच्छ ! करेसु मह धूया पियंगु-सुंदरीए, पाणिग्गहणं जेण साणुबंधो संबंधो हवइ ।” कुमारेण भणियं—“वत्थव्वमायत्तो पाहुणजणो भवइ । जमुच्चियं तं समाइसह । पउणो एस जणो ।” पसत्थदियहे परिणाविओ पियंगुसुंदरी । संपूइऊण वत्थाहरणाईहिं विसज्जिओ नराहिवेण कुमारो । चलिओ नियनयराभिमुहं । पत्तो चंडकुंडलं नाम नयरं । तत्थ य चंदुज्जलराइणो दुहियं चंदसिरि अहिणा दट्ठं मणिप्पभावेण जीवावेऊण परिणइ । तत्थ वि सम्माणिऊण विसज्जिओ । सुहपयाणएहिं वहतो पत्तो स-नयरं । पविट्ठो महाविभूईए । निवडिओ चलणेसु जणयस्स । आणंद-जल-भरिय-लोयणेण माढमुवगूढो पुच्छिओ य कुसलो-दंतं । भणियं कुमारेण—“सव्वत्थकुसलं गुरुजण-चलणाणुभावेण ।

तओ गओ जणणिसमीवं । पडिओ चलणेसु । “पुत्तय ! पुत्तमुहमचिरा पेक्खसु” त्ति भणंतीए कयत्थमत्ताणयं मण्णमाणीए सुयसिणेह-समागय-पण्हुयाए, निवेसिऊण उच्छंगदेसे पुणो पुणो चुंबिओ मुद्धाने जणणीए । अणुण्णाओ उट्टिऊण निसण्णो अंतरा अम्मा-पिऊण दोण्हविं विदिण्णसिहासणे ।

तओ मइसायरकंचुइणा अणुगम्ममाणाओ नरवइपायपुरओ चत्तारि वि बहूयाओ पडियाओ चलणेसु राइणो—“अविह्वाओ भवह” लढासीसाओ पणयाओ सासुयाए । तीए वि भणियं—“पुत्तवईओ होह !” तओ तुट्टमाणसेण सम-प्पिया चत्तारि पासाया बहूण राइणा । बोलीणा केइ वासरा ।

अण्णम्मि दिणे दिण्णा माउलेण पुप्फकेऊणा नियदुहिया कणयमंजरी । सम्माणिया राइणा करि-तुरंगाइणा सामंतामच्चाइणो संपूइया बंधु-जणा । वित्तो विवाहो । विसयमुहमणुहवंतस्स बोलीणाणि पंच संवच्छराणि । कुमारस्स समुप्पण्णा एककेककलत्तस्स दो-दो पुत्ता ।

अण्णया उवरओ राया । अभिसित्तो कुसुमसेहरो राय-पए काऊण भय-किच्चाणि पिउणो तमंतासेस-सामंत-वग्गो गुणाणुरायरत्त-जणवयजणो अणायाससिद्धाणेगमंडलो, सत्त-सोहग्गाइगुणगणविणिज्जियाखंडलो, जहा समीहियसंपज्जं-तासेसकज्जं रज्जमणुपालिऊमाढत्तो कुसुमसेहरनराहिबो । वियरइ तक्कुययणाण दविणजायं । न मुयंति पासं इंदजालिया । दंसिति मुहविणिग्गयाणि विविहाणि थाल-कच्चोलाईणि । रंजिज्जइ तेहिं राया । देइ दविणजायं ।

अण्णम्मि दिणे विण्णत्तो मंतिणा—“देव ! बालभूली-कीला समा इंदयालियाइकीला अलमिमाए महारायाणं तुम्हारिसाणं ।” राइणा भणियं—“जं ते रोयइ ।” तओ पडिसिद्धो मंतिणा इंदयालियाण राउल-पवेसो । अण्णया समागओ देसंतराओ संमोहणो नाम इंदजालिओ रायदंसणत्थं पविसंतो निवारिओ दोवारिएण । विलक्ख-वयणो पडिनियत्तो । मिलिओ वत्थव्वय-इंदया[लीया]ण । साहियं सहव । तेहिं भणियं—“अम्हे वि पवेसं न लभामो !” गओ सम्मोहणो मंतिभवणं । भणिओ मंति—“दूरदेसाओ देवदंसणत्थं अहं आगओ । तहा करेसु जहा संपज्जइ दंसणं ।” मंतिणा भणियं—“विणा पेक्खणणेण लब्भइ ।” पडिवण्णमणेणं । नीओ मंतिणा रायसमीवे । सम्मोहणो काऊण पणामं निसण्णो उच्चिय-पएसे । ठिओ किचि कालं गोट्ठीए । पच्छा पच्छण्णमेव विउव्वियं इंदजालं । दिट्ठो रण्णा गयणेण आगच्छमाणो समं विज्जाहरीए विज्जाहरो । पेक्खंतस्सेव राइणो पविट्ठो निज्जूहणेण । अब्भुट्टिओ राइणा । उवविट्ठो नरवइ-पुरओ । सदुक्खं जंपियमणेण—“भो महाराय ! वेरं मम सह अण्ण विज्जाहरेण अत्थि । अओ साहेज्ज निमित्तं आयारमुणिज्जंत-सप्पुरिस-चेट्टियं भवंतं किं पि पत्थेमि !” राइणा भणियं—“साहीणं भवइ जं मए सिज्जइ ।” विज्जाहरेण भणियं—“एसा मए निय पत्ती नासओ व्व तुह समप्पिया । जाव अहं तं वुरायारं वेरियं पराजिणिऊणागच्छामि ताव तए पयत्तेण रक्खियव्वा ।” राइणा भणियं—“थेवमिणं कज्जं ।” विज्जाहरेण भणियं—“इत्तियमेव मज्ज बहूणं । नाहमण्णस्स वीससेमि ।” पडिवण्णं राइणा । दाहिणकरगहियकयंतजीहाकराल-करवालो, वामहत्थट्टिय-विसाल-फलओ उप्पइओ विज्जाहरो गयणंगणे । गओ अट्टसणं । पत्ती से उवरिहुत्तं जोएइ । खणंतरेण बाहाविल-लोयणा विमुक्क-दीहुह-नीसासा

अहकरुण-सहेण रोविउं पयत्ता । पुच्छिया राइणा—“भदे ! कीस तुमं रोयसि ?” तीए भणियं—“मिलिओ अज्जउत्तो समं वेरिएण । पयट्टमाहणणं ।” राइणा भणियं—“भीरु न भाइयव्वं ।” थेव वेलाए निवडिया रहिरधारा । गहिऊण दाहिण-करंगुलि कओ भालयले तिलओ तीए । पच्छा निवडियाणि कर-चरणाईणि । निरुद्ध-सहं रुयभाणीए गहियाणि विज्जा-हरीए । कयाणि उच्छंणे । एयं दट्ठूण विसण्णो राया ।

तओ कसिण-सिणिद्ध-सिरोरुह-समाउलं राहु-बिबं व नहयलाओ निवडियं तीए पुरओ उत्तिमंगं । नयणसलिलेण महियलं सिचंतीए गहियं दोहि वि करेहि विज्जाहरीए । सदुक्खं रुयभाणीए दिण्णं वच्छ-थले । पुच्छिया राइणा—“भयणि ! कुसलं ते पिययमस्स ?” कर-चरण-सिराणि दंसयंतीए ‘एरिसं कुसलं’ ति जंपियमिमीए । राइणा भणियं—“भूमिगोयरो हं किमेत्थ करेमि ?” तीए भणियं—“न वीर-घरणीओ निरत्थय-पलावेण अत्ताणयं कयत्थं ति । सुलहो य मे पिययमेण सह समागमो जम्मंतरे वि । जइ सव्वं तुमं भाउओ ता करेसु मे भाऊय-करणज्जं ।” राइणा भणियं—“भण, कि कीरउ ?” तीए भणियं—“एरिसा अवत्था अज्जउत्तस्स । न सक्कुणोमि एयं पेच्छिउं । इहेव चियं करावेह जेण अवणेमि एयं सोयानलं जलण-पवेसेण । मिलेमि परलोय-गयस्स वि तस्स । दुक्खंसो मुहओ मए विणा तत्थ वि चिट्ठइ ।” राइणा चितियं—“इम्मि अवसरे इणसेव जुत्तं इमीए ।” काराविया चिया । तओ सा विज्जाहरकर-चरण-सिराणि उच्छंणे काऊण लोणपाले पणसिऊण सयमेव जलणं दाऊण आरुढा तं चियं । पज्जलिओ हुयासणो । दड्ढा थेव वेलाए जावज्जवि राया जलोवयारं न करेइ तावागओ विज्जाहरो । उल्ल-रहिर-सित्त-सयल-काओ उवविट्ठो नरवइपुरओ । भणियं च अणेण “पराइओ मए सो दुरायारो विज्जाहरो धम्मो पिययमा संरक्खणेण उवयारेण हिओ य तुमं । समप्पेसु संपयं नियभयणि” । अईवसंखोहेण विलीओ राया चित्तिउमाढत्तो—“नासावराह-दोस-दूसियं न सक्कुणोमि एमस्स अत्ताणयं दंसेउं । अहो ! मे निग्घिणत्तणं । अहो ! मे जहण्णत्तणं ! अहो मए अकज्जमणुट्ठियं” ति मण्णंती गओ सम्मोहं राया । निवडिओ सीहासणाओ । खणेण लद्धचेयणो उट्ठिओ ‘एसेव अवसरो’ ति कलिऊण वायाविया हुक्कलुक्किया इंदयालिण । राइणा चितियं—“अहो ! सव्वमेयमिदियालियं न सव्वभूयंति” तुट्ठो राया । कओ इंदया-लिओ अदरिहो । वेरग्गमग्गावडिएण पुणो वि चितियं—“जहेस केणावि हेऊणा तारिसो विज्जाहरो होऊण संपयं एरिसमवत्थंतरे पाविओ तथा संसारसमावण्णपाणिणो वि खणमित्तेण वि सुह-दुहभायणं भवति । अओ चेव चइऊण विसयसंगं उत्तमपुरिसा धम्ममायरंति । ता ममावि समुच्चियं किंचि धम्माणुट्ठाणं ; किंतु न नज्जइ किंपि अणुट्ठाणं कुणंताण परलोणो सुहो संपज्जइ” ति, संवेगभावणो जाव चिट्ठइ राया तावागंतूण विण्णत्तो पियंकराभिहाणपुरिसेण—“देव ! सहयारसुवरे उज्जाणे बहुसीसपरिवारो सोमायार-दंसणमुणिज्जमाणोवसमणुणो, भव-भीय-भव्व-सरण-चरण-करणे धम्मोवएसयो, ओहिनाणमुणियवत्थु-परमत्थो, हेमजसाभिहाणो सूरी समोसरिओ ।”

एयं मुणिय हरिसिय-माणसो दाऊण अंमलग्गमाभरणाइयं पियंकरस्स गओ सूरिसमीवं । वंदिया तिपयाहिणो काऊण सूरिणो । निसुया धम्मदेसणा । ठिया माणसे । लहिऊण अवसरं पुच्छिया सूरिणो—“भयवं ! केरिसं पुव्वभवे मए पुण्णं समज्जियं जरसेरिसो सव्वत्थसुहो परिणामो ?” भयवया भणियं—“महाराय ! पुराय पुव्वभवे सिरिदत्तो नाम तुमं तलवरो आसि । पूइओ तए सयवत्त-कु[सु]ममालाए पवड्ढमाण-सुहपरिणामेण भयवं तित्थयरो । तपुण्णाणु-भावेण एरिसो तुमं जाओ । एयं सुणिऊण सुमारियपुव्वभव-वइयरो. संजायसव्वविरइ-परिणामो, दाऊण दीणाणाहण दाणं, पूइऊण भगवं तित्थयरे परित्तोसिऊण साहुणो तथा दाऊण रज्जं जयमंजरी-तणयस्स पुप्फसाराभिहाणस्स पुव्वभववंतर-जीवस्स समप्पिऊण हाररयणाणि तस्स पव्वइओ महाविभूईए हेमजससूरिसमीवे कुसुमसेहरराया । अहिज्जिऊण विहि-पुव्वं अंगीवंगाइसुयं, तव-चरण-पुरस्सरं परिपालिऊण सामण्णपरियायं, काऊण संसेहणं, समाहिपत्तो चइऊण पूइ-देह-पंजरं, उववण्णो माहिदकप्पे सत्तसागरोवमाऊ महिडिइय-सुरवरो । सुहपरंपराए पंचमभवे निव्वाणं गमिस्सइ ति ।

तम्हा सुगंधसयवत्तमालइउप्पल-कुंदमाइहि । जिण-पूया कायव्वा पुप्फेहि बहुण्यारेहि ॥२३४॥

संपयं गंधपूयाए फलं भण्णइ—

अत्थि इहेव भारहे वासे पोलासं नाम नयरं । सोमदेवो नाम तत्थ माहणो । सोमसिरी तस्स भारिया । सोमो नाम ताण पुत्तो । भणिज्जमाणो वि पिऊणा न करेइ वेय-पदणाइयं, न सीलेइ संज्ञावदणं, नायरइ बंभण-समायारं, लज्जइ कल्लाणमित्त-संगमेणं, तूसइ दुट्ठवठसंसग्गेण, जूयविसणे सत्तो कालं गमेइ ।

अण्णया मरणपज्जवसाणयाए जीव-लोगस्स उवरओ से पिया । जाओ सोमो घरसामिओ । कइवयदिणेहि विणासियं दविणजायं । न सिज्जंति समीहियाणि । न गणिज्जइ जणे । किं बहुणा ? उदरभरणं पि न संपज्जइ । तओ सिक्खविओ पियमित्तेण गंधियवणिणा गंधजुत्ती । गहिओ गंधियावणो । विकिणइ गंधधूयाइयं । जम्मंतरकया-सुभ-परिणामवसेण न जायइ तहाविहो लाभो । विहलव[व]साओ विसायमावण्णो चिट्ठइ ।

अण्णया गओ उज्जाणं । दिट्ठो तत्थ दमसारो नाम मुणिवरो । धम्मं कहितो लोथाण वदिओ सोमेण । एयम्मि अवसरे धम्मदेसणं कुणत्तेण भणियं दमसारेण—

होइ सुगंधो गंधो भव्वस्स भवंतरे सरीरस्स । जो जिणविबं गंधेहि पूयए भत्ति-संजुत्तो ॥२३५॥

एत्थंतरे उवसंह[रि]या भयवया धम्मदेसणा । गया सट्ठाणं लोमा । सोमेण वि नयरं पविसमाणेण दिट्ठो जिणभवणे कल्लाण-महूसवो । पविट्ठो तयभंतरे दट्ठूण प्हाणावसाणकयपूयं जिण-विबं । समुल्लसियभावेणं गंतू-णावणं आणीया गंध-पुडिया । पूइया परमभत्तीए पारमयपडिमा । मज्झिम-गुण-जोगओ निबद्धं भोगपहाणं मणुयाउत्थं । वदिऊण देवं नियधरं गओ । अइवकंतो कोइ कालो ।

अण्णया अहाउयक्खएण मरिऊण उववण्णो सोमांधिया नयरीए नरदेवसेट्ठिणो नरसुंदरीभारियाए कुच्छिसि पुत्ताए । विट्ठो य णाए तीए चेव रयणीए सिविणयम्मि कप्पूर-अगरु-कुंकुम-मलयसार-मिय-मय-सम्मिस्स-सुगंध-तरिय-कलसो वयणेण उदरं पविसमाणो ति सुहविबुद्धाए जहाविहि साहिओ सेट्ठिणो । भणियं अणेण—“सुंदरी ! महापहावो ते पुत्तो भविस्सइ ।” पडिसुयं इमीए । अइवकंता तिण्णिमासा गम्भाणुभावेण य जाओ तीए डोहलो—“जइ सुगंध-गंधेहि वासेमि अत्ताणयं । देमि दीणा[णा]हाण दाणं । पूएमि गुरुदेवयाइ । संपाडिओ जहासत्तीए सेट्ठिणा । उच्चिय-समए पसूया एसा । जाओ सुगंधगंधेण भवणभंतरे भरितो दारओ । विमिह्या जणणि-जणगा लोगो य । कयं उच्चिय-करणज्जं । मासावसाणे य कयं दारगस्स गुणनिष्कणं नामं गंधिलो ति । वडिडओ देहोवचएणं कलाकलावेण य । परिणाविओ तत्थेव वत्थव्वगस्स ईसाण-सेट्ठिणो धूयं मयणमंजरी नाम । अईववल्लहो जणणि-जणयाण सम्मओ सयल-लोयाण देव-गुरु-भत्ति-परायणो मयणमंजरीए समं सिणेहसारं, विसय-सुहमणुहवतो कालं गमेइ ।

अण्णया समागओ तत्थ नडो । पारद्धं गंधिल-समीचे पेक्खणयं । तओ वसुमंत-सेट्ठिसुयसारण-पुरिसेण भणिओ नडो—“अरे ! सारण ! महसमीचे नियविण्णाणं पयडेसु जमेस दाही ।” नडेण भणियं—“एवं हवउ ।” उवसंहरिया पेच्छा-अहिमाणरुडेण जंपियं गंधिलेण—“न गंतव्वं तए । अहं तओ दुगुणयरं वियरिस्सामि ।” एवं परोप्परंसू असूया समारुद्धाण ताव वडिडओ विराओ । जाओ विलक्खिओ सारणो । काराविया पेच्छा गंधिलेण । दिण्णा दोण्णि लक्खाणि तस्स । नुट्ठो सो गओ सट्ठाणं । सेट्ठि सुओ वि गओ स-घरे । मुणियवुत्ततेण उवालद्धो जणए—“अरे ! अत्थोवज्जणकिलेसायाणुय, कि निमित्तं तए दोण्हं लक्खाण परिक्खओ कओ । ‘न जाणइ वंज्ञा पसववेयणं’ सच्चवियं भवया जण-वयणं । कि बहुणा पुत्तच्छलेण वेरिओ तुमं मम ओ एवं धण-विणासं करेसि । अवसर दिट्ठि-पहाओ । न पुणो वि मे दंसणं दायव्वं जाव न यो लक्खा पवेसिया ।” विलक्ख-वयणो काऊण पणामं गओ गंधिलो । माण-सेल-सिहर-समासुवस्स अकय-पाणभोय[ण]-स्स बोलीणो वासरो । समागया रयणी । ठिओ वास-भवण-पल्लंके । विहाण-वयणो दिट्ठो मयणमंजरीए । “अज्जउत्त ! कि निमित्तं दवग्गिदड्ढपायवो[व]विक्खाओ लक्खीयसि ?” तेण भणियं—“पिए ! न रहस्सट्ठाणं महिलाओ हवति । परं न तुमं महिलामेत्तं । अओ रहस्सं पि साहिज्जइ । अवसाणिओ हं जणएण । नत्थि इहेव संतस्स मे चित्तनिव्वुई ।

असणाइगहनं पि इओ निग्गएण कायव्वं । तुभं पि पिए ! पच्छओ तथा वट्टेज्जसु जहा न दंसिज्जसि केणावि अंगु-
लीए । पढमपाउस-जलपूर-पूरिय-सरिय व्व मा मइलेज्जसु उभयपक्खं । करेज्जसु सव्वहा सीलरक्खणं । मा ह्वेज्जसु
उप्पह-पयट्ट-दुहंतेंदिय-तुरिय-तुरय-वसो-वत्तिणी । कि बहुणा ? जमुच्चियं विवेगस्स, कित्तिकारयं नियकुलस्स विद्धिकारयं
सयणुठाणस्स उभयलोग-सुहावहं एंगेण, तं तए चेट्ठियव्वं” ति भणिऊण उट्ठिओ पल्लंकाओ तयाणु मयणमंजरी वि ।
तेण भणियं—“पिए ! विसमाणि देसंतराणि । दुग्गमे थ मग्गा । सुकुमारसरीरा तुमं पि । विरमसु इमाओ साहसाओ”
तीए भणियं—“अज्जउत्त ! जइ एधं जाणसि तो कीम पहिओ व्व सहसा विणिग्गओ ?” तेण भणियं—“सुंदरि !
किं न सुयं तए ।”

हसह भरवरु तिण समउं, जाहि विप्पिउ दिक्खंति । वग पुण छिल्लर-पाणिए वि, विप्पिय-सइं सहंति ॥२३६॥

मयणमंजरीए भणियं—“अज्जउत्तो ! पमाणं । इमो पुण जणो निय-छाय व्व न कत्थ वि मोत्तव्वो अज्जउत्तेण ।”
तओ रयणि-पढमजामोवगमे अकहितो चेव निग्गओ समं मयणमंजरीए । चलिओ दक्खिणाहुत्तं । रयणिपहरदुगेण
गयाणि जोयणत्तिगं । परिस्संता मयणमंजरी । मोत्तूण मग्गं नुवण्णाणि वडपायव-हेट्ठओ । समागया निदा ।

एत्थंतरे विमाणारुढो समं पिययमाए आगओ तं पएसं रइविलासो नाम विज्जाहरो । “काणि इमाणि ? कि
निमित्तं वा रयणीए दुट्ठसावय-समाउलाए सुण्णाडवीए वुत्थाणि ।” तेण वि सव्वं साहियं ठियं विज्जाहरीए । तीए
भणियं—“अज्जउत्त ! अत्थि एयाण संबलं ?” तेण भणियं—“नत्थि ।” तीए भणियं—“अज्जउत्त ! करेसु विहलुद्धरणं ।
अंगीकरेसु सुपुरिस-चेट्ठियं ।” अबगणिऊण तीए वयणं चलिओ विज्जाहरो । रुट्ठा विज्जाहरी । आलवंतस्स न देइ पडि-
वयणं विज्जाहरस्स । पुणो पुणो ससिणेहं भासिज्जमाणीए दीहुणह-नीसासे मुंचमाणीए जंपियमिमाए—

उयरं भरेइ काओ वि कहवि भमिऊण दिवस मज्झम्मि । विहलुद्धरण-भर-सहा विरलच्चिय केइ सप्पुरिसा ॥
किंच—

अवलंबिया तिणा वि हु वुड्ढतिण विहलमुद्धरंति व्व ।

विहलुद्धरणेण न हु तिण समा वि जे ताण कि भणिमो ॥२३८॥

“जइ एयं पि मह पत्थणं न करेसि तो अलं मे तुह घरवासेण ?” विज्जाहरेण भणियं—“जइ एस ते निब्बंधो
तो भणसु किमिमाण पियं करेमि ?” तीए भणियं—“तहा करेसु जहा जलंजलि वेति दालिदस्स । ‘एवं भवउ’ ति
भणिऊण आणीयं तेपोसहिवलयं । लिहियं पत्तयं “सलिलेण घसिऊण ओसहिवलयमेयं एएण अंजियक्खो सयलनिहाणाणि
करयलमयाणीव पेक्खइ पुरिसो ।” वत्थंचले बंधिऊण गंधिलस्स पसण्णपिययमाए सद्धि गओ विज्जाहरो । पभाए विबुद्धो
सहमयणमंजरीए सेट्ठिसुओ । लग्गाणि मग्गे गंतुं पयट्टाणि । मज्झण्हसमए संपत्ताणि वसंतउरसमासण्णं तरंग-रंगंत-हंस-
चक्कवाय-मिहुण-सय-सोहियं, गंधलुद्ध-भिलंत-रुणुणु-रुणित-भमर-नियरुद्ध-नमंत-पत्त-पउम-संडमंडियं, महासरोवरमेगं
ति । तत्थ काऊण मज्जणं, पाऊण पाणियं, गहिऊण नलिणीदलाणि उत्तिण्णाणि सरोवराओ । तप्पालि-पइट्ठिय-
पत्तल-सहयारतले नलिणीदल-सत्थरे निसण्णाणि ।

एत्थंतरे दिट्ठो गंधिलेण वत्थंचले गंठी मयणमंजरीए करे घेतूण पुच्छिओ—“अज्जउत्त ! किमेयं ?” तेण
भणियं—“सुंदरि ! अहं पि न याणामि ।” छोडिओ गंठी । दिट्ठं ओसहिवलय-सहियं पत्तयं । वाइयं गंधिलेण । मुणिय-
भावत्थेण भणिया मयणमंजरी—“पिए ! पणामेसु नलिणी-दल-पुडएण पाणियं उवलखंडं चं एयमवि । संपाडियमिमीए
तेण वि घसिऊण कयमक्खीणमंजणं । इओ तओ पालिपरिसरे परियडंतेण दिट्ठं निहाण-ठाणं ईसी० तेण पसां
कोडी-सुवण्णस्स । गहिऊण थेव सुवण्णयं सेसं तत्थेव ठइऊण समागओ सहयारं । कहिओ जह्णुओ सव्वो वि वइयरो
मयणमंजरीए । परितुट्ठा एसा । पविट्ठा पट्टणं । गहियं धवलहरमेयं । संगहियं सेसं पि निहाणसुवण्णयं । ठियाणि
तत्थेव पेसियं लक्खदुगं पिउणो । विण्णाय वुत्तंते समागओ तत्थेव पिया । पणयपुरस्सरं नीयमाणो वि तेण न गओ

गंधिलो । पिया तत्थेव ठिओ । माथा वि तत्थेवागया । ओसहिवलय-माहप्पेण लद्धाणि नाणाविहाणि णिहाणाणि । उब्भियओ घरोवरि बत्तीसं कोडिपयागाओ । मयमत्तकरिवरो व्व दीणाणाहतक्कुयाण दाणं दितो न विरमइ गंधिलस्स दाहिनकरो । असाहारण-चायगुणावज्जिओ सव्वो वि गामागरनगर-जणवय-जणो गुणगाही जाओ गंधिलस्स । जओ—

सव्वु वि लोउ तडप्फडइ वडुत्तणह कएण । वडुत्तणु पुणु पावियइ हत्थि मोक्कलएण ॥२३९॥

एवं च सयलजणसत्ताहणिज्जं तिवग्गमारं विसयसुहमणुहवंतस्स वच्चंति वासरा । समुप्पणा मयणमंजरीए दोष्णि पुत्ता ।

अणम्मि दिणे वासभवणपल्लके समं मयणमंजरीए जह्मामुहं कीलिऊण सुत्तो गंधिलो । सणियं उट्टिया मयणमंजरी । उग्घाडियं वासभुवणादारं । सोऊण पयसंचारं विबुद्धो गंधिलो । विम्हियमाणसो अलक्खिओ चेव निग्गओ तयणुमग्गेण । गया सा उट्टु-उड-घिण्णिग्गय-विसम-दसणावलीवियराल-वयणस्स, बुल्लय-त्रिवर-वियडरंधिचिचिड-नासा वंसस्स, सुप्पसमाणसवणजुयलस्स, पुडिय-कविल-कक्कसासणिद्धकेसकलियस्स, गय-नयण-करह-कंधरस्स, विणिग्गय-ककुह-लंबोयरस्स, तुंदिलाभिहाणस्स घरदासस्स समीवे । संवसिया तेण सह । एयं दट्टूण वडिद्धय-विसाओ वलिऊण तुवण्णो पल्लके गंधिलो । थेववेलाए समागया मयणमंजरी वि । ठिओ मुत्तावेडुएण । पभाया रयणी । कय-मोमकिच्चो विसय-विसावेग-विहुरियमाणसो विसयासेवणपरम्महो संवेगमावण्णो वि चित्तिउमाढत्तो—

हंसेण समं रमिऊण कमलिणी रमइ महुरेणा वि । सियकसिणनिव्विसेसाइ होति महिलाण हिययाइ ॥२४०॥ न गणइ कुलाभिमाणं न य इहलोयं न यावि परलोयं । नियकुल-कलंककारी नारी चल्लंतिया मारी ॥२४१॥ नारी अयसनिवासो कयडकुहेडाण मंदिरं नारी । नारी नरयमहापुरपायडपयवी विणिहिट्ठा ॥२४२॥ महिला अलीअकुलहरं महिला लोयम्मि दुच्चरिय-खेत्तं । महिला वेर-महीरुह-महल्लमूलं महीवेडे ॥२४३॥ मुहमहुरा परिणइदारुणा य दीसंत सुंदरामहिला । क्पागफल-सरिच्छा महिला मूलं अणत्थाण ॥२४४॥ महिलासत्ता पुरिसा अम्मा-पियरं गणति तिणतुल्लं । अहह हयासा महिला मूलस्स वि कित्तए अप्पा ॥२४५॥ कंदररहिया वग्घी विसुइया भोयणं विणा महिला । पंके विणा कलंको महिला व[य]णिज्जसयखाणी ॥ महिला सोय विरहिया अरज्जुयं बंधणं जए महिला । खणरत्त-खण विरत्ता हरिद-रागोवमा महिला ॥२४६॥ करिकण-चवल-चित्ता कयंत चित्तं व निग्घिणा महिला । महिला सच्चविहीणा अणवभ-वज्जासणी महिला ॥

अहो ! इमीए पावाए अकज्जमायरंतीए सच्चविओ लोयप्पवाओ—

अपात्रे रमते नारी गिरौ वर्षति माधवः । नीचमाश्रयते लक्ष्मी प्राज्ञः प्रायेण निधनः ॥२५०॥

एवंविहचिताउलो जाव अच्छइ गंधिलो ताव पेक्खइ पुव्वपोलिदुवारेण निग्गच्छंतं नयरजणसमूहं । तओ पुच्छिओ अणेण समासण-पुरिसो—“कहि एस पुरलोगो पत्थिओ ?” सुनिरुवियं काऊण साहियं तेण—“सामि ! नंद-गुज्जाणे बहुजण-जणिय-विम्हया, संसार-भय-भीय-भक्वजण-सरण-दायगा, करुणामयमहोवहिणो, मत्तरसविह-संजम-सालिणो, अट्ट-रुह-ज्जाण-विज्जिया, असुह-ति-दंडविरया, चउक्कसायनिम्महणा, पंचिदिय-निग्गहपरा, छज्जीव-निकाय-वच्छला, मत्तभयट्टाणविप्पमुक्का, अट्टमय-ट्टाणरहिया, नव-बंधेर-गुत्तिसणाह-बंधेर-परिपालणपच्छला, दसविहसमण-धम्माणुट्टाणपरायणा, एककारसोवासण-पडिमापयासगा, दुवालसविह-तवाचारचरण-चउरा, तेरसकिरिया-ट्टाणठायागा, चोदसपुव्व-पारगा, पण्णरस-कम्मभूमिपरुवगा, सोलस-विज्जादेविकयसण्णेज्जा, मत्तरसविहासंजम-दुगुंछया, अट्टारससीलंगसहस्सधारिणो, धम्मधुराधरणधारेयकंधरा, बहुसीस-संध-परिवुडा, रुव-गुणविणिज्जिय-मयरद्वया, पढमजोव्वणे वट्टमाणा अमरसुंदराभिहाणा सूरिणो समोसरिया ।” एवं सुणिऊण परमसवेगमावण्णो गओ सूरि-समीवं । गंधिलेण वि पयाहिणा काऊण वंदिया सूरिणो । निसण्णो समुचियासणे । पारद्धा भगवया धम्मदेसणा ।

लङ्कावसरेण जंपियं गंधिलेण—“भयघं ! असाहरणरूबाह्गुणस्स परम-संपया-सूयग-लक्खण-लंछिय-सयल-सरीरावय-वस्स, रमणी-मणहरण-पवण-पढमजोव्वणे वट्टमाणस्स वि किं ते निव्वेयकारणं ?” सूरिणा भणियं—

जम्म-जरा-मरणपउरो अणेगदुक्खाण एस आवासो । संसारोच्चिय निव्वेयकारणं तत्थ पुरिसाण ॥२५१॥

विभेम-कारणं पुण इमं ।

अत्थि इहेव भारहेवासे विसालउलं नाम नयरं । दिउलजसो राया । कमलावई से देवी । ताण सुओ अमर-सुंदरो नामाहं । अट्ट-वरिमस्सेव उवरया मे जणणी । दंसिति अवमाणं सब्बिक-जणणीओ । तहवि तायबहुमाणं वट्टूण निव्वयुहियओ चिट्ठामि । अण्णया विमयपेरंत-दुग्गसंगहगम्बिओ लुंठगो माणभंगसामंतो न पडिवज्जइ तायस्स सासणं, न देइ पुव्वपडिवण्णं करं, करेइ तायविसए विट्टुरं । आणाभंग-समुट्ठीविय-कोवानलो सओ तदुवरि ताओ । अहं पि पच्छओ पए-पए पेच्छामि सब्बिक-जणणीसयासाओ पराभवं । न वट्टइ मे सम्मं परियणो । वाहरिओ वि न देइ पडिवयणं दासी-दास-जणो । तओ चितियं मए—“अहो मे पाव-परिणई जेण सयणजणो वि सत्तुजण-समाणो । वसिमं पि अरण्णरूवं । महारायसुओ होऊण सामण-जणाओ वि हीणयरो जाओ । अहवा न दोसो एत्थ जणणीण, न वा परिवारस्स । पुव्वभवोवज्जियदुक्कयकम्मविलसियमेयं । जओ—

बहुजण-धिवकारहया उवहसणिज्जा य सब्बलोयस्स । पुट्ठि अकयभुधम्मा सहंति परपरिभवं पुरिसा ॥२५२॥

ता अलं मे इह ठिएण । तओ अलक्खिओ चेव परियणेण रयणि पढम-पहरावगमे निग्गओ पच्छिमदुवारेण । काऊण कप्पडिय-वेसं पयट्ठो उत्तरदेसाभिमूहं । भिक्खाभोयण-कय-पाण-धारणो कइवयविणाणि वहिऊण पत्तो पुरिम-तालनयरं । एत्थंतरे अत्थमिओ दिणमणी । पविट्ठो नयरमज्जे भिक्खाए भरिया पुडिया । तओ पविट्ठो हं एगम्मि मंदिरे । दिट्ठा एमा इत्थिया पुच्छिया य—“जइ भणाहि तो हं इमीए कुडीए भुजामि वसामि य ।” तीए भणियं—“एवं करेहि ।” भुत्तं मए सुत्तो य तहिं चेव । नागच्छइ निहा जेणागओ मं दाह-जरो । सयणीअमंदिरोदराओ विग्गच्छतो सुओ मए सद्दो एगपुरिसस्स ‘अओ पाणियं’ पाइओ तीए पाणियं पुणो वि मग्गियं पुणो पाइओ ।

एत्थंतरे समागओ एगो पुरिसो । दिणं तीए महल्लवासणं । पक्खालियं चलण-जुयलं । सज्जिओ पवरपल्लंको पउणी कयाणि पुप्फ-तंबोलाईणि । वट्ठिओ रइकीडारसो । एयावसरे पुणो वि मग्गिया पाणियं पाइओ तीए । आगया सयणीए । पुणो वि मग्गियं । तओ तीए चितियं—“जावेस धरइ तावेस अंतरायं मे सुहं ति पविट्ठा भवणभंतरे दाऊण गले अंगुट्टयं पंचत्तं पाविओ पई । समागया उववइणो समीवे । ठिया निव्विगघ-रइ-आसेवणेण । पुच्छिया तेण—“महईए वेलाए किमेस ते भत्ता न जलाभिलासी ?” तीए भणियं—सुहसंवेयणाओ लट्ठनिट्ठो भविस्सइ । संकियं से माणसं मा नाम इमाए पावं आयरियं भविस्सइ । उववइणा भणिया सा पुणो वि पडियरियाय समागच्छसु । तयणु-वितीए गंतूण मसागया । पुच्छिया तेण—“केरिसं सरीरयं घरसामिणो ?” तीए भणियं—“दीहनिहं गओ चिट्ठइ ।” तेण चितियं—“नूनं मारिओ ।” अहो ! वीसत्थधापयगत्तणं इत्थीजणस्स । विरत्तचित्तो सुहं सुत्तो सो । तओ चितिय-मिसाए—“अहो ! मुणियमणेण पइ-भारणं । विप्परिणओ लक्खीयइ । मा लोए अकज्जकरणमेयं पायासिस्सइ । ता एयं पि पइपहेण पेसामि । तओ सुहपसुत्तो पहओ असिधेणुयाए । विमुक्को जीविएण । आगया सा महसमीवं । भणिओ हं तीए—“अरे ! पहिय ! दिट्ठं ?” मए भणियं—“दिट्ठं ।” तीए भणियं—“जइ एवं तो जमहं भणामि तं करेहि । अण्णहा तुज्ज वि एसा गई ।” मए भणियं—“भणउ भोइ जं मए कायव्वं ।” तीए भणियं—“इओ अभिसरसु” ति भणंती गया सा जार-कडेवरंतियं । अहं पि तयणुमग्गेण गहियं तं तीए दोसु वि पाएसु । अहं पि गाहिओ उत्तिमं । गयाणि घरपच्छिमभागं । खित्तं विजलजिण्ण-कूवियाए कडेवरं । तदुवरि कयवराइयं । एत्थंतरे पविगलिया रयणी । वासियं तंबचूछेण । पयडीहओ रविरह-सारही । भणिओ हं तीए—“भो पहिय ! खणमेत्तं विलंबिऊण गंतव्वं । पडिवण्णं मए । ठिओ हं तीए चेव कुडीए । सा वि ‘हा ! मुट्ठा, मुट्ठु’ ति भणमाणी दोहि वि करेहि उरं ताडयंती महया सहेण सदुक्खं रोइउं पवत्ता । मिलिओ सुहि-सयणजणो । पुच्छिया तेहि—“सुंदरि ! किमेयं ?” अदिण्णपडिवयणा विलावगम्भिणं एवं भणिउमाडत्ता—

मोत्तूण नाह ! दुहियं सरणविहीणं विलीणसयलासं । मं सयलदुक्खखाणि सुहय गओ तं कहि कहसु ॥२५३॥
रे देव्व ! दुहिय-दंसण पमुइयमण निग्घिणोसि तं नूणं । जं एस तए हरिओ मुक्काहं हंत विलवंती ॥२५४॥

सयलगुणालय ! सुपुरिस ! अभग्गसोहग्गमंदिर ! कयत्थ ! ।

गय गमणरमण मह मणमाणसहंसो व्व तं सुयणु ॥२५५॥

हा बल्लह ! हा सामिय ! हा सुहय सुख्वहा विसालच्छ ! ।

हा मह जीविय दायण ! हा कत्थ गओ ममं मोत्तु ॥२५६॥

हा कणयकमल ! करपल्लव हा पलंबभुयदंडा ।

किं व मए अवरद्धं सुंदर ! तं मज्झ साहेसु ॥२५७॥

घणसार घुसिण चंदण उच्चियसरीरं इमं कहं जलणो । तुह दहिही हयविहिणो वसेण अह किण्ण पेक्खिस्सं ॥
हा नाह ! तुज्झ विरहे लक्ख जण-समाउलं इहं नयरं । उव्वसियनधरसरिसं अडविसमाणं वि पडिहाइ ॥२५८॥
किर पडु तुमं भणंतो तुह विरहे अत्थिउं न सक्केमि । तं कह अहं अणाहा तुमए सहसा परिच्चत्ता ॥२५९॥
जइवि तए हं चत्ता चयामि नो तहवि पिययम महंपि । जं कुलवहूणो मुक्का वि भुयंति नो दइय-हिययाइं ॥२६०॥

एवंविहपलाव-सवण-समुप्पण्णकरणेहिं मुणियपड-मरणेहिं तीए भणियं—“जइ सब्बमेव तुब्भे सयणा अणु-
कंपह वा ममं ता तहा करेह जहा पिय-विरह-दुक्खसंतत्तं पिययमेण वेव सहेगचियानलेण निव्वेमेमि अत्ताणयं अहो !
महासईण सीमा एसा ।

पइभत्तं सुविणीयं सीलगुणद्धं गुणेहिं संजुत्तं । एवंविहं कलत्तं पुण्णेहिं विणा न संपडइ ॥२६१॥”

एवंविहवयणेहिं पसंसिऊण सट्टाणं गओ लोओ । सा वि मरणाओ कहकहवि नियत्तिया सुहि-सयणजणेण ।
धरिया घरे चेव-नीहारियं पइकडेवरं । वियणं नाऊण भणिओ हं तीए—“पहिय ! इमं पि दिट्ठं भवया ?” मए
भणियं—“आमं ।” तीए भणियं—“वच्चसु संपयं ।” तओ मए चित्तियं—अहो पावाए मायाविलसियं मारिऊण निय-
पइं जणो वि रंजिओ । सब्बहा नमो नमो इत्थीचरियस्स ॥

एयंपि नत्थि अण्णं पि अत्थि तं नत्थि जं इहं नत्थि । अण्णोष्णविरुद्धां पि वसंति महिलामणे विउले ।
धण्णा हु बालमुणिणो कुमारभावम्मि गहियसामण्णा । नरयदुवारा दारा दूराओ जेहिं परिच्चत्ता ॥२६३॥

एवं निव्वेयमावण्णो निग्गओ हं तओ ठाणाओ । गओ थेवंतरं पत्तो नयरसमासण्णं उज्जाणं । दिट्ठो उज्जा-
णाओ नीहरंतो साहुसंघाडओ वंदिया साहुणो । धम्मलाभदाण-पुरस्सरं संभासिओ हं । अणेहिं दिण्णो जिणधम्मोवएसो ।
भवियव्वथानिओएण परिणओ मह माणसे । भणिया साहुणो—“भयवं ! जइ अत्थि मे जोग्गया तो अणुग्गहेह ममं
धम्म-चरण-वियरणेण ।” तेहिं भणियं—“भइ ! अणहिगारिणो वयं धम्मरयणदाणस्स । जइ ते अत्थि तं तो गुरुसमीवं
समागच्छसु ।” पडिवण्णं मए तएण वयणं । नीओ हं अणेहिं मलयमंदिराभिहाणसूरिसमीवे । वंदिया सूरिणो । निसुया
तयतिए धम्मदेसणा । संजायचरणपरिणामेण वंदिऊण भणिया सूरिणो—“भयवं ! जइ अत्थि मे भव्वया ता देह
दिक्खं ।” आयरिएहिं पि ‘आराहो एसो भविस्सइ’ त्ति नाणेण नाऊण दिण्णा दिक्खा । गहिया दुविहा सिक्खा ।
अहिज्जयाणि चोइस-पुव्वाणि । जाओ गीयत्थो नाऊण जोग्गयं अहिसित्तो गुरुहिं गुरुपए । अहाविहारेण विहरंतो धरा-
मंडलं एत्थानओ एयं मे विसेसेण निव्वेयकारणं” ।

गंधिलेण भणियं—“भयवं ! सोहणं निव्वेयकारणं धण्णो तुमं जो परघरे वि एवंविहवइयर-दंसणेण
पडिबुद्धो । मह पुण घरे चेव वित्तमेयं । तह वि न निव्वेओ न या वि तहा धम्मवासणा ।” सूरिणा भणियं—
“धण्णाणं चेव एवंविहो विवेगो ।” कया विसेसेण धम्मदेसणा । कहिओ दुविहो धम्मो । भणियं गंधिलेण—
“भयवं ! जम्मंतरे भया किं दत्तं, किं वा अणुट्टियं जं मे संपज्जंतसमीहियस्स वच्चइ मणुयजम्मो ?”

भगवया भणियं—“भावसारपवर-वासेहि जिणपूयाए फलमेयं ।” कहिओ सब्बो वि पुव्वभववइयरो । समुप्पणं जाई-सरणं गंधिलस्स भणियमणेण—“भयवं ! जहा तुम्ह समीवे बहुवे राईसराईया सब्बंग-परिच्चायं काऊण पव्वयंति तथा हं न सक्कुणोमि । अहं पुण पंचाणुव्वडयं सत्तसिक्खावइयं गिहिधम्मं पडिवज्जामि ।” भगवया भणियं—“एवं भवउ ।” जाओ पवरसावओ । कुणंतो विसे[से]ण जिण-साहु-साहम्मियाडपूयं वियरइ दीणाणाहाण अणुकांपाए दविण-जायं एवं सावग-धम्मं कुणंतस्स बोलीणो बहुकालो ।

अण्णया पुणरवि विहरंता समागया ते चेव सूरिणो । गओ वंदणत्थं । सुया धम्म-देसणा संवेगमावण्णेण भणिओ गुरु—“भयवं ! अम्मायिईहि अणुण्णाओ पव्वज्जागहणेण करेमि सफलं मणुय-जम्मं ।” गओ सघरं गंधिलो, साहिओ निययाभिप्पाओ जणणि-जणयाण । कह कह वि तेहि समणुण्णाओ काऊण तेसि सुत्थत्तणं, दाऊण ओसहिवलयं निय-कणिट्ट-भाउणो रामाभिहाणस्स, काऊण जिणाययणेसु अट्टाहियामहिमं, दाऊण सडिय-पडियजिणाययणेसु समुद्धरणानिमित्तं पउरं दविणजायं, संपूइऊण सयल-संघं वत्थाइणा, घोसाविऊण अट्टविणाणि अमग्घायं, दाऊण दीणाणाहाईण दाणं, पभा-विऊण सयल-जण-भज्जे पव्वयणं, समारुहिऊण पुरिस-सहस्स-वाहिणीं सिबियं, पढमपाउसो व्व निरंतरं दविण-सलिल-धाराहि, कयत्थो कुणंतो दुग्गय-वप्पीह-कुडुंबाणि, साहिलासमवल्लोइज्जंतो नयर-नारीजणेण, पए पए पसंसिज्जमाणो धम्मियजणेणं, अम्मा-पीई-भाइ-पभिइपरियणसुहिय-सयण-परिवारिओ निग्गओ नयरओ । पत्तो सूरिसमीवं । दिक्खिओ आगमविहाणेण । गहिया दुविहा सिक्खा । अहिज्जिया सेसआगभा । परिपालिऊण निरइयारं सामणं, काऊण मासियं सलेहणं, आराहिऊण मरणाराहणं, समुप्पण्णो सब्बट्टसिद्धे विमाणे सुरवरो । तओ चुओ महाविदेहे सिद्धं सुह-भायणं भविस्सइ” त्ति । एवं सोदाहरणं जिणविवग्ंधपूयाफलं साहिऊण भणिओ पियंकरसूरिणा समुद्धत्तो—

जइ इच्छह घणरिद्धि गुणसंसिद्धि जयम्मि सुपसिद्धि । तो गंधुद्धुरगंधेहि महह जिणचंदविवाइ ॥२६४॥

संपयं धुव्वुग्गहेण पूयाफलं पदंसिज्जइ—

अत्थि इहेव जंबूदीवे दीवे भारहेवासे विजयपुरं नाम नयरं । गंधिलो तत्थ माहणो । अणहिया से घरिणी । दालिहोवद्व-पीडियाणं विडंबणापायं विसयसुहमणुहवंताणं ताण समुप्पण्णो अपुण्ण-भायणं सोमिलो नाम दारओ । जाय-मेत्तस्स वि उवरयाणि जणणि-जणयाणि । संगहिओ सोमिलो माउलेण अया-थणपाणेण संवडिडओ जाओ अट्टवारि-सिओ । करेइ उत्ताणुत्तयं । कमेण जाओ जोक्वणत्थो । न कोइ देइ दुहियरं । वढं परितप्पइ सो माणसे ।

अण्णम्मि दिणे कुस-सामिधेयनिमित्तमुज्जाणं गएण दिट्ठो नागरयाण धम्मं कहंतो धम्मसारमुप्पिवरो । गओ तयंतिए सोमिलो मणसा पणामं काऊण अनिसण्णो चेव धम्मं सुणिउमाढत्तो । मुणिणा भणियं—“सोमिल ! पयडपणामे को दोसो ?” विम्हियमाणसेण चित्तियमणेण—“अहो ! नामं मणोगयं च मे वियाणियं भगवया । नाणालोयाओ एस वंदणिज्जो बुहाणं । संजाय-गुण-पक्खवाएण वंदिओ मुणिवरो । निसण्णो समुच्चियासणे । भणिओ मुणिणा—“भट्टमुह ! बंभचेरेण बंभणो भवइ न जाइमेत्तेण । जाइमएण तए न पयडपणामो विहिओ ।” सोमिलेण भणियं—“एवमेयं । परि-हरिओ संपयं जाइ-मओ ।” भयवया भणियं—“अणुभूयं तए जम्मंतरे इमस्स फलं ।” तेण भणियं—“कहं चिय ?” मुणिणा भणियं—“तुमं इओ तइय भवे महामंडलाहिवे राया अहेसि सीहविककमो नाम । तुह देससीमासमासण्णविसाल-पव्वय-नियंब-संठिय-सीहगुहा-पल्लिपहू सिरिसेणो नाम परिवसइ । उवद्वेइ समासण्णदेसं । गओ तुमं तस्सोवरि परि-क्खेवेण । चडिओ सो वि विसमपव्वय-दुग्गं । अकयकज्जनिवत्तो तुमं । गओ सनयरं । पट्टाविओ ‘सो मुणओ’ त्ति भणिया मागहेहि । नियदेसे कण्णपरंपराए सुयं पल्लिनाहेण । आरुसिओ चित्तेण ।

अण्णया निग्गओ तुमं तुच्छ-परिच्छओ मिगयाए । कहिओ तस्स सूयग-नरेहि । आगओ सण्णद्ध-वट्ट-कइवयपुरिस-परिवरिओ । हन्किओ य तुमं जहा—“एस सो मुणओ तुह दंसणत्थं समागओ ।” सज्जोवललगमाओहणं दोण्ह वि/विजिओ तुमं । पेसिओ जममंदिरं । अट्टज्ज्ञाणमुवगओ मरिऊण समुप्पण्णो स नगरवाहिरियाए वीहिए कंडुकविलो । अणुभूयं तत्थ तुमए पभूयं दुक्खं । तव्वयणजणियं नीयगोत्तं च, तक्कम्मसेसेण अहाउय-कम्मक्खएण सुणयभावं परिच्चज्ज

समुष्णो तुभं दरिद्रमाहणकुलम्भि । उववण्णमेत्तस्स वि उवरयाणि अम्मापिईणि । वड्ढिओ अया-धणेण । सेसं पाएण भवओ वि पच्चक्खं । एवं भणिऊण पुणरवि पुव्व-पत्थुया चेव धम्मदेसणा मुणिणा पारद्धा—“सा[व]य ! जिणपूया विसया तत्थ वि धूवपूयाफलं भणतेण इमं भणियं—

धणसारागरुधूओ सुरभी धम्मत्थिणा दहेयव्वो । तिहुयणगरुजिणपुरओ जम्म-फलं एत्तिय चेव ॥२६५॥
ते चेव करा धण्णा सत्ताहणिज्जा य ते करा चेव । जिण-बिवाणं पुरओ समुद्धुओ जेहि वरधूओ ॥२६६॥
जिणपडिमाणं पुरओ जो दहइ भत्तिभरियंओ । सो भोत्तूण सुरासुरनररिद्धि जाइ सिद्धीए ॥२६७॥

एवं मुणिऊण संजायसड्ढो गओ सोमिलो । भणिओ य माउलणेण—“रे सोमिल ! गंधियावणाओ धूयपुडियं एगरुवणेण गहाय लहुं समागच्छ ।” गओ सो कयक्खओ पडिनियत्तो । उमिठ-मत्त-करिवर-चमढणाभीओ पलाइऊण पविट्ठो अनिर-निव्वत्तिय-मज्जण-घणसाकम्मिस्स-मलयसार-विलित्त-गत्त-पवर-पुप्फ-पुडिय-जिण-पडिमालंक्रिय-गन्महर-जिणमंदिरं । दिट्ठा जिणपडिमा । निविडदंसण-मोहणिज्जकम्म-खओवसमेणं उल्लसिओ भावो—“एसो सो सुरासुरलोय-पूजणिज्जे मणि-भणिओ जिणो ।” छोडिया पुडी । पक्खित्तो धूय-दहणे धूओ । पवड्ढमाणसुहभावेण समुग्गाहिओ । बहल-धूमेण वासियं गम्भरं । ठिओ खणमेगं तत्थेव जिणबिबपुरओ । मज्झिमगुणजोगओ निबद्धं भोगसारं मणुयाऊयं । गओ पुणो वि गंधियावणं । भणिओ गंधिओ—“अहं ते पेसणमेगं करिस्सामि । देहि मे एगरुवयस्स धूयं” दिण्णं तेण, कयत्थं मण्णंते गओ । समप्पिया धूयपुडिया ।

अण्णम्मि दिणे बंभणो त्ति कलिय भुंजाविओ एणेण वणियसुएण पिउ-वारिसियकाराट्टयए घयपूरेहि । समुष्णणा राईए विसूइया । मओ य तीए दोसेण । समुष्णणो इहेव जंबूदीवे वेयड्ढसिहरि दाहिण-सेटीए विज्जाहर-जणाइण्णे उत्तुग-मरगय-मणिमय-तोरणविराइयगोउर-दुवारदेसे निच्छ-नहंगणाभोग-पासाय-मालोवसोहिए कुलहरे व्व सयल-तियलोकक-लच्छीए विज्जुप्पहे नयरे विज्जुदेवस्स खेयराहिवस्स रयणमालाए भारियाए कुच्छिसि पुत्तत्ताए । जम्मदिणे य सयल-विज्जुहर-जणचित्त-चमक्कार-कारयं कारियं पिउणा परमहरसेण वद्धावणयं । बोलीणे वारसाहे महामहूसवेण पइट्टा-वियं नामं विज्जुसेहरो । कमेण पवड्ढमाणो जाओ अट्टवारिसिओ । पसत्थवासरे समप्पिओ उवज्जायस्स । नियमइ माहप्पेण अब्भा[स]-वय-गुणेण गहियाओ थोवकालेण वि सयलकलाओ नियकुलकमारायाओ दिण्णाओ पिउणा पण्णत्तिपमुहाओ विज्जाओ । जहा विहिणा साहियाओ विज्जुसेहरेण । पत्तो जुवइजणमणहरं जोव्वणं ।

अण्णम्मि दिणे समाणजोव्वण-गुण-वयंस-परिवारिओ पत्तो विज्जुसेहरो अण्येय तरु-संड-मंडियं मयणनंदणं नाम उज्जाणं । विविहकोलाहि कीलंतो जाव चिट्ठइ खणंतरं ताव दिट्ठा तेण पसरंतपवररयणदिस्ति-विच्छुरिय-नहयलाभोया, वाउद्धय-धवल-धयवड-रोहरा, दाहिणदिसाओ उत्तराभिमही पयट्टा विज्जाहर-विमाण-रिछोली । तओ पुच्छिओ तेण दाहिणभुयासण्णो मेहरहो नाम नियवयंसओ—“भइ ! कहि एस पवरचलंत-पोमराय-कुंडल-विलिहिज्जमाणसंडत्थलो, हरहास-धवलहारविराइय-वच्छयलो, वरनेवत्थाइविज्जाहरसुदरीसहिओ चलिओ विज्जाहर-लोओ ?” ईसि हसिऊण जंपियं मेहरहेण—“अहो ! ते वयंस ! सुहसागरवेगाढया, अहो ! ते निच्छित्तया जमेयं पि न याणसि सुपसिद्धमेव एयं वेयड्ढे वसंताण जं सिद्धाययणेसु जिणपडिमादंसणत्थं आगच्छंति देवासुरविज्जाहरा पसिद्धपयोयणे वि पुच्छा हासं जणेइ ।” विज्जुसेहरेण भणियं—“वयंस ! महाविच्छड्डेण गच्छंता दीसंति अओ पुच्छि-ज्जइ ।” तओ सविसेसं वितक्कऊण जंपियं मेहरहेण—“हं विण्णायं, पारद्धाओ सिद्धाययणेसु जत्ताओ ।” जओ—

पसरंतसुरहिमलयानिलेण नज्जइ जयम्मि ओइण्णो । पल्लवियसयल-वण-गहण मणहरो हे मित्त ! महुमासो । दाहिण-पवण-पकंपिय-विसाल-साहाहिं हरिसिया संती । महुमास-समागमणे नच्चंति व तरुवरा धणियं ॥२६९॥
कुसुम-मयरंद-लंपड-अलिउल-झंकार-मणहरसरेण । गायंति वतरुनियरा वसंतमासागमे तट्टा ॥२७०॥
कलकोइल-मुहलाओ महिलागणमाण-गंठिदलणाउ । सियकुसुमेहि हसंति च वणराईओ वसंतम्मि ॥२७१॥
अच्छउ ता फलकालो कुसुमारंभे त्रि कालिमा वयणे । इय कलिउं व पलासो चत्तो दूरेण पत्तेहि ॥२७२॥

किसलयकुसुमफल इहे सव्वत्तो तरुवरे निएऊण । कसिणमुहा संजाया पलासतरुणो खलयण व्व ॥२७३॥
दट्ठण किसुयं पंथिएहि देसंतरं गएहि पि । सुमरिज्जंति पियाओ नवघट्टविराइयंगीओ ॥२७४॥
निज्जरतडेसु तरुणो पवणपह्ललंतजलनिबुड्ढेहि । साहाकरेहि दिति व जलंजलि जत्थ पहियाण ॥२७५॥

किच--

घण-किसुय-नवरंग-विराइया वद्ध-पवर-मयण-फला । पाडल-कुसुमा सोहइ वसंत-लच्छी नव बहु व्व ॥२७६॥
इय एरिसे वसंते जणमण-उम्मायकारणं घणियं । कंता-सहिया तरुणा पियंति वरवारुणी मुइया ॥२७७॥
अण्णे जलकीलाहि कीलंति समं पियाहि परितुट्ठा । अण्णे अंदोलिता हरंति हिययाइं लोयाण ॥२७८॥
सिद्धायणेषु घम्मियजणेण कीरंति एत्थ जत्ताओ । जिण-विबाणं पुरओ सम्महो तेण खयरण ॥२७९॥

तओ भणियं विज्जुसेहरेण--“वयंस ! सोहणं भवइ जइ वि दीसइ जिणाण जत्ता म्हुसवो !” मेहरहेण भणियं--
“एवं करेमो ।” गया सह विज्जाहरेहि । खणंतराओ दिट्ठं जिणमदिरं । हक्कारितं च मलय-मारुय-कंपिर-धवल-
धयवडग्गेहि घम्मिय-जणं, पवरवुड्ढि-मउंद-मदल-तिमिल-कंसाल-भेरी-भामर-पडिसइ-भरियभुवणंतराभोयं, कलकंठ-वंठ-
परिगिज्जंत-जिणिंद-गुण-गणं, नच्चंत-(अ) च्छराकडक्ख-विकखेवाक्खित्त-सयल-सुर-विज्जाहरं, नाणाविहवत्थु-विराइय-
पवर-उल्लोय-मेरंत-लंबाविथ-नित्तलामलहारउलं, पंचवण्ण-सरस-सुयंध-पुप्फमाला-विरइय-फुल्लहर-हरिय-पेक्खय-जणमाणं,
नीसल-तड्डिय-विविह-विद्याणय-मंडिय-उचक्कियाभोयं ति । तओ तस्स दुवारदेसपरिसंठिय-कणय-कमल-संच्छण-सच्छ-
सीयल-सलिल-पडिपुण्ण-वाकीए कयसोया महियपूओवगरणा पविट्ठा जिण-भवणं । पूइयाओ जिण-पडिमाओ काऊण
विहिणा वंदणं बाहि विणिग्गयाओ उवविट्ठा देवासुर-विज्जाहर-संकड-जिणहरमंडवे । जओ--

कत्थ वि कविवर-निवह-कहिज्जंताणि वज्जजिणचक्कहर-चरियाणि सुणंता, कत्थ वि पविरल्लियरवसंवलि-
मविसर-कलकंठ-विणिम्मिय-जिण-गुण-पडिबद्धगीयह्णि निसामंता, कत्थ वि नाणावार-विरइयपंचवण्णयतंदुलबलि-
पलोयंता, कत्थ वि समताल-सुस्सरतरुण-सुंदरीसम्मिस्सजुवाजणदिण्णोदारजिणगुण-गरिट्ठं रासयं सुणमाणा, कत्थ वि
रमणीय-रमणीयण-गिज्जंताणि जिणमुणि-गुण-कित्तण-सराणि मंगलाणि निसामयंता ठिया कंचि कालं । पच्छा कोऊहला-
वूरिज्जमाणसो मेहरह-पमुहवयंससहिओ उट्टिओ विज्जुसेहरो । जिणभवणव्भंतरे चेव हिडिउमारद्धो । इओ तओ परि-
यडंतेण मेहरहेण दिट्ठो नियमाउलभाया सुंदरो नाम । सिणेहसारमालिगिऊण भणिओ तेण मेहरहो--“भाउय !
आगच्छसु संपयं वेयइइसिहरि-सेहर-समासण्णे फलिहसुंदरनयरे । उक्कंठिओ चिट्ठइ माउलगो तुह दंसणस्स ।” मेहरहेण
भणियं--“वयंस ! विज्जुसेहर, जइ भवं समागच्छइ तो गच्छामी णण्णहा । उवरोहसीलयाए पडिवण्णं विज्जुसेहरेण ।
जिणजत्तावसाणे विसिज्जिओ से सवयंसो । गओ विज्जासेहरो समं मेहरहेण फलिहसुंदरं । कयसम्माणा ठिया कइवय-
दिणाणि । अण्णम्मि दिणे मेहनिज्जहग-निविट्ठेण विज्जासेहरेण दिट्ठो महियपूओवगरणो पवरवत्थाहरण-विभूसिओ
एगाभिमुहो नीहरंतो नयर-नारीजणो । तओ पुच्छिओ मेहरहो--“वयंस ! कहिं एस नयर-तरुणीजणो गच्छइ ?” तेण
वि समासणसुंदरवयणमवलोइउं भणिअं--“मयरंदनंदणुज्जाण-संठियस्स कुसुम-सारस्स भयवओ जत्ता म्हुसवो । तहिं
एस लोणो गच्छइ । जइ अत्थि भे कोऊयं तो गम्मउ ।” विज्जासेहरेण भणियं--“गम्मइ । को दोसो दट्ठवफलाणि
चेव लोयाणाणि ।” गया तिण्णि वि जणा पत्ता उज्जाणं । तं च केरिसं वणिज्जइ--

वियरंत-रम्म-रमणी-जणनेउर-रवेण रमणीयं । मयण-म्हुसव-समए हरेइ चित्तं तमुज्जाणं ॥२८०॥
दक्खण-पवणपणोलिलयं च[ल]साहघुम्ममाणसिरा । मयरंदलुद्ध-निवडंत-महुयाराव-कय-गीया ॥२८१॥
नव-नव-कुंपल-किसलय-आयंवमुहा महिरुहा जत्थ । महुसंगमेण मुइया मत्ता इव सट्ठविज्जंति ॥२८२॥
सुविसट्ठ-कुसुमसोहंत-मंजरीपुंज-रइय-सेहरया । जोहारिति व पवणो नयाहि साहाहि पउरजणं ॥२८३॥

एवंविहे तस्मि उज्जाणे दंसणमेत्तुप्पाइयचित्तवियारे इओ तओ वियरंत-नागाणेवत्थ-नयरलोय-संवाहे पविट्ठोहि दिट्ठं कामदेव-भवणं । तं च केरिसं—

सजल-घण-गहरि-वज्जंतवरमह्ल,
मह्लारावनच्चंत-सिहि-मंडलं,
तरुणिजण-सद्द-संदोह-कयगुंदलं,
अगरुवरघूमेण कयवह्लं,
पिययमासत्त-नर-रुद्ध कयलीहरं,
[..... दोलया सुंदरं,]
तरुण-तरुणीहि पारद्ध-जल-कीलयं,
घुसिण-संघायमुपीलयं ॥ २८४ ॥

तस्स मज्झि पविसिऊण पूयापुरस्सरं पणमिऊण रइखंध-निहिय-दाहिनकरं विसमसरं, निम्मया आययणाओ । नाणाविहकीलाहि किलंता उज्जाणमज्जे परियडंता गया एगं लयाहरयं । दिट्ठा य तत्थ विज्जुसेहरेण—सहियणमज्ज-गया परमरुवधारिणी, सुमणसाण वि मणाणंदकारिणी, पीणुण्यधणोवरिविलुलंततारहार-हारिणी, उत्तत्त-कणय-कंति-वेह-लायणाभयसार-सारिणी, पढमजोव्वाणारंभे वट्टमाणा एगा कण्णया । तं दट्ठूण चित्थियं विज्जुसेहरेण—“हंत ! का एसा ? कि नागकण्णया रसायलाओ कामदेवपूयणत्थं समागया, उयाहु वणदेवया उज्जाणसिरि समवलोइडं पयडीभूया ? अहवा सुरसुंदरी अविणय-कुविय-रिसि-सावभट्टा ? कि वा रई मयण-विरहिया भवेज्जा । माणुसीसु विज्जा-हरीसु वा न संभवो एरिसरुवस्स ।” एयं वियप्प-परंपरापूरियहियएण पुच्छिओ विज्जुसेहरेण सुंदरो—“का एसा ? कस्स वा धरिणी ? किमभिहाणा य ?” ईसि हसिऊण जंपियं सुंदरेण—“अलमिमाए संकहाए । गम्मउ इमाओ ठाणाओ सोवह्वं ठाणमेयं ।” तयणुरोहेण भणियं विज्जुसेहरेण—“एवं कीरइ ।” तओ वलियकंधरं पुणो पुणो तं चैव कण्णयं निज्जा-यंतो खलंत-गमणो चलंत-नयणो पत्थिओ विज्जुसेहरो । सा वि ससिणिद्धावंग-दिट्ठीए वंचिऊण सहिजणं विज्जुसेहरं निज्जा-यंती चलिया तओ ठाणाओ । थेवंतरं गंतूण विमुक्क-वीह-नीसासा विसमिया सीयल-सहयार-छायाए । मुणिय-मयण-विधाराए जंपियं जयमंगलाभिहाणदासचेडीए—“सामिणि ! संपइ असत्थं ते सरीरं लक्खीथइ । कि कारणं । कहि-ज्जउ जइ अकहणीयं न होइ ?” तीए भणियं—“हला ! जयमंगले ! नत्थि तुह अकहणीयं । सुणउ भोई, लयामंडव-समासण्णे कीलंतीए दिट्ठो मए अदिट्ठुपुव्वो अमुणिज्जमाणनामगोत्तो, को वि जुवाणो । तइमणजायाणुरायाए जाया पीडा ।” जयमंगलाए भणियं—एत्थेव ताव चिट्ठियव्वं सामिणीए जावाहं तस्स पुव्वावरं वित्तंतं नाऊण आगच्छामि । परं भणसु जं मए तत्थ वत्तव्वं । तीए भणियं—

अहयं विओयतणुई दुस्सहो विरहानलो चलं जीयं । अप्पाहिज्जइ किं सहि जाणसि तं चैव जं जुत्तं ॥ २८५ ॥

तओ गया जयमंगला । विज्जुसेहरो वि गंतूण कइवयपयाणि लयाहर-समीवे, “निवडियं मे दाहिणं करंगुलीए मुट्टा-रयणं” भणिऊण पडिनियत्तो समागओ तं लयाहरयं, जत्थ सा कन्नया दिट्ठा । अदुइय वियरिऊणमेगं पविट्ठो लयाहरयं । दीहुण्ह-नीसास-सुसियाहरो णुवण्णो सुद्ध-धरणीतले । भीओ मेहरहो । सुंदरेण भणियं—“भो वयंस ! हरिय-सव्वस्सो विव कायर-पुरिसो कीस तुमं एयावत्थो जाओ ?” विज्जुसेहरेण भणियं—“न लद्धं तं मए मुट्टारयणं । तेण खेयेण समुप्पणसिरोवेयणो, दाहजरपरिगयगत्तो, संजाय-गरुयारई, विहुरिय-सरीरो, एयम्मि सीयल-तले लयाहरए नुवण्णो ।” गहियसकियं काऊण मेहरहं भणियं सुंदरेण—“अत्थि मे केवलियाए परिस्समो ।” मेहरहेण भणियं—“जइ एवं ता कि कालविलंबेण ? निरुव्वेसु तुमं कि अत्थि नत्थि लाओ ?” तेण भणियं—“कारेह मंडलं । आणियं समासणसरसीओ सलीलं । गहिऊण गोमयं ईसि हसंतेण कयं मंडलं मेहरहेण । सुंदरेण भणियं—“मुहेह मुक्कं नियतामकियं मुट्टारयणं ।” मेहरहेण इयरेण धरिऊण कवड-धारणं गणिऊण करंगुलीहि भणियं—“अत्थि लाओ ताव ।

नवरं न मुद्दा-रयणं नट्ठं कित्तु मुद्दिया । तीए पुण पच्चासण्णो लाभो ।" विज्जुसेहरेण भणियं—“एवं भवउ । एस सउणगंठी बद्धो ।” एत्थंतरे समागया तं पएसं जयमंगला । दिट्ठा सुंदरेण । पच्चभिण्णाओ सो तीए । सा वि तेण । पुच्छिओ तीए विज्जुसेहरसंबंधीवुत्तंत्तो । कहिओ तेण तओ गया जयमंगला विज्जुसेहरसगासे । मोत्तूण चलणाण पुरओ कुसुमंजलि भणियमणीए—

स-सरीरो गय-गव्वो अमग्गणो मग्गणासण-विहीणो । भिदसि कमिणिहियए अपुव्वमयणो तुमं कुमर ! ॥

एवं कय[सं]थवा निसण्णा धरणीए । कुमरेण भणियं—“भणेउ भोई जं भणियव्वं ।” भणियमणाए—कुमर-फलिहसुंदरनयरसामिणो रणसेहरस्स राइणो रयणमंजरीए देवीए तणथा कणयमंजरी नाम कण्णया ।

एत्थेव लयाहरए दिट्ठपुव्वा भवया सविणयं विण्णवेइ—

दिट्ठोसि एव कसि कहवि सुयण नट्ठोसि तक्खणा चेव । पसिऊण तह करेज्जसु पुणोत्रि जह दसण होइ २८७।

विज्जुसेहरेण भणियं—

इच्छियजणेण निच्चं पि दंसणं को न इच्छई सुयणो । को वा विसेण विहुरो अमयसारं न पत्थेइ ॥२८८॥

किं बहणा भणिएणं भदे ! संखेवओ निसामेहि । सुणं इमं सरीरं मज्झ मणं तीए सह भमइ ॥२८९॥

ताऊण तस्स चित्तं गया जयमंगला । समागतूण मेहरहसुंदरेहि भणिओ विज्जुसेहरो—महइवेला समागयाणं । गम्मउ संपइ सभवणं । गया य भोगणवेलाए दर भुत्तं काऊण नुवण्णो पल्लंके विज्जुसेहरो । बोलीणो वासरो । कह-कह वि समागया रयणी । समुग्गओ ससहरो । सविसेससंधुक्किय-विरहानल-ताविज्जमाण-माणसेण चंदमुद्दिसस जंपियं विज्जुसेहरेण—

अमयमयगयणमंडण रयणीमुहतिलय चंद दे ! छिवसु । छित्तो जेहिं पिययमो ममं पि तेहिं चिय करेहिं ॥२९०॥

पायडियनेहसुव्वावनिभरं तीए जह अहं दिट्ठो । तह जइ रुच्चिस्सइ हयविहिस्स तो कज्जनिप्फती ॥२९१॥

एवभेगागी सदुक्खजंपतो दिट्ठो मेहरहेण । भणिओ य—“वयंस ! कहेसु दुक्खकारणं जइ कहणजोग्गो ।” विज्जुसेहरेण भणियं—“तुमं मोत्तूण को अण्णो रहस्सट्ठाणे । सुणेउ पियवयंसो—“रइवल्लह-भवणाओ विणिग्गएण उज्जाणसिरि-पलोयंतेण लयाहर-रहिया सहयार-मंजरी व सेसमंजरीणं, कप्पलय व्व सेसलयाणं, कलहंसिय व्व सेमहंसिणं, भइकरिणी व सेसकरणीणं, रुव-सोहग्गाइगुण-विणिज्जिय-विसमनयणवत्तहा सहियण-मज्जगया दिट्ठा मए र[य]णसेहर-राय-धूया कणयमंजरी नाम कण्णया । दिट्ठमेत्ताए पत्तोहं विसमसराणं म्पोयरं । तओ लज्जा-भर-मंथरेण वंचिऊण लोयलोयणाणि पुणो पुणो समवल्लोइया जओ—

अणुरायतंतित्तिवद्धा दिट्ठी जणसंकुले वि मग्गम्मि । संतूण मंदमंदं पियजणवयणं पलोएइ ॥२९२॥

गमणव्भत्थणकाले दिट्ठी कह कह वि तीए वयणाओ । ओसारिया मणं पुण तीए समं चेव परियडइ ॥२९३॥

एवंविहे मुहुत्ते नयणजुयं मिलइ कस्स वि जणस्स । हत्थि व्व पंक्खुत्तो दुक्खुत्तारं फुडं होइ ॥२९४॥

सा वि हु मं पेच्छंती पुणो पुणो वलियकंधरा बाला । सुणमणा सहि-वयणा खलंत-पय-संकमा चलिया ॥२९५॥

तम्मि खणे सहिययणं वंचिय मह पेच्छणुच्छुयतरेहिं । नयणेहिं तीए भइवयविज्जुचरियं समणुचिण्णं ॥२९६॥

तो तीए तरलपम्लदिट्ठीं वाणेहिं जज्जरे हियए । न लहामि रइं कत्थ वि हियसव्वस्स इव कापुरिसो ॥२९७॥

खणंतरेण वयंस वलियग्गीवं सिणिद्धवंगविट्ठी-दोरेण । पुणो पुणो मे हिययं आकड्ढंतीव अंतरिया कइवयवणेहि ।

तओ पयट्ठा सरीरे अंगभंगा, वियंभिया दीहुण्हा नीसासउस्सासा । गओ मुद्धारयणमिसेण तमेव-लयाहरयं । जत्थ सा दिट्ठा तव्विरहविट्ठुराणि अंगाणि संवाहेउमचयंतो नुवण्णो मुद्धधरणीतले । कि बहुणा । संपयं पि भट्टट्ठियचणो व्व न सयणीए वि रइं लभामि । एत्थंतरे समागओ सुंदरो । इसि हसिऊण जंपियमणेण—“अहो सच्चा संजाया मे केवलिया ।” मेहरहेण भणियं—“भो न एस कालो केलीए विसमदसा समावण्णो पियवयंसो चित्तेसु किचि उवायं जेण समीहियं होइ । सुंदरेण भणियं—पाहुणया तुम्भे । चिट्ठह इह निच्चिता । मह चेव एसा चिता । जइ एयं पओयणं न साहेमि तो ह्यवहं पविसामि ।” विज्जुसेहरेण भणियं—“अहो भे भणिइनिउणत्तणं—”

परिणामसुहाइं सुपेसलाइं जणहि[य]य निव्वुडं कराइं । विरला जाणंति जणा पत्थावे जंपियव्वाइं ॥२९९॥

गओ सुंदरो समासासिओ विज्जुसेहरो । जओ—

दव्वावहारजणियं पियजणविरह्वुभवं दुरहियासं । अइ गरुयं पिहु दुक्खं आसाबंधो सहावेइ ॥ ३०० ॥

तओ आरब्भ पारद्धा पाणभोयणाईया सरीरठिइविज्जुसेहरेण । भवंति परोप्परं संलावा सुंदर-जयमंगलाण । एवं च वच्चत्तेसु दिण्णेषु अण्णम्मि दिवसे दोलीणो रयणियपढमपहरे मियक-कर-नियर-करंबिए जीवलोए निग्गओ रयणसेहरमंदिराओ वद्धावणयतूरसहो । संकियहियएण पुच्छिओ विज्जुसेहरेण मेहरहो । तेण भणियं—“अहं पि न सम्मं वियाणामि ।” एत्थंतरे विवण्णवयणो अहोमुहलोयणो समागओ सुंदरो । पुच्छिओ मेहरहेण—“वयंस ! विच्छायवयणो विय लक्खीयसि ?” तेण भणियं—“भाउय ! जीविए वि णे संसओ । चिट्ठउ ताव विच्छायवयणया ।” जओ— दिणाव-साणे रविकरा इव अत्थमिया मे मणोरहा जीवियासा य ।” मेहरहेण भणियं—“कहं ?” तेण भणियं—“कण्णकडुयंपि पुच्छंतस्स तुह कहिज्जइ । वद्धावणयतूर-रव-सवण-संकिय-माणसो गओ हं रायमंदिर-दुवारं । बहुजण-संवाह-दुस्संचारत्तणओ पविसिउमचयंतो ठिओ तत्थेव खणमेणं । दिट्ठा य नीहरती ससोणा जयमंगला रायमंदिराओ । सा वि मं दट्ठूण बाहजल-भरिय-लोयणा मञ्जुभर-भरियमाणसा खलंतक्खरं जंपिउमारद्धा—“भो सुंदर ! पेच्छह ह्यविहिणो विलसियं । संघडण-विहडणुज्जुओ एस ह्यासो । निप्फलो जाओ सव्वो वि मे पयासो । जओ—

अण्णह परिचित्तज्जइ सह्रिसकंडुज्जुएण हियएण । परिणमइ अण्णहच्चिचय कज्जारंभो विहिवसेण ॥३०१॥

तओ मए भणियं—“कज्जं भणउ भोई । कि बहुणा निरत्थयविलावेण ?” तीए भणियं—“जइ एवं तो सुणसु । अत्थेत्थ उत्तरसेणिसंठिय-सयल-विज्जाहर-नियर-नमणिज्जो सुविभत्त-तिय-चउक्क-चच्चर-उज्जाणारामरम-णीयविसालसाल-सक्किदण-पुरवर-सरिच्छं चंपासुंदर-पमुह-यहाण-बहुनयर-सामिओ, कमल-दलविसाललोयणो पडिपुण्ण-पुण्णिमा चंदो व्व आणंदयो जणलोयणार्णं, सूरु व्व अखंडियपयावो, दप्पिट्ठुवइरि-वारण-विक्कमो, अवकतानामंत-सामंत-मंडलो मूरसेणो नाम विज्जाहराहिवो । नेमित्तिय-वयण-संचोइएण नियसुयसूरतेय-निमित्तं पेसिया नियपुरिसा कणय-मंजरीए वरणत्थं । दिण्णा अणुगहं मण्णमाणेण रणसेहरराइणा । पारद्धो वरणमहूसवो । समाह्या संवच्छरिया । निरुवियं लग्गं । इओ दिवसाओ दसमदिवसे दसमीए सोमेण पाणिग्गहणं भविस्सइ । अओ एस वद्धावणयं तूर-निग्घोसो । एयं सुणिऊण मुच्छानिमीलियच्छी पडिओ पल्लंकाओ धरणीए विज्जुसेहरो । सित्तो सिरि-खंड-जलेण । पविजिओ ताल-विटेण । संवाहियाणि मेहरहेण सव्वंगाणि । खणंतरेण लद्धचेयणो विलविउमारद्धो—

दंसणमेत्तेण वि वडिड्ढऊण नेहं ह्यास रे दिव्व ! अन्तत्थ तं मयच्छि जोडितो किण्ण लज्जिहसि ॥३०२॥

नयणाण पडउ वज्जं अहवा वज्जाउ समहियं कि पि । अमुणियजणे वि द्दिट्ठे अणुबंधं जाणि कुव्वंति ॥३०३॥

चित्तं चंपिज्जउ पव्वएण सलसलइ जेण न हु किंचि । न तथा नयणेहि अहं कयत्थिओ जह य चित्तेण ॥३०४॥
 खणदिट्ठुनट्ठुदुल्लहलोयकए हिययकिलकिलम्मिहसि । मुंच विसायं संपइ पडियसहं होह कि बहुणा ॥३०५॥
 वामे विहिम्मि संपइ अइदुस्सहदुक्खभारभरियं पि । कि हिययवज्जघडियं जं न वि सय-सक्करं जासि ॥

एमाइबहुवियप्पं विलवमाणस्स विज्जुसेहरस्स अपडिपुण्ण-पइण्णस्स पुरओ संठियस्स सुंदरस्स कि कायव्वया विमूहस्स मेहरहस्स, ईसि वियसियवयणा, वियडपइक्खेव-संजाय-सेय-बिंदु-संदोह-मंडियगंडल्यला, परितोस-विसप्पमाण-वयण-कमला, समागया जयमंगला । दिण्णासणा सुहिनिसण्णा भणिया सुंदरेण—“सागयं भदे ! संतुट्ठा विय लक्खी-यसि ?” तीए भणियं—“वयणमेत्तेण न उथ कज्जसिद्धीए ।” मेहरहेण भणियं—“पढमं ताव वयणमेव पच्छा कज्जसिद्धी भवइ ।” सुंदरेण भणियं—“कहेह ताव केरिसं वयणं ।” तीए भणियं—“सावहापो सुण, दट्ठूण वरण-वइयरं पुच्छिया हं कणयमंजरीए—‘हले जयमंगले ! संपइ कि कायव्वं ?’ मए भणियं—‘जं गुरुयणो समाइस्संति ।’ तओ सकोवं जंपिय-मिमाए—‘तुमं पि एवमुल्लवसि ? अहो ते समचित्तया ! मोत्तुं विज्जुसेहरं जइ परं जलणो मे सरीरे लग्गइ ।’ तओ सा सहीजणेण समासासिज्जमाणा वि परमजोगिणि व्व मंतं हिययट्ठियं विज्जुसेहरकुमारं ज्ञायंती निच्चेट्ठा हवइ । पुणो जक्खाइट्ठु व्व विमक्क-गस्य-हुंकारा खणं गायइ, खणं नच्चइ, खणं वेवइ खणं रोयइ, इच्चइअसमंजसाणि कुणमाणी खणं पि न विरमेइ । तओ मए गंतूण साहियं तज्जणणीए रयणमंजरीए जहट्ठिअं । तीए भणियं—‘जं वच्छाए रोयइ तं मए कायव्वं, कि एत्थ वि बलामोडी । भणसु गंतूण तथा जहा न सा अधिइं करेइ ।’ अहं पि जणणी भणियंतीए कहिऊण तुम्ह समीवमागय ति ।” सुंदरेण भणियं—“जइ अणुकूलो विही ता एयं पि भविस्सइ ।” पुप्फतंबोलाइणा सम्माणिऊण विसज्जिया जयमंगला । तव्वयणसमासासियमाणसो ठिओ कइवयदिवसाणि विज्जुसेहरो । साहिओ रयणमंजरीए भत्तुणो सब्बो वि निय-सुया-वइयरो । न पडिवण्णमणेण । विण्णायमेयं कणयमंजरीए । विगलिया सा बंधणा घणियं धीइविरलिया जाया । निरुद्धसइं ह्यमाणीए बोलीणो वासरो । समागया रयणी । वियंभिया कणयमंजरीए अरई । वित्थरिओ रणरणओ । एगामिणी चेव जंपिउमारद्धा—“अहो तायस्स निरवेक्खया ! अहो ! निन्नेहया जेण जणणीवयणं न पडिवण्णं ! अहवा वि नत्थि दोसो तायस्स विसू-रणवसगस्स सब्ब-जणाण वयणं कट्ठं खलु भिच्चभावो ति । जओ—

ओसरइ पहूण परव्वसाण तावियपराण वि पयावो । पडिंबिबगओ तिव्वो वि ह्यवहो निप्फलो चेव ॥३०७॥

एवं ठिए मरणमेव एत्थ पडियारो ति चित्तिऊण निग्गया सणियं कणयमंजरी । दिट्ठा निर्मांच्छंती जयमंगलाए । संजायसंका सा वि तयणुम्मणेण पट्टिया । गया कणयमंजरी पच्चासण्णुज्जाणे । घण-पायव-अंतरिया भुत्ता जयमंगला । कणयमंजरी वि पत्ता वंजुलविडविहेट्ठुओ । निरुवियाओ दिसाओ । समाहूदा तत्थेव बद्धो साहाए उत्तरिज्जेण पासओ । कओ नियकंधरापणई । बाहजलभरियलोयणा सगगयक्खरं जंपिउमाहत्ता—“अंब ! अवच्चवच्छले ! आजम्माओ दुव्वि-णय-कुलहर-भ्याए सच्छंदकारिणीए जं मए अवरद्धं संपयं खमियव्वं । सायर-गंभीर-हिययताय ! तुमं पि मरिसेज्जसु मे परलोयपत्थियाए दुव्विलसियं । जणणीसमहियनेहे जयमंगले खमसु जं किंचि मए अवरद्धं । तथा—

हिययव्वभंतरसंठिय-सुवियड्ढ-गुणड्ढ-सुहय-सुरूव ! पत्थेमि कि पि सामिय पाणच्चायं करेमाणी ॥३०८॥
 तुह संगम-रहियाए बोलीणो जइवि एस मह जम्भो । जम्मंतरे वि मह तह वि सुहय तं वल्लहो होज्ज ॥३०९॥
 अण्णं पि कि पि भणिमो भणंतं जइवि निट्ठुरं तहवि । नीहर मह हिययाओ रुद्धे कंठे न निस्सारो ॥३१०॥
 मण्णे न किंपि अण्णं विहिणा मह मरण-कारणं लद्धं । तेणांचित्थियमेयं तुमए सह दंसणं विहियं ॥३११॥

जं किंपि मए चिण्णं पुण्णं सीलं च पालियं सुद्धं । जइ मग्गियं पि लब्भइ ता मह होज्जण्णजम्मेवि ॥३१२॥
इमिणा सह संजोगो हिययद्वियवत्तल्लहेण सुहएण । एयम्मि अवसरम्मि एस चिचय पत्थणा मज्झ ॥३१३॥

एवं भणिऊण मुक्को तीए अप्पा । भारभर-भज्जिरा नामिया वंजुल-साहा । चउरंगुलेण महीमपत्ता सुरसुंदरि व्व सा अवरुद्धा जाव चिट्ठइ तावागया “वच्छे ! कणयमंजरी, कत्थ गया ? कत्थ दट्ठवा ?” इच्छाइविलवमाणी तं पएसं जयमंगला । दिट्ठा य निरुद्धधमपिसंचया पासनिरुद्ध-कंठत्तणओ ईसीसि पसरंत-सा साणुमिज्जमाणजीविया कणयमंजरी । “हा ह्यम्मि मंदभाइणी” भणमाणा धाविया जयमंगला । पासयं छेतुमचदंती चलणजुयलस्स हेट्ठओ होऊण उइद्धमुप्पाडिय-चलणा जाव-चिट्ठइ, ताव दाहिण-करकयासिध्रेणुओ ‘भीरू न भाइयव्वं’ ति भणमाणो वियडपयप्पयार-सिग्घ-लंघिय-महीमंडलो समागओ तं पएसं विज्जुसेहरो । सरसर-समारुढो वंजुल-पायवं । छिण्णो पासओ । सिग्घमुत्त-रिऊण विहियो वत्थंचलेण सरीराणुकूलो पवणो । समासण्णसरसीओ मीयल-सलीलेण सित्ताणि सव्वंगाणि । संवाहि-याणि अंगाणि । मुच्छानिमीलियच्छी सुमिणयं व मण्णमाणी सहत्थ-विरइय-कोमल-किसलय-सत्थरे सोवाविया विज्जुसेहरेण । पुणरुत्तपवण-करणइपयारेहि लद्धचेयणाए उम्मीलियं लोयण-जुयलं भणियं च णए-“को एस रइविरहियो पंचवाणो ? नक्कोव्वणो जुवाणो !” तओ सवणंते होऊण पुच्छिया कणयमंजरीए जयमंगला-“हले ! को एस पडिपुण्णपुण्णिभा चंदो व्व दंसणमेत्तेण वि निव्वय-सयल-जीव-लोगो निक्कारण-वच्छलो मं अणुकपेइ ?” तीए भणियं-“सो चैव एस सामिणि हियय-वल्लहो विज्जुसेहरकुमारो । एयं मुणिऊण आणंद-भरनिब्भरा अणाचक्खणीयं दसंतरं पत्ता कणयमंजरी ।

एत्थंतरे इओ तओ परियडंतो पत्तो तमुद्देसं सुंदरो । दट्ठूण ताण समागमं हरिसिओ माणसे निसण्णो तयतियं । पुच्छिओ जयमंगलाए विज्जुसेहरो-“कुमार ! कहं तुमं अचित्तियामयवुट्ठि व्व अकाले वि इहागओ ?” तं सुणिय अदिण्ण-पडिवयणो अहोमहो ठिओ । सुंदरेण भणियं-“सुयणु ! तं कयं कुमरेण जमप्पणा साहेउं न तीरइ । सुणेंउ भोई अहं कहेमि । सुणिऊण कणयमंजरीए हिययाभिप्पाया पडिकूलं पिउवयणं, दट्ठूण कीरमाणी विवाहसामग्गि, नाऊण समासण्णं पाणिग्गहण-दिणं, निरास-माणसो विसज्जिऊण अम्हे एयागी चैव वासमवण-पल्लंके सुत्तो । संजायसंको अहं पि वारदेसे अलक्खिओ चैव नुवण्णो । खणंतरेण निसुओ मए एवं पलवंतो कुमारो ।

हा हियय ! कीस झूरसि आसं मोत्तूण साहंसं भयसु । अज्ज वि का तुह आसा परेण पत्ते पिए मूढ ॥३१४॥

अविय-

जइ डज्झसि डज्झसु फुट्ठसि फुट्ठसु हे हियय न हु निवारेमि । जं आसा वि हु मज्झं ह्य विहिणा तोडिया इण्हि । पियविरहगरुयमोगगरज्जकरकायस्स गयउवायस्स । मरणं चिय मह उचियं दुहवीसारो तयं जेण ॥३१६॥
वरि मरणं मा विरहो अइ दुस्सहो म्हे पडिहाइ । वरि एककंचिय मरणं जेण समप्पंति दुक्खाइ ॥३१७॥

एवं भणिऊण निग्गओ एस वासभवणाओ । अहं पि पिट्ठओ तावागओ जाव इंसं ठाणं । एसो वि सहयारं समाहिय दाऊण नियकंधरा पासयं एयं भणिऊमाढत्तो-

पुरिसायार-विरुद्धं वला वि कारेइ पियजणे विरहो । तेण मरिज्जइ दोसो न मज्झ इह किन्नु ह्यविहिणो ३१८ ।
जेण पियमाणसेणं सिणेहसारेण स-हियएण । जणिऊण नेहपासो झड त्ति छिण्णो ह्यासे ॥३१९॥

एवं भणिऊण जावज्ज वि न एस मेल्लेइ अत्ताणयं ताव निसुओ तुह पलाव-सद्धे । तओ करुणारस-भरियहि-
[य]ओ ‘पच्छा वि सहीणं मरणं’ ति मण्णमाणी उत्तरिऊण सहयाराओ गहियासिध्रेणुओ इहागओ । अहं पि पयस्स पयाणु-
लग्गो लयाहंतारिओ ठिओ एवइयं वारं अणुकूल-विहिवसेणं इमाण विरह्मिगतवियवेहणं समदुक्काणं जाओ समा-
गमो कह वि धण्णान । जओ-

संघडइ विहडियाणि विघडियाणि विहाडए लहुं चव । चित्तिउं पि न सक्कइ जं पुरिसो तं विही कुणइ ॥३२०॥
सुहियं पि कुणइ दुहियं, दुहियं सुहियं खणेण दंसेइ । जं सक्कइ कुणइ तयं सच्छंदं विलसियं विहिणो ॥३२१॥

जयमंगलाए भणियं—“किं कायव्वं । पभाए परिणयणवासरो इमाए बालाए ?” विज्जुसेहरेण भणियं—“जं गुरुणो भणंति तं कायव्वं कुलकण्णगाए ।” तं सुणिय बाहविल-लोयणा जाया कणयमंजरी । जयमंगलाए भणियं—“अल्लमिमाए संकहाए । न एसा इमं पाणच्चाए वि वरिस्सइ, अण्णं किपि उवायंतरं चित्तेहि ।” सुंदरेण भणियं—“अत्थि एगो उवाओ ।” जयमंगलाए भणियं—“केरिसो ?” भणियमणेण—काऊण कणयमंजरीए रूवं गहिऊण इमीए नेवत्थं परिणावेमि अहमत्ताणयं सूरतेएण । पच्छा लहिऊण अवसरं पलाइस्सं । कुमारो पुण संपयमेव गंधव्व-विवाहेण विवाहेउ कणयमंजरी ।” जय-मंगलाए भणियं—“अहो मह हियमणेव मंतिंयं सुंदरेण । इमम्मि काले इमं चव संगयं ।” सब्बसम्मएण परिणिया तत्थेव विज्जुसेहरेण कणयमंजरी । कणयमंजरीवेसं गहिऊण जयमंगलाए सद्धि गओ रयणसेहरमंदिरं सुंदरो । विज्जु-सेहरो वि नलिणीदल-रइय-सत्थरे समं कणयमंजरीए गमिऊण रयणिजाम-दुगं उट्ठिओ चित्तिउमारद्धो—

विरहे विसं व विसमा अमयसमा होंति संगमे अहियं । किं विहिणा समयं चिय दोंहि पि पिया विणिम्मविया ॥
विसमो सत्तु धेवं च अंतरं कत्थ संपइ वयामो । एसा वि हु मुद्धमुही वसणसमुद्धम्मि पक्खित्ता ॥३२३॥

जावेव चिताउरो चिट्ठइ ताव जयमंगला समीवाओ मुणियवुत्तंत्तो समागओ तं पएसं मेहरहो । लज्जोण्णय-मुहेण जपियं विज्जुसेहरेण—“वयंस ! छमियव्वं जं अणापुच्छिय भवंतं साहसमेयमणुचिट्ठियं ।” मेहरहेण भणियं—“न सोहणमेयं नाय-पडिवालणपरा चे[व]सप्पुरिसा भवंति न विलोवगा ।

नइपूरसच्छहे जोव्वणम्मि दियहेसु निच्चपहिंसु । अनियत्तासु य राईसु मित्त न हु संगयं एयं ॥३२४॥

जओ भणियं—

सव्वावत्थसुहंकरु, सच्चं गेयरसु । सच्चू मणसम्मोहणु, तरुणीयणु सरसु ॥

परि भंगुरिन निहालिवि हिराणाह । कासु न मणु मउलिज्जइ, मित्तसयाणाह ॥३२५॥”

विज्जुसेहरेण भणियं—

ताव सयाणो पुरिसो उवएसो ताव वियरइ परस्स । जावज्जवि न पियमाणुसस्स दिट्ठी पहे पडइ ॥३२६॥
किं वा बहु भणिणं पत्तं जं पत्थियं मए मित्त । जाओ अहं कयत्थो संपइ जं होइ तं होउ ॥३२७॥

मेहरहेण भणियं—“वयंस ! करेउ कणयमंजरीसुंदररूवं, जेणेह ठिया चव पेक्खामो ताव विवाह-महसवं । चित्तेमो य किपि उवायं जेण सुंदरो वि नित्थरइ इमाओ वसणसमुदाओ ।” तद्देव कयं । पभाया रयणी । गया निकेयणं । वित्तो महया विच्छट्टेण रायउल-विवाहो । संपूइओ वत्थाहरणाईहि रयणसेहरेण सूरतेयपरियणो । दाणसम्माण-परायणाण महया हल्ल-फलएण बोलीणो वासरो । समागया रयणी । पारद्धं पेक्खणयं । ठिओ पढमपहरं जाव गीय-नट्ट-विणोएण सूरतेओ ।

एत्थंतरे भणिया जयमंगला कवडेण कणयमंजरीए—हले ! असत्थं मे सरीरयं, गाढा मिरो वेयणा फुट्टइ व्व मे लोयणजुयलं, सल्ल-समुग्घाय-सल्लियाणि न व्हंति मे अंगाणि ।” तीए वि गंतूण साहियं जणणी-जणयाण । तेहि वि संबुद्ध-चित्तेहि पारद्धा तप्पडियारो । सूरतेओ वि रयणसेहरो व दंसियवासभवण-पल्लंके नुवण्णो । समागया निहा । सिर-निवद्ध-सरस-सुयंधकुसुममाला-परिमलागएण डक्को कंधरा-पएसे भुयंगमेण । सोडीरयाए न साहियं कस्सवि । तहेव पसुत्तो चव मुक्को पाणोहि । पभाया रयणी । उग्घाडियं वास[भुवण]दुवारं । दिट्ठो तयवत्थो सूरतेयकुमारो । वित्थरिओ हाहारओ । समाउलीहूओ सूरतेयपरियणो । ससोगो जाओ रयणसेहरो । साहियसरूवो सूरसेणराया वि तत्थेवागओ सुयमरण-दंसण-संजायानल-इज्जंत-माणसो विलविउमारद्धो ।

एक्कोच्चिय मह पुत्तो ह्यास रे दिव्व कह तए हरिओ । निस्संताणो संपइ संपुण्णो पुण्णरहिओ हं ॥३२८॥
 हा हा ह्यास ! निग्घणकयंत ! कि तेन संठियं चित्ते । जह एगसुओ एसो तव्विरहे कहणु जीविहिही ॥३२९॥
 जइ अवहरणे बुद्धी पढमं चिय कीस एस मह दिण्णो । दाऊण जं हरिज्जइ जणोइ तं दारुणं दुक्खं ॥३३०॥
 धण्णाण धरावलए सुयसामग्गी अनिदिधा होइ । सुयविरहियाण जम्मो अहम्मकम्माण वोलेइ ॥३३१॥
 मयकिच्चाणि करिस्ससि मज्झ तुमं पुत्त ! परभवगयस्स । ह्यविहिवसेण एयं विवरीयं संपयं जायं ॥३३२॥

एमाइ विलवमाणो पुणो पुणो सूरसेणंनरनाहो सामंतामच्च-पुरोहिण्हि कह्वि संठविओ । तओ सयलजण-
 परिवारिओ काऊण मय-किच्चाणि सोगभर-भरिय-माणसो समागओ घरं । राइणो सोगावहरणनिमित्तं जिणसासण-
 कुसलेण भणियं मइसागरमंतिणा—महाराय !

सो नत्थि तिहुयणे वि ह् सुरो व्व असुरो व्व चक्कवट्टी वा । जो जगडिओ न धणियं जम्मण-मरण्हि पावेहि ॥३३३॥
 संसारम्मि अणंते परिब्भसंताण कम्मवसगाण । सत्तू वि सुओ जाओ सुओ वि सत्तुत्तणं पत्तो ॥३३४॥
 भवजलहिमज्झवडिया जीवा गुरुकम्मल[ह]रीहीरंता । संघडण-विहडणाओ पावेति परोप्परं बहुसो ३३५॥
 इट्ठविओगो अबुहाण माणसे कुणइ दारुणं दुक्खं । सो च्चिय बुहाण निव्वेयकारणा कुणइ कल्लाणं ॥३३६॥
 कि च—

कि संपत्थियाण परलोगमेगसत्थेण पंथियाणं व । जइ कोइ पुरो गच्छइ का किल परिदेवणा तत्थ ॥३३७॥
 सव्वे वि मरणधम्मा संसारी तेण कासि किमु सोणं । जं अप्पणो वि होही मरणं कि तत्थ सोगेण ॥३३८॥
 * पज्जसं प्ह परिदेवीएण दुक्खावहेण अह्लेण । जिणधम्मसेवणेणं अप्पहियं कुणह कि बहुणा ॥३३९॥

एमाइ धम्मोवएसं दितस्स मंतिणां ममानओ तइय वासरो । तओ कयमयकिच्चां वाराइक्कंतकयभोयणो
 सुयमरण-समुवभूय-सोयवस-बाहल्ल-लोयणे गमिऊण वासरं रयणीए वि अलद्ध-निहो विसूइया दोसेण सूरसेणाराया वि
 उवरओ । पच्छण्णमेव सक्कारियं कडेवरं । पहाणमंति-सामंता मंतिउमारद्धा—“रायसंताणे नत्थि कोइ रज्जारिहो
 अकालखमं च इमं पओयणं । अओ भणह जमेत्थ कायव्वं ।” मइसागरमंतिणा भणियं—“पंचदिव्व-पडिवण्णो राया
 कीरउ एसा मह मइ ।” सेसेहिं वि तमेव पडिवण्णं । अहिवासियाणि पंचदिव्वाणि । परिभमियाणि इओ तओ नयरमज्जे ।
 न दिट्ठो कोइ रज्जारिहो पुरिसो । तओ नयरओ नीहरिऊण ग्याणि तमुज्जाणं दिट्ठो तत्थ सहयार[तले] नुवण्णो
 मेहरह-कणयमंजरीहिं सेवियसव्वेयरभुयादंढो विज्जुसेहरकुमारो । पडिवण्णो दिव्वेहि । अहिसित्तो उत्तरसेणिविज्जाहर-
 चक्कवट्टीए । पणया मंति-सामंताणो । उज्झयस्व-विवज्जया जाया कणयमंजरी । सुंदरो वि सरूवमावण्णो समागओ
 विज्जुसेहर-समीवं । साणंदमवग्गहिऊण निवेसिओ अद्धासणे विज्जुसेहर-महाराइणो । पसाईकयं नियअंगविलगं वत्था-
 हरणाइयं । मेहरहेण भणियं—

को कुणइ तुज्झ मुल्लं मित्तत्थे जेण संकडे अप्पा । पक्खित्तो सहसच्चिय तिणं व जीयं गणंतेण ॥
 विहिवसं विहडिय अइगरुयकज्जं संघडणवद्धलक्खेहि [] ॥३४०॥

इओ य नियमंदिरे कणयमंजरी अपेच्छंती संबुद्धो रयणसेहरो । निरुविया इओ तओ न लद्धा कत्थ वि पउत्ती ।
 सरूवसाहणत्थं गओ विज्जुसेहर-राय-समीवं । विण्णत्तो राया—“देव ! कणयमंजरी मह दुहिया खणमेत्तसूरतेय
 धरिणिलद्धसद्दा देवरज्जाहिसेय-समयसमाउले राउले सव्वम्मि पुरवरे न तज्जइ केण वि अवहरिया । ईसि हसिऊण
 जपियं सुवरेण—“अलं तीए पतिमारियाए अवलक्खणाए ।” तव्वयणदूमिओ मणागमहोमहो ठिओ रयणसेहरो । रणा
 भणियं—“दिट्ठं पच्चभिजाणसि नियधुयं ?” तेण भणियं—“किं निययावच्चाणि वि नाभिजाणिज्जंति ?” दंसिया

कणयमंजरी । पञ्चभिष्णाया य तेण । रण्णा भणियं—“किं ह्वइ सा न वा ?” तेण भणियं—“अत्थि ताव बहु साहम्मं भूविक्खेवेणाणुष्णाया समाणी राइणा पडिया पिउ-चलणेसु । समाहूया तत्थेव जयमंगला विम्हिय-माणसो भणियो तीए रयणसेहरो—“सामि ! संपयं एत्तियं चेव वियाणमु जह सा मज्झ दुहिया सेसं सट्ठाणगयस्स साहिस्सामि देवस्स ।” तओ तंबोलाइणा कयसम्माणी उट्ठियो रयणसेहरो । गओ नियमंदिरं । सुहामणगयस्स साहियो सव्वो वि वइ[य]रो [जय]मंगलाए । सहाविया रयणमंजरी पुच्छिया य—“पिए ! तुमं पि एयस्स नाउयस्स मज्झवत्तिणी ?” ईसि हसिऊण मीणमासिया रयणमंजरी । रण्णा चितियं—अव्वो मिलिया इमाण भाणसं । अलं बहुवियारेण ? संपयं वट्ठावणयपुरस्सरं कल्लाण-पओयणाणि कीरति ।” तहेव कयं महाविभूईए पवेसिओ नियघरे राया । कयाणि सयल-कल्लाणाणि । समप्पिया सहत्थेण कणयमंजरी । उवायणीकयं मणि-रयण-करि-तुरगाइयं । पसत्थवासरे बहुविज्जाहर-परिवारिओ[गओविज्जुसेहरो] सनगरं अहिट्ठियं सूरसेणमहारायपयं । पणया सव्वे वि विज्जाहरतरिदा । वट्ठियो पसाओ । मेहरहसुंदराणं तिय दंसणामणं समाणदियाणि जणणि-जणयाणि । विणिययपयावो जाओ विज्जाहर-चक्कवट्टी । चितानंतरसंपज्जंत-सयलसमीहियो कणयमंजरीपमुहतेउरेण सट्ठि विसयसुहमणुहवतो कालं गमेइ । संजाया जोगपुत्ता ! पत्तो परमपसिद्धि ।

अण्णम्मि दिणे धम्मियजण-संकहाए चिट्टमाणो विण्णत्तो लयासुंदर-ज्जाणसमागएण पियंकराभिहाणपुरिसेण—“देव ! समागओ लयासुंदर-ज्जाणे अण्णाण-तिमिर-दिणयरो, भविय-कुमुय-पडिवोहण-मसी, नियवयणामय-निव्वविय-दुहानल-विघडडजणमाणसो, चउनाणवियाणियपयत्थ-वित्थरो सुघोसो नाम मुणिवरो ।” एयं मुणिय संजाय-सट्ठो गओ वंदणत्थं राया । वंदिओ भावसारं । निसण्णो उच्चियासणे कया साहुणा संसार-निव्वेयणी धम्मदेसणा । छिण्णा जणाण बहुवे संसया । अवसरं ल्हिऊण पुच्छियं र/इणा—“भयवं ! किं मए पुव्वभवे सुहमणुचिण्णं जस्सेरिसो सुहो परिणामो ? केण वा कज्जेण कणयमंजरी पइ समहियो सिणेहो ?” साहुणा भणियं—“महाराय ! अणंतरभवे सोमिलो नाम तुमं माहण-सुओ अहेसि । बालस्सेवोवरयाणि जणणि-जणयाणि । माउलेण संवड्ढिओ तस्स धरे कम्मं काउमाडत्तो । अण्णम्मि दिणे जिणविव-पुरओ भावसारं धूवो तए उग्गाहियो । तज्जणियपुष्ण-परिणामो एस ते वियंभियो । कणय-मंजरी वि आहीरि-दुहिया अहेसि । पओयणवसेण पट्टणागयाए कोउहलवसेण जिणभवण-पविट्टाए दिट्ठो तुमं धूवं दहतो—‘अहो धण्णो एस, सहलमेयस्स जीवियं जो एवं पसंतमुत्तिणो देवयाविसेमस्स पुरओ धूवं दहेइ ।’ एवं पुणो पुणो अणुमोयमाणीए तुमं पइ संजायपक्खवायाए भोगमारं बद्धं मनु[य]आउयं । आउयक्खएण मरिऊण समुप्पण्णा रयण-सेहरदुहिया । दंसणमेत्तेण जाओ तुमं पइ सिणेहो । अच्चंत-वल्लहो तुममिमीए तुज्झ वि एसा ।” एवं मुणिय संजाय-जाइसरणो संसार-विरत्तमाणसो, अहिसिचिऊण रज्जे कणयमंजरीसुयं विज्जुमालि, काऊण जिणाययणेसु अट्टाहिया महिमं, विह्रिऊण साहु-साहम्मियाण पूयं, दाऊणदीणाणाहाण दाणं, मोयावेऊण कारागारगए दुहिय-जंतुणो पुरिस-सहस्स-समुक्खत्त-सिबियासमारुढो, जणितो तरगणाण विम्हयं, पभाबितो पवयणं पत्तो सुघोसमुणिवरसमीवे रायां समं कणयमंजरीए । दिक्खियाणि दो वि आगमविहाणेण । समप्पिया संजईण कणयमंजरी । परिपालिऊण निरइयारं सामण्णं समुप्पण्णो सव्वट्ठे विज्जुसेहरमुणिवरो । तओ चुओ सिज्झस्सइ महाविदेहे वासे । आहरणपुरस्सरं भणियं जिणविव-धूयपूयाफलं । भणियो पियंकरसूरिणा समुदत्तो—

जिणपडिमाणं पुरओ भावेण समुद्धओ पवरधूवो । इह परभवे य जायइ कल्लाणपरंपरा हेऊ ॥३४१॥

इयाणी दीवयपूयाफलं भण्णह—

अत्थि इहेव जवुट्टीवे दीवे एरवयवासे मज्झसखडे अणेग-जण-जणिय-कोलाहल-भरियभुवणोदरं, अदिट्टपरचक्क-विड्ढमं वीयसोगं नामनयरं । तत्थ य अणेगसमरसंभट्ट-निहय-दरियारि-सुंदरीविमुक्क-नयण-सलिल-संसित्त-धरावलओ सूरौ एव नियपयावसमवकंत-महिमंडलो महिंदसारो नाम राया । तस्स य निय-नयणसोहा-विणिज्जिय-कमला कमला नाम महादेवी । विसय-सुहमणुहवंताण वच्चंति दियहा ।

अण्णम्मि दिणे दिट्ठो कमलाए पवड्ढमाणतेषसिहो रयणीए रमणरासी सुविणयम्मि वयणेण उदरम्मि पवि-समाणो । सुह-विबुद्धाए साहिमं दइयस्स । तेण चि समासाभिया पहाण-पुत्त-जम्भेण पसण्ण-माणसा कालं गमेइ । उच्चिय-

समए पसूया जाओ से नियकंतिसमुज्जोडय-भवणभंतरो दारओ । कयं वद्धावणयाइज्जियकरणिज्जं । सुहेण समइ-क्कंतो मासो तेयब्भहिओ त्ति काऊण पइट्ठावियं से नामं तेयसारो त्ति सियपक्ख-ससि-मुत्ति व्व वड्ढिओ देहावचएणं [कला]कलावेण य । अईव सत्ताहिओ धम्मकलावियक्खणो य पाणेहितो वि पिओ जणणि-जणयाण सम्मओ सयल-परियणस्स । समाणवय-वेस-रायसुयसहिओ विविहकीलाहि कीलंतो कालं गमेइ ।

अणया मरणपज्जवसाणयाए जीवलोगस्स उवरया कमला-महादेवी । कयाणि मय-किच्चाणि । टिओ कइवय दिणाणि ससोगो राया । पच्छा सविसेसणेहेण तेयसारं पेच्छंतो रज्जकज्जाणि चित्तिउमारदो । अहिंसित्ता पट्टमहादेवि-पए कमलसिरी नामसवक्कि-जणणी । जाया राइणो अईववत्तहा । समुप्पण्णो तीए पुत्तो । कयं नामं सीहविककमो । सम्मओ राइणो ।

अणम्मि दिणे रयणीए वासभवणागएण मदुक्खं रुयमाणी दिट्ठा कमलसिरी । राइणा पुच्छिया य—“सुयणु ! कि कारणं रोइज्जइ ? वयणाणंतर-संपज्जंतमव्वकज्जम्मि मह रज्जम्मि कि ते न संपज्जइ ?” तक्खणसमुप्पण्णा[मइ]-भेएण जंपियमिमीए—“अज्जउत्त ! संपज्जइ सब्वं तुम्ह पाय-पसाएण । किंतु पए पए अक्कोसिज्जइ य सीहविककमो तेयसारेण । मए वि [जीविए] धरमाणीए जइ एम एवं विडंबिज्जइ मयाए कावि गई भविस्सइ न तज्जइ ?” राइणा भणियं—“पिए ! अलं अणिट्ठित्ताए । तहा जइस्सं जहेस सुत्थिओ भविस्सइ ।” तीए भणियं—जेट्ठो तेयसारो । तस्स रज्जाभिसेए सविसेसं एम दुत्थिओ भविस्सइ ।” रण्णा भणियं—“सुयणु ! चयसु विसायं । रज्जं पि सीहविककमस्स वियरिस्सामि । परिटुट्ठा एसा । पभाया रयणी । कयगोसकिच्चेो निसण्णो अत्थाणमंडवे राया । सेवाममय-समागएसु अमच्च-सामंताइएसु, सट्ठाण्ठिएसु भड-भोइएसु, बहुवयंस-परिवारिओ पायवडणत्थं ममागओ तेयसारकुमारो ; पणमिओ राया । पायवोढ-निसण्णो अवलोइऊण हक्खदिट्ठीए निट्ठुरवयणेहि भणिओ तेयसारो राइणा—“अरे ! वाहि व्व पवइइ-माणो परपीडाकरो तुमं । कि निमित्तं सीहविककमकुमारं कयत्थेसि ? अहो ते कुलीणत्तं ?” तेयसारेण भणियं—“ताय ! न मए अवरदं कइया वि कुमारस्म । अत्थियं केणावि तायपायाणं निवेइयं ।” राइणा भणियं—“कयावलाव-जणियपावं अवसर मे दिट्ठिपहाओ । न मे किपि तए पओयणं । सयलसहासमक्खमेवं फरस-वयण-जणियमाणभंगो विच्छायवयण-कमलो काऊण पणामं उट्ठिओ तेयसारो । सुणियतरवइमणोगएहि अवमाणिज्जइ कुमारो मंति-सामंतेहि । न करेइ वयणं परियणो । न बहुमण्णइ नयरत्तोओ । तओ सविसायं चित्तिअमणेण—

वरं मओ वरं दद्धो मा संजाओ वरं नरो । वरं गन्भे विलीणो सो जो पराभवभायणं ॥३४३॥
पाएणब्भाहयं संतं जमुच्छायकयग्गहं । करेइ तं वरं रेणुं माणहीणाओ जंतुणो ॥३४४॥
किं जीविएण इभिणा परिभवखेत्तेणसयललोयस्स । वच्चामि तत्थ कत्थवि न सुणिज्जइ जत्थ नामं पि ॥३४५॥

एवं कए देसंतराणि वि बहुगुणनिबंधणाणि दिट्ठाणि भवन्ति । जओ—

अदिट्ठपुहइकोऊहलाण भीरुण मूसमाणं व । एक्क विलेच्चिय निच्चं वच्चइ कालो वसंताण ॥३४६॥
न विलासा न पंडिच्चं न यावि मइवित्थरो । न देसभासाविण्णाणं न देसायारनिउणया ॥३४७॥
गेग धुत्तसयाइण्णा नाणावुत्तंसंकुला । नाणेगसो परिब्भंता पुरिसेण वसुंधरा ॥३४८॥

एवं चित्तिऊण अकहितो चेव निग्गओ निसाए नयरीए । पइदिण-वहंतो पत्तो दुम्मासमेत्तेण कालेण आसापूरं नाम पट्टणं । पविट्ठो तयदभंतरे । इओ तओ भमंतेण दिट्ठो एगो छत्तमदो । पविट्ठो तत्थ । दिट्ठाणि एगत्थ पिंडियाणि पंच चट्टसयाणि । तं मज्जे गंगदत्तो नाम उवज्जाओ । काऊण पणामं उवज्जायस्स उवविट्ठो तेयसारो । पुच्छिओ उवज्जाएण—“वच्छ ! कत्तो ममागओ ? कहि वा गंतव्वं ?” तेण भणियं—उच्छण्णवसो विज्जत्थी देसंतराणि भमामि ।” भणिय-

मज्जावण—“जइ एवं तो एत्थेव रायभोयणेण पंच-छत्त-सयाणि पढंति । तुमं पि एत्थेव पढसु ।” पडिवणमणेण । अज्जावेइ तमायरेण उवज्जाओ ।

अणम्मि दिणे पुच्छिओ तेयसारेण उवज्जाओ—“केरिसो पुरिसो तत्तं मुणइ ? केरिसो वा न मुणइ ?” उवज्जाएण भणियं—

किंचि मत्तग्गाही पल्लवग्गाही य तुरीयग्गाही य । अविणिच्छिओ य कत्थवि हिंडइ दप्पेण फुट्ठंती ॥३४९॥
नाऊण किंचि अणस्स जाणियव्वे न देइ ओयासं । न य निज्जिओ वि लज्जइ इच्छइ य जयं गलरवेण ॥३५०॥
मूढो निव्विण्णाणो न य पुच्छइ परिभवस्स दोसेण । जो एवंविहुपुरिसो सो वच्छ ! न याणई तत्तं ॥३५१॥
गुणदोसविसेसण्णू मय-माण-विवज्जिओ विणयजुत्तो । अत्थीं गुरुवट्टमाणी गुणतत्तिल्लो अकोहिल्लो ॥
खीरमिव रायहंसो दोसे भोत्तूण जो गुणे लेइ । अणवरयं पुच्छंती तत्तविऊ जायए पुरिसो ॥३५३॥

तप्पभिइं सो तहेव काउमारद्धो । चट्ठीह पुण पइदिणं एक्को खड्गपूलओ समाणयव्वो । जो न आणेइ तस्स न दिज्जइ भोयणं । इमाओ उवज्जायकरो । अणम्मि दिणे पग्गालिय-वामरे पेसिया सब्बे वि खंडिया तिण-पूलय-निमित्तं । लद्धलक्खा इयरे गहाय नियपूलयं समागया । इओ तओ भमंतो अडविमज्जे भुल्लो तेयमारो । अत्थमिओ दिणयरो । लुलियाओ दिसाओ । कह कह वि गहियपूलओ पडिनियत्तो नयराभिमुहं । दिट्ठो सत्तरत्तरखुहिय-रक्खसेण—“अहो भक्खं मे उवट्ठियं” ति भणिऊण गहिओ तेयमारो । च्छिओ सट्ठाणाभिमुहं । तेयसारेण भणियं—“अहो ! निवासंचरण-दुल्ल-लिय ! जइ सच्चमेव खुहाइओ तुमं तो एत्थेव नियसमीहियं साहेसु कि परिस्समेण ?” तेण भणियं—“सट्ठाणं गंतूण नियकिरियाकलावं काऊण मए भोत्तव्वं । उवविससु जेण ते खंधमाग्गहामि ।” तहेव कयं । च्छिओ कंताराभिमुहं । अईवकोमलं रक्खसस्स चलणतलं । हत्थफासेण नाऊण पुच्छियं तेयसारेण—“कहं ते नवनीयकोमलं पायतलं ?” तेण भणियं—“किं तुह इमाए च्छिताए ?” छत्तेण भणियं—“अवस्स कह्येव्वं ।” रक्खसेण भणियं—“जइ ते निव्वंधो तो सुणेहि । एगचरणं पक्खालिऊण आगासगयं ताव धरेमि जाव जलं तत्थेव झरइ । पच्छा महीए मुयामि । वीयस्स वि एसो वि कमो । किं बट्टुण । पाणपरिच्चाए वि न एयं अण्णहा करेमि । तेण कोमलाणि पायतलाणि । तओ पहे गच्छं-ताण समावडियं मलिलच्छिण्णतलं महासरमेणं । छत्तेण भणियं—“संपयं कहं गंतव्वं ?” रक्खसेण भणियं—“मज्जेण चेव उइण्णो छत्तो उवरि ठिओ कहेइ रक्खसो पुरओ खुहाइओ वच्चसु एत्थ खणंतरं परिहरसु । इत्तो कटंगाइणं विवज्जेसु ।” एयं रक्खसवयणेण लंचियं सुहेण सरं । तओ पुच्छिओ छत्तेण रक्खसो—“कहं तुमं जलमज्जे कटंगाईणि पेच्छसि ?” तेण भणियं—“किं तुह इमाए च्छिताए ?” तेण भणियं—“केण विणोएण भग्गो लच्चिज्जइ ?” रक्खसेण भणियं—“सुणेहि । जइ सब्बसावहारो हवइ तो वि न सूराभिमुहं वच्चामि । तेण निम्मला मे दिट्ठी । जलमज्जे वि कंटयाइं पेच्छामि ।” एवं पुच्छपडिवयणविणोएण पत्ता वडपायवमेणं । उत्तिण्णो तत्थ रक्खसो । एयं मे ठाणं । सुदिट्ठं करेसु संपइ जीवलोयं” ति भणिऊण नियचलणे पक्खालिउमारद्धो । पक्खालिऊण आगासे धरिओ एगो पाओ । एत्थंतरे उग्गाओ सूरिओ । च्छितियं चट्टेण—“जाव एयस्स परिवाडीए दोसु वि चरणेसु सलिलं सुक्किस्सइ ताव महई वेसा भविस्सइ । न य एसो सूराभिमुहं गच्छिस्सइ अओ सूराभिमुहं पलायणं गुणकरं” ति, च्छितिऊण पलाणो चट्टो । रक्खसो निव्वाणेसु पाएसु सूरदंसणं परिहरंतो पच्छाहुत्तं पाएहि तस्स पच्छओ पहाविओ । येव्वेलाए सुन्न-नगर-समासण्णी-भूयस्स दंसणागोयं गओ चट्टस्स रक्खओ । भयभीओ पविट्ठो तम्मि चेव नगरे छत्तो । रायपहासण-मडमज्जे पविस्सिऊण ठिओ । पयाणुसारेण पत्तो तहि चेव रक्खसो । भणिओ तेण छत्तो—“संपयं कहं वच्चेसि ।” ‘जं ते रोयइ तं करेसु’ रक्खसेण भणियं—“जइ एवं तो निहरसु जेण भक्खेमि ।” तेण भणियं—“जइ पओयणं तो एत्थेवागंतूण पओयणं करेसु ।” रक्खसेण भणियं—“नाहमागच्छामि ।” छत्तेण भणियं—“किं कारणं ?” रक्खसेण भणियं—“जा एसा दुवार-देसे करोडी दीसइ सा रक्खसारिणो मंतगुत्ताभिहाणस्स जोगियस्स जीए भया नाहमेत्थ पविसिडं पि सक्केमि ।” ‘एसा मह जीवियं कारणं’ ति कलिऊण गहिया चट्टेण । निग्गओ मट्ठाओ । पलाणो रक्खसो । नग्गो छत्तो तयणुसारेण

भयभीएण भणियं रक्खसेण—“सिद्धो तवाहं । मयसु मे मयं भणसु जमहं करेमि ।” चट्टेण भणियं—“सुमरिएणा-
गंतव्वं । संपयं पुण सट्ठाणं नेसु खडपूलय-सहिओ ।” संपाविओ पट्टणं । पडिनिघत्तो रक्खसो । पुच्छिओ उवज्जाएण सेम
चट्टेहि य—“कहि तुमं वत्थो रयणीए ?” तेण भणियं—“सम्मूट-दिसायक्को अडवीए ।” ‘न सोहणं कयं तुब्भेहि जमेयस्स
तत्ती न कय’ त्ति अंबाडिया चट्टा उवज्जाएण । संभासिओ कोमल-वयणेहि तेयसारो । कयभोयणो किपि पहिऊण
पुणो वि चट्टेहि समं गओ खडपूलगस्स । गहिऊण खड-पूलए समागया चट्टा । कओ उवज्जायघर-परोहडे खड-गंजो ।
तेयसारेण पुच्छिओ पारामरो नाम छत्तो—“वयंस ! अज्जावयघरे न गवाइचलपयं किपि दीसइ । को खायइ इमं
खडं ?” तेण भणियं—“न वयं [जाणिमो] भवं व परघरे अच्छावियम्ह” तथा तेण चित्तियं—नायव्वो मए एस वडयरो ।
समागया रयणी मुह-निट्टा पमुत्तेसु सब्बचट्टेसु उट्ठिओ तेयसारो । परोहडे गंतूण ठिओ पच्छण्णो । एत्थंतरे मंतकप्पो
त्ति काऊण समागया अज्जावय-घरिणी तं पएसं । काऊण एक्कियं तदुवरि लोट्टिया । जाया वेमरी । चिण्णं सब्बं खडं ।
पुणो वि काइयं वोसरिऊण तहेव लोट्टिया । जाया सरूवावत्था । गया सट्ठाणं । तेयसागे वि विण्णायवडयरो गंतूण
सुत्तो । पभाए कहियं पहाणछत्ताण । न तेहिं सइहियं । बीय रयणीए तेसि पि जणिओ पच्चओ । भयभीएहि भणिओ
तेहिं—“वयंस ! रक्खसी एसा पावा । जइ कह वि खडपूलयां न भविस्संति तो अम्हाण वि एसा गई । तुमं चेव
उवायकुसलो । भणसु कह इमाओ संकडाओ पलाइज्जइ ?” तेयसारेण भणियं—पच्चासण्णा चउट्टसी । तीए सब्बाणि
नियकज्जाणि अज्जावय-कज्जाणि य किज्जंति । पुण्णिमाए पभाए चेव विण्णविज्जइ उवज्जाओ—“अम्हेहि अज्ज
जहिच्छाए कीलियव्वं । दिणावसाणे खड-पूलए गहायागमिस्सामो । पच्छा तेणाण्णयाया कीलाच्छलेण नीहरिऊण पलाइ-
स्सामो ।” पडिवण्णमणेहि । तहेव कयं । पलाणा पुण्णिमाए । नागया दोहि वि पहेरेहि । पुच्छिओ अज्जावओ घरिणीए—
“किण्णागया अज्ज खंडिया ?” तेण भणियं—“कीलंता चिट्ठंति ।” तइय पहेरे वि नागया । तओ संजाय-
संकाए घरिया धारणा । तीए दिट्ठा पलायंता । घडं गहिऊण जलमिसेण विनिग्गया घराओ । तहेव काऊण वेसरिख्वं
ताणं पच्छओ पहाविया । तेवि वहिऊण छ जोयणाइ पत्ता वियडवडं नाम सरियं । जलमोगाहयंताण ताण पडिया दिट्ठी-
गोये सा वेसरी । संबुद्धा चित्तेण खंडिया । भयसंभतेहिं भणिओ तेयसारो—“वयंस ! संपयं कहि वच्चामो ।” तेण
भणियं—थिरा भवह सज्जियमट्टिप्पहारो चलिओ तयभिसुहो । पहया मुहपएसे वेसरी । मुच्छा विहलंघला निवडिया
घरणिक्किट्ठे । लट्ट-चेयणा पुणो वि दुक्का कुमारस्स । सो वि दक्खतणओ समारुहो पिट्ठीए । लट्टावसरा उप्पइया सा
नहंगणे ।

तओ चित्तियं कुमारेण—जम्मंतर-विराहिया एसा वराई संभाविज्जइ । जओ—

न निक्कारणा सत्तू हवइ परमविवेदणो पुरिसा । परस्स रुसंति न य अप्पणो दुकयकम्मस्स ता नत्थि दोसो ।।

इमाए ता अविसाइणा होऊण संपदं सहियव्वं । एवं चित्तेमाणो अविभावियवसुहाजलहिजलविसेसो धूमंधयारियं
व अपरि [कुडं सरिया] सरपव्वयाइयं पेच्छंती अचलियसत्तो नीओ गयणंगणे । दूरं मुक्को अच्छोडिऊण गयणाओ ।
गया वेमरी सट्ठाणं । कुमारो वि निवडिओ अगाह-गोयावरी-दहम्मज्जे । अडवेगविडणाओ गओ रसातलं । पच्छा
उच्छलिओ । भूधाहि तरिऊण तीरं पत्तो । कंदाईहिं कयपाण-वित्ती चलिओ पुव्वाभिमुहं । गओ धेवंतरं ताव निसुओ
एगाए कण्णगाए एवंविहो कलुणसट्ठी—

हा ! तेयसार ! सारय ससहर सम कित्ति-धवलिय-दियंत । सवणेहिं सुओ न पुणो सच्चवियो सुहय नयणेहि ।।
संपइ सुण्णारणे भयंतरल-च्छीपकंपिर-सरीरा । मारिज्जामि अहण्णा इमिणा पासंडि-पावेण ।।३५५।।

नियनामसवण-विम्हइमाणसो गओ तमुहेसं तेयसारो । दिट्ठा कराल-कवालाभिहाणेण जोगिणा केसेसु
कडिडज्जमाणी सा कण्णगा । संजायकारुणेण जंपियं कुमारेण—“महाभाग ! न जुत्तमेयं तुम्हारिसाण ।” तव्वयण-सवण-
संघुक्किय-कोवानलेण गहिऊण मंडलाओ मंडलगं पर्यपियं जोगिणा—“अरे ! को तुमं मम उवएसदाणे । अवसर दिट्ठि-
पहाओ । अहवा तुमं चेव पढमं मम कराल-करवाल-धारामल्ले मज्जसु” त्ति जंपंती कुमरं पइ पहाविओ जोगिओ ।

कुमरेण वि परिवृत्तिऊण पहाओ पिट्टिपएसे मुट्टिप्पहारेण । मुच्छाविहलंघलो निवडिओ धरणीयले । करे काऊण करवालं सित्तो सलिलेण । पविजिओ वत्थं चलेण । लद्धचेयणो भणिओ कुमारेण—“भयवं ! न खेओ कायव्वो । मरिसियव्वं बालजण-दुव्विणय-विलसियं ।” जोगिणा भणियं—“वच्छ ! विवेइ-जणनिदियायारमायरंतो अहमेव बालो न तुमं, जओ अगणिय-परलोएण इहलीय-सुहसाहणत्थं पारडो मए इत्थिवहो । संपड उवसंतमाणसो जोगसुद्धि [करि-स्सामि] बालो वि तुमं धम्मोवएसदाणओ गुरु चेव । ता गिण्हसु एयं अणेगहादिट्ट-पच्चयं परबल-सम्मोह-जणणीं विज्जं । इमं च अणेगरुवकरणपयडमाहप्पं महामंतं जेणाहं निव्वुयहियओ वच्चामि । परं अहोरत्तं जावो दायव्वो । पच्छा कज्जमिद्धी । कहकह वि पडिव्वणं कुमारेण । दाऊण जोगिओ गओ । समासासिया कण्णया । कुमारेण पुण पुच्छिया य—“सुंदरि ! का तुमं ? कस्स धूया ? कहं च एरिसं अवत्थंतरं पाविया ? कि नित्तित्तं वा तेयसारत्ताम-गहणं कयं ?” तीए भणियं—“कोमयारविसय-सामिणो कणयकेउराइणो कणयमईए देवीए दुहिया विजयसिरी नामा हं । ससहरकर-निम्मले-कुट्टिमत्तले कंदुएण कीलंती नहयलाओ अवयरिऊण इमिणा जोगिण एत्थाणीया । विज्जा-साहणत्थं च मारिउमारद्धा । तेयसारी पुण अइसयनाणिणा चारणसमणेण मह वरो समाइट्ठो । तेण सो मरण-समए सुमरिओ ।” कुमारेण भणियं—“अहं चेव सो तेयसारी । एहि, सट्टाणं पावेमि” त्ति भणिऊण तीए सह संचलिओ कुमारो । खणंतरेण भणियं कण्णयाए—“सुहय ! अच्चंत-पिवासिया । परिसुस्मइ तालुयं । खलइ भारई ।” कुमारेण वि समासासिऊण नीया थेवंतरं ।

सओ महाभोग-परिस्सरं, अणवरथं विहुय-तरंग-संताणेण पउर-सीयरामार-सित्त-दिसामंडलेणं सीयल-फासेण समीरणेण दूरओ चेव सुइज्जमाणसिहर-देस-निसण्ण-मत्त-सारसाइविहगंमाए बहुविहपत्तल-वणराइरेहिराए, तरुण-कुंतली-कुंतल-कयाकलाए, तिभिरमालाए व्व रसायलाओ विणिग्गयाए, अब्भलिहाए पालीए समंतओ कयपरिक्खेवं पयपूर-पूरियं आलमिव कारावयकित्तीवल्लीए, कंतिसलिल-भर-भरियंतरालं नाभिभंडलमिव धरणि-रमणीए, विलास-रुप्पमय-दप्पणं व मुहयंद-निरूवणकए, कयं पयावडणा दिसावडुणं, पडिबिबं व नहंगणस्स, रसायल-पवेस-वत्तणिव्व सुर-भरियासलिलस्स, राहु-गसण-भएण चंदचंदिमापडलमिव रसायले वि गिलियं गहय-वित्थार-विणिज्जिएण पडिमा-भिसेण सविहमागएण, सयलगह-चक्क-संपरिवुडेण सेविज्जमाणमिव नहयलेण, अहिणवुब्भेयपाडलेहि तीरतरुपल्लवेहि, पिमियखंडिहि च विलोभिज्जमाणसुद्धमीणगणं, पवण-तरलिय-तरंग-संग-भंगुरेहि सलिल-पडिबिबेहि, महाभुयंगमेहि व भयंकरं पूइफल-पायवेहि, उत्ताण-नलिणी-पलास-पल्लंकोवरिसण्ण-हंसेहि, अमंद-महु-बिदु-निसंद-पिजरियसलिलेहि, पवरपरिमलामंतियाहि, सहर-समागच्छंतीहि, महयुरमालाहि मुहरिएहि, उन्नइ-हेमारविदेहि विराइयं, नियवित्थार-दंसणाहि य विमूह मुक्कट्टहासमिव पंडुरफलेण पिडेहि, कयकरफालणं व सिलायल-संधडिय-कल्लोल-निवहेहि, विहिय-कडक्ख-विक्खेवं व विवत्तणुत्ताणकुससमूहेहि, पणच्चमाणं व पवणपकंपिण-कमलकरपल्लवेहि, पसत्थगंभीर-विसालयापमुह-नियगुणेहि न केवलं बुहाणं पि माणसं वसीकुब्बाणंदकारणं सयललोय-लोयणाणं फलिह-निम्मल-जलं जलहिकल्लोलं नामसरोवरं दिट्ठं । दसणाणंतरमेव संजायविमूहएण चित्तियं कुमारेण—“अहो ! निस्सारो वि सारो संसारो, वसणं पि ऊसवो, कयत्थं लोयण-जुयलं, जेण मए निम्मल-जल-पव्वार-भरियसरमेयं सच्चवियं ।” एवं विचित्ति-ऊण संजाय-विबुहाणं मज्जणाहिलासो जलयर-विहग-कोलाहलेण हक्कारिज्जमाणो व्व, विहियसागयालावो व्व, पविट्ठो सलिलबभंतरं । काऊण तीए सह मज्जणं पाऊण पाणियं पयट्ठो तीराभिमुहं । कया पाणवित्ती केलि-फलाईहि । अद्ध-खेय-खेइय-सरीरा माहवीलया-मंडवभंतरे सुत्ता सा । तेयसारी वि सावय-भएण करकय-खग्गी दियंतदिण्ण-दिट्ठी जाव चिट्ठे, ताव दविखण-दिसाभाए एला-लवंग-नालिकेर-कयलि-दाडिमि-दंतुरिय-भुपएसं दिट्ठं एगमुज्जाणं । तस्स बहुमज्ज-देसभाए पारियाय-तरुतल-कयावत्थाणा विमलकत्तिलतरमेसु सव्वंगभागेसु समकाल-संकंत-समासण्णपुप्फ-फल-वल्लि-पल्लवेहि लय व्व लविखउज्जमाणी अहिणवाहदनवजोव्वणा अइनिगूढतलिणतारतबेहि सकामेहि पायलग्गेहि गहेहि विसम[सरसरसलागे]हि व अंगुलीहि, कुमुन्नएणं चलएणं चलण-जुवलएणं, वरकरिसुंडा-डंड-सन्निहेणं जघा-जुवल-एणं, रंभाथंभ-विभमेणं उरुदंडेणं, भयण-महारायहाणिभूएणं वित्थिण्णेणं नियंब-बिबेणं, अविरल-विभाविज्जमाण-कुह-विदेद-नील-मरमय-मणिप्पभाए, समंतओ वलइयविसालसाण-पुलिणाए रसणाए अगाहनाहीविवरवारियाए,

वच्छत्यलामल-समुण्णय-पासाय-सिहर-मयणारुहण-निस्सेणिसिण्णहाए मसिण-सिणिद्धाए रोमावलीए, करिकलह-कुंभ-विभमेणं थणहरेणं, उवरि निवडिय-कण्णाहरण-किरण-कति-कलवभारेणावनामियंसेण, उत्त-कणय-समवण्णेण बाहुदडेणं लच्छीनिवासतामरसं व दुहा काऊण विणिम्मिएण सरलकोमलारुणंमुलीदलेण पाणिपल्लवेण, अदिट्ठ-पुव्व-पवण-ससि-दंसणाणुराएण समयं समागएहि उदयअथमणसंसारगेहि व परिणय-विबाफलपाडलेहि अहरोट्ठीहि, संज-णिय-मयण-घरिणी-दप्पण-विभमेणं अइनिम्मलेणं-मुहचंवेणं, अइरेगतरल-तारेण अच्चुदार-धवलौदरेण मीण-जुयलेण तिहुयण-विजय-विहिय-जत्तस्स रडवल्लहस्स सऊण संपायणत्थमुप्पाइएण विहिणा नयणुपल-जुवलएण, अथमणिवालुया-पुण्णिभासंकाए निसिभालयलमज्जमहिसयाणस्सहिमयर-हरिण-सिग-कोडीहि व तिरियमुभयपासेसु पल्लस्थाहि कसिण-दीर्हाहि व वल्लरीहि, मुहयंदकतिकलणदूरोसरिएण तिमिर-पूरेण व सिरोरुह-संताणेण विरायमाणो, समंतओ हरिण-जूह-परिवारिया दिट्ठा एगा कण्णगा। तओ संजाय-विम्हएण चित्तियं कुमरेण—“जावज्ज वि न उज्जइ एसा ताव गंतूण पुच्छामि” त्ति विगप्पिऊण पत्तो तयंसियं। सा वि कुमारं दट्ठूण संजाय-सज्जसा सहसा चेव पवलमाख्याहया कप्पसयं व्व कंपिउमारद्धा। कुमारो वि तं तथा पिसुणियाणुरायं संभंतहरिणजूहपरिहरियसन्निहाणमवल्लोइऊण संजायविम्हओ मयणसरसल्लियंगा वि मोचिऊण मयणवियारं तयभिमुहो होऊण भणिउमाडत्तो- “सुंदरि! का तुमं? केण वा कज्जेण एगागिणी सुण्णारणमिणमलंकरेसि? किं निमित्तं वा भयभीय व्व दससु वि दिसासु पक्खिवसि फुल्लिदीवरदलदामदीहरे कडक्ख-विक्खेवे? अलं संभमेण। मा भयं करेसु नाहं तुममिहावट्ठियं नाऊणमहिज्जमाणो वम्महेण समागओ। न वा तुहावहारकयनिच्छओ सुरासुर-गुज्जगाईण[मणयरो] हवामि। भूमिगेयरो हं सयल-दिसामुह-पसरिय-कित्तिणो अणिवारियप्पसरवाहिणीवाहखुर-पदुक्खणियभूरि-रेणुसिय-दक्खिणावर पुव्व-जलनिहिजलस्स-सयल-मउलिमउड-मसिणीकय-चलण-तहमणिस्स महिदसारस्स राइणो पुत्तो तेयसारो नाम कहवि विहिवसेण कंतारमेयममुणियमणुपविट्ठो। अओ पुच्छामि भवइं को एस पदेसो? केण वा खाणियं सरोवरमिणं? कस्स वा कित्ति एस पासाओ?” सा वि अमंदमुहवासाभोयसंबडिइएण सहावओ चेव सुरहि-गंधिणासास-परिमलेण पवणवम-पसरिएण य दिव्वंगरायवासेण वासिय-वणंतरा वारंवारं पच्छाभिमुहं नियंती खलंत-पयसंतपय-संचाराए गईए संचलिया तओ टाणाओ। कुमरो वि संजायनिव्वेयो चित्तिउमारद्धो—“अहो! अलोयण्णुया एसा कण्णया? जं ण माए सविहमागंतूण पुणो पुणो पउत्तपियालावेण दूरेदेसागमणखिण्ण-सरीरेण सयमेव साहिय य नियवुत्तेण दम्बाइसु अप्पयडियत्थि-भावेण पुच्छिया वि वयणमेत्तेण वि अकय-पडिवत्ती गया। ता कि इमाए। सविलक्खो चलिओ। पच्छा-हुत्तं पत्तो सर-परिसर-संठियं लयामंडवं। न दिट्ठा विजयसिरी। संजाय-पच्छायावो इओ तओ परियडंतो पत्तो एगं गि[रि]नईपुलिणं। दिट्ठा बालुया मज्जे पयपंती। संजायसंको चलिओ तयणुमग्गेण। अणुकूल-पवण-पेरिओ पेरंतपायव-नमंत-साहा-समूहं संरुद्ध-रवि-करपसरं संपत्तो एगं कयलीहरयं। दिट्ठाओ तयभंतरे कर-माहिय-खग्गाए एगाए कण्णगाए निरुद्ध-निग्गमाओ बाहुजल-पव्वालिय-मुहाओ सन्निहिय-सयल-विवाहोदगराणओ चत्तारि कण्णयाओ। सा वि दुवाररक्खिया। विज्जाहर-दारिया कुमरं दट्ठूण मयणसरसल्लियंगा मुच्छिय व्व मत्त व्व चित्तलिहिय व्व। संजायविम्हओ चित्तिउ-मारद्धो तेयसारो-एएसि एगा सा चेव विजयसिरी जस्स गवेसणकए अहमेयं परियडामि। विगयसंको पविट्ठो रंभाहरं। पुच्छिया य विजयसिरीए “कहं तुमं एत्थमागया?” भयभीया सा न किपि साहइ।

एत्थंतरे मोत्तूण खम्मं निवडिऊण चलणेसु जपियं विज्जाहरकण्णयाए—“मुणेउ सामो! एयाओ मलयकेउ, मयणकेउनामाण कण्णगा, वलि-हारावली-मयणावलि-नामियाओ कण्णगाओ रइहराभिहाणेण महभाउणा अवहरिऊण एत्थाणीयाओ। एसा पुण इत्थेव सर-परिसरे माहवी-लया-मंडवे पसुत्ता पाविया अज्जरयणीए। पाणिग्गहणं करिस्सइ त्ति मोत्तूण ममं रक्खिगं अप्पणा वेयड्ढं गओ केणावि कज्जवसेण। दिट्ठमेत्ते य तुह मुहनिसायरे उल्लसियं महमणं मयर-हरेण। अकयकालखेवं कुणसु मे पाणिग्गहणं”। इयराहिं भणियं—“अम्हाण वि कुमारो चेव गई। तओ संखेवेण परिणी-याओ पंचवि कुमारेण।

एयावसरे समागओ रइहरो। तेयसारो वि गहियखग्गो निग्गओ रंभाहराओ। पुच्छिया विज्जाहरेण निय-भइणी—“विज्जसेणे! को एस पुरिसो?” तीए भणियं—“अज्जउत्तो!” इमं सोऊण कोवाणललोहियलोयणी भणइ

रइहरी—“पावे ! कहं ते एस अज्जउत्तो जाओ ? अहवा एयं चेव अणायारकुलहरं पुरिसाहमं पढमं मारेमि निमिसेण । पच्छा इमाए भयणीए भइणिमिसेण वइरिणीए सिक्खं करिस्सामि’त्ति भणंतो दुवको कुमारस्स । गहियखग्गरयणो कुमारो वि तस्स । अण्णोणं संबड्ढियमच्छरा एगजूहाहिलासिणो वणगय व्व गह्यारभेण जुज्झउमारद्धा परोप्परं । जयपराजएण संगामिताणमइककंता महई वेला । ‘दुज्जओ’ त्ति काऊण विउव्वियाणि अणेगरूवाणि विज्जाहरेण । जोईसरमंतबलेण कुमारेण वि तहेव दंसियाणि । सविसेसं संजायसकेण सुमरिया विज्जा खेयरेण । समागया भणइ—“वच्छ ! किं करेमि ?” तेण भणियं—“अम्मो ! एयं सत्तुं विणिवाएसु ।” ‘एवं’ ति भणमाणी पयडिय-कंकाल-रूवाए विणा विं मेहाडंबरं गिरिसिहर-निवडणारवदारुणो दाहिणदिसाए संजणिओ खड्डहारवो । कुमरो वि जाव तयभिमुहं निरूवेइ ताव पेच्छइ गयणं व सुहंतरालपमाणसरीरडंडा, नियकालिमाए कालं करेमाणी न्हयलाभोयं, जलण-फुलिगनियरं व मुयमाणी लोयणेहि, मुहकुहरंतरविणित-वियराल-दसण-दंसिय-भया, कण्ण-कंठ-चरणाइएसु अंगेसु विरडय-भुयंग-भूसणा, दाहिणकर-कंपाविय-कराल-करवाला “पाव ए[सो] णट्ठो ते जीवलोगो” त्ति पयंपिरी समुहमागच्छंती दिट्ठा कुमारेण एगा इत्थिया ।

तओ असंभंतमाणसो पुरओ होऊण गंभीरधीरवयणेण भणिउमाढत्तो—“भइ ! किमेष निक्कारणो कोवारंभो ? इत्थी तुमं अविस्सा पोरुसस्स ।” एयं सुणिय कोवारुण-लोयणाए जंपियं तीए—“जइ एवं सुपुरिसो ता रक्खेसु अत्ताणय” त्ति संगिरंती गया कुमारंतियं । मुक्को खग्गप्पहारो । वंचिओ कुमारेण । नियखग्गाभिघाएण छिण्णो तीए दाहिणो बाहू । उब्भड-भिउडि-भंग-भीसणाए उक्खित्तो न्हयले तीए कुमरो । तिरियं गंतूण कइ वि जोयणाणि पच्छा मुक्को धरणी-यले । पडणणंतरमेव उवरओ नव त्ति निरूवणत्थं समागया विज्जा । दिट्ठो पडुसरीरो । मारणत्थं पुणो वि सविह-मागया । सत्तमवलंबिऊण रहिया पाएसु कुमारेण उड्डं भमाडिऊण अच्छोडिया महीयले । मुक्काकंदा पणट्ठा विज्जा । कुमरो वि चलिओ पच्छाभिमुहो । पत्तो एयं नयरसमासणं काणणं । पविट्ठो तयभंतरे । इओ तओ परियडंतेण निविड-कंधारिकुडंग-दुवार-देसे निसण्णा दिट्ठा एगा थेरी । सविणयमुवसप्पिऊण पुच्छिया कुमारेण—“अंब ! का तुमं ? किं निमित्तं निरुद्ध-कंधारि-कुडंग-दुवारा चिट्ठसि ?” पिसुणियदुक्खावेगाए दीहं नीससिऊण जंपियमणाए—“वच्छ ! लज्जा-यरो अम्ह वडयरो तह वि तुह कहिज्जइ ।”

अत्थि इओ समासण्णा सयलमहीमंडणा सुब्भबंलिह-पायार-वल्लय-वल्लइमासुर-विमाणायारपउरपासाय-सालिणी पंपापुरी नाम नयरी । चंदचूडो नाम राया । चंदस्सेव चंदिमा चंदकंता से महादेवी । तीए कहकह वि समाराहियकुल-देवयाए दिण्णा बहूण पुत्ताणमुवरि एगा चेव दारिया जाया । जम्म दिणे कारिओ मूसवो । पुच्छिओ राइणा जोइ-सिओ । दंसिय निएऊण गहबलं, निरूविऊण सरीरलक्खणाणि जंपियमणेण जो इमाए कण्णगाए पाणिग्गहणं करिस्सइ सो चउररज्जाहिवई राया भविस्सइ । पसरिया एसा पसिद्धी सव्वेसु वि विसएसु पत्तवरियं नाऊण [कण्णं]पणयपुरस्सरं पत्थेत्ति सव्वे वि रायाणो । चंदचूडो वि दाणं पडिसेहं वा अकुणंतो कालं गमेइ ।

अण्णया केरल-विसय-सामिणो समर-नराहिवेण पेसिओ समागओ दूओ । तेण पणमिऊण जंपियं—“चंदचूड ! नियदुहियरं समरसूर-महाराइणो दाऊण सुहिओ वियरसु समरसज्जो वा हवसु ।” चंदचूडेण वि न दिण्णा दारिया । निद्धाडिओ दूओ । साहिअं तेण गंतूण नियसामिणो । समरसूरो वि चउरंग-बलपरिवारिओ भेरि-भंकार-भरिय-भूमंडलो चलिओ चंदचूडसुवरि । अणवरयपयाणएहि पत्तो पंपापुरि । चंदचूडो वि साहंकारमाणसो नोवसप्पइ । ‘हीणबलो’ त्ति जुज्झउं पि न तीरइ । कालावगमो गुणकरो त्ति चित्तिऊण संगहिय-सयल-रोहोवगरणो, सत्थाणुसारेण समंतओ दुग्ग-संगहं काउमारद्धो । अणवरयदज्जमाण-नामगहणं विणासिज्जमाणबहिजलासयं, अंतो पवेसिज्जमाणपउर-चणग-जवसेधणं, साहिज्जमाणजिण्णवावी-कूययकं, निसारिज्जमाणनिस्सेसासारलोयं, विसमियपायारमूलभूयलं अवयार-मग्गदुग्गमाकयखाइवल्लयं, विणिवारियाविण्णाय-जण-निग्गमपवेसं, अप्पमत्त-हिय-पुरिस-परंपरापडिडवण-सयलगोउर-रक्खं, करखेवणीय पासाणकूड-विसमियपायारासण्णभूयलं, अणवरय-पेरंत-संचरताणेगतुरियतुरंगं, पायार-सिहहच्छंग-पउणिय-विचित्त-जंत-संचयं पंपापुरि काऊण अपरिहरियसमराहिलासो चिरविरोहियसामंताणं संधाण-करणत्थं अण्णेसि

च समयसाहणत्थं पहाणदूए पेसंतो चिट्ठइ : समरसूरनराहिवो पयईए चेव अमरिसणो पणिह्णपुरिसेहितो सोऊण चंडचूडस्स तं तहाविहं विसमसमाररंभं समाहिओवजायरणरसारोमंचिज्जमाणसब्बंगो संचारिमं जणगिरि-सिहर-समुत्तुंगमतमयगलघडारूडेहिं महासामंतेहिं समंतओ परिवारिओ, विसमविहण-कयदद-वद्धामरिसो सयं चेव ठुक्को । समाइट्टा समहिय-साहसा रायपुत्ता ।

तओ सामिसमाएससंजायसमुच्छाहेहिं तेहिं सह पायारसिहरवत्तिणो चंदचूडरायलीयस्स अण्णोणकय-निब्भच्छणाणि दप्पुद्धर-सुहडंसिहनायवहिरियासण्णवासिजणकण्णरंधाणि नीरंधपासाण-खिवण-खणमेत्तवलीकयनहय-लाणि, निट्ठयाहय-समरचूराव-सवण-संखुद्ध-कायर-कर-निवडंतसत्थाणि, जंत-मुक्काग्गि-तत्त-तेल्ल-छडासंभत्त-विहडमाण-वियड-पायत्ताणि, चम्मकुडिहेट्ट-संठिय-करकय-कोटाल-पुरिस-खणिज्जमाणपायारमूलबंधाणि, कोहदट्ठोदुवंधमुण्णिज्ज-माणदुग्गद्वियवडरिजणनिट्ठुरालावाणि, सिरिधरियफारफारक्कए छिज्जमाणपायार-खंडीपवेसाणि, उक्कानला-णुकारिगयण [य]लनिवडंतजलंत-तिण-पूलयसंगसंजलंतकरि-सारिविणिस्सरंतसंभंतगयारोहाणि, वेगामग्गितत्तनारायविद्ध-विलीयमाणनरवडसिरिसुवण्णमज्जाणि, कडिडऊण कुहाड-ताडिय-गोउर-कवाड-निस्सणाणुमा रनिवडंतपउरपासाण-वरिसाणि, कयकलयलगामीणजणवेलाइज्जमाणपहारवियलविह्वंतगयघडाणियजणाणिय कोऊहलकराणिय कोहजण-गाणि य हासावहाणि य विणोयभूयाणि य निव्वेयदाईणि य पइविणमाउहणाणि वट्टति । अहं पि बहुदासी-दास-परिगया अ-पत्ता चेव परबले कोसंतरं संठियाए कुलदेवयाए समाराहणत्थं समं तेयसिरिनामियाए रायधूयाए ब्राहिं विणिग्गया । पूइऊण परमपूयाए भयवई, कारावेऊण पहरभेगं महुसवं, नयारि पइ पत्थिया । पेच्छामि समंतओ तुरय-खुरूक्खणिय-रय-रजियं अंतरियरविबिनहयलं । सविसेससंजायसंकाए भणिओ मए कणगबाहू नाम कंचुई—“कि कारणमयंडएव वासंति कोसिया ? गोयरगयाणि वि न दीसंति पंपापुरीए देवमंदिराणि ?” सुइरं निरुविऊण जंपियं कणगबाहुणा—“विमलमाले ! रेणु-नियरमलिणियावरत [लं अओ]परचक्कवेढावियं लक्खीयइ । ता तेयसिरि-संरक्खणत्थं पच्छाहुत्तं पलायणमेवम्ह गुणयरं” ति कयनिच्छयाणि एत्थांगंतूण पविट्टाणि । परबलसख्खजाणणत्थं जाओ पंडरंयो कणगबाहू । अण्णे वि कविल-कुंतलाभिहाणा दुण्णि दासा अव्वत्तलिगधारिणो कडयभंतरे भमिउमाडत्ता । सेसपरियणो वि कोवि कहि पि पेसिओ । अहं पि कुडं गभंतरगयं तेयसिरि संरक्खमाणी एत्थ चिट्ठामि ।” एवं भणिऊण जावज्जवि न विरमइ विमल-माला ताव तुरिय-गइवस-समुण्णसाससमाऊरिज्जमाणणो तरलतारलतारयं पुणोपुणो पच्छाहुत्तं नियंतो पत्तो तमुद्देसं कणयबाहू । भणियं च जे—“भइे ! विट्ठा समरसूर-मंतिणा कविलकुंतला । संजायसंकेण पुच्छिया तेण—“कत्तो तुब्भे ?” ते वि संखुद्धमाणसा उत्तरं धाउमच्चयंता बद्धा, समप्पिया राइणो । तेण वि चिरं चडिऊण भणिया-‘कहेह कहि चिट्ठइ चंदचूडदूहिया तेयसिरी । जइ सच्चं संलवह तो ते कोडि कणगस्स वियरामि अण्णहा पाणे हरामि ।’ तओ तेहिं पम्हट्ट सामिसुकएहिं जहट्टियं साहियं । समरसूरो वि सबलवाहणो एत्तो चेव समागच्छइ । एयं सोऊण मुच्छा विहलंघला-निवडिया धरणीतले विमलमाला । तेयसिरी वि निग्गया ह्यमाणी कंधारिकुडंगमज्जाओ । लद्धचेयणा भणिया विमल-माला तेयसारेण—“अम्मो ! न भाइयव्वं” ति भणंतो चसिओ समरसूरसेणाभिमुहो, सीहेण व गयकुलं भग्गं तेण तं बलं समित्तज्जणाजणियमच्छरं काऊण पुणो वि ठुक्को विलो व्व समंतओ वेडिओ कुमारो गयघडाहिं ।

एत्थंतरे कणयबाहुणा कहियवुत्तंतो सभ्रद्ध-वउरंगबल-परिवारिओ निग्गओ नयरीओ चंदचूडो । एगत्तो तेण अण्णत्तो तेयसारेण सह संपलगं जुज्झइं समरसूर-बलं । भीसणावद्धसुमुले, निवडंतसुहडसंघ-संछण्ण-धरणीयले, वट्टते समरसंरंभे, परिहायमाणेसु रायतणएसु, अमरिसवसावेग-विगयमरण-संकेसु जुज्झतेसु वीर-पुरिसेसु, अप्पत्तणओ पराजिए पुणो वि नयरीं अणुपविट्ठो चंडचूड-बले । समरसूर-निब्भच्छिओ बाहसरसल्लियसरीरो व्व पंचाणणो, निसुयंदुण्णारिदमंत-क्खरो व्व महीरगो, विवक्खवारणमयगंधकुट्ठो व्व वण-वारणो, चलिओ समरसूराभिमुहं तेयसारी । वेडिओ समंतओ बलेण । ईसि हसिऊण जंपियं समरसूरेण—“बालो तुमं अदिट्टसमरसंरंभो । तह वि [वि]चारियं तए नियपोरुसं, पयडिओ परक्कमो, अमुण्णिज्जमाणजाइ-कुल-समायारे न निवडंति सूर-सत्थाणि । अभयं भे । वच्चसु सट्टाणं । मा परकज्जे अप्पाणयं विणासेसु ।

ईसि हसिऊण कुमरो दिट्ठि दाऊण खग्ग-रयणम्मि । अखुहिय-हियओ जंपइ रणरसरोमंचियसरीरे ॥३५५॥
 अणुकंपिज्जइ बालो जो न वि पहरइ पहरमाणेसु । बाले वि हु पहरिज्जइ पहरंते नत्थि इह दोसो ॥३५६॥
 जाई-कुल-मायारो परक्कमो साहसं मई चाओ । कम्महिं होति पयडाइं न उण वयणेहिं पुरिसाण ॥३५७॥
 जायाण धुवं मरणं जयम्मि जीवाण कम्मवसगाण । तं जयइ परोवयारो जायइ ता किण्ण पज्जंतं ॥३५८॥
 भयभीयमाणसाणं पवण्ण-सरणाण कुणइ जो ताणं । सो जियइ जियंतो वि हु मओ त्ति इयरो मुण्येव्वो ॥३५९॥
 तो विसम-कोव-निद्वय-निद्वट्टाहर-कराल-मुह-कुहरो । पभणइ कुमरं कुद्धो केरलराया कयंतो व्व ॥३६०॥
 रे रे अविणयमंदिर जइ एवं ता अहं सहत्थेण । पेक्खंताण भडाणं रणकंडुं तुम्भ अवणेमि ॥३६१॥
 गिण्हसु सत्थं सुमरेसु देवयं सच्चवेसु जियलोयं । संपइ जणणीं तुह होसइ अण्णपुत्ताण ॥३६२॥
 इय जंपिरो सरोसं कुंत-करो कुमर-सम्मूहो चलिओ । कुमरो वि गहियखग्गो तयंतिए झत्ति संपत्तो ॥३६३॥
 कुंतेण भिण्णदेहो घसत्ति धरणीतले गओ कुमरो । इयरो वि पत्तत्रिजओ पयंपए कडुयवयणाणि ॥३६४॥
 रे रे ! डिम दुसिक्खिय जइ जीवसि कह वि ता मए मुक्को । मुच्छाविगमे जंपइ कुमरो कयखग्गमुट्ठिओ ३६५
 जइ ताव अहं बालो असिक्खिओ निग्गुणो तए नाओ । ता उवसंहर समरं जहागयं गच्छ नरनाह ! ॥३६६॥
 जओ—

नियकम्मेहिं वि निहयं हणंति कह निग्गुणं जणं गरया । उवभुत्तविसे-पुरिमे न हु विहलो आउहारंभो ॥३६७॥
 अह भणइ समरसूरो जइ एवं ता लहं समप्पेहि । दुच्चरिय-रायधुयं तेयसिरि कण्णयं मज्झ ॥३६८॥
 कुमरो जंपइ अबलायणम्मि जे विमुहा । कापुरिसाणं ताणं न हुंति इहलोय-परलोया ॥३६९॥
 सा रायसुया मह सरणमागया कहमहं समप्पेमि । तुज्झ वि अक्खत्त-धम्मो एसो न हु जुज्जए काउं ॥३७०॥
 सोउं सिक्खावयणं रोसाउर-लोयणो समरसूरो । कुमरं अहिक्खिवंतो करवालकरो समुल्लवइ ॥३७१॥
 जे हुंति खुदजाई अकुलीणा निग्घिणा महापावा । एए न सामगेज्झा दडेण परं उवसमिन्ति ॥३७२॥
 इय असमंजस-दुव्वयण-सवण-सजाय-अमरिसो कुमरो । उल्ललिऊण सहलं आरुढो तस्स खंधम्मि ॥३७३॥
 जाव न वाहइ खग्गं ताव हओ पायपण्हिपहरेण । मुच्छानिमीलियत्थो धराए पडिओ धरणिनाहो ॥३७४॥
 रे लेहह मारह समंतओ वेढियं गयघडाहिं । इय जंपता पत्ता भुहडा नियसेण्णपरियरिया ॥३७५॥
 कुमरो वि सरइ सहसा दिण्णं जोईसरेण जं तइया । विजयसिरिपावणत्थं परवल-सम्मोहणी विज्जं ॥३७६॥
 अप्प-पर-निव्विसेसा परोप्परं पहरिऊण ते सव्वे । के वि मया के वि गया दिसोदिसि मूढदिसियक्का ॥३७७॥
 नलिणीदलपुडएणं सलिलं घेतूण सरसियाहितो । सित्तो कुमरेण निवो पच्चागयचेयणो भणई ॥३७८॥
 किं पलविण्ण बहुणा रज्जाइपयाण पिसुणियत्थेण । नियग्गुणधणेण कीयं महजीयं तुम्ह आयत्तं ॥३७९॥
 गहिऊण समरसूरं कुमरो पंपापुरि अह पविट्ठो । कारेइ मित्तभावं रण्णा सह चंदचूडेण ॥३८०॥

समागया विमलमाला वि समं तेवमिरीए । समरसूरो वि समागतूण परिवारिओ निय-वलेण ।

अण्णम्मि दिणे भणिओ चंदचूडो समरसूरेण—“अत्थि मे जीविय भूया केरला नामधूया । तं जइ कुमरो परिणेइ तो महई मे मण-निव्वुई भवइ ।” चंदचूडेण भणियं—“ससंगयमेयं मज्झ वि धूया कुमारकरगाहणाय सुहिया होउ । आणाविया केरला । निरुविओ पाणिगहणवासरो । महया विच्छड्डेण विवाहियाओ तेयसिरिकेरलाओ कुमारेण । दिण्णं कण्णयाण करि-तुरय-मणि-कणयमाइयं जणएहि । एत्थंतरे पुव्वपरिणीयाओ विज्जुसेणापमुहाओ समागयाओ पंच वि धरिणीओ । काऊण करयलंजलि जंपियं विज्जुसेणाए—“अज्जउत्त ! सा मह भाया तुह परक्कम-निज्जियाए विज्जाए मुक्को । तह वि गहियखग्गो अस्ह व्हणत्थं उवट्ठिओ । विरसमारसंती धाविऊण गहिया केसेमु कणगावली । कहमज्ज-उत्तस्स मुहं दंसिस्सामि त्ति चित्तिऊण पहाओ सो मए इसिखग्गेण । भवियव्वया निओएण विमुक्को जीविएण । जइ भणह तो तस्स सलिलंजलि देमि ।” कुमारेण भणियं—“न सोहणं तए कयं जं सपक्खे अवयरियं । कयमईयंचिताए करेहि मयकिच्चाणि । तीए वि तहेव कयाणि । समरसूरसाहेज्जकरणट्टमुवागया मिलिया तत्थेव विजयसिरिपमुहाणं चउण्ह कण्णयाण जणया । साहिओ सुयाहि सव्वो वि जोगिय-विज्जाहरावहारमाईओ तेयसारपाणिग्गहणपज्जंतो नियवईयरो । समुच्चियवर-कर-गहणेण पमुइया ते माणसे । संताणविरहिया नियरज्जेसु तेयसारमहिंसिचिऊण वणवांसं गया केरला-विजयसिरि-जणया । कुमरो वि विसयमुहमणुहवंतो कालं गमेइ ।

अण्णम्मि दिणे रयणीए वासभवणे नुवण्णो चेव पच्चूसे पेच्छइ अत्ताणयं सरासणसत्तभूमि-पासायपल्लके पमुत्तं एगाणिं । विमिहयमाणसो चित्तिउमारद्धो—“हंत ! त सा पंपापुरी । न सो सया सण्णिहिओ परियणो । विविह-वणराइविराइयं सुण्णारण्णमिणं । को एत्थ परमत्थो ?” एयं विचित्तियतो जाव चिट्ठइ तावागया दिव्वायारधारिणी एगा इत्थिया । पणमिऊण पुच्छिया कुमारेण—“अब ! का तुमं ? कस्स वा परिग्गहे एस पासाओ ?” सा वि बाहजल-भरियलोयणा भणिउमाढत्ता—“वच्छ ! तारा नामाहं वणदेवया । पासाओ एस मए चेव कारिओ । समासणसरोवरं पि मज्जेव क्कित्ता ।” कुमारेण भणियं—“अम्मो जहिच्छाचारिणीओ तुब्भे वणदेवयाओ । कि काहिहह पासाएण सरोवरेण वा ?” ताराए भणियं—“सुणेउ वच्छो—

अत्थि सयलभारहवासे लच्छीविलासभवणं विविहवणसंडमंडियाणेगोव्वण-रमणीयं अरुणमणिमदिर-पहापहाव-दुल्लखडिण-विभावरीविभागं विलासउरं नाम नयरं । तत्थ य भरहसगराइरायसरिसो कित्ति-पब्भार-भरिय-भूमंडलो समरसेणो नाम राया । तिहुयण-तिलया से महादेवी । तीसे अणेगेहि उवाइयएहि महमेणा कन्या जाया । पइ[ट्टा]वियं नाम जयसुंदरी । कमेण पवइडमाणा पत्ता जोव्वणं । परिणीया वच्छाहिवसुएण अवतिवद्धणेण । तेण सह विसयसुहमणु-हवंतीए संभूओ गब्भो । उवरओ अर्वातिवद्धणो निस्संताणो त्ति काऊण अहिंसित्तो तप्पए कित्तिवम्मो नाम भाइणिज्जो । वच्चइ कालो ।

अण्णया पुच्छिओ तेण मइगब्भो नाम नेमित्तिओ—“चिरं मे रज्जमेयं चलं वा ?” तेण भणियं—“जयसुंदरी-कुच्छि-संभवं दुहियरं जो परिणेही तस्सेसा रायसिरी चिरा भविस्सइ । संजायसकेण संपूइऊण पेसिओ नेमित्तिओ ।

अण्णम्मि दिणे सया सण्णिहिओ विस्सासठाणं भणिओ कित्तिवम्मेण दठ्ठम्मो नाम नियपुरियो—“एयं जयसुंदारि पसवणट्ठा पिइहरपराणयणमिसेण अमाणुसाडवि नेऊण पणट्टुजीवियं करेसु जेणेसा रायलच्छी धिरा भवइ ।” सो वि ‘तह’त्ति पडिविज्जऊण तव्वयणं, गहाय ममं, एत्थागओ । साहिऊण रायसासणं उक्खया तेणासिधेणया । पवणा ह्य-लय व्व कपिउमारद्धाहं । अइसंभमेण पडिओ महीयले गब्भो । तिक्कवेयणाभिभूया विमुक्का जीविएण । समुप्पणा एत्थेव ताराहिहाणा वंतरी । सो वि अहिय-बुद्धीए तं बालियं गिण्हंतो विणासिओ वण-देवयाए । संगहिया सा दारिया । वित्थ-रियो सव्वम्मि लोए एस वइयरो । अहं पि विव्वभगेण विण्णायपुव्वभव-वइयरा परम-पीइए नियदुहियं परिपालेमाणी कालमइवाहयामि । वट्टसो उम्मुहवयणं हरिणाभिमुहं पलोयंती दट्टूण गुणनिष्फणं एणामुहि त्ति नामं पइट्ठियं । पइदिण-मेणगेहि सद्धि कीलमाणी अमयरसोवमेहि पाण-भोयणेहि पेसिज्जमाणी वरवत्थाहरण-विभूसणा पत्ता जोव्वणं । समुप्पणा महमणे चित्ता । कस्सेसा दायव्वा ? भूमिगोयरतणय त्ति काऊण न देवाण न वा माणवेसु इमीए समुच्चिओ वरो विज्जइ । अओ गंतूण वेयइहं विज्जाहरेसु निरुवेमि । कयनिच्छया पासायमिसमारुद्धा । जाव-सुणेमि एवविहं तीए वयणं—

हा ! हियय ! वज्जानठ्ठुर, पयाडयपमो वि सो महाभागा । उवासांप्पऊण सहसा सलोवउ किण्ण उवयरिओ ।
अहव न ह् तुज्ज दोसो लउजा अवरज्जए धुवं एत्थ । जीए वसेणं न कया तस्स मए का वि पडिवत्ती ॥३८२॥
आ पावे ! निल्लज्जे ! लज्जे तुह सम्मयं मए विहियं । संपइ तं तीरच्छा दुक्खं मह निवडियं सब्बं ॥३८३॥

जओ—

सोऊण सुय-पुब्वाइ तीय वयणाइं संकिय-मणा हं । आरूढा उवरितलं दिट्ठा एणामुही तत्थ ॥३८४॥
पसरंत-सरल-सासा वाहाविल-लोयणा लुलिय-केसा । विच्छाय-वयण-कमला अलद्ध-लक्खं पलोयती ॥
किं ते वाहइ वच्छे ! पुट्ठा वि मए न साहए किपि । तह वि मणिऊण कज्जं सोवालभं इमं भणिया ॥३८६॥
बाला वि दुव्विणीया मूढायारा निरप्यणा धणियं । कहमण्णहा न साहसि जहट्ठियं पुच्छिया वि मए ? ॥३८७॥
भणियमिमाए अम्मो ! मा रुससु दुक्ख-कारणं सुणसु । दिट्ठो अदिट्ठपुव्वो सुमिणम्मि नरो मए कोवि ॥३८८॥
किं सो सुरोऽसुरो वा खयरु वा भूमिपाल-त्तणओ वा । आगम्म समासीणो मह सयणीए विवसियच्छो ॥३८९॥
सहसत्ति सम्मुहंती ससज्जसा वेवमाणसव्वंगा । हसिऊण तेण धरिया हं दाहिणेण हत्थेण ॥३९०॥
कहकह वि रोयमाणी मुक्का वेगेण आगया एत्थ । सो वि न नज्जइ कत्थ वि गओ मणं मह हरेऊण ॥३९१॥
तहियहाओ डज्जंति मज्ज अंगाइं वट्ठई अरई । न लहामि रइ कत्थ वि घरे सरे दाहिरुज्जाणे ॥३९२॥
अणवरयं मुक्क-वाहोह-सित्त-गंडत्थलं मुहं तीसे । पक्खालिऊण पणयप्पगन्धिणं चित्तियं च मए ॥३९३॥
एवंविहदुक्खाइं जायंति न सुमिणमित्तच्चिट्ठम्मि । जम्हा वयंति विउसा सुमिणय-दिट्ठं च नट्ठं च ॥३९४॥
ता अण्णो भावत्थो इमस्स भणियस्स निऊ मइ-गम्मो । तं पुण इमा न साहइ लज्जाए तओ मए भणिया ॥
वच्छे ! का तुह चित्ता वियर जहिच्छाए काणण-वणेसु । तह कह वि जइस्साहं जह सुहिया होसि अचिरेण ॥
एवंविहवयणेहिं धीरविया सा मए सरल-हियया । अहयं पि तस्समीहिय-संपायण-वावडा जाया ॥३९७॥
नाऊण तुमं पंपापुरीए रयणीए चरिम-जामम्मि । गंतूण इहाणीयो दुक्खिय-जण-त्ताणकरणट्ठा ॥३९८॥
इह भणिऊण न विरमइ जा तारागया तुरिय तुरियं । तत्थेव हरिसियमणा सुत्तारवण-देवया सहसा ॥३९९॥
आलिगिओ सहेलं पुणो चुंविओ य मुद्धाणे । पुत्तय ! कुसलं कुसलेण कहवि दिट्ठोसि तं अज्ज ॥४००॥
अज्ज कयत्थं मह नयण-जुयलं अज्ज जीवियं सहलं । अज्जेव अहं सुहिया जं तुह वयणामयं पीयं ॥४०१॥
पुट्ठा ताराए तओ कह पुत्तो एस तुब्भ साहेसु । भणइ सुतारा निसुणेहिं सुयणु ! जइ विम्हओ तुज्ज ॥४०२॥
पुव्वभवे हं कमला नामेण महिदसार-निव-धरिणी । आसेसो मह पुत्तो पाणपिओ तेयसारो त्ति ॥४०३॥
बालेण वि एयस्स मज्ज मरणं विणिम्मियं विहिणा । मरिऊणं तम्मि नयरे उज्जाणे वंतरी जाया ॥४०४॥
अह अण्णया कयाइ वि समागओ केवली तमुज्जाणं । पउराण कहइ धम्मं छिदइ तह संसए णेगे ॥४०५॥
लद्धावसराए मए सप्पणयं पणमिऊण सो पुट्ठो । भयवं ! भणसु सुएणं समागमो कत्थ मे होही ॥४०६॥
तो केवलिणा भणियं भइ ! सालाडवीए मज्जम्मि । फलिह-मणि-सिलाघडिए पासाए दंसणं होही ॥४०७॥
अह वदिऊण भयवं हरिसिय-चित्ता समागया एत्थ । दिट्ठो पुत्तो सित्तं अमिएण व मज्ज नयण-जुयं ॥४०८॥
एत्थंतरम्मि एणामुही वि वणदेवयाहिं परियरिया । आगम्म सुताराए पय-कमलं पणमिय निसण्णा ॥४०९॥
सुइरं निरुविऊणं सब्बगोवंग-लक्खण-धरं तं । दट्ठूण विम्हियाए पुट्ठा ताराए [सुतारा] ॥४१०॥
पियसहि ! का उण एसा निरुवम-लावण्ण-रुव-सपण्णा । वणदेवयाण तेयं अवहरिय ठिया स तेएण ॥४११॥
ताराए तीए कहिओ ज[ह]ट्ठिओ पुव्व-वइयरो सब्बो । इयरीए पुणो पुट्ठं कि कुमरी अहव परिणीया ? ॥

आणंदनिम्भराए पयंपियं [कुमरी नहु परिणीया] जं वरमाया वि इहं मनचित्तिया इत्ति संपत्ता ॥
जइ तुह रोयइ ता भणसु जेण एणामुही कुमारस्स । दिज्जइ किज्जइ संपइ विवाह-सामग्गिया सयला ॥
तं अमिय-वरिस-सरिसं वयणं सोऊण तीए सा तुट्ठा । भणइ लहुं सहि ! कीरउ को कल्लाणे विरोहो त्ति ॥४१५॥
तत्तो दोण्णि वि वग्गा हरिसियचित्ता कुणंति कज्जाइ । जा पत्तो अनुकूलो विवाह-दियहो सुहेणे व ॥४१६॥
आणंद-निम्भराइ कर-गह-समयम्मि ताइ जायाइ । सेय-सलिल-छलेणं वम्मह-रस-सित्त-हत्थाइ ॥४१७॥
अण्णोण्हत्थ-संफास-सोकखा पसरंत-वहल-पुलयाइ । त्तिमिसेक्क-मुहालोयणलज्जाभ[र]मंथर-मुहाइ ॥
अण्णोण्णकरावीडण-पमुक्क-सिक्कार-मणहरिल्लाइ । आयारमेत्त-पिसुणिय-निरुवम-पेमाणुबंधाइ ॥४१९॥
भमिऊण मंडलाइ तत्तो उच्चियासणे निसण्णाइ । जणणीहि तओ दाणं दिण्णं आणंदियमणाहि ॥४२०॥
वरमायाए व्हए चत्तालीसं सुवण्ण-कोडी[ओ] । बहु मायाए वरस्स वि तेत्तियमेत्ताओ दिण्णाओ ॥४२१॥
वर-मुहल-हारा पंचविह-विचित्त-रयण-रासीओ । वत्थाह[रो]ण-विलेवणजाईओ बहुप्पयाराओ ॥४२२॥
दिण्णाओ परियणो वि य वत्थाइ-पयाण-पमुइओ विहिओ । वित्तं पाणिग्गहणं वोलीणा वासरा केवि ॥४२३॥

इओ य कित्तिवम्मराइणा रहसि भणिओ विहप्फई नाम नियमंती—“अज्ज मए रयणिचरिमजामे दिट्ठो अप्पा सीहासणाओ निवडिओ सुमिणम्मि ।” मंतिणा भणियं—“कीरंतु संतिकम्माणि न सोहणो सुमिणओ ।” विसज्जिऊण मंति समाहूओ नेमित्तिओ । पूयापुरस्सरं पुच्छिओ सुमिण-फलं । तेण वि सुइरं निरुविऊण सविसायं जंपियं—“देव ! कि पियं पयपेमि जहट्ठियं वा ?” रण्णा भणियं—“जहट्ठियं ।” इयरेण भणियं—“परिमियदिणाण मज्जे चैव छत्तभंगं पासामि ।” तओ दुस्सुमिणदंसणेणं दढधम्माण यमण[जा]य-संको संपुइऊण नेमित्तियं, उट्ठिओ सीहासणाओ । पेसिया दढधम्म-गवेषणत्थं तेण मग्गेण पुरिसा । कइवयदिणावसाणे समागया । पुच्छिया राइणा । कहिउमाढत्ता—“देव ! इओ तओ परिभमंता पत्ता अम्हे सालाडवि । दिट्ठो य देवकुमारोवमो तरुण-तरुणि सरिसच्छवी अहिणवाकहत-नवजोव्वणो अहरिय-सुरसुदरिरुव-सो[ह]ग्गाए वरतरुणीए स[म] महासर-परिसरे कीलंतो एयो पुरिसो । तस्स णं गच्छंतस्स सयमेव सिरोवरी संठियं वच्चइ सिधायवत्तं विणा वि किकरवग्गं । उभयपासेसु निवडंति नहयले चारुचामराणि । पेच्छंताणं चैव सो अम्हाणं समंतओ वेडिओ वणदेवयाहि । एत्थंतरे सप्पणयं पणमिऊण भणिया तेणेगा इत्थिया—“अम्मो ! दरिसिओ तए पुत्तसिणेहो । कयं जं कायव्वं । संपयं सट्ठाणमलं करेसु ।” तीए भणियं—“पुत्त ! नियपुण्णेहि पडट्ठिओ तुमं । तह वि कुलीणा एरिसाणि जंपंति ।” अणाए भणियं—“कुमार ! सत्तरत्तमज्जे कित्तिधम्मरायरज्जे तुहाभिसेओ भविस्सइ । तं कल्लाणं पि दट्ठूण गच्छउ तुम्ह जणणी । एयं सोऊण ससोगाजरियवयमागया, साहियं जहा दिट्ठं सुयं च देव-पायाणं । संपयं सामी पमाणं” ति भणिय मो-[णमा]सिया । कित्तिवम्मो वि एयं सुणिय चउरंगबल-परिवारिओ कइवयदिणेहि पत्तो सालाडवि । आवासिओ सरतीर-संठिए काणणे । दिट्ठो सरतीर-संठिएण तेयसारेण । गहिऊण खग्ग-रयणं उट्ठंतो पुच्छिओ ताराए—“कहि तुमं पत्थिओ ?” कुमारेण भणियं—काणणोवद्व-निवारणत्थं ।” तीए भणियं—“अलं ते परिस्समेण । अहमेवेयं निक्कारण-वइरिणं कयंतातिहि करिस्सामि” त्ति पयंपिऊण गया गयणंगणे । पेच्छंताण चैव सामंतामच्च-भड-भोइयाणं पाविओ पंचत्तं कित्तिधम्म-नराहिओ । गयणंगणगयाए भेसिया अमच्चादओ । भणिया य—“जइ तेयसारं सामियं न करेह ता नत्थि भे जीवियं ।” पडिबण्णमणेहि । अहिंसित्तो मिलिऊण रज्जे तेयसारो । पणया सामंतादओ । पमुइय-माणसा गया सट्ठाणे सुतारा, तेयसारयाया वि कित्तिवम्मरायहाणि । मुणिय-वुत्तंतं समागयं पंपापुरीओ विजयसिरिपमुहमंतेउरं सामंतामच्चवग्गो य । रज्जमनुपालेमाणस्स तिवग्गसारं विसयमुहाणुहवंतस्स सुहंसुहेण वच्चइ कालो ।

अण्णया सहामंडवगयस्स विण्णायवुत्तंता पेइयरज्जाओ पहाण-पुरिसा पेसिया । समागया पुरिसा । पच्चभिण्णाया तेयसारेण । पुच्छिया य कुसलं तायस्स । तेहि भणियं—“कुसलं जसेण न सरीरेण ।” एयं मुणिय बाह-जल-भरिय-लोयणेण जंपियं तेयसारराइणा—“किमत्थमिओ नियकुल-नहयल-चंदमा सुगहिय-नामघेओ ताओ ?” तेहि भणियं—

“एवमेयं” राइणा भणियं—“कुसलं सीहविककम-नरिदस्स ?” तेहि भणियं—लंघिय-पुव्व-पुरिस-मज्जायस्स धम्मा मयपवाह-सेउभयस्स कि कुसलं पुच्छिज्जइ ? विरत्ताओ तं पइ पयाओ । न सम्मं सासणं पवज्जंति अमच्च-सामंताइणो । पेल्लि-ज्जइ पडिबक्खवराईहि समंतओ पेइयं रज्जं !” एयं सुणिय कोवारुणलोयणेण दाहिण-कर-कयलीलारविद-निट्टयाहय-धरणीयलेण भणियं तेयसार-नराहिवेण—“कस्स सीहविककमं परिभमंतस्स सुमरियं कयतेण ? अरे ! पउणीकरेह चउरंगवलं । ताडेह सण्णाहभेरी ।” तक्खणा चेव उट्टिऊण पहाण-परिवार-परिवारिओ ठिओ नयर-बाहिं मग्गणुलगेहि परिवारिओ सधल-सामंतेहि । अणवरयपयाणएहि पत्तो नयरं । मच्छरेण अदंसणं गओ-सीहविककमो । मिलिऊण सामंतामच्चेहि महधाविच्छट्टेणं अहिसित्तो रज्जे तेयसारो । अहिट्ठियं पेइयं पयं । सम्माणिया पहाणपुरिसा । गुणागुरत्त-सधल-जणवयं रज्ज-चउककं अणुपालयंतस्स मणुयभव-दुल्लहं विसय-सुहं अणुहवंतस्स दिट्ठाणुक्खवतणय-वयण-कमल-पमुइयमाणसस्स वच्चंति वासरा तेयसारनरिदस्स ।

अण्णया समागओ तत्थ विमलप्पहो नाम केवली । निग्गओ वंदण-वडिआए तेयसार-राया पउरलोगो य । वंदिओ केवली । जहारिहं निसण्णोसु पारद्धा भगवया धम्मदेसणा—

भो भो भव्वा ! पेच्छह अच्चभयपुण्ण-पयरिस-फलाइं । जह-चित्तिय-संपज्जंत-सयल-कज्जाइं एत्थेव ॥४२४॥
जायइ विसं पि अमयं विसमं पि समं अरी वि वरमित्तो । पुण्णसहायाण जए विवरीयमपुण्णवंताण ॥४२५॥
सुमिणे वि जं ण दीसइ मणोरहाणं पि जं ण विसओ त्ति । तं वत्थं संपाडइ पुव्वभवे संचिओ धम्मो ॥४२६॥
तं किपि कुणइ धम्मो इहेव फलमविकलं दयासारो । जं चित्तंताण मणे जायइ गरुओ चमक्कारो ॥४२७॥
सो पुण परिकिखऊणं पवज्जियव्वो न वयणमेत्तेण जम्हा । सो परलोगे विहडइ वसणे कुपुरिसो व्व ॥४२८॥
जह केण वि वोट्टेणं सुवण्ण-बुद्धीए रोरिया गहिया । तावाइः परिकखाए विहडइ एवं कुहम्मो वि ॥४२९॥
तम्हा परिकिखऊणं धम्मो धम्मत्थिणा गहेयव्वो । निच्चं पमाय-परिवज्जणेण तह सेवियव्वो त्ति ॥४३०॥
सो पुण जिणिद-चंदेहि भासिओ सयल-सोक्ख-संजणणो । कह कह वि पाउणिज्जइ जिएहि बहुपुण्णजोएण ॥
जओ—

संसारे सयलरिद्धीणं सुहाण य निबंधणं । इदंत्तं पि य लहईं न उणो सव्वण्णुसासणं ॥४३२॥
संपुण्णं कोस-डंडेहि एग छत्तमकटयं । चक्कवट्टि-पयं सुलहं न उणो सव्वण्णु-सासणं ॥४३३॥
वण-वण्णाइणो भोया संसार-सुह-कारणं । जिणिद-भणिय-धम्मो य निव्वाण-सुहकारणं ॥४३४॥
नेव्वाणसुह-संसार--सोक्खाण य परोप्परं । चित्तरयणस्स काएण जाव ताव गुणंतरं ॥४३५॥
पडिबज्जिऊण सव्वण्णुसासणं कम्मणासणं, हिसा कोहाइ पावेसु वट्टेज्जा जो नराहमो ॥४३६॥
सो हारेइ काएण चित्तामणिसमुत्तमं, अंगारकारणं मूढो इहेज्जा चंदणं वरं ॥४३७॥
भिदेज्ज तावं मूढप्पा ताहत्थं सायरे गओ । हारेज्जा सुत्तकज्जम्मि समूढप्पा मणी[सयं] ॥४३८॥
कीलयत्थं पलीवेज्जा दिव्व-दोणि महत्तमं । रयणत्थालिए रंघिज्जा खलं सो मोहमोहिओ ॥४३९॥
कप्पूरागं-खंडाणि खंडित्तं सो सुहत्थिओ । कोहवाणं वइं कुज्जा माणुस्सं जो न रो[य]ए ॥४४०॥
इंदियत्थेसु दुव्वारदुक्ख-संदोहदाइसु । कसायत्थेसु वाऽणत्थकारएसुं [भवे] भवे ॥४४१॥
दुहंता इंदिया जेण वंता अत्तहिएसिणा । कसाय-पसरो रुद्धो सुलहा तस्स सोग्गई ॥४४२॥

एवं सोऊण पडिबुद्धा बहुवे पाणिणो संसय-तिमिर-दिवायरं नाऊण भगवंतं पुच्छियं राइणा—“भयवं ! कि मए जम्मंतरे सुहमणुचिण्यं जस्सेरिसो सुहो परिणामो ?” केवलिणा भणियं—“महाराय ! अणंतरभवे मणियारपुरे नयरे आइच्च-देवउले सयंभू नाम देवच्चओ [अ]हेंसि ।

अण्णया पओयणवसेण धंचिय-धराओ गहिय-तेल्लो पविट्ठो जिणहरं । दिट्ठा य दीवय-सिहासमुज्जोइय-गब्भहरंतरे वर-पुण्फेहिं पूइया वरवत्थाहरण-विभूसिआ पसंतमुत्तिणो सव्वण्णुणो पडिमा । चितियं च तए—‘दिण्णा मए बहूणं देव-याणं पुरओ दीवया, परं न तहा सोहेति जहा इमस्स देववाविसेसस्स । पूयणिज्जो पुण्णत्थियाण एस को वि परमप्प’ त्ति मण्णमाणेण विमुद्धसद्धाए दिण्णो जिणपुरओ दीवओ । ठिओ किंचि कालं तत्थेव रोमंचिअ-सरीरो । एयावसरे बद्धं तए भोगसारं मणुयाउयं । पोसियं तम्मि चेव जिणहरे दीवयप्पयाणेण । अहाउयक्खएण मरिऊण तप्पुण्णाणुभावेण जाओ चउरज्जाहिइई राया । एयं सुणिय संजाय-जाइसरणो संसारवास-विरत्त-चित्तो अहिंसिचिऊण जेट्टुपुत्तं मणिरहकुमारं रज्जे, निक्खंतो महया विभूईए केवलिसमीवे तेयसारनराहिवो । परिपालिऊण सामण्णं समाहि-मरणेण मरिऊण समुप्पण्णो विजयविमाणे सुरधरो । तओ चुओ परमपयभाई भविस्सई । कहिऊण फल-दंसगमक्खाणयं भणिओ समुददत्तो पियंकरायरिएण—

जिण-विबाणं पुरओ दीवं दित्तस्स पवरसद्धाए । देहस्स होइ दित्तिं रयणाणि य बहुपयाराणि ॥४४३॥
इहलोयपारलोइयसुहाणि सव्वाणि तस्स सुलहाणि । पर-पारगेय-पुरओ दिण्णो भत्ते ए वर-दीवो ॥४४४॥

समुददत्तेण भणियं—“संपयमक्खयपूयाए फलं च साहिज्जइ ।” सूरिणा भणियं—“सुणसु ।

अक्खयपूयोवरिकणसारसेट्टिकहा

अत्थि इहेव जंबुद्वीवे दीवे भारहेवासे वाससय-वण्णणिज्ज-गुणगणं सेलगपुरं नाम नयरं । तम्मि य सयलनेगम-पहाणो नरवम्मो नाम सेट्ठी परिवसइ । भट्टमुहा से भारिया । बहुहि उवाइयसएहिं मज्झिमवए वट्टमाणं ताण एगो चेव सुओ जाओ । उचियसमए पइट्ठावियं नामं गुणदत्तो । जहा जहा सो वड्ढइ तहा-तदा नरवम्मसेट्ठिणो घरे सालिजवाईण सयलघण्णाण वड्ढंति अणेगे कोट्टारे । परिणीया गुणदत्तेण तत्थेव वत्थव्वस्स संखायणसेट्ठिणो धूया अभय-सिरी नाम । तीए सह विसय-सुहमणुहवंतस्स वच्चइ कालो गुणदत्तस्स ।

अण्णया कालधम्मणा संपउत्ताणि जणणि-जणयाणि । काऊण मय-किच्चाणि कइवयदिपावसाणे मिलिऊण सयणेहिं अहिसित्तो पिउ-पए गुणदत्तो । दंसिओ राइणो । संपूइओ वत्थाइणा तरिदेण सधरभागओ । संतोसिय-सयल-सुहि-सधणवग्गं सयाणुराय-सार-सव्वदथं अभगमाण-पसरं सेट्ठियं परिपालितस्स वच्चंति वासरा गुणदत्तस्स ।

अण्णम्मि दिणे पयणुचोरियावररंह-पत्तेण आरक्खिय-पुरिसेहिं वज्ज-भूमो निज्जंतेण वसणाभिभूय-बंभण-सुएण दट्ठूण गुणदत्तसेट्ठि ‘परितायह परितायह’ भणतेण महया सहेण पोक्कारियं । गुणदत्त-सेट्ठिणा भणियं—“भइ ! मा भाहि ।” निवारिया आरक्खियपुरिसा । मोयाविओ बंभणसुओ । पुव्वविरोहिएण लहिऊण अंतरं साहियं नरवइस्स उवरोहिएण—“देव ! इंदसोम-माहण-सुओ जो देवेण वज्जो समाणत्तो तलवरपुरिसे भेसिऊण सो मोयाविओ गुणदत्त-सेट्ठिणा ।” तं सुणिय कुविओ राया । सदाविओ सेट्ठी । भणिओ य—“कीस तए सो तक्करो मोयाविओ ? मम सासणं खंडितस्स केरिसं ते कुसलत्तणं ?” सव्वस्स-हरणं काऊण पक्खित्तो कारागारे, सो वि बंभणसुओ वसण-संकड-गयं नाऊण गुणदत्तसेट्ठि अईवखेयं वहमाणो तप्पडियारकरणअसमत्थयं अत्ताणयं कलिऊण, ‘अहो ! मे जहणत्तणं, अहो ! मे नियजीविअ-सावेक्खयां, जेण परपाणेहिं नियपाणा रक्खिया । जावज्जवि इओ वि अणिट्ठं न सुणेमि ताव वि एस गमणं मे संगयं ति’ चित्तिऊण गओ गंभीराभिहाणं वेणोउलं । आरुढो एणं जाणवत्तं । पुण्णसमुदमज्जे पत्तमेयं चेव पयंड-पवण-पणोल्लियं सयसिक्करं जायं । दिसोदिसि गया पाणिणा । सो वि बंभणसुओ समासाइऊण पुव्वविवण्ण-जाणवत्त-फलं सत्तमदिणे पत्तो एणं समुदकूलं । उइण्णो तदासण्णसरसियं । पीयं तत्थ सच्छ-सीयलं सलिलं । कया कयलमाईहिं पाणवित्ती । अब्भंगिओ नालिएरसिणेहेण अप्पा । बीसमिओ खणमेणं नग्गोह-पायवतले । समागया तिहा । सुत्तविउट्ठो चित्तिउमारुद्धो—‘अहो ! हय-विहिणा विलसियम्मि पडिक्कूले समं पि विसमं गोययं पि सागरो, अमयं पि विसं विवरमेत्तं पि तमंघयारकूओ, रज्जू वि कन्निणसप्पो, माया वि वग्घी, पिया वि पंचाणणो, भाया वि वेरिओ, पुत्तो वि परो, दुहिया वि दुहदाइया, भइणी वि भयावहा, सज्जणो वि दुज्जणो, मित्तो वि सत्तू, जलं पि जलणो, उंदरदरो वि रसायलं, पउमतालं पि करवालं, कोमल-तूली वि कंटगावली, कुसुममाला वि बाणावली, लच्छी वि मरण-

दच्छी, चंदणं पि देह-तावणं, अणू वि पव्वओ, हारो वि हा-राव-हेऊ, कि बहुणा चिंताइवकंत-सरूवस्स तमो विहि-विलसिधस्स । एवं विहरिय-सरीरो य पत्थिओ पुव्वाभिमुहं । थेवंतरं गएण दिट्ठं एगं चंडिया-भवणं, समासण्णसुप्प-माणमढसेवियं । तओ विम्भिय-माणसो पविट्ठो तत्थ माहणसुओ । पणमिऊण चंडियं निग्गच्छंतेण दिट्ठो हंसविलासो नामजोगिओ । वंदिओ बंभणेण । तेण वि आसीसदाण-पुरस्सरं नीओ नियमढं भुजाविओ परमभोयणेण । काऊण सब्बं पि अतिहि-करणिज्जं सुह-निसण्णो पुच्छिओ जोगिएण—“भइ ! कहं तुमं एत्थागओ ?” तेण वि मूलाओ चेव साहिओ सवित्थरो सब्बो वि नियवइयरो । जोगिणा भणियं—“किमभिहाणो तुमं ?” तेण भणियं—“अ[ण]ह्णो ।” जोगिणा भणियं—“कहिं गंतव्वं ?” तेण भणियं—“जत्थ विही नेहिही ।” सविसायवयणं सोऊण मोगमासिओ जोगिओ । जणह्णेण भणियं—“भयवं ! कीस तुमं नवजोव्वणे वट्टमाणो चेव जीवलोय-सारभूयं भवंतरे वि तवस्सिजणपत्थणिज्जं हरि-हर-पियामह-पमुहतियस-विसर-सेवियं सयलजण-पत्थणिज्जं विसयसुहमुज्जिऊण इमं एरिसं वयविसेसं सुण्णारण्णनिवासं च पवण्णोसि ? महंतं मे कोऊहलं । कहेसु जइ अकहणीयं न होइ ?” जोगिणा भणियं—“सुणेउ भवं” ।

अत्थि इहेव भारहेवासे वासउरं नाम नयरं । तन्निवासी केसवो नाम माहणो । तस्स सुओ अहं उमावइनाम । मित्तो य मे चंडदेवो माहण-पुत्तो वीयं व हिययं । अत्थि परोप्परं घरागमो ।

अण्णया परोप्परालावदंसणाईहि आसंधिय पेमणुणाए रहसि भणिओ हं चंडदेवघरिणीए चंडसिरीए उमावइ इव गोरीए—

अच्चंनं वल्लहो मह तुमं मयणग्गिपलावियं । नियसंगमामयसारेण निव्वेहि मे सरीरयं ॥४४५॥

मए भणियं—“सुयणु ! न संगयमेयं । जइ कहं वि चंडदेवो जाणेज्जा तो चित्त-खंडणं करेज्जा ।” नायं तीए जाव एस जीवइ ताव न एस मं मन्नइ ।

अण्णम्मि दिणे विसप्पओगेण मारिओ पई । पुणो पुणो पुच्छिज्जमाणेण भणियं मए—“सुंदरि ! इहेव वसंताण न सुंदरं जावइ ।” तीए भणियं—“अण्णत्थ गम्मइ । चंचलत्तणओ इंदियाण अविणय-भवगतओ जोव्वणस्स बहु-भवभत्तत्थ णओ विसयसंगस्स पडिवण्णं मए तव्वयणं । जओ—

परघरिणि-संग-संकप्पवज्जिजा गुरु-अवण्ण-रहिया य । अहं मं ता वुड्ढमइं धण्णा जो जोव्वणं निति ॥४४६॥

अम्हे पुण जोव्वण-विणडियाणि गहिऊण संबलनिमित्तं सुवण्णयं रयणीए निग्गयाणि पत्ताणि एगं वेलाउलं । भाडियं सुवण्णदीव-पत्थियं सुवेलनाइत्तग-संतियं जाणवत्तं । पयट्टाणि तेण सह गंतुं । अणुरत्ता चंडसिरी नाइत्तग-दासे दुसले । भणियं सो तीए—“इच्छसु ममं ?” तेण भणियं—“पइम्मि धरंते कहमेयं कीरइ ?” तओ मुणियतग्भावाए, अणुकूल-पवण-पणोल्लिए सर-सरवेगेण बहंते पवहणे, रयणीए सरीर-चिता-निमित्तं उट्टिओ सोयदाण-निमित्तं सम्मगथाए वीमत्थ-चित्तो लहिऊण अंतरं पक्खित्तो हं तीए समुद्दे । दूरयरं गए पवहणे कओ अणाए कोलाहलो । करयत्तेहि वच्छत्थलं ताडयंती ‘हा ! अज्जउत्तं’ त्ति भणमाणी सदुक्खमिव रोइउं पयट्टा । पुच्छिया ताइत्तणेण—“भइणि ! भणसु कि-निमित्तं रोइज्जइ ?” भणियमणाए—“सरीर-चिताए उट्टिओ निवडिओ समुद्दे अज्जउत्तो । धीर-विया सा तेण । काराविया मह गवेसणा । न लद्धा कत्थवि पउत्ती । तओ भणिया तेण चंडसिरी—“भइणि ! न तए खिज्जियव्वं । कुलहरे पावियाए तए मह संतोसो अकामाए । पडिवण्णमेयाए पेल्लियं जाणवत्तं । गयं सुवण्णदीवे । अहं पि पडणाणंतरमेवमासाइअ-पुव्वभिण्ण-जा[ण]वत्त-फलओ तरिऊण पंचर तेणसायरं पत्तो इमं पएसं । पुणो जायमिच्च अत्ताणयं मण्णमाणो निप्पीलिय-वत्थजुयलो निसण्णो तिणिस-पायवछायाए, चित्तं च पवत्तो—“अहो नियडि-बहुलया महिलायणस्स, अहो ! निग्घिणया चंडसिरीए, अहो ! निवकारणो ममोवरी बेराणुबंधो, अहो ! उभयकलंक-कारिणी एसा । कि पुण इमीए मए अवरद्धं ? अहवा अविवेय-बहुलो चेव इत्थियाजणो । किं तत्थावराह-चित्ताए । इत्थिया हि नाम निवासो सयलदोसाणं, कुलहरं कूडकवडवचणाणं, विलास-दुवारं दुग्गइपुर-पवेसस्स, आययणमावयाणं, ससा सोपाणपत्तिया नरय-निक्खुड-मंदिर-महारुंताणं, दढगला-सग्गापवग्गपुर-दुवारमाविसंताणं पाणिणं, पासट्टियाए इमीए,

जं जीविज्जइ दढ-कठिण-मूलस्स, आउयतरुणो माहप्पं । अहवा किं महमिमाए चिताए । नियकज्जं चित्तेमि । न एसो कालो परिदेवियव्वस्स । अवि य--

साहस्रममुंचमाणो पुरिसो तयणरूवफलं पाउणइ । अईयत्थ-चित्तणं विलावं च चयंति त्रियक्खणा ॥४४७॥

तओ अवलंबिऊण साहसं उट्ठिओ हं तरुमूलाओ । गओ थेवभूमिभाणं । दिट्ठो तत्थ भिण्ण-पोओ मए एगो वाणियगो । गओ तस्स समीवं । पुच्छिओ सो मए--“कओ भवं ? कि नामधेयो ? कहं वा एत्थागओ ?” तेण भणियं--“पोयणपुरनिवासी-मंगलालओ नाम सेट्ठि-पुत्तो । वाणिज्जेण रयणपुरं पइ पत्थिओ विवण्ण-जाणवत्तो समा- [सा]इय-फलहओ दुसत्त-रत्तेण इहं पत्तो । पायवोवरि धयं बंधिऊण, भयवइ [जइ] कहवि इमाओ वसण-समुद्दाओ नित्थरिस्सामि, तो एत्थ ठाणे तुह आययणं करिस्सामि । इच्छिऊण वंडियाए उवाइयं, कंदाइणा कयपाण-वित्ती एत्थ चिट्ठामि ।” मए भणियं--“जइ तुमं एत्थ आययणं कारवेसि तो मए वयविसेसं पडिवज्जिऊण इहेव भयवइं आराहयतेण अच्छियव्वं ।” तेण भणियं--“सच्च-पयत्तेण होयव्वं ।” मए भणियं--“भवया वि तहेव ।” ठिया कइवयदिणाणि दो वि ।

अण्णम्मि दिणे चिध-दंसणेणं पेसिया सुलोयण-नाइत्तणेण लहु-पवहणेण निय-पुरिसा । दिट्ठो तेहिं मंगलालओ । भणिओ य--“भट्ट ! पोयणपुराओ सुलोयण-नाइत्तगो रयणदीवं य पत्थिओ । चिध-दंसणा विवण्णजाणवत्तो कोइ इह चिट्ठइं त्ति धरिय-जाणवत्तो तुमं सद्दावेइ । लहुं समागच्छउ भवं ।” ममं घेत्तूण चलिओ सो । दिट्ठो सुलोयणो । तेण वि मंगलालओ । जायं परोप्परं पच्चभिण्णाणं । मिलिया दोवि माउल-भाइणेज्जया । सुलोयणेण भणियं--“वच्छ ! कहं ते एरिसी अवत्था ?” सो वि बाह-जलभरियतोयणो रोकिउं पयत्तो । सुलोयणेण भणियं--“वच्छ ! न विसाओ कायव्वो । वज्जकठिणहियया चेव वसणसमए सप्पुरिसा हवंति ।” जओ भणियं--

वसणम्मि ऊसवम्मि य एक्कसहावा हवंति सप्पुरिसा । ‘जारिसओ चिचय उदए अत्थमणे तारिसो सूरु’ ॥ सप्पुरिसे चिचय निवडेइ आवया न उण पयइ पुरिसम्मि । ससि-सूरु चिचय घेप्पंति राहुणा न उण ताराओ ॥ वसणसमागमकाले उण्णयचित्ता हवंति सप्पुरिसा । एवंविहाण जायइ पुणो वि लच्छी न संदेहो ॥४४८॥ वसणम्मि समावडिए पयइं न हु कह वि सुपुरिसो चयइ । राहु-मुह-गहियमुक्को वि तवइ सूरु धरावीढं ॥ पुरिसेण पुरिसयारो कायव्वो ताव नत्थि इह दोसो । अह विहिवसेण विहइइ विहिणो दोसो न पुरिसस्स ॥

एवंविहवयण-वित्थरेण संठविऊण निवेसिओ नियअद्दासणे सुलोयणेण मंगलालओ । पुच्छिया सयला पउत्ती । साहिया तेण सुलोयणेण भणियं--“वच्छ ! न किपि नट्ठं जं तुमं धरंती दिट्ठो ।” मंगलालएण भणियं--“माउल ! बहूणि जाणवत्ताणि दीसंति । किं सव्वेसु वि भंडं ?” तेण भणियं--“दोसु भंडं । दो वि घडिय-कट्टदल-भरियाणि । एगम्मि हंसगब्भ-जोगियगेज्जा सुत्तधारा तदुवगरणाणी य ।” मंगलालएण भणियं--“कट्ठेहिं कि कायव्वं ?” तेण भणियं--“रयणदीवे आइच्चवेवउलं ।” मंगलालएण भणियं--“इभिणा कट्ठेण इत्थेव कीरउ वंडियायणं दो य देवया । आइच्चहेऊ नियघरे गओ अहं भे [कि]ट्टदलं दलइस्सामि । पडिवण्णमणेण । ठिओ तत्थेव कइवयदिणाणि । कारावियं इमं देउलं मढो य । ठिओ एत्थेव हं हंसगब्भो [य] अहं पि मंगलालय-वयणेण गहिऊण हंसगब्भ-समीवे दिक्खं एत्थेव ठिओ । गच्छतेण मुक्कं थेव-दिण-जोग्गतदुलाइ-संबलं । भुंजताण वि न निट्ठाइ ।” विस्मियमाणसेण पुच्छिओ मए हंसगब्भो--“भवयं ! किं कारणं तंदुलाइयं न निट्ठाइ ?” तेण भणियं--“वच्छ ! मत-सत्ती एसा ।”

अण्णया सरीरकारणेण दिण्णा तेण सव्वेवि संततंता । उवरओ हंसगब्भो । काऊण तस्स मयकिच्चणि अहं एत्थेव ठिओ ।” जणइणेण भणियं--“धण्णे तुमं । जइ अत्थि जोग्गया तो ममं पि अण्णगहेहिं नियदिक्खाए ।” पडिवण्णमणेण । दिक्खिओ जणइणो । कयं नामं विमलहंसो । कइवय-दिणावसाणे दिण्णा सव्वेवि मंता विमलहंसस्स गुरुणा । उवरओ हंसविलासो । ठिओ तत्थेव विमलहंसो । वच्चंति वासरा ।

इओ य गुणदत्तसेट्ठी गहिय-सव्वस्सो मुक्को कारागाराओ रण्णा । समागओ नियमंदिरं । न पउत्ति विहंति सुहिय-सयणाईया । न सरंति घरपओयणाणि । पत्थिया वि परंमुहा वच्चंति सयणाइया । समीवेण वि बोलेतं नालविति समासण्ण-बंधुणो वि । तओ विसाय-विस-विट्ठरिय-हियएण चित्तियं गुणदत्त-सेट्ठिणा--

ता सयणा ताव भित्ता गुरुत्तणं ताव वासणा ताव । जाव न पत्थइ पुरिसो अह पत्थइ तु तिणसमो होइ ॥४५३॥
सो पुरिसो जस्स करो दूरं वित्थरइ दाण-समयम्मि । संकुडइ गहण-समए ससि व्व सिय-पक्ख-विंगम्मि ॥
विहिवस-विहडिय-विहवो वि देहि देहि त्ति जो न जंपेइ । निय ववसायविअगो विसमदसं गमइ सो पुरिसो ॥

भणियं च—

अवहत्थिज्जउ तं दियहु अच्छउ तिसि म विहाउ । जहि जोइज्जइ परह मुहु छड्ढि वि निय-ववसाउ ॥४५६॥
जइ धणु फिट्ठा विहि-वसिण तउ विवसाइ विलग्गि । मेलि वि माणुस मसयणघरि हत्थु पसारि म मग्गि ॥
दियह कर वि न सक्किया ससि-सूरिह संपुण्ण । विहलिय कवणु समुद्धरइ जमु अप्पणा न पुण्ण ॥४५८॥

किंच—

कलिकालसहावेणं संकडहियया निरप्पणा हुंता । तो ताण पत्थणाए अप्पा विहु लहुइओ होइ ॥४५९॥

अओ सयणाइजण-परिभूयस्स अलं मे इहट्ठिएण जेण—

दालिहपरिभवो सव्वाण परिभवाण चव जेट्ठयरो । जीवंता वि हु जेणिह मय व्व पुरिसा गणिज्जंति ॥४६०॥

वरि देसंतरु वरि मरणु वरि तउ वरि वणवासु । धणहीणह वहु-परिभवह वलि-किउ सग्ग-णिवासु ॥४६१॥

एवंविहचिंताचक्र-समारुहमाणसो गमिऊण वासरं अकहितो चव सयणाण रयणीए निग्गओ गुणदत्तो । जाव थेवंतरं गच्छइ ताव पत्तो तवकरेहि । नीओ कंतारं । मग्गओ दविणजायं । जाहे न किंचि पडिवज्जइ, ताहे चिरं कयत्थिऊण विक्किओ सुवेलाउले पारसउलनिवासिणो नाइत्तगस्स समीवे । तम्मि चव दियहे सिद्धपओयणो चलिओ नियदीवाभिमुहं नाइत्तगो । चित्थियं गुणदत्तसेट्ठिणा—“चिरं कयत्थिऊण अज्जवि न कयत्थो विही । अणारियजणकरगयस्स कि मे जीविएण ?” एवं चित्थिऊण अत्थमिए दिणयरे, वियंभिए समंतओ तमंधयारे, वहंते पवहणे, सणियमेव मुक्को अप्पा समुद्धमज्जे गुणदत्तसेट्ठिणा । तओ उब्बुडु-निब्बुडुणं कुणंतेण पत्तं पुव्व-विदण्ण-जाणवत्त-फल-खंडं । मच्छ-कच्छभाईहि कयत्थिज्जंतो पत्तो पक्खावसाणे समुद्धतीरं । चलिओ पुव्वाभिमुहो । थेवंतरगएण दिट्ठं तं चंडिया-भवणं । तयभिमुह-मणुसरंतेण दिट्ठो मढाओ निहरंतो विमलहंसो । तेण वि सेट्ठी । मिलिया दो वि परोप्परं । सारिच्छया जणियसंका ‘असंभावणिज्जमेवं’ति अकयनिच्छया अण्णोण्णमुहमवलोयंता ठिया खणमेगं । नीओ मढे विमलहंसेण सेट्ठी । मक्खिओ घएण । संवाहियाणि सव्वअंगाणि भोयविओ घयखंडसहिएण कलमोयणेण । दिण्णं सरस-पूर्वफलमसरिसं तंबोलं । भुत्तावसाणे सुहासणत्थो पुच्छिओ विमलहंसेण सेट्ठी—“महाभाग ! तुमम्मि दिट्ठे वियसइ लोयणजुयलं, उल्लसइ आणंद-भर-निब्भरं समुल्लसंतसुहकल्लोल-मालाविलं, महिमंडले वि न माइ मे माणसं, सव्वहा गुणदत्तसेट्ठिसरिसो तुमं लवखीयसि । कहेसु नियनामं जेण महमणे-निब्बुई होइ ।” सेट्ठिणा भणियं—“मुणियं चव भयवया कि पुणरुत्त-कहणेण ?” तओ बाह-जल-भरियलोयणो पण्णो जोगिओ । सेट्ठिणा चित्थियं—“अहो ! मे पाव-परिणई जमरणुवासिणो पडिवण्ण-वय-विसेसस्स वि दुक्ख-कारणं जाओ ?” कहकह वि सेट्ठिणा संठाविओ चिरओ रोवियव्वाओ जोगिओ । सेट्ठिणा भणियं—“भयवं ! को तुमं किमभिहाणो वा ?” जोगिएण भणियं—“महाभाग ! सो हं कुकम्मकारीकुविय-कयंत-भिउडि-भीसणाऽऽ-रक्खिय-पुरिसेहितो विमोइओ जो भवया अगहिय-नामधेयो जणहणो । भवंतं वसण-सामरे छोडूण निय-पाणे गहाय पलाणो । साहिओ सव्ववो वि वय-गहणावसाणो नियवइयरो । सेट्ठिणा वि तप्पुच्छिएण नियवुत्तंते । जोगिणा भणियं—“अवहिओ विही उन्नयमाणभंग-करणे, करिकण्ण-चला लच्छी, सच्चो य पवाओ किलेसायास-ब्रह्मो गिहवासो, जेण भवओ वि कप्पायवस्स विय परहिय-संपाडण-पत्त-फल-जम्मस्स ईइसी अवत्थंति । अहवा थेवमेयं—“खीणो वि ससीकलावो कालजोगओ पुणो वि संपुण्णयं पाउणइ । विवरीए विहिम्मि इंदाइणो देवा परिकिलेसभाइणो भवइ । निच्चपच्छण्णो पुरिसयारो । न सिहि-संजोगमंतरेण कालागरुस्स सव्वहा गंधोवलद्धी भवइ । वसण-समावडिया वि वज्जकदिणहियया चव महापुरिसा हवंति । कि च उवयारिणी चव य आवया, जओ—“तज्जइ इमीए सज्जणासज्जणविसेसो, लक्खिज्जइ पडि-कूलाणुकूलो परियणो, गमंति अत्तणो भागधेयाणि, [....] पयसीभवइ । थेव-कालावत्थाइणी तुह एसा आवय”ति लक्खणओ

अवगच्छामि । भवओ जीवियप्पयाणेण परमोवयारिणा अणुकूलविहिवसेण घरभागयस्स परिचत्त-सव्व-संगओ रण्णनिवासी परिओसवसमुल्लसंतमाणसो किमुवगारं करेउ अम्हारिसजणो । तह वि गिण्हाहि एयं पट्टियमेत्तसिद्धं अक्खय-अक्खय-निबंधणं बहुसो दिट्ठपच्चयं गुरुपरपरागयं मंतं । इमं च थावर-जंगम-विस-विणासकारं गारुडमंतं ।” अट्टिण-पडिवयणो अट्टो-मुहो ठिओ गुणदत्तसेट्ठी ! जोगिणा भणियं—“महाभाग ! न संबोहो कायव्वो । परकज्जकरणरसिया चेव महा-पुरिसा हवंति । भविस्सइ एत्तो परोवयारो वि । किं च जइ एयं मम पत्थणं विहलेसि तो निरत्थं दंसणं पि मण्णेमि ।” न अण्णा गइत्ति पडिवणं सेट्टिणा । गहियं तज्जयलं पि । ठिया दोवि सह जोमेण ।

इथो य संवत्सरावसाणे रयणदीवाओ चलिथा दो वि मंगलालय-मुलोयणा । तं पएसं पत्ते जाणवत्ते । गहिय पूओवगरणा समागया चंडियायणं । पूजिया चंडियो । वंदिओ विमलहंसो । पुच्छिया हंसंगभहंसविलासपउत्ती तेहि । जोगिणा भणियं—“सुमरणसेसा संजाया ते भगवंतो । अहं पि तप्पाउमा-सेवपो ।” तेहि भणियं—“भयवं ! भणसु जेण पओयणं ?” गुणदत्तसेट्ठी दंसयंतेण भणियं जोगिणा—“एस महाणुभावो चदो व्व नियउदयाणंदियसयलजीवलोओ परोवयार-पहाणधणजीविओ विहिवसेण विस[मा]वडिओ जहा सट्टाणं पाउणइ तथा करेह ।” अणुगहं मण्णमारणेहि पडिवणमणेहि । पणभिऊण जोगियं गुणदत्तेण समं सया जाणवत्तं । उक्खित्ता नंगरा । पेल्लियं जाणवत्तं । कइवयदिणेहि पत्ता तीरं । पाविओ सट्टाणं गुणदत्तसेट्ठी । विहल-ववसायं नाऊण न ढोयंति सयणाइया ववहरणजोगं दव्वं । रयणीए भणिया अभयसिरो सेट्टिणा—“पिए ! नियाभरणं कइ[वय]दियहे मह समप्पेहि ।” समप्पियमिमीए । तेण विक्कि-णिऊण गहियं चाउल-घय-तेल्ल-गुल-खंडाइयं । ववहरिउमारद्धो । मंताणुभावेण दितस्स वि न झिज्जइ पुणो पुणो पिडेइ तंदुल-घयाइयं ।

अण्णया परिवहले काले अणिट्टिए तंदुले विक्किणंतो जाओ अणेगकोडीसरो । समल्लियति सव्वओ सयणाइया । वहु मण्णंति नायरया । पसाएण पेच्छइ नरनाहो । विणा वि पयत्तेण सिज्झंति सव्वकज्जाणि ।

अण्णम्मि दिणे उज्जाणे कीलंतो अहिणा डक्को रायउत्तो । मिलिया सव्वे वि गारुडिया । न कओ केण वि विसेसो । तओ घोसावियं पडहेण राइणा—“जो रायउत्तं जीवावेइ तस्स राया सुवण्णकोडि देइ ।” वारिओ गुणदत्त-सेट्टिणा पडहओ । गओ राय-समीवं । दिट्ठो निच्चेट्ठो रायउत्तो । आलिहियं मंडलं । धरिया धारणा । सुमरिओ गारुड-मंतो । खणंतरेण वियंभंतो उट्टिओ कुमरो । तुट्ठो राया । कारावियं वद्धा[व]णयं । भणिओ भंडारिओ—“देहि सेट्टिस्स सुवण्णकोडि ।” सेट्टिणा भणियं—“देव ! एस चेव सुवण्णकोडी जं कुमारो जीविओ । चाउलमेत्त-संतुट्टस्स किं मे सुवण्णकोडीए ?” इमि हसिऊण भणिओ राइणा कोट्टारिओ—“अरे ! तथा करेसु जह-जहा एग-वरिस-सत्तिया सव्वे वि भोग-तंदुला सेट्टि-घरे पविसति ।” सेट्टिणा भणियं—“सामि ! सत्ति मे तंदुला अलमइनिबंधेण ?” राइणा भणियं—“अवस्सं कायव्वमेयं भवया ।” पडिवणं सेट्टिणा । काराविया सच्चविया सव्वविसए पगामं कणकोट्टारा । पुव्वाभिहाण-मंतरिऊण ‘कणसारो’त्ति पसिद्धि गयं वीयमहिहाणं तंदुलवंताण मज्झे मही-मंडले पढमा तस्स रेहा । विणीयाणुकूल-पुत्तमह-दंसणपमुइओ विसयसुहमणुहवंतो कालं गमेइ ।

अण्णया समागया तत्थ ओहिण्णाण-वियाणिय-रुवि-वत्थुवित्थरा सुरसुंदराभिहाणा सूरिणो । समोसरिया नयर-वाहिरुज्जाणे । निग्गया वंदणवडियाए नागरया ति पयाहिणा पुरस्सरं वदिऊण सूरि-पय-पंकयं निसण्णा समुचिया-सणे । पत्थुया भगवया धम्मदेसणा । संसय-तिमित्-दिवायरं पेच्छऊण भयवंतं लद्धावसरेण भणियं कणसारेण—“भयवं ! किं मए पुव्वभवे पुण्णं समज्जियं जेण पवइढमाणा तंदुला होऊण विहडिया ? पुणो विसेसेण पवइढमाणा एवं जाया ?” सूरिणा भणियं—“सोम ! सुणसु कारणं—”

अत्थि इहेव भारहेवासे वसंतविलासो नाम गामो । तम्मि तुमं सयवाहनामकोडुविय-दारओ अहेसि । जणयम्मि उवरए पत्तो परमदारिइं । परघरेसु कृकम्माणि कुणंतेण लद्धा तए चाउल-सेइआ । ‘विसेसकज्जं किपि साहिस्सामि इमीए’ चित्तिऊण सुसंगोविया कया ।

अण्णया कट्टुभारं गहाय आगच्छतेणं दिट्ठो तए असोगसुदरुज्जाणे जणाण धम्मं वज्जरतो [तो]ससुंदरो नाम सूरि । समुप्पणसुहवासणेण चित्तियं तए—“धण्णा इमे लोया जे संपज्जंतसमीहिया वि धम्मं सुणंति । अहं पुण कट्टुहार-घट्टुसिरो वि धम्मायरण-परम्मूहो परियडामि । एवं संवेगमावण्णो मोत्तूण कट्टुहारयं गओ सूरिवंदण-निमित्तं । वदिओ सूरि । एत्थंतरे भणियं सूरिणा—“जो जिण-पडिमा पुरओ अखंड-पुडिय-चाउलेहि दप्पणाइए अट्टमंगलए समालिहइ तस्स भवंतरे अक्खया अक्खया भवति । पुच्छिओ समासण्णसावओ—“को एस जिणो ? का वा तस्स पडिमा ? केरिसाणि अट्टमंगलगाणि ?” सावए[ण]भणियं—“अहं ते दंसडस्सामि ।” धम्मदेसणावसाणे सावएण सयवाह[णो] दंसिया जिण-भवणभंतरे सव्वण्णो पडिमा अट्ट मंगलगाणि य । संजाय-बहुमाणो गओ नियधरं । गहिया पयत्तसंगोविया तंदुल-सेइआ । समागओ जिणहरं । उल्लसिय-रोमंचेण दप्पण-भट्टासण-वद्धमाण-वरकलस-मच्छ-सिरिवच्छा-सत्थिय-नंदावत्ता लिहिया अट्टु-मंगलया । पुणो पुणो पवड्डमाणसुहभावो कयत्थमत्ताणयं मण्णमाणो—‘अहो ! सोहंति जिणपडिमा; पुरओ मंगलया । कयत्था इमे चाउला जे एत्थ उवओगं गया ।’ एवं सुहज्जवसाएण तए बद्धं मणुयाउथं । अहाउयक्खएण मरिऊण समुप्पण्णो सेट्ठी सुओ । तप्पुण्णाणुभावेण वड्डिहया तंदुला । जं पुण संतराया तत्थ इमं कारणं—‘अड्डलिहिएसु मंगलगेसु मणागं परिवडिओ ते भावो-जहा पभूया चाउला गच्छिस्मंति ।’ पुणो वि सोएहि सिज्जमाणेण सविसेस-समागय-परिणामेण संधिओ । तेण ते सविच्छेया तंदुल-सामग्गी जाया ।’ एवं सुणिय समुप्पण-जाइसरणो संवेगमावण्णो जेट्टुपुत्तं कुडुव-सामियं काऊण सुहि-सयण-समणुण्णाओ निक्खंतो महामहसवेण कणसारसेट्ठीसुरसुंदरगुहसमीवे । निरइयारं सामणं चरिऊण समाहिमरणेण मरिऊण समुप्पण्णो वेजयंतविमाणे सुरवरो । तओ चुओ नेव्वाणं गमिस्सइ ।

एवं अक्खय-पूयाफलोदाहरण-पुरस्सरं भणिओ समुद्दत्तो पियंकरायरिएण—

वक्कहरामरिदिइ इच्छह जइ मोक्ख-सोक्खमखंडं । तो अखंडे विमले जिण-पुरओ अक्खए खियह ॥४६२॥

समुद्दत्तेण भणियं—“भयवं ! संपयं फल-पूया-फलं भणउ ।” सूरिणा भणियं—‘सुणसु’—

फलपूयोवरि फलसारनिवकहा—

अत्थि इहेव सयल-भारहालंकारभूयं कुसुमपुरं नाम नयरं । कुसुमावीडो राया । कुसुमसिरो से महादेवी । दिट्ठो य अण्णया पच्छिम-रयणीए पल्लंकणुवण्णाए विविह-फल-समुदओ वयणेण उदरं पविसमाणो हक्खो सुमिणए । तक्खण-विबुद्धाए साहिओ दइयस्स । आणंदिया तेण पहाण-पुत्तजम्भेण । सुहंसुहेण गब्भं वहमाणीए पत्तो पसूइया पुण्णचउ-ट्टसीए । जाओ दारओ । पइट्टावियं समए सुमिण-दंसणाणुसारेण दारगस्स नामं फलसारो त्ति । सुहंसुहेण पवड्डमाणो जाओ अट्टवारिणिओ । समप्पिओ लेहायरियस्स । जाओ थेवकालेणं चेव सयलकलापारगो । कारिओ समुण्णय-रायवंस-संभवाणं अट्टण्हं वरकण्णगाणं पाणिगहणं । अहिंसित्तो जुवराय-पए सुहसागरावसाट्टस्स वच्चइ कालो ।

अण्णम्मि दिणे पलिय-दंसण-संजाय-संसारनिव्वेओ अहिंसिच्छिऊण नियपए फलसार-कुमारं निक्खंतो दमघोसाय-रियसमीवे कुसुमावीडो । फलसारो वि नियगुणाणुराय-रत्त-मही-मंडलो हेवा-विणिज्जिय-नमंत-सामंत-संदोह-सेविज्ज-माण-पय-कमलो कालं गमेइ ।

अण्णया निप्फण-सयल-सस्से मेइणीतले ऊसिय-पंडरीयायवत्ते निवडंत-कास-कुसुम-चामरे सिहरिसिहर-गंध-वारणमारूडे सयल-जणाणंदकारए महियलभोइण्णे सरय-नराहिवे सयल-सामग्गीए देस-यंसणत्थं निग्गओ फलसार-नराहिवो । पइनगरं पइगामं पूडज्जंतो पउरजणेण, पडिच्छंतो सामंताईहि उवायणीकयाणि करि-तुरय-मणि-सुवण्णाईणि, विवाहितो रायकण्णगाणं, कमेण परिभमंतो पविट्ठो कंतारमेणं । कारियं एगम्मि गिरिसरियापरिसरे उप्पयाणयं । जहा-ठाणं कयावासेसु मति-सामंत-पमुहसिबिरलोएसु, तओ उभय-पाससंठिय-वार-विलासिणी-कर-कमल-विहुणिज्जमाण-ससि-कर-धवलचामरो, सेवा-समय-समावडंत-महासामंत-संदोह-सम्मह-खुडियंगय-रयण-किरण-पणासियंधयारं, उद्धट्टिय-नर-सय-कलिय-दीवियासयसमुज्जोइयं, फार-फारक्क-परिवेड-गूढ-संचारं, पवसंतवर-वार-विलासिणी-चरण-नेउरा राव-भरिय-भुवणोदरं, संपत्तो राया अत्थाण-मंडवं । निसण्णो सिहासणे । चिरं चित्तिऊण रज्जकज्जाणि सम्माणदाण-पुव्वं

विसज्जिधासेस-सेवगजणा । सप्यणयमुवसपिऊण भणिओ अइगख्यजराभरजज्जरंगेण पंडुर-रोम-समूह-संछण-वच्छत्थलेण ईसीसिकंपंत-कंधरेण कुलकमागएण विमलमईमंतिणा --“महाराय ! जइ वि पुव्वकथसुकथाणुभावेण गुणगणो सयं चैव सुह सरिरे संवसइ तह वि अइसिणेह-लंघिओ आशरो वा एरिसो त्ति कलिय किपि भणामि । रुवं-जोव्वणं संपया य एक्केककं उम्माय-कारणं किं पुण मिलियं ? अओ न जहा रुवाभिमाणपिसाओ छलइ, न जणेइ जोव्वणमुम्मायं, न पयट्टावेइ अपहेण लच्छीओ, हरिणच्छीओ वा न वत्तीकुणंति, कसाया वा पसरं न गेण्हंति, इंदियघोरो वा न हरंति विवेय-रयणं, कोऊहलेण वा केण वि न तरलिज्जसि, तथा जइयव्वंति [भणि]ऊण मो[णमासि]ओ विमलमई । एवं सुणिय विणयं राइणा नियगख्यत्तण-सरिसं तं तं सिक्खावयणं सिक्खाणुख्यं करिस्सामि त्ति भणिऊण विसज्जिओ मंती । अप्पणा वि उट्ठिओ अत्थाणमंडवाओ । पुरओ-पज्जलंत-कणय-दीविया-संरुद्धंघयो निय-नियठाण-परिसंठिय-याणंतर-सुहडसंजणिय-रक्खं दुवार-देसं संलग्ग-पडिहार-पडिहय-जण-निग्गामपवेसं एगं दुलक्ख-वंक-दुवारं वासभुवणमणुपविट्ठो । णुवणो पवरपल्लंके कोमल-तूली-सुह-फास-लद्ध-निदामरो । वीलीणे जामिणीए जाम-दुगे केण वि चलणतूलीसु छिक्को व्व विबुद्धो नराहिवो । उट्ठिओ सयणिज्जाओ दिण्णा समंतओ खंधारे दिट्ठी । दिट्ठा निब्भर-निहाए घोरंता जामइल्ला ।

एत्थंतरे नहयलेण पुक्वाभिमुहो गच्छंतो समवलोइओ रण्णा एगो पुरिसो । “ हंत ! को एसो ? ” एवं चिताउण्णो जाव चिट्ठइ ताव दिट्ठो दूरे धरणियलाओ समुच्छलंतो बहलुज्जोओ । संजायविम्हओ तन्निधान-जाणणट्ठा करे काऊक्क करवालं अलक्खिओ चैव निग्गओ पच्छिम-दुवारेण । गओ थैवं भूमिभागं । कर-नियर-करविंयवरंतरा पंचवण्ण-रयणेहिं समंतओ जडिय भूमि-पडिया दिट्ठा एगा करोडी । गहणभिष्पाएण गओ तयंतियं । पसारिओ करो । सा वि हा, हा, सट्ठेण हसिऊण उप्पइया गयगंगणे । गंतूण थैवंतरं पुणो वि धरणीयले निवडिया । राया वि प[च्छा]हुत्तं पहाविओ पत्तो तीए समीवं । पुणो वि सा गथा नहयलं । एवं तीए निवडंतुप्पयंतीए विलक्ख-वयणो अकथकज्जो वलिउमचयंती दूरं पाविओ राया ।

एत्थंतरे पभाया रयणी । उग्गओ सूरिओ । न नज्जइ कहिं पि गथा करोडी । तओ पयडपरिभाविज्जमाणे निण्णुण्यय-पविभागाए पयडपलोइज्जमाणे काणणंतराए भूमिए गंतूण निसण्णो एगम्मि गिरिसरिया परिसर-संठिए कयंक्क पायवे । संजाय-पच्छायावो चित्तिउं पवत्तो-“कि-निमित्तं मए अलिध-कोऊहल-तरलिध-माणसेण करोडि-मग्गमिणमणुसर-माणेण लहुत्तणं पाविओ अप्पा । अणिरुद्धियपसरेण बालतवस्सिणा व निप्फलाणुभूओ सीय-वायाइ-जणिओ काय-किलेसो । कत्तो महमेयमणुवइट्टमणणुसीलियमन्तियमेव चावलं पाउब्भयं । अहो ! चंचल-सहावया चित्त-परिणईए अहो ! विदार-बहुलत्तणं तारुणस्स, अहो ! दुक्खदायगतत्तणं सुहाभिलासाणं, अहो ! वसणदाण-वक्खत्तणं अणहीणयाए अहो ! कज्ज-परिणइविदार-विमुहया रहसबिलसियाणं, अहो ! मइविवज्जय-नयाण पउणत्तणं विहि-पडिकूलयाए । तस्स तहाविहस्स ताय-सिक्खापयत्तस्स, तस्स विज्जागहणस्स, तस्स नीई-सत्थसवणस्स, तस्स हेओवाए य तत्तपडिविण्णाणस्स, तस्स य सहावसिद्धस्स इंदियवगसंजमस्स केरिसो विवाओ जाओ ? किमियाणिं करेमि ? समारद्धकज्जसिद्धि-वद्ध-निच्छएण वि मणसा अपज्जवसाणाए अणवधारियाए गंतव्व-भूमिए कए कत्थ-व वच्चामि ? कहं वा आलंबभट्टमक्कडो व्व असिद्ध-समीहिओ पच्छाहुत्तं वलामि ? कहं वा पडिनियत्तो अवसण-संजायचित्तेवाहस्स, समकालमेव पयाणुसारेण पहाविथस्स, निरंतरपचलियाणे-मायंगघडासंरुद्ध-गयणंणस्स, समंतओ पसरंतसाहणपूर-पूरियासामुहस्स, अद्धपह एव मिलियस्स सामंतलीयस्स मुहा-गमण-लज्जा विलक्खं मुहं दंसिस्सामि ? कहं वा दूराओ चैव दंसियदरहसियस्स, समीवमागयस्स, ‘कहिं गथा ? कि निमित्तं वा गया ? कि दिट्ठं ? किमणुभूयं ? किमासाइयं ? इच्चाइ पुणो पुणो पुच्छंतस्स पणइवग्गस्स अच्चंतलज्जायरं नियचरियं कहणीयं । कहं वा सट्ठाणमुवागएण दुव्विणय-जणय-संतावा सच्छंदत्तणकुविधमाणसा सव्वे वि समप्पियसाहिगारा पसायणिज्जा रज्ज-कज्ज-चित्तगा पहाण-पुरिसा । कहं वा हियथ-दाह-लंघियाणुवित्ति-वयणणं वयवुद्ध-नियबधूपमहोमुहेण सहियव्वा सवण-परसा समुल्लावा ? सव्वहा चावलोवहयस्स, अण्णपवसगस्स, उज्झय-महिमस्स, असमिक्खय-कारिणो तेण

बिमलमङ्गलाम-मंतिगा विदु-सिद्ध-ववहारेण सथा सथाचार-लोयस्स सह वासिणो, 'तरलो, कोउहल्लि, कीडापरायणो, अजिइंदिओ एसो' त्ति संभावियस्स थिरत्थु मे जीवियस्स ।" एवविहिचिताउलो जाव चिट्ठइ राया ताव नह्यलाओ गहिय-कण्णगो—"महाभाग ! परिताय्ह" खलंतकखरं पुणो-पुणो जंपंतो पुरओ पडिओ पुरिसोत्तमो नाम पुरिसो । 'न भाइयव्व' त्ति भणमाणेण थिरीकओ राइणा ।

एत्थंतरे गहिनाउहा नह्यलाओ उवयंता विट्ठा अट्ट विज्जाहरा- भणिओ पुरिसेण राया—"महाभाग ! इमेहितो मयं ।" एयं सुणिथ ठिओ तेसिमभिमहो गरवई । झुज्झया चिरं विणिवाइया पंचजणा तरिदेण । तिण्णि पलाणा । तराहिवो वि समरपरिस्समेण तण्हा-छुहाहिं य किलामियसरीरो निवडिओ असोग-तरुत्तले । सो वि पुरिसो वत्थंचलेण विजिउमारद्धो । एयावसरे घेतूण पाणमोयणं, पुप्फ-तंबोल-विलेवण-भरिय-छज्जिया-वावड-कराए सभणुगम्ममाणा दास-चेडीए आगया पउमसिरिविज्जाहरी । विणयपुव्वं भणिओ तेण नरताहो—"महाभाग ! समागया संपयं भोयणवेला, करेसु देवच्चणाइ ।" तहेव कयं राइणा । तरंगलेहाविहिय-चलण-सोओ निसण्णो सहयार-छा[या]ए । दिण्णं कणगथालं । भुत्तो पवरविहीए समं पुरिस-कण्णयाहिं, विलित्तो सव्वं धणसारमिस्सहरिचंदणेण । बडा सिरु सुरतरु-कुसुममाल-गहियं पंचसोगंधियं तंबोलं । विसमिओ खणमेत्तं । पच्छा पुच्छिओ पुरिसो रण्णा—"भइ ! कस्स दुहिया एसा कण्णया? किमभिहाणा? के वा इमे विज्जाहरा? जे अत्तणो भयकारणं? भवया समाइट्ठा का वा एसा भोयणं गहाय समागया इत्थिया?" पुरिसेण भणियं—"अकहणिज्जं पि कहिज्जइ परमोवधारिणो तुह नियचरियं ।"

अत्थि वेयइढवाहिणसेठीए रंगसाला नाम नयरी । चक्कसेणो विज्जाहर-राया । पउमसिरी से महादेवी । कुंतला-हिहाणा तीए धूया । अण्णया बहुरूविणी-विज्जं साहेमाणो दिट्ठो चक्कसेणो रणवीर-विज्जाहर-राय-भइणीए तरंगमालाए संजायापुरायाए सणियमुवसप्पिऊण भणिओहमिमाए—को एस विज्जाहर-राया जेण विज्जं साहयंतेण अहं पि साहिया? तओ मए चित्तियं—'दुक्कर-तव-खविध-सरीराणं सुणीणं पि मणमोहणाणि जारिसाणि दीसंति इभीए विब्भम-विलसियाणि नेत्ताणि मयणुम्मायमंतरेण न संभवति । परं पुच्छामि जेण निस्संसयं हवइ त्ति वियप्पिऊण भणिया सा मए—"किं तुह-इमिणा? भणसु निय-कज्जं जेण साहेमि ।" तीए भणियं—"न मे अण्णं कज्जं मयणसरसल्लिया एयस्स सरणं पवज्जिस्सामि ।" मए भणियं—"भइ ! अणवसरो खु संपयं । अओ मोत्तूण तरलत्तणं, संजमिऊण इंदियगणं, निवारिऊण चक्खुप्पसरं, अंगीकाऊण महत्थत्तणं, निरभिऊण चंचलत्तणं पंचबाणस्स, तहेव विहेसु जहा न विनडिज्जसि वम्महेण ।" एवं भणिया वि सा न विरमिया । गथा चक्कासेणसमीत्रं । पयडिधताताविह-विधाराए बाणावलि व्व कुसुमबाणस्स, उच्छल्ल-बाल-शस-फार-संचारा तरंगमाल व्व सिंघार-जलहिणो, धवलीकथदिगंतरा जोण्ह व्व मयलंछणस्स, वीर-जण-वसकारिणी जाल व्व रागानलस्स, विब्भम-समुल्लासिएकभू-लयो आण व्व जोव्वण-महारंयस्स, मंदा मएण, वित्थारिया विम्हएण पेरिया अहिलासेण, विसमिया लज्जाए, वुट्ठिमिन्न अमयस्स, निक्खित्ता तीए असमए वि चक्कसेण मुहे दिट्ठी । मोत्तूण लज्जं पयडमेव पत्थिया । अवहीरिया तेण । तह वि न ठाइ । पुणो पुणो उवसग्गंती गहिऊण खग्गं विगधसव्वणनासा-कया । तयवत्थाए गंतूण साहियं रणवीरस्स जहा हं पत्थिया चक्कसेणेण अणिच्छंतीए एयावत्थं पाविया । तं सुणिय कुवियो रणवीरो । चक्कसेणस्स वि सिद्धा बहुरूविणी विज्जा । समागया नियनधरं । वडिदयं वेरं समं रणवीरेण । परोप्परं छिहमण्णेसयंताण वच्चंति वासरा ।

अण्णया उवरओ चक्कसेणो अहिसित्तो तस्स पुत्तो समरसेणो रज्जे । छलं लहिऊण समागओ रणवीरो । पणट्ठो समरसेणो ।

तओ सार-करि-तुरय-पत्ति-संपरिवुडेण निहय-वावारिय-निसिध-सत्थ-दुव्वारेण समंतओ परियरियो वीर-वूहेण वज्जमाण[तुरेण]नधरलोयं । तओ येवकालकथसंगरेसु निहणमुवगएसु पहाणपुरिसेसु, पहार-विधलसरीरावधवेसु जमासिहिभूएसु कण्णतेजर-महत्सएसु, भयतरलतारलोयणेसु गहिज्जमाणेसु बंदुरातुरंगेसु, आलाणबद्धेसु विधारिज्जमाणेसु

मत्तभायंगेसु, उल्लसिज्जमाणेसु लुंटाग-जणेसु । समाउलीभूए समंतओ रायउले, कह कह वि पविसिऊण कण्णतेउरे, संजाय करुणेण, तास-तरलिय-नयण-तररथा 'हा ताथ ! हा भाय ! एवं विलवयभाणी' गहिंश मए एसा कण्णया । पलाणो, पच्छिमदिसमंगीकाऊण विविहाउह-जउजरिय-काओ, पुरो गंतुमचयंतो एत्थेव निवडिओ, एसो पुण पंच-विज्जाहर-सहिओ विणिवाइओ । एसा पुण चक्कतेण-परिणी पउमा । इमा पुण कण्णया कुंतलाभिहाणा एयाए चेव धूया । अहं पि पुच्छामि भवंतं—“कह तुममेत्थमागओ ?” साहिओ रण्णा सखेयं करोडि-वंचनाइओ निय-वइयो । पउमसिरीए भणियं—“महाराय ! न सा करोडी ।” रण्णा भणियं—“का पुण सा ?” तीए भणियं—“सुणेउ महाभागो !—समागओ एगथा पडिवण्ण-समणलिंगो समुप्पण्ण-केवलो अवंतिसेणो नाम मे मामगो रंगसालाए । निग्गया वंदणवडियाए नागरया । अहं पि कुंतलं गहाय गथा । वंदिओ भयवं । निसुया धम्म-वेसणा । पुरओ काऊण कुंतलं पुच्छिओ भयवं—“को इमाए वरो भविस्सइ ? कि तस्स नाम ? पुच्छिएण 'फलसारो'त्ति साहियं भगवया । वंदिऊण समागया हं निय-भवणं । विहरिओ अण्णत्थ केवली । उवरओ कुंतलाए पिया । लद्धावसरो सण्णहिउमारद्धो रणवीरो । सुमरिया मए बहु-रूव-विज्जा । समागया भणियाय 'तहा करेसु जहा फलसार-राया त्तिदुग-वणे समागच्छइ' । 'एवं करेमि'त्ति भणिऊण गया । एगेण रूवेण नहंगणे गच्छंतो पुरिसो तुह दंसिओ । बीएण करोडीछलेण वंचिऊण तुममेत्थाणीओ । संजोइयं केवल-वयणं । अओ मोत्तूण विसायं एत्थेव परिणेषु कुंतलं । 'एवं हउत्ति परिणीया । नीओ रंगसालाए नरवई । ठिओ कइवयदिशाणि । अण्णम्मि दिणे सुहपसुत्तो रणवीर-कणिट्ट-भाऊणा रणहत्थिणा भाइ-वेरं वहतेण अवहरिओ फलसारो । नीओ हरिमेल-पव्वए । एगम्मि सिलायले अच्छोडेमि' [त्ति] विधग्गिऊण जाव चलणेसु गिण्हइ रणहत्थी ताव सहसा विबुद्धो नराहिओ । 'अवगारी एसो'त्ति संजाय-निच्छएण परामुट्ठं कडिधइं । न विट्ठा असि-धेणुया । कि कायव्वमूढो जाव चिट्ठइ खणंतरं ताव सो चेव निय-किवाणो केणावि अदिस्समाणमुत्तिणा रण्णो करे पणांमिओ । रणहत्थिणा वि संकिय-माणसेण मुक्को नहयलाओ राया । मओ न वत्ति जा निरूवेइ ताव दिट्ठो पवर-पल्लंकोवरि संठिओ । संजाय-मच्छरो गहिऊण खग्गं दुक्को । राया वि गहियखग्गो उट्ठिओ । झुज्जिया चिरं । विणिवाइओ रणहत्थी । पुणो वि समागओ तम्मि ठाणे । न पासइ सयणीयं । 'हंत ! किमेयं ?' ति विमिहओ चलिओ दक्खिणाभिमु[हं] । इओ तओ परिब्रंभंतेण विंयंड-पयक्खेव-समक्कंत-भू-मंडलो अण्णणरूव-सरीरसोहाए, विचित्त-वत्थाहरण-धारिणीए, पसरंताविरल-बाहजल-पक्खालिय-कवोलाए, नव-जोव्वण-रमणीयाए, महिलाए धाविऊण वत्थंचलेण धरिज्जमाणो पुणो पुणो, पसारिऊण बाहु-जुयलं परि-रंभमाणो, वारंवारं चलणेसु निवडिऊण पसाइज्जमाणो दिट्ठो एगो विज्जाहर-जुवाणो । तं दट्ठूण संजायविमिहओ पुरो होऊण तस्स भणिउमादत्तो राया—“अहो महाभाग ! धीरो भवसु खणमेगं । पुच्छामि कि पि भवंतं कि कारणमरणे रूवभाणी, एगामिणी, विहिय-विणय-अणुणयपरा परिहरिज्जइ एसा बालिया । कहि वा इमाए वारिज्जमाणो वि तुमं पत्थिओ ?” तेण भणियं—“कहिज्जमाणं सुणिज्जमाणं पि लज्जायरं मे चरियं । तहा वि आयारमुणिज्जमाण-सण्पुरिस-चरियस्स भवओ साहिज्जइ । कंचणमालो नाम विज्जाहर-दारिओ । एसा वि हरिमेलो नाम पाणप्पिया, मह पणइणी, सव्वत्थ-अखंडिय-पसरा, परं विस्सास-ठाणं, सव्व-पओथणेसु सम्मया कालं गमेइ । अइ-गोरव-लंघिया अणुकूल-भासिणो वि मे पडिकूल-भासिणी पियकारिणो वि अप्पियकारिणी विहिउवधारस्स वि अणुवधार-परायणा, दक्खिणं कुणमाणस्स वि तिहक्खिण्णा उज्झियविणया पए पए मह संतावं जणेइ परियणस्स वि न सम्मं वट्ठइ । जओ—

एगं महिला बीयं पइप्पसाएण लंघिया होइ । सयमेव जलइ [ज] णो कि पुण पवणेण परियरिओ ॥४६३॥
अज्ज पुण सिद्धमंतिओ मए सुहि सयण-वग्गो । तस्सुवि पुरओ आणा-खंडणेण खलीकओ' हंमणाए ॥

संजाय-निव्वेओ, 'अलं मे इमिणा दुधरवासेणं' पर्यपिऊण, निवारिज्जमाणो वि सुहि-सयणवग्गेण मरणट्ठा इमं पव्वयं आरूढो । एसा वि कत्तो वि मुणिय मह मरणज्झवसाया पिट्ठइओ समागतूण एवं मरणे विग्घाणि काउमारद्धा' ।

राइणा भणियं—“भइ ! कि निक्कारणमेव सयल-पुरिसत्थ-साहगे तव-जोव्वणे बट्टमाणो एत्तियं मेत्तेण वि कज्जेण अत्ताणं विकरणं करेसि ? जइ एसा न ते सम्मं विणएण वट्ठइ ता अलमिमाए : अत्थि मे अरुणप्पहा नाम कन्नया । तं ते विपरिस्सामि । विरमसु इमाओ मरणज्झवसाणाओ । इमा वि जइ ते मणमावज्जइ तो धरणीया, अण्णहा

परिहरणीया । 'सोहणमिणं' ति पडिवण्णमणेण । राय-सासणेण रयणीए सुह-पसुत्तं गहाय समागओ अरुणप्पहं नरवइ-समकखं । परिणीया गंधव्ववीवाहेण । पढम-घरिणी वि विसेसं विणयपरा जाया । संजाय-तुट्ठिणा नीओ नियनयरे राया विज्जाहरेण । उवयरिओ विविहोवयारेहि ।

अण्णम्मि दिणे सुह-पसुत्तो चेव पहओ राया खणोण रणहत्थि-पुत्तेण रणमत्तेण । 'अरे ! को एस नाम ? कस्स विकलेण पहरियं' जंपतो उट्ठिओ राया ! सी वि जाव पुण पहारं सज्जइ ताव पहओ दाहिण-भुया-मूले मुट्ठि-पहारेण राइणा । निवडियं खगं । संपलम्पो बाहु-जुज्झेण । लहिरुण अंतरं गहिओ रण्णा चलणेसु खेयरो । अणुकूलं ति मण्णमाणो उप्पइओ नहयले । दूरं गंतूण विधुणिया चलणा । निवडिओ राया एगम्मि नयर-समासणे सरिया-परिसरे सयणिज्जाओ व्व वालुयामज्जाओ । उट्ठिओ गओ थेवं भूमि-भाणं ! दिट्ठा य तत्थ आलिहिय-मंडलासमंतओ पुप्फ-बलि-विहाण-वावडठाणे महिमंडलं खणंता कावालिय-जोगिय-भगव-भिकखुणा । खणंतरं निरुविक्रण गओ राया तयंतियं । भगवंतो पणमामि । ते वि 'को तुमं ?' ति भणमाणो सम्मूहमागया । साहिओ रण्णा निय-वइयरो । वीसत्थमाणसा पुओ वि खणिउमारद्धा । समासाइयं निहाणं चत्तारि भूवण्ण-कोडीओ । हरिसिय-माणसेहिं गहिया एक्केक्का । भणिओ य 'महाभाग ! तुहाणुभावेण एसा णे लच्छी । गिण्हेसु एयाओ जं भे रोयइ । रण्णा भणियं—तुम्हाण अण्णं पि दिज्जइ । अलममुणा निबंधेण । ताहे पसण्ण-चित्तेण रोहिओ वणो संरोहणीए कावालियेण । पणामिआ य संरोहणी । दिण्णे पारुड-मंतो जोगिएण, सोहगमंतो, भगवेण, सयलजीवभासाअवंबोह[मं]तो भिकखुणा । तत्थेव गोविक्रण सुवण्णयं प्रविट्ठा ते नगरं । राया रयणि-विरामे दिट्ठो बहिरागएण दुग्गय-वणिणा वसुंधराभिहाणेण । पुच्छिओ सायरं—“कत्तो तुमं ? कहं वा एरिसाए सरीर-संपयाए इमिहं य महाराय-पय-साहूगोहिं सरीर-लक्खणेहिं एयागित्तणं ?” न किं पि जंपियं राइणा । अणिच्छंतो वि नीओ तेण निय-घरं । कया प्हाण-भोयणाइया सयं पडिवत्ती । सुवण्णा घर-मंडव-छायाए दो वि जणा । पुच्छिओ रण्णा वसुंधरो—“किं नत्थि ते घरयणो, जेण पागाइपओयणाणि सयमेव करेसि ?” तेण भणियं—
दुग्गओ सि काऊण न देइ कोइ मह दुहियं । पेक्खंता वि न पेक्खंति मं सुहिसयणाइया ॥४६५॥

जओ—

लच्छी करकमलविया सरेणु पूरिज्जमाणनयणेहिं । पासट्टिया वि दीसंति नेव रोरा धणड्ढेहिं ॥४६६॥
विगलियविहवा पुरिसा पच्चासण्णा वि नेव दीसंति । दानिहंजणगुत्ता नूणं सिद्धे व वियरंति ॥४६७॥
वंसुप्पण्णाण गूणड्ढियाण सरलाण उज्जमग्गाण । फल-रहियाण सराण व नराण को आयरं कुणइ ? ॥

एयं सुणिय विसण्णो राया । एत्थंतरे भणिओ वायसिए वायसो नियभासाए—“पिययम ! अज्ज मे रावि-भोयणाओ भोयणं आणेहिं” । तेण भणियं—“पिए ! ताहं निव्विण्णे जीवियव्वस्स । वायसीए भणियं—“अहो ते निष्णी-हया ? अहो ते निरप्पणया ? कल्लवयणैण जलवहणाइयं पि कओ अच्चुओ ।” वायसेण भणियं—“पिए ! को एस अच्चुओ ?” तीए भणियं—सुणसु,

एत्थेव नयरे अच्चुय-विच्चुयाभिहाणा दोण्णि वणिणो परिवसंति । ताण कंतिमइ कंतसिरीओ घरिणीओ परोप्परं वयंसियाओ । अण्णया भणिया कंतिमइ कंतिसिरीए—“पियसहि ! अज्ज हरवल्लहा-समाराहणत्थं गमिस्सइ सव्वेवि नयर-नारी-जणो । एहि अम्हेवि वच्चामो ।” कंतिमईए भणियं—“किं तत्थ गयाअं भवइ ?” इयरीए भणियं—“सोहगं ।” तीए भणियं—“अत्थि मे सोहगं । जं भणामि तं करेइ दइओ” इयरीए भणियं—“जाणामि सच्चं, जइ तुह वयणेण उग्गयम्मि दिणयरे महिलायण-मज्ज-गओ घडेण जलमाणेइ, निरसणो वा अच्छइ दिणमेगं ।” कंतिमईए [भ]णियं—“को एत्थ संसओ । पेच्छउ पभाए उभयं पि पियसही ।” वीयदिणे भणिओ तीए भत्ता—“अज्जउत्त ! पच्छिम-जामे जामिणीए सुमिणयम्मि, किर उग्गयम्मि दिणयरे गहिय-कुंभो महिलायणमज्जे जलं वहंतो तुमं मए चिट्ठो । करेसु सच्चं सुमिणयं, मण्णहा मे वये-निज्जूई ।” तेण वि तदेव कयं । तीए भणियं—“भोयणं पि अज्ज ते सुमिणए निवारियं ।” तं पि पडिवण्णमणेण ।

बीय-दिणे कंतिसिरिसमकब्धं पुणो वि जंपियमिमाए—“पिथयम ! अज्ज पुण मए एरिसो सुमिणो दिट्ठो—
जहा तए एग-पाएण गयणंगणगएण गोमुत्तं गोमयं भुंजियं । पच्छा मए सह एग-भायणे पायसं ते भुत्तं । भायणं पि
त्सु चैव स्तारकियं । एसो वि सच्चो कीरउ ।” तहेव कयं अच्चुएण । संजाय-पच्चया गया निय-वरं कंतिसिरी । ता
ताह ! महिला-वयणेण दुक्करं पि कुणंता दीसति तुमं पुण अइ-निट्ठुरो ” बंधेण भणियं—पिए !

अवगणिणऊण महिलायणस्स वयणाणि जत्थ पुरिसेहि कि.ज्जंति । सयल-कज्जाणि ताणि गेहाणि गेहाणि । ४६९
पयईए चैव तुच्छा जं पि घरे कारणं हवइ महिला । कह होज्ज तस्स बुद्धी वरस्स जह सुंदरि इमस्स । ४७० ।

वायसिए भणियं—“कि इमं महिला-दोसेण विनट्ठं ?” रिट्ठेण भणियं—“आमं ।” इयरीए भणियं—“कहं
चिय ?” तेण भणियं—“सुणेउ सुंदरी ।” “उवरयाए वसुंधर-जणणीए वासव-सेट्ठिणा परिणीया वसुसिरी नाम सेट्ठि-
धूया । जाओ तव्वसो । जं सा भणइ तं सो करेइ ।

अण्णया दाहजर-परिगओ मोत्तूण सयणिज्जं समागओ षरुज्जाण-सहयारतलं । तहिं ठियस्स समागया वसुसिरी ।
भणिया सेट्ठिणा—“पिए ! गाढं मे सरीर-कारणं । संति एत्थ सहयारतले पंचदीणारकोडीओ । मया चैव निहाणीकया ।
अपुत्ता तुमं । जइ भणहि ता वसुंधरस्स साहेमि ।” तीए भणियं—“अलमिमाए संकहाए अहं चैव जहा जुत्तं करि-
स्सामि ।” ठिओ सो मोणेण । निसुओ मए एस वइयरो सहयार-साहागएण । कइवय-दिणावसाणे मुक्को सेट्ठी
फणोहि ।

अण्णमि दिणे सा वि विसुइया-दोसेण उवरया । एत्त पुण वराओ वसुंधरो उब्भंतदालिहिओ कालं गमेइ ।
एयं सोऊण पहसिओ राया । पुच्छिओ वसुंधरेण हास-कारणं । साहिओ राइणा निहाण-कहण-पज्जवसाणो वायसालावो ।
हरिसिओ वसुंधरो । पूया पुरस्सरं गहियं निहाणं । परिणीया वासवदत्तसेट्ठिणो धूया वसंतसिरी । जाओ सयलजण-
माणिज्जो । मण्णइ परमोवयारीणं रायाणं ।

अण्णया अकहितो चैव वसुंधरस्स रयणीए निग्गओ राया । कमेण पत्तो नयरमेगं । आवासिओ न[य]र-बाहि-
रियाए । एत्थंतरे निसुओ आधोसणा-सदो—‘जो रायाणं अहिणा दट्ठं जीवावेइ सो अद्वरज्जिओ कीरइ । एयं सुणिय
गओ फलसारो पउत्तं गारुडं । पउणो राया । निर्मितो रज्जद्वेण । न पडिवण्णं फलसारेण । विमिहो राया चित्तिउ-
मारदो—“अहो ! महत्थया । अहो ! परोवयारितं । भवियव्वं महाकुलप्पसूएण इमिणा । अणिच्छंतस्स वि दिण्णा
रयणसिरी नाम निय धूया । ठिओ कइवयदिणाणि ।

अण्णमि [दि]णे रयणीए सयणिज्जगयं समंतओ-गहिय-खणोहि चैव[वे]द्वियं विज्जाहरसुंदरीहि नहयलेण
विज्जंतमप्पाणं दट्ठूण पडिबुद्धो । ‘हण हण’ति भणमाणीओ दुक्काओ विज्जाहरीओ । राइणा वि सिरोवहाणहेट्ठा संथियं
गहियं खग्ग-रयणं । भीएण मुक्को रणमल्लेण । सयणिज्जेण समं चैव निवडिओ धरणीए । पुरओ होऊण सगव्वं
जंपियं रणमल्लेण—“अरे ! सो हं रणहत्थि-पुत्तो रणमल्लो । इमाओ वि रणवीर-रणहत्थि-धरणीओ पइ-वेरियं तुमं दट्ठूण
असुदीविय-कोवाणलाओ कालरत्तीओ इव तुह बहणट्टुमागयाओ ।” एवं भणिऊण दुक्को रणमल्लो । पहओ राया खग्गा-
भिघाएण । कोलाहलं कुणमाणीओ पत्ताओ विज्जाहरीओ । राइणा वि सरोसमुट्टिऊण वावाइओ रणमल्लो । ताओ वि
विगय-नासाओ काऊण भेसियाओ संरोहणीए रोहिओ चलिओ पव्वय-भूयभूमिए पच्छिमाभिमुहो । धेवंतरं गएण
सविसाओ पुण्णागतस्तले दिव्वागई दिट्ठो एगो पुरिसो । गओ राया तयंतियं । अन्भुट्ठिओ तेण । दिण्णमासणं । पुच्छिओ
रणा “भइ ! को वा तुमं ? कि कारणं सविसाओविय लक्खीयसि ?” तेण भणियं—“महाभाग ! एस विसमकूडो नाम
पव्वओ । अहं पि एत्थ-निवासी चैव वसंतसुंदरो नाम जक्खो । विसायकारणं पुण इमं—“अत्थेत्थ पव्वए मए समहिट्टियं
इच्छ-पूरणं नाम पडणं । जो जं इच्छिऊण इमाओ निवडइ सो तेण अज्ज । अज्ज पुण कंचणनयराओ मिहुणयमेत्था-
ययं भणियं भत्तारेण—‘जइ इच्छियं पि पाविज्जइ ता जम्मंतरे वि इमीए सह संगमो मे नो होज्जा ।’ इयरीए पुण
भणियं—‘जइ सच्चं तुमं इच्छा पूरयंता भवे-भवे एसो चैव मह भत्त जह होइ तहा करेज्जसु’ ति भणिऊण समकालमेव

पडमाणाणि खणमेत्त मए धरियाणि । किं-कायव्व-विमूढो एवं चिंताउरो चिट्ठामि ।” रण्णा भणियं—“एहि ताव ताणि पेच्छामो ।’ गया दीवि जणा । भणियो रण्णा पुरिसो—“भद्दमुह ! पंच-दिणाणि जाव न लब्धइ एत्थ निवडणं काउ । अओ परं जहिच्छा भवउ ।’ पडिवणमणेण । दिण्णो राइणा तस्स घरिणीए सोहणमंतो । गयाणि स-नगरं । मंत-पहावेण अईव वत्तहा सा भत्तुणो । अदिट्ठविओगा विसयसुहमणुहवंती कालं गमेइ ।

इओ य वसंतसुंदरेण भाणओ राया—“अज्ज इमाओ कज्जसंकडाओ नित्थारिओ हं तुमए । निवारिया अप्पसिद्धी पडणस्स । परोवधारपवणमाणसा पुण्णेहि जायति तुम्हारिसा । कयत्थो हं तुह दंसणेणं । परं किपि पत्थेमि । गिण्हसु इमं चित्तामणिरयणं । न अण्णहा मे मणानिब्बुई ।’ नाऊण निबंधं गहियं राइणा ।

एत्थंतरे लेहं गहिऊण समागओ कंचणमालो । चलणेसु निवडिऊण समप्यिओ लेहो । सहारिसमालिंकिऊण पुच्छिओ रण्णा—“कत्तो तुमं ? कुसलिणी वा वच्छा अरुणप्पहा ? केण वा एस लेहो पेसिओ ?’ काऊण पणामं भणियं कंचण-मालेण—“तुम्हाण चैव गवेसणं कुणमाणो समंतओ संचरंतो पत्तो हं नगरमेगं । दिट्ठो समाउलो एगो पुरिसो । पुच्छिओ य—“भद्दमुह ! किमेवं विच्छाओ विगयाणंदो सदुक्खं रुयंतो मरणाभिमुहो रायलोयो दीसइ ? भयभीओ य इओ तओ संचरइ नाथरजणो ?” तेण भणियं—“भद्द ! आगंतुयो विय लक्खीर्यासि ?’ मए भणियं [. . .] ‘जइ एवं ता सुणसु ।’

‘अत्थि सुयपुव्वो भवया फलसारो नाम राया ।’ मए भणियं—‘एवं ।’ पुरिसेण भणियं—‘सो अण्णया चउरंगवल-सहिओ देस-दंसणत्थं निग्गओ । एगम्मि कंतारे समावासिए सिबिरे रयणीए न नज्जइ केणइ अवहरिओ । एवं विरलं परवत्ताए अणिट्टवत्ताए, आउलाउलेसु सविसेसोवलंभत्थमिओ तओ धावमाणेसु रायपुरिसेसु, सिरोदेसनिट्ठुराभिघाय-जणिय-जण-दुक्खेसु पडणभावतेसु, पड्वेलमवल्लोयणक्कंदेसु सविहचारिचारेण करु[ण]गीय-सद्-संजणियमासण्ण-जण-परम-निव्वेएसु, मरिऊमुच्चलिए सुवेला वित्तएसु, ‘अहो कट्ठं’ सद्-समुच्चार-मुहरासु ठाण-पडियासु, पथासयंतीसु विरसयं संसारस्स पंडिय-मंडलीसु, विणिवारिय-तूरेसु अणारद्धमंगलगीएसु, वणवासं पइ चलिएसु थेर-सामंतेसु, नयणवारिपूरेण पुत्त-रज्जा-भिसेयं कुणमाणेसु सयणवग्ग-सामंतेसु, पहाण-पुरिस-निवारिज्जमाण-नियदेह-दारण-समुज्जुय-दास-दारय-गणे ठियाभिमुह-चलियवे[व] परिहरिज्जमाणवालावच्च-कडु-विलाव-दलिय-दयालु-जण-माणसे, पाणनिरवेक्खं गरक्खविक्खिप्पमाण-दविण-धावंत-रोरकुल-कओद्दाम-कोलाहले, विणिवारिय-गीय-नट्टा-इयस[य]लपुव्व-वव्हारे, दुक्खमए इव, उद्देगमए इव, विसायमए इव संजोए रायउले, कमलकेऊ नाम रायमाउलो रायंगणेवदिट्ठो पहाण-रायलोएण परिवारिओ अहोमुह-दिट्ठी जाव चिट्ठइ, ताव विमलमइरुवधारी परिमिय-पुरिस-परिवारो समागओ एगो पुरिसो । कहिअं तेण कमलकेऊ-पहाणपुरिसाण जहा—‘उवरओ राया । करेह मय-किच्चाईं । अहं पुण विसमट्ठिय-सिबिर-संरक्खणत्थं [गच्छा]मि’त्ति भणिऊण निग्गओ । तं सुणिय निरंतर-इइय-सद्-भरिय-भुवणोदरो दारंतो विव दयालुजण-हियथाणि उच्छलियो अंतेउरे अक्कंदारावो । सुमरिय-सामि-सम्माणो मरणं पइ पत्थिओ रायलोओ । भणियो मए पुरिसो—“महाभाग ! दंसेहि कमलकेऊ ।” तेण भणियं—“आगच्छउ भवं ।” गओ हं तयणुमग्गेण सास-पवण-संवडिइएण समालिंगियसरीरो दाहेण, खणं निसण्णो, खणमासीणो, खणं परावत्तमाणो, ‘अहो विहंदिओ स ते मुहग्गहदिट्ठिवाओ । पत्ता अलीगत्तणं नेमित्तिया-सो खीणो महारायलवखणणमणुभावो । एवं [चित्तयं]तेण तो दिट्ठो कमलकेऊ, पणमिओ य । तेण भणियं—“कत्तो भवं ?” मए वि ताण समासासणत्थं, “महाराय-फलसार-समीवाओ”त्ति जंपियं । तेण भणियं—“को तुमं ? किमभिहाणो वा ?” साहिओ मए निय-वइयरो । कमलकेऊणा भणियं—“महाभाग ! जइ राइणं घेतुणागच्छसि ता सयल-रायलोय-जीवियप्पयाणेण उवयारी भवसि । ‘एवं करेमि’त्ति भणिऊण उप्पइओ गयणगणं । पण्णत्ति पुच्छिऊण एत्थागओ ।

एत्थंतरे गुरुपहार-विहलंघलो समागओ सूरसेणो । पच्चभिण्णाओ रण्णा । पुच्छिओ—“कओ तुमं ? कहं वा अव-त्यमेयं पाविओ ?” सो वि पणट्टचेयणो जंपिउ ष न तरइ । तओ कावालिय-दिण्ण-सरोहणीए रोहिया वणा । पडण-सरीरो एवं जंपिउमारद्धो—“तुहअण्णेसणं कुणंतो इओ[तओ] भमिऊण कांतारपारमहमणुपविट्ठो । दिट्ठं तत्थाणाहं तुम्ह बलं रणवीरपुत्तेण रणसायरेण विलोलिज्जमाणं । तओ जुज्झिओ हं रणसायरेण सिद्धि । कहं कहं वि विणिज्जिओ सो मए पावो । समासासियं ते सिबिरं । एत्थंतरे नगराओ सिबिरं समागओ कमलकेऊ । अब्भुट्ठिओ मंति [प]मुहेण रायलो-एण । पुच्छिओ तेण मंती—“कहं तए रायमरणं जाणियं ?” तेण भणियं—“न जाणामि । कि तुमं नगरं नामओ ?” तेण

भणियं—“रणविणिज्जिय-रणसायरविज्जाहर-माया-विलसियमेयं । गच्छह तुम्हे सलिलसंचयं वेलाउलं । तत्थ टियाण भे राइणा सह संगमं घडिस्सामि । ‘एवं’ ति तेहि पडिवण्णे बहुप्पहार-जज्जरंगो कह-कह-वि एत्थ संपत्तो हं । गम्मउ संपयं सलिलसंचयं वेलाउलं । पच्छा आणंदिय-सिबिरलोएहि स-नगरं’ ति । तहेव कयं । पओस-समए पत्ता सलिलसंचए । आणंदिया सिबिर-लोया महामहूसवेण । गमिऊण पहरं रयणीए नुवण्णो राया सभवण-पल्लके । पच्छिम-पहरे पेच्छइ दिव्वायार-धारिणी वरवत्थाहरण-विभूसियं एगं इत्थियं । संजाय-विम्हएण पुच्छिया राइणा—“भट्टे ! का तुमं ? किं निमित्तं महं समीवमागया ? कहं वा अंगरक्ख-रक्खियं पिहिय-दुवारं वासभवणमिणमणुपविट्ठा ?” तीए भणियं—“महाराय ! इमस्सेव वेलाउले विमलप्पहो नाम राया अहेसि । तेण दाहिणदिसिभाए समुद्देलायडे बत्तीसं सुवण्ण-कोडीओ निहाणो-कयाओ । कालेण उवरओ सो महाभागो । तं पुण निहाणं संरक्खियं मए एत्थियं कालं । अज्ज पुण घरागयस्स ते तेण पूयं काउमिच्छामि । पिहिय-वासभवण-पवेसो पुण जह्चिच्छाचारिणी-देवयाणं न दुक्करो । पडिवण्णं तव्वयणं राइणा । पहाणसुरहिहेट्ठाओ खणियव्वंति भणिऊण गथा देवथा । पेसिया पहाण-पुरिसा । खणियं तेहि । लद्धं निहाणयं । समाप्पयं राइणो । कथसम्माणा पेसिया सट्टाणं समरसेण-कंचणमाला । समप्पियं दविणं भंडारियाण । तइय-दियहे पभाए चेव महामंडवे पवरसीहासणासीणस्स सामंतामच्च-पउर-जण-परिवारियस्स पडिहार-निवेइओ बहु-जण-परिवारिओ पविट्ठो वेलाहियो । काऊण पणामं विणत्तो तेण राया—“देव ! पणट्ट-सामियाणि पडिकूल-पवणेण कत्तो वि अवकूलिऊण पंच-पवहणाणि इह पाविथाणि । जमेत्थ कायव्वं तं समाइसउ देवो ।” एवं सुणिय संजायाणुकपो वेलाउल-दंसण-कोऊह-लेण य गओ सयमेव तत्थ राया । पुच्छिया धीवरा—“कस्स संतियाणि इमाणि पवहणाणि ? किं वा इमेसु भंडं ?” धीवराहिवेण भणियं—“महाराय ! मुजयपुरवत्थव्वगस्स रयणसारसेट्टिस्स संतियाणि पंच वि पवहणाणि भिण्ण-भिण्ण-दीवेसु मुक्काणि । पवासं काऊण सेट्टिणा पंच वि मलए मेलथाणि । तओ समगं चेव नियनयरं पडमुक्काणि । तइय-दिणे विसूइया-दोसेण उवरओ रयणसारसेट्ठी । पडिकूल-पवण-पणोल्लियाणि एत्थं पत्ताणि पवहणाणि । एगं रयणदी-वाओ, तत्थ बत्तीसं रयणकोडीओ । बीयं सुवण्ण-दीवाओ, तत्थ बीसं सहस्सा सुवण्णमथ-इट्ट-सपुडाणं । तइयं कारोहण-दीवाओ, कप्पूरागइ-कत्थुरिधाभरियं । चउत्थं कलह-दीवाओ, वर-वत्थ-भरियं । पंचमं मलथाओ, सार-सिरिखंड-पडि-पुण्णं ।” राइणा भणियं—“अत्थ संताणो सेट्टिस्स ? फुडं मत्थियव्वं ।” तेहि भणियं—“नत्थि ।” तओ संबलमेत्तं दाउं विसज्जिया धीवराइया । गहियाणि राइणा पंच वि पवहणाणि । सच्चविय-सयल-निध-महीमंडलो चलिओ नियनयराभि-मुहं । पत्तो कइवयवासरोहं । आवासिओ बाहिरज्जाणे । कराविया मंतिणा सव्वम्मि नयरे हट्ट-सोहा । कत्थइ लंबंतामल-हारावलिद्विदु-मावलिधराओ, झुल्लंत-कठियाओ लंबाविय-सरुव-वंटाओ, वेरुलिय-मरगधामल-कक्केयण-पोमराय-वइराण-कर-निधर-विदिय-रवि-कर-कंतिकरालाओ, अण्णत्थ वरहरविलंबिय-सिय-कसिण-चामरं चिचइय-अंबर-तलाओ, कत्थाविय दंतितेहेहि दंतुराओ विरायंति । कत्थ वि बहुसंख-सिप्पि-संपुडमाला-मालियनहयलाओ, अण्णत्थ कत्थ विय तइतलिया-तट्टिय-ताराभिरामाओ, एगतो रेहिर-पंचवण्ण-वत्थेहि विहियसोहाओ, अण्णत्तो घण-घणसार-हार-सोहंत-गयणाओ, नारंग-फणस-दाडिम-अंब-जंबीर-जणिय-सोहाओ, दीसंतवत्थ विलंबिराओ वरकुसुममालाओ, वर-नागवल्लिकथ-तोरेणाओ संबंत-पूग-रम्माओ, असि-कुत-सेत्त-तोमर-लंबाविय-धणुह-मालाओ, धारिय-मंडय-चप्पडि-पूरिय-इडुरिय-विडुरिल्लावो—एवंविह हट्टीओ विणिम्मियाओ खणद्वेण ।

तओ हट्टसोहं काराविऊण गओ मंती रायसमीवे । पणाम-पुरस्सरं साहियो पवेस-समओ । कयमज्जणोवयारो, पवरवत्थाहरण-विभूसिओ, उवरि-धारिय-सिदायवत्तो, मंदं-मंदं निवडंत-सिय-चामरो, वरगंध-सिधुरारुढो, इओ तओ हट्टसोहं निरुवितो, अह[मह]मियाए सव्वजणेण सच्चविज्जंतो, पविट्ठो रायमंदिं । कयपवेस-मंगलोवयारो निसण्णो राया अत्थाण-मंडव-सीहासणे । समागया नागरया । मिलियाणि पायमूलाणि । कयमंगलोवयारेण जहारिहं सम्माणिऊण वत्थाइणा विसज्जिया मंति-सामंताइणो । जहांसरं तिवग्ग-संपयाणरयस्स चित्ताणंतर-संपज्जंत-सयल-रज्ज-फज्जस्स फलसारराइणो वच्चंति वासरा ।

इओ य तम्मि चेव नयरे अदिण्ण-भुत्तनिध-धणो धणजक्खो नाम परम-किविणो दस-दविण-कोडीसरो परिवसइ । उक्खण-निहणं कुणंतस्स वच्चइ कालो ।

अण्णम्मि दिणे सट्टाणे दविण जायमपेच्छंती उम्मत्तलीभूओ छरंगार-कम्भवरेसु पुण्णो पुण्णो लोदुत्तो, कयाइ वंदि-नियंसणो, कयाइ चिवसणो, डिभरुवविदपरिवारिओ, 'कहिं दसकोडीओ ? नट्टाओ, विनट्टाओ दसकोडीओ, देह मे दसकोडीओ, देह मे दस कोडीओ ।' एवमाइ बहुविहं पलवंतो, आस-बाह्णिया विणिगणएण दिट्ठो फलसार-राइणा । संजायाणुकंपेण सट्टाविओ भणिओ य—“केण अवहडाओ दसकोडीओ ? खिरो भवसु । अहं ते विथरामि ।” एयं सुणिय सत्थावत्थमाणसो जाओ धणजक्खो । समाइट्ठो राइणा नियभंडारिओ—“अरे ! वियरसु इमस्स भंडामाराओ दस दविण-कोडीओ ।” पणाम-पुरस्सरं भणियमणेण—“जं देवो आणवेह”त्ति समप्पियाओ दसकोडीओ । पहट्टु-माणसेण गहिंथाओ तेष पक्खित्ताओ य धरणीतले । कइवयदिणेहं गएहिं निरुवियं तेष, न य दिट्ठाओ । ताहे पुणो वि तथक्थो जाओ धणजक्खो । विण्णत्तो भंडारिएण राया—“देव ! देववयणेण दिण्णाओ तस्स दसकोडीओ । परं अज्ज अण्ण दविण-पक्खेवणत्थं भंडागारं निरुवयंतेण ताओ दसकोडीओ दुगुणाओ दिट्ठाओ । न नज्जइ केणइ अदिट्ठेण पक्खित्ताओ । संपयं देवो पमाण”त्ति । चित्थियं च रण्णा—‘अणुकूल-कम्म-पारेणइ—चोइएण केण वि दिव्वरुवेण धणजक्खसंतिथाओ वि मम भंडागारे छुडाओ संभावज्जंति । सब्बहा अचिता कम्म-परिणई ।”

अण्णम्मि दिणे तत्थेव य वत्थव्वो धणपालो नाम ईसरो समागओ राय-समीवं । विण्णत्तो राया—“देव ! केण वि मुट्ठं मह मंदिरं । गथाओ दविण-कोडीओ ।” राइणा भणिओ भंडारिओ—‘एयस्स वि देसु जत्थिय-मेत्तं दविणं गयं ।” तहेव समप्पियाओ । पुणोवि तहेव दिट्ठाओ भंडागारे । निवेइयं राइणो । चित्थियं च तेष—“अहो ! अच्छेरयं । को एत्थो आसि न नज्जइ । अहवा—

ओवीण गई कम्माण परणई पोग्गलाण परिणामो । मोत्तूण जिणं तह जिणमयं च को साहिउं तरइ ॥४७१॥

एवमाइ चित्तयंतो विण्णत्तो दोवारिएण राया—“देव ! नय-बाहिरुज्जाणे अवतिसुंदरराइणो तणयस्स कुमारभावे गहिंय-समणस्स निदड्ढ-घणघाइ-कम्मिधणस्स गुणसुंदरस्स तीयाणागध-वत्थुविधाणगं केवलनाणं समुप्पणं । एयं सुणिऊण हरिसवस-विसप्पमाणमाणसो निय-अंगलग्गं पसाई काऊण वत्थाहरणाइयं दोवारियस्स सपरिवारो गओ केवल-वदणत्थं फलसारराया । वंदिओ केवली निसण्णो उचियासणे । पारट्ठा केवलिणा घम्मदेसणा—

जह जीवा बज्जंति मुच्चंति व जहव संकिलिस्सति । अट्टवसट्टोवगया नरय-गइं जह व गच्छंति ॥४७२॥

जं जं संसयं पुच्छेइ तस्स पच्चक्खमिव साहयंतं दट्टूण चित्थियं राइणा—“अहो ! नाणालोओ एस भयवंतो । अहं पि पुच्छामि निय संसयं’ एवं विगप्पितो भणिओ नरवइ केवलिणा “महाराय ! एस ते संसओ—‘कहं विज्जंता वि लच्छी धण-जक्ख-धणपालाण न हवंति, कहं वा मह भंडागारे दुगुणा लच्छी समागच्छइ ।” राइणा भणियं—“भयवं ! एवमेयं ।” भणियं केवलिणा—“जम्मंतरेसु कयपुण्णाणभावेण जंघाबलो नाम जक्खो तुह धर-चित्तं करेइ । सिबिर-निगम-कालाओ तुह सरीर-रक्खं कुणंतो एच्चिरं हिंडिओ । सलिल-संचय-वेलाउले पवहणाणि वि अवकूलिऊण इमिणा चेव तुह दिण्णाणि । धणजक्ख-धणपाल-धणं पि इमिणा चेव तुह भंडागारे पक्खित्तं । जम्मंतररिणिया तुह इमे । राइणा भणियं—“भयवं ! कहमिमे महरिणिया ? केरिसं वा मए कम्मं जम्मंतरे सुहमणुचिणं जेणेरिसो सुह-फलविवागो ?” केवलिणा भणियं—“महाराय ! सुणसु ।”

इओ पुव्वभवे कुमुमसमिद्ध-नयरे उवरयभत्तारा वाल-वच्छा सुजसा नाम महंत-मलय-सामिणो मालिणी तुम-महेसि । अप्पणा मलयसिचणाइयं काउमसमत्थाए धरिया तीए देवड-दुग्गडाभिहाणा दोणिण वंठा । कया सह तेहिं ववत्था—‘तुवभाण कुसुमाणि, मह फलाणि । पडिवण्णमिमेहिं तहेव कुणंताण वच्चइ कालो ।

अण्णम्मि दिणे थाणयतिमित्तं भूमी खणंतीए दिट्ठो कवलिकंठओ सुजसाए । इओ तओ निरुविऊण ढंकिओ धूलिए । तं पुण तीए चेव पुव्व-पुरिस-संतियं । चित्थियं च णाए—‘महानिहाणमेयं काऊण बलि-विहिणाइयं उवधारं गहि-स्सामि ।’ धरमागया । दिट्ठं च एयं दुग्गड-देवडेहिं । खणियं तट्टाणं । लद्धं निहाणं । परिसंखियं तेहिं । जायाओ दो कोडिओ । अद्धमद्धं काऊण गहियं तेहिं ।

बीध-दिने समाध्या सुजसा । निरुवियं तं ठाणं । न दिट्ठं निहाणं । तओ अच्चंतमुक्विभा परिचत्त-सयल-करणिज्जा विमण-डुम्भणा समद्धासिया अरईए । अंगीकथा रणरणये । पडिवण्णा सुजयाए । कथ वि रईमलमभाणी मलयवरंतराले गमणागमणं कुणती दिट्ठा साहुणि-संघाडएण । भणिया य-“भदे ! उविग्गा विय लक्खीअसि ?” सीए भणियं-“भयवइओ ! जाणह, केण वि मह भलेए निहाणयं गहियं ।” साहुणीहि भणियं-“भदे ! अम्हे नेरिसाणि वयणाणि सवणेहि वि सुणामो कि पुण कहेमो । जओ-

नक्खत्तं सुमिणं जोगं निमित्तं मंत-भेसजं । गिहिणो तं न आइक्खे भूयाहिगारणं पयं ॥४७३॥

अम्हेणं देवाणुप्पिए ! सुरासुर-नर-विसरे विणिज्जयमोहतिमिर-विद्धंसण-दिवायरं, राग-दोस-विसम-विसहर-विस-विणासणं सयल-कल्लाण-परंपरा-कारणं केवल-पण्णत्तं धम्मत्थियाण धम्मं कहेमो । जइ भे पओयणं तो सुणेसु ।” सीए भणियं-“कहेह ।” कहिओ संखेवेण । सुजसाए भणियं-“कहि तुम्हाण आसमो ?” साहुणीहि भणियं-“जिणवुत्तसिद्धि-जाण-सालाए बालचंदनामिया पवत्तिणी अम्ह गुरुणी परिवसइ । एवं भणिकुण गयाओ साहुणीओ । सा वि कियधरं गंतूण ताव ठिया जावोगाढा चरिम-पोछ्सी । तओ गया पवत्तिणि-समीवे सुजसा । दिट्ठा पढमवए वट्टमाणी, निरुवम-ह्व-समद्धासिया, विवज्जिया सयल-वियारेहि, समलंकिया नाण-वंसणसिरीहि, दुवालसविह-तव-विसेस-सोसिय-सरीरा, निरुवम-चरणायाचारणवंगिमा-रेहिरा, पसंत-वंसणा-उवसम-सिरि व्व पडिवण्णविग्गहा, वच्छाहिवस्स धूया, कुमारभाव-पडिवण्णसामण्णा, बालचंदमुत्ति व्व सयलजण-नयणागंद-कारिणी, बालचंदाभिहाणा पवत्तिणी । तं दट्ठण पणट्ठी कियं सुजसाए सोओ, आणदियं चित्तं, उल्लसियं जीव-वीरियं, वियंभिओ धम्मववसाओ । चित्तियाय पवता-“अहो ! ख्वं, अहो ! विसय-विरागो, अहो ! निरहंकारया, अहो ! धम्माणुरायया, अहो ! कयत्यया भयवईए । अहं पि छण्णा जीए मए अच्चंत-सोम-वंसणा, संपिडिया वि व सयल-गुण-समिद्धी, विग्गहवई विव संजमसिरी, दीविया विव पात्रं(धयार)पप्पासप्पि, एसा भयवई दिट्ठत्ति पवइडमाणसुहज्जवसाण-संगमयाए सविणयं गंतूण वंदिया । धम्मलाह-पुरस्सरं संभासिया गणिणीए । निसण्णा समुचियासणे । सुया खणमेत्तं धम्मदेसणा । पुणो सायरं वंदिऊण जंपियं सुजसाए-“भयवइ ! काऊण अणुगहं तं किपि धम्मोवदेसं वियरसु जेण नेवं-विहाण दुक्खाण भायणं भवामि । जाओ य मे ईसिदुक्ख-विमोक्खो तुह वंसणीए ।” पवत्तिणीए भणियं-“भदे ! दुक्खतहवीय-संगया संसार-सन्नावण्णा सव्वे वि पाणिणो अणुसमयमभिभविज्जंति जम्म-जरा-रोग-सोगेहि, समोत्थरिज्जंति मोह-तिमिर-पसाररं, पीडिज्जंति विसयासाए, कयत्थिज्जंति इंदिय-तुरंगमेहि, कसि-ज्जंति कोह-भुयंगमेणं, अवट्ठंभति माण-पव्वएणं, विणंसंति भाया-विसवेलिसंगमेण, पलाविज्जंति लोह-महासायरण, दुमिज्जंति इट्ठ-वियोगाणिट्ठसंपओगाइएहि, कवलज्जंति असुभकाल-परिणईएहि उत्तंसंति मच्चुणो । परमत्थओ च केड सुहिया मोत्तूण संसार-पडिवक्ख-समायरण-वरायणे साहु-साधए । जओ-ते भभवतो मुणिवरा संसार-महावाहि-गहिया, पाडिज्जमाणा जम्माइमहाबेयणाए निव्वेयसमावण्णया, गवेसिऊण एसंतकुसल-वेज्जं भगवंतं वीयरायं तक्ख-एसंमुट्ठियं वा गुरुं, निवेइऊण अप्पाअयं, तस्स वधणेण, पडिवण्णा सव्व-दुक्ख-विमोक्खणी संजम-किरियं, वाहिज्जयाणा महामोहवाहिणी वि परीसहोवसण-वियणाए, विमुच्चमाणा महामोहवाहिणा, पवइडमाणा पसमरानधिईए अर्धतरेण सुसांहुणी पारंपरएण सुसाकया कज्जं साहिति । जओ पणट्ठं च तेसि मोहतिमिरं, आविभुयं सम्मण्णार्थं, निदस्सो असग्गहो, परिणयं संतोसामयं, अवयथा असक्किरिया, ठिण्णप्पाया भववल्ली, धिरीभूयं ज्ञाणवररणं, आसणं परम-पवे-सुहं । ता एवं परमत्थ-वचताए थोवा एत्थ सुहिया, बहवे पुण दुक्खियंति लोयववहारेणं । पुणो जे धण-कणन-दुक्ख-चउप्पयाइरिद्धिमंता सुहिया ते परमत्थओ दुहिया चेव । जओ भणियं-

कहं तं भण्णइ सोक्खं सुचिरेण वि जस्स दुक्खमल्लियइ । जं च मरणावसाण भवसंसारणुबधिक्ख ॥४७४॥
संसारियसोक्खाइं तत्तपरिणाण बाहिरा जीवा । सुहबुद्धीए गिण्हंति न उण भदे विवेगित्ता ॥४७५॥
ता भदे ! कुणसु तुमं जिणधम्मे समुज्जमं पयत्तेण । धम्मविहिणा ण जओ दुहाइं सुलहाइं संसारे ॥४७६॥

साहिओ गणिणीए खंताइ-दस-विहो विमुद्धो साहु-धम्मो । चरणावरणकम्मोदएण न परिणओ तीसे । तओ साहिओ पंचाणुवइओ सत्तसिक्खावइओ विमुद्धसम्मत्तपरिपालणमूलो सावय-धम्मो । तेण वि अविरअ-बंध-कम्म-दोसेण असमुल्लसिय-जीववीरियाए भणियं च णाए—“भयवइ ! अजोग्गा हंमिमस्स वि धम्माणुट्ठाणस्स । अओ सुह-परिपालणीय-नियम-विसेसेणानुमाहं करेसु ।” गणिणीए भणियं—“भदे ! जिणपूयापणाम-पुरस्सरं भोयणं कायव्वं, एस ते नियमो ।” सुजसाए भणियं—“भयवइ ! फलेहि पूया भद्दा । जओ-अप्यायताणि मे फज्जाणि परायत्ताणि पुप्फाणि । गणिणीए भणियं—भदे ! विविह-फलेहि जिणपूयं कुणंता भवंतरे विविहफल-भायणं भवंति जीवा ।” तओ वंदिऊण पवत्तिणीं—“भयवइ ! एसो अभिग्गहो जावज्जीवं निव्वाहेयव्वो मएत्ति भणिय गथा घरं सुजसा । पूएइ पइ-दिणं बहुविहफलेहि जिणविबाणि ।

अणया पारद्धा जिणभवणे अट्टाहिया महिमा । दट्ठण महसवं चितियं सुजसाए—“अट्टादिणाणि जाव सव्वेहि वि मलयफलेहि जिणपूया कायव्वा । अलं विक्कएण । तहेव संपाडियं । कयत्थमत्ताणयं मणमाणीए पुणो पुणो नियसुकडा-सेवणमणुमोयमाणीए सुहपरिणामपरिणयाए बद्धं भोगसारं मणयाउयं । अहाउयक्खएण समुप्पणा फलसाराभिहाण-रायपुत्तताए । सो पुण तुमं । ते य-दुग्गड-देवडा दोवि मरिऊण मज्झिम-गुणजोगओ समुप्पणा धणजक्ख-धणपालाभिहाणा वणियदारया । संपिडियाओ तुह कए दोहि वि दह-दह कोडीए । पुव्व-भव-हरिय-धण-कोडी दिण्णा तेहि भवओ दुगुणा । एयं मुणियसंजायजाई-सरणो संसारावास-निव्विणमाणसो जेट्टपुत्तं रज्जे अहिंसिचिऊण दीणागाहाण दाऊण महादाणं निक्खंतो गुणसुंदरो केवलिसमीवे फलसारो । निरइयारं सामणमणुपालिऊण समाहिमरणेण मरिऊण समुप्पणो जयंत-विमाणे सुरवरो । तओ चओ मणयसुहमणुभविऊण नेव्वाणं गओ । फलपूयाफलभणणपुरस्सरं भणिओ समुद्धत्तो पियं-करसूरिणा—

कक्कोल-जवंगं-नालिएर-जंदीर-माउलिगेहि । नारंग-चंग-अंबय-जाई-फल-कयलएहि च ॥४७७॥

दाडिम-करुणय-कोहल-दक्खा-खंज्जूर एलमाईहि । पवरफलेहि जिणिदं पूयंतो सिवसुहं लहइ ॥४७८॥

समुद्धत्तेण भणियं—“भयवं ! संपयं घय-पूया-फलं पयंसिज्जउ ।” सूरिणा भणियं—‘सोम ! सुणसु ।’

घयपूयोवरि घनंजयकहा—

अत्थि इहेव भारहेवासे हरिचंदउरं नाम नयरं । मियंकसेणे राया । मइसा[ग]रो मंती । मइसिरो से भारिया । मइसारो से पुत्तो । पाणप्पिओ जणणि-जणयाण गुरुजणजणियथक्खवाओ परिमियाणवज्जवयणभासी बालो वि बुद्ध-चरिओ पढमाभिभासी महुव्वमहुरवयगो विणयगुणावज्जियसयगो रुवगुणविणिज्जियसमागवयवेस-वयंस-परिवरिओ उज्जाणाइसु कीलंतो कालं गमेइ ।

अणया रयणीए समागतूण भणिओ मइसागरो अमच्चो सुगुत्तमंतिणा—“अत्थि मे विनयसुंदरी नाम कन्नया । जइ भे रोयइ तो दिज्जइ मइसारस्सं ।” मइसागरेण भणियं—“को कल्लाणे विरोहो ।” समाहूया संवच्छरिथा । निरु-विओ विवाहवासरो । कयं चैवंतीए महामहूसवेण वरणयं । समागओ परियणमणोरहेहि विवाह-वासरो । तओ वज्जंतोहि विवाहमंगलसूरोहि, नचवंतोहि विलासिणीजणेहि, पढतोहि मंगल-पाढएहि, परिगओ मंगल-मुहलेहि अविहव-नारी-जणेहि, पहाण-सिवियासमारूढो, समंतओ परिवरिओ सुनेवत्थ-वयंस-विदेहि, पुणो-पुणो पलोइज्जमाणे पासाथमावातलगयाहि पुरसुंदरीहि, पुत्तो सुगुत्तमंदिरदुवारं । मइसारो अवयरिओ सिवियाओ कओ भालयलमुसलछिवणाई सव्वो समायारो । पविट्ठो बहुजण-संवाह-विवाह-मंडवं । उच्चिसमए विवाहिया विच्छहेण विणयसुंदरी । वित्तं पाणिग्गहणं । सम्मरणिया वत्था-हरणाईहि सुहिसयणाइया । गओ गहाय विणयसुंदरि सभवणं मइसारो । तीए सह सिणेहसारं विसयसुहमणुहवंतस्स जाओ-पुत्तो मइसारस्स । पइट्ठावियं नामं विमलमइ त्ति । पुत्तमुहदंसणेण कयकिच्चमत्ताणयं मणमाणो अणुणविय रायार्ण निक्खंतो जिणमएण । मइसारो वि राइणा कओ सव्वाहिगारी । न करेइ अप्पणा रज्जचित्तं, सुहसागरावगाढो अंतेउर-णओ कालं गमेइ । मइसारो वि सथल-सामंत-सेविज्जमाणपथ-कमलो उज्जियपडागारोविए सयलाहिगारिणा कुणंतो सय-साहस्सिए थ उवयारे पडिच्छंतो चाणक्को व्व विवंतरियं रज्जं भंजंतो वासरे गमेइ ।

अण्णया अणुक्कमेण विहरंता समागया तत्थ साइसया कुरुचंदसूरियो । निग्गया वंदणवडियाए नागरया । मइ-सारमंतो वि सुणिऊण पउत्ति सपरिवारो गओ सूरि-पायंतितं । वंदियो भयवं । निसण्णो सुद्धधरणीत्तले । पारद्धा धम्म-देसणा । नाऊण साइसयं भयवंतं नियरिद्धि-विभिहूएण पत्तावसरेण पुच्छियं मइसार-मंतिणा—“भयवं ! किं मए भवंतरे कयं जस्सेरिसो साणुबंधो सुहृविव-गो वेइज्जइ ?” सूरिया भणियं—“सोम ! सुणेउ ।”

पुव्वभवे जयाभिहाणा गोउलिणिदारिया तुमं अहेसि । परिणीया मयहरसुएण सामडेण । अण्णया पयोयण-वसेण अडवीए परिब्भमंतो वावाइओ सो सीहेण । मासावसाणे समकालं समबलेहिं भग्गिया जया जोगाइच्च-जवखडाभिहाणेहिं मयहर-त्तणएहिं । पहाणविरोहो त्ति काऊण न दिण्णा पिउणा, नियधरेव धरिया ।

अण्णया घयं गहाय गओ पिया समं जयाए जयपुर-पट्टणे । गहियं घयं अरिहसार-सावएण । तस्स वसहीए साहुणो चिट्ठंति । समागया जया सह पिउणा । तम्मि घरे दिट्ठा साहुणे । कोहहलवसेण गया तयंतियं । एत्यंतरे धम्मदेसणं कुणंतेण कमागयं सव्वण्णो घयपूयाफलं भणियं—सुव्वयत्ताहणा, “जो जिणपडिमाणं घएण पूयं करेइ सो देवासुरमणुपाण सुहृपरंपरं भोत्तूण परमपयं पि पाउणइ । तओ सुणिऊण साहु-वयण-संजाय-सद्धाए चित्तियं जयाए “अहो ! बहुफला घय-पूया भगवया परुविया । अहं पि घयं संपाडेमि ।” पुच्छओ अरिह[सार]सावओ—“कहिं जिण-पडिमाओ ?” तेण भणियं—“किं ते पओयणं ?” तीए भणियं—“पूयं करिस्सामि ।” देसियं तेण समारद्धमज्जणमहूसवं जिणमंदिरं । पवड्ड-माणसद्धाए आणियाणि तीए जिणपुरओ सुगंध-सप्पि-भरियाणि तव-नव-मल्लगाणि जिण-पहाण-निमित्तं दिण्णं भूरि-घयं । पारद्धं जिण-मज्जणं । दिट्ठा घएण प्हाविज्जमाणो तीए जिण-पडिमा । हरिसभर-निब्भराए पुणो-पुणो अणुमोय-साणीए वद्धं मणुयाऊयं । मज्जणावसाणे दट्टजण-सहिंया निग्गया जिण-भवणाओ । मग्ग-पव्वट्टा इओ तओ परियडंती अयाणमाणी पविट्ठा खुइ-कुट्टणि-गेहं । पुच्छिया तीए—“कओ तुयं ?” साहिओ जहट्टिओ सव्वो वि तीए नियवइयरो । सिणेहसारं जंपियमिओ—“वच्छे ! नियं धरं चेव पत्ता तुमं न विसओ कायव्वो ।” एवं भणिऊण सायरं मज्जाविद्या भोयाविद्या य । जहेग दिणं तहेव पंचदिणाणि । आवज्जियमाणसा । जंपियं अणाए—“अम्मो ! उवधारं करेसि चेव तुमं न उण कारवेसि । अइसंबोहेण न चयेमि चिरमत्थिउं, न यावि अंवा सिणेहसंतुसंदाणिया गच्छिउं”ति । एयं सुणिय निवडंतकवडंसुयाए जंपियं तीए—“वच्छे ! जाव तुमं ताव मे जीवियं । एवं नाऊण जमुचियं तं करेसु ।” जयाए भणियं—“जइ एवं तो टिया हं ।” तीए भणियं—“अहं पि चिरजीविद्या जाया ।” सिक्खविद्या तीए वेसायणसमायारं । थेव काले णं चेव वसीकय-कामुयजणा । निग्गय-सद्धा गणिया जाया । पिया वि काऊण गवेसणं सत्तरत्तं जाव तओ समोउलं गओ विगय-सोगो नियकज्जाणि काउमाहत्तो ।

इओ य सुसीमसत्थवाह-पुत्तो धणंजओ नाम नियवयंसपरिवारिओ उज्जाणाओ पडिनियत्तो उम्मिठहत्थि-भयभीओ पविट्ठो जयाए भवणं । दिट्ठो वाइयाए । सणियं भणिया जया तीए—“भदे ! महिड्डियसत्थवाह-सुओ धणंजया-भिहाणो एस सायरतरमुवयरिज्जउ ।” तहेव कयं तीए । सोवधारं भणिया तव्वयंसया अक्काए—“तहा तुब्भेहिं कायव्वं जइ एस सत्थवाहसुओ इहागच्छइ ।” पडिवण्णमणेहिं । तेहिं उवाएहिं आणिति पइदिणं । विविहोवयारेहिं हरइ तस्स हिंभयं जया । दढाणुरायरत्तो विसज्जिऊण वयंसए तत्थेव टिओ धणंजओ । अणुकूल-हाण-भोयणाईहिं उवयरिज्जमाणस्स विड्डविणोएण चिट्ठंतस्स अइसिणेहलंघियमणस्स अइकंता कइ वि दियहा । जाणिओ से वइयरो जणाएण । चित्तियं मणेण—“उच्चियमेयं जोव्वणस्स । धण्णा चेव संन्नभराय-चंचलं जोव्वणं विसयासेवणेण सहलं कुणंति ।” भणिओ भंडारिओ तहा करेज्जमु जहा इच्छाविवज्जओ न जायइ धणंजयस्स । पेसियं तहिं ठियस्स चेव भूरि दविण-जायं । दिण्णं धणं-जाएण जयाए । हरिसिया एसा न तहा धणागमेण जहा तग्गुरुजणाणुण्णाए । गुरुजणस्स वि बहुमयमेयं ति सुणिऊण धणंजयनाम मुद्दादंसणेण तं तं वत्थुमुट्टिसि-समाडत्ता सत्थाह-धराओ धणमागरिसिउं । एवं जहेग दिवसो तहा दस संवच्छरो । तत्थेव ठियस्स उवरओ धणंजयस्स पिया । तहेव मुद्दादंसणेण पेसंतीए समागयं दारिइं धणंजयजणणीए ।

अण्णम्मि दिणे पेसियं अत्तणो वहुयाए संबंधि आभरणं । तदंसणेण विद्याणियं वाइ ; ए एस पज्जंतो वविगस्स । तेण नियथाभरणाणि पेसियाणि । ताणि वि गहिऊण भणिया वाइयाए जया—“पुत्ति ! खीणो त्रिहवो । एस नीसारिज्जउ

नियधराओ।"तीए भणियं—“अम्मो ! न संगयमेयं संतिथमम्हं घरे भूरिदविणं पविट्ठं । तीए भणियं—“वच्छे ! मुद्धा तुमं । न एस वेसायण-धम्मो ।” तओ अवण्णं काउमारद्धा वाइया । दट्ठण माण-खंडणं सयमेव निग्गओ धणंजओ । गओ सघरं । दिट्ठमणोहिं अहिट्ठियं । विम्हयमा[णसेण] पुच्छिओ घर-दोवारिओ धणंजयेण—“किमेयं सुसीम-सत्थवाह-मंदिंरं न हवइ ?” तेण भणियं—“आसि, संपयं न हवइ ।” कहिओ सव्वो वि वइयरो । विरत्तो चित्तेण धणंजओ पुच्छिओ-पुरिसो—“कहिं सत्थवाह-घर-जणो । कहियं “तेण-अमुगत्य” । गओ [ध]णंजओ । दिट्ठाओ तेण कूडीरगयाओ सुत्तं कत्तंतीओ जणणि-घरणीओ । अहोमुहो ठिओ खणमेगं दुवारदेसे । दिट्ठो जणणीए । वाह-जल-भरिय-तोयणाए ‘एहि वच्छ एहि’ भणमाणीए उट्ठिऊण सहिरसं समालिगिओ । निवेसिओ उच्छंणे । पुच्छियमणेण—“को एस वइयरो !” तीए भणियं—“पुत्त ! तुह जणय-दिणयर-अत्थमणे तमंघयारमिव भुवणमम्हाण जायं । किं बहुणा ? जाया धण्णाहं जीए जावमाणःए तुह मुहमव-लोइयं।” पिउ-मरण-सवण-संजाय-सोणसंभारो “हा ! ताय, हा ! सुयवच्छल ! कत्थमओ ? कत्थ दट्ठव्वो।” इच्चाइ विलवंतो कह कह वि संठविओ जणणीए । कइवयदिणेहिं जाओ विसोगो । करेइ किपि तुच्छभंडेण ववसायं । तहाविह-लाभाभावेण न सरंति धरपओयणाणि । तह वि भावो सोडोरो चेव न वंसेइ दीणत्तणं । करेइ सुमरणमेतेण सव्व-पओ[य]णाणि । जओ

विगलियधणा वि धीरा नज्जंति महाधण व्व चरिएहि । इयरे संते वि धणे विगलियविहव व्व वियरंति ॥
देइ सयलस्स जोण्हं कलावसेसो वि मंडले चंदो । दूरुत्तयाण चित्तं धवत्तइ खलिए वि धणविहवे ॥४८०॥

एवमइक्कंतो [केइ] कालो ।

इओ य धणंजयाणुरागममुंचमाणा भण्णमाणा वि पुणो वाइयाए नेच्छइ अण्णपुरिसेण सह संवासं जथा । आगच्छइ अंतरंतरा धणंजय-भवणं । रायपहेण वोलिंति दट्ठण संजायःपूरागो गओ उवरोहिंसुओ सुंदरो नाम जथा-भवणं । आलवणमेतेणावि अकथपडिवत्तो तीए विलक्खवधणो नीहरंतो भणिओ अक्काए—“वच्छ सुंदर ! अयाणया एसा मह धूया । अणुरत्ता दुग्गय-सत्थवाह-सुए धणंजए । ता तह कहवि कथत्थेसु जह पुणो न एसा तस्स घरे गच्छइ ।” पडि-वण्णमणेण ।

अण्णया धणंजयधरे गयःए कइवयपुरिसपरिवारिओ अणुमग्गेण समागओ सुंदरो । भणिया तेण नियपुरिसा—“अरे ! दढं कयत्थिऊण बंधेह एयं वुट्ठं-दारियं । एयं पि दारिदिय-दारयं दढं दंडाईहि ताडिऊण हत्थगयं करेह । तहेव कयं । मिलिया आरक्खिया नयरजणो य ! नीया दो वि पक्खा दंडवासिएण मंति सयासे य । पुच्छिओ तेण उवरोहिध-सुओ—“किं निमित्तं तए एयाण कयत्थणा कया ?” तेण भणियं—“मह भाडि गहेऊण इमस्स घरमागया एसा ।” मंतिणा भणियं—“को एत्थ पच्चओ ?” तेण भणियं—“इमं एव जणणी पुच्छिज्जए ।” सदाविया अक्का । पुच्छिया मंतिणा । अलिओ वि पोसिओ सुंदरपक्खो तीए । अलियभक्खाणदावाणल-दज्जमाणमाणसो पुणो पुणो पुच्छिज्जमाणोवि मंतिणा मोणमासिओ धणंजओ । सुओ एस वइयरो राइणा ‘महासत्थवाहपुत्तो । न जुत्ता एयस्स कयत्थण’ ति कलिऊण विसज्जाविओ । गओ नियघरं विमणदुम्मणो । दिणमइवाहिऊण रयणीए सयणिज्जगओ चित्तिउमाढत्तो —“अहो ! मे जिहण्णत्तणं, अहो ! मे कापुरिसया, जो हं एकादिस सुवण्ण-कोडीसरसुओ होऊण संपयं धणहीणो ति काऊण दुज्जण-जणेण एवं परिभवज्जामि । अलं मे इहट्ठिएण । अकहितो चेव निग्गओ नियधराओ । पभाए अमुणियवुत्तंताओ अणिदु-संकाए रोविऊं पवत्ताओ जणणिघरणीओ । जया वि तव्विओयदुहदुम्मिय-माणसा वेणीबंधं काऊण धणंजयं वज्जिऊण जावज्जीवं मे बंधचेरं ति गहिऊण नियमणे निच्छयं ठिया ।

अण्णम्मि दिणे साससमाअरियाणणो वारं वारं पच्छाहुत्तं नियंतो ‘महाणुभावे ! परित्तायह’ ति भणंतो एगो जूयधरो पविट्ठो जयाभवणं । तीए भणियं—“भइ ! कओ ते भयं ?” तेण भणियं “जूयकरेहितो हारियं किंचि मए । तं निमित्तम्मि मे कथत्थि” ति । पुच्छाविथा जयाए जूयारा “कित्थियं भो हारियमणेण ?” तेहिं भणियं—“सुवण्णसयं” सुवण्णसयं दाऊण विसज्जिया जूइयरा जयाए । भोयणावसाणे सम्माणिऊण वत्थाइणा पुच्छिओ तीए जूयधरो—“भइ ! दिट्ठपुव्वोविय तुमं कत्थ वि मए ।” बाहुल्ललोयणेण जपियं तेण—“महाभागे ! धणंजयस्स अं[ग]परि[चारा]ग[अंग]

महो नामाहं । लंघियाओ अणेगाओ वसणावयाओ तद्द्विणतरंडेण मए । संपयं पुण तस्स वि महाणुभावस्स चंदस्स व राहुसंगमे विसमो दसाविभागो वट्टइ । जओ—

सुयणा सामायंते वियरंति खला समुज्जला इ[ण्हि] । ओ धवला बब्बूलम्मि कंटया न उण पत्ताइ ॥४८१॥

तह वि तप्पभावेणागंजिओ चेवाहमेत्यावत्थो । वसणलंघिओ अहं संपयं पि तहेव ववहरामि । असामिओ त्ति पए-पए कथत्थणं सहामि ।

अण्णम्मि दिणे सुवण्णसयं हारियं मग्गिउमारद्धा जूइयरा । मया वि अज्जं दलथामि कल्ले पयच्छामि वयमाणेण कइवयदिणे धरिया । अज्ज उण कुविएण सहिएण भणिया जूइयरा—“अरे ! अलं कालविलंबेण जइ [अ]ज्ज न [दि]इ तो कर-चरण-घाण-सवण-विवज्जियं करेह एयं ।” सोऊण भयभीओ जूइयरपेल्लिज्जंतो पलाइऊण तुह भवणमणुपविट्ठो ।” तीए भणियं—“धणंजयसरीरे उवओगंगथा किच महघरे जो अत्थो सो वि तस्स संतिओ चेव । अहवा किमत्थेण पाणा वि तस्स संतिया । ता चिट्ठसु तुम एत्थेव परिचयसु उभयलोग-विडंबणा-फलं जूय-वसणं ।” चितियं चणेण—“अहो ! अहं महापावो जो वेसायणस्स वि एवमणुकंपणिज्जो । उववारिणी य एसा महाभागा । कहं पच्चुवधारो एयाए कायव्वो । अत्थाभावाओ न ताव अत्थेण । वयविसेसं किपि समणुचिट्ठामि जेण अत्तपो इमीए वि परमत्थओ उवयरियं भवइ ।” कहिऊण से निधयाभिप्पायं गओ पुव्व-परिचय-भगवसमीवे । पडिद्वणं भगव-वयं । सिक्खिओ सोयसारो किरियाकलावो । गच्छइ पइदिणं नयरदूरवत्तिणीए सरियाए सरीर-चीवर-पक्खालणत्थं ।

धणंजओ वि पइदिणं वहंतो मासावसाणे पत्तो पुव्व-दिसावहूमंडणं कुंडिणं नाम नयरं । ठिओ तत्थ । कइवय-दिणाणि पारद्धो तत्थ वराडियाहिं ववहरिउं अप्पंभरो । गहियं पुण्णभइसेट्ठिचरासण्णे कुडीरयमेगं । जाओ सेट्ठिणा सह संथवो । समपियं सयमेगं तेण विणाराण । ववहरिउमारद्धो धनंजओ । थेवदिणमज्जे चेव सएण जायाणि अट्ट सयाणि । वडिडओ समुच्छाओ । धरिओ कम्मयरो । पुच्छिओ पुण्णभइ-सेट्ठी—“अत्थेत्थ कोइ जो कलंतरेण दविणं वियरइ ?” पुण्णभइेण भणियं—“अत्थि धणसारो नाम अणेगकोडीसरो सत्थवाहो । सो सयं पइरूवगं कलंतरेण [ववहरइ] धणकोडिं । दो वि गया धणसारसमीवं धणसारेण भणियं—“ताहमसंयुयाण वराडियं पि देमि ।” पुण्णभइसेट्ठिणा भणियं—“वियरसु । अहं निग्गमं करिस्सामि ।” तओ पहट्टवयणेण विन्ना धणकोडी धणंजयस्स धणसारेण । लग्गो महाववहारेण ववहरिउं । सोलसहिं संवच्छरेहि विदत्ताओ बायालीसं धणकोडोओ । दिण्णा सकलंतरा धणकोडी धणसारस्स । गहिया गोनजुवाणया । क[रा]विद्या देस[मण]सामग्गी । वत्थाभरणाइदाण-पुरस्सरं विणएण पणमिऊण पुण्णभइसेट्ठि पयट्ठो नियदेसाभिमुहं । कमेण समा-सण्णीभूओ नियनयरस्स ।

इओ य सा जया तेण सुंदरेण पुणो पुणो पत्थिज्जमाणी वि जाहे नेच्छइ, ताए पओसमावण्णेण, लहिऊण अंतरं, बाहिं विणिग्गया गहिया । मारिया गलकरमोडणेण । ‘मय’त्ति काऊण कंथारिकुडंगे पक्खत्ता । एत्थंतरे समागओ तं पएसं भगवो । काऊण तईए मज्जणं पक्खालियाणि वत्थाणि । विसारियाणी कंथारि-कुडंगोवरि । अप्पणा वि निसण्णो तरुछायाए । वत्थ-गलिय-सलिल-बिदूहि सिता जया सौयल-पवणजोगेण समासासिथा । एयावसरे कइवय-पुरिस-परिवारिओ पुरओ होऊण सत्थस्स समागओ तं पएसं धणंजओ । दिट्ठो परिवायणेण । जायं परोप्परं पच्चभि-ण्णाणं । साहिया दोहिं वि सथला वि सवित्थरा निय-नियपउत्ती । धणंजएण भणिओ परिव्वायओ—“सोहणं कयं भइेण जमभयभवभाविभइं वयमंगीकयं” ति ।

एत्थंतरे ईसिलद्ध-चेयणाए दरुम्मिलियलोअणाए खलं[त]पयं जंपियं जयाए—“भो वणदेवथाओ ! देसंतरायस्स वि अज्जउत्तस्स सरीरे अप्पमत्ताहिं होइव्वं ।” इमं सोऊण संजायसंका पविट्ठा कुडंगभंतरे परिव्वायण-धणंजया । दिट्ठा तयवत्था जया । सिता सरिया-सलिलेण । वीइया वत्थंचलेण । संवाहियाणि सव्वंगाणि । लद्ध-चेयणा कयासण-वड्ढा पुच्छियं धणंजएण । आसी[सा]दाणपुरस्सरं संभासिथा परिव्वायणेण । कहिओ तीए सव्वोवि मरण-पज्जवसाणो निय-वइयरो । अमय-रसासायणं व धणंजय-समागमं मण्णमाणी, दिणयर-करंबियकमलं व मुहकमलं वहमाणी, परमाणंद-निभरा जाव चिट्ठइ, ताव पत्तो तं पएसं धणंजयसत्थो । आवासिओ सरिओवकठे । जाया भोयणवेला । निर्मतिओ

भोयणेण परिव्वायणे । नीया नियआवासे जया । भोयणावसाणे ठियाणि तिणिण वि नियदोस-गुण-संकहाए । परिणयपाए वासरे संचलिओ सत्थो । पत्तो नयरबाहिरियाए । सुणियवुत्तता निग्गया पच्चोणीए सुहि-सयणाइया । मंगलमुहलाणि मिलिऊण समागयाणि पायमूलाणि । गणग-समाइट्टे पसत्थमुहुत्ते पविट्ठो महया विच्छुद्धेण धणंजओ । दिट्ठो नरवई-पहाण-पाहुडेण । कयसम्माणो राइणा समागओ सघरं । अहिद्वियं जणयं-मंदिरं । समाणंदिथा जणणी । संतोसिया घरिणी । घरिया घरवासेण जया वि । [ति]वग्गसंपायणरयस्स संतोसिय-सुहिसयणवग्गस्स वच्चइ कालो ।

अण्णया समागओ तत्थ नाणगब्भो नाम अइसयनाणी मुणिवरो । गओ तस्स समीवं धणंजओ । वंदिओ भयवं । पत्तावसरेण पुच्छिओ धणंजएण मुणी—“भयवं ! किं भए जम्मंतरे कयं जेण संतराया लच्छी केण कारणेण मह वल्लहा जथा [जाया] अहं पि तीसे ?” मुणिणा भणियं—“पुव्वसवे दंगियग्गामे-गोध्रणो नाम तुमं गोवालो अहेसि । जया वि नोवियाभिहाणा तुह घरिणी ।

अण्णया कहि पि ऊसवे रद्धा इमाए खीरो । भोयण-वेलाए घरमागओ तुमं उवविट्ठो भुंजिइं । भरियं करोडयं पायसस्स एयावसरे छट्ठ-खमण-पारणग्गम्मि समागओ साहू । तं दट्ठूण उल्लसियां तुह दणवासणा । भणिया घरिणी “विए ! पयच्छसु पायसमेयं ।” सा वि दाउमारद्धा । अद्धदिण्णे परिवडिओ तुह भायो । पुणो वि अणुसंधिओ । दाविओ सब्बो वि पायसो । इमीए दलमणीए लग्गं भायणं साहुपडिग्गहे । कया मणागं दुग्गुछा । नियाऊयं परिपालिऊण तुमं [जाओ] सत्य[वा]हमुओ धणंजओ, एसा वि दुग्गुछादोसेण गोउ-लियसुया होऊण वेसत्तणं पत्ता । समुप्पण्णजाइ-सरणी पव्वइओ तत्थेव धणंजओ । सयणेहि निवेसिओ धरसारे तस्स सुओ धयदत्तो । जया वि निविडचरणावरणकम्मदोसेण अप्पडिक्कण-चरणा मरिऊण घय-पूयापुण्ण-भावेण अमच्चपुत्तो उववण्णो । सो पुण तुमं । एयं निसामिऊण संसार-कारणं घर-वासं, दाऊण जेट्ट-पुत्तस्स नियपर्यं, महाविभूईए निकवत्तो कुरुचंदसूरिसमीवे सिक्खिओ किरिया-कलाओ । अहिज्जियं सुयं । जाओ गीयत्थो । परिपालिऊण सामण्णं मरिऊण समुप्पण्णो अवराजियविमाणे सुरवरो । तओ चुओ सिज्जिस्सइ । एयं घयपूया फलोदाहरणं दंसिऊण भणिओ पियंकराय-रिणं समुहदत्तो ।

सार-सुसुयंध-निम्मल-घएण[जिण]विब-पूयणासत्तो । सयजसुहाइं पुरिसो भोत्तूण पावए सिद्धि ॥४८२॥

पाणियपूयःफले अमरगुत्तकहा—

समुहदत्तेण भणियं “पाणियपूया-फलं नाऊमिच्छामि” । सूरिणा भणियं—“सुणेउ अज्जो ! ”

अत्थि इहेव जंबूहीवे दीवे एरवए वासे जयंती नाम नयरी । सुरसुंदरो नाम गाहावई परिवसइ । अमरगुत्तो से सुओ सयलकला-कलावपरिकुसलो, रुवाइगुण-गण-समलंविओ, कयण्णू, दक्खो, विणीओ, मिय-महुरभासी, गुणाणुरत्त-सयल-नयरलोओ, सम्मओ राधा-मच्चाणं, मणुयभव-दुल्लहं विसय-मुहं अणुहवतो कालं गमेइ ।

अण्णया उवरओ से पिया । कयमय-किच्चेहिं अहिसित्तो तप्पए अमरगुत्तो सयल-सयणेहिं । दंसिओ राइणो । विणय-वयण-विण्णासावज्जिएण राइणा कओ सयल-निय-विसय-वलाहिओ अमरगुत्तो । सयलजण-सलाहणिज्जं विसय-सुहमासेवमाणस्स वच्चंति बासरा ।

अण्णया समागओ बहु-समणपरिवारिओ अइसय-नाण-रयण-रोहणगिरि, अट्टारस-सीलंग-सहस्सभारवहण-समुद्धर-कंधरो, धरावलरयवित्थरिय-निम्मल-जसो, सयलजयजीव-वच्छलो, वच्छाहिवसुओ, विजियदुज्जय-अर्णम-सरप्पसरो विज[य]-सेणो नाम आधरिओ । समोसरिओ नयरसमारुण्णसरवणज्जाणे । निग्गया नयरलोया वंदण-वडियाए । अमरगुत्तो वि तिपया-हिणापुरस्सरं वंदिऊण सूरि-पय-यंकयं निसण्णो जहारिहं समुचियाणो पारद्धा । भयवथा सजलहर-मंभीर-सरेण धम्मदेसणा—

“भो भव्वा ! दुल्लहा चरण-धम्म-सामग्गी, जओ दुविहा जीवा भगवथा महावीरेण पण्णता-तसा-थावरा थ । तत्थ तसा किमि-कीड-पयंगाइणो पंचिदिधावसाणा । थावरा पुढवाई वणस्सईपज्जंता । तत्थ पुढवाईयोनिंसु पविट्ठो पत्तेयं असंखिज्जा ओसप्पिणी-अवसप्पिणीओ परिवसइ । कह कह वि तओ पडिनियत्तो वणस्सईसु अणंतकालं परिभमइ ।

तओ वि पडिनिद्यतो किच्छेण लहइ पंचिदियत्तणं, तत्थ वि माणुसत्तणं, तत्थवि सग-जवण-सबर-बब्वराईअणायरिय-देस-पभूय-त्तणओ आथरिय-देस-जम्मं । तत्थ वि चंडाल-चम्मथरसउण्णिबंधाडकुच्छिय-कुलवहुत्तणओ इक्खागाइकुलजम्मं । तत्थ वि काण-कुट-पंगुलंधलय-वाहिय-पउरत्तणओ निरुवद्वे सररीरया तेत्थ वि दंडवास-रज्जु-सत्थमाइवि वहोवक-मोवहुयाण बहुपुण्णपावणिज्जं अहाऊअपरिपालणं । तत्थ कोह-माण-माया-लोभ-राग-दोस-मय-मोहियमइणो जीवस्स किलेसेण घेप्पइ धम्म-बुद्धी । तत्थ वि बहुविहेसु इंदियाणुकूल-जण-मणोरमेसु अण्णाणिय-पवत्तिएसु कुधम्मेषु पवत्तो जहट्टिय-सव्वण्णु-भासियं सिद्धिसुह-साहण-पच्चलं धम्मं दुहेण पाउणइ । तत्थ वि अणाइभव-परंपरत्थत्थासुह-भावणाओ थसंपत्तुव्वं सिद्धि-वहू-पढम-पाहुइं सद्धमसद्धं । तत्थ ठियस्स परोवधारयं महापुरिस-सेवियं एंगंतपसंसणीयं निरुवम-सुहसाह्यं चरण-धम्मं । एवं लहियण एयं सामग्गि जाइ-जरा-मरण-सोगरहियं पि पाउण्णंति जीवा । ता एय संपायणे करेह उज्जमं । अलं कलत्ताइपरिग्गहेणं । परिग्गहो हि नाम निरोसहो वाही, कुलहरं महामोहस्स, अवच्चओ धाईए, मुही-वक्खेवस्स, पडिवक्खो मोक्ख-पहस्स, मंदिरं मयणस्स, वेरिओ सुहज्जवसायस्स, पभवो दुक्ख-समुदथस्स, निसग्ग सत्तु सुहाणं, महल्लकंदो असुभकंदलीए । परिग्गहासत्ता पंजरगथा विवसाअ समत्था वि होऊण माणुसभावलंभेण सीयंति पाणिणो । अहो ! माहप्पं मोहस्स जेण चिंतामणिसन्निहजिणवयणे बोह-संगयं कम्म-भूमिंए लहियण माणुसत्तणं सोऊण असासथा सव्व-संजोगा, समासण्णो विणिज्जियसुरासुरो मच्चू, एगरुक्ख-निवासि-सउणत्तुला पिय-जण-समागमा, विसं व विवाय-दारुणा विसया, इच्चाइ धम्मोवएसें सिद्धि-सुह-साहण-सहे तित्थयराइपरम-पुरिस-सेविए चराचर-सयल-जीव-बंधुभूए चरण-धम्मं न उज्जमंति पाणिणो ।” एयं सोऊण संवेगमावण्णेण संजाय-चरण-परिणामेण भणिओ सूरि अमरगुत्तपुत्तेण सुमंतेण—“भयवं ! मोयावेऊण अम्मा-पियरं चरण-धम्मपडिवत्तीए सहलं करेमि मणुयजम्मं ।” सूरिणा भणिओ—“अदिव्वं देवाणुप्पिया ! मा पडिबंधं करेसु दविण-पुत्त-कलत्ताइसु ।” तओ निरुवियं अमरगुत्त-वयणं सुमंतेण । भणियं—“वच्छ ! जुत्तमेयं संसारसमावण्णयाण पाणिणं । केवलं बालो तुमं । जइ पुण अवस्समेव कायव्वं तो घरे गम्मउ । साहिज्जउ निद्यसमीहियं जणणीए । तस्समएण कीरमाणी पवज्जा उभयभवसुहावहा हवइ ।” एवं हीउंति भणिऊण वंदियण सूरि-पय-जुयलं । गओ पिउणा सिद्धि निद्यमंदिरं । भुत्तुत्तर-कालं विण्णता वय-महण-विसए जणणी । निरुवियंतीए अमरगुत्तवयणं तेण “भणियं मए जं भणियव्वं, संपयं भणसु ।”

तओ वाहुल्ल-लोयणाए जंपियं जणणीए—“वच्छ ! अम्हमेयमुचियं । तुमं पुण पडियग्गेषु मणिमोत्तियाइयं सार-इव्वं ।” सुमंतेण भणियं—“अम्मो ! का एत्थ सारया ? कि समत्थमेयं मच्चुणो रक्खेउं ? न हंति वा एथप्पभावाओ जम्म [मरणा]इया विधारा ? कि वा तीरइ इमिणा सयलच्छिवग्गस्स मणोरहापूरणं काउं ? कि वा न परिच्चयइ मं पयत्तरविक्खयं पि खीणभागधेयं पुरिसं ? कि वा होइ दव्वजुयमयस्स परलोगे को वि गुणो ?” अम्मा-पिईहि भणियं—“ता कि इमिणा निरत्थएण पडियग्गिएण ? अणुमण्णेउ मह गुरु-महापुरिस-सेवियं कम्मसेल-वज्जासणि पव्वजं ।” अमर-गुत्तेण भणियं—“पुव्वमेव साहियं वच्छस्स जहा-बालो तुमं । विसमा गई जोव्वणस्स । दुइमाणेत्य इंदियाणि । वियंभइ अणिवारियप्पसरो विसमसरो । उवट्टंति विसय-विसम-तक्करा ।” सुमंतिण, भणियं—“ताय ! न खलु अविवेगओ अण्णं जोव्वणं । दीसंति इत्थ अविवेय-महागहगहिय-माणसा, बुइडा वि होऊण अणियत्तविस[या]हिलासा, अविधाणिऊण निद्यधदसा विभागं, अगणेऊण लोयवयणिज्जं, अवि्यारिऊण तत्त-परमत्थं, अत्ताणयं विडंबेमाण, तारुणवये उवजीवंति रसायणाइं पयडंति विविहिविधारे, जंपंति तरुणीयणपुरओ, सिंगारसाराइं अजंपियव्वाइं, पयट्टंति विविहवसणाइं अप्पे-च्छित्ति शीणमप्पाणयं, न चित्ति[ज्जंति] जम्मंतरं ति । अण्णे पुण सुविधाणिय परलोगमग्गा, तरुणत्तणे वि समुल्लसंत-विसिट्टु-विवेधा, अकज्जायरण-भीरणो, नाऊण विज्जुलयाडोव-चंचलं जीवियं, संजव्वभाराय-पसर-सरियं जोव्वणं, इट्टुवि-ओगाणिट्टु-संपओगपरिगयं मणुयाण जीवियं, करि-कण्ण-चंचलत्तणं रिद्धीणं, विरस-विवागं च पमाय-चेट्टियस्स, हरिणया-विय मरणकारणाण उत्तत्था, [नरजम्म]पाविऊण सेविति परलोयबंधुभूयं चरणधम्मं ति । अओ अकारणमेत्थ जोव्वणं । जओ—

गयजोव्वणा वि पुरिसा बाल व्व समायरंति कम्माइं । दुग्गइनिबंघणाइं जोव्वणमंतो वि न हु केइ ॥४८३॥
बुद्धसहावो तरुणत्तणे वि धण्णाण सुंदरो होइ । इयरणं पुण बुद्धत्तणे वि निव्वडइ तारुणं ॥४८४॥

न य विवेगिणो मुणियसंसार-रूवस्स इंदियाणि [अणो]विद्याणि वि दुद्दमाणि ।

उप्पह-पत्थिय-इंदियतुरंग[मा] वि[व] दुद्दमा ताव । जाव न सुपुरिससारही विवेय रज्जूएसंजमिया ॥४८५॥

अणगोवियअणज्ज-संकप्प-मूलो [अहम्मो?] परिचत्तेहि पाविए तप्पडिवक्खे वीथराय-वयणो, उवल्लद्वे य सम-
सुह-सरूवेवसंताण, गुरु-पाय-मले ओसयंताण, विविहृतव-चरणेण अत्ताणयं निप्पडि-कम्मसरीराण कहं पहवइ ।
जओ—

गुरु-सेल-नियंब-पडित्थिरम्मि गरुयाण हिययसारम्मि । रे खुट्ठायस निम्मविओ असि व्व किं काहिहि अणगो ।

किं वा मणोहरत्तं विसयाणं ? पोग्गलपरिणामा इमे । पोग्गला पुण सुहा वि होऊण असुहा होति, असुहा वि
सुहा । किं च—

किंपाग-फलसरिच्छा सेविज्जंता मणोरमा विसया । परिणममाणा दुस्सह-दुग्गइपुरपावगा होति ॥४८६॥

किं बहुणा तायप्पभावाओ चैव मे सेअं भविस्सइ । तओ भणिया अमरगुत्तेण कंता—“पिए ! साहेउ समीहियं ते
सुओ ।” पडिवणं तीए । पारद्धा निक्खमण-सामग्गो ; गओ अमरगुत्तो ।

अण्णम्मि दिणे सूरि-वंदणत्थं समं नागरेहि वंदिया गुरुणो । निसुया संसय-सयं-विच्छेयकारिणी धम्म-देसणा ।
नियरिद्धि-विम्हय-माणसेण पुच्छिया सूरिणो । अमरगुत्तेण भणियं—‘भयवं ! मए केरिसं जम्मंतरे दाणं दिणं स.लं वा
परिपालियं तवो वा अणुचरिओ भावणा वा भाविया जेणेरिसो सुहविवागो ?’ सूरिणा भणियं—“सोम ! सुण—”

अत्थि इहेव जंबूदीवे दीवे संसार-जलहिनिमज्जंत-सत्त-समुत्तारण-समत्थाणुत्तर-पुण्ण-पब्भार-भरिथ-संथल-
सत्त-संदोह-हिय[य-स]क्काइ-[सक्कार]-पूयारिहारिहंतावतार--समय--समुप्पणासण--कंप-संजाय--संकप्प-उत्त[प्यमपिअ]पसत्थ-
विच्छिण्णावहि--समुवल्लद्व-जिणगब्भाहाण-संजायासरिस-हरिस-वस-विसट्टंत-वयणारविद-वयण-सामणत्तर--हरिणेगमेसि-सुर-समा
[हो]य-सुघोस-घंटा-पडिसइ-वज्जंत-वत्तीस-विमाण-लक्ख-घंटा-रणरणा राव-पडिबुद्ध-मत्त-यमत्त-वि[सथा]सत्तज्ञडत्ति--सुर-समूह-
सेविय-सक्कागम-जणिय-जण-चमक्कारं, तथा-तित्थयर-जम्म-समय--समोकंपिय-सीहासण-संजाय-संक-दिण्णोवओय-मुणिय-
जिण-जम्म-समय-समुल्लसंत-हरिस-विसप्पमाण-माणसागय-छप्पण-दिसाकुमारि--समादत्त-सूइ--कम्म-समारंभ-जणिय-जण-
विम्हयं, तथा तिथ-चउक्क-चच्चर-चउम्मूह-महापह-पुजियाणेग-मणि-रयण-कणय-कोडि-रेहिर--वरवारियाघोसिज्जमाण-दालिद-
कंदुक्कंदण-सथल-जय-जीव--सुहहेउजिण-निक्खमण-समय--समायरंत--चउव्विहसु[र-स]मूहविमाण-पहा-समुज्जोइय-भुवणदभंतरं,
जिणिद-केवलि-महिमा--करणागयासेस-सुर-सामि--विभूसिय-सुह-तित्थ-पवत्तण-समय-सुर-समारद्व-सालत्तय--परिखित्त-वेइ-तर-
मणि-पेड-सीहासण-छत्त-त्तय-धय--चमर--सणाह--समोसरण-सन्निसण-भयवंत--समादत्त--धम्म-देसणा-सवण-संजाय-संवेग-भव-
विरत्त-सत्त-संदोह-साहियं, तथा तित्थयर-नेव्वाण-समय-समागच्छंताणेग-सुर-विमाण-विलग्ग-मणि-रयण-कर-करंबिय-नहाभोग-
भासुरं, निवयंतोप्पयंत-सुरासुर-विसर-वियमाण-वंभंडोदरं, एवं पंचसु वि कल्लाण-पएभु सथल-सुरासुर-संचारेण सग्ग-सारिच्छं
जंबुदीव-भारह-मज्झिम-खंड-नाम खेतं । तत्थ य सद्धम्मासत्त-सत्त-सेविओ कोसला नाम जणवओ ।

तम्मि य विसाल-समुत्तुंग-मणोहर--जिण-हर-विसर-सिहरारोविय--पवण--पहल्लिर-धवल-धयवड--मालावरुद्धनहंणा-
भोगं बहुपुण्ण-जण-सेवणिज्जं कोसवं नाम नयरं । तम्मिय नागसेहर-नाइत्तग-घरे आजम्म-दारिदिणीविहल-वंसा विजया
नाम कम्मकरी तुममहेसि । नत्थि तं कुकम्मं जं तुमं तथा न करेसि ।

अण्णया चलिओ नागसेहर-नाइत्तगो मलयाभिमूहं जाणवत्तेण कम्मकरण-निमित्तं । चालिया तेण विजया । मुक्कं
जाणवत्तं । नागकंत-नागगंधव्व-रवायडिहयदिण्णावहाणधिर-थिय-सारंग-जह-जणिय-जण-विम्हयं, जलहि-तीर-तर-

खुडिय-कुसुम-मयरं दुदाम-गंध-लुद्ध-रुणरुणित-मिलंत-छप्पयावलि-मंडिय-महीयलं, उदाम-नागवल्ली-निवह-समालिगियासेस-
पूय-संडतल-सन्निविट्ट-गंधव्व-मिहुण-समारद्ध-रइसुहं, दरिय-वण-करि-करायड्ढण-भग-समुत्तुंग-गलंत-चंदणवणं, तीरा-
सण्ण-समगंध-महल्ल-महीरुह-सोहंत-साहंत-समोहसिय-जल-निहि-वेलाजलं, मिरिय-मंजरीसमासायणुसव्वत्त-सइ-खंत-
विह-विहगरवापुरिओद्वेसं मलयदीवं ति मुक्का नंगरा । पाडिओ सिडो । ठियं जाणवत्तं । उत्तारियं भंडं । पारद्वो
संववहारो । विट्तं भूरि-दविण-जायं । गहियं पडिभंडं । मुक्कं नियदेसाभिमुहं पवहणं । कडवय दिणेहि समुद्धमज्ज-
मोगाहं ।

एत्थंतरे सिग्घ-वेगागमण-जणिय-वाय-विहयखुहिय-जलहिजला, खर-फरुस-सरेणाकंपयंती जाणवत्त-संठियजणं
अयंड-विज्जु विद्य असुहभकारिणी लोय-लोयणाणं ठिआ पुरओ पवहणस्स विज्जुसिरी नाम वाणमंतरी । भणिया तीए
नाइत्तगो-“अरे ! अकाऊण भयवओ रयणाधरस्स पूयं कहि तुमं पत्थिओ ?” संखुद्ध-चित्तेण भणियं नाइत्तगेण-“भय-
वई ! जइ न कया तो संपयं करेमि । खमेउ भयवई !” तीए भणियं-“वोलीणो कालो खमाए । संपयं माणुसर्वालि
वा देसु, सव्वे वा भे मारेमि ।” कि-कायव्वविमूढो चित्तिउमारद्धो नाइत्तगो । तज्जिओ देवयाए-“रे ! अज्ज वि
काल-विलवं करेसि ?” अपुरंतोवाएण विजयं चेव उक्खिउऊण पक्खित्ता जलहिजले । देवयाए भणियं-“एयं ताव
इत्थियां, वीयं कम्मयरी । केण तुमं एरिसं बलिविहाणं सिक्खाविओ ? जइ इत्थियं ता निध-घरिणी पयच्छमु, जं वा
तं वा पुरिसं देसु, जइ कल्लाणेण कज्जं । अण्णाहा नत्थि भे जीवियं ।”

तओ पक्खित्तो जलहिजले नाइत्तगेण कुंभगो नाम घर-दासो । पडिच्छिओ देवयाए । पयट्टं जाणवत्तं । सा वि
समासाइय-खोड-खंडा उब्बुड-निब्बुडणं कुणमाणी दिट्ठा मलयाओ हिमवतं गच्छभाणीए वसंतसुंदराभिहाणाए वाणमंतरीए ।
पुव्वपरिचिधा धं सा विजयाए-“हो ! किमेयं” ति भणमाणीए पयडिय-पुव्वरूवाए उक्खित्ता तीए नहधले विजया ।
पाविधा जलहितंडं । मुक्का माहवी-लया-मंडवे । पुरओ ह्योऊण भणिया वसंतसुंदरीए-“विजया ! पच्चभिजाणसि ममं
न वा” ? विजयाए भणियं-“नागसेहर-नाइत्तग-सुया विवजयसिरी विद्य लक्खीयसि” ? तीए भणियं-“सुट्टु नाय”
विजयाए भणियं-“कहमिह तुहागमो ?” तीए भणियं-दइयावमाणेण तुहं साहिऊण मरणत्यमहं निगया । एयं ताव तुज्ज
वि पसिद्धं चेव ।” विजयाए भणियं-“एवमेयं” परं कहं तुमं दइएण अवमाणीया ? इमं साहेउ सुंदरी !” तीए भणियं-
सुणेसु-

अत्थि ताव परिणीया हं नागदत्तेण-अच्चंताणुरत्ता खणमवि मए सह विओगमसहंता तुमं चेव महं पिया ।
तए चेव जीवलोगो महं वसइ । इच्चाइ वदणपुरस्सरं मए सह विसयसुहमणुहवंतो कालं गमेइ ।

अण्णया दिट्ठा तेण कामकंदली नाम वेसा । समुप्पण्णो तं पइ अणु[रागो] तत्थेव अंतरंतरा । अण्णम्मि दिणे
कवडं काऊण भणियाहमणेण-“पिए ! अज्ज मे सिरोवेयणा । तओ न गया हं वास-भवणं । नुवण्णा हेट्ठिम-पल्लंके ।
समोगाढा रयणी । वोलीणो पढमपहरो । समुग्गओ निध-किरण-नियरनिव्वविद्य-सयल-जीव-लोगो माणिणी-माण-सेल-
निट्टलणवज्जासर्णंससहरो । तओ संकाए हं समारूढा उवरिमत्तलं । दिट्ठं मए मणि-रयण-मंगल-पईव-निष्णासिय-
तमंधयारं कुट्टिमत्तल-विकिण्ण-पुप्फ-पयर-परिमलं, मिलंत-रुंत-महुयरं, कत्थूरिया-विलित्त-वेहली-गंधलुद्ध-नहंगणाभोगं ;
वित्त-चित्तवत्थ-रइध-विधाणयं, समासणीकय-सुवण्ण-मणहर-पडिग्गहं, संवाविय-सुरहि-कुसुम-दामविलिविलं, डज्जंत-
कालाग्रह-सार-घणसार-भरिय-कणय-धडियसुह-नीहरंत-बहल-धूमंधयारिय-दिसाचक्कं कलहस-पारावय-सुध-सारियामिहु-
णोवसोहियं कप्पूर-पूर-पूग-फल-नागवल्लीदलेला-लवंग-कक्कोल-जायफल-भरिय-पडल-सणाहं, सन्निय-विह-विलेवण-
पडिपुण्ण-मणिवट्टयं, दीसंत-विह-पडवास-भरिय-सुवण्ण-वट्टयं, पवर-पड-घुरिय-कोमल-नाडोवहाण-पल्लंका-सणहं सविसेसं
कामसमाउल-माणसा यथा हं वासभवण-दुवारं । कामकंदलाए सद्धि कीलंतो दिट्ठो पियधमो ।

दट्ठूण दइय-वरियं सयखंडं तक्खणे गयं पेमं । करि-चलण-चंपणुच्छलिय-तुच्छ-तोयं पिव दिसासु ॥४८४॥

दूमिधमाणसा पडिनिधत्ताहं चित्तिउ पक्खा-“अहो ! मे जहणत्तणं, अहो ! मे लाघवं, अहो ! मे दोहमं,
जं मए धरमाणीए वि महं घरंगणमिमीए समक्कतं । ता कि मे दोहमकलंकिएण खंडियाभिमाणेण जीदिएण ? मरयं

मे सेयं ति' मण्णमाणीए, काल-क्लिंब-भीरुयाए, अण्णिदाणं मरणमेव तुह साहिऊण निग्गच्छंतीए नयराओ, दिट्ठा पऊरिअण-समिद्धा जलण-जालावलीकराला एगा चिदा । पक्खित्तो तत्थेव अप्पा । सम्मं सहिऊण वेयणं समुप्पण्णा वसंतसुंदराभिहाणा वाणमंतरी । विभंणेण विआणिऊण पुव्वभव-वइ[य]रं, दट्ठूण कामकंदलीए सह कीलंतं नागदत्तं संजायकोवानला, सहिऊण तं मिहुणयं एणं पुव्वसमुद्धे बीयं अवरसमुद्धे पक्खिविऊण, तेसु तेसु मणोरमज्जाण-काणणेसु वणसंडसिहरि-सिहरेसु रमंती इहा गंथा । दिट्ठा य तुमं समुद्ध-पडिया । पच्चभिण्णा य संपयं तुमं । सोहेसु कहं तुमं समुद्धे निवडिया ?" बाहुल्ल-लोयणाए साहिओ सव्वो वि नियवइ[य]रो विजयाए । वसंतसुंदरीए भणियं—"अहो ! विचित्तया मोहक्लि-त्तिथस्स, अहो ! दाअणया कम्म-परिणामस्स, अहो ! अचित्त समत्थया विसयाहिलासस्स, अहो ! वल्लहया नियजीविथस्स, अं ताथतुल्ला वि महापुरिसा परपाणेहं निथयाणा रक्खंति ।" विजयाए भणियं—"अलमईयचित्ताए ?" वसंतसुंदरीए भणियं—"कीलाविया आवाला-भावाओ अहं तए + भणसु जं पियं करेमि ?" जयाए भणियं—"सामिणि ! आजम्माओ दइडाहं दारिह-दावनलेण । जइ तुट्ठा ता ममं रोहणपव्वयं नेसु, जेण तत्थ रयण-संगहेण ईसरी भवामि ।" ईसि हसिऊण जंपियं वसंतसुंदरीए—"जए ! रोहणगिरिगयाण वि पुण्ण-विहीणाण नत्थि अत्थ-संपत्ती जहा सुजाणस्स वि ।" जयाए भणियं—"को एस सुजाणो ?" तीए भणियं—"सुणसु ।"

अत्थेत्थ भरह-भूमि-रमणीभालयल-तिलयभयं भूमिभारं नाम नयरं । तत्थ दोण्णि वणिय-दारगा सहोयरा परि-वसंति । सुजाणो डुंबसो य । सुजाणो सव्वविण्णाणेसु सुजाणो । डुंबसो डुंबसो चेव । अणुकूल-विहि-वसेण वित्थरइ ताण धणरिद्धि । मह पई पुण्णाणुभावो एसो त्ति मण्णमाणी गव्वमुव्वहइ सुजाण-धरिणी ।

अण्णम्मि दिणे रयणीए भणियो तीए नियपई—"अज्जउत्त ! पुढो कीरउ डुंबसो । मा नियलच्छि परलच्छि करेसु । पडिवण्णमणेण तव्वधणं । अणिच्छंतो वि पुढो कओ डुंबसो । पुण्णाणुभावेण पवइए डुंबस-धरे लच्छी । हाणि गच्छइ सुजाणधरे । थेवकालेणं चेव जाओ कोडीसरो डुंबसो, सुजाणो परमदारिद्धिओ ।

अण्णया सहवास-दालिह-परिभवमसहमाणेण कथा रोहणगिरि पइ गमणेच्छा । धरिज्जमाणो वि डुंबसेण न ठिओ सुजाणो । गओ रोहण-गिरि-समासणं कारोहणं नाम नयरं । ठिओ दुग्गदेववणिया-धरासण्णे कुडीरए । खणइ पइ दियहं रोहणधरणि महया किलेसण । पाउणइ भोयणमेत्तं ।

इओ य भणियो डुंबसो सुहि-सथणेहि—"निरत्थओ ते अत्थो जस्स भाऊओ देसंतरं पवण्णो !" एवं सोउं संजाय-पच्छायावो तस्साणयणनिमित्तं गओ रोहणं डुंबसो । पत्तो मासा[वसा]णे । पुच्छतेण नाओ जहा दुग्गदेवधरासण्णे चिट्ठइ । गओ तत्थ पुच्छिओ सो तेण—"ववहरइ तुह आवणे सुजाणो नाम वणियो ?" तेण भणियं—"आमं ।" डुंबसेण भणियं—"कहिं सो संपयं ?" तेण भणियं—"रोहण-धरणि खणंतो चिट्ठइ ।" तओ गओ । तत्थेव डुंबसो दिट्ठो महल्ल गट्ठापविट्ठो मूसगो व भूमीं खणंतो । अंतराय-भीरुणा न संभासिओ तेण । ठिओ वंकिऊण दो तडीए । एसो वि सणियं खणिऊण मट्ठियं नहयलाभिमुद्धं पक्खिवइ । खणंतस्स मट्ठियावेडिओ समागओ अणग्घेयमणी । मट्ठियं त्ति मण्ण-माणेण उवरिहुत्तं पक्खित्तो तेण । पडिओ डुंबसुच्छगे । दूरनिवडणेण अवगया मट्ठिया । दिट्ठो रवि-किरणनियरो व्व नियतेय-समुज्जोइय-दस-दिसाणणो गोमणी । गहिओ सहरिसमणेण । समइक्कंता काइ वेला । निग्गओ गट्ठु ओ सुजाणो । दिट्ठो डुंबसो । सिणेहजारं आलिगिओ तेण । पुच्छिओ कुसल-पजत्ति । साहिथा तेण सव्वा । सुजाणेण भणियं—"गम्मउ धरं । भोयणवेला वट्ठइ ।" डुंबसेण भणियं—"तए सद्धि चेव निमंतिओ हं दुग्गदेववणिगा ।" सुजाणेण चित्थियं—"एयस्स एसा लद्धी ।" गथा दो वि दुग्गदेव धरं । मज्जण-पुरस्सरं भोधाविद्या तेण परमाधरेण । नियंसाविद्या पहाण-वत्थाणि । ठिओ तत्थ दो तिण्णि दिणाणि । डुंबसो पुच्छिओ सुजाणेण—"भाय ! केवइयं ते दविणजायं विदत्तं ?" तेण भणियं—"न मे उदर-भरणाओ समहरित्तं किलेसायासं कुणमाणस्स वि संपज्जइ ।" डुंबसेण भणियं—"गम्मउ निय नयरं । अहं ते कुडुंबस्स निव्वाहं चित्तइस्सामि । परं न तए मह धरे चित्ता कायव्वा ।" पडिवण्णमणेण । गथा स-नयरं । पवेसिओ न्थियधरे । भणियो नियपरिअणो डुंबसेण-सम्मं वट्ठियव्वं सुजाणस्स । विण्णाय पट्टुचित्तवित्ती सो तहेव पयट्ठइ । गच्छइ कालो ।

अण्णया समागओ पाउसो । कारिया डुंबसेण हलाइस मग्गी । सुजाणेण गणियं निमित्तं । चितियं नियमणे-
‘विट्ठिमुहं न सोहणा होरा । किं बहुणा । जइ एयम्मि अवसरे हल-निग्गामो भविस्सइ ता चिट्ठउ धण्णागामो, पाणेसु वि
संसओ सामियस्स ।’ एवं चित्तयंतस्स द्दंत-गोणो नत्थं तोडिऊण पलाणो । पहाविया तं पइ कम्मयरा । कह कह वि
गहिओ । बोलीणं विट्ठि-मुहं । परावत्तो सुहो मुहत्तो । पुणो वि निरुवियं सुजाणेण-संपयं गच्छंताण सव्वसंपया ।
पुण्णवसेण तह कह वि कज्जं परिणमइ जह सुह-परिणामं भवइ । निरत्थयाणि निमित्त-जोइसाणि ।

अण्णया आसवाहएण हरिओ अस्सपहाण-तुरंगमो । नीओ देसंतरं । गवेसणं काऊण ठिओ डुंबसो । कइवय-
दिवसावसाणे तुरंगमारुढो रयणीए समागओ एगो पुरिसो । भणिओ तेण दोवारिओ-“अरे ! दुवारमवगुणाहि ?” तेण
भणियं-“को तुमं ?” तेण भणियं-“डुंबसस्स घर-चित्तायगो वाणमंतरो तवकर-हरिअ-तुरंगमं गहाय समागओ । उग्घाडियं
तेण दुवारं सट्टाणे बंधिऊण आसं अहंसणो संबुत्तो वाणमंतरो । अवगओ एस वइयरो सब्बो वि सुजाणेण । एवं पि
पडिपुण्णपुण्णविलसियं ।

अण्णया धाराधर-निरंतर-सलिलधारा भरियम्मि धरणितले केयार-नियर-चित्ताउले पामरजणे, निच्चिते डुंबसे,
चित्तियं सुजाणेण-“अहो ! सच्चमेवेस डुंबसो, अवरागयं पि जो न केयारतत्ति करेइ । किं कहेमि किं पि ? अहवा
पढममेव निसिद्धोहमणेण । ताव सिग्घमेव गंतूण निरुवेमि ।” गओ सुजाणो । दिट्ठो कम्मयर-वेस-धारिणा बहवे पुरिसा
केयारेसु कम्मं करेता । विमिह्य-माणसो निरिक्खंतो ठिओ खणमेयं । सुजाणेण पच्छा पुच्छिओ करे घेतूण एगो पुरिसो-
“के तुब्भे ? कस्स वा वयणेण कम्मं करेह !” सो वि तव्वयणमसुणितो समुब्भंत-लोयणो-“अरे ! इमं फाडेह, इमं
भरेह” इच्चाइवयणेहिं सेसपुरिसे समाइसिउमाढत्तो । केयारकज्जाइ काऊण भण्णिओ सुजाणे तेण-“सुण्णमु संपयं ।
सुत्तारो नाम वाणमंतरो अहं सपरिवारो तुह सहोयस्स संयंत-कज्जाणि सग्गहेमि ।’ एवं बोत्तूण पेच्छंतस्सेव तस्स सपरि-
यओ अहंसणं गओ । सो वि समागओ भवणं । ठिओ मोणेण सुजाणो । पुण्णाविहीणो जावज्जीवं डुंबसेण निव्वाहिओ ।
अओ विजए ! रोहणागिरिगमणं पि निष्कलं भागधेयरहिियाण ।” विजयाए भणियं-“जइ एवं तो ममं कोसंबम्मि नयरे
नयसु ।” नीया वसंतसुंदरीए । नयहज्जाणे मोत्तूण तत्थेव वत्थव्वय-चंदण-सेट्ठिहट्टाओ हरिऊण सत्त रयणाणि कथं सम्माणाणि
विजयाए गथा वसंतसुंदरी । विजया वि पविट्टा नयरं । पुव्वपरिचिय-ताइत्तगधरपरिकहणे ठिया चंदणसेट्ठि-वडु-कुडोरणे ।
करेइ तस्स घरे वुत्तापत्तियं । संजायपरिचियाए परिचितियमणाए-“समप्पेमि रयणाणि सेट्ठिस्स । समप्पण्ण-
पओथणा मग्गिस्सामि ।” तहेव कयं तोए । पच्चभिण्णायाणि तेण । भणिया विजया-‘कहं ते एयाणि
पत्तणि ? कस्स वि सुमरियं कयंतेण ? मह रयणावहंरं कुणंतस्स, समप्पेसु अप्पणा वा निग्गमं करेसु । साहिओ
जहट्ठिओ रयणलाह-वइयरो विजयाए । तह वि न पत्तिथाइओ चंदणो । रयणाणि गहिऊम निट्ठुं
विम्वच्छिऊण निद्धाडिया निधधराओ । असंताभिओमुब्भव-विसाध-विस-विहुरियंणः मरणमेव सरणं मण्णमाणी
निग्गधा नधराओ । दिट्ठा निय-पओथण-पत्थिएण मणपज्जव-नाणावगय-सयल-जण-मणाभिप्पाएण गुणसार-साहुणा,
भणिया य-“भदे ! ‘अलियंभक्खाणनाण-दूमियं न सक्कुणोमि मुहत्तगं पि अत्ताणयं धारेउं । अलं मे विडंबणापाएणं
जीविणं । मरामि उब्बधिऊण जेण दुक्खावममो हवइ’ति मण्णमाणी मरणमत्थं चलिथासि । असंयमेयं । न एस
दुक्खाण विमोयणोवाओ, ओ तए परिकप्पिओ नओ अप्पवहो वि पडिकुट्ठो चेव । धम्मपयविद्याणएहिं भणियं च-
भाविजणवयणण ममत्तरहिियाण नत्थि हु विसेसो । अप्पाणम्मि परम्मि य वज्जियव्वो]-
पीडमुभवो वि ॥४८७॥

अं वासंताभिओगदूमियं अत्ताणयं मन्नसि एयस्स विसए जिणवधणागुट्टाणं चेव ओसहं न उण अविट्ठिमरुणं ।
जइ अत्थि ते सयलदुह-दलणेच्छा तो संपाडेहि असंपाडिअ-संमाडिय-पुव्वं सयलसत्त-निककारण-बंधवाणं, जाइ-जरा-रोग-
सोग-संताववज्जिधानं संसार-साभरमुत्तिण्णाणं सब्बण्ण साक्षणं ।”

एत्थंतरे अहो भगवओ नाणाइ[स]ओ त्ति मण्णमाणीए आणंदजल-भरियलोयणाए पणामपुरस्सरं विण्णत्तो
विजयाए मुणिवरो-“भयवं ! अत्थि कोइ उवाओ जेण मे दुक्ख-विमोवओ हवति ?” साहुणा भणियं-‘अत्थि’ ।

तीए भणियं—“किरिसो ?” मुणिणा भणियं—“जिणधम्म-पडिवत्तीए पुब्बकय-दुक्कड-निदणं, पडुपण्ण-संवरणं, अणागय-पच्चक्खाणं, जिणिद-वयण-सवण-सलिलेण पावमल-मलिणचित्त-रयण-सोहणेण सब्बसावज्जारंभ-परिच्चाएण चारित्त-पडिवज्जणं, सयल-सत्तेसु मेत्ती-भावो, गुण-गरुधजणदंसणे पमोय-करणं, दुक्खत्त-सत्तेसु कारुण-बुद्धी, निग्गुण-सज्जण-उवेहा यं सयल-दुह-दावाणल-विज्जवणाम[य]वुद्धि-सरिसं [गीयत्थ-गुरुवयणासेवणं, गुरुजण-वयणासत्ताहिं जंतुणो अप्पमाणयाइसएण पवड्डमाणसंवेणा विसं व विसयासेवणं मण्णमाणा, निव्विण्णा संसार-चारण-वासओ पइदिधह-मुल्लसंत-सुहपरिणामा ख्विऊण चिरसंचियासुहकम्माइं, निमित्ताभावाओ निरभिऊण नवासुहकम्मबंधं, सुक्कज्जाणानल-निदड्ड-घण-घाइकम्मिधणा, उप्पाडिऊण लोयालोथ-पयासणं केवलनाणं, जरा-मरण-रोग-सोग-वज्जियं परमपयं पि पाउणं ति । चरण-करणासमत्था देसविरइं पालिति । तत्थ वि असमत्था पडिवण-विसुद्ध-सम्मत्ता पुप्फाइ-जल-भरिय-भायण-पेरंताए अट्टविह पूयाए जिण-पडिमाए पूइंति ।” विजयाए भणियं—“भयवं ! किं जल-भरियभायणेहिं वि पूया हवइ ?” साहुणा भणियं—“आमं ।” तथाह—

जल जणिय-सयलपूओ आवज्जियगरुयपुण्णपब्भारो । चंदो व्व सीयलो सो सुहभाई जायई जीवो ॥४८६॥

भणियं विजयाए—“भयवं ! जहा-सत्तीए तुज्जोवएसं संपाडिस्सामि ।” वंदिऊण साहुं मुक्कमरणज्जवसाणा पुणो वि नयरं पविट्ठा विजया ।

अण्णया जिण-भवण-पविट्ठाए दिट्ठं अचिरनिव्वत्तियमज्जणं रुवाइसयाणंदियं सज्जणं जिणविदं । समुप्पण्ण-पूया-परिणामाए विजयाए सच्छसीयल-सलिल-पडिपुण्णाणि चंदण-चच्चाइणा सुणेवत्थाणि काऊण ढोइयाणि जिणपूरओ पच्चग्गकुंभयाणि । संजाय-सुह-परिणामाए पुणो अत्ताणयमणुमोयमाणीए मज्झिम-गुणजोगओ बद्धं मणुयाऊयं । अहाउक्ख-एण मरिऊण सलिल-पूया पभावेण समुप्पण्णा बलाहियत्ताए सो य पुण तुमं ।” एयं सोऊण संजाय-जाई-सरणो, विलीण-संसार-वासणो, दाऊण भाइणेज्जस्स निय-पयं, राइणा अणुण्णाओ, संपूइय-सुहिसयणवग्गो, सम्माणिय-सयल-संधो, दीणा-णाहदिण्णदाणो, समं सुमंतपुत्तेण महाविभूईए कुरुचंदगुरुसमीवे निक्खंतो अमरगुत्त-बलाहिओ । परिपालियाकलंकसामण्णो समाहिमरणेण मरिऊण सब्बट्टसिद्धे समुप्पण्णो । तओ चुओ परमपयं पाउणिस्सइ । एवं पायवंदणपुरस्सरं भणिओ पियं-करायरिएण समुददत्तो—

एसा जिणाण पूया अट्टविहा दंसिया समासेणं । सोदाहरणा संपइ सामण्णेणं निसामेहि ॥४८९॥
 सन्वा वि हु जिणपूया विसुद्ध-सद्धाए चेव किज्जंती । तं नत्थि जं न साहइ कल्लाणं भव्वसत्ताणं ॥४९०॥
 जिणपूया परिणामो हंदि ! महाविसावग्गमो मुणेयव्वो । दुग्गयनारीपमुहा टिट्ठंता एत्थ दट्टव्वा ॥४९१॥
 नियभयदंडोवज्जियं घणेण घण्णो करेइ जिणपूयं । पुण्णाणबंधिपुण्णेहिं जस्स जम्मो जए त्तं ॥४९२॥
 विविहाहरणविलेवणमहग्घदुल्लंभवत्थुसत्थेहिं । परमगुरुपूयणेणं पवड्डए सुद्धपरिणामो ॥४९३॥
 कप्पूरागरु-सिरिखंड-धुसिण-मिगनाहि-परिमलग्घवियं । भत्तीए भुवण-गुरणो पूयं पूयारिहो कुणइ ॥४९४॥
 सिगार-कारणाइं विलेवणाहरण-कुसुम-वत्थाणि । संवेणं चिय जणयंति वीयरायंग-लग्गाइं ॥४९५॥
 पूयाए पूयणिज्जाण भुवण-बंधूण वीयरयाण । घण्णाण घणं विणिओग्गमेइ सुकयत्थजम्माण ॥४९६॥
 जिणपूयालोयसमुल्लसंतसंतोस-सलिल-विद्विओ । भव्वाण चिर विलग्गो वि ज्जत्ति पज्जरइ कम्ममलो ॥
 पूया भाव-विसुद्धी भाव-विसुद्धीए सुकयसंपत्ती । सुकएण होइ सुगई सुगईए परंपरा मोक्खो ॥४९८॥
 जिण-पूयं कुणमाणो भव्वो भावेण हरिस-पडहत्थो । भोत्तुं नरसोक्खं कमेण सिद्धिं पि पावेइ ॥४९९॥
 ता कुणह सयलकल्लाणकारणं आयरेण जिण-पूयं । पूयाए जओ सुव्वंति विविहफल-भाइणो समए ॥५००॥

एवं सोऊण पडिवण्ण-निरइथार-सम्मत्त-परिपालणाभिग्गहो, सम्मं जिणपूया संपायण-समुल्लसंत-विसुद्ध-परिणामो, वंदिऊण पियंकरायरिय-पाय-पंकयं समं तारावलीए पविट्ठो नयरं समुद्दत्तो । विहरिया अण्णत्थ सूरिणो । जहावसरं तिवग्गसंपायणरथस्स-विसुद्ध-सम्मत्त-परिपालणानिरयस्स ससहरस्स व समानंविद्य-बंधुयण-कुमुध-संडस्स सरथकाले पत्तो समुद्दत्तस्स ।

अण्णया दिण्ण-सिहिउलसंतोसो, दिसि-दिसि-दूसह-दुरिय-ददुराराव-भरिद्य-मेइणीमंडलो, नीडारंभ-समाउल-दीसंतवायससमूहो, समागओ पाउसो । समारूढो पणथ-कुविद्य-पियंभमापसाधणत्थ पासा[थस्स]उवरित्तं समुद्दत्तो । निरुविद्यं समंतओ सिहिगल-गवल-तमाल-दल-सामलं नहयलं । तओ सविम्हयं भणिया तारावली-“पिए ! पेच्छसु घण-घणावल मज्जेण जंतिया तिहुयण-विजयसमुद्धर-मथरद्धय-हारा य कित्ति व्व साहइ एसा बलाहयंतिथा ।

तहा उण्णयपओहरियकंबुया इंदगोव-घट्टिल्ला । सेलनियंबा सुंदरि ! सोहइ वसुहा नव वहु व्व ॥५०१॥
पेच्छसु मयच्छि ! पुरपरिसरेसु पसरंतगयवर-कुलाइं । खर-पवण-पहयनिवडियमेहाण व खंड-खंडाइं ॥
गज्जियरवेण माश्य-डंडप्पहएण पाउस-कुडुंबी । कसिणब्भ-माहिसेणं नह-कप्पं गाहइ पहट्टो ॥५०३॥
दो पक्ख-पाडणीओ लंघियमेराउ कलुस-हिययाओ । दुस्सीलमहेला इव संपइ वड्ढंति सरियाओ ॥५०४॥
कालो उत्तासणओ उल्लालितो पुणो पुणो चेव । निसियग्गकत्तियं पिव विज्जु उत्तरदिसाहितो ॥५०५॥
कवलितकामो तुरियं तज्जंतो गहिरगज्जियरवेण । पइविरहियाण सत्थं [सुंदरि ! घणरक्खसो एइ ॥
धाराकयंबपरिमिलंतअलियवलयभिज्जमाणगुणो । कुडवकुसुमेहिं पहसइ सेस-रिउ पाउसो सुयणु ॥
घणं-घण-छण्णं दट्ठूण नहयलं सुणिय सिहिकुलारावं । मणयं न सुयंति जियं पउत्थवइयाओ तरुणीओ ॥
एक्कुए वालिय नहयलु वड्ढु अण्णइ जलहर रसइ अस मुद्लु । सिहि संतुट्टउ गायइ नच्चइ केम्ब न विरहिणि
जीविउ वच्चइ ॥५०९॥

सयलजणजणियहरिससविसेस विइण्णविसमसर-पसरे । जो रुट्ठो सो मुट्ठो पिएसु खलु पाउसे काले ॥५१०॥
एवंविह वयणेहिं सविसेसपसण्णपिययमाए समं । उवभुजियविसयसुहं परिपालिय आउयं तत्तो ॥५११॥
सम्मत्तपहावेणं पंचणमुक्कारमणुसरेमाणो । मरिऊण मज्झिमाऊ ईसाणे[सु] सुरवरो जाओ ॥५१२॥
जम्मंतरगह्यसिणेहनिब्भरा विलविऊण खणमेगं । तेणेव समं तारावली वि जलणे पविट्ठ ति ॥५१३॥
तत्थेव सा वि जाया उक्कोसाऊ महडिड्या देवी । नियकंतिकलावेणं भासयंती दस दिसाओ ॥५१४॥
पंचविहविसयसोक्खं उवभुजंताण ताण दियलोए । वच्चइ सुहेण कालो परोध्वरं नेहजुत्ताणं ॥५१५॥
सिरिवद्धमाणसूरिहिं विरइयाए मणोरमा कहाए । दंसणलाभावसरो भणिओ य समुद्दत्तस्स ॥५१६॥



समुद्दत्तस भवंतरे भूरिवसु-रयणप्पहाभववण्णं ।

भणियं जं भणियव्वं तारावलि तह समुद्दत्तो य । भूरिवसु-रयणप्पहा संपइ एयं निसामेह ॥१॥

अत्थि इहेव जंबुद्दीवे भरहखेस-विकखंश-विब्भमकारि, चंदनिम्मल-मनोहर-रथधमयब्भलिह-सिहर-संचय-संरुद्ध-मयणमंडलो, पुवावरेण लवण-सागरमोगाढो, वेयड्ढो नाम पव्वओ । तस्सोकरि दुष्णि विज्जाहरसेढीओ उत्तरी दाहिणा य । तत्थुत्तरसेढीए अत्थि समत्थसुरसत्थ-विज्जाहर-माणसानंदकारणं, निवासो सयलसमिद्धि-समुद्दयस्स, वावि-सरोवरु-ज्जाणाराम-काणण-दीहिदासयकलियं, सुविभत्त-तिय-चउक्क-चच्चरोवसोहियं, तिय[स]रुव-विणिज्जिधाणंग-सुविज्जविज्जाहर पूरियं, नहसुंदरं नाम नयरं ।

अस्स य पेरंतेसु पइव्वया जणमणो विय पर-पुरिसालंघणिज्जो पायारो, गिरिकंदर व्व सीहवरालय-समद्दासि-याइं दुवार-तोरणाइं जंबुद्दीवं व लवणसमुद्देला वारिपूर-पूरिया समंतओ पायारं परिवेदिया ठिया परिहा । सरयब्भ-विब्भमा अब्भलिहा पासाया ।

गुरुविणयकरणकलियो गुणाणुरागी कयण्णुओ सरलो । परहिय-रओ सुसीलो जम्मि जणो गुणनिही वसइ ।२।

तत्थ य अखंड-पयाव-परितावियासेस सामंतमंडलो आखंडलो नाम विज्जाहरराया । तस्स य वीणमनाह-किविण-जण-वच्छलो बंधुयण-कुमुयसंड-ससहरो तियबुद्धि-विहव-विणिज्जिय-विहप्फई तिवग्ग-संपाधणरओ वसुसारो नाम मंती । समाणकुलसीलसालिणी परमरुक्क-समद्दासिया कणयसिरी नाम भारिया । ताण व परोप्परं अदिट्ट-विओगं पणट्टमोगं सिणे-हसारं विसयसुहमणुहवंताण वच्चइ कालो ।

अण्णया अवच्चं चिताउला विमणदुम्मणा दिट्ठा वसुसारमंतिणा कणयसिरी । पुच्छिया य—“पिए ! किमेवमुच्चिग्गा विय लक्खीयसि ?” तीए भणियं—“अज्जउत्त ! असजायपुत्तभंडा बहुजणसमाउलं पि सुण्णमिव जयं मण्णामि ।” मंतिणा भणियं—“पिए ! परिच्चयसु विसायं । कुणसु धम्मभयरं । देव-गुरु-पाय-पूया-रयाण सुय-सामग्गी वि न दुल्लहा ।” ‘जमज्ज-उत्तो समाइसइ’ति भणिकण गथा सट्ठाणं ।

तओ चैव दिवसाओ आरब्भ जाया धम्मपरायणा । अण्णया सो समुद्दत्त-जीवो चइऊण तओ देवलोगाओ समुप्पण्णो कणयसिरीए कुच्छिसि पुत्तत्ताए । दिट्ठो य तीए चैव रयणीए सिमिणयम्मि केलास-सिहरसण्णिहो, सत्तंग-पइट्ठिओ, लीलावस-मंधरगई, अणवरय-नांडत्थल-शरंत-मय-वारिसित्त-धरणीयलो, पढमपाउसो व्व गहिरं गुलुगुलितो, सिध-चारु-चामर-भूसियाणणो, अंकुसकंतकुभत्थलो, धुम्मंतचारुलोयणो, सव्वंग-सुदराभिराओ, मत्तगयवरो वयणेण उदरं पविसमाणो । पासिऊण तं सुहविउद्धाए साह्यो मंतिणो । तेण वि समासासिया पहाणपुत्तजम्भेणं ।

तओ सा भत्तार-वयणमभिणंदिऊण पइट्टुमूह-पंकया जाया । विसेसेण धम्म-कम्म-निरयाए सुहं सुहेण गब्भं वह-माणिए पत्तो पसूइ समओ । पसूयाए सा जाओ पुत्तो । कारावियं महया विच्छेण वद्धावणयं । मासावसाणे पइट्ठावियं दारयस्स नामं भूरिवसु । कमेण पवड्ढमाणो जाओ अट्टवारिसिओ । समप्पिओ लेहायरियस्स । कयं कलागहणं ।

एत्थंतरे सा वि तारावली-जीवो तओ देवलोगाओ चविऊण समुप्पण्णा तम्मि चैव नयरे पुण्णसारखेयस्स कणगमालाभिहाणाए खेदरीए कुच्छिसि धूयत्ताए । उच्चियसमए जाया । पइट्ठावियं नामं रयणप्पहा । तओ कमेण पत्ता जण-मणहरण-हेऊ भूयं जोव्वणं । दिट्ठा उज्जाणराएण सहिअण-सहिधा उज्जाणसिंरिं समालोययंती भूरिवसुणा । सो तीए । परोप्परं संजाय-सिणेहाणुबंधाइं पुणरुत्तं नियंताणि खणमेगं अच्छिऊण पत्ताणि ठाणं । अण्णोण्णाणुरत्ताण वच्चंति दिणाणि ।

अण्णम्मि दिणे दिट्ठा दाहिणसेढिसमागएण कामंकुराभिहाणविज्जाहरकुमारेण कणयकंदुएण कुट्टिमतलंसि कीलमाणी रयणप्पहा । संजायाणुराएण चितियमणेण-अहलो मे जम्मो जइ इमीए सह विसयसुहं नाणुभवामि । तओ

दंसिओ तेण अप्पा । साहिओ नियकुलककओ । पयडिओ अणुराओ । वयणमेत्तेण वि अकयपडिवत्ती पओससमावण्णो रयणप्पहाए । गओ सट्टाणं विज्जाहरो । छिद्दभेसणपरो कालं गमेइ ।

इओ व वसुसारमंतिणा विण्णाय नियपुत्ताभिप्पाएण मग्गिया रयणप्पहा । दिण्णा पुण्णसार-खेयरेण । कयं उभय-वग्गस्सो[वयारं]मणोरहमालासएहि पत्तो परिणयणवासरो । एत्थंतरे कामकुरविज्जाहरेण अंतरं लहिकण अवहरिया रयणप्पहा । इओ तओ गवेसयंतेण जाहे न दिट्ठा पिऊणा ताहे साहियं मंतिणो । तेण वि गवेसाविधा सव्वत्थ । न नाथा पउत्ती वि । तओ उब्बेयमावण्णा दो वि पक्खा । बोलीणो वासरो । समागया रयणी । भूरिवसु वि कलत्तहरण-संजाय-वेमणस्सो, विच्छाय-वयण-कम्मो, पियवमाविओग-जलण-जालावलीकरालिय-सरीरो, कोमल-पल्लके वि तलो-विळ्ळि कुणतो, खणमेत्तं पि अलद्धनिट्ठो, परियंहु-वयणो, रयणिजागरणायंन-लौयणो, दीहुण्हाणि नीससंतो, कह कह वि विममिऊण रयणी सविसाओ निग्गओ नियमंदिराओ । दिट्ठो वसंताभिहाणेण वयंसएण । लमो सो वि तयणु-मग्गेण । मिलिओ थेवंतरययस्स, पुच्छिओ तेण भूरिवसु—“वयंस ! कहि तुमं एगग्गी पत्थिओ ?” अदिण्णपडिवयणो चेव चलिओ दक्खिणाभिमुहं । कइवयदिणेहि पत्तो समुद्दोवकंठं । निसण्णो कयंब-छायाए । वसंतेण वि समाहरियाणि कयलफलाईणि । भुत्ताणि दोण्हि वि । सम्माणियं अल्लय-पूइफलेहि तंदोलं । सुत्तां तत्थेव । दीहुद्धाण-परिविखण्ण-सरीर-त्तणओ समागया निहा ।

एत्थंतरे इओ तओ परिवभमंतो समागओ तं पएसं कामकुरविज्जाहरो । दिट्ठो तेण वसुभूरि, णाओ य । चित्थियमणेण—“जावेस [जीव]इ, न ता ममं इच्छइ । अओ एयं निरुद्ध-नामं करेमि'त्ति संपहारिऊण उक्खित्तो भूरिवसु विज्जाहरेण । नीओ समुद्दमज्ज-संठिय-सुवज्जपव्वए । बंधिऊण कर-चरणेसु, आरोविऊण मुगज्ज-सिहरि-सिहरे मुक्को भूरिवसु । कयत्थमत्ताणं मण्णसाणो गओ सट्टाणं कामकुरविज्जाहरो । ईसि हसिऊण जंपियं तेण रयणप्पहाए पुरओ—“दिणावसाणे दिणयरो व्व अत्थमिओ ते पिययमो ।” रयणप्पहाए भणियं—“कहं ?” साहिओ तेण जहट्ठिओ वइयरो । भणियाय य ‘इच्छुसु ममं सपयं’ ति चित्थियमणाए—

पियविरहो अप्पिय-दंसणं च गरुयाइं दो वि दुक्खाइं । ता कि करेमि संपइ एसो एवं पयंपेइ ॥३॥

मरणे काऊण मणं रोसारुणनयण-वयण-कमलाए । कयंतोठउडाए पयंपियं तीए मुद्धाए ॥४॥

रे पावकम्म ! निग्घण ! मज्जाय-विहीण ! हीण ! गय-जज्ज ! दुट्ठायार ! नराहम ! मह कज्जं न हु तए किपि ॥५॥

एवंविहकडुयवयणेहि निभच्छिओ समाणो ददयरं पउट्ठो कामकुरो । चित्थियमणेण—“एसा वि पावा गच्छउ जममंदिरं !” बद्धा मोत्तोलीए । नीया सायरवेला संठियं सत्तसिहरिपव्वयं । उद्धं वेहायसं गंतुण ‘सयसिक्करा एसा गच्छउ’ ति चित्थिऊण मुक्का पव्वयसिहरोवरि रयणप्पहा । गओ सट्टाणं विज्जाहरो । सा वि नहलाओ निवडंती चेव गहिया विज्जुवेगविज्जाहरेण आणीया सत्तसिहरिपव्वयं । मुक्का पुण्णागतच्छायाए । पुच्छिओ विज्जुवेगो रयण-प्पहाए—“आउय ! को एस पव्वओ ? को वा तुमं निक्कारण-बंधवो ? कि वा हं तए मरणाओ विमोइया ? कहसु !” तेण भणियं—“भइणि ! सत्तसिहरी नामपव्वओ । विज्जुवेगाभिहाणो अहं विज्जाहरो । एत्थेव पव्वए पण्णत्ति-विज्जं साहेतेण विज्जुविलासविज्जाहरेण सउसु वि दिसासु चउ-जोयणमित्तं मारिनिवारणं नियविज्जाहरा संदिट्ठा । दिट्ठा य मए तुमं नहलाओ निवडमाणो । अंतरा चेव अल्लिऊण इहाणीया । सपयं तुमं साहेसु का तुमं ? कि-निमित्तं वा एय-मवत्थंतरं पाविद्या ?” वाहाविल-नोयणाए साहिओ तीए तस्स पुरओ जहट्ठिओ सव्वो वि नियवइयरो । तेण भणियं—“न तए खिज्जियव्वं । अहं ते सहोयरो । जं भणसि तं करिस्सामि ।” तीए भणियं—“जइ एवं तो तहां करेसु जहा बयविसैसं कि पि काऊण परलोग-साहिगा भवामि । अलं मे सुमिणय-संगम-विभमेण संसारिय-सुहेण ?” तेण भणिओ—“उचियमेयं संसार-समावण्णगाण परम-चिवेय-जुत्ताणं पाणिणं । परं विसमा कम्मपरिणइ । दुह-भंजणिज्जाणि पियजण-क्षिणेह-नियलाणि । निय-नियविसयंलासतिभि दुद्दमाणि इदियाणि । अणाइभववभासओ निरुभमाणं पि पयडुइ विसएसु

माणसं । भुयाहिं समुद्-तरणं व अप्पसत्ताण विसमं सुमुणि-चरियं अंगीकय-वय-परिपालणं च । इहलोए वयणिज्जनिबंधणं, परलोए दुग्गइसंबंधणं च । ता तुलिऊण अत्ताणयं, वियारिऊण धम्म-विसेसं, नाऊण परमतत्तं, जुत्तो एस ते संसार-परिच्चाओ । न उण एवमेव । तीए भणियं—“जइ एवं तो पाणच्चायं केण वि पयारेण विहेमि ।” तेण भणियं—“एयं पि न जुत्ति-संगयं, जओ जीवंताण पिय-समागमो संभाविज्जइ मयाण पुण भिण्णगइ-गामित्तेण विओगो चेव ।”

एत्थंतरे फुरियं रयणप्पहाए वाम-लोयणेणं । चलियाओ भुयाओ, पसणं माणसं पकंपिओ अहरो । भणिओ तीए विज्जुवेगो—“फुरइ मे वाम-लोयणं, आणंद-भरभरियं व रोमच्चिज्जइ सव्वंगं इच्चाइ सव्वं पि सुहसूयगं पिव लक्खीयइ ।” एवं भणिऊण जावज्ज वि न विरमइ रयणप्पहा, तावागओ भूरिवसुं गहाय गीय्हुई नाम विज्जाहरो । पुच्छिओ विज्जुवेगेण—“वयंस ! कहिं ते एस पुरिसो पाविओ ?” तेण भणियं—“सुवज्ज-पव्वथाओ पडंतो ।” विज्जुवेगेण भणियं—“को एसो ? किमभिहाणो वा ?” तेण भणियं—“न मे पुच्छिओ ।” संपयं पुच्छिओ विज्जुवेगेण । भूरिवसुणा वि साहिओ निथ जाइ-कुलाभिहाण-पुरस्सरो समुद्देलोवकंठयं व तत्तलसुयणपज्जवसाणो अत्तणो वड्यरो । सुहपसुत्तो चेव केण वि कयंतपुरिसेण व कर-चरणेसुं दढं संजमिय पव्वय-सिहराओ मुक्को । उवलाओ भूमिभाए कथ वि उच्छुडंतो कथ वि[स]म-निवायं पडंतो पणट्टुजीविद्यासो संचुणिय-सव्वंगोवंगो रुहरोमालिय-सरीरो पत्तो इमिणा तुह वयंसएण । पउणीकाऊण आणीओ तुह समीवे । एयं सुणिऊण समुप्पणनिच्छयाए चितियं रयणप्पहाए—“हिथ ! समस्ससिहि, समस्ससिहि, संपयं सो चेव एसो मह मण-मयर-समुल्लास-कारणं नियकुल-नहयलचंदमा सुगहियनामधेयो भूरिवसू । साणु-कूलेण विहिणा कत्तो वि आणीय संजोइओ ।

तओ वियसियवयण-कमलं अणिमिसदिट्ठीए भूरिवसुं पलोयमाणीं दट्ठूण रयणप्पहं पुच्छिया विज्जुवेगेण—“भइणि ! कि दिट्ठु-पुव्वो एस ते ?” रयणप्पहाए भणियं—“सो चेव एस मह संकप्प-पिययमो ।” विज्जुवेगेण भणियं—धण्णा तुमं जीए अचित्तं पिययणेण सह समागमो जाओ । जइ पुण मया हुंतां तो कहिमिणा सह संगमो ?

जओ—

जीवंताण नराणं कालेण कयाइ होइ संपत्ती । इट्ठजणेणं सुंदरि ! मयाण पुण संगमो दुलहो ॥७॥
अणुकूलविहिवसेणं धरमाणो जीवियं निओगेणं । इट्ठफलेणं जुज्जइ मयाण भिण्णा गई पायं ॥८॥

पियजण-समागमेणं पत्तं तए जं पाविषव्वं भणसु जमण्णं पि ते पियं करेमि ।” रयणप्पहाए भणियं—“कारेसु एत्थेव इमिणा सह संखेवेण पाणिग्गहणं ।” तहेव कयं विज्जुवेगेण । वित्तो विवाहो । ठियाणि परोप्परं गुणदोस-संकहाए कि पि कालं ।

एत्थंतरे दिट्ठं जलहिमज्जे महावीरिंहि दुब्भमाणं, कुविय-वाणमंतर-णिवाइय-सव्व-जणं, जायरूव-भरियं, सुवण्ण-दीवाओ पडिनियत्तं जाणवत्तं । वेगेण उट्टिऊण सच्चवियं विज्जुवेगेण । हरिसिय-माणसेण आणिऊण समप्पियं रयणप्प-भाए, भणिया एसा—“भाउय-दक्खिणा पडिवज्जउ भइणी !” तीए भणियं—“जं तुमं भणसि ।” तओ विउच्चियं तेण वरविमाणं । भरियं सुवण्णस्स । समारोविया तत्थ समं भूरिवसुणा रयणप्पहा । अहिट्ठियं अप्पणा । खणंतरेण पत्तं वसु-सारं [मं] तिमादिरं विमाणं । भरिऊण भंडारं सुवण्णस्स रयणिमज्जे चेव कयसम्माणो भूरिवसु-रयणप्पहाहि गओ सट्ठाणं विज्जाहरो । पभाए नवकंकण-कलिय-करं दट्ठूण वर-वहू-वरं विन्धिओ सपरियणे वसुसारमंती । सट्ठाविओ पुण्णसारो । मंतिणा तस्स समकव्वं पुच्छियाणि ताणि । साहिओ तेण पाणिग्गहण-पज्जवसाणो नियवड्यरो । पमुद्दयमाणसेहिं काराविओ दोहिं वि नियमंदिरेसु बद्धावणय-महूसवो । सुवण्णभरिय-भंडारदंसण-विन्धि-माणसेण विण्णसो मंती भंडारिएणं—“न नज्जइ केणा वि रयणिमज्जे चेव भरिओ भंडारो सुवण्णस्स ।” मंतिणा वि पुच्छिओ भूरिवसू—“वच्छ ! को एस वड्यरो ?” तेण वि साहिओ जहट्टिओ । सविसेसमाणंदभर-निब्भर-माणसेण गाढं समालिगिओ भूरिवसू मंतिणा । दंसिओ राइणो । तस्सम्मएण निवेसिओ विथपए भूरिवसू । मंती वि गओ अप्पणा वणवासं । भूरिवसू वि नरवइ-सथल-सामंत-नागर-जण-

जणिय-संतोसो रयणप्यहाए सद्धि विसय-सुह-मणुहवंतो अणुख-तणयमुह-कमलावलयण-समुप्पण-संतोससुहमणुहवंतो कालं गमेइ ।

अण्णया थ पासायतलगण भूरिवसुमतिणा दिट्ठो नयराओ निग्गच्छंतो बहुजण-संघट्ठो । पुच्छिओ समासण्ण-पुरिसो ।—“कहिं एस लोग-पूरो वयइ ?” तेण विण्णाथ परमत्थेण भणियं—“नयर-समासण्णे नट्ट-सोए उज्जाणे ससि-सोम-दंसणो अण्णाण-तिमिर-भर-भाणूसारथ-सलिलं व सुद्धहिथथओ निरुद्धार-नाण-दंसण-चरण-परिपालण-परायणो नव बंभचेर-गुत्तिगुत बंभवय-महाभर-समुध्वहण-समुद्धर-कंधरो सुविसुद्ध-भावणा-भाविध-माणसो, संखो व्व निरंजसो, निम्ममो पुत्त-कलत्त-मित्त-धण-सयण-देस-कुलाईसु, उभय-भवाऽपडिबद्धो, चोहस-पुब्बी, चउण्णाणोवगओ, बहुविहाइसय-संपण्णो, संसार-भय-भीथ-सरणापथ-भव्वजण-वज्जवंजरो, निदंसणधम्म-निरयाणं, चितामणो, नय विणयधम्मस्स नय-विग्गह-संगहो वि य भयवं धम्मो, निरुवम-सरीर सोहाहरियरद्धओ, अट्टमय-ट्टाणविवज्जिओ, सुविसुद्ध-मूलुत्तर-गुणरयणा-लंकिथ सरीरो, सोमो व्व सीस-तारय-नियर पविचरिओ, पवड्ढमाण-सुहज्जाणानल-निहड्ढ-पायकम्मिधणो, वंगाहिव नंदणो पडिवण्ण-समणभावो, अहाफासुथ-पएसे अण्णुणविय उग्गहं, समोसरिओ सिरिणंदणो नाम सूरी । तस्स वंदणा-निमित्तं एस लोगो निग्गच्छइ ।” एयं सोऊण संजाय-सद्धो समं रयणप्यहाए सूरिवंदणत्थं निग्गओ भूरिवसु । पत्तो उज्जाणं । हरिस-वहल-रोमंचकंचुएण तिपयाहिणा-पुरस्सरं वंदिओ भयवं । लद्धासीवाओ निसण्णो उचियासणे । पारद्धा भगवथा संसार-दुक्ख-विमोक्खणक्खमा धम्मदेसणा । परुविओ पढमं साहुधम्मो । भूरिवसुणा भणियं—“भयवं ! साहुधम्म-परिपालणाऽसमत्थेण कि कायवं ?” सूरिणा भणियं—“देसविरई परिपालणीया । गिहत्थ-धम्मसारभूया-एसा । भूरिवसुणा भणियं—“भयवं ! कइविहा ? कि सरूवा ? कि फलं वा एसा वण्णिज्जइ ?” सूरिणा भणियं—“सोम ! सुणं”,

पंच य अपुव्वयाइं गुणव्वयाइं च हुंति तिण्णेव । सिक्खावयाइं चउरो सावय-धम्मो दुवालसहा ॥९॥
 थूलग-पाणवहस्साविरईं दुविहो य सो वहो होइ । अवराह-वज्जियाणं जियाण तह सावराहाण ॥१०॥
 मोत्तूण सावराहे निरावराहाण जो वहो होइ । संकप्पारंभेहिं दुविहो भणिओ जिणवरेहिं ॥११॥
 बेइदियमाईणं निरावराहाण सयलजीवाणं । हड्डाड-कए वहणं संकप्पेण विवज्जेज्जा ॥१२॥
 गुरुमूले गहिऊणं थूलगपाणवहविरमणं सड्ढो । पइदियहमणुसरंतो वज्जेइ इमे य अइयारे ॥१३॥
 बंध-वह-छविच्छेयं अइभारं भत्तपाण-वोच्छेयं । कोहाइदूसियमणो गोमणुयाईण न वहेज्जा ॥१४॥
 जलदार य धण्णाणं जयणाए करेज्ज संगहं सड्ढो । गहियाण वि परिभोगो विहीए तस्स रक्खणट्टाए ॥१५॥
 थूलमुसावायस्स य विरईं बीयं अणुव्वयं भणियं । कण्णालियाइभेया तं पंचविहं भुणोयवं ॥१६॥
 जं जार-चोर-डाइणि निहाणलाभाइ गोयरं अलियं । अइतिव्व-रागदोसेहिं तं पि वज्जेज्ज धम्मथी ॥१७॥
 पडिवण्णवयेणवं अणुसरमाणेण पइदिणं चेव । पंचाइयारा [एए] परिहरियव्वा पयत्तेण ॥१८॥
 अब्भक्खाणं सहसा रहसं च सदारमंतभेयं च । मोसोवएसकरणं कूडलेहं च वज्जेज्जा ॥१९॥
 बुद्धीए पेहिऊणं पुवं भासेज्ज उभयभवसुहयं । अप्पवराणं दोणहं वि न सव्वहा पीडजणं जं ॥२०॥
 थूलात्तादाणे विरईं तच्चं अणुव्वयं नेयं । सच्चिवत्तेयरमिस्सं गोरयणविभूसियनरं वा ॥२१॥
 जं गिण्हंतो सड्ढो चोरं कारं लभेज्ज लोयम्मि । तं परिहरेज्ज पयओ जाओ गुणइट्ठो स अण्णेहिं ॥२२॥
 पडिवज्जिऊण मडमं जाजीवं इत्तरं च वयमेयं । अणुसरमाणो निच्चं वज्जेज्ज इमे य अइयारे ॥२३॥
 तेणाहडप्पओगं तक्करजोगं विरुद्धरज्जं च । कूडतु-कूडमाणं तप्पडिखवं [च] ववहारं ॥२४॥
 परदारपरिच्चाओ सदारसंतोसवयं चउत्थं च । परदारं पुण दुविहं ओरालविउच्चियं तह य ॥२५॥
 वयभंग-भीरणं वयविसयं पइदिणं सरंतेण । अइयारा सड्ढेणं परिहरियव्वा इमे पंच ॥२६॥

इत्तरियगहियगमणं अगहियगमणं चणंगकीडं च । वज्जेज्ज परविवहं कामे तिव्वाभिलासं च ॥२७॥
 सयलाणत्थपरंपरमूलमिणं वड्ढकारणं परमं । भवविडविबीयभूयं निबंधणं रागदोसाणं ॥२८॥
 वज्जेज्जा मोहकरं परजुवइ दंसणाइ सवियारं । एए उ मयणबाणा चरित्तपाणा विणासंति ॥२९॥
 सच्चित्तचित्तःणं तुरय-सुवण्णाईयाण वत्थुण । परिमाणकरणमेयं पंचमगमणुव्वयं भणियं ॥३०॥
 तं पुण पंचनयारं खेत्ताईयं हिरण्णमाईयं । घण्णाई दुपंयाई विण्णेयं कुवियविसयं च ॥३१॥
 गूरुमूले उन्नत्तो गहियण तमित्तरं च इयरं वा । पालेज्ज विसुद्धमणो अणुसरमाणो य पइदियहं ॥३२॥
 वयपडिवण्णेण इमे अईयारे जाणिऊण गुरुपुरओ । दयभंगमीरुएणं परिहरियव्वा पयत्तेण ॥३३॥
 खेत्ताइहिरण्णाई घणाई दुयाइ कुवियपरिमाणे । सद्धासंसुद्धमणो न पमाणाइक्कमं कुज्जा ॥३४॥
 संतोसामयत्तित्तो चिट्ठेज्जा मया वि थोवमिह मुक्कं । विमणी चित्तेज्ज मणे न य गिण्हिस्सं पुणो एवं ॥३५॥
 पंच वि अणुव्वयाइ संखेवेणं सहाइयाराइ । भणियाइ अओ वोच्छं लेसेण गुणव्वए तिण्णि ॥३६॥
 उड्ढं अहो तिरिच्छं ति-भेय-भिण्णं दिसासु परिमाणं । पढमं गुणव्वयमिणं अईयारे तस्सिमे पंच ॥३७॥
 उड्ढाह-तिरि-दिसाणं गहियपमणं न चेव लंघेज्जा । खेत्तस्स वुड्ढिकरणं कुज्जा सइ अंतरद्धं च ॥३८॥
 पडिवण्णे होइ गुणो नियमा तक्खित्तवत्ति जीवाणं । अभयपयाणा इहरा मणवइकारहि सो वहगो ॥३९॥
 उवभोगपरिभोगाण नियमणं बीय गुणव्वयमिमं च । अणियत्ताण य दोसा विरयाण ण हुंति गुणभावा ॥४०॥
 भोयणओ कम्मयओ दुविहं एयं समासओ नेयं । दोण्ह वि जहक्कमेणं अईयारा हुंति से वीसं ॥४१॥
 सच्चित्तं पडिवद्धं अप्पोलिदुष्पज्जलियं च आहारं । तुच्छोसहिभक्खणयं पढमस्स इमे य अईयारा ॥४२॥
 इंगाली-वण-साडी-भाडी-फोडीसु वज्जे कम्मं । वाणिज्जं चेव य दंत-लक्ख-रस-केस-विस-विसयं ॥४३॥
 एवं खू जंतपीलणं कम्मं निल्लच्छणं च दवदाणं । सर-दह-उलाय-सोसं असईपोसं च वज्जेज्जा ॥४४॥
 तहणत्थदंडविरई तव्वंसं चउव्विहो अवज्जाणे । पमायायरिए हिसप्पयाणपावोवएसे य ॥४५॥
 अट्ठेण च तं न बंधइ जमणट्ठेणं तु वंधए जीवो । अट्ठेकालाईया णियाभगानओ अणट्टाए ॥४६॥
 कंढपकुक्कुडयं मोहरिअहिगरणकरणसंजोयं । उवभोगपरिभोगाइरेणं यं तंपि वज्जेजा ॥४७॥
 सावगवम्मविहीए समासओ गुणव्वयाइं भणिऊण । पइदियह-सेवणिज्जे एत्तो सिक्खावए वोच्छं ॥४८॥
 सामाइयस्स करणं पढमं सिक्खावयं मुणेयव्वं । सावज्जजोगवज्जण-निरवज्जासेवणं तं च ॥४९॥
 सामाइयम्मि उ कए समणो इव सावगो हवइ जम्हा । एएण कारणेणं बहुसो सामाइयं कुज्जा ॥५०॥
 मण-वाया-कायाणं दुष्पणिहाणाणि तस्स अईयारा । सइ तस्स अकरणं वा अणवट्ठिय-करणयं वा वि ॥५१॥
 जो घर-चित्त-सड्ढो सामाइयं संठिओ वि चित्तेज्जा । अट्टवसट्टोवगयस्स तस्स य तं निष्फलं नेयं ॥५२॥
 सामाइयम्मि उ कए बुद्धे ए पेहिऊण भासेज्जा । सइ अणवज्जं वयणं इहरा सामाइयं विहलं ॥५३॥
 काएण अणुवउत्तो पडिलेह-पमज्जणं च अकुणंतो । हिसाभावे वि न सो कडसामइओ पमायाओ ॥५४॥
 न य मुणइ पमाइल्लो कयाइ सामाईयं तु कायव्वं । कयमकयं वा न मुणइ कयं पि अहलं तयंतस्स ॥५५॥
 देसावगसियं पुण दिसिवय-गहियस्स पइदिणं जमिह । कीरइ गमणपमाणं बीयं सिक्खावयं एयं ॥५६॥
 आणज्जं पेसणाणं होति पओगेहि एत्थ अइयारा । सट्ठाणुस्ववाए तह बहिया पोगलक्खेवे ॥५७॥
 आहार-देह-सक्कार-अंभवावार-पोसहो चउहा । पव्वदिणाणुट्टाणं तच्छं सिक्खावयं एयं ॥५८॥
 एककेककं होइ दुहा देसे सव्वे य पोसहविहाणं । सामाइए विभासा देसे सव्वम्मि कायव्वं ॥५९॥

सेज्जुच्चाराईणं पडिलेहे-पमज्जणण अक्करणं । दुक्करणं वयाइयारो सम्मं च न पालए गहियं ॥६०॥
 आयाणुग्गहट्टाए जईण कप्पं विसुद्ध-सद्धाए । कमजुत्तमतिहिदाणं तुरियं सिक्खावयं एयं ॥६१॥
 सच्चिवसे निक्खेवं पिहणं वा वज्जए सचित्तेण । कालाइक्कमदाणं परोवएसं च मच्छरियं ॥६२॥
 पंच वि अणुव्वयाइं गुणव्वयाइं च आवकहियाइं । सिक्खावयाइं चउरो इत्तरियाइं तु नेयाइं ॥६३॥
 भणिओ बारस भेओ पाणवह्राईण विरमण-सरूवो । सावग-धम्मो संपइ सोदाहरणं फलं भणिमो ॥६४॥

अत्थि इहेव जंबुद्दीवे दीवे भारहेवासे सुविसुद्धभंलिह-पाथार-सिहर-परंपरावद्ध-रविरह-मगं, मुरूव-सुनेवत्थ-जण-
 जणिय-निवास-विसेसियसगं, हिमगिरि-सिहर-सरिस-मंदिरमणोरमं, लहुइय-नंदणवण-उववण-विभूसियं, विणिज्जिय-
 माणस-सर-समूहं, ठियकमलावलिवाइयं सालसुंदरं नाम नयरं । तम्मि य बंधुयण-कमल-संड-दिवायरो अपिसुणो
 अमच्छरी कथाण पढमाभिभासी सुहाहिगमणिज्जो चंदसोमो नाम सेट्ठी परिवसइ । विणिज्जिय-रइ-रूवा, बीयं पिव
 अभग्ग-सोहग्ग-महामही रहस्स, सोहणखेत्तं पिव पवर-विणय-सारस्स, मयरकेउ-महारायनिवास-रायहाणी, सयलसंसार-
 सुहनिबंधणा, धणा नाम भारिया । सयल-कलालया धण-धणदेवाभिहाणा दोण्णि ताण पुत्ता । कमेण पवड्डमाणा पत्ता
 जोव्वणं । परिणीया तत्थेव नयरं । सक्कम-निरयाण वच्चइ कालो ।

अण्णया कोल्लाग-सन्निवेशो अण्णविय-मुरूज्जं गामाणुगामं विहरंती, एगल्लविहारपडिमं पडिवण्णो, सुत्तत्थपरि-
 कम्मियमई, सयल-पावठाणाइं परिहरंती, सूर-नरिदनंदणो, पडिवण्ण-समणालिगो सालसुंदरनयरं समागओ विजयवम्म-
 मुणिवरो । ठिओ चंदसोमसेट्ठि-जाणसालाए । समागया नागरया वंदिऊण साहुं निसण्णा समुचियासणे । कया धम्मदेसणा ।
 पडिवुद्धा पाणिणो । कया जहारिहं धम्मपडिवत्ती । धम्मदेसणावसाणे वंदिऊण मुणिवरं जहागयं पडिगया परिसा ।
 कओ तत्थेव मुणिणो मास-कप्पो । पइदिणं धम्मसवण-संजाय-सद्धेहिं गहिया मुणि-समीवे वेइदियाण जीवाण
 निरवराहाण संकप्पओ पाणवह-निवत्ती धण-धणदेवेहिं । मासावसाणे विहरिओ अण्णत्थ मुणी । जहा पडिपुण्णाणुव्वय-
 परिपालणं कुणंताण वच्चइ कालो धण-धणदेवाण ।

अण्णया मरण-पज्जवसाणयाए जीवलोयस्स उवरओ चंदसोमसेट्ठी । कयमणेहिं उद्धदेहियं । काऊण मय-किच्चाणि
 जणयस्स कइवयदिणेहिं विगयसोमो घर-वावारं काउमारद्धा धण-धणदेवा । अइक्कंतो कोइ कालो । पुव्वकय-कम्म-
 परिणइवसेण थोवदिणमज्जे चेव समागयं ताण दारिहं । अनिव्वहमाणा य गया गाममेगं । ठिया ते तत्थ परघरेसु
 कम्माणि कुणंता किलेसेण उदरमेत्तं पि भरंति ।

अण्णया धणाभिहाणाए रंडाथेरीए विस्सासमागयाए भणिया धण-धणदेवा-“वच्छा ! नेह मं सालसुंदरं नयरं ।
 नाहमणस्स विस्ससामि । तत्थ गया तुम्हाण दिगार-दसगं वियरिस्सामि । पडिवण्णमणेहिं । कया गमण-सामग्गी । गहिया-
 सिफलओ पुरओ पत्थिओ धणो । सारहिभावं पडिवण्णो धणदेवो । कमेण वच्चंता कंतारमोगाढा । विगलिअप्पाओ
 वासरो । एयम्मि अवसरे भग्गो अक्खो भंडीए । ठिया तत्थेव । तदुवगरणं परामुसंतेण दिट्ठो रंठी धणदेवेण । तद्धिं
 वंचिऊण छोडिओ । दिट्ठाओ दोन्नि तत्थ सुवण्णखोडियाओ । चलिअं वित्तं । भणिओ तेण धणो-“तमंधयारा सव्वरी ।
 अमाणुसा अडवी । विज्जइ इमीए समीवे सुवण्णयं । मारिऊण एयं गिण्णामो ।” तेण भणियं-“अलमिमाए पावकहाए ।
 मूढो तुमं जो सयमेव निरवराह-वेइदिय-पमुहजीवाणं संकप्पओ वह-नियमं काऊण भंजिउमारद्धो । अहो ! ते दडधम्मया ?”
 तेण भणियं-“पावस्स पुणो वि पायच्छित्त-करणेण सोही भविस्सइ । जओ नत्थि तं पावं जं निप्पडियारं । अओ मोत्तूण
 एयं कूडाभिनिवेशं करेसु मह वयणं ।” धणेण भणियं-“जइ एवं मंतेसि तो तुह समीवे वि नाहं चिट्ठिस्सं ।” धणदेवेण
 भणिअं-“हियाहिय-वियार-पडिवज्जिओ कुग्गह-महागह-गहिय माणसो निस्सिगो व्व बइल्लो दूरट्ठिओ चेव तुमं सुंदरो ।”
 तओ चित्तिअं धणेण परिवडिअपरिणामो एस पावो । जावज्जवि पावं न समायरइ ता दूरे भवामि । एवं वियप्पिऊण कईव
 वणंतरिओ जाओ धणो । इयरेण कडिऊण मंडलगं विणासिया थेरी । गहियं सुवण्णयं । पक्खित्तं तीए कलेवरं

कथारिकुंडं । सहिओ धणो । तेण भणियं—“अलं तुह संगमेण ।” तथो सो पडिभग्गभंडि मोत्तूण गोणे गहाय एगागी चेव पलाणो उप्पहेण । सव्वं रयणि कंतारमवगाहिऊण अमुणिय-दिसा-विभाओ पभायसमए पत्तो सीहगुहं नाम पल्लि । दिट्ठो नाहलेहि । बंधिऊण समप्पिओ पल्लिनाहस्स । तेण वि उद्दालिऊण गोणए, गहिऊण सुवण्णयं पुच्छिओ—“अरे ! को तुमं ! कंहि पत्तमेयं ? कंहं वा इहागओ ?” तथो खुह्हियओ भयसंभंतलोयणो पच्चुत्तरं दाउमस्तथो मोणेण ठिओ । समाइट्ठा भिल्लाहिवेण नियपुरिसा—“दढं कयत्थिऊण एयं सुता रोवियं करेह ।” जं सामी आणवेइत्ति भणिऊण तहेव कयं तेहि । महया अट्टज्जाणेण मरिऊण समुप्पण्णो तीए चेव अडवीए भुयंगमो । थेरी वि तेण तहा वावाइया मरिऊण समुप्पण्णा तीए चेव पल्लिए पल्लिनाहपुत्तत्ताए । उच्चिय समए पइट्ठावियं से नामं अणहओ । कमेण पवइहंतो पत्तो जोव्वणं । कथाइ कंतारमडंतेण तेण दिट्ठो सो भुयंगमो । सो वि अत्तणो चेव धणदेव-पज्जाए वट्टमाणस्स कंतारमज्जे पलायंतस्स पडियमेगं सुवण्णाओड्ढियं पेच्छिऊण, लोहदोसेण कुंडलिऊण, सरीरेण विरइयफडाकप्पडो, रोसाउरलोयणो, अणहाभिमुहो ठिओ । अणहओ वि कुंडलिअमज्जसठियं वट्टूण य खोड्ढियं लोहाभिभूओ सप्पवहणट्टमुवट्ठिओ । सप्पो वि अभिमुहं पहाविध-लभो अणहस्स । तेण वि सप्पो वावाइओ । अट्टज्जाणेण मरिऊण दो वि समुप्पण्णा तत्थेव मूसगा ।

अणया इओ तओ परियडंतेहि दिट्ठं दोहि वि तं सुवण्णयं । जायवेरा जुज्झउमारद्धा । एवं पइदिणं जुज्झताण परिवाडीए सुवण्णयं संगोवयंताण य वच्चंति वासरा ।

अणम्मि दिणे वावाइओ थेरीजीवमुससेण इयरो । अहिट्ठियं अप्पणा सुवण्णयं । सो वि मूसगो कूरज्जवसाणो मरिऊणमुप्पण्णो तम्मि चेव कंतारे मज्जारो । कमेण परियडंतो समागओ-तं पएसं जत्थ तं सुवण्णयं । दिट्ठो मूसगो वि तेण । सणियमभिसरिउमारद्धो तयभिमुहमज्जारो । सो वि मूसगो पेच्छंतो वि मज्जारमागच्छंतं लोह-मोहिओ सुवण्णय-महिट्ठिऊण ठिओ न पलाणो । मारिओ-मज्जारेण । अट्टज्जाणेण मरिऊण समुप्पण्णो तम्मिचेव पएसे अयगरो । जायरूव-दंसणेण संजायमुच्छो न मुयइ तं पएसं । कयाइ आहारत्थिणत इओ तओ परिबभमंतेण तं पएसमागएण दिट्ठो तेण अयगरेण । चलिओ तयभिमुहं अयगरो । मज्जारो वि अमुयंतो तं ठाणं गिलिओ अयगरेण । ठिओ अहिट्ठियं तं पएसं । अणया सो वि दड्ढो दवग्गिणा । दो वि समुप्पण्णा तीए चेव अडवीए सीहा । परिबभमंता समागया तं पएसं । दिट्ठं दोहि सुवण्णं । मुच्छिया तम्मि परोप्परं जुज्झऊण मया समुप्पण्णा सरह-गयवरा । दिट्ठं सरहेण हिरणं । संजायलोहो अट्ठिओ धणदेवजीवगयवरो । संजायरोसेण गहिऊण [तं सरहं] उक्खित्तो नहयले । निवडिओ तस्सेव पिट्ठिसंठियउड्ढ-पएसे] मओ तत्थेव गओ । पडिया तस्स कडेवरे किमिथा । तेहि सरहो वावाविओ । दो वि मरिऊण समुप्पण्णा तत्थेव जंबुथा । परिबभमंता पत्ता तमुहसं । चाभीयराअवलोयणे विलोललोयणा परोप्परं पहरिऊण मया समाणा गथा पढमपुढवि । तओ उव्वट्टो लद्ध-जिणधम्मो परिपालियचरणे उप्पाडियकेवलो सिद्धो थेरीजीवो । इयरो वि भमिऊण अणंतकालं संसारं पच्छा आयरिय-देसे लद्धमणुयभावो धम्मरुइमुणिवर-समीवे नियचरिय-सवण-संजाय-वेरगो पडिवण्ण-सामण्णो पाविअखवग-सेढी कालमासे कालं काऊण-सिद्धीसुह-भायणं जाओ ।

इओ सो धणो गओ कंताराओ सालसुदरं नयरं । परमसंवेगमावण्णो पुणो पुणो गहिअ-वयभंग-दोस-दूसियं धणदेव-मणुसोयंतो साहु-समीवे धम्मं सुणमाणो समुल्लसंत-सद्ध-संवेग-सलिल-संपक्खालिय-पावमलो जिण-वयण-सवण-विसर-कण्णो जहागहियदेसविरइपरिपालणपरायणो अकिलेससंपज्जंत-भोयणच्छायणो कालं गमेइ ।

अणया समागओ कुसग्ग-नयराओ वाग्गिजेण सालसुदरनयरे धणस्स मामगो धणचंदो । दिट्ठो तेण धणो । पुच्छिओ धणदेववुत्तंतं । तेण भणियं—“कंहं सो पावो ?” धणेण वि साहिओ जहट्ठिओ सव्वो वि तव्वइयरो । धणचंदेण भणियं—“न सोहणं कयं तेण । नज्जइ संपयं कथं वि गओ ?” तेण भणियं—“न नज्जइ, गओ धणं गहाय धणचंदो कुसग्गपुरं । उव्वणीयं घरमेणं । दिण्णं ववहार[नि]मित्तं दविणजायं । अणिया वरिणी । धणेण ववहरिउमारद्धो । विसुद्ध-ववहारेण निव्वहणमेत्तसंतुट्ठो कालं गमेइ ।

अणया कुविया राइणो खित्त-वेवथा । पयट्ठियं रायमंदिरे असिवं । संबुद्धो राया । सहाविओ भूयदमणो नाम संतवाइओ । संपूईऊण फलाइणा भणिओ राइणा—“असिक्कारणं नाऊण साहेसु ।” तेण वि समालिहिऊण मंडलं, निवे-

सिऊण तत्थ पत्तं, सुमरिओ मंतो । खणंतरे पत्तं घुम्मिउमारद्धं । पुच्छिअं मंतवाइणा—“को तुमं ? किं निमित्तं वा रायभवणे असिंवं पवत्तिअं ?” तेण भणिअं—“जंगला नाम अहं खित्त-देवदा । अत्थि य मे ईसाणकोणे सडिअ-पडिअ-माययणं । तं न कोइ उद्धरइ । न वा महं पूयं पवतेइ । अओ मए राय-घरे असिंवं संवत्तिअं ।” भूयदमणेण भणिअं—कहं संती भविस्सई ?” तीए भणियं—“जइ ममाययणं समुद्धरेऊण पइभवणं सब्व नायरेहिंतो परिवाडीए महं पुरओ एककेकं महिसं मारावेइ तो संती भवइ । इधरहा असंती चेव ।” सट्ठाविओ भूयदमणेण राया । कहियं पत्त-भणियं । पडिवण्णं राइणा । संपूजिऊण विसज्जिओ भूयदमणो । राइणा वि अकालहीणं समुद्धरियं तमाययणं । घोसाविअं सयलम्मि नयरे डिडिमेण—“भो ना[गर]या ! दंडवासिअ-वयणेण जो न भयवईए पुरओ वारएण महिसं मारिस्सइ तं राया सयमेव महिसट्ठाणीयं करिस्सइ ।” एयं सोऊण समारद्धा दंडवासिअवयणेण सब्बेहि जहा समाइट्ठा पूया ।

अण्णम्मि दिणे आइट्ठो दंडवासिएण धणो—“अज्ज तए पूया कायव्वा ।” धणेण भणियं—“करिस्सामि रायाभि-ओणेण बलि-बकुल-पुष्पाईहि, न उण महिसं वहिस्सामि ।” तेण भणियं—“महिस-वहणमेव एत्थ पूया । जइ एयंपि न करेसि तो उज्जुयं चेव भणसु जहा न करिस्सामि रायसासणं ।” धणेण भणियं—“केणावि अखंडियं को खंडेइ महाराय-सासणं । परं मए निरवराह-जीव-वह-निवित्ती विहिया । अओ न तं भंजामि ।” आरखिएण भणियं—“नियवुद्धिए आयपाणेहि परपाणे रक्खेहि ।” धणेण भणियं—

हंतूण परपाणे अप्पाणं जो करेइ सप्पाणं । अप्पाणं दिवसाणं कएण नासेइ अप्पाणं ॥६५॥

तेण भणियं—‘अइवायातो तुमं’ ति भणिऊण नीओ रायसमीवं । कहियं राइणो सरूवं आरखिएण । कुविओ राया । कयत्थाविओ देडकयत्थणाहि धणो । तहं वि न पडिवज्जइ । तओ भणिओ उवरोहिएण धणो—“अरे । अहमेयं पावं गहिस्सामि सुद्धि वा तुहं करिस्सामि । करेसु राय-सासणं । बंभणवयणेण सुद्धो हवइ तो किं न सुद्धो माहिलो ?” उवरोहिएण भणियं—“को एस माहिलो ?” धणेण भणियं—

माहिलकहा—

अत्थि इहेवावंती जणवए सुसम्मो नाम गामो । माहिलो नाम तत्थ कुडुबिय-दारओ परिवसइ । गहिधा तेण साह-समीवे निरवराह-पाणिवह-निवित्ती सो पुण धणुव्वेय-गव्वमुव्वहइ ।

अण्णया कइवय वयंस-सहिओ कट्टाडनिमित्तं गओ अडवीए । पुरओ भयच्चललोयणा गुरुगम्भत्तणओ ईसि मंयरायणा हरिणी । हरिसिअमणेहि भणियमणेहि—“अरे माहिल ! वरट्ठिओ तुमं धणुव्वेयगव्वमुव्वहसि । एसा हरिणी सरगोयरा गच्छइ । पहरिज्जउ संपयं जेण नज्जइ पुरिस-विसेसो । जओ—‘तं कणयं जं कसवट्टए तिव्वडइ । तं कव्वं जं कविसहासु सलहिज्जइ । सो सूरु जो महाभडेहि वण्णज्जइ ।’ एवं भणिए-अगणिऊण नियनियमं, मोत्तूण करुणं, मुक्को आकण्णायडिओ सरो । विद्धा-हरिणी । निवडिया धरणीए । गया ते तमुद्देसं । गम्भभरालसं धरणियल-निवडियं दट्टूण हरिणियं विमुक्क-जीवियं सह गम्भेण संजाय-पच्छायावो चित्तिउमारद्धो माहिलो—“अहो ! मे जहण्णत्तणं । अहो ! मे पावपरिणइ । खंडियं चिर-पालियं वयं । सब्बो वि जीवथाओ दुग्गंइ निबंघणं विसेसओ निरवराह-सगम्भ-हरिणीए घाथणं । एयस्स महापावस्स नत्थि कहिं पि मे सुद्धो ।” एयं चित्तयंतो भणिओ तथभिप्पायन्नीहि वयंसएहि—“भो ! किं तुमं निरत्थयं खिज्जसि ? अत्थेत्थ तिलोयणो नाम माहणो । तस्स साहिज्जउ । जं सो भणइ तं कीरउ, जहा सुद्धो भवइ ।” परिवडियसम्मत्तं गओ सो तस्स समीवे । साहिओ सब्बो वि नियवइयरो । तेण भणियं—“गंणाए गंतूण मज्जसु । पच्छा पंचहि छागेहि मज्जप्पहसमए जायं करिज्जसु । पंच दिणे पंच-पंच बंभणा भोयावेसु, जेण ते सुद्धो हवइ । तहेव काउमारद्धो । पसुवहेपयट्टो । भिक्खा-पविट्ठेण दिट्ठो अइसव-नाणिणा गुणदत्त-साहुणा, भणिओ य—“भट्टमुह ! किं करेसि ?” तेण भणियं—“बंभण-वयणेण पाणिवह-जणिय-पाव-पक्खालण-निमित्तं पसुवहं ।” मुणिणा भणियं—“अहो ! अण्णाणं ? अहो ! मूढया ?” माहितेण भणियं—“किं अण्णाणं ? का वा मूढया ?” मुणिणा भणियं—“गुरुणे अजाणिऊण सारंभ-सपरिगह-सकलत्त-छकम्मपुरओ सुद्धि पवण्णो एयमण्णाणं । पाणिवहेण पाणिवह-जणिय-पावसुद्धिं जं करेसि,

एसा परम-मूढया ! किं व हरिणीवहं घोरं आउट्टीए निरत्थयं पुणो पसुवहं घोरं कुणंतो किण्ण लज्जसि ? भइ ! चित्तेहि तं चेव सुद्धबुद्धीए । अप्पणा रत्तालित्तं कहं वत्थं रहिरेण व सुज्जइ ?” तओ चित्तिमग्गेण—“अहो ! हरिणीवहं पि एसो वियाणइ । [अ]हवा नाणनयणा चेव तवस्सिणो भवंति । पेच्छंति तीयाणाणयवट्टमाणे बज्जे अब्भंतरे य सव्वभावे । ता एयं चेव पुच्छामि पायच्छित्तं !” एवं भाविऊण भणिओ साह—“भयवं ! तहा करेह जहा तुम्हाणुभावेण देमि जलंजलि दुग्गइ-दुहाण ।” मुणिणा भणियं—“भइ ! सुद्धिनिमित्तं पसुवहं कुणमाणेण बद्धं तए पढम-नरए उक्कोस-ठिइ नेरइयत्ताए आऊयं । जइ पाणिवहं पुणो पुणो पाणिवहेण पोसेसि तो दीह-दीग्गइ-दुहाण-भायणं भवसि । अह पत्तो चेव दयासार-जिण-धम्म-परायणो नियाऊयं परिपालेसि तो नरगाओ उवट्टो, सुकुले जम्मं पाविऊण, भुत्ताभोगी, काऊण पवज्जं, निव्वाणं गमिस्ससि । एयं दिट्ठंत-पुरस्सरं भणिओ घणेण उवरोहिओ—“जइ बंभयवयणेण सुद्धी हवइ तो तस्स कि न जाया ?” एवं विवयमाणं धणं दट्टूण भणिओ राइणा आरक्खिओ—“अरे ! एयं चेव दुट्टवणियं भयवईए पुरओ पाडेहि !” ‘जमाइसइ सामी ’ भणिऊण चालिओ तेण धणो । पाविओ देवयाभवणं । विलित्तो रत्तचंदणेण पक्खित्ता गले रत्तकणवीर-माला । कड्ढिओ कोसाओ करवालो । दंडवासिण भणिओ धणो—“अरे ! सुदिट्ठं करेसु जीवलीयं । सुमरेसु इट्ट-देवयं ।” धणो वि काऊण परिअंकबंधं, नियमाणसे सभारोविय पंच परमेट्टिणो, ठिओ मरणसज्जो ।

एत्थंतरे मुणाणुरामीए पवयण-देवयाए अहिट्टियं धण-सरीरयं । कओ कंधराए पहारो आरक्खिणए । जाओ अद्ध-तेरससरो नित्तलामलमोत्ताहल-हारो । पुणो वि पहरंतो वंभिओ देवयाए । कहियं पुरिसेहि गंतूण राइणो । विम्विहयमाणसो समाग्गओ राया । खामिओ धणो । तज्जिओ रायाए । भयभीए[ण] भणियं राइणा—“भयवइ ! भणसु जं मए कायव्वं !” देवयाए भणियं—“एस धणो सम्मं दट्टव्वो” दाऊण सुवण्णस्स तिण्णि कोडीओ भणिओ धणो देवयाए—“भणसु वच्छ ! जं अण्णं पि ते पियं करेमि । तुट्टा हं तुह जहा-गहिय-वयपरिपालणेण ।” भणियं घणेण—“भयवइ ! तहा करेसु जहा उवसमइ एसा निरवराह-महिस्-मारी ।” भणिया खेत्त-देवया पवयण-देवयाए—“बकुलपूयलियाहि संतोसो कायव्वो ।” तहेव पडिबण्णं तीए । पत्तावयरेण भणिओ राया खेत्त-देवयाए—“निवारेसु महिस्-मारि ।” राइणा भणियं—“एवं कीरइ ।” पूयापुरस्सरं हत्थिखंध मारोविऊण पवेसिओ नयरं धणो । पत्ता सव्वम्मि जणे पसंसा । कओ उक्करो । धम्म-साहण-परायणस्स अखंडि[य]यमनियमपरिपालण-परायणस्स वच्चइ कालो धणस्स । कज्जकरणसमत्थपुत्तदंसणेण जाया अणसण-करणवासणा । सुहि-सयणनिय[य]ण-निय-परिवारसम्मएण तहेव संपाडिया । आलोइय-पडिक्कंतो उच्चारियाणु व्वओ खामिय[सय]लसत्तो सु[वि]सुद्धाणसण-परिपालण-परायणो पंचपरमेट्टि-पयकमलतलं भयमाणो परि[पालि]ऊण-समाहिमरणेण समुप्पणो अच्चुए सयलसुरसामिओ । तओ चुओ कलिंगाहिवसुओ हांऊण काऊण जिणमए पव्वज्जं सिज्जि-स्सइ । धणदेवेण गहिय-वय-विराहणेण दुह-परंपरा पत्ता । धणो पुण जहा गहि[अ]-वय-परिपालणेण उभयभवेसु वि कल्लाण-परंपरा भायणं जाओ ।

अवराहवज्जियाणं तसाण संकप्पओ वह-निवित्तिं । सुविसुद्धं पालितो परम-पयं तं पि पावेइ ॥६६॥
कह कह वि कुणइ पावो नियमं भंजइ सुहेण गुरुकम्मो । नय-भंग-जणियगुरु-दुक्खिओ भमइ संसारे ॥६७॥

संपयं थूलमुसावायविरइखंडणाराहणादोसगुणपरं वीयाणुव्वय-फलं भण्णइ—

अत्थि इहेव जंबुदीवे एरव्यालंकारभूयं बहुविह-देसागण-वणियकुलं सव्वओ सुपइट्टुव्वर्लिहपायार-परिवेदियं । कि चण्णं ।

गयगामिणि[कामिणी]कुल-कलियमणहरुद्देसं । उद्देस-पइट्टियविविह-काणणुज्जाणसोहिल्ल । ॥६८॥
सोहिल्लमहासालं-दिसि[दिसि]दीसंतकुट्टिमुप्पीलं । उप्पीलागयसामंतसत्थसं[रु]द्धविवणिपहं ॥६९॥
विवणिपइट्टियमणिकंतिनिवहसंभग्ग-दिवस-निसिभेयं । निसि[भेय]समय[प]सरियमंगल-संगीय-रवमुहरं ।
रव-मुहल-पंजरट्टिय-कणइत्तल-पडिज्जमाणगुणनिवहं । गुणनिवहरयणमंडिय-सुसाहुजण-वड्डीयाणंदं ॥७१॥

आणंद-विवस-विलसिरसहवजण-विजय-सग्ग-सोहम्मं । सोहग्ग-समुद्धुरमत्तकामिणी जणियजणमयणं ॥७२॥
 मयणमहाभडमाहूपदलणसोडीर-मुणिजणाइण्णं । मुणिजण-आइण्णायार-सवण-त्तल्लिच्छ-धम्मियजणं ॥
 धम्मिययणकयावास-जिणमंदिर-सिहररुद्धगयणग्गं । गयणग्गलग्गपासाय-पंति-पायडिय-वरविहवं ॥७४॥
 वरविह[व]लोहवाणियविवणिट्टियदीसमाणपवरकुसं । कुस-करं वडुयाइण्णं कुसत्थलं नाम नयरं ति ॥७५॥

तत्थ य सधल-माहण-पहाणे पुरिसोत्तिमो नाम माहणो परिवसइ । धणावह-धणचंदा से पुत्ता । परिणीयाओ तम्मि
 चेव नदरे सिरिहर-सिरिदेवाभिहाणाण बंभणाण धूया लच्छि-लच्छिमइ नामाओ ।

अण्णया मरणपज्जवसाणयाए जीवलोयस्स उवरओ पुरिसोत्तिमो । कथ-मय-किच्चा विगय-सोगा धर-वावारं
 चित्तिउमारद्धा धणावह-धणचंदा । चंदस्सेव चंदिमा, महुमहणस्स वि लच्छी, अच्चंत-वल्लह। धणावहस्स लच्छी । तीए
 पुण जिणदत्त-सावय-सुया जिणमई नाम बालवयंसिया ।

अण्णम्मि दिणे गया जिणमईभवणे लच्छी । कथसम्माणा तीए दिण्णासणे निसण्णा लच्छी । ठियाओ परोप्परं
 संकहाए खणमेगं । तओ उट्टिया जिणमई । पुच्छिया लच्छीए—“पियसहि ! किं निमित्तं कहारसविच्छेयं काऊण लहं चेव
 उट्टिया ?” तीए भणियं—“चाउम्मासियं पव्वदिणमज्ज । गंतव्वं मए साहुणि समीवे । गहियव्वं चउविहाहारस्स अहोरत्त-
 पच्चक्खाणं । कायव्वं पोसहाइयं पव्वदिणाणुट्ठाणं । साहेयव्वो दयासारो जिणप्पणीओ धम्मो ।” लच्छीए भणियं—“अहं
 पि तए सह समागमिस्सामि धम्मसवणट्ठा ।” जिणमईए भणियं—“को कल्लाणे विरोहो ?” गयाओ कल्लाणसिरिगणि[णी]-
 समीवं वंदिया । गणिणी । संभासिया विसेसेण लच्छी । पयासियं गुहदेव-धम्मतत्तं । उभयलोण-डुहावहं दंसियं निसिभत्तं ।
 पसंसिया वित्थरेण धम्म-सहबीयसूया नरामर-सिव-सोक्खसाहिगा जीवदया । लच्छीए भणियं—“भयवइ ! सोहणो धम्मो ।
 सोहणतरं सम्मततइ-धम्मसाहणं । देसु मे [सम्मत्तपुरस्सरं] निसि-भोयणनियमं । अण्णे वि महु-मज्ज-मंस-यंचुवरिपरिहार-
 प्पहाणे नियम-विसेसे । गणिणीए भणियं—“धण्णा तुमं जीसे सुइसवणे वि एरिसी सद्धा । विसेसकज्जं वज्जिऊण दिण्णो
 सम्मतमूलो निसि-भोयण-नियमो । ओसहाइकज्जं परिवज्जिऊण दिण्णा महु-मज्जाईण नियमा । गहिया लच्छीए भाव-
 सारं । भयवईए भणियं—“पडिक्खण-नियमपरिपालणे पयत्तो कायव्वो ।” लच्छीए भणियं—“भयवइ ! जहा-सत्तोए जइ-
 स्सामि ।” वंदिऊण गणिणिं चलियाओ सघराभिमुहं । जिणमईए भणियं—“पियसहि ! धण्णा तुमं जीए अणेगभवकोडी-
 समज्जियासुह-कम्म-कंदुकंदण-कुहालकप्पो जिणधम्मो पडिक्खणो । अज्ज मह तए सह भावसारो सहिभावो ।” एव-
 मुववूहणापुरस्सरं धम्मे धिरं काऊण लच्छि गया जिणमई नियमंदिरं । लच्छीए वि गंतूण साहिओ धणावहस्स जिण-
 धम्मपडिवत्तिवइयरो । कालीकथ-वयण-कमलो अदिण्ण-पडिवयणो अहोमुहो ठिओ एसो । अट्टमभाए दिवसस्स कथ
 वेदालियं लच्छीए । गच्छइ पइदिणं जिणमंदिरे समं जिणमईए । एज्जुवासेइ जइजणं । जाया निच्चलमाणसा जिणधम्मे
 न करेइ मिच्छविट्ठिकज्जाणि, न वंदेइ अण्णतित्थिय-देवयाणि । न नमंसइ परपासंडिणो । अहिय-जीवाजीवा, उवलद्ध-
 पुण्णपात्रा, निग्गथे पावयणे गहियट्ठा य विणिच्छियट्ठा, अयमाउसो निग्गथे पावयणे अट्ठे, सेसे अणट्ठे, अट्ठिमिजपेमाणु-
 रागरत्ता अट्ठमि-चाउइसि-उट्टिट्ट-पुण्णमासिणीसु, पडिपुण्णं पोसहं पालेमाणी, समणे निग्गथे फासुएणं एसणिज्जेणं असण-
 पाण-खाइम-साइमेणं वत्थपडिग्गह-कंबल-रओहरणेणं पीढ-फलग-सेज्जा-संयारएण पडिलाभेमाणी कालं गमेइ ।

असम्मयमेयं धणावहस्स । परं अइसिणेहलंघिओ न किं पि जंपेइ । एगम्मि दिणे भणिया धणावहेण लच्छी-
 “पिए ! जिणसासणमेव सग्गापवग्ग-कारणं तव्विबरीयाणि सेसाणि जं भणेसि, तं ते राग-दोसविलसियं ति संभाविज्जइ
 को वा दोसो रयणि-भोयणे जेण न भुंजिज्जइ ?” जिणसासण-कुसलाए तत्तो निच्चलमणाए निस्संकाए भणियं—“ताह !
 निसामेसु एगमणो—

१. कसक्करुवडुया० आदिनाथ चरित्रे

परिहरिऊण अधाऊं [घाउ] बलंगसंगहं करेमाणो । घाउव्वाइय पुरिसो न दोसवत्तव्वयमुवेइ ॥७६॥
 बीयाबीए नाउं मोत्तुमबीएय करिसओ बीए । वावइ रोहणजोम्मे न तस्स सो पक्खवाओ उ ॥७७॥
 कंकुडए को दोसो जं अग्गी तं न पइयद्विण्णो वि । को वा इयरे रागो पयणसहावग्गिमुग्गम्मि ॥७८॥
 गयलवखणे कुमारै सलक्खणे पुच्छिओ नरवइस्स । जइ साहइ सामुद्धो किं सो विसमो त्ति वत्तव्वो ॥७९॥
 जइ सुमिण[स]त्थकुसलो जहद्वियं कहइ सुविणयस्से फलं । रत्तो त्ति वा दुट्ठो त्ति वा किं सो वत्तव्वओ होइ ८०
 एव मज्झ वि पिययम ! जहद्वियं [सग्ग]सिवसुहकरंति । जिणसासणं भणंतीए नत्थि रागो ण वा दोसो ॥८१॥
 वत्थसहावो एसो जत्थ दया विसयणिग्गहो जत्थ । सो धम्मो सो हु तवो सेसो संसारमग्गो त्ति ॥८२॥
 निसिभोयणम्मि दोसे समासओ संपयं निसामेहि । न य निदोसं वत्थं को वि सयणो परिहरेइ ॥८३॥
 निसियर-भूय-पिसाया[गिसाए] हिंडंति अक्खलियपयारा । उच्चिट्टमण्णमेएहिं कहणु भोत्तव्वयं होइ ॥८४॥
 चिट्टउ ता परलोगो रयणीए भोयणं कुणंताण । इहलोए वि अणत्था विच्छुअसप्पाइसंजणिया ॥८५॥
 जइ वि हु पिवीलिमाई दीसंति पईवजोइ उज्जोए । तह वि तस-थावरारणं [सुहुमाणं] दंसणं कत्तो ॥८६॥
 संति संपाइया सत्ता अहेसा मंस-चक्खुणं । तेसि संरक्खणट्टाए वज्जियं निसिभोयणं ॥८७॥

भणियं च-

जइ वि हु फासुयदव्वं कुंभूपणागइ तह वि दुप्पस्सा । पच्चक्खनाणिणो वि हु राई[भ]त्तं परिहरंति ॥८८॥
 हंसाइ पक्खिणो वि हु गयाइणो पसुगणा वि पाएण । अत्थम्मिए दिवसयरे भोयणरहिया परिवसंति ॥८९॥
 भुंजामो भुंजामो त्ति जे मणे चितयंति रयणीए । वायाए भणंति इमं काएण तमेव कुव्वंति ॥९०॥
 पसुधम्मो वि न ताणं नराण निन्नट्टसिट्ठिचिट्ठाणं । दूरे दुर्गईहरणो जीवदयालंकिओ धम्मो ॥९१॥
 जह आरंभा पिययम ! पाएणं सूर-सक्खिया सब्बे । तह भोयणं पि जइ को वि कुणइ का वारणा तत्थ ॥९२॥
 अण्णो वि हु एस गुणो रयणीभत्तं विवज्जयंताण । उववासेणं अद्धो जम्मो वोलेइ मणुयाण ॥९३॥
 रक्खसभुत्तं भत्तं रयणीए ण संगयं भवइ भोत्तुं । अण्णेसि पि नराणं विसेसओ सोयवाईणं ॥९४॥
 तम्हा दिणयरदिट्ठं अट्टमभाए दिणस्स भुंजंतो । इहलोए परलोए जीवो सुहभायणं होइ ॥९५॥

एवं सोऊण पडिवण्णं धणावहेणावि भावसारं निसिभोयणविरई । वच्चइ कालो ।

अण्णया भणिओ धणचंदेण धणावहो-“दिणासियं लच्छीए अम्हाण घरं । न वयं सुद्धा न बंभणा । सहियं [मए एत्तियं] कालं, संपयं नियाममेयं-‘लच्छि वा परिहरसु पुढो वा भवसु ।’ उभय[पक्खसमाहाण]करणासमत्थो अजपिरो चेव ठिओ धणावहो । पुणो पुणो भणमाणेण भणिओ धणचंदो धणावहेण-“वच्चसु ताव ससुरकुलं आणेसु नियघरिणि पच्छा जहाजुत्तं करिस्सामो ।” ‘संगयमेयं’ त्ति । पडिवण्णं धणचंदेण । गओ ससुरकुलं । तम्मि य माहमासे-सोहग्ग-सत्तमि दिणाओ समारब्भ सोहग्ग-निमित्तं रयणि-चरिम-जाम-मुहुत्तमेत्तकालं आकठजलावगाहेण [सग्गाहारेण य] हरवत्तलहाराहणनिमित्तं ठिया सत्त-दिणाणि धणचंदसालिया । सत्तमो सो वासरो । पडिवण्णतवविसेसाए पारणय-निमित्तं पारद्धो समारंभो । तत्थ पुण एस कप्पो-अखंड-सालि-तंदुलेहिं तव्वेल-दुद्ध-परिहट्टिखीरेण रद्धो पायसो महुणा सह पईवाइ-वज्जियाए रयणीए भोत्तव्वो । धणचंदो वि धरिओ सब्बदिणं निरसणो ! समागया रयणी । भोयणत्थमुवद्वियं सब्बं पि कुडुंबयं । निवेशियं पंतीए मूले निसण्णो समं ससुरसालएहिं धणचंदो । परिवट्ठो महुणा सह पायसो । कर-परामरिसेण भुंजिउमारद्धा ।

एत्थंतरे निवडिओ भवियव्वया-निओएण वलहरणाओ मुह-गहिय-घर-कोइलो समुरभायणोवरि सम्पो । उसिण-पायस-परियाव-पोडिणमुक्को सप्पेण घर-कोइलो । पक्खित्तो समुरेण कवल-गहणनिमित्तं भायणे हत्थो । डक्को भुयंग-मेण ' खद्धो-खद्धो ' त्ति पोक्करियं तेण । आणीओ पईवो । दिट्ठा भायणमज्जे मुक्कजीविया घर-कोइल-भुयंगमा । विस-विधार-विघायणसामग्गि कुणंता[ण] चेव [ताण] उवरओ [सो] वंभणो । अवकंद-सह-भरिय-भवणीयरं-कयं उद्धदेहियं । सक्कारियं तक्कडेवरं । विस्सरं विलवंताण बोलीणाणि तिण्णि दिणाणि । विणा वि कलत्तेण पडिनियत्तो धणचंदो । चित्तियं चाणेण—“महाणत्थपरंपरा-निबंघणं रयणिभेयणं । धण्णा लच्छो जीए तव्विरई कया ।” एवं विद्यप्यतो पत्तो सनगरं । पविट्ठो नियमंदिरं । दिट्ठो विसायमावण्णो धणावहेण, वज्जरिओ य—“वच्छ ! किण्ण आणाया घरिणो । कि वा विसण्णो विद्य लक्खीयसि ?” साहिओ तेण सवित्थरो समुरमरणपज्जवसाणो वड्यरो । निदियं राइभोयणं । पसंसिधा लच्छो । ठिओ भोणेण धणावहो ।

अण्णम्मि दिणे तत्थ समागओ अइसयनाणी सुविवेगो नाम आयरिओ । गथा तव्वदणानिमित्तं नागरजणा । जिणधम्माभिमुहमाणसं दट्ठूण धणचंदं जंपियं लच्छीए—“जइ भे धम्माधम्मविधारेणेच्छा तो मम्मउ सूरि-समीवे विधारिज्जउ धम्मतत्तं ।” पडिवण्णमणेहि । गथा समं जिणमईए । वंदिधा सूरिणो । सुधा धम्म-देसणा । भाविधा माणसे । पडिवण्णो सम्मतमूलो देसविरइधम्मो । वंदिऊण सूरि समागथा नियमंदिरं । मासावसाणे विहरिया अण्णत्थ सूरिणो । सुविसुद्ध-सावयधम्म-परिपादण-परायणाण धणावह-धणचंदाण वच्चइ कालो । सुसंतुट्ठो धणचंदो । लोभाभिभूओ धणावहो चित्तेइ अत्थोवज्जणोवाए ।

अण्णया भणिओ तेण धणचंदो—“करेमो भंडसंगहं ।” धणचंदेण भणियं—“महग्घाणि संपयं भंडाणि न दिति सुरक्खियाणि वि लाभं ।” तेण भणियं—“तहा करिस्सामि जह समग्घाणि भविस्संति । तओ [धणावहेण] मायाबहुलेण कया अलिया परचक्कागमणवत्ता । पसरिया सव्वम्मि नयरे । एयस्सेव अत्थस्स संवायणत्थं विरुद्धा रायकूडलेहा लिहिऊण नियपुरिसेहि छड्ढाविया रायपहे । दिट्ठा तट्ठणागथ-रायगुज्जमे । वाइयं उवरिमताम-पयं । दिट्ठं अमच्चनामं । संगोविओ लेहो । दंसिओ राइणो । तेण रहसि वाइओ जहा—“स्वस्तिश्री नागपुरात् श्रीमदरिमदैननराधिपो यत्रस्थममर-गुप्तमंत्रिणं संबोध्य वदतिकुशलं । नः सर्वप्रयोजनेषु प्राप्तो युष्मत् प्रहितो लेखः प्रभूतं च कार्यमिदं । कतिपय-दिनमध्ये वयमागमिष्यामो । भवतापि राज्ञः प्रति सर्वेषु सामंता विमुखी कार्या । हस्त्यश्वसाधनचित्तका अपि भेद-क्षमा धार्या इति ।” लेहत्थं संपहारिऊण संखुद्धचित्तेण सट्ठाविओ मंती राइणा । मुणाविओ लेहत्थं । मंतिणा भणियं—“अवद्धमूलो [एस] लेहो । कवडं केण वि कम्मवियं । नाहमेयस्स कम्मणो कारी ।” राइणा भणियं—“कौ एत्थ परमत्थो ?” तेण भणियं—“सुज्झामि ।” रण्णा भणियं—“पच्चक्ख-लेहे का सुद्धी ।” सव्वस्स-हरणो काऊण मुक्को अमच्चो । दाविओ सव्वम्मि नयरे डिडिमो । भणिओ लोगो—“भो भो नायरया पंचदिणमज्जे सारधणं घेत्तूण कुंडलि-सिहरि-सिहरे समाह-हियव्वं ।” अण्णया वि गहियकरि-तुरय-साहणो गहिऊण भंडारं पव्वयमारुद्धो । राया-रहियं-हल्लोहलियं नयरं । भीया-भंडसालिया । समग्घीह्याणि भंडाणि । धणावहो वि अइसमग्घाणि गिण्हइ । कओ तेण महल्लो संगहो । पहाणभंड-भरिया तोलिऊण मुक्का अणेगे हट्ट-घरा । अण्णया वि जणेण सद्धि समाहूद्धो पव्वयं । ठिओ सत्त दिणाणि समं नायरएहि पव्वयसिहरे राया । तओ पेसिधा पच्छण्णा पासंडवेस-धारिणो चरा-विक्खत्तरवइनयरे [मुणिय परमत्था] समागया कइवथ दिणावसाणे पुच्छिया राइणा—“किं तत्थ वट्टइ ?” तेहि भणियं—“महाराय ! सघरे चेव तस्स राइणो जेट्टुत्तजुवराएण सह विरोहो । अलियं केण वि भय-कारणं देवपायाण निरुवियं । काऊण मूलमुद्धि कीरउ तस्स निग्गहो । एयं सोऊण उत्तिण्णो राया पव्वयाओ । समागया लोया । पारद्धो ववहारो वणिएहि । धणावहो वि । जं दसहि गहियं तं सएण देइ । एवं ववहरतेण तेण संपिडियं भूरिदविणजायं ।

अण्णम्मि दिणे सुहंसिण्णो पुच्छिओ धणचंदेण—“कहं तए नायं जहा समग्घी भविस्संति भंडाणि । कहं वा गहणसाहसमणुट्टियं ?” तेण वि ईसि हसिऊण साहिओ सव्वो वि जहट्टिओ नियवड्यरो । धणचंदेण भणियं—“न सोहणं तए कयं । एयं ताव मूलालिय-विरइ-वयं खंडियं । बीअं रायविरुद्धमायरियं ।” तेण भणियं—“वयभंगपायच्छित्तं

पडिबत्तीए सोहिस्सामि रायविरुद्धं पि न भविस्सइ । जओ न ममाओ अण्णो को वि एयं विधाणइ ।” धणचंदेण भणियं—“न मह इमिणा अत्थेण पओवणं । अज्जेव मए तुह भिण्णेण होयव्वं ।” धणावेहेण भणियं—“एयं ताव निव्ववसाओ, बीयं भिण्णभवणे ण भायसि । भवसु, न कोइ निवारेइ ।” अलिय-धण-विदत्त-दविणमगिण्हंतो चेव भिण्णो ठिओ धणचंदो सच्चाभिभासी कालं गमेइ । इओ य पारद्धा राइणा मूलगवेसणा । केण सा परचक्कालियंक्ता कया? परंपरण तत्थागया जत्थ धणावहो चिट्ठइ । तत्थ भणिओ धणावहो रायपुरिसेहिं—“तुमं पि अण्णं कंहित्तं दंसिऊण चिट्ठसु निराकुलो ।” न सो सक्केइ अण्णं दंसिउं । तओ नीओ रायउले । दंसिओ रण्णो । साहिओ असंहंतएहि समग्घ-भंड-गहण-वइयरो । तओ ‘कुक्कम्मकारी एसो’ त्ति संजायनिच्छएण राइणा दढं कयत्थाविऊण विविह[कय]-कत्थणाहि छिण्णा जीहा । पच्छा विगयजोविओ पक्खित्तो नयरवाहि । मरिऊण समुप्पण्णो सक्करपभाए पुढवीए मज्झिमाउ नेरइओ । संपूइओ मंती । समप्पिया मुद्दा । धणचंदो वि जहागहिभवथ-परिपालणासत्तमाणसो साहु-साहम्मिय-मुस्सुसणापरायणो कालं गमेइ ।

अण्णया सज्जणजणमाणसि सु व निम्मलीभूएसु, सप्पुरिसपरंपरासु व मज्जायावट्ठिआसु गिरिनईसु, कुलीणजण-संतईसु व फलभरेण नमंतीसु पिककसालीसु, सयलजलयावरुद्धपथावं समं दट्ठण पमुइयं जयं, तित्तिअभिनिवेशेण व संपाविधावसरं खरंतमेइणीतलं दिवायरे, जलय-कालकालिमाकसणो कयं नहयलं धवलं व कुणंते अलण्हजोण्हानियरेण मयलंछणे, रिक्खगहणण-ससिरेहिरनहयलसोहं व समणुकरिते, सियसयवत्तसहस्सवत्तपुंडरियदूपुरपूरिए य पउमायर-नियरे, दुग्गयजणपियरनियरे व्व अलद्धाणे इओ तओ परियडंते गयणंगणे घणविसरे, अकज्जायरणसज्जस[इ]रिणी जणे इव वइ उप्पि गयक्खिए इक्खुवाडे, चक्कासंगसंगथा साहेसु सरूच्छंगे सुपहट्टसिहिकुलसंतोसे हरियपुट्टसंतुदुवप्पनयंत-गोविसेसभाए सरयसमये गंधवारणं समारुहिऊण समं धणचंदेण विणिग्गओ समरसेण राधा । पत्तो सिरिसुंदरनाम-उज्जाणं । विविहकीलाहि कीलंतो निसण्णो सहयार-छायाए ।

एत्थंतरे वियंसिओ तण-सक्कराइयमवणयंतो मुरहिमाखो । विमुक्कवेराणुबंध-सहाव-विरुद्धा वि सप्प-नउल-मज्जार-मूसागाइपसुगणा परोप्परं कीलिउमारद्धा । सव्वोउय-कुसुमेहिं कुसुमिया उज्जाण-याथवा । मणहुरूताल-रमणीयगुजियारव-भरिय-दियंतरा पमोय-भर-निब्भरा पयाहिणगई जाया विहंयमगणा । सरीरमुहपथावं उज्जोइउं पयत्तो तमुदेसं दिवायरो । तओ पुच्छिओ राइणा समासण्णा निसण्णो धणचंदो—“अज्ज कि पुण एयं अच्छेरब्भूयं व उज्जाणं पडिहाइ?” धणचंदेण भणियं—“महाराय! अहं पि न सम्मं वियाणामि।”

एत्थंतरे पुव्वदिसाविभागाओ पभूयकिरण-नियर-परिवेदियं तरुण-तरणिबिबं व [चव]लाओ अवराभिमु[हमु]व्वलियं पंचवण्णरयणरासिचिचइयं, सहरिसामर-नियरमुहर-विणिग्गय-जयजयाराव-भरिय-भुवणोदरं, सजलहरगहिरासंख-संख-वज्जंताउज्ज-सह-सवण-संजाय-घण-घणिय-संक-संतुट्ट-सिहि-सरय-समारद्ध-तंडवं, मुरसुंदरीसंदोह-गिज्जंत-पवरमंगलं, सरस-सुग्गंध-पारियाय-पमुह-तरु-विसर-गहिय-कुसुमुक्केराणुसार-संवलिय-छप्पयावलि-संछण्ण-नहंगणं, अप्पेगदेवकोडि-परिवारियं विज्जिय-चाउरंत-संसार-मंडलं, सरणागयभविद्य-जणनिककारणबंधुणो धम्मवरचाउरंत-चक्कवट्ठि य धम्मवरतित्थस्स जुगवाहुणो तित्थयरस्स विट्ठं राइणा सहावसुंदरे सिरिसुंदरे उज्जाणे समोयरंतं धम्मचक्कं । तयणंतरं च पंचमहव्वय-धुर-भार-धरण-धोरेयकंधरो अप्पेगइया तीयाणागय-वट्टमाण-वत्थु-वित्थर-विधाणण-पवण-केवलनाणधारिणो, अप्पेगइया माणुसुत्तर-गिरि-मज्जवत्तिसत्तमणोगयदव्वाविभावणसमत्थमणपज्जवनाणधारिणो, अप्पेगइया रुवि-पयत्थोयोर-ओहिनाण-संगथा, अप्पेगइया सुयसायर-पारया दुवालसंग-धारिणो, अप्पेगइया एककारसंगसंगथा, अण्णे अक्कीण-महाणसलद्धिणो, पुलायलद्धिसालिणो, विउव्वियलद्धिमंतो, जंघाचारणा, आमोसहिणो, तेउत्तिसय-धरियडिडीर-पिंडपंडुरायवत्तो पहट्टामरकरताडिय-दुंदुहि-निनाय-भरिय-वंभंडो, चउट्टिसिविरायंत-भूरिभामंडल-मज्जट्टिओ, सव्वेयर-पासट्टिध-सथचामीयर-सक्क-दोधुव्वमाण-चारुचामरो, विणएण य मुरासुर-समारद्ध-सब्भयगुणकित्तणो, उज्जंत-पवर-कप्पूरागरु-कुंदक्क-सुग्गंध-धूव-धूमधयारिय-दिसामंडलो, अच्छंत-सोम-दंसणो, निरुवमरुव-संपयासमण्णिओ, देव-विणिग्गिय-नव-कणय-कमलोवरि-

विमुक्कपायकमलो, अप्पपुणजण-दुल्लह-दंसणो, भयवं जुगवाहूतिथयरो । कथा देवेहि समवसरण-विरथणा । पविट्ठो पुव्वदारेण भयवं । पयाहिणीकाऊण सीहासणं 'नमो तित्थस्स' भणंतो निसण्णो पुव्वाभिमुहो । कथा देवेहि तिण्णि तप्पडि-ह्वगा । तओ देवासुर-विज्जाहर-मण्ण्यचंदसंकुलाए सहाए आजोयणवित्थारिणो सजल-घण-घणिय-गंभीरेण सयलसत्त-सभासाणुणेण सरेण समारद्धो भयवं धम्मदेसणं काउं । एयावसरे घणचंदेण भणियो राया—“देव ! तित्थयरो एस देविद-नागिद-नरिद-नमंसणीओ समोसद्धो । ता वंदिज्जउ ।” रण्णा भणियं—“जं भवं भणेइ” त्ति भणिऊण गओ राया सह घण-चंदेण वंदिऊण तित्थेसरं उवविट्ठो सट्टाणे । तओ पव्वज्जा-पडिवत्तिपरायणेसु केसु वि लह्यतरकम्मेसु नरनारीगणेषु, देसविरइं पव्वज्जमाणेषु केसु वि नरतरिएसु, सम्मत-पडिवत्तिपरायणेषु तहण्णेषु जीवेषु, संसय-वुच्छेयं कुणमाणे भविय-जणकमल-दिवायरे संसारावड-निवडंत-जंतु-दिण्हत्थालंबणे जुगवाहूजिणेषरे, लद्धावसरेण भणियं घणचंदेण—“भयवं ! कहि मे जेट्टभाया तहा पाणचायं काऊण उववण्णो, कथा वा सिज्जिस्सइ ?” भयवथा भणियं—“भइ ! संपयं सक्कर-पभाए पुढवीए नेरइयत्ताए चिट्ठइ । तओ उव्वट्टो नरतरिएसु चिरं हिडिऊण धूलमुसावाय-वय-खंडण-अणिय-पावभर-पणो-ल्लियो, कत्थइ जीहान्ठेअणेण, कत्थइ सधमेव सडणेण मरिऊण, सुकुले जम्मं लहिऊण, पव्वज्जं काऊण जिणमए, आलोइय-पडिक्कंतो अंतगडकेवली होऊण, निव्वाणं गमिस्सइ ।” वयभंग-दारुण-परिणाम-सवण-संसार[संजाय]निव्वेओ जेट्टपुत्तस्स रज्जं दाऊण सह पहाण-सामतेहि पव्वइओ राया । वोलीथा पढमपोरसी । टिया धम्मकहा । एवं कइवय-दिणाणि सब्बजणोवधारं काऊण विहरिओ अण्णत्थ तित्थयरो । घणचंदो वि सविसेसं सावयधम्मं फासिऊण, निरइयारं धूलमुसावायवयं परिपालिऊण, समाहिमरणेण मरिऊण, समुप्पण्णो आरणकप्पे उक्कोसठिओ सुरो । तओ चुओ लद्ध-पव्वज्जो सिज्जिस्सइ ।

इह लोणे वि अणत्थं लहंति मिच्छाभिभासिणो जीवा । परलोणे वि हु पाविति तिकखदुक्खः ण दंदोली ॥१६॥
ता मुयह अलियवयणं सच्चं संलवह कुणह जिणं-धम्मं । भोत्तूण नर-सुर-सुहाइं भोक्खं पि पावेह ॥१७॥

इयारिणं मूलअदत्तादाण-विरइ-वय-खंडणाराहणा फलं पदंसिज्जइ ।

अत्थि इहेव जंबुद्वीवे दीवे भारहभूसणं गंधसमिद्धं नाम नयरं । तम्मि य सुचंद-चंदणाभिहाणा दोण्णि भायरो परिवसंति । उज्जुओ चंदणो । करेइ मुट्ठो [सु]चंदो । निवारेइ चंदणो । सुचंदेण भणियं—“अरे ! कणिट्ठो वि तुमं तुंड-वलेण जेट्ठो जाओ, जेण मं सिक्खवेसि । ठिओ मोणेण चंदणो ।

अण्णया गामाणुगामं विहरंता, जूहाहिवगइंदो व्व भइजाइ-गय-कलह-कुलेण परिवारिया समणसंधेण, नहंगणं पिब मंचलालया, नाहियवाय-संगथा वि नाहियवाइणो सुविमाहा, असमा वि सम संगथा, असमंजसं कुणंता वि असमंजसारिणो, बहुमया वि भयवज्जिया, [प]मा[य]पाणिवहालिय-अदत्त-मेहुण-परिग्गहण-परिग्गहराईअत्ताणं विरया, निरया अट्टारसव्विह-संजमे, परत्तात्ति-विप्पमुक्का, गामाभर-खेड-मंडव-दोणमुह-पट्टण-कुल-आलय-पडिबंध-वज्जिया, समतिण-मणि-लेट्ठु-कंचणा, समसत्तु-मित्त-भावा, समा निदा-पसंसासु, समोसरिया गंध-समिद्ध-नयर-वाहिरुज्जाणे जसधम्मभिहाणा सूरिणो । निग्गया वंदणवडियाए नयरलोया । चंदणो वि घेतूण विणय-पुरस्सरं सुचंदं गओ सूरिसनीवे । तओ मोह-महासर-समूह-सोसण-जुगंतानिलाणं, अण्णाण-तिमिर-विद्धंसणेक्क-चंड-मायंडाण, कम्म-काणण-दाह-दावानलाणं, भयवंताणं जसधम्मसूरिणं सुरासुर-नर-विसरत्तेवियं भत्ति-भर-निव्वरं वंदिऊण पय-पकयं निसण्णो समं सु[चंदेण] चंदणो । तओ पारद्धा भयवथा सरयजलय-नीहारिणासरेण धम्मदेसणा । पडिबुद्धा बहवे पाणिणो । कथा जहारिहं धम्मपडिवत्ती । जहागयं गथा नागरया । सुचंद-चंदणा वि सघरं गथा ।

कइवयदिणावसाणे अणत्थ विहरिया सूरिणो । एगत्थ अनिव्वहंता भि[ण्णी]हया सुचंद-चंदणा । अप्पपरिवारो चंदणो । बहु-कुडुंबो इयरो । किलेसेण संपज्जइ भोयणमेत्तं पि । अण्णम्मि दिणे भणियो तेण चंदणो । पडिवण्णो मए गुरुपुरओ धूलादत्तादाणविरइं । न उण चोरियं विणा हं निव्वहामि । तेण भणियं—“जिणोवइट्ठं विरइं पडिवज्जिऊण भंजंतो संसारे भमिहसि ।” तेण भणियं—“कि रे दिट्ठो जणेहि परलोगो, जेणेवमुल्लवसि ?” चंदणेण भणियं—

जइ जिणवयणं पि तुमं न सहहसि रे मूढ दुवियड्डोसि । तो जं रुच्चइ तं कुणसु किं विधारेण अहलेण ॥१८॥
सयलगुणाणं मूलं गुरुबहुमाणो जिणेहि पणत्तो । जइ सो वि नत्थि भाउय अचिगिच्छो ता तुमं नूनं ॥१९॥

विसं वइऊण उट्ठिओ सुचंदो । अण्णम्मि दिणे खणियसणेण तत्थेव नयरे वणियघरे खत्तं । आरक्खिअलक्खिएण पवेसियं नियघरे मोसं । तओ चितियमणेण—‘जाओ कई वि मासे कुडुबनिव्वाहो । गच्छामि संपयं तामलित्ति नयरि । तत्थ गओ जहाजुत्तं करिस्सामि । कयं तेण जहा चितियं । पविसंतेण नयरे दिट्ठो एगा थेरी । पणामपुरस्सरं पुच्छिया तेण—‘को एत्थ ईसरो दवालुओ थ ?’ “तीए भणियं—‘धणधम्मसेट्ठी ।’ “कहं तस्स मंदिंरं ? दंसियं तीए । पविट्ठो तत्थ । पणमिओ धणधम्मो । पुच्छिओ तेण—‘भइमुह ! कत्तो समागओ ?’ “बाहल्ललोयणेण जंपियं तेण—‘महामुणि व्व अनियथावासो किं कहेमि महाभागस्स । बालभावे नेव उवरया मे जणणिजणया । देहवलिधाए जीविओ एत्तियं कालं । संपयं पुण महादालिहाभिभूओ नाणाविह देसंतरं परिब्भमतो सोऊण तुह पसिद्धि इहागओ ।’ धणधम्मेण भणियं—‘वच्च ! न खेओ काथव्वो । पुत्तो मह तुमं । धेव दिणमज्झे माणुसं करिस्सामि ।’ मज्जाविऊण भोथाविओ अप्पणासद्धि धरिओ कइवधदिणाणि । विस्संभमुवागओ सेट्ठी । ववहारनिमित्तं समप्पिओ दीणारलक्खो । पारदो ववहरिऊं सुचंदो । कारवेइ दीणारेहिं सुवण्णयं । अण्णया रयणीए लहिऊण, अंतरं गहिऊण सुवण्णयं, पलाणो । समागओ सनगरं । निमंतिओ चंदणेण । भुत्तावसाणे पुच्छिओ तेण सुचंदो “कहं ते एत्तिओ घणागमो ?” हरिसियमाणसेण साहिओ तेण जहट्ठियवइयरो । पसंसियं तेण नियकम्मं । चंदणेण भणियं—‘त्रिले करं खिवंताण केवइयं कुसलं । जओ —

अनयो जणिय गुणो वि हू पयावविहवं न देइ गरुयाण । विहिवसविसं घडंतो वि गुणकरो न य समारंभो । १०० ।

सुचंदेण भणियं—‘अणाथारमाथरंतो वि को वि कुसलं जावज्जीवं पाउणइ जहा वयणसारधुत्तो ।’ चंदणेण भणियं—‘को एस धुत्तो ?’ इयरेण भणियं—‘सुणसु’ ।

वयणसारधुत्तकहा—

अत्थि सागेए नयरे सामडो नाम दिओ । ईसरी भारिया । वयणसारो पुत्तो । विविहवसणाभिभूओ विणासेइ दविणजायं । वारिओ पिथरेहिं न थक्कइ दविणमभिद्वंतो । तओ सधणसमवायं काऊण गओ राउले सामडो । विण्णत्तो-राया—‘देव ! मह पुत्तो वसणाभिभूओ वारिओ वि न वसणाओ विरमइ । कओ मए घरबाहिरो । नाहमिमस्स दोसेण लिप्पामि ।’ कालक्खरियं काऊण समागओ भवणं । निट्ठाडिओ घराओ वयणसारो । सिक्खिया तेण तत्थेव नयरे धुत्त-विज्जा । कूड-कवड-वंचणाहिं मायाभोसेण थ खड्डो सव्वो वि सागेयनथरजणो न कोइ वी[स।]स समागच्छइ ।

अण्णम्मि दिणे पियरि पओसं वहंतेण खणियं खत्तं । सुह-पसुत्तो वावाइओ पिथा । गहिऊण घरसारं कथत्थ-मत्ताणयं मण्णमाओ निग्गओ सागेथाओ । मिलिओ आगच्छंतस्स सहिरण्णो वणिय-दारओ । वयणसारेण भणियं—‘भइ ! को तुमं ? कत्थ वा पत्थिओ ?’ तेण भणियं—‘सुमंगलो नाम सेट्ठीसुओ, पिउणावमाणिओ, तामलित्तिं पइ पत्थिओ ।’ तेण भणियं—‘अहं पि बंभणसुओ सुंदरो नाम पिउपराभवेण तामलित्तिं नेव गच्छिस्सामि । अहो ! विहिणा समदुक्खाण समागमो घडिओ । अणुकूलकवड-वयण-विणयकरणमाइणा समावज्जियं से हियं । कहियं रहस्सं सुसंगलेण—‘अत्थि मह समीवे सुवण्ण-सहस्सो । भाउओ मह तुमं । ता तए सह एसो भोत्तव्वो ।’ वयणसारेण भणियं—‘नाहं परपरिमाहं गिण्हामि ।’ सविसंसं विस्सासमुवागओ सेट्ठिसुओ ।

अण्णया दीहद्धाणपरिक्खेइय-सरीरो रयणीए निब्भरं पसुत्ती वावाइओ सुमंगलो वयणसारेण । गहिऊण सुवण्णयं गओ तामलित्तिं । कयं तत्थेवावत्थाणं । निरुवेइ अत्तणो समगुणं सहायं । इओ थ अवतिवद्धणे नयरे तुडिलो माहणो परिवसइ । तस्स थ पुत्तो चिविडनासो नाम विलासाहिलासी घरसारं नासेइ । अण्णया निब्भच्छिओ जणएण—‘अरे ! दुजम्मजाय ! दुग्गओ वि होऊण विलासे कुणंतो न लज्जिसि ? नीहरसु मह घराओ । न तए मह कज्जं !’ सो वि पिउणावमाणदुग्गमणसिओ अकहिंतो नेव निग्गओ । दिवहं वहिऊण रयणीए कंतारे ओगाढो तओ—

गयत्रइ-सरहसूयर-गंडय-त्रण-महिस-रिच्छसंछणं । सहूल-सीह-चित्तय-घूयडघोक्कारभयणिज्जं ॥१०१॥

एवंविह कंतारमवलोइऊण भोओ चिविडनासो मोत्तूण मगं गिरिकंदरं वा तरुकोट्टरं वा निल्लुककण-कए निरू-विउमाढतो । तहाविहं ठाणमलहुंतो पत्तो एमं महाचंदणतरुतलं । विद्याणिओ णेण परिमलेण जहेस चंदण-पायवो । कय-करयलसंपुडेण सविणयं भणियं चिविडनासेण—

अडविवणसंडमंडणनियपरिमलभरियदसदिसाभोय । सरलसुविंसालसुहयरचंदणतरु पत्थिमो कि पि ॥१०२॥
वियरसु विवरं रक्खेसु मह जियं जाव वोलेण रयणी । परकज्जकरणनिरओ को अण्णो तुज्ज सारिच्छो ॥१०३॥

तओ संजायाणुकंपेण दिण्णं विवरं साहिट्टाणं चंदणपायवेणं । पविट्ठो चिविडनासो । जाओ पुणो वि सहावत्थो पायवो । सव्वं पि र[य]णि चंदणोदरमज्ज-पविट्ठ-बंधण-रोमरंधेसु संकतो चंदणपरिमलो । जाओ तक्कट्ठं व सुयंध-सरीरो । पभादा रयणी । उग्गओ सूरिओ । पुणो वि विवरं दाऊण निस्सारिओ तरुणा । सुडरं निरूविऊण तं ठाणं लग्गो मग्गो चिविडनासो । नित्थिण्ण-कंतारस्स मिलिओ पिउवयंसओ चंडदेवो नाम । संजाया दोण्ह वि परोप्परं पच्चमिण्णा । पुच्छिओ चिविडनासेण चंडदेवो—“कतो तुमं पडिनिधत्तो ?” तेण भणियं—“तामलित्तीओ ।” चिविडनासेण भणिअं—“भयावहा इओ परं अडवी । जइ अत्थि तुह समीवे किपि भयकारणं ता सत्थेण गंतव्वं ।” तेण भणियं—“संति दस दीणारा दक्खिणाए लद्धेल्लया ।” तेण भणियं—“जइ एवं ता चिट्ठसु मह समीवे तुमं, जाव को वि सत्थिओ समागच्छइ ।” पडिवण्णमणेण । निसण्णा मग्ग/सण्ण-वड-पायव-हेट्ठओ । पारद्धा संकहा । अंतरंतरा निहायंतो भणिओ चिविडनासेण चंडदेवो—“सुवसु तुमं खणमेत्तं । सत्थेल्लयमागयं अहं ते साहिस्सामि ।” सुत्तो चंडदेवो । वावाइओ चिविडनासेण । गहिऊण दीणारए पलापो । पत्तो पत्तवरनयर/सण्ण-काणणं । दिट्ठो तेण तुरंगम[परि]वाहण-परिखेइय-सरीरो सहधार-छायाए सपरिधओ निसण्णो राया । तओ संबुद्धमापसो मोत्तूण मग्गं उप्पहेण पत्थिओ [चिविडना]सो समागओ रायसमीवं महतेण चारुचंदण-परिमलो । राइणा भणियं—“अणग्घाइयपुव्वो मए एस चंदणगंधो । साहेह भो ! को वि लित्तो तुम्हाण मज्जे चंदणेण ।” तेहि भणियं—“न कोइ ।” तओ तुरियं उप्पहेण गच्छंतो दिट्ठो मतिणा चिविडनासो । सहाविओ नियपुरिसेण । पुच्छिओ य मतिणा—“अत्थि तुह समीवे च[द]णगंडिया ?” तेण भणियं—“नत्थि ।” मतिणा भणियं—“कतो एस परिमलो वियंभइ ?” तेण भणियं—“मह सरीराओ ।” सच्चवियं मतिणा जाव तहेव । पुच्छिओ राइणा चिविडनासो—“को एत्थ परमत्थो ?” साहिओ तेण जहट्ठिओ । रण्णा भणियं—“दंसेहि तं चंदणतरं, जेण ते पसायं करेमि ।” पडिवण्णं बंधणेण । रायवधणेण भंडिओ गहाय गथा तत्थ वलाहिय-पमुहा पुरिसा दंसिओ तेण चंदणतरु । छिण्णो मूलाओ । पच्छा भूमि खणिऊण कंदा वि गहिया । एत्थंतरे पडियं तयाहिंदायग-वंतरेण—

जोइ ज किउ मह देसिएण, उवरंतरि धरिएण । कंद खणेविणु मूल खय सुकिउ न मिलउ तेण ॥१०४॥

निमुयमेयं रायपुरिसेहि । समागया घेत्तूण चंदणकट्टाणि । कहियं वाणमंतर-पडिय[गाहा] राइणो । राइणा भणियं—“अकज्जकारी कयग्घो य एस माहणो नाहमेयस्स भुहं पि पेक्खामि । गले घेत्तूण निद्धाडिओ । तओ विसाय-मावण्णो नयररच्छासु परिउडंतो नियकज्जागएण दिट्ठो वयणसार-धुत्तेण । सहायत्थिणा पुच्छिओ—को तुमं किमभिहाणो? कि निमित्तं विसण्णो वियलक्खीयसि ?” साहिओ तेण तस्स धरनिग्गमणाइओ नियवइयरो । वयणसारेण चित्तियं-जोगो एस ममं । संगिण्हामि एयं, जेण सहाओ भवइ । भणिओ सो तेण—“जइ मह सेवं करेसि तो तुमं ईसरी-करेमि ।” चिविडनासेण भणियं—“दंसेहि ताव पच्चयं, केणोवाएण ईसरं करेसि ?” तेण भणियं—“दंसेमि । परं तए निरूवयंतेण चिट्ठियव्वं, न उण कि पि वस्सव्वं ।” ‘एवं’ ति तेण भणिए गहिओ एगो कंबलो । निरावरणो होऊण गओ मुद्धसेट्ठिआवणे समासण्णदेसे संजमिऊण मुक्को कंबलो । अदंसिय-सीय-विद्यारो निसण्णो जाव चिट्ठइ तावागओ धराओ मिउ-मसिण-पम्मूल-बूर[रइय]पउरव[त्थेण परिहरि]य सरीरो सिसिर-पवण-वस-पकंपंत-दसणो मुद्धसेट्ठी । दिट्ठो णेण उग्घाडिय-सरीरो सीय-विज्जिओ वयणसारो । पुच्छिओ—“भइ ! निरावरणो तुमं । माह-मास-संतिद्याणि

दुस्सहाणि सीयाणि । निस्सीओ विय लक्खीयसि । किमेत्थ कारणं ?” तेण भणियं—“कहिज्जमाणे वि न कस्स वि सद्दुहणं जायइ । किं कहिएण ?” सेट्ठिणा भणियं—“अवस्सं कहेयव्वं । वयणसारेण भणियं—“पुच्छिओहमणेगेहिं ।” न मए कस्स वि साहियं । जोयो य तुमं, अओ कहिज्जइ । आराहिओ मए एगया उमामुहो नाम महरिसी । तुट्ठेण दिन्ने मे एस कंबलो तेण । कहियो पभावो जहा—समासण्णे एयम्मि महासीयं पि न पहवइ । तओ पणमिऊण उमामुहं समागओ हं सभवणं । सिसिरकाले धरेमि संजमिऊण समासण्णमेयं । निरावरणो सकुटुंबो रयणिमइवाहेमि । मुद्धसेट्ठिणा चित्तियं—“जइ एस कह वि लब्भइ, तो पइवरिसं मुंचामि वत्थाइ परिव्वयस्स ।” उवधरिओ तंबोलाइणो सेट्ठिणा तओ नीओ नियमंदिरं । कयमज्जणो भोयाविओ परमायरेण । पुच्छिओ परियणेण—“किमेसमेवमुवयरिज्जइ ।” सेट्ठिणा भणियं—“पडिक्खणभाउओ एस मे गोरवेण दट्ठव्वो ।” दिण्णं सेट्ठिणा पहाणवत्थजुयलं । बोलीणो वासरो । समागया रयणी । ठिओ एगंते मुद्धो सेट्ठी समं वयणसारेण । वड्ढंते कहालावे लद्धावसरेण भणियं मुद्धसेट्ठिणा—“वयंस ! जइ कस्स वि अण्णस्स वि दायव्वो एस कंबलो अत्थेण तो मह दिज्जइ ।” इयरेण भणियं—“नत्थि पओयणं अत्थेण । जइ पुण ते कज्जं तो गिण्हसु एयं, जओ पाणा वि मे तुह सतिया किं पुण एस ।” मुद्धसेट्ठिणा भणियं—“जुज्जइ एयं अकित्तिसिणेहाण तुम्हारिसाण मज्ज वि लच्छी तुह सतिया चेव । तह वि मह संतोसनिमित्तं गिण्हसु पंच सयाणि दीणाराण ।” धुत्तेण भणियं—“ताहं तुह वयणमइक्कमामि ।” तओ दाऊण दीणाराण पंचसयाणि संगोविओ कंबलगो सेट्ठिणा । समागओ नियधरं । मुक्को रयणीए धरंगण-कीलए कंबलो । साहिओ तप्पभावो । सुत्तो समंतओ तप्प-रिपेरंतेसु सेट्ठिणिपमुहा परियणो । सेट्ठी वि तं मज्जे । खणंतरेणावज्जंतदंतवीणो सीएण पक्कमाण-सव्वंगो सेट्ठी सयणिज्जाओ उट्ठेअं परियणं भणइ—“किं तुम्हाण न सीयं लग्गइ ?” सो भणइ—“लग्गए धणियं ।” हा ! मुद्धा धुत्तेणं । उट्ठेह घरम्मि पविसम्ह ।” तहेव कयं । पभाए गवेसणं काऊणं अलद्धतत्ती विलक्खवयणो विरमिओ सेट्ठी । निग्गओ नयराओ धुत्तो वि । चिविडनासो वि मग्गणुलम्मो गच्छइ । दिट्ठं अडवीए अय-चडगरं । वयणसारेण दीणार-चउक्कणेण गहियो एगो छागो । पुणो वि मम्ममोइण्णो जाव गच्छइ थेवंतरं, ताव दिट्ठो पुरओ समागच्छतो अविद्यारो नाम ठक्कुरो वरो । वयणसारेण चित्तियं—“एयंपि धुत्तेमि ।” तओ उवरि समाहहिऊण छागस्स गाढं गहिऊण कण्णेसु वालिया कंधरा । सो वि [छागो...]निर्फेडिय-लोयलोयणो निल्लालिय-जीहो विरसमारसिउमारडो । कया अवाण हेट्ठो एणूणपंचसया दीणारा । एगो दीणारो रालाए अहिट्ठुणे लाइओ ।

एत्थंतरे समागओ तं पएसं ठक्कुरो । तेण भणियं—“अरे ! निग्घिण ! किं निमित्तं अयं कयत्थसि ?” धुत्तेण भणियं—“एस दीणाराणं पंचसयाणि पइदिणं मे पयच्छंतो अज्ज पुण एगूणाणि वियरइ । तेण कयत्थेमि ।” एयं सोऊण विम्बिय-माणसो उत्तिण्णो तुरंगमाओ ठक्कुरो । निरुविओ अयानंदण-हेट्ठु-भाओ । ठियाणि एणूण-दीणार-पंच-सयाणि । उवरिहुत्तं नियंतेण अहिट्ठुण-विलग्गो पंचसय-पूरणो वि दिट्ठो । साहियं वयणसारस्स ठक्कुरेण । मुक्को-तेण वोक्कडो । संगोविया दीणारा । संजायलोहेण भणियमवियारेण—“पच्चासण्णो मे गामो । अज्ज मह पाहुणएण होयव्वं ।” पडिक्खणं वयणसारेण । गओ ठक्कुरगामे । कया ग्हाण-भोयणाईया सविसेसा पडिक्खती । विद्यणे भणिओ ठक्कुरेण वयणसारो—“देसु दिक्खं अज्ज वि न दिक्खिया अम्हे ।” तेण भणियं—“परवरिग्ग[ह]परंमुहो, छकम्म-निरारंभो, निव्वहणमेत्तसत्तंसुट्ठो, सारंभे सपरिग्गहे तत्तायगो[छग]लक्खी, गिहत्थं न निययपरिग्गहं करेमि ।” ठक्कुरेण भणियं—“अहो ! ते निस्संगया ! अहो ! चत्तो संसारो भयवं भूमिदेवए एयं निरीहो वि तुमं किं करेसि छगलेण ? समप्पेसु मज्जं । जइ ते अत्थेण कज्जं, भणसु, जत्तियं वियरामि ।” वयणसारेण भणियं—“तुह पणओ चेव अणगवओ, किमत्थेण ? गिण्हसु इमं ।” ठक्कुरेण वि हरिसियमणेण अणिच्छंतस्स दिण्णो दीणारसहस्सो । गहियो बोक्कडो । पलाणो वयणसारो । गओ तामलित्तिं ठिओ तत्थ ।

इओ ठक्कुरेण बीयदिणे धरमज्जे छोडूण छागं, दढग्गाहेण गहिऊण, कण्णेसु नामिया कंधरा । सो विरसंतो लिडियाओ चेव मुंचइ । निरुवियं ठक्कुरेण, जाव लिडियाओ चेव पेच्छइ । पुणो वि दढयरं वाहिओ तहावि लिडियाओ चेव वीसिरइ । नायं ठक्कुरेण जहा धुत्तिओ हं तेण । लग्गो मग्गओ । कइवय-दिणेहिं पत्तो तामलित्तिं । दिट्ठो

[पाउक्खालयनिमित्तं] नीहरंतो । ठक्कुरेण भणियं—“पाव ! ममं मुसिय कहि पत्थिओ ?” धुत्तेण भणियं—“तुह समीवे चेव ।” ठक्कुरेण भणियं—“किं निमित्तं ?” तेण भणियं—“पडिपुण्ण-विहि-साहणत्थं । सोहणं जायं, जं तुमं एत्थेव आमओ । भणसु, जो विही तए पउत्तो ?” जहा कओ वहिओ तेण । धुत्तेण भणियं—“हीण-विहि काऊण मज्झ रूससि ?” ठक्कुरेण भणियं—“कहं पुण पडिपुण्णो ह्वइ ?” तेण भणियं—“पढमं ताव मूल-जाय-चिविडनासबभणकणमलेण वोक्कडा-हिट्ठुणं विलिपिज्जइ । पच्छा पुव्वुत्तपउत्त-विहिणा देइ पंचसथाणि ।” ठक्कुरेण भणियं—“कहि मूलजायं चिविडनासं वंभणं लहामि ?” धुत्तेण भणियं—“मया वि कह कह वि लद्धो ।” ठक्कुरेण भणियं—“जइ जाणसि एत्थेव कोई तो साहेसु ममेयं कज्जं ।” तओ संकेयं गहिऊण दंसिओ ठक्कुरस्स चिविडनासो । मग्गिओ ठक्कुरेण कणमलो । तेण भणियं—“दीणारसहस्सवज्जं न देमि नियकणमलं ।” सहस्सं दाऊण गहिओ अवियारेण । गओ नियगामं । विलित्तं कणमलं छागलाहिट्ठाणं । पउत्तो जहावइट्ठो सेसो विही । तहवि लिडियाओ चेव मुंचइ । तओ मोत्तूण छगलयं जंपियं ठक्कुरेण—“अहो ! अहं विडंबिओ तेण धुत्तेण । ता जइ तं सत्तमरत्तमज्जे [न] वाक्काएमि तो अप्पाणं पावए पविसामि” त्ति पइण्णं काऊण तुरिय-तुरियं तुरंगमेण पहाविओ तामलित्तं । दिट्ठो नीहरंतो धुत्तो । भणिओ ठक्कुरेण कुवियकथंताव-लोइय—“कहि तुमं पत्थिओ ?” धुत्तेण भणियं—“तुह समीवे । ठक्कुरेण भणियं—“किं निमित्तं ?” तेण भणियं—“सुणसु । बला वि परिणाविओ अहं जणणीए । जाओ कोडुबिओ । अवगथा तारिसी निसंत्तया । न बलामि विणा छगलएण । अओ सहस्सं ते दाऊण छगलयं गहिस्सामि ।” ठक्कुरेण भणियं—“वंचिओ तए एत्थियं कालं । संपयं न वंचसि । भवसु पुरओ ।” तेण भणियं—“जं चेव अहं काउमारद्धो तं चेव तुमं कारावितो अणुकूलं करेसि । परं समागया भोवणवेला । भुंजसु ताव । तओ गमिस्सामो ।” पडिक्कुरेण ठक्कुरेण । नीओ नियधरं । तं पुण दोवारं । निसण्णो [आ]सणे धरंगणे ठक्कुरो । पविट्ठो वयणसारो धरंभंतरे नीहरिओ वीय-दुवारेण । किं पि इच्छिऊण तरुणवेसाए सनं आणोया वुड्ढवेसा । पवेसिया पच्छिमदुवारेण । ढक्कियं दुवारं । जहा न नज्जइ तहा पक्खिता वेसा कोट्टए । दिण्णमुवरि ढक्कणं । सद्धिओ ठक्कुरो । निवेसिओ पल्लके । भणिया तेण थेरी—“पिए ! चलण-पक्खालणं करेसु ।” तीए भणियं—“माणणिज्जो एसो अम्हाण । न तए विधारो कायव्वो ।” निहविऊण समंतओ मंदिरं उट्टिओ ठक्कुरो, निउगणे धराजिरे । कवड-कोवं काऊण भणिया तेण सा—“कीस तए मज्झ चेव न चलण-सोयणं कयं ?” “विदरिओ तुमं, लोपववहारं पि न याणसि” त्ति भणमाणी पविट्ठा सा भवणभंतरे । वयणसारो वि अलिय-कोव-कय-भिउडिभीसणं वयणं वहमाणो गहिय-लउडओ पविट्ठो पिट्ठो । दिण्णं दुवारं । निहया कोणाभिघाएहि धर-कोणया । कडिडया कोट्टयाओ वेसा । नीहारिया पच्छिमदुवारेण वाइया । भणिया तेण तरुणि—“मए निग्गए, तए नीहरियव्वं । एयं भणिऊण निग्गओ वयणसारो । ढक्कियं तहेव दुवारं । निसण्णो अवियार-समीवे । तेण भणियं—“न सोहणं तए समायरियं, जमेसा थेरी गीणि व्व लउडणेण पहया ।” जावेवं भणिऊण न विरमइ ठक्कुरो ताव उग्गाडिऊण दुवारं अट्टारसवरिसवेसा पवरवत्थाहरण-विभूसिया नुरसुंदरिसंकासा निग्गच्छंती दिट्ठा तेण वरतरुणी । भणिओ तीए वयणसारो—“पिययम ! समाइससु जं मए कायव्वं ।” तेण भणियं—“ठक्करं मज्जावेसु ।” तीए भणियं—“जं सामी समाइसइ ।” अवियारेण भणियं—“वयंस ! चिट्ठउ ताव मज्जणपडिबती । कहसु कहमेसा बुइदी तरुणी होऊण निग्गया ?” भणियं वयणसारेण—“न पच्चओ तुज्ज मह वयणे, किं कहिएण ?” ठक्कुरेण भणियं—“सव्वहा कहेयव्वं ।” तेण भणियं—“जइ एवं तो सुणसु !” अत्थि सुरासुर-जक्ख-रक्खस-किपुरिस-महोरग-ग]धव्व-विज्जाहर-विसर-संसेविओ सिरिपव्वओ नाम पव्वओ । तण्णिवासी सिवसंताणो नाम जोगिओ । कयाइ सो मए परमविणएण समाराहिओ । संजायतुट्ठिणा अण्णम्मि दिणे दिण्णो तेण सह एस लउडओ । कहिओ एयस्स पभावो-जहा धरदुवारं दाऊण वुड्ढमाणुसमिमिणा पडपडस्स पिट्टिज्जइ, तहेव दारं दाऊण नीहरिज्जइ, खणंतरेण पत्त-तरुण-भावं नीहरइ ।” ठक्कुरेण भणियं—“देसु मे दीणारसहस्सेण लउडयं ।” दिण्णो । गहिओ दीणारसहस्सो । गओ ठक्कुरो नियगामं । चित्तियमणेण—“बुड्ढा धरिणी अकालहीणमेयाए तरुणत्तणमाणेमि ।” छूढा उवरणे । गहिया कोणे । पविट्ठो ठक्कुरो । विरसमारसंती ताडिया, दाऊण दुवारं निग्गओ, निसण्णो उवरणदुवारे । निभारितो चिट्ठइ जाव ता वुड्ढ मुच्छावसेण “हा ! अज्जउत्त, किं तुमं निरावराहाए वुड्ढत्तणे मज्जवेरिओ ?” त्ति सद्धो । तओ संजाय-संको पविट्ठो भवणभंतरे । दिट्ठा कलुणं कणंती “आ माए मया मए” त्ति भणमाणी भारिया । सिता सल्लेण । सहाविया वेज्जा ।

साहित्यं तेसि जहृष्टियं । पउत्ताणि तेहिं बोलपाणाइ ओसहाणि । कह वि पण्णविया । संजयामरिसो चलिओ पुणो वि तामलित्तिं ठक्कुरो । वयणसारो वि अणागयामेव मोत्तूण तामलित्तिं भरुयच्छाभिमुहं पत्थियो । दिट्ठ-ठाणे समागओ ठक्कुरो । पुच्छिया पाडिवेसिया । तेहिं भणियं—“अज्जेव निग्गओ भरुयच्छमग्गे ।” पहाविओ ठक्कुरो । मिलिओ थेवंतगयस्स वयणसारस्स । जावज्ज वि न किंचि संलवइ ताव संजमिओ कर-चरण-केसेसु बद्धो मोत्तोलिए वालिओ नियमामाभिमुहं । अंतरा गच्छंतेहिं दिट्ठा उच्चासरिया दहतडी, हेट्ठाओ अत्थाह[जलं] । अकियारेण भणियं—“किमिमिणा भारेण । मुच्चउ इमाओ दहतडीओ जेण हूलिऊण दहे निब्बुहुइ ।” एत्थंतरे दिट्ठ-समासण्ण-हरिणजूहं । मोत्तूण मुत्तोलिं सह पुरिसेहिं हरिणाभिमुहं पाविओ ठक्कुरो । समागओ तं पएसं खुडुएण सह पिडारो । दिट्ठा कंबलम्मि बद्धा मुत्तोली । चालिया मणागं करेणं । लक्खियं महिसि-संचारेण जहेस पिडारो । तओ जपियमणेण—“भो भाय ! मा कयत्थसु ।” पिडारेण भणियं-को तुमं ! किं निमित्तं वा एवं दुक्खभागी जाओ ?” तेण भणियं—“धणदत्तसेट्ठी सुओ धणसारो । परिणाविओ जणणि-जणाएण रइ-हव-विब्भमाओ महाकुल-पसूयाओ अट्ठ कण्णगाओ । संपयं तवम-कण्णया परिणय-निमित्तं अणिच्छंतो वलावि एवं बंधिऊण सुहि-सयणेहिं चालिओ । कुलदेवयोवएसेण बद्धं चेव परिणेमि ।” धुत्तेण भणियं—“जइ भणेसि तो पूरेमि ते समीहियं । छोडेसु मं । पविससु तुमं, जावज्जवि नागच्छंति सयणा ।” तहेव कयं । बद्धो धणियं वयणसारेण कंबलीए खुडुयं गहाय पलाणो धुत्तो । खणंतरे समागओ ठक्कुरो । मुक्को दोत्तडीओ ढोलिऊण मोट्टा पडिया अगाहदहे । कयत्थमत्ताणयं मण्णमाणो चलिओ ठक्कुरो । वयणसारो वि खुडुयं गहाय ठिओ मग्ग-तडे । दिट्ठो ठक्कुरेण । पच्चभिण्णाओ य पुच्छिओ तेण—“कहं तुमं नीहरिओ ? कस्स वा संतिथं खुडुयं ?” तेण भणियं “दहमज्जाओ नीहरिऊण दहिमुह-जक्खेण अणिच्छंतस्स वि खुडुयं समप्पिऊण कहिओ परमत्थो—“जो एयम्मि दहे कंबल-मोट्टाए बद्धो निवडइ, सो मए नियमा कड्ढेयव्वो महिसिसयं च दायव्वं—एस संकप्पो ।” अकियारेण चित्तिथं—“एवमेयं न एत्थ संसओ । अण्णहा दद्धं संजमिऊण मए चेव अस्स सवेहे पक्खत्तस्स कहमेसा सामग्गी ।”

तओ भणियं ठक्कुरेण—“वयंस ! दिट्ठपच्चओ तुमं अओ पत्थीयसि समीवे होऊण ममं पि एत्थ दहे पक्खि-वाहि जेण अहं पि महिसी-सामिओ भवामि ।” तेण भणियं—“करेमि तुह पणयत्थं । परमेत्थ कज्जसिद्धी मुहुत्तेण वा पहरेण वा दिवसेण वा भवइ न ऊसुएहिं होयव्वं ।” पडिवण्णं ठक्कुरेण । भणिया निय-पुरिसा—“दिवसं जाव तुभेहिं दहाभिमुहं नियतेहिं अत्थियव्वं ।” ‘एवं’ ति पुरिसेहिं पडिवण्णं । बंधाविओ अप्पा ठक्कुरेण कंबलीए । पुच्छिओ पुरिसेहिं वयणसारो—“संपयं किं करेमो ? तेण भणियं—“जहाहं मुक्को तहेमं पि मेल्लह ।” तहेव कयं तेहिं । पडिओ दहे ठक्कुरो । महिसीओ गहाय गओ वयणसारो । भणिओ तेण चिविडणासो—“एवमहमत्थोवज्जणं करेमि । जइ भे रोयइ, पडिवज्जसु मं सहायं ।” चिविडनासेण भणियं—“आजम्मं पि मह तुमं सरणं । एवं हरिसो जाओ वयणसारो । ठक्कुरो पुण निरु-वियंतेहिं पंचत्तमुवगओ दिट्ठो पुरिसेहिं । तत्थेव सक्कारं काऊण गया निययावासं पुरिसा । वयणसारस्स विसयसुह-मणुहवंतस्स वोलीणो अहाऊयकालो । एवं तस्स अनओ वि निव्वडिओ ।” चंदणेण भणियं—न एस एगंतो । किण्ण सुओ तए रंडाउत्तय दिट्ठंतो ? तेण भणियं केरिसो ? इथरेण भणियं—

रंडापुत्तकहा-

एगम्मि पट्टणो रंडा एगा वसइ बाल-वच्छा । परघरेसु पाणियं वहमाणीए मग्गाणुलग्गो गच्छइ से सुओ ।

अण्णम्मि दिणे नइए मज्जिऊण, जलदेहो चेव जणणीए मग्गामोइण्णो रंडासुओ जणसंवाहपणोल्लिओ, तिलरासीए उ[वा]रि निवडिओ, तिलालित्त-सरीरो, रोवंतो चेव उट्ठिऊण लग्गो जणणीए पिट्टुओ । गओ नियघरं पखोडिऊण सरीरगं गहिया माऊए तिला । जाया तिलमुट्ठी गुलेण काऊण कक्करिययं दिण्णं दारगस्स । समुप्पण्णा तुट्ठी तहेव पइदिण्णं काउमारद्धो सो दारओ । ‘बालो’ ति काऊण न कोइ किं पि भणेइ । माया वि न निवारेइ । कमेण बद्धंतो पत्तो जोव्वणं । अब्भासवसओ महातक्करो [जाओ] मुसेइ ईसर-घराणि अलक्खिओ चेव । विलसेइ दविणजायं ।

अण्ण[म्मि] दिणे दाऊण जहिच्छियं दविण-जायं वुत्थो कामसंरोहणाभिहाणाए विलासिणीए मंदिरे । रमिऊण तीए सह सहिरिसं सुत्तो कवडनिहाए । कामसंरोहणा वि सुरयसंग-किलंता निब्भरं पसुत्ता गहिऊण आभरणं वावाइया तेण । तुरियं तरलतार-लोयणो वासभवणाओ नीहरंतो दिट्ठो वाइयाए । अणिट्ठ-संकिरीए 'तेणो तेणो' त्ति पोक्कारियं तीए । समागया आरक्खियपुरिसा । पलायमाणो गहिओ तेहि रंडाउत्तओ दिट्ठसाभरणं । निरुवियमक्काए वासभवणं । दिट्ठा वावाइया कामसंरोहणा । काऊण निथकरे सुवण्णयं हा ! पुत्त, मुट्ठा मुट्ठ त्ति भणमाणी अप्पाणं कुट्टिउमारद्धा कुट्टणी । सो वि दढं संजमिऊण साहिओ नरवइस्स । राइणा भणियं—“माढं कयत्थिऊण कयंतातिहिं करेह ।” ‘जं सामी समाइसइ’ त्ति भणिऊण निग्गओ दंडवासिओ । तिणमसि-विलित्त-गतो कंधरारोविय-सरावमालो वज्जंतविसम-डिडिमो डिभ-तरुण-विद-कयकोलाहलो वुड्ढरासहारोविओ नीओ पुव्व[वण्ण]णा[हट्ठा]वलीए ।

तओ ‘जणणि वइरिणि ! किण्ण तए पढममेव कुकम्मं कुणंतो वारिओ ?’ इच्चाइ विविहं विलवंतो नीओ मसाणं । समारोविओ मूलाए । अट्ठरुद्ध-झाणेहि मरिऊण समुप्पण्णो नरए । तओ विउव्वट्ठो नर-तिरिएसु हिंडिऊण चिराओ सकज्ज-साहयो भविस्सइ । एवं उभयदुहावहं परदव्वावहरणं तुज्झ वि न जुत्तं काउं । तओ संजायरोसेण भणियं मुचंदेण—“अणुजेट्ठो जेट्ठो विव उवएसं कीस मुहरंतं देसि ? चिट्ठ तुमं तुसिणीओ । जं जुत्तं तं करिस्सामि ।”

इओ परं उवेहिओ चंदणेण सुचंदो न मुयइ चोरियं । अण्णया वासारत्ते तमंधयाराए रयणीए रयणनिहि वणिग्या-वणे खत्तं खणंतो पत्तो तलवरेण सुचंदो । नरवइवयणेण सव्वस्स हरणो काऊण दुक्खमारेण मारिओ । समुप्पण्णो पंकप्प-भाए दस सागरोवमाऊ नेरइओ । उव्वट्ठो दीह-संसार-पह-पहिओ भविस्सइ । चंदणो पुण परिपालिऊण निरइयारं सावय-धम्मं समाहिमरणेण मरिऊण पाणयकप्पे उक्कोसठिईओ सुरवरो जाओ । तओ विसालुज्जलकुले जम्मं लहिऊण भुत्तभोगो अणवज्ज-संजममासेविऊण सिज्झिस्सइ ।

इहलोइयपरलोइयसुहाइ सव्वाइ तस्स सुलहाइं । जो परदव्वं पुरिसो हरइ न मण-वयण-काएहि ॥१०५॥
कर-चरण-सवण-नासाइछेयणं इह भवे वि पाविति । चोरा परलोए पुण दुग्गइए भायणं होति ॥१०६॥

भणियं तइयव्वयं । संपयं चउत्थाणुव्वय-खंडणाराहण-फलं भण्णइ—

कुंद-मयरंदवणियपुत्तकहा—

अत्थि इहेव जंबूदीवे दीवे भारहेवासे उत्तुंगसिगपासाय-परंपरावरुद्ध-नहंगणाभोगं, मणि-रयणमुत्ताहल-विदुम-विरायंत-हट्ठमगं, जहाठाणविणिवेसिय-तिय-चउवक-चच्चरं, मंदरायमाण-जिण-भवण-सिहर-संठिय-पवण-पहोलिर-धवल-धयवड-करगोहि हक्कारयंतं धम्मियजणं, आराम-उज्जाण[काण]-णविविहवण-संड-मंडियं, सोरट्टुभूमिभूसणं गिरिनयरं नाम नयरं । तत्थ य —

सव्वो वि कलाकुसलो गुणरयणोहरणरेहिरो सव्वो । सव्वो रिद्धिसभिद्धो सव्वो धम्मज्जओ धीरो ॥१०७॥
गयगारवो सुखो वसणविमुक्को गुणण्णुओ सरलो । सव्वो पडिवण्ण-धणो जम्मि जणो गुण-तिही वसइ ॥१०८॥

तम्मि य नयरे कुंद-मयरंदाभिहाणा वणिध-दारया निच्चल-सिणेहा बाल-वयंसया परिवसंति । कमेण पवड्ढमाण पाप्ता जोव्वणं । अइ सिणेहेण सहिया सव्वत्थ संचरंति । एत्थंतरे अहाविहारेण विहरंता, सूरुो व्व पणासियं [अ]ण्णाण-तिमिर-संचया, सोमो व्व सोम-दंसणा, जिणिदवयणं व सव्वसत्तहिया, चउनाण-विद्याणिय-वत्थुपरमत्था, गुणसुंदराभिहाण सूरिणी गिरि-नयर-समासण्ण-संठिए गुणसंभवे उज्जाणे समोसरिया । निग्गया वंदण-वडिआए लोया । कुंद-मयरंदा वि गथा जणेण सद्धि । सुया संसार-निव्वे[थ]-जणणी धम्मदेसणा । पडिबुद्धा बहवे पाणिणो । कथा जहारिहं धम्म-पडिवत्ती कुंद-मयरं(दि)हि वि पडिवण्णा देसविरइ । चउत्थाणुव्वए पडिवण्णो सदार-संतोसो । विहरिया अण्णत्थ सूरिणी । जहा गहिय-[वय-] परिपालणरयाण वच्चइ कालो कुंद-मयरंदाण ।

अण्णया खरखरंसुकिरण-संताविय-महीमंडलो सरस-सह्यार-फल-मणोहरो, पुण तरुतल-जलदासेवणासंत- सुहिय-संत-संघाओ गिम्हतावतवियमहिसिक्क-सरिज्जमाण-जलासओ अ[व]हीरिय-धुसिण-गंध-नेल्लाहिलासो, महाघविद्य-धाराहर-हार-चंदण-तालियंट-लया-मंडव-हम्मिय-तल-ससि-करुक्केरो, पउरपरिमल-पाडला-कुसुम-कय-कोदंड-कामकयत्थिय-सथल-जीवलोगो पत्तो गिम्हो ।

वेइल्लसारसत्तलि-सुयंध-गंधेण भरिय भुवणयले । तम्हा किलंत-पिउ [पिउ] भणंत-अणीय-कुडुंबे ॥१०९॥
खर-किरण-ताव-ताविय-सचराचर-तिहुयणे निदाहम्मि । गिरि-नयरनिवासिजणो खेयगुज्जाणमल्लीणो ॥११०॥

तं च केरिसं—

रम्मावर-सिहर-उज्जित-आसण्णयं । विविहघणत्तुंग-तरु-साहसच्छण्णयं ॥ १११ ॥
कहि चि मउरंत वर केलिफल-लुब्बिक्खुवंतयं । सरस-वर-दक्ख-उत्तत्तियावंतयं ॥११२॥
कहि चि दिंबुरुणि जंबुयणि-सोहंतयं । तहा दाडिमी-फुडिय-फलदंत-पिउ-पह-संतयं ॥११३॥
कहि चि विव्वंदुमासच्छ-सोहण-जणं । दीह-घण-वंस-जालीहि मोहियमण ॥११४॥
कहि चि कप्पूर-मह-महिय-कक्कोलयं । देवदारु-पियंगू-तमालेलयं ॥११५॥
कहि चि सिरिखंड-सोहंत-कयलीहरं । नाग-पुण्णाग-पोष्फलिणि वण-दीहरं ॥११६॥
कहि चि अइ विड[व]तरु-निड्डयसरुद्धयं । पिप्पली-नागवल्लीहि उण्ण[य]द्धयं ॥११७॥
कहि चि दीसंत-कच्चूरहालिव्वयं । पयडसंजाय-करमेज्झ करवंदयं ॥११८॥

अण्णत्थ हरिय-कणियार-कंचणारट्टं । फुल्लंत-सुरहिपाडल-प[रि]मलसम्मलिय-अलिवलयं ॥११९॥
फुल्लतासोय-कयंब-गंध-संवलय-सीयलसमीरं । ईसिवियसंत-मालइ-जूहिय-बंधुद्धरं घणियं ॥१२०॥
वेइल्ल-पुष्प-सयवत्तियाहि वियसंत केयइ-वणेण । कणवीर-कुसुम-कोरिटएहि ठाणेहि रमणीयं ॥१२१॥
दर-वियसिय-वर-संदार-मणहरं बंधुजीवकयसोहं । कुज्जय-दमणय-मुच-कुंद-रुद्धाम-गंधइडं ॥१२२॥
अण्णत्थ सयं निवडियणोमालिय-कुसुमपुण्णं । सव्वोउयकु[सु]मभरो णमंततराइरमणीयं ॥१२३॥
कत्थइ सिहिकुल-अइ-कलकेयारव-सवणसरिय-दइयाण । पिय-विरहियाण नयणंसुएहि संसित्त-धरणियलं ॥१२४॥
कत्थइ कलकोइल-सद्व-सवण-उक्कट्टुलाहि रमणीहि । घेत्तूण करे रमणो रमिज्जए रंजियमणाहि ॥
कत्थइ पारावय-कूडएण सुयसारियाण व[र]रवेण । संधुक्किज्जइ झीणो वि जत्थ मयणानलो घणियं ॥१२५॥

एवविहम्मि रेवधमुज्जाणे कीलिऊण कंचिकालं रेवधनगं समाब्धो नयरलोगो । सो केरिसो—

कत्थइ सीयल-लयहर-मणहर-पुक्खरिणि सरसियाइण्णो । कत्थइ पूईफल-नागवेल्लि-वर-मंडव-सणाहो ॥१२६॥
कत्थइ निगुजंतमलि[उ]लसंसग्ग-सीयल-समीरो । सुरयत्थि सिद्ध-गंधव्व-रुद्ध-रमणीय-वणसंडो ॥१२७॥
कत्थइ ज्ञाणद्विय-निप्पकंप-नहचारिमुणिजणघविओ । कत्थइ कलकिणार-गीय-सवण-निप्फदसारंगो ॥१२८॥
कत्थइ धाउव्वाइय घणिय घम्मंत धाउण सासणो । कत्थइ ओसहि वर लयाणि खणिय वरवेज्जो ॥१२९॥
कत्थइ अहोमुहद्विय-र[स]साहिज्जमाण वरवेज्जो । कत्थइ मउय-पसाहण-समुज्जयाणेय जोगि-जणो ॥
कत्थइ कावालिय-खुट्टमंत-संसाहणत्थ-मच्चत्थं । बलिदाण-समय-वाइय-उमरुय डम[र] भीसण[र]वो ॥१३०॥
कत्थइ तारंग-पियंगुत्तुंग-सह्यार-लक्खरमणिज्जो । कत्थइ भमंत-भीसण रिच्छावलि जणिय-जण-खोहो ॥१३१॥
कत्थइ केसरि-पुच्छप्पहार-कंपंत-सिहर-संघाओ । कत्थइ भमंतनिव्विग्घ [सावय] संघाय-दुल्लघो ॥१३२॥

तइयअवसरे भूरिवसूरयणप्पहाभववण्णणे सदारसंतोसवए कुंद-मयरंदकहा

कथइ वियरंतुत्तुंग-कसिण-गयजूह-जणियघण-संको । कथइ वराह-घोणाभिघाय-जज्जरिय-घरणिघरो ॥१३३॥
 कथइ ललंत-रुटंत-भमर-भज्जंत-कमलदल-नियरो । कथइ करिकर-संघट्ट-तुट्ट-वोसट्ट-कंदोट्टो ॥१३४॥
 कथइ कोलाहल-रिट्टभ-उत्त[त्थ]घूयगणो । कथइ सिंहंडि-तंडव-मंडिय-सिहरग्गरमणीओ ॥१३५॥
 कथइ जंबुय-राइणि-खज्जूर-कयंब-कूडव-कयसोहो । कथइ वउलावलि-देवदारु-धव-धम्मणाइण्णो ॥१३६॥
 कथइ वरुणय-पुण्णाग-नाग-विज्जउरि-बोरि-फणसिल्लो । कथइ अक्ख-फलक्ख-सोत्थावलि संकुलो सहइ १३७
 कथइ तमाल-हिंताल-ताल-नालियरि-सल्लइ-सणाहो । अंकोल्ल-करंजासण-सीवल्लि-समीहिं सोहिल्लो ॥१३८॥
 कथवि य बोरच्छ-पत्थर-विसरुत्थिय-कमलिणीहिं रमणीओ । कथइ दक्खा-मंडव-मंडिय-महि-मंडलाभोगो ॥

अण्णत्थ गिरिनई-सलिल-लहरि-हीरंत-हंस-मिहुणेहिं । कारंडव-सारस-चक्कवाय-मिहुणेहिं य खवण्णो ॥१४०॥
 थल-कमल-गलिय-मयरंदबिदु-संदोहसित्तसव्वंगो । रुटंत-महुर-महुर-गायण-गिज्जंत-गुण-नियरो ॥१४१॥
 झर-झर-झरंत-निज्जर-झंकारव-भरिय-सयलबंभंडो । जाइ-मुचुकुदाइ-कुसुम-गंधुद्धरो धणियं ॥१४२॥
 सोरट्ट-धरणिवर-रमणि-भव्व-भालयल-तिलय-सारिच्छो । पज्जलंतोसहिसंदोह-पयड-दीसंत-निसि-सिहरो १४३

सरय-समुग्गय-ससहरकंति-समप्पहेण तुंगत्तण-पक्खलिय-दिणयर-रहपहेण
 पवणपणच्चिर-निम्मल-धयवड-सुंदरेण जो सिरिनेमिजिणिदह मंडिउ मंदिरेण ॥१४४॥

किं ब[हु]णा—

जत्थ जिणा[ण] दिक्खा नाणं तहेव निव्वाणं कल्लाण-तियं पत्तो हरिवंस-समुग्गवो नेमी ॥१४५॥

हरिकुल-गहयल-चंदो बहुहा बहुपरिवारो को तं किल वण्णिउं तरइ । तम्मि य गिरिनइ-निगुंजे धारागिह-कयसीहर-
 लया-मंडवाईसु कीलिउमारद्धा लोया । कुंद-मयरंदा वि कीलंता गया दाहिण-दिसा-भाग-संठियं गिरि-निगुंजमेगं । दिट्ठा
 तओ सरस-नलिणीदल-विरइय-सत्थरोवरि णुवण्णा, मुणाल-नाल-हार-विराइय-वच्छत्थला, चंदणरस-विहिंय-विरल-विलेवणा,
 रइरुव-विभमा, अट्टारस-वरिस-देसिया एगा वरतरुणी । संजाया[पुरा]गेण निज्जाइया सुइरं कुंदेण । तीए वि सो तहेव ।
 मुणियमणय-वियारेण भणिओ कुंदो मयरंदेण—“भो वयंस ! न जुत्तमेत्थ विरमवत्थाणं । एहि अण्णत्थ गच्छामो ।
 पडिक्खणं तेण । गया ठाणंतरे । तग्गयमणो दिण्ण-सुण्ण-हुंकारो निसण्णो सहयार-छायए कुंदो । मयरंदो वि ईसि
 दूरयरे । समागया एगा दासी । समप्पिऊण सरस-पूइ-फलेहिं तंबोलं, अवलंबिऊण गले वउलमालियं, भणिओ
 कुंदो तीए—

सुहय ! तुह दंसणेणं हियसव्वस्सा व सामिणी अम्ह । सुण्णा नुवण्णा न लहइ नलिणीदल-सत्थरे विरइं ॥१४६॥
 एगं पिय-जण-विरहो बीयं तुह दंसणुग्गववं दुक्खं । गंडस्सोवरिपिडिया दुक्खं कह तीए सहिउं ॥१४७॥
 जइ अत्थि तुज्ज करुणा विहलं न करेसि पत्थणं मज्झ । नियसंगमामएणं निव्वावसु तीए तां अंगं ॥१४८॥

एयं सोऊण मयणसरसल्लिओ वारिज्जंतो वि मयरंदेण गओ कुंदो । अकज्जं काऊण समागओ । मयरंदेण
 भणियं—

परदार-विरइ-वज्जण-वयमेयं खंडिऊण कह मज्झ । दंसेसि नियवयणं निल्लज्जाणज्जकयकज्ज ॥१४९॥
 अज्जप्पभिइं मज्झं मित्तो वि तुमं न होसि किं बहुणा । जो गुरुवयणं अवगणिऊण पावं समायरसि ॥१५०॥

कुंदेण भणियं—

मुद्धोसि तुमं बालय ! धम्मगहिल्लोसि नीरसो धणियं । जडजड हारो व्व जओ घोडा धोडं ति झाएसि ॥१५१॥
जओ-वियक्खणा वि एवं वयंति—

ते धण्णा जाण कए भयभीउत्तट्ट-हरिण-नयणीओ । ऊसरुसुंभंति ख्यति गरुयदुक्खेण सहिपुरओ ॥१५२॥
ते धण्णा अवरभुयंगमेहि पारद-सुरय-कालम्मि । जाणुत्तंगपओहराण हियए खुडुक्कंति ॥१५३॥
ते धण्णा सरस-मुणाल-सत्थरे जाण दीहरच्छीओ । उत्थल्ल-चलण-पल्लत्थणाई विरहम्मि कुव्वंति ॥१५४॥
ते धण्णा जे मयणग्गि-पसर-तण्हाए मउलियच्छीहि । आलिंगिऊण सरसं टस ति सलिलं व पिज्जंति ॥१५५॥
ते धण्णा दच्छल-निविड-तुंग-थणएहि पीण-कठिणीहि । जे पेल्लिऊण गाढं तरुणीहि जे य वेपंति ॥१५६॥
सा कि जियइ ति जणो आर्यबिरतरलतारनयणेहि । अणिमिसनयणा बाला न जस्स वयणं पलोएइ ॥१५७॥

मयरंदेण भणियं-वयंस ! अत्तं दुग्गइपह-पाहुडेहि कुसत्थसंवाएहि । जओ-

इहरा वि हु जलइ च्चिय वम्मह-जलणो जणस्स हिययम्मि । कि पुण कुसत्थपंडिय कुकव्वहविहुमिओ संतो ॥१५८॥
इह भवगहणि भमंतु कह वि पावि वि जिण-सासणु । सचराचरजिय जणणि कप्प दुगईहे नासणु ।
मण करि पावह परमठाणि दुग्गइ पह-पाहुडि । परकलत्ति आसत्ति मित्त खंचवि मणु बाहुडि ॥१५९॥
मरइ कढंत कवल्लिहि पच्चइ सो पुरिसु । खंडिज्जइ कप्पणि सम[...]सरिसु ॥
जो मेल्लवि मणु मोक्कलु परदारइं महइ । इहलोइ विविहबंधणमरणइं सो लहइ ॥१६०॥
लद्धउ साणुसु जम्मु म निष्फल हारवहि । अज्ज वि किपि न नट्टउं अप्पउं सारवहि ।
जो निय मुहिण पवज्जिवि वय-खंडणु करइ । सो नरु भट्ट-पइण्णु मरिवि निवडइ नरइ ॥१६१॥
वलु जीविउ जोव्वणु असारु अप्पाणु म वंचहि । कुपह-पयट्ट-इंदिय-तुरंग मण-वग्गइ खंचहि ॥
निम्मलि जिणवर-धम्मि रम्मि अप्पउं परिठावहि । सुर-सुंदरि-मुह-कमलि जेण भसलत्तणु पावहि ॥१६२॥
भणियं च—

जीव म वहहु म अलियउं जंपट्टु अप्पउं म म अप्पहु कंदप्पहु ।

मरहु म हरउ म करहु परिग्गहु एहु मग्गु सग्गहु अपवग्गहु ॥१६३॥

वयपरिपालणसोक्खु परोक्खु कु सदहइ परकलत्तसंगमसुहु सहिउं सग्ग इहइं ।
भणइ कुंदु मयरंदं म सिक्खवि मइ अबुह धम्ममिसिण पहलग्गी का वि अविज्ज तुह ॥१६४॥

तओ भणिओ सो मयरंदेण—

सयल-सत्थ-पडिसिद्धिहि बुहयण-निंदियहि । सत्तवंत नरवंतिहि कुबुरिस सेवियहि ।
परदारिहि दुह-दारिहि रमियाहि नत्थि सुहुं । अप्पणि खंधि कुहाडि म मूढा वाहि तुहुं ॥१६५॥
जो सेवइ परदारु दारु दोग्गइ पुरह । सो वेसप्पिउं पुरिसु सरिसु हय मंडलह ।
इह लोइ वि छिक्कारिउ हा हा रव-हयउ । लहइ निरंतर-त्तिक्व-दुक्ख दोग्गइ गयउ ॥१६६॥
माय भइणि सम मण्णहि सव्वइ परह धण । न रणि वि करहि कुकम्मु स सुपुरिस सुद्धमण ।
जे पुण तं पि पसंसहिं तेत्थु वि रइ करहि । ते संसार समुद्दु कया वि स नित्थरहि ॥१६७॥
नियय दोस दोस ति पवज्जइ जो पुरिसु । लडुवि दोस-हम्मइं स जायइ मुणिसरिसु ।

जो पुण दोस निहीणु गुण मण्णइ मूडउ । दुत्तरि नरइ तमंधयारिति अप्पउ छूडउ ॥१६८॥

जइ महु वयणु करेसि न सइ संतुट्टुमणु । ता सहिसइ बहु दुक्खइ निच्छइ तुज्ज तणु ।

हिउ बुव्वंतु न करहि झुट्टुउ चप्फलउ । संपइ हिडि जहिच्छइ मुक्कउ मोक्कलउ ॥१६९॥

जओ—

अप्पहियं कायव्वं जइ सक्का परहियं पि कायव्वं । अप्पहिय-परहिआणं अप्पहियं चेअ कायव्वं ॥१७०॥

एवं भणिऊण दूरीहओ मयरंदो । कुंदो वि अक्कज्जकरण-परायणो पत्तो कयाइ तलवरेण । नरवई समाएसेण मारिओ दुहमारेल । समुप्पण्णो पक्कप्पभाए दस सागरोवमाऊ नारओ । मयरंदो वि तत्तो पडिनियत्तो पत्तो एणं पुव्व-दिसाभाग-संठियं गिरि-निगुंजं । दिट्ठो य तत्थ एगाए किण्णरीए । विण्णाओ ओहिणा जहेस मह पुव्वभव-भत्तारो । तओ सा दट्ठण मयरंद-रूवं पुव्व-भत्तार-सिणेहेण अणुराय-परो जाया । नियसरीर-कंतीए उज्जोयंती तं वणाभोयं विणय-विहिय-करयलंजली ठिया मयरंद-पुरओ—“अज्जउत्त ! कुसलं ते सरीरगस्स ?” अज्जउत्तंति अणुचियवयणासंक्रिय-हियएण जंपियं मयरंदेण—“अणेगवाहि-वेयणापीडियस्स केरिसं कुसलं सरीरस्स ?” का तुमं ? किं-निमित्तं वा अज्जउत्तंति वाहरसि ?” किन्नरीए भणियं—“सामि तुमं । इओ पुव्वभवे किण्णर-निकाए संघव्वरइ नाम किण्णरो अहेसि, अहं च मुच्छणा नाम तुह देवी किण्णरी । अहाउयं परिपालिऊण नुओ तुमं । अहं पि तुह विओयदुक्खिया दुक्खविणोयणट्ठा जेसु ठाणेषु तए सह कीलियं तेषु भमिउमाइत्ता । दिट्ठो य मए मयणसाले नयरे केवली । पुन्ठिओ तुज्ज वुत्तंती । कहिओ केवलिणा । तओ हं मोहिया समागया एत्थ । नाउं तुमं एत्थागओ ओहिणा निव्वभरसिणेहा समागया तुह समीवं । पडिवज्जसु संपयं ममं । चिट्ठामि तुह पायासेवणं । न मम तुह ठाणे अज्ज वि अण्णो कोइ नाहो समुप्पण्णो । ता न तए अण्णहा एसा पत्थणा कायव्वा ।” एवं भणमाणी पडिया पाएसु । मयरंदेण भणियं—“पडिवण्णो मए पुव्वमेव सदार-संतोस-नियमो । कहमेयं करेमि ?” तीए भणियं—“सकलत्तमेव मं जाणीहि ।” तेण भणियं—“न हवइ एयं । गओ सो पज्जाओ जेण तुमं मह धरिणी अहेसि । संपयं साहम्मिणी मह तुमं । ‘इट्ठो’ त्ति काऊण पुव्वसिणेहाणुदंधेण आगया तुमं सम्महिट्ठिणी य । अओ मणियजिणवयण-परमत्थाए, पडिवण्णाणुव्वयस्स, विसेसओ परदार-नियत्तस्स, सदारे वि परिमिय-भोगस्स, तत्तो वि नियत्तउत्कामस्स, साह-वय-पडिवत्ति-मणोरहे धरंत्तस्स मज्जाजुत्तं एरिसं तुज्ज भणिउं—कि जो इट्ठो भवइ सो वयभंगं करावेऊण संसारसायरावत्ते पाडिज्जइ ? सयं चेव सम्मं परिभाविऊण जं चिय जिणवयण-परमत्थाणं जोगं हवइ तं चेव भणाहि ।”

तओ खणमेगं विमरिसिऊण उज्जिमोहाए, परिचत्ताणज्जायरणाभिलासाए, विवाग-दारुणमेयं त्ति संजाय-पडिबोहाए, समुप्पण्ण-पच्छायावाए भणियं—“मयण-परव्वसाए मए एवं जंपियं । खमियव्वं मज्ज एयं । संपयं जं मज्ज जुत्तं तं उवइसाहि जेण करेमि ।” मयरंदेण भणियं—“भदे ! पालियं तए निव्वाणकप्पतरुणो बीयभूयं सम्मत्तरयणं । ता नियभूमिगाणुरूवं भासियव्वं च ।” किण्णरीए भणियं—एवं करिस्सामि किन्तु साहम्मिओ मह तुमं, कायव्वं च सम्महिट्ठिणा साहम्मियाण वच्छल्लं । अओ जमहं तुह साहम्मियस्स करेमि तं तए पडिच्छियव्वं, जओ नाहं नेहेण वा मोहेण वा रामेण वा दोसेण वा करिस्सामि, किंतु दंसण-विसोहणत्थं अत्ताणो अणुग्गहत्थं च ।” मयरंदेण भणियं—“एयं भवउ । को धम्मत्तरायं करेइ ।” तओ ‘महंतो ममाणुग्गहो’ त्ति भणमाणी पडिऊण पाएसु गयइ सट्ठाणं किण्णरी । समागया रयणी । भणिओ मयरंदो—“न तए घर-चित्ता कायव्वा । निच्चित्तो धम्मकामासेवणं कुणंतो चिट्ठसु । एवं भणिऊण समप्पियाइं भोगोवगरणाइं । एवं पइदिणं कुणमाणीए वच्चइ कालो किण्णरीए ।

तओ सो देवदूसाभरण-मलयसार-सुर-तरु-कुसुमामोय-भरिय-दस-दिसो जत्थ जत्थ वियरइ तत्थ तत्थ नयरजणो एवं जंपेइ—“अहो ! सुलद्धमणेण मणुयत्तणं । पसण्णो इह भवे चेव भयवं धम्मो, जओ न करेइ घर-दावारं, दोगुंदय-देवो व्व भोगलालिओ कालं गमेइ । एवं पसंसिज्जमाणो नागरजणेण सुहिसयण-सम्मइ देवगुरु-चरणाराहणपरो जहा पडिवण्णा देसविरइ परिपालणा । परिपालिऊण निययमाउयं, समाहिमरणेण भरिऊण, समुप्पण्णो आणय-कप्पे उक्कओसाऊ सुरवरो ।

तओ चुओ समानो सुकुले लहिऊण मणुयत्तणं, भुत्तभोगो पडिवज्जिऊण सव्वणुसासणे समणत्तं, [पाविऊण] केवल-
नाणं, पडिवज्जिऊण सेलेसिं, सिज्जिस्सइ ।

इहलोगे वि पसंसं लहंति परदारवज्जिणो पुरिसा । परलोए सुगइपरंपराए पारिवति निव्वाणं ॥१७१॥
परदार-रया-पुरिसा लहिऊण विडंबणं इह भवे वि । अण्ण भवे दुह-दुहिया दुग्गइ-पह-पंधिया होंति ॥१७२॥

पंचमपरिगपरिमाणवयगाहणखंडणपरिपालणाफलं पदंसिज्जइ—

अत्थि इहेव जम्बूदीवे दीवे भारहेवासे विसपंत-विवेयगुण-रयणाहरण-मंडिय-विग्गहासम-सत्तनर-विसर-सेविओ मोकव-
तरु-[अ]वंशबीयकप्प-सम्मत्ताइ-गुणसंपायणमत्थ-धम्मदेसणा-निरय-गुणिजण-पयंपकयालंकिओ गामागर-पुरवर निवासि-सुंदर-
सुंदरी-वारवज्जिर-त्तारनेउराराव-रंजिय-रायहंस-मंडलो वच्छा नाम जणवओ ।

तम्मिय सयल-विसय-पहाणं तिहुयण-सिरिसंसेवियं महीमंडणं नाम नयरं । तत्थ य अंजणगिरि-सिहर-
समान-थिर-थोरकरारि-करिकुंभत्थल-वियारणुच्छलिय-धवल-मुत्ताहुलुक्केर-दंतुरिय-कराल-करवाल-धारानिसण-रायलच्छी
समालिगिय-विग्गहो नरवाहणो नाम राया । नियसुंदर-विणिज्जिय-सुरसुंदरी-संदोहाचंदलेह व्व बंधुयण-कुमुयसंडाणंदकारणं
चंदलेहा नाम तस्स देवी । तीए सह विसयसुहमणुहवंतस्स राइणो जाओ पुत्तो । उच्चिय समाए पइट्टावियं नामं
नरचंदो । अट्ट वारिसिओ समप्पिओ लेहायरिअस्स । थेव कालेण जाओ असेसकला-पारयो । मित्तो य तस्स जिणधम्म-
विसारओ अरिहचंदसेट्टिपुत्तो जिणगुत्तो [नाम-अण्णया] मरण-पज्जावसाणयाए जीवलोगस्स उवरया चंदलेहा ।
ठविया तम्मि ठाणे अण्णा देवी । समुप्पण्णो तीए वि पुत्तो । तओ सा नरचंदं पइ विप्पयारेइ रायाणं । सो वि कण्ण-
विस-वियार-विणट्ट-विवेओ अवियारिऊण परमत्थं वियलिय-सिणेहो सामण्ण-जणं व पेक्खइ नरचंदकुमारं ।

तओ विसायमावण्णेण चित्तियं कुमारेण-अवहरिया ताव मे जणणी कयंतेण । ताओ वि सपरियणो मं पइ
विपरिणओ [विव लक्खियइ] अहवा तायस्स न दोसो ।

विवरोय विहिवसेणं नरस्स सव्वं पि होइ विवरीयं । माया वि होइ वग्घी अप्पो सप्पो फुडं एयं ॥१७३॥

ता किमिहट्टिण ? वच्चामि देसंतरं । साहिओ निययाभिप्पाओ जिणगुत्तस्स । बहुमण्णिओ तेण । भणिओ य
नरचंदो—“जा तुज्ज गई मज्ज वि सा चेव । जओ—

सो अत्थो जो हत्थे तं मित्तं जं निरंतरं वसणे । [सो] धम्मो जत्थ दया तं विण्णाणं जहि विरई ॥१७४॥

[तओ] अलक्खिया परियणेण निग्गया दो वि रयणीए । चलिया उत्तराभिमुहं । कमेण वहंता पत्ता सुहसंवासं
नामनयरं । वीसमिया नयरासण-सरोवरपालिसंठिय-सहयार-पायव-हेट्टुओ ।

एत्थंतरे तत्तायतित्थे होऊण ताडाविया भेरी एगेण ईसर-वणिय-सुएण । मिलिया तत्थ भेरी-भंकार-समकालमेव
वहवे कप्पडिअतडियादओ । उच्छलिओ ताण कोलाहलो । सो वि सावणघणो व्व निरंतरकणयसलिल-धाराहि वरिसिउ-
मारद्धो । जण-समुदायं दट्ठूण संजाय-कोऊहलो समं जिणगुत्तेण समागओ तत्थ नरचंदकुमारो । खणंतरेण संपण-
मणोरहा आसी । पयाण-पुरस्सरं गया नियट्टाणं । नरचंदेण भणियं—“वयंस ! जिणगुत्त !

कयपुण्णो को वि इमो सुलद्धजम्मो जयम्मि सुपसिद्धो । जस्स न मणं न दाहिणहत्थो दितस्स संकुडइ ॥१७५॥

ता धण्णो को वि एस महाणुभावो । जो एवं अत्थिजणाऊरणं कुणंतो नियकुलं पयासेइ, करिकण्णचलं लच्छिं
सहलत्तणं पावेइ, उभयलोयसुहावहं सुहकायं समज्जिणेइ अम्हारिसा पुण संखाऊरण पुरिसा उभयलोयविहलजीविया ।
न धणं न य गुणा । जओ—

एमे धणेण गरुया अण्णे य गुणेहिं हुंति गारविया । धण गुण रहियाण पुणो नराण को आयरं कुणइ ॥१७६॥

जिणगुत्तेण भणियं—“कुमार ! जम्मंतरसुकयासेवणफलमेयं ।”

एत्थंतरे तम्मि नयरे मासकपेण विहरंता समागया जयसिंहा नाम आयरिया । गया वंदण-वडियाए लोया । नरचंद-जिणगुत्ता वि तत्थ गया । संसारनिव्वेय-जणणी धम्मदेसणा । तं जहा—

भो भो भव्वा निसुणह सुभं सावहाणा हियं वा, रम्मं धम्मं वयणमणह भणमाणं भएह ।
सम्मत्तं वा विरइमहवा धम्मकम्मं करेह, मा मा मूढा विसयवसगा सुत्थिया संचरेह ॥१७७॥
महावाउ काउ पियजण-सुहं थेव दिवहं, सया वामा कामा कुडिलहिंयाया इत्थि निवहा ।
धरारंभो दंभो सुरधणुवला संपयखला, समासणो मच्चू सहियमहियं सेवह सया ॥१७८ ॥

किं चेह—

भूरिभवकोडि-दुलहं लहिऊण कह वि माणुसत्तणं, विसय-विसागयकप्पं सुणिऊण जिणागमं, जाइ-जरा-मरण-अत्थमवहारिऊण तयर्थं, संझब्भ-रागभंगुरत्तणं जाणिऊण जोव्वणस्स, गिम्हायवतविय-सउणिगणचंचलत्तणं पेच्छिऊण लच्छीए, आममल्लग-गय-वारि व्व खणे-खणे खिज्जंतं दट्ठूण आउय-सलिलं, परम-परिभव-कारित्तणं निरुविऊण नरदारणं उज्झिऊण सक्वावायति [बं]धणं धणं, तहा जाणिऊण सुगइमग्ग-पयट्ठणं पईवोवमाणं, निबंधणं चित्ताणंदस्स, कुगइ-गट्टाए निवडंताणं ताणदाथदच्छं दंसणं कारणं परमपमोयस्स सुहेण, मोक्ख-सोक्ख-संपयसंपायमं चारित्तं ससप्पमं विचित्त-चित्त-महूसवाणं, अणाइजीय-वत्थ-मल-पक्खालणं सलिल-सन्निहं तवोयगं, निस्संगाणंगसंदोहाणं अणागय-कम्म-कयवर-निवारगो संजमो हेऊ सयल-कल्लाणणं । एयंपि जीणंताण तुम्हाण को एस मइ-मोहो, जेण गिज्जह विसएसु, मुज्जह पिय-पुत्त-कलत्तेसु, वुज्जह धण-धण्णेसु, निज्जह सुहिसयणवग्गेसु, हरिसिह जोव्वणेसु, [उ]त्तसह नियरुवेसु, पुत्सह पियजणसमागमेसु, दुस्सह गुणेसु, नस्सह सम्मग्गाउ, रज्जह दुह-सुहेसु संसारियेसु, न उण करेह सण्णाणसंगहं, नाणु-सीलेह दंसणं, न परिपालेह निरइयारं चरणं, न तवेह दुच्छक्कभेयभिण्णं तवं, न करेह मण-वयण-काय-संजमं, न मुंचह विसय-पडिबंधं, न परिहरेह सयण-जण सिणेहं, न परिवयह धण-धण्णाइ पयत्थेसु मसत्तवासणं, न संपाएह गुणगण-संभार-भायणं अत्ताणं ति” । जिणगुत्तेण भणियं—“भयवं ! धम्मगुणमहिलसंतेण पढममेव किमणुचिट्ठियव्वं सावएण ?” सूरिणा भणियं—“सोमसेट्ठिय व्व सया दयालुत्तणं परिहरियव्वो परपरिभवो, माण्येव्वा मण्णजणा, वज्जणिया कुसंगया मोहणया, न कायव्वो इट्ठजण-वियोगे महासोगो, विसं व दट्ठव्वो अकल्लाणमित्ते जोगो । न वत्तव्वं हासेण वि अलियवयणं । न गिण्हियव्वं अप्पं पि परधणं । वारणीओ परदाराभिलासो । कायव्वो इच्छानिरोहो ! सेवियव्वो गुणिजण-पक्खवाओ । वयणीओ मिच्छाभिमाणो ! खणं पि न मोत्तव्वो सिद्धिवहु-परम-पाहुडं गुरुजणबहुमाणो । पयट्ठियव्वं दुक्खिय-जणताणकरणे । न भासणीओ परावण्णवाओ गहियव्वा परमगुणा । लज्जियव्वं नियगुण-विकत्थणं । न पम्हूसियव्वं थेवं पि सुकयं । कायव्वं परोवयार-करण-लालसं माणसं । संभासणीओ पढममेव सिट्ठलोओ अणुमोयणीयं धम्मिय-जणाणुट्ठाणं । परिहरणीयं [पर]पेसुणं । न विहेय[व्वं] परमम्मघट्टणं । न लंघणीया सव्वस्स वि उच्चियपडिवत्ती । भवियव्वं पसंतवे-सायरेहिं । लिहावणीयं संसार-सागर-समुत्तरण-सेउभूयं जीवाइपयत्थ-सासणं जिणसासणं । भावेयव्वं अणिच्चाइभावणाजालं । होयव्वं समुदार-चित्तेण । पयट्ठियव्वं उत्तमजण-निदंसणेसु । न कायव्वो सण्णाण विग्घभूओ निद्दाइपमाओ । जागरियव्वं धम्मजागरियाए । भणियं च—

जागरह जणा ! निच्चं जागरमाणस्स वड्ढए बृद्धी । जो सुवइ सो न सुहिओ जो जग्गइ सो सया सुहिओ ॥
सुयइ सुवंतस्स सुयं संकिय-खलियं भवे पमत्तस्स । जागरमाणस्स सुयं थिर-परिच्चियमप्पमत्तस्स ॥१८०॥
सुवइ य अयगरभूओ सुयं पि से नस्सई अमयभूयं । होहीइ गोनठभूओ नट्टम्मि सुए अमयभूए ॥१८१॥
निद्दावसगो जीवो हियमहियं वा न याणइ किपि । तम्हा तप्परिहारेण धम्मजागरिया सेया ॥१८२॥
वय-समिइ-कसायाणं धारणसंरक्खणा विणिग्गहणं । दंडिदियाण वि जओ एसो धम्मो जिणाभिन्निओ ॥

सव्वारंभ-परिग्गह-निकखेवो सव्वभयसमया य । एगग्गमणसमाहाणया य अह एत्तिओ मोक्खो ॥१८४॥
जं इच्छह अप्पणओ जं च न इच्छह अप्पणओ । तं इच्छह परस्स वि एत्तियगं जिणसासणगं ति ॥१८५॥

भणिऊण मोणमासिया सूरिणो । कया सयलपुरिसाए जहारिहं धम्मपत्ती । नरचंद-जिणगुत्तेहिं पडिवण्णा देसविरई । कयं परि[ग्गहपरि]माणं जिणगुत्तेण—“सव्वं पि मे धणाइकुवियंतं दीणारदसलक्खमज्जे । अओ परं तक्खण चेव धम्मे दाहामि ।” कुमारेण पुण एयं चेव पण्णासं-[दीणार]कोडि मज्जे गहियं । धम्मकहावसाणे सट्ठाणं गया लोया । नरचंद-जिणगुत्ता वि पविट्ठा नयरं । भोयणवेलाए भिक्खं भमंता गया सुमणियय-धरं । दिट्ठा तेण । निरूवियाणि सरीरे लक्खणाणि । रंजिओ नेमित्तिओ । पणय-पुरस्सरं, प्हाविया दो वि तेण । भुजाविया परमायरेण । निर्यसाविया पवर-वत्थाणि । निरूवियं लग्गं । परिणाविओ नरचंदो नियदुहियरो सिरिदेवि । दिण्णा सिरि-नामिया बीया दुहिया जिणगुत्तस्स । बोलीणो वासरो । समागया रयणी । पारद्धा संकहा । लद्धावसरेण भणिओ जिणगुत्तेण नेमित्तिओ—“किं निमित्तं तए अविण्णाय-कुलाईण भिक्खयराण अम्हाण नियदुहियरो दिण्णाओ ?” तेण भणियं—“लक्खणेहिं चेव जाणियं मए-थेवं भे दालिइ-दुक्खं, समासणो धणागमो ।” जिणगुत्तेण भणियं—कहेसु मे अणुग्गहं काऊण इत्थी-पुरिसलक्खणाणि । नेमित्तिएण भणियं सुणेह—

सुसिणिद्ध-कुडिल-वहु-कसिण-चिहुरभारेण संगया होंति । सव्वपहाणा पुरिसा विवरीए होंति विवरीया ॥
छत्तायारं सीसं पयाहिणावत्त-संगयं तह य । रायतणयाण जायइ विवरीयं अहम मज्जाण ॥१८७॥
अट्टमि चंदायारं जत्तियरेहाहिं संगयं भालं । तावइया वीसाओ वासाणं जियइ सुहभाइ ॥१८८॥
उण्णयनासो पुज्जो महुपिणो कामिणीया मणहारी । सुसिणिद्ध-सिद्ध-संगय-दसणो मिट्ठण्ण-भोइत्ति ॥१८९॥
विवाहरोट्ठतालू-तिरेह-सोहिल्ल-कंबुसमगीवो । आयरिस-सम-कवोलो पसत्थरोमिल्ल-कण्णजुओ ॥१९०॥
ससि-सीह-वग्घ-वयणा नरवइणो होंति तस्समाणा वा । पीणुण्णय-पिहु-वच्छा रोमिल्ला तेवि रायाणो ॥१९१॥
उण्णय-खंधो भोगी दीहरवाहू वि होइ पहु-सरिसो । कंकैल्ल-पल्लवारुण पसत्थरेहिल्लपाणी वि ॥१९२॥
जलपुण्ण-दइय-पोट्टा अयकुच्छी सीह सरिस-कडिभागो । सुपसत्थ-मउह-जंघा कुम्मुण्णय-पायतंत्र-नहा ॥
करि-वसह-हंस-कैसरि-गय-गमणा होंति राय-संकासा । निद्धतया भोगिल्ला सिणिद्ध-वक्खा य सोहग्गी ॥
विसणा वाहू तह लोयणाइं दीहाइं पुण्णभागीणं । गीवा-जंघा-लिंग-अंगुलि-मज्जाइं मडहाइं ॥१९५॥
नह-अत्थि विहुर-दसणा अंगुलि-पव्वाण संघिणो सुहमा । वच्छत्थलच्छि-पट्टी समुण्णया होंति राईणं ॥१९६॥
मंभोरवा कररेह-नाहिणो होंति गेज्जवयणाओ । उवचिय-मंसा सुहिणो सव्वमिणं होइ सत्तिल्ला ॥
इय एवंविहलक्खण-संजुत्ता सुंदरा नरा हुंती । तव्विवरीया मज्जा अहमं पुण सुणेह भणंता ॥१९८॥
एलभ-रासह-नयणा थेवाऊ हुंति पाणिणो तह य । मूसग-मज्जारच्छा थेवेणं जति जमगेहं ॥१९९॥
अइभग्ग-कसिणवट्टं कूरं नट्टप्पहं चिविडनासं । अइतणुयं सत्तमयं इमाइं अपसत्थवयणाइं ॥२००॥
निम्मंस-कवोला वि य अभिण्ण-कण्णा य वंक-नासा य । एए उ वज्जणिज्जा न सुंदरा हुंति पाएण ॥२०१॥
वित्थड-पाओ पुरिसो दुहगो इत्थी उवद्ध-पिडीया [चेव] । पावइ मच्चू तुरियं भणियमिणं सत्थयारेण ॥२०२॥
जीए हसमाणीए कवोलमूलेसु कूवया होंति । सव्वासिं असइणं तीए धुरि दिज्जए रेहा ॥२०३॥
विरलंगुलिया पाय[य] जणा पिगच्छा रोमंसायवियंडा [य] । वीवाहमंडवे च्चिय भत्तारं हणइ दियरं वा ॥
जीए तिण्णिपल्लं उदरं भालं तहेव पुप्पाय । सा हणइ तिण्णि पुरिसा ससुरं दियरं घवं चेव ॥२०५॥
जाए वच्चंतीए जाणू [कड]कडकडिति महिलाए । संपत्तजोव्वणा सा निच्चं दुह-भाइणी होइ ॥२०६॥
जीसे हसमाणीए मलंति नयणंसुयाइं लालाय । सा भत्तारं निहणइ दीहमुहा सोयणिज्जा य ॥२०७॥

अइकाल-गोर-सामल-तण्यंगी निदिया नरा-नारी । तय-रोम-दंत-नयणोठु-केस-नह-नेह-रहिया य ॥२०८॥
 वामदिसाए वामो आवत्तो कुणइ सासयं भिक्खं । सो विय दाहिण-पासे पयाहिणो लच्छिमावहइ ॥२०९॥
 निअनीइगुणसमेया वत्तीसं हीति पृहइताहाण । मज्झिम-सुहाण तीसं दंता ऊणाहिया पावा ॥२१०॥
 मूसग-कराल-बीभच्छ-विसामादसणा हवंति पावयरा । को[इ]जरसणा य सुहिणो वित्तलजीहा य पावित्ता ॥
 पउमदलाभा सुहुमा जीहा किल होइ पंडिय-नराण । खर-काग-भिण्ण-भायण-रक्खसरा हीति ध[न]रहिया ॥
 मंडल-विरालक्खे किर-नयणिल्ला निदिया सया सत्ता । करिनयणा रासभाइदीहर-लोयणा विउसा [य] ॥
 गंभीरुच्छल-नयणा दीहर-थेवाइणो मुण्येव्वा । दीणच्छो धण-रहिओ थूलच्छो होइ निव-मंती ॥२१४॥
 इण्ह संखित्तेयर वररेहा-लक्खणं पवक्खामि । पुरिसाणं जुवईण य दाहिणवामे सुहत्थेसु ॥२१५॥
 गंभीरारुण-सुहमा सुसिणिद्धा पूइयाओ करलेहा । मणिवंधाओ पवत्ता सुपसत्था तिण्णि रेहाओ ॥२१६॥
 अंगुट्टमणुसरंती कुलरेहा होइ पढमिया एसा । वीया पुण धणरेहा तइया विय आउ-रेह ति ॥२१७॥
 कुल-दव्व-जीवियाणि य छिण्णभिण्णासु हुंति साराणि । रेहासुं पुण छिण्णाइयासु भासेज्ज विवरीयं ॥२१८॥
 अंगुट्ट-पएसिणि अंतरम्मि पत्ताए जा रेहा । आऊमुत्तुंगमहीणं होइ (?) सेसासु ॥२१९॥
 जत्तियमेत्ता छेया अवमच्चू तत्तिया मुण्येव्वा । जीविय-रेहाए फुडं सुसंठियाए न संदेहो ॥२२०॥
 जा पुण्ण मणिवंधाओ उड्डंकरगामिणी सया रेहा । सा सयण-रयण-धण-कणय-दाइया-लोग-पुज्जा य ॥
 सा चिय जइ अंगुट्टं समेइ तो कुणइ पायडनरिंदं । तज्जणिपत्ता य फुडं नरन-हं तेण सरिसं व ॥२२२॥
 मज्झिमपत्ताए वि हु राया सेणावइ व्व आवरिओ । अवणाभियाए सेट्टो जायइ अण्णो य धणवंतो ॥२२३॥
 सा चिय कणिट्ठियाए पत्ता सुहियं करेइ सुभगं वा । एयाओ अवितहाओ जइ अच्छिण्णा सुवण्णा य ॥२२४॥
 मणिवंध-आउरेहाण अंतरे जत्तियाओ रेहाओ । कर-पाणि-निविट्ठाओ तावंति सुभाइं भंडाइं ॥२२५॥
 वत्तासु भायरो खलु अवत्तासु च हुंति भगिणीओ । अच्चंतेय (?) रासु पुण अप्पाऊ हुंति नियमेण ॥२२६॥
 आउं कणिट्ठिय-रेहाए अंतरे जत्तियाउ रेहाओ । तावइय खलु महिलां महिलाणं हुंति पुरिसा य ॥२२७॥
 समसीलाओ समासुं हवंति विसमासु वि[स]मसीलाओ । हीणासु हीण-जाई अहिययरासुं च अहियाओ ॥
 अंगुट्टस्सय उव्वरिं जइ निद्धो पायडो जवो होइ । सो विज्जाए धणेण य भोगेहि न मूँचए जंतू ॥२२९॥
 मच्छंको सयभागी सहस्सभागी य [चक्कं]को । संखंको लक्खवई पउमंको कोडिधणभागी ॥२३०॥
 पंचण्हमंगुलीणं अंतरभागेसु चउसु वि धणेसु । निच्चं चिय सुहभागी मज्झपसाए वालत्ते ॥२३१॥
 मज्झिम अणामियाणं धणंतरे होइ मज्झिमवयम्मि । पच्छिमवयम्मि सोक्खं कणिट्ठियाणांमियघणम्मि ॥

इच्चाइनरनारोलक्खणं भणिऊण नरचंदं दंसयंतेण भणियं नेमित्तिएण—“जहेस मिउ-मसिण-कसिण-सिणिद्ध-
 चिहुर-भार-संगओ छसायार-पयाहिणावत्तुत्तिमंगो य दीसइ तहा नूणं राइणा भवियव्वं । तुज्ज पुण जहा मणिवंधाओ
 उड्डंकर[र]गामिणी उड्डरेहा पयडा दीसइ तहा धण-कणग-रयणसामिओ लोगपुज्जो य भविस्ससि अओ मए तुम्हाण
 कण्णापयाणं कयं ।

कइवयदिणाणि तत्थेव य अइवाहिऊण सकलत्ता निगया नरचंद-जिणगुत्ता । पत्ता गंगातीर-संठिय-गंगावत्तं नाम
 नयरं । किलेस-संपाइयपाणवित्तीण बोलीणो वासरो । समागया रयणी । सुत्ताणि एगम्मि देवउले । रयणिचरमजामे
 दिट्ठो नरचंदेण सिविणयम्मि नियसिरच्छेओ । जिणगुत्तेण वि दहि-भरिय-भायणं वयणेण पविसमाणं सुविणए दिट्ठं ।
 कहियं पभाए नरचंदेण जिणगुत्तस्स । तेण वि इयरस्स । सुविणयत्थमयाणमाणा सम्मं यहिऊण पुप्फ-फलाइ गया सुमिणसत्थ-

पाढग-समीवे । साहिओ दो हि वि निय-निय सुमिणओ । तेण भणियं—“एरिस-सुमिणेहि रज्ज-लच्छी पाविज्जइ, जेण एवं सुमिणलक्खण-सत्थं—

सिरच्छेयम्मि य रज्जं सत्थपहारेण अत्थ-संजोयं । रुहिरुगिरणम्मि वयणे नवरि नरिदत्तणं भणियं ॥२३३॥
 पयपाणं घुसिण-विलेवणं च अढ्भंगणं च तेल्लेण । सुमिणम्मि कुणइ मरणं अहवा रोगुढभवं गुरुअं ॥२३४॥
 असुइ-विलेवं तह मज्ज-पाणयं तह अगम्म-गमणम्मि । सुमिणम्मि इट्ठ-फलं पुब्बायरिएहि तिद्धिं ॥
 हसिए रुइयं रुइए य पहसणं जाण होइ विवरीयं । दहि-छत्त-चमरय-सुमिण-दंसणे पउरसिरि लांभं ॥२३६॥
 दाहिणकरम्मि सेयाहिभिकखणे दंसणे अरुहिरस्स । रज्जं धणागमं वा जहइ पमोयं नरिदाओ ॥२३७॥
 ससि-सूर-सुमिण-पियणे रज्जं पावेइ नत्थि संदेहो । सायर-पियणे य तथा जायइ रज्जागमो नियमा ॥२३८॥
 सर-सायर-पियणं मिउ दुक्खुत्तारो नरस्स नियमेण । रत्तवसणो य सुमिणे भायंतो निच्छयं मरइ ॥२३९॥
 गायंतं नच्चंतं हसमाणं चोप्पडं च अप्पाणं । दट्ठूण सुमिणसमए जाणेज्ज उवट्ठियं असिवं ॥२४०॥
 गथ-हथ-भो-विस-चडणं गिरि-तरु-सिहरगगचडणयं चैव । सुमिणम्मि सुकयपुण्णा पेच्छंति नरा न संदेहो ॥
 गथ-मणय-सेय-वसणस्स दंसणे सोहणं समा कालं । रत्तवड-खमणयाणं मरणं पुण दंसणे होइ ॥२४२॥
 गथ-वसह-हंस-सारस-सिहि-मंस-जूएण अल्ल-चम्मेण । सुमिणम्मि दिट्ठमेत्तेण होइ थप-सोक्खआ[रुग्ग]भागी य
 करहे उरगे रिच्छे य वायसे देव-हसिय-कंपे य । मरणं महाभया वा सुमिणए दिट्ठे विद्याणाहि ॥२४४॥
 फल-पत्त-कमल-चंदण-वसण-जूए देव-छत्त-पहवणे य । सुह-साहु-दंसणम्मि य उत्तम-फल-संपयारोगं ॥२४५॥

एवं साहिऊण सुहासुह-सुमिणफलं तेण वि दिण्णाओ सूहवदेविसूहवाभिहाणाओ निय कण्णयाओ । ठिया तत्थेव कइवयदिणाणि । गहियभज्जा गया रयणायर-तीर-संठियं मुत्तासुत्तं नाम नयरं उत्तरिया कुंभार-कुडीए । भिक्खं भमिऊण कया पाणवित्ति । परिणयपाए वासरे कुलालेण भणिओ नरचंदो—“कुडीए भंडाणि पविस्सिस्संति । अण्णत्थ गवेसह वासठाणं ।” एवं भणमाणो कहिऊण कुलाल-वयणं जिणगुत्तस्स निग्गओ नरचंदो । गओ जलहिवेलासमासण्ण-मुज्जाणं । पविट्ठो तत्थ । दिट्ठो तस्स मज्जे अ अमाणुसो पवरपासाओ । पविसंतो वारिओ उज्जाणपालएण, भणिओ य—“महाभाग ! सोवसणो एस पासाओ । जो एत्थ एक्कंपि रयणिं परिवसइ सो मरइ ।” तओ सविसायं भणिओ जिणगुत्तो नरचंदेण—“वयंस ! विहडियं नेमित्तियसुमिण-पाढग-वयणं, जेण दूरे ताव रज्जाइयं वासओ वि दुल्लहो जाओ ।” जिणगुत्तेण भणियं—“कुमार ! न खेओ कायव्वो । चिट्ठह इत्थेव तुब्भे जाव अहमेत्थ पासाए पवि-सिऊण गच्छामि । कुमारेण भणियं—“एवं करेसु ।” गओ जिणगुत्तो । नवकार-पुरस्सरं काऊण निसीहियं पविट्ठो पासाए कयसामाइओ इरियावहियं पडिक्कभिऊण, जो को वि एत्थ अक्खइ देवो वा दाणवो वा भूओ वा सो सो मज्ज अणुजाणेउ भवणमिणंति भणिऊण सज्जायं काउमाढत्तो । एत्थंतरे समागओ वाणमंतरो साहम्मियवच्छल्लं गुणकरं ति सर-माणेण जिणवयणं, संभासिओ जिणगुत्तो—“महाभाग ! सागयं ते ।” तओ पाराविऊण सामाइयं भणियं जिणगुत्तेण—“महाभाग ! अत्थि मे कोउहलं कहसु, को तुमं ?” वंतरेण भणियं—“जेण इमं घरमुव्वासियं ? जिणगुत्तेण भणियं—“कि निमित्तं एयं उव्वासियं ?” तेण भणियं—“पुव्वभवे जिणनामक्खरो नाम अहं एयस्स घरस्स सामिओ आसि । भाया य चंदहासो । पुत्तो य मे गुणसुंदरो । पडिवण्णा मए नियमाउलस्स हेमसारसूरिणो समीवे पव्वज्जा । विहरिओ अणत्थ समं सूरीहि । अहिज्जिया केवि आगमलवा । तओ—“आयरियउवज्जायाणं भंते ! गणं नीईए सारवेमाणे कईहि भवग्गह-णेहि सिज्जइ मुच्चइ परिनिव्वाइ सब्बदुक्खाण अंतं करेइ ? गोयमा ! तेणेव भवग्गहणेणं तच्चं भवग्गहणं पुण नाइओ ति ।” सोऊथ सिद्धंतवयणमेयं संजायसूरिपयाहिलासेण विण्णत्ता मए आयरिया, भयवं ! जइ करेह ममाणग्गहं, तो हं समणसंघ-परिवुडो जिणधम्मपयडणेण सपरोवयारं कुणंतो नाणाविह-देसंतरेसु विहरामि ।” सूरिणा भणियं—

छत्तीस गुणसमेओ गणहिवो वण्णिओ जिणिदेहि । तव्विवरीओ न तरइ पवयणसारं परिकहेउं ॥२४६॥

ते य इमे गुणा—

देस १ कुल २ जाइ ३ रूवी ४ संघयणी ५ धिई जुओ ६ अणासंती ७ ।
 अविकत्थणो ८ अमायी ९ थिरपरिवाडी १० गहियवक्को ११ ॥२४७॥
 जियपरिसो १२ जियनिट्ठो १३ मज्झत्थो १४ देस १५ काल १६ भावणू ।
 १७ आसणलद्ध १८ पइभो १९ नाणाविहदेस भासणू ॥ २४८ ॥

पंचविहे आयारे, जुत्तो सुत्तत्थत्तदुभयविहणू । आहरण-हेउ-उवणय-नय-निउणो गाहणाकुसलो ॥२४९॥
 ससमय-परसमयविऊ गंभीरो दित्तिमं सियो सोमो । गुणसयकलियो जुत्तो पवयणसारं परिकहेउं ॥२५०॥
 एवविहस्स वयणं घय-परिसित्तो व्व पावओ भाइ । गुणहीणस्स न भायइ नेह-विहूणो जह पईवो ॥२५१॥
 जो अप्पणे वि अंधो सो कह रूवाणि कहइ अपरस्स । अंधो व्व अगीयत्थो जिणधम्मो हव-सारिच्छो ॥२५२॥
 नवत्ति कम्मस्स वि संसमंधो, संजाणई नाविमियंक-कंती,
 कहिं पीढसप्पी कहिं दूय-कम्मं । अंधो कहिं-कत्थवि देसियत्तं ॥२५३॥

जो गणहरो न याणइ अयाणमाणो वि देसए मम्मं । सो विज्जसुओ व्व फुडं परमप्पाणं च नासेइ ॥२५४॥
 जहेग वेज्जस्स सुओ अयाणो, मयम्मि ताए अणहीय-विज्जो,
 गंतुं विदेसं अह सो सिलोगं घेतूणमेगं-सग-देसमेइ ॥२५५॥
 समागओ सोउ सयम्मि देसे लद्धण तं चेव पुराणवित्ति,
 रण्णो निओगेण सुए तिगिच्छं, कुव्वंतु तेणेव-समं त्रिणट्ठो ॥२५६॥

एवमगुणे अग्गीए सीसे सूरित्तणं अणत्थाया । जग्हा सोवालंभं सुय-केवल्लिणा इमं भणियं ॥२५७॥
 आयरियत्तणतुरियो पुंवि सिसत्तणं अकाऊण । अणहिगयागमसारो हिंडंति समण्णणा के वि ॥२५८॥
 सीसा वि य तूरंती, आयरिया वि [हु] लहुं पसीयंति । तेण दरसिक्खियाणं भरित्तो लोगो पिसायाणं ॥
 वूढो गणहरसद्दो गोयममाईहिं धीरपुरिसेहिं । जो तं ऽवइ अपत्ते जाणंतो सो भहापवो ॥२६०॥
 ता एयमसगाहं मोत्तूणं नाणसंगहं कुणसु । कि वा तए न सुओ सुयम्मि न सुओ जवो राया ॥२६१॥
 जवराय-दीहपिट्ठो सच्चिवो पुत्तो य गद्दभो तस्स । धूया अडोल्लिया गद्दभेण छूढा य अगडम्मि ॥२६२॥
 पव्वयणं च नरिदे पुणरागमऽडोल्लिखेल्लणं चेडा । जवपत्थणं खरस्सा उवस्सओ फरुससांलाए ॥२६३॥
 इओ गया इओ गया जोइज्जंती न दीसति । अहमेयं वियाणामि अगडे छूढा अडोल्लिया ॥२६४॥
 आविहिसि पुणो जाइहिसि ममं वावि निरिक्खसि । लक्खिओ ते मया भावो जवं पत्थेसि गद्दहा ॥२६५॥
 सुकुमालण ! भद्दलया ! रत्तिं हिंडणसीलया ! भयं ते नत्थि मं मूला दीहपिट्ठाओ ते भयं ॥२६६॥
 सोऊण इमं वयणं विचित्तियं गद्दभेण निट्ठोसो । ताओ भयवं इमिणा निट्ठिं दीहपिट्ठाओ ॥२६७॥
 हा ! कहमणज्जकज्जं मए कयं आसि मंदभग्गेण । इइ जंपंतो पडिओ खामिओ साहुचलणेसु ॥२६८॥
 कहिऊण वइयरमिणं सविसेसं निदिऊण अप्पाणं । अयडाओ अडोल्लि कडिड्ढऊण मंति विणासेइ ॥२६९॥
 सिक्खियव्वं मणस्सेण वि जारिसतारिसं । पेच्छ मुद्ध सिलोगेहिं जीवियं परिरिक्खियं ॥२७०॥

ठिओ तत्थेव कइवय दिणाणि । समारोविऊण सम्मत्ताइ गुणगणे नरवइपमुहलोयाण थेव दिणावसाणे गओ
 गुरु-समीवं । एवं तस्स एरिसमवि नाणं गुणकरं जायं कि पुण सण्णाणाहिगमो जाओ ।

आयहिय-परिण्णा भाव-संवरो नव-नवो अ संवेगो । निक्कंपया तवो निज्जरा य परदेसियत्तं च ॥२७१॥
 'आयहियमजाणंतो अहिय निवित्ती य हियपवित्ती य । नाणेण सुणइ जम्हा [आयहिया] नाणं पढेयव्वं ॥२७२॥
 नाणेण सब्भवावा नज्जंते जे जहि जिणक्खाया । नाणी चरित्तजुत्तो भावेण उ संवरो होइ ॥२७३॥
 जह जह सुयमोगाहइ अइसरसपसरसंजुयमपुव्वं । तह तह पल्लाइ मणी नवनवसंवेगसद्धाए ॥२७४॥
 सज्जायं जाणंतो पंचिदियसंवुडो तिगुत्तो य । हवइ हु एगगमणो विणएण समाहिओ साहू ॥२७५॥
 वारसविहम्मि वि तवे सन्भितरवाहारे कुसलदिट्ठे । न वि अत्थि न वि अ होही सज्जायसमं तवोक्कम्मं ॥
 तम्हा नाणायत्तो दंसणतवनियमसंजमे ठिच्चा । विहरइ विसुज्जमाणो आरिय देसम्मि सो य इमो ॥२७७॥
 भागहकोसंबीया थूणाविसओ कुणालविसओ य । मज्जे इमाण आरियखेत्तं व विहारभूमी य ॥२७८॥
 चवणेसु जम्मणेसुं निक्खमणेसुं करिंति महिमाओ । भवणवइ-वाणमंतर-जोइस-वेमाणिया देवा ॥२७९॥
 उप्पण्णे नाणवरे तम्मि अणंते पहीणकम्माणो । तो उवदिसंति धम्मं जगजीवहियाय तित्थयरा ॥२८०॥
 लोगच्छेरयभूयं ओवयणं निवयणं च सब्वत्तो । निव्वाणगमणकाले जिणाण देवाइ कीरंति ॥२८१॥
 तित्थयरपंचकल्लाणएहि कल्लणकरणदच्छेहि । जीवाणारियखेत्तं सिरोमणि सयलखेत्ताण ॥२८२॥
 दस चोइसपुव्वधरा केवलिणो गणाहरा महिडिढया । साइसयलद्धिकलिया अण्णे विद्य मुष्णिवरा एत्थ ॥
 समणगुणविउत्थजणो सुलहो उवही सतंतमविरुद्धो । आरियविसयम्मि गुणा नाण-चरण-गच्छवुद्धी य ॥
 एत्थ किर सन्नि-सावय जाणंति अभिग्गहा सुविहियाणं । तेण विहारो आरियखित्तम्मि जिणेहणुण्णाओ ॥
 देहोवहीण नासो तेण य सावय पउट्टमच्छेहि । तहिं चिय अणारिए तेण सो तहिं पडिसिद्धो ॥२८६॥
 अज्जवि तुमं अगीओ आरियखेत्ते वि विहरण अजोग्गो । सपरस्सुवयारं कहं काहिसि उज्जमंतो वि ॥२८७॥
 जह ण्हाउत्तिण्ण गओ बहुययरं रेणुयं छुहइ अंगे । सुट्ठू वि उज्जममाणो तह अण्णाणी मलं चिणइ ॥२८८॥
 आयहियमजाणंतो मुज्जइ मुढो समायरइ कम्मं । कम्मेण तेण जंतू पडेइ भवसागरमणंतं ॥२८९॥
 वारिज्जंतो विरमसि विरमसु ता नत्थि जोग्गया तुज्ज । मा नासेहिसि दुण्णि वि अण्णाणं चैव गच्छं च ॥२९०॥
 सोऊण सूरिवयणं कोवानल-धगधगंतहियएण । खंडिय-विणएण मए पर्यपिअं चत्त-लज्जेण ॥२९१॥
 कलिकाल-कलुसिए तिहुयणम्मि दोसेहिं विम्हओ को णु । जाइ वि तत्थ गुणो गइयाण मई तहिं रमइ ॥२९२॥
 एयं पि विउस-वयणं वितहं संपाइयं भयंतंहिं । एगंतेणेव ममं सहसा सद्धसयंतंहिं ॥२९३॥
 सूरीहिं वि सो भणिओ रोसं चइऊण पिवसु परमरसं । उभयभवेसु वि जइ भे कज्जं कल्लाणमालाए ॥२९४॥
 सिज्जंति सयलकज्जाइं तस्स पुरिसस्स अत्थसाराइं । रोसो सुरंग-धूलि व्व जस्स न हु पायडो होइ ॥२९५॥
 जं कज्जमुवसमपरो साहइ कुद्धो न तं पसाहेइ । कज्जस्स साहणी जं पण्णा कुद्धस्स सा कत्तो ॥२९६॥
 भणियं च--

सामणमणुचरंतस्स कसाया जस्स उक्कडा होति । मण्णामि उच्छु-पुक्कं व निष्फलं तस्स सामणं ॥२९७॥
 जं अज्जियं चरित्तं देसूणाए वि पुव्वकोडीए । तं पि कसाइयमेत्तो हारेइ नरो मुहुत्तेण ॥२९८॥
 रागेण व दोसेण व न मए तुह सारणा कया । एवं एसा जिणाण आणा जं सीसा सारियव्वत्ति ॥२९९॥
 भणियं च भगवया--

आयरिओ केरिसओ इह लोए केरिसो य परलोगे । इह लोए असारणिओ परलोए कुडं भणंतो उ ॥३००॥

१. आयहियं जाणंतो अहियनिवत्तीए हियपवित्तीय । हवइ जतो सो तम्हा आयहियं आगमेयव्वं ॥ वृ० क० ११६४ ॥

जीहाए विलिहंतो न भट्ठओ जत्थ सारणा नत्थि । दंडेण वि ताडितो सभट्ठओ सारणा जत्थ ॥३०१॥
जह सरणमुवगयाणं जीवियववरोवणं नरो कुणइ । एवं सारणियाणं आयरिओ अचोयओ गच्छे ॥३०२॥
जहिं नत्थि सारणा तह य पडिचोयणा य गच्छम्मि । सो हु अगच्छो गच्छो मोत्तव्वो संजमन्थीहिं ॥३०३॥
गच्छो गणि व्व ओवासभिलग्गो वा नासागई मग्गो । जे मूलउत्तरगुणा अक्खलियासोग्गमग्गो ॥३०४॥
तम्हा गुणपव्वभारेण भट्ठ ! अप्पाणयं भरेऊण । पडिऊण भाववक्खं जिणागमं विहरसु विहीए ॥३०५॥

मए भणियं—“अलं मे गुणपव्वभारेण पज्जत्तं जिणागमाहिग्गमेण । पुण्णं विहारेण । न कज्जं गच्छवासेणं” ति भणिऊण
किलिट्ठट्ठ-कम्मसंचोइओ, वारिज्जंतो गुरुणा, एगंतसुहावहं अवगणिऊण तस्स वयणं, सिद्धिपुर-पह-पयट्टाण सुसहाए मोत्तूण
साहुणो, सग्गापव्वग-पय-सुह-सयदाण-दच्छं मोत्तूण गच्छं, निग्गओ हं । विहरिओ गामागर-नगरेसु देसणाए बुज्जावित्तो
मुहाज्जणं कमेण विहरंतो मुत्तासुत्तनयरे ठिओ कुंभकारसालाए ।

इओ य अच्चुक्कडयाए लोहस्स, अवगणिऊण लोयववहारं, उज्जिउण सयलसिणेहं, पराभूओ गुणसुंदरो चंदहा-
सेण, न देइ किं पि । किं बहुणा ? घराओ वि निद्धाडिओ देहंबलियाए जीवेइ । तओ विसयनिदापुरस्सरा संसार-
निव्वेय-जणणी म्हाया पयत्तेण कया मए गुणसुंदरस्स धम्मदेसणा । परुविओ साहु-धम्मो । चरणावरणकम्मोदएण न
परिणओ तस्स । बहुजणपरिभूओ भिक्खं भमिऊण कह कह वि उदरं भरेइ । न पुण चरणं पडिवज्जइ चंदहासो वि मज्झ
वि चित्तरक्खं न करेइ । तओ परिवडिय-चरणपरिणामेण कोहानलाबूरिज्जमाणहियएण चित्तिं मए—“अहो जहणत्तणं
एयस्स । किं वयं मोत्तूण पुणो वि घरवासमाविसामि, उवाहु गहियलिंगो चैव नरवइणो कहेमि । किं वा इमस्स वहणट्ठा
णियाणं काऊण अणसणं करेमि । एवं चित्तिऊण तइय पक्खो मए पडिवण्णो । अट्टज्जाणेण मरिऊण जाओ वाणमंतरो ।
नाऊण ओहिणा कुविओ अहं । मारिओ सपरियणो चंदहासो । अहिद्वियं घरमप्पणा । न एत्थ कस्स वि पविसिउं पि
देमि ।” जिणगुत्तेण भणियं—“मुणिय-जिण-वयण-सारस्स न ते एरिसं जुत्तं । मुंचसु इमं दुग्गइनिबंधणं अभिनिवेशं ।
पडिवज्जसु सव्वसत्तेसु मेत्तीभावं । कुणसु तित्थयरपडिमासु पडिवर्त्ति । पज्जुवासेहिं साहुणो, जेण जम्मंतरे वि सुहेण
बोही सपज्जइ ।” वंतरेण भणियं—“पडिवण्णं मए तुह वययं । दिण्णमिणं घरं साहु-साहम्मिषाण । साहम्मिओ धम्मो-
वएसदायगो य मह तुमं । अओ किं पि पत्थेमि । अत्थि इमम्मि घरकोणे निहाणीकया मए सुवण्णकोडी । तं नियपासे
करेसु, जेण मे चित्तनिव्वुई होइ । निव्वससु निस्संको इमम्मि मंदिरे जाव मे रोयइ ।” एवं भणिऊण गओ वाणमंतरो ।
आणिओ [त]त्थेव नरचंदो । जिणगुत्तेण साहिओ सव्वो वि वंतरवइयरो । निहालियं निहाणं । दिट्ठा सुवण्णकोडी ।
भणिओ नरचंदो जिणगुत्तेण—“कुमार ! दहलक्खा चैव दीणारण मे मोक्कला । तप्पमाणं धरेऊण सुवण्णयं सेसं धम्मे
वियरामि ।” नरचंदेण भणियं—“पढमं ताव अप्पा समुद्धरिज्जइ । पच्छा धम्मचित्ता किज्जइ । दहलक्खा चैव तुह
परिग्गहे । सेसं मह संतियं । जिणगुत्तेण भणियं—“सेसं धम्मे दायव्वंति मे भासियं ।” नरचंदेण भणियं—“वाउलो तुमं
जो समयं न याणसि ।” अणिऊत्तस्स वि नरचंदस्स दस लक्खाहियं सुवण्णयं दिण्णं सत्तसु ठाणएसु जिणगुत्तेण । जाया
चित्ताखंडणा नरचंदस्स “न मह वयणमिमिणा कयं” ति वहइ चित्ते पओसं । न लंघेइ वज्जपवर्त्ति । वच्चंति दिणाणि ।

अण्णम्मि दिणे मओ तत्थ अउत्तो राया । नत्थि रज्जारिहो । अहिसित्ताणि पंच दिव्वाणि । पडिवण्णो तेहिं
नरचंदकुमारो । अहिसित्तो अमच्चसामंताईहिं राय-पए । हत्थि-खंधमारूढोत्तर-निग्घोस-भरियदस-दिसाभोगो मागह-
कयजयजयारावो, पविट्ठो नयरं । तत्थ वि कयविहोवयारो रायभवणे विहिय-दहिदोव्वंकुराइ-सयलमंगलो सम्माणिया-
सेसमंति-सामंत नागरजणो रज्जं परिपालिउमाढत्तो नरचंदो ।

अण्णम्मि दिणे वियणम्मि भणिओ राया जिणगुत्तेण—“महाराया ! पुव्व-कय-सुकयाणुभावेण पत्ता तुभ्भेहिं निस्वमा
रायलच्छी । गहियं च भे गुरुपुरओ परिग्गह-परिमाणं । ता तं निरूविऊण जइ समहियं तो धम्मे दिज्जउ ।” राइणा
भणियं—अहो तुमं अत्थाओ वि य महंतओ । न मे कज्जं परिमाणनिरूवणाए । न वा धम्मेण । जइ तुह वयणं

न वसे (?) तो भह समीवे न समार्गतव्वं ति भणिऊण विसज्जिओ जिणगुत्तो । पत्तो निय-धरं । परिहरिओ रायसमीवे समागमो । जाओ सविसेसाणुद्वाणनिरओ ।

अण्णम्मि दिणे कयसंज्ञावस्सगो, वंदिऊण चेइए, गुणिऊण अट्टु नमोक्कारो, खामिऊण सयलसत्तगणं, गहिऊण सामारमणसणं, सुत्तो जिणगुत्तो । एत्थंतरे समागओ सो पुव्वपरिचिओ वाणमंतरो । भणिओ तेण—“सुत्तो जागरसि वा ?” तेण भणिय—“सुत्त-जागरओ चिट्ठामि ।” वंतरेण भणियं-विरुद्धमेयं दुगं कहमेगकाले संभवइ ?” जिणगुत्तेण भणियं—“सुणसु, जहा संभवइ मुणिय-जिणवयणसारो वि सब्वसंग-परिच्छायं काऊण न पव्वयामि तेण सुत्तो । जहा गहियं देसविरइं परिपालेमि तेण जागरमाणो ।” वंतरेण भणियं—“अहो ! ते विवेओ, अहो ! ते मुणिओ जिणधम्मो, अहो ! ते सुसावगतणं”ति भणिऊण निवडिओ चलणेसु । पुच्छिओ जिणगुत्तेण—“को तुमं ? किं निमित्तं वा समागओ ?” तेण भणियं—“सो चेव हं उज्जाणघरसामिओ वंतरो जो तए पडिबोहिओ, तुह दंसणत्थं नंदीसरओ चेइए वंदिऊण पडिनियत्तो । दिट्ठो य तुमं । अमोहं देवदंसणं । गिण्हाहि एयं महालक्खणवंतं सिणिद्धकंति-ससिरीयं दक्खिणावत्तं सयलसंपयामूलं सुभइं नाम संख-रयणं । एयस्स पभावेण किलेसं विणा जहा समीहियधणागमो भविस्सइ । तस्स निच्छयं नाऊण गहिओ जिणगुत्तेण । संपूइऊण विसज्जिओ वंतरो । गओ सट्ठणं जिणगुत्तो वि । जिणसाहुगुणुक्कित्तणं कुणमाणो ताव ठिओ जावुग्गओ अरुणो । कयकाइया जोगो, पक्खालिय-करचरणो, नियंसिऊण धोयपोत्तिं, पविट्ठो भवणभंतरे । काऊण मुहकोसं निम्मलियाओ जिणपडिमाओ । पूइऊण पहाण-पुप्फेहिं । समुद्धओ पवरओ पवरधूओ । वरथुइ-थोत्त-मुहलं कयं चेइय-वंदणं । मुक्को जिणचलणपुरओ सुभइ-संखो । तप्पभावेण पसरइ घरे संपया । जिणगुत्तो वि दसलक्खा-हिएण समुद्धरेइ सडियाणि जिणाययणाणि । कारवेइ जिणिद-चंदाणं विबाणि । अभयप्पयाण-महादाण-पुरस्सरं दस-दिवसभंतरो पइ पडिमाओ । वियरइ पूयानिमित्तं दविणजायं । करेइ संघोवयारनिमित्तं साहारणं सावतेयं । पडिलाभेइ नायागय-कासुएसणिज्जेहिं असण-पाण-खाइम-साइमेहिं समण-संघं । समुद्धरेइ विहलियं साहम्मियजणं । करेइ आगमन्नूण सविसेसं बहुमाणं । पूरेइ बंधुयणमणोरहे । देइ दीणाणाहाण अणुकंपादाणं । विणा वि ववसाएण दाणं दितं दट्ठं जिणगुत्तं उच्छलिओ नयरे पवाओ-किमेयस्स वेयालो सिद्धो, निहाणं वा एएण लद्धं, जेणेवं विलसइ ।

अण्णया नित्तुलामलअपमाणा मोत्ताहलाणि रयणाणि य अणग्घयाणि गहाय समागया देसंतराओ वाणियगा । दंसियाणि राइणो । कयं मोल्लं । महमहग्घाणि काऊण न गहियाणि राइणो, न वा अण्णेण केणावि । तओ समागया जिणगुत्त-मंदिरं वणिगा । दंसियाणि मोत्ताहल-रयणाणि । जं मग्गियं वणिएहिं तं दाऊण गहियाणि सब्वाणि । “अहो ! विसाल-चित्तया, अहो ! उदारत्तणं,” जंपिऊण गया वणिणो । जिणगुत्तेण वि काराविओ मुत्ताहलेहिं हारो । घडाविओ सोहण-सुवण्णेण मउडो खचिओ पहाणरयणेहिं । पसत्थवासरे दो वि गहाय गओ जिणमंदिरे । महामहूसवेण निवेसिओ जिणिदुत्तमंगे मउडो, नियसरीरे य सुहसंदोहो । आविद्धो भुवणनाहकंधराए सो हारो अप्पाणं नियसिद्धि-सोक्ख-पभारो । एवं च हरिसियमाणसो कयत्थमत्ताणयं मण्णंतो पत्तो नियमंदिरं । निमुओ एस वइयरो राइणो पट्टमहादेवीए सिरिदेवीए । रुट्टा राइणा अणुणिज्जमाणी वि न कोवं मुयइ । भणइ य—“रायाणं नाम-गोत्तेण तुमं राया, न परमत्थओ । नरिदत्तणं जिणगुत्तस्स, जओ महग्घाणि काऊण परिहरियाणि तए रयणमोत्ताहलाणि, तेण पुण सब्वाणि गहियाणि ।” तव्वयण-सवण-संजाय-क्रोवानलेण तक्खणं चेव सट्ठाविओ जिणगुत्तो नरिदेण । पढमं ताव पणयं पदंसयंतेण मग्गिओ मोत्ताहल-रयणाणि । तेण भणियं—“धम्मट्ठाने मए विणोइयाणि ।” राइणा भणियं—“अण्णेणत्थेण धम्मं करेसु । ताणि मह दिज्जंतु । जिणगुत्तेण भणियं—“दिण्णाणि चेव ताणि किं कीरउ संपयं ?” राइणा भणियं—“कत्थ दिण्णाणि ?” तेण भणियं—“मोत्तिएहिं जिणपडिमाए हारो कओ । रयणाणि पुण जिणपडिमा[ए] चेव मउडे निवेसियाणि ।” राइणा भणियं—“अच्छंतु ताव एयाणि । केवलं सावओ तुमं । सच्चं कत्तो ते निव्ववसायस्स महालओ धणागमो ?” कहिओ तेण जहट्ठिओ संखेव-वइयरो । राइणा भणियं—“संखं चेव मे वियरसु ।” जिणगुत्तेण भणियं—“विहरामि ।” पेसिया जिणगुत्तेण सह नियपुरिस्सा राइणा । समप्पिओ ताण संखो । तेहिं वि राइणो । तेण वि नियरयण-भंडारियस्स । तेण पक्खित्तो रयण-मज्जे । तओ मुद्दाविंयं अइलोभओ राइणा जिणगुत्तमंदिरं । ठिओ जिणगुत्तो जिणपडिमाए पुरओ

काउसग्गेण । समागओ सो वंतरो । दिट्ठं मुद्दियं मंदिरं । जाणिओ संखावहार-वइअरो । कुविओ राइणो । “सव्वं सोहणं भविस्सइ न भे विसाओ कायव्वो ।” संठविऊण जिणगुत्तं गओ वंतरो । पभाए विण्णत्तो रयणभंडारिएण राया—“देव ! रित्तो भंडारो ।” एवं कण-दविण-वत्थ-मुवण्णभंडारा वि कहिया तेत्तिउत्तेहिं । वाहि-विहुराणि परिसिडि-उमारद्धाणि ह्य-गय-साहणाणि । मारीए मयं अंतेउरं । राया वि जराइसार-सास-खासाइ-सीलस-रोगायक-पीडिओ देसविरइ-विराहणा-जणिय-पावभर-पणोल्लिओ महया रुहज्जाणेण मरिऊण समुप्पण्णो पंकप्पभाए पुढवीए उक्कोसाऊ नेरइओ । तओ उव्वट्ठो दीहसंसारिओ भविस्सइ । जिणगुत्तो वि य पुणो वि घरागय-संखाणुभावेण पुंवि व दाणभोग-परायणो गमिऊण किंचि कालं पि, पालिऊण निरईयारं देसविरई, काऊण पज्जंते अणसणं, मरिऊण, समुप्पण्णो सहस्सारे सुरवरो ।

परिग्गहपरिमाणरया संतोससुहं इहेव पाविति । परलोगम्मि नरामरसुहं अणुभविउं सिवं जंति ॥३०६॥

इह लोगम्मि वि दुक्खं परलोगे दुग्गई धुवो तेहिं । जेहिं न संतोसेणं रुद्धा इच्छा पयट्ठनि ॥३०७॥

इइ पंचमाणुव्वयं ॥

पडिवण्णाणुव्वएण तेसिं चैव गुणकारीणि गुणव्वयाणि गहेयव्वाणि [गुणव्वयाणि] पुण तिण्णि भवन्ति । तं जहा-उड्ढाइदिसिपरिमाणं उव्वभोगपरिभोगे परिमाणं, अणत्थदंडविरइ-वयं च । तत्थ दिसिपरिमाण-वय-विराहणाराहण-दोसगुण-दंसणत्थं उदाहरणं भण्णइ ।

अत्थि इहेव भारहे वासे मज्झिम-खंडमंडणं रयणसारं नाम नयरं । तत्थ य रयणसुंदरो नाम सेट्ठी परिवसइ । रयणवई से भारिया । रयणसेहराभिहाणो ताण पुत्तो । गंगदत्तो नाम सिवदेव-सेट्ठि-दारओ तस्स परममित्तो । सहिया चैव संचरंति आरामुज्जाणाइसु ।

अणम्मि दिणे दिट्ठो उज्जाणसरसीसमासण्णासोग-तल-विमल-सिलायल-संठिओ बहु-समणसंघ-परिवारिओ, दिणकरो व्व नियवयण-किरण-नियरेण पडिबोहयंतो भव्वकमलायरे, चोदस-पुव्वी, चउनाणोवगओ चित्तगुत्तो नाम आयरिओ । रयणसेहरेण भणियं—“वयंस ! गंगदत्त, महंतो लोयमेलामवओ दीसइ । जइ भणह तो अम्हेवि गच्छामो ।” तेण भणियं—“को विरोहो ?” गया । वंदिओ सूरि । निसण्णा उचियभूमोए ।

एत्थंतरे दंडीखंड-निवसणं, वलि [य] वलय-वेडिय-सव्वंगकर-गहिय-दंडखंडं, पगलंत-लाला-करालं, विगय-दसणं जरा-चव्वण-अलंत-विबुय-वयण-दसणं, विम्हाविय-ईडभरुव-संघायं, पणट्टसुइवलं, विणट्टासेससियसिरोरुहंत-लोयणं, कंप-माणदेहं, संगयं कास-सासेहिं, परिहरियं परियणेण, कत्थइ पडंतं, कत्थइ खलंतं, कत्थइ अडवडितं, मक्खिथाचडगरेण अणुसम्ममाणमग्गं, हासकारणं निव्विवेयाणं, संसार-निव्वेय-निबंधणं सविवेयाणं, सुणएण समणुगम्ममाणं समाणं, समागयं तम्मि एएमे एगं वुड्ढ-मिहुणयं । वंदिओ तेण भयवं चित्तगुत्तायरिओ । लद्धावसरेण पुच्छिओ वुड्ढमाहेणेण—“भयवं ! दसमो संवच्छरो अत्थोवज्जणनिमित्तं देसंतरं गयस्स अम्हूतणयस्स । किमम्हाण तेण सह संगमो भविस्सइ न वा ? कत्थ वासो संपयं चिट्ठइ ?” सूरिणा भणियं—“देसंतरं गच्छंतेण तेण सह गया धरिणी धरदासो य पिगलगो ।” वुड्ढेहिं भणियं—“आमं ।” सूरिणा भणियं “जइ एवं तो वहुंते सत्थे, अणायार-कुलहरयाए इत्थीभावस्स, धा रि] या पिगलगेण सह तुम्ह सुण्हा । अण्णया भणिओ तीए पिगलगो—“न एयम्मि जीवंते निव्विग्घरइसुहमम्हाण । ता मारेमो विसप्प-ओगेण एयं ।” पडिवण्णं तेण । दीसत्थचित्तो भोयणमज्जे विसं दाऊण मारिओ तुम्ह सुओ । अट्टज्जाणेण मरिऊण घरमोहिओ समुप्पण्णो नियधरे सुणओ । सो पुव्वभवसिणेहेण तुम्ह मग्गाणुलगो एत्थेवागओ चिट्ठइ । निरुवेह वामओ । एयं सोऊण हिययसंघट्टेण मओ धेरो । धेरी वि तमणुसरंती वारिया । सयणवग्गेण । तीए भणियं—“अहं चैव परमत्थेण वुड्ढभावे दुक्खदंसणेण मया, एस पुण जीविओ । जओ—

समसोक्ख-दुक्खपरिविद्धाणं कालेण रुढपेम्माणं । मिहुणाणं मरइ जं तं खु जिअइ इअरं मुअं होइ ॥३०८॥

एवं भणिऊण सा वि विमुक्का पाणेहि । सुणओ वि खणंतरेण मओ । एयं दट्ठूण संवेगमात्रणाए जंपियं परिसाए—“भयवं ! कहं णु तीए पावाए निय-पइ-मारणं कथं ?” सूरिणा भणियं—“भो भव्वा ! न एत्थ किं पि अच्छेरयं । कामासत्तो न मुणंति हियं । तयत्थ संपाडण-निमित्तं कुणंति उभयभव-निदणियाणि कम्माणि, खमंति अक्खमाए, जंपंति ईसराण पुरओ चाडुय-वयणाणि, चिंतिति अचित्तणीयाणि, अवगण्णेति गुरयणं, वयंति कुमग्गं, न गणंति अम्मा-पिई-वयणं, घायंति इत्थीयणं, वंचंति सुहि-सयणमित्ताणि, वट्ठंति पइपुत्ताइवग्गं, भासंति अलिअं, समाय[रं]ति अकज्जं, लहुइंति लज्जं, उवहसिज्जंति लोएण । तह वि न विरमंति कामाउ[रा] नरा । किं च इह भवेव कामो कारणं वह-बंधणाए—सयलाणत्थाण, निययावासो विडंबणाए, हेउ खय-वाहिणो, कुलहरं ईसाणलस्स, नियनिकेयणं रागस्स, खेतं विसाय-विसकंदलीए । अओ चेव निदिया धम्मसत्थेसु । एवं च ठिए धण्णा ते जे विसं व विसयगणमुज्झऊण पव्वयंति । तत्थासमत्थदेसविरइं सम्मतं वा पडिवज्जंति ।

तओ जहारिह काऊण धम्मपडिवत्ति गया परिसा । ठिआ तत्थेव रयणसेहर-गंगदत्ता । विण्णत्तो तेहि सूरि-“भयवं ! असमत्था अम्हे सब्बविरइं पडिवज्जित्तए । करेसु अणुग्गहं देसविरइ-दाणेण । दिण्णा सूरिणा । पढमगुणव्वएसु पुव्वुत्तरावरदिसा[ए] मुक्काणि दोण्णि जोयणसयाणि । दाहिणदिसाए थलपहे दोण्णि चेव जलपहेण । दस उडुट्ठं दिवडुट्ठ-जोयणं अहोगाउयं विणा धम्मकज्जं अओ परं नियकाएण न गच्छामो ।” सूरिणा भणियं—“धण्णाण चेव विरइ-परिणामो भवइ, परं पडिपालणे पयत्तो कायव्वो ।” पडिवज्जिऊण गुरु-वयणं गया सट्ठाणं रयणसेहर-गंगदत्ता । विहरिया अण्णत्थ सूरिणो । जहागहिय-वय-परिपालणं कुणंताण वच्चइ कालो ।

अण्णम्मि रयणीए एगत्थमिलियाण अत्थोवज्जणकहं कुणंताण जाया ताण समुहतरणेच्छा । विण्णत्ता जणणि-जणया । कह कइ वि तेहि अणुण्णाया । तओ पारट्ठा गमणसामग्गि काउं । गहियं भंडं । पसत्थवासरे निग्गया दो वि । पत्ता भरुयच्छं । आवासिया तत्थ । सज्जियाणि जाणवत्ताणि दोण्णि रयणसेहरसंतियाणि, दोण्णि गंगदत्तस्स । भरि-याणि भंडस्स । निरुविद्या सव्वा वि संबलजल-इंधणाइसामग्गी । गमणाणुकूलवासरमणुपालयंता जाव चिट्ठंति, ता [अ]-ण्ण दिणे वेलाउलमुवागया दिट्ठा गंगदत्तेण अमयं व पज्जरंती सव्वंगेहि, दंसणेण वि मणुम्मायकारिणी, जुव-जण-मण-नयण-हरिण-दागुरा-पढम-जोव्वणे वट्ठमाणा एगा कण्णया । अवि य—

मिउ-मसिण-कसिण-सुसिणिद्ध-विहर-भारेण भूसियं रुइलं । कमलं व छप्यावलिछण्णं सीसं सहइ तीसे ॥
कमल-[दल]दीह-लोयणरितनासिल्लो सुकण्णपासिल्लो । मुहचंदो अकलंको सकलंकं हसइ निसिनाहं ॥
कंबुण्णय-सुउमाला सरला अइसुंदरा ति-रेहित्ता । उवमिज्जउ केण समं मणोरमा तीय वरगीवा ॥३११॥
घणकट्ठिण-पीणचक्कल-उण्णय-थणजुवलयं गुणमहग्गं । कह उवमिज्जउ तीसे भुरिदकरिकुंभजुयलेण ॥
गरुओ थणपभारो वोढव्वो कह मए त्ति त्रिताए । झीणं मज्झं तीसे वट्ठ-दुहिओ दुग्गय-नरो व्व ॥३१३॥
लायण्ण-सलील-पुण्णो गंभीरो तह य दाहिणावत्तो । रोमलया-नइ-पभवो रेहइ नाही-दहो [ती]से ॥३१४॥
मिउमंसल-रुइरेणं विधउ-नियंबत्थलेण सा बाला । चंकमइ मंदमंदं रसणांमणि-किंकिणिरवेण ॥३१५॥
रंभाथंभ-मुकोमल-करि-कर-निरु[व]मूह-जुवलयं तीसे । मयणनिवदारदेसे उच्चिभयमिव तोरणं विहिणा ॥
कुममुण्णय-चलणजुयं सोहइ मिउमंसलंगुलिसणाहं । आयंब-पत्तलनहं भण कस्स न चोरए चित्तं ॥३१७॥
वालग्गाओ नहग्गं नहग्गमग्गाउ जाव केसग्गं । जं जं अंगं तीसे तं तं षण-मोहणं सव्वं ॥३१८॥

तओ तं संतट्ठु-मयसिलिबिच्छं परिवारजणं वचिऊण निण्णिमेस-लोयणाहिं पलोइउमारट्ठो गंगदत्तो । सो वि तहेव तं पइ संजायाणुराया तम्मयमिवतिहुयणं मण्णमाणी चित्तलिहिय व्व सुइरं गंगदत्तं निज्जायंती टिया । मुणिय मयण-वियारा समासणवत्तीणीए भणिया मयणियाभिहाणाए नियदासचेडीए—“सामिणि ! सोवसग्गं ठाणमेयं । एहि नियया-वासं गच्छामो । अणिच्छंती वि गया सा बालिया । तओ कत्थइ रइं अलहंती वाहजल-भरिय-लोयणं पुणो पुणो तं दिंसि

निज्ज्ञायती भणिया मयणियाए—“सामिणि ! किण्ण समाणिया तुमं मभेणेण ? कि वा खंडिया परियण-मज्झाओ केणइ तुह आणा ? जेणेवमुव्विग्गा विय लक्खीयसि ? ” तीए भणियं मयणियाए—“मह सरीरे अईव दाहो न नज्जइ को वि वाही ।” तीए भणियं—“आयारेहिं चैव लक्खिओ मए एस तुह वाही ।” कण्णयाए भणियं—“केरिसो ते आयारो ?” तीए भणियं—‘सुणसु ।

सकडक्खपेहणं बालचुंबणं कण्णनासकंडुयणं । छण्णंअदंसणं पलवणं च अवगूहणं च बाले ॥३१९॥
सिगारकहा-कहणं सदुक्खवयणाणि अरइसंतावो । पायंगुठ्ठेण महीत्रिलेहणं सुण्णहुंकारा ॥३२०॥
भूसणविघट्टणाणि य कुवियासि (णि ?) सगव्वियाणि य । एयाणि मयणाउरनारीणं आयारा एरिसा हुत्ति ॥

कणयसुंदरीए भणियं—“अइपंडिए एवं ताव समयण-पुरिसाण पुण केरिसा आयारा ?” तीए भणियं—

कोणच्छि-रोमहरिसो बहुसो सेओ खलंतिया वाणी । नीसासा जुवइ-कहा वियभणं पुरिसआयारो ॥३२२॥

तीए भणियं—“हला ! अलं परिहासेण ? जइ सच्चं चैव महदुक्खेण दुक्खिया, विण्णाय सरीरकारणं निबंध-णाय, ता चित्तेसु तप्पडियारं ।” “जं सामिणी समाइसइ” त्ति भणिऊण गया गंगदत्तसमीवं मयणिया । साहिओ सब्बो वि कणयसुंदरीए वइयरो । गंगदत्तेण भणियं—“का एसा ? कस्स सुया ? कहि वा निवसइ ?” तीए भणियं—“कलह[हंस?] दीव-कणयनिवासिणो कलहंस-सेट्ठिणो कणयसुंदरी नाम दुहिया तुमं दट्ठूण मयणसरसल्लियंगी तम्मयमिव तिहुयण पि मण्णइ । ‘तुमं मोत्तुं न अण्णो मे करेइ पाणिग्गहणं’ एवं कय-निच्छया चिट्ठइ । एवं नाऊण तुमं पि जमुच्चियं तं करेसु ।” तेण भणियं—“मज्ज वि तं मोत्तुं जइ परं जलणजाला सरीरे लग्गइ ।” सुणिय तयभिप्पाया जावज्जवि नागच्छइ मयणिया तावेवं विलविउमारद्धा कणयसुंदरी—

देवायत्ते कज्जे अमुणिय-हिययम्मि वल्लहे लोए । निम्मज्जाय अलज्जिर हा हियय ! किमाउली भवसि ? ॥
सइ दंसण-संजायाणुराय खिज्जंत हियय हे हलुयं । हवमु हयास ! न नज्जइ जं अज्जवि कज्ज-परिणामो ॥
दीवंतरम्मि वासो अड्डोरयणायरो अइ दुल्लंघो । अम्मा-पिईण वसगो हवइ हु कुलबालिया-वग्गो ॥३२५॥
जइ कहवि विहिवसेणं पयाणयं कुणइ सिग्घमवि । ता संदेहो पिय-दंसणे वि कत्तो[उ] समागमो ।

एवं विलवंतीए समागया मयणिया जावज्जवि न कहेइ गंगदत्त-वुत्तंतं ताव पारद्धा रमण-सामग्गी । समाहूठो सपरियणो पुव्वं जाणवत्तं । गंतुं पयट्टं सदटाणाभिमुहं । परिमिय-वासरेहिं पत्तं कलह[हंस]दीवे । संगोवियाणि भंडाणि । विसज्जया कम्मयरा । दिट्ठा सदुक्खा जणणीए कणयसुंदरी । पुच्छिया मयणिया—“हला ! किण्ण दिट्ठा गोरवेण वच्छा कणयसुंदरी मामणेण तत्थ जेणेवं दुक्खिया दीसइ ?” मयणियाए भणियं—“गोरविया माउलएण । सवणंते होऊण साहिओ जहट्ठिओ वइयरो ।

तओ सविसेसं सदुक्खा जाया जणणी । समासासिया तीए कणयसुंदरी—“वच्छे ! न विसाओ कायव्वो । मा कयाइ अणुकूल-विहि-वसेण इहेवागच्छेज्ज सो ते पिययमो । गुह्याणुरायलंघिया पुरिसा तं नत्थि जं न कुणंति । जओ रामदेवेण सीया-निमित्तं सेउं बंधिऊण उत्तिण्णो सायरो ।” एवं संठविऊण कणयसुंदरी सकम्मवावडा जाया जणणी । गयाणि कइवयदिणाणि ।

इओ [य] रयणसेहर-गंगदत्तेहिं पसत्तेहिं पसत्थवासरे[हिं] नेमित्तियवयणेण पूइऊण जलनिहिं निव्वत्तियासेस-मंगलेहिं उज्झिय-सियवडाणि उक्खित्तनंगराणि जहा-ठाणठिय-निज्जामयाणि मुक्काणि जाणवत्ताणि । अणुकूल-पवण्ण पणोल्लियाणि कइवयदिणेहिं पत्ताणि गोकण्णदीवे । तत्थ पुण तया चैव वेरज्जं (?) पुच्छिओ रयणसेहरेण धीव-राहिवो—“केत्तियं हवइ भरुयच्छाओ गोकण्णदीवो ?” तेण भणियं—“दस जोयणसयाणि ।” तओ भणिओ रयण-सेहरेण गंगदत्तो—“वयंस ! एत्तो परं गच्छंताण दिसा-परिमाणस्स विराहणा भवइ । एत्थ संठियाण न अग्घंति भंडाणि । ता किं कायव्वं ?” तओ कण[य] सुंदरी-सिणेह-लंघिओ कलह[स] दीव-गमणं पइ सम्मसुयमाणसो सखेयं चित्तिउमारद्धो गंगदत्तो—

बालणे न वहइ काओ गमणे पुण नियम-खंडणा होइ । ता हियय ! कि पवज्जसि संकडमेयं समावडियं ॥ उम्मूलिऊण सीलालाणं हिंडइ विसंठुलो घणियं । भंजंतो धम्मवणं मज्झ मणं मत्तहत्थि व्व ॥३२८॥ लज्जा-कुलाभिमाणो जाई-विणओ गुह्वएसो य । सयदंसणे वि सव्वं तीए हयासाए पदूसियं ॥३२९॥ वयणस्स ससी दासो नयणाणं कुवलयाणि दीणाणि । दुव्वण्णां हि सुवण्णां तीसे अंगस्स कंतीए ॥३३०॥ अमयमई वि हु बाला जालाजलगस्स सा फुंड जाया । कह दहइ अण्णहा मे सव्वंमं सुमरणेणा वि ॥३३१॥ विसमसरनिसियसरपसरसल्लियंगस्स दुखतवियस्स । अणुहव-सिद्धं जायं वियड्ढ-वयणं इमं मज्झ ॥३३२॥ हा हियय ! मडहसरिया-जलरयवुभंत-दीह-दारु व्व । टाणट्टाणे च्चिय लग्गमाण केणावि डज्झिहसि ॥ नियमविराहणजणियं दुक्खं जम्मंतरे न उण इण्हि । तव्विरहजणियदुक्खं इण्हि पि ह दुस्सहं ताव ॥

एवं विचिंतिय भणिओ सो गंगदत्तेण—“गम्मउ कलहदीवे लज्जापयं अ कय कज्जाण नियत्तणं ।” रयण-सेहरेण भणियं—“वयंस ! एवं भणमाणो वयणेण दिसाप रिमाणवयं साइयारं करेसि ।” गंगदत्तेण भणियं—“जइ एवं तुमं वयमालिण्णभीरुओ तो नियत्ताहि । मए पुण अवस्समेव गंतव्वं ।” नाऊण तस्स निच्छयं पडिनियत्तो रयणसेहरो । चलिओ कलहाभिमुहं गंगदत्तो । तइय-दिणे वहंतेसु जाणवत्तेसु दिट्ठो ताल-तरु-दीह-निम्मंस (विसमसंठ)वियजंथा-जुयलो, पढम-पाउस-सजल-जलहरंजण-मसी-मूसा-गवल-कालग-सरीरो, कत्तिया कराला सिलिट्ठिसंठियबाहुदंड तडुवियाडंबरो, मुहकुहराइक्कंतफालसमाण-दसण-लंबोट्ठसंपुडो, खज्जोयदित्तलोयणो, निल्लालियंग-जमल-जुयल-जीहाकराल-दंसणो, चुल्ली-विवर-वियडनासो, पलयकालघण-घणणीसणेहि पूरयंतो नहयलं, कत्थइ किलिकिलंतो, कत्थइ फेक्कारितो “अरे ! निरवराह-वेरिय-पुरिसाहम-गंदण ! सोहं चंडालो जो ‘अचोरो वि चोरो’ त्ति भणिऊण राउते तए संभालिओ । राइणा दुक्खमारेण म्प्राविओ [विराओ] दिट्ठो कहं जीवंतो छुट्ट[हि]सि ?” इच्छाइ भणंतो वेयालो ठिओ पवहणस्स पुरओ । संखुद्धा सव्वे वि जाणवत्तलोया । भयभीएण समुच्छाहिओ गंगदत्तेण निज्जामओ । तेण वि तोरविथा कण्णकुच्छिधारा ।

एत्यंतरे जायं अकाल[मेह]दुद्धिणं । झलझलिया नहयले विज्जुलिया । वरिसिउमारद्धं रहिरधाराहि नहयलं । मत्तो समुद्धो ।

कुविय-कयंत-सरिच्छो जालानियरं मुहेण मुच्चंतो । तज्जितो सयलजणं वेयालो नहयले भमइ ॥३३५॥ पव्वयसिहरसमुण्णयपवणपणोल्लिज्जमाणलहरीओ । गंतूणुदंडं पोयस्स बीय-पासम्मि निवडंति ॥३३६॥ हा ! ताय-ताय हा ! माय-भाय हा ! भाय भाय पभणंता । भयसंभंता लोया निज्जामयसरणमल्लीणा ॥३३७॥ तेण वि भणियं एरिसट्ठाणे उप्पाइयं इमं जायं । जस्स न सकका काउं परियारं कि वियारेण ॥३३८॥ सोऊण तस्स वयणं विमुक्कहत्थेहि धीवरनरेहि । पोक्करियं भो लोया ! गिण्हह संतरण-फलयाइ ॥३३९॥ सरसरसरस्स मुंचंति नंगरा मिलिय नावियनरेहि । कूवय-थंभा तिरियं जत्ति विहिज्जंति पुरिसेहि ॥३४०॥ नहयलपडंत-अइरोइ-रुहिर-धारानिवारणट्टाए । छाइज्जइ नावा सियवडेहि घणसुत्तमइएहि ॥३४१॥ रे ! लेह, लेह, धावह, हंभह छिदाइ जाणवत्तस्स । उल्लिचिऊण छुट्टेह जं पविट्ठं [जल] मज्जे ॥३४२॥ मा मा कुणह पमायं तेल्लं तावेह लेह तह अग्गि । गह्यविडंभियवयणो गसिउ मणो मच्छओ एइ ॥३४३॥ एमाइ संलवंता भयभीया थरहरस्स कंपंता । चिट्ठंति जाव लोया ताव नहे उट्टिया वाया ॥३४४॥ जइ वच्चह पायालं सरणं वा सुरबइं समल्लियह । कुणह उवाय-सहस्सं तह वि इयाणि न भे मोक्खो ॥ इय सोउं संखुद्धो उड्डमुहं जाव पेच्छए लोओ । ता नियइ नहे कत्थइ घणाघणा काल-निलाभा ॥३४६॥ कत्थइ लोहिय-हालिइ-सुक्किला झलझलति विज्जुलिया । संखुहिय-जलहिजला गज्जंतागास-सहेण ॥

खर-पवण-पह्य-सायर-तरंग-वेगेहि वुब्भए नावा । गुरुभार-भूपइडिय-नंगर-नियरेण घरिया वि ॥३४८॥
 पवण-पणोल्लिय-कल्लोल-पेल्लिया नह्यलम्मि गंतूण । निवयंत-उप्पयती दोलारूढ व्व वर-तरुणी ॥३४९॥
 कत्थइ आवत्तगया तरंगवस-भामिरुभय-अरेहि । नच्चइ पहट्टचित्ता वद्धावणयम्मि तरुणि व्व ॥३५०॥
 कत्थइ वारंवारं खरमारुय-खंचणेण खिज्जंता । तडतडतडस्स तुट्टंति नंगरा नीरवेगेहि ॥३५१॥
 दुहंततुरय-तरुणि व्व ताहि उस्सिखला जहिच्छाए । लहरीहि हीरमाणी पहाविया गरुयवेगेण ॥३५२॥
 कत्थइ न चेव गच्छइ कत्थइ संचरइ [मंद]मंदयर ? । कत्थइ तुरियं गच्छइ भयभीया हरिण-घरिणि व्व ॥
 कत्थइ सुसयणं दिट्ठा अकज्जकरणज्जया व कुलबाला । घुम्मइ वेविरदेहा सा नावा जलहि मज्झम्मि ॥
 जलकल्लोल-पलाविय-मुह-नयण-मलंत-अंसु-विदूहि । स्यई व्व ? सा समस्सियजणोहपरिरक्खणासत्ता ॥
 तुट्टंतसंधिवंधण-कडय[ड]-भज्जंत-फलहसद्वेण । सरणरहिधा व रोयइ नियभंगं दट्ठमासणं ॥३५६॥
 अणवरयमज्जपाणा मूढमणागतबालय बहु व्व । अहुवियड्डा वियरड समुद्दमज्झम्मि सा नावा ॥
 गयसणकण्णघारा आउलविलवंतकोलियकुलोहा । भयतत्थ-वणिय-सत्था उद्दुय-कंदंत-कम्मयरा ॥
 लोहमहागहघत्थे सारधणं वणिजणम्मि गोविते । ओवट्टिकच्छ कुंतल-कलावदसेसु अइधट्ठे ॥३५९॥
 निय-निय-देवय-सरणं पवज्जमाणे जणे असेसम्मि । नाविय-जणे य भंडं पविकिखवंते समुद्दम्मि ॥३६०॥
 सहसा नहंगणाओ नावोवरि निवडिओ गिरि एक्को । तेण सयसिक्करासा जाया नावा खणद्वेण ॥३६१॥

विणट्ठा जाणवत्त-जणा । गंगदत्तो वि गहिओ वेयालेण । दढं कयत्थिऊण पक्खित्तो समुद्दे । अट्टवससमुप्पण्णो
 तमाए पुढवीए उक्कोसाऊ नेरइओ । कणयसुंदरी वि कालेण विण्णाय-वुत्तंता दीहरविरह-दुक्ख-दुब्बलंगी-मरणमेव मह
 समुच्चियं ति मण्णमाणो पच्छणमेव नीहरिऊण रयणीए गया सायरतीरे । 'एत्थेव पिययमसंगसुंदरे सायरे पडामि'
 चित्तिऊण तत्थेव पडिया गिलिया मयरेण ।

रयणसेहरो वि सदेसाभिमुहभागच्छंतो तमंधयाराए रयणीए पडिओ चिकिखल्ल-संकडे । न वहुंति आवल्लया ।
 विसण्णा निज्जामय-पमहा धीवरा । नंगरियं जाणवत्तं । तत्थेव एगदेसे धम्मझाणेण ठिओ सव्वं पि रयणि रयणसेहरो ।
 तओ विण्णासितो कोसियगणं, संजोयंतो चक्कवाय-मिहुणाणि, पुव्वदिसावहुमुहमंडणो उग्गओ दिणयरो । सच्चवियं
 जलं निज्जामगाईहि । दिट्ठाओ तरुणकुसमप्पहा विद्दमलया । हरिसविसायगभिभणं । विण्णत्तो तेहि रयणसेहरो—“सामि !
 कल्लाणमकल्लाणं च समकालमुवट्ठिठयं ! पवालसंपत्ताए कल्लाणं अदिट्ठपुव्वो अम्हेहि एस पएसो, विमूढविसायक्का न किं पि
 पुव्वापराइ-दिसाविभागं वियाणामो-एयमकल्लाणं ।” रयणसेहरेण भणियं—“जाणह केत्तियमेत्तं इओ भय्यच्छं ?” तेहि
 भणियं—“न यणामो ।”

एत्थंतरे उअर-निवेशिय-फलहखंडो मच्छ-कच्छभाईजलयर-नियर-खरतुंड-खंडिज्जमाण-देह-खंडो खरपवण-
 वेग-विहुरिय-तरंगेहि हीरंतो दिट्ठो एगी पुरिसो । आणाविओ रयणसेहरेण । अब्भंगाविओ तेल्लेण सव्वाणि अंगणि ।
 दावियं भोयणं । सत्थावत्थो पुच्छिओ—“को तुमं ? कहुं वा एरिसमवत्थंतरं पाविओ ?” तेण भणियं—“भय्यच्छ-
 निवासिणो वासवदत्तसेट्ठिणो धरदासो दुम्महो नाम नाइत्तगेण समं पवहणेण पत्थिओ सिंहलदीवे । तइयदिणे वहुंताण
 जाओ तक्करेहि सह संभेडो । पक्खरियं पवहणं । सण्णद्धो वंठवग्गो । लग्गो तेणेहि सह जुज्झिउं । तओ-मुंचंतेसु नाराएसु,
 निवडमाणसु भल्लीसु, अंगोयंगि अब्भिट्ठेसु कुंतयरेसु, समंतओ पडंतेसु पासाणेसु, तत्ततेल्लधारानिवायडज्जमाणसव्वंगेसु
 सुहडेसु, सत्थप्पहारवेयणाविहुरियंगेसु नित्थुण्णंतेसु [कायरनरेसु,] तत्तवालुया-निवायडज्जमाण-सरीरेसु वि सिंहनायं
 मुयंतेसु साहसधणेसु, कोवावेस-फुरफुरिताहर-दसण-दट्ठोड्ड-कोप्परिय-फार-फरयएसु, दुक्केसु फारक्केसु, समुद्दमज्जो
 पक्खिखमाणेसु पाणविमुक्कपुरिसेसु, पउरत्तणओ चोराण अक्कमिज्जमाणे अम्ह पवहणे सयमेव जुज्झिउमारद्धो नाइत्तगो ।
 ताव खलिया तेण तक्करा जाव वीलीणो वासरो । पच्छा मम्मदेसे नाराय-पहार-सल्लिओ दिणयरेण समसत्थमिओ सो

महाभागो । सहस्रेण भग्नं तस्स पुत्तेण जाणवत्तं । निवडियं जलहिजले भंडं । विवण्णा जाणवत्तजणा । अहं पि पत्त-
फलहगो आजयसेसायाए इहयं संपत्तो ।" रयणसेहरेण भणियं—“केत्तियजोयणसयाणि इओ भरुयच्छं ?” तेण भणियं—
“अट्ट-जोयणसयाणि किंचि समहियाणि ।” तओ वि निस्सकेण भरावियाणि विट्ठुमाण जाणवत्ताणि । दंसिओ तेण पुरिसेण
मग्गो । थोवदिणेहि पत्ता भरुयच्छं । दाऊण किं पि दविण-जायं विसज्जिओ पुरिसो । समागओ सुहेण सनथरे रयण-
सेहरो । कय-मंगलोवयारो पविट्ठो नयरब्भंतरं । दिट्ठो पहाणपाहुडेण राया । सम्माणिओ राइणा वत्थाहरण-संबो-
लाइणा । कओ उक्करो । सम्माणियसयल-सयणवग्गो, देव-गुरु-पूयानिरओ, विहियसाहम्मिय-वच्छल्लो, निरइयारं
देस-विरइ-वयमणुपालिऊण, जेट्ट-पुत्तसंकाभियकुडुंबभारो, समाहिपत्तो, मरिऊण समुप्पण्णो महासुक्के उक्कोसाऊ देवो ।
तओ सुओ सुकुले पाविऊण माणुसत्तं भुत्त-भोगो गहिऊण निरवज्जं [पवज्जं] सिज्जिस्सइ ।

धण्णा कुणंति दिसिवयपरिमाणं ब्रह्मगुणावहं नियमा । काऊण निरइयारं आजम्मं चेव पालिति ॥३६२॥
दिसि-नियमे एस गुणो नियमियखित्ताओ जे परे जो वा । तेसि अभयपयाणं दिण्णं इह सावघेण भवे ॥३६३॥
जे उण न चेव गिण्हंति नेव पालिति कम्म-परतंता । ते भग्ग-निय-पइण्णा उभय-भवे दुक्खिया होति ॥३६४॥

इयाणि वीयं गुणध्वयं भण्णइ—तं पुण उवभोगपरिभोगसरूवं भोयणकम्मिहि दुहाभिज्जइ । तत्थ भोयणओ अणंत-
काइयाणि बहु-वीयाणि वा महं वा मज्जं वा मक्खणं वा मंसं वा रयणिभत्तं वा एयाणि सव्वाणि ओसहाइ-कज्जं
मुत्तुं परिहरियव्वाइं भवंति । सेसस्स असणस्स वा पाणगस्स वा खाइमस्स वा साइमस्स वा वत्थाहरण-पहाण-विलेवण-
विगइ-बंधेच-अत्थरण-पण्णपूग-फलाईणं जहासत्तीए उवभोगपरिमाणं कायव्वं । पवित्तिविसए वि जयणाए पयट्टियव्वं ।
तहा कम्मयओ पण्णरस खर-कम्माणि महासावज्जाणि परिहरियव्वाणि । तं जहा—

इंगाली-वण-साडी-भाडी-फोडी सुक्कज्जाए कम्मं । वाणिज्जं चेव दंत-लक्ख-रस-केस[विस-]विसयं ॥३६५॥
एवं खु जंतपीडण-कम्मं निल्लंछणं च दवदाणं । सर-दह-तलाय-सोसं असईपीसं च वज्जेज्जा । ॥३६६॥

एयस्स चेव वयस्स उवभोग-परिभोग-परिमाणकरणवयविराहणादोस-गुणदंसणत्थमुयाहरणं भण्णई ।

अत्थि इहेव जंबुद्वीवे भारहेवासे अंगाविसयमंडणं मंजीरपुरं नाम नयरं । तत्थ भाणु-सुभाणु-नाभाणो वेज्जवणिय-
दारया परमसहिभावेण निवसंति । भाणुमइ-भाणुप्पभाभिहाणाओ ताण घरिणीओ जहा सुपसाहगो मुट्ठो भाणू अप्पिया
य तस्स पणइणी । विडंबणापायं विसयसुहमणुहवंताण वच्चंति वासरा ।

अण्णम्मि दिणे भिक्खट्ठा पविट्ठो समागओ भाणुमइ-मंदिरे साहुणि-संधाडओ । समुल्लसिय-सुहपरिणामाए
वंदिऊण पडिलाहिओ तीए असणाइणा । वंदिऊण पुच्छियमिमाए—“कहिं भवईणं आसमो ?” साहुणीहि भणियं—“भइ !
सिद्धसारसेट्ठिणो जाणसालाए अन्ह गुरुणी बहुसिस्सिणि परिवारा परिवसइ । जइ भे धम्म-सवणसद्धा ता तहि समा-
गंतव्वं” ति भणिऊण गयाओ साहुणीओ । भाणुमई वि मज्झण्हसमए गया वंदणत्थं ।

सुयसजिजा-विट्ठुअमत्ता पढमवयत्था पसण्णमुहकमत्ता । कजि-काल-कजिल-खालण-खमदेहा देवसरिय व्व ॥
अइमसिणमुक्कि-त्तलंसुय-नियंसणासेयपडयपाउरणा । करधारियपवरपोत्था सरस्सई चेव पच्चक्खा ॥३६८॥
त्रिविहत्तवसुप्पियदेहा समिया-नुत्तिदिया विगयगव्वा । समणिजणसारणसहा आणंदियजणमणा सोमा ॥३६९॥
सुविसुद्धसील-मणिरयणभूसिया भू-पइट्टिय-जसोहा । अक्खीणखमाखेत्तं आवासो गुरुगुणगणस्स ॥३७०॥
उवसमसंवरवसही चड्डीदियवारनिग्गहसमत्था । दक्खिण्णा मयजलही मणमक्कडबंधरज्जु व्व ॥३७१॥
चउगइपहाहुड-चउकसायवरचोररोहण-हडि व्व । करगहियदंडनिहणिय असुहतिदंडा दयासारा ॥३७२॥
भवियजणकुमुयसं[दो]हबोहणे चंदिम व्व जयपयडा । सयलजयजीवजणणि व्व विहिय-बहुलोय-उवयारा ॥
दूराउ तीए दिट्ठा महत्तरा साहुणीहिं परियरिया । हंसि व्व इंसियाहिं करुलाणसिरि त्ति नामेण ॥३७४॥

आणंदनिब्भराए भाणुमईए ससंभमं गंतुं । विणएण वंदिया सा महत्तरा जाय सद्दाए ॥३७५॥
 अण्णाओ वि समणीओ जहक्कमं वंदिऊण भाणुमई । उचियासणे निसण्णा भत्तिभरुत्तसिय-रोमंचा ॥
 संभासिऊण कोमलवयणेण महत्तरा दयासारं ; धम्मं जिणपण्णत्तं तीए कहिउं समाढत्ता ॥३७७॥
 भद्द ! भीमभवण्णवगयाण नियक्कम्मजहरिनिहयाण । दुक्खेण जायइ जय-जियाण जिणधम्मपडिवत्ती ॥
 एमाइ-धम्मकहणं कुणमाणोए महत्तराए । तहिं वाह्वाविजनयणाए सविसायं जपियं तीए ॥३७९॥
 भगवइ एगा दुहिया मह जाया कहवि दिव्व जोएण । संपत्तजोव्वणा सा वि अवहडा ह्य-कयंतेण ॥३८०॥
 एगमणिट्ठा वीयं दुहिया-दुहेण दुहिया हं । दुक्खोवसमोवायं मह कि पि कहेसु पसिऊण ॥३८१॥
 भणियं पवत्तिगीए धूया विसए न चेव कायव्वो । सोगो जमेस मच्चू सामणो सयलज्जावाण ॥३८२॥
 जओ—

अइगरुयरो गज्जंतो जंतु-तिले काल-तेल्लिओ निउणो । निअपुव्वक्कम्मनिट्ठुरलट्ठीए पीजए निच्चं ॥
 धी ! संसार-सहावो उव्वइसइ जणो परस्स वसणम्मि । नियवसणे पुण सो च्चिवय ख्यइ सकलुणं ख्यावितो ॥
 भवियव्वयावसेणं जं जह भव्वं तहेव तं होइ । न य विलविण जायइ को वि गुणो कितु दुह-वुड्डी ॥
 जण्ण वि साहइ कज्जं किज्जंतं कितु जणइ उवहासं । कह तं सोयं गंभीर-धीर-हियया अणुट्ठंति ॥३८६॥
 ता भद्दे ! मोत्तूणं दुहिया-दुक्खं करेसु जिणधम्मं । जेण्णभवे वि तुमं मोह-पिसाओ न विह्वइ ॥३८७॥
 कि च्चेसो तिवकालं पइदियहं परमभत्तिजुत्ताए । सरियव्वो अट्ठुत्तरसयपरिमाणो नमोक्कारो ॥३८८॥

भाणुमईए भणियं-एवं करेमि । गाहिया जिणनमोक्कारं । वंदिऊण महत्तरं गया । तहेव सुमरइ नमोक्कारं ।
 जाया गोखटाणं दइयस्स ।

अण्णम्मि विणे वियसियमाणसा समागया पवत्तिणि समीवे । वंदिऊण सहिसं जंधियमणाए—“भयवइ ! नमोक्कार-
 माहव्पेण जायाहं पिया पिययमस्स ।” महत्तराए भणियं—“भद्दे ! तुच्छमेयं फलं । एस णं अरिहाइ-पंचपरमपुरिसनमोक्कारो
 भावसारं सया सरिज्जमाणो कारणं सारीरमाणसाणेगदुक्खसंखयस्स, पवेस-दुवारं सयलसुह-समिद्धीणं अवञ्जहेऊकल्लाण-
 परंपराए, सरणं संसारसरणरणंगणगयाण, नित्थारसो दव्वाइ-चउव्विहावईए, पर्यङ्गायंडा य वि किलेसावासहिमगिरि-
 सिहराणं, पक्खिराया दुरियमहोरगणं, वराहदाढा दालिदकंदस्स, वज्जनिवाओ कम्ममहासेलस्स, उवलंभ-चिधं चिरकाला
 सेविज्जंत-धम्मपरिणईए, कुसुमोग्गमो सुहठाणाउयबंध-तरुणो । अण्णं च-जहा-विहिय-समाराहणस्स सव्वकामियमहा-
 मंतस्स पंचणमोक्कारस्स सबहुमाणसुमरणाओ नाहि भवंति, भूयपिसाया न छलंति, साइणीओ न भेसंति विभीसियाओ,
 नाणिट्ठकरा दुट्ठगगाहा, न दुक्खादाईणि दुरिक्खाणि, न पभवति खग्गाभिधाया, न विहरंति वाहियो, न फलंति कु-
 सुमिणदंसणाणि, न सकज्जकरा अवसउणगणा, न किचि काउं समत्था खुट्ठमंतंता[इ]णो । तहा समुट्ठो वि गोपयं,
 विसमगिरि-सरिया-पवाहो वि सम-महीयलं, जलणो वि पंकवपुंजो, सप्यो वि जिण्णरज्जुसमो, विसंपि अमयं सत्तुणो
 वि मिसाणि, भीमाडवी वि नियघरणं, चोरो वि अलुंठो, करो वि कीलाणयं, सीहो वि गोमाउमेत्तं, दूरद्वियं
 पि करयल-निलीण-मिव सयल-समीहियं ति । अओ चेव—

सुयंतमसुयंतसमुट्ठितखलंत-पडंतेहि देवेहि दाणवेहि सिद्धेहि गंधव्वेहि विज्जाहरेहि य सव्वेसु सुरालएसु,
 सव्वेसु भवणवइ-निवासेसु, सव्वेसु भरहेसु, सव्वेसु एरवएसु, सव्वेसु महाविदेहेसु, सव्वेसु विजएसु, सव्वेसु गिरिसु, सव्वेसु
 पसत्थपएसु, सया वि सबहुमाणं पडिज्जइ । सया वि सबहुमाणोवयारं गुणिज्जइ । सया वि सबहुमाणोवयारं वक्खा-
 णिज्जइ सया वि सबहुमाणोवयारं झाइज्जइ । अविय—

धण्णाण मणो-भवणे, सद्दाबहुमाणवडिढनेहिल्लो । मिच्छत्त-तिमिर-हरणो वियरइ नवकारवरदीवो ॥
 जाण मणवणणिगुंजे रमइ णमोक्कारकेसरिकिसोरो । ताणं अणिट्ठोदग्घट्ट-थट्टघडणा [न नियडे वि] ॥

[ता निविड-निगड-घडणा-] गुत्ती ता वज्जपजरनिरोहो । न य जावज्जवि जविओ एस नमोक्कारवरमंतो ॥
 वप्पिट्टुदुत्तुनि[द्ठुर]-सुसुट्टुदिट्ठी वि ताव होइ परो । नवकारमंतचितण-पुव्वं न पलोइओ जाव ॥३९२॥
 मरणरणगणगणसंगमे गमे गामनगरमाईणं । एयं सुमरंताणं ताणं सम्माणणं च भवे तहा ॥३९३॥
 जलमाणमणि[पहु]फुण्ण-फारफणिवइफणागणाहितो । पसरंतकिरणभरभग्ग-भीमतिमिरम्मि पायाले ॥
 चित्ताणंतरघडमाण-माणसाणंदिइंदियत्था जं । विलसंति दाणवा फिर, तं पि नमोक्कारफुरियलवो ॥
 जं पि य सव्वंगपहाण-लडहचउसट्टिसहसविलयाणं । वत्तीससहस्समहप्प[भाव]भासंतसामंतं ॥३९६॥
 पवरपुर-सरिस-छन्नवइ-गामकोडी-कडप्प-दुप्पसरं । सुरलोयसरिसपुरवर-विसत्तरी लक्खसंखाणं ॥३९७॥
 बहुसं[ख]-खेड-कव्वड-मडंब-दोणमुहु[पमुह]बहुवसिमं । दीसंतकंतसुंदर-संदेणसंदोह-दिण्णदिहि ॥३९८॥
 परचक्कचंप[कप्प]णाऽणप्प-दप्पपाइक्कचक्कसंकिण्णं । पगलंतगंडमंडल-पयंडदोधट्टथट्टिल्लं ॥३९९॥
 मणपवणजवणचंचल-खुरुक्खयखोणितलतुरंगलं । सोलससहस्सपरिसंखजक्खरक्खा परिकिक्खत्तं ॥४००॥
 नवनिहिचोइसरयणप्पभावपाउअभवंतसयलत्थं । छक्खंडभरह्खेत्ताऽ-हिवत्तणं लब्भए भुवणे ॥४०१॥
 तं पि हु किल सद्धा-सलिल-सेयपरिवडिडयस्स तस्सेव । पंच नमोक्कारतरस्स को वि फलविलसिय-विद्यारो[सेसो]
 जं पि य सियदेवं[सुय संवुय]सुरसयणसुंदरुच्छंगे । सिप्पिफुडंतोमोत्ताहलं व उववज्जई ततो ॥४०३॥
 आजम्मं रम्मत्तणू, आजम्ममदुग्गजोव्वणावत्थो । आजम्मं रोगजरा-रय-सेय-विज्जिय-सरीरो ॥४०४॥
 आजम्मं ण्हारुवसट्टिमं[स]हहिराइतणुमलविमुक्को । आजम्मं अमिलायंत-मल्ल-वर-देवदूसधरो ॥४०५॥
 उत्तत्त[जच्च]कंचणतरुणदिवायरसमप्पहसरीरो । पंचप्पहरयणाहरण-किरण-कब्भुरिय-दिसियक्को ॥४०६॥
 अक्खंडगंडमंडल-लुलंत-कुंडल-पहा-पहासिल्लो । रमणीय[रमण]अमरणरमणीगणजणियकंदप्पो ॥४०७॥
 नमिरसुरविसरसिरमणि-मऊहरिंछोलिविच्छुरियपाओ । भूभंगाइट्टु[पहिट्टु]संभमुट्टित-परिवारो ॥४०८॥
 चित्ताण[त]रसह[स]त्ति[सं]घडंताणुकूलविसयगणो । अणवरयरहरसाविल-विलास-करणेक्कदुल्ललिओ ॥
 अणिमिसनयणसहस्सावलोयसमकालदिट्टुदुट्टुवो । समकालोदयसमुत्तित-सयल सुहकम्मपयई य ॥४१०॥
 रिद्विप्प[बंध]बंधुरविमाणमालाहिवत्तणं सुइरं । पालइ अखलियपसरं सुरलोए जं सुरिदो वि ॥४११॥
 तं पि असेसं जाणसु सम्मं सब्भाव-गंभविहियस्स । पंच नमोक्काराराहणस्स लीलाइय-लवो त्ति ॥४१२॥
 उड्ढहोतिरियतिलोग-रंगमज्झम्मि अइसय-विसेसो । दव्वं खेतं कालं भावं च पडुच्च चोज्जकरो ॥४१३॥
 दीसइ सुणिज्जइ वा जो को वि कहवि कस्स वि जियस्स । सब्बो वि सो नमोक्कारकरणमाहप्पनिफफणो ॥
 जलदुग्गे थजदुग्गे पव्वयदुग्गे समाणदुग्गे वा । अन्नत्थ वि दुत्थपए ताणं सरणं नमोक्कारो ॥४१५॥
 वसियरणुच्चाडणथोभणेषु पुरखोभथंभणाइसु य । एसो च्चिय पच्चलओ तहा पउत्तो नमोक्कारो ॥४१६॥
 मंतंतरपारद्धाई [जाई] कज्जाई ताई वि समेइ । ताणं चिय नियसुमरण-पुव्वारद्धाण सिद्धिकरो ॥४१७॥
 ता सयलाओ सिद्धीओ, मंगलाई च अहिलसंतेण । सब्बत्थ सया सम्मं चितेयव्वो नमोक्कारो ॥४१८॥
 जागरण-सुयण-छीयण-चिट्ठण-चंकमण-खलण पडणेषु । एस किर परममंतो अणुसरियव्वो पयत्तेणं ॥४१९॥
 जेणेस नमोक्कारो पत्तो पुण्णाणुबंधिपुण्णेणं । नारय-तिरियगईओ तस्सावरस्स निरुद्धाओ ॥४२०॥
 जइ भदे ! तुह कज्जं कलजाणपरंपरा पावेउ लोए । ता भव-जलहितरंडं सिद्धिलेज्जसु मा नमोक्कारं ॥४२१॥

‘एवं करिस्सामि’ त्ति भणिऊण गया भाणुमई नियघरं । संजाय-पुत्तभंडा पइसम्मया कालं गमेइ । अण्णम्मि
 दिणे पओयणवसेण गओ भाणू वेज्ज-वरं । दिट्ठो अपढंतं पुत्तं थंभेण सह सिदुरयेण संजमिऊण ‘न सुणेसि मह वयणं’

त्ति भणिऊण सणरज्जुणा पहणंतो वेज्जो । सुएण भणियं—“अज्जप्पभिइं सुणेमि ।” भाणुणा चितियं—“लद्धं ताव बहिराण ओसहं । आगओ गामंतरं वेज्जपुत्तो त्ति काऊण दंसिया ठक्कुरेण बहिरा नियजणपी । तेण भणियं—“पउणेमि ।” पउत्तो जहा दिट्ठो विही । सुकुमारयाए सरीरस्स मुक्का सा पाणेहिं । सो वि चिरं कयत्थिऊण पक्खित्तो कारागारे ठक्कुरेण । दंडिऊण मुक्को । सभागओ सुभाणु समीवं । साहिओ निय वइयरो । तेण भणियं—“हरडइ-वेज्जो व्व वेज्जाओ तुमं विणासं पाविहिसि ।” भाणुणा भणियं—“को एस हरडइवेज्जो ?” तेण भणियं—“सुणसु” ।

अत्थि इहेव सुनय-निउण-रयाणुराय-रजियबहुजणसंकुलाए सुरट्टाए पयड-पलोइज्जमाणजायवकुलकोडी-चारु-चरियं रंजियजणमणं कोडियनयरं नाम नयरं । तम्मि य जहा-सुय-दिट्ठ-गाहगो आजम्मदरिह्मिओ मुद्धो नाम बंभणो परिवसइ । नत्थि तं जं भुंजइ । परघरेसु दासित्तं काऊण जमाणेइ बंभणो तं भुंजइ ।

अण्णया सविसायं भणिओ मट्टिणीए—

वरि महिलां मा पुरिसो तुह सरिसो तइय-वेय-सारिच्छो । अप्पंभरो वि जो न वि नरेण किं तेण जाएण ? । ४२२ ।

तुह पुब्बिल्ला निमित्तेण नाऊण सुहासुहं वेज्जयं कुणंता । तुमं पुणं कावुरिसो इत्थीयणसंपाइयं भोयणं भुंजसि ।” तेण भणियं—“अहं पि वेज्जयं पढामि ।” तीए भणियं—“जइ एवं तो पाडलिपुत्ते गच्छसु” । निग्गओ बंभणो ; गओ चत्तारि जोयणाणि । पत्तो एग्गिं गामे । अण्णत्थ वासयमलहंतो पविट्ठो ठक्कुर-कुडीए । [. . .] ठक्कुरेण भणियं-एस [आसो] मे महाराएण पोसणत्थं समप्पिओ । केवलं वाहि-विसेसेण केण वि न चरइ, न पियइ, खिज्जइ चेव केवलं [सरीरेण] तह कह वि किरियं करेहिं जहेस पउणो होइ । समंतओ निरुविऊण भणियं वेज्जेण—“समप्पेहि खडियं जेण निमित्तं निरुविऊण चिमिच्छं करेमि ।” दोइया खडिया । आलिहियं मंडलं । मोयाविओ तत्थ दीणारो, धारणं धरिऊण खणंतरेण आइट्ठो वेज्जेण ठक्कुरो—“आणेहिं सिरिमउरियाओ पहाणाओ वीसं हरडईओ, गोमुत्तकरवओ, सणरज्जू, दीहनलियं च जेण चिमिच्छं करेमि ।” संपाडियं सव्वं ठक्कुरेण । वेज्जेण भणियं—“बट्टेह एयाओ थेव-गोमुत्तेण ।” तओ वसे सण-रज्जूए उद्धमुहो बद्धो तुरंगमो । करवयमुत्तेण अड्डयालिऊण भरिया नलिया । दिण्णा तुरंगमस्स । जाव सव्वं पि पाइओ भिण्णो आसो थेरिउमारद्धो । वेज्जो वि ताव ठिओ जाव सव्वहा विरित्तो । तओ नीरावियं हरियं चरिउं पवत्तो । दंसियं पाणियं पाउमारद्धो । परितुट्ठो ठक्कुरो । पूइओ वत्थाइणा वेज्जो । वेज्जेण भणियं—“मुंचसु मं ।” ठक्कुरेण भणियं—“किमेत्तियमेव कायव्वं ।” वेज्जेण भणियं-पउणो आसो । एत्तियं चेव वेज्जयं ।” गओ वेज्जो ! मुद्धडेण चितियं—“जाणियं वेज्जयं दलामि किं पाडलिपुत्तगमणेण ?” तहेव कयं । वीय-दिणे पत्तो सगामं । बंभणीए भणियं—“किं न गओ पाडलिपुत्तं ?” बंभणेण भणियं—“किं तेण ? मुणिओ मए चिमिच्छासत्थपरमत्थो ।” तीए भणियं—“कहं ?” तेण भणियं—“किं ते वियारेण ? आउरे दंसेहिं जेण पणवेमि ।” ठिया सा भोणेण । वीय-दिणे पडियं खत्तं सुजेट्ठसेट्ठियरे । नीणियं भूरिकंसदूसाभरणाइयं । अप्पत्तणओ रयणीए संखुद्धेहिं उक्कुरुडियाए कयवर-मज्जे गोविऊण गोसं गया तक्करा । उग्गओ दिणयरो । दिट्ठं सेट्ठिणा मुट्ठं घरं । कओ कोलाहलो । मिलिओ आर-विखयाइल्लोगो निरुवियं सव्वत्थ । न लद्धा कत्थ वि पउत्ती । [ते] वि पुच्छिया निमित्तियाइया । तेहिं वि न किपि कहियं । अधिइमावणस्स, रयणीए अलद्धनिहस्स, अपरिणयाहारस्स जाओ [पाउ]क्खालयभावो सेट्ठिस्स । परिवत्तो वेज्जेहिं । अण्णदिणे समं मुद्धडघरिणीए गया पाणियस्स सेट्ठिसुण्हा पुच्छिया बंभणीए—“केत्तिया घरे हाणी जाया ?” तीए भणियं—“का अत्थ हाणी पुच्छइ ? सेट्ठी वि पाउक्खालएहिं पाणसंसाए वट्टइ ।” तीए भणियं—“मज्ज बंभणो निमित्तं वेज्जयं च जाणइ । जइ भे रोयइ तो पुच्छह ।” घरगयाए साहियं तीए निय-सासुयाए । सदाविओ तीए मुद्धडबंभणो । दंसिओ सेट्ठी । मग्गिया खडिया । लिहियं मंडलं । कारावियं सहिरण्णं । ठिओ खणनेत्तं भोणेण । तओ भणिअं तेण—“सव्वं सोहणं भविस्सइ । आणेह समं गोमुत्तकरवएण सिरिमउरियाओ वीसं हरडईओ रज्जूनालिया ।”

आणियं सव्वं जहा घोडगस्स दिट्ठं तहेव सव्वं कयं । विण्णत्तो सेट्ठी-चारियं हरियं दंसियं पाणियं तओ भणिया सेट्ठिणी मुद्धडेण—“मुचह मं । पउणो सेट्ठी । एत्तियं वेज्जयं” । विसज्जिओ गओ मुद्धओ । सेट्ठी वि निरंतराइसार पीडिओ पुणो पुणो परोहडे गंतुमचयंतो गओ उक्कुरडियाए । खणे-खणे पाउक्खालयं कुणंतस्स अहिट्ठाणसोहणनिमित्तं डगलाइयं गिण्हमाणस्स वायावणीय-कयवरत्तणओ दिट्ठो सेट्ठिणा वत्थंचलो । कडिओ अवाणसोहणत्थं तस्सहियं नियं घरसारं । संजायसंतोसस्स ठिओ विरेओ । गहियघरसारो समागओ नियघरं । सद्दाविओ बंभणो बंभणी य । विण्णा दक्खिणाए पत्था तंदुलाण, घयस्स लोड्ढओ, वत्थजुयलं बंभणस्स, परियट्ठओ बंभणीए पसंसिओ बहुजणसमक्खं संति अणेणे निमित्त-वेज्जग-वियाणया परं विजियं तुमए तिहुयणं । तुह संतियं मह घरे दविणं जीवियं च । एवं भणिऊण विसज्जिओ बंभणो । गच्छइ कालो ।

अण्णया वासारत्ते कोडुबियघराओ वाडिं छेत्तूण नीणिया तेणेहि बारसगोणया । पभाए कया गवेसणा । न लद्धा कत्थ वि पउत्ती । सद्दाविओ मुद्धओ । पुच्छिओ निमित्तं । पउत्तो तेण जहासेसस्स तहा सव्वो पुव्ववणिओ विही । केवलं सो अइलज्जाउलो घरे माइ-भइणि-सुया-सुण्हाइयाण लज्जंतो गओ तलाय-पालीए । ठिओ तत्थ । जाया महईवेला । भयिवयव्वयानिओएण मुद्धदिसायक्का गहिय-गोणया [तत्थ] आमया तेणया गोणए दट्ठूण संजायतोसस्स विरेओ विरओ कोडुबियस्स । जाओ सत्थावत्थो । ह्क्किया तक्करा पलाणा गोणा मोत्तूण । सो वि पहट्ठमाणसो गहिऊण गोणए समागओ घरं । सद्दाविओ बंभणो पूइओ जहा सेट्ठिणा ।

अण्णम्मि दिणे दासीए पुरओ परुण्णा ठक्कुराणी—“हला ! अहं पढमं पिया आसि इमस्स ठक्कुरस्स । संपयं अप्पिया । तेण अच्चंतदुक्खिया जओ—

काऊणं पिउ पणयं पढमं जं कुणइ खंडणं पच्छा । तेण महिलाण दुक्खं जायइ मरणाउ अब्भहियं । ४२३ ।
साणंद-दइय-दिट्ठो-दिट्ठाउ जा जियंति जियलोए । जीयं पि ताण सहलं जीवंत-मयाओ सेसाओ । ४२४ ।

ता अत्थि को वि उवाओ जेण पुणो वि पिया भवामि ।” तीए भणियं—“अत्येत्थ मुद्धबंभणो । सो सव्वं जाणइ तं पुच्छामि ।” गया दासी बंभणघरे । कहियं सरूवं । बंभणेण भणियं—“सव्वं सोहणं भविस्सइ । आणेह एत्थेव । आणिया दासीए । पउत्तो बंभणेण सो चेव विही । किलेसायासट्ठाणं पत्ता ठक्कुराणि । पउर-पाउक्खालयपरिक्खीण-सरीरा उट्ठेउं न चएइ । जेण अइयूलत्तदोसेण वेसत्तणं पत्ता अवगओ । विण्णत्तो ठक्कुरो अमच्चेण—“न जुत्तभेयं ठाणं । भाणुसा परिणिऊण मरणकाले न पडियरिज्जइ ।” गओ ठक्कुरो तीए घरं । पडियणिया संभासिया कोमल-वयणेहि संजायसंतोसा पउणीभूया ठक्कुराणिया । ठक्कुरस्स वि जाओ तं पइ सिणेहो । कया सव्वंतेउरपहाणा संपूइओ पडिपुण्णदक्खिणाए मुद्धभट्टो । एवं सो कालं गमेइ ।

अण्णया देसदंसणत्थं परिबभंमंतो सपरिवारो सरयसमए समागओ तं गामं नराहिओ । जाया रायउत्तस्स दारुणी मूलवेयणा । पविसंति सत्थविसारया वेज्जा । न जाओ कोइ गुणो । आदण्णो राया । सोऊण पसिद्धिं सदिओ मुद्धभट्टो । दंसिओ कुमारो । तेण भणियं—“पउणेमि ।” तहेव पउत्तो सव्वो वि घोडयविहि । पउत्तमेत्ते वि मओ कुमरो । कुविओ राया ।

माराविओ दुक्खमारेण मुद्धओ । जहा [मुद्धओ] कूडवेज्जएण खयं गओ एवं तुमं पि गमिस्ससि जइ न विरमसि ।” भाणुणा भणिअं—“अज्जप्पमिइं नियमो मे वेज्जयकरणस्स ।” कयाइ मिलियाण जाया घम्मकहा भाणु-सुभाणूण—“सोहणं भवइ जइ सव्वेसं घम्माणुट्ठाणं किं पि कीरइ” । एवंविह-वासणाए सुत्ता तत्थेव । थेववेलाए वज्जि-साइं देवमंदिरेसु पाहाउय-तूराइं । उल्लसिओ रवि-रह-सारही । पणासियतमंघयारा समागया दिवसलच्छी । संदंत-भूरि-भमर-भर-भज्जमाण-वियसिय-दलदंसणिज्ज-सोहा जाया कमलायरा । कय-भोस-किच्चा चलिया उज्जाणाभिमुहा ।

[सुभाणु]भाणुणो । पत्ता उज्जाणं । दिट्ठा तत्थ नागरयाण धम्मदेसणं कुणंतो बहुसीस-परिवारिओ विमलभाणू नाम आयरिओ । गया ते वि तत्थ । निसुया धम्मदेसणा । जाओ देसविरइ-परिणामो । पडिवण्णो जहागमं दुवालस-भेय-भिण्णो सावयधम्मो । बीय-गुणव्वए कया भाणू-सुभाणूहि इमा पडिवत्ती-

जा जीवं मे भयवं सत्थ-सरीराण अप्पवसगाण । अण्णत्थ अणाभोगाइएहि नियमा इमे अम्हा । ४२५ । दुविह-तिविहेण मंसं नियमो मे मज्ज-मक्खण-महूण । अण्णाय-फला पंचुंबरि च नियमे अण्णोसहि य । ४२६ । ओसहकज्जं परिवज्जिऊण नायं अणंतकायं पि । गोरसमीसं विदलं निसिभत्तं कारणेण विणा । ४२७ । दो-कण-माणे चोपड दो-करिसा भोयणे य अब्भंगे । छप्फुल्लाणं कट्ठा पण्णसयं तीस पूगाओ । ४२८ । अट्ठी उ सच्चित्ताइं विगइ चत्तारि दम्मसयमुल्ला । [. . .] तिपल विलेवणं करिसमेगं ति । ४२९ । अट्ठमि चउट्ठीसुं बंभं एक्कासणं निओगेण । मासम्मि दोण्हि प्हाणा विसेसकज्जं पमोत्तूण । ३३० । बीया पंचमि एक्कारसीसु पालेमि बंभचेरं तु । पज्जोसअणम्मि तहा बंभं एक्कासणं नियमा । ४३१ । इंगालाइए पनरसकम्माइं वज्जिमो निओगेण । इय पडिवात्ति काउं वंदिय सूरि गया दोवि । ४३२ ।

विहरिया अण्णत्थ सूरिणो । तेसिं पि जहा गहिय-वय-परिपालणा-परायणाण वच्चइ कालो ।

अण्णया असुहकम्मोदएण अकल्लाणमित्तसुबंधु-बंधणेण सह संगइं काउमाइत्तो भाणू । वारिओ सुभाणुणा न विरमइ ।

अण्णम्मि दिणे रयणीए गओ सुबंधु-मंदिरं “अहो ! समए समागओसि । भोत्तव्वमज्ज मए सद्धि । भणभाणेण गहिओ दाहिणकरे । अणिच्छंतो वि बला भोयाविओ कंदाइं । विण्णाओ एस वइयरो सुभाणुणा भणिओ एगंते-“वयंस ! न सोहणं तए समायरियं जमेगं रयणीए भुत्तं, बीयं अणंतकायं । ता उभयस्स वि गुरुपुरओ सुद्धि करेहि ।” तेण भणियं-“रयणिभुत्तस्स सुद्धि करिस्सामि । अचित्तानंतकायपरिभोगे को दोसो ?” सुभाणुणा भणियं-

पत्तेय-वणेहितो सचित्तसाहारणम्मि गुरु-दोसो । अचित्ते थोवयरो दिट्ठो दिट्ठिप्पहाणेहि । ४३३ । भणियं च-

सोऊण जिणपडिकुट्टे अणंतजीवाण कायनिप्फण्णे । गेही य संगदोसा अणंतकाए अओ वज्जे । ४३४ ।

अचित्तस्स वि तए पच्चक्खायं । अओ गुरुसमीवे पायच्छित्तं पडिवज्जाहि । ‘एवं’ ति पडिवज्जिऊण गओ भाणू । मिलिओ बंभणस्स । साहिया तस्स सुभाणुसिक्खा । ईसि हसियं जंपियमणेण-“आलप्पालमेयं न एत्थपरमत्थबुद्धी कायव्वा ।” तस्स वयणेण सो निद्वंसीभूओ जहा गहिय नियमे भंजिउमारद्धो । पुणो वि भणिओ सुभाणुणा-“कया ते रयणिभोयणसुद्धी ?” नियडिपहाणयाए भणियमणेण-“कया ।” सुभाणुणा वि चित्तियं-“सलज्जो चेव सोहणो । मा कयाइ गुणं पि पावेज्ज [अओ] न पेरिओ [त्ति] तेण’ ।”

अण्णया निय घरे भाणुं मोत्तूण गामंतरं गओ सुभाणू । अविनेयबहुलयाए महिलायणस्स, अणाइभवबभत्थयाए विसयाणं समुप्पण्णो सुभाणु-वरिणीए भाणुस्स उवरि सिणेहाणुबंधो । पुलोइओ साहिलासाए दिट्ठीए । पयट्ठो अणायारो । आगओ गामंतराओ सुभाणू । विण्णाओ एस वइयरो सामण्णेण वयणाओ । न सहहियं तेण ।

अण्णया अप्पणा पच्छणं निरुवियं तेण । दिट्ठं ताण दुच्चरियं । ठिओ आयारसंवरं काऊण सुभाणू । खंडिया पुव्वपडिवत्ती । पयणुईकओ पणओ । उवयरइ विसेसेण भाणुप्पहा । तहा वि मंदसिणेहो चेव सुभाणू । जओ ।

नेहस्स विरोहियसंधियस्स पच्चक्ख दिट्ठविलियस्स । उदयस्स व ताविय-सीयलस्स विरसो रसो होइ । ४३५ ।

अण्णम्मि दिणे भणिओ भाणुप्पहाए सुभाणू—“पिययम ! कि कारणं तुमं मंदसिणेहो विय लक्खीयसि ?” तेण भणियं—“एरिसं चैव तुह सीलं जेण संतो वि सिणेहो परिगलइ ।” एयं सोऊण संकिया सा चितियमणाए—विण्णा-याहमणेण । ता मारेमि केण वि उवाएण एयं । पच्छा भाणुणा सद्धि विगयसंका विसयसुहमणुभवार्मिं त्ति परिभावि-ऊण लद्धावसराए दिण्णं भोयणे विसं । विण्णायं सुभाणुणा । साहियं तक्खणा वेज्जस्स । कया तेण वमणाइया चिमिच्छा । पउणि[क]ओ कहकहवि सुभाणू । संपूइऊण वत्याइणा विसज्जिओ वेज्जो । तओ चित्तिउमारद्धो—‘अहो णं इमीए पावाए चिर-काल-रुढमवि मए सह पणयं परिहरिऊण परपुरिसासत्तमाणसाए पावमेयमायरियं । अज्ज वि अत्थि मे धण्णया, जमकयपरलोगसंबलो न पंचत्तं पाविओ । अलं मे इत्थीयणसंगमेण ।

इत्थियाहि नाम नावेक्खइ दक्खिण्णं, न गणेइ परिचयं, न पालेइ पडिवण्णं, पम्हुसइ पुच्चपण[यं] न सरइ सुयणत्तणं, विस्सरइ उवयारपरंपरं, उभयपास-पज्जलंतमुम्म[रणिं] व न बिज्जायइ, दीविय व्व नेहूपुरिया वि पज्जलणसीला, पवणाह्यपडाग व्व चंचला सरुवेण, वंसलि व्व सुवंसजाया वि बहुजणवाइज्जंतछिदा, गंति व्व बहु-भारक्खमा वि अणेगमग्गचारिणी, संपइ व्व घरमंडणा वि सब्वओ [अ]तिसंक्कीया, दीवयसिह व्व सुनिम्मला वि मालिण्णकारिणी, कुसिन्व घणसंधिघडणा वि तुंडतिक्वत्तणेण दुक्खावणी, संज्ञ व्व पयडियाणुरागा वि भयकारिणी, कहाल व्व मुहलमुहूपुरिया वि गरुयसमुल्लाविरी, तिलकुट्टि व्व दंसियनेहगुणा, वि पयइ-कडुयत्तणेण विगारगारिगा, घंचियघाणिय व्व पढमदावियतिलसंबंधा वि कमेण तेह-विमोयणेण पज्जंतपयडियक्खलभावा—

अंतो विसस्स भरिया वहिलप्पा सप्पिणि व्व दो जीहा । कुडिलगई कुडिलमई परछिद्दगवेसगा महिला । ४३६ । बहु कूड-कवड-भरियाण विगयसोगाण सब्व-रहियाण । जे न वसे महिलाणं नमो नमो ताण पुरिसाण । ४३७ ।

तओ संवेगसमावण्णेण पुणो वि चितियमणेण—“न मे कज्जं कलत्तेण, न वा वयसेण । केवलं नइकूलुग्गयदुम व्व सयमेव विणासं पाविस्सति अणायारकारिणो । चेतूण सारधणं गामंतरगमणमिसेण निग्गओ सुभाणू । भाणू वि तीए सद्धि निस्संको विल[सं]तो दिट्ठो आरक्खियपुरिसेहि । गाढं बंधिऊण दंसिओ राइणो । माराविओ कुमारेण । अट्टज्जाणेण मरिऊण विरइविराहणाजणियकम्मेण उववणो सत्तमपुढवीए उक्कोसाऊ नारओ । सुभाणू वि परिपालिऊण सावराधम्मं जहागहियवयपरिपालणेण पवइढमाणपरिणामो विणिओइऊण सत्तमु ठाणएमु दविणजायं समाहिमरणेण मरिऊण सम्मुप्पणो लंतयकप्पे मज्झिमाऊ वेमाणो । तओ चुओ नेव्वाणं गमिस्सइ । ता भो—

उवभोगे परिभोगे परिमाणं जे कुणंति संतुट्ठा । ते इह भवे वि सुहिया परभवे जंति निव्वाणं । ४३८ । जे पुण्ण इंदियवसगा मोक्कलमण-वय-काय-वावारा । ते पावकम्म-निरया उभयभव-विराहगा नेया । ४३९ । तइय गुणव्वयं ।

तइयगुणव्वयं अणत्थदंडाओ विरमणं सो पुण चउव्विहो । तं जहा—अवज्जाणायरिओ पमायायरिओ हिसपया-णायरिओ पावोवएसायरिओ एस चउव्विहो वि पडिवण्णदुवालसविहसावगधम्मेण सावगेण परिहरियव्वो । तथा एयं गुणव्वयं पडिवज्जिऊण सब्वत्थ उवओगपुरस्सरं जयणाए वट्टियव्वं । संपइ इमस्स चैव गुणव्वयस्स आराहगविराहगा दंसिज्जति ।

अत्थि इहेव भारहेवासे दक्खिणावहे वरया-नईतीरे मंडणकुडिणं नाम नयरं । तम्मि य धणगुत्तो सावयपुत्तो परिवसइ । मित्तो य तस्स ईसरदत्तसेट्ठि । सुओ सिवो नाम । सो पुण धणरक्खणपरायणो चैव न अप्पणा भुंजइ न अण्णस्स देइ । केवलं विद्विऊण धणं धरणीए निहणइ । तओ लोएहि ‘धणजक्खो’त्ति नामं कयं । तं चैव पसिद्धि-गयं । अण्णया मरणधम्मयाए सरीराणं मओ धणजक्खपिया । काऊण संखेवेण मयकिच्चाणि धणोवज्जणं काउमारद्धो धणजक्खो । आढत्ता अणेगे अत्थोवज्जणोवाया । विद्वत्तं भूरिदविणजायं । सम्मुप्पणा पुत्ता । धणजक्खो धम्मस्स नामं पि न गिण्हइ । अण्णम्मि दिणे भणिओ धणगुत्तेण—“वयंस ! धम्मेण चैव [ध]णागमो भवइ । धम्मेण धणं विउलं धम्मेण य-सगामोक्खसंपत्ती । कि बहुणा धम्मेणं सब्वं सुंदरं होइ । ता पडिवज्जसु कि पि धम्माणुट्ठाणं ।” धणजक्खेण भणियं—“कि धम्मेण ? धम्मिया वि धणवंताण घरंणे भिक्खं भमंता दीसंति । अत्थो चैव एत्थ पुरिसत्थो । जओ—

अत्थेण संविठप्पइ सरदिदु-समुज्जला विउल-कित्ती । अत्थेण लोयमज्जे लहइ नरो गोरवं च सया ॥४४०॥
जे सूरा समरमुहे सरुवसुकवित्त-उत्तुणा [धणियं] ते विहु भोयणकाले धणवंतमुहं पलोइति ॥४४१॥
जे धम्मज्जाणनिरया संसारासारयं परुविति । निदंति अत्थकामे अत्थजुया ताण वि महग्घा ॥४४२॥
ता अत्थो च्चिय धम्मो अत्थो च्चिय देवयं किमण्णेण । अत्थो च्चिय एत्थ जए ज्ञाणं हूयं रहस्सं च ॥४४३॥

धणगुत्तेण भणियं—“विविहकिलेसावयमयसंसारपवंचे य सारमेयस्स जं धम्मठाणे विणिओगो ।” धणजक्खेण
भणियं—“उज्जुगो तुमं । न याणसि धुत्परिकप्पियं धम्मच्छलेण परमुसणोवायमेयं । जओ—

दाउण सिरे पायं घडिज्जए जो नरोहिं पासाणो । का तम्मि देव-बुद्धी विवेयजुत्ताण पुरिसाण ॥४४४॥
पासंडिय भोयासिणि (?) दीणागाहेहिं जे उ खज्जंति । मुद्धा-निव्विण्णाणं पट्टो वि न वज्जए ताणं ॥४४५॥
पुत्त-पपोत्ताईणं नियसंताणस्स कज्ज-करणत्थं । सब्वायरेण निच्चं विद्धिविज्जउ केवलं अत्थो ॥४४६॥

धणगुत्तेण भणियं—वयंसं ! महामोह-विमूढमाणसा एवं भासंति न उण विवेइणो । जओ—सव्व-संसार-सरणागय-
वच्छलेहिं तेलोक्कपूइयपायपंकएहिं अरहंतेहिं परुवियं—

धणसयणाजीयजोव्वणपुत्तपपोत्ता य अत्थ निवहो य । खणमेत्तदिट्ठनट्ठा कह किज्जउ तेसु पडिबंधो ॥४४७॥
जेण [ण] सुत्थो अप्पा न धम्मकम्माणि जेण कीरंति । अत्थो निरत्थओ सो परमत्थेणं मुणेयव्वो ॥४४८॥
नड-पेक्खणय-सरिच्छं कुडुंबयं निययकज्ज पडिबंधं । तस्स निमित्तं पावं करेसि किं मूढ जाणंतो ॥४४९॥
खणभंगुर-[म्मि] संसारे तिक्ख-दुक्खपउरम्मि [जीविए] एत्तियमेत्तं सारं जं कीरइ सोह्णो धम्मो ॥४५०॥
धम्मो माया पिआ धम्मो धम्मो पवर बंधवो । धम्मो कामदुहा धेणू धम्मो कप्पदुमो वरो ॥४५१॥
धम्मो चिंतामणी लोए धम्मो सोक्खाण कारणं । विणा धम्मणेण जीवाणं जत्थ तत्थ न सुंदरं ॥४५२॥
जइ मज्ज तुमं मित्तो भणियं पि करेसि मज्ज तं सुयणु ! । तो देसु धणं धम्मे जेत्तिमेत्तं निरावाहं ॥४५३॥
अकयव्वओ न सोहइ विहवो विहवो व्व अंगणा-निवहो । न कयाइ पत्त-भोगो सुवण्णतारुण्णओ जइ वि ॥४५४॥

पडिवण्णमेयं धणजक्खेण । देइ जिणभवण-सुकयाइ [ठाणे] किं पि दविणजायं । जाइ साहुसमीवे । सुणेइ धम्मं
उदासीणभावेण । वच्चइ कालो ।

अणया सायरसलिलं व सच्छहिय[ओ], गुणगुह्यगणहरगुणाधारो, विणिज्जियसयलंतरंग-रागाइ-सत्तुसमूहो,
अविउत्तो खमाए, जुत्तो कित्तीए, संगओ संजमरईए, सचराचरजीवविहियरेत्तीभावो, संसारकंतर-पडियपाणिगण
नित्यारणसमत्थसत्थवाहकप्पो, नाणा-विहाइसयरयणभूमी, बहुसमणसहिओ समागओ तत्थ दमसारो नाम सूरी । क्या
वंदणवडियाए लोया । धणजक्खेण समं मओ धणगुत्तसावगो । वंदिया सूरिणो । निसण्णा समुचियपएसे । पारद्धा भगवया
धम्मदेसणा जहा—

सारीरमाणसेहिं दुक्खेहिं अभिदुयाण संसारे । नत्थ सरणं जियाणं जिणिदधम्मं पपोत्तूण ॥४५५॥
सो पुण माणुसजम्मं भोत्तूण न तीरेए करेउंजे । माणुस्साइ-गुणगणो पुण लब्भइ कहवि तुडिजोगे ॥४५६॥

भणियं च—

माणुस्स-खेत-जाई-कुल-रुवारोभामाउयं बुद्धी । सवगोगह-सद्धा संजमो य लोगभिम दुल्लहाइ ॥४५७॥
ताणि पुण दुल्लहाइं जह हींति तहा सुणेह भो भव्वा । सिद्धंतपसिद्धेणं दिट्ठतेणं भणीहामो ॥४५८॥
जह के वि दोणि देवा परोप्परं मंतिऊण कोड्डेण । एगो घेतूण जुगं बीओ समिलं समुप्पइलो ॥४५९॥

जो जूयकरो देवो सो तुरियं धाविओ दिसं पुव्वं । समिलं घेतूण पुणो धावइ अवरो य अवरेण ॥४६०॥
 बहु जोयणलक्खिल्ले महासमुद्धम्मि दूर-दुत्तारे । पुव्वंते अवरंते जुगं च समिलं च घेतूण ॥४६१॥
 एवं कयकोऊहलतरलियचित्ता पुणो वि मिलिऊण । सायरतउम्मि होउं अह एवं भणिसमाढत्ता ॥४६२॥
 पुव्वम्मि तडे जूयं अवरे समिला य अम्मि पक्खित्ता । जुयच्छिहे सा समिला कयाइ पविसेज्ज पेच्छामो ॥४६३॥
 अह पेच्छिउं पवत्ता सा समिला चंड-वाय-वीरिहिं । उच्छालिज्जइ बहुसो पुण हीरइ रय-तरंगेहिं ॥४६४॥
 उच्छलिया वि बहुसो निच्छोला चंडवीरिहिं । उच्छालिज्जइ बहुसो पुण हीरइ रय-तरंगेहिं ॥४६५॥
 उच्छालिया वि बहुसो निच्छोला जाइ सायरजलम्मि । तरमाणी घेणइ तंतुएण तत्तो वि मच्छेण ॥४६६॥
 मच्छाउ कच्छभेणं कमढा [ओ] ? कुम्म तओ भुयंगो । तत्तो मयरो मयराउ सुसुमारो लहुं लेइ ॥४६७॥
 तेण वि मुक्का उत्थल्लजलहिकल्लोलपेल्लिया संती । अडुवियहुं वियरइ सायरसलिले अपारम्मि ॥४६८॥
 धोलिज्जंती अच्छइ न थ कह वि लहेइ तं जुयच्छेहुं । जा सयलं चिय खुहुं देवाणं आउयं ताणं ॥४६९॥
 एसो किल दिट्ठंतो साहिज्जइ अबुहबोहणट्टाए । जो एस महाजलही सो संसारो दुदुत्तारो ॥४७०॥
 जा समिला सो जीवो जं जुयच्छिहुं तयं तु मणुयत्तं । जे देवा दोण्णि इमे राम-दोसा य ते जाण ॥४७१॥
 तेहिं सुरसण्णिहेहिं कसाय-मय-ट्टाण-संपरिवुडेहिं । पार्वेहिं जीव समिला वक्खोडियमणुय-च्छिहुं तु ॥४७२॥
 अह राग-दोसवसओ चुक्को मणुयत्तणाउ सो जीवो । चुलसीइ जोणिलक्खेसु भमइ दुक्खेहिं संतत्तो ॥४७३॥
 तिरियत्तणम्मि पत्तो गरुयमहादुक्खदूमिओ निच्चं । संवसइणंतकालं तत्तो नरएसु धोरेसु ॥४७४॥
 अह दीणो दुहदुहिओ परपरिभवभायणं भव-समुहे । कम्मपवणेण जीवो भामिज्जइ भमिय समिल व्व ॥४७५॥
 कालेणं बहुएण वि सा समिला जह-न पावए छिहुं । तह मणुयजम्मचुक्को जीवो न य लहइ मणुयत्तं ॥४७६॥
 इय दुल्लहलंभं माणुसत्तणं पाविऊण जो जीवो । न कुणइ पारत्तहियं सो सोयइ संकमणकाले ॥४७७॥
 जम्मण-मरण-परंपर-संजोय-विओय-दुह-सयावत्ते । पुण्हत्तं आहिडइ एस जिओ गभवसहीसु ॥४७८॥
 किच-

सा चंडवायवीरि-पणुलिज्या अवि लभेज्ज जुगच्छेहुं । न य माणुसाओ भट्ठो जीवो पडिमाणुसं लहइ ॥४७९॥
 अह कह वि लहइ जीवो मणुयत्तं तं पुणारियखित्तेसु । धम्माम्मविवेगो न नज्जइ जत्थ जीवेहिं ॥४८०॥
 भरहेरवयविदेहेसु चैव दुलहो जियाण किल जम्मो । तत्थ वि जाइ-कुलाइं तत्थ वि [य] सुधम्म-पडिवत्ती ॥४८१॥
 कह कह वि माणुसत्तं आरिय-खेत्ताइ संगयं लद्धुं । कुत्तमय-मोहिंय-मइओ जिणधम्मं कुणइ नो जीवो ॥४८२॥
 जह कायमणियमज्जे वेरुलिओ सरिस-वण्ण-संठाणो । असयण्णेहिं न नज्जइ गुणसयसंदोहभरिओ वि ॥४८३॥
 एवं कुहम्ममज्जे धम्मो धम्मो त्ति सरिस उल्लावो । मोहंघेहिं न नज्जइ गुणसयसंदोहभरिओ वि ॥४८४॥
 जह नलवेणु-वणेसुं कह वि तुलगणेण पाविओ उच्छू । न य लेति केइ बाला रससारगुणं अलक्खित्ता ॥४८५॥
 तह कुसमयवेणुमहावणेसु जिणधम्मउच्छु-विच्छेओ । मूढेहिं नेव नज्जइ सिव-सुह-रससारभरिओ वि ॥४८६॥
 जह बहु तरुवरगहणे समुगयं कप्परुक्खत्तरुरयणं । मूढेहिं नेव नज्जइ कप्पिय-फल-दाण-दुल्ललियं ॥४८७॥
 तह कुसमयतरुगहणे जिणधम्मो कप्पपायवसमाणो । मूढेहिं नेव नज्जइ इच्छियफलदाणसुहओ वि ॥४८८॥
 जह मंताणं मज्जे मंतो बहुसिद्धिसिद्धमाहणो । मइवियलेहिं न नज्जइ सरिसो सामणमंतेहिं ॥४८९॥
 तह कुसमयमंतसमूहमज्जपरिसंठिओ इमो धम्मो । दुम्मेहेहिं न नज्जइ सिद्धिसयंगाहरिद्धिल्लो ॥४९०॥
 जह सामणो धरणीयलम्मि संतं पि वर निहियहंतं । न भुणइ न चैव पावइ न भुंजइ तं फलं कह वि ॥४९१॥
 तह धम्मरयणभरियं जिणधम्मनिहाणयं सया सुहियं । अबुहो न याणइ चिय मण्णइ सरिसं कुत्तित्थीहिं ॥४९२॥
 इय एसो जिणधम्मो पयडो वि निगूहिओ अउण्णाणं । दिट्ठं पि नेव पेच्छइ न सुणइ साहिज्जमाणं पि ॥४९३॥

अहं तं सुणेइ कत्थं वि तहं वियं सद्धं न सो तंहिं कुणइ । मिच्छाकम्म-विमूढो न य जाणइ सुंदरं लोए ॥४९४॥
जहं पित्तजरय-संताव-डाह-डञ्जंतवेविरसरीरो । खंड-वय-मीसियं पिहू खीरं अहं मण्णए कडुयं ॥४९५॥
तहं पाव-पसर-संताव-मूढहियओ अयाणुओ जीवो । पायस-खंड-समर-रसं जिण-वयणं मण्णए कडुयं ॥४९६॥
जहं तिमिररुद्धदिट्ठी पयडपयत्थे वि नेत्तेण णो मुणइ । रत्तंधो वा रयणीए नेव जहं किं पि पेच्छेइ ॥४९७॥
तहं पावतिमिरमूढो पेच्छइ धम्मं कुत्तित्थि-तित्थेसु । पयडं पि नेव पेच्छइ जिणधम्मं मोहपडलंघो ॥४९८॥
जहं कोसिय-पक्खिगणो पेच्छइ राईसु बहजतिमिरासु । उइयम्मि कमलनाहे न य पेच्छइ अप्पयं पि फुडं ॥४९९॥
तहं मिच्छदिट्ठि जणो कुसमयतिमिरेसु पेच्छए किंपि । सयलुज्जोइयभुवणे जिणधम्मदिवायरे अंधो ॥५००॥
जहं सामण्णे पाए समयं सिज्झंति बहुतरा मुग्गा । कंकडुया के वि [चि]रे[ण] कडिणा ॥५०१॥
तहं जिणवयणं ह्यासण-मय-तवियस्स कस्सइ जणस्स । कंकडुयस्स वि चित्तं मणयं पि न होइ मउययरं ॥५०२॥
एवं के वि जिया सोऊण वि जिणवरिदवयणइ । न य सद्धंति मूढा कुणंति तुट्ठि कुसत्थेसु ॥५०३॥
जहं पउर कट्ट-काणण-वणदव-दञ्जंतभीसणं जलणं । दट्ठूण जाणइ नरो डञ्जिज्जइ सो न य पलाइ ॥५०४॥
तहं सत्तुमित्तवरवासजलणजालावली पविट्ठो वि । जाणइ डञ्जामि अहं न य नासइ संजमं तेण ॥५०५॥
जहं वि नरो जाणेई एसो चोरेहिं मूसए सत्थो । न य धावइ गामं पइ जा मुसिओ दुट्टुचोरेहिं ॥५०६॥
तहं इंदिय चोरेहिं पेच्छइ पुरओ मुसिज्जइ लोओ । जाणइ अहं पि मुसिओ संजमगामं न अल्लियइ ॥५०७॥
इय भो न य पाविज्जइ मणुयस्से पाविए वि जिणधम्मो । न सुए वि जओ जायइ सद्धा-चारित्त-धम्मं ति ॥५०८॥
तो जाणेसु य एयं दुलहं भवसायरे भमंतस्स । जीवस्स संजमं संजमम्मि अहं वीरियं दुलहं ॥५०९॥
लहिऊण वि सामग्गि एयं संसारवासभीएहिं । धम्मं चिचय धणबुद्धो कायव्वा भवविरत्तेहिं ॥५१०॥

एवं सोऊण संजायसद्धेण निय-निय-भूमिगणुक्खा कया लोएण धम्मपडिवत्ती । एत्थंतरे पुरित्सेण मणुगम्ममाणो समागओ पुण्णभदो नाम सेट्ठिपुत्तो कयगुरुवंदणो निसण्णो सुद्धधरणीतले । सहायपुरित्तो वि आसणे नियय वत्थं दाऊण पुण्णभइस्स चरणमद्धं काउमाढत्तो । वारिओ तेण । तहं वि न विरमइ विणयकरणाओ । तओ पुच्छियं पुण्ण-भद्रेण—“भयवं ! किं कारणं वारिज्जंतो वि न एस विरमइ ?” सूरिणा भणियं—“सोम ! सुण एत्थ कारणं ।”

अत्थि इहेव भारहे वासे वसंतपुरं नाम नयरं । परमसम्मदिट्ठी संखसारो नाम सावओ तत्थ परिवसइ । चक्क-देवाभिहाणो तस्स य घरदासो सम्मओ सयलपओयणेसु ।

अण्णया वसणाभिभूएण अवहडा तेण दस दीणारसहुस्सा । विलसित्तमारद्धो । संजायसंकेण निरुवियं ठाणं संखसारेण । न पेच्छइ दीणारे । भणिओ तेण चक्कदेवो—“साम पुव्वयं समप्पेहिं दविणं । तुज्ज वि किंपि दलइस्सामि ।” न पडिवण्णमणेण । दंडो दंसिओ । तेण वि न वसमागच्छइ । पडिभणइ य—“निहाणं तए लद्धिल्लयं । जइ न तुसिणिओ चिट्ठुसि ता रायउले साहिस्सामि ।” सेट्ठिणा चित्तियं—“एयं पि एत्थ संभाविज्जइ ।” विसायावण्णस्स बोलीणा जामिणी । पभाए सखेयं भणिया अरिहंसुंदरी—“पिए ! पेच्छ जं कयं चक्कदेवेण ।” तोए भणियं—

पिय ! पच्चूसहं पावहरु, नामु न लइ[यइ] ताहं । लोइं कडिडवि दूरिकरु, कहिउ कलंक न जाहं ॥५११॥

अलमिमस्स नाम-गहणेण विसायकरणेण वा । अण्णया अंबाडिओ संखसारसुएण रहंगएण चक्कदेवो । तेण वि पउट्टुचित्सेण नरवइपुरओ निहाण-लाभो सूइओ । आणाविओ राइणा संखसारो । पुच्छिओ निहाण-वइयरं । तेण भणियं—“न मए आजम्माओ तिणावहारो वि कओ दूरे रायविरुद्ध-निहाण-गहणं ।” चक्कदेवेण जंपियं—“अहो ! पच्चक्खावलावो सरित्तो तुमं अतिणहिंसगवंभणस्स ।” भंतिणा भणियं—“को एस अतिणहिंसगो ?” चक्कदेवेण भणियं—

नम्मयातीरे कोसकलसं नाम नयरं । मंजुभद्रो नाम भिक्खू परिवसइ । सो पुण सहिरण्णो मुणिओ एणेण धुत्तेण । वंदिओ समागतूण । पुच्छिओ भिक्खुणा—“भद् ! कत्तो समागतो ?” तेण भणियं—“सिंहलदीवाओ देसदंसणत्थं परिय-
डामि ।” भुंजाविओ भिक्खुणा । समागया रयणी । ठिया सहालावेण । न समप्पेइ अत्ताणयं भिक्खू । पभाए भणिओ
तेण भिक्खू “भयवं ! वच्चामि ।” भिक्खुणा वि मोणं कयं । निग्गओ धुत्तो । नयरवाहिं गंतूण पडिनियत्तो कर-गहिय-
तिणो । जंपियं भिक्खुणा—“किमेयं तुह करे ?” तेण भणियं—“सिरविल्लगं न याणियं तुह तिणं गयं । तस्स समप्पणत्थ-
मागतो ।” रंजिओ भिक्खू । “अहो ! निरीहया, अहो ! अलुद्धय त्ति’ संपहारिऊण भणिओ भिक्खुणा—“भद् ! पडि-
वज्जसु भिक्खुवयमेयं ।” तेण वि पडिवण्णं । दिक्खिओ । अत्तिणहिंसरो त्ति नामं कयं । सिक्खिया भिक्खु-किरिया ।
मंजुभद्रो वि सहिरण्ण-भूयलं मोत्तूण नन्नत्थ सयणाइं करेइ । लक्खिओ धुत्तेण-जहा कारणेण होयव्वं ।

अण्णया लहिऊण अंतरं, गहिऊण सुवण्णयं, पलाणो धुत्तो । मंजुभद्रो वि हरियहिरण्णो विसायमावण्णो मोत्तूण
तं नयरं गओ अण्णम्मि नयरे । दिट्ठो तत्थ सो धुत्तो । भणिओ भिक्खुणा—“समप्पेहि सुवण्णयं ।” तेण भणियं—“न
मए गहियं ।” भिक्खुणा भणियं—“एहि मत्तिसगासे ।” गया दो वि । साहिओ भिक्खुणा वइयरो । धुत्तेण भणियं—
“अमच्च ! संतं पावं जइ मए कस्स वि संतिथं तिणं पि गहियं अलियं वा भासियं ता निरत्थिया समंतभद्दिकखा ।”
मत्तिणा भणियं—“सुद्धो वराओ ।” विसज्जिओ । गओ सट्ठाणं । एत्थ वि एसेव वइयरो जइ इमस्स वयणं सच्चं त्ति
तक्किस्सह ।

तओ मुद्दावियं धरं मत्तिणा । कारागारे पक्खित्तो ससुओ संखसारो । इमं सोऊण संति-निमित्तं पूइऊण पवर-
कुसुमेहिं संतिनाहघरपडिमं संखसार-धरिणी अरिहसुंदरी विणयविहियंजली आणंद-जल-भरियलोयणा एयं थोउ-
माढत्ता-

जो किर भीममहण्णवु भुय दंडिहि तरइ । तुह असेसगुण नियरह सो वण्णणु करइ ।
गुरु अणुरायपणोल्लिय संसयतमतरणि । तह वि पयट्ट जिणिद तुज्ज हउं थुइ-करण ॥५१२॥
जथ कुरुवंस-विभूषण ! अरुचब्भुयचरिय । पुहइछत्तु गिरिहंडकरण विक्कमकलिय ।
खम त्तिक्खुक्खयखग्गखविय कोहारि भड । अज्जववज्जविणासिय [दु]ज्जय नियडि नड ॥५१३॥
माणसेल मुसुमूरणलोह विमुक्क पहु । भवि भवि सामियसंतिसरणं महु होज्ज तुहुं ।
दुग्गइ-गमणतिरुंभण वुद्धिदिय दज्जण । सेवागयसुरसामिमउलि अच्चियचलण ॥५१४॥
कामकुंभिकुंभत्थल-दारण-खर-नहर । नियसद्देणऊरिय जोयणमेत्त घर ।
पुरवरपवरकवाडवियडवरवच्छयल । नियगुणगण निऊरुं व करंभिय भुवणयल ॥५१५॥
दंसणनाण चरित्तय चित्तिय भवि[य]जण । वरविसट्टकंदोदुत्तार दीहर नयण ।
निरुवमरुथ विणिज्जिय दुज्जय रइ[र]मण । [हेम] कमलकयचरणमत्तभयगल [सम] गमण ॥५१६॥
देवासुरनरलोयणअलिकुलकमलवण । अणुदिणु हिमगिरिसिहर धवलझाणेक्कमण ।
सुरकयविट्ठरसंठियकिण्णर [नर] महिय । तुह पहु पायहं सेव अभव्वह दुल्लहिय ॥५१७॥
मोहमहल्लगिरिंदकुट्टण-कुलिस । गुरुदालिदुदवाणल जोसणघणवरिस ।
गोउर फलिह-विसाल सुसोहि्यवाहुजुय । विस्ससेण-अंगुंभव अइरादेवीसुय ॥५१८॥
[मय]गलगज्जिरं पासंडिसंडमय । विविह पयार समज्जिय तवसिरिकुलभवण ।
दो खंडी कय चंडदुट्टदप्पसर । रायहरिणसद्दुल्ल सुकोमल पवरकर ॥५१९॥
लोयालोयपयासण केवलनाण घर । तिहुयणसिरिह पणयह मोहहर ।

सरणागयहं सरणसमागय तइं सरवि । वसण-समुद्दह तारिदेव सइंदय करिवि ॥५२०॥
 इय तिहुयण कयमंगल विगलियपावमल । मुणिमहुकरसंसेविद्यसलुलियपय-कमल ।
 भविद्य-कमल पडिबोहणदिणयथर दभरसिय । सरयसलिलसमहियय चंदचंदिमचरिय ॥५२१॥
 संति जिणसरसंतिकरदुल्लहदंसणदेव । आ संसारु वि भुवणगुरु मज्झु तुहारिय सेव ॥५२२॥

एवं थोऊण जिणं ठिया काउसग्गेण अरिहसुंदरी । श्वेव वेलाए तग्गुणवज्जिया समागया देवया । भणिया तीए—“अरिहसुंदरी साविए ! भणसु जं कायव्वं ।” तीए भणियं—“नित्थारेसु इभाओ वसणसमुद्दाओ ।” “न खेओ कायव्वो अहं सोहणं सव्वं करिस्सामि”ति भणिऊण गया देवया । तओ असिवेण मरिउमारद्धमंतेउरं । आहूया वेज्ज-नेमित्तिय-मंत-वाइणो । असिवकारणं जावज्जवि नेव जंपति ताव आपुच्छिण्णा वि जंपियं चक्कदेवेण—“जइ मह वयणं किज्जइ तो सिवं होइ ।” मंतिणा भणियं—“भणसु ।” तेण भणियं—“पुरिसचउक्केणेत्य जागो कीरउ जेण संती भवइ ।” समाइट्ठो मंती । राइणा च्चित्तियमणेण—“अहो ! एस पावो पावपरूवणो य । ता एयं चेव पढमं गिण्हामि ।” आणाविया तिण्णि पुरिसा । चउत्थो सो चेव कओ अमच्चवयणेण । पढमं सो चेव जलंतजलणे हुणियो । एत्थंतरे उट्टिया आयासे वाया—“जत्थ घरे घरसामिएण रायविरुद्धं चोरिक्काइ कुकम्मं न कयं तओ घराओ भूइ अण्णिऊण पुंडाई कीरंतु जेण पउणी हवइ अंतेउरं किमेएहिं निरावराहेहिं मारिएहिं ।” मुक्का तिण्णि पुरिसा । आणिया सव्वघरेहितो भूई । कयाई टिक्कियाई । तहा वि न पवणइ अंतेउरं । विण्णत्तो राया निउत्तपुरिसेहिं—“देव संखसारसेट्ठिघरं मोत्तूणासेस घरेहितो आणिया भूई ।” राइणा भणियं—“तओ वि आणिज्जउ । मा कया वि सो वि निरवराहो होज्जा ।” आणिया तओ वि भूई । कयाणि सव्वासिं पुरंधीणं पुंडयाणि । तक्खणा चेव जायाओ हट्टसराराया । आणाविओ चारगाओ सपुत्तो सेट्ठी । संपुइओ वत्थाहरणाईहिं । कओ उक्करो । खामिऊण मुक्को । गओ सट्टाणं । परिवालिऊण सावगधम्मं उववण्णो सोहम्मकप्ये सुरो । तत्थ सुहाइं अणुभविऊण तओ चुओ समाणो समुप्पण्णो लोहगल-नयरे सेट्ठि-सुओ नंदणे नाम । चक्कदेवो वि अणत्थदंडोसेण हुणियो हूयासणे रूद्धाणेण मरिऊण समुप्पण्णो रयणप्पहाए । उवरओ तओ विउवट्ठो सो वि तम्मि चेव नयरे बंभणपुत्तत्ताए उववण्णो । दिण्णं नामं हरी । जाया नंदणेण सह मित्तया उवरओ हरि-पिया । जाओ सो चेव घरसामिओ ।

अण्णम्मि दिणे भणियो तेण नंदणो—“वयंस ! अपुत्तो अहं । खणभंगुरं जीवियं । अत्थि य मे दीणार-लक्खा, तं तुमं स[यं] गिण्हहिं अहं पुण भोयणमेत्तेण चेव कयत्थो ।” नंदणेण भणियं—“जं भे रोयइ ।” समप्पिओ दविणलक्खो नंदणस्स । सो वि तीए चेव रयणीए विसूइया दोसेण मरिऊण समुप्पण्णो नंदणघर-दारओ । कयं नाम जंगलो । करेइ नंदणघरे वुत्ताणत्तयं । वच्चइ कालो । परिपालिऊण निययमाउयं अण्णया मओ नंदणो । जाओ पुण्णभइो नाम सेट्ठि सुओ । जंगलो वि मरिऊण तम्मि चेव सेट्ठिघरे दासचेडो । उम्मक्कबालभावो कओ पुण्णभइस्स वाहलारो । जं चक्कदेवपज्जाए संखसारसेट्ठी कवडेण वंछिओ तेण सो इमस्स निककवडकम्ममारओ ।

जं पुण अपुच्छिण्णा वि चउहिं पुरिसेहिं मारिए जागो उवविट्ठो तेणज्जवि दीह दुक्खाण भायणं भविस्सइ ।” धणगुत्तेण वि भणियं—“जइ एवं महादोसो अणत्थदंडो । ता इमाओ विरइं करेमि ।” भयवया भणियं—“विवे[ए]ण कया ।” धणगुत्तेण धणजक्खेण वि उवरोहसद्धाहिं पडिवण्णा । वंदिऊण सूरिं गया सघरं । विहरिया अण्णत्थ सूरिणो । सरइ कालो । अण्णया रयणीए गओ धणगुत्तो धणजक्खमंदिरं । दिट्ठो निरत्थयं ‘देह दावानलं, खेडेह अणागयामेव खेत्ताणि, दमेह गोनजूयाणए’, इच्चाइ पावोवएसं पयच्छंती, असंबंधि-करिसगाण, जेण जेहिं सह नत्थि दक्खिण्णं, तेसिं पि कुहाइ-खग्गाइ समप्पितो । धण-गुत्तेण भणियं—“वयंस ! निरत्थयं पावोवएसयं पयच्छंतस्स परेसिं कुसि-कुहाडाई हिंसग-सत्थे । समप्पितस्स अणत्थदंडविरइवयं साइयारं भवइ । अणुण्णकरणपुरस्सरं पडिवज्जसु गुरुपुरओ एयस्स पायच्छित्तं ।” तयणुरोहेण पडिवण्णं धणजक्खेण । गओ सघरं धणगुत्तो । देव-गुरुसरणं काऊण [सुत्तो] पभाया रयणी[ए]कय योसकिच्चो जाव चिट्ठइ तावागओ धणजक्खो । नीओ तेण नियघरे धणगुत्तो । समाहूया सुत्तहारा । समागया पहाण-

वत्थजुयलं गहाय धणजक्खभइणी । परिहाविओ धणजक्खो । पुप्फ-फल-तंबोलाइणा सम्माणिउण धणगुत्तो वि । विहि-मंगलेहि कओ सुत्तहारेण घरोवरि-भूमियाए उंबरनिवेसो । एत्थंतरे समागओ पओयणवसेण धणगुत्तसमीवे सुमई नाम निमित्तो । तंबोलवयभीरुणा न संभासिओ धणजक्खेण । दावियं धणगुत्तेण आसर्णं नियं तंबोलं च । धणजक्खेण वि भणिओ वत्थ-भंडारिओ—“गिण्हाहि एयं वत्थजुयलं जावज्जवि न विणासमाविसइ ।” तद्देव कयं तेण । नियत्थाणि पुव्ववत्थात्थि । ईसि हसिऊण जंपियं नेमित्तएण—“अहो राइणो पुणपरिवाडी ।” धणगुत्तेण भणियं—“कहं ?” सुमइणा भणियं—“पुव्वफग्गुणी नक्खत्ते जइ वत्थाणि परिहिज्जंति तो राया दंडेइ ।” धणजक्खेण पुण वयभंगभीरुणा जोइसिओ वि न पुच्छिओ । पुव्वफग्गुणीए चेव वत्थाणि परिहियाणि । ‘अहोमुहनक्खत्ते उड्ढकम्मं कारियं । जइ निमित्तसत्थं पमाणं तो थेवदिनमज्जे अत्थनासो घरणासो य भविस्सइ ।’ धणजक्खेण भणियं—“अरे ! अलद्ध-विरुद्ध-वयणं केरिसं सत्थं जस्स-बलेण तए एवमाइट्ठं ?” सुमइणा भणियं—“सुणसु ।”

अस्सिणि नक्खत्तम्मि नव-वत्थनियंसणं कुणंतस्स । बहु अण्णवत्थलाभो भरणीए महावहो होइ ॥५२३॥
 कत्तिय-नक्खत्तम्मि दहइ हुयासे न एत्थ संदेहो । रोहिणि-नक्खत्तम्मि धणागमो होइ पुरिसस्स ॥५२४॥
 मिगसिरि मूसायाओ भयं अद्दा वि हु पाणनासणं कुणइ । आउय-धणाण बुद्धि पुणव्वसु पूसि सुहमेव ॥५२५॥
 अस्सेसाए तेणो हरइ मघाए मारए पुरिसं । जइ परिहरइ पुव्वाए दंडेइ राया न संदेहो ॥५२६॥
 उत्तर-हत्थे चित्तासु चेव वत्थं नरेण भुंजंतं । पउरणवत्थलाभं चित्तपसत्तिं च साहेइ ॥५२७॥
 साईयमिट्ठभोज्जं पिएण सह दंसणं विसाहाए । अणुराहाए विज्जा उद्देहादंस जेट्ठाए ॥५२८॥
 मूले वत्थम्मि सुहं आसाढदुगे सुहासुहं भणियं । सवणम्मि नेत्तरीगो धणलाभो पुण धणिट्ठाए ॥५२९॥
 सयभिसयासुं च भयं पुव्वासुं गरुयरोससंतावं । उत्तरनक्खत्तम्मि य बहुअसणसमागमो भणिओ ॥५३०॥
 रेवइ नक्खत्तम्मि नियत्थवत्थं नरस्स साहेइ । लाहं बहु-रयणाणं रिक्खफलं वत्थ परिभोगे ॥५३१॥

तहा—

अस्सिणि रेवइ-चित्ता साई-हत्थो पुणव्वसु चेव । अणुराहमिगोजेट्ठा एस गणो होइ तिरियमुहो ॥५३२॥
 रोहिणीपूसयअद्दा [य] धणिट्ठा उत्तरा तियं । सवणं वारुया चेव एस उड्ढमुहो गणो ॥५३३॥
 कत्तिया चेव अस्सेसा मूलं पुव्वत्तियं महा । विसाहा भरणी चेव भगणो एस अहोमुहो ॥५३४॥
 अहोमुहेसु रिक्खेसु उड्ढकम्माणि जो करे । उड्ढमुहेसु हेट्ठाणि तस्स वत्थुं विणस्सइ ॥५३५॥

पुव्वानक्खत्ते अहोमुहे उड्ढकम्मविणासणं । उड्ढं कम्मं तए कयं अओ वत्थविणासो थेव दिवहं मज्जे भविस्सइ ।’
 एवमाइणिऊण गओ नेमित्तो । धणगुत्तो वि धणजक्ख-विसज्जिओ सघरं पत्तो । बीय दिणे वत्थनिमित्तं पेसिया
 रायउत्तेण रायपुरिसा । भणिओ तेहिं धणजक्खो—“देहि पहाणवत्थ-जुयलं रायउत्तनिमित्तं ।” धणजक्खेण भणियं—
 “देमि दीणारेहि ।” रायपुरिसेण भणियं—“गिण्ह खग्गरयणं । दिण्णेहि दीणारेहि समप्पियच्चं ।” न पडिवण्णं तेण ।
 साहियं गंतूण पुरिसेहिं । कुविओ रायउत्तो । भोयावियं रत्थाए मुद्दारयणं । समागओ तं पएसं धणजक्खो । निरुविऊण
 समंतओ दिसाओ गहियं मुद्दारयणं दिट्ठो पच्छण्णठियराय-पुरिसेहिं । बधिऊण दंसिओ राइणो । कुद्धेण राइणा सव्वस्स-
 हरणं काउं मुक्को । विसण्णवयणो जाव चिट्ठइ ताव उट्ठिओ समासण्णघराओ अग्गी । अणुकूलपवणपेल्लियाहि जाला-
 वली हि संपलग्गं धणजक्खमंदिरं विनट्ठं । चिट्ठिओ तणकुडीरगे ।

अण्णया सदुक्खं भणिओ तेण धणगुत्तो—“वयंस ! न कयं भए तुह वयणं । अदाण-भोयणा चेव विहडिया लच्छी ।’
 धणगुत्तेण भणियं—

धरणिगयं चिय चिट्ठइ अहव हरइ पत्थिवो निसंकाओ । किविणधणं विहलं चिय विहडइ नत्थेत्थ संदेहो ॥५३६॥

किंच-

भोग-विवज्जिय फलरहिय, भू-भारंकुर भग्ग । खलसिरि दूहव-महिल जिव, अंगि न कस्सइ लग्ग ॥५३७॥

एवं भणिएण समप्पियं ववहारभेत्तं धणगुत्तेण दविणजायं । ववहरइ तेण ।

अण्णया किलेससंपाइयपाणवित्ती वय-विराहण-दोसदूसिओ रुद्धाणोवगओ मरिएण समुप्पण्णो पढमपुढवीए मज्झिमाऊ नारओ । धणगुत्तो वि अखंडं परिपालिएण अणत्थदंडविरइदयं समाहिमरणेण मरिएण समुप्पण्णो बंभलोए मुरवरो । तओ चुओ नेव्वाणं महाविदेहे लभिस्सइ ।

जेऽणत्थदंडविरइ कुणंति ते सोक्खभायणं होंति । इहलोए, परलोए परपीडं परिहरंति जओ ॥५३८॥

जे पुण अणत्थदंडे मण-वइ-काएहि संपयट्टंति । ते इहभवे वि दुहिया अणभवे दोग्गई तेसिं ॥५३९॥ तइयं गुणव्वयं ॥

पडिवण्णाणुव्वयगुणव्वयं पुण सावगेण सिक्खावयाणि पडिवज्जियव्वाणि । ति विं पुण चत्तारि । तं जहा-सामाइयं देसावगासियं, पोसहोववासो, अतिहिसंविभागे य । तत्थ पढमं सामाइयं । तं पुण सावज्जजोगपरिवज्जणरूवं निरवज्जजोगासेवणरूवं च । पुण दुग्गं राग-दोसविसमभावरहिएणं निच्चमासेवियव्वं ति । संपयं एयं जेण आराहियं जेण विराहियं तेसिं विवागदंसणत्थं भण्णइ ।

अत्थि इहेव भारहेवासे मागहविसए कणियारं नामनयरं । तत्थ य आबालभावाओ सह-पंसु-कीलिया नरदेव-दुग्गदेवाभिहाणा दोग्गिण कुलउत्तया वयंसया परिवसंति ।

अण्णया समागओ तत्थ मुख्यणाणुणाओ मुत्तत्थ परिकम्मियमई सण्णाइ[व]ग्ग पडिबोहणत्थं दमसारो नाम साहू । डिओ कुंभयारकुडीए । समागओ वंदणवडियाए नयरलोगो सण्णाइवग्गो य । कहेइ साहू अहिंसा-सारं जिणधम्मं । पडि-वज्जंति नियभूमिसाणुं लोया । संपज्जइ अग्गस्त गुणा । वरुचंति वासरा ।

अण्णम्मि दिणे समागया नरदेव-दुग्गदेवा । वंदिओ साहू । निमुओ धम्मो । जाया वासणा । भणियं नरदेवेण-- "भयवं ! जइ धम्मं काउमसमत्थेण पइदिणं पहाणं केरिसमणुट्ठाणं कायव्वं सावएण ?" साहुणा भणियं--"सामाइयं पढम-सिक्खावयं । तम्मि कए समणो व्व समाइट्ठो सावओ जिणवरेहि । जओ भणियं--

सामाइयम्मि उ कए समणो इव सावओ हवइ जम्हा । एएण कारणेणं बहुसो सामाइयं कुज्जा ॥ ५४०॥

तेहि भणियं--"जइ एवं तो अम्हेहि दिणमज्जे जावज्जीवमेगवारं नियमेण सामाइयं कायव्वं ।" काऊण पडिवत्ति, वंदिऊण मुणि, गया सट्ठाणं । साहु वि संबोहिऊण सयणवग्गं गओ अण्णत्थ । ते वि जहागहियसामाइयकरणनिरया कालं गर्मिति । गाढ-धम्मसद्धओ दुग्गदेवो । इति मंद-सद्धो नरदेवो । दुइज्जए वारंवारं दुग्गदेवेण । वहइ पओसं हियएण । 'अहो ! एस मं धम्मच्छलेण दूहवेइ ।'

अण्णम्मि दिणे भणियो तेण दुग्गदेवो--"वयंस ! अइच्चहुणा धम्मविसए वि न पसंसिज्जइ । अलं मे तुहसंतियाए बोहणाए । 'अपत्तियं' ति काऊण मोणमासिओ दुग्गदेवो । धम्मत्थमुज्जएणं सब्वस्सापत्तियं न कायव्वं । इय संजमोऽवि-सओ, । एत्थ य भयवं उदाहरणं--

सोतावसा समाओ तेसिं अपत्तियं मुणेऊण । एसं अबोहिंवीयं तओ गओ हंतकाले वि ॥ ५४१॥ इय सब्वेण वि सम्मं सककं अपत्तियं सइ जणेण । नियमा परिहरियव्वं इयरम्मि सतत्तचित्तओ ॥५४२॥

नरदेवो वि तहाविहधम्मसद्धविवज्जिओ कयाइ करेइ, कयाइ न करेइ, कयाइ कयाकयं करेइ । कमेण मुक्कं तेण सब्वहा वि सामाइअ-विहाणं । करेइ पउसं सामाइय-पवण्णेसु साहु-सावएसु । तप्पच्चयं समज्जिणइ किलिद्ध कम्मं । णिहडेइ दीहसंसारं । सामाइयपरूवणतक्करणपरायणो सुयबहुमाणजुत्तो कालमइवाहेइ इयरो ।

अण्णया समागयं तम्मि नयरे दरिह्धम्मियसावयकुडुंबयं । दिट्ठं दुग्गदेवेण । साहम्मियबहुमाणं धम्माय मण्ण-
माणेण नीयं नियघरे । भोयावियं सव्वायरेण । अप्पियं घरमेणं । दिण्णं निव्वहणनिमित्तं किंचि दव्वजायं । बोलीणा
परोप्परं धम्मकहाए कइ वि वासरा । रंजिओ दुग्गदेवो । भणिओ कुडुंबसामिओ जक्खदेवो—“गेण्हसु जावइयं पडिहाइ
दविणजायं तावइयं । मूलं रक्खंतेण लाहो भोत्तव्वो ।” ‘एवं’ ति भणिऊण गहिया दस दीणारसहस्सा । ववहरिउ-
मारद्धो जक्खदेवो । दुवालसं संवच्छरेहि विढत्ता दीणारकोडी धरिऊण निय धरे पंचलक्खदीणाराण सेसं सहमूलेण
समप्पियं दुग्गदेवस्स । तेण भणियं—“मूलं समप्पेह् सेसं गिण्हह् ।” जक्खदेवेण भणियं—“पंचलक्खदीणारवज्जं न करेमि
निय-परिगहे ।” तेण भणियं—“मज्झ वि कोडीए परओ नियमो ।” तओ उभयसम्मएण दिण्णं सव्वं समहियसावतेयं
जिणभवणाइ-सुधम्मएण । जाया तेसि परोप्परं अच्चंत निरंतरा पीई । साहम्मियसंगेण जाया सविसेसधम्मधिरया ।

अण्णमि दिणे कडसामाइयस्स दुग्गदेवस्स उट्ठिओ पच्चासण्णभवणाओ अग्गी । गहियसारभंडाणि
नासंति दुग्गदेवमाणुसाणि । दुग्गदेवो वि निस्संगमुणि व्व न करेइ घरचित्तं । पडिवण्णसागाराणसणो धम्मझाणं झायंतो
चिट्ठइ । खणंतरेण उवसंतो अगिसंभमो । तम्मि दिणे य वहिया चेव तक्करेहि गहिओ दुग्गदेवजेट्ठपुत्तो । चउप्पयं पि चालियं
तेहि । कड-सामाइयस्स कहियं कणिट्ठपुत्तेण दुग्गदेवस्स—“ताय ! जेट्ठभाया चउप्पयं च सव्वं चोरेहि नेज्जइ ।” अदिण्ण-
पडिवयणो समभावे वट्टमाणो ठिओ मोणेण दुग्गदेवो । थेववेलाए कुसलेण समागओ पुत्तो धणं च अण्णं च ।

अण्णम्मि दिणे सामाइय-वुत्थो चेव महाकायकसिणभयंगमेण नागपासेण वेढिओ तह् वि न चलिओ । सम-
भावाओ उवसंतो उवसग्गो । पुणो वि अण्ण दिणे धरिणिरूवं काऊण सामाइयत्थस्स समागंथा वंतरी । समाढत्ता सिंगार-
वयणाणि समुल्लविउं । तेण भणियं—“धम्मसीले ! अणवसरो एस । मा धम्मंतरायं करेहि ।” तीए भणियं—“सो वि
धम्मो चेव जं मयणसरसल्लियंगस्स इत्थीयणस्स नियसंगमामएण जीवियप्पयाणं ।” एवं भणिऊण कडक्खविकखेवेहि
अवल्लोइउं पवत्ता । दंसेइ वारं वारं मयणमहारायग्गवासभवणभूए कुंभिकुंभविग्गभमे जणमणोहरे पवरपओहरे । सवियारं
पयडेइ रंभागव्विग्गभमोरु-नाहि-पमुहे अंगपच्चंगविसेसे । दुग्गदेवो वि सामाइए थिरचित्तो इत्थीकलेवराणं असुइभाव-
भावणं भाविउमाढत्तो । तं जहा—

जंबालमंससोणियपूइवसामेज्जमुत्तरियम्मि । बाहिं चम्मपिणद्धे को रागो रमणिदेहम्मि ॥ ५४३ ॥
अइविरसं वीभच्छं असुइझरंतेहि नवाहिं [दारेहि] । महिलायणस्स देहं को रागो तम्मि विउसाण ॥ ५४४ ॥
इहलोय-पारलोइय-सुह-वण-दावाणलं अइदुरंतं । इत्थीण ह्य-सरीरं कह् किज्जउ तम्मि अणुरागो ॥ ५४५ ॥
जओ—

आसेविए किलम्मइ थामं हारेइ दुब्बलो होइ । पावेइ वेमणस्सं इहलोए चेव रागंधो ॥ ५४६ ॥
परलोगम्मि नरामर-नारय-तिरिएसु तिव्वदुक्खाइं । अणुहवइ सयाकालं रागिल्लो रमणिदेहेसु ॥ ५४७ ॥
ता मुद्धे ! चयसु तुमं अकज्जकरणुज्जमं कुणसु धम्मं । किं कुणइ ताण कामो निथ-सत्तं समहियं जाण ॥ ५४८ ॥
तुह् पाव-पत्थणमिणं काहं न कहिं पि पाण-नासे वि । जइ विरमसि तो विरमसु अहव विलक्खा नित्यत्तिहिंसि ।

तओ सा वंतरी विसण्णमाणसा चित्तिउमारद्धा—

कक्खोरुनाहि पीवरपओहरे पासिऊण तरुणीण । विगलियझाणे मूणिणो वि झत्ति विहलंघला हींति ॥ ५५० ॥
लडहविलयावलोयणकोमलसिगारवयणजलणेण । मणं [यं] च विट्ठविज्जंति वीयराया [ण] वि मणाणि ॥ ५५१ ॥
एस पुण पावो निच्चलचित्तो न तीरइ सामेण । सामाइयाउ चालेउ अओ दंडं पउंजामि ॥ ५५२ ॥
त्ति चित्तिऊण खर-फरसवयणेहि निव्वच्छिउमारद्धा भणिओ य—“आ पाव ! पणट्ठोसि । नत्थि ते जीवियं ।
अप्पणोणुकूलसविय जइ मह वयणं न करेसि ।” काऊण वियरालरूवं गहिओ केसेसु । नेऊण नहयले मुक्को । निवडिओ
नरए व्व तमंधयारे नयरक्खे । निव्वडिऊण उव्वुड्ढेण दिण्णं मिच्छामि दुक्कडं । “अहो ! मे खारसरीरेण आउक्काइय

वहो भविस्सइ कि करेमि” त्ति चिताणंतरमेव उक्खित्तो पवयणदेवयाए। नीओ सट्ठाणं। पभाया रयणी। पारावियं सामाइयं। काऊण सरीरजोगं कयं चेइयवंदणं। गहियं पच्चक्खाणं। एत्थंतरे निसुओ बहुजणकोलाहलो। दुग्गदेवेण पुच्छिओ समासण्णो नियपुरिसो—“अरे! किमेस जणकोलाहलो?” तेण वि नाऊण साहियं जहा—“ओहिणाणभाव-चक्खुणो खीणप्पायसंसारनिबंधणकम्मंसा बहुसमणपरिवारिया समोसरिया बाहिरुज्जाणे जयसुंदराभिहाणा सूरिणो। तेसि वंदणवडियाए वयंताण लोयाण एम कोलाहलो।” एयं सोऊण पहट्टमाणनो गओ दुग्गदेवो। विहिपुरस्सरं वंदिया सूरिणो। नियण्णो समुच्चियपएसे। पारद्धा सूरिणा धम्मदेसणा। जहा—

“भो भो भव्वा असारो एम संसारो। विज्जु-विलसिय व खणदिट्ठनट्टु पियजणसमागमा। अविण्णायागमो निप्पडियारो मया सण्णिहिओ मच्चू। नत्थेत्य कि पि सोक्खकारणं। तह वि निव्ववेया लोया तुच्छसोक्खकारणेसु, किपायफलं व परिणामदारणेसु, अणंतभवभ्रमणनिबंधणेसु विसएसु सुपसत्तचित्ता न याणंति धम्माधम्मं, न गणंति गुरु-वएसं, परिचयंति परमसुहपरमकारणं धम्माणुट्ठाणं।” एत्थंतरे पुच्छियं दुग्गदेवेण—“भयवं! कि कारणं मे धम्मं कुण-माणस्स विग्घाणि भवन्ति उवसमंति य?” सूरिणा भणियं—“सोम! सुणसु एत्थ कारणं।”

इहेव भारहेवासे वंगा विसए कमलालयनयरे कमलसुंदरो नाम कुलपुत्तओ तुममहेसि। कमलसिरि तुज्झ भज्जा। अणणिय धम्माहम्माण अच्चंतं विसयासत्ताण वच्चइ कालो तुम्ह। अण्णया दिट्ठो तए नयरबाहिरुज्जाणगएण गुणसुट्ठिओ नाम आयरिओ। तं च [ते] दट्ठूण समुप्पण्णो पमोओ। जलहिजलं व चंदोदएण वियसिया तुह हियए धम्मवासणा। सलिलकल्लोलेहि धाराहयकलंबफुल्लं व समुससियरोमकूवं जायं ते सरीरयं। सबहुमाणं गंतूण वंदिओ भयवं गुणसुट्ठिय-सूरी। तेण वि दिण्णो सयलसुहपत्तलो धम्मलाहो। कया धम्मदेसणा। तिदिया विसया। पसंसिया तच्चिरई। पडिबणं तए अट्ठमि-चउट्ठिसि-उट्ठिठपुण्णिमासिणीसु पुण्णतिहीसु असिणाणं वंभवेरं च। विहरिया सूरिणो। साहिओ तए कमलसिरिए एस वुत्ततो। रुट्ठा सा। अणुणिज्जमाणी वि नाणुणयं गिण्हइ, भणइ य—“भंजसु इमं विसयसुह-वइरिणं नियमं।” तए भणियं—“पिए! न सुंदरमेयं जहा गहिऊण वयं भज्जइ।” तीए भणियं—“विप्पयारिओ तुमं केणावि इंदयालिएण जेण दिट्ठं मोत्तूण अदिट्ठं पत्थेसि?” तए भणियं—“दीसंति ईसरदरिट्ठाईणि धम्माधम्म-कज्जाणि। कहं अदिट्ठो धम्मो?” तए सा एवं भण्णमाणी अहिययरं पओसमावण्णा। तए वि ‘अलमिभाए धम्म-परम्मुहाए’ त्ति भाविय परिवत्तो तीए सह संवासो। सविसेस पउट्ठाए दिण्णं तीए अण्णम्मि दिणे भोयणे तुज्झ विसं। अच्चुकडकयाए विसस अकयपडियारो मओ तुमं। उप्पण्णो सोहम्मे सुरत्ताए। कमलसिरी वि उज्झियकुलायारा महु-मज्जमंसादिभोगपरायणा विणट्ठसरीरा रुट्ठाणेण मरिऊण उववण्णा पढमपुढवीए नेरइयत्ताए।

इओ य तुमं सोहम्माओ चइऊण समुप्पण्णो तम्मि चैव कमलालयनयरे रायपुत्तो। सा वि कमलसिरी नरयाओ उवट्ठिऊण तत्थेव नयरे पिडवासवेसाए वसंतसुंदरीए कुच्छिसि धूयत्ताए उववण्णा। संपत्तजोव्वणा दिट्ठा तए। संजा-याणुरागो गओ तीए घरे। दट्ठूण तुमं दूमिया सा माणसे। सभासण्णीकयं निप्पडियारं विसं। कओ कित्तिम-सिणेहो। वंचिऊण दिट्ठि संचारियं तुह तंबोले। भओ तेण तुमं। ‘विसवियारो एसो’ त्ति कहियं वेज्जेहि राइणो। एसा एत्थ अणत्थकारिणी माराविया राइणा दुस्खमारेण। उववण्णा एगम्मि दुग्गयमाहणघरे दुहियत्ताए। दिण्णा समाणविहव-बंधणतणयस्स। पत्ता तम्मि चैव दिणे दंडत्तणं। संजायगरुया जाया तावसी। तुमं पि विसवियारेण मरिऊण तम्मि चैव गामे मेहरसुओ जाओ। पत्तजोव्वणो दिट्ठो तीए तावसीए। दूमिया माणसे। मारणोवायमलहंतीए कओ तुह—घरिणीए सह मेत्तीभावो। भणिया य सा तीए—“अत्थि मह समीवे कम्मणं जेण जहा-भणयं करेइ भत्ती।” तीए भणियं—“भयवइ काऊण अणुगहं देहि मे थोवयं।” दिण्णं तीए। विसं पउत्तं तुह घरिणीए। खिज्जिऊण तेण मज्झिमगुणजोगओ मरिऊण समुप्पण्णो तुमं दुग्गदेवो। सा वि तावसी अण्णाण-तवं काऊण मया समाणी समुप्पण्णा वंतरी। दिट्ठो तुमं सामाइयत्थो। दूमिया चित्ते दुग्गइ--पाडणत्थं पलीवणाइविग्घसंपायणेण सामाइयाओ चालिउमारद्धो। अहं न संचालिओ ताहे रमणीरूव-दंसणेण खोभेउमारद्धो। तेण वि न खुद्धो ताहे विलक्खमावण्णाए मारणत्थं कूवे पक्खित्ती। गुणाणुरागिणीए पवयणदेवयाए कडिडओ कूवाओ सट्ठाणे मुक्को अ। धाडिया सा खुद्वाणमंतरी। दुग्ग-

देवेण भणियं—“किमज्ज वि विग्घं भविस्सइ ?” भगवया भणियं—“पडिह्यपहावा संपयं सा ।” एयं सोऊण सवेगमाव-
ण्णा परिसा जहारिहं काऊण धम्मपडिवात्ति गया सट्ठाणं । दुग्गदेवो वि सयलसहा-समक्खं उववूहिओ गुरुहि, कयत्थ-
मत्ताणयं मण्णतो वदिऊण सपरिवारं गुरुपायपंकयं गओ नियमंदिरं । पवड्ढमाणसुहपरिणामो परिपालिऊण जहागहिय
सामाइयमिक्खावयं मरिऊण समाहिमरणेण समुप्पण्णो सणकुमारकप्पे उक्कोस-ठिई सुरवरो । तओ चूओ निव्वाणं
गमिस्सइ । ता भो देवाणुप्पिया ।

जो निच्चलचित्तेण अंतमुहूत्तं पि कुणइ सामाइयं । सो पावेइ परममुहं इह लोगे तह्य परलोगे । ५५३ ।
सामाइए पउसं कुणति न कुणति अण्णो चेव । काऊण विराहं चिय दो वि भवा निष्कला ताण । ५५४ ।
पढमं सिक्खावयं ।

बीयं सिक्खावयं नाम जं दिसिवयगहियस्स दिसापरिणामस्स पइदिवमं पइ-पहरं थोव-थोवतरावगासे ठावणं
एयं पि देसावगासियं । उवलक्खणमेयं । तेण सव्वेसु वि थूलपाणाइवायविरइपभिई सुपच्चक्खाणे सु निच्चमेव थोव-
थोवतरागे अवगासे ठावणं । एवं देसावगासियं भण्णइ । संपयं एयस्स चेव आराहगविराहगा भण्णति ॥

अत्थि एत्थेव जंबुद्वीवे अवरविदेहे खेत्ते धणवइसमविभववहुजणकयसंवासं परचक्काणक्कंतपायास्परिवेदियं
पुरंदरंपुरसंकासं संकासं नाम नयरं । तम्मि य कुरुदत्तकुरुदेवाभिहाणा सहोयरा दो वि वणियदारया परिवसंति । संते
वि पुव्वपुरिसज्जिए दविणजाए जं जं परस्स पेच्छइ तं तं अप्पणो वि अहिलसइ कुरुदत्तो । कुरुदेवो पुण नियविह्व-
संतुट्ठो कालं गमेइ ।

अण्णया समागओ पाहुणगो महिदपालो नाम ताण मामगो । कया ण्हाण-भोयणाइया पडिवत्ती । विमिट्ठ
संकहाए बोलीणो वासरो । समागया रयणी । सपरिवारा समं जणणीए निसण्णा भहिदपालसमीवे कुरुदत्तकुरुदेवा ।
समाठत्ता गोट्ठी । पेच्छा पेच्छंताणं चेव विज्जुज्जोओ व्व विट्ठनट्ठो जाओ महिदपालो । संखुद्धो सव्वो वि सयण-
वग्गो । लग्गो इओ तओ निरुविउं । अदिस्समाणे तम्मि पयट्ठो अक्कंदो । खणतरेण पयडिओ तेण अप्पा । हरिस-
विसायगब्भिणं तं पलोइउं पवत्ता कुरुदत्ताइणो । ईसि हसिऊण जंपियं महिदपालेण—“वच्छा ! अलं संभमेण ?”
कुरुदत्तेण भणियं—“माउलग ! को एस वड्यरो ?” तेण भणियं—“सुणसु । कयाइ वाणिज्जेण गओ हं उज्जेणीए ।
कय विक्कयं कुणतो ठिओ मासतियं, जाओ इट्ठायारो सह जोगिएण । उवयरिओ सो मए निच्चं दाण-विणएहि ।

अण्णम्मि दिणे पसण्णमाणसेण भणियं तेण—“भो महिदपाल ! रंजिओ हं तुह विणएण जोग्गो य तुमं ।
अत्थि य मे भयवया खंददेवजोईसरेण दिण्णं दंडरयणं । इमिष्ठा करगएण देवावि न पस्संति किमंग पुण चक्खुणो । ता
तुमं गिण्ह एयं दंडरयणं विज्जा समज्जियं ।” मए भणियं—“जं भयवं आणवेइ ” ति गहियं । तप्पभावेणं पओयण-
वसेण अदिस्सो हं हवामि ।” कुरुदत्तेण भणियं—“माउल ! देहि मे एयं दंडरयणं ।” तेण भणियं—“एयं रयाणि मसाणे
मंतजावो कायव्वो । सत्तभवलंविऊण उवसग्गा सह्येव्वा । तओ सिज्जइ सा दंड-विज्जा । सिद्धाए वि संतुट्ठमाणसेहि
गहियनियमविसेसेसु दढव्वएहि होयव्वं । अण्णहा अणत्थो । ‘जं भणसि तं सव्वं समापरिस्सामि ।’ दिण्णा विज्जा ।
गहिया कुरुदत्तेण । महिदपालेण भणिओ कुरुदेवो—“वच्छ ! तुमं पि गिण्हाहि ।” तेण भणियं—“न मे कज्जं कोउगेहि ।”
काऊण बलिविहाणं, अत्थमिए दिणयरे, विर्यभिए तमंधयारे, किलिकिलियासु डाइणीसु, मसाणमज्जे परियडंतेसु निसायरेसु,
कण्णकडुयरं रडंतेसु घुयडेसु, घेतूण मंडल-पूओवगरणं, समं कुरुदत्तेण पत्तो मसाणं महिदपालो । आलिहियमणेण तत्थे-
गदसे मंडलं । निवेसिओ तत्थ कुरुदत्तो । जालिओ जलणो । भणिओ कुरुदत्तो—“गिण्हाहि एयं अट्ठोत्तरसयं गुडियाणं ।
आउलमाणसो मंतं जविऊण एत्थेक्कं जलणे पक्खिवाहि । अट्ठोत्तरिभवेलाए निहरिस्सइ अग्गिकुंडाओ एगा कण्णगा ।
सहत्थेण दंडरयणं समप्पिस्सइ । पारद्धो मंतजावो । कुरुदत्तेण सहिया धरणिक्कपादओ उवसग्गा । मंते जविज्जंते
दिट्ठा अग्गिकुंडाओ नियगरय-नियंब-पम्भार-बहण-किलंतोरु-जुयल-मंधरगमणा, अहिणवुब्भिण्ण-कठिणथण-रायंत-वच्छ-
त्थला, पडिपुण्ण-पुण्णिमायंद-संपुण्ण-वयण-कमला, नीलुप्पलदल-विसाल-सरल-सिणिद्ध-पम्हल-चासलोयणा, पारिषाय

पमुह-सुरतरु-कुसुमुक्केर-खरकरद्विय-केसपासमुव्वहंती, तत्ततवणिज्जवण्णा, पवण-विट्ठय-वसण-पयडियमूरुजुयलं वारंवारं पलोयंती, एग़ा जक्ख-कण्णया । अहो ! मंतस्स सामत्थं ति चित्तयंतो भणिओ कुरुदत्तो तीए—“वच्छ ! जं निमित्तं तए हमारुहिया गिण्हाहि तमेयं दंडरयणं ।” ‘जं भयवई समाणवेइ’ भणिऊण पणमियं तीए चलणजुयलं । गहियं कुरुदत्तेण दंडरयणं । अदंसणं गया देवया । रयणिविरामे समागया ते सभवणं ।

कइवयदिणावसाणे गओ सनगरं महिदपालो । कुरुदत्त-कुरुदेवेहिं वि पडिवण्णा समासारसूरि समीवे देस-विरई देसावगासिए । मुक्कं पइदिणं चउसु वि दिसासु जोयण-दसगं ।

अण्णम्मि दिणे रयणीए दोहि वि पच्चवखाणं कुणंतेहिं गहियं देसावगासियं—“सूरुग्गमं जाव न अम्हेहिं घर-वरंडयाओ वाहिं नीहरियव्वं ।” कयपओस-कायव्वा धम्मजागरणेण जग्गिऊण दो वि पढमपहरं सुत्ता घरोवरि-भूमिगाए । तइयपहरे सरीरचित्ताए उट्ठिओ कुरुदेवो । मुण्णं चैव पेच्छइ कुरुदत्त-सयणीयं । संखुद्ध-चित्तेण जहागहियं—देसाव-गासिय-मज्जे निरुविओ । न दिट्ठो । पुणो वि सुत्तो कुरुदेवो । बोलीणा रयणी । पयडीहुओ भाणु-सारही । वासियं तंबचूडेण । उट्ठिओ कुरुदेवो । दिट्ठो निव्वभरनिहाए सुयंतो इयरो ।” हंत ! किमेयं ? पुंवि न दिट्ठो, संपयं दीसइ । भग्गं भविस्सइ इमिणा देसावगासियं । भवउ मुनिरुवियं करेमि । बीयदिणे वि रयणीए तहेव कयं पच्चवखाणं । दो वि नियसयणिज्जेसु सुत्ता । समागया निद्दा कुरुदत्तस्स । जागरमाणो ठिओ कुरुदेवो । संजाया दोवहरी । उट्ठिओ कुरुदत्तो । गहिऊण ऊसीसाओ दंडरयणं गओ अदंसणं । चउत्थे जामे पुणो वि समागओ । मोत्तूण सट्ठाणे दंडरयणं पुणो वि सुत्तो । विउद्धो समाणो चोइओ धम्मियचोयणाहिं । न पडिवज्जइ नियदोसे । मोणमासिओ कुरुदेवो ।

अण्णम्मि दिणे रयणीए देसावगासियं गिण्हंतो वारिओ कुरुदेवेण—“अलं ते देसावगासिएण पालणं गुणकरणं, न उण गहणं—“गहिऊण पइदिणं जं भज्जइ कि तेण गहिएण ?

कुरुदत्तेण भणियं—“अरे ! अप्पाणं चित्तेहिं किं ते परचित्तेण ?” ‘एवं’ति पडिवज्जिऊण मोणमासिओ कुरुदेवो ।

अण्णम्मि दिणे, ‘मए सूरुग्गमं जाव कुट्टिमतलाओ उवयरिव्वं ति काऊण देसावगासियं सुत्तो । समागया निद्दा । एत्थंतरे हम्मियतलाओ हेट्ठओ होऊण पोक्कारियंत[ज]क्खणीए—“भो कुरुदत्त ! गिण्हाहि तिणिण वि दोणार-सहस्से । पच्छिमपहरे मे पयाणयं भविस्सए ।” एयं सोऊण निद्दावसधुम्मंतलोयणो चउत्थकसायवसओ ‘थिरो भवउ’ भणमाणो उत्थिओ कुरुदत्तो । परामुट्ठं ऊसीसदेसे मुक्कं दंडरयणं । न दिट्ठं तं पुणं । भट्टपइण्णो पावकम्मकारी एसो ति मण्णमाणीए तीए चैव जक्खकण्णयाए अवहरियं । तओ तुरियं पहाविओ तमंघयारत्तणओ रयणीए अविण्णाय-मग्गो, उम्मग्गेण गच्छंतो, पडिओ उवरिमतलाओ । विमुक्को जीविएण । कयमयकिच्चो सविसेसं धम्माणुट्ठाणं कुणंतो कालं गमेइ कुरुदेवो ।

अण्णया समागओ तत्थ विमलचंदो नाम केवली । निग्गया वंदणवडियाए नागरया कुरुदेवो य । केवलिणा कया धम्मदेसणा । पयडिओ सुहासुहकम्मपरिणामो । निदिद्या विसया पसंसियं सिद्धिसुहं । छिण्णा अणेगे संसया । तओ लद्धावसरेण पुच्छिओ केवली कुरुदेवेण—“भयवं ! कीहं कुरुदत्तो उववण्णो ? को वा पुव्वभवे आसि ? कइया वा सिज्जिही ?” केवलिणा भणियं—“पढम पुढवीए नेरइयत्ताए उववण्णो । पुव्वभवे पुण इहेव भारहे खेत्ते कुरुजणवए हत्थिणाउरं नाम नयरं । तम्मि दालिहकंदलीकंदओ चंडदेवो नाम माहणो । गोरो से भारिया । पिगलो पुत्तो । पत्त-जोव्वणो इत्थीवसणेण द्यवसणेण अभिभूओ चोरियं काउमारद्धो । दिवा मायापओमेण वंभणवेसं काऊण मुद्धजणाओ दक्खिणं गिण्हइ । परदारगमणाईहिं कुकम्मेहिं रयणी निग्गमेइ । अण्णया जणविस्सासणत्थं गहियं पिगलेण भिक्खूण वयं । असंकणिज्जो लोयाण चोरियं काऊण विणासेइ दविणजायं । मिलिओ अण्णया पिगलो अरिहभइभिकखुस्स विणयआराहिएण तेण मरणसमए दिण्णा पिगलस्स नहगामिणी विज्जा वसीकरणमंतो य । भणिओ य गुरुणा—“वच्छ ! पिगल, कीहं पि महावसणागमे धम्मपओयणेण एयाओ पउंजियव्वाओ, न उण असार-विसयसुहमाहणत्थं” ति । पिग-

लेण भणियं—“जं भयवं समाणवेइ ।” ठाणे विज्जाविणिओणेण कयत्थमत्ताणयं मण्णमाणो समाहाणेण मओ अरिहभट्ठो । पिगलणो गुरुकम्मआए लंघिऊण गुरुवयणं, बाहिऊण लोयववहारं, अगणिऊण भिक्खुसमायारं, विसयसुहसाहणत्थं विज्जाओ पउंजिउमारद्धो । वसीकरणमतसामत्थेण समागच्छंति इच्छियरमणीओ । सो वि दुज्जया मोहस्स, अहिलसणीययाए विसयाणं, वियारकुलहरयाए जोव्वणस्स, अणवेक्खिऊण नियभूमियं, अषालोइ [उ] कज्जाकज्जं, अकज्जं ताहिं समं काऊमारद्धो । रयणीए जो चोरियं करेइ कहं वि को वि जाणइ तो न्हंगणे न्हंगामिणिविज्जासामत्थेण गच्छइ । दिवसओ धम्मियज्जायारदंसणेण मुद्धजणं विप्पयारेइ ।

अण्णम्मि दिणे पभायसमाए गंतूण निसण्णो तलायपालीए । वसीकरणमतसुमरणचलंतोत्ठसंपुडो, कप्पूर-कत्थरिय-कयंगरागनिस्सरंतपरमपरिमलवासियदियंतरो जाव चिट्ठइ खणंतरे, ताव समंतओ वेढिओ जलनिमित्तमागयाहिं, ससिगारवयणपयडियकामवियाराहिं, कपंताहरलूसंतकडिल्लनीवीहिं, संभमुम्भंतलोयणाहिं, मयणवसविसंतुलखलंतमहुरवयणाहिं, नयरतरुणीहिं । सपरिहासं जंपियमिमाहिं—“भयवं ! कीस तुमं तरुणगो चेव संसारसुहसंदोहसारभूयं, जम्मंतरे वि तवसिजणेण पत्थणिज्जं, हरिहरपियामहपमुहृतियसविसर-सेवियं विसयसुहमुज्झिऊण दोहग्गदूमियदुद्धज्जाइसेवणिज्जं पव्वज्जं पव्वणोसि ?” सोऊण कामकदलीकंदकप्पाणि ताण वयणाणि परिहासमग्गिभणं चेव जंपियं पिगलेण—“भोईओ पिययमापरिभवो चेव पव्वज्जाए कारणं ।” ताहिं भणियं—“अहण्णा सा वराई । अजोग्गातुह चलणाराहणस्स ? अलं तीए पावाए । आणानिद्वेसकारी एस ते जणो निस्सकं वावारेयव्वो भवया सयलकज्जेसु ।” ईसि हसिऊण जंपियं पिगलेण—“एवं भवउ ।” एत्थंतरे नियपओयणवसागएण दंडवासिएण दिट्ठो रयणीहिं सह सरागमुल्लवंतो वेसविरुद्धायारो । ‘एस न सोहणो’ त्ति संपहारिऊण गओ तलवरो । कहिओ तेण अमच्चस्स जहा—“रत्तवडवेसधारी महाभुयंगमसमायारो तुम्ह पुरे एगो पुरिसो परिवसइ । अमच्चेण भणियं—“गाढं विमाणिऊण भारेह ।

अण्णम्मि दिणे अणायारकारि त्ति मुक्को विज्जाहिं पिगलो । गहिओ दंडवासिएण विडंबिऊण विविह-विडंबणाहिं नीओ मसाणं । समारोत्रिओ सूलीए । कंठगयपाणो दिट्ठो साहुसंघाडएण । कया धम्मदेसणा । दिण्णा महु-मज्ज-मंस-पंचुवरिपभिई नियमा । कहियं देवगुरुत्तं । दिण्णो पंचपरमेट्ठी नवकारो । मरिऊण तप्पभावेण समुप्पण्णो ते जेट्ठभाया कुरुदत्तो पुव्वभववासणावसेण मायावी, अत्थलोत्तुओ, परदारभिलासी, दुग्गइपुरपाहुडं । पाविऊण माउलगाओ दंडरयणं तुह रंजणत्थं मायाए काऊण देसावगासियं, दंडमाहप्पेण अदिसमाणमुत्ती, रयणीए भंजिऊण वीयं सिक्खावयं, परदारसु अभिरमइ चोरियं च करेइ । एवं च तेण वद्धं घणचिक्कणं कम्मं । मालाओ निवडणेण मरणं तुज्ज वि पच्चक्खं चेव । नरयाओ उव्वट्ठो भमिऊण वीहसंसारं चिरेण परमपयसाहगो भविस्सइ”त्ति । एवं सोऊण संजाओ कुरुदेवस्स भव-निव्वेओ । वंदिऊण केवली समागओ नियमंदिरं । सविसेसाणुत्ठाणं कुणमाणो, निरइयारं देसविरुद्धवयं पालिऊण कयसरीरसंलेहणो, अणसणविहिणा चइऊण पूइ-कडेवरं, समुप्पण्णो सणकुमारो देवकुमारो । तओ चुओ महाविदेहे रायंसिंरिं भोत्तूण विहिविहियपव्वज्जो खीणकम्मंसो वि सिद्धि-सुहभायणं भविस्सइ ।

देसावगासियमिणं काऊण न पालयंति जे पुरिसा । ते वह-बंधण-ताडण-मरणाइं इहेव पाविति ॥५५५॥

परलोए नरयगई-तिरियगई वा वि दारुणा तेसि । भट्टपइण्णाण तओ दुलहा सद्धम्म-संपत्ती ॥५५६॥

देसावगासियरया जे पुरिसा ताण सोमई सुलहा । इह लोणे वि पसंसा पडिवण्णं पालयंताण ॥५५७॥

वीयं सिक्खावयं—

तइयं सिक्खावयं पुण पोसहोववासो, सो पुण चउव्विहो—आहारपोसहो, सरीरसक्कारपोसहो, बंधचेरपोसहो, अवावारपोसहो य । अट्ठमिचाउट्ठि-उट्ठि-पुण्णमासिणी ससमयप्रसिद्धासु पुण्णतीहिंसु सव्वओ देसओ वा कीरए । तत्थ स[व्व]ओ अहोरत्तं जाव असणाइचउव्विहाहारपुरिवज्जणं सव्वहाण्णुव्वट्टुणाइसरीरसक्कारपरिहारो । बंधचेरपोसहो अहोरत्तं जाव सव्वहा बंधचेरपरिपालणं । अवावारपोसहो-अहोरत्तं सावज्जवावारपरिहाररुव्वो । देसओ पुण

उक्वासेण वा पाणगाहारवज्जेण आयंबिलेण वा निव्विएण वा जाव विगईसंखेवेण वा । सरीरसक्कारपोसहो ण्हाणुव-
ट्टणाइअण्णयरपरिहारेण वि भवइ । देसओ बंभचेरपोसहो वि दिवसे वा राओ वा कयपरिमाणस्स वा बंभचेर-
परिपालितस्स देसओ हवइ । एगयरसावज्जजोगपरिहारेण अब्बावारपोसहो देसओ हवइ । पडिवज्जिऊण पोसहं जहा
निसंसंगया जायइ कसायहाणी य तथातहा पयट्टियव्वं । संपयं पोसहस्स आराहग-विआहागादसिज्जति—

अत्थि इहेव जंबुद्दीवे दीवे भारहे वासे अमरावइपडिच्छंद-भूया, पइभवण-समूसियाणेगकोडि-पडागा, निच्चुसवाणंद-
पमुइय-जण-देव-भवण-पयट्ट-वेच्छणय-नच्चंत-नट्टियाखित्त-जुवमणा, जिणमंदिरपर[म] मज्जवज्जंत-भेरी-भंकार-भरिय-
भुवणोदरा, परचक्काणककंतसाला विसाला नाम नयरी । तम्मिय पुरिसदत्त-करेणुदत्ताभिहाणा सम्मदिट्ठिमिच्छदिट्ठणो
दोण्णि सेट्ठिणो परिवसंति । अत्थि ताण परोप्परं संगयं एग-चित्तया य संसारिय-कज्जेसु, न उण धम्मपओयणेषु ।

अण्णया समागओ तत्थ जयभूसणो नाम सूरी । ठिओ पुरिसदत्तसेट्ठि-संतिए घरज्जाणे । समागया वंदणवडियाए
लोया । पुरिसदत्तसेट्ठी वि समं करेणुदत्तेण । वंदिओ तिपयाहिणापुरस्सरं । निसण्णा जहा ठाणं परिसा । पारद्धा
भगवया सजलहरगंभीरसरेण धम्मदेसणा । जहा—

धम्माओ धणं विउलं धम्माओ चेंव कामसंपत्ती । धम्माओ निम्मला कित्ती [धम्माओ संग-सुह-मुत्ती] । ५५८ ।
किसिकरणं सायर-लंघणं च देसंतरेसु परिभमणं । कयधम्माणं फलयं विवरीयं अकय-पुण्णाण । ५५९ ।

एमाइ धम्मदेसणं काऊण ठिया आयरिया । पडिवण्णा पुरिसदत्तकरेणु[दत्ते]हि देसविरई—“तइयसिक्खावए
अट्ठमि-पमुह-पुण्णतिहीसु कायव्वो पडिपुण्णो पोसहो एस नियमो । उववूहियसूरीहि—धण्णा तुंभे जओ अउण्णाण
न देसविरइ-परिणामो विर्यंभइ । जओ—

सम्मा पलिय-पुहुत्तेऽवगए कम्माण भावओ होति । वय-पभिईण भवणव-तरंड-तुल्लाणि नियमेण ॥५६०॥
धण्णो च्चियपडिवज्जइ विरइं पालेइ धण्णओ चेंव । परिपालियविरई पुण भवे भवे लहइ कल्लाणं ॥५६१॥
सव्वम्मि चेंव कज्जे पयट्टमाणेण बुद्धिमंतेण । नियमा निरुवियव्वो सुहासुहो वत्थुपरिणामो ॥५६२॥
अण्हिविध-परिणाम सहसच्चिय जे तरा पयट्टंति । न हु ताण कज्जसिद्धी अह होइ न सुंदरा होइ ॥५६३॥
सयण-कुडुंबय-कज्जे पावं जो कुणइ मोहिओ संतो । सो भुंजइ तस्स फलं सेसजणा भक्खगा चेंव ॥५६४॥
आसण्ण-सिद्धियाणं उत्तम-पुरिसाण धम्मवंताण । परिणामसुहे सुद्धे धम्मे च्चिय आयरो होइ ॥५६५॥

एवं विसेसेणं कया सूरोहि धम्मदेसणा । ते वि कयत्थमत्ताणयं मण्णमाणा वंदिऊण आयरियं गया सट्ठाणं ।
जहागहिय-धम्माणुट्ठाणं कुणंताण वच्चंति वासरा ।

कयाइ एगत्यमिलएहि धम्मत्थ-कामवियारं कुणंतेहि भणियं परोप्परं पुरिसदत्त-करेणुदत्तेहि—“पहाणो पुरिसत्थेषु
मज्जे धम्मत्थो । सो पुण अणाउल-चित्तेहि चेंव काउं तीरइ । अणाउलत्तणं च चित्तस्स कडुंब-सत्थत्ते । सत्थत्तणं च
अत्थनिओएण । अत्थनिओओ महाववसाय-सज्जो । अओ किंपि ववसायं काऊण किज्जइ अत्थोवज्जणं । पच्छा पुत्तं
ठाविय कुडुंबभारे सुसावय-जणोचिओ धम्मत्थो चेंव सेविज्जइ ।” ‘जुत्तमेयं’ ति दोहिं वि परिभाविय पारद्धा देसंतर-
गमण-सामग्गी । गहियं भूरिभंडं । चलिया पसत्थवासरे उत्तराभिमुहं । अणवरय-पयाणेहि वच्चंता पत्ता पंचउराभिहाणं
पट्टणं । आवासिया तत्थ नयरबाहिरियाए । मुक्का चरणत्थं गोणजुवाणया । पुंजीकयाओ अवल्लाओ । पारद्धा रंधण-
सामग्गी । मज्जिउमारद्धा पुरिसदत्त-करेणुदत्ता । एत्थंतरे साससमाउरिज्जमाणमुहकुहरा, वारं-वारं पच्छाहुत्त-पउत्त-
भय-संभंत-तरलतारलोयणा, जराजिण्ण-संकिण्ण-दंडी-खंड-नियंसणा, उद्दाम-नहर-नियर-विलिहियंगुवंगा, अणवरयसेडिया-
घसण-धवल-पाणिणो, अणुमग्ग-लग्गा, हक्कंत-जुईयार-चंड-सद्द-सवण-संखुद्धमाणसा, कह कह वि नासग्ग-विलग्ग-जीविया,
‘नमो अरिहंताणं’ ति अणमाणा दोण्णि सावयसुया पुरिसदत्त-करेणुदत्ताण सरणमल्लीणा । नवकार-सवण-संजाय-साह-
म्मियाणुराएहि भणियं तेहि—“भदे ! नो भाइयव्वं”ति । भणिया नियपुरिसा—“खलेह इमे पच्छाणलग्गे पुरिसे ।”

तद्देष कयं पुरिसेहि । पच्छा पुच्छाविया ते सेट्ठीहि—“किमेहि विणासियं ?” तेहि भणियं—“दसदीणार-सहस्साणि हारिकुण मगिज्जंता “अज्जं दलयामो कल्लं देमो” इच्चाइवयणवित्थरेण ठिया कइवयदिणाणि । अज्ज पुण परिकुविएण भणियं, सहिएण—“अलं कालविलंबेण । दीणारे वा अज्जं देंतु पाणे वा ।” सहियवयण-सवण-संजाय-मरण-भया नासिकुण एत्थंतं [प]विट्ठा । ता समप्येह एए जइ भे [हव]इ कल्लाणेण कज्जं ।” तओ साहम्मिय-वच्छलं गुणकरं ति मण्णमाणेहि दिण्णा दसवि दीणारसहस्सा जूइयराण पुरिसदत्त-करेणुदत्तेहि । गया जूइयरा । इयरे य अप्पणा सद्धि मज्जाविया भोयाविया य दो वि ते सावय-सुया । विदिण्ण-वत्थ-जुयला मुहासणत्था पुच्छिया पुरिसदत्तेण”—“का जाई, कि कुलं, अलंकरियमज्जेहि ?” भणियमाणेहि—

पणट्ठील-समायाराणं नियकुल-कलंक-भूयाण । जाइ-कुसुम-किमियाणं व किं कुणउ जाइ अम्हाण ॥५६६॥

“तह वि तुम्ह साहिज्जइ ।” बाहाजल-भरियलोयणेहि खलंतक्खरं जंपियं अणेहि—“अज्ज । वाणियगकुलसंभूया कम्मेण चंडाला, सावयकुलफंसणा, उभयलोग-विरुद्धसेविणो, विस-पायव व्व अवयार-निमित्तं वडिदया जणणि-जणयाण सेसलोयाण, धवल-विमलाभिहाणा परममम्मदिट्ठ-सेट्ठि अंगया । वारिज्जंता वि ताएण किलिट्ठ-कम्मोदएण अंगीकय-जूय-वेस-वसणा विविहोवाएहि घररित्थं विणासिउमादत्ता । सासंति जणणि-जणयाणि । वियरंति धम्मोदएसं साहुणो वि । लक्खारागो व्व कप्पासे न लग्गइ अम्हाण माणसे उवएसो । तओ पिउप्पमुहाणि इमिणा चैव दुक्खेण सुमिरण-सेसाणि जायाणि । जओ—

सयल-जण-नयण-कडुयं नित्थामं दिट्ठिवायपठभट्ठ । नियतणयं धूमं पेच्छिऊण छारं गओ जणो ॥५६७॥

तहा वि न विरमइ अम्हाण इमं वसणं । हट्ठ-घर-विहारा वि [हारावि]या । दिसो दिसं गओ परियणो । अम्हे पुण सुण्णदेउलेसु वसामो । परममुणि व्व कयाइ छट्ठाओ कयाइ अट्ठमाओ भुंजामो तह वि वसणं न मुयामो । कि बहुणा सच्चवियमम्मेहि वयणमेयं—

नह घट्टा कर पंडुरा, सज्जण दूरी हूय । सुण्णा देउलसेवियइ, तुज्ज पसायइ जूय ! ॥५६८॥

एवं अप्पाणं विडंबयंताण बोलीणो कोइ कालो । अण्णदिणे साहसमवलंविऊण सहिय-समक्खं दोहि वि उड्डियं दीणारदससहस्साण सहिएण भणियं—“परिचयह एयं । जइ दीणारा न देह तो भे जीयं मिण्हामि ।” पडिवण्णमम्हेहि । रमाविया हारियं च । धराविया सहिएण । मगिया “देमो ति एवं भणंतेहि गमिया कइवि वासरा । अज्ज पुण पणट्ठ-धण-धण्णाणेण माराविउमारद्धा । लद्धंतरा नासिकुण तुम्ह सरणमागया ।” पुरिसदत्तेण भणियं—“सोहणं कयं । संपयं कि कायव्वं ?” तेहि भणियं—“जं भणह ।” पुरिसदत्तेण भणियं—“परिचयह एयं इहलोगे वि सयलाणत्थनिबंधणं परलोए दुग्गइकारणं वसणं ।” तेहि भणियं—“परिचत्तमेव ।” तओ एगो अत्तणा संगहिओ । वीओ करेणुदत्तस्स समप्पिओ । वीयदियहे दिण्णं पयाणयं । सुहं-सुहेण पवहिऊण परिमिय-वासरेहि पत्ता कुबेरदिसावहूभाल-तिलय-तुल्लं कुबेरसुदरं नाम नयरं । ठिया तत्थ । संचालिओ ववहारो । विद्धत्तं भूरि-दविण-जायं । गहियं पडिभंडं । कया आगमण-सामग्गी । कुस-लेण समागया सट्ठाणं । कयं वद्धावणयं । मिलिया सुहिसयण-वग्गा । सम्माणिया पुफ्तंबोलाईहि । गहिऊण पहाण-पाहुडं दिट्ठो राया पुरिसदत्त-करेणुदत्तेहि । विणत्तो लद्धावसरेहि—“देव ! निय-दन्ववएण धम्मठाणं किं पि करिस्सामो भूमिखंड-पयाणेण पसायं करेउ महाराओ ।” निउत्तो मंती राइणा । दंसिया तेण नयर-मज्जे । पसत्थवासरे, समाहूया सुत्तहारा । पारद्धं परिणय-जलदलाइणा कम्मकरपच्चासण्णजणमपीडभयं तेहि कम्मंतरे । दिज्जइ भणियसमहियं वित्थियगाण वेयणं । विच्चयंति अद्धमद्वेण दविणजायं पुरिसदत्त-करेणुदत्ता । करिंति कम्मंतरे चित्थं धवलविमला । थैव कालेण चैव निम्माया पोसह सा(ला) य केरिसी—

सुसिलिड्ड-जड्ड-कट्ठेहि रेहिरा सरल-सार-ब्रह्मभा । ठाण-ट्टाण निवेशियवरघोडुलजय-समाइण्णा ॥५६९॥
पवरोवरगसणाहा, निविड-कवाडा निवाय[गुण कलिया] विमल-विसाल-मणोहर-वर-मंडव-मंडिया रम्मा ॥५७०॥

रम्मत्तणओ जीए, पलोयणत्थं समाभया लोया । कोउगनिच्चलनयणा, सुर व्व सग्गाउ ओइण्णा ॥५७१॥
पवण-पहोनिर-सिहरग्ग[लग्ग]वरवेजयतिहत्थेहि । हक्कारइ व्व धम्मियलोयं जा धम्मकरणट्ठा ॥५७२॥

संपूइऊणवत्थाइणा सुत्तहारा विसज्जिया । समाहुओ नेमिस्सिओ । निरुविओ तेण पसत्थवासरो । उवक्ख-
डावियं तम्मि दिणे विउलं असण-याण-खाइम-साइमं । ठिया मुहासणे साहम्मिया । भोयाविया परमायरेण । निसण्णा
दिण्णासणेमु विउलमंडवत्थे । सम्माणिया ते पुप्फ-फल-तंबोलाइणा । निवेसिओ ताण समक्खं पुरिसदत्त-करेणुदत्तेहि
नियय-जेठपुत्ताण कुडुंबभारो । भणिया य तेहि पुत्ता—“न अम्हे सावज्ज-घर-कम्माणि कुणंतेहि पुच्छियव्वा । न या
वि अम्हनिमित्तं आहारपागो कायव्वो । पारणगे कुडुंबकए चैव उवक्खडावियं अम्हेहि भोत्तव्वं [ति]” भणिऊण सुहि-
सयण-सहिया महामहम्मवेण पविट्ठा पोसहसालं पुरिसदत्त-करेणुदत्ता । धवल-विमला पवइडमाणसुहु परिणामा, सज्जाय-
ज्ञाण-वावडा, पडिक्कमण-सामाइय-पोसहाइभावाणुट्ठाणपरिपालणपरायणा, चउत्थच्छट्ठट्ठमाइतव्वोक्कम्मं
काऊण पारणगदिणे पारावियपोसह-सामाइया, घरे गंतूण कुडुंबट्ठा कयं कय-साहुसविभागा आहारमाहरेति । पुणोवि
पोसहसालं गंतूण पडिक्कमियगमणा[गमणे] धम्मज्जाणरया वासरमइवाहिंति । एवं दट्ठूण ताण कुसलाणुट्ठाणं समाग-
च्छंति अण्णे सावया पोसहसालाए । कुणंति भूमिगाणुरूवं धम्माणुट्ठाणं । पज्जुवासिंति [जइ]जणं । सुणंति तयंतिए
सिद्धंतं । भाविति तयत्थं । कुणंति तयणुसारेण धम्मा[णु]ट्ठाणं । तं जहा—

नायागय-फामुय-एसणिज्ज-आहारवत्थ-पाएहि । ओसह-भेसज्जेहि, सेज्जासंथारएहि वा ॥५७३॥
रयहरण-पीढ-फत्तोहि काल-पत्तेहि कप्पणिज्जेहि । भत्तीए समणसंघं पडिजाभित्ताण जति दिणा ॥५७४॥
अह अण्णया कयाई, पव्व-दिणे पुण्णमासिणि तिहीए । कयसमवाया सव्वे पोसहसालं समणुपत्ता ॥५७५॥
कयसावज्ज-निसेहा, इरियावहियं पडिक्कमेऊणं । सुप्पडिलेहिय[सु]पमज्जिय-समुच्चिय-ठाणम्मि ठाऊण ॥५७६॥
एगे पढंति एगे गुणंति एगे सुणंति उ गुणंते । खणभंगुराइ-भावण-विभावणं तह कुणंतेगे ॥५७७॥
अण्णे कड-सामइया, अण्णे पडिपुण्ण-पोसहाभिरया । अण्णे कय-उस्सग्गा लग्गा परलोयमग्गम्मि ॥५७८॥
तरुणा गुणंति वर-पसरणाणि संवेगवुडिडजणगाणि । गडगडगडस्स गंभीरमज्झिमसद्धेण सम्मिलिया ॥५७९॥
पलियसिर-गलिय-दसणावलि-वलयपिणद्धकंपिर-सरीरा । निदाए दुलुदुलित्ता वुड्ढा ढालिति मणियालि ॥५८०॥
अइघट्टमट्ट-निम्मल-मंडवत्तल-भित्तिभाजसंकता । नज्जंति इह भवे च्चिय वुद्धा तरुणत्तणं पत्ता ॥५८१॥
नियभूमिगाणुरूवं, सव्वे काऊण धम्मणुट्ठाणं । मंडवत्तलम्मि मिलिया, वंदो वंदि अह कुणंति ॥५८२॥
गहियासणा निसण्णा, धम्मवियारं करेउमाढत्ता । गीयत्था मज्जत्था, अण्णोण-समागमे मुइया ॥५८३॥
तत्तत्थ-कय-वियारा, देवगुणुविकत्तणं करेऊण । साहुगुणे वणिणत्ता, भणिया वरदत्त-सइडेण ॥५८४॥
अइयारसत्थ-जज्जरिय-चरणपुरिसा निरंकुसा थद्धा । तुरय व्व तुरियचारी वत्थ-सरीरेसु सविभूसा ॥५८५॥
कलहकरा डमरकरा माइलना रोसिणो तिदंडिलना । साहु संपइ सावय को धम्मोताण को य तवो ? ॥५८६॥
साविज्जजोगविरमणुरूवं पडिवज्जिऊण सामणं । पच्छा विराहयंतस्स नत्थि धम्मो जइ-जणस्स ॥५८७॥
जं सक्कं तं कीरइ, सेसे जयणए कीरइ पवित्ती । सइहणेण विसुद्धो, सावगधम्मो धरइ एक्को ॥५८८॥
तओ—

रोसारुण-नयण-फुरफुरितओट्ठेण धवल-सइडेण । सोऊण इमं वयणं, वरइत्तो पुच्छिओ एव ॥५८९॥
रे ! परलोय परम्मुह ! दुम्मुह ! गुरुक्कम्म ! साहुपडिणीय ! जइ नत्थि साहुधम्मो, सावय-धम्मो क्हं होज्जा ॥५९०॥
मूलं विणा न डालं, डालेण विणा न हुंति साहाओ । साहं विणा न पुप्फं, पुप्फेण विणा फलं कत्तो ॥५९१॥
न विणा निर्गत्तेहि, तित्थं तित्थे [च्चिय][सा]वया हुंति । जइ नत्थि साहुधम्मो तित्थच्छेओ भवइ एव ॥५९२॥

किञ्च—

केवल-मणोहि-चोदस-दस-नव-पुर्वीर्हि विरहिए काले । चरणनिसेहमयाणुय करेसि कह पमड-वायाए । ५९३ ।
मुणिमच्छरानले[ण] सोमगइ सुहदारुदहणदच्छेण । मा मा पउट्टचित्तो, धम्माराभं पलीवेसु । ५९४ ।
अह गुरुकम्मणे ह्या, दोगइ पह-पंधिया महापावा । दीसंति तुह सरिच्छा, सुयकेवलिणा जओ भणियं । ५९५ ।
घोरपुरिसपरिहाणि, नाऊणं मंदधम्मिया केइ । हीलंति विहरमाणं, संविग्ग-जणं अदुद्धीया । ५९६ ।
रोसेण पडिनिवेसेण वा वि अकयण्णु मिच्छभावेण । संतगुणे छायंतो भासंति गुणे असंते वि । ५९७ ।
संतगुणनासणा खलु, परपरिवाओ य तेसिमलियं च । धम्मे य अवहुमाणो, साहुपओसे य संसारो । ५९८ ।
न तुमं जाणसि धम्मं, नयागमं ने य लोयववहारं । दोगइ पाडणहेउं, तुज्झ मुहं निम्मियं विहिणा । ५९९ ।
माणुसज्जमो सावणधम्मो साहम्मिएहि संजोगो । साहुपओसेण तए, झडत्ति सव्वं समुपकुसियं । ६०० ।
जओ—

तव-नियम-सुट्टियाइं सज्झाणज्झाण-वावड-मणाइं । विरलविरलाइं अज्ज वि, सुसाहु-रयणाइं दीसंति । ६०१ ।
निप्पिट्ट-पसिणवागरण-कडुय-वयणेहि दोच्छिए एवं । वरदत्तेणं भणियं, न तए अम्हेहि दिट्ठाइं । ६०२ ।
घवलेण तओ भणियं, दोसप्पिय-मित्तरिद्धि-दुहिण । जइ धूएण न दिट्ठो, ता किं न समुग्गओ सूरु ? । ६०३ ।
नासियतमंधयारो, निय-कर-निव्वविय-सयल-भुवणयलो । रत्तंधेण न दिट्ठो, ता किं न समुग्गओ चंदो ? । ६०४ ।
जइ कूव-इददुरेणं, कूवे जाएण वत्थिएण तहि । रयणायरो न दिट्ठो, ता किं सो नत्थि भुवणम्मि ? । ६०५ ।
जण-जणिय-विम्हयाइं, विचित्तभावाइं ताव विरलाइं । जइ न वि पेच्छइ अंधो, न संति किं ताइं भुवणम्मि ? ।
तित्थयरेणं भणियं, चरणं जा दूसमाए पज्जंतो । तं पुण निसेहमाणो, तत्तो विय समहिओ जाओ । ६०७ ।
भो ! भो ! सुणंतु सव्वे वि सावया ! साहुमच्छरी एसो । नियजूहाओ बज्झो, कीरइ जइ रोयए तुम्ह । ६०८ ।
जओ भणिय—

जो भणइ नत्थि धम्मो, न य सामइयं न चेव य वयाइ । सो समणसघ-उज्झो, कायव्वो समण-सघेण । ६०९ ।

पडिक्खणमेयं पुरिसदत्ताईहि भणिओ वरदत्तो—“अज्जप्पभिई न तए अम्ह सभाए मिलियव्वं” ति निद्धाडिओ ।
तओ तम्मि चेव दिणे विसूइयादोसेण मरिऊण साहु-पओस-संजणिय-किलिट्ठ-कम्मोदएण आसीविसो जाओ । तओ वि
दीहसंसारी दुल्लहबोहिओ जाओ । नत्थि साहु-धम्मो त्ति सोऊण वियारमेयं विपरिणओ धम्मम्मि करेणुदत्तो । थिरीकओ
पुरिसदत्ताईहि तहवि चंचलचित्तो चेव ।

अण्णया आसाढ-चाउम्मासए सव्वओ पोसहं काऊण असणाइपरिहारेण अब्बावारा ठिया छट्ठभत्तेणं । बोलीणो
चाउम्मासय-वासरो । समोणाढाए रयणीए किञ्चि विपरिणयं नाऊण करेणुदत्तं कुलदेवया जिण-धम्माओ भंसिउकामा एवं
भणिउमाढत्ता—“जइ न भंजेसि सीलवयाइं तो ते जेट्ठपुत्तं नवरं वहे काऊण दिसाबलि करेमि ।” एयं सुणिय
परिवडिय-समभावो कट्ठविट्ठरं गहाय तं पइ पहाविओ करेणुदत्तो । उवसंतो उवसणो तह वि घराभिमुहं पत्थिओ ।
वारिओ पुरिसदत्ताईहि मा पोसहं सव्वहा भंजेहि ।” तेण भणियं—“जइ साहुधम्मो नत्थि तत्थ केरिसो सावयाणं
पोसहो त्ति ?” अवगण्णिऊण ताण वयणं गओ सघरं । तेण चितियं—“जत्थ एवं विग्घाणि जायंति तेण पोसहेण न
किञ्चि मज्झ पओयणं ।” एवंविह परिणाम-परिणओ रयणीए तक्करेहि विणिवाइओ, मरिऊण समुप्पण्णो वंतरो । तओ
वि चुओ संसारं समणुपरियट्टिसइ । पुरिसदत्तो वि निरइयारं देसविरइं परिपालिऊण संपुण्ण-पोसहं, पव्वदिणेसु फासिऊण,
आराहिय-परलोगम्मणो, मरिऊण समुप्पण्णो ईसाणकप्पे सुरवरो । तओ चुओ कयपव्वज्जो सिद्धिसुहमणुभविरसइ ।
तओ य भवेसु वि सुहिया परिपालिय-पोसहा नरा ह्वंति । इयरो पुण भीम-भवोदहिम्मि दुक्खाइं पावेति । ६१० ।

तम्हा करेह निच्चं आहाराइम्मि पोसहो जुत्तो । जम्हा जिणेहिं भणिओ समणो इव पोसहे सड्ढो । ६११।
तइयं सिक्खावयं ॥

चउत्थं सिक्खावयं अतिहिंसविभागो जेण सव्वे वि हि पव्वमहूसवाइववहारा चत्ता सो अतिही । उक्तं च--

तिथि पर्वोत्सवाः सर्वे त्यक्ता येन महात्मना । अतिथिं तं विजानीयाच्छेषमभ्यागतं विदुः । ६१२।

सो य परमत्थओ जई तस्स अत्तट्ठाए संकप्पियाणं असण-पाण-खाइम-साइमाणं संविभजणं अतिहिंसविभागो भण्णइ । संपयं जेण अतिहिंसविभाग-वयं आराहियं जेण विराहियं एयं भण्णइ ।

अत्थेत्य भरहखेत्ते मज्झिमखंडम्मि सुयसिद्धम्मि । सुविभक्त-निय-त्रउककं आरामुज्जाण-रमणीयं । ६१३।

रमणीय-रुव-रमणीदंसणसंजणिय-तरुणरणरणयं । सव्वत्तो परिखित्तं अलंधपायारफरिहाहि । ६१४।

अब्भलिहवहुविह-पासायपरंपराए परियरियं । सक्कंदणपुरसरिसं सुपइट्ठं नाम वरनयरं । ६१५।

सयलकलागमकुसलो नियबंधवकुमुयसंडससिसरिसो । कमलदलदीहनयणो जणनयणाणंदणो सुहओ । ६१६।

पसरंतविमलकित्ती रायामच्चाण सम्मओ सरलो । परकज्जकरणनिरओ सेट्ठी नरवाहणो नाम । ६१७।

उत्तट्ठहरिणनयणा पुष्णिमयडिपुष्णचंदसमवयणा । उत्तत्तकणयवण्णा धण्णा नामेण से धरिणी । ६१८।

तीए सह विसयसुखं अणुहवमाणस्स सेट्ठिणो तस्स । देवकुमारसरिच्छा संजाया दारया दोष्णि । ६१९।

उच्चियसमाण अम्मा-पियरेहिं पयट्ठियाइं नामाइं । पढमस्स विस्ससेणो नहसेणो नाम बीयस्स । ६२०।

परिणीया तत्थेव य पुरम्मि सेट्ठीण पवरदुहियाओ । ताहि सह विसयसोखं भुजंताणं वयइ कालो । ६२१।

वच्चंतेसु दिणेषु खणभंगुरयाए जीवल्लोयस्स । कालेण कवल्लेसु अम्मापियरेसु ते दो वि । ६२२।

मयकिच्चं काऊणं धरकज्जाइं काउमारद्धा । अण्णोणसिणेहेणं वट्ठंति न अंतरं दिति । ६२३।

जं भणइ जेट्टुभाया सुक्किलयं कालयं च पइदियहं । अवियारितो संतो कुणइ कणिट्ठो तयं सव्वं । ६२४।

अण्णम्मि दिणे पभणइ नहसेणं पणइणी पयत्तेण । वियलंत-सकज्जल-नयण-सलिल-सामलिय-नंडयला । ६२५।

नाह कहिज्जउ मज्झं सच्चं सव्वेण साविओ तंसि । बंदी व बंधिऊणं किमप्पिया जेट्टुजायाए । ६२६।

खणभंगुरं असारं पंचदिणे जीवियं जइ इमं पि । नाह परेसि(?) पराभव-पराहयं ता धुवं नरओ । ६२७।

किं जंपिण बहुणा भवसु पुढो अहव मं विसज्जेसु । न हु कज्जं अण्णेणं एसो मह निच्चओ नाह । ६२८।

सुणिऊण तीए वयणं सामलवयणो खणेण संजाओ । नहसेणो हियएणं संरुट्ठो विस्ससेणस्स । ६२९।

भणिया य तेण सुंदरि पराभवो एस मज्झ न हु तुज्झ । जं भणह तं करिस्सं हवसु धिरा संपयं सुयणु । ६३०।

रयणीए तेण भणिओ रहम्मि जेट्ठो सहोयरो एवं । जइ हवइ सिणेहेणं निव्वेडो अम्ह ता ज्जइ । ६३१।

सोऊण इमं वयणं अस्सुयपुव्वं कणिट्ठभाउस्स । संकिर्यहियओ पुच्छइ विसेसओ विस्ससेणो तं । ६३२।

भण वच्च ! कस्स रुट्ठो केणव तुह वयण-खंडणा विहिया, सुमरामि न नियदोसं न य दोसकरो तुमं वच्च । ६३३।

सो आह न तुह दोसो दोसो मज्जेव सरलहिययस्स । जेण मए तं जेट्ठो तए वि धरिणी कया जेट्टा । ६३४।

एत्तियमेत्तं भणिओ भोणेण ठिओ न जंपए अण्णं । सो विणओ सा पीई सव्वं चिय एक्कासि मुक्कं । ६३५।

न गणंति पुव्वनेहं न य विणयं ने य लोय-ववहारं । न य सुकयं न य सयणं पुरिसा महिलाण आयत्ता । ६३६।

एवं भण्णइ चित्ताण ताण वच्चंति वासरा केइ । अण्णम्मि दिणे जुयगं मग्गिओ जेट्ठो कणिट्ठेण । ६३७।

एत्थंतरम्मि सहसा समाभओ हिट्ठमाणसो तुरियं । उज्जाणमओ पुरिसो पियंवओ नाम नामेण । ६३८।

तेण इमं पियवयणं कहियं नहसेण-विस्ससेणेण । तुम्हाणुज्जाणवरे दमसुंदरसूरिणो अज्जा । ६३९।

अह फासुए पएमे गिण्हियणुन्ना ओग्गहं समोसरिया । तस्स पयवंदणत्थं समागया पउरनागरया । ६४०।
 सुणिऊण वणमेयं हरिसवसमुल्लसियवहलरोमंचा । नहसेणविस्ससेणा वंदणवडियाए उच्चलिया । ६४१।
 आगमविहिणा गंतुं काउं तिपयाहिणं पयत्तेण । विणयेण वंदिऊणं समुचियठाणे निसण्णा य । ६४२।
 अह सरयजलहर-गंभीर-सरेण कण्ण-सुहएण । पारद्धा भव्वाणं धम्मकहा भगवया तेण । ६४३।
 अइ दुल्लहो मणुयभवो असार-संसार-सागर-गयाण-जीवाण । कम्मगुरुलहरिहीरमाणामण-वरयं । ७४४।
 कुगईण पउरभावइंदियतुरयाण दुइमणिओ । पउरत्तणओ पावोवएस-दाईण मित्ताण । ६४५।
 जइ कहं वि हु हरिज्जइ लद्धं पि हु न य फलं हवइ एवं । ता तह करेह जह होइ सफलयं धम्मकरणेण । ६४६।
 खरपवणाह्यधयवडतरल-सारुण्ण-रुव-लावण्णं । करिकलभकण्णचवलालच्छी खणभंगुरं सव्वं । ६४७।
 कज्जेण होइ सयणो विसंवयंतम्मि निययकज्जम्मि । ववहरइ दुज्जणो इव सो विय को तेसु पडिबंधो । ६४८।
 मुहमहुरा परिणयदाकणी य दीसंतसुंदरा चेव । किपाणफलसरिच्छा विसया को तेसु बहुमाणो । ६४९।
 अणवरयं धावंतो पट्टि नो मुयइ निग्घिणो मच्चू । पइदियहं देहघरं कवलइ जररक्खसी रुद्धा । ६५०।
 आरंभ-परिग्गह-संचियस्स पावस्स विरसपरिणामं । नाऊण कुणह भव्वा जिणधम्मं भूरि दुह-दलणं । ६५१।
 जिण-धम्मं मोत्तूणं दुग्गइ दुह-भीरुयाण न हु अण्णं । विज्जइ सारं सरणं भव्वाण भवनिब्बुडंताणं । ६५२।
 उज्जमह मा विसीयह दुलहं लहिऊण माणुसं जम्मं । जिणइंद भणियधम्मं सासयसिव-सोक्ख-हेउम्मि । ६५३।
 सावज्जजोगवज्जणरूवं सोऊण सूरिणो वयणं । सयलपरिसाए विहिया जहारिहं धम्मपडिवत्ती । ६५४।
 नहसेणविस्ससेणेहिं भत्तिरोमंच चच्चियंगेहिं । गिह-धम्मसारभूया पडिवण्णा देसविरइ त्ति । ६५५।
 तिहि-पव्वपारणेसुं काऊणं संविभाणमतिहीणं । भोत्तव्वं जा-जीवं सविसेसं कारणं मोत्तुं । ६५६।
 गहिऊण देसविरइ वंदियसूरि समागया गेहं । नहसेण-विस्ससेणा हरिसियहियया सुधम्मणेण । ६५७।
 अण्णम्मि दिणे भणिओ नहसेणो गेहिणीए एगंते । पडिवण्णं पालिज्जउ विज्जूयएहिं हविज्जऊ नाह । ६५८।
 एवं तु भण्णमाणो पइदियहं पणइणीए नहसेणो । जाओ भाउयभिण्णो कण्णविसं जं महंतविसं । ६५९।
 अण्णम्मि दिणे जेट्ठो कणिट्ठगेहं गओ सिणहेण । दिण्णासणो निसण्णो घरंगणे भाउणो अह सो । ६६०।
 अण्णोण्णसंकहाए परोप्परं जाव दो वि चिट्ठंति । ता सउणसत्थविउ एगो पुरिसो समायाओ । ६६१।
 दिण्णासणे निसण्णो तंबोलाईहिं विहियपडिवत्ती । नहसेणेण सविणयं सउणफलं पुच्छिओ अह सो । ६६२।
 जूयघरि सह घरिणीए चलिया मे तस्स वामपासम्मि । उवचियदेहो साणो अंगाइ धुणिउमाढत्तो । ६६३।
 कि सो सुहोऽसुहो वा परिणामो केरिसो भवे तस्स । एयं मे साहिज्जउ सउणय-सत्थाणुसारेण । ६६४।
 तेण भणियं सुणिज्जउ सुभासुभं [साण-धुणण]फलमेयं । चलयस्स अग्गओ जइ पस्सवणं साणओ कुणइ । ६६५।
 अण्णं पाणं विजयं संपाडइ नत्थि एत्थ संदेहो । जिभायंतो सो विय जायइ आरोगसंजणणो । ६६६।
 दक्खिणहुत्तं गंतुं वलेइ जइ कहं वि वामओ साणो । ता कुणइ अत्थलाभं विवरीए जाण विवरीयं । ६६७।
 गामे पविसंतस्स उ पुरओ जइ मेहुणं कुणइ साणो । सिग्घं भोयणलाभो सुहवासो हवइ पुरिसस्स । ६६८।
 पाएहिं जया भूमी खणइ सुणो अभिमुहो भवेऊण । भयमाइक्खइ नूणं सा जत्ता वज्जणिज्जा उ । ६६९।
 वियसियपडिपुण्णवयणो भक्खेणं जेण तेण गहिएण । जो पेक्खइ पत्थाणे सुणयं तस्सत्थ-संसिद्धी । ६७०।
 चीवरखंडाणि मुहेण गहिय जइ पत्थिय [स्स]नरस्स । साणो उ समीवेणं साहइ पत्थाणवरलाभं । ६७१।
 गोमयं कट्टमंगारं मुहे काऊण धावई । पुरओ चिट्टए वा वि सो साहइ महाभयं । ६७२।
 मेहुणाण य संबद्धं पत्थिओ पुरओ ठियं । [जो] पेच्छइ सुणी-तणयं तस्स सिज्जइ चितियं । ६७३।

पत्थियस्स पुरो साणा जइ जुज्झंति परोप्परं । भयं मग्गे धुवं तस्स वहं वा बंधणं पि वा । ६७४।
 कप्परं हड्डुखंडं वा मुहे काऊण धावई । पुरओ पच्छओ वा वि पेक्खगस्स न सोहणं । ६७५।
 उत्तमंगं सप्पएहि मंडलो जइ खंडुहे । पत्थियस्स समीवत्थो लाहं साहइ सोहणं । ६७६।
 जया पहे पंसुपुरेण कीलइ साणो महापहे । खेमं सुभिक्खमारोगं तत्थ देसे विणिहिसे । ६७७।
 नीससइ जया दीहं कयंत-वयणो मुणो । वह-बंधण-मरणाई दुल्लहाणि लहे नरो । ६७८।
 गाममज्जे उ मज्झणहे जया उड्ड-मुहा ठिया । ख्यंति विक्कयं साणा तया अग्गि-भयं भवे । ६७९।
 अकाले भयमावण्णा घोरा विहियमंडजा । मंडजा देस-नासं तु साहित्थे न संसयं । ६८०।
 कण्णे धुणंति जइ साणा पत्थियमग्गओ ठिया । अत्थनासं वहं बंधं संगिरंति न संसओ । ६८१।
 आसणे सयणे चैव जस्स पस्सवणं करे । घरे तस्स य भज्जाए जारं कहइ मंडलो । ६८२।
 पत्थियं जइ मुहम्मणे नरं फुसइ मंडलो । वाम-दाहिण-पासत्थो न सो एइ पुणो घरं । ६८३।
 पत्थियस्स समीवत्थो धुणइ अंगाणि जइ मुणो । तस्स हत्थमयं चैव धणं चोरोहिं लुणइ । ६८४।
 नउल-वराहा विख्या ससया य जंबुया चैव । जह साणो तह एए सुहासुहा होंति नायक्वा । ६८५।
 साणस्स अंगवण्णमसोहणं साहिऊण साउणिओ । बलिओ सघराभिम्हं नहसेणविसज्जओ संतो । ६८६।
 जेट्ठेण अह कणिट्ठो ससिणेहं गहियदाहिणकरम्मि । भणिओ न सउण सुहा एक्कहरे हवमु तं वच्छ । ६८७।
 जावज्जवि पडिक्खणं न देइ सो ताव तस्स घरिणीए । भणियं जइ परहड्डाणि तत्थ अम्हाण गच्छंति । ६८८।
 सोऊण तीय वयणं विलक्खवयणो समुद्धिओ जेट्ठो । नियगेहं संपत्तो इयरो वि ठिओ तहिं चैव । ६८९।
 रयणीए तक्करेहिं नहसेणो तम्मि चैव दियहम्मि । वंदिग्गाहं गहिओ गहिओ घरसंतिओ अत्थो । ६९०।
 वाहिं चउप्पयाइं कणकोट्टाराइ चोरपुरिमेहिं । परिमियदिणेहिं सव्वं परिमुसियं मुसणसीलेहिं । ६९१।
 कि बहुणा भणिणं भोयणमेत्तं पि नत्थि गेहम्मि । सीयंतो नहसेणो परघरकम्मणे जीवेइ । ६९२।
 सयमेवागम्म घरे सिणेह-लज्जाहिं लंघिओ भणइ । जेट्ठो वच्छ घरे मह गम्मउ कि बहु वियारेण । ६९३।
 संजायगमणचित्तेण तेण निज्जाइयं घरिणिवयणं । कोवारुणनयणाए पडिसिद्धो तीए सो वक्को । ६९४।
 ईसि हसिऊण भणिओ विसण्ण-चित्तेण विस्ससेणेण । धम्मो वि हु वइयव्वो इमीय वयणेण मूढ तए । ६९५।
 नियगेहे गंतूणं पेसिओ निव्वहणमेत्तदविणं से । तं पि हु नहसेणेणं पडिसिद्धं घरिणिवयणेणं । ६९६।
 काऊण पोसहं अट्टमीए नवमीए पारणे पत्ते । पडिवालितो जइ-जण-समागमं अतिहि-दाणट्ठा । ६९७।
 घरिणीए नहसेणो भणिओ भुंजाहि वाउलो तंसि । अणहुंते को धम्मो को अतिही केरिसं दाणं ? । ६९८।
 तेण वि तहेव भुत्तं जायावयणं अखंडयंतेण । साहुजण-संविभागो भग्गो जो गुरुपुरो गहिओ । ६९९।
 वयभंगं सोऊणं नहसेणकयं सुदुक्खिओ जाव । जेट्ठो चिट्ठइ ताव य समागओ केवली एगो । ७००।
 राया नागरलोओ केवलिणो वंदणत्थमुच्चलिया । सद्विज्जंतो वि ठिओ नहसेणो विस्ससेणेण । ७०१।
 एणागी चैव गओ केवलिणं वंदऊण जणमज्जे । समुच्चिय-देसनिसण्णो धम्मं सोउं समाढत्तो । ७०२।
 तीयाणागय तह वट्टमाणसंसयसयम्मि छिज्जंते । विणएण विस्ससेणो अह एवं भणिउमाढत्तो । ७०३।
 लोयालोयदिवायर ! सरणसरणत्थि-दुत्थिय-जणाण । मह भाया नहसेणो भयवं कि भारियायत्तो ? । ७०४।
 केवलिणा सो भणिओ पुव्वभवो एत्थ कारणं भइ । तं सुणसु कहिज्जंतं निव्वेयकरं सकण्णाण । ७०५।
 अत्थत्थ भरहखेत्ते लवणसमुद्दस्स मज्झयारम्मि । विज्जाहरनरकिण्णरगंधव्वावद्धवरकीलो । ७०६।

गयणगा-लग-सिहरगा-भग्-रविरह-पयार-दुल्ललितो । मयरंद-पाणपमुइय अलिवलय-विरायमाणवणो । ७०७ ।
 वहमाणवाहिणीसयदिसिमुच्चंत-खलहलासदो । दरियकरि-दलिय-परिणय-हरियदण-गंधरिद्विल्लो । ७०८ ।
 विज्जापसाहणुज्जयविज्जाहररुद्धकंदरविभाओ । फलपुटुतरुवरद्वियदप्पुद्धु रमक्कडाइण्णो । ७०९ ।
 कंतकयलीहरेसुं दक्खावरमंडवेसु सिसिरेसु । कंतसहिंएहि य किण्णरेहि गिज्जंत-संगीओ । ७१० ।
 पजलंतोसहि-वलएहि रयणिसंरुद्धतिमिरसंचारो । नामेण सिहरसेणो सिहरी जय पायडो रम्मो । ७११ ।
 तत्थासि एस सवरो इमा वि एयस्स पणइणी आसि । अच्चंतवल्लहा सइ सण्णिहिया बीयमिवहिययं । ७१२ ।
 साहीणवणफजाणं ठाणे ठाणे य सुलहसलिलाण । ईसा-विसाय-पिय-विपओग-रहियाण जंति दिणा । ७१३ ।
 अण्णम्मि दिणे गयणगणाउ उत्तत्त-कणय-कंतिल्लो । तम्मि नये अवइण्णो विज्जाहर-मुणिवरो एक्को । ७१४ ।
 दट्ठण मुणी सवरो सवरीए सहकोउओ सिग्घं । आगम्म तुरिय-तुरियं सविम्हयं निज्जाइउं लग्गो । ७१५ ।
 संभासिओ य कोमलवयणेणं मुणिवरेण सो सवरो । कहिओ संखेवेणं धम्मो जो समुच्चिओ तस्स । ७१६ ।
 अब्बो ! महाणुभावो परहिय-करणम्मि उज्जओ एसो । उच्चियं चिय जंपिस्सइ मया वि तं होइ कायव्वं । ७१७ ।
 इय चित्तिऊण चित्ते हरिसवसुल्लसिय-पयड-पुलएण । चलणेसु निवडिऊणं पयंपिअं तेण सवरेण । ७१८ ।
 भगसु सयमेव भयवं ! जमुच्चियममहाण पसुसरिच्छाण । मुणिणा वि तओ पंचंवरिनियमा-विरमणाईया । ७१९ ।
 दिण्णा संखेवेणं पवणमुक्कार-पाढ-संजुत्ता । पडिबण्णा कयकिच्चं अत्ताणं मण्णमाणेण । ७२० ।
 अट्टमि उउइमीसु बंधं परिसडियकंदमूलेहिं । विसी पकणियव्वा एयं पिहु तेण पडिबण्णं । ७२१ ।
 सवरेण कयपणामो साहू दाऊण धम्मलाहं तु । गयणेणं उप्पइओ खणेण अइंसणो जाओ । ७२२ ।
 जह गहियनियम-परिपालणेण वच्चंति वासरा तस्स । अट्टमि तिहीए सवरी समागया तस्स पासम्मि । ७२३ ।
 भग्गं निब्भग्गाए गाढं भणिऊण बंधचेरवयं । सेसा विहु जे नियमा ते विय भंजाविया तीए । ७२४ ।
 अणुरत्तो रत्ताए सवरो सवरिए विसयसोक्खाइं । अणुहवमाणो चिट्ठइ निरग्गलं मुक्कमज्जाओ । ७२५ ।
 अह अण्णया कयाई वासारत्ते तमंधयारम्मि । गयणगणाउ पडिओ दइठो विज्जूए सकलत्तो । ७२६ ।
 मरिऊण विज्जमूलं गयजूहे गयवरो समुण्णो । सवरो, सवरी वि तहिं, जूहे करिणी समुण्णो । ७२७ ।
 संपत्तजोव्वणेण अहिद्वियं तेण हत्थिजूहं तं । जम्मंतर-नेहेणं सा करिणो वत्तहा तस्स । ७२८ ।
 तीए सह विसयसोक्खं अत्राणियासेसकरिणि नियरस्स । अणुहवमाणस्स तहिं गयस्स गच्छंति दियहाइं । ७२९ ।
 मयवसनिमीलियच्छो करेण करिणी करं पवेढितो । कंताराडवि मज्जे कीलंतो सरसरिदहेसु । ७३० ।
 मग्गपणट्ठे दट्ठण मुणिवरे सुमरिऊण पुव्वभवं । गंतूण गयवरो सो पडिओ चलणेसु साहूणं । ७३१ ।
 अणसण-करणे काऊण माणसं मग्गउ मुणिवराण । संरुद्धगमणमग्गो ठिओ गयंदो खणं एणं । ७३२ ।
 एणेण मुणिवरेणं अइसयताणेण जाणिऊण तओ । दिण्णं पंचक्खाणं पडिबण्णं भावओ तेण । ७३३ ।
 तत्तो गयमेत्तेसु वि साहुसु सागयवसा नियकरेण । गहिऊण सत्तई-किसलयाणि पत्ता गयस्संते । ७३४ ।
 कयविविहचाडुकम्मा बला वि छोडूण गयमुहे कवलं । जा चिट्ठइ सा करिणी खणमेगं तस्स पासम्मि । ७३५ ।
 एयावसरे महागय-कुंभत्थलवियारणेक्करसो । पिगलकरालकेसर-दुप्पेच्छो केसरी दुक्को । ७३६ ।
 तस्स खर-नहर-दारिय-कुंभत्थल-गलिय-रुहिर-धाराहिं । संसित्तधरावीढो मुक्को पाणेहिं सो हत्थी । ७३७ ।
 मरिऊण मज्झिमगुणो भारहखेत्तम्मि पुरवरे रम्मो । उत्तुंग-धवल-पायारमंडिए खीपइट्टम्मि । ७३८ ।
 नामेण रुद्धेवो विप्पो परिवसइ धण-परिहीणो । तस्स धरे उववण्णो पुत्तो अह गय-वसा सा वि । ७३९ ।

तण्णेहमोहियमणा न चरइ न पियइ पाणियं वरई । कइवयदिणेहि मरिउं तम्मि पुरे सा वि उप्पण्णा । ७४० ।
 बंभणघरम्मि दुहिया कमेण सा जोव्वणं समणुपत्ता । गय-जीव-दिय-मुएणं परिणीया परम-तोसेणं । ७४१ ।
 अवरोपर-परमसिणेह-तंतु-ब्रद्धाण ताण पइदियहं । वच्चइ कमेण कालो देवाण व देवलोगम्मि । ७४२ ।
 अह अण्णया [कया]ई समुयाणरूए वरंगणं पत्ता । दिट्ठा इमेहि साहू सहरिसमभिवंदिया ताहे । ७४३ ।
 कहिओ संखेवेणं धम्मो साहूहि जिणवरुद्धिट्ठो । सद्धासंवेग-गएण जंपियं तेण मरुएण । ७४४ ।
 भयवं ! नियमविसेसं कि पि पयच्छेसु जमुच्चियं मज्झं । सप्पुरिससंगमो एस जेण सहलत्तणम्मुवेइ । ७४५ ।
 रयणीए न भोत्तव्वं अट्टमि-चाउट्टसीसु बंभवयं । पालेयव्वं निच्चं जा जीवं एस ते नियमो । ७४६ ।
 दाउं भिक्खामेत्तं काऊण पयाहिणं च तिवखुत्तो । बहुभाणवससमुट्ठियपुलओ नमिऊण साहूणं । ७४७ ।
 नियविट्ठरे निसण्णो गएसु साहूसु बंभणी तेण । पुट्ठा सहासमेवं तुह धम्मो किण्ण पडिहाणो ? । ७४८ ।
 सोऊण वयणमेयं भणियमिमाए अहम्मकम्माए । पिय ! मुट्ठो लक्खीयसि को धम्मो केण सो दिट्ठो ? । ७४९ ।
 आयासंवरं सो काऊण ठिओ अदिण्ण-पडिक्खणो । जह गहियनियमपालणपरायणो कइ वि दियहाइ । ७५० ।
 दट्ठूण रयणि-भोयणपरिहारं भणइ बंभणी एव । जइ रयणीए न भुंजसि तुज्झ न या हं न तुमं मज्झ । ७५१ ।
 अवहीरिया दिएणं विलक्खवयणा ठिया दिणे कइ वि । अण्णम्मि दिणे विगलियतेए अत्थंगए सूरे । ७५२ ।
 नियजोण्हा मयधारा-निवायनिव्ववियसयलजियलोए । माणिणिमाणुम्महणे समुग्गए चंदविबम्मि । ७५३ ।
 सहसा ससहर-कर-नियर-पेल्लियं तिमिरमूण्यं सोत्तुं । नीयठाणेसु ठियं खणेण सव्वं पि हु पणट्ठं । ७५४ ।
 जह जह छिण्णइ निम्मलससिकरनियरेणबंभणिसरीरं । तह-तह य जलणखित्तं मयणं व विलिज्जए माणो । ७५५ ।
 कि बहुणा भणिएणं माणं मोत्तूण विगयलज्जा सा । अट्टमिरयणीए गया पिययमपासं ससिगारा । ७५६ ।
 ससिणेहमहरभणहरवयणेहि तहय विणयकरणेण । आवज्जिऊण भग्गं वला वि बंभवयं तस्स । ७५७ ।
 अण्णोण्णमंगमणेहि पेल्लिउं नेहनिव्वभरणणइ । सुत्ताइ ताव जाव य गया निसा उग्गओ सूरो । ७५८ ।
 लवली-लवंग-चंदण-कक्कोलय-कुसुमपरिमलुग्घविओ । अवणितो सुरयसमं विलयाण विदंभिओ पवणो । ७५९ ।
 सीयलपच्चूसा निलासंगमगयसुरयखेयपउणाणि । नियनियवावारे पवणाणि जायाणि अह ताणि । ७६० ।
 इय सो भट्ट-पइण्णो बंभवयखंडणेण दुट्टुप्पा । रयणीए विहु भुत्तो भट्टिणिवयणेण सहसत्ति । ७६१ ।
 जं जं जंपेइ एसा तं तं सो सुणइ नेहगहगहिओ । एवं वच्चयमाणे काले अह बंभणो मरिउं । ७६२ ।
 उप्पण्णो नहसेणो गुरुसोगा बंभणी कयनियाणा । जम्मंतरे वि भत्ता एसो मह होज्ज भणिऊणं । ७६३ ।
 जलियजलणं पविट्ठा मरिउं नहसेणपणइणी जाया । पुव्वभवव्भासेणं न लंघए वयणमेईए । ७६४ ।
 साहुजण-संविभागो आहाराईण पव्वदियहम्मि । नहसेणेणं भग्गो इमीए वयणेण गहिऊण । ७६५ ।
 संवेगसमावण्णेण विस्ससेणेण वंदिऊण तओ । विणयपरेणं पुट्ठो भावि भवं केवली तस्स । ७६६ ।
 केवलिया वि हु भणियं मरिउं अज्जेव सूलदोसेण । नहसेणो पढमाए पुढवीए नारओ होही । ७६७ ।
 तत्तो वि हु उव्वट्टो दीहं परियट्टिऊण संसारं । सिज्जिस्सइ जिणधम्मे पव्वज्जं निम्मलं काउं । ७६८ ।
 वयभंगकारियाए भवे-भवे तीए पावकम्माए । जरमरणसलिलगुविलो भवोदही अज्जिओ विउलो । ७६९ ।
 सुणिऊण इमं वयणं सद्धा-संवेगमागया परिसा । कयकेवलिप्पणामा सट्टाणं ज्जत्ति संपत्ता । ७७० ।
 संसार-अउव्विग्गो वंदित्ता केवलि नियघरम्मि । पत्तो संविग्गमणो विसेसओ विस्ससेणो सो । ७७१ ।
 परिपालिऊण विहिणा सावयधम्मं दुवालसविहं पि । विहिणा मरिऊण तओ पत्तो सोहम्मकप्पम्मि । ७७२ ।

ततो चुओ समाणो रज्जं भोत्तूण हत्थिणपुरम्मि । अणवज्जं पव्वज्जं काऊण गमिस्सए सिद्धि ॥
 साहूण संविभागं गहिऊणं पालयंति जे पुरिसा । इह[पर]लोए तेसि हवंति सुहसंपया सुलहा ॥
 अतिहिजणसंविभागं गुरुपुरओ गिण्हूऊण जे पुरिसा । भंजंति दो वि लोया ताण ह्या मंद-पुण्णाण ॥
 चउत्थं सिक्खावयं ॥

एवं परुविए दुवालसविहे वि सावयधम्मे सिरिनंदणसूरिणा संजाय-संबेणेण भणियं भूरिवसुमंतिणा—“भयवं !
 करेसु अणुग्गहं पडिपुण्णसावयधम्मवियरणेण ।” सूरिणा भणियं—“समुच्चियमेयं मुणियजिणसासणसारण तुम्हारिसाण ।”
 विहिपुरस्सरं दिण्णा देसविरई सूरिहिं । पडिवण्णा भूरिवसुणा । धम्म-पडिवतीए कयत्थमत्ताणयं मण्णसाणो वंदिऊण
 सूरि-पयकमलं गओ सघरं । साहिओ धम्मपडिवत्ति वइयरो रयणप्पहाए । तीए भणियं “अज्जउत्त । अहं पि धम्ममेयं
 पडिवज्जामि ।” संतिणा भणियं पिए !” कल्लाणे को विरोहो ?” तओ समारुहिऊण रहवरं गया सिरिनंदणसूरिसमीवं ।
 वंदिया सूरियो । सुओ तयंतिए सावयधम्मो । पडिवण्णो भावसारं पट्टठमाणसा वंदिऊण आयरिए समागया सभवणं ।
 पसंसिया भूरिवसुमंतिणा । विहरिया अण्णत्थ सूरियो वि । रयणप्पहाए सद्धि निव्वडिय सिणेहसारं विसयसुहमणुहवंतस्स
 अणअइयारविरइपरिपालणं कुणंतस्स वच्चइ कालो ।

अण्णया रयणप्पह-पुत्तस्स रयणपुरंदरस्स दाऊण नियपयं, रइणा समणुण्णाओ काऊण संलेहणं पडिवज्जिऊण
 अणसणं, समाहिमरणेण मरिऊण, समुप्पण्णो ईसाणे कप्पे विज्जुप्पहो नाम देवो । रयणप्पहा वि तन्नेहमोहियमणा काऊण
 अणसणं मया समुप्पण्णा तम्मि चेव देवलोए विज्जुप्पहसुरवरस्स रयणमाला नाम अग्गमहिंसी ।

सिरिवद्धमाणसूरीहिं विरइयाए मणोरमकहाए भूरिवसुदेसविरईपवण्ण णो [तइय] अवसरो भणियो ॥

मणोरमा-सूरसेण चरियं

रयणप्पह-भूरिवसूण देसविरईए वण्णओ लाहो । संपइ मणोरमा सूरसेणविरई पवचक्खामो ॥७७५॥

अत्थि इहेव भारहे वासे फलिह-मणि-निम्मल-समुत्तुंग-पाथार-सिहर-संरुद्ध-रविरह-मग्गं, हिमगिरि-सिहर-विसाल-
 धवल-पासाय-परंपराविणिज्जिय-सग्गं, कंचणार-विसयमंडणं धणकोसं नाम नयरं । तत्थ णं दप्पुद्धुरारिमाणमहूणपच्चलो
 नियपोरुसक्कंतसामंतमंडलो सुरो व्व सव्वत्थसुपइट्ठिय-पयावो सूरतेओ नाम राया । सयलावरोहपहाणा रुवाइगुणगण-
 विणिज्जियकमला कमलालया से महादेवो । इमीए सह सिणेहसार-विसय-सुहमणुहवंतस्स वच्चंति वासरा नरिदस्स ।

इओ य सो ईसाणकप्पनिवासी भूरिवसुजीवो निय आउयं पालिऊण ततो चुओ समाणो समुप्पण्णो कमला-
 लयाए देवीए कुच्छिसि पुत्तत्ताए । दिट्ठो य णाए तीए चेव रयणीए मुविणयम्मि चरिमजाम-समयम्मि चंदणचच्चियंगो
 सयवत्तपउमपिहाणो सियकुसुममालोमालिओ सच्छ-सीयल-सलिल-पडिपुण्णो कलहोय-कलसो वयणेण उदरं पविसमाणो ।
 तं पासिऊण सुहविउद्धाए साहिओ दइयस्स । हरिसवसविसप्यमाणहियएण भणिया सा तेण—“सुंदरि ! सयल-नरनाह-सिर-
 सेहरो पुत्तो ते भविस्सइ ।” एयं सोऊण अहिययर-परितुट्ठा देवी नरवइविसज्जिया गया सट्ठाणं । जहावसरं तिवग्ग-

संसाहणपराए गम्भाणुभावओ चेव संपज्जंतसयल-समीहियाए पत्तो पसूइ समओ । पसूया पडिपुण्णचउइसीए । जाओ निय तेयसमुज्जोइयभवणंभंतरो पसत्थलक्खणधरो दारओ । वट्ठाविओ राया पियंकराभिहाणाए दासचेडीए । दाऊण नियअंगलगं वत्थाहरणाइयं विसज्जिया सा राइणा । पयट्टाविओ सव्वम्मि नयरे सुयजम्ममहूसवो । संतोसिया सुहिसयणवग्गा । सम्भाणिया अमच्च-सामंताइणो पडट्टावियं मासावसाणे नामं दारयस्स सूरसेणो । सुहं-सुहेण पवड्ड-माणस्स वच्चइ कालो । सो वि रयणप्पहा जीवो तओ ईसाणकप्पाओ चुओ समाणो इहेव भारहेवासे वच्छाविसए चंदकंतनयरे विजयसेण-राइणो विजयावलीए देवीए कुच्छिसि धूयत्ताए समुप्पण्णा । उच्चियसमए पसूया विजयावली । जाया इहिया । निवेइया रण्णो दासीए । परितुट्टो राया । भणिओ नयरारक्खिओ-“भो पयट्टावेहि सव्वम्मि नयरे महामहूसवं ।” तेण वि तहेव पयट्टाविओ । कारावियं राइणा महामहूसवेण वट्ठावणयं । सम्भाणिया पवरवत्थाहरणाईहि सुहिसयणाइया । विसं वट्ठावणयं । सयलजणमणोरम त्ति काऊण मासावसाणे गुणनिष्फण्णं पडट्टावियं नामं मणोरमा । सुहंसुहेण वड्डमाणा जाया अट्टवारिसिया । गहिया इत्थीयणजोगं कलाकलावं । कसेण पत्ता निक्षवं जोव्वणं ।

अण्णया कयण्हाणविलेवण-वर-वत्थाहरणविभूसिया मालइमाला-विरइयसिरसेहरा पेसिया जणणीए पिउ-पायवंदिया । सो वि सव्वंगमणोरमं दट्ठूण चित्तिउमारद्धो-“अहो ! निरुवभो वच्छाए रुवाइसओ । असाहारणा सोहग्ग-संपया । विम्हयावहं सरोरलावण्णं । अओ विरयामि सयंवरं । गिण्हेउ जहिच्छियं वर”त्ति चित्तिऊण सहाविया विजयावली । काऊण तीए सह मंत-निच्छयं पारड्ढा सयंवरमंडवसामग्गी । पेसिया दिसोदिसि सयलराय-निमंतणा-निमित्तं पहाण-पुरिसा । निमंतणाणंतरमेव अकयकालक्खेवा समागया सव्वे वि नरिद-नंदणा । सूरसेणो वि सूरतेय-राइणा समणुण्णाओ चउरंगबलपरिवारिओ परिमियदासरेहि पत्तो चंदकंतपुरवरं । दंसियावासो विजयसेणराइणा । आवासिओ नयर-बाहिरियाए । कया भोयणाइसामग्गी विजयसेणेण । भुत्तो सपरियणो कुमारो । चउत्थजामेस्स सहामंडव-सीहासणे निसण्णस्स सपरियणस्स सूरसेणकुमारस्स अवरिल-चंदण-चच्चियंगो पलंब-कुसुममालाविराइयकंधरो दीहदीहउग्गारे समुगिरंतो परिहासट्टाणं कुमारस्स समागओ संभरायणो नाम बंभणो । इसि हसिऊण पुच्छिओ कुमारेण-“वयंस ! संभरायण, कुसुमाइ-कयसक्कारो दाहिणकरेण उदरं-परामुसंतो संतित्तो वि य लविखयसि । को एस वइयरो ?” बंभणेण भणियं-“सुणउ कुमारो । गओ हं नगरमज्जे दीहट्टाणछुहाकरालिओ आवासगहण-समाउले तुम्ह परियणे गओहं विजयसेणनरिदमंदिरं । भणिओ दोवारिओ-“भो बेसंतरागओ उड्डूलजंधो अ उच्च-बंभणो भोयणं लहइ ?” तेण भणियं-“आमं ।” दंसिओ हं तेण महाणसियस्स । तेण वि भोयाविओ परमायरेण । कयसक्कारो पुप्फ-तंबोलाइणा वंदिऊण विसज्जिओ समागओ तुह समीवं ।” कुमारेण भणियं-“वयंस ! दिट्ठा तत्थ तए विवाह-सामग्गी ?” बंभणेण भणियं-“दिट्ठा ।” राइणा भणियं-“केरिसी ? बंभणेण भणियं-“एरिसी-”

परिसुद्ध-कणिकका-निम्मियाण सुसिणिद्ध-साइज्जाण । दीसंति कया पुंजा पए पए खंडखज्जाण । ७७६ । कोहंतिफलभमाणा दक्खा-नालियर-भिरिय-सम्मिस्सा । कप्पूरवासवासियदियंतरा जणमणाणंदा । ७७७ । वज्जंति ठाणठाणे मणोरमा मोयग्गाण संघाया । को गणइ सुगंधाणं सालीणं रासिणोऽण्णे । ७७८ । कणयगिरि-कूड-सरिसा उक्कुरुडा वरपभाए रेहिति । बट्टभक्खपे[य]संदोहसुंदरा रायहरमग्गा । ७७९ । पउ जज्जम ण बट्टविह-सुवण्ण-रुपमयभायणसरेण । कण्णावडियं पि तहिं न सुणिज्जइ किं पि लोएण । ७८० । वरवत्थविणिम्मविया लंबाविय-हार-निय[र]रमणीया । मणिकिरणकयपयासा उल्लोया सम्गसारिच्छा । ७८१ । वरपट्टुऊलाणं पवराणं तत्थ पंचवण्णाणं । गहियाणं संखं को करेइ किल तत्थ वत्थाणं । ७८२ । फलिह-मणि विहिय-सारणि-समूह-पवहंत-सपिसंदोहा । नरवइवयणेण कया घयस्स पाचट्टयाणेमे । ७८३ । वियरंत पवरगोरस-वज्जण-खट्टाण-नत्थि संखा वि । पप्पड-सालवडया पडिया वि न को वि संवरइ । ७८४ । इय के त्थं व भण्णउ एणेण मुहेण एग जीहाए । न मए कत्थ वि दिट्ठो एरिस-रिद्धीए वीवाहो । ७८५ ।

जावज्जवि एवं वणिणऊण न विरमइ बंभणो तावामओ विजयसेणपेसिओ पहाण-पुरिसो । भणिओ तेण सूर-सेणो-“संपइ सोहणो मुहुत्तो । महाराय-विजयसेणवयणेण समलंकरेउ कुमारो सयंवरांमंडवं ।” ‘एवं हवउ’ त्ति भणिऊण चलिओ कुमारो । समागया सिरिसेणपमुहा अण्णे वि रायउत्ता कयसिगारा निसण्णा निय-नियनामंकिएसु मंचेसु ।

एत्थंतरे रवि-कर-समागम-समुल्लसंतकिरण-भासुर-मणि-मउड-विराइय-उत्तिमंगा, महमहंत-महग्घ-परिमल-वासियदियंतरा, भिगणाहि-विणिम्मियभालयलतिलया, चलिउपउमरायकुंडलविलिहिज्जमाणगंडत्यला, नित्तलामलामल यप्पमाणोत्ताहल-विणिम्मिय-एकावलीविराइयवच्छत्थला, पवरमणिमयअंगयवरकरगयकंकणसोहंतबाहुजुयला, मणिमेहला-व पेरंतनिबद्ध-कलहोय-कणिर-किंकिणी-सहसवण-पडिबोहिय-सुत्त-मयरद्धय-क्षणणंत-मणिनेउर-रमणीय-चलणपंकया, सरस-सुयंध-सेय-कुसुम-कय-सार-सेहरा, चारुवंदण-चच्चियंगी, चेडिया-चककवालेण समंतओ परिखित्ता पहाण-वत्थ-विहियवेस-मणोरमा तं पएसं समागया, मुणिय-सयल-तरवइ-सुय-जाय-कुलरुव-सोहण-नामाइगुणगणाए पुरओ वंसिज्ज-माणमग्गा कुंडलयाभिहाणाए अंब-धाईए, पच्छओ समणुगम्ममाणमग्गा गहिय-वरमालाए चित्तणुयाभिहाणाए दासवेडिए उवरि-धरियसियायवत्तो, उभयपास-निवडंत-डिडोर-पिडपडुर-चारुवामरा, मणिमयपाउया-पइट्टिय-कुम्मणय-पाय-पंकया, अहरिय-रायहंस-गय-गईए सयंवरांमंडवमणुपविट्ठा मणोरमा । तओ-

सा दिट्ठवर वाल, सव्वंग-सुकुमाल, मिउ-कसिण-केसा । अट्टिदु-समभाल, धणुकुडिल-भूयाल, सम-सरल-नासा ॥

उत्तट्ठ-मिग-नयण; संपुण्ण-ससि-वयण । सुपमाण-वरकण्ण तवणीय समवण्ण ॥७८७॥

परिपक्क-विबोद्ध; नं सगपड्भट्ट । कोमलविसालेहि, आरत्तहत्थेहि ॥७८८॥

खामेण मज्जेण, । लायण्णवाहीए, मंभीरनाहीए ॥७८९॥

रइरमण भवणेण, भूसियनियंवेण । मउएहि उरुएहि, न केलिखंभेहि वट्टाणुपुव्वेण, जंघाण जयलेण ॥७९०॥

रइदप्पदलणेहि, सोहंत चलणेहि । सव्वेहि राईहि, सिरिसेणमाइहि ॥७९१॥

जस्स जहि ठिया पढंमं तीए अंगम्मि निवडिया दिट्ठी । तस्स तहि चेव ठिया सव्वंगं केण वि न दिट्ठा ॥७९२॥

लीलावलंतगीवा जत्तो जत्तो नियच्छइ कुमरी । सोहणमओ वड्डइ तहि तहि रायतणयाण ॥७९३॥

जत्तो विलोलपम्हलधवलाइं चलंति तीए नयणाणि । कडिदयसारा अ तत्तो धावइ अणंसो वि ॥७९४॥

मयणसरसत्तिलयंगा विम्हियहियया नराहिवा सव्वे । दट्ठूण तीए रूवं एवं चित्ताउरा जाया ॥७९५॥

किं एसा गिरितणया महमहणविवज्जिया अहव लच्छी । मयणविहीणा व रई सई व्व संक्कं विणा बाला ॥७९६॥

पायालकण्णमा वा पणट्टविज्जा व खेयरी अहवा । नट्ट माणुसीसु दीसइ एरिस-रुवस्स संपत्ति ॥७९७॥

धण्णो सो को विट्ठया तुट्ठो मयरद्धओ धुवं तस्स । जो करणहणमिमाए काही सोहणमीमाए ॥७९८॥

एवं विम्हियमाणसेसु नरिदणदणेषु, नरवइवयणेण निसिद्धकोलाहलेसु सयललोएसु, भणिया मणोरमा कुंदलयाए-“वच्छे! उवरिधरिय-सियायवत्तो, उभयपासनिवडंत-चारुवामरो, निरुवम-सोहणमाइगुणगणालंकिओ, कयविग्गहसंगहो चेव रईवल्लहो, सयल-मलयसामिओ सिरिसेणो नाम एस नराहिवो । जइ रोयइ तो वरेसु एयं ।” मणोरमाए भणियं-“दिट्ठो एसो ।” अण्णं दसेहि । कुंदलयाए भणियं-“एस पुण सोमो व्व नियदंसणामयमयणामय-निव्ववियसयलजीव-लोगो, सिवि व्व सरणागयवच्छलो, कण्णो व्व अखंडियचाओ, सामो नाम मगहाहिव-नंदणो ।” तीए भणियं-“एत्थ वि न रमइ मे दिट्ठी । “थेवं गंतूण भणियं कुंदलयाए ” एस पुण निय-जस-भरिय-सयल-महीमंडलो नियपोरुसगुणावज्जिया-खंडलो कुरुजणवयाहिवसच्चसंधरायनंदणो अमरसेणो नाम कुमारो ।” तीए भणियं-“पुरओ दसेहि ।” कुंदलयाए “भणियं-” इमो पुण अंगा-वंगा-वच्छा-कुच्छा-पमुहजणवयसामिणो सयलगुणगणोववेया अरिदम-कलिदम-सत्तुंजय-सोण-सोणमुहमाइया पहाणमहीनाहनंदणा एयाण मज्जे “वरेसु जो ते रोयइ ।” मणोरमाए भणियं-अम्मो ! णिव्विण्णा विय लक्खीयसि ।” तीए भणियं-“सुट्ठुनायं वच्छाए । “मणोरमाए भणियं-” कि कारणं ?” तीए भणियं-“जओ दुप्पूरा ते रुई ।” तीए भणियं-“अंब ! दसिया तए रायाणो । न किपि एयाण दूसणं ।

सव्वे वि कलाकुसवा सव्वे ह्यस्सिणो सुविण्णाणा । चाई पडिवण्णत्रणा सूरा सोहग्गिणो सव्वे । ७९९ ।
सिरि-हिरि-लच्छि-निवासा पहाणवंसुब्भवा गुरुपयावा । सिरिवच्छंकियवच्छा सव्वे सुसिलिट्ठ-नेवच्छा । ८०० ।

केवलं न मे मणाणंदं जगति—

जो जस्स होइ दइओ आणंदं सो जणेइ दिट्ठो वि । अम्मो नयण-मणाणं न कारणं एत्थ ह्वं तु । ८०१ ।
एमेव कह्व कस्सव केण वि दिट्ठेण होइ परिओसो । कुमुयाण ससो कि कुणइ जेण वियसंति दिट्ठे वि । ८०२ ।
दिट्ठे जम्मि न वियसइ नयणजुयं रवि करेहि कमलं व । कुणइ तत्थ सिणेहं हिययं पि हु सुपसिद्धमिणं । ८०३ ।
जओ—

जो नयणाण न रुचवइ सो कह हिययस्स निव्वुइं कुणइ । सच्चं जणाण वयणं नेहो नयणाणुराएण । ८०४ ।
ता मोत्तूण त्रिसायं पुणो वि पइ परितेय नाम गहणेण । दंसेह नरवइ-सुए मा कत्थ वि मह मणो रमइ । ८०५ ।

तहत्ति पडिवज्जिऊण तीए वयणं गंतूण थेवंतरं जपियं कुंदलयाए—

घणसण्हकसिणकुंचियसिणिद्ध-सुउमाल-कुंतल-कलावं । अट्टमिससहर-भाल-भूसियं कमलदलनयणं । ८०६ ।
वरपउमरायकुंड-न-मंडियगंडत्थलं पवरत्तासं । पयडतिरेहालंकियकठं वित्थिण्णवरच्छंदं । ८०७ ।
निम्मल-सरस-कोमल-ब्राहुजुयालंकियं पवरकुच्छि । मज्झं मट्ठीगेज्झं निवलिसणाहं वहेमाणं । ८०८ ।
गंभीरनाहि-कलियं पंच-णण-विउ-अ-परनियंवल्लं । रंभोर-पवरजंघाहि रेहिरं चाइ-वरणिल्लं । ८०९ ।
मणिमंचयमारुहं उअरिविरायंत-धव-अ-पुंडरियं । निवडंत-धवल-चामरजुयलं महिमंडणं कुमरं । ८१० ।
सिरिसूरतेयतणयं सुपसिद्धं सूरसेणकयतामं । पेच्छमु वच्छे ! पुरओ गिण्हसु जइ रोयए तुज्झ । ८११ ।
नयणमणाणंदो सो जाओ बालाए तम्मि दिट्ठम्मि । वद्ध व्व नेह-रज्जूए चलइ ततो न मणयं पि । ८१२ ।
लहिऊण तीए भावं कुंदलया भणइ एहि वच्चामो । दंसेमि रायपुत्ते अण्णे वि हु जे वि ते सुयणु । ८१३ ।
रायदुहियाए भणियं अम्मो जो वणिणओ तए एसो । सिरिसूरसेणतणओ सो वि य मह माणसावज्जओ । ८१४ ।
एवं भणिऊण तओ मुच्छंतमणा ससंभमा बाला । गंतूण सूरसेणस्स मंचयं सा समारुढा । ८१५ ।
दासीकराओ गहिउं रत्तुपलकोमलेहि हत्थेहि । कठम्मि खिबइ पवरं वरमालं सूरसेणस्स । ८१६ ।
दुव्व-कुस-दहियकवय-चंदणगंधेहि चच्चिआ बहुसो । संभमवेवंत तणूदाहिणपासट्टिया तस्स । ८१७ ।
ठाणम्मि चैव वरियं वरो वरो पाविओ कयत्थासि । एवंविह संलावा संजाया तत्थ लोथाण । ८१८ ।

तओ तमंधयारतम्मिस्सासमय-संचारि-पईव-पहाविमुक्कावणपति व्व काली-कयवयणा विगलिय-रुवसोहग्गाभिमाणा
अहोमुहा ठिया सेसरायतणया । पवरवत्थाहरणाणुकूलवयनमाईहि सम्माणिऊण विसज्जिया विजयसेणराइणा । गहिऊण
सूरसेण पविट्ठो [वरणमंडवं पा]रद्धं महामहसवेण पाणिग्गहणं । निव्वत्तियासेस-करणज्जं मंडलाणि भमिउमाडत्तं
वह्वरं ।

अह मंडलम्मि पढमे पिउणा परिओसमुव्वहंतेण । दिण्णा सुवण्णकोडो वीयम्मि उ पउरमाभरणं । ८१९ ।
तइयम्मि कणयरूप[य]पवालकच्चोत्रयाइयं भंडं । पउरं महग्गमोल्लं चेल्लं च चउत्थए दिण्णं । ८२० ।

एवं वित्ते विवाहमहसवे, सम्माणए जहारिहं वत्थाईहि सव्वम्मि परियणे, पणयपुरस्सरं भणिओ सूरसेणो विजय-
सेण राइणा—“कुमार ! सयलनरवइतणयपरिहारेण तुमं वरिओ वच्छाए मणोरमाए । तह कहवि वट्टियव्वं जह महग्ग-
ह्वइ । एसा चैव अम्ह पत्थणा ।” कुमारेण भणियं—“नियग्गेहि चैव महग्गा मणोरमा । तह वि जणणि-जअएहि एए

चेव वत्तब्बं।" कयसम्माणो ठिओ तत्थेव कइवयदिणाणि कुमारो। पसत्थवासरे चलिओ नियनयराभिमुहं। अणवरय-
पयाणएहि पत्तो सनगरं। पविट्ठो महाविभूर्इए कयमंगलोवयारं रायमंदिरं पणमिऊण जणणि-जणया। ससिण्हेहमालि-
गिओ तेहि। निसण्णो नरवइ-अद्धासणे। तओ पणया मणोरमा ससुर-सामुयाण। 'अविहवा भवसु'त्ति लद्धासीसा निसण्णा
दंसियासणे। वरवत्थाहरणदाण-पुरस्सरं दिण्णो बहुए पल्लंकसमद्धासियवासभवणसमण्णिओ पवरयासाओ। मणोरमाए
विसयसुहमणुहवंतस्स वच्चइ कालो कुमारस्स।

अण्णया सुहसुमिणसूइयं सयललक्खणोववेयं उच्चियसमए पसूया मणोरमा दारयं। पइट्ठावियं मासावसाणे मणोरम-
सेणो त्ति नामं दारयस्स। पुत्तमुहदंसणपमुइओ दाऊण रज्जं सूरसेणस्स अमरगुत्तगुहसमीवे निक्खंतो महाविभूर्इए सूरतेय-
नराहिबो। सूरसेणो वि पुव्वभवावज्जियकुसलकम्मोदएण साणुकूलसयलसामंतवग्गं गुणाणुरायरत्तसयलजणवय-जणं
अदिट्ठाणिट्ठसंपओगाइदुक्खचित्ताणंतरसंपज्जंतसयलसोक्खरिद्धिसमुदयविणिज्जियाखंडलं अप्पयाससिद्धापेगमंडलनायणेण
रज्जमणुपालयंतो कालं गमेइ।

अण्णम्मि दिणे रयणीए सुहपसुत्ता पेक्खंतस्सेव राइणो समं पुत्तेण अवहरिया असणिवेगविज्जाहरेण मणोरमा।
मुक्का नेऊण पव्वयसिहरे। गओ सट्ठाणं विज्जाहरो। धरधरणीए निवडियं सपुत्तमत्ताणयं दट्ठूण चित्तिउमारद्धा मणोरमा—
“हंत! न एयं कंचणकोसं? नया वि सो वासभवणभूसणो चाहचामीयरनिम्मिओ पंचवण्णमणिखंडमंडिओ सन्निहिय-
सयलपुप्फ-तंबोलाइभोगंगो परमपल्लंको। समंतओ जलहिवेलावगूढो पव्वओ विय एस लक्खीयइ।” नमो चित्ताइककंत-
कारिणो कम्मिदयालस्स।”

खणदंसियरज्जमहूसवाणि खणसुण्णरण्ण दंसीणि। विमहावयाणि कम्मिदियालिणो गूढचरियाणि ॥८२१॥

तओ सा सुमरियपइसिणेहा विलविउमारद्धा—

हा! सोमवंसमंडण! भूसियभुवणयल! भूरिगुणनिलय। मह माणसमाणस-रायहंस-सोहग्गनिहि न होसि ॥८२२॥
सिरिसूरतेयनंदण! उक्कंदणवेरिवल्लिकदस्स। मह विरहे कह होहिसि अहं पि तुह विरहिया कह णु ॥८२३॥

रे देव्व! सुहिय असहण! निक्कव! दविखण्णवज्जिय!

अरुज्ज! संघडणविहडणुज्जुय! विओइया कीस पइणा हं ॥८२४॥

अहवा—

इवं अच्छीसु ठियं फरिसो अंगेसु जंपियं कण्णे। हिययं हियए णिहियं दिओइयं किं त्थ देवेण ॥८२५॥

एवं विलवंती जाव चिट्ठइ ताव पुत्तो वि अवहरिओ हेममालाभिहाणाए विज्जाहरीए। तओ मुच्छा-निमीलिय-
सोयणा पणट्ट-चेयणा सव्वंग-निस्सहा निवडिया धरणीए मणोरमा। ठिया खणमेगं। पच्छा समुदसीयलसमीरणसमाग-
मलद्धचेयणा पुणो वि विलविउमारद्धा—

हा कत्थ गओ बालय! पुणो वि तं वच्छ कत्थ दट्ठव्वो। जाय! तए चत्ता नणु [चत्ताहं]सयल-सोक्खेहि ॥८२६॥

जइ एस वच्छ! दिवसो कंवणकोसम्मि पुरवरे होंता। जणओ तुह पुत्तगंवेसणं इत्ति य कुणंतो ॥८२७॥

सिरिसूरसेणजणओ मणोरमा कुच्छिसंभवो एसो। वणदेवयाउ किं भे उवेक्खिओ अवहरिज्जंतो ॥८२८॥

दुवियदुड-विहिविहाणा सहसा हं निवडिया अरण्णम्मि। एगाणिणी अणाहा तए वि चत्ता कहं वच्छ! ॥८२९॥

दीणाण दुत्थियाणं बंधव-रहियाण णियच्चित्तण। सिरिघं कीरउ मरणं कयंत! किं कालहरणेण ॥८३०॥

जइ अवहरणे बुद्धी हयविहि तुह आसि कीस तो दिण्णो। दाऊण जं हरिज्जइ जणेइ तं दारुणं दुक्खं ॥८३१॥

किं सुविणो मह एसो किं वा मइविब्भमो मज्झ। एमाइ विअवमाणा गवेसणं काउमारद्धा ॥८३२॥

इओ तओ परियंडंती दिट्ठा हेमसुंदरीनामियाए विज्जाहरीए । उवसप्पिऊण पुच्छिया—“का तुमं ? कहं च तुमं एगागिणीमणुयजणालंघणिज्जे इम्मि पव्वए समारूढा ? किं निमित्तं वा नियवग्गविच्छोहिया हरिणि व्व बाह-जलाविल्लोयणा तरलतारतरलयं समंतओ निरुवेसि ?” साहिओ सब्बो वि जम्मण-नयर-जणणि-जणयनिय-नामय-पुरस्सरो सुय-हरण-पज्जवसाणो निय-वइयरो मणोरमाए । एत्थंतरे परिमल-मिलंत-भमर-भर-भज्जमाणसाहाहितो गहिऊण पवरकुसुमाणि समागया सामला नाम हेमसुंदरीए दासी । विणय-पुरस्सरं जंपियमिमाए—“सामिणि ! समओ वट्टइ पारगयपायपूयणस्स । मणोरमं गहाय गया विज्जाहरी समुद्वेलोवकंठसंठियं सिहरग-भग्ग-रवि-रहप्पयारं, फलिह-मणि-सिला-संघायविणिम्मियं, जलहिजल-संकंत-पडिबिबतया अहोलोयजण-पावणत्थं पायालमिव गच्छंतं, सयल-जणमणहरं जिणहरं । दिट्ठा य तम्मज्जे सत्तराचर-जीव-जोणि-निककारण-बंधुणो, भवावडावडियसत्तसंताण-समुत्तारण-समत्थरज्जुणो, सिरोवरिविरइय-फणिराय-फारफणा-मंडव-फुरंत-मणि-किरण-नियर-संवलिय-सामल-सरोरकति-कब्बुरियं वरगग्गभरंत-विरायंत-संकंत-मुत्तिणो, पउमावइ-पमुह-सोलस-विज्जादेवि-सन्निहाण-हारिणो, कमठासुर-दप्प-दारिणो, पणय-जण-समीहियत्थ-कारिणो पाससामिणो पडिमा विहि-पुरस्सरं काऊण मणिमयकलसेहि मज्जणं विलित्ता घणसार-हारि-हरियंदणेण पूइया परिमलमिलंत-छप्पयावलिनिगुंजारवभरियभवणोदरेहि पारियाय-पमुह-कुसुमेहि उद्धाइओ डज्जंतागरुकप्पूर-पूर-विणि-स्सरंत-बहलधूमंधयारियग्गग्गभहरो धूवो । होऊण समुच्चियावग्गहे आणंदभरभरियलोयणा भावसारं थुणुउमाढत्ता हेमसुंदरी-जय हि जय जीववच्छल ! जयभूसण ! सोमदंसण सुरूव । पास ! तुह दंसणेणं अज्ज कयत्था अहं जाया ॥ संसाराडविमज्जे इओ तओ कहं वि परियंडंतीए । पुण्णाणुबंधिपुण्णेण पाविओ तं मए नाह ॥ लोयालोय-पयासण-पच्चव-त्ररनाणदंसणसगाह । संसार-तिण्णतारय भवे-भवे होज्ज मह सरणं ॥ तेलोक्कलगणक्खंभविज्जमाणेगलक्खणधराण । तुह पायाणं नमिमो भवजलहि-तरंड-तुल्लाण ॥ सोहग्गं दोहग्गं सोक्खं च जीवियं च मरणं वा । तुह पहु चज्जनमंतीए मज्ज जं होइ तं होउ ॥

एवं काऊण जिणसंथवं ठिया हेमसुंदरी । तओ मणोरमा काउमारद्धा—

वम्माए विहि अंगरुह, जिणेसर [पहु] पास । दयनिहि [सि]द्ध-पसाउ करि, सासय-सोक्ख-निवास ॥ दीण-दुहावर-दुहिययण-वच्छल-वर-जावण्ण । सरणु असरणह होह मह, सामिय सामल-वण्ण ॥ अज्जु पणट्टउ सोगभरु, हरिसु न अंगि वि माइ । वियसिउ लोयणजुयलु मह, मणु कल्लोलिहि जाइ ॥ नाणाविहमंगलनिलथ, जं तुहं दिट्ठउ पास । जय-भूसण-व[र]भयरहिय, सामिय पाव-पणास ॥ तिहुयण-सिरि तिहुयणतिलय, मुहु वर जोइय ताहं । निवससि पास प[स]णमण, मणमंदिरि तुहं जाहं ॥ अज्जु मणोरह-तरुफलिउ, सासयसोक्ख-फलेहि । जं नामिउ भावेण सिरु, पासह पयकमलेहि ॥ पासजिणेसर लोयणइं, पर सजहिज्जहि ताइं । ससि-सुंदरु तुह मुहकमलु, पइदिणु पेच्छहि जाइं ॥ गुणसायर तुह गुण-गहणु, जीह करइ सा धण्ण । जे गुणकित्तणु तुह सुणहिं, पासत्थ ति(?)क्ण्ण ॥ जे नर पूइवि पास पइं, पसरुद्विय पणमंति । ते सुरसुंदरि-मुहकमलि भसलत्तणु पाविति ॥ ताव न भंजहि भुवणगुरु, नर मेइणि छक्खंड । जाव न पास पसणु तुहं, भुवणत्तय-मत्तंड ॥ ताहं निरंतर-मंगलइं, कल्लाणइं करि ताहं । भवसायरु गो-पय-सरिसु, पासु पसण्ण जाहं ॥ विसयकसायविसंठुलिहि, धम्मपमायपरेहिं । हा हारिउ लेहि मणुय-भवु, पासु न वंदिउ जेहिं ॥ पासजिणिदह पयकमलु, हिया म हत्थहि मेल्लि । जि लंघिवि घंघल-सयइं पाव[सि] परम-सुहेल्लि ॥ जग-हिय-ग[र]गुरु जग-पवर, सरणागयहं सरण्ण । सामिय अब्भुद्धरणु करि, हउं तुह सरणि पवण्ण ॥ सोम ! निरंजण कारुणिय, करुणिम करिवि कयत्थ । तिम्व किज्जउ जिम्व मज्ज पहु, सिज्जिहि सब्ब पयत्थ ॥ होसइ दुक्खुत्तारु महु, एत्थु न संसउ देव । निप्फल होइ कया वि न वि, सामि तुहारी सेव ॥

गह पीडहुं संपय चलउ, वसण-सयइं निवडंतु । पर परमेसर पासजिण, पइं विणु दियह म जंतु ॥
जइ लब्भइ पहु मग्गियउं, ता इत्तलउं करेज्ज । भवि भवि महु निय पयकमलि, अविचल भत्ति विहेज्ज ॥

एवं काऊण पासजिणसंथवं जावज्जवि न विरमइ मणोरमा ताव उट्टिया नहयले अमाणुसी वाया—“वच्छा ! तुट्ठा हं तुम्हाण इमाए असाहारणाए जिणिदभत्तीए इहट्टियाण चैव भविस्सइ तुम्ह कइवय-दिणमज्जे पिययम-सुएहिं सह संगमो ।” एवं सोऊण संतुट्टुमाणसाओ गयाओ उज्जाणमज्जसंठियपवरपासाए । काराविया कहकहवि पाणवित्ती हेमसुंदरीए मणोरमा । भुत्तुत्तरे पुच्छिया, मणोरमाए विज्जाहरी—“भइणि ! का तुमं ? किं निमित्तं वा एगागिणी इह निवससि ? केण वा कारियं जिणमंदिरं आरामयासायसहियं ?” विज्जाहरीए भणियं—“सुणउ पियसहि !

अत्थि इहेव जंबूदीवे वेयड्ढदाहिणसेडीए तारासुंदरं नाम नयरं । अणेग-समर-संघट्ट-निवडियविककमो विककम-धणो नाम राया । रइ व्व मयरकेउणो रइसुंदरी नाम महादेवी । तीए सह विसयसुहसुहमणुहवंतस्स बोलीणो कोइ कालो । अवच्चमुहदंसणुककुलाण मज्झिमवए वट्टुमाण ताण अहमेगा दुहिया जाया । कारावियो ताएण सच्चम्मि नयरे वद्धावणयमहूसवो । उच्चिय-समए पइट्टावियं मे नामं हेमसुंदरी । गाहिया इत्थीयणजोग्गाओ कलाओ । कमेण पवड्ढमाणा पत्ता जोव्वणं ।

कयाइ वसंतसमाए सहियणसमेया गया हं नयरबाहिरज्जाणे । इओ तओ परिकीलमाणीए अहरिय-वरहिवरह-
[क]लाव-केसपासो, अट्टमी मियंक-सरीस-भालपट्टो, गुणारूढ-कामकोयंड-कुडिल-भूजुयलो, विसट्टकंदोट्ट-दल-दीहर-
लौयणो, सज्जणसहावसमुज्जुयनासावंसो, फलिहमणिदप्पणामलकवोलयलो, पक्कविंबाफलारुणाहरो, धवल-सम-सिहरि-
दसणावलीरेहिरो, तिरेहा-रेहिर-[क]वुकंधरो, पडिपुण्ण-पुण्णिमायंद-चारुवयणो, मणिकुंडलविरायमाण-सवण-जुयलो,
महापरिह-सरल-सुंदर-बाहुदंडोवसोहिओ, पुरवर-कवाड-वित्थिण-वच्छत्थलो, मुइयमीणमणहरोदरो, पंचाणपणीण-
कडियलो, क[य]लीदंडकोमलोरुजुयलो, करिकराणुकारिजंघाजुगविराइओ, कुम्मूण्यगूढमुफचलणो, चंगिमालंकिओ,
पंचविहमणि-किरण-करंबियवरहरो, मालाविहियसिर-सेहरो, हारिहरियंदणविहियविरलविलेवणो, वरवत्थाहरणविराय-
माणसरीर-सोहाहरियमयरद्वओ, नलकूवरो व उज्जाणसिरिसमवलौयणत्थं समागओ, दिट्ठो मए एगो जुयाणओ ।
चिरपरिचिए व्व तम्मि दिट्ठे आणदवाहपडहत्था जाया मे दिट्ठो । पवणपणोल्लिय-कंकेल्लि-पल्लवो व्व पकंपिओ
अहरो । फुरियं बाहुलयाहिं । समूससियं पओहरोहं । थरहरियं ऊरुजुयलेण । पयट्टा अंगभगा । तं किपि मए मयणाउराए
समयम्मि तम्मि सच्चवियं जं न पडियं, न दिट्ठं, न सुयं, न सिक्खियं कह वि । सो वि तारतरल-पंम्हलदीहर-तंब-
कसिण-धवलेहिं पि मुणियाणुरागेहिं लौयणेहिं सुइरं मं निज्जाइय अरसणो संवुत्तो । तओ वित्थरिओ मह वम्महो
संतावानलो य वड्ढओ मुहमाहओ रण[रण]ओ गलिओ अंसु-पवाहो गुरुवएसो य । समुगओ पुलओ जिभारो य ।
विमुक्का अप्पा जीवियासा य । पणट्टा लज्जा गुरुयण-संका य । कि बहुणा चित्तलिहिया विव, थंभिया विव, जरिया
विव, महावाहिवेयणाउरा इव, कलहंसिया व रायहंसं, वरहिणी व घणमंडलं, रहंगिणी व रहंगं सारसीव सारसं,
कमलिणी व दिणयरं, समुद्वेल व्व मयलंछणं, भमरावलीव पंकयं, जणयतणय व्व रामदेवं, रइ व्व मयरद्वयं, लच्छी व
नारायणं, करेणु व्व करिवरं, करुणा व महामुणी, जोगिणी व मंतपयं, तं चैव हिययट्टियं ज्ञायमाणी, निरुद्ध-सच्चंभोवंग-
धारा अवयणा संवुत्ता हं । तओ गंतूण तुदिलाभिहाणघरदासीए साहियं अंवाए-सामिणि ! हेमसुंदरीए विसमो दसा-
विपाणो वट्टइ । जओ—

पेच्छइ अलद्धलक्खं निहुयं नित्थणइ सुण्णयं हसइ । जंइ अव्वत्तक्खर-वयणेहिं सहीहिं सा लत्ता ॥
जिवस्स व दाविता मग्गं से दिति दीहमुह-पवणा । खरपवणुद्धुयपत्तं व कंए तीए सच्चंगं ॥
घण्णासि तुमं सामिणि जइ धरमाणीए तीए मुहकमले । पेच्छसि भणिऊण इमं मोणेण ठिया तओ दासी ॥

एयं सोऊण ससंभमा समागया मह समीवं अंवा । कह कह वि लद्धचेयणा पुच्छियाहमिमाए—“वच्छे ! को एस
वइयरो ?” अहं पि अदिण्णपडिवयणा अहोमुही ठिया । साहिओ सच्चो वि जहट्टिओ बंधुमइ नामियाए पियसहीए मज्ज

वइयरो ।। अंबाए भणियं—“वच्छे ! न विसाओ कायव्वो । तुह समीहियसंपायणो चेव अम्हाण समुज्जमो । एहि, धरं गच्छामो ।” तओ मए चित्तियं—

एकं पिय-जण-विरहो वीयं मयणान्तलो वियंभेइ । तइयं कल-कलकंठी-कलयसहो समुच्छलइ ॥
तुरियमुज्जाणपायअंतरिओ कुसुमधणुविमुक्कोहि । निसिधसरेहि सहेलं सलइ अंगं अणंगो वि ॥

ता ण संगयमिहावत्थाणंति मण्णमाणीए पडिवण्णं मए अंबावयणं । समागया नियमंदिरं । कहिओ एस वुत्तंतो अंबाए तायस्स । तेण वि सखेयं भणिया अंबा—“पिए ! पणयपत्थणापुरस्सरं मग्गिया एसा विज्जुवेगविज्जाहर-चक्कवट्टिणो माउलेण सुहालयनयरसामिणा नरवम्मराइणा । पडिवण्णो थ मए । परमेगा मम दुहिया जहा सुहिया संपज्जइ तहा करिस्सामि । न भे विसाओ कायव्वो ।” अंबाए भणियं—“जइ एवं ता पणवेमि ताव ते दुहियं । जइ पडिवज्जइ सो चेव वरो सोहणो । पडिवण्णं ताएण । सरूवं साहिऊण दिण्णा अणेगे मह अंबाए उवएसा । न उण मह हियए एगो वि संठिओ । जओ—

वारं वारं वि[ग]लइ उवएसो गुरुजणेण दिज्जंतो । मयरद्धयवाणपहारजज्जरे पाणि-हिययम्मि ॥
नाऊण निच्छयं भणिओ अंबाए ताओ—“न पडिवज्जइ एसा ।” तओ ताएण पडिसिद्धो नरवम्मे दिण्णा हं कित्ति-वम्मस्स तिलयसुन्दरनयरसामिणो चित्तवम्मविज्जाहरतणयस्स । महया विच्छडेण वित्तो विवाहो । सिणेहसारं विसय-सुहमणुहवंतीए तेण सह जाओ मे दारओ । उच्चिय-समए कयं नामं कित्तिसुंदरो ।

इओ सो नरवम्मराया अज्जउत्तं तायं च पओसमावण्णो अण्णया अंतरं लहिऊण वावाइओ तेण अज्जउत्तो । अहं पि भयभीया कित्तिसुंदरं गहाय ताय समीवं गया । ठिया तत्थ सुहं सुहेण कइवयदिणाणि ।

अण्णम्मि दिणे भणियं मह पुरओ ताएण “वच्छे ! चंचलाओ रिद्धीओ । संझन्नभरागसरिसं जोव्वणं । खण-दिट्टनट्ठं सहावओ जंतूण जीवियं, विसेसओ सवेराण अम्हारिसाण । ता करेमि कत्थ वि उभयभवसुहावहं पास-सामि-मंदिरं ।” मए भणियं—“कल्लाणे को विरोहो ।”

तओ नियपरिवारसम्मएण कारियमेयं ताएण जिणमंदिरं, पासायगम्भो आरामाओ । काऊणपइट्टापुरस्सरं अट्टाहिया महिमं, भणियहं ताएण—“वच्छे ! न संति ते वसणसहाया सहोयरा बद्धामरिसो समत्थो सत्तू । जइ कहवि वसणं भे भवइ तो एस भयवं सरणं पव्वज्जियव्वो ।” तहेव पडिवण्णं मे ताववयणं । समागओ सट्टाणं । ताओबोलीणो को वि कालो ।

अण्णम्मि दिणे सबलवाहणो अलक्खिओ चेव समागओ नरवम्मराया । साहिखेवं भणविओ तेण ताओ—“अरे ! भट्टपइण्ण ! दाऊण मह दुहियरं अणत्थ तं दितस्स दिट्ठं ते सब्वं । संपइ पोरुसं पेच्छामि । भवसु जुज्जसज्जो ।” एयं सोऊण कयसण्णाहो चउरंगवल-परिवारिओ निग्गओ ताओ । पव्वत्तमाउहणं । निवडिया दोमु वि बलेसु विज्जाहरभडा-भरं काऊण दुक्को नरवम्मो तायस्स । पलाणो तायपरियणो । एगागी विद्धो व्व वेद्धिओ समंतओ नरवम्मरायं ययघडाहि । एत्थंतरे धरिओ नियमणमंदिरे । ताएण सुरासुरसमूह-धूओ पाससामी । तप्पभावेण न पभवन्ति सत्तुसत्थाइं । “सपाडिहेरो एसो” ति कलिऊण मुक्को नरवम्भेण । निक्खंतो दमसुंदरायरियसमीवे । अहं पि सोयपरा ताएण विणा असरणसत्ताणयं मण्णमाणी गहिऊण कित्तिसुंदरं इमं जिणमंदिरं सरणमल्लीणा । भणिया केणेव अदिट्ट-रूवेण रयणीए—“वच्छे ! परबलं दट्टूण जिणमंदिरमज्जे पवेसियव्वं जेण खेमं ते भवइ ।” पडिवण्णं मए । पभाया रयणी । समागया सत्तू । पविट्टा हं जिण-मंदिरे । सो वि जिणभवणपेरंतेसु चिरकालं परियंचिऊण अकयत्थो चेव मओ सट्टाणं । एवमेत्थ निवसंतीए वच्चन्ति वासरा ।

अण्णम्मि दिणे पव्वयसिरी समवलोयणत्थं अर्काहितो चेव निग्गओ जिणभवणाओ कित्तिसुंदरो । जावज्जवि थेवंतरे न गच्छइ ताव ‘हा ! ताय, हा ! अंब’, इच्चाइ विरसमारसंतो अवहरिओ केणावि । अहं पि तद्दुक्खदुक्खिया

सुइरं विलविऊण परमपूया पुरस्सरं तिसंज्ञमवि पाससामिणो चलणजुयलंमाराहयंती एत्थेव एगामिणी ठिया । एत्तियं कालं अज्ज पुण माउस्सिया-धूयं कणिट्टुभइणीं तुमं संजोजयंतेण पडिकूलकारिणा वि अणुकूलमायरियं दिव्वेण ।” मणोरमाए भणियं—“कहमहं ते माउस्सियाभइणी ? सुणेसु” —पारद्धे, मज्झ वीवाहऊसवे, बरवत्थाहरणे विभूसिए इओ तओ परियडंते विज्जाहरनारीगणे, समागय-रयणीए [तमंधार]नियरनिव्ववियसयलजीवलोए, उग्गए मयलंछणे, अंबं परिवारिऊण समंतओ निसण्णे निय-परियणे, अकम्हा चेव परुण्णा अंबा । अमंगलभीरुयाहि कहकह वि निवारिया परिणय-नारीहि । पुच्छिया सोगकारणं । न साहियं ताण । तओ चलणग्गहं काऊण मए पुच्छिया । नाऊण निबबंधं जंपियं अंबाए—“वच्छे ! अत्थि मे जीवियाओ वि अचंचतवल्लहा विजयावली नाम कणिट्टु-भइणी । सा पुण परूढपणएण चंदकंतपुरसामिणो भूमिगोयरविजयसेण-राइणो दिण्णा ताएण । पाणिग्गहण समए चेव सा मए दिट्ठिल्लिया । सया वि तं सामण्णेण सुमराभि । अज्ज पुण तुह विवाह-समय-समारद्ध-महामहूसवे सविसेसं सुमराविया । तेणाहं परुण्णा । जओ—चंदरहिया पओसा उल्लूरियपंकयः सरुच्छंगा । देसा वि पुत्ति पत्तिय पवसिय-सुयणा न सोहंति ॥ सुमरिज्जंता ऊसवदिणेषु गेहूसवे सराविता । वच्छे ! दंसंतरिवा सुयभा सत्त्वन्ति हिययाइं ॥ कि तेण ऊसवेणं कि वा विहवेण वच्छि अहलेण । विजसंता सयणजणा कुणंति नो जत्थ संतोसं ॥ कि तेणंभुइएणं पहुत्तणेणावि पुत्ति कि तेण । कि तेहि लोयणेहि दीसंति न सज्जणा जेहि ॥ करिकण्णचले विहवे कुसग्गा-जल-विदु-चंचले जीए । जं जीविज्जइ सज्जण-विओरा-विहुरेहि कि तेण ? ॥ सुव्वइय तीए जाया जण-नयण-कोमुइ-सरिच्छा । तुज्ज कणिट्टा भइणीं मणोरमा नाम नामेण ॥ सा सूरसेण-रण्णा सयंवरामंडवम्मि परिणीया । कण्णारयणं परमं तुमए गंतूण दट्टुवा ॥ जओ—

अहंसणेण वच्छे ! सुट्टुवि नेहाणुबंधवडियाइं । हत्थउडगणिआइं व कालेण गलंति पेम्माइं ।

पडिवण्णं मए अंबावयणं ।

तुह दंसण-समूसुयाए बोलीणो एत्तिओ कालो । अज्ज पुण अत्रविठ्ठामववुट्ठी व तुमं मिलिया ॥ वामेण वि मह विहिणा विहियं एयं तु संगयं अज्ज । जं समदुक्खसहाए तए समं संगमो घडिओ ॥ रण्णं पि इमं वसिमं वसणं पि हु ऊसवेण सारिच्छं । भणनयणानंदयरे मणोरमे जं तुमं दिट्ठा ॥ एवं भणमाणीए वाहाविललोयणाए खयरीए । घेतूण गले बाढं गाढयरं साइयं दिण्णं ॥ तो दुगुणियसोयानलजालावलिदज्जमाण-देहाओ । कय-कंठ-ग्गहणाओ पमुक्कपोक्कं परुण्णाओ ॥ जम्हा विट्ठे सुयणे सब्भाव-सिणेह-निबभरे घणियं । उदगे व्व तेज-विदु जंतूण दुहं पवित्थरइ ॥ तह ताहि तत्थ हण्णं सुण्णारण्णम्मि दुक्खियमणाहि । तद्दुक्खदुक्खिएहि जह हण्णं सावएहि पि ॥

एवं ताओ चिरं रोइऊण अण्णमण्णनिवारणेण विरमियाओ रोइव्वस्स । ठियाओ तत्थेव सहावसुंदरे जिणमंदिरे । तिकालमवि वंदण-पूयणाइणा पासजिणमाराहयंतीण वचंचंति वासरा ।

अण्णम्मि दिणे पभाए चेव दिट्ठा गयणंगणे विमाणरिछोली । तक्खणा चेव भरिओ विसालसिहरमहीहरो विज्जाहर लोएण । ठिया सत्तु-संकाए गहिऊण मणोरमं जिणभवणभंभंतरे हेमसुंदरी । ते वि विज्जाहरनरनारिगणा गहिय पहाण-पूओवगरणा जिणमंदिरभंभंतरे पविसिउमारद्धा । हेमसुंदरी मणोरमाओ वि पविसंतजणं निरूवेमाणीओ जाव चिट्ठंति तावागओ विज्जाहरभडपरिवारिओ अहिणव-सिद्ध-पण्णत्ति-पमुह-पहाणविज्जो दाहिणेयर-पास-परिसंठिय कित्तिसुंदर-मणोरमसेणो गंधव्वसेणो नाम विक्कमधणरायभत्तिज्जओ । पूइओ तेण पारियायपमुह सुस्तस्कुसुममालाहि तित्थयरो । काऊण पणामं निग्गओ । निसण्णो जिणभवणमंडवे । हेमसुंदरीए भणियं—“हला ! मणोरमे, गंधव्वसेणपासे मह पुत्तो

कित्तिसुंदरो विय लक्खीयइ ।" मणोरमाए विसेसेण वामेण लोयणेण अबलोइऊण भणियं—“मह तणओ मणोरमसेणो वि य विहाविज्जइ ।" एवं भणमाणीण चेव ताण समागया विजयसेण-सूरसेणा । संपुइऊण पासपयपंकयं ते वि निसण्णा बाहिरमंडवे । तओ वियसियमणलोयणाए भणिया हेमसुंदरी मणोरमाए—“मज्झ जणय-पइणो विय विभाविज्जति ।" एत्थंतरे पविट्ठा रइसुंदरी समं विजयावलीए जिणभवणे । पूइओ ताहिं पवरपुप्फाइहिं सध्वणू । काऊण वंदणं विण्णत्तो रइसुंदरीए—“भयवं ! सचराचरजीववच्छल, कदणामयमयहर ! दोग्गइदुहुहुहिण संपसायं काऊण तहा करेसु जहा मिलइ हेमसुंदरी कित्तिसुंदरेण ।

एत्थंतरे पविट्ठा रइसुंदरी समं विजयावलीए जिणभवणे । पूइओ ताहिं पवरपुप्फाइहिं सध्वणू । काऊण वंदणं विण्णत्तो रइसुंदरीए—“भयवं ! सचराचरजीववच्छल, कदणामयमयहर ! दोग्गइदुहुहुहिण संपसायं काऊण तहा करेसु जहा मिलइ हेमसुंदरी कित्तिसुंदरेण ।

विजयावलीए एवं विण्णत्तो—

संबंधिवर्गाहियकर करुणं काऊण दुक्खियजणम्मि । तह वि कुणसु सामिय जह मिलइ मणोरमा मज्झ । ८७६ ।

एवं भणिऊण निग्गयाओ ताओ । हेमसुंदरीए भणियं—“इमाण जेट्ठा मह माऊयाए सारिच्छा ।" मणोरमाए भणियं—“कणिट्ठा मह मायरमणुकरेइ ।" हेमसुंदरीए भणियं—“कत्तो अम्ह एसियाणि भागश्रेयाणि । निक्कारणकुविय-नरवम्मवइरिणो मायाविलसियमेयं संभाविज्जइ । ता तिरोहियाओ चेव चिट्ठामो ।" तहेव ठियाओ । गंधव्वसेणवयणेण पारद्धं भुवणगुरुपुरओ पेक्खणयं । समसरसमवरवत्थाहरणवेसया विजियकलकंठा जिणगुणगब्भयं गाइउमारद्धा विज्जाहर-वंदा । पवाइयाणि वीणा-वेणु-मुइंग-पह-पहाणवाइत्ताणि । तओ जहा-ठाणमुवविट्ठेसु सयलविज्जाहरेसु, निमिए मज्जणे, चरणुक्खेव-समय-खणमेत्त-पयड-पलोइज्जमाणरंभाथंभ-विब्भभोरुजुयलाओ, चलण-कंपचलिर-पोमराय-मणिनेउररणझणा-रावमुहलिय-दिगंतराओ, कुंभिकुंभिविब्भम-पओहर-भरक्कतनमंतकवाममज्झभायाओ, नियंब-भज्जिर-जंघ-जुयल-जणिय-जणविम्हयाओ, धूरथामथरथ रावियथोरथणवट्टकंचुकय-गुणाओ, कण्णवसासमंजसनिवडंतसन्निरुद्धवयण-नयण पसरकुडिलय-केस-संजमण-समाउल-पाणि-पल्लवाओ, आरुढगुणकामकोयंडडंडकुडिलभूनिक्खेवक्खित्त-कामियण-हिययाओ, आयंबतार-नलिण-करसहसकरिणुक्केकरंरंरियंबरंतराओ, फलिहमणिविणिम्मियामलमंडवतलाकलकं--संकंत-मुहयंदसंदोहतया एगसकलंकससहरसोहासेसुद्धुरं नहयलमुवहसंतमिव, रंगंगणदेसम्मि निदयपायप्पहारपहयधरणीयलाओ, सम-सेयं-सलिलविदु-संदोह[ज]ज्जरियभालतिलयाओ, सब्भावसारं पणचिचयाओ विज्जाहरतरुणीओ । जहारिहं दाऊण पुप्फ-तंबोलाईणि विसज्जिया पेच्छया ।

एत्थंतरे उट्टिया जिणभवणब्भंतरे अमाणूसीवाया—“हेमसुंदरी ! न सत्तुसंका कायव्वा । जहादिट्ठं भवईहिं तहेव सच्चं सच्चं ।" एयं सोऊण निग्गयाओ हेमसुंदरी मणोरमाओ । मिलियाओ नियंबंधुवग्गं । आणंदभरनिब्भराणि ठियाणि खणमेयं सिणेहसारं कहाए । पच्छा भणियं मणोरमाए—

एयस्स नमो गिरिणो इमस्स दुल्लंभिणो मूहुत्तस्स । जत्थ परमतथ भज्जणसमागमो अम्ह संजाओ । ८७७ ।
ता सयलजणसमक्खं [ज]त्ता [प] परमायरेण काऊण । कीरउ गुणनिप्फणं पियमेलो नाममेयस्स । ८७८ ।

तहेव काऊण गंधव्वसेणवयणेण गयाणि सव्वाणि वि दाहिणसेणिसठिए नहसुंदरनयरे कयसम्माणाणि गंधव्वसेणेण ठियाणि तत्थ कइवयदिणाणि ।

अण्णम्मि दिपे समागयाए रयणीए, अलण्हजोण्हापसरेण पयासिएण ससहरेण, धरणीयले आसणं काऊण निसण्णेसु विजयसेण-गंधव्वसेण-रइसुंदरी-विजयावलि-हेमसुंदरि-मणोरमा पमुहसयणवरगेषु, पवइडमाणे गोट्ठीरसे, अबसरं लहिऊण पुच्छिया नियजणणी हेमसुंदरीए—“अम्मो ! मणोरहाण वि अगम्मो कहमेस इट्ठजणसमागमो जाओ ?" तीए भणियं—“एस ताव विजयसेणो राया विजयावली य मणोरभादुक्ख-दुक्खियाणि मए गंतुण इहाणी-याणि । सूरसेणो वि कलत्तावहार-विहुरियहियओ न अहिलसइ भोवणं, न बहु मण्णइ गंधव्वं, निदइ नियजीवियं, सया सण्णिहियसूरचंदं पि तसंधयारमिव मण्णइ महीमंडलं । जओ—

सरसु वि भोयणु विरसु होइ गंधुक्कडु हारउ । उव्वीसइ जियलोउ भुवणु भावइ अंधारउं । ८७९ ।।

जइ न खणद्धु वि[र]स-निहाणु जणि अब्भरहुत्तजउं । दीसइ दंसणु-जणि[य]सोक्खु माणूसह मुहुत्तलउं । ८८० ।।

तओ सा—

संवच्छरस्स मज्जे जइ पत्ता पिययमा मए कहू वि । तो अत्थि जीवियासा अह नो तो हुयवहो सरणं ॥८८१॥

एवं कयपइण्णो चउरंगवलपरिवारिओ, सव्वत्थ थलपहे मणोरमागवेसणं काऊण अलद्धवुत्तंतो, नावा-
कडगेण सागरमोगाढो । एत्थंतरे संजायं मेहदुट्ठिणं । पवाइओ पडिकूलमारुओ । संखुद्धो जलनिही । अकयपुण्णजण-
मणोरममणोरहा इव अकयकज्जाणि विवण्णाणि जाणवत्ताणि । सुविलयपव्वयाओ पडिनियत्तो य समसाइयफल-
खंडो इओ तओ समुदलहरीहि हीरंतो दिट्ठो मए सूरसेणो । उत्तारिओ महण्णवाओ । पुच्छिओ वुत्तंतं । साहियो
अणेण सव्वो वि जहट्ठिओ नियवइयरौ । संजायं पच्चभिण्णाणं । आणिओ मए सट्ठाणं । धरिओ सोवयारं । कित्ति-
सुंदरमणोरमसेण-वइयरं पुण गंधव्वसेणो विद्याणइ । हेमसुंदरीए भणियं—“भाय ! भणसु कहं तए निय भाइणेज्जा
पाविया ? गंधव्वसेणेण भणियं—“जलहिजलोवगूढतिकूडपव्वए विज्जासाहणं कुणमाणेण समंतओ दुवालसजोयणमज्जे
मारिनिवारणत्थं तिउत्ता मए नियविज्जाहरा । सिद्धविज्जस्स दसिओ मे कित्तिसुंदरो हेमकुंडलविज्जाहरेण ।
पुच्छिओ सो मए—“कहिं एस पाविओ ?” तेण भणियं—“गओ हं विविहवणराइयं जलनिहि-तडं । अलद्धलक्खं
परिब्भमंतेण निसुओ एगत्थ वणनिगुंजे रइयसट्ठो । गओ सद्धानुसारेण थेवंतरं । दिट्ठो एसो कयंबपायवेण सह कील-
एहि कीलिओ । उक्कीलिऊण आणिओ मए सट्ठाणं । संरोहणोसहिपओगेण पउणिया वणा । धरिओ एत्तियं
कालं । संपयं तुह समप्पिओ ।” एवं भणिऊण जावज्जवि न विरमइ हेमकुंडलो तावागओ गहिऊण मणोरमसेणं
पवणगई विज्जाहरो । “कहिं तए एस दारओ लद्धो ?” तेण भणियं—“जलहिजलमज्जे उव्वुडणाणि कुणमाणो
कडिद्धओ । धरिओ य एत्तियं कालं । संपयं तुह समप्पिओ । पत्तभूओ त्ति काऊण मया वि नियसमीवे धरिओ ।
एवं सोऊण सविसायं भणिया रइसुंदरी सूरसेणेण—“अहलो मे पयासो । न जायं पुत्तकलत्तावहारकारिणो वेरिएण
सह दंसणं । गम्मउ संपयं सट्ठाणं ।” एवं कहालावेण गमिअं पहरदुगं जामिणीए सुत्ताणि । पभाए काऊण गोस-
किच्चं समं विजयसेणसूरसेणेहि निसण्णो अत्थाणमंडवे गंधव्वसेणो । सेवासमयसमागयमंतिसामंतेहि पूरिया
सहा । एत्थंतरे समागओ दोवारिओ । विण्णत्तो तेण गंधव्वसेणो—“सामि ! विज्जाहरनरिदचंद पेसिओ दुवारे
चिट्ठइ दूओ ।” गंधव्वसेणेण भणियं—“लहुं पवेसेहि ।” पवेसिओ ! काऊण पणामं जंपियं दूएण—“अणवर-
यपणमंतविज्जाहररायमोलि-मालामयरंदबिदुसंदोहपक्खालिय-यायवीढो सयलदाहिणसेणिविज्जाहरचक्कवट्टीसुगहियनाम-
धेज्जो विज्जुवेगमहाराओ समाणवेइ—“जो एस भूमिगोयरतणओ मणोरमसेणो नाम जलहिजले पक्खित्तो,
मारिनिवारणट्ठा समुदमज्जाओ कडिद्धउण तुह समप्पिओ, सो संपयं मे जामाउयस्स असणिवेगस्स समप्पिज्जउ । जो
पुण कित्तिवम्मसुओ कित्तिसुंदरो नाम कयंबपायवे कीलिओ, उक्किलिऊण संरक्खिओ, सो मह माउलगस्स नरवम्म-
राइणो वियरिज्जउ । जइ भे एयाण चेव धरिणीहि सुविमुद्ध-केवलिवयणमुणियजम्मंतरवेराणुबंधेहि मारिउमारद्धा
तुह पुरिसेहि संरक्खिया ताण समप्पणं करंताण अत्थि भे जीवियं । अण्णहा नत्थि भे जीवियं ।” जं सामी समाणवेइ
त्ति भणिऊण विसज्जिओ दूओ । कि कायव्वविमूढेण भणियं विजयसेणं सूरसेणेण—“रुट्ठेण विज्जाहरचक्कवट्टिणा
नत्थि मे दाहिणसेढीए निवासो । कि कीरउ संपयं ?” विजयसेणेण भणियं—“जमुच्चियं कुलपोरुसाणं ।” सूरसेणेण
भणियं—“भूमिगोयरा वयं । अण्णहा को एस विज्जुवेगो जो एवं समाणवेइ ।” रइसुंदरीए भणियं—“वच्छ ! गंध-
व्वसेण ! पयच्छसु पण्णत्ति सूरसेणस्स । पच्छा निट्ठोसो तुमं ।’ दिण्णा तेण पण्णत्ती सत्तूक्कूलयाए । थेव कालेण
चिय साहिया सूरसेणेण । पुणो वि समागओ विज्जुवेगदूओ । सरोसं भणिओ तेण गंधव्वसेणो—“अरे ! कि तुमं
कयंतेण समवलोइओ जेण अज्ज वि न पेसेसि ते दारए ?” सणियं सवणंते होऊण ‘न दीणं पयंपियव्वं’ ति
भणिओ गंधव्वसेणो सूरसेणेण । तओ संलत्तमणेण—“अरे ! ‘दूउ’ त्ति काऊण असमंजसपलाविणो तुह सहिज्जइ ।
भणसु, गंतूण नियसामियं—“जइ तुह माउलजामाउया निय तणए मह समप्पत्ति तोइहमवि ते दारए समप्पेमि ।”
गले घेत्तूण निद्धाडिओ दूओ । तेण वि सविसेसं साहियं विज्जाहर-चक्कणो । सोऊण कुविओ विज्जुवेगो । विण्णत्तो
नरवम्मासणिवेगेहि—“देव ! अलं ते परिमंरंभेण । समाइसउ सामी जेण तं दुम्मयं गंधव्वसेणं जीवग्गाहं गहिऊण

तुम्ह पायाण पुरओ पक्खिवामि ।” तओ बहु विज्जाहर-परिवारिया विसज्जिया ते दो वि राइणा । अखंड-पयाणएहि गया तच्चिसयसंधि । विण्णायवुत्तंता सण्णद्धा गंधव्वसेण-सूरसेणा । दुक्काणि दो वि बलाणि ।

तओ निवडंतेसु तुरंगमेसु, सिहरिसिहरसन्निहेसु पडंतेसु मत्तभायंगेसु, सारहरहिएसु परियडंतेसु रहावरेसु, सत्थातिघायज्जरियसयलसरीरेसु पडंतेसु पायत्ताणीएसु, कहि नरवम्मासणिवेगा नरवइ-जामाऊय-माउलय त्ति सगव्वं वाहरंतो वामकरकोप्परिय-फरओ दाह्णिणकरकंपावियकरालकरवाल-भीसणदंसणो समरमज्झणोमाढो सूरसेण-नराहिवो । आइवराहेणेव जलहिजलं विलोलियं तेण ताण बलं ते उ “पाव पणट्ठीसि” भणंता दुक्का दोवि नरवम्मासणिवेगा । फरुसमणंतेण पेक्खंताण चेव सयलविज्जाहरभडाण दो वि विणिवाइया सूरसेणेण । जओ—

कयसमकएण ण हू होइ णिव्वुई तेयणिज्जियजयाण । वाथामेत्तुत्तविओ वि जेण पंचाणणो दलइ ॥८८२॥

उच्छलिओ जयजयारवो । निहयपहाणं च सेसं पलाइऊण पत्तं विज्जुवेगसमीवे ताण बलं । माउलजामाऊय मरणसवणं संजायकोवानेण विज्जाहरचक्कवट्टिणा समाहूया सव्वेवि दाह्णिसेणिविज्जाहरा । पसत्थवासरे नीहरिओ नहसरकमलाओ । ठिओ वाहि । परिवारिओ समागतूण सयलविज्जाहरभडेहि । चउरंगबलपरिवारिओ महया सम्मदेण चलिओ गंधव्वसेणाभिमुहं ।

एत्थंतरे उम्मीलितो महीण्हे, संबडिडतो तणसक्कराइयं, उप्पायसमयससिन्निवाणीव पाडितो तडतडस्स धयवड-ग्गाणि, मोडितो मडमडस्स धयवडदंडे अयंडो चेव त्रियंभिओ पडिकूलमारुओ । रुद्ध-रवि-करपसराओ, अंगणाओ इव रज-स्सलाओ, दुहंसणाओ जायाओ दिसाओ । भग्गो विज्जुवेग-रहवरस्स अक्खो । पज्जालियं सियायवत्तं । विगयवेगा सणियं संचरंति तुरंगमा । विगलियमया मंडुच्छाहा दंतिणो । छिण्णो मग्गो कण्हाहिणा । वारिओ बुद्धिसागरमंतिणा । तह वि न ठिओ राया । अणवरयपयाणेहिं वहमाणो पत्तो गंधव्वसेणसीमासंधि । साहियं भंतूण चरेण गंधव्वसेणस्स । संखुद्धचित्तेण पुच्छिओ सो तेण—“कहं समागच्छइ खयराहिवो ? कित्ति[यं] बलं ? दूएण भणियं—

विज्ञय गिरिसिहरसन्निहभयभिगलगयघडाहिं परियरिओ । पवणपहोतिरधयवडसंदणसंरुद्धसंचारो ॥८८३॥
खरखुरखयखोणीयअसंखवरतुरयभरियभुवणयलो । संखुद्धजजहिजतसरिस पा[इ]क्कचक्कय वेढो ॥८८४॥
जो इह जयम्मि जलनिहिजलस्स अंतं लभेज्ज को वि नरो । सो जइ बलस्स तस्सउ परेतं पावए पुरिसो ॥८८५॥

सविसाओ सेणाभिमुहो [होऊण] सिरिसूरतेयतणयं पभणइ गंधव्वसेण-निवो—

जइ अभिमुहा भवामो विज्जाहरचक्कवट्टिणो अम्हे । तो निच्छएण मरणं पजायणे संसओ ताव ॥८८६॥
अह भणइ सूरसेणो रणरहसुभिण्णवहलरोमंचो । अरिदंतिदंतदलणो खग्गे दिट्ठि पणांसितो ॥८८७॥
गंधव्वसेण ! संपइ नासंताणं न संगयं अम्ह । अवलंविऊण सत्तं जुज्झामो सत्तुणा सद्धि ॥८८८॥
जओ—

एस च्चिय सोहा ससहरस्स तुच्छस्स वंकिमा जा से । रिद्धीसु पंजाता हंतंति सुपुरिसा नय विवत्तीसु ॥८८९॥
वसणसमागमकाले सविसेसं उण्णएहिं होयव्वं । अत्यमणम्मि त्रि रविणो किरणा उड्डं चिय फुरंति ॥८९०॥
समहियबलेण रिउणा जूज्झंताणं हवेज्ज जइ विजओ । तो लद्धं मरणं पि हू लद्धयरं सूर-पुरिसेण ॥८९१॥
अप्पं वा बहुयं वा सत्तुबलं कायराण गणणेसा । लोए वि पयडमेयं सूरु मरणेण सुज्जेइ ॥८९२॥
सिरिसूरसेण[निव]त्रयणेण विजयसेणनरनाहो । वियसिय-वयणो पभणइ खयरं गंधव्वसेणं ति ॥८९३॥
किं पढमं पि न दिट्ठो पउरबलो विज्जुवेगनरनाहो । जेणिण्ह भयभीओ पलाइउं वच्छ वंछेसि ॥८९४॥
सत्तुम्मि समावडिए पिट्ठि जो देइमरणभयभीओ । सो काउरिसो पुरिसो जीवंतमओ मुण्येव्वो ॥८९५॥
एक्केण वि केसरिणा पउराणि वि गयकुलाइं भज्जंति । तो थोवं अप्पबलं सत्तुबलं मा बहुं मुणसु ॥८९६॥

अज्जं वा कल्ले वा मरियव्वं एस संसओ नत्थि । ता अवसरे भरंतो जियइ नरो जस-सरीरेण । ८९७।
 पंचदिणा पाहुणगा पाणा कह तेसु कीरउ थिरासा । अथिरोह थिरा कित्ती विडविज्जउ वच्छ मा भयसु । ८९८।
 पडिबण्णमिणं वयणं खेयरगंधव्वसेणमाईह । तिक्खालिज्जंति तओ सत्थाणि बहुपयाराणि । ८९९।
 वरवत्थाहरणेहि सम्माणिज्जंति सयलसामंता । गुड-पक्खर-सन्नाहा पउणीकिज्जंति सुहडेहि । ९००।
 एवं कुणमाणणं ताणं कइवयदिणाण मज्झम्मि । संरुद्धं नयरमिणं समंतओ खेयरिदंण । ९०१।
 संखुद्धा नागरया कायरया कंपिउं समाढत्ता । किंकायव्वविमूढा संजाया मंतिणो सव्वे । ९०२।
 सण्णद्धबद्धकवओ विज्जाहरबलभडेहि परियरिओ । काऊण भरं दुक्को चउदिसि विज्जुवेगनिवो । ९०३।
 तत्तो पुरम्मि सयले हलबोलो नायरया संजाओ । सहसच्चिय संरुद्धो पुरभडनियरेण पायारो । ९०४।
 अट्टालयबद्धघयं सयग्घिसंघायरुद्धकविसीसं । गुरुजंतमुक्कपासाणभीसणं दट्ठु तं नयरं । ९०५।
 सिरि विज्जुवेगनरवरसुहडाणं सालभंजणमणाणं । एवंविहा पवत्ता संलावा तत्थ समयम्मि । ९०६।
 रे ! गुडह गयवरिदे पक्खरह तुरंगमे लहुं चेव । पउणेह संदणे सण्णहेह सुहडे पउत्तेण । ९०७।
 सण्णद्ध-बद्ध-कवया सुहडा संभरियसामिसम्माणा । परिओसमुव्वहंता रणसज्जा तक्खणे जाया । ९०८।
 कुट्टालयंकुसिय-करा सीसोवरि धरिय फारवरफरया । संवहिऊणं दुक्का सुहडा सालरस खणणाय । ९०९।
 बद्धंतबहल-कलयल-वुक्कंत-भडोह-भीसणं-सेणं । पायारे निस्सेणी दाऊणारुहिउमाढत्तं । ९१०।
 पायारोवरिसंठियसुहडकरत्थेहि निसियकुंतेहि । भिण्णा पडंति निस्सेणि-संठिया सुहडसंघाया । ९११।
 गुरुजंत-मुक्कगोलय-विभिण्ण-कुंभत्थला धरावीडे । निवडंति दंतिणो रहवरा वि भज्जंति दलियक्खा । ९१२।
 अंवरत्ताओ निवडंततत्तेल्लेण वालुयाए य । विज्जाहरिद-सुहडा दज्जंति दढं कसमसंता । ९१३।
 कविसीसंतरसंठियदप्पुदुरसुहड-सर-सय विभिण्णं । भग्गं लग्गं पच्छाहुत्तं विज्जाहरराइणो सेणं । ९१४।
 दट्ठुण नयं कुद्धो विज्जाहरनरवरो भणइ एवं । कि नासह होह थिरा मा नियकित्ति कलंकेह । ९१५।
 आसासिऊण एवं नियसेणं खेयराहिवो रुठो । कइवयसुहडसमेओ सरवरिसं काउमाढत्तो । ९१६।
 आयग्णायडिद्वयपवरकडिणचककलियचावमुक्केहि । बाणेहि तओ भिण्णा पडंति पायारगयसुहडा । ९१७।
 संचारिम-गिरिणो विव मयमत्ता गुलुगुलितदोघट्टा । पायारं पइ चलिया कयरक्खा तुरय-थट्ठेहि । ९१८।
 कोट्टालय-कुसियाहि महितलम्मि खाइया (?) खणाऊण । वरदंतिदंतपहओ पायारो पडिउमारुद्धो । ९१९।
 सिरिसूरसेणसहियं एयावसरम्मि गहिय सण्णाहं । गंधव्वसेणसेणं विणिग्गयं नयरमज्जाओ । ९२०।
 अभिमुहमागच्छंतं रणरसियभडोहविहिय हलबोलं । गंगाजलं व जडनिहिजलेण रुद्धं कुमारेण । ९२१।
 हरिणो हरीहिं करिणो करीहि वरसंदणा रहवरेहि । सुहडेहि सुहडवग्गा संजग्गा जुज्जिउं ताहे । ९२२।
 हय-महिय-सुहय-निवडिय-धयल्लत्तं भग्ग-रहवरसमूहं । गंधव्वसेण-सेणं दिसोदिसि (?) पलायंतं । ९२३।
 लद्धजयं सत्तुवलं पेल्लित्तं मग्गओ समणुजग्गं । रे धा[व]ह लेह मारह जंपंतं गह्यसद्वेण । ९२४।
 तओ-निरू पयट्टइ समरसंघट्टि—

भज्जंति नियवलि सयलि उत्थरंति परबलि अखिण्णइ । पेच्छंति अच्छरनिवहि विज्जुवेगि पहरिसु-
 वहंतइ । ९२५।

कइवय वरभडपरियरिउ अरिकंदह कोट्टालु । सूरसेणु तं बलु खलइ करकडिद्वय करवालु । ९२६।

सुहड सुहडइ हणइ ह्यथट्ट-

दोषट्टह..... कट्टइ गुडरह समुहु भुयवल्लिण भंजइ

जलपडिबिबिय चदु जिह भयसंभतमणेण । दीसइ बहुविहुरूवधरु रणसिरि-सत्तु वलेण ॥९२८॥
 पउर पडंत सत्तुमुंडावलि पुंडरिओहअच्चिए । दलियकुंभि[कुंभ]मोत्ताहलरुहिरथवक्कच्चिए ॥९२९॥
 करकलियासिदंडचंडुभि[य]भुय-दंडेण तक्खणे । तरनाहिण कबंध नच्चाविय निरु रण -रंग-पंगणे ॥९३०॥
 पउरंपि हु सत्तुवल्ल एणेण रहेण सूरसेणेण । सीहेण व गयजूहं परम्मूहं लाइयं सब्बं ॥९३१॥
 अह विज्जाहरराया दुक्को सयमेव बहुभड समंओ । निब्भच्छंतो खरफरुसवयण-बहुएहि पडिवक्खं ॥९३२॥
 रेरे ! कयंतचोइय अज्ज वि नट्ठोसि नट्ठ-मज्जाय । मह कोवजलियजलणाभिमुहो सलहो व्व जं एसि ॥९३३॥
 अहवा न तुज्ज दोसो आसन्नयरे विणासकालम्मि । जायंति पयडमेयं पक्खाउ पिपीलियाणं वि ॥९३४॥
 को सि तुमं कस्स सुओ कत्तो य समागओ इहं मूढ । अमुणियवंसेण वहइ तुमम्मि मह दाहिणो हत्थो ॥९३५॥
 अहव विहिणा विहिओ तुह जम्मो जेण मूढ तेणेव । मे हत्थाओ मरणं पि निम्मियं संपा[इ] तक्केमि ॥९३६॥
 एवं पयंपमाणो भणिओ सो सूरतेयतणएण । किं वयणवित्थरेण निरत्थएणं महीनह ॥९३७॥
 कावुरिसस्स वि मज्जं अमुणिय वंसरस बलविहीणस्स । होऊण उत्तमो तं रणम्मि बाणे निवारेसु ॥९३८॥
 इय भणिऊण विमुक्का संछण्ण-नहा सराण रिच्छोली । सिरि सूरतेयनरवइ सुएण रणरंगमल्लेण ॥९३९॥
 सो नत्थि भडो सो नत्थि गयवरो रहवरो वि सो नत्थि । सो नत्थि हओ न हओ सरोहिं जो सूरसेणस्स ॥९४०॥
 रोसारुण-नयणिल्लो सावेसो दसणदट्ठोट्टुउडो । तिवलीतरंगभंगुरभालयलो भीसणो धणियं ॥९४१॥
 दाहिणसेणिनरिंदो कुवियकयंतो व्व गहियकोदंडो । निसियसरधोरणीहिं घणो व्व संवरिसिउं लग्गो ॥९४२॥
 रुद्धो रविकरपसरो सरोहिं संघाइओ नहाभोगो । जायं तमंधयारं पकंपियं तिहुयणं सब्बं ॥९४३॥
 फेक्कारिति सिवाओ निसायरा परियडंति परित्तुट्टा । नरमंसपोसपुट्टा कोट्टा वासंति विरसाइ ॥९४४॥
 करकय-कराल-कृत्तिय-उक्कत्तिय-सज्जिय-सुहडमंसेण । रुहिरेण य तित्तमणा भमंति बहु साइणि-समूहा ॥९४५॥
 कोसियभयसंतट्ठे नासंते घट्ट-रिट्ट-संधाए । नच्चंतकबंधे किलिकिलितवेयालवीसत्थे ॥९४६॥
 भीमे उत्तासणए समरे सिरिसूरसेण रायस्स । विज्जाहरनरवइणा हया[हया] सारही निहओ ॥९४७॥
 छिण्णं छत्तं धयवड-दंडो[तह]मोडिओ कडकिडितो । रहकूवरो वि भम्मो निसिएणं अद्धयंदेण ॥९४८॥
 तत्तो दग्गुद्धुर-कंधरेण खयरहिवेण संलवियं । रे रक्खसु नियजीयं वच्चसु वलिऊण मुक्को सि ॥९४९॥
 एत्थंतरम्मि सण्णद्धबद्ध बहुसुहडसंघपरियरिओ । गंधव्वसेणसहिओ संपत्तो विजयसेणनिवो ॥९५०॥
 वरतुरयसंपउत्त ससुरेण समप्पियं पहाणयरं । सिरिसूरसेणराया आरुद्धो रहवरं अण्णं ॥९५१॥
 दुण्हं वि बलाण पुणरवि तह लम्मं भंडणं सरोसाण । जह तरमाण कबंधा रुहिरवसावाहिणी वूढा ॥९५२॥
 सुण्णा भमंति करिणो वियरंति रहा वि सारहिविहीणा । तुरियतुरगारहिया अडुवियडुं परियडंति ॥९५३॥
 अवगणिय मरणभया सुहडा संभरियसामिसम्माणा । गिण्हंति जयवडायं पयंडरणरंगमज्जम्मि ॥९५४॥
 पट्टिपएसपहया रुहिरारुणसयलदेहवीसत्था । हा ताय ! माय ! भाउय ! कलुणं कंदंति कायरया ॥९५५॥
 निवडंति करि-तुरंगे भिण्णरहे पडियपरपाइक्के । रुहिरोहकयच्चिलिच्चिल-दुस्संचारे समरमग्गे ॥९५६॥
 होऊण पुरो पभणइ विज्जाहर-राइणो विगय-संको । सिरिसूरसेणराया नय-निउणो एरिसं वयणं ॥९५७॥

जइ सच्चं सप्पुरिसो भडवायं जइ तुमं समुव्वहसि । तां किं जणक्खएणं तुमं च अहयं च जुज्झामो १९५८।
 सोहणमेयं ति पयंपिऊण सिरिविज्जुवेगनरनाहो । रहमारुहियं ढुक्को नरवइणो सूरसेणस्स १९५९।
 कोऊयवसागएहिं किण्णरगंधव्व-जक्ख-रक्खसेहिं । सुरसिद्धभूयवेयालनहयरोहिं नहं छण्णं १९६०।
 रे रणरहसविसज्जिय अदिट्ठरणसद्ध ससुहुमुह मूढ । संपइ पिबंतु रुहिरं मह बाणा तुज्झ हिययम्मि १९६१।
 एवं भणियं लम्भो खयरिदो वरिसिउं सरसएहिं । चक्कलियचावमुक्केहिं छण्ण-नह-भूमिवलएहिं १९६२।
 संभिण्णसयलदेहो खयरिदसरेहिं सूरसेण निवो । रामंविओ व्व नज्जइ उण (?) रणरहसेण खणमेगं १९६३।
 मयगःरवो पयंपइ ततो सिरिसूरतेयतणओ विं । चक्कहर ! सहसु संपइ अयाणुयस्सावि मह बाणे १९६४।
 इय भणिउं तह मेरुइ निरंतरतारतिकखसरविसरं । संधाणमोक्खणं जह लक्खिज्जइ नेव कुणमाणो १९६५।
 तीसहिं सरेहिं विंधइ चक्कहरं सारहिं तु वीसाए । पण्णासयसरेहिं हणइ हियए खयरिदस्स १९६६।
 मोत्तूण अद्धयंदं छिदइ छत्तं दलेइ धयदंडं । पाडेइ सिराउ मउडं नरनाहो विज्जुवेगस्स १९६७।
 कुद्धो तओ वि सज्जइ खयरिदो तामसं महासत्थं । तस्स वि निवारणट्ठा आइच्चं मयइ इयरोवि १९६८।
 ततो भुयंगसत्थं विट्ठरइ फणिविसरभरियगयणग्गं । तं सूरसेण राया विणिवारइ गारुडसत्थेण १९६९।
 ततो वि हु अग्गेयं सत्थं सयलजगसोसणसमत्थं । मुंचइ चक्की इयरो विणिवारइ वारुणत्थेण १९७०।
 तुल्लवलाणं ताणं संगामिताण संसयारूढा । रणरेणुधूसरसिरा जयलच्छी अंतरा भमइ १९७१।
 रणरहसमुव्वहंता सीहा इव रहवरे पमोत्तूण । कयगंथ्य-सीहनाया सहसा पयचारिणो जाया १९७२।
 करमहियखम्मरयणा मत्ता इव मयगंजा गुलुगुलिता । अण्णोणवद्धवेरा अंगोअंगीए संलग्गा १९७३।
 पयपहरपहयभूमीभरभज्जिरकंधरे धरावीडं । कह कह वि धरइ धीरो धरणिदो तम्मि कालम्मि १९७४।
 भयभीया भूयगणा पकंपिया जक्ख-रक्खस-पिसाया । थरहरियं भूयगंयं टलटलिया सिहरिणो सब्बे १९७५।
 झञ्झलियं जज्जहिजलं सलसलियं नहयलम्मि ताराहिं । संमूढदिसायक्कं संजायं तिहुयणं सयलं १९७६।
 मल्ल व्व जुज्जिऊणं खणमेगं दो वि वा[हु]ज्ज्जेण । पुणरवि रहमारुढा करणा समरविसयम्मि १९७७।
 तुरियतुरंगमसंचोइएण ततो रहेण ढुक्कित्ता । खयरिदो हणइ हया पढमपहारेण इयरस्स १९७८।
 दुईएण य धयदंडं छिण्णइ त्हाएण पाडेए मउडं । चउत्थपहारेण तओ रण्णो रहकूबरं दलइ १९७९।
 परिनुट्ठो भणइ तओ दुक्खुद्धी केण तुह इम दिण्णा । अहवा कुद्धो दिव्वो किं पुरिसं हणइ लउडेण १९८०।
 सोउं साहिकखेवं वयणमिणं सूरसेणनरनाहो । खयरिदरहतुरंगे हणइ तहा कूबरं दलइ १९८१।
 छत्त-धय-चिंधमउडे पाडेउं सारहिं पि मारेइ । खलइ न वलइ न रिज्जइ पहरंतो सूरतेयसुओ १९८२।
 काऊण रणे विरहं सवलक्खं विज्जुवेगनरनाहं । उत्तरइ रहवराओ नयनिउणो सूरसेणो वि १९८३।
 ढुक्को खयरनाहो कय-सण्णाहो अभंगसत्थोहो । दाहिणकरकंपाविय कराल-करवाल-दुप्पेच्छो १९८४।
 मोत्तूण सीहनायं सीहो इव मयवरस्स उत्थरिओ । सिरिसूरसेणराया तक्खणा (?) नहयरिदस्स १९८५।
 खयराहिवेण पहओ खग्गपहारेण उत्तिमंगम्मि । मुच्छानिमीलियच्छो पडिओ धरणीए धुम्मंतो १९८६।
 अह भणइ विज्जुवेगो रे कायर मूढ सरसु निय सत्थं । न य नट्ट-निवडिएसुं पहरइ मह दाहिणो हत्थो १९८७।
 सिरिसूरतेय तणओ, खयरिदं लद्धचेयणाण विप्पियं पुण । नियत्तेइ जुज्जंताणं समरे लम्भो ज्जसो (?) १९८८।
 जओ-

नवरि पिथाइं चिय निव्वडंति विवरं मुहे वि सुयणम्मि । रयणाइं चिय उयही समोसहिंरि दावेइ १९८९।
 दढरोसकलुसियस्स वि सुयणस्स मुहाउ विप्पियं कत्तो ? । राहुमुहम्मि वि ससिणो किरणा अमयं चिय-
 मुयति १९९०।

हिययाहितो कंठं कंठाउ मुहं मुहाउ जीहग्गं । जीहग्गाओ सुयणा ण विष्मियं पुण नियत्तेइ ॥९९१॥
जुञ्जंताणं समरे लग्गो जइ कहं वि दिव्वजोगेण । तुञ्ज पहारो महं खयरनाहं किं तेण तुट्ठोसि ? ॥९९२॥
अहवा तुच्छे वि कए कज्जे तुच्छो महिमंडले वि न हु माइ । मज्जसमो नत्थि जए अत्तुक्कोसं वेहेमाणो ॥९९३॥
न य गज्जइ देइ जलं घणोघणं जहं तहेव सापुरिसो । जंपइ न साहइ च्चिय मेरुसमाणाइं कज्जाइं ॥९९४॥
हिययम्मि फुरइ सत्तं जाण रणे वहइ दाहिणो हत्थो । ताण पसंसं सयमेव कुणइ लोणो अवुत्तो वि ॥९९५॥
किं अप्पपसंसाए परगुणत्तिदाए पावजणगाए । सूरण समासणे कसवट्ठे समरसंघट्ठे ॥९९६॥
लहुयंति लहुं पुरिसं मेरुसमाणं पि दो अकज्जाइं । अप्पपसंसा परनिदणा य पयडं पकिज्जंता ॥९९७॥
अहवा न तुञ्ज दोसो असमंजस-भासिणो वि नरनाहं । जम्हा विणासकाले उल्लावा एरिसा हुंति ॥९९८॥
पडिभणइ विज्जुवेमो अप्पा वि लहुहूओ भए मुडं । जम्हा तुच्छेण समं संगामित्ताण नत्थि गुणं ॥९९९॥
जइ जिणइ कहं विहीणो अहं जिपइ कहं वि तहंवि नत्थि जसो । ता तुमए सहसमरे अत्तुक्कोसो कहं मज्ज ॥१०००॥
अहं सूरसेणरग्गा वेगेण पहाविऊण खयरिदो । मुट्ठिअहारेण हओ पट्ठीए कुलिसकडिणेण ॥१००१॥
अंधारियदिसिबलओ ढुलंतनयणो चलंतबहुसासो । मुच्छाए अडवडंतो पडिओ धरणीयले विवसो ॥१००२॥
सत्तमवलंविऊणं रहिरुग्गारं मुहेण मुच्चंतो । मुच्छाविगमे उट्ठइ [कर]कयखग्गो खयरनाहो ॥१००३॥
दाहिणकरकंपाविय करवालो सूरतेयतणओ वि । वेगेण समावडिओ पुणो वि संगामिडं लग्गा ॥१००४॥
वग्गंति दो वि हक्कंति दो वि हुक्कंति दो वि गयसंका । पहरंति दो वि वच्चंति दो वि समसमरसरंभा ॥१००५॥
दट्ठण ताण समरं अभंगुरं कायराण भयजणणं । नच्चइ हसइ य गायइ नहंगणे [अच्छरा] मुइआ ॥१००६॥
वट्ठंते समरभरे लद्धावसरेण खयररायस्स । खग्गेण सिरं छिणं रग्गा सिरिसूरसेणेण ॥१००७॥
गयणाउ पंचवग्गा गंवायड्ढिय भमंतभमरउवा । सीसम्मि तस्स पडिया सुरमुक्का कुसुमवुट्ठि ति ॥१००८॥
तुट्ठा सुर-सिद्धगंगा पणचिचया अच्छरा पहरिसेण । ग[य]णयले धरणीयले उच्छलिओ [जय] जयारावो ॥१००९॥
जयलच्छीए वरिओ परियरिओ सयसयणवग्गेण । बंदियजणघट्टुजसो निव्वत्तियमंभलायारो ॥१०१०॥
नीओ नहसरकमले सप्यणयं पणइग्गकयतोसो । दाहिणसेणि-नरिदो अहिसित्तो सयसखय[रेण] ॥१०११॥
[नरनाहं !] समलंकरेहं संपइ तुब्भे विहुं नियय सुंदरी पमुहं । एए दिवसेहिं परिणइ विज्जाहर-सुंदरिसंहस्सं ॥
सम्माणिऊण तत्तो वरवत्थाहरणभूसणाईहिं । खयरहिंवेण खयरा विसज्जिआ निययठाणेसु ॥१०१३॥
अहिसिचिऊण रज्जम्मि पेइए कित्तिसुंदरं अमरं । गंधवसेणसहियं पेसइ चउरंगवजकलियं ॥१०१४॥
अहं भणइ सोवयारं खयरिदो विजयसेण-नरनाहं । समलंकरेहं संपइ तुब्भे वि हुं निययरज्जं तु ॥१०१५॥
वाहजजभरियनयणो तिस्संताणो पयए राया । रज्जेण न मे कज्जं धम्मो सरणं समेदाणीं ॥१०१६॥
जओ--

खलहल्लिहूयउं बलहरणु, जज्जरि हूयउं छज्जु । देह-कुडीरउं प[ड]णमणु, के कलइ के अज्जु ॥१०१७॥

अओ तम्मि वि रज्जे तुमं चेव अहिसिचामि । न मे पणयपत्थणाभंगो कायव्वो । न अण्णा गइं ति पडिबण्णं सूरसेणेण । अहिट्ठियं तंपि रज्जं । तओ--

पंचविहं विसयसोक्खं उवभुंजंतस्स खयरनाहस्स । सग्गम्मि सुरवरस्स [व] वच्चइ कालो सुहे णेव ॥१०१८॥

अण्णम्मि दिग्गे अत्थाणमंडवागओ अमच्चसामंतपउरपमुहजणपरिवरिओ पडिहारनिवेइएण आगंतूण विणत्तो पियंययाभिहाणेण उज्जाणपालएण "देव ! गामाणुगामं विहरंता, बहुसाहुजणसंपरिवुडा, सोमो व्व सोमदंसणा, सचरा-

चरजीवनिकायनिककारणबंधू, खमामद्वाइदसविहसमणधम्ममहाभरधुरधणधोरेयकंधरा, कोहानलविज्जवणजलहि-
समाणा, माणसेल-सिरदलणदंभोलिसण्णिहा, गुविलमायाकुडंगी-मूलुम्मूलणपच्चलकुहाडाणुगारिणो, लोहमहासमुद्द-
सोसणवडवानलो, रुवाइगुणगणाहरणहारिणो, अट्ठारस-सोलंगसहस्सधारिणो, संपुण्णदुवालसंगसुयसायरपारगा,
आगमविहिविहियाणुट्ठाणकारगा, असमायारपयट्टसीसमणनिवारगा, अट्ठमयट्ठाणविप्पमुक्का, पंचसमिया, तिगुत्ता,
सत्तरसविहसंजमासेवणसालिणो, सचराचरजीव-संरक्खणाठाणकारिणो, सजलजलहरंगंभीरसरसमारद्धधम्मदेसणा,
सवणसमाणंदियभव्वजणमाणसा, जयसुंदराभिहाणा सूरिणो जयभूसणुज्जाणे अहाफासुए पएसे अणुण्वित्ता उग्गहं
समोसरिया । एयं सोऊण हरिसिओ विज्जाहराहिवो । दिण्णं उज्जाणपालयस्स नियअंगलगं वत्थाहरणाइयं सुवण्ण-
लक्खो य । विसज्जिओ पियंवओ । अप्पणा वि विज्जुसेण-रइसुंदरी-विजयावली-मणोरमाभणोरमसेण-पमुह-पहाण-परियण-
परिवारिओ, चउरंग-वल-विहियपरिवेदो, गंधवारणमारुदो, मागहजणुगुट्ठजय-जयारावपूरियदियतरो, भेरीञ्जकार-
भरियभुवणोदरो, त्रहंत्रहंतमद्लगसदसवणसंजायवणधणियसंकप्पसंतुट्ठसिहिकुलविमुक्ककलकेया रवकरवियाणवज्ज-आउज्ज-
निनायवहिरियजणसवणंतरो, संचलिओ तुरिओ सूरिवंदणानिमित्तं सूरसेणनराहिवो । पत्तो जयभूसणुज्जाणं ।
उत्तिण्णो करिवराओ । काऊण तिपयाहिणं वंदिया सूरिणो । विणयविहियकरयलंजलिनिसण्णो सुद्धधरणीतले ।
पारद्धा सूरिणा धम्मदेसणा—

नारयतिरियनरामरगई सुसत्तेहिं दुक्खतत्तेहिं । कह कह वि पाउणिज्जइ मणुयभवो भूरि पुण्णेहिं । १०१९।
लद्धे वि तम्मि दुलहे सण्णाणावरणकम्मदोसेण । जायइ न सम्मवोहो भवविडवि-दवानलसमाणो । १०२०।
कुगुरुकुदेवकुधुम्महेहिं विणडिया कयकुक्कम्मपब्भारा । मणुयत्तणं पि हारिंति पाणिणो मोहदोसेण । १०२१।
संसारम्मि अणंतं परिब्भमंतंहेहिं सव्वसत्तेहिं । तं नत्थि एत्थ ठाणं अणंतसो जं न पत्तं ति । १०२२।
जिणधम्मपरिब्भट्टा भमिया सव्वत्थ दुक्खिया जीवा । ता भो जिणपण्णत्ते धम्मम्मि समज्जमं कुणह । १०२३।

राइणा भणियं—“भयवं ! केरिसं धम्माणुट्ठाणमक्खेवेणं विसुद्धफलसाहगं भवइ ?” सूरिणा भणियं—“अट्ठा-
रसपावट्ठाणपरिहाररुवं विसुद्धचारित्तं ।” राइणा भणियं—“भयवं ! कि नामाणि कि सरुवाणि वा पावठाणाणि ? ”
सूरिणा भणियं—“सोम सुण—” १ पाणाइवाए २ मुसावाए ३ अदत्तादाणे ४ मेहुणे ५ परिग्गहे ६ कोहे ७ माणे ८
माया ९ लोभे १० पेज्जे ११ दोसे १२ कलहे १३ अब्भक्खाणे १४ अरईरई १५ पेसुण्णे १६ परपरिवाए १७
मायाभोसे १८ मिच्छादंसण[स]ल्ले अट्ठारसमे । तत्थ णं पढमे पावट्ठाणे पाणाइवाए । से णं हिमवुट्ठी अणुकंपा-
पउमसंड-मंडलीए, जलिहिजलतलं महापावपंकस्स, अवयरण-निस्सेणी निरय-निकखुडमारुहंताणं, कारणं अप्पाउत्ताए,
निबंधणं हीणाहियंगोवंगनिरुवत्तणणं, हेऊ दोहग्गणारोग्गदुब्बल्लदुब्बणार्णं । किच्च—

दाणं निस्संगतवं दिक्खा देवच्चणं रसच्चाओ । जीवदया-वररहिया सव्वे वि गुणा अगुणपक्खे । १०२४।
जावइयाइं दुक्खाइं हुंति चउगइययस्स जीवस्स । सव्वाइं ताइं हिंसा-फलाइं निउणं वियाणाहि । १०२५।
जीववहो अप्पवहो जीवदया अप्पणो दया होइ । ता हेया जियाहिंसा अप्पहियं इच्छमाणेण । १०२६।
नच्चा मच्चु दुहत्थे नाणाविहजोपि परिगए जीवे । न हणेज्ज अत्तणा ते परेण नो वा हणाविज्जा । १०२७।
विद्धस्स कंटणेण वि जायइ जीवस्स वेयणा तिक्का । कि पुण पहम्ममाणस्स तिक्खसत्थाइघाएहि । १०२८।
दट्ठमुवट्ठियं करकयसत्थं पुरिसं विलोलतरलच्छो । खरपवणपहयतरवरपत्तं व पकंपए जीवो । १०२९।
सरसु इमम्मि भणिए जायइ जीवस्स दारुणं दुक्खं । जं पुण मारिज्जंतस्स होइ तं केवली मुणइ । १०३०।
पाणोहितो वि पियं न किच्चि जीवाण विज्जइ जयम्मि । ता अप्पोवम्मणेणं तेसु दया होइ कायव्वा । १०३१।
दुट्ठमणवयणकायाऽऽउहेहिं जीवे उ जे विहिसति । दसगुणियाऽऽइअणंतं तेहिं चिय ते विहम्मंति । १०३२।

१ देखी संवेगरंगशाला पृ. ४३२

जे पुण इह जीवेसुं, कुणंति सम्मं विसुद्धजीवदयं । ते सम्मे मंगलगीयसद्वसजणियसोक्खंसु । १०३३।
अच्छरगणाऽऽउलेसु य महस्वमणिरयणवरविमाणेसु । जह चितियसंपज्जंत-सयअविसया सुरा होति । १०३४।
तत्तो वि च्या मुकुले जम्मं लहिऊण पत्तजिणधम्मा । निट्टुविय अट्टुकम्मा कमेण सिद्धि पि पाविति । १०३५।
जीवदयां पुत्तु[र्व]दिभरन्यैरप्युक्तं—

यो ददाति सहस्राणि गजामश्वशतानि च । अभयं सर्वजीवेभ्यस्तद्दानमतिरिच्यते । १०३६।
साम]ग्रावयवान् दृष्ट्वा नरान् प्राणिवधोद्यतान् । कुण्टिभ्यः छिन्नहस्तेभ्यः पङ्गुभ्यः स्पृहयाम्यहम् । १०३७।
कपिलानां सहस्रं तु यो द्विजेभ्यः प्रयच्छति । एकस्य जीवितं दद्यात् कर्ता नार्हति षोडशीं । १०३८।
नातो भूयस्तमो धर्मः कश्चिदन्वोऽस्ति भूतले । प्राणिनां भयभीतानामभयं यत्प्रदीयते । १०३९।
वरमेकस्य सत्त्वस्य, दत्ता ह्यभयदक्षिणा । न तु विप्रसहस्रत्रेभ्यो गोसहस्रमलंकृतम् । १०४०।
अभयं सर्वसत्त्वेभ्यो यो ददाति दयापरः । तस्य देहाद्रिमुक्तस्य भयं नास्ति कुतश्चन । १०४१।
हेम-धेनु-धरादीनां दातारः सुज्ञभा भुवि । दुर्लभः पुरुषो लोके यः प्राणिष्वभयप्रदः । १०४२।
महतामपि दानानां कालेन क्षीयते फलं । भीताभयप्रदानस्य क्षय एव न विद्यते । १०४३।
दत्तमिष्टं तपस्तप्तं, तीर्थसेवा तथा श्रुतम् । सर्वाण्यभयदानस्य कलां नार्हन्ति षोडशीम् । १०४४।
यथा मे न प्रियो मृत्युः सर्वेषां प्राणिनां तथा । तस्मान्मृत्युभयत्रस्ता-स्त्रातव्याः प्राणिनो बुधैः । १०४५।
एकत्र क्रतवः सर्वे, समग्रवरदक्षिणाः । एकतो भयभीतस्य प्राणिनः प्राणरक्षणम् । १०४६।
सर्वसत्त्वेषु यद्दानं एकसत्त्वं च या दया । सर्वसत्त्वप्रदानाद्धि, दयैवैकाप्र शस्यते । १०४७।
सर्वे वेदा न तत् कुर्युः सर्वे यज्ञा यथोदिताः सर्वतीर्थाभिषेकाश्च यत् कुर्यात् प्राणिनां दया । १०४८।
जं दुक्खाणं वि तह सुहाणि अहिलसह सव्वकालं पि । तो पाणिवहं पढमं पावट्टाणं परिहरेह । १०४९।

अहावरे दोच्चे पावट्टाणे से णं मुसावाए । एस णं रुहकंदे, अविस्सास-महामहीरुहस्स, वज्जासणी जणपच्चया-
चलस्स, विसीलदप्पणे पुव्वावरविहद्धवयण-पडिंबिबाणं, कुवाए-विसुद्ध-धम्मगुणसरसाणं, परमविण्णाणं पइ लोगावाय-
रुवगनिम्माणे । इह चेव छिदावेइ जीहाइयं, विरज्जावेइ बंधुवग्गं, आरोवावेई धिक्काराइय-सयल-दोसजालं । परलोए
पुण जणेइ मूयगत्तणं, विहेइ दूसरभावं, अप्पयइ मुहुरोगं, साडेइ जीहं । अवि य—

जह परमणस्स विसं विणासयं जह य जोवणस्स जरा । तह जाण अहिसाई गुणे असच्चं विणासेइ । १०५०।
इह लोमम्मि अकित्तीं सव्वजहण्णा गई य परलोमे । अलिय[वा]यणपभवं पावं पाडेइ संसारे । १०५१।
ईसा-ऊसायक[वि]ओ अलियगिराहि परं उवहणंतो । मणुओ न मुणइ एवं जह अप्पाणं चि य ह्णाभि । १०५२।
उक्कोडादाणरओ त्ति कूडसक्खि त्ति अलियवाइ त्ति । धिक्कारमोग्गरहओ निवडइ घोरे महानरए । १०५३।
नो कित्तीं नो अत्थो न या वि मणनिव्वुई न धम्मो वि । उक्कोडादाणरयस्स किंतु कुणई धुवा होइ । १०५४।
सग्गापवग्गामग्गालाओ कुणईए पुण पडो पउणो । अलियप्ययंपणं अत्तणो य माहप्पलुंपणयं । १०५५।
जंयइ पीडाजणमं हासेण वि तं ण होइ वत्तव्वं । हासेण भक्खियं कि विसं न मारेइ पाणिगणं । १०५६।
ताहं भणामि तुब्भे वज्जेयव्वं खु सव्वहा अलियं । तं जइ वि वज्जयंता कुणई विविज्जिया नूनं । १०५७।
अलियपयंपणसंपण्णपावपभारभारिया संता । जीवा पडंति नरए जले जहा लोहमयपिडो । १०५८।
सच्चवरवयणमंताभिमतियं न य विसंपि पभवेइ । वीरेहि सच्चवयणेण साविओ दहइ न सिही वि । १०५९।

उम्मग्गविलग्गाणि गिरिनईवि थंभिज्जई हु सच्चवेण । सच्चवेण साविया कीलिय व्व सप्पा वि चिट्ठंति । १०६० ।
 पभवइ न सच्चवयणेण थंभिओ [दित्तपह]रणगणो वि । दि[व्व]ट्ठाणेसु [वि] सच्चसाविया झत्ति सुज्जंति । १०६१ ।
 आकंपिज्जंति सुरा वि सच्च[व]यणेण धीरपुरिसेहि । इय केत्तियं व भणिमो सच्चवगुणे उभयभवसुहए । १०६२ ।
 जइ इच्छह परलोए निव्वाणं इह भवे वि सुपसिद्धं । ता अलियपण्णवीयं पावट्ठाणं परिहरेह । १०६३ ।

अहावरे तच्चे पावट्ठाणे । से णं अदत्तादाणे । तं पुण निम्मलमवि मलिणेइ भाणावभाणसंपयपसत्ते णं पुरिसे,
 अइक्कमिऊण कुलक्कमं, अणवधारिऊण धम्माधम्मं, अवहरिथऊण परलोयमग्गं, अवगण्णिऊण किच्चकिच्चविभागं,
 अपरिभाविऊण नियकुलकलकं, अवलंबिऊण महासाहसं, गीयसद्धमिव कुरंगुल्लए, पईव-सिहं व पयंगुल्लए, वडिसा-
 भिसमिवभीणु[ल्ल]ए मयगलंतगंडयलदाणगंधमिव महयुरुल्लए, वारिगयकरिणीकायफरिसमिव मत्तमयंगुल्लए,
 अणवेक्खिऊण नियम[णे] भावितो अवाए, सद्दाइविसयपसाहणकए किलिट्ठवावारे, चित्तेइ परघरेसु पवेस-
 निग्गमोवायंतराणि, निरूवेइ संधिखंडीओ परिभावेइ घरमाणुसाण पमत्तापमत्तत्तणं, अवधारेइ गहणीयविभागं । किं
 बहुणा--बहुदियह संरक्खियं पि, कह वि संविद्धं पि, जीवियवुद्धिणा संकप्पियं पि सामिणा सया वि निक्करुणा
 हियए तमवहरइ । तए णं से गहणपढमममयादारब्भवइदंततिव्वतरामुहपरिणामेण जहक्कममारुहंततह [दि]स-सय-
 सहस्स-लक्ख-कोडि-कोडा-कोडीबहुतर-बहुतमत्त[रकाइ]गुणविवागं कम्मं समज्जिणइ । अह कह वि समायडिद्ध-
 ज्जमाणे तम्मि दव्वम्मि दविणसामिए वा नयरारक्खिए वा जणेज्जा ताहे से बंधं वा व्हं वा छविच्छेयं वा कण्णोट्ठ-
 पायविगतत्तणं वा कारामारपवेसणं वा अत्थावहरं वा जाव नाणाविहविडंबणापुरस्सरं मरणं पि पाउणेज्जा तत्थ दीह-
 दोग्गइभायणं भवेज्ज । अवि य--

कह कह वि बहुकिलेसा समज्जियं जीवियं व जीवाण । ते जो ध्वणं हरेज्जा तत्तो वि हु को महा पावो । १०६४ ।
 पढम पसूयं पि चउपपयाइयं अवहरंति निक्करुणा । न गणंति तद्विओगं तय वच्छाणं न वा मरणं । १०६५ ।
 दारिहं दोहग्गं पिय-पुत्त-कज्जत्त-बंधव-त्रिओगं । एमाइदोसजालं चोरा पाविति अण्णभवे । १०६६ ।
 जइ भो सुहेण कज्जं उभयभवेसुं पि तो पइभवेसुं पि । तो पयत्तेण तइयं पावट्ठाणं दूरं दूरेण वज्जेह । १०६७ ।

अहावरे चउथे पावट्ठाणे । से णं मेहुणे एयम्मि पयरिसो रायस्स, अवंजकारणं दोसुप्पत्तीए, आइपयं अविवेयस्स,
 जरढकंदो संसारवल्लीए, मूलग्गी विसालसीलवणस्स, आरोवगं परमजहणत्तणस्स, पवत्तगं विलीणकम्मयाए, कारणं
 उव्वेयनिसाजामरण-रणरणाईण । तह वि से वराए कामुए, मिगारागारभूयाणि दट्ठूण इत्थीयणविलसियाणि
 तदवहरियहियए, तया द्वि (?) संघायघडिए व्व, तप्परिणामपरिणय व्व, संसारवासणा महासरसरोरुहिणीसमहि-
 लायण-मुहकमलमहुयरा[यमा]णे एवं विचित्तेइ--"अहो णं तिलोगरंगपडागाणं संसारियसुहसव्वस्सभूयाणं मयरद्धय-
 महारायरायहाणिणं रमणीणं किमिह वणिज्जइ--जासि सयमोल्लं चित्तणं, सहस्समोल्लं आवत्तपलोयणं, लक्खमोल्लं
 विट्ठिगोयरत्तं, कोडिमोल्लं निरूवणं, कोडाकोडिमोल्लं गोट्ठिदाणं, मोल्लरहिए पुण सव्वंगसंभोगे । एवंविहसंकप्पु-
 [प्प]णमयणानलइज्जमाण-माणसे दट्ठूण रमणीजणं मइरावाणमत्ते व्व, विस-वियारधारियए व्व, महागहगहिय व्व,
 दुव्वारवायसमालिगिय व्व, कत्थइ घुम्मइ, कत्थइ मुच्छइ [कत्थइ] गायइ, कत्थइ वायभग्गखोडवारो व्व वंकचरणेहि
 संचरइ । एवं च मे कयाइ अबज्जं पि सेवेज्जा न उण इमं विचित्तेज्जा मिलाइस्सइ इमिणा कएण मह गुणकित्ति-
 कमलिणी, लज्जोणय-महा भविस्संति परमत्थबंधुणे, लज्जिस्सइ समसुह-दुख्वं मित्तपंडलयं, हसिस्संति लद्धावगासा
 दुज्जणसुणगा, मेइलिस्सइ सार-ससहर-सन्नियकुलच्छाया । तहा पयट्ठिया से वराए इहलोगे वि संपाउणइ वह-बंधण-मारण-
 विडंबणाइणि दुक्खाणि । परलोगे पुण नारयगईए वंज्जाकंटगाइसिबलि-समारोवणाइया धंतग्गिवण-लोहमय-नारीरू-
 वावरुंडणाइया य बहुदुक्खपरंपरा । अवि य--

हिय[य]सत्तं खयणामोक्खविह्वंहीण हेउभयं च । बलविरियहाणिजणगं सव्वंगपरिस्सम कारणं च । १०६८ ।
 वीभच्छत्तनिमित्तं विलीणमवसणविरसभइलुच्छं । मूलमहम्माणमहावा मोहवसाहणमवस्सं । १०६९ ।

सयलजणजणियरागं सुणगाइहीणजंतुसामण्णं । सव्वाभिसंकणीयं धम्मत्थविणासणं परमं । १०७० ।
 आवायभेत्तसुहं किपि परिणामकडुयमच्चंतं । मेहुणसोक्खं कंखेज्ज को णु मोक्खाहिलासिजणो । १०७१ ।
 मेहुणपसंगसंजणियपावपभार भारिया संता । निवडंति नरा नरए जले जहा लोहमय-पिंडो । १०७२ ।
 अखंडंभचेरं चरिउं संपुण्णपुण्णपभारा । सयलसुरसेवणिज्जं पाविंति पहाण देवत्तं । १०७३ ।
 तत्तो चूया नरत्ते वि तियसतुल्लोवभोगाभोगाजुया । जायंति पुण्णदेहा विसिट्टुकुलजाइसंपण्णा । १०७४ ।
 होंति जणगेज्जवयणा सुभगा पियभासिणो सुसंठाणा । रुवस्सिणो य सोमा पमूइय पक्कीलिया निच्चं । १०७५ ।
 पाविंति सुहसयाइं कमेण सुविसुद्धजीवपरिणामा । ता तुरिय पावट्टाणं मेहुणं वज्जह सया वि । १०७६ ।

अहावरे पंचमे पावट्टाणे । से णं परिग्गहे । एयं पि महामंडवो मुच्छावल्लीवियाणस्स, निसियपरसू संतोस-
 तरुणो, कंदलुभेए लोहमहाकंदस्स, सिरापावाहे भवकूवस्स, आवासे सारीरमाणसाणेगदुक्खरुक्खाणं, वसंतसमए
 [वियसिय]पल्लबुभेयस्स, गिम्ह्याले एगग्गचित्तया सरसीए, पाउसारंभे नाणाइगुणरयणहंसाणं, सरयावसरे
 महारंभस्स निप्फत्तीए, हेमंते सद्धम्मवासणा सरोरुहिणीए, सिसिरावसरे विसुद्ध-धम्ममाणुट्टाणतरुत्तसाड[ण]स्स ।
 एय-परिगए य जीवे न कस्स वि विससइ संकइयाणं (?) बीहइ नरवइणो, निलुक्कइ मग्गणाणं, डरइ चोराणं
 विहुरिज्जइ पलीवणासंकाए । तहावि पयत्तसंरविखयं पि जइ को वि अंतरं लहिऊण अवहरेज्जा, सयं वा ठाणं
 पम्हुट्ठं होज्जा, तो महामोग्गरपहारपहरिय व्व सुण्णमाणसे, चित्तलिहिय व्व अट्टवसट्टोवगए किलिट्ठकम्मं समज्जिणइ ।
 तयो से उभयभवुभवतित्खदुक्खाणभायणं भवइ । जओ—

अणियत्तिच्छो जीवो घणधम्मसुवण्णखेत्तमाईसु । तं तं करेइ पावं तह वि हु न पुरिज्जइ इच्छा । १०७७ ।
 जइ होज्ज दम्मदसमं करेमि तो कि वणियववहारो । अह होज्ज तं पि तो सयमीहइ जीवे असंतुट्ठो । १०७८ ।
 पत्त सओ वि सहस्सं सहस्ससामी वि लक्खमभिलसइ । लक्खवई वि हु कोडि कोडिवई पत्थए रज्जं । १०७९ ।
 रज्जवई चक्कित्तं चक्की वि हु महइ [देवत्तं] । देवत्तणे वि पत्ते इदत्तं पत्थए जीवो । १०८० ।
 एवं पवइइमाणी पूरेउं कहणु तीरए इच्छा । जाव न जा संतोसामयसुहसंतित्तो कओ अप्पो । १०८१ ।
 जइ इच्छह सुहसंगं अमियपरिग्गहमाणरूवं तु । पंचम पावट्टाणं तो वज्जह गुरुपयत्तेण । १०८२ ।

अहावरे छट्ठे पावट्टाणे । से णं कोहे । से वि णं विग्घभूए सुहसंपयाए, पणासणे पिईए, निबंधणं असुहभावस्स,
 पडिवक्खभूए कल्लाण-परंपराए, पयरिसे अविदेयस्स, कारणं दुग्गइनिवायस्स, सत्तुभूए कुसलाणुट्टाणपवित्तीए । कोह-
 वसणे जीवे न मुणइ वत्तव्वावत्तव्वं । तिक्कलितरंगरंगभीसणभालवट्ठे रत्तच्छदुप्पेच्छे वीभच्छा[व]दसणे हवइ ।
 जओ—

गुरुकोवजणजालाकजावसविसेसकवलियविवेगो । न वियाणइ अप्पाणं परं च परमत्थओ पुरिसो । १०८३ ।
 कोवजणेण पुरिसो अप्पाणं विय दहेइ पढमयरं । जत्थुप्पणो तं चेव इधणं धूमकेउ व्व । १०८४ ।
 नियकत्तारं कोहो दहइ अवस्सं परे अणेगंतो । निय पयदहणे सिहिणो वि अहव नियमो न उ तदण्णो । १०८५ ।
 जस्स किल कोहकलिणो कलुसीकयमाणसस्स जंति दिणा । इहपरलोणे वि नरस्स तस्स कह सोक्ख-संपत्ति । १०८६ ।
 अवयारी किर वेरि वि होइ एकम्मि चैव जम्मम्मि । कोहो पुण होइ दढं दोसु वि जम्मेषु अवयारी । १०८७ ।
 जं कज्जं उवसमपरो साहइ न हु तं कयाइ कोवपरो । जं कज्ज करणदक्खा बुद्धीकुद्धस्स सा कत्तो । १०८८ ।
 कोहो उव्वेवणओ पियबंधु विणासणो महापावो । कोहो संतावयरो सोग्गइ पहवेरिओ कोहो । १०८९ ।
 जइ समसुहसमीहा तो मुणियजिणिवयणसारेण । छट्ठं पावट्टाणं कोहो दूरेण चइयव्वो । १०९० ।

१. समुर्विति चित्तवत्थं [संवे. पृ. ४७]

अहावरे सत्तमे पावट्ठाणे से णं भाणे तेण वि अहिट्ठिए पुरिसे अलसं पि दक्खं, निरक्खरं पि वियक्खणं, किविणं पि महादाणवइ, कायरं पि परममुहडं, कुरूवं पि रुवस्सिणं, किलिट्ठपर्यपि परमधम्मिणं, अविणीयं पि सुविणीयं, कुसीलं पि सीलसालिणं, निग्गुणं पि सब्बगुणरयणायरं अप्पं मण्णेइ । तथाभूए य न नमइ तमणीयाणं पि, न सिक्खइ सिक्खायरिएहितो, न पुच्छइ हेउवाए य विभागं, पुच्छणिज्जे वि न मुणेइ विसिट्ठोवइट्ठं पि केवलं अहमेव निउणो, अहमेव विण्णाणवं, अहमेव लोयट्ठ पत्तट्ठो, अहमेव लद्धंसमत्थपरमत्थवित्थरे त्ति कट्ठु वुसं व बंधुणो वि, तणमिव पणइवग्गं पि, धूलिमिव विसिट्ठगोट्ठि पि, अक्कतूलमिव गुरुज्जणोवएसं पि मण्णमाणे माणुदरकंधरे धरावलए वि न माइ से वराए । अवि य--

माणमहागहगहिओ जसं च कित्ति च अत्तणो हणइ । थद्धत्तणदोसाओ जायइ अवहीरणा ठाणं । १०९१ । जह जह कीरइ माणो नरेण तह तह गुणा परिगलति । गुणपरिगलणेण पुणो कमेण गुणविरहित्तं से । १०९२ । गुणसंगेणं रहिओ पुरिसो थणुहं व विगयटंकारो । साहइ न इच्छियत्थं उत्तमवसप्पसूओ वि । १०९३ । जइ कित्तीए कज्जं अत्थि विणयकम्मणे । सत्तम पावट्ठाणं माणं मेल्लह तो दूरे । १०९४ ।

अहावरे अट्ठमे पावट्ठाणे से णं भाया एसा वि कहं न पावट्ठाणं भविउमरिहइ जा पयंउ-दंडाहय-भुयंगि व्व पयडिय-कुडिलत्तण, मइरा व पयडिवज्जास कारिणी, चित्तभित्ति व्व पयडियाणेगुरूवा, नट्टनिउणनट्टिगा व विविहभाव-दंसिगा, महिसीव कलसीकय-चित्तपल्लजला, दुस्सीलमहिलिय व्व अविवेगिजणचित्तचारिणी, असिपुत्तिगा व पर-छिण्णणेक्कवावारा, जलंतदीववट्टि व्व पउज्जंतनेहक्खयंकरो, कुसि व्व संपत्तभूमिगापाडण-पहुया, वंस-जालि व्व अच्चंतगुविला, चित्तयर-कलेव चित्तभेयनिम्माविया, गुजा व दाविय बहुतराणुरागा वि पज्जंतकलुसा, जीए सगापवग्गमग्गलाए, कुगइगमणपवणपयवी कप्पाए, [अ]विस्सास[स्स] निप्फत्तिपवरभूमीए, अहिट्ठिए पुरिसे, मरुकूवए व्व अंतो तामस-सरुवे, भुयंगमे व्व परच्छिद्यवेसी, मीढंसिगे व्व सहावकुडिले, लेहवाहगे व्व बहुमग्गचारी, दुरहीय-त्तक्क-सत्थे व्व कुवियप्पकप्पणापरायणे, दुस्सिक्खिय-लक्खणे व्व अगणियावसइप्पओगे, विसतुंबयं व बाहि लण्हे अंतो विसभरिए । संखे व्व अच्चंतकुडिलमज्जे वि बाहिरुज्जलयाए, सुंदरत्तणेण य भोहिऊण मुद्धजणं भरइ वायस्स (?) कण्णे, पच्छा वीसत्थजणावहारं च करेइ, संचिणेइ तप्पच्चयं, पभूयपावपब्भारं, तव्वभारभारिए य [भमइ] भवाडवीकडिल्लम्मि । अवि य--

माया गुणहाणिकरी दोसाण विवड्ढणी कुडं माया । माया विवेग-हरिणंक-विबगसणेक्कराहुसमा । १०९५ । पडिउं नाणं धरिऊण दंसणं पाविऊण चारित्तं, तविउं सुचिरंरपि तवं जइ माया ता दूसियं सयलं । १०९६ । अच्छउ ता परलोगे [इह्लोग]म्मि वि नरो उ माइल्लो । जइ वि अकयावराहो तह्वावि सप्पो व्व भयहेऊ । १०९७ । जह जह करेइ मायं तह तह [अप्पच्चयं]जणे जणइ । अप्पच्चयाओ पुरिसो तणं व [तुच्छो लहु] होइ । १०९८ । जइ धम्मणेणं कज्जं सेय पियत्तं च जइ महइ काउं । अट्ठमं पावट्ठाणं तो मायं मुयह दूरेण । १०९९ ।

अहावरे नवमे पावट्ठाणे से णं लोहे इमिणा वि अभिभूए पुरिसे न गणेइ छुहं, न पिवासं, न सायं, नया वि उण्हं, न समं, न या वि विसमं, न कज्जं, न या वि अकज्जं न गम्मं, न या वि अगम्मं, न कालं न या वि अकालं, न सक्कं न या वि असक्कं, अंगीकाऊण किलेसायासं अणवेक्खिऊण भरणभयं महालोहगह-गहियए, दक्खओ कि भंडं, खेतओ कम्मि काले, भावओ केरिसं वा तं भंडं, कं वा लाहं देइ त्ति चित्तिऊण कय तद्देसपओगतत्तद्ववसंगहे, अगणियसत्थ-संबलओ विसेसे, असोहणे वि तिहि-नक्खत्तमुहुत्ताइए गच्छइ, मरुमंडले [वियरइ], हिमालए वि य [प]विसइ, मिलेच्छविस[ए विय]रइ, नक्कयक्काइ-कूर-जलचरचारिभीसणे समुद्दे वि संचरइ तिक्खकंठगफंटाणेगसावयचोरगिगित्ताइ दुग्गो वि करेइ रायसेवं पविसइ कयंत[मु]हकुहरदारणे रणंगणे वि, जवेइ मंताइयं, साहइ मडगाईणि, करेइ वेयालसाहणं, विज्जइ धाउव्वायकिरियाए, निरुवेई निहाण-लक्खणाणि, पचिसइ विवरेसु, निहालेइ रसकूविधाओ, पयट्टइ किसिकरणे, गणेइ जोइसं, पउजइ वेज्जयं [निरुवेइ] निमित्तं, वावारेइ

खडियचण्डुडियाइयं, करेइ सिद्धिरायं (?) उज्जमइ विविहसिप्पाइकम्मेषु । एवं खिज्जइ च्चिय से वराए न ऊण आक-
खारखसीविनडिए किलिस्समाणे वि विणा पुण्णेहि पाउणइ दविणजायं । केवलं च्चिरकालं खिज्जऊ [ण] मए समाणे
दुग्गइ-दुहाण भायणं भवइ । अवि य—

लोभे सव्वविणासी लोभे परिवारचित्तभेयकरे । सव्वावइ-कुग्गईणं लोहे संसारमग्गे ति । ११०० ।
लोहदोसेण पउरं पुरिसो पावं पवंधिउं घोरं । अविहियत्तपडियारो निवडइ संसारकंतारे । ११०१ ।
जो पृण लोभविवागं नाऊण विवागओ महासत्तो । तप्पडिवक्खं सेवइ इहेव सो सोक्खमणुहवइ । ११०२ ।
ता एयं लोहरिउं सुंदरसंतोस-तिक्खवग्गेण । जिणिऊण दुज्जयं पि हू तमप्पणो निव्वुइं कुणसु । ११०३ ।
जइ इच्छइ मुत्तिमुहं दुरंतदुक्खाण कारणं ता भो । नवमं पावट्टाणं लोहं दूरेण वज्जेह । ११०४ ।

अहावरे दसमे पावट्टाणे से णं पेज्जं । से वि मूलनिवेशे सयल (पावट्टा) गाणं नाही हासाइछक्कवक्कस्स ;
विज्जुनिवाए विवेगभिरिसिहरसंवसयस्स, फलपयारिसो अण्णाण तरुणो, सारिणी पवाहे संसारमस्स, विज्जोवगे विसया-
हिलासकुंजराणं, रायहाणी अत्थपत्थिवस्स, इमे णं पेम्मे पुरिसे असिवायं जहुं, अणग्गी अंगदाहो, अदारिदो वरायं
अविसुम्भवा मुच्छत्तणं अमंततते आवेसे, अलग्गहए उम्माए, अमूयत्तणं मोणं, अणुवहयसवणिदियं बहिरत्तणं,
अणप्पविककयं परवसत्तणं । केत्तियं व रागस्स वज्जरइ जेणाहिट्टिए पुरिसे घत्तूरयरसिए व्व तणं पि कंचणं, माघण्हिया-
नडिए व्व अजलं पि जलं, तिमिररोहियचक्खु व्व एगचंदं पि चंददुग्गं, सुमिणपेच्छए, व्व वित्तहं ति काऊण तत्थं
पासइ । अहो रमणीजणस्स रत्तुप्पलसरिसा चलणा, कणयगंडिया-संकासाओ जंधाओ, कयलीखंभविन्भमे ऊरुणि, कंकेल्लि-
पल्लवकोमले करयले, मुणालिया सण्णिहाओ बाहाओ, लायण्णपडिपुण्णकणयकलससरिसे पउहरे, विदुमागारमहुरं [अहुरं]
अमयरसं व तण्णस्संदं, कुंदकलियाकप्पा सिहरिणे दसणे, अट्टमीचंदसंकासं भालयलं, कलाविकलाव-कप्पं धम्मेल्लं-एवं
मुत्तपुरीसभोगियकुणिम-कलिमलाविलेसु अवत्थुभूएसु वि जुवइ-जणंगोवंगेसु रागाइरेगवत्थत्तं-परिकप्पिय, अगण्णिऊण-
कुलक्कमंकुसं, अवगण्णिऊण गुरुजणोवएसं, परितोडिऊण लज्जासंकलाओ, उम्मूलिऊण जणउवएसे, लोहकीलाए तोडिऊण
अंगी-कयगुणवरत्ताओ, उक्खणिऊण मज्जायालाणखंभं मओम्मत्तहत्थि व्व रागी जहिच्छाए वियरइ । यतः

दृश्यं वस्तु परं न पश्यति जगत्सन्धः पुरोऽवस्थितं । रागान्धस्तु यदस्ति तत् परिहरन् यत्रास्ति तत्पश्यति । ११०५ ।
कुन्देन्दीवरपूर्णचन्द्रकलशश्रीमल्लता पल्लवा । नारोप्याशुचिराशिषु प्रियतमागात्रेषु यन्मोदते । ११०६ ।
अवि य—

जइ रागोच्चिय न भवे जीवाण विडंबणाकारो इहइ । ता असुईकलमलभरिए रमेज्ज को माणुसे देहे । ११०७ ।
जं अइदुग्गं वीभच्छ[विरसं] वाम हाणिजणयं च । जो रमइ तेण मूढो अव्वो ! विरमेज्ज सो केण । ११०८ ।
जं जं गुज्जं देहे लज्जिज्जइ जेण दिट्ठमेत्तेण । तं चेव जस्स रम्मं अहो विसं महुरयं तस्स । ११०९ ।
ऊससइ ससइ वेवइ मउलइ नयणाइं नीसहा होइ । तं च्चिय कुणइ मरंती रागिस्स तहा वि रमणिज्जा । १११० ।
मुक्कसोणियसंभूयं नवच्छिहं मलाविलं । अट्टि-सिखल्लियानद्धं हय-महिला-सरीरयं । ११११ ।
एवंविहं असारं बहुजणपरिनिदियं अइविलीणं । जं सोडीरा वि नरा रमंति ही ! रागसामत्थं । १११२ ।
किं वट्टणा भणिएणं ! जं जं जीवाण जायइ जयम्मि । दुक्खं मुत्तिक्खवियणं तं तं रागफलं सव्वं । १११३ ।
जइ सोक्खेणं कज्जं तो मयलाणत्थकारणं एयं । दममं पावट्टाणं रागं दूरेण वज्जेह । १११४ ।

अहावरे एक्कारसमे पावट्टाणे । सेणं दोसे । तप्परे वि पुरिसे वाहिज्जइ मच्छरेण, दूमिज्जइ परपुयावरिसणेणं,
कयत्थिज्जई ईसाईहि, वाहिज्जइ अणक्खेहि, खिज्जइ पररिद्विवरिसणेण, हरिज्जइ तप्परिक्खएणं, तसइ परवसणेणं
विहरिज्जइ परगुणकित्तणेणं । तथा पेसलालाविणं मुहामंगलयरं ति, धम्मियं च गर्विन्ति (?) ति, भणिई-कुसलं मुहरंति,
पयइ-सूरं निरणुकं ति, सभावना-निर[यं] लल्लियरं ति, लज्जालुयं दंभपरं ति भणिऊण दूसेइ अदूसणिज्जे वि । उक्तं च-
शाठ्यं हीमति गण्यते व्रतरुचो दम्भः शुचौ कैतव्यं । शौर्यं निर्धृणता ऋजू विमतिता दैन्यं प्रियात्तापिनि । १११५ ।

तेजस्विन्यवलिप्तता मुखरता वक्तयंशक्तिः स्थिरे । तत्को नाम गुणो भवेदिह सतां यो दुर्जनेर्ना कितः ? । १११६।

तओ से इहलोगे वि दुक्ख-परंपरं पाउणइ । जओ—

दोसो अणत्थभवणं दोसो भयकलहदुक्खभंडारो । दोसो कज्जविणासो दोसो असमंजसाण निही । १११७।
दोसो अनिव्वुइकरो दोसो पियमित्तदोहकारी य । सपरोभयताकयरो दोसो दोसो गुणविणासो । १११८।
दोसेहिं चेव कलिओ परगुणदोसे विकत्थइ पुरिसो । न हि ससहरविवाओ निवडइ अंगारवुट्ठि त्ति । १११९।
दोसो दहइ सरीरं धम्मधणं दहइ देइ संतावं । ता एसो एक्कारस-पावट्टाणं परिहरेह । ११२०।

अहावरे दुवालसमे पावठाणे । से णं कलहे । तणिए [पा]विऊण राडिकारणंणं, चडिऊण चंडकोव-करिवरं, अवट्टित्तुण (?) अविवेय-सारियट्ठे धरिऊण पयइ-विगारकवयमंगे, तओ रत्तच्छिदुप्पेच्छणिज्जे, तिवली-तरंगभंगुर-भालयट्टे, विद्यडभिडिभासुरभूभंगे, आवड-सव्वंगसेयबिदुसंवलियसरीरे, अमरिसव[स]फुरिताहरे, आवेस-वस विसंठुलुत्तालस व्व सरी-चेट्ठे, सुहडे व्व जुज्जसज्जे होऊण, परचककं व किपि संबंधिणं पडुच्च, ऋडिडऊण हियय-तूणीराओ, पयंडतुंडकोयडेणं, अईवतिक्खाणं, अच्चुमविगाणं, पासत्थियाणं पि उक्कंपकारीणं, अणवरयाविरलघोरणीणं, पयइमम्मवेहीणं, पयईए चेव परहिययदारगाणं, अंतोसल्लहेउ-चूयाणं, पयईए चेव घुम्मावगाणं, अणाइक्खणीयदुक्ख-दायगाणं, दुक्खराणं, जीदियंत-कारगारणं बाणाणं व वयणाणं विसगं करेइ । से णं कहले त्ति उच्चइ । तप्परे वि जीवे अप्परोभयाण संतावकारण समज्जणइ किलिट्ठकम्मं । अवि य—

अच्छउ ता किर अण्णो निययंगसमुब्भवो वि कलहपिओ । फोडो वि हु दुव्विसहं तिकखं दुक्खं जणे जणइ । ११२१।
कलहो अत्थक्खयकरो कलहो दालिट्ठपढम-पाओ त्ति । कलहो अविवेयकुलं कलहो असमाहिसमवायो । ११२२।
कलहाओ दोहगं कलहाओ अत्तनिव्वुइ विणासो । कलहाओ मलइ धम्मो पावप्पसरो य[कलहाओ] । ११२३।
कलहाओ कंठसोसो पच्छापरितप्पणं कलहो । कलहो सयणविरोहो कलहाओ मित्तचित्तभेओ वि । ११२४।
कलहो गुणाण हाणी समत्थदोसागमो कलहो । [...]

आयपरोभगहियउर-पिढर-परिसंठियं सिणेहरसं । आवट्टिऊण तिव्वानलो व्व कलहो खयं नेइ । ११२५।
कलहो हि कीरमाणो धम्मकलं हणइ तेण तं नाम । 'कलह' त्ति सहलक्खणवियक्खणा भिक्खुणो किति । ११२६।
जइ इच्छह धणरिद्धिं सोक्खसमिद्धिं जयमिं सुपसिद्धिं । बारसपावट्टाणं तो कलहो नेव कायव्वो । ११२७।

अहावरे तेरसमे पावट्टाणे । से णं अब्भक्खाणनिबंधणं परेसिमसंतदोसारोवणसरुवे अब्भक्खाणदाइणो नरस्स (?) महामंताभिमंतिए व्व गहियगरुयावेसे परे वि परिसवेज्जा । एवं च परोप्परपज्जंततिव्वाभिनिवेस-स्स मूलकारणं अब्भक्खाणदाणं एवं तप्परायणे पुरिसे सपरोभयाणं कोहाइउदीरणेण किलिट्ठकम्मबंधणं हवइ । अवि य—
जइ वि किर परम थोवं पाव[म]भक्खाणदाणं जं तह वि । देइ दसगुणविवागं परमरिसीहिं जओ भणियं । ११२८।
वह-बंधण-अब्भक्खाणदाणं [परघण]विलोवणाईणं । सव्वजहणो उदओ दसगुणिओ एककस्सि कयाणं । ११२९।
तिव्वयरे उ पओसे सजगुणिओ सयसहससकोडिगुणो । कोडाकोडिगुणो वा होज्ज विवागो बहुतरो वा । ११३०।

कि च—

अच्चंतं तिकखाणं हिययदरी[दा]रणेक्कदक्खाणं । एयं अब्भक्खाणं निबंधणं सव्व दुक्खाणं । ११३१।
जइ संजायविवेया अब्भक्खाणं चएह तो भव्वा । पावट्टाणं तेरसमेत्थ दोसा बहु जेण [...] । ११३२।

संपयं अरइरई पावट्टाणं । तं पि पायं रागदोसाणं चेव कज्जं त्ति कट्टु जइ वि तब्भण-भाणियं, तह वि ठाणेषु अणत्थं किं पि होइ तं भण्णइ—अरइरईमोहणीयकम्मपोगलोदय-जणिया । जे के वि मंगुलामंगुलदक्ख-खेत्ताइवज्जवत्थुविसया उव्वेगाणंदलक्खणा पुरिसस्स मणोवियारा ताओ अरइरईओ भणति । तासिं पावाणं ठाणं रोहिं वि एककं चेव वत्थु रइकारणं, तं चेय पज्जायंतरावणं अरइकारणं । तत्थ अरइसमावणेषु पुरिसे इहलोए चेव

नट्ठ-इड्ढंधुयणे व्व विलुत्त-भोग-निबंधणधणे व्व, न गेहे न वा बाहि रइं विदइ । रइपरायणे वि पुरिसे अंगणाइ-एगपउयत्थपसत्तमाणसे न कायव्वंतराणि करेइ । तथाविहे य खिसिज्जइ प[र]जणेण नियपरियणेण य । तओ से किलिट्ठकम्मं संचिणइ ।

सुव्वइ तह णु भवियव्व उप्पज्जंतजणस्स इह अरई । तीए आलिगिउ पुण पुरिसो संमुच्छिमप्पाओ । ११३३ । तह रइ-पसत्तचित्तो कहि चि तत्तो नियत्तिउमसत्तो । चिक्खल्लखत्तजरगोणो व्व तत्थे व्व खयमेइ । ११३४ । एवं अरइरईउ भव-भावनिबंधणं वियाणित्त । मा तासि अवभासं [खणं]पि दाहिसि तुमं अहवा । ११३५ । अरइं च कुणसु अस्सिं जम्मम्मि संजमगुणेसु य रइं पि । एवं रइं कुव्वंतो जिणधम्माराहगो होसि । ११३६ । किं बहणा भणिएणं अरइं रइं भवनिबंधणं मुणित्तं । काउमधम्मं अरइं धम्मारामे रइं कुणसु । ११३७ । जइ इच्छइ सुहसंगं अप्पायत्तं तओ पयत्तेण । अरई चोदसमं पावट्टाणं परिहरेह । ११३८ ।

अहावरे पण्णरसमे पावट्टाणे । से णं पेसुण्णे । पिसुणे नोए वि मुहमित्ठे चित्तविणट्ठं ति पण्णविज्जइ । से णं सुगे व्व-मुहगदरिसियाणुराए पच्छओ पयइ-कलुसे । सरूवेणं नाराए व्व धणारूढं (?) पि पढममप्पाणं पयासित्ता पच्छा मुहं तिक्खवइ । खगजट्ठि व्व परिवारमज्जे ठिए चेव सुंदरे तणिससरिए णिदइ, सप्पे [व्व] पयइ-खुदेएग मुहेण पि जीहा-दुगवावारा, मुडंगे व्व एगसरीरेण वि दोहि मुहेहि रवइ, भोइए वि मुहे चेव मुहरे अंतो निस्सारेइ पामेव तस्स कम्मं जं एगस्स पुरओ मुहमंगलाणि वोत्तूण तमेव बीयस्स पुरओ दोसवंतं दरसेइ । तओ सो ताण परोप्परं चित्तखंडणं कुणतो इहेव बहुजणधक्कारिओ कालं गमेइ । अवि य—

ता मित्तं सुह-चित्तं ताव चिचय इह नराण मेत्ती वि । अण्णोण्णसंतराले जाव न संचरइ खल्लपिसुणो । ११३९ । पेसुण्णं तिक्खतरं परसुहत्थओ पिसुणलोहणाराओ । दारेइ दढं निच्चं पुरिसाणं पेम्म-दारुणि । ११४० । वाढं बीहावणओ लोयाणं दारुणो पिसुण[सुणओ] । जो पट्ठीए भसंतो खणेइ कण्णे अनिक्खण्णो । ११४१ । अहवुज्जल्लवेसे पाडि-वेसिए सामिए परिचिए य । दाणपरे य ण सुणओ भसइ वराओ जहा पिसुणो । ११४२ । सुयणसमागमजणिओ न गुणो पिसुणस्स जायए अहवा । ससिमंडलमज्जपइट्ठिओ वि कलुसो चिचय कुरंगो । ११४३ । चित्तिज्जंतं पि इमं पेसुण्णं कुणइ भाणसं कलुसं । पेसुण्णकारिणो [पुण] चिट्ठइ सो तं जमासज्ज । ११४४ । माइत्तमअसच्चत्तं निस्संगत्तं च दुज्जणत्तं च । पेसुण्णाओ विहिया निधम्मत्ताइया दोसा । ११४५ । वरमुत्तमंगच्छेदो परस्स विहियो न चेव पेसुण्णं । जं ण तह दुही पढमे मणगिदाणं तु सइ इयरे । ११४६ । जइ जिणमयं पवज्जह गुरुवएसं करेह कण्णंते । मुंचह पण्णरसं पावट्टाणं तु पेसुण्णं । ११४७ ।

अहावरे सोलसमे पावट्टाणे । से णं परपरिवाए । कहं व पावट्टाणगततणमिमस्स । जओ परदोस-विकत्थणं हि न मच्छरमभेरिसं च विणा संभभइ । दोसा पुण एत्थपि ते चेव पेसुण्णवणियया सविसेसा । केवलं तत्थ नट्ठलुडयाए पच्छाणं (?) तं पि केणइ ववएसेण । इह पुण मच्छराइय-दक्खिणयाए निप्पेमाणुबंधं विनयलज्जं अकयपरासंकं सावेसं जहा मिलियजणसमक्खं पि जंपइ । जओ—

मच्छरगहिओ पुरिसो न गणइ पणयं न यावि पडिवण्णं । न य कयमुवधारपि हु न परिचयं नेव दक्खिण्णं । ११४८ । न गणेइ य सुयणत्तं न यप्प-परभूमियाविसेसं पि । न कुलक्कमं न धम्मं नवरभिमं चेव चित्तेइ । ११४९ । चलइ ववहरइ कहं सो किं चित्तइ भासई कुणइ किं वा । इय परच्छिइनिरिक्खणवक्खित्तमणो मुणइ न सुहं । ११५० । सुरगिरिगरुयं पि परं परमाणुं गणइ अत्तउक्करिसी । अप्पाणं पुण तुच्छं पि अमरगिरिणो वि गरुयरं । ११५१ । एवं परपरिवायं परिहरिउं पउरकारणत्तणओ । नो इह सक्को सक्को वि नामरहिओ विवेगेण । ११५२ । जह जह परपरिवायं करेइ तह तह लहुत्तणं लहइ । जह जह लहुओ तह य गउरवाओ जणो पडइ । ११५३ । परपरिवायं मच्छरमत्तुक्करिसं च एत्थ जो कुणइ । सो किर भवंतरम्मि वि परिभमइ निहीण-जोणिसु । ११५४ ।

गुणरथणहारणं दोसकारणं जाणित्तणं न करेति । घण्णापरपरिवायं पुंवरिसीहि जओ भणियं । ११५५ ।
परपरिवायं गिण्हइ अट्टमयविरल्लणे स्या रमइ । दज्जइ य परिसरीए सकसाओ दुक्खिओ निच्चं । ११५६ ।
जइ ता जण-संबवहार-वज्जियमकज्जमायरइ अण्णो । जो तं पुणो विकत्थइ परस्स वसणणे सो दुहिओ । ११५७ ।
परपरिवायपसत्तो संतो दोसे परस्स जो गिण्हइ । ते च्चिअ भवंतरगओज्जताणंते सयं ल्हइ । ११५८ ।
एवं परपरिवाओ किज्जंतो परमदाणविवाओ । वसणस्यसन्निवाओ समत्थगुणकरिसणं कुवाओ । ११५९ ।
जइ जिणवयणासयसारसवणसंजणियभद्रविरागिहका । परपरिवायं परिहरइ तो पयत्तेण कि बहुणा । ११६० ।

अहावरे सत्तरमे पावट्ठणे । सेणं मायामोसं ति भण्णइ । जइ वि वीयट्ठम-पावट्ठणमेषु पत्तेयदोसवण्णणेण
भाणियपायमेय तह वि तहाविह वज्जम्भंतरभावंतरदावणपुरस्सरं मूढजणविण्णयारणदोसदुमजोगकिलिट्ठयरत्तणओ
भिण्णसहत्रं इमं ति कट्टु कि पि भण्णइ--“मायामोसं हि पणुजितस्स न हवइ विसिट्ठत्तणं, विरज्जइ लोणो, विसं-
वयंति मित्ताणि, विर्यभइ अवण्णवाओ, फंसिज्जइ कुंदेदिनिम्मलाकुलकित्ती, लद्धावण्णस्म से उच्छलंति दुज्जणा,
लज्जंति सज्जणा । इमं हि मायामोसकरणं टाणं कूडकवडकभ्रंशं, उज्जेणी-वाहिरिया अरइकुमइकुवासणा जोगिणी
चक्कस्स, ममाणभूमी दूद्विक्खलसियवेयात्ताणं, इंदियालखेइ अवरावरभावकरणं, वागुरा मुद्धजणमणकुरंगाणं, सीह-
नाओ सद्धम्म-गुणहरिणाणं, अत्थगिरिमणं सण्णाणदिवायरस्स ।

अविय--

हम्मउ गिरीसिरेणं धाविज्जउ निक्खखम्भयाराए । पिज्जउ जलियगिसिहा छिज्जउ अण्णा करवएणं । ११६१ ।
निक्खिज्जउ जलहिज्जले पविसिज्जउ जममुद्देवि कि बहुणा । एकं पुण मा किज्जउ मायामोसं निमेसं पि । ११६२ ।
तवउ तवं पठउ सुयं धरउ दयं तह चिरं वरउ वरणं । जइ ता मायामोसी गुणाय न य तं कइवि होमी । ११६३ ।
को नाम किर सकण्णो करेज्ज तो अण्णो हिय-गवेसी । मायामोसं पोसं भवस्स सुव्वंत बहुदोसं । ११६४ ।
जइ जिणमयं पवज्जह गुरुवयणं धरइ जइ चिरं वित्तो । ता गुणस्यहाणिकरं मायामोसं परिहरइ । ११६५ ।

संपवं मिच्छादंसणसत्तलं तत्थ अलायाइसु चक्कम्भंति व्व नावारुद्धस्स जलंतमहीरुहदंसणं, मिच्छावि[व]
ज्जासपरं दंसणं दिट्ठीमिच्छदंसणं । तं चेव तिकखदुक्खहेउत्तणओ तोमराइसत्तलमिव सत्तलं मिच्छा-दंसणसत्तलं । इमं
च णं मिच्छतमोहणीयकम्मपोग्गलोदयजणियजीवपरिणाभममत्ते वि अच्चंतनिक्खित्तवत्तममुदीहकालियाणुबधविक्खाए
सविमेषमुदीह-दुह-संदोह-दात्तित्तणेण य पुव्वुत्तमिच्छताओ पुढो पढिज्जइ । जओ--

जहा किर तं तोमराइ सत्तलं सरीरगयं सुवेज्जेण संदसाइणा अणुद्धरियं अकयव्वणसोहणाइ-चिमिच्छा पडियारं
च सुद्धरकालं किलेसाय पुरिसाणं भवइ, एवमेयं पि मिच्छादंसणसत्तलं जीवपरिगयं सण्णाणाइगुण-रयणसायरसुगुरु-
वेज्जेण सद्धम्मदेसणालोयणदाण-संदंसणाइणा अकयसमुद्धरणं न कयाइ कयपच्छित्त-दाणाइ पडियारं च कालत्तए वि
अभूया भवंता भविस्संतसमत्तलवक्खणारोगत्तणओ अभव्वजीवाणं भव्वाण वि तहाभूयाणं केसि चि अणायनिहणकालं
किलेसाय संपज्जइ । किच--

तोमराइ सत्तलं एगभवे चेव पीडं करेइ मिच्छादंसणसत्तलं पुण अणेगभवपरंपरासु दढमवगारकारणं । अओ चेव
पावठाणत्तणमेयस्स वि । जओ--“मिच्छादंसणसत्तलसत्तलियसमाणसरीरे मण्णइ एस जीवे । नत्थि सव्वण्णू न
धइ तप्पणीए सग्गापवग्गमग्गे । न संति पुण्णपावाणि न विज्जए परलोभो न वातग्गामी जीवो ।” तओ से वराए
अमुणंते हेउवाए य विभागं, अणुधारयंते पेयापेयसहत्रं, अकलयंते भक्खाभक्खसेसं, अविदंते किच्चाकिच्चाणि, हिंसइ
पाणिणो, भासइ अलियं, गिण्हइ अदत्तं, रमइ परदारं, न करेइ य परिग्गह-परिमाणं, भुंजइ रयणीए, असइमंसवसाइयं,
मज्जपाणे, न पडिच्छइ हिओवएसं । कि बहुणा ? जोगतिएण वि पयट्ठइ सयलपावकम्मेषु, समज्जणइ तदारेण किलि-
ट्ठमणिट्ठियमट्ठप्पयारं पि कम्मकयवरं । तव्वसे य परिभमइ, भीमभवाडवीए, कयाइ निरंतरदुक्खदंदोलिदुस्सह-
वेयणेषु, नरएसु, कयाइ निहीणतरतिरिएसु, कयाइ कुमाणसत्ते, कयाइ कुदेवत्ते । तत्थ नरएसु जा जत्थ पगिट्ठा ठिइ,

जा जत्थ पगिट्ठा वेयणा, तत्थ तत्थ तं तं निरंतरमणुभवमाणो, तिकखदुक्खाणुणए अत्ताणे असरणे दीणे दयावणे किलिट्ठकम्मभरणोल्लिए, कयाइ पढमं, कयाइ दोच्चं, कयाइ तच्चं, कयाइ चउत्थिं, कयाइ पंचमी, कयाइ छट्ठिं, कयाइ सत्तमी पि नरयपुट्ठवि पुणरुत्तमणंतरावत्तो परिभमई । कहकहवि तत्तो उव्वट्टेवि एमंदियाइ अप्पाउमं कम्मं संचिणइ । एण्णिय वेइदिय-तेइदिय-चउरिदिएमु सुदूरं भमिऊण कहकहवि पंचदियतिरिक्खत्तणं पाउणइ । तत्थ वि बहुदुक्खदुक्खिए चिरं वसिऊण माणुसत्तणं लहइ । तम्मि वि जाइ-जरा-मरणाणिट्ठेयर-संजोग-वियोग-रोग-सोग-दालिइ-दोहंगाइ-दोस-दूसिए चिरकालं वसिऊण पत्तदेवत्ते वि माणुबंध-मिच्छादंसणमल्लपेल्लियसुहेल्लिसंभवत्तणओ चेव [दिव]किंविस्सियाभिओणिय-हीणदेवत्तणेषु कयाइं रिउरिद्विदंसणजणियं, कयाइ मह्ण्डिद्वय-सुराणादाण-निव्वत्तियं, कयाइ ईसाय-माणभंग-संभवं, कयाइ मल्लमालिण्णाइ-चवण-ल्लिगप्पभवं, कयाइ निहीणजोणिसंभवजणियं दुक्खमेव पयरिसपत्तं वेएमाणे कालं अइवाहेइ । अह कहवि अण्णाणतवेण वा अकामतण्हा-छुहाइणा वा देवाइभवुप्पण्णे रिद्वि-विसेसं किं पि पाउणेज्जा, तं पि समत्तरसमुण्णमूलनिसेगं लवणरसमुण्णमण्णं व न चित्ताणंदकारणं भविउमरिहिइ । तत्तो चुए पुणो वि से वराए भीमावाडवीभमणभायणं भवइ अविय—

दुविहं खलु इह सल्लं नायवं दव्व-भाव-भेएहि । दव्वम्मि तोमराई अहमिच्छा दंसणं भावे । ११६६ ।
मिच्छादंसणसल्लं सल्लं व पडिट्ठियं हिययमज्जे । सव्वेसि पि आवयाण कारणं दाऊणं-विवागं । ११६७ ।
मिच्छादंसणसल्लेण सल्लियाणं मया वि जीवाणं । सम्महंसणलंभो जायइ बहुकुलकम्मणेण । ११६८ ।
एयं सो दिसिमोहो एयं सो अच्छिपट्टुबंधो य । तम्मिमं जच्चंधत्तं नेत्तद्धारो स एयं ति । ११६९ ।
केसुंङ्गनाणमिमं अहवा मडविव्वभमो स एसो त्ति । सुत्तीए रययविसयं विण्णाणमिणं तमेयं ति । ११७० ।
उज्जलजलविसओ वा एस स मायण्ह्यासु पडिहासो । तं च इमं जं सुव्वइ जणम्मि विव्वरीयधाउत्तं । ११७१ ।
तमज्जंडविडुरमिमं तह तम्मिमं पंसुवुट्ठिउव्वहणं । धोरंधक्खकुहरम्मि निउडणं तणु तमेयं ति । ११७२ ।
जम्मिमं मिच्छादंसणसल्लं समत्तखलणपडिमल्लं । वासा समयम्मि महल्लं पयट्टुमाणाण चिक्खल्लं । ११७३ ।
जमदेवो वि हु देवो अगुह्ण[वि] गुरुअतत्तमवि तत्तं । जमधम्मो वि हु धम्मत्तणेण मण्णिज्जइ जणेण । ११७४ ।
जं पि जहुत्तगुणम्मि वि देवम्मि गुरुम्मि तत्तवमोय । धम्मो य परमपयसाहम्मि अरईपओसो वा । ११७५ ।
जमुदासीणत्तं पि हु परमपयत्थेषु देवपमहेसु । मिच्छादंसण-सल्लअस्स तं पि हु, दुव्विलसियं सुव्वं । ११७६ ।
पढइ गुणइ निच्चं पि सायरं जीवो । तह वि हु विव्वरीयमई अहह महमोहमाहणं । ११७७ ।
जं भगवओ वि सागरकोडा[कोडी]पमाणभवभमणं । मिच्छादंसणसल्लअस्स विजसियं तं पि विण्णेयं । ११७८ ।
जइ एयं चिय एककं नरेमु मिच्छत्तसल्लमल्लमल्लीणं । ता सयत्तदुहाण कए तं चिय होही किमण्णेण । ११७९ ।
तावच्चिय मणभवणे सम्मत्तईवो पहं देइ । जाव न मिच्छादंसणे पयंडपवणो पणोल्लेइ । ११८० ।
पत्तं पि पुण्णपब्भारभरसमत्तरयणमुत्तरइ । मिच्छाभिमाणओ जह गोट्टामाहिल्लजमालीणं । ११८१ ।
ते चरणगुणा सो नाणपयरिसो सुगुहसंगमो सोयं । मिच्छादंसणसल्लं सव्वे वि गुणे पणासेइ । ११८२ ।
जइ अत्थिं सुहसमीहा अट्टारसपावट्टाणमेयं तु । मिच्छादंसणसल्लं उड्डरह तओ पयत्तेण । ११८३ ।

एत्थंतरे लढावसराए जणियं मणोरमाए—“भयवं ! केरिसं मए पावट्ठाणमणुट्ठियं जेण पइ-पुत्तेहिं सह समा-सिओ विओगो जाओ ? किं वा हेमसुंदरीए सुएण सह वियोगस्स कारणं ? कहं वा पढमजोव्वणे विहवत्तणं पाविया ?” उवओगं दाऊण भणियं सूरिणा—“भट्टे ! निसामेसु—”

अत्थि इहेव जंव्हीवे एरवएवासे धणधण्णसमाउलो नइ-कूव-वावि-पुक्खरिणिसमाउलो धणपूरो नाम गामो । तत्थ य पउरगोधणो धणो नाम मेहरो अहेसि । इओ य नवमभवे तस्स तुब्भे सिरिसिरिमइनामियाओ दुहियरो आसि । तुमं जेट्ठा इयरी कणिट्ठा । कमेण पवइहमाणओ जोव्वणं पत्ता । परिणीयाओ तत्थेव-वत्थेव्वगेहिं कुरुदेव कुरुदत्ताभिहाणेहिं कुलउत्तएहिं परोप्परं सिणेहसारं विसयसुहमणुहवन्ताण वच्चइ कालो ।

अण्णम्मि दिणे भणिया तुमं कुरुदेवेण—“पिए !

संपयगिरिगयवरमारुढो उवरि विरायंतपुंडरियच्छत्तो । निवडंतकासचमरो सरयनिवो महियले भमइ । ११८४।

ता गंतूण गामासण्णपव्वयगिरिर्नईदहेसु जलकीडं करेमो ।

जओ—

सरए महहहाणं अंतो सिसिराइं वाहि उण्हाइं । जायाइं कुवियसज्जण-हियय-सरिच्छाइं सलिं नाइं । ११८५।

पडिवण्णमेयं तए । साहिओ एस वइयरो सिरिमईए । सा वि चलिधा समं कुरुदत्तेण । समारुढाणि पव्वयं । काऊण मज्जणं नईदह-विज्जर-सरसी-सलिलेसु विविहवणसंड-गिरि-नई-परिसरेसु कीलिउमारुढाणि । इओ तओ दइएण सह कीलभाणी गया तुमं एगम्मि वणनिगुंजसमासण्णपएसे । एत्थंतरे पयसंचार-सवणसंभंतमाणसो वरिहभारमंभरगई तरलतारयं पच्छाहुत्तं नियंतो उड्डिओ तओ ठाषाओ एमो कलावी । कोउहलावूरिज्जमाणमाणसाणि निहुयपययसंचारं गयाइं तुब्भे वि तं पएसं ? दिट्ठा तत्थ पंखाहि पच्छाइऊण नियतणयं संठिया सिहंठिणी । सह्रिसं जंपियं कुरुदेवेण—“पिए ! अवहियाए होयव्वं । एवं भणिऊण गहिउमाढत्ता । कलुणकेयारवं कुणमाणी उड्डिया कलाविणी । पडिया चिरकयपारद्वियपासए सविहमागच्छंतो निद्धाडिओ मोरो । गहिया सा कुरुदेवेण समं मोरपोयगेण । समप्पिया तुज्ज । जाओ ते मोरपोयगं पइ पेमाणुबंधो । मुक्का कलाविणी । धरिओ सद्धि डिभो । सुयसिणेह-लंधिया सविहभमिमाणी तसिया सिहंठिणी विउइया पह्रमेगं थ । पच्छा संजायपच्छायावाए तत्थेव वणनिगुंजे नेऊण मुक्को सो मोरपोयगो । मिलिओ जणणीए । समागओ मोरो । जाया ताण मणनिव्वई । सिरिमई वि कुरुदत्तेण समं कीलमाणी गया एगम्मि गिरिसरिया-परिसरे । दिट्ठो तत्थ सीयलसह्यार-छायातलनिसण्णो उच्छंगनिवेसियसुइरं संलवणसमाउलाए चंदणाए निय-धरिणीए केसपासं विक्खरंतो सूरदेवो नाम कुलपुत्तओ । तेण वि [दिट्ठा] सिरिमई । तओ सो तं पइ संजायसिणे-हाणुबंधो निण्णिमेसदिट्ठीए निज्जाइउमारुढो । एत्थंतरे चिरकालकलहमणुसरंतीए चंदणं पइ पउट्ठमाणसाए, ‘पावउ एसा रंडत्तणं’ त्ति मण्णमाणीए भणिओ कुरुदत्तो सिरिमईए—“पिययम ! न सोहणमेत्थ चिरकालावत्थाणं ?” तेण भणियं—“किं निमित्तं ?” सिरिमईए भणियं—“किं न पेच्छसि पुरओ सूरदेवं सरागाए दिट्ठीए ममं निज्जायंतं । जं पुण एस संलवइ तं तुह कहिउं पि न तीरइ ।” एयं सोऊण संजायकोवेण कुरुदत्तेण अलक्खिण्णेव पहओ सो खगेण । पाविओ पंचत्तं । चंदणा वि दढं संजमिऊण निरुद्धवयणपसरा छूढा एगम्मि वणनिगुंजे । ‘एत्तो वि समहियं दुक्खं पावउ’ त्ति अवहरिओ चंदणा-तणओ सिरिमईए । विउइया सा पह्रमेगं । एत्थंतरे मिलियाणि तुब्भे । साहिओ इयरेहि सब्बो वि निय-वइयरो । संजायकरुणेहिं मोयाविया तुब्भेहिं चंदणा समप्पाविओ पुत्तो । भणिया य सा कुरुदत्तेण—“जइ एत्तो चेव देसंतरं । गच्छसि, इयं च वइयरं कत्त वि पुरओ पयडेसि तो नत्थि ते जीवियं, मण्णहा । पडिवण्णमेयमिमाए । सवह-साविधा मुक्का गया देसंतरं तुब्भे वि चिरं कीलिऊण समागयाणि नियधरं । नियाऊयं परिपालिऊण मज्झिमगुणजोगओ मरिऊण कुरुदेवो सिट्ठिओ संजाओ । तयणंतरं नरसीहो । तुमं पि तारप्पहा होऊण रंभावली । एवं सम्मत्तबीयलाहं देसविरेइपरिपालणसामत्थओ देवभवंतरियाणि अणुभविऊण नरभवसोक्खाणि, जाओ कुरुदेवो सूरसेणो । तुमं पि मणोरमा । मोरजीवो असणिवेगविज्जाहरो । मोरी वि हेममाला नाम एयस्म चेव धरिणी । कुरुदत्तो वि अनन्तरभवे काऊण किं पि कुसलाणुट्ठाणं कित्तिवम्मो समुप्पण्णो । सिरिमई हेमसुंदरी । सूरदेवो नरवम्मो । चंदणा रयणमाला नाम नरवम्मस्स चेव भारिया । ता भट्टे ! जं सूरसेणेण कुरुदेवपज्जाए वट्ट-माणेण धरिणि-तणयाण मोरो विउइओ तक्कम्मोदएण तेणेव मोरेण असणिवेगपज्जायमावप्पणेण सपुत्ता तुमं राइणो समीवाओ अवहरिऊण पियमेलयपव्वए मुक्का । कयत्थमत्ताणयं मण्णमाणो गओ सट्ठाणं । एत्थंतरे तुज्ज वि तं कम्म-मोइण्णं जं तया मोरीपुत्तेण सह विउइया । तओ तीए चेव मोरी हेममालापज्जायमावप्पणाए पओयणवसेण पियमेलयमाणयाए तुब्भं उच्छंभाओ पुत्तो अवहरिऊण जलहिजले विमुक्को । जाओ दसमासिओ ते विओणो । हेमसुंदरी वि जोव्वणमारुढा दिट्ठा खयराहिवमामगेण । मगिया । पडिवण्णा पिउणा । परं जम्मंतरसिणेहभावेण कित्तिवम्मं मोत्तूण न अण्णं परिणेइ [त्ति] नाऊण निच्छयं तस्सेव दिण्णा । एत्थंतरे जं कुरुदत्तपज्जाए वट्टमाणेण कित्तिवम्मेण सूर-देवो विणिवाइओ, तओ तक्कम्मोदएण तेणेव नरवम्मपज्जायं पाविऊण कित्तिवम्मो विणिवाइओ । हेमसुंदरीपुत्तो

वि जं सुदरीए सिंरिभइपज्जाए वट्टुमाणीए चंदणापुत्तेण विओइया, तक्कम्मोदएण चंदणाए चेव रयणमालापज्जायमाव-
 ण्णाए पियमेलय-पव्वयाओ अवहरिऊण 'दुक्खमारेण मरउ' ति कयंबपायवे लोहकीलएहि कीलिऊण मुक्का । भो भट्टे ।
 रांगदोसपरिसयाहि जं तया तुब्भोहि कम्मं निव्वलियं तस्सेस परिणामो ।" मणोरमाए भणियं—“भयवं ! केत्तिओ
 इमस्स कम्मणो विचाओ ?” सूरिणा भणियं—“तुब्भाण एत्तिओ चेव । हेमसुदरी कित्तिवम्मो य अज्ज वि अणुभवि-
 स्संति ।” एयं सोऊण संजायजाइसरणेहि, सुमरियपुव्वभवदुत्ततेहि, संसारवासनिव्विण्णमाणसेहि, समुल्लसंतसुहसुहतर-
 परिणामेहि भणिओ सूरि मणोरमासूरसेणेहि—“भयवं ! संसारभयभीयाणि पुत्तकलत्ताइनियडिया संचइऊण घरवासं,
 कम्मसेलदलणदंभोलिसन्निहं, भवकंदुकंदणपवणकोहालकण्णं, अणियजम्मवज्जिसयलसावज्जकज्जं पव्वज्जामो तुब्भाण
 समीवे पव्वज्जं ।” सूरिणा भणियं—“उच्चियमेयं, सब्बेसि पि संसारमावण्णाण विसेसओ वरविबेगवारि-यक्खालियपावकंकाणं
 समासण्णसिवसुहसोक्खाणं तुम्हारिसाणं । जओ—मा मा कण्णोत्तरं विचितेह ।

पवणाहय-सल्लिअतरंगचंचज्जीवलोगम्मि । धम्मं करेमि संपइ कयं करेस्सामो न य पयंपेइ । ११८६ ।

पुण्णाणुबंधिपुण्णेहि जस्स जम्मो सुपुरिसस्स ।

निवडइ परिणामोच्चिय अहवा विग्घं पि किपि जाएज्जा । तम्हा कालक्खेवो न संगओ धम्मकज्जम्मि । ११८७ ।
 जं कल्ले कायव्वं अज्जं वि य तं करेह तुरमाणा । बहुविग्घो य मुहत्तो मा अवरण्हं पडिक्खेह । ११८८ ।
 केवलं अत्तणो तुलणापुरस्सरं वयगहणं संगयं । जओ—

सावज्जजोगिवरिइं तिविहं तिविहेण जावजीवेण । चायव्वा विभूसणं केसुद्धरणं च सहियव्वं । ११८९ ।
 छसु जीवनि काएसुं सया वि संरक्खणे य जइयव्वं । सव्वं पि अलियवयणं वज्जेयव्वं सया कालं । ११९० ।
 तिणमेत्तं पि अदिण्णं घेत्तव्वं नेव तिविहतिविहेण । पाययजणदुरणचरं चरियव्वं बंभचेरं तु । ११९१ ।
 धम्मोवगरणवज्जो कणगाइपरिग्गहो न कायव्वो । असणाइचउक्कंपि हु भोत्तव्वं ने व रयणीए । ११९२ ।
 समिई-गुत्तीं अट्टु वि एयाओ मायरो पवयणस्स । न कयाइ वि मोत्तव्वा जइहि कल्लाणकामेहि । ११९३ ।
 खुहपमुहा अइतिव्वा बावीसपरीसहा दुरहियासा । नरतिरि-त्वेहि कया धीरुवसग्गा य सहियव्वा । ११९४ ।
 सहाइसु विसएसुं रागदोसा न चेव कायव्वा । जिणसमयविण्णूहि परमरिसीहि जओ भणियं । ११९५ ।
 सट्टेसु य भइय पावएसु सवणविसयं उवगएसु । रुट्ठेण व तुट्ठेण व समणेण सया न होयव्वं । ११९६ ।
 रुवेसु वि भइयपावएसुचक्खु विसयमुवगएसु । रुट्ठेण व तुट्ठेण व समणेण सया न होयव्वं । ११९७ ।
 रसएसु य भइयपावएसु जीहा-विसयमुवगएसु । रुट्ठेण व तुट्ठेण व समणेण सया न होयव्वं । ११९८ ।
 गंधेसु य भइय पावएसु घाण-विसयमुवगएसु । रुट्ठेण व तुट्ठेण व समणेण सया न होयव्वं । ११९९ ।
 फासेसु य भइय पावएसु तय-विसयमुवगएसु च । रुट्ठेण व तुट्ठेण व समणेण सया न होयव्वं । १२०० ।
 ब्रायालदोसरहिओ भोत्तव्वो कारणेण पिडो वि । वेयावचच्चं निच्चं कायव्वं सूरिपमुहाणं । १२०१ ।
 सज्जाओ कायव्वो चाउक्कालं पि पइदिणं चेव । बज्जो अब्भितरओ संतीए तवो वि तवियव्वो । १२०२ ।
 विगयाणं परिहारो असुहज्जाणाण चेव वज्जणया । भावेयव्वं च अणिच्चाइ वरभावणाजालं । १२०३ ।
 कायव्वो तह विणओ गुरु आयत्तेहि चेव होयव्वं । खंतीइ दसपयारो [य] सेवियव्वो समणधम्मो । १२०४ ।
 गीयत्थगुरुअहिद्वियगच्छे अण्णायवारणादच्छे । नाणाइरयणरोहणगिरिम्मिं त्रासो विहेयव्वो । १२०५ ।
 मज्जाइभेयाभिण्णो वज्जेयव्वो सया वि हु पमाओ । न य कायव्वा निच्चं संसग्गी सह कुसीलेहि । १२०६ ।
 लोहमयचणयचव्वणगंगापडिसोयगभणसारिच्छो । निसियखग्गधारासंचरणसमो समणधम्मो । १२०७ ।
 किं जंपिएण बहुणा धीदुब्बलदुव्वहो सया कालं । वोढव्वी अट्टारससीलंगसहस्सपब्भारो । १२०८ ।
 जइ सक्कह काउं जे करेह तो सयलदुक्खनिहलणं । अणवज्जं पव्वज्जं पावह जे निच्छयं ठाणं । १२०९ ।

एयं सौकुण संजायसवेगो काऊण चरण-पडिवत्ति, वंदिऊण आयरियाणं पयपकयं, मणोरमा पमूह-परियण-परिवारिओ, पविट्ठो नयरं सूरसेणनराहिवो । सहिओ सामंताण निययाभिप्पाओ । बहुमण्णिओ एयाण । तओ अकय-कालक्खेवं वज्जंताणं वज्जार्णं जयसहभरियभुवणोदरा पारद्धा जिणाययणेमु अट्ठाहिया । भोयाविया कारागारगया सव्वे वि दुहियजंतुणो । षोमाविया अट्ठदिणाणि जाव सव्वत्थदाहिणसेणोए अमारी । अहिसित्तो रज्जम्मि महामहूसवे मणोरमसेणो । पणओ अप्पणा समं मंतिसामंतेहि । तओ तेणाणुण्णाओ समारूढो पुरिससहस्सवाहिणि सिवियं । परिवारिओ पविट्ठो तक्खणचेव निक्खमणाभिमुहविजयसेणेण विज्जाहरसहस्सेण य । मणोरमा वि रईसुंदरीविजयावली हेमसुंदरी पमूहविज्जाहरसुंदरी समूहसंपरिवुडा, धरिज्जमाणी वि मणोरमसेणराइणा, वीय-सिवियाए समारूहिऊण समागया राय-समीवं ।

तओ वज्जंतपउरतूरनिनायभरियभुवणव्भंतरो, मागहजणजणियजयजयारवो, मंगल-विज्जाहरसुंदरीसंदोह-संरुद्धरायमग्गो, उप्पयंतनिवयंताणेगविज्जाहरपूरियनहंगणो, कलकंठकंठगिज्जंतगुणगणो, तरुणतरुणीनट्टुनट्टियाक्खि-त्तमित्तंविडजणजणियकोलाहलवहिरियसंवणंतरो, अहो ! धण्णो, अहो ! कयत्थो, अहो ! सुलद्धजम्मजीविय-फलो' इच्चाइ बहुजणवयणनिसामंती, "एस आगच्छइ" एवं पयंपरिपउरजणं गुलिसहस्सेहि दाविज्जमाणो कुवलयं-घरगवक्खरोहिअपुरंगणाहि नयणमालासहस्सेहि पलोडज्जमाणो, समं मणोरमाए निग्गओ नयराओ नराहिवो । पत्तो जयभूसणमुज्जाणं । उत्तिण्णो सिवियाओ समं मणोरमाए । गओ जयसुंदरायरियवायंतिए । काऊण तिपयाहिणं वंदिया सूरिणो । विणयविहियकरयलंजलोपूरओ होऊण एवं भणिउमाढत्तो—"आलित्ते णं भंते लोए । पलित्ते णं भंते लोए जराकरणेण य । अओ संसार-भउव्विग्गे सारीरमाणसाणेगदुक्खजलणजालावली पलित्तसंसारपलीवणयाओ नीह-रिउ-कामो पव्वयामि देवाणुप्पियाणं अंतिए ।" मूरिणा भणियं—"अदिवं देवाणुप्पिया ! मा पडिबंधं करेह ।" तओ गंतूण ईसाणे कोणे मुक्काणि वत्थाहरणाणि । असुजलं मयमाणेण पडिच्छियाणि मणोरमसेणेण । तओ नियपरि-वार-सहियाणि आगमविहाणेण दिक्खियाणि । सूरिणा समप्पिया मणोरमा सपरिवारा सुहंकराभिहाणाए पवित्तिणोए । वंदिऊण सूरि गओ सट्ठाण मणोरमसेणो । तेहि वि गहिया दुविह-सिक्खा । पडियाणि सूरसेणसाहुणा चोइसपुव्वाणि जाओ गीयत्थो । निवेसिओ नियपए सूरिहि । मणोरमाए वि पडियाणि एक्कारसंगणि जाया गीयत्था टाविया पवत्तिणि पए । तओ सूरसेणजाया सूरि मणोरमा पवत्तिणो य विहरिऊण उग्गविहारेण महिमंडलं, काऊण भव्वसत्ताण सण्णाणाइरयणविद्यरणेण परमोवयारं, सुहज्जाणानलनिहूइद्धणघाडिक्कम्मधणाणि, उप्पाडिऊण लोयपयासकरणपच्चलं केवलवरनाणवंसणं, विहरिऊण केवइ कालं केवलपरियाएण, नाऊण समयं, काऊण जोगनिरोहं, समारूहिऊण सेलेसिं, असेसकम्मंसविप्पमुक्काणि परमाणंदसासयसुहसमद्धासियं परमपयं पत्ताणि ॥

सिरि वद्धमाणसूरीहि विरइयाए मणोरमाकहाए मोक्खफलविरइलाहावसरो, तुरिओ परिसमत्तो ॥

संपइ कहा समप्पइ सुबोहसद्देहि विरइयाः एसा । अंभणयकयनिवासो पासो मह मंगलं कुणउ । १२१० ।
छंदाणुवित्ति-रहिया निरलंकारा सुवण्णयविमुक्का । दुग्गयगांभीणसुय व्व मह कहालक्खणविहुणा । १२११ ।
तह वि सुयणेहि गहिया सरल-सहावेहि दोस-विमुहेहि । एसा वि विराइस्सइ दुग्गयदुहिय [व्व] ठाणगया । १२१२ ।
आसि जयवायडजसो सीसो सिरिवद्धमाण-सामिस्स । पंचमणगरहरदेवो चोइसपुव्वी सुहम्मो त्ति । १२१३ ।
तस्स य सीसो जंबू तओ वि पभवो पहाणगुणभवो । मणगपिया परमरिसी तत्तो सेज्जंभवो भयवं । १२१४ ।
एवं सूरीण परंपराए ता जाव अज्जवइरो त्ति । साहाए तस्स विमले चंदकुले चंदसमलेसो । १२१५ ।
अप्पडिबद्धविहारो सूरी सोमो व्व जणमणानंदो । आसि सिरिवद्धमाणो पवड्ढमाणो गुणगणेहि । १२१६ ।
सूरिजिणसर-सिरिबुद्धिसागरा सागर व्व गंभीरा । सुरगुरुमुक्कसरिच्छा सहोयरा तस्स दो सीसा । १२१७ ।
वायरण-छंद-निग्घंट-तक्क-ताडय-कहाइया बह्वे । विबूहजणजणियहरिसा जाण पबंधा पडिज्जति । १२१८ ।

ताण विणेओ सिरि अभयदेवसूरि त्ति नाम संजाओ । विजियक्खो पच्चक्खो कयविग्गहसंगहो धम्मो । १२१९ ।
जस्स गुणा भयमच्छरजणेण परिओसमावहंतेण । महुमासपल्लवा इव भण केण न धारिया कण्णे । १२२० ।
तेलोकक-जगडणुद्धरकंधरमयरद्धओ मलेऊण । तह मुक्को जेण पुणो सुमिणे वि न चेतसं ढुक्को । १२२१ ।
आणंदियविबुहजणा पुण्णयया सुगइसाहणसमत्था । वयणगयणाउ गंग व्व भारई जस्स निक्खित्ता । १२२२ ।
ठाणाइ नवंगाणं महत्थसुत्ताण गणहरकयाणं । विवरणकरणेण कओ उवयारो जेण संघस्स । १२२३ ।
सेयंवरसोहकरस्स विमलजस-किरण-धवलियधरस्स । भवियजण-कमलबोहणससिणो सियवाय कलियस्स । १२२४ ।
सीसेहिं तस्स एसा कहा कया ब्रह्माणसूरीहिं । होउ पढंतसुणंताण कारणं मोक्ख-सोक्खस्स । १२२५ ।
गुणगरुओ गुरुभाया वय जेट्ठो आगमम्मि पत्तट्ठो । विमलगणी विमलजसो खणलओ अत्थि पत्तिद्धो । १२२६ ।
लिहणलिहावणसोहणपमुहवओयणपसाहणेत्थ । तेण कयं साहिज्जं सव्वत्थ समुज्जमंतेण । १२२७ ।
धंधुक्कयम्मि नयरे महलसुओ वसइ वेत्तेओ नामा । सड्ढो पवणगुणड्ढो सुवियड्ढो धम्ममग्गम्मि । १२२८ ।
मोढकुलं वरससिणो कवड्डुसेट्ठिस्स पुरपहाणस्स । सा दुहिया मयरहिया वेलीनामि त्ति इह कहिया । १२२९ ।
देवगुरुपायसत्ता दढसम्मत्ता तवम्मि उज्जुत्ता । जस्स धरे धरिणी पच्चक्खा धम्ममुत्ति व्व । १२३० ।
तस्स वसही-ठिएहिं कया कहा साहसंककालाओ । एक्कारसहिं सएहिं गएहिं वासाण वो [?]लेहि । १२३१ ।
आसोयकसिणपक्खे सोमदिणे तह धणिट्टनक्खत्ते । उदयंते दिवसयरे समाणिया षडिक्कयतिहीए । १२३२ ।
पुव्वावरेण संपिडियाए पाइयकहाए एयाए । पण्णरसओ सहस्सा गंथपमाणं विणिट्ठिट्ठं । १२३३ ।
संसारसरसरोरुहसरिसाणं भवियभमरभइयाण । सिरिअभयसूरिपायाण पणमिमो पयडियजसाण । १२३४ ।
कमलदलदीहनयणा कमलमूही गहियवामकरपोत्था । कइयणमुहकयवासा सरस्सई जयइ सुपयासा । १२३५ ।
जमिहासमंजसं कह वि किपि मइ-मोहओ मए भणियं । पुत्तावराह्मिन्न पिया खमंतु तं सुयधरा मज्झ । १२३६ ।

गाथा-सूची

अइ गरुयदप्पनिव्वर	१८	अचिरुग्गाए य सूरिए	१७४	अणसणकरणे काऊण	३०८
अइ गरुयरो गज्जंतो	२८३	अच्चंतं तिक्खाणं	३३२	अणाइ निहणो धारो-	५७
अइ घट्टमट्टनिम्मल	३०३	अच्छउ ता किर अण्णो	३३२	अणिमिसनयणसहस्सा	२८४
अइ वीहराइ सुण्हे	१०५	अच्छउ ता परलोणो	३३०	अणियत्तिच्छो जीवो	३२९
अइ दुट्ट-धट्ट-दप्पिट्ट	७७	अच्छउ ता फलकालो	१९५	अणिरुविय परिणामा	३०१
अइ दुल्लहो मणुयभवो	३०६	अच्छरगणाउलेसु	३२७	अणुकंपिज्जइ बालो	२१२
अइ भग्गकसिणवट्टं	२७०	अजियाइणो जिणिंदे	१	अणुकूलवइ-विहिय	१३२
अइ मसिणसुविकलसुंय	२८२	अज्जं चिय मह सहलो	११	अणुकूलविहिवसेणं	२४५
अइपारसत्थजज्जरिय	३०३	अज्जं वा कल्ले वा	१३	अणुरत्तो रत्ताए	३०८
अइ लोभेण नासइ	१२५	" "	३२२	अणुराय तंतिबद्धा	१९८
अइ विरसं वीभच्छ	२९६	अज्ज कयत्थं मह नयणं	२१४	अणुरूव रयणायरं	७५
अंगुट्टपएसिणि	२७१	अज्ज पुण सिद्ध	२२५	अणुरूवरुवसोहग्ग-	११
अंगुट्टमणुसरंती	२७१	अज्जप्पभिइ मज्झ	२६५	अण्णं तं नूमिज्जइ	८६
अंगुट्टस्स य उर्वरि	२७१	अज्ज वि जस्स विरायइ	१	अण्णं पाणं विजयं	३०६
अंगुलदुगंतराले	९६	अज्ज वि तुमं अगीओ	२७४	अण्णं पि किंपि भणिमो	२००
अंजणखंजण-कट्टम	५६	अज्ज वि वड्डइ धम्मो	९०	अण्णं भणंतिअण्णं	११८
अंजणचुण्णनिरंतरं	१४८	अज्जु पणट्टुउ सोगभरु	३१५	अण्णत्थयिगिरिनइ	२६५
अंतो बहिं च दड्ढे	५६	अज्जु मणोरह तह फलित	३१५	अण्णत्थ सयं निवड्डिय	२६४
अंतो विसस्स भरिया	२८८	अट्टालयबद्धधयं	३२२	अण्णत्थ हरियकणियार	२६४
अंतो हसंति बाहिं	११८	अट्टमि चउइसीसुं	३०८	अण्णम्मि दिणे गयणं-	३०८
अंदोलिऊण सुइरं	८७	" "	२८७	अण्णम्मि दिणे जेट्ठो	३०६
अंधारियदिसिवलओ	३२५	अट्टमि चंदायारं	२७०	अण्णम्मि दिणे तुमए	९९
अंबरतलाओ निवडंत	३२२	अट्टाण कुविय-दुज्जण	९७	अण्णम्मि दिणे पभणइ	३०५
अकयपरलोयसग्गा	२	अट्ठीउ सच्चित्ताइं	२८७	अण्णम्मि दिणे पासाय-	९७
अकव्वओ न सोहइ	२८९	अट्ठेण च तं न बंधइ	२४८	अण्णम्मि दिणे पियसहिं	८७
अकाले भयमावण्णा	३०७	अडविषणसंडमंडण	२५९	अण्णम्मि दिणे भणिओ	३०६
अक्खंडंगंडमंडल	२८४	अणयो जणिय गुणो	२५८	अण्णह कहमेवमहं	९५
अक्खंडबंभचेरं	३२९	अणवरय धावंतो	३०६	अण्णह परिखेलिज्जइ	१२१
अगणियपरियणलज्जं	७२	अणवरय मज्जपाणा	२८१	अण्णह परिचितिज्जइ	१९९
अगमकरणादगारं	८१	अणवरयं मुक्कवाहोह	२१४	अण्णाओ वि समणीओ	२८३
अघडमाण-ठिक्करसया-	३९				
१. बृ० क० २८३२ ।		१. उत्त० लि० १३५ ।		१. सवे० पृ० ५९१ ।	
२. सवे० पृ० ५९१ ।		२. सवे० ४३४ ।			
३. बृ० क० ३५२२ ।					

अण्णाणं अवरज्जइ	७१	अबला जणम्मि पहरसि	१०	अह उज्जलवेसे	३३३
अण्णाणं कंयणिज्जा	४५	अबलायणम्मि दाणे	७२	अह एयं पि न जाणसि	१४८
अण्णे कडसामाइया	३०३	अब्भलिहवहुविह	३०५	अह अण्णया कयाई	१५०
अण्णे जलकीलाहि	१९६	अब्भक्खाणं सहसा	२४७	" "	२१४
अण्णेण कयं अण्णो	६८	अभयं सर्वसत्त्वेभ्यो	३२७	" "	३०३
अण्णेसि पि अकज्जं	७८	अभिमुहमागच्छंतं	३२२	" "	३०८
अण्णेसि पुण पविरल	१	अमयमई वि हु बाला	२८०	" "	३०९
अण्णेणकरावीडण	२१५	अमयमथगयणमंडण	१९८	अह कह वि विक्ख जोया	१३३
अण्णेणदंसणाभय	७२	अमयमयंगि वि हंस-	१६३	अह कह वि लहइ जीवो	२९०
अण्णेणमंगमंगेहि	३०९	अम्मा जाणइ सुण्हा	१७६	अह गुरुकम्मेण हया	३०४
अण्णेणमणुसरंताण	३२	अरइं च कुणसु अस्सि	३३३	अह तं सुणेइ कत्थवि	२९२
अण्णेणसंकहाए	३०६	अलद्धान्तः पातो	९६	अह दिक्खिऊण सूरि	९९
अण्णेणहत्थसंफास	२१५	अलमेत्थ वित्थरेणं	३	अह दीणो दुहुइहिथो	२९०
अण्णे वि हु एस गुणो	२५४	अलि-गवलसजलहर	९८	अह पुत्तत्थे पिययम	९७
अत्तिहिजणसंविभागं	३१०	अलियपर्यणसंपण	३२७	अह पेक्खिउं पवत्ता	२९०
अत्थेण संविठप्पइ	२८९	अवगणियमरणभया	३२३	अह फासुए पएसे	९६
अत्थेण होइ दाणं	११६	अवगणिऊण महिला	२२७	" "	३०६
अत्थेत्थ भरहुखेत्ते	३०५	अवयरिउं गयणाओ	९७	अह भणइ विज्जुवेगो	३२४
" "	३०७	अवयारी किर वेरी वि	३२९	अह भणइ समरसेणो	२१२
" "	९७	अवराहवज्जियाणं	२५२	अह भणइ सूरसेणो	३२१
अथिरे जीए विह्वे	१४३	अवरोप्परपरमसिणेह	३०९	अह भणइ सोवयारं	३२५
अदिदुपुहइकोउहलाण	२०५	अवलंबिया तिणा	१९०	अह भणसि अत्थि अण्णो	१
अइंसणेण वच्छे	३१८	अवहत्थिज्जउ तं दियहु	२२०	अह भणसि तुमं सुहिया	२०
अघणो धणवच्छाए	९६	अवहिरिया दिएण	३०९	अह भणसि दुक्करो खलु	२
अपरिक्खियरयणत्तिय	२९	अवियारिऊण कज्जं	९१	अह भणसि लक्खणेणं	५६
अपात्रे रमते नारी	१९१	" "	८५	अह मंडलम्मि पढमे	३१३
अप्पं वा बहुयं वा	३२१	अव्वो महाणुभावो	३०८	अहमवि कहेमि गंतूण	१०
अप्पडिबद्धविहारो	३३८	अमुइम्मि समुब्भूओ	४६	अहयं विओयत्तणुइ	१९७
अप्पत्तणओ भगं	७६	अमुइविलेवं तह	२७२	अह रागदोसवसओ	२९०
अप्प पर निग्घिसेसा	२१२	अस्किणनक्खत्तम्मि	२९४	अह वंदिऊण भयवं	२१४
अप्प परस्स विसेस	१२०	अस्किणरेवइचित्ता	२९४	अहव न हु तुज्ज दोसो	२१४
अप्प परोभय-मुहया	३६	अस्सेसाए तेणो	२९४	अहवा तुच्छे वि कए	३२५
अप्पहियं कायन्वं	२६७	अह अण्णया कयाइ	९७	अहवा न तुज्ज दोसो	३२३
		" "	९९	" "	३२५
		" "		" "	३२३

१. गाथास० ३/३६ ।

२. धर्मरत्नकरंड टीका पृ० ७५१ ।

१. गाथास० पृ० ३०१ ।

अहवा सव्वं चरियं	२	१आयहिय परिण्णाभाव	२७४	इय असमंजसदुक्खवण	२१२
अह विज्जाहरराया	३२३	२आयहियमजाणंतो	२७४	इय एरिसमेहाडंबर-	८६
अह सरयजलहरगंभीर	३०६	आयाणुग्गहट्टाए	२४९	इय एरिसम्मि सरए	१६
अह सूरसेणरण्णा	३२५	आयारसंवरंसो	३०९	इय एरिसे वसते	१९६
अहह पडिबिबरहिया	४	आरंभनियत्ताणं	३०	इय एवं बहुसो रोइऊण	९८
अहह हयहिययबहुदुक्ख	१०	आरंभपरिग्गह	३०६	इय एवमाइमहुर-	१३५
अहह हया हं विहिणा	३४	आरंभेच्चियविरसाई	१०	इय एवंविहलक्खण	२७०
अहियजणयदुहिओ	१५	आलयदाणेण नरो	८०	इय एसो जिणधम्मो	२९०
अहिंसिचिऊण रज्जम्मि	३२५	आलिगिओ सहेलं	२१४	इय केत्तिउ आवि कहिओ	५९
अहोमुहेसु रिक्खेसु	२९४	आवायमेत्तसुहं	३२९	इय केत्तिउं व भण्णइ	९९
आउं कणिठ्ठियरेहाए	२७१	आविहिंसि पुणो	२७३	इय केत्तियं व भण्णइ	३११
आकंपिज्जंति सुरा	३२८	आसणे सयणे जेव	३०७	इय चउगइ पहपहिया	२
आगमविहिणा गंतुं	३०६	आसण्णसिद्धियाणं	३०१	इय चउवीस जिणेसर	१३२
आगम्म मह समीवे	८७	आसासिऊण एवं	३२२	इय चित्तिऊण चित्ते	३०८
१आजम्मं ण्णारुवस	२८४	आसि जयपायडजसो	३३८	इय जंपिरो सरोसं	२१२
२आजम्मरम्मतणु	२८४	आसेविए किलम्मइ	२८६	इय तिहुयणकयमंगल-	२९३
आढत्ता सप्पुरिसिंहि	३८	आसोयकसिणपक्खे	३३९	इय दुल्लहलंभं	२९०
आणंदनिब्भराई	२१५	आहारदेहसक्कार	२४८	इय पुण्णापुण्णफलं	४५
आणंदनिब्भराए	२१५	३इओ गया इओ गया	२७३	इय भणिउं चलियाए	७२
" "	२८३	इंगालाइए पनरस-	२८७	इय भणिउं तह मेल्लइ	३२४
आणंदवियसियच्छो	९८	इंगाली वणसाडी	२४८	इय भणिऊण विमुक्का	३२३
आणंदविवसविलसिर-	२५३	" "	२८२	इय भणिए तेण लहुं	७२
आणंदियविबुहजणा	३३९	इंदियचोरचडक्क	२९	इय भणिओ सो तुमए	९९
आणवणं पेसणाणं	२४८	इंदियत्थेसु दुक्वार	२१६	इय भो न य पाविज्जइ	२९१
आपावे निल्लज्जे	२१४	इंदिय-पसरनिरोहं	९	इय वोत्तुं तह सविया	८७
आबद्धधोरणीओ	८८	इच्छियजणेणत्तिच्चं	१९८	इय सव्वेण वि सम्मं	२९५
आयण्णायाडिठ्ठयपवर	३२२	इट्टविओगो अबुहाण	२०३	इय सोऊं संखुद्धो	२८०
आयपरोभयहियउरु	३३२	इत्तरियगहियगमणं	२४९	इय सो भट्टपइणो	३०९
३आयरियत्तण तुरियो	२७३	इण्ह अकज्जमेयं	९७	इसि हसिऊण भणिओ	३०७
आयरियाणं च नमो	१५२	इण्ह संखित्तेयर	२७१	इह भणिऊण त विरमइ	२१४
आयरिओ केरिसओ	२७४	इमाइ माणभंगं कुणमाणी	१५०	इह भवगह्णिण भमंतु	२६६
१. संवे० पृ० ५९१ ।		इमिणा सह संजोगो	२०१	इहरा विहु जलइ च्चिय	२६६
२. संवे० पृ० ५९१ ।		१. वृक० ११६२ ।		इहलोइय परलोइय	२६३
३. वृक० ३७३ ।		२. वृक० ११६३ ।		इहलोइ वि छिक्कारिउ	२६६
		३. वृक० ११५८ ।			

इह लोगम्मि अकिती	३२७	उत्तमंगं सप्पएहि	३०७	एक्कुए वालिय नहयलु	२४३
इह लोगम्मि वि किती	१००	उत्तरहत्थे चित्तासु	२९४	एक्केककं होइ दुहा	२४८
इह लोगम्मि वि दुक्खं	२७७	उत्तिण्णाओ तीरे	८७	एक्केण वि केसरिणा	३२१
इह लोगम्मि दुरले	४०	उत्तुंगवेणुलंबियं	१७८	एक्को च्चिय नवरि गुणो	५७
इह लोगे वि अणत्थं	२५७	उद्धंसियद्धयखंभट्टिय	१४१	एक्को च्चिय मह पुत्तो	२०३
इह लोगे वि पसंसं	२६८	उप्पण्णे नाणवरे	२७४	एगं खायइ मडयं	१५०
इहलोयपारलोइय	२९६	उप्पण्णे नहसेणो	३०९	एगं पियजणविरहो	२६५
इह सुयणु संसओ	८९	उप्पण्णे वि हु पुत्तो	९७	एगं महिला वीयं	२२५
ईसा कसायकलिओ	३२७	उप्पहपत्थियइंदिय	२३८	एगमणिट्ठा वीयं	२८३
ईसि हसिऊण कुमरो	२१२	उप्फिडइ पडइ धावइ	१०९	एगम्मि तरुवरे जह	४६
उक्खित्त-कोस-सिसु	१०९	उठभडजोव्वणभर-	१६३	१ एगविहं सम्मरुई	१४६
उगघाडेह दुवारं	३५	उठभडपिसिंडिमडिय	१८६	२ एगविहं दुविहतिविहं	१४६
उचिय समएण अम्मा	३०५	उभय भवेसु वि इच्छइ	१००	एगागिस्स हि चित्ताइं	६५
उच्छलिया वि बहुसो	२८०	उम्मूलिऊण सीलालाणं	२८०	एगागी चैव गओ	३०७
उच्छंगाओ कक्खंतरेण	५	उयरं भरेइ काओ वि	१९०	एगाण भक्ख-भोयण	४५
उज्जमह मा विसीयह	३०६	उल्लावंतेण न कस्स होइ	१	एगाण वित्थरिज्जइ	४५
उज्जलजलविसओ	३३५	उल्लोयपलंबुज्जल	८०	एगाण समाएसो	४५
उज्जाणे संपत्तो	१७	१ उल्लो सुक्को य दो छुढा	१४५	एगे गइंदसयसंदण	४५
उज्झिय संसारपहे	१	उवर्जुजिऊण भयवं	९७	एगे चंदणमयणाहि	४५
उड्डं अहो तिरिच्छं	२४८	उवभोगपरिभोगाण	२४८	एगेण मुणिवरेणं	३०८
२ उड्डहो-तिरियतिलोणं	२८४	उवभोगे परिभोगे	२८८	एगे नाणाभिणखचिय	४५
उड्डाहतिरिदिसाणं	२४८	उवरित्तणुओ हेट्ठा	११४	एगे धणेण गहया	२६८
उण्णयखंधोभोगी	२७०	उवयरियं न हु गणियं	१२४	एगे पट्टसुयदेवदूस	४५
उण्णयनासो पुज्जो	२७०	उवयारकए जो होइ	१९	एगे पठंति एगे गुणंति	३०३
उण्णयपओहरिय	२४३	३ उवयारोहि परो च्चिय	२०	एगे पूर्णरति मणोरहाइं	४५
उण्णयपीण पओहर	५८	उवसमसंवखसही	२८२	एगेहि निसा निज्जइ	४५
” ”	१६०	ऊससइ ससइ वेवइ	३३१	एत्तियमेत्तं भणिओ	३०५
उत्तट्टमथसिलिबच्चि	१३५	एएण पुरिसवेसत्तणेण	१३५	एत्तो मुख्यणआणा	२४
उत्तट्टमिगनयण	३१२	एकव क्रतवः सर्वे	३२७	एत्थकिर सन्नि-सावय	२७४
उत्तट्टहरिणनयणा	३०५	एककं करेह पावं	१४२	एत्थंतरम्मि एणामुही	२१४
उत्तत्तकणय-वन्ना	४	एककं पियजणविरहो	३१७	एत्थंतरम्मि कडिदय	९८
३ उत्तत्तज्जक्कंखण	२८४	एकक पएसि कउक्ख	१६३	एत्थंतरम्मि सण्णद्ध	३२३
		एक्कारस अंगाइं	९९	एत्थंतरम्मि सहसा	३०५
				एत्थंतरि असमंज-	७२

१. संवे० पृ० ४०० ।

२. संवे० पृ० ५९१ ।

१. आचा० नि० ३३२ ।

२. चउप० १२७ ।

१. प्रव० नि० ९४३ । २. प्रव० ९४२ ।

एत्यंतरे उवसंग	५१	एवं भणिऊण तए	९८	एसो तस-धावर-निस	७२
एमाइ दिट्टंता लक्खण	५६	एवं भणिऊण तओ	३१३	एसो य मज्झ दुहिया	४९
एमाइ धम्मकम्मज्जणम्मि	१३७	एवं भणियं लगो	३२४	एसो राया अण्णे	१७६
एमाइ धम्मकहणं	२८३	एवं भणियतक्खणा	९८	ओसरइ पहूण परव्व	२००
एमाइ संलवंता	२८०	एवमगुणे अग्गीए	२७३	ओसहुकज्जं परिवज्जिऊण	२८७
एमेव कहव कससव	३१३	एवं मज्झ वि पिथयम	२५४	ओसहुवाणेण फुडं	५६
१एयं चिय पंचविहं	१४६	एवं मण्णइ चित्ताण	३०५	कइवय वरभड परियरउ	३२२
एयं निसामिऊणं	१५०	एवं लगगति दुम्मेहा	१४५	कंकुडए को दोसो	२५४
२एयं पि नत्थि अण्णं	१९३	एवं वच्चइ कालो	१०६	कंचणरसखिचियउज्जल	८०
एयं पि किउसवथणं	२७४	एवं वच्चंति दिणा	९७	कंत कयलीहरेसुं	३०८
एयम्मि अविण्णाए	१४८	एवं विचिंतिऊणं	११५	कंदप्पकुक्कुइयं	२४८
एयं सो दिसिमोहो	३३५	एवं विभाविऊणं	१५०	कंद ! ररहियावग्घी	१९१
एयस्स णमो गिरिणो	३१९	एवंविहं असारं	३३१	कंदुक्खणणं निय देस	१६०
एयावसरे महागय	३०८	एवंविहं मरुं सो	११०	कंबुणय सुउमाला	२७८
एरिस रूव-वरवणिय	४९	एवंविह कज्जकरो	१०	कक्कोल-स्वंग-नालिएर	२३२
एलग रासहनयणा	२७०	एवंविह गुणरहिए	२९	कक्खागय-पुरिसाणं	१२
एवं अरइरईउभव	३३३	एवंविह दुक्खाइं	२१४	कक्खोसताहिपीवर	२९६
एवं थ कोऊहल	२९०	एवंविहम्मि क्षमरे	७७	कज्जेण होइ सयणो	३०६
एवं कुणमाणानं	३२२	एवंविह वयणपरंपराए	१०९	१कडए य ते कुंडलए य	१७५
एवं कुहम्ममज्जे	२९०	एवंविह वयणेहिं	२१४	कणत्थ भिक्खाए	१४५
एवं के वि जिया	२९१	एवंविह वथणेहिं	२४३	कणथगिरिकूडसरिसा	३११
एवं खु जंतपीडण	२८२	एवंविह सुहभावण	११५	कण्णे धुणंति जई	३०७
एवं खु जंतपीलण	२४८	एवंविहस्स वथणं	२७३	कत्तियनक्खत्तम्मि	२९४
एवं च जंति दियहा	४	एवंविहा उ पुरिसा	२	कत्तिया चैव अस्सेसा	२९४
एवं च होइ सहलं	२	एवंविहि परिणामा	१४८	कत्थइ अहोमुहट्टिय	२६४
एवं तु भण्णमाणो	३०६	एवंविहे मुहुत्ते	१९८	कत्थइ आवत्तगया	२८१
एवं पर्यपमाणे वि	९७	एवं सयण-विहंगा	४६	कत्थइ कलकोइल	२६४
एवं पर्यपमाणो	३२३	एवं सुरीण परंपराए	२३८	कत्थइ कावालिय	२६४
एवं पर्यपिऊणं	९८	एस गच्छो महाभागो	६५	कत्थइ केसरिपुच्छ-	२६४
एवं परपरिवाओ	३३४	एस च्चिय सोहा	३२१	कत्थइ कोलाहलरिट्ठम	२६५
एवं परपरिवायं	३३३	एस पुण पावो वि	२९६	कत्थइ जंबुयराइणि	२६५
एवं पवड्ढमाणी	३२९	एस जिणाण पूया	२४२	कत्थइ झाणट्टिय	२६४
एवं भणमाणीए	३१८	एसो कहापबंधो	२	कत्थइ तमालहिलाल	२६५
१. प्रव० ९६३ ।		एसो किल दिट्ठंतो	२९०		

२. चउप० पृ० ५६ ।

१. आचा० नि० २३३ ।

१ उत्त० नि० १३९ ।

कत्थइ धाउव्वाइय	२६४	कारकलियासिदंड	३२३	कह तम्मि निव्वविज्जइ	१३३
कत्थइ न चैव गच्छइ	२८१	करगहियखग्गरयणा	३२४	कहिऊण य वुत्तंतं	९८
कत्थइ नारंगपियंगु	२६४	करचरणसवणनासाइ	२६३	कहिऊण वइयरमिणं	२७३
कत्थइ निग्गुजंतमलि	२६४	करधरियधवलकमला	१	कहिओ संखेवेणं	३०९
कत्थइ पारावय कुइएण	२६४	करविहियखग्गरयणो	१८६	कहिं चि अइविडवत्तरु	२६४
कत्थइ ललंतसट्टंत	२६५	करहे उरगे रिच्छे य	२७२	कहिं चि कप्परमह	२६४
कत्थइ लोहियहालिइ	२८०	करिकण्णचलेविहवे	३१८	कहिं चि दीसंतकच्चूर	२६४
कत्थइ वरुणथपुण्णाग	२६५	करिकण्णचवलचित्ता	१९१	कहिं चि टिंवरुणि	२६४
कत्थइ वारंवारं खर	२८१	करिकरसमानजंघा	१६०	कहिं चि मउरंतवर	२६४
कत्थइ वियरंतुत्तुंग	२६५	" "	५९	कहिं चि विव्वंदुमास	२६४
कत्थइ सिहिकुल अइ	२६४	करिणो करिणा हरिणो	७६	कहिं चि सिरिखंड	२६४
कत्थइ सीधंललयहर	२६४	करिवसहहंसकेसरि	२७०	काऊण गरुयखेयं	९
कत्थइ सुसयणं दिट्ठा	२८१	करुणारस-भर-भंगुर	१०५	काऊण तवं घोरं	१०७
कत्थइ मइदुव्वलेणं	१४८	कलकोइलमहुरसरा	४	काऊणं पिउपणयं	२८६
कत्थइ न जलइ अग्गी	१३६	कलकोइलमुहलाओ	१९५	काऊण पोसहं अट्टुमाए	३०७
कत्थवि य बोरच्छा	२६५	कलहंतरे वि न हु	८६	काऊणहं पसायं	८७
कपिलानां सहस्रं तु	३२७	कलहकरा डमरकरा	३०३	काऊण रणे विरहं	३२४
कप्परं हइडखंडं वा	३०७	कलहाओ कंठसासो	३३२	काऊण सपरिओसं	८७
कप्पूरागरुसिरिखंड	२४२	कलहाओ दोहग्गं	३३२	काऊण समाहाणं	११५
कप्पूरागरुखंडाणि	२१६	कलहो अत्थक्खय-	३३२	काएण अणुवउत्तो	२४८
कमलदलदीहनयणा	१६०	कलहो गुणाण हाणी	३३२	कामकुंभिकुंभत्थल	२९२
" "	३३९	कलहो हि कीरमाणो	३३२	कामलया वि हु तत्तो	१५०
कमलदलदीहलोयण	२७९	कलिकालकलुसिए	२७४	कायव्वो तह विणओ	३३७
कमलासणी वेयमुहो	१०४	कलिकालसहावेणं	२२०	कारणं सव्वकज्जाणं	५७
कम्मभरकंता वि हु तरतम	१४८	कल्लइ बोरेइं विक्किणइ	४०	कालंतरियसिणेहो	५४
कम्मभरपीडियाणं	१८३	कवल्लउकामो तुरियं	२४३	कालुस्स वज्जियाइं	१६
कम्मभरविप्पमुक्को	१४८	कविसीसंतरसंठिय	३२२	कालेण बहुएण वि सा	२९०
कयपुण्णो को वि इमो	२६८	कहं तं भण्णइ सोक्खं	२३१	काले दिण्णस्स पहेणयस्स	४६
कय विविहचाडुकम्मा	३०८	कह कह वि कुणइ कव्वं	१	कालो उत्तासणओ	२४३
कयसमकाएण ण हु	३२१	कह कह वि कुणइ पावो	२५२	कावुरिसस्स वि मज्झं	३२३
कयसावज्जनिसेहा	३०३	कह कह वि तम्मि समए	८८	कि अप्पपसंसाए	३२५
करकयकरवाल-नरं	१२	कह कह वि बहुकिलेसा	३२८	कि एसा गिरिस्तणया	३१२
करकय-करालकतिय	३२३	कह कह वि माणुसत्तं	२९०	कि एसो सलहिज्जइ	२०
		कह कह वि रोयमाणो	२१४	कि कुणइ कम्मवसणाण	१८३

१. प्रव० पृ० ३५ ।

२. चउ० पृ० १६६ ।

१. गहा० पृ० ७२ ।

किंच सा चंडवायवीई	२९०	कीलयत्थं पलिवेज्जा	२१६	को तस्स अहव दोसो	७२
किंचि मत्तग्गाही	२०६	कुंतेण भिन्नदेहो	२१२	" "	२
किं चेतो तिक्कालं पइ	२८६	कुन्देन्दीवरपूर्णचन्द्र	३३१	कोदालय कुसियाहि	३२२
किं जंपिएण बहुणा	३०५	कुंभिकुंभतड-दारण	३१	को नाम किर सकण्णो	३३४
" "	३३७	कुगईण पउरभाव	३०६	कोवजणेण पुरिसो	३२९
किं जीविएण इमिणा	२०५	कुगुह-कुदेव-कुधम्मरय	२९	कोसि तुमं कस्स सुओ	३२३
" "	८८	कुगुह-कुदेव-कुधम्मेहि	३२६	कोसिय भयसंतट्ठे	३२३
किं तीए जोव्वणेण	११२	कुणमाणो वि य किरियं	१४६	कोहंडि फलपमाणा	३११
किं तेण ऊसवेणं	३१८	कुणमाणो वि निवत्ति	१४६	कोहफंसणमाण-निम्महण	९२
किं तेणव्वभुदएणं	३१८	कुहालयं कुसियकरा	३२२	को हसइ जाणमाणो	७१
किं ते बाहइ वच्छे	२१४	कुद्धो तओ वि सज्जइ	३२४	कोहोउव्वेवणओ	३२९
किं दीहर नीसासमुअसि	१५४	कुमरेण वि सविलासं	७२	खइयाई सासायण	१४६
किं पठमं पि न दिट्ठो	३२१	कुमरो जंपइ अबला-	२१२	खंतस्स दंतस्स जिइदियस्स	१४५
किं पलविएण बहुणा	२१२	कुमरो वि सरइ सहसा	२१२	खगप्पहारदारय	७७
किपागफलसरिच्छा	२३८	कुमारेण वि ससिणेहं	७२	खज्जइ विलसियइ	५२
१ किं पुण अबसेसेहि	१०७	कुम्मासा किं दाणं	५२	खणदंसियरज्जमहूसवाणि	३१४
किं बहुणा भणिएणं	३३१	कुम्मुणाय चलणजुयलं	२७८	खणदिट्ठनट्टुल्लह	२००
किं बहुणा भणिएणं	३३३	कुललंछणं पि कम्मं	८५	खणतस्सरे सरीरे	१५१
" "	९९	कुवियकयंतसरिच्छो	२८०	खणभंगुरं असारं	३०५
" "	१९८	कुलदव्व जीवियाणि	२७१	खणभंगुरमि संसारे	२८९
" "	१५८	कुसलासयस्स कुसलं	३५	खणमेत्त जीवियं पि हु	१३
" "	३०७	कुसुममयरदलंपड	१९५	खणमेत्त दिट्ठ-नट्ठोहि	१३
" "	३०९	कुसुममाल विणु दइएहि	१५४	खणमेत्तमच्छिऊणं	७२
किं मह जम्म विणिम्मिउ	५०	केत्तियमेत्तं एयं	११९	खमतिकखुक्खयखग	२९२
किंवा बहु भणिएणं	२०२	केलासकय-निवासं	१०५	खयरेण वि खग्गं	९८
किं संपत्थियाण परलोग	२०३	केवलनाणदिवायर	२९	खयराहिवेण पहओ	३२४
किं सुयणु ! तए न सुया	८९	केवलमणोहि चोहस	३०४	खयरेण वि णिय दक्खत्त	९८
किं सुविणो मह एसो	३१४	केवलिणा वि हु भणियं	३०९	खरकिरणतावतविय	२६४
किं सो सुरो असुरो वा	२१४	केवलिणा सो भणिओ	३०७	खरखुरखयखोणीयल	३२१
किं सो सुहो असुहो	३०६	केसुडगनाणमिणं	३३५	खरपवणपहयसायर	२८१
किरणउ हुंतउं वक्कमउ	४३	कोऊयवसागएहि	३२४	खरपवणाहयधय	३०६
किरणपहु तुमं भणंतो	१९३	को किल कुलस्स दोसो	२१	खलइ गई गलइ मई	८४
किसलयकुसुमफलड्ढे	१९६	को कुणइ तुज्ज मुल्लं	२०३	खलहलि हूयउं बल-	३२५
किसिकरणं सायरलंघणं	३०१	कोणच्छि रोमहरिसो	२७९		

१. पंच० पृ० ८४१ ।

१. आचा० नि० २२० ।

२. आचा० नि० २२१ ।

१. प्रवचन० ९६१ ।

२. आचा० नि० १७१ ।

खामेण मज्झेण	३१२	गयलक्खणे कुमारे	२५४	गुरुमूले उवउत्तो	२४८
खामेमि सब्ब सत्ते	१५२	गयवइगमणाबाला	५९	गुरुमूले गहिऊणं	२४७
खामेवि सब्ब सत्ते	११५	गयवसहहंससारथ	२७२	गुरुविनयकरणकलियो	२४४
खीणम्मि कुसलकम्मे	८९	गयसण्ण कण्णधारा	२८१	गुरुसेलनियंबपडि-	२३८
खीणम्मि ताव कम्मे	८९	गयहयगोविसचडणं	२७२	गोउरदुवारत्तोरण	१७८
खीरमिव रायहंसो	२०६	गरुए वि हु अणुराए	८५	गोउरफलिहविसाल	२९२
खीररहियस्स तरुणो	११४	गरुओ धणपग्भारो	२७८	गोमयं कट्टमंगारं	३०६
खुहपमुह्हा अइतिव्वा	३३७	गललंबिरमुंडमालाए	१७८	गोवाइऊण वसहि	८१
खेत्ताइ हिरण्णाई	२४८	गललंबिररुंडमुंड	१७८	घणकडिणपीण	२७८
खेयणिज्जेण विणा-	६६	गह पीडउ संपय चलउ	३१६	घणकसिणमेहमुक्को	१६
गंधव्वसेण संपइ	३२१	गहिऊण देसविरइं	३०६	घणकिंसुयनवरंग	१९६
गधेसु य भद्दय	३३७	गहिऊण समरसूरं	२१२	घणघणछण्णं दट्टूण	२४३
गंभीरनाहिकलियं	३१३	गहियासणानिसण्णा	३०३	घणसण्हकसिण	३१३
गंभीर वा कररेह	२७०	गाढं कयत्थमाणं	७६	घणसारघुसिणचंदण	१९३
गंभीरारुण-सुहमा	२७१	गाढंदोलण संजणिय	८७	घणसारागखूओ	१९५
गंभीरुच्छलनयणा	२७१	गाममज्झेउ मज्झण्हे	३०७	घरिणीए नहसेणो	३०७
गच्छामि अहं पढमं	१४	गामे पविसंतस्सउ	३०६	घोडयमूहो व्व देवो	७०
गच्छेण सारिओ संतो	६५	गायंतं नच्चंतं हसमाणं	२७२	घोलिज्जंती अच्छइ	२९०
गच्छो गणि व्व ओवास	२७५	गायंतमदुरगायणं	१७५	चइऊण बालियासुलह	७२
गज्जिय रवेण मारुय	२४३	गिण्हंताण वणस्सई	१४७	चउगइपहपाहुड	२८२
गतस्तेन दत्ता मतिः	८०	गिण्हसु सत्थं सुमरेसु	२१२	चउरो य दिव्विया भागा	५६
गमणग्भत्थणकाले	१९८	गिरिमुद्धरंति पतरंति	२	चंचलचित्तानियकज्ज	१५०
गम्मइ त्ति गइ गमणस्स	१४८	गीयत्थगुरुअहिट्टिय	३३७	चंडाणिलविहुणिय	७२
गयगंडा जिवं काऊरिस	१०८	गुणगरुओ गुरुभाया	३३९	चंदण तरु व्व सुयणा	१५१
गयगारवो पयंपइ	३२४	गुणदोसत्रिसेसण्णु	२०६	चंदणबाला सिरिदत्त	४७
गयगारवो सुरुवो	२६३	गुणरयणहारणं	३३४	चंदनिम्मलदेहदमसार	९२
गयघडविहडणनिवडिय	१२०	गुणरयणागरो जेत्ति	६५	चंदरहिया पओसा	३१८
गय जोव्वणा वि पुरिसा	२३८	गुणसंयेणं रहिओ	३३०	चंदसिरिए भणियं	८९
गयणगामिणि कामिणी	२५२	गुणसायर तुह गुण गहणु	३१५	चक्कहरामररिडि	२२२
गयणमगलमसिहरसग	३०८	गुणसुट्टियस्स अदितह	२	चलइ ववहरइ कह सो	३३३
गयणाउ पंचवण्णा	३२५	गुणिणो वि होति विगुणा	३३	चवणोसु जम्मणेसुं	२७४
गय नेहो मुहकडुओ	१	गुरुअणुरायपणोल्लिय	२९२	चित्तानंतरघडमाण	२८४
गयमणुयसेथवसणस्स	२७२	गुरुकोवजलणजाला	३२९		
गय राग-दोस-मोहो	१२०	गुरुजंतमुक्कगोलय	३२२		
गय रागो वि विशाई	९६	गुरुणा भणियं धण्णा	९९		

चितानंतर सहस्रति	२८४	जइ कह वि विहिवसेण	२७९	जइ वि हु कम्मेण कुलं	१८०
चितिज्जंतं पि इमं	३३३	जइ कह वि हया निहया	१२१	जइ वि हु पिवीलिगाइ	२५४
चितेइ दट्ठुमिच्छेइ	१६६	जइ कह वि हु हारिज्जइ	३०६	जइ वि हु फासुयदब्बं	२५४
चिट्टउ ता परलोगो	२५४	जइ कितीए कज्जं	३३०	जइ वि हु सो निण्णेहो	६८
चित्तं चंपिज्जउ	२००	जइ कूवदहू रेणं	३०४	जइ सक्कह काउं	३३७
चित्तलिहिय-मणोरह	११३	जइ खंडिज्जइ सीलं	८५	जइ सच्चं सप्पुरिसो	३२४
चिलीणमसुइ-संपुण्णं	५७	जइ जिणइ कह वि	३२५	जइ संजायविवेया	३३२
चीवरखंडाणि मुहेण	३०६	जइ जिणमयं पवज्जह	३३४	जइ समसुहसमीहा	३२९
चुलसीइ जोणिलक्खण	३६	जइ जिणमयं पवज्जह	३३३	जइ सुमइ सुराहिव	१३१
चोरपरदारियाणं	६८	जइ जिणवयणांमय	३३४	जइ सुमिणसत्थकुसलो	२५४
चोरो व्व गुरु अदिण्णं	१८६	जइ जिणवयणं पि तुमं	२५८	जइ सोक्खेणं कज्जं	३३१
छंदाणुवित्ति रहिया	३३८	जइ डज्जसि डज्जसु	२०१	जइ होज्ज दम्मदसमं	३२९
छंदालंकारविवज्जिय	१	जइ ता जण-संववहार	३३४	जओ जओ वि एगाणी	६५
छहु वि दुज्जण-वासडा	३२	जइ तुह सुहेण कज्जं	१०	जं अइ दुगंधं वीभच्छ	३३१
छत्त-धयचिधमउडे	३२४	जइ ताव अहं बालो	२१२	जं अज्जियं चरित्तं	२७४
छत्तायारं सीसं	२७०	जइ तुह रोयइ ता	२१५	जं इच्छह अप्पणओ	२७०
छसुजीवनिकाएसुं	३३७	जइ धणु फिट्ठा	२२०	जं इमं साहुसंसग्गि	६५
छिदइ छत्तं पाडेइ	१८६	जइ धम्मद्विउ नेच्छइ	६८	जं कज्जं उवसमपरो	३२९
छिज्जंतेसु सहेलं	९६	जइ धम्मेणं कज्जं	३३०	जं कल्ले कायव्वं	३३७
छिण्णं छत्तं धयवड	३२३	जइ न खणद्धु विरस	३१९	जं किपि माए चिण्णं	२०१
छेयण-भेयणडहणं	४४	जइ भदे तुह कज्जे	२८४	जं कुमरीणमणुचियं	८६
जइ अत्थि तुज्ज करुणा	२६५	जइ भो सुहेण कज्जं	३२८	जं गिण्हंतो सड्ढो	२४७
जइ अत्थि तेणुकंपा	१६३	जइ मज्ज तुमं मित्तो	२८९	जं जं गुज्जं देहे	३३१
जइ अत्थि सुहसमीहा	३३५	जइ महु वयणु करेसि	२६७	जं जं जंपइ एसा	३०९
जइ अभिसुहा भवामो	३२१	जइ मुयह जहिच्छाए	१३३	जं जारचोरडाइणि	२४७
जइ अवहरणे वुद्धी	३१४	जइ रमइ तुज्ज चित्तं	१२४	जं जेण किपि दिण्णं	३४
जइ इच्छह धणरिद्धि	१९४	जइ रागोच्चिय न भवे	३३१	जं जेण पावियव्वं	११५
जइ इच्छह धणरिद्धि	३३२	जइ लब्भइ पहु मग्गियउं	३१६	जं जेण पावियव्वं	१३३
जइ इच्छह परलोए	३२८	जइ वच्चइ पायाले	१०२	जं जेण पावियव्वं	१५३
जइ इच्छह मुत्तिसुहं	३३१	जइ वच्चह पायालं	२८०	जं जेव रक्खमा लुपगा	९०
जइ इच्छह सुहसंगं	३२९	जइ वि किर परमयोवं	३३२	जं तत्थट्ठियाण भवे	८०
जइ इच्छह सुहसंगं	३३३	जइ वि गुरुलहरिकल्लोल	१२२	जं ताएण तहा महा--	९५
जइ एयं चिय एककं	३३५	जइ वि तए हं चत्ता	१९३		
जइ एस वच्छ ! दिवसो	३१४	जइ विहियं कि पि सुह	१३३		
जइ कह वि न सिज्जेज्जा	१६०				

१. वृ० क० २८६३ :

२. वृ० क० २७१५ ।

जं दाण-सील-स्रव	९९	जत्थ तुमं तत्थाहं	२०	जया पहे पंसुपूरेण	३०७
जं दुक्खाणं वि तह	३२७	जत्थ य पामरतरुणीहिं	१६	जलजणियसयलपूओ	२४२
जंपइ पीडाजणगं	३२७	जत्थ य रविकरतविद्या	१०९	जलंत जलण-भीसणं	७०
जंपउ जं वा तं वा	५	जत्थ राया सयं चोरो	१७४	जलकल्लोलपलाविय	
जं पि जहुत्तगुणम्मि	३३५	जमदेवो विहु देवो	३३५	जलदारु य धण्णाणं	२४७
जं पि य सव्वंगपहाण	२८४	जमब्भियसुरो जइ	६७	जलदुग्गे थलदुग्गे	२८४
जं पि य सिय देवसुय	२८४	जमिमं मिच्छादंसण	३३५	जल-जलण-चोर	१००
जं बालमंससोणिय	२९६	जमिहासमंजसं कह	३३९	जलपुण्णदइयपोट्टा	२७०
जं भगवओ वि सागर	३३५	जमुदासीणत्तं	३३५	जलमणसुद्धिविसुद्धी	१०५
जं भणइ जेट्टभाया	३०५	जम्मजरा मरणपउरो	१९२	जलमाणमणिपहुकुण्ण	२८४
जं जं रुच्चइ तं तं किज्जइ	१५४	जम्मणमरणपरंपर	२९०	जलिय जलणं पविट्टा	३०९
जं सक्कं तं किरइ	३०३	जम्मंतरगख्यसिनेह	२४३	जवराय दीहपिट्ठो	२७३
जं सत्थेसु न सुव्वइ	८८	जम्मो ताण गणिज्जइ	२	जमुकज्जह तुहुं	१७७
जं हंस-कुरर-करंड	९८	जम्हा जणमज्ज गया	७२	जसु निमित्तु ह्य हियडा	९१
जक्खो एस निमित्तं	११५	जम्हा बुलहं लोए	९७	जस्स किल कोहकलियो	३२९
जगहियगरगुरुजग	३१५	जम्हा दिट्ठे सुयणे	३१८	जस्स गुणा गयमच्छर	३३९
जणजणिय चमक्कारा	१५१	जम्हा धारेइ सिज्जं	८१	जस्स जहिं ठिया	३१२
जणजणिय विम्हयाइं	३०४	जय कुंशुर्जाणिदमुणिदं	१३२	जस्स पसाएण जिओ	४६
जणणि-जणयाण जायइ	१३३	जयकुखंसविभूसण	२९२	जस्स पसाएण मए	९५
जणणियणं नियपुत्तो	१०८	जय जय सद्दापूरिय	१६	जस्सेव पभा वुम्मिलियाइं	१२०
जणयाणि ताण वि सुया	९५	जय जीवतंदसामिय	८०	जह आरंभा पिययम	२५४
जणणीए खयकारय	८	जय धम्मधुरंधर धम्म-	१३२	जह कायमणिय मज्जे	२९०
जणसंकुलं पि नयरे	१५४	जय नमि नमिरामर-	१३२	जह केण वि वोड्डेण	२१६
जण्णेस नमोक्कारो	२८४	जय पढमपयावइ	१३१	जह के वि दोण्णि देवा	२८९
जण्ण वि साहइ कज्जं	२८३	जय पासच्छिण-दढ	१३२	जह कोसियपक्खिगणो	२९१
जत्तियमेत्ता छेया	२७१	जयमल्लिमयण-	१३२	जह गहियनियम	३०८
जत्तो विलोलपम्हल	३१२	जय लच्छीए वरिओ	३२५	जह चवलं देहवलं	५७
जत्थ गओ तत्थ गओ	१५८	जय विमल महामुणि	१३२	जह जह करेइ मायं	३३०
जत्थ गया तत्थ गया	१६१	जय संभव भवकंतार	१३१	जह जह कीरइ माणो	३३०
जत्थ गुणवं वियड्ढो	३	जयसुर-समूह-संश्रुय	१३१	जह जह मज्जंति घणा	८८
जत्थ जिणाण दिक्खा	२६५	जय सुविहि विहिय	१३१	जह जह छिप्पइ	३०९
१. बृ० क० ४५८४ ।		जय सुविहि विहिय-वर	१३१		
२. संवे० ५९० ।		जय सेय-तिलय सेयंस-	१३१	१. संवे० ५० ५०१ ।	
३. संवे० ५० ५९० ।		जयहियजयजीववच्छल	३१५	२. बृ० क० ११५५ ।	
४. संवे० ५० ५९१ ।					

जह जह तं अवलोयइ	११२	१जागरह जणा तिच्चं	२६९	जीव म बहुहु	२६६
जह जह दुहिया दुहिया	१३३	जा जीवं मे भयवं	२८७	जीवदया दइयाए	१०३
जह जह न देमि दविणं	१५०	जाणइ जीवाजीवे	४६	जीववहो अप्पवहो	३२६
जह जह पर परिवायं	३३३	जाण मणवनणिगुंजे	२८३	जीवस्स व दाविता	३१६
१जह जह सुयमोगाहइ	२७४	जाण सयासा जम्मो	९५	जीवाइ नव पयत्थे	१४६
जह जीवा बज्झंति	२३०	जाणामि जह विरुद्धं	८६	जीवाईए भावे बहु	२९
जह ष्हाउत्तिण्ण गओ	२७४	जा पुण्ण मणिवंधाओ	२७१	जीवाण गई कम्माण	२३०
जह तिमिररुद्धदिट्ठि	२९१	जायइ विसं पि अमयं	२१६	जीवा धम्म-पमायं	४४
जह नलवेणु वणेसु	२९०	जायाण धुवं मरणं	२१२	जीसे हसमाणीए	२७०
जह पउरकट्टुकाणण	२९१	जावइओ पारोहो	११४	जीहाए विलिहंतो	२७५
२जह परमण्णस्स विसं	३२७	३जावइयाइं दुक्खाइं	३२६	जुज्झंताणं समरे	३२५
जह पित्तजरय-संताव	२९१	जावज्जवि पडिवयणं	३०७	जूय धरि सह धरिणीए	३०६
जह बहु तरुवरगहणे	२९०	जावत्थि बलं जावत्थि	४५	जे उण न चेव गिण्हंति	२८२
जह भणिय उत्तरोत्तर	९९	जाव न वाहइ खमं	२१२	जे किर एत्थ पयत्थ	१५४
जह मंताणं मज्झे	२९०	जा वल्लरक्खण-कए	९०	जे गया तह गच्छंति	९९
३जह लोहसिला अप्पं	१६२	जाव कुत्थं सुहुकुत्थं	१७३	३जेट्टासाडेसु मासेसु	१७३
जह वि नरो जाणेइ	२९१	जा समिला सो जीवो	२९०	जेट्ठेण अह कणिट्ठो	३०७
जह सरणमुवगयाणं	२७५	जिणधम्मपरिब्भट्टा	३२६	जेणं चिय उब्भविया	१४२
जह सामण्णे धरणीयलम्मि	२९०	जिणधम्ममोत्तूणं	३०६	जेण ण सुत्थो अप्पा	२८९
जह सामण्णे पाए	२९१	जिणपडिमाणं पुरओ	१९५	जेण तए पुव्वभवे	९९
जह सूरसेण राया	३३	जिणपडिमाणं पुरओ	२०४	जेणत्थदंडविरइ	२९५
जहि नत्थि सारणा तह	२७५	जिणपूर्यं कुणमाणो	२४२	४जेण पाएमि हं मलयं	१७२
जहि संपुण्ण मणोरहहं	६४	जिणपूया परिणामी	२४२	जेण पियमाणसेण	२०१
५जहेग वेज्जस्स सुओ	२७३	जिणपूयाइविहाणं	५७	५जेण भिक्खं बलि देमि	१७२
जाइ कुलं कलाओ	१६९	जिणपूयालोयसमुल्लसंत	२४२	जेण विणिम्मियाओ	१५६
जाइकुलमायारो	२१२	जिणह कसाय-पिसाए	५७	जे गिहिमणो वि पुच्छइ	९६
जाईसो पुणउ अणुराउ	७०	३जियपरिजियनिट्ठो	२७३	जे तर पुइवि पास पइं	३१५
जाए वच्चंतीए जाणू	२७०	जीए तिण्णि पलंबा	२७०	जे पुण अणत्थदंडे	२९५
६जागरणसुयणछीयण	२८४	जीए हसमाणीए	२७०	जे पुण इह जीवेसु	३२७
१. बृ० क० ११६७ ।		जीयं निरत्थयं होइ	१३५		
२. संवे० पृ० ४३९ ।		जीयं मरणेण समं	१५६		
३. संवे० स० पृ० ११ ।		जीवताण नराणं	२४५		
४. बृ० क० ३२५९ ।					
५. संवे० प० ५९१ ।					

जे पुण धम्मत्थरुई	२	जो सेवइ परदारु	२६६	तत्तत्थ कयवियारा	३०३
जे धम्मज्झानिरिया	२८९	झर झर झरंत निज्झर	२६५	तत्तो खलंतचलणो	१७
जे पुण इंदियवसगा	२८८	झलझलियं जलहिजलं	३२४	तत्तो गयमेत्तेसुं	३०८
जे पुण तं पि पसंसंहि	२६६	टप्परकण्णो अइचिविड	१३	तत्तो गयलज्जाए	७२
जे मह महग्घनाणाइ	१	ठाणट्टियस्स पढमं	८	तत्तो चूया नरत्ते	३२९
जेमेइ जिमियमेत्ते	१४३	ठाणम्मि चैव वरियं	३१३	तत्तो चूओ समाणो	३१०
जेसि चायं गणे वासो	६५	ठाणाइ नवंगाणं	३३९	तत्तो ठावित्ति पए	९५
जेसि मण-भेलावो	१०१	ठाणे ठाणे दुहिया	४४	तत्तो तुह पुत्तट्ठा	९८
जे सूरा समरमुहे	२८९	ठिइठावणपडुपण्णो	३	तत्तो इप्पुद्धर-कंधरेण	३२३
जे हुंति खुद्जाई	२१२	हुक्को खेयरनाहो	३२४	तत्तो दोण्णि वि वग्गा	२१५
जो अप्पणे वि अंधो	२७३	तइयम्मि कणयरुप्पय	३१३	तत्तो पुरम्मि सयले	३२२
जोइ ज किउ मह देसिएण	२५९	तइया नाह भणंतो	७०	तत्तो भुयंगसत्थं	३२४
जो इह जयम्मि जलनिहि	३२१	तइयावसरे रयणप्पहाए	२	तत्तो वि चुया सुकुले	३२७
जो काऊण अकज्जं	१८६	तओ य भवेसु वि	३०४	तत्तो वि हु उव्वट्ठो	३०९
जो किर भीममहण्णवु	२९२	तं अभियवरिससरिसं	२१५	तत्थ वि य माणुसत्तं	५७
जो गणहरो न याणइ	२७३	तं किपि कुणइ धम्मो	२१६	तत्थ वि बहुसुहकम्मो-	५७
जो घरचितं सड्ढो	२४८	तं तेण होइ दिण्णं	८०	तत्थ वि सुहिया सोहग्ग	७१
जो चैव एत्थ धम्मो	१४८	तं नत्थि घरं तं नत्थि	१०६	तत्थ सदहणं सम्मत्तं	१४६
जो जस्स होइ दइओ	३१३	तं पि असेसं जाणसु	२८४	तत्थासि एस सबरो	३०८
जो जूयकरो देवो	२९०	तं पि हु किल सड्ढा	२८४	तत्थेव सा वि जाया	२४३
जो जेण जम्मि ठाणे	१७१	तं पुण पंचपयारं	२४८	तदियहाओ उज्झति	२१४
जो दुहिएसु न दुहिओ	१६	तं पुण विण्णाणाओ	९६	तमअकंडविडुरमिमं	३३५
जो देइ अभयदाणं	४६	तंबोलैलाजाईफलेहि	४५	तमपसरो वि न रुद्धो	१५१
जो देइ उवस्सयं मुणि-	८०	तं बज्जपडण-दुसहं	७१	तम्मि खणे सहिययणं	१९८
जो नयणाण न रुच्चइ	३१३	तं सव्वं खमसु तुमं	९०	तम्मि य खलयणरिद्धिओ	१८५
जो निय मुहिण पवज्जि वि	२६६	तं सव्वं मुणिजणपक्खवाय	६९	तम्हा कम्माणीयं	१४६
जो निच्चलचित्तेण	२९८	तं सामी तं बंधू	९८	तम्हा करेह निच्चं	३०५
जो पुण दोसनिहीणु	२६७	तं सुणिय भणइ सेट्ठी	११७	तम्हा गुणपब्भारेण	२७५
जो पुण लोभविवागं	३३१	तं सुणिय सुहपमुत्तो	१८६	तम्हा गुरु-बहुमाणो	९६
जो भणइ नत्थि धम्मो	३०४	तक्कालुकत्तियायरुहिर	१३	तम्हा जह सत्तीए	१०७
जो मेल्लं वि मणु मोक्कलु	२६६	तक्खणि कसिणसिणिद्ध	५१	तम्हा दिणयरदिट्ठं	२५४
जो वसइ मणे बहु वणिणयाण	२३	तण्णेह मोहियमणा	३०९	तम्हा नाणायत्तो	२७४
जोव्वणं च मणुस्साणं	५७	तण्हा-छुहा-किलंता	३१	तम्हा परिक्खऊणं	२१६
		१. संवे० पृ० ५९१।		तम्हा मुगंधसयवत्त	१८८
		२. संवे० ४५०।		तुरियमुज्जाणपायव	३१७

तरुणा गुणति वर	३०३	ता एयमसग्गाहं	२७३	तारुण्य तह अंतरिण	६६
तवउ तवं पढउ सुयं	३३४	ता कह कहेमि अइ	१७	तारु हारु कुंकुम नवरंगउ	१५४
तवनियमसुट्टियाइं	३०४	ता कि काहमहण्णा	१५१	ता लज्जापयमेयं	२०
तव्वयणापण्णण	७१	ता किपि पुणो वि अहं	१०८	तावच्चिय धम्मपरो	१६४
तसु सुद्धह मुहयंदह	१६३	ता कि भणामि संपइ	१४	तावच्चिय मणभवणे	३३५
तस्स खरनहरदारिय	३०८	ता कुणह सयलकल्लाण	२४२	ताव न भुंजहि भुवनगुरु	३१५
तस्स य सीसे जंबू	३३८	ता गहिरमहोयहि मज्ज	५७	ताव लज्जमज्जाय	
तस्स वसहि टिएहि	३३९	ता जइ विकण्ण-कडुयं	१२१	ताव सयाणो पुरिसो	२०२
तस्स सलिलंतराले	९८	ता जाइ वि वालिज्जउ	६८	ताव सयाणो पुरिसो	२०२
तस्सासि तुमं धरिणी	९७	ता चिट्टउ तस्स कहा	२	ता विरमिय एयाओ	७८
तह ईदियचोरेहिं	२९१	ताण विणेओ सिरि	३३९	ता सयणा ताव भित्ता	२२०
तह कुसमयतरुगहणे	२९०	ता तह करेसु जह कह	८९	ता सयलजणसमक्खं	३१९
तह कुसमयमंत	२९०	ता धण्णो चैव तुमं	६९	ता सयलाओ सिद्धिओ	२८४
तह कुसमयवेणु	२९०	ता धण्णो भइ तुमं	१८३	ता सुरवइ चाव-चवले	४
तह जिणवयणहुयासण	२९१	ता धम्मम्मि पमाओ	१५८	ता हं निरंतर मंगलइं	३१५
तहणत्थदंडविरई	२४८	ता धम्मणे न कज्जं	१७१	ता हं भणामि तुब्भे	३२७
तह ताहिं तत्थ हण्णं	३१८	ता निविडनिगड घडना	२८४	ताहे प्हाणम्मि सीय	१५०
तह वेहाराभगया	९९	ताणि पुण दुल्लहाइं	२८९	तिक्कालं चो-वंदण	५७
तह धम्मरयणभरियं	२९०	ता परिसाए धम्मो	२	तिक्खमुहो लोहित्तो	१
तह पावतिमिरमूढो	२९१	ता भइ कुणसु तुमं	२३१	तिणमेत्तं पि अदिण्णं	३३७
तह पावपसरसंताव	२९१	ता भइ जोव्वण-रूव	९९	तिथि पवोत्सवाः	३०५
तह मिच्छादिट्टिजणो	२९१	ता मोत्तूणं दुहिया	२८३	तित्थयरपंचकल्लाण	२७४
तह रइ पसत्तचित्तो	३३३	ता भावण-पोएणं	११६	तित्थयरेणं भणियं	३०४
तह वि न हु कज्जसिद्धी	७	ता भो महाणुभावा	८०	तित्थयरो चउनाणी	१०७
तह वि ममाओ वि जडा	२	ता मित्तं मुहचित्तं	३३३	तिरियत्तणम्मि पत्तो	२९०
तह वि सुयणेहिं गहिया	३३८	ता मुद्धे चयसु तुमं	२९६	तिव्वयरे उ पओसे	३३२
तह वि हु तुह साहिज्जइ	८६	ता मुयह अलियवयणं	२५७	तिव्वाभिग्गह संजुत्ता	६६
तह वि हु सज्जो अहयं	१५१	ता मोत्तूण पलावे	१०	तिहिपव्वधारणेसुं	३०६
तह सत्तुमित्तवरवास	२९१	ता मोत्तूण विसायं	३१३	तिहुयण-सिरितिहुयण	३१५
ता अण्णम्मि वि जम्मे	९८	ता मोत्तूण विसायं	३१	तिहुयणसिरि-निलयाणं	११५
ता अण्णो भावत्थो	२१४	ता मोत्तूण विसायं	११९	तीए सह विसयसुक्खं	३०५
ता अत्थोच्चिय धम्मो	२८९	ता रमण रमसु अणुरत्त	५३	तीए सह विसयसोक्खं	३०८
ता आयहं खलु सव्वहं	१५४	ता रयणायर-निवडिय	४६	तीयाणामय तह	३०७
ताएण मह न कज्जं	२०	ताराए तीए कहिओ	२१४	तीसहिं सरेहिं विधइ	३२४
ता एयं लोहरिउं	३३१				

१. संवे० पृ० ५८९ ।

१. पंचवस्तुक ८४१ ।

तुच्छाण असारानं	१७६	तो केवलिणा भणियं	२१४	दत्तमिष्टं तपस्तप्तं	३२७
तुट्टइ आउय-सलिलं	४४	तो चरणगुणा सो	३३५	दप्पिट्टुदुट्टनिट्टुर	२८४
तुट्टंतसंधिबंधन	२८१	तो जाणेसु य एयं	२९१	दप्पियमहिंसासुर	१७८
तुट्टा सुरसिद्धगणा	३२५	तो ताणि परोप्पर-पाणि	७२	दरवियसिध वर	२६४
तुमए भणियं जइ कुणसि	९७	तो तीए तरलपम्हल	१९८	दरियमणहंजिय	१७७
तुम्हारिसा वि जइ	१७६	तो दुगुणिय सोयाणल	३१८	दरियमयंदरंजिय	१७७
तुरियतुरंगमसंचोइएण	३२४	तो डूरकय पणामा	७२	दरियारि खग्ग-दारिय	७७
तुल्लबलाणंताणं	३२४	तो भणइ पणयपुव्वं	९७	दग्गावहारजणियं	१९९
तुह दंसणसमुसुयाए	३१८	तो विसमकोवनिद्वय	२१२	दस चोदस पुव्वधरा	२७४
तुह पावपत्थणमिणं	२९६	तो हरिसियचित्ताए	९८	दसविह-धम्म-महाभरणु--	११५
तुह संगमरहियाए	२००	थणपाण कच्छाइं	५	दहइ जलदा देहं	११२
तुह सरिसो न हु	१४	थलकमलगलिय	२६५	दहिंवाहणकुलमंडणि	४९
तुह सुह-सुहिओ तुह	९७	^१ थाइणि वलवावरिसं	५६	दहिंवाहणस्स घरिणी	४९
ते चरणगुणा सो नाण	३३५	थूलगपाणवहस्सा	२४७	दाउं ओसहदाणं	५६
ते च्चैव करा धण्णा	१९५	थूलमुसावायस्स य	२४७	दाउं भिक्खामेत्तं	३०९
तेण इमं पियवयणं	३०५	थूलम्मि होइ पउरं	११४	दाऊण कंधराए गथा	९८
तेण भणियं सुणिज्जउ	३०६	थूलादत्तादाणे	२४७	दाऊण सिरेपायं	२८९
तेण वि तहेव भुत्तं	३०७	दंसणणाणचरित्तय	२९२	दाडिमकरुणयकोहल	२३२
तेण वि भणियं एरिस	२८०	दंसणभेतेण वि	१९९	दाणं निसंगतवं	३२६
तेण वि मुक्का उत्थल्ल	२९०	दंसेहि वयणकमलं	३४	दारिदं रक्खाकडगं	१३३
तेणाणंदिय-हियओ	९९	दक्खिणपवणपणोल्लिय	१९६	दारिदं दोहगं पिय-पुत्त	३२८
तेणाहडप्पओगं	२४७	दक्खिणहुत्तं गंतुं	३०६	दारिदं-मरुथ-मोग्गर	८
तेत्तीस-सागराइं	४४	दज्झइ पंचमवेगे	१६६	दारिद्वानुभावणेव	१३३
ते धण्णा अवरभुयंगमेहिं	२६६	^२ दट्ठुवट्टियं करवय	३२६	दालिइ परिभवो	२२०
ते धण्णा जाण कए	२६६	दट्ठूण किंसुयं	१९६	दासीकराओ गहिउं	३१३
ते धण्णा जे मयणाग्गि	२६६	दट्ठूण को वि कत्थ वि	११७	दाहिणकरकंपाविध	३२५
ते धण्णा ते सूरा	२७	दट्ठूण तयं कुट्ठो	३२२	दाहिणकरम्मि सेया	२७२
ते धण्णा वच्छलनिविड	२६६	दट्ठूण ताण समरं	३२५	दाहिणपवणपकंपिय	१९५
ते धण्णा सरसमुणाल	२६६	दट्ठूण दइयचरियं	२३९	दाहिणसंणि नरिदो	३२३
तेलोक्क जगडपुद्धर	३३९	दट्ठूण मुणी सबरो	३०८	दिट्ठं मोत्तुमदिट्ठं	१७१
तेलोक्क लगणकखंभ	३१५	दट्ठूण रयणिभोयण	३०९	दिट्ठे जम्मि न वियसइ	३१३
ते विरला सप्पुरिसा	१६	दढरोसकुक्सियस्स	३२४		
तेहिं सुरसण्णिहेहिं	२९०			२. संवे० ३७२	
तो असण-पाण-खाइम	४७	१. ब० क० ३९५९ ।		३. संवे० प० ५८९	
तो एयमिह पत्तयालं	८६	२. संवे० प० ५५९७		१. ब० क० ३८१९ ।	

दिट्टे तुमम्मि मज्झ	५३	दुराउ तीए दिट्टा	२८२	धण्णाउ कुट्टिमत्ते	५
दिट्टोसि एक्कसि कह वि	१९८	देइ सयलस्स जोण्हं	२३४	धण्णाओ ताओ महि	५
दिणु दुत्थिउ विहल	९२	देउलविहारराउल	३५	धण्णा कुणति दिसि	२८२
दिण्णाओ परियाणो वि	२१५	देवगुरु-धम्मतत्तं	२९	धण्णाण धणं तह	१३
दिण्णा संखेवेणं	३०८	देव-गुरु-धम्मतत्ते	२९	धण्णाण धरावलए	२०३
दिण्णासणे निसण्णो	३०६	देवगुरुण पणामं काऊण	१४१	धण्णाण वि धण्णाओ	५
दिब्बेसु उत्तमो लाभो	५६	देवगुरुपायसत्ता	३३९	धण्णा देति उ सुद्धं	३०
दिमि नियमे एस गुणो	२८२	देवनिरुवम-रूव-सोहम्म	९२	धण्णासि तुमं सामिणि	३१६
दीण कुहावर दुहिययण	३१५	देवाण वि दुल्लहमिणं	१३५	धण्णासि तुमं सुंदरि!	९०
दीणाण दुत्थियाणं	३१४	देवायत्ते कज्जे	२७९	धण्णा हू बालमुणिणो	१९३
दीयहि करि वि न	२२०	देवासुरतहिं सम्मिलिय	५२	धण्णाण मणो भवणे	२८३
दीवंतम्मि वासो	२७९	देवासुर-नर-किण्णर	१	धण्णो च्चिय पडिवज्जइ	३०१
दीसइ सुणिज्जइ वा	२८४	देवासुर नरलोयण	२९२	धण्णो भरह नरिंदो	११५
दीहरविलोलनयणा	१२३	देविद-कय-यसंसा	११५	धण्णो सलाहणिज्जो	१०७
दुईएण य धयदंढं	३२४	देसकुलजाइरूवो	२७३	" "	१३७
दुक्कर-त्तव-सुसिय	९६	देसावगासियं पुण	२४८	धण्णेसि तुमं सुपुरिस	१५१
दुक्खेण लब्भइ पियो	२७	देसावगासियमिणं	३००	धण्णो सो को वि ह्या	३१२
दुगुणाणिय नेह-भरो	९९	देसावगासियरया	३००	धम्म-सुवण्ण परिक्खा	२९
दुग्गइ गमणनिरुंभण	२९२	देहेवहीण नासो	२७४	धम्मद्वियाण धम्मं	२९
दुग्गओ त्ति काऊण	२२६	दो कणमाणे चोप्पड	२८७	धम्मम्मि होइ थिरया	२
दुद्ध मणवयणकाया	३२६	दो खंडिकय चंड	२९२	धम्माओ धनं विउलं	३०१
दुण्णि वि विसयासत्ता	१६२	दो जीहो कुडिलगई	१	धम्मिययणकयावास	२५३
दुण्हं परिकहियव्वा	२	दोण्हं पि पढम दंसण	७२	धम्मो च्चिय धणवुद्धी	१३७
दुण्हं वि बलाण पुणरवि	३२३	दो पक्खपाडणीओ	२४३	धम्मो धणं विउलं	१५८
दुईततुरयतरुणि व्व	२८१	दोसु पहेसु न गम्मइ	१७	धम्मो चित्तामणी लोए	२८९
दुईताइदियाजेण	२१६	दोसो अणत्थ-भवणं	३३२	धम्मो नराण माथा	४५
दुरंता वासणा लोए	९६	दोसो अनिब्बुइकरो	३३२	धम्मो परभवपहपत्थियाण	४६
दुविथइह विहिविहाणा	३१४	दोसो दहइ सरीरं	३३२	धम्मो माया पिया धम्मो	२८९
दुविहं खलु इह सल्लं	३३५	दोसेहिं चेव कलिओ	३३२	धम्मोवगरणवज्जो	३३७
दुविहं ति विहेणं	२८७	दृश्यं वस्तु परं न पश्यति	३३१	धरणिगयं चिय	२९४
दुव्वकुसदहिक्खा	३१३	धंघुक्कयम्मि नथरे	३३९	धवलगइंदा रूढो	१६
दूरद्विएण दिट्टा	५९	धणधण्णाइणो भोया	२१६	धवलेण तओ भणियं	३०४
दुरं वच्चइ पुरिसो	१६१	धणसयणा जीय	२८९	धाराकयंब उवचिर्मिलंत	२४३
१. संवे० ५९१/२. माथा स० पृ० ४१७ :		धणसु लुंभए लोओ	२९६		
३. संवे० ४३४।		१. वृ० क० २४१।		१. संवे० ५८९।	

श्रावण पवण समत्थो	१७३	न य मुणइ पमाइल्लो	२४८	नानाविह वइयरसंकाए	८७
धीरपुरिसपरिहाणि	३०४	न य विलविण सिज्झइ	३४	नामेण रुहदेवो	३०८
धी संसारसहाओ	२८३	नरत्ताह समलंकरेह	३२५	नायागयंसु विसुद्धसद्धा	१८९
धूलो धूसरियंगो	९	नरमहिसमेसगोवय	१७८	नाथागय फासुय	३०३
नइपूरसच्छहे जोव्वणम्मि	२०२	नर-रुहिर-वसा पूरिय	१३	नारी अयसनिवासो	१९१
नउलवराहाविहया	३०७	नररुहिर-वसा विलिहिय	१७८	नारय तिरय नरामर-	३२६
नंदंतु महाकडणो	१	नररुहिरविहियमंडल	१७८	नासिय तमंधयारो	३०४
न कुणइ पणइण पियं	११४	नरसीहनरिदेणं	२	नाह कहिज्जउ मज्झं	३०५
न कुलं न यावि सीलं	९१	नरसीह बीथ लंभो	१३९	निअनोइ गुणसमेया	२७१
“ “	१०	न लहइ गेहम्मि रई	८९	निग्गमे सोहणा वामा	८
नक्खसं सुमिणं जोगं	२३१	नलिणीदलपुडएणं	२१२	निज्जणिओ सो पावो	९८
न गणइ कुलाभिमाणं	१९१	नव सि कम्मस्स वि	२७३	निज्जिय विसयकसाओ	२९
न गणइ जाइ कुलाइं	१५०	नव धम्मस्स हि पाएण	६५	निज्जर तडेमु तरुणो	१९६
न गणति पुव्वनेहं	३०५	नव नव कुपलकिसलय	१९६	निट्टवियअट्टकम्मे	१
न गणेइ य सुयणत्तं	३३३	नवनिहिचोइस यण-	२८४	निट्ठावसणो जीवो	२६९
न नज्जइ रोक्षेण व	७२	नवभाग कए वत्थे	५६	निन्नेहेनेहाउलेण	६७
नच्चंति कबंधाइं	७७	नवमास कुच्छिधारी	१७४	निप्पिट्टपसिणवागरण	३०४
नच्चा मच्चु दुहत्थे	३२६	नवमे न याणइ किच्चि	१६६	निपक्खहं पडिवक्खु	६३
नट्टा वा भट्टा वा	८९	नवरि पियाइं चिय	३२४	निष्काइऊण सीसे	१७६
नउ पेक्खणथ सरिच्छं	२८९	नवसूअधेणया इव	८८	निम्भर जलइं सुपाणियइं	३१
न तहा दहइ सरीरं	८९	न विण। निग्गंथेहि	३०३	निम्मंसकवोला वि य	२७०
न तुमं जाणसि धम्मं	३०४	न विदिसं गच्छइ न अहो	१४८	निम्मलसरसकमल	३१३
नमिऊण नाहिकुलयर	१३१	न विलासा न पंडिच्चं	२०५	निम्मलि जिणवरधम्मि	२६६
नमिमो पारगघाणं	१५२	नह अत्थि विहुरदसणा	२७०	नियकज्ज-करण-निरया	९६
नमिरसुरविसरसिरमणि	२८४	नहघट्टा करपंडुरा	३०२	नियकत्तारं कोहो	३२९
नमिरामरमोलिकिरीड	१	नहयलपडंतअइरोइ	२८०	नियकम्मेहि वि निहयं	२१२
न य गज्जइ देइ जलं	३२५	नहंसेण विस्ससेणेहि	३०६	नियकुलकलंकजणयं	९०
न य घणसार-सहिय	३३	नाऊण किच्चि अणणस्स	२०६	निय गेहे गंतूण	३०७
न य जोइसं न गणियं	६५	नाऊण तुमं पंपापुरीए	२१४	निय जोण्हामयधारा	३०९
नयणमणानंदो सो	३१३	नाऊण निच्छयं तुह	९७	निय दोसा दोसमईए	१२४
नयणाण पडउ वज्जं	१९९	नाणेण सब्भवा	२७४	निय-नियघरेसु बहवे	२३
नयणाणि दहइ दिट्ठो	१५३	नातो भूयस्तमो धर्मः	३२७	निय निय देवयसरणं	२८१
नयणेहि सो य दिट्ठो	६८	नाण-दंसण-चरणेहि	६५	निय परिमलभरिय	२१
१. उत्त० नि० १२९ ।		नानाविहमंगलनिलय	३१५	निय भुयदंडोवज्जि	२४२
२. वज्जजा० पृ० ९४ ।		१. बृ० क० २८३१ ।		निय भूमिगाणुरूवं	३०३
				नियमविराहणजणियं	२८०

नियय दोस दोस त्ति	२६६	पउमदलाभा सुहमा	२७१	पणयामरसिर-मउड	९२
निर्याविट्टरे निसण्णो	३०९	पउमासणं विहेउं	११५	पण्णत्तीए भणियं	९८
नियसीलरक्खणट्टा	११८	पउरंपि ह्ठु सत्तुबलं	३२३	पत्तं पि अपत्तसमं	२
निरवच्चयाए जणियं	९८	पउरपडंतसत्तुमुंडावली	३२३	पत्तं पि पुण्णपब्भार	३३५
निरुवमरुइसोहागुण	८०	पंचण्हमंगुलीणं	२७१	पत्तसओ वि सहस्सं	३२९
निरुवमरुयविणिज्जिय	२९२	पंचत्तं संपत्ते	१८६	पत्ति सुपत्ति पयत्तसमु	५२
निरुवमसाहससोडिरयाए	१४	पज्जत्तं पट्टपरिदेवीएण	२०३	पत्तेय वणेहिलो	२८७
निवडइ परिणामोच्चिय	३३७	पज्जलंतोसहि	३०८	पत्तो निय आवासं	१५१
निवडंति करितुरंगे	३२३	पट्टणमाणुसधवलहर	३१	पत्थियं जइ मुहग्गेणं	३०७
निविडिज्जउ जलहि	३३४	पट्टिपएसपहया	३२३	पत्थियस्स पुरो साणा	३०७
निव्वरवराहघोणाभिघाय	१७७	पडंतसन्नरिदयं	७६	पत्थिवस्स समीवत्थो	३०७
निव्वविय धरावलओ	८८	पडिउवया रो धम्मो	६५	पयइए चैव तुच्छा	२२७
निव्वानमुवगयाइं	२	पडिभणइ विज्जुवेगो	३२५	पयपहरपहयभूमिभर	३२४
निसिभोयणम्मि दोसे	२५४	पडिभणिआ सा तुमए	९७	पयपाणं चूसिणं	२७२
निसियरभूयपिसाया	२५४	पडिभणिओ सो तुमए	९८	पयमक्खरं पि एक्कं पि	१४७
निसुयं पवयणसारं	९७	पडियसह हियय-	३४	परचक्क चंपकप्पणा	२८४
पनिससंक्रिय निवखंक्रिय	१४७	पडिवज्जिऊण एयं	९७	परचक्क-भीयजणसरण	११०
नीओ नहसरकमले	३२५	पडिवज्जिऊण मइमं	२४७	परदारपरिच्चाओ	२४७
नीससइ जया दीहं	३०७	पडिवज्जिऊण सव्वण्णु	२१६	परदाररयापुरिसा	२६८
नीसेस-जंतुसुहयं	४५	पडिवण्णमिणं वयणं	३२२	परदारविरइवज्जण	२६५
नीसेस भुवणभूसण	९९	पडिवण्णवयेणेवं	२४७	परदारिहिं दुहदारिहिं	२६६
नेऊण सज्ज-पव्वय	९७	पडिवण्णे होइं गुणो	२४८	परदोस-दंसणे वित्थरंति	१२४
नेग धुत्त सयाइण्णा	२०५	पडिवत्तीए णट्टो	१५०	परपरिवायं गिण्हइ	३३४
नेव्वानसुहसंसार		पडिवज्जिय सेलेसि	९९	परपरिवायपसत्तो	३३४
नेहभरनिभरए	९८	पढइ गुणइ तिच्चं	३३५	परपरिवायं मच्छर	३३३
नेहस्स विरोहिय संघि-	२८७	पढम पसूयं पि चउप्पयाइयं	३२८	परलोए नरयगइ	३००
नो कित्ती नो अत्या	३२७	पढमं तुमेहिं पत्तं	६९	परलोगसंक्रिएणं	१७७
नोरेका भववारिधौ	९९	पढमं मणोरमा कामा	५७	परलोयम्म नरामर	२९६
पइणो मणं जइ वसेइ	१२४	पढमवय-धारगो वि ह्ठु	९६	परलोयकए किस तव	१७१
पइ भत्तं सुविणीयं	१९३	पढमे न पढइ विज्जं	३६	परवसणहरिसियमणा	१७
पउणिज्जमाण बहुविह	३११	पढमे सोयइ वेगे	१६६	परहिदंनिरया गयराग	१४८
		पढहुं गुणहुं न कुसंगु	६३	परिकप्पिऊण एवं	८८
		पढिउं नाणं धरिऊण	३३०	परिग्गहपरिमाणरया	२७७
		पणइण कप्परुक्खो	४	परिणामसुहाइं	१९९
		पणट्टसीलसमायाराणं	३०२	परिणीया तत्थेव य	३०५

१. उत्त० २८/३१।

२. संवे० पृ० ४४०/२. बृ० क०

११६६/३. संवे० पृ ३७२।

परितुट्टो भणइ तओ	३२४
परिपक्कबिबोट्टु	३१२
परिपालिऊण विहिणा	३०९
परिपालियं च सीलं	९७
परिमिय-कालेण तओ	११३
परिवडियचरणधम्मो	१७६
परिसा वि तिविह भेया	४७
परिसुद्धकणिकका	३११
परिसुसिय-रुहिर-मंसा	४०
परिहरिऊण अधाडं	२५४
परिहरियजणणि-जणया	८७
परिहासेण कयं चिय	३४
पलियसिरगलिय	३०३
पवणपणोल्लियकल्लोल	२८१
पवणपहोलिरसिहरग्ग	३०३
पवणाहयधयवड वंचलम्मि	४६
पवणाहय-सलिल	३३७
१पवरपुरसरिस छण्णवई	२८४
पवरोवरगसणाहा	३०२
पवयणु पवहणु धम्मु	१७७
पव्वज्जं पडिवण्णो	९९
पव्वयणं च नरिदे	२७३
पव्वयसिहरसमुण्णय	२८०
पसरंतविमलकित्ति	३०५
पसरंतसुरहिमलया	१९५
पसरंत-सेय-संदोह	७७
पसरंते सरलसासा	२१४
पमुधम्मो वि न ताणं	२५४
पमुसाहारणा कामा	६६
पहपत्थियस्स सम्मुहा	८
पाइक्कचक्क पम्मुक	७६
पाएणव्वाहयं संतं	२०५
पाएह जया भूमी	३०६

१. संवे पृ० ५९० ।/बृ० क० ११५६ ।

१पार्णेहितो वि पियं	३२६
पार्णेहितो वि पिया	९७
पायडियनेहसन्भाव	१९८
पायाल-कण्णगा वा	३१२
पायारोवरिसंहिय	३२२
पावा पमायवसगा	४४
पासडियभोयासि	२८९
पासडेण निहओ इह	१७१
पाविति सुहसयाई	३२९
पास जिण्णिदह पयकमलु	३१५
पास जिणेसर लोयणई	३१५
पिउलच्छी जणणिसमा	१०८
पिण्णयथणवट्टुच्छलंत-	१२९
पिय पच्चूसह पावहर	२९१
पियमाइ-पुत्त-बुहिया	९६
पियविरहग्रह्यमोग्गर	२०१
पियविरहिय दइयाओ	८८
पियविरहो अप्पियदंसण	२४५
पियसहि का उण एसा	२१४
पियसहि ! पियं ति भण्णइ	८५
पिसुणसुणयाण दोण्हं	१
पुट्टा ताराए तओ	२१४
पुढविजल-जलण-माह्य	५७
पुण्णु न पाउ न जीवु	१०६
पुत्तपपोत्ताइणं	२८९
पुरवरपवरकवाड	२९२
पुराणं माणवो धम्मं:	१४७
पुरिसत्थेसु य पवरो	४७
पुरिसवसा परिपूरिय	१७८
पुरिसायावरिहद्धं	२२१
पुरिसेण पुरिसयारो	२१९
पुरिसेण माणघणवज्जिएण	१६५
पुरिसो ह्वसु इयाणि	१८६
पुव्वदिसा धुयलाभं	८

१. संवे पृ० ४३३ ।

पुव्वपुरिसज्जियाए	३६
पुव्व भवे हं कमला	२१४
पुव्वम्मि तडे जूयं	२९०
पुव्वापराविहद्धो	१२०
पुव्वायरियविणिम्मिय	२
पुव्वावरविहद्धो	२९
पुव्वावरेण संपिडियाए	३३९
पुव्विं भट्ट भणंतो मा	७०
पुहइए निक्कलंकं	१३५
पूयाए पूयणिज्जाण	२४२
पूयाभावाविमुद्धी	२४२
पेच्छइ अलद्धलक्खं	३१६
पेच्छमु मयच्छिपुर	२४३
पेसिया पत्थओ पहट्टं	७२
पेसुण्णं तिक्खतरं	३३३
फलपत्तकमलचंदण	२७२
फलमेयाए अणुसंमिय	१८३
१फलसंपत्तीए समोणयाई	१०४
फलिहमणिविहिय	३११
१फलोदएणं म्हि गिहं-	१४५
फासेसु य भद्दय	३३७
फुल्लतासोयकयंब	२६४
फुसण्णो पोग्गलो	१४८
फेक्कारिति सिवाओ	३२३
बंधइ नवं न कम्मं	९९
बंधवहच्छविच्छेयं	२४७
बंधुयणकुमुयवंदा	४
बहुजणधक्कारहया	१९२
बहुजोयणलक्खिल्ले	२९०
बहुयाओ सासुयाणं	४०
बहु-रयण-सिगियाकय	१३०
बहु लोएण वि निंदिय	५७
बहुविह कवडकुहेडय	९१
बहुविह लक्खणसय	३४

१. वज्जा० पृ० ३२ ।

२. आचा० नि० पृ० १७१ ।

बहुसंखखेडकब्बड २८४
 बहुसीससंपरिवुडो ९६
 बहुसुयं चित्तकह १७२
 बायालदोसरहिओ ३३७
 बद्धंतबहलकलयल ३२२
 बारस विहम्मि वि तवे २७४
 बालगाओ नहग्गं २७८
 बाला वि दुव्विणीया २१४
 बालेण वि एयस्स २१४
 बावीस सागराउ १५२
 बाहिं चउप्पयाइं ३०७
 बाहुबलिणा वि पत्तं ६९
 विवाहरोट्टतालू २७०
 बीया पंचमि एक्कारसीसु २८७
 बीयाबीए नाउं २५४
 बीयावसरम्मि पुणो २
 बुद्धिए पेह्णिऊणं २४७
 बुद्धीवलं अप्पबला १२०
 वेइंदियमाईणं २४७
 भगवइ एगा दुहिया २८३
 भग्गं निभग्गाए ३०८
 भज्जंति नियबलि ३२२
 भणइ कुंदु मयरंद २६६
 भण वच्छ कस्स रुट्ठी ३०५
 भणसु किं वत्थाहरण १५४
 भणसु सयमेव भयवं ३०८
 भणिओ खेयरकुमरो ९८
 भणिओ वारस भेओ २४९
 भणियं च तीए भयवं १५३
 भणियं च तेण भयवइ ९८
 भणियं जं भणियवं २४४
 भणियं च महिवइणा ७१
 भणियं पवत्तिणीए २८६
 भणियमिमाए अम्मो २१४

भणियं सीलवईए ८९
 भणिया य तेण सुंदरी ३०५
 भत्तिभरनिभराए ९८
 भइं जिणसासन-सायर ११५
 भइ ! दढं मह चित्तं १४८
 भइ भीमभवण्णवमयाण २८३
 भमिऊण मंडलाइं २१५
 भमिऊण मंडलाइं २१५
 भमिओ अनाइनिहणं ११५
 भमिरेहिं मह्यरेहिं १३६
 भयभीयमाणसाणं २१२
 भयभीया भूयगणा ३२४
 भयवं ! किमण्णजम्मे ९६
 भयवं नियम विसेसं ३०९
 भयवं ! सुरत्तरसंथुइय ! ७१
 भरहेण वि जं पत्तं ६९
 भरहेरवयविदेहेसु २९०
 भवजलहिमज्जावडिया २०३
 भवियकमलपडिबोहण २९३
 भवियजणकुमुय २८२
 भवियव्वयावसेणं २८३
 भाणु व्व विदेसगया १३६
 भावियजिणवयणाण २४१
 भिदेज्ज नाव मूठप्पा २१६
 भिक्खं भमंतेण कहि १४५
 भिक्खापविट्ठेण १४५
 भिज्जंत कुंभिकुंभयं ७६
 भीमभवभमणसंभंत १
 भीमे उत्तासणए ३२३
 भुंजामो भुंजामो त्ति २५४
 भुक्खा य होइ पउरा १३३
 भुयदंडप्फालियतीर- ८७
 भुवणच्छेरयभूयं ४
 भूरिभवसंचियाणं ६८८

भूसंधिय धणुहलभा १६३
 भूसणविघट्टणाणि २७९
 भोगंतरायकम्मेण ९९
 भोगविज्जिय फलरहिय २९५
 भो भो भव्वा निसुणह २६९
 भो भो भव्वा पेच्छह २१६
 भो भो सुणंतु सव्वे ३०४
 भोयणओ कम्मयओ २४८
 मंडलविरालक्खे २७१
 मंतंतर पारद्दाइं २८४
 मंति बहेरउ चोरु- ११६
 मंदरतुल्लावि नरा १६९
 मंदालोइय-कज्जे ९१
 मग्गपणट्ठे दट्ठूण ३०८
 मच्छंको सयभागी २७१
 मच्छरगहिओ पुरिसी ३३३
 मच्छाउ कच्छभेणं २९०
 मज्जाइ भेयभिण्णो ३३७
 मज्जं पि हिययवल्लह ८७
 मज्ज पुण अहण्णाए ५
 मज्जम्मि तस्स जगबंधव ११४
 मज्जिम अणामियाणं २७१
 मज्जिम पत्ताए वि हु २७१
 मणकरि पावह परम २६६
 मणपवणजवणचंचल २८४
 मणमंदिरमज्जगओ १४
 मण-वाया-कायाणं २४८
 मणिबंधआउरेहाण २७१
 मणिमंचयमारूढं ३१३
 मणुयत्तणाओ भट्टा ४४
 मणुयाउयं निबद्धं ३२
 मण्णे न किपि अण्णं २००
 मयकिच्चं काऊणं ३०५

१. उत्तं नि० १२५ ।

२. वू० क० ११६९ ।

१. आचा० नि० १७० ।

१. संवे० ५८१ । २. संवे० पू० ५०० ।

मयकिञ्चाणि करिस्ससि	२०३	१माणुस्सखित्तजाई	३	मोत्तुं जिणवदण-पूयण	९७
मयगलगज्जिरं	२९२	मा मा कुणह पमायं	२८०	मोत्तूण अद्वयंदं	३२४
मयघुम्मिर वामण-	१२९	मा मुणह एरिसच्चिय	१७६	मोत्तूण खत्तधम्मं	१८६
मयणमि तावतवियं	९७	माय भइणि सममण्णाहि	२६६	मोत्तूण जिणं मोत्तूण	१४९
मयणमहाभडमाहण्य	२५३	माया गुणहाणि करी	३३०	मोत्तूण नाह ! दुहियं	१९३
मयण-विहिणावरई	५९	माया बहुला अबला	९६	मोत्तूण सावराहे	२४७
मयणसरसिल्लग्रं	३१२	मा ह्यसु भइणि !	९८	मोत्तूण सीहनायं	३२४
मयरद्वय-वडिआओ	३	मारेइ पउर-जीवे	१०७	मोहघाण जियाणं	९६
मयवस निमीलियच्छो	३०८	मालाविहारम्मि मएज्ज	१४५	मोहमहल्लगिरिद	२९२
मया वग्घस्स भीएण	१७२	मा वच्चसु वीसंभं	११८	यथा मे न प्रियो मृत्युः	३२७
मया वि सरणत्थिणा	१७२	माहण अहं तुह दुक्ख	१३३	ये क्षान्तदान्ताः श्रुतिपूर्ण	१२६
मरइ कळंतकवलिहिं	२६६	मिउमंसल रुइरेणं	२७८	यो ददाति सहस्त्राणि	३२७
मरणरणंगणगणसंगमे	२८४	मिउमसिण-कुंचिय	५८	रइदप्पदलणेहिं	३१२
मरणे काऊण मणं	२४५	मिउमसिण कसिण	२७८	रइरमणभवणेण	३१२
मरणेण विणा सीलं	९८	मिगसिरमूसायाओ	२९४	रइरूवधारिणीओ	३
१मरसु इमम्मि भणिए	३२६	१मिच्छत्तस्स उवसमा	१४६	रंभायंभसुकुमल	२७८
मरिऊण मज्झिमगुणी	३०८	मिच्छादंसणसत्तलं	३३५	रक्खसभुत्तं भत्तं	२५४
मरिऊण विन्नमूले	३०८	मिच्छादंसणसल्लेण	३३५	रक्खिज्जंता वि दहं	१३२
मल्ल थ्व जुञ्जिऊणं	३२४	मिलंतपउरनाहलं	२३	रज्जंति नेव रामा	९६
महतामपि दानानां	३२७	मुक्कमओ वि बहुमओ	९६	रज्जवइ चक्कित्तं	३२९
महावाउ काउ पियजण	२६९	मुच्छानिम्मीलियच्छो	९८	रणरहसमुक्खहंता	३२४
महिला अलियकुल	१९१	मुणिमच्छरानलेणं	३०४	रणं पि इमं वसिमं	३१८
महिलासत्तापुरिसा	१९१	मुद्धोसि तुमं बालय	२६६	रणं पि वसिमतुल्लं	१५४
महिलासोयविरहिया	१९१	मुहमहुरा परिणइ	१९१	रणं पि हु वसिमसमं	२०
महिसासुरमारुढाए	१७८	मुहमहुरा परिणय	३०६	रणे सा वसिमे सा	१७
माइत्तम असच्चसं	३३३	मूढो निव्विण्णाणो	२०६	रत्तच्छो खरदसणो	१३
माइ-मरणदुहदुक्खिय	४९	मूलं विना न डालं	३०३	रत्तमालसियनियंसण	१४१
मासहकोसंबीया	२७४	मूले वत्थम्मि मुहं	२९४	रमणायत्तं सोक्खं	१५३
माणसेलमुसुमूरण	२९२	मूसगकरालवीभच्छ	२७१	रमणीय-रमणि-संगह	२९
माणमहागहगहिओ	३३०	३मेहुणपसंगसंजणिय	३२९	रमणीयरूवरमणी	३०५
माणुसजम्मो सावग-	३०४	मेहुणाण य संबद्धं	३०६	रम्मत्तणओ जीए	३०३
		मोक्खपसाहणहेऊ	४७	रम्मवरसिहरउज्जित	२६४
		मोढकुलं वर ससिणो	३३९	रयणगिरिसिहर	८०

१. आव० नि० ८३२ । २. प्रव०

१. संवे० ५० ५९८ । २. संवे० ५५९८ । १४५ । ३. संवे० ४५० ।

रयणीए तेण भणिओ
 रयणीए न भोत्तव्वं
 रयहरणपीढफलगेहिं
 रवमुहलपंजरद्विय
 रविसंगमसुहियाए
 रसएमु य भद्दय
 रामेण व दोसेण व
 रायदुहियाए भणियं
 रायहंसगयगामिणि
 राया नागरलोओ
 रिरिद्धिप्यबंधबंधुर
 रुद्धो रविकरपसरो
 रुवं अच्छीमु ठियं
 रुवं सुकुलुप्पती
 रुविण रइसम सूहव
 रुवेण वि संपण्णा
 रुवेसु वि भद्दय
 रे गुडह गयवारदे
 रे देव्व दुहिय दंसण
 रे देव्व ! सुहिय असहण
 रे परलोयपरम्मूह
 रे पावकम्म निग्घण
 रे बह्लो रे धावइ
 रे रणरहसविसज्जिय
 रे रे अविनयमदिर
 रे रे कयंतचोइय अज्ज
 रे रे कयंतचोइयकत्थ
 रे रे डिभ दुसिक्खिय
 रे लेह लेह धावह
 रे लेहह मारह समंतओ
 रेवइ नक्खत्तम्मि
 रेवइए बद्धं परमाणवं
 रोइ विरहीण दुक्खं
 रोयंतु नाम तं जण

३०५ रोसारुण-नयणिल्लो
 ३०९ रोसारुण नयणफुर
 ३०३ रोसेण पडिनिवेशेण
 २५२ रोहिणी पूसय अद्दा
 १५ रिलक्खणहीणो उवही
 ३३७ लच्छी करकमल विया
 २७४ लज्जाकुलाभिमाणो
 ३१३ 'लट्ठं' ति सुंदरं ति य
 ५९ लडह विलयावलोयण
 ३०७ लद्धउ माणुसु जम्मू
 २८४ लद्धं अलद्ध-पुव्वं
 ३२३ लद्धं गुरुम्मि पयडे
 ३१४ लद्धं जयं सत्तुबलं
 १३५ लद्धावसराए मए
 ४९ लद्धूण वि सामग्गी
 ५ लद्धे वि तम्मि दुलहे
 ३३७ लवलीलवंगचंदण
 ३२२ लहिरुण गणहरपयं
 १९३ लहिरुण तीए भावं
 ३१४ लहिरुण वि सामग्गिं
 ३०३ लहुयंति लहुं पुरिसं
 २४५ लायणसलीलपुण्णो
 १०९ लिहणलिहावणसोहण
 ३२४ लीलावलंतगीवा
 २१२ लोगग्गमुवगयाणं
 ३२३ लोमच्छेरयभूयं
 ७७ लोभे सब्ब विणासी
 २१२ लोयालोयदिवायर
 २८० लोयालोयपयासण
 २१२ " " "
 २९४ लोहदोसेण पउरं
 ५६ लोहमयच्चणयच्चव्वण
 ६८ लोहमहागहधत्थे
 ६८ वंसुप्पण्णाण गुणड्ढियाण

३२३ वग्गंत पाइवग्गं ७६
 ३०३ वग्गंति दो वि हक्कंति ३२५
 ३०४ वग्घभाएण पविट्ठो ४०
 २८४ वच्चंसि तुरिय-तुरियं ८८
 ५६ वच्चंतेसु दिणेषु ३०५
 २२६ वच्छे ! का तुह चिता २१५
 २८० वच्छे ! मिच्छत्ततममंधयार २९
 १४४ वज्जंत पवरत्तरयं ७६
 २९६ वज्जेज्जा मोहकरं २४८
 २६६ वट्टंते समरभरे ३२५
 १२० वत्तासु भायरो खलु २७१
 १८३ वत्थाहरण-विलेवण ७०
 ३२२ वत्थुसहावो एसो २५४
 २१४ वम्माए विहि अंगरूह ३१५
 ४ वयणस्स ससी दासो २८०
 ३२६ वयपडिक्खणेण इमे २४८
 ३०९ वयपरिपालण सोक्खु २६६
 १७६ वयपरिणय-त्तोय ३५
 ३१३ वयभंगकारियाए ३०९
 २९१ वयभंगं सोऊणं ३०७
 ३२५ वयभंगभीरुएणं २४७
 २७८ वयसमिइ कसायाणं २६९
 ३३९ वरकुसुमगंध तह १८३
 ३१२ वरतुरय संपउत्तं ३२३
 ११५ वरपउमरायकुंडल ३१३
 २७४ वरपट्ट दुऊलाणं ३११
 ३३१ वरं मओ वरं लद्धो २०५
 ३०७ वरमायाए बहूए २१५
 ३१५ वरमुत्तयंगच्छेदो ३३३
 २९२ वरमुहलहारा पंचविह २१५
 ३३१ वरमेकस्य सत्त्वस्य ३२७
 ३३७ वररयणरासि कलिए ८०
 २८१ वरवत्थविणिम्मविया ३११
 २२६ वरवत्थाहरणाइं दाऊण ९८
 वरवत्थाहरणेहिं ३२२

१. संवे० पृ० ५९१ ।

१ वृ० क० ३९५८ ।

वरविहवलोहवाणिय	२५३	विगलियविहवा	२२६	विस्सासिति परजणं	११८
वरि देसंतरु वरि मरणु	२२०	विगहाणं परिहारो	३३७	विहलं जो अवलंबइ	८८
वरि मरणं मा विरहो	२०१	विज्जापसाहणुज्जय	३०८	विहिपडिसेहाणुगयं	२९
वरि महिला मा पुरिसो	२८५	विज्जाहरो वि मग्गा-	९८	विहिय विविहोवयारं	१२०
वजु जीविउ जोव्वणु	२६६	वित्थडपाओ पुरिसो	२७०	विहियाणुत्ताणं पुण	१४६
वल्लिवियाण-मंडिय	१०९	वित्थरइ थरहरो धणहरस्स	८४	विहिवसविहडिय	२२०
ववसायफलं विहवो	१४७	विद्धम्मि परोहम्मि	११४	विहिहिविहिय-देवजत्ता	१२०
ववसायवज्जियं चयइ	१०८	विद्धस्स कंठगेण वि	३२६	विहेह नीर-संचयं	११०
ववसायवज्जियाणं	३६	विनएण पविसिऊणं	९६	वीभच्छत्त निमित्तं	३२८
वसणम्मि ऊसवम्मि य	२१९	विबुहुजणगरहणिज्जं	७८	वुड्डसहाओ तरुणत्तणे	२३८
वसणसमागमकाले	३१८	विमलकेवलदंस्सणालोय	९२	वूढो गणहरसदो	२७३
वसणम्मि समावडिए	२१९	वियरंत पवरगोरस	३११	वेइलपुप्फ सयवत्त	२६४
वसणावडिओ सुंदरि	३४	वियरंत रम्मरमणी	१९६	वेइल्लसारसत्तलि	२६४
वसियरणुच्चाडण	२८४	वियरसु विवरं रक्खेसु	२५९	वेयगसहिंयं एयं	१४६
वसुदेवो तरुणीयण	६९	वियलेइ कलाकुसलं	६७	वेसं पि रमेइ तरं	१५०
वहबंधणअभक्खाण	३३२	वियसियसियकमलायर	१६	वेसत्थियाओ आलत्तयं व	१५०
वहमाणवाहिणीसय	३०८	वियसियपडिपुण्ण	३०६	शादयं ह्रीमति गण्यते	३३१
वहिरुण तीय सत्थे	१७७	विरलंगुलिया पाययजणा	२७०	सइदंसण संजायाणुराय	२७९
वाजिवारण-लोहानां	१३५	विरला जाणति गुणा	१३३	सइ सयवत्तु न वियसिउ	१६३
वाढं वीहावणओ	३३३	विरलो सो को वि जणो	१५६	सइ सामत्थे सव्वायरेण	८१
वामदिसाए वामो	२७१	विरसाइं जाइं पमुहे	८५	सइ सामत्थे नियमा	५६
वामेण वि मह विहिणा	३१८	विरहे विसं व विसमा	२०२	संकप्पवसओ रम्मं	९६
वामे विहिम्मि संपइ	२००	विलसंति दिति भुजंति	१०७	संकप्पिय दोसवसा	४२
वायरण-छंद-निग्घंटु	३३८	विदणिपइट्टियमणि	२५२	संखुद्धा नागरया	३२२
वायवसागयवरगंध	१६	विवरीयविहिवसेणं	२६८	संगो अणगेण जिओ	९१
वायव्वे सुहवत्ता	८३	विहिवत्तवसुसियदेहा	२८२	संधइइ विहडियाणि	२०२
वारं वारं विगलइ	३१७	विहिवत्तवसोसियगे	१	संचारिमगिरिणो	३२२
वारिज्जंतो विरमसि	२७४	विहिहाहरणविलेवण	२४२	संजायगमणचित्तेण	३०७
वालणे न वहइ काओ	२८०	विसणा बाहू तह लोयणाइं	२७०	संतगुणन्तासणा खलु	३०४
वासारत्तनरसररज्जं	१६	विसमयरमडह-वच्छो	१२	संतापिनि संसारे	९६
वाहजलभरिय नयणो	३२५	विसमसरनिसियसर	२८०	संति जिणेसर संतिकर	२९३
विश्रगिरिसिहर	३२१	विसमो सत्तू थेवं	२०२	संति संपाइमा सत्ता	२५४
विगलिय धणा वि	२३४	विसयकसायविसंतुलिहि	३१५		
		विसरिस वज्जंताउज्जा	१७८		

१. वज्जा० पृ० ३२ । २. चउप०
पृ० ६८ । ३. संवे० पृ० ५९१ ।

१. गाथा स० ३/३५ ।

१. प्रवच० १६० ।
२. चउ० पृ० १२६ ।
३. प्रव० ९६२ ।

संतोस।भयतित्तो	२४८	सककसंथय पणय-सुर	९२	समयबहुतं सुत्तम्मि	१४८
संतोस।भयसित्तो	९६	सगुणजणपक्खवाओ	६९	समणमुणविउत्थजणो	२७४
संपइ कहा समप्पइ	३३८	^१ सग्गापवग्गमग्ग-	३२७	समसीलाओ समासुं	२७१
संपइ वयणपहाणो	८९	सच्चवरवयणमंत	३२७	समसुह-सुहिए समदुक्ख	८६
संपइ सुणारण्णे	२०७	सचित्तं पडिबद्धं	२४८	समसोक्खदुक्खपरि	२७७
संपत्त जोव्वणेण	३०८	सचित्ताचित्ताणं	२४८	समहियबलेण रिउणा	३२१
संपयगिरिगयवर	३३६	सचित्ते निकखेवं	२४९	समागओ सो उ सयम्मि	२७३
संपुण्णकोसडडेहिं	२१६	सच्चं गरुया गिरिणो	१०२	समिड गुत्ती अट्ट वि	३३७
संपुण्ण-लक्खण-धरो	९३	सच्चपइण्णो सरलो	९३	समत्तगुणविसुद्धा	१३७
संपुण्णं वज्जिय पुण्णिमाए	५४	सच्छंदवत्तिया जेहिं	६५	सम्मत्तपहावेणं	२४३
संबधिक्खग्गहियकर	३१९	सच्छंदवियरणं वज्जिऊण	१३५	^१ सम्मत्तमीसमिच्छत्त	१४६
संभासिऊण कोमल	९६	सजलघणगहिर	१९७	^३ सम्मत्तम्मि उवलद्धे	१४६
संभासिऊण कोमल	२८३	सजलघणतिमिर	१०५	सम्मदिट्ठि जीवो विमाण	१४६
संभासिओ कोमल	३०८	सज्झाओ कायव्वो	३३७	सम्माणिऊण तत्तो	३२५
संभिण्णसथलवेहो	३२४	^१ सज्जायं जाणंतो	२७४	सम्मापलिय पुहुत्ते	३०१
संरुद्धसलिलसेया	९९	सज्जायं नियमकरणं	५७	सयणकुडुंबिय कज्जे	३०१
संवच्छरस्स मज्झे	३२०	सन्नद्धबद्धकवया	३२२	सयणोहिं समं संगे	११५
संवडिडऊण दूरं	१३	सण्णाय पयापालण	४	सयभिसयासुं च भयं	२९४
संवेगसमावण्णेण	३०९	सत्तभवगहण्णाइं	७०	^३ सयमेव य अंब हे	१७४
संसारसंसरंताण	६५	सत्तभवलंबिऊण	३२५	सयमेवागम्मवरे	३०७
संसारजत्तहिं पारग्गयाण	१०४	सत्तुम्मि सभावडिए	३२१	सयलकलागमकुसलो	३०५
संसारतहम्मूलण	९६	सट्टाइसु विसएसुं	३३७	सयलकुसलेक्कमूलं	४४
संसारभजव्विग्गो	३०९	सट्टेसु य भइय	३३७	सयलगुणाणं मूलं	२५८
संसारम्मि अणते	२०३	^२ सप्पुरिसे च्चिय निवडेइ	२१९	सयलगुणालय सुपुरिस !	१९३
संसारम्मि अणते	३२६	सबरेण कयपणामो	३०८	सयलजणजणियरागं	३२९
संसारसरसरोरुह	३३९	^३ संभावनेहेभरिए	६७	सयलजणजणियहूरिस	२४३
संसारसरोवर-पावपंक	१३	समथावयवान् दृष्ट्वा	३२७	सयलजणनयणकडुयं	३०२
संसारसागरगया	१५६	समचित्ताए तुमाए	८६	सयलसत्थपडिसिद्धिहिं	२६६
संसारोडवि पिहु-पह	११५	^४ समणोसि संजयोसि	१७५	सयलाणत्थपरंपर	२४८
संसारोडवि मज्जे	४४			सरए महइहाणं	३३६
संसारोडवि मज्जे	३१५			सरणागयहं सरणसमागय	२९३
संसाररुक्ख-कुसुमं	९९			सरयपुण्णिमपुण्ण	९२
संसारे सयलरिद्धीणं	२१६				
सक्खं चिय पेक्खंता	११५				
सकडक्खपेहणं	२७९				

१. संवे० पृ० ४४० ।

१. बृ० क० ११६५ ।

२. चउ० पृ० ६८ ।

३. गाथा सं०पृ० ३१२ ।

४. उत्त० नि० १४१ ।

१. प्रवचन सा० ९४४ ।

२. उपदेशमाला पृ० ४९२ ।

३. उत्त० नि० १३६ ।

४. माथा० ३६८ ।

सरथम्मि सालिगोवाण	१६	सहसा ससहरकर	३०९	साहसममुंचमाणो	२१९
सरथ समुगयससहर	२६५	साइयमिदुभोज्जं	२९४	साहिति गख्यकज्जाइं	२२१
सरलोपियंबओ सज्जणो	३	सा किं जियइ ति	२६६	साहीण फलजलाणं	३०
सरसफलपुट्टुदप्पिट्टु	१७७	सा गुरु नियंबबरसोणि	१२३	साहीण वणफलाणं	३०८
सरसरस्स मुंचंति	२८०	सा चिय कणिट्टियाए	२७१	साहुगिहिभेयओ सो	५७
सरसाथरपियणं	२७२	सा चिय जइ अंगुट्ठं	२७१	साहुजणसंविभागो	३०९
सरसु वि भोयणु विरसु	३१९	साणंबदइयदिट्टि	२८६	साहुण संविभागं	३१०
सरहसय ससयमाहिस	१७७	साणस्स अंगधूणण	३०७	साहुण समाहाणं	८१
सरिऊण देसविरइ	११५	सा दिट्टुवरवाल	३१२	सिगारकहाकहणं	२७९
सरिमो सुयणाण सया	१	सा परमपयं सा मज्झ	१६३	सिगारकारणाइं	२४२
सरीरगुणसंगमो षे	१७५	सामण्णमणुचरंतस्स	२७४	सिखियव्वं मणुस्सेण	२७३
सर्वे वेदा न तत् कुर्युः	३२७	सामाइए पउसं	२९८	सिज्जंति सयल-	२७४
सर्वसत्त्वेषु यद्दानं	३२७	सामाइयम्मि उ कए	२९५	सिद्धायणेषु धम्मिय	१९६
सविलासा ससिणेहा	२७	सामाइयम्मि उ कए	२४८	सिरच्छेयम्मि य रज्जं	२७२
सविसाओ नरताहो	१०६	सामाइयस्स करणं	२४८	सिरिदत्त सोमसोमिल	१८३
सविसालसालकलियं	११३	साथरसम जच्चतुरंगमाण	७७	सिरिवद्धमाणसूरिहिं	२४३
सव्वं चिय सहियव्वं	९९	सारथससिधरधवले	१७६	सिरिविज्जुवेगनरवर	३२२
सव्वं पि तुह वयणं	९९	सारस ! धण्णोसि तुमं	१६	सिरिसूरतेय तणओ	३२४
सव्वं वयंति विउसा	९१	सारसुसुयंधनिम्मल	२३६	सिरिसूरतेयतणयं	३१३
सव्वम्मि चैव कज्जे	३०१	सा रायसुया मह सरण	२१२	सिरिसूरतेयनंदण	३१४
सव्वत्स वि संकिज्जइ	८४	सारीरमाणसाणेग	१७६	सिरिसूरसेणतणओ	३१४
सव्वारंभ परिग्गह	२७०	सा रीरमाणसेहिं	२८९	सिरि सूरसेणनिव	३२१
सव्वावत्थु सुहंकर	२०२	सालीण-सरल-पिय	४	सिरि सूरसेणसहियं	३२२
सव्वा वि हु जिण	२४२	सावगधम्मविहीए	२४८	सिरि सोमवंसभूसण	१३६
सव्वे वि कलाकुसला	३१३	सावज्जजोगवज्जण	३०६	सिरिहिरिलच्छी	३१३
सव्वे वि मरणधम्मा	०३	सावज्जजोगविरइं	३३७	सिसिरि सुयंधुतेल्लु	४१
सव्वो वि कलाकुसलो	२६३	सावज्जजोगविरया	१२०	सिहरग्ग-भग्ग-रवि	११३
ससमय परसमयविऊ	२७३	सावज्जजोगविरमण	३०३	सीयंत साहुवग्गस्स	६४
स सरीरो गयगव्वो	१९८	सा विडंबण कवण जु	४९	सीयंताण मुणीण	६४
ससिणेहमहुरमणहर	३०९	सा वि हु मं पेच्छंती	१७	सीयलपच्चसा	३०९
ससिसीहवग्गवयणा	२७०	सा वि हु मं पेच्छंती	१९८	सीयलवाइं वाजइं	४१
ससिसूरमुमिणपियणे	२७२	सासय-सिव-सुह-फलयं	११३	सीलं कुलं सहवाओ	८६
सहइ न कडुयं जंपइ	१४४	सा सूरसेण रणा	३२८	सीलं कुलुण्णइकरं	९९
सहसत्ति सम्मुहंति	२१४	साहम्मिय वच्छलं	१८०		
सहसा नहंगणाओ	२८१				

१. वृ० क० ४५८५ । २. वृ० क० २४४

१. दशवै० ति० ३०१ ।

२. आव० ति० ८० ।

१. वृ० क० ११६० ।

सीलं सोहगकरं	१००	सुरकयविट्टरसंठिय	२९२	सोऊण तीइ वयणं	९९
सीलवईए सीलं	९९	सुरगिरिगरुयपि	३३३	सोऊण तीय वयणं	३०७
सीलवई वि हु रण्णा	९९	सुरनमिय-पाय-यंकय	११३	सोऊण द्वय-वयणं	१२०
सीलवई साहसमल्ली	४७	सुवइ य अयगरभूओ	२६९	सोऊण भज्जवयणं	८६
सीलेण मह न कज्जं	६७	सुविसट्टकुसुमसोहंत	१९६	सोऊण मज्जवयणं	४६६
सीसा वि य तूरती	२७३	सुविसुद्धउभयपक्खेहि	१६	सोऊण वयणमेयं	३०९
सीसेहि तस्स एसा	३३९	सुविसुद्धसीलमणिरयण	२८२	सोऊण सबरवयणं	३२
सीहासणोवविट्ठं	११४	सुव्वइ तह णु भवियव्व	३३३	सोऊण सुयपुव्वाइं	२१४
सीहो तत्थ पविट्ठो	९१	सुव्वइय तीए जाया	३१८	साऊण सूरिवयणं	२७४
सुव्वंतसिवासद्वयं	७०	सुसिणिद्धकुडिलवहु	२७०	सोऊण सूरिवयणं	९९
सुइरं निरुविऊणं	२१४	सुसिलिठ्ठलट्टकट्टे हिं	३०२	सो को वि नत्थि देवो	७
सुंदर भीमभवणव	४५	सुहइ सुहइइ हणइ	३२३	सो को वि नत्थि भुवणे	४९
सुंदरि ! नीसेस पसिद्ध	९७	सुहय तुह वंसणेणं	२६५	सो को वि मिलइ सुंदरि	१३२
सुंदरि ! विज्जासिद्धो	९७	सुहभाहणमिह दुलहं	५७	सोतावसा समाओ	२९५
सुकुमालग भद्लया	२७३	सुहियं पि कुणइ दुहियं	२०२	सो को वि वरो होही	३४
सुकुलुग्गओ चिय	१३६	सुहिसंबधो बंधो	५७	सो धण्णो एत्थ जुआ	५९
सुकुलुग्गओ सुक्खो	१३३	सुमालसरलकोमल	१६०	सो धम्मो जत्थ दया	४६
सुकसोणियं संभूयं	३३१	सूरिजिणेसर सिरि	३३८	सो नत्थि तिहुयणे	२०३
सुनिऊण इमं धयणं	३०९	सूरिहिं वि सो भणिओ	२७४	सो नत्थि भडो सो नत्थि	३२३
सुणिऊण तीए वयणं	३०५	सेज्जं मयंति एगे	४५	सो पुण कहिओ नज्जइ	२
सुणिऊण वयणमेयं	३०६	सेज्जायरस्स एगट्टाणि	८१	सो पुण जिणिदवंदेहि	२१६
सुणिऊण सूरिवयणं	१४८	सेज्जूच्चारइणं	२४९	सो पुणो परिविखऊण	२१६
सुणिऊण सूरिवयणं	९९	सेयंवरसोहकरस्स	३३९	सो पुण माणुसजम्मं	२८९
सुण्णा भमंति करिणो	३२३	सो अत्थो जो हत्थे	२६८	सो पुरिसो जस्स करा	२२०
सुत्तत्थी-सीसा-सेविय	११५	सो आह न तुम्ह दोसो	३०५	सो पुरिसो सलहिज्जइ	२०
सुमरणमेत्तेण वि जुव	१६३	सो आह पिए दुक्खं	९७	सोम निरंजण कारुणिय	३१५
सुमरिज्जंता ऊसव	३१८	सोउं साहिकखेवं	३२४	सोयव्वं पुण पासे	२
सुयइ सुवंतस्स	२६९	सोउं सिक्खावयणं	२१२	सोरदुधरणिवररमणि	२६५
सुयण सजनघरं पविसंतो	१०१	सोऊण इमं राया	९६	सो वि न दिट्ठो जो	१०
सुयणसमागमजणिओ	३३३	सोऊण इमं वयणं	३०५	सो वि भणिऊण किं भीरु	९८
सुयणसुद्धसहावे	८८	सोऊण इमं वयणं	२७३	सो वि हु वियडविडंबिय	९८
सुयणा सामायंते	२३५	सोऊण इमं वयणं	७१	सो संगमयमहासुर	१
सुयरयणसायरारणं	१	सोऊण इमं वयणं	७०	सोहइ विलसिज्जंती	२०
सुयसलिला विहु	२८२	सोऊण जिणपडिकुट्टे	२८७	सोहगं दोहगं	३१५
		सोऊण तस्स वयणं	२८०		

१. वृ० क० ३७५ ।

२. वृ० क० ११५९ ।

१. वृ० क० ३३८७ ।

१. वृ० क० ३५२१ ।

सोहणमेयं ति पर्यपिऊण
 सो हारेइ काएण
 सोहिल्ल महासालं
 स्फुरन्माधावर्तः
 १हंतूण परप्पाणे
 हंसाइ पक्खिणो वि
 हंसेण समं रमिऊण
 हद्धि ! अविवेअविसेण
 हद्धि ! अहं अहण्णो
 हम्मउ गिरिसिरेणं
 हयमहिडसुहय
 हरिणो हरिहि करिणो
 हरिहरहरिणगम्भ
 हवइ पवेसे वामा
 हसह सरवइ तिण समउं
 हसिऊण तए भणियं
 हसिए रुइयं रुइए य
 हा ! अज्जउत्त ! हा अज्ज
 हा ! कत्थ गओ बालय

३२४
 २१६
 २५६
 ९६
 २५१
 २५४
 १९१
 ११५
 १५७
 ३३४
 ३२२
 ३२२
 १६३
 ८
 १९०
 ९७
 २७२
 ९७
 ३१४

हा ! कत्थ गया गुणवइ
 हा ! कनयकमल
 हा ! कहमणज्जकज्जं
 हा ! ताय अब हा
 हा ! ताय ताय हा
 हा ! तेयसार सारय !
 हा ! नाथ तुज्ज विरहे
 हा ! पाणपिए सुहए
 हा ! भयवइओ वनदेव ।
 हारे ते नेउरए य
 हारो दइइ सरीरं
 हा ! वल्लह हा सामिय
 हा ! विहि ह्यास ! निक्खिव
 हा सोमवंसमंडण
 हा हा ह्यास निग्घण
 हा हियय अब्बवत्थिय
 हा हा हियय वज्ज
 हा हियय कि किलम्मसि
 हा हियय कीस झूरसि
 हा हियय ! मइहसरिया

१६
 १९३
 २७३
 ९७
 २८०
 २०७
 १९३
 १६४
 ९७
 १७५
 ८९
 १९३
 २४
 ३१४
 २०३
 १६४
 २१४
 १६४
 २०१
 २८०

हा हियय लज्जावज्जिय
 हा हियय विरागिल्ले
 हा हियय ! हीण साहस
 हिउ बुब्बंतु न करहि
 हियय ! तए सच्चविओ
 हिययन्भंतरसंठिय
 हिययम्मि फुरइ सत्तं
 हिययाहितो कंठं
 हियायसत्तं खय पामोक्खं
 हुंठं सबलं सब्बण
 १हेउदाहरणा संभवे य
 हेम-धेनु-धरादीनां
 हो अब ! चंदकरसन्नि
 होऊण पुरो पभणइ
 होति जणगेज्जवयणा
 हो जिणिदमदिर चिता-
 होइ सुगंधो गंधो
 होसइ दुक्खुत्तारु
 होही सावक्क कओ

१६४
 १६४
 १६४
 २६७
 ६८
 २००
 ३२५
 ३२५
 ३२८
 ५६
 १४८
 ३२७
 ७०
 ३२३
 ३२९
 ८८
 १८९
 ३१५
 ९७

१. चउप० १४९ ।

१. प्रव० पृ० । २. संवे० ३७२ ।

शुद्धि-पत्रक

पृष्ठ	पंक्ति	अशुद्ध	शुद्ध	पृष्ठ	पंक्ति	अशुद्ध	शुद्ध
१	७	गरूय	गहय	१०	३२	एगागिणो	एगागिणा
१	२०	सिचतो	सिच्चतो	११	१२	मुष्णावणा	मुष्णावणा
२	१६	बंभंडोदर	बंभंडोदर	११	१८	दुहियाए	दुहियाए
३	१९	उदंड	उदंड	११	२०	मुष्णावण	मुष्णावण
३	२२	धरिणी	धरणी	११	३०	छम्मासे	छम्मासं
३	२५	पयडी दीसंत	पयडीदीसंत	१२	१६	से नरा	सो नरा
३	२८	यतीए	य तीए	१२	२३	घंटं तेण	घंटं पइ तेण
३	३०	भासणीओ	भासिणीओ	१२	२८	पवणोस्लिया	पवणपणोस्लिया
३	३२	मयरद्व	मयरद्वय	१३	३	अयगरुअ	अयगरकडिअ
३	३४	फुलिंग	फुलिंग	१३	७	पत्थिओ	पत्थिवो
४	७	गेहिणी	गेहिणी	१३	१५	खणमेह	खणमेत्त
४	९	भिष्ण	भिष्णं	१३	१७	संपुष्णयं	ते पुष्णयं
४	२४	मणुहवंती	मणुहवंती	१३	२०	जुज्जियं	जुज्जिअं
४	२४	अणायक्खणीय	अणाचिक्खणीय	१४	१८	महत्थणं	महपत्थणं
५	२३	जोयण	जोव्वण	१४	२०	मज्जभागो	यहाभागो
५	२६	सुमिरिय	सुमरिय	१४	३२	समागय	समागयं
५	२९	अणाओ	अण्णाओ	१४	३७	मासे	मासो
६	३	अहाण अ	आहाणअ	१६	१२	धणीयं	धणियं
६	२२	आहरिओ	अहरिओ	१६	१८	छत्तो	च्छत्तो
६	३०	तुम्हे	तुमं	१६	२२	नल्लिणि	नलिण
७	७	यजणो	य-जणो	१६	२४	एवं	एकं
७	२२	परिव्वसो	परवसो	१७	३	कहमि	कहेमि
७	३०	धरिणी	धरणी	१८	१०	धिई	धिइ
८	१७	पसुमुहं	पसुमुहो	१९	२५	ता भवे	ता अण्ण भवे
८	२०	दिण्णासणे	दिण्णासणो	२०	१९	पयमंयं	पयमेयं
८	२१	कियाणयं	कयाणयं	२०	२६	सासु	सासु
८	२९	वत्थगो	वत्थव्वो	२०	३१	गिरि	गिरी
९	३	परिहिणी	परिहीणी	२१	३	भूवण	भुवण
९	२५	न द्विया	न ठिया	२१	८	भूड	भूड
९	३४	वज्जभार	वज्जभार	२१	१४	थिरि	थिरी
१०	१	सारसुमेहि	सारकुसुमेहि	२२	१०	संठिय	संठिए
१०	१२	विनडियमिह	विनडिययमिह	२२	२०	गयणगग	गयणलगग
१०	१३	अहहय	अहह हय	२४	१८	गया दिंसि	गया दसोदिसि

पृष्ठ	पंक्ति	अशुद्ध	शुद्ध	पृष्ठ	पंक्ति	अशुद्ध	शुद्ध
२५	७	ठीए	तीए	५१	९	पर व्व सुदाण	परव्वसु दाण-
२५	१५	एगफल	किपागफल	५१	१९	कलिय ललिय सो	कलि । सोह-
२५	१८	ओहलिऊण	ओहलिहिऊण	५१	१९	अप्पाणि	अप्पणि
२५	२९	बहुपुण्ण	बहुपुण्णओ	५१	२४	जणे न-	जणेण न
२६	२	गहियाणी	गहियाणि	५२	२	यत्तरा	य त्तरा
२७	२५	तयाणुगा	तयाणुगाए	५३	७	अत्थिऊण	अच्छिऊण
२७	३४	अईरुढि मा	अईरुढ मा	५४	२१	परिणया	परिणीया
२७	३६	मम्मणु	मम्मणु	५९	१०	गिहिं मित्त मुद्ध	गिहिं मुद्ध
२८	२	मम्मणु	मम्मणु	६०	२३	परमत्थे	परमेत्थ
२८	१०	समवलोय	समबलाय	६१	१४	णीतला	णीतलं
२८	२२	पिचक्ख	पच्चक्ख	६१	१५	कणक व्व	कणक्क व्व
३१	८	साह्हि	साह्हि	६४	१६	वसतिदोणो	वसतिदाणो
३१	३५	देहिच्छाए	देहि सहिच्छाए	६७	३	अहरइ	अहरेइ
३२	८	सिमतओ	सीमतओ	६७	१०	माणस्स निव	माणस्स वि निव-
३२	३१	संतड्ढ	संतट्ट	६७	२७	हा ! कज्जं	हा ! अकज्जं
३३	१६	चलणामु	चलणोसु	६९	२९	इत्थीरुहि	इत्थीरुहि०
३३	१८	पविज्ज	पाविज्ज	६९	२९	महासिस्सा	महासिदाराव
३३	३२	नच्चियउं	नच्चियउं	६९	३३	णुस संसा	णुसमंसा
३३	३३	परिदिट्ठ	परिट्ठि	७२	१८	गुरुहा	गरुहा
३४	७	विरयकं	विरमसुक	७२	३०	चेव य पए	चेव सपए
३४	२२	समासती कया	समासत्तीकया	७३	१४	वाइणोसु	वायणोसु
३४	२७	सिया	सिय	७३	१४	ल गुहले	ल मुहले
३४	२८	इट्ठाहि	इट्ठाहि	७३	३६	तओ पेक्खिओ	तओ पक्खित्तो
३४	२८	पत्तिया	पत्तिय	७५	२२	लच्छि व्व	लच्छि य
३५	१७	कल्याण	करलाण	७६	१३	जलणीव	जलाणीव
३६	९	धम्मं तुरिये	धम्मं सो तुरिए	७६	१५	डक्का	डक्का
३८	३०	समं	सम्मं	७७	८	दुस्संभारो	दुस्संचारो
३८	२९	पओयणासु	पओयणेसु	८२	७	विरामो पे	विरामे पे
३९	१५	गया	गओ	८४	१८	नियर विराइयं	
४०	१०	परिलो०	परलो-			गहिऊण पुणमा-	
४०	१८	कह वि	कह कह वि			वडंतेण समंतओ	×
४०	३२	वयंसं	वयसं	८८	२	दइउ व्व	दइओ व्व
४३	२४	क्ककमउ	क्ककमउ	८८	२९	सुयण-सुद्ध	सुयणे सुद्ध
४४	२४	बंधणी	बंधणे	८९	६	लिज्जिइ	लिज्जइ
४४	२६	समुज्जेह	समुज्जह	८९	२१	उवरिज्जंतं	उवरिद्धंतं
४५	२६	खंडयाउरणा	खंडपाउरणा	९२	९	मयमयर	मय मयहर
५०	३५	निय-विय	निम्मविय	९३	७	वंगज्जसु	वंगसुइ

पृष्ठ	पंक्ति	अशुद्ध	शुद्ध	पृष्ठ	पंक्ति	अशुद्ध	शुद्ध
९३	४	पयट्टा	पयट्टा	१२२	१५	मच्छराए सा	मच्छरा एसा
९३	१९	पेवेसि	पेवेसि	१२२	२४	वाणमंतरीए	वाणमंतरी
९५	२४	उम्मुद्दिउमार	उम्मुद्दिउ वाहयमार	१२२	२१	काऊण राया बीय	काऊण बीय
९६	२५	नेवो रामारत्ता	नेव रामा रत्ता	१२३	३८	मुहुईदा	मुहुईदा
९७	१३	घरबासो	घरबासो	१२५	१७	अत्थिणो	अत्थत्थिणो
९८	१७	गयपोरुसा	गयपोरुसा	१२६	९	वावाडो	वावडो
९९	४	मणो	मणो	१२९	३७	—लंत[तार] वरहारं	—लंतवरहारं
१०१	३५	कित्तिमंतस्स	कित्तिमं तस्स	१३०	१४	पारडो	पारडा
१०२	१	सयाण	सया ण	१३०	१५	य खाणु	य रवाणु
१०४	२७	अवहिरियं	अवहरियं	१३०	२९	चिराये	चिराए
१०६	३०	जलपोट्ट	जलघोट्ट	१३१	२५	पूजय	जयसं
१०७	२१	सुच्चंति	सुच्चंति	१३१	३४	[पूय]	पुज्ज
१०८	४	फुसउ	फुसओ	१३१	२६	वणगहणघण—	घणघाइकम्मवणगहण
१०८	८	वसागएण	वसागएण	१३३	१३	—हवावाई भोइ	—हवी वएण जुत्तो
१०८	२१	वरइ	वरई	१३३	१३	कह दईओ	अइ दईओ
१०८	३५	व मुत्ति	व मुत्ति ति भ०	१३३	२२	भट्टो भणि—	भट्टेण भणि—
१०९	२१	दसो दिसं	दसो वि दिसं	१३५	९	विणीयत्तं	विणीय जुत्तं
११०	७	अनुकूल पयट्ट	गाथा है	१३५	९	पढमालवणगव्वो	पढमालावणमगव्वो
११०	८	पत्तो सत्थ	गाथा है	१३५	१६	ऊण कज्जं	ऊण सज्जं
१११	२	पउणा	पउणो	१३५	१६	तह वि	तह कहवि
१११	२४	एगम्मिथेरी	एगम्मि थे	१३६	२९	गाढं मंच	गाढं च
११२	९	न रइ	न य रइ	१४०	४	महत्तावत्ते	महंतावत्ते
११३	३३	चित्तलिहि	चित्तलिहि	१४१	१६	अत्थावज्जणा	अत्थोवज्जणा
११३	३२	सालिहजि	सालहजि	१४१	३३	पयणाविया	पउणाविया
११३	३६	फलयं वंसण	फलदंसणं	१४२	६	संचरेह	संवरहेह
११४	२	वत्थं	वच्छं	१४३	१५	उत्त	उत्तेण
११५	१०	विउडण	विहडण	१४४	४	गुणो	गुणा
११५	३०	पाए सुसंपा	पाएसु संपा	१४४	४	रुसंता	रुसंता
११६	२८	बहेरउ	बहिरउ	१४४	४	रुसइ	रुसइ
११६	३०	हुंतउ जु	हुंतउ वि जु	१४५	२७	सुक्को व दो	सुक्को य दो
११६	२९	निठ्ठुह	अइ निठ्ठुह	१४७	१६	पर विज्ज—	पर विज्ज—
११८	८	वच्च सुवी	वच्चसु वीसं	१४७	२६	वि घाओ	विघाओ
११८	८	मुद्ध	सुद्ध	१४८	२४	अइठड्डसं	अइठड्डसं
११८	३२	विसं वयं	विसवयं	१५१	४	अम्मोहि जं पणियव्वं	अम्मोहि जं पावियव्वं
१२०	८	निरुवमदम	निरुवसम	१५१	६	सव्वं वियंतए	सच्चवियं तए
१२०	२७	पम्हुसिया	पम्हुसिय	१५१	६	संविड्ढओ	संवड्ढओ
१२१	८	नियघरे	निययघरे	१५१	८	चंडियायणं	चंडियायणं
१२१	१४	खित्तं करिणं	खित्तकरणं	१५३	२	विहुरं व	विहुरं च

पृष्ठ	पंक्ति	अशुद्ध	शुद्ध	पृष्ठ	पंक्ति	अशुद्ध	शुद्ध
१५३	२८	परिणीया महं	परिणीयाहं	१७८	१७	पउहर	पओहर
१५४	१३	तव्विओउय	तव्विथोय	१७८	२०	विलत्ताणि	विलित्ताणि
१५७	४	पुण्णमा	पुण्णमा-	१७८	२२	नंदीणा	नंदिणा
१५६	१३	बुद्धरुई	बद्धरुई	१७८	२५	जेणम्हो	जेण
१५६	२९	कये	कए	१७९	१२	दरिय	दरिय
१५६	३४	विह लंघओ	विहलंघलाओ	१७९	१४	तह्विओ	तह्वि
१५६	३७	समुप्फुल्ल	समुप्फुल्ल	१७९	१४	परियजेण	परियणे
१५६	३८	केवली	केवलि	१७९	१७	उवाइउय	उवाइय
१५७	२	वि अभिग्ग०	विह अभि०	१७९	२४	मोहियमहियमाण	मोहमोहियमाण
१५८	४	पाऊय	पाउय	१७९	३४	होयव्वं जइ मह घरेण	×
१५९	६	विउससरणाए	विउ सरणाए	१८०	५	वंदाणि	वंदीणि
१५९	२३	समागया	समागए	१८०	१३	भेरव	भेरवि
१५९	२३	ठाणे निग्ग	ठाणे ठाणे निग्गं	१८०	१९	नंदिणो	नंदिणा
१५९	२७	गोगुले	गोउले	१८०	२१	सिद्धतो	सिद्धते
१६०	४	सूमाण	सूमाल	१८०	२९	विहायस	विहायमसं-
१६४	१३	आयासाएएहि	आयासयएहि	१८०	३१	-णा कत्तिणा	-णा कत्तिओ
१६५	२३	पिओ कुओ	पिओ त्ति कुओ	१८०	३१	सरयविलसंत	×
१६७	३	मोत्तण	मोत्तण	१८१	६	भणिओ संघो	भणित संघो
१६७	८	वेडिए	वेडियं	१८१	७	परिसासत्ती	परिस सत्ती
१६७	१७	मइरामयमत्तंचलं	मइरामत्तइवचंचलं	१८१	१३	उसह	ओसह
१६७	२४	रित्तीकयं	रित्तीकया	१८१	२१	पूइएह	पूएह
१६७	२६	सेहरो य	सेहरो य	१८१	२५	वि	विणा
१७०	२२	करेमु	करेसु	१८२	४	लियालोय-	लियाओ लो-
१७२	२६	समाए	समए	१८३	१७	जाइ जम्मो	जाई-जम्म
१७२	९	सरत्थिणा	सरणत्थिणा	१८३	३०	वासरो	वासरा
१७३	१७	त्थणा भय	त्थणा कया भय	१८४	८	चितियमेत्तो	चितियमेत्ते
१७५	१२	चारुवाणह	चारुवाणह	१८४	३६	कुडिगि	कुडिगि
१७६	२	संबुद्धउ	संबुद्धउ	१८५	३६	-सहि	सहिनाय-
१७६	२	जाणइ जारि	जाणइ य जारि	१८५	३७	तम्मिय खल...	गद्य है
१७६	१४	पउम	पढम	१८६	४	निसियासि...	गाथा है
१७६	४	गणेणं	गुणेणं	१८८	१०	सव्वं	सव्वं
१७६	२०	धवलो	धवले	१८९	७	जणे	जणेहि
१७७	२०	गेयगज्जिर	गयगज्जिर	१८९	१९	जइ	जह
१७७	२१	दरियमणहह	दरियमयंदहं	१८९	२८	अहिमाण	अहिमाणा
१७७	८	ऊणप्पयारं	ऊण अणेगप्पयारं	१९०	९	सइं	मयइं
१७७	१४	पययपंकय	पयपंकय	१९०	२१	लुद्धरणेण	लुद्धरणे
१७७	२०	गेय गज्जिर	गयगज्जिर	१९१	९	बुल्लए	चुल्लय
१७८	१६	गललंबिर	गललंबिर	१९१	११	पुंडिय	पुंडिय

पृष्ठ	पंक्ति	अशुद्ध	शुद्ध	पृष्ठ	पंक्ति	अशुद्ध	शुद्ध
१९१	१८	अलीकुल	अलिकुल	२३४	३०	जिहृष्ण	जहृष्ण
१९४	१६	सिद्धं	सिद्धि	२३५	३	दसाविभागो	दसाविधागो
१९४	३२	अकथकज्ज	अकथकज्जो	२३७	४	वि वहो	विविहो
१९५	२५	दिट्ठो	दिट्ठा	२३७	८	सद्धम सद्धं	सद्धम सद्धं
१९६	१८	कविज्जंताणं	कविज्जंताणि	२३७	३३	समुल्ल लसंत	समुल्लसंत
१९६	१८	वज्ज जिण	जिण	२३८	५	सारहो	सारहि
१९७	१०	किलियं	किलयं	२३८	६	वयणो	वयणे
१९८	२५	लोयण लोयणा	लोयलोयणा	२३९	९	भणिया	भणिओ
१९८	२६	संकुलो	संकुले	२४२	७	निरंभिकण	निरंभिकण
१९८	२७	दिट्ठा	दिट्ठी	२४३	१०	पओ हरिय-	पओहर परिहरिय-
१९९	१३	वोलीणो	वोलीणे			कंबुया	कंबुया
२००	३	होह	होहि	२४३	१२	कप्पं	वप्पं
२००	१०	गुर्यणो	गुर्यणा	२४३	१८	असमुह्लु	ससह्लु
२०२	५	बाह्विल	बाह्विल	२४९	१	पठमा	पठमा
२०२	२०	भंगुरिन्	भंगुरिम	२५०	२	कुंडे	कुंडे
२०३	१९	लोयणो	लोयणे	२५१	११	वकुल	बाकुल
२०४	१०	सत्तगरं	स नगरे	२५२	७	पत्तो	एत्तो
२०६	६	तुरिय	तुरिय	२५२	२०	पत्तावयरेण	पत्तावसरेण
२०७	२६	न निक्कारण	गद्य है	२५२	२७	पालितो	पालिअओ
२०९	५	पवनससि	वयणससि	२५२	३१	गण	गय
२०९	१२	वल्लोइऊण	वल्लोइऊण	२५३	४	पायडिय	पयडिय
२०९	३३	कण्णगा बलि	कण्णगाबलि	२५४	४	कंकुडए	कंकुडए
२१०	२३	वलइयासुर	वलइयासुर	२५४	४	पइय	पइइ
२११	८	समरवूरा	समरतूरा	२५४	९	सयणो	सयोणो
२११	८	मुक्कागि	मुक्कागि	२५४	१३	संपाइया	संपाइमा
२११	१२	सिरि	सिर	२५४	२३	पडिवण्णं	पडिवण्णा
२१२	२	सरीरो	सरीरे	२५५	३८	मूलालिय	धूलालिय
२१२	५	तं जयइ	जइ	२५७	४	भतुयचंद	भणुयचंद
२१२	५	पज्जंतं	पज्जतं	२५७	४	घुण घणिय	घण भणिय
२१३	२३	महमेगा	अहमेगा	२६०	२२	लोयलोयणो	लोललोयणो
२१३	२९	दठ धम्मो	दठधम्मो	२६१	६	हिट्ठणं	हिट्ठणं
२१४	१७	निउ	निउण	२६२	२७	वियतेहि	वयतेहि
२१४	२	उवसिप्पि	उवसिप्पि	२६२	३१	पट्टणो	पट्टणे
२१५	१९	तरणि	तरणि	२६३	२७	रमणोहरण	रमणाहरण
२२९	२६	कत्थविद्य	कत्थविद्य	२६४	३	सरिज्जमाण	सेविज्जमाण
२३०	१७	परणई	परिणई	२६४	६	वप्पीय	वप्पीह
२३४	२	मेयं संति	मेयं एय संति	२६४	७	खेयमुज्जाण	खेयउज्जाण
२३४	३	विम्हय	विम्हिय	२६४	११	दिबह	टिबह

पृष्ठ	पंक्ति	अशुद्ध	शुद्ध	पृष्ठ	पंक्ति	अशुद्ध	शुद्ध
२६४	१६	करमज्जा	करयेज्जा	२७५	४	तह य	तहा य
२६४	२५	रेखयमुज्जाण	रेवयउज्जाण	२७७	२४	सिरोसहंत	सिरोपमलंत
२६५	३	रुदंत	रुदंत	२७८	२८	सलील	सलिल
२६५	४	रिदुभ-उत्त	रिदुभउत्त	२७९	३	मयणियाए	कण्णयाए
२६५	५	कूडव	कुडय	२७९	४	केरिसो ते	केरिसा ते
२६५	८	बोरच्छप	बोरप	२७९	८	य/एयाणि मय	य/मय०
२६५	९	खवण्णो	रवण्णो	२७९	२९	सुंदरी	सुंदरी
२६५	११	गंधुद्धरो	गंधुद्धरो	२८०	८	डज्जिहसि	डज्जिहिसि
२६५	१२	पज्जलंत	पज्जलंत	२८०	२६	एरिसठाणे	एरिसठाणे
२६५	२१	मुणियमणय वि.	मुणियवि०	२८०	३१	विडंबिय	वियंबिय
२६५	३०	नियवयणं	नियधवयणं	२८०	३४	संखुद्धो	संखुद्धो
२६५	२५	सुण्णा	सुण्ण	२८१	९	रुयई व्व	रुयइ व्व
२६६	५	ह्यंति	हयंति	२८१	१५	गिरि	गिरी
२६६	६	जाणुत्तंग	जाणुत्तुंग	२८१	२४	संपत्ताए	संपत्तीए
२६६	७	उत्थल्लचलण	उत्थल्ल वलण	२८१	२४	अदिदु	दिदु
२६६	१०	सा किं	सो किं	२८३	११	अइगरुयरो	अइगरुयर
२६६	१५	कप्पणि समा[...].सरि	कप्पणि [कप्पिज्ज] समा सरिसु	२८३	२९	कीलाणयं	कीलणयं
२६६	३०	धण/न रणि वि	धण/वि	२८८	१३	कहाल	काहला
२६६	३०	कम्मु स सुपु०	कम्मु सुपुरि०	२८८	१५	पडियक्खल	पडियखल
२६६	३१	वि स नित्थर०	वि नित्थर	२८८	२५	वय काय	वयणकाय
२६६	३३	दोस कम्मइ	दो कम्मइ	२८८	२५	जे पुण्ण	जे पुण
२६७	२	दुत्तरि नरह तमंध०	दुत्तरि [तमंध०	२८९	१०	विठ्ठिक्खज्जउ	विठ्ठिक्खज्जउ
२६८	६	परिग्ग परि०	परिग्गह परि०	२८९	१९	जेत्तिमेत्तं	जेत्तिमेत्तं
२६८	२०	वग्घी अप्पो	वग्घी वप्पो	२८९	३३	समुप्पइलो	समुप्पइओ
२६९	४	गया/संसार	गया/किया संसार	२९३	२	तारिदेव	तारि देव
२६९	१२	नर दारारणं	परदारारणं	२९३	२	सइंदय	सइं दय
२६९	१६	पि जीणंताणं	पि जाणंताणं	२९३	१७	हट्ठसरीराया	हट्ठ सरीरया
२६९	३५	याणइ	याणई	२९३	२९	मारिए जागो	मारिएहिं जागो
२७०	४	सयलपुरिसाए	सयलपरिसाए	२९३	३६	रयणी[ए] कय	रयणीकय
२७०	२४	अत्थि विहरं	अत्थि चिहरं	२९५	२९	अपत्तियं	अप्पत्तियं
२७१	९	संखित्तेयर वर	संखित्तेयर कर	२९५	३१	"	"
२७३	३	धिई	धिइ	२९७	९	निव्वेया	निव्विया
२७३	७	सुत्तथ	सुत्तथ	२९७	२३	परिवत्तो	परिचत्तो
२७४	३	आयहियं	अहियं	२९७	२४	अच्चुककडयाए	अच्चुकडयाए
२७४	२०	मूढी	मूढो	२९७	३१	दंडत्तणं	रंडत्तणं
२७५	३	णियाणं आय०	णियाणं जो आय०	२९७	३३	भणयं	भणियं
२७५	५	सोगमग्गो	सो न सोग्गमग्गो	२९७	३३	भत्ती	भत्ता
				२९८	८	पउसं	पओसं

पृष्ठ	पंक्ति	अशुद्ध	शुद्ध	पृष्ठ	पंक्ति	अशुद्ध	शुद्ध
२९८	१५	अप्पणो	अप्पणो	३१३	२३	दुब्ब	दुब्बा
३००	४	दुज्जया	दुज्जयायाए	३३१	२५	तम्मिसा	तमिस्ता
३००	५	लोइ[उ]कज्जा	लोइऊण	३१३	२६	तणया	तणया
३००	३२	सोगइ	सोगइ		२१	[सिद्ध-]	मज्झ
३००	३६	हारपुरिव	हारपरिव	३१५	२८	पासत्थ ति(?)	पास सत्थ ते
३०१	७	जुवमणा	जुवणा	३१५	३१	पसण्ण	पसण्णउ जा०
३०१	७	मंदिर पर[म]मज्झ	मंदिरवरमज्झ	३१५	३२	तेहि	तिहि
३०१	२७	कडुंब	कुडुंब	३१५	३६	दुम्बुत्तारु	दुम्बुत्तारु
३०१	३६	पच्छाणलग्गे	पच्छाणुलग्गे	३१७	२३	ताओ वो	ताओ वो-
३०२	२४	धण्णणेण	धण्णेण	३१७	२५	साहिरवेव	साहिनखेव
३०४	३५	तओ य भवेसु	दोसु वि भवेसु	३१७	२७	माउहणं	माओहणं
३०५	२२	परेसि (?)	परेहि	३१७	२८	रायं गय	राएण गय
३०५	३४	विस्ससेणेण	विस्ससेणाण	३१८	१२	दसंतर	देसंतर
३०६	३	वसमुल्ल	वमुल्लसि०	३१८	१५	कुसग्गा	कुमुग्गा
३०६	६	दुल्लहो	दुलहो	३१९	६	मयहर	मयरहर
३०६	७	भावइदि	भावो इदि	३१९	१४	पह प०	पडह प०
३०६	२०	विज्जुय	विज्जुय	३१९	३७	दंसणु	दंसण
३०६	२५	जूयघरि	जूयघरि	३२०	१६	उब्बुड	उब्बुडु
३०८	५	कंत	कंता	३२१	८	फरुसमणंतेण	फरुसं भणंतेण
३०९	२	न पियइ	न च पियइ	३२१	११	सवणं संजाय	सवणसंजाय
३०९	७	लत्तणम्मुवेइ	लत्तण मुवेइ	३२१	१४	उम्मीलितो	उम्मूलितो
३०९	१६	सोत्तुं	सोत्तुं	३२१	२०	विज्जयगिरि	विज्जगिरि
३०९	२१	मलुग्घवि०	मलग्घवि०	३२१	२०	मयभिगल	मयभिभल
३०९	२२	वावारे पव०	वावारे य पव०	३२१	२१	चक्कयवेडो	चक्क कय वेडो
३१०	८	पडिवतीए	पडिवत्तीए	३२२	४	बहुपयाराणि	बहुपयाराणि
३१०	१४	प्पह०	प्पहा०	३२२	२४	खणाऊण	खणिऊण
३१०	१७	तइय	तइओ	३२२	२९	धावह	धाह
३१०	१९	पवक्खामो	पवक्खामो	३२३	३	गुडरह समहु	गुड रहुसमुहु
३१२	२२	सारा	सरो	३२३	१७	दट्टोदु	दट्ट ओदु
३१२	२२	सत्तो धावइ	सत्तो पुरओ धावइ	३२४	१३	विद्धरइ	विरइ
३१२	२४	सई व्व	सइ व	३२४	३२	चेयणाण	चेयणा ण
३१२	३४	इमो	इमे	३२८	३३	मेइलिस्सइ	मइलिस्सइ
३१३	७	कुणइ तत्थ	कुणइ न तत्थ	३२८	३६	हिययसत्तं	हियसत्तं
३१३	१०	पइ परितेय	पच्चेय	३२९	१३	संकइयाणं	संकइजणाणं
३१३	१३	वरच्छंदं	वरक्खण्णे	३२९	२५	च्छा[व]दसणे	च्छा दसणे
३१३	१६	पुडरियं	पुडरीयं	३२९	३१	वेरि	वेरी
३१३	२२	कराओ	कराउ	३३०	१२	कज्जं अत्थि	कज्जं कज्जं जइ अत्थि

पृष्ठ	पंक्ति	अशुद्ध	शुद्ध	पृष्ठ	पंक्ति	अशुद्ध	शुद्ध
३३०	२९	न साइं	न सीयं	३३३	६	तत्थेव्व	तत्थेव
३३१	३	खिज्जउ	खिज्जऊण	३३३	८	जम्मम्मि	जम्मे
३३१	९	इच्छइ	इच्छह	३३३	१०	इच्छइ	इच्छह
३३१	१०	(पावट्टा) णाणं	पावट्टाणाणं	३३३	१०	अरइ चो	अरइरइचो
३३१	११	रिणी पक्काहे	रिणीपक्काहे	३३३	११	विनट्ट	विनट्ठे
३३१	११	संसारा मस्स	संसारा मस्स	३३३	१४	निस्सारेइ	निस्सारे पा
३३१	२५	असुइ कलमल	असुइमल	३३३	२३	मअसच्चत्त	मसच्चत्त
३३१	३४	परवसणेणं	परवसेण	३३३	२५	पण्णारस	पण्णारसं
३३१	३५	व गविंत्ति ति	वगविंत्ति	३३३	३५	तह य	तह तह य
३३२	२	दुर्जननांकिंतः	दुर्जनैनांकिंतः	३३४	२०	चित्तो	चित्ते
३३२	२	वक्तय्यं	वक्तव्य	३३५	२०	समत्त	संमत्त
३३२	११	लस व्व सरी	लसव्व सरीरचे	३३५	२४	मह मोह	महामोह
३३२	१३	भूयाणं	भूयाणं	३३५	२६	सत्त्व मत्त्व मत्त्वीण	सत्त्वमत्त्वीणं
३३२	१४	कहले	कलहे	३३६	१३	सविहं भमि	सविहं भममा
३३२	१७	अत्थक्खय	अत्थ खय	३३७	३४	निसिय	अइ निसिय
३३२	१९	हा ओ मित्तचित्त	हा ओ चित्तभे	३३९	१३	धरे धरिणी	धरेसा धरिणी
३३३	६	मसत्तो	मसत्थो				
३३३	६	चिक्खल्ल	चिक्खल्ल				

